

# রবীন্দ্র রচনাবলী

পঞ্চম খণ্ড

শ্রী ব্রজেন চন্দ্র



श्री १०८ श्रीगणेशाय नमः

# ରବୀନ୍ଦ୍ର-ରଚନାବଳୀ

ପଞ୍ଚମ ଖଣ୍ଡ

ନାଟକ

ଶ୍ରୀ ବିବାହମାହାତ୍ମ୍ୟ



सत्यमेव जयते

ପଶ୍ଚିମବଙ୍ଗ ସରକାର

প্রকাশ গ্রাবণ ১০৯১  
জুলাই ১৯৮৪

সম্পাদকমণ্ডলী

শ্রীপ্রভাতকুমার মন্থোপাধ্যায়  
সভাপতি

শ্রীপ্রবোধচন্দ্র সেন

শ্রীক্ষুদিরাম দাশ

শ্রীভবতোষ দত্ত

শ্রীঅরুণকুমার মন্থোপাধ্যায়

শ্রীপুলিনবিহারী সেন

শ্রীভূদেব চৌধুরী

শ্রীনেপাল মজুমদার

শ্রীজগদিন্দ্র ভৌমিক

শ্রীশুভেন্দ্রশেখর মন্থোপাধ্যায়  
সচিব

প্রকাশক

শিক্ষাসচিব। পশ্চিমবঙ্গ সরকার  
মহাকরণ। কলিকাতা ৭০০ ০০১

মুদ্রাকর

শ্রীসরস্বতী প্রেস লিমিটেড

• (পশ্চিমবঙ্গ সরকারের পরিচালনাধীন)

৩২ আচার্য প্রফুল্লচন্দ্র রোড। কলিকাতা ৭০০ ০০৯



## সূচীপত্র

নিবেদন


[ ৭ ]

বাল্মীকিপ্রতিভা	১
প্রকৃতির প্রতিশোধ	১৯
মায়ার খেলা	৫৭
রাজা ও রানী	৮৩
বিসর্জন	১৬৯
চিহ্নাঙ্গদা	২৩৭
গোড়ায় গলদ	২৭৩
বিদায়-অভিশাপ	৩২৭
মালিনী	৩৩৯
বৈকুণ্ঠের খাতা	৩৭৩
কাহিনী	৩৯৯
হাস্যকৌতুক	৪৬৫
ব্যঙ্গকৌতুক	৫১৭
শারদোৎসব	৫৫৫
মুকুট	৫৮৩
প্রায়শ্চিত্ত	৬০৫
রাজা	৬৬৩
ডাকঘর	৭১৭
অচলায়তন	৭৩৭
ফাল্গুনী	৭৮৯
মুক্তধারা	৮৩৫
বসন্ত	৮৭৫
গৃহপ্রবেশ	৮৯৩
শিরোনাম-সূচী	৯২৫
প্রথম ছত্রের সূচী	৯২৭

## কৃতজ্ঞতাস্বীকার

বিশ্বভারতী  
রবীন্দ্রভবন, কলাভবন। শান্তিনিকেতন  
বিশ্বভারতী গ্রন্থনবিভাগ  
রবীন্দ্র-ভারতী-সমিতি  
শ্রীবিশ্বরূপ বসু  
শ্রীশোভনলাল গঙ্গোপাধ্যায়


রচনাবলীর বর্তমান খণ্ড সম্পাদনাকার্যে সম্পাদকমণ্ডলীর সহায়কবর্গের  
নিষ্ঠা বিশেষভাবে উল্লেখযোগ্য। প্রকাশ-ব্যাপারে পশ্চিমবঙ্গ সরকারের  
ও মদ্রুণকার্যে শ্রীসরস্বতী প্রেস লিমিটেডের কর্মীগণ সহযোগিতা ও  
বিশেষ শ্রমস্বীকার করেছেন। সম্পাদনা, মদ্রুণ সৌষ্ঠব, বিশেষত চিত্র  
নির্বাচন ইত্যাদি ব্যাপারে যাদের মূল্যবান পরামর্শ ও নির্দেশ পাওয়া  
গিয়েছে তাঁদের কাছেও বিশেষভাবে কৃতজ্ঞ।



# বাল্মীকিপ্রতিভা

প্রকাশ : ১৮৮১

শ্বিতীয় সংস্করণে (১৮৮৬) ‘অনেকগদলি গান পরিবর্তিত আকারে  
অথবা বিশুদ্ধ আকারে কালমুগয়া গীতিনাট্য হইতে গৃহীত।...  
সামান্য আরো দ্ব-একটি পরিবর্তন ব্যতীত, বর্তমান মদ্রণ শ্বিতীয়  
সংস্করণের অন্তর্ভুক্ত।’



## সূচনা

বাল্মীকিপ্রতিভায় একটি নাট্যকথাকে গানের সূত্র দিয়ে গাঁথা হয়েছিল, মায়ার খেলায় গানগদ্যলিকে গাঁথা হয়েছিল নাট্যসূত্রে। একটা সময় এসেছিল যখন আমার গীতি-কাব্যিক মনোবৃত্তির ফাঁকের মধ্যে মধ্যে নাট্যের ঊর্ধ্বকণ্ঠিক চলছিল। তখন সংসারের দেউড়ি পার হয়ে সবে ভিতর-মহলে পা দিয়েছি; মানুষে মানুষে সম্বন্ধের জাল-বুনোনিটাই তখন বিশেষ করে ঔৎসুক্যের বিষয় হয়ে উঠেছিল। বাল্মীকিপ্রতিভাতে দস্যুর নির্মমতাকে ভেদ করে উচ্ছ্বসিত হল তার অন্তর্গত করুণা। এইটেই ছিল তার স্বাভাবিক মানবত্ব যেটা ঢাকা পড়েছিল অভ্যাসের কঠোরতায়। একদিন ম্বন্দ্র ঘটল, ভিতরকার মানুষ হঠাৎ এল বাইরে। প্রকৃতির প্রতিশোধেও এই ম্বন্দ্র। সন্ন্যাসীর মধ্যে চিরকালের যে মানুষ প্রচ্ছন্ন ছিল তার বাঁধন ছিঁড়ল। কবির মনের মধ্যে বাজছিল মানুষের জয়গান। মায়ার খেলায় গানের ভিতর দিয়ে অম্প যে একটুখানি নাট্য দেখা দিচ্ছে সে হচ্ছে এই যে, প্রমদা আপনার স্বভাবকেই জানতে পারে নি অহংকারে, অবশেষে ভিতর থেকে বাজল বেদনা, ভাঙল মিথ্যে অহংকার, প্রকাশ পেল সত্যকার নারী। মায়াকুমারীদের কাছ থেকে এই ভৎসনা কানে এল—

এরা সূত্থের লাগি চাহে প্রেম, প্রেম মেলে না—

শুধু সূত্থ চলে যায়, এমনি মায়ার ছলনা।

## প্রথম দৃশ্য

অরণ্য

বনদেবীগণ

সহে না সহে না কাঁদে পরান।  
সাধের অরণ্য হল শ্মশান।  
দস্যুদলে আসি শান্তি করে নাশ,  
গ্রাসে সকল দিশ কম্পমান।  
আকুল কানন, কাঁদে সমীরণ,  
চকিত মৃগ, পাখি গাহে না গান।  
শ্যামল তৃণদল শোণিতে ভাসিল,  
কাতর রোদনরবে ফাটে পাষণ।  
দেবী দুর্গে, চাহো, গ্রাহি এ বনে—  
রাখো অধীনী জনে, করো শান্তি দান।

[ প্রস্থান

প্রথম দস্যুর প্রবেশ

আঃ, বেঁচেছি এখন।

শর্মী ও দিকে আর নন।

গোলেমালে ফাঁকতালে পালিয়েছি কেমন।  
লাঠালাঠি কাটাকাটি, ভাবতে লাগে দাঁত-কপাটি,  
তাই মানটা রেখে প্রাণটা নিয়ে সটকেছি কেমন।  
আসুক তারা আসুক আগে, দুনোদুনি নেব ভাগে—  
স্যান্টিমিতে আমার কাছে দেখব কে কেমন।  
শুধু মূখের জোরে গলার চোটে লুট-করা ধন নেব লুটে।  
শুধু দুলিয়ে ভুঁড়ি বাজিয়ে তুড়ি করব সরগরম।

লুটের দ্রব্য লইয়া দস্যুগণের প্রবেশ

এনেছি মোরা এনেছি মোরা রাশি রাশি লুটের ভার।

করেছি ছারখার—

কত গ্রাম পল্লী লুটেপুটে করেছি একাকার।

প্রথম দস্যু। আজকে তবে মিলে সবে করব লুটের ভাগ,  
এ-সব আনতে কত লুডভুড করনু যজ্ঞ-যাগ।

দ্বিতীয় দস্যু। কাজের বেলায় উনি কোথা যে ভাগেন,  
ভাগের বেলায় আসেন আগে আরে দাদা!

প্রথম দস্যু। এত বড়ো আত্মপর্থা তোদের, মোরে নিয়ে একি হাসি-তামাশা!  
এখনি মন্ড করিব খন্ড, খবরদার রে খবরদার!

দ্বিতীয় দস্যু। হাঃ হাঃ, ভায়া খাম্পা বড়ো, একি ব্যাপার!  
আজি বদ্বিবা বিশ্ব করবে নস্য, এম্‌নি যে আকার।



তৃতীয় দস্যু। এম্‌নি ঘোম্‌ধা উনি, পিঠেতেই দাগ,  
তলোয়ারে মরিচা, মদুখেতেই রাগ।  
প্রথম দস্যু। আর যে এ-সব সহ্যে না প্রাণে—  
নাহি কি তোদের প্রাণের মায়া?  
দারুণ রাগে কাঁপছে অঙ্গ—  
কোথা রে লাঠি? কোথা রে ঢাল?  
সকলে। হাঃ হাঃ, ভায়া খাম্পা বড়ো, একি ব্যাপার!  
আজি বুদ্ধিবা বিশ্ব করবে নস্য, এম্‌নি যে আকার।

বাল্মীকির প্রবেশ

সকলে। এক ডোরে বাঁধা আছি মোরা সকলে।  
না মানি বারণ, না মানি শাসন, না মানি কাহারে।  
কে বা রাজা, কার রাজ্য, মোরা কী জানি—  
প্রতি জনেই রাজা মোরা, বনই রাজধানী!  
রাজা প্রজা, উঁচু নিচু, কিছ্‌ না গণি!  
ত্রিভুবন-মাঝে আমরা সকলে কাহারে না করি ভয়—  
মাথার উপরে রয়েছে কালী, সমুখে রয়েছে জয়!

বাল্মীকির প্রতি

প্রথম দস্যু। এখন করব কী বল্‌।  
সকলে। এখন করব কী বল্‌।  
প্রথম দস্যু। হোঁ রাজা, হাজির রয়েছে দল।  
সকলে। বল্‌ রাজা, করব কী বল্‌, এখন করব কী বল্‌।  
প্রথম দস্যু। পেলে মদুখেরই কথা আনি যমেরই মাথা।  
করে দিই রসাতল!  
সকলে। করে দিই রসাতল!  
সকলে। হো রাজা, হাজির রয়েছে দল—  
বল্‌ রাজা, করব কী বল্‌, এখন করব কী বল্‌।  
বাল্মীকি। শোন্‌ তোরা তবে শোন্‌।  
অমানিশা আজিকে, পূজা দেব কালীকে—  
ধ্বরা করি যা তবে, সবে মিলি যা তোরা,  
বলি নিয়ে আয়!

[ বাল্মীকির প্রস্থান ]

সকলে। ত্রিভুবন-মাঝে আমরা সকলে কাহারে না করি ভয়—  
মাথার উপরে রয়েছে কালী, সমুখে রয়েছে জয়!

—

তবে আয় সবে আয়, তবে আয় সবে আয়—  
তবে ঢাল্‌ স্দরা, ঢাল্‌ স্দরা, ঢাল্‌ ঢাল্‌ ঢাল্‌!  
দয়া মায়া কোন্‌ ছার, ছারথার হোক!  
কে বা কাঁদে কার তরে, হাঃ হাঃ হাঃ!  
তবে আন্‌ তলোয়ার, আন্‌ আন্‌ তলোয়ার,  
তবে আন্‌ বরশা, আন্‌ আন্‌ দেখি ঢাল্‌!

## বাঙ্গালীকপ্রতিভা

প্রথম দস্যু। আগে পেটে কিছ্ ঢাল্, পরে পিঠে নিবি ঢাল।  
হাঃ হাঃ, হাঃ হাঃ হাঃ, হাঃ হাঃ!  
হাঃ হাঃ হাঃ হাঃ, হাঃ হাঃ!

উঠিয়া  
সকলে। কালী কালী বলো রে আজ—  
বলো হো, হো হো, বলো হো, হো হো, বলো হো!  
নামের জোরে সাধিব কাজ,  
বলো হো হো হো, বলো হো, বলো হো!  
ওই ঘোর মত্ত করে নৃত্য রংগ-মাঝারে  
ওই লক্ষ লক্ষ যক্ষ রক্ষ ঘেরি শ্যামারে,  
ওই লটু-পটু-কেশ অটু অটু হাসে রে—  
হাহা হাহাহা হাহাহা!  
আরে বল্ রে শ্যামা মায়ের জয়, জয় জয়!  
জয় জয়, জয় জয়, জয় জয়, জয় জয়,  
আরে বল্ রে শ্যামা মায়ের জয়, জয় জয়!  
আরে বল্ রে শ্যামা মায়ের জয়!

[ গমনোদ্যম

একটি বালিকার প্রবেশ  
বালিকা। ওই মেঘ করে বদ্বি গগনে।  
আঁধার ছাইল, রজনী আইল,  
ঘরে ফিরে যাব কেমনে!  
চরণ অবশ হয়, শ্রান্ত ক্লান্ত কায়  
সারা দিবস বনভ্রমণে।  
ঘরে ফিরে যাব কেমনে!

—  
এ কী এ ঘোর বন!—এনু কোথায়!  
পথ যে জানি না, মোরে দেখায়ে দে-না!  
কী করি এ আঁধার রাতে!  
কী হবে মোর হয়!  
ঘন ঘোর মেঘ ছেয়েছে গগনে,  
চকিত চপলা চমকে সঘনে,  
একেলা বালিকা তরাসে কাঁপে কায়।

বালিকার প্রতি  
প্রথম দস্যু। পথ ভুলেছিঁস সত্যি বটে? সিধে রাস্তা দেখতে চাস?  
এমন জায়গায় পাঠিয়ে দেব, সন্ধে থাকি বারো মাস।  
সকলে। হাঃ হাঃ হাঃ, হাঃ হাঃ হাঃ!

প্রথমে প্রতি  
দ্বিতীয় দস্যু। কেমন হে ভাই! কেমন সে ঠাই?

প্রথম দস্যু।

মন্দ নহে বড়ো,

এক দিন না এক দিন সবাই সেথায় হব জড়ো।

সকলে।

হাঃ হাঃ হাঃ, হাঃ হাঃ হাঃ!

তৃতীয় দস্যু।

আয় সাথে আয়, রাস্তা তোরে দেখিয়ে দিই গে তবে—  
আর তা হলে রাস্তা ভুলে ঘুরতে নাহি হবে।

সকলে।

হাঃ হাঃ হাঃ, হাঃ হাঃ হাঃ!

[ সকলের প্রস্থান ]

বনদেবীগণের প্রবেশ

মরি ও কাহার বাছা, ওকে কোথায় নিয়ে যায়!

আহা ওই করুণ চোখে ও কার পানে চায়!

বাঁধা কঠিন পাশে, অঙ্গ কাঁপে গ্রাসে,

আঁখি জলে ভাসে, এ কী দশা হয়!

এ বনে কে আছে, যাব কার কাছে, কে ওরে বাঁচায়।

## দ্বিতীয় দৃশ্য

অরণ্যে কালীপ্রতিমা

বাল্মীকি স্তবে আসীন

বাল্মীকি।

রাঙা-পদ-পদ্মযুগে প্রণমি গো ভবদারা!

আজি এ ঘোর নিশীথে পূজিব তোমারে তারা!

সুরনর থরহর—ব্রহ্মাণ্ড বিপ্লব করো,

রণরঙ্গে মাতো মা গো, ঘোরা উন্মাদিনী-পারা।

ঝলসিয়ে দিশি দিশি ঘুরাও তড়িৎ-অসি,

ছুটাও শোণিতস্রোত, ভাসাও বিপদুল ধরা।

উরো কালী কপালিনী, মহাকালসীমন্তিনী,

লহো জবাপদ্মপাঞ্জলি মহাদেবী পরাংপরা!

বালিকাকে লইয়া দস্যুগণের প্রবেশ

দস্যুগণ।

দেখো, হো ঠাকুর, বলি এনেছি মোরা।

বড়ো সরেস, পেয়েছি বলি সরেস—

এমন সরেস মছলি, রাজা, জালে না পড়ে ধরা।

দেঁরি কেন ঠাকুর, সেরে ফেলো স্বরা।

বাল্মীকি।

নিয়ে আয় কৃপাণ, রয়েছে তুঁতীয়া শ্যামা মা,

শোণিত পিয়াও—যা স্বরায়।

লোল জিহ্বা লক্লে, তড়িৎ খেলে চোখে,

করিয়ে খণ্ড দিগ্দিগন্ত ঘোর দন্ত ভাষ।

বালিকা।

কী দোষে বাঁধিলে আমায়, আনিলে কোথায়!

পথহারা একাকিনী বনে অসহায়—

রাখো রাখো রাখো, বাঁচাও আমায়!

## বাল্মীকিপ্রতিভা

দয়া করো অনাথারে, কে আমার আছে—  
বন্ধনে কাতরতনু মরি যে ব্যথায়!

নেপথ্যে

বনদেবী। দয়া করো অনাথারে, দয়া করো গো—  
বন্ধনে কাতর তনু জর্জর ব্যথায়!

বাল্মীকি। এ কেমন হল মন আমার!  
কী ভাব এ যে কিছুই বদ্বিজেতে যে পারি নে—  
পাষণ হৃদয়ও গলিল কেন রে,  
কেন আজি আঁখিজল দেখা দিল নয়নে!  
কী মায়া এ জানে গো,  
পাষণের বাঁধ এ যে টুটিল,  
সব ভেসে গেল গো, সব ভেসে গেল গো—  
মরুভূমি ডুবে গেল করুণার প্লাবনে!

প্রথম দস্যু। আরে, কী এত ভাবনা কিছু তো বদ্বিজ না।  
দ্বিতীয় দস্যু। সময় বহে যায় যে।  
তৃতীয় দস্যু। কখন এনেছি মোরা, এখনো তো হল না!  
চতুর্থ দস্যু। এ কেমন রীতি তব, বাহু রে!  
বাল্মীকি। না না হবে না, এ বলি হবে না—  
অন্য বলির তরে যা রে যা!

প্রথম দস্যু। অন্য বলি এ রাতে কোথা মোরা পাব?  
দ্বিতীয় দস্যু। এ কেমন কথা কও, বাহু রে!  
বাল্মীকি। শোন্ তোরা শোন্ এ আদেশ!  
কুপাণ খপ্পর ফেলে দে দে!  
বাঁধন কর্ ছিন্ন, মদন্ত কর্ এখনি রে।

ষষ্ঠাদৃষ্ট কৃত

## তৃতীয় দৃশ্য

অরণ্য

বাল্মীকি

বাল্মীকি। ব্যাকুল হয়ে বনে বনে,  
ভ্রমি একেলা শূন্যমনে।  
কে পদ্রাবে মোর কাতর প্রাণ,  
জুড়াবে হিয়া সৃধাবরিষনে!

[ প্রস্থান

দস্যুগণ বালিকাকে পুনর্বার ধরিয়া আনিয়া  
ছাড়ব না ভাই, ছাড়ব না ভাই,  
এমন শিকার ছাড়ব না।

হাতের কাছে অম্নি এল, অম্নি যাবে!

অম্নি যেতে দেবে কে রে!

রাজাটা খেপেছে রে, তার কথা আর মানব না।

আজ রাতে ধুম হবে ভারি,

নিয়ে আয় কারণ বারি,

জেরলে দে মশালগ্দুলো, মনের মতন পুজো দেব—

নেচে নেচে ঘুরে ঘুরে—রাজাটা খেপেছে রে,

তার কথা আর মানব না।

প্রথম দস্যু। রাজা মহারাজা কে জানে, আমিই রাজাধিরাজ।

তুমি উজির, কোতোয়াল তুমি,

ওই ছোঁড়াগ্দুলো বরকন্দাজ।

যত সব কুণ্ডে আছে ঠাই জুড়ে,

কাজের বেলায় বৃদ্ধি যায় উড়ে।

পা ধোবার জল নিয়ে আয় ঝাট্,

করু তোরা সব যে যার কাজ।

দ্বিতীয় দস্যু। আছে তোমার বিদ্যে-সাধি জানা।

রাজস্ব করা এ কি তামাশা পেয়েছ!

প্রথম দস্যু। জানিস না কেটা আমি!

দ্বিতীয় দস্যু। ঢের ঢের জানি—ঢের ঢের জানি।

প্রথম দস্যু। হাসিস নে, হাসিস নে মিছে, যা যা—

সব আপন কাজে যা যা, যা আপন কাজে।

দ্বিতীয় দস্যু। খুব তোমার লম্বাচওড়া কথা!

নিতান্ত দেখি তোমায় কৃতান্ত ডেকেছে!

তৃতীয় দস্যু। আঃ কাজ কী গোলমালে, নাইয় রাজাই সাজালে।

মরবার বেলায় মরবে ওটাই, থাকব ফাঁকতালে।

প্রথম দস্যু। রসম রাম, হরি হরি, ওরা থাকতে আমি মরি!

তেমন তেমন দেখলে, বাবা, ঢুকব আড়ালে।

সকলে। ওরে, চল্ তবে শিগগিরি,

আনি পুজোর সামিগ্গিরি।

কথায় কথায় রাত পোহালো এমনি কাজে ছিরি।

[ প্রস্থান ]

বালিকা। হা কী দশা হল আমার!

কোথা গো মা করুণাময়ী, অরণ্যে প্রাণ যায় গো!

মুহূর্তের তরে মা গো, দেখা দাও আমারে—

জনমের মতো বিদায়!

পুজার উপকরণ লইয়া দস্যুগণের প্রবেশ

ও কালীপ্রতিমা ঘিরিয়া নৃত্য

এত রঙ্গ শিখেছ কোথা মৃন্ডমালিনী!

তোমার নৃত্য দেখে চিত্ত কাঁপে, চমকে ধরণী।

ক্ষান্ত দে মা, শান্ত হ মা, সন্তানের মিনতি।

রাগা নয়ন দেখে নয়ন মৃদি, ও মা ত্রিনয়নী!

বাল্মীকির প্রবেশ

বাল্মীকি। অহো আস্পর্শ্য এ কী তোদের নরাধম!  
তোদের কারেও চাহি নে আর, আর, আর না রে—  
দূর দূর দূর, আমারে আর ছুঁস নে।  
এ-সব কাজ আর না, এ পাপ আর না,  
আর না, আর না—গ্রাহি, সব ছাড়িন্দু!  
প্রথম দস্যু। দীন হীন এ অধম আমি কিছুই জানি নে রাজা!  
এরাই তো যত বাধালে জঞ্জাল,  
এত করে বোঝাই বোঝে না—  
কী করি, দেখো বিচারি।

দ্বিতীয় দস্যু। বাঃ—এও তো বড়ো মজা বাহবা!  
যত কুয়ের গোড়া ওই তো, আরে বল্ না রে!  
প্রথম দস্যু। দূর দূর দূর, নির্লজ্জ আর বকিস নে।  
বাল্মীকি। তফাতে সব সরে যা। এ পাপ আর না,  
আর না, আর না—গ্রাহি, সব ছাড়িন্দু।

[ দস্যুগণের প্রস্থান

বাল্মীকি। আয় মা, আমার সাথে, কোনো ভয় নাই আর।  
কত দ্বন্দ্ব পেলি বনে আহা মা আমার!  
নয়নে ঝরিছে বারি, এ কি মা সহিতে পারি!  
কোমল কাতর তনু কাঁপিতেছে বার বার।

[ প্রস্থান

চতুর্থ দৃশ্য

বনদেবীগণের প্রবেশ

রিম্ রিম্ ঘন ঘন রে বরষে।  
গগনে ঘনঘটা, শিহরে তরলতা,  
ময়ূর ময়ূরী নাচিছে হরষে।  
দিশি দিশি সচকিত, দামিনী চমকিত,  
চমকি উঠিছে হরিণী তরাসে!

[ প্রস্থান

বাল্মীকির প্রবেশ

কোথায় জুড়াতে আছে ঠাই—  
কেন প্রাণ কেন কাঁদে রে!  
যাই দেখি শিকারেতে,  
রহিব আমোদে মেতে,  
ভুলি সব জ্বালা বনে বনে ছুটিয়ে—  
কেন প্রাণ কেন কাঁদে রে!  
আপনা ভুলিতে চাই, ভুলিব কেমনে—  
কেমনে যাবে বেদনা!

ধরি ধনু আনি বাণ, গাহিব ব্যাধের গান,  
দলবল লয়ে মাতিব।

কেন প্রাণ কেন কাঁদে রে!

শৃঙ্গধ্বনিপূর্বক দস্যাগণকে আহ্বান

দস্যাগণের প্রবেশ

দস্যা। কেন রাজা, ডাকিস কেন, এসেছি সবে।  
বদ্বি আবার শ্যামা মায়ের পুজো হবে?  
বাল্মীকি। শিকারে হবে যেতে, আয় রে সাথে।  
প্রথম দস্যা। ওরে, রাজা কী বলছে শোন।  
সকলে। শিকারে চল্ তবে।  
সবারে আন্ ডেকে যত দলবল সবে।

[ বাল্মীকির প্রস্থান

এই বেলা সবে মিলে চলো হো, চলো হো!  
ছুটে আয়, শিকারে কে রে যাবি আয়!—  
এমন রজনী বহে যায় যে!  
ধনুর্বাণ বল্লম লয়ে হাতে, আয় আয় আয় আয় রে।  
বাজা শিঙা ঘন ঘন—শব্দে কাঁপবে বন—  
আকাশ ফেটে যাবে, চমকিবে পশু পাখি সবে,  
ছুটে যাবে কাননে কাননে! চারি দিকে ঘিরে  
যাব পিছে পিছে, হো হো হো হো!

বাল্মীকির প্রবেশ

বাল্মীকি। গহনে গহনে যা রে তোরা, নিশি বহে যায় যে।  
তন্ন তন্ন করি অরণ্য, করী বরাহ খোঁজ্ গে!  
এই বেলা যা রে।  
নিশাচর পশু সবে, এখনি বাহির হবে—  
ধনুর্বাণ নে রে হাতে, চল্ ছুরা চল্।  
জ্বালায়ে মশাল-আলো, এই বেলা আয় রে।

[ প্রস্থান

প্রথম দস্যা। চল্ চল্ ভাই, ছুরা করে মোরা আগে যাই।  
দ্বিতীয় দস্যা। প্রাণপণ খোঁজ্ এ বন সে বন,  
চল্ মোরা ক'জন ও দিকে যাই।  
প্রথম দস্যা। না না ভাই, কাজ নাই।  
হোথা কিছ্ নাই, কিছ্ নাই—  
ওই ঝোপে যদি কিছ্ পাই।  
দ্বিতীয় দস্যা। বরা বরা—  
প্রথম দস্যা। আরে দাঁড়া দাঁড়া, অত ব্যস্ত হলে ফস্কাবে শিকার।  
চুপি চুপি আয়, চুপি চুপি আয় অশথতলায়—  
এবার ঠিকঠাক হয়ে সব থাক্।  
সাবধান ধরো বাণ, সাবধান ছাড়ো বাণ।





গেল গেল, ওই, পালায় পালায়, চল্ চল্।  
ছোট্ রে পিছে, আয় রে ফরা যাই।

বনদেবীগণের প্রবেশ

কে এল আজি এ ঘোর নিশীথে,  
সাধের কাননে শান্তি নাশিতে!  
মত্ত করী যত পদ্মবন দলে  
বিমল সরোবর মন্দিয়া,  
ঘূমন্ত বিহগে কেন বধে রে  
সঘনে খর শর সন্দিয়া!  
তরাসে চমকিয়ে হরিণ-হরিণী  
স্থলিত চরণে ছুটিছে।  
স্থলিত চরণে ছুটিছে কাননে,  
করুণ নয়নে চাহিছে—  
আকুল সরসী, সারস সারসী  
শরবনে পশি কাঁদিছে।  
তিমির দিগ্ ভরি ঘোর ষামিনী  
বিপদঘনছায়া ছাইয়া—  
কী জানি কী হবে আজি এ নিশীথে,  
তরাসে প্রাণ ওঠে কাঁপিয়া।

প্রথম দস্যুর প্রবেশ

প্রথম দস্যু। প্রাণ নিয়ে তো সটকেছি রে, করবি এখন কী!  
ওরে বরা, করবি এখন কী!  
বাবা রে, আমি চুপ করে এই কচুবনে লুকিয়ে থাকি।  
এই মরদের মূরদখানা, দেখেও কি রে ভড়কালি না!  
বাহবা, শাবাশ তোরে, শাবাশ রে তোরে ভরসা দৈখি।

খোঁড়াইতে খোঁড়াইতে

আর-একজন দস্যুর প্রবেশ

অন্য দস্যু। বলব কী আর বলব খুড়ো—উঁ উঁ!  
আমার যা হয়েছে বলি কার কাছে—  
একটা বুনো ছাগল তেড়ে এসে মেরেছে ঢুঁ।  
প্রথম দস্যু। তখন যে ভারি ছিল জারিজুঁরি,  
এখন কেন করছ বাপু উঁ উঁ উঁ—  
কোনখানে লেগেছে বাবা, দিই একটু ফুঁ।

দস্যুগণের প্রবেশ

দস্যুগণ। সর্দারমশায়, দৈরি না সয়—  
ভোমার আশায় সবাই বসে।  
শিকারেতে হবে যেতে,  
মিহি কোমর বাঁধো কষে।  
বন বাদাড় সব ঘেঁটে ঘুঁটে

আমরা মরি খেটে খুটে,  
তুমি কেবল লুটে পুটে  
পেট পোরাবে ঠেসে ঠুসে।  
প্রথম দস্যু। কাজ কী খেয়ে, তোফা আছি—  
আমায় কেউ না খেলেই বাঁচি।  
শিকার করতে যায় কে মরতে,  
চুঁসিয়ে দেবে বরা মোষে।  
চুঁ খেয়ে তো পেট ভরে না—  
সাধের পেটটি যাবে ফেঁসে।

হাসিতে হাসিতে প্রস্থান ও শিকারের  
পশ্চাৎ পশ্চাৎ পুনঃপ্রবেশ

বাল্মীকির দ্রুতপ্রবেশ

বাল্মীকি। রাখ্ রাখ্, ফেল্ ধন, ছাড়িস নে বাণ।  
হরিণশাবক দুটি প্রাণভয়ে ধায় ছুটি,  
চাহিতেছে ফিরে ফিরে করুণ নয়ান।  
কোনো দোষ করে নি তো, স্নেহুয়ার কলেবর—  
কেমনে কোমল দেহে বিধিবি কঠিন শর!  
থাক্ থাক্ ওরে থাক্, এ দারুণ খেলা রাখ্,  
আজ হতে বিসর্জিন্ এ ছার ধনুক বাণ।

[ প্রস্থান

দস্যুগণের প্রবেশ

দস্যুগণ। আর না, আর না, এখানে আর না—  
আয় রে সকলে চলিয়া যাই।  
ধনুক বাণ ফেলেছে রাজা,  
এখানে কেমনে থাকিব ভাই!  
চল্ চল্ চল্ এখনি যাই।

বাল্মীকির প্রবেশ

দস্যুগণ। তোর দশা, রাজা, ভালো তো নয়!  
রক্তপাতে পাস রে ভয়!  
লাজে মোরা মরে যাই।  
পাখিটি মারিলে কাঁদিয়া খুন,  
না জানি কে তোরে করিল গুণ—  
হেন কভু দেখি নাই।

[ দস্যুগণের প্রস্থান

পঞ্চম দৃশ্য

বাল্মীকি। জীবনের কিছ্ হল না হায়—  
 হল না গো, হল না হায় হায়!  
 গহনে গহনে কত আর ভ্রমিব, নিরাশার এ আঁধারে?  
 শূন্য হৃদয় আর বহিতে যে পারি না,  
 পারি না গো পারি না আর।  
 কী লয়ে এখন ধরিব জীবন, দিবসরজনী চলিয়া যায়—  
 দিবসরজনী চলিয়া যায়—  
 কত কী করিব বলি কত উঠে বাসনা,  
 কী করিব জানি না গো!  
 সহচর ছিল যারা ত্যোজিয়া গেল তারা। ধনদূর্বাণ ত্যেজেছি,  
 কোনো আর নাহি কাজ—  
 কী করি কী করি বলি হাহা করি ভ্রমি গো—  
 কী করিব জানি না যে!

ব্যাধগণের প্রবেশ

প্রথম ব্যাধ। দেখ্ দেখ্, দৃঢ়টো পাখি বসেছে গাছে।  
 দ্বিতীয় ব্যাধ। আয় দেখি চুপি চুপি আয় রে কাছে।  
 প্রথম ব্যাধ। আরে, বাট্ করে এইবারে ছেড়ে দে রে বাণ।  
 দ্বিতীয় ব্যাধ। রোস্ রোস্ আগে আমি করি রে সন্ধান।  
 বাল্মীকি। থাম্ থাম্, কী করিবি বধি পাখিটির প্রাণ!  
 দৃঢ়টিতে রয়েছে সুখে, মনের উল্লাসে গাহিতেছে গান।  
 প্রথম ব্যাধ। রাখো মিছে ও-সব কথা,  
 কাছে মোদের এসো নাকো হেথা।  
 চাই নে ও-সব শাস্তর কথা, সময় বহে যায় যে।  
 বাল্মীকি। শোনো শোনো, মিছে রোষ কোরো না।  
 ব্যাধ। থামো থামো ঠাকুর, এই ছাড়ি বাণ।

একটি ক্রৌঞ্চকে বধ

বাল্মীকি। মা নিষাদ প্রতিষ্ঠাং ভ্রমগমঃ শাস্বতীঃ সমাঃ  
 যৎ ক্রৌঞ্চমিথুনাদেকমবধীঃ কামমোহিতম্।

কী বলিন্দু আমি! এ কী সুললিত বাণী রে!  
 কিছ্ না জানি কেমনে যে আমি প্রকাশিন্দু দেবভাষা,  
 এমন কথা কেমনে শিখিন্দু রে!  
 পদলকে পদুরিল মনপ্রাণ, মধু বরষিল শ্রবণে,  
 এ কী! হৃদয়ে এ কী এ দেখি!—  
 ঘোর অন্ধকার-মাঝে, এ কী জ্যোতি ভায়!  
 অবাক্!—করুণা এ কার!

সরস্বতীর আবির্ভাব

বাল্মীকি। এ কী এ, এ কী এ, স্থিরচপলা!  
কিরণে কিরণে হল সব দিক উজলা!  
কী প্রতিমা দেখি এ, জোছনা মাখিয়ে  
কে রেখেছে আঁকিয়ে  
আ মরি কমলপদ্মতলা!

[ ব্যাধগণের প্রস্থান

বনদেবীগণের প্রবেশ

বনদেবী। নমি নমি ভারতী, তব কমলচরণে।  
পদ্য হল বনভূমি, ধন্য হল প্রাণ।  
বাল্মীকি। পূর্ণ হল বাসনা, দেবী কমলাসনা!  
ধন্য হল দস্যুপতি, গলিল পাষণ।  
বনদেবী। কঠিন ধরাভূমি এ, কমলালয়া তুমি যে—  
হৃদয়কমলে চরণকমল করো দান।  
বাল্মীকি। তব কমলপরিমলে রাখো হৃদি ভরিয়ে,  
চিরদিবস করিব তব চরণসদৃশ পান।

[ দেবীগণের অন্তর্ধান

কালীপ্রতিমার প্রতি বাল্মীকি

শ্যামা, এবার ছেড়ে চলছি মা!  
পাষণের মেয়ে পাষণী, না বধু মা বলেছি মা!  
এত দিন কী ছল করে তুই, পাষণ করে রেখেছিলি—  
আজ আপন মায়ের দেখা পেয়ে, নয়নজলে গলেছি মা!  
কালো দেখে ভুলি নে আর, আলো দেখে ভুলেছে মন—  
আমায় তুমি ছলেছিলে, এবার আমি তোমায় ছলেছি মা!  
মায়ার মায়া কাটিয়ে এবার মায়ের কোলে চলছি মা!

ষষ্ঠ দৃশ্য

বাল্মীকি। কোথা লুকাইলে!  
সব আশা নিবিল, দশ দিশি অন্ধকার,  
সবে গেছে চলে ত্যোজিয়ে আমারে—  
তুমিও কি তেয়াগিলে!

লক্ষ্মীর আবির্ভাব

লক্ষ্মী। কেন গো আপন মনে ভ্রমিছ বনে বনে,  
সলিল দ্বন্দ্বনয়নে কিসের দ্বন্দ্ব?  
কমলা দিতেছি আসি, রতন রাশি রাশি,  
ফড়টুক তবে হাসি মলিন মুখে।

কমলা যারে চায়, বলো সে কী না পায়,  
 দুখের এ ধরায় থাকে সে সুখে।  
 তোজিয়া কমলাসনে, এসেছি এ ঘোর বনে,  
 আমারে শূভক্ষণে হেরো গো চোখে।  
 বাল্মীকি। কোথায় সে উষাময়ী প্রতিমা!  
 তুমি তো নহ সে দেবী কমলাসনা,  
 কোরো না আমারে ছলনা।  
 কী এনেছ ধন মান, তাহা যে চাহে না প্রাণ।  
 দেবী গো, চাহি না, চাহি না, মণিময় ধূলিরাশি চাহি না।  
 তাহা লয়ে সুখী যারা হয় হোক, হয় হোক—  
 আমি, দেবী, সে সুখ চাহি না।  
 যাও লক্ষ্মী অলকায়, যাও লক্ষ্মী অমরায়,  
 এ বনে এসো না এসো না—  
 এসো না এ দীনজন কুটীরে।  
 যে বীণা শুনৈছি কানে মন প্রাণ আছে ভোর,  
 আর কিছ্ছু চাহি না, চাহি না।

[ লক্ষ্মীর অন্তর্ধান  
 বাল্মীকির প্রস্থান

বনদেবীগণের প্রবেশ

বাণী বীণাপাণি, করুণাময়ী!  
 অন্ধজনে নয়ন দিয়ে অন্ধকারে ফেলিলে,  
 দরশ দিয়ে লোকালে কোথা দেবী অয়ি!  
 স্বপনসম মিলাবে যদি কেন গো দিলে চেতনা,  
 চকিতে শূন্য দেখা দিয়ে চির মরমবেদনা,  
 তোমাতে চাহি ফিরিছে, হেরো কাননে কাননে ওই

[ বনদেবীগণের প্রস্থান

বাল্মীকির প্রবেশ

সরস্বতীর আবির্ভাব

বাল্মীকি। এই-যে হেরি গো দেবী আমারই!  
 সব কবিতাময় জগত-চরাচর,  
 সব শোভাময় নেহারি।  
 ছন্দে উঠিছে চন্দ্রমা, ছন্দে কনকরাবি উর্দিছে,  
 ছন্দে জগমুডল চলিছে,  
 জ্বলন্ত কবিতা তারকা সবে—  
 এ কবিতার মাঝারে তুমি কে গো দেবী,  
 আলোকে আলো আঁধারি!  
 আজি মলয় আকুল, বনে বনে এ কী এ গীত গাহিছে,  
 ফুল কহিছে প্রাণের কাহিনী,  
 নব রাগ-রাগিণী উছাসিছে।

এ আনন্দে আজ গীত গাহে মোর হৃদয় সব অব্যাহারি।  
 তুমিই কি দেবী ভারতী, কৃপাগুণে অন্ধ আঁখি ফুটালে,  
 উষা আনিলে প্রাণের অধারে,  
 প্রকৃতির রাগিণী শিখাইলে!  
 তুমি ধন্য গো,  
 রব চিরকাল চরণ ধরি তোমারি।  
 দীনহীন বালিকার সাজে,  
 এসেছিন্দু এ ঘোর বনমাঝে,  
 গলাতে পাষাণ তোর মন—  
 কেন বৎস, শোন্, তাহা শোন্।  
 আমি বীণাপাণি, তোরে এসেছি শিখাতে গান,  
 তোর গানে গলে যাবে সহস্র পাষাণ-প্রাণ।  
 যে রাগিণী শূনে তোর গলেছে কঠোর মন  
 সে রাগিণী তোরই কণ্ঠে বাজিবে রে অনুক্ষণ।  
 অধীর হইয়া সিঁধু কাঁদিবে চরণতলে,  
 চারি দিকে দিক্-বধু আকুল নয়নজলে।  
 মাথার উপরে তোর কাঁদিবে সহস্র তারা,  
 অশনি গলিয়া গিয়া হইবে অশ্রুর ধারা।  
 যে করুণ রসে আজি ডুবিব রে ও হৃদয়  
 শতশ্রোতে তুই তাহা ঢালিবি জগৎময়।  
 যেথায় হিমাদ্রি আছে সেথা তোর নাম রবে,  
 যেথায় জাহ্নবী বহে তোর কাব্যশ্রোত ব'বে।  
 সে জাহ্নবী বহিবেক অযুত হৃদয় দিয়া  
 শ্মশান পবিত্র করি, মরুভূমি উর্বরিয়া।  
 মোর পদ্মাসনতলে রহিবে আসন তোর,  
 নিত্য নব নব গীতে সতত রহিবি ভোর!  
 বসি তোর পদতলে কবি-বালকেরা যত  
 শূনি তোর কণ্ঠস্বর শিখিবে সংগীত কত।  
 এই নে আমার বীণা দিন্দু তোরে উপহার,  
 যে গান গাহিতে সাধ, ধনিবে ইহার তার।

# প্রকৃতির প্রতিশোধ

প্রকাশ : ১৮৮৪

রবীন্দ্রনাথের আয়ত্নস্ফূর্ত প্রকৃতির প্রতিশোধ স্বতন্ত্র গ্রন্থাকারে তিনবার এবং বিভিন্ন গ্রন্থাবলী-ভুক্ত হয়ে চারবার প্রকাশিত হয়।

প্রথম সংস্করণ-পরবর্তী কাব্যগ্রন্থাবলী (১৩০৩ বঙ্গাব্দ)-ধৃত পাঠ পরবর্তী সংস্করণসমূহে মোটামুটিভাবে অনূদিত, কেবল কাব্যগ্রন্থ (১৩১০ বঙ্গাব্দ)-ধৃত পাঠ এর ব্যতিক্রম।

স্বতন্ত্র গ্রন্থাকারে দ্বিতীয় মূদ্রণে অক্ষয় চৌধুরী-রচিত গান ‘আজ তোমায় ধরব চাঁদ’ বিজ্ঞিত। বর্তমান সংস্করণের পাঠ বিশ্বভারতী-রচনাবলী (১৩৪৬ বঙ্গাব্দ)-ধৃত পাঠের অনূদারী।



উৎসর্গ

তোমাকে দিলাম

## সূচনা

জীবনের প্রথম বয়স কেটেছে বন্ধ ঘরে নিঃসঙ্গ নির্জনে। সন্ধ্যাসংগীত এবং প্রভাত-সংগীতের অনেকটা সেই অবরুদ্ধ আলোকের কবিতা। নিজের মনের ভাবনা নিজের মনের প্রাচীরের মধ্যে প্রতিহত হয়ে আলোড়িত।

তার পরের অবস্থায় মনের মধ্যে মানুষের স্পর্শ লাগল, বাইরের হাওয়ায় জানলা গেল খুলে, উৎসুক মনের কাছে পৃথিবীর দৃশ্য খণ্ড খণ্ড চলচ্ছবির মতো দেখা দিতে লাগল। গৃহাচরের মন তখন ঝড়কল লোকালয়ের দিকে। তখনও বাইরের জগৎ সম্পূর্ণ মৃত্ত হতে পারে নি আবেগের বাষ্পপদুজ থেকে। তবু দৃঃস্বপ্নের মতো আপনার বাঁধন-জাল ছাড়াবার জন্যে জেগে উঠল বালকের আগ্রহ। এই সময়কার রচনা ‘ছবি ও গান’। লেখনীর সেই নতুন বহির্মুখী প্রবৃত্তি তখন কেবল ভাবুকতার অস্পষ্টতার মধ্যে বন্ধন স্বীকার করলে না। বেদনার ভিতর দিয়ে ভাবপ্রকাশের প্রয়াসে সে শ্রান্ত, কল্পনার পথে সৃষ্টি করবার দিকে পড়েছে তার ঝোঁক। এই পথে তার দ্বার প্রথম খুলেছিল ‘বাস্তবিকপ্রতিভায়’। যদিও তার উপকরণ গান নিয়ে, কিন্তু তার প্রকৃতিই নাট্যীয়। তাকে গীতিকাব্য বলা চলে না। কিছুকাল পরে, তখন আমার বয়স বোধ হয় তেইশ কিংবা চব্বিশ হবে, কারোয়ার থেকে জাহাজে আসতে আসতে হঠাৎ যে গান সমুদ্রের উপর প্রভাতসূর্যালোকে সম্পূর্ণ হয়ে দেখা দিল তাকে নাট্যীয় বলা যেতে পারে, অর্থাৎ সে আত্মগত নয়, সে কল্পনায় রূপায়িত। ‘হেদে গো নন্দরানী’ গানটি একটি ছবি, যার রস নাট্যরস। রাখাল বালকেরা নন্দরানীর কাছে এসেছে আবদার করতে, তারা শ্যামকে নিয়ে গোষ্ঠে যাবে এই তাদের পণ। এই গানটি প্রকৃতির প্রতিশোধে ভুক্ত করেছি। এই আমার হাতের প্রথম নাটক যা গানের ছাঁচে ঢালা নয়। এই বইটি কাব্যে এবং নাট্যে মিলিত। সন্ন্যাসীর যা অন্তরের কথা তা প্রকাশ হয়েছে কবিতায়। সে তার একলার কথা। এই আত্মকেন্দ্রিত বৈরাগীকে ঘিরে প্রাত্যহিক সংসার নানা রূপে নানা কোলাহলে মূর্খরিত হয়ে উঠেছে। এই কলরবের বিশেষত্বই হচ্ছে তার অকিঞ্চিৎকরতা। এই বৈপরীত্যকে নাট্যিক বলা যেতে পারে। এরই মাঝে মাঝে গানের রস এসে অনির্বচনীয়তার আভাস দিয়েছে। শেষ কথাটা এই দাঁড়াল শূন্যতার মধ্যে নির্বিশেষের সন্ধান ব্যর্থ, বিশেষের মধ্যেই সেই অসীম প্রতিফলনে হয়েছে রূপ নিয়ে সার্থক, সেইখানেই যে তাকে পায় সেই যথার্থ পায়।

শান্তিনিকেতন

২৮ জানুয়ারি ১৯৪১

## প্রথম দৃশ্য

গৃহা

সন্ন্যাসী

কোথা দিন, কোথা রাত্রি, কোথা বর্ষ মাস !  
অবিশ্রাম কালস্রোত কোথায় বহিছে  
সৃষ্টি যেথা ভাসিতেছে তৃণপদ্মজসম !  
অঁধারে গৃহার মাঝে রয়েছে একাকী,  
আপনাতে বসে আছি আপনি অটল ।  
অনাদি কালের রাত্রি সমাধিমগনা  
নিশ্বাস করিয়া রোধ পাশে বসে আছে ।  
শিলার ফাটল দিয়া বিন্দু বিন্দু করি  
ঝরিয়া পড়িছে বারি আর্দ্র গৃহাতলে ।  
স্তম্ভ শীতজলে পড়ি অন্ধকার-মাঝে  
প্রাচীন ভেকের দল রয়েছে ঘুমায়ে ।  
বাদুড় গৃহায় পশি স্দুর্দুর হইতে  
অমানিশীথের বার্তা আনিছে বহিয়া ।  
কখনো বা কোনো দিন কে জানে কেমনে  
একটি আলোর রেখা কোথা হতে আসে,  
দিবসের গুপ্তচর রজনীর মাঝে  
একটুকু উঁকি মেরে যায় পলাইয়া ।  
বসে বসে প্রলয়ের মন্ত্র পড়িতেছি,  
তিল তিল জগতেরে ধ্বংস করিতেছি,  
সাধনা হয়েছে সিদ্ধ, কী আনন্দ আজি ।  
জগৎ-কুয়াশা-মাঝে ছিন্দু মগ্ন হয়ে,  
অদৃশ্যে অঁধারে বসি স্দুর্ভীক্ষু কিরণে  
ছিঁড়িয়া ফেলেছি সেই মায়া-আবরণ,  
জগৎ চরণতলে গিয়াছে মিলায়ে—  
সহসা প্রকাশ পাই দীপ্ত মহিমায় ।  
বসে বসে চন্দ্র সূর্য দিগেছি নিবাসে,  
একে একে ভাঙিয়াছি বিশ্বের সীমানা,  
দৃশ্য শব্দ স্বাদ গন্ধ গিয়েছে ছুটিয়া,  
গেছে ভেঙে আশা ভয় মায়ার কুহক ।  
কোটি-কোটি-যুগ-ব্যাপী সাধনার পরে,  
যুগান্তের অবসানে, প্রলয়সলিলে  
সৃষ্টির মলিন রেখা মৃদু শূন্য হতে—  
ছায়াহীন নিষ্কলঙ্ক অনন্ত পুরিয়া  
যে আনন্দে মহাদেব করেন বিরাজ  
পেয়েছি পেয়েছি সেই আনন্দ-আভাস ।

জগতের মহাশিলা বক্ষে চাপাইয়া  
কে আমারে কারাগারে করেছিল রোধ!  
পলে পলে যুঝি যুঝি তিল তিল করি  
জগন্দল সে পাষণ ফেলেছি সরায়ে,  
হৃদয় হয়েছে লঘু স্বাধীন স্ববশ।

কী কষ্ট না দিয়েছিঁস রাক্ষসী প্রকৃতি  
অসহায় ছিন্দু যবে তোর মায়াফাঁদে!  
আমার হৃদয়রাজ্যে করিয়া প্রবেশ  
আমারি হৃদয় তুই করিলি বিদ্রোহী।  
বিরাম বিশ্রাম নাই দিবসরজনী  
সংগ্রাম বহিয়া বক্ষে বেড়াতেম ভ্রমি।  
কানেতে বাজিত সদা প্রাণের বিলাপ,  
হৃদয়ের রক্তপাতে বিশ্ব রক্তময়,  
রাঙা হয়ে উঠেছিল দিবসের আঁখি।  
বাসনার বহিময় কশাঘাতে হায়  
পথে পথে ছুটিয়াছি পাগলের মতো।  
নিজের ছায়ারে নিজে বক্ষে ধরিবারে  
দিনরাত্রি করিয়াছি নিষ্ফল প্রয়াস।  
সুখের বিদ্যুৎ দিয়া করিয়া আঘাত  
দুঃখের ঘনান্ধকারে দেছিঁস ফেলিয়া।  
বাসনারে ডেকে এনে প্রলোভন দিয়ে  
নিয়ে গিয়েছিঁস মহা দুর্ভিক্ষ-মাঝারে।  
খাদ্য বলে যাহা চায় ধূলিমুষ্টি হয়।  
তৃষ্ণার সলিলরাশি যায় বাষ্প হয়ে।  
প্রতিজ্ঞা করিন্দু শেষে যন্ত্রণায় জ্বলি  
এক দিন—এক দিন নেব প্রতিশোধ।  
সেই দিন হতে পশি গৃহহার মাঝারে  
সাধিয়াছিঁস মহা হত্যা আঁধারে বসিয়া।  
আজ সে প্রতিজ্ঞা মোর হয়েছে সফল।  
বধ করিয়াছিঁস তোর স্নেহের সন্তানে,  
বিশ্ব ভস্ম হয়ে গেছে জ্ঞানচিত্তানে।  
সেই ভস্মমুষ্টি আজি মাখিয়া শরীরে  
গৃহহার আঁধার হতে হইব বাহির।  
তোরি রক্তভূমিমাঝে বেড়াব গাহিয়া  
অপার আনন্দময় প্রতিশোধ-গান।  
দেখাব হৃদয় খুলে, কহিব তোমারে,  
এই দেখ্ তোর রাজ্য মরুভূমি আজি,  
তোর যারা দাস ছিল স্নেহ প্রেম দয়া  
শ্মশানে পড়িয়া আছে তাদের কঙ্কাল,  
প্রলয়ের রাজধানী বসেছে হেথায়।

## দ্বিতীয় দৃশ্য

রাজপথ

সন্ধ্যাসী

এ কী ক্ষুদ্র ধরা! এ কী বন্ধ চারি দিকে!  
কাছাকাছি ঘেঁষাঘেঁষি গাছপালা গৃহ  
চারি দিক হতে যেন আসিছে ঘেরিয়া,  
গায়ের উপরে যেন চাপিয়া পড়িবে!  
চরণ ফেলিতে যেন হতেছে সংকোচ,  
মনে হয় পদে পদে রহিয়াছে বাধা।  
এই কি নগর! এই মহা রাজধানী!  
চারি দিকে ছোটো ছোটো গৃহগৃহাগুলি,  
আনাগোনা করিতেছে নরপিপীলিকা।

চারি দিকে দেখা যায় দিনের আলোক,  
চোখেতে ঠেকিছে যেন সৃষ্টির পঞ্জর।  
আলোক তো কারাগার, নিষ্ঠুর কঠিন  
বস্তু দিয়ে ঘিরে রাখে দৃষ্টির প্রসর।  
পদে পদে বাধা থেয়ে মন ফিরে আসে,  
কোথায় দাঁড়াবে গিয়া ভাবিয়া না পায়।  
অন্ধকার স্বাধীনতা, শান্তি অন্ধকার,  
অন্ধকার মানসের বিচরণভূমি,  
অনন্তের প্রতিরূপ, বিশ্রামের ঠাই।  
এক মুষ্টি অন্ধকারে সৃষ্টি ঢেকে ফেলে,  
জগতের আদি অন্ত লুপ্ত হলে যায়,  
স্বাধীন অনন্ত প্রাণ নিমেষের মাঝে  
বিশ্বের বাহিরে গিয়ে ফেলে রে নিশ্বাস।

পথ দিয়া চলিতেছে এরা সব কারা!  
এদের চিনি নে আমি, বন্ধিতে পারি নে  
কেন এরা করিতেছে এত কোলাহল।  
কী চায়! কিসের লাগি এত ব্যস্ত এরা!  
এক কালে বিশ্ব যেন ছিল রে বৃহৎ,  
তখন মানুষ ছিল মানুষের মতো,  
আজ যেন এরা সব ছোটো হলে গেছে।

দেখি হেথা বসে বসে সংসারের খেলা।

কৃষ্ণকগের প্রবেশ

গান

হেদে গো নন্দরানী,  
আমাদের শ্যামকে ছেড়ে দাও।

আমরা রাখাল-বালক দাঁড়িয়ে দ্বারে,  
 আমাদের শ্যামকে দিয়ে যাও।  
 হেরো গো প্রভাত হল, সন্ধ্যা উঠে,  
 ফুল ফুটেছে বনে—  
 আমরা শ্যামকে নিয়ে গোষ্ঠে যাব  
 আজ করেছি মনে।  
 ওগো, পীতধড়া পরিয়ে তারে  
 কোলে নিয়ে আয়।  
 তার হাতে দিয়ে মোহন বেলু,  
 নুপুড় দিয়ে পায়।  
 রোদের বেলায় গাছের তলায়  
 নাচব মোরা সবাই মিলে।  
 বাজবে নুপুড় রননুঝননু,  
 বাজবে বাঁশি মধুর বোলে।  
 বনফুলে গাঁথব মালা,  
 পরিয়ে দিব শ্যামের গলে।

[ প্রস্থান

বালকপুত্র-সমেত স্ত্রীলোকের প্রবেশ

স্ত্রীলোক। (ব্রাহ্মণ পণ্ডিতের প্রতি) হ্যাঁগা দাদাঠাকুর, এত ব্যস্ত হয়ে কন্নে চলেছ?  
 ব্রাহ্মণ। আজ শিষ্যবাড়ি চলেছি নাতনি। অনেকগুলি ঘর আজকের মধ্যে সেরে আসতে হবে,  
 তাই সকাল সকাল বেরিয়েছি। তুমি কোথায় যাচ্ছ গা?

স্ত্রীলোক। আমি ঠাকুরের পুজু দিতে যাব। ঘরকন্নার কাজ ফেলে এসেছি, মিনুসে আবার  
 রাগ করবে। পথে দু দন্ড দাঁড়িয়ে যে জিগ্‌গেসপড়া করব তার জো নেই। বলি দাদাঠাকুর, আমাদের  
 ও দিকে যে একবার পায়ের ধুলো পড়ে না!

ব্রাহ্মণ। আর ভাই, বড়োসুড়ো হয়ে পড়েছি, তোদের এখন নবীন বয়েস, কী জানি পছন্দ না  
 হয়। যার দাঁত পড়ে গেছে, তার চালকড়াই ভাজার দোকানে না যাওয়াই ভালো।

স্ত্রীলোক। নাও, নাও, রুগ রেখে দাও।

আর-এক স্ত্রীলোক। এই-যে ঠাকুর, আজকাল তুমি যে বড়ো মাগ্‌গি হয়েছ।

ব্রাহ্মণ। মাগ্‌গি আর হলেম কই। সন্ধ্যাবেলায় পথের মধ্যে তোরা পাঁচ জনে মিলে আমাকে  
 টানাছেঁড়া আরম্ভ করেছিস। তবু তো আমার সেকাল নেই।

প্রথমা। আমি যাই ভাই, ঘরের সমস্ত কাজ পড়ে রয়েছে।

দ্বিতীয়। তা এস।

প্রথমা। (পুনর্বীর ফিরিয়া)। হ্যাঁলা অলংগ, তোদের পাড়ায় সেই-যে কথাটা শুনিয়েছিলুম, সে  
 কি সত্যি!

দ্বিতীয়। সে ভাই বেসতর কথা।

[ সকলের চুপি চুপি কথোপকথন

আর-কতগুলি পণ্ডিতের প্রবেশ

প্রথম। আমাকে অপমান! আমাকে চেনে না সে! তার কাঁধে কটা মাথা আছে দেখতে হবে!  
 তার ভিটেমাটি উচ্ছন্ন করে তবে ছাড়ব।

দ্বিতীয়। ঠিক কথা। তা না হলে তো সে জন্ম হবে না।

প্রথম। জন্ম বলে জন্ম! তাকে নাকের জলে চোখের জলে করব।

তৃতীয়। শাবাশ দাদা, একবার উঠেপড়ে লাগো তো।

চতুর্থ। লোকটার বড়ো বাড় বেড়েছে।

পঞ্চম। পিঁপড়ার পাখা ওঠে মরিবার তরে।

ষষ্ঠীয়। অতি দর্পে হত লক্ষা।

চতুর্থ। আচ্ছা, তুমি কী করবে শূনি দাদা।

প্রথম। কী না করতে পারি! গাধার উপরে চাড়িয়ে মাথায় ঘোল ঢালিয়ে শহর ঘুরিয়ে বেড়াতে পারি। তার এক গালে চুন এক গালে কালি লাগিয়ে দেশ থেকে দূর করে দিতে পারি, তার ভিটেয় ঘুঘু চরাতে পারি।

[ক্লোথে প্রস্থান। হাসিতে হাসিতে অন্য পথিকগণের অনুগমন]

প্রথম স্ত্রী। মাইরি, দাদাঠাকুর, আর হাসতে পারি নে, তোমার রঙ্গ রেখে দাও। ওমা, বেলা হয়ে গেল। আজ আর মন্দিরে যাওয়া হল না। আবার আর-এক দিন আসতে হবে। (সক্লোথে) পোড়ারমুখো ছেলে, তোর জন্যেই তো যাওয়া হল না, তুই আবার পথের মধ্যে খেলতে গিয়েছিলি কোথা?

ছেলে। কেন মা, আমি তো এইখানেই ছিলাম।

স্ত্রী। ফের আবার নেই করছিস!

[প্রহার, ক্লন্দন ও প্রস্থান]

দুইজন ব্রাহ্মণ-বটুর প্রবেশ

প্রথম। মাধব শাস্ত্রীরই জয়।

ষষ্ঠীয়। কখনো না, জনার্দন পণ্ডিতই জয়ী।

প্রথম। শাস্ত্রী বলছেন, স্থূল থেকে সূক্ষ্ম উৎপন্ন হয়েছে।

ষষ্ঠীয়। গুরু জনার্দন বলছেন, সূক্ষ্ম থেকে স্থূল উৎপন্ন হয়েছে।

প্রথম। সে যে অসম্ভব কথা।

ষষ্ঠীয়। সেই তো বেদবাক্য।

প্রথম। কেমন করে হবে? বৃক্ষ থেকে তো বীজ।

ষষ্ঠীয়। দূর মূর্খ, বীজ থেকেই তো বৃক্ষ।

প্রথম। আগে দিন না আগে রাত?

ষষ্ঠীয়। আগে রাত।

প্রথম। কেমন করে! দিন না গেলে তো রাত হবে না।

ষষ্ঠীয়। রাত না গেলে তো দিন হবে না।

প্রথম। (প্রণাম করিয়া) ঠাকুর, একটা সন্দেহ উপস্থিত হয়েছে।

সন্ন্যাসী। কী সংশয়?

ষষ্ঠীয়। প্রভু, আমাদের দুই গুরুর বিচার শূনে অর্থাৎ আমরা দুই জনে মিলে তিন দিন তিন রাত্রি অনবরত ভাবছি স্থূল হতে সূক্ষ্ম না সূক্ষ্ম হতে স্থূল, কিছুতেই নির্ণয় করতে পারছি নে।

সন্ন্যাসী।

স্থূল কোথা! স্থূল সূক্ষ্ম ভেদ কিছু নাই,

নানারূপে ব্যক্ত হয় শক্তি প্রকৃতির।

সবই সূক্ষ্ম, সবই শক্তি, স্থূল সে তো ভ্রম।

প্রথম। আমিও তো তাই বলি। আমার মাধব গুরুও তো তাই বলেন।

ষষ্ঠীয়। আমারও তো ঐ মত। আমার জনার্দন গুরুও তো ঐ মত।

উভয়ে। (প্রণাম করিয়া) চললেম প্রভু!

[বিবাদ করিতে করিতে প্রস্থান]

সম্ম্যাসী। হা রে মর্খ, দুজনেই বদ্বিল না কিছ।  
 এক খণ্ড কথা পেয়ে লভিল সাস্থনা।  
 জ্ঞানরত্ন খুঁজে খুঁজে খনি খুঁড়ে মরে—  
 মূঠো মূঠো বাক্যধূলা আঁচল পুরিয়া,  
 আনন্দে অধীর হয়ে ঘরে নিয়ে যায়।

একদল মালিনীর প্রবেশ

গান

বদ্বি বেলা বহে যায়,

কাননে আয় তোরা আয়।

আলোতে ফুল উঠল ফুটে, ছায়ায় ঝরে পড়ে যায়।

সাধ ছিল রে পরিণে দেব মনের মতন মালা গেঁথে,

কই সে হল মালা গাঁথা, কই সে এল হায়!

যমুনার ঢেউ যাচ্ছে বয়ে, বেলা চলে যায়।

পথিক। কেন গো এত দৃঃখ কিসের! মালা যদি থাকে তো গলাও ঢের আছে।

মালিনী। হাড়কাঠও তো কম নেই।

দ্বিতীয় মালিনী। পোড়ারমুখো মিন্‌সে, গোরদ্বাছুর নিয়েই আছে। আর, আমি যে গলা  
 ভেঙে মরিছি, আমার দিকে একবার তাকালেও না! (কাছে গিয়া গা ঘেঁষিয়া) মর্ মিন্‌সে গায়ের  
 উপর পড়িস কেন?

সেই লোক। গায়ে পড়ে ঝগড়া কর কেন! আমি সাত হাত তফাতে দাঁড়িয়ে ছিলুম।

দ্বিতীয় মালিনী। কেনে গা! আমরা বাঘ না ভাল্লুক! নাহয় একটু কাছেই আসতে! থেয়ে  
 তো ফেলতুম না।

[হাসিতে হাসিতে সকলের প্রস্থান]

একজন বৃদ্ধ ভিক্ষকের প্রবেশ

গান

ভিক্ষে দে গো ভিক্ষে দে।

ম্বারে ম্বারে বেড়াই ঘুরে, মৃখ তুলে কেউ চাইল নে।

লক্ষ্মী তোদের সদয় হোন, ধনের উপর বাড়ুক ধন—

আমি একটি মূঠো অন্ন চাই গো, তাও কেন পাই নে।

ওই রে সূর্য উঠল মাথায়, যে যার ঘরে চলেছে—

পিপাসাতে ফাটছে ছাতি, চলতে আর যে পারি নে।

ওরে, তোদের অনেক আছে, আরো অনেক হবে—

একটি মূঠো দিবি শূন্য, আর কিছ চাই নে।

একদল সৈনিক। (ধাক্কা মারিয়া) সরে যা, সরে যা, পথ ছেড়ে দে। বেটা, চোখ নেই! দেখাছিস  
 নে মন্ত্রীর পদ আসছেন!

[বাদ্য বাজাইয়া চতুর্দোলা চড়িয়া মন্ত্রীপদ্যের প্রবেশ ও প্রস্থান]

সম্ম্যাসী। মধ্যাহ্ন আইল, অতি তীক্ষ্ণ রবিকর।

শূন্য যেন তপ্ত তাম্ব-কটাহের মতো।

ঝাঁ ঝাঁ করে চারি দিক; তপ্ত বায়ুভরে

থেকে থেকে ঘুরে ঘুরে উড়ছে বালুকা।



সকাল হইতে আছি, কী দেখিনু হেথা?  
এ দীর্ঘ পরান মোর সংকুচিত ক'রে  
পারি কি এদের সাথে মিশিতে আবার।  
কী ঘোর স্বাধীন আমি! কী মহা আলয়!  
জগতের বাধা নাই—শূন্যে করি বাস।

### তৃতীয় দৃশ্য

অপরাহ্ন। পথ

প্রথম পথিক। পান্থগণ, সরে যাও। হেরো, আসিতেছে  
ধর্মদ্রষ্ট অনাচারী রঘুর দ্ৰুহিতা।

বালিকার প্রবেশ

প্রথম পথিক। ছুঁস নে ছুঁস নে মোরে—  
দ্বিতীয় পথিক। সরে যা অশুচি।  
তৃতীয় পথিক। হতভাগী জানিস নে রাজপথ দিয়ে  
আনাগোনা করে যত নগরের লোক—  
স্লেচ্ছকন্যা, তুই কেন চলিস এ পথে!

বালিকার পথপার্শ্বে বৃক্ষতলে সরিয়া যাওন  
একজন বৃদ্ধা। কে তুমি গা, কার বাছা, চোখে অশ্রুজল,  
ভিখারিনী বেশে কেন রয়েছ দাঁড়ায়ে  
এক পাশে?

কাঁদিয়া উঠিয়া

বালিকা। জননী গো আমি অনাথিনী।  
বৃদ্ধা। আহা মরে যাই!  
পথিকগণ। ছুঁয়ো না ছুঁয়ো না ওরে—  
কে গো তুমি, জান না কি অনাচারী রঘু,  
তাহারি দ্ৰুহিতা ও যে!  
বৃদ্ধা। ছি ছি ছি, কী ঘৃণা!

[ প্রস্থান

দেবীমন্দিরের কাছে গিয়া

বালিকা। জগৎ-জননী মা গো, তুমিও কি মোরে  
নেবে না? তুমিও কি মা ত্যজিবে অনাথে?  
ঘৃণায় সবাই যারে দেয় দূর করে  
সে কি মা তোমারও কোলে পায় না আশ্রয়?  
মন্দিররক্ষক। দূর হ! দূর হ তুই অনাথী অশুচি!  
কী সাহসে এসেছিস মন্দিরের মাঝে!

জননী ও দূহিতার প্রবেশ

জননী। আরতির বেলা হল, আয় বাছা আয়।  
আয় রে আয় রে মোর বন্ধু-চেরা ধন!  
মন্দিরের দীপ হতে কাজল পরাব,  
অকল্যাণ যত কিছুর যাবে দূর হয়ে।

কন্যা। ও কেও মা!

জননী। ও কেউ না, সরে আয় বাছা!

[ প্রস্থান

বালিকা। এ কি কেউ না মা! এ কি নিতান্ত অনাথা!  
এর কি মা ছিল না গো! ও মা, কোথা তুমি!

সন্ন্যাসীকে দেখিয়া

প্রভু, কাছে যাব আমি?

সন্ন্যাসী। এসো বৎসে, এসো।

বালিকা। অনাৰ্য্য অশুচি আমি।

হাসিয়া

সন্ন্যাসী। সকলেই তাই।

সেই শূচি ধুয়েছে যে সংসারের ধূলা।

দূরে দাঁড়াইয়া কেন! ভয় নাই বাছা।

চমকিয়া

বালিকা। ছুঁয়ো না, ছুঁয়ো না, আমি রঘুর দূহিতা।

সন্ন্যাসী। নাম কি তোমার বৎসে?

বালিকা। কেমনে বলিব?

কে আমারে নাম ধরে ডাকিবে প্রভু গো,  
বাল্যে পিতৃমাতৃহীনা আমি।

সন্ন্যাসী। বোসো হেথা।

কাঁদিয়া উঠিয়া

বালিকা। প্রভু, প্রভু, দয়াময়, তুমি পিতা মাতা,

একবার কাছে তুমি ডেকেছ যখন

আর মোরে দূর করে দিয়ো না কখনো।

সন্ন্যাসী। মদুছ অশ্রুজল বৎসে, আমি যে সন্ন্যাসী।

নাইকো কাহারো 'পরে ঘৃণা-অনুরাগ।

যে আসে আসুক কাছে, যায় যাক দূরে,

জেনো বৎসে মোর কাছে সকলি সমান।

বালিকা। আমি, প্রভু, দেব নর সবারি তাড়িত,

মোর কেহ নাই—

সন্ন্যাসী। আমাদের তো কেহ নাই।

দেব নর সকলেরে দিয়োছি তাড়ায়ে।

বালিকা। তোমার কি মাতা নাই?

সন্ন্যাসী। নাই।  
 বালিকা। পিতা নাই?  
 সন্ন্যাসী। নাই বৎসে।  
 বালিকা। সখা কেহ নাই?  
 সন্ন্যাসী। কেহ নাই।  
 বালিকা। আমি তবে কাছে রব, ত্যোজিবে না মোরে?  
 সন্ন্যাসী। তুমি না ত্যোজিলে মোরে আমি ত্যোজিব না।  
 বালিকা। যখন সবাই এসে কহিবে তোমারে—  
 রঘুর দ্বাহিতা, ওরে ছুঁয়ো না, ছুঁয়ো না,  
 অনার্য অশুচি ও যে স্লেচ্ছ ধর্মহীন—  
 তখনো কি ত্যোজিবে না? রাখিবে কি কাছে?  
 সন্ন্যাসী। ভয় নাই, চল্ বৎসে তোর গৃহ যেথা।

[ প্রস্থান ]

### চতুর্থ দৃশ্য

পথপার্শ্বে বালিকার ভগ্নকুটীর

বালিকা। পিতা!  
 সন্ন্যাসী। আহা, পিতা বলে কে ডাকিল ওরে!  
 সহসা শূন্যিয়া যেন চমকি উঠিন্দু।  
 বালিকা। কী শিক্ষা দিতেছ, প্রভু, বদ্বিতে পারি নে।  
 শূন্য বলে দাও মোরে আশ্রয় কোথায়।  
 কে আমারে ডেকে নেবে, কাছে করে নেবে,  
 মৃৎ তুলে মৃৎপানে কে চাহিবে মোর?  
 সন্ন্যাসী। আশ্রয় কোথায় পারি এ সংসারমাঝে।  
 এ জগৎ অন্ধকার প্রকাণ্ড গহ্বর—  
 আশ্রয় আশ্রয় বলে শত লক্ষ প্রাণী  
 বিকট গ্রাসের মাঝে ধৈর্য পড়ে গিয়া,  
 বিশাল জঠরকুণ্ডে কোথা পায় লোপ।  
 মিথ্যা রাক্ষসীরা মিলে বাঁধিয়াছে হাট,  
 মধুর দ্বাভিক্ষরাশি রেখেছে সাজায়ে,  
 তাই চারি দিক হতে আসিছে অতিথি।  
 যত খায় ক্ষুধা জ্বলে, বাড়ে অভিলাষ,  
 অবশেষে সাধ যায় রাক্ষসের মতো  
 জগৎ মদ্যায় করে মৃৎখেতে পদ্রিতে।  
 হেথা হতে চলে আয়—চলে আয় তোরা।  
 বালিকা। এখানে তো সকলেই সুখে আছে পিতা।  
 দূরেতে দাঁড়িয়ে আমি চেয়ে চেয়ে দেখি!  
 সন্ন্যাসী। হায় হায়, ইহাদের বদ্বাব কেমনে!  
 মৃৎ দৃংখ সে তো, বাছা, জগতের পীড়া!

জগৎ জীবন্ত মৃত্যু—অনন্ত যন্ত্রণা!  
 মরণ মরিতে চায়, মরিছে না তবু—  
 চিরদিন মৃত্যুরূপে রয়েছে বাঁচিয়া।  
 জগৎ মৃত্যুর নদী চিরকাল ধরে  
 পড়িছে সমুদ্রমাঝে, ফুরায় না তবু—  
 প্রতি ঢেউ, প্রতি তৃণ, প্রতি জলকণা  
 কিছই থাকে না, তবু সে থাকে সমান।  
 বিশ্ব মহা মৃতদেহ, তারি কীট তোরা  
 মরণেরে খেয়ে খেয়ে রয়োঁছস বেঁচে—  
 দূ দণ্ড ফুরায় যাবে কিলিবিলা করি,  
 আবার মৃতের মাঝে রহিবি মরিয়া।  
 বালিকা। কী কথা বলিছ, পিতা, ভয় হয় শুনৈ।

পথে একজন ভিক্ষুক পথিকের প্রবেশ

পথিক। আশ্রয় কোথায় পাব? আশ্রয় কোথায়?  
 সন্ন্যাসী। আশ্রয় কোথাও নাই—কে চাহে আশ্রয়?  
 আশ্রয় কেবল আছে আপনার মাঝে।  
 আমি ছাড়া যাহা-কিছ সর্কলি সংশয়।  
 আপনারে খুঁজে লও, ধরো তারে বৃকে,  
 নহিলে ডুবিতে হবে সংশয়পাথারে।  
 পথিক। আশ্রয় কে দেবে মোরে? আশ্রয় কোথায়?

বাহিরে আসিয়া

বালিকা। আহা, কে গো, আসিবে কি এ মোর কুটীরে?  
 কাল প্রাতে চলে যেয়ো শ্রান্তি দূর করে।  
 একপাশে পর্ণশয্যা রেখেছি বিছায়ে,  
 এনে দেব ফলমূল, নিব্বারের জল।  
 পথিক। কে তুমি গো?  
 বালিকা। তোমাদের একজন আমি।  
 পথিক। পিতার কী নাম তব? কে তুমি বালিকা?  
 বালিকা। পরিচয় না পেলে কি আসিবে না ঘরে!  
 তবে শুন পরিচয়—রঘু পিতা মম,  
 অনার্যা অশুচি আমি, বিশ্বের ঘৃণিত।

চমকিয়া

পথিক। রঘুর দহিতা তুমি? সূত্রে থাকো বাছা!  
 কাজ আছে অন্যস্তরে, তরা যেতে হবে।

একটা খাট মাথায় হাসিতে হাসিতে পথে একদল লোকের প্রবেশ

সকলে মিলিয়া। হরিবোল—হরিবোল!  
 প্রথম। বেটা এখনো জাগল না রে।  
 দ্বিতীয়। বিষম ভারী।

একজন পথিক। কে হে, কাকে নিয়ে যাও?

তৃতীয়। বিন্দে তাঁতি মড়ার মতো ঘুমোচ্ছিল, বেটাকে খাটসুন্দর উঠিয়ে এনেছি।

সকলে। হরিবোল—হরিবোল!

দ্বিতীয়। আর ভাই, বইতে পারি নে, একবার ঝাঁকা দাও, শালা জেগে উঠুক।

বিন্দে। (সহসা জাগিয়া উঠিয়া) অ্যাঁ অ্যাঁ উঁ উঁ!

তৃতীয়। ওরে, শব্দ করে কে রে?

বিন্দে। ওগো, ওগো, এ কী! আমি কোথায় যাচ্ছি!

সকলে। (খাট নামাইয়া) চুপ কর্ বেটা!

দ্বিতীয়। শালা মরে গিয়েও কথা কয়!

চতুর্থ। তুই যে মরেছিস রে! হাত-পাগুলো সিধে করে চিত হয়ে পড়ে থাক্।

বিন্দে। আমি মরি নি, আমি ঘুমোচ্ছিলুম।

পঞ্চম। মরেছিস তোর হুঁশ নেই, তুই তর্ক করতে বসলি! এমনি বেটার বুদ্ধি বটে!

ষষ্ঠ। ওর কথা শোন কেন! বিপদে পড়ে এখন মিথ্যে কথা বলছে।

সপ্তম। মিছে দেরি কর কেন? ও কি আর কবুল করবে? চলো ওকে পুড়িয়ে নিয়ে আসিগে।

বিন্দে। দোহাই বাবা, আমি মরি নি। তোদের পায়ে পড়ি বাবা, আমি মরি নি।

প্রথম। আচ্ছা, আগে প্রমাণ কর্ তুই মরিস নি।

বিন্দে। হাঁ, আমি প্রমাণ করে দেব, আমার স্ত্রীর হাতে শাঁখা আছে দেখবে চলো।

দ্বিতীয়। না, তা না, ওকে মার, দেখি ওর লাগে কি না।

তৃতীয়। (মারিয়া) লাগছে?

বিন্দে। উঃ!

চতুর্থ। এটা কেমন লাগল?

বিন্দে। ও বাবা!

পঞ্চম। এটা কেমন?

বিন্দে। তুমি আমার ধর্মবাপ।

[সহসা ছুটিয়া পলায়ন ও হাসিতে  
হাসিতে সকলের অনঙ্গমন]

সন্ন্যাসী। আহা, শ্রান্তদেহে বালা ঘুমিয়ে পড়েছে।

ভুলে গেছে সংসারের অনাদর-জ্বালা।

কঠিন মাটিতে শূন্যে শিরে হাত দিয়ে

ঘুমের মায়ের কোলে রয়েছে আরামে।

যেন এই বালিকার ছোটো হাত দুটি

হৃদয়েরে অতি ধীরে করিছে বেষ্টন।

পালা, পালা, এইবেলা, পালা এইবেলা!

ঘুমিয়েছে, এইবেলা ওঠ্ রে সন্ন্যাসী!

পলায়ন! পলায়ন! ছিছি পলায়ন!

অবহেলা করি আমি বিশ্বজগতেরে,

বালিকা দেখিয়া শেষে পলাইতে হবে!

কখনো না, পালাব না, রহিব এমনি।

প্রকৃতি, এই কি তোর মায়াফাঁদ যত!

এ উর্ণাজালে তো শূন্য পতঙ্গেরা পড়ে।

## চমকিয়া জাগিয়া

বালিকা। প্রভু, চলে গেছ তুমি! গেছ কি ফেলিয়া!

সন্ধ্যাসী। কেন যাব! কার ভয়ে পলাইব আমি!

ছায়ার মতন তোরে রাখিব কাছেতে,  
তবুও রহিব আমি দূর হতে দূরে।

বালিকা। ওই শোনো, রাজপথে মহা কোলাহল।

সন্ধ্যাসী। কোলাহল-মাঝে আমি রচিব নিজন,  
নগরে পথের মাঝে তপোবন মোর,  
পাতিব প্রলয়াসন সৃষ্টির হৃদয়ে।

## একদল পদ্রুশ ও স্ত্রীলোকের প্রবেশ

প্রথম স্ত্রী। (কোনো পদ্রুশের প্রতি) যাও, যাও, আর মদুখের ভালোবাসা দেখাতে হবে না!

প্রথম পদ্রুশ। কেন, কী অপরাধ করলুম?

স্ত্রী। জানি গো জানি, তোমরা পদ্রুশ মানুষ, তোমাদের পাষণ প্রাণ।

প্রথম পদ্রুশ। আচ্ছা, আমাদের পাষণ প্রাণই যদি হবে, তবে ফুলশরকে কেন ডরাই? (অন্য সকলের প্রতি) কী বল ভাই? যদি পাষণই হবে তবে কি আর ফুলশরের আঁচড় লাগে!

দ্বিতীয় পদ্রুশ। বাহবা, বেশ বলেছ।

তৃতীয় পদ্রুশ। শাবাশ খুড়ো, শাবাশ!

চতুর্থ পদ্রুশ। (স্ত্রীলোকের প্রতি) কেমন! এখন জবাব দাও।

প্রথম পদ্রুশ। না, তাই বলছি। তোমরা তো দশজন আছ, তোমরাই বিচার করে বলো-না কেন, যদি পাষণ প্রাণই হবে তবে—

পঞ্চম পদ্রুশ। ঠিক কথা বলেছ। তুমি না হলে আমাদের মদুখরক্ষা করত কে!

ষষ্ঠ পদ্রুশ। খুড়ো এক-একটা কথা বড়ো সরেশ বলে।

সপ্তম পদ্রুশ। হাঁ, আমিও অমন বলতে পারতুম। ও কি আর নিজে বলে? কোন্ এক পদ্রুশ থেকে পড়ে বলেছে।

আর একজন পদ্রুশ। (আসিয়া) কী হে কী কথাটা হচ্ছে? কী কথাটা হচ্ছে?

প্রথম পদ্রুশ। শোনো, তোমায় বদ্বিষ্মে বলি। এই উনি বলছিলেন, তোমরা পদ্রুশ মানুষ, তোমাদের পাষণ প্রাণ। তাইতো আমি বললেম, আচ্ছা যদি পাষণ প্রাণই হবে, তবে ফুলশরের আঁচড় লাগবে কী করে? বদ্বিষ্ম ভাবখানা? অর্থাৎ যদি—

অষ্টম পদ্রুশ। আমাকে আর বোঝাতে হবে না দাদা! আমি আর বদ্বিষ্ম নি! আজ বাইশ বৎসর ধরে আমি নিজ শহরে গুড়ের কারবার করে আসছি, আর একটা মানে বদ্বিষ্মে পারব না এ কোন্ কথা!

প্রথম পদ্রুশ। (স্ত্রীলোকের প্রতি) কেমন, এখন একটা জবাব দাও।

## সকল স্ত্রীলোকে মিলিয়া গান

কথা কোস নে লো রাই, শ্যামের বড়াই বড়ো বেড়েছে।

কে জানে ও কেমন করে মন কেড়েছে।

শুধু ধীরে বাজায় বাঁশি, শুধু হাসে মধুর হাসি,

গোপনীদের হৃদয় নিয়ে তবে ছেড়েছে।

## একজন পদ্রুশের গান

প্রিয়ে, তোমার ঢেঁকি হলে যেতেন বেঁচে

রাঙা চরণতলে নেচে নেচে।

টিপ্‌টিপিয়ে যেতেম মারা, মাথা খুঁড়ে হতেম সারা,  
কানের কাছে কচ্‌কিচিয়ে মানটি তোমার নিতেম যেচে।

দ্বিতীয় পদরূষ। বাহবা দাদা, বেশ গেয়েছ।

তৃতীয় পদরূষ। বেশ, বেশ, শাবাশ!

সপ্তম পদরূষ। আরে দর, ওকে কি আর গান বলে! গাইত বটে নিতাই, যে, হাঁ, শূনে চক্ষু  
দিয়ে অশ্রু পড়ত।

[ প্রস্থান

### পঞ্চম দৃশ্য

#### গৃহাম্বারে

বালিকা। না পিতা ও-সব কথা বোলো না আমারে—  
শূনে ভয় করে শূধু, বদ্বিষিতে পারি নে।  
সন্ন্যাসী। তবে থাক্, তবে তুই কাছে আয় মোর,  
দেখি তোর অতিমৃদু স্পর্শ স্নেহমল।  
আহা, তোর স্পর্শ মোর ধ্যানের মতন—  
সীমা হতে নিয়ে যায় অসীমের স্ফারে।

এ কি মায়া? এ কি স্বপ্ন? এ কি মোহঘোর?  
জগৎ কি মায়া করে ছায়া হয়ে গিয়ে  
করিছে প্রাণের কাছে অনন্তের ভান?

#### দূরে সরিয়া

বালিকা, এ-সব কথা না শূনিবি যদি  
সন্ন্যাসীর কাছে তবে এলি কী আশায়?  
বালিকা। আমি শূধু কাছে কাছে রহিব তোমার,  
মুখপানে চেয়ে রব বসি পদতলে।  
নগরের পথে যবে হইবে বাহির  
ওই হাত ধরে আমি যাব সাথে সাথে।  
সন্ন্যাসী। পিঞ্জরের ছোটো পাখি আহা ক্ষীণ অতি,  
এরে কেন নিয়ে যাই অনন্তের মাঝে!  
ডানা দিয়ে মৃদু ঢেকে ভয়ে হল সারা,  
আমার বৃকের কাছে লুকাইতে চায়।  
আহা, তবে নেবে আয়। থাক্ মৃদু ঢেকে।  
বৃকের মাঝেতে তবে থাক্ লুকাইয়া।

এ কি স্নেহ? আমি কি রে স্নেহ করি এরে?  
না না। স্নেহ কোথা মোর! কোথা দেব ঘৃণা!  
কাছে যদি আসে কেহ তাড়াব না তারে,  
দূরে যদি থাকে কেহ ডাকিব না কাছে।

প্রকাশ্যে

বাছা, এ আঁধারে তুই কেমনে রহিবি?  
 তোরা সব ছোটো ছোটো আলোকের প্রাণী।  
 কুটীর রয়েছে তোর নগরের মাঝে,  
 সেথা আছে লোকজন, গাছপালা, পাখি—  
 হেথায় কে আছে তোর!

বালিকা। তুমি আছ পিতা।  
 যে স্নেহ দিয়েছ তুমি তাই নিয়ে রব।

হাসিয়া। স্বগত

সন্ন্যাসী। বালিকা কি মনে করে স্নেহ করি ওরে?  
 হায় হায় এ কী ভ্রম! জানে না সরলা  
 নিষ্কলঙ্ক এ হৃদয় স্নেহরেখাহীন।  
 তাই মনে করে যদি স্নেহ থাকে, থাক্।  
 মোহ নিয়ে ভ্রম নিয়ে বেঁচে থাকে এরা।

প্রকাশ্যে

যাই বৎসে, গৃহাম্বারে করি গে প্রবেশ,  
 একবার বসি গিয়ে সমাধি-আসনে।  
 বালিকা। ফিরিবে কখন পিতা?  
 সন্ন্যাসী। কেমনে বলিব!  
 ধ্যানে মগ্ন, নাই থাকে সময়ের জ্ঞান।

[ প্রস্থান

ষষ্ঠ দৃশ্য

অপরাহ্ন

গৃহাম্বারে সন্ন্যাসীর প্রবেশ

বালিকা। এলে তুমি এতক্ষণে, বসে আছি হেথা—  
 পিতা, আমি তোমা-তরে গিয়েছিলাম বনে,  
 এনেছি আঁচল ভরে ফলফুল তুলে।  
 দেখো চেয়ে কী সুন্দর রাঙা দুটি ফুল।

হাসিয়া

সন্ন্যাসী। দিতে চাস যদি বাছা, দে তবে যা খুশি।  
 মোর কাছে কিছ্ নাই সুন্দর কুৎসিত।  
 এক মৃতা ফুল যদি ভালো লাগে তোর  
 এক মৃতা ধূলা সেও কী করিল দোষ?



ভালো মন্দ কেন লাগে? সবই অর্থহীন।  
আজ বৎসে, সারাদিন কাটালি কী করে?  
বালিকা। ওই দেখো—চুপি চুপি এসো এই দিকে।  
সারাদিন মোর সাথে খেলা করে করে  
সাঁঝেতে লতাটি মোর ঘুমিয়ে পড়েছে।  
নুইয়ে পড়েছে ভুয়ে কাঁচ ডালগন্ডলি,  
পাতাগন্ডলি মূদে গেছে জড়াজড়ি করে।  
এসো পিতা, এইখানে বোসো এর কাছে—  
ধীরে ধীরে গায়ে দাও হাতটি বদলিয়ে।

স্বগত

সন্ন্যাসী। এ কী রে মদিরা আমি করি তোছি পান!  
এ কী মধু অচেতনা পশিছে হৃদয়ে!  
এ কী রে স্বপন-ঘোরে ছাইছে নয়ন!  
আবেশে পরানে আসে গোধূলি ঘনায়ে।  
পড়িছে জ্ঞানের চোখে মেঘ-আবরণ।  
ধীরে ধীরে মোহময় মরণের ছায়া  
কেন রে আমারে যেন আচ্ছন্ন করিছে!

সহসা ফুল ফল ছিঁড়িয়া ফেলিয়া  
ভূমিতে পদাঘাত করিয়া

দূর হোক—এ-সকল কিছুর ভালো নয়—  
বালিকা, বালিকা, তোর এ কী ছেলেখেলা!  
আমি যে সন্ন্যাসী যোগী মনুষ্ট নির্বিকার,  
সংসারের গ্রন্থিহীন, স্বাধীন সবল,  
এ ধুলায় ঢাকিবি কি আমার নয়ন!

কিয়ৎক্ষণ থামিয়া

বাছা রে, অমন করে চাহিয়া কেন রে!  
কেন রে নয়ন দুটি করে ছল ছল!  
জানিস নে তুই মোরা সন্ন্যাসী বিরাগী,  
আমাদের এ-সকল ভালো নাহি লাগে।  
ছি ছি, জনমিল প্রাণে একি এ বিকার!  
সহসা কেন রে এত করিল চঞ্চল!  
কোথা লুকাইয়া ছিল হৃদয়ের মাঝে  
ক্ষুদ্র রোষ, অগ্নিজিহ্ব নরকের কীট!  
কোন্ অন্ধকার হতে উঠিল ফুঁসিয়া!  
এতদিন অনাহারে এখনো মরে নি!  
হৃদয়ে লুকানো আছে এ কী বিভীষিকা!  
কোথা যে কে আছে গুপ্ত কিছুর তো জানি নে!  
হৃদয়শ্মশান-মাঝে মৃতপ্রাণী যত  
প্রাণ পেয়ে নাচিতেছে কঙ্কালের নাচ,  
কেমনে নিশ্চিন্ত হয়ে রহি আমি আর!

## প্রকাশ্যে

দাও বৎসে, এনে দাও ফলফুল তব,  
দেখাও কোথায়, বাছা, লতাটি তোমার—  
না, না, আমি চলিলাম নগরে ভ্রমিতে।  
দুঃ দণ্ড বসিয়া থাকো, আসিব এখনি।

[ প্রস্থান ]

## সপ্তম দৃশ্য

পর্বতশিখরে সম্মাসী

পর্বতপথে দুইজন স্ত্রীলোকের প্রবেশ

গান

বনে এমন ফুল ফুটেছে,  
মান করে থাকা আজ কি সাজে!  
মান-অভিমান ভাসিয়ে দিয়ে  
চলো চলো কুজমাঝে।  
আজ কোকিলে গেয়েছে কুহু, মূহূমূহুহু,  
আজ কাননে ওই বাঁশি বাজে।  
মান করে থাকা আজ কি সাজে!  
আজ মধুরে মিশাবি মধু, পরান-বধু  
চাঁদের আলোয় ওই বিরাজে।  
মান করে থাকা আজ কি সাজে!

সম্মাসী। সহসা পড়িল চোখে এ কী মায়াঘোর!  
জগতের কেন আজ মনোহর হেরি!  
পশ্চিমে কনকসন্ধ্যা সমুদ্রের মাঝে  
সুধীরে নীলের কোলে বেতেছে মিলায়ে।  
নিম্নে বনভূমিমাঝে ঘনায় আঁধার,  
সন্ধ্যার সুবর্ণছায়া উপরে পড়েছে।  
চারি দিকে শান্তিময়ী স্তব্ধতার মাঝে  
সিন্ধু শূন্য গাহিতেছে অবিশ্রাম গান।  
বামে, দূরে দেখা যায় শৈলপদতলে  
শ্যামল তরুর মাঝে নগরের গৃহ।  
কোলাহল থেমে গেছে, পথ জনহীন।  
দীপ জ্বলে উঠিতেছে দুঃ একটি করে—  
সন্ধ্যার আরতি হয়, শঙ্খঘণ্টা বাজে।

প্রকৃতি, এমন তোরে দেখি নি কখনো—  
এমন মধুর যদি মায়ামূর্তি তোর,  
দূর হতে বসে বসে দেখি-না চাহিয়া!  
হেথায় বসি-না কেন রাজার মতন,

জগতের রঞ্জভূমি সম্মুখে আমার!  
আমি আজি প্রভু তোর, তুই দাসী মোর,  
মায়াবিনী দেখা তোর মায়া-অভিনয়,  
দেখা তোর জগতের মহা ইন্দ্রজাল।  
খেলা কর্ সম্মুখেতে চন্দ্রসূর্য নিয়ে,  
নীলাকাশ রাজহুত ধরু মোর শিরে,  
সমস্ত জগৎ দিয়ে করু মোরে পূজা।  
উঠুক রে দিবানিশি সপ্তলোক হতে  
বিচিত্র রাগিণীময়ী মায়াময়ী গাথা।

আর-একদল পাখকের প্রবেশ

গান

মরি লো মরি,  
আমায় বাঁশিতে ডেকেছে কে!  
ভেবেছিলেম ঘরে রব, কোথাও যাব না—  
ওই যে, বাহিরে বাজিল বাঁশি বলো কী করি?  
শুনোই কোন্ কুঞ্জবনে যমুনাতীরে  
সাঁঝের বেলা বাজে বাঁশি ধীর সমীরে—  
ওগো তোরা জানিস যদি  
আমায় পথ বলে দে।  
আমায় বাঁশিতে ডেকেছে কে!  
দেখি গে তার মূখের হাসি,  
তারে ফুলের মালা পরিয়ে আসি,  
তারে বলে আসি তোমার বাঁশি  
আমার প্রাণে বেজেছে।  
আমায় বাঁশিতে ডেকেছে কে!

সন্ন্যাসী। জগৎ সম্মুখে মোর সমুদ্রের মতো,  
আমি তীরে বসে আছি পর্বতশিখরে—  
তরঙ্গেতে গ্রহতারা হতেছে আকুল,  
ভাসিতেছে কোটি প্রাণী জীর্ণ কাষ্ঠ ধরি।  
আমি শূন্য শূন্যেতেছি কলধ্বনি তার,  
আমি শূন্য দেখিতেছি তরঙ্গের খেলা।  
কিরণকুন্তলজাল এলায়ে চৌদিকে  
রুদ্ধ তালে নৃত্য করে এ মহাপ্রকৃতি।  
আলোক আঁধার-ছায়া, জীবন মরণ,  
রাত্রি দিন, আশা ভয়, উত্থান পতন,  
এ কেবল তালে তালে পদক্ষেপ তার।  
শত গ্রহ, শত তারা, শত কোটি প্রাণী  
প্রতি পদক্ষেপে তার জন্মিছে মরিছে।  
আমি তো ওদের মাঝে কেহ নই আর,  
তবে কেন এই নৃত্য দেখি-না বসিয়া!

একজন পথিক

গান

যোগী হে, কে তুমি হৃদি-আসনে।

বিভূতিভূষিত শূদ্র দেহ,

নাচিছ দিক্-বসনে।

মহা আনন্দে পলক-কায় গঙ্গা উথলি উছলি যায়,

ভালে শিশুশশী হাসিয়া চায়,

জটাজুট ছায় গগনে।

[ প্রস্থান

### অষ্টম দৃশ্য

গৃহাম্বারে

সন্ন্যাসীর প্রবেশ

সন্ন্যাসী। আয় তোরা, কাছে আয়, কে আসিবি আয়—

সকলি সুন্দর হেরি এ বিশ্বজগতে।

বালিকা। আমিও কি কাছে যাব! ডাকো পিতা, ডাকো!

কী দোষ করিয়াছিন্ বনো বদ্বাইয়া!

সন্ন্যাসী। কিছু ভয় করিস নে, কোনো দোষ নেই—

তোরে ফেলে আর কভু যাব না বালিকা।

গৃহের কাছে গিয়া

এ কী অন্ধকার হেথা! এ কী বন্ধ গৃহা!

আয় বাছা, মোরা দাঁছে বাহিরেতে যাই,

চাঁদের আলোতে গিয়ে বসি একবার।

বাহিরে আসিয়া

আহা এ কী সুমধুর! এ কী শান্তিসুধা!

কী আরামে গাছগুলি রয়েছে দাঁড়িয়ে!.

মনে সাধ যায় ওই তরু হয়ে গিয়ে

চন্দ্রালোকে দাঁড়াইয়া স্তম্ভ হয়ে থাকি।

ধীরে ধীরে কত কী যে মনে আসিতেছে।

অতীতের অতি দূর ফুলবন হতে

বায়ু যেন বহে আসে নিশ্বাসের মতো,

সাথে লয়ে পল্লবের মর্মরবিলাপ,

মিলিত জড়িত শত পুষ্পগন্ধরাশি।

এমনি জোছনা-রাগে কোন্‌খানে ছিন্,

কারা যেন চারি পাশে বসে ছিল মোর!

তোরি মতো দু-একটি মধুমাখা মধু

চাঁদের আলোতে মিশে পড়িতেছে মনে।

আর না রে, আর না রে, আর ফিরিব না।  
 তোদের অনেক দূরে ফেলিয়া এসেছি।  
 অনন্তের পারাবারে ভাসায়েছি তরী,  
 মাঝে মাঝে অতি দূরে রেখা দেখা যায়—  
 তোদের সে মেঘময় মায়াম্বীপগুলি।  
 সেথা হতে কারা তোরা বাঁশিটি বাজায়ে  
 আজিও ডাকিস মোরে! আমি ফিরিব না।  
 বন্দী করে রেখেছিলি মায়ামুগ্ধ করে,  
 পালায়ে এসেছি আমি, হয়েছি স্বাধীন।  
 তীরে বসে গা তোদের মায়াগানগুলি—  
 অনন্তের পানে আমি চলিছি ভাসিয়া।  
 বাছা, তুই কাছে আয়, দেখি তোরে আমি,  
 মৃৎখেতে পড়েছে তোর চাঁদের কিরণ।

কাছে আসিয়া

বালিকা। গান পড়িতেছে মনে, গাই বসে পিতা!

গান

মেঘেরা চলে চলে যায়,  
 চাঁদেরে ডাকে 'আয় আয়'।  
 ঘুমঘোরে বলে চাঁদ, 'কোথায়—কোথায়!'  
 না জানি কোথা চলিয়াছে,  
 কী জানি কী যে সেথা আছে,  
 আকাশের মাঝে চাঁদ চারি দিকে চায়।  
 সুদূরে—অতি—অতি দূরে,  
 বদ্বি রে কোন্ সুদূরপূরে  
 তারাগুলি ঘিরে বসে বাঁশির বাজায়।  
 মেঘেরা তাই হেসে হেসে  
 আকাশে চলে ভেসে ভেসে,  
 নদীকুলে চাঁদের হাসি চুরি করে যায়।

সন্ন্যাসী। এ কী রে চলিছি কোথা, এসেছি কোথায়!  
 বদ্বি আর আপনারে পারি নে রাখিতে।  
 বদ্বি মরি, ডুবি, বদ্বি লুপ্ত হয়ে যাই।  
 ওরে কোন্ অতলেতে যেতেছি তলায়ে—  
 সর্বাপেক্ষে চাপিছে ভার, আঁখি মৃদে আসে।  
 চৌদিকে কী যেন তোরে আসিছে ঘিরিয়া!  
 কোথায় রাখিলি তোর পালাবার পথ!  
 ঘুমিয়ে ঘুমিয়ে যে রে যেতেছিস চলি,  
 সহসা চরণে কোথা লাগিবে আঘাত,  
 বিনাশের মাঝখানে উঠিবি জাগিয়া।  
 এখনি ছিঁড়িয়া ফেল্ স্বপনের মায়া।

চল্ তোঁর নিজ রাজ্যে অনন্ত আঁধারে।  
যত চন্দ্র সূর্য্য সেথা ডুবে নিবে যাবে।  
ক্ষুদ্র এ আলোতে এসে হনু দিশেহারা,  
আঁধার দেয় না কভু পথ ভুলাইয়া।

### নবম দৃশ্য

#### গৃহায় সন্ন্যাসী

সন্ন্যাসী। আহা এ কী শান্তি, এ কী গভীর বিরাম!  
অন্তর বাহির যাবে, যাবে দেশ কাল—  
'আছি' মাত্র রবে শুধু, আর কিছদু নয়।

#### দীপ হস্তে বালিকার প্রবেশ

বালিকা। দুই দিন দুই রাতি চলে গেছে পিতা  
গৃহার দুয়ারে আমি বসিয়া রয়েছি,  
তাই আজ এক বার এসেছি দেখিতে।  
একটিও জনপ্রাণী আসে নি হেথায়,  
দীর্ঘ দিন, দীর্ঘ রাতি গিয়েছে কাটিয়া,  
কেন হেথা অন্ধকারে একা বসে আছি!  
কতক্ষণ বসে বসে শূন্যনন্দ সহসা  
তুমি যেন স্নেহবাক্যে ডাকিছ আমারে।  
নিতান্ত একেলা তুমি রয়েছ যে পিতা—  
তাই আর পারিনু না, আসিলাম কাছে।  
ওঁকি প্রভু, কথা কেন কহিছ না তুমি!  
ও কী ভাবে চেয়ে আছি মোর মৃৎখপানে!  
ভালো লাগিছে না পিতা? যাব তবে চলে?

সন্ন্যাসী। না না, এলি যদি, তবে যাস নে চলিয়া।  
আমি তো ডাকি নি তোরে, নিজে এসেছি।  
একটুকু দাঁড়া, তোরে দেখি ভালো করে।  
সংসারের পরপারে ছিলেম যে আমি,  
সহসা জগৎ হতে কে তোরে পাঠালে?  
সেথা হতে সাথে করে কেন নিয়ে এলি  
দিবালোক, পুষ্পগন্ধ, স্নিগ্ধ সমীরণ!  
কিবা তোঁর সন্ধ্যাকণ্ঠ, স্নেহমাখা স্বর!  
মরি কী অমিয়াময়ী লাভণ্যপ্রতিমা!  
সরলতাময় তোঁর মৃৎখানি দেখে  
জগতের 'পরে মোর হতেছে বিশ্বাস।  
তুই কিরে মিথ্যা মায়া, দুঃদণ্ডের ভ্রম!  
জগতের 'গাছে তুই ফুটেছিস ফুল,  
জগৎ কি তোঁরি মতো এত সত্য হবে!

চল্ বাছা, গুহা হতে বাহিরেতে যাই।  
সমুদ্রের এক পারে রয়েছে জগৎ,  
সমুদ্রের পরপারে আমি বসে আছি,  
মাঝেতে রহিলি তুই সোনার তরণী—  
জগৎ-অতীত এই পারাবার হতে  
মাঝে মাঝে নিয়ে যাবি জগতের কূলে

[ প্রস্থান

### দশম দৃশ্য

গুহার বাহিরে

সম্যাসী। আহা এঁকি চারি দিকে প্রভাতবিকাশ!  
এ জগৎ মিথ্যা নয়, বুদ্ধি সত্য হবে,  
মিথ্যা হয়ে প্রকাশিছে আমাদের চোখে।  
অসীম হতেছে বাস্তব সীমারূপ ধরি।  
যাহা-কিছু, ক্ষুদ্র ক্ষুদ্র অনন্ত সকলি!  
বালুকাকর কণা সেও অসীম অপার,  
তারি মধ্যে বাঁধা আছে অনন্ত আকাশ—  
কে আছে, কে পারে তারে আয়ত্ত করিতে?  
বড়ো ছোটো কিছুর নাই, সকলি মহৎ।  
আঁখি মৃদে জগতেরে বাহিরে ফেলিয়া  
অসীমের অন্তর্গত কোথা গিয়েছিলি!  
সীমা তো কোথাও নাই—সীমা সে তো ভ্রম।  
ভালো করে পড়িব এ জগতের লেখা,  
শুধু এ অক্ষর দেখে করিব না ঘৃণা।  
লোক হতে লোকান্তরে ভ্রমিতে ভ্রমিতে,  
একে একে জগতের পৃষ্ঠা উলটিয়া,  
ক্রমে যুগে যুগে হবে জ্ঞানের বিস্তার।  
বিশ্বের যথার্থ রূপ কে পায় দেখিতে!  
আঁখি মেলি চারি দিকে করিব ভ্রমণ,  
ভালোবেসে চাহিব এ জগতের পানে,  
তবে তো দেখিতে পাব স্বরূপ ইহার।

দুইজন পথিকের প্রবেশ

প্রথম। আর কত দূরে যাবি, ফিরে যা রে ভাই!  
আয় ভাই, এইখানে কোলাকুলি করি।  
দ্বিতীয়। কে জানে আবার কবে দেখা হবে ফিরে।  
প্রথম। আবার আসিব ফিরে যত শীঘ্র পারি।  
দ্বিতীয়। যাবে যদি, একবার দাঁড়াও হেথায়।  
একবার ফিরে চাও নগরের পানে।

ওই দেখো দূরে ওই গৃহটি তোমার—  
চারি দিকে রহিয়াছে লতিকার বেড়া,  
ওই সে অশোক গাছ বামে উঠিয়াছে,  
ওই তরুতলে বসে আমরা দুজনে  
কত রাগি জোছনাতে কথা কহিয়াছি।

প্রথম। দুদিনের এ বিরহ ছুরায় ফুঁরাবে,  
আনন্দের মাঝে পুন হইবে মিলন।

দ্বিতীয়। মনে যেন রেখো সখা, সুদূর প্রবাসে—  
পুরাতন এ বন্ধুরে ভুলিয়া না যেন।  
দেবতা রাখুন স্নেহে, আর কী কহিব।

[ প্রস্থান

সন্ন্যাসী। আহা, যেতে যেতে দৌঁছে চায় ফিরে ফিরে,  
অশ্রুজলে ভালো করে দেখিতে না পায়।  
বিপুল জগৎ-মাঝে দিগন্তের পানে  
সখা ওর কোথা গেল, কে জানে কোথায়!  
এ কী সংশয়ের দেশে রয়েছি আমরা,  
চোখের আড়ালে হেথা সবই অনিশ্চয়।  
বারেক যে কাছ হতে দূরে চলে গেল  
হয়তো সে কাছে ফিরে আর আসিবে না।  
তাই সদা চোখে চোখে রেখে দিতে চাই,  
তাই সদা টেনে নিই বন্ধুর মাঝেতে।  
কোথা কে অদৃশ্য হয় চারি দিক হতে,  
যাহা-কিছু বাকি থাকে ভয়ে তাহাদের  
আরো যেন দৃঢ় করে ধরি জড়াইয়া।  
সবাই চলিয়া যায় ভিন্ন ভিন্ন দিশে,  
অসমী জগতে মোরা কে কোথায় থাকি,  
মাঝে লোক-লোকান্তের ব্যবধান পড়ে।  
তবু কি গলায় দিবি মোহের বন্ধন!  
সুখ দুঃখ নিয়ে তবু করিবি কি খেলা!  
যে রবে না তবু তারে রাখিবারে চাস!  
ওরে, আমি প্রতিদিন দেখিতেছি, যেন  
কে আমারে অবিরত আনিতেছে টেনে।  
প্রতিদিন যেন আমি ঘুরিয়া ঘুরিয়া  
জগৎ-চক্রের মাঝে যেতেছি পড়িতে—  
চারি দিকে জড়াইছে অশ্রুর বাঁধন,  
প্রতিদিন কমিতেছে চরণের বল।

যাক্ ছিঁড়ে! গেল ছিঁড়ে! চল্ ছুটে চল্!  
চল্ দূরে—যত দূরে চলে রে চরণ।  
কে ও অসে অশ্রুনেত্রে শূন্যগৃহ-মাঝে,  
কে ওরে পশ্চাতে ডাকে 'পিতা পিতা' বলে!



ছিঁড়ে ফেল্ ভেঙে ফেল্ চরণের বাধা—  
হেথা হতে চল্ ছুটে, আর দেরি নয়।

### একাদশ দৃশ্য

পথে সম্যাসী

সম্যাসী। এসেছি অনেক দূরে—আর ভয় নাই।

পায়েতে জড়াল লতা, ছিন্ন হয়ে গেল।  
সেই মৃদু বার বার জাগিতেছে মনে।  
সে যেন করুণ মৃদু মনের দ্বারারে  
বসে বসে কাঁদিতেছে, ডাকিতেছে সদা।  
যতই রাখিতে চাই দ্বারার রুদ্ধিয়া—  
কিছুতেই যাবে না সে, ফিরে ফিরে আসে,  
একটু মনের মাঝে স্থান পেতে চায়।

নির্ভয়ে গা ঢেলে দিয়ে সংসারের স্রোতে  
এরা সবে কী আরামে চলেছে ভাসিয়া।  
যে যাহার কাজ করে, গৃহে ফিরে যায়,  
ছোটো ছোটো স্নেহে দৃষ্টিতে দিন যায় কেটে।  
আমি কেন দিবানিশি প্রাণপণ করে  
যুদ্ধিতেছি সংসারের স্রোত-প্রতিকূলে!  
পেরেছি কি এক তিল অগ্রসর হতে!  
বিপরীতে মৃদু শূন্য ফিরাইয়া আছি,  
উজানে যেতেছি বলে হইতেছে ভ্রম,  
পশ্চাতে স্রোতের টানে চলেছি ভাসিয়া—  
সবাই চলেছে যেথা ছুটেছি সেথাই!

দরিদ্র বালিকার প্রবেশ

বালিকা। ওগো, দয়া করো মোরে আমি অনাথিনী।

সহসা চমকিয়া উঠিয়া

সম্যাসী। কে রে তুই? কে রে বাছা? কোথা হতে এলি?  
অনাথিনী? তুইও কি তারি মতো তবে?  
তোরেও কি ফেলে কেউ গিয়েছে পলায়ে?  
তারেই কি চারি দিকে খুঁজিয়া বেড়াস?  
বৎসে, কাছে আয় তুই—দে রে পরিচয়।  
বালিকা। ভিখারি বালিকা আমি, সম্যাসী ঠাকুর,  
অন্ধ বৃদ্ধ মাতা মোর রোগশয্যাশায়ী।  
আসিয়াছি এক-মুঠা ভিক্ষাস্নেহ তরে।

সন্ন্যাসী। আহা বৎসে, নিয়ে চল্ কুটীরেতে তোর।  
রঙ্গণ তোর জননীরে দেখে আসি আমি।

[ প্রস্থান ]

কতকগুলি সন্তান লইয়া একজন স্ত্রীলোকের প্রবেশ

স্ত্রী। দেখ্ দেখি, মিশ্রদের বাড়ির ছেলেগুলি কেমন রিষ্টপুষ্টি! দেখলে দু-দণ্ড চেয়ে থাকতে ইচ্ছে করে—আর এঁদের ছিরি দেখে-না, যেন বৃষকাস্ত্রী দাঁড়িয়ে আছেন, যেন সাত কুলে কেউ নেই, যেন সাত জন্মে খেতে পান না।

সন্তানগণ। তা আমরা কী করব মা! আমাদের দোষ কী?

মা। বললেম—বলি, রোজ সকালে ভালো করে হলুদ মেখে তেল মেখে স্নান কর্, ধাত পোষ্টাই হবে, ছিরি ফিরবে—তা তো কেউ শুনবে না! আহা, ওদের দিকে চাইলে চোখ জুড়িয়ে যায়, রঙ যেন দুধে আলতায়—

সন্তানগণ। আমাদের রঙ কালো তা আমরা কী করব?

মা। তোদের রঙ কালো কে বললে? তোদের রঙ মন্দ কী? তবে কেন ওদের মতো দেখায় না?

[ প্রস্থান ]

সন্ন্যাসীর প্রবেশ। একটি কন্যা লইয়া স্ত্রীলোকের প্রবেশ

সন্ন্যাসী। কোথায় চলেছ বাছা?

স্ত্রী। প্রণাম ঠাকুর!

ঘরেতে যেতেছি মোরা।

সন্ন্যাসী। সেথায় কে আছে?

স্ত্রী। শাশুড়ি আছেন মোর, আছেন সোয়ামী,  
শত্রুমুখে ছাই দিয়ে দুটি ছেলে আছে।

সন্ন্যাসী। কী কাজে কাটাও দিন বলো মোরে বাছা!

স্ত্রী। ঘরকন্না-কাজ আছে, ছেলেপিলে আছে,  
গোয়ালে তিনটি গোরু তার করি সেবা,  
বিকলে চরকা কাটি মেয়েটির নিয়ে।

সন্ন্যাসী। সুখেতে কি কাটে দিন? দুঃখ কিছ্ নেই?

স্ত্রী। দয়ার শরীর রাজ্য প্রজার মা-বাপ,  
কোনো দুঃখ নেই প্রভু! রামরাজ্যে থাকি।

সন্ন্যাসী। এটি কি তোমারি মেয়ে বাছা!

স্ত্রী। হাঁ ঠাকুর।

কন্যার প্রতি

যা না রে, প্রভুরে গিয়ে কর্ দণ্ডবৎ।

সন্ন্যাসী। আয় বৎসে, কাছে আয়, কোলে করি তোরে।  
আসিবি নে! তুই মোরে চিনেছিস বদ্বিধ—  
নিষ্ঠুর কঠিন আমি পাবাণহৃদয়,  
আমারে বিশ্বাস করে আসিস নে কাছে!

মাকে টানিয়া

কন্যা। মা গো, ঘরে চলো।  
স্ত্রী। তবে প্রণাম ঠাকুর।  
সন্ন্যাসী। যাও বাছা, স্নুখে থাকো আশীর্বাদ করি।

[ সন্ন্যাসী বাতীত সকলের প্রস্থান

বসে বসে কী দেখি এ, এই কি রে স্নুখ!  
লঘু স্নুখ লঘু আশা বাহিয়া বাহিয়া  
সংসারসাগরে এরা ভাসিয়া বেড়ায়,  
তরঙ্গের নৃত্য-সনে নৃত্য করিতেছে।  
দু দিনোতে জীর্ণ হবে এ ক্ষুদ্র তরণী,  
আশ্রয়ের সাথে কোথা মজিবে পাথারে।  
আমি তো পেয়েছি কূল অটল পর্বতে,  
নিভা যাহা তারি মাঝে করিতেছি বাস।  
আবার কেন রে হোথা সন্তরণ-সাধ!  
ওই অশ্রুসাগরের তরঙ্গহিল্লোলে  
আবার কি দিবানিশি উঠিবি পড়িবি!

চক্ষু মর্দিয়া

হৃদয় রে, শান্ত হও, যাক সব দূরে -  
যাক দূরে, যাক চলে মায়া-মরীচিকা।  
এসো এসো অন্ধকার, প্রলয়সমুদ্রে  
তন্ত দীপ্ত দগ্ধ প্রাণ দাও ডুবাওয়া।  
অকূল স্তম্ভতা এসো চারি দিকে ঘিরে,  
কোলাহলে কণ্ঠ মোর হয়েছে বধির।  
গেল, সব ডুবে গেল, হইল বিলীন,  
হৃদয়ের অগ্নিজ্বালা সব নিবে গেল!

বালিকার প্রবেশ

বালিকা। পিতা, পিতা, কোথা তুমি পিতা!

চমকিয়া

সন্ন্যাসী। কে রে তুই!  
বালিকা। চিনি নে, চিনি নে তোরে, কোথা হতে এলি!  
বালিকা। আমি, পিতা, চাও পিতা, দেখো পিতা, আমি।  
সন্ন্যাসী। চিনি নে, চিনি নে তোরে, ফিরে যা, ফিরে যা!

চলিতে চলিতে

আমি কারো কেহ নই, আমি যে স্বাধীন।

পায়ে পড়িয়া

বালিকা। আমারে যেয়ো না ফেলে, আমি নিরাশ্রয়।

শুধায় শুধায় সবে তোমারে খুঁজিয়া  
বহু দূর হতে পিতা, এসেছি যে আমি।

সহসা ফিরিয়া আসিয়া, বৃকে টানিয়া  
সন্ন্যাসী। আয় বাছা, বৃকে আয়, ঢাল্ অশ্রুধারা!  
ভেঙে যাক এ পাষণ তোর অশ্রুস্রোতে!  
আর তোরে ফেলে আমি যাব না বালিকা,  
তোরে নিয়ে যাব আমি নূতন জগতে।  
পদাঘাতে ভেঙেছিঁন্দু জগৎ আমার—  
ছোটো এ বালিকা এর ছোটো দুটি হাতে  
আবার ভাঙা জগৎ গড়িয়া তুলিল।  
আহা, তোর মৃৎখানি শুকায়ে গিয়েছে,  
চরণ দাঁড়াতে যেন পারিছে না আর।  
অনিদ্রায়, অনাহারে, মধ্যাহ্নতপনে  
তিন দিবসের পথ কেমনে এলি রে!  
আয় রে বালিকা তোরে বৃকে করে নিয়ে  
যেথা ছিন্দু ফিরে যাই সেই গৃহমাঝে।

[ প্রস্থান

### দ্বাদশ দৃশ্য

#### গৃহার দ্বারে

সন্ন্যাসী। এইখানে সব বৃষ্টি শেষ হয়ে গেল!  
যে ধ্যানে অনন্তকাল মগ্ন হব বলে  
আসন পাতিয়াছিঁন্দু বিশ্বের বাহিরে,  
আরম্ভ না হতে হতে ভেঙে গেল বৃষ্টি!  
তারি মৃৎ জাগে মনে সমাধিতে বসে,  
তারি মৃৎ হৃদয়ের প্রলয়-আঁধারে  
সহসা তারার মতো কোথা ফুটে ওঠে,  
সেই দিকে আঁখি যেন বন্ধ হয়ে থাকে,  
ক্রমে ক্রমে অন্ধকার মিলাইয়া যায়,  
জগতের দৃশ্য ধীরে ফুটে ফুটে ওঠে—  
গাছপালা, সূর্যালোক, গৃহ, লোকজন  
কোথা হতে জেগে ওঠে গৃহার মাঝারে।  
সদা মনে হয় বালা কোথায় না জানি,  
হয়তো সে গেছে চলে নগরে ভ্রমিতে,  
হয়তো কে অনাদর করেছে তাহারে,  
এসেছে সে কাঁদো-কাঁদো মৃৎখানি করে  
আমার বৃকের কাছে লুকাইতে মাথা।

এইখানে সব বর্ষা শেষ হয়ে গেল!  
 মিছে ধ্যান, মিছে জ্ঞান, মিছে আশা মোর!  
 আকাশবিহারী পাখি উড়িত আকাশে—  
 মাটি হতে ব্যাধ তারে মারিয়াছে বাণ,  
 ক্রমেই মাটির পানে যেতেছে পড়িয়া—  
 ক্রমেই দুর্বল দেহ, শ্রান্ত ভগ্ন পাখা,  
 ক্রমেই আসিছে নুয়ে অভভেদী মাথা।  
 ধূলায়, মৃত্যুর মাঝে লুটাইতে হবে।  
 লৌহপিঞ্জরের মাঝে বসিয়া বসিয়া  
 আকাশের পানে চেয়ে ফেলিব নিশ্বাস।

তবে কি রে আর কিছু নাইকো উপায়!

বালিকা। দেখো পিতা, লতাটিতে কুণ্ডি ধরিয়াছে,  
 প্রভাতের আলো পেলে উঠিবে ফুটিয়া।

সম্যাসী সবেগে গিয়া লতা ছিঁড়িয়া ফেলিল  
 বালিকা। ওকি হল! ওকি হল! কী করিলে পিতা!  
 সম্যাসী। রাক্ষসী, পিশাচী, ওরে, তুই মায়াবিনী—  
 দূর হ, এখনি তুই যা রে দূর হয়ে।  
 এত বিষ ছিল তোর ওইটুকু-মাঝে  
 অনন্ত জীবন মোর ধ্বংস করে দিলি!  
 ওরে, তোরে চিনিয়াছি, আজ চিনিয়াছি—  
 প্রকৃতির গদুস্তচর তুই রে রাক্ষসী,  
 গলায় বাঁধিয়া দিলি লোহার শৃঙ্খল!  
 তুই রে আলেয়া-আলো, তুই মরীচিকা—  
 কোন্ পিপাসার মাঝে, দুর্ভিক্ষের মাঝে,  
 কোন্ মরুভূমি-মাঝে, শ্মশানের পথে,  
 কোন্ মরণের মুখে যেতেছিস নিয়ে!  
 ওই-যে দেখি রে তোর নিদারুণ হাসি,  
 প্রকৃতির হৃদিহীন উপহাস তুই—  
 শৃঙ্খলেতে বেঁধে ফেলে পরাজিত মোরে  
 হা হা করে হাসিতেছে প্রকৃতি রাক্ষসী!  
 এখনো কি আশা তোর পদে নি পাষণী?  
 এখনো করিবি মোরে আরো অপমান!  
 আরো ধূলা দিবি ফেলে এ মাথায় মোর!  
 আরো গহ্বরেতে মোরে টেনে নিয়ে যাবি!  
 না রে না, তা হবে না রে, এখনো যুঝিব—  
 এখনো হইব জয়ী, ছিঁড়িব শৃঙ্খল।

## ত্রয়োদশ দৃশ্য

অরণ্য

ঝড়বৃষ্টি। রাতি

সন্ন্যাসী। কে ওরে করুণকণ্ঠে করে আত্ননাদ!  
 এখনো কানেতে কেন পশিছে আসিয়া!  
 প্রলয়ের শব্দে আজ কাঁপিছে ধরণী—  
 বজ্রদন্ত কড়মড়ি ছুটিতেছে ঝড়,  
 ক্ষুধা সমুদ্রের মতো আঁধার অরণ্য  
 তরুর তরঙ্গ লয়ে উঠিছে পড়িছে!  
 তবুও ঝটিকা, তোর বজ্রগীত গেয়ে  
 ক্ষুদ্র এক বালিকার ক্ষীণ কণ্ঠধ্বনি  
 পারিলি নে ডুবাইতে! এখনো শুনি যে!  
 ওই-যে সে কাঁদিতেছে করুণ স্বরেতে,  
 নিশীথের বুক ফেটে উঠিছে সে ধ্বনি।  
 কোথা যাব, কোথা যাব, কোন্ অন্ধকারে—  
 জগতের কোন্ প্রান্তে, নিশীথের বৃকে—  
 ধরণীর কোন্ ঘোর, ঘোর গর্ভতলে—  
 এ ধ্বনি কোথায় গেলে পশিবে না কানে!  
 যাই ছুটে আরো, আরো অরণ্যের মাঝে—  
 মহাকায় তরুদের জটিলতা-মাঝে  
 দিগ্বিদিক হারাইয়া মগ্ন হয়ে যাই।

## চতুর্দশ দৃশ্য

প্রভাত

অরণ্য হইতে ছুটিয়া বাহিরে আসিয়া

সন্ন্যাসী। যাক, রসাতলে যাক সন্ন্যাসীর রত!

ছুড়িয়া ফেলিয়া

দূর করো, ভেঙে ফেলো দণ্ড কমন্ডলু!  
 আজ হতে আমি আর নহি রে সন্ন্যাসী!  
 পাষণসংকল্পভার দিয়ে বিসর্জন  
 আনন্দে নিশ্বাস ফেলে বাঁচি একবার।  
 হে বিশ্ব, হে মহাতরী, চলেছ কোথায়,  
 আমারে তুলিয়া লও তোমার আশ্রয়ে—  
 একা আমি সঁতারিয়া পারিব না যেতে।  
 কোটি কোটি ~~যাত্রী~~ <sup>যাত্রী</sup> ~~এই যেতেছে~~ চলিয়া,  
 আমিও চলিতে চাই উহাদের সাথে।

যে পথে তপন শশী আলো ধ'রে আছে  
সে পথ করিয়া তুচ্ছ, সে আলো ত্যজিয়া,  
আপনারি ক্ষুদ্র এই খদ্যোত-আলোকে  
কেন অন্ধকারে মরি পথ খুঁজে খুঁজে!  
জগৎ, তোমারে ছেড়ে পারি নে যে যেতে,  
মহা আকর্ষণে সবে বাঁধা আছি মোরা।  
পাখি যবে উড়ে যায় আকাশের পানে  
মনে করে 'এন্দু বুদ্ধি পৃথিবী ত্যজিয়া'  
যত ওড়ে—যত ওড়ে—যত উর্ধ্ব যায়—  
কিছুতে পৃথিবী তবু পারে না ছাড়িতে,  
অবশেষে শ্রান্তদেহে নীড়ে ফিরে আসে।

চারি দিকে চাহিয়া

আজি এ জগৎ হেরি কী আনন্দময়!  
সবাই আমারে যেন দেখিতে আসিছে।  
নদী তরুলতা পাখি হাসিছে প্রভাতে।  
উঠিয়াছে লোকজন প্রভাত হেরিয়া,  
হাসিমুখে চলিয়াছে আপনার কাজে।  
ওই ধান কাটে, ওই করিছে কর্ষণ,  
ওই গাভী নিয়ে মাঠে চলেছে গাহিয়া।  
ওই-যে পূজার তরে তুলিতেছে ফুল,  
ওই নৌকা লয়ে যাত্রী করিতেছে পার।  
কেহ বা করিছে স্নান, কেহ তুলে জল,  
ছেলেরা ধুলায় বসে খেলা করিতেছে,  
সখারা দাঁড়ায়ে পথে কহে কত কথা।

আহা সে অনাথা বালা কোথায় না জানি!  
কে তারে আশ্রয় দেবে, কে তারে দেখিবে!  
বাথিত হৃদয় নিয়ে কার কাছে যাবে,  
কে তারে পিতার মতো বন্ধু নিয়ে তুলে  
নয়নের অশ্রুজল দিবে মুছাইয়া!  
কী করেছি, কী বলিছি, সব গোছি ভুলে,  
বিস্মৃত দৃগ্‌স্বপ্ন শূন্য চেপে আছে প্রাণে—  
একখানি মৃদু শূন্য মনে পড়িতেছে,  
দৃষ্টি আঁখি চেয়ে আছে করুণ বিস্ময়ে।  
আহা, কাছে যাই তার—বন্ধু নিয়ে তারে  
শুধাই গে কী হয়েছে, কী করেছি আমি!  
একটি কুটীরে মোরা রহিব দুজনে,  
রামায়ণ হতে তারে শুনাব কাহিনী--  
সন্ধ্যার প্রদীপ জ্বললে, শাস্ত্রকথা শুনবে,  
বালিকা কোলেতে মোর পড়িবে ঘুমায়।

## পঞ্চদশ দৃশ্য

পথে

লোকারণ্য

প্রথম পদ্রুশ। ওরে, আজ আমাদের রাজপদ্রুশের বিয়ে।

দ্বিতীয় পদ্রুশ। তা তো জানি।

তৃতীয় পদ্রুশ। ছুটে চল্, ছুটে চল্, ছুটে চল্।

চতুর্থ পদ্রুশ। রাজার বাড়ি নবং বসেছে, কিন্তু ভাই আমাদের ডুগ্‌ডুগি না বাজলে আমোদ হয় না। তাই কাল সারা রাত্রি মোথোকে আর হরেকে ডেকে তিন জনে মিলে কেবল ডুগ্‌ডুগি বাজিয়েছি।

স্ত্রীলোক। হাঁ গা, রাজপদ্রুশের বিয়ে হবে, তা মন্ডিমন্ডিকি বিলোনো হবে না?

প্রথম পদ্রুশ। দূর মাগি, রাজপদ্রুশের বিয়েতে কি মন্ডিমন্ডিকি বিলোনো হয়? গদুড়, ছোলা, চিনির পানা—

দ্বিতীয় পদ্রুশ। না রে না, খুড়ো আমার শহরে থাকে, তার কাছে শুনছি, দই দিয়ে ছাতু দিয়ে ফলার হবে।

অনেকে। ওরে, তবে আজ আনন্দ করে নে রে, আনন্দ করে নে।

প্রথম পদ্রুশ। ওরে ও সদাঁরের পো, আজ আবার কাজ করতে বসেছিস কেন। ঘর থেকে বেরিয়ে আয়।

দ্বিতীয় পদ্রুশ। আজ যে শালা কাজ করবে তার ঘরে আগুন লাগিয়ে দেব।

[সেই ব্যক্তি]। না রে ভাই, বসে বসে মালা গাঁথছি, দরজায় ঝুলিয়ে দিতে হবে।

স্ত্রীলোক। (রুদ্ধমান সন্তানের প্রতি) চুপ কর, কাঁদিস নে, কাঁদিস নে, আজ রাজপদ্রুশের বিয়ে—আজ রাজবাড়িতে যাবি, মন্ডো মন্ডো চিনি খেতে পাবি।

[কোলাহল করিতে করিতে প্রস্থান]

সন্ন্যাসীর প্রবেশ

সন্ন্যাসী। জগতের মুখে আজি এ কী হাস্য হেরি!

আনন্দতরঙ্গ নাচে চন্দ্রসূর্য ঘেরি।

আনন্দহিল্লোল কাঁপে লতায় পাতায়,

আনন্দ উচ্ছ্বাস উঠে পাখির গলায়,

আনন্দ ফুটিয়া পড়ে কুসুমে কুসুমে।

কতকগুলি পথিকের প্রবেশ

প্রথম পথিক। ঠাকুর, প্রণাম হই।

দ্বিতীয় পথিক। প্রভু গো, প্রণাম।

তৃতীয় পথিক। এই ছেলটিরে মোর আশীর্বাদ করো।

চতুর্থ পথিক। পদধূলি দাও প্রভু, নিয়ে যাই শিরে।

পঞ্চম পথিক। এনেছি চরণে দিতে গুটি-দুই ফুল।

সন্ন্যাসী। কেন এরা সবে মোরে করিছে প্রণাম,  
আমি তো সন্ন্যাসী নই। ওঠো ভাই, ওঠো—  
এসো ভাই, আজ মোরা করি কোলাকুলি।  
আমিও যে একজন তোমাদের মতো,  
তোমাদের গৃহমাঝে নিয়ে যাও মোরে।



জান কি কোথায় আছে মেয়েটি আমার?  
শুধাইতে কেন মোর করিতেছে ভয়!  
তার ম্লান মুখ দেখে কেহ কি তোমরা  
ডেকে নিয়ে যাও নাই গৃহে তোমাদের!  
সে বালিকা কোথাও কি পায় নি আশ্রয়?

### ষোড়শ দৃশ্য

গৃহামুখ

ধূলায় পতিত বালিকা

সন্ন্যাসীর দ্রুত প্রবেশ

সন্ন্যাসী। নয়ন-আনন্দ মোর, হৃদয়ের ধন,  
স্নেহের প্রতিমা ওগো, মা, আমি এসেছি—  
ধূলায় পড়িয়া কেন—ওঠ মা, ওঠ মা—  
পাষাণেতে মৃৎখানি রেখেছিস কেন?  
আয় রে বৃদ্ধের মাঝে—এও তো পাষাণ!  
ও মা, এত অভিমান করেছিস কেন!  
মৃৎখানি তুলে দেখ দৃঢ়ো কথা ক!  
এ কী, এ যে হিম দেহ! না পড়ে নিশ্বাস—  
হৃদয় কেন রে স্তম্ভ, বিবর্ণ মৃৎখানি!

বাছা, বাছা, কোথা গেলি! কী করিলি রে-  
হায় হায়, এ কী নিদারুণ প্রতিশোধ!

# মায়ার খেলা

প্রকাশ : ১৮৮৮

মায়ার খেলা ১২৯৫ সালের অগ্রহায়ণ মাসে প্রকাশিত হয়। প্রথম সংস্করণের বিজ্ঞাপনে গ্রন্থকার লিখেছেন, ‘আমার পূর্বরচিত একটি অকিঞ্চিৎকর গদ্য-নাট্যকার [‘নলিনী’ (১২৯১)] সহিত এ গ্রন্থের কিঞ্চিৎ সাদৃশ্য আছে।’

এই গ্রন্থের ‘সখি সে গেল কোথায়’, ‘বিদায় করেছ যারে নয়নজলে’ এবং ‘কেন এলিবে, ভালোবাসিলি’ গান তিনটির প্রথম ও তৃতীয়টি ‘রবিচ্ছায়’ এবং দ্বিতীয়টি ‘কড়ি ও কোমল’ গ্রন্থে ইতিপূর্বে প্রকাশিত।

## বিজ্ঞাপন

প্রথম সংস্করণ

সখীসমিতির মহিলাশিল্পমেলায় অভিনীত হইবার উপলক্ষে এই গ্রন্থ উক্ত সমিতি-কর্তৃক মদ্রুদিত হইল। ইহাতে সমস্তই কেবল গান, পাঠোপযোগী কবিতা অতি অল্প।

মাননীয় শ্রীমতী সরলা রায়ের অনুরোধে এই নাট্য রচিত হয় এবং তাঁহাকেই সাদর উপহার-স্বরূপে সমর্পণ করিলাম।

ইহার আখ্যানভাগ কোনো সমাজবিশেষে দেশবিশেষে বন্ধ নহে। সংগীতের কল্পরাজ্যে সমাজনিয়মের প্রাচীর তুলিবার আবশ্যক বিবেচনা করি নাই। কেবল বিনীত ভাবে ভরসা করি, এই গ্রন্থে সাধারণ মানব-প্রকৃতিবিরুদ্ধ কিছু নাই।

আমার পূর্বরচিত একটি অকিঞ্চিৎকর গদ্যনাটিকার সহিত এ গ্রন্থের কিঞ্চিৎ সাদৃশ্য আছে। পাঠকেরা ইহাকে তাহারই সংশোধনস্বরূপে গ্রহণ করিলে বাধিত হইব।

এই গ্রন্থের তিনটি গান ইতিপূর্বে আমার অন্য কাব্যে প্রকাশিত হইয়াছে।

পাঠক ও দর্শকদিগকে বদ্বিধিতে হইবে যে, মায়াকুমারীগণ এই কাব্যের অন্যান্য পাত্রগণের দৃষ্টি বা শ্রুতি-গোচর নহে।

এই নাট্যকাব্যের সংক্ষিপ্ত আখ্যায়িকা পরপৃষ্ঠায় বিবৃত হইল। নতুবা বিচ্ছিন্ন গানের মধ্য হইতে ইহার আখ্যান সংগ্রহ করা সহসা পাঠকদের পক্ষে দুরূহ বোধ হইতে পারে।

যে, অমর ও প্রমদার হৃদয় গোপনে প্রেমের বন্ধনে বাঁধা আছে। তখন শান্তা ও সখীগণ অমর ও প্রমদার মিলনসংঘটনে প্রবৃত্ত হইল। প্রমদা কহিল, ‘আর কেন! এখন বেলা গিয়াছে, খেলা ফুড়াইয়াছে, এখন আর আমাকে কেন! এখন এ মালা তোমরা পরো, তোমরা সুখে থাকো।’ অমর শান্তার প্রতি লক্ষ করিয়া কহিল, ‘আমি মায়ার চক্রে পড়িয়া আপনার সুখ নষ্ট করিয়াছি, এখন আমার এই ভগ্ন সুখ এই শ্লান মালা কাহাকে দিব, কে লইবে?’ শান্তা ধীরে ধীরে কহিল, ‘আমি লইব। তোমার দুঃখের ভার আমি বহন করিব। তোমার সাধের ভুল, প্রেমের মোহ দূর হইয়া জীবনের সুখনিশা অবসান হইয়াছে—এই ভুলভাঙা দিবালোকে তোমার মন্থের দিকে চাহিয়া আমার হৃদয়ের গভীর প্রশান্ত সুখের কথা তোমাকে শুনাইব।’ অমর ও শান্তার এইরূপে মিলন হইল। প্রমদা শূন্য হৃদয় লইয়া কাঁদিয়া চলিয়া গেল। মায়াকুমারীগণ গাহিল—

এরা সুখের লাগি চাহে প্রেম, প্রেম মিলে না,  
শুধু সুখ চলে যায়—এমনি মায়ার ছলনা।

## প্রথম দৃশ্য

কানন

মায়াকুমারীগণ

সকলে। মোরা জলে স্থলে কত ছলে মায়াজাল গাঁথি।  
প্রথমা। মোরা স্বপন রচনা করি অলস নয়ন ভরি।  
দ্বিতীয়া। গোপনে হৃদয়ে পশি কুহক-আসন পাতি।  
তৃতীয়া। মোরা মদির তরঙ্গ তুলি বসন্তসমীরে!  
প্রথমা। দুরাশা জাগায় প্রাণে-প্রাণে আধো-তানে ভাঙা গানে  
ভ্রমরগুঞ্জরাকুল বকুলের পাঁতি!  
সকলে। মোরা মায়াজাল গাঁথি।  
দ্বিতীয়া। নরনারী-হিয়া মোরা বাঁধি মায়াপাশে।  
তৃতীয়া। কত ভুল করে তারা, কত কাঁদে হাসে।  
প্রথমা। মায়া করে ছায়া ফেলি মিলনের মাঝে,  
আনি মান-অভিমান।  
দ্বিতীয়া। বিরহী স্বপনে পায় মিলনের সাথী।  
সকলে। মোরা মায়াজাল গাঁথি।  
প্রথমা। চলো সখী, চলো।  
কুহক-স্বপন-খেলা খেলাবে চলো।  
দ্বিতীয়া ও তৃতীয়া। নবীন হৃদয়ে রচি নব প্রেমছল,  
প্রমোদে কাটাব নব বসন্তের রাত।  
সকলে। মোরা মায়াজাল গাঁথি।

## দ্বিতীয় দৃশ্য

গৃহ

গমনোন্মুখ অমর। শান্তার প্রবেশ

শান্তা। পথহারা তুমি পথিক যেন গো সূত্থের কাননে,  
ওগো যাও, কোথা যাও!  
সূত্থে ঢল ঢল বিবশ বিভল পাগল নয়নে  
তুমি চাও, কারে চাও!  
কোথা গেছে তব উদাস হৃদয়,  
কোথা পড়ে আছে ধরণী!  
মায়ার তরণী বাহিয়া যেন গো  
মায়াপদুরী-পানে ধাও।  
কোন মায়াপদুরী-পানে ধাও!

অমর। জীবনে আজ কি প্রথম এল বসন্ত!  
 নবীন বাসনাভরে হৃদয় কেমন করে,  
 নবীন জীবনে হল জীবন্ত।  
 সুখভরা এ ধরায় মন বাহিরিতে চায়,  
 কাহারে বসাতে চায় হৃদয়ে!  
 তাহারে খুঁজিব দিক্-দিগন্ত।

মায়াকুমারীগণের প্রবেশ

সকলে। কাছে আছে দেখিতে না পাও,  
 তুমি কাহার সন্ধানে দূরে যাও!

শান্তার প্রতি

অমর। যেমন দখিনে বায়ু ছুটেছে,  
 কে জানে কোথায় ফুল ফুটেছে।  
 তেমনি আমিও, সখী, যাব—  
 না জানি কোথায় দেখা পাব।  
 কার সুধাম্বর-মাঝে জগতের গীত বাজে—  
 প্রভাত জাগিছে কার নয়নে!  
 কাহার প্রাণের প্রেম অনন্ত!  
 তাহারে খুঁজিব দিক্-দিগন্ত।

[ প্রস্থান

মায়াকুমারীগণ। মনের মতো করে খুঁজে মর,  
 সে কি আছে ভুবনে, সে তো রয়েছে মনে।  
 ওগো, মনের মতো সেই তো হবে,  
 তুমি শূন্যক্ষেপে যাহার পানে চাও।

নেপথ্যে চাহিয়া

শান্তা। আমার পরান যাহা চায়,  
 তুমি তাই, তুমি তাই গো!  
 তোমা ছাড়া আর এ জগতে  
 মোর কেহ নাই কিছু নাই গো!  
 তুমি সুখ যদি নাহি পাও  
 যাও সুখের সন্ধানে যাও  
 আমি তোমারে পেয়েছি হৃদয়মাঝে,  
 আর কিছু নাহি চাই গো।  
 আমি তোমার বিরহে রহিব বিলীন,  
 তোমাতে করিব বাস,  
 দীর্ঘ দিবস, দীর্ঘ রজনী, দীর্ঘ বরষা মাস।  
 যদি আর কারে ভালোবাস,  
 যদি আর ফিরে নাহি আস,  
 তবে তুমি যাহা চাও, তাই যেন পাও,  
 আমি যত দুখ পাই গো।

নেপথ্যে চাহিয়া

মায়াকুমারীগণ। কাছে আছে দেখিতে না পাও,  
তুমি কাহার সন্ধানে দূরে যাও!  
প্রথমা। মনের মতো করে খুঁজে মর,  
দ্বিতীয়া। সে কি আছে ভুবনে, সে যে রয়েছে মনে।  
তৃতীয়া। ওগো, মনের মতো সেই তো হবে,  
তুমি শূভক্ষণে যাহার পানে চাও।  
প্রথমা। তোমার আপনার যে জন, দেখিলে না তারে।  
দ্বিতীয়া। তুমি শূভক্ষণে যাহার পানে চাও।  
তৃতীয়া। যারে চাবে তারে পাবে না,  
বে মন তোমার আছে যাবে তাও।

তৃতীয় দৃশ্য

কানন

প্রমদার সখীগণ

প্রথমা। সখী, সে গেল কোথায়,  
তারে ডেকে নিয়ে আয়।  
সকলে। দাঁড়াব ঘিরে তারে তরুলতায়।  
প্রথমা। আজি এ মধুর সাঁঝে, কাননে ফুলের মাঝে  
হেসে হেসে বেড়াবে সে, দেখিব তায়।  
দ্বিতীয়া। আকাশে তারা ফুটেছে, দখিনে বাতাস ছুটেছে,  
পাখিটি ঘুমঘোরে গেয়ে উঠেছে।  
প্রথমা। আয় লো আনন্দময়ী, মধুর বসন্ত লয়ে,  
সকলে। লাবণ্য ফুটাঁবি লো তরুলতায়!

প্রমদার প্রবেশ

প্রমদা। দে লো সখী, দে পরাইয়ে গলে  
সাধের বকুলফুলহার।  
আধফুট জুইগদুলি যতনে আনিয়া তুলি  
গাঁথি গাঁথি সাজায়ে দে মোরে  
কবরী ভরিয়া ফুলভার।  
তুলে দে লো চঞ্চল কুন্তল  
কপোলে পিঁড়িছে বারেবার।  
প্রথমা। আজি এত শোভা কেন, আনন্দে বিবশা যেন!  
দ্বিতীয়া। বিম্বাধরে হাসি নাহি ধরে,  
লাবণ্য ঝরিয়া পড়ে ধরাতলে!



প্রথমা । সখী, তোরা দেখে যা, দেখে যা—  
 তরুণ তনু, এত রূপরাশি  
 বহিতে পারে না বৃদ্ধি আর !

তৃতীয়া । সখী, বহে গেল বেলা, শূদ্ধ হাসিখেলা,  
 এ কি আর ভালো লাগে !  
 আকুল তিয়াষ, প্রেমের পিয়াস,  
 প্রাণে কেন নাহি জাগে !  
 কবে আর হবে থাকিতে জীবন-  
 আঁখিতে আঁখিতে মদির মিলন,  
 মধুর হৃদাশে মধুর দহন  
 নিত-নব অনুরাগে !  
 তরল কোমল নয়নের জল  
 নয়নে উঠিবে ভাসি,  
 সে বিষাদ-নীরে নিবে যাবে ধীরে  
 প্রথর চপল হাসি ।

উদাস নিশ্বাস আকুলি উঠিবে,  
 আশা-নিরাশায় পরান টুটিবে,  
 মরমের আলো কপোলে ফুটিবে,  
 শরম-অরুণ-রাগে ।

প্রমদা । ওলো, রেখে দে, সখী রেখে দে,  
 মিছে কথা ভালোবাসা ।  
 সুখের বেদনা—সোহাগষাতনা—  
 বৃদ্ধিতে পারি না ভাষা ।  
 ফুলের বাঁধন, সাধের কাঁদন,  
 পরান সর্পিপিতে প্রাণের সাধন,  
 লহো লহো বলে পরে আরাধন—  
 পরের চরণে আশা !

তিলেক দরশ পরশ মাগিয়া  
 বরষ বরষ কাতরে জাগিয়া  
 পরের মূখের হাসির লাগিয়া  
 অশ্রুসাগরে ভাসা—  
 জীবনের সুখ খুঁজিবারে গিয়া  
 জীবনের সুখ নাশা ।

মাতাকুমারীগণ । প্রেমের ফাঁদ পাতা ভুবনে,  
 কে কোথা ধরা পড়ে কে জানে !  
 গরব সব হায় কখন টুটে যায়,  
 সলিল বহে যায় নয়নে ।

কুমারের প্রবেশ  
 প্রমদার প্রতি

কুমার । যেয়ো না, যেয়ো না ফিরে—  
 দাঁড়াও, বারেক দাঁড়াও হৃদয়-আসনে ।

চণ্ডলসমীরসম ফিরিছ কেন  
কুসুমে কুসুমে, কাননে কাননে।  
তোমায় ধরিতে চাহি, ধরিতে পারি নে,  
তুমি গঠিত যেন স্বপনে।  
এসো হে, তোমারে বারেক দেখি ভরিয়ে আঁখি,  
ধরিয়ে রাখি যতনে।  
প্রাণের মাঝে তোমারে ঢাকিব,  
ফুলের পাশে বাঁধিয়ে রাখিব,  
তুমি দিবস নিশি রহিবে মিশি  
কোমল প্রেমশয়নে।

প্রমদা। কে ডাকে! আমি কভু ফিরে নাহি চাই।  
কত ফুল ফুটে উঠে, কত ফুল যায় টুটে,  
আমি শূন্য বহে চলে যাই।  
পরশ পদলকরস-ভরা রেখে যাই, নাহি দিই ধরা।  
উড়ে আসে ফুলবাস, লতাপাতা ফেলে শ্বাস,  
বনে বনে উঠে হা-হুতাশ—  
চকিতে শূন্যে শূন্য পাই,  
চলে যাই।  
আমি কভু ফিরে নাহি চাই।

অশোকের প্রবেশ

অশোক। এসেছি গো এসেছি, মন দিতে এসেছি  
যারে ভালো বেসেছি!  
ফুলদলে ঢাকি মন যাব রাখি চরণে—  
পাছে কঠিন ধরণী পায় বাজে।  
রেখো রেখো চরণ হৃদিমাঝে।  
নাহয় দলে যাবে, প্রাণ ব্যথা পাবে—  
আমি তো ভেসেছি, অকূলে ভেসেছি।

প্রমদা। ওকে বলো সখী, বলো, কেন মিছে করে ছল—  
মিছে হাসি কেন সখী, মিছে আঁখিজল!  
জানি নে প্রেমের ধারা, ভয়ে তাই হই সারা,  
কে জানে কোথায় সুখ কোথা হলাহল।  
সখীগণ। কাঁদিতে জানে না এরা, কাঁদাইতে জানে কল,  
মুখের বচন শুনে মিছে কী হইবে ফল।  
প্রেম নিয়ে শূন্য খেলা, প্রাণ নিয়ে হেলাফেলা,  
ফিরে যাই এই বেলা, চলো সখী, চলো!

[প্রস্থান]

মায়াকুমারীগণ। প্রেমের ফাঁদ পাতা ভুবনে,  
কে কোথা ধরা পড়ে কে জানে।  
গরব সব হয় কখন টুটে যায়,  
সলিল বহে যায় নয়নে।

এ স্নেহধরণীতে, কেবলি চাহ নিতে—  
 জান না হবে দিতে আপনা,  
 স্নেহের ছায়া ফেলি কখন যাবে চলি,  
 বরিবে সাধ করি বেদনা।  
 কখন বাজে বাঁশি, গরব যায় ভাসি—  
 পরান পড়ে আসি বাঁধনে।

### চতুর্থ দৃশ্য

কানন

অমর, কুমার ও অশোক

- অমর। মিছে ঘড়ি এ জগতে কিসের পাকে,  
 মনের বাসনা যত মনেই থাকে।  
 বৃদ্ধিলাভি এ নিখিলে, চাহিলে কিছু না মিলে,  
 এরা, চাহিলে আপন মন গোপনে রাখে।  
 এত লোক আছে, কেহ কাছে না ডাকে।
- অশোক। তারে দেখাতে পারি নে কেন প্রাণ খুলে গো!  
 কেন বৃদ্ধিতে পারি নে হৃদয়বেদনা।  
 কেমনে সে হেসে চলে যায়,  
 কোন্ প্রাণে ফিরেও না চায়,  
 এত সাধ এত প্রেম করে অপমান!  
 এত ব্যথাভর্য ভালোবাসা, কেহ দেখে না—  
 প্রাণে গোপনে রহিল।  
 এ প্রেম কুসুম যদি হত  
 প্রাণ হতে ছিঁড়ে লইতাম,  
 তার চরণে করিতাম দান—  
 বৃদ্ধি সে তুলে নিত না,  
 শূন্যকাত অনাদরে,  
 তবু তার সংশয় হত অবসান।
- কুমার। সখা, আপন মন নিয়ে কাঁদিয়ে মরি  
 পরের মন নিয়ে কী হবে!  
 আপন মন যদি বৃদ্ধিতে নারি  
 পরের মন বৃদ্ধি কে কবে!
- অমর। অবোধ মন লয়ে ফিরি ভবে,  
 বাসনা কাঁদে প্রাণে হা হা রবে—  
 এ মন দিতে চাও দিয়ে ফেলো  
 কেন গো নিতে চাও মন তবে।

স্বপনসম সব জানিয়ো মনে,  
তোমার কেহ নাই এ ত্রিভুবনে—  
যে জন ফিরিতেছে আপন আশে,  
তুমি ফিরিছ কেন তাহার পাশে?  
নয়ন মেলি শূদ্ধ দেখে যাও,  
হৃদয় দিয়ে শূদ্ধ শান্তি পাও।

কুমার। তোমারে মদুখ তুলে চাহে না যে,

থাক্ সে আপনার গরবে।

অশোক। আমি, জেনে শূনে বিষ করেছি পান,  
প্রাণের আশা ছেড়ে সপেছি প্রাণ।  
যতই দেখি তারে ততই দহি,  
আপন মনোজ্বালা নীরবে সহি—  
তবু পারি নে দূরে যেতে, মরিতে আসি,  
লই গো বদুক পেতে অনলবাণ।  
যতই হাসি দিয়ে দহন করে  
ততই বাড়ে তৃষা প্রেমের তরে,  
প্রেম-অমৃতধারা ততই যাচি  
যতই করে প্রাণে অশনি দান।

অমর। ভালোবেসে যদি সূখ নাহি তবে কেন,  
তবে কেন মিছে ভালোবাসা।

অশোক। মন দিয়ে মন পেতে চাই।

অমর ও কুমার। ওগো কেন,

ওগো কেন মিছে এ দুরাশা!

অশোক। হৃদয়ে জ্বালায়ে বাসনার শিখা,  
নয়নে সাজিয়ে মায়ামরীচিকা,  
শূদ্ধ ঘুরে মরি মরুভূমে।

অমর ও কুমার। ওগো কেন,

ওগো কেন মিছে এ পিপাসা!

অমর। আপনি যে আছে আপনার কাছে,  
নিখিল জগতে কী অভাব আছে!  
আছে মন্দ সমীরণ, পুষ্পবিভূষণ,  
কোকিলকুজিত কুঞ্জ।

অশোক। বিশ্বচরাচর লুপ্ত হয়ে যায়,  
এ কী ঘোর প্রেম অন্ধ রাহুপ্রায়  
জীবন যৌবন গ্রাসে!

অমর ও কুমার। তবে কেন,

তবে কেন মিছে এ কুরাশা!

মায়াকুমারীগণ। দেখো চেয়ে, দেখো ওই কে আসিছে!  
চাঁদের আলোতে কার হাসি হাসিছে।  
হৃদয়দুয়ার খুলিয়ে দাও, প্রাণের মাঝারে তুলিয়ে লও,  
ফুলগন্ধ সাথে তার সুবাস ভাসিছে।

• প্রমদা ও সখীগণের প্রবেশ

- প্রমদা। স্নুথে আছি স্নুথে আছি, সখা, আপন মনে।  
 প্রমদা ও সখীগণ। কিছ্‌র চেয়ো না, দূরে যেয়ো না—  
 শ্‌ধ্‌র চেয়ে দেখো, শ্‌ধ্‌র ঘিরে থাকো কাছাকাছি।  
 প্রমদা। সখা, নয়নে শ্‌ধ্‌র জানাবে প্রেম, নীরবে দিবে প্রাণ,  
 রচিয়া ললিত মধ্‌র বাণী আড়ালে গাবে গান।  
 গোপনে তুলিয়া কুসুম গাঁথিয়া রেখে যাবে মালাগাছি।  
 প্রমদা ও সখীগণ। মন চেয়ো না, শ্‌ধ্‌র চেয়ে থাকো,  
 শ্‌ধ্‌র ঘিরে থাকো কাছাকাছি।  
 প্রমদা। মধ্‌র জীবন, মধ্‌র রজনী, মধ্‌র মলয় বায়।  
 এই মধ্‌র-ধারী বহিছে আপনি, কেহ কিছ্‌র নাহি চায়।  
 আমি আপনার মাঝে আপনি হারা, আপন সৌরভে সারা,  
 যেন আপনার মন আপনার প্রাণ আপনারে সঁপিয়াছি।  
 অশোক। ভালোবেসে দূখ সেও স্নুথ, স্নুথ নাহি আপনাতে।  
 প্রমদা ও সখীগণ। না না না, সখা, ভুলি নে ছলনাতে।  
 কুমার। মন দাও দাও দাও, সখী, দাও পরের হাতে।  
 প্রমদা ও সখীগণ। না না না, মোরা ভুলি নে ছলনাতে।  
 অশোক। স্নুথের শিশির নিমেষে শ্‌কায়, স্নুথ চেয়ে দূখ ভালো—  
 আনো, সজল বিমল প্রেম ছলছল নলিননয়ন-পাতে।  
 প্রমদা ও সখীগণ। না না না, মোরা ভুলি নে ছলনাতে।  
 কুমার। রবির কিরণে ফুটিয়া নলিনী আপনি টুটিয়া যায়,  
 স্নুথ পায় তায় সে।  
 চিরকলিকাজনম কে করে বহন চির-শিশির-রাতে।  
 প্রমদা ও সখীগণ। না না না, মোরা ভুলি নে ছলনাতে।  
 অমর। ওই কে গো হেসে চায়, চায় প্রাণের পানে।  
 গোপনে হৃদয়তলে কী জানি কিসের ছলে  
 আলোক হানে।  
 এ প্রাণ নতুন করে কে যেন দেখালে মোরে,  
 বাজিল মরমবীণা নতুন তানে।  
 এ পূলক কোথা ছিল, প্রাণ ভরি বিকশিল,  
 তৃষা-ভরা তৃষা-হরা এ অমৃত কোথা ছিল!  
 কোন্‌ চাঁদ হেসে চাহে, কোন্‌ পাখি গান গাহে,  
 কোন্‌ সমীরণ বহে লতাবিতানে।  
 প্রমদা। দূরে দাঁড়ায়ে আছে, কেন আসে না কাছে!  
 যা তোরা, যা সখী, যা শ্‌ধ্‌র গে  
 ওই আকুল অধর আঁখি কী ধন যাচে।  
 সখীগণ। ছি, ওলো ছি, হল কী, ওলো সখী!  
 প্রথমা। লাজবান্ধ কে ভাঙিল এত দিনে শরম টুটিল!  
 তৃতীয়া। কেমনে যাব, কী শ্‌ধ্‌র যাব!  
 প্রথমা। লাজে মরি, কী মনে করে পাছে।  
 প্রমদা। যা, তোরা যা সখী, যা শ্‌ধ্‌র গে  
 ওই আকুল অধর আঁখি কী ধন যাচে।

মায়াবুনারীগণ। প্রেমপাশে ধরা পড়েছে দুজনে  
দেখো দেখো সখী, চাহিয়া—  
দুটি ফুল খসে ভেসে গেল ওই,  
প্রণয়ের স্রোত বাহিয়া।

অমরের প্রতি

সখীগণ। ওগো, দেখি, আঁখি তুলে চাও—  
তোমার চোখে কেন ঘুমঘোর!  
অমর। আমি কী যেন করেছি পান,  
কোন মদিরা রস-ভোর।  
আমার চোখে তাই ঘুমঘোর।  
সখীগণ। ছি ছি ছি!  
অমর। সখী, ক্ষতি কী!  
এ ভবে কেহ জ্ঞানী অতি, কেহ ভোলামন,  
কেহ সচেতন, কেহ অচেতন,  
কাহারো নয়নে হাসির কিরণ  
কাহারো নয়নে লোর।  
আমার চোখে শুধু ঘুমঘোর।  
সখীগণ। সখা, কেন গো অচলপ্রায়  
হেথা, দাঁড়ায়ে তরুছায়।  
অমর। অবশ হৃদয়ভারে, চরণ  
চলিতে নাই চায়,  
তাই দাঁড়ায়ে তরুছায়।  
সখীগণ। ছি ছি ছি!  
অমর। সখী, ক্ষতি কী!  
এ ভবে কেহ পড়ে থাকে, কেহ চলে যায়,  
কেহ বা আলসে চলিতে না চায়,  
কেহ বা আপনি স্বাধীন, কাহারো  
চরণে পড়েছে ডোর।  
কাহারো নয়নে লেগেছে ঘোর।  
সখীগণ। ওকে বোঝা গেল না—চলে আয় চলে আয়।  
ও কী কথা যে বলে সখী, কী চোখে যে চায়!  
চলে আয়, চলে আয়।  
লাজ টুটে শেষে মরি লাজে,  
মিছে কাজে,  
ধরা দিবে না যে, বলো কে পারে তায়।  
আপনি সে জানে তার মন কোথায়।  
চলে আয় চলে আয়।

[ প্রস্থান

মায়াবুনারীগণ। প্রেমপাশে ধরা পড়েছে দুজনে  
দেখো দেখো, সখী, চাহিয়া।

দুটি ফুল খসে ভেসে গেল ওই  
 প্রণয়ের স্রোত বাহিয়া।  
 চাঁদিনী ষামিনী, মধু সমীরণ,  
 আধো ঘুমঘোর, আধো জাগরণ,  
 চোখেচোখি হতে ঘটালে প্রমাদ  
 কুহুস্বরে পিক গাহিয়া,  
 দেখো দেখো, সখী, চাহিয়া।

### পঞ্চম দৃশ্য

কানন

অমর। দিবস রজনী, আমি যেন কার  
 আশায় আশায় থাকি।  
 তাই চমকিত মন, চকিত শ্রবণ,  
 তৃষিত আকুল আঁখি।  
 চঞ্চল হয়ে ঘুরিয়ে বেড়াই,  
 সদা মনে হয় যদি দেখা পাই,  
 ‘কে আসিছে’ বলে চমকিয়ে চাই  
 কাননে ডাকিলে পাখি।  
 জাগরণে তারে না দেখিতে পাই,  
 থাকি স্বপনের আশে—  
 ঘুমের আড়ালে যদি ধরা দেয়,  
 বাঁধিব স্বপনপাশে।  
 এত ভালোবাসি, এত যারে চাই,  
 মনে হয় না তো সে যে কাছে নাই—  
 যেন এ বাসনা ব্যাকুল আবেগে  
 তাহারে আনিবে ডাকি।

প্রমদা সখীগণ অশোক ও কুমারের প্রবেশ

কুমার। সখী, সাধ করে যাহা দেবে তাই লইব।  
 সখীগণ। আহা মরি মরি সাধের ভিখারী,  
 তুমি মনে মনে চাহ প্রাণমন।  
 কুমার। দাও যদি ফুল, শিরে তুলে রাখিব।  
 সখীগণ। দেয় যদি কাঁটা—  
 কুমার। তাও সহিব।  
 সখীগণ। আহা মরি মরি সাধের ভিখারী,  
 তুমি মনে মনে চাহ প্রাণমন।  
 কুমার। যদি এক বার চাও, সখী, মধুর নয়ানে  
 ওই আঁখি-সুধাপানে  
 চিরজীবন মাতি রহিব।

সখীগণ। যদি কঠিন কটাক্ষ মিলে—  
 কুমার। তাও হৃদয়ে বিধায়ে চিরজীবন বহিব।  
 সখীগণ। আহা মরি মরি সাধের ভিখারী,  
 তুমি মনে মনে চাহ প্রাণমন।  
 প্রমদা। আমি হৃদয়ের কথা বলিতে ব্যাকুল,  
 শূন্য হইল না কেহ।  
 সে তো এল না যারে সর্পিলাম  
 এই প্রাণ মন দেহ।  
 সে কি মোর তরে পথ চাহে,  
 সে কি বিরহগীত গাহে,  
 যার বাঁশরি-ধ্বনি শুনিয়ে  
 আমি ত্যজিলাম গেহ।  
 মায়াকুমারীগণ। নিমেষের তরে শরমে বাধিল,  
 মরমের কথা হল না।  
 জনমের তরে তাহারি লাগিয়ে  
 রহিল মরমবেদনা।

প্রমদার প্রতি

অশোক। ওগো সখী, দেখি দেখি মন কোথা আছে।  
 সখীগণ। কত কাতর হৃদয় ঘুরে ঘুরে হেরো কারে যাচে।  
 অশোক। কী মধু, কী সুধা, কী সৌরভ,  
 কী রূপ রেখেছ লুকায়ে!  
 সখীগণ। কোন্ প্রভাতে কোন্ রবির আলোকে  
 দিবে খুলিয়ে কাহার কাছে।  
 অশোক। সে যদি না আসে এ জীবনে,  
 এ কাননে পথ না পায়!  
 সখীগণ। যারা এসেছে তারা বসন্ত ফুরালে  
 নিরাশ প্রাণে ফেরে পাছে!  
 প্রমদা। এ তো খেলা নয়, খেলা নয়—  
 এ যে হৃদয়দহনজ্বালা সখী!  
 এ যে প্রাণভরা ব্যাকুলতা,  
 গোপন মর্মের ব্যথা,  
 এ যে কাহার চরণোদ্দেশে জীবন মরণ ঢালা।  
 কে যেন সতত মোরে  
 ডাকিয়ে আকুল করে—  
 যাই যাই করে প্রাণ, যেতে পারি নে।  
 যে কথা বলিতে চাই—  
 তা বদ্বি বলিতে নাই—  
 কোথায় নামায়ে রাখি, সখী, এ প্রেমের ডালা!  
 যতনে গাঁথিয়ে শেষে পরাতে পারি নে মালা।  
 প্রথম সখী। সে জন কে, সখী, বোঝা গেছে,  
 আমাদের সখী যারে মনপ্রাণ সঁপেছে।



- দ্বিতীয়া ও তৃতীয়া। ও সে কে, কে কে?  
 প্রথমা। ওই-ষে তরুতলে, বিনোদমালা গলে,  
 না জানি কোন্ ছলে বসে রয়েছে।
- দ্বিতীয়া। সখী, কী হবে—  
 ও কি কাছে আসিবে কভু, কথা কবে?  
 তৃতীয়া। ও কি প্রেম জানে, ও কি বাঁধন মানে?  
 ও কী মায়াগুণে মন লয়েছে!
- দ্বিতীয়া। বিভল আঁখি তুলে আঁখি-পানে চায়,  
 যেন কি পথ ভুলে এল কোথায় ওগো!  
 তৃতীয়া। যেন কী গানের স্বরে, শ্রবণ আছে ভরে,  
 যেন কোন্ চাঁদের আলোয় মগ্ন হয়েছে।
- অমর। ওই মধুর মৃদু জাগে মনে।  
 ভুলিব না এ জীবনে  
 কী স্বপনে কী জাগরণে।  
 তুমি জান বা না জান,  
 মনে সদা যেন মধুর বাঁশরি বাজে  
 হৃদয়ে সদা আছ বলে।  
 আমি প্রকাশিতে পারি নে,  
 শূদ্ধ চাহি কাতর নয়নে।
- সখীগণ। তারে কেমনে ধরিবে, সখী, যদি ধরা দিলে।  
 প্রথমা। তারে কেমনে কাঁদাবে, যদি আপনি কাঁদিলে।  
 দ্বিতীয়া। যদি মন পেতে চাও, মন রাখো গোপনে।  
 তৃতীয়া। কে তারে বাঁধিবে, তুমি আপনায় বাঁধিলে!  
 সকলে। কাছে আসিলে তো কেহ কাছে রহে না।  
 কথা কহিলে তো কেহ কথা কহে না।
- প্রথমা। হাতে পেলে ভূমিতলে ফেলে চলে যায়।  
 দ্বিতীয়া। হাসিয়ে ফিরায় মৃদু কাঁদিয়ে সাধিলে।
- নিকটে আসিয়া প্রমদার প্রতি  
 অমর। সকল হৃদয় দিয়ে ভালো বেসেছি যারে,  
 সে কি ফিরাতে পারে সখী!  
 সংসারবাহিরে থাকি  
 জানি নে কী ঘটে সংসারে।  
 কে জানে, হেথায় প্রাণপণে প্রাণ যারে চায়,  
 তারে পায় কি না পায় জানি নে।  
 ভয়ে ভয়ে তাই এসেছি গো, অজানা-হৃদয়-স্বারে।  
 তোমার সকলি ভালোবাসি—  
 ওই রূপরাশি,  
 ওই খেলা, ওই গান, ওই মধুহাসি।  
 ওই দিয়ে আছ ছেয়ে জীবন আমারি,  
 কোথায় তোমার সীমা ভুবনমাঝারে!
- সখীগণ। তুমি কে গো, সখীরে কেন জানাও বাসনা!

দ্বিতীয়া। কে জানিতে চায়, তুমি ভালোবাস কি ভালোবাস না!

প্রথমা। হাসে চন্দ্র, হাসে সন্ধ্যা, ফুল্ল কুঞ্জকানন,  
হাসে হৃদয়বসন্তে বিকচ যৌবন।

তুমি কেন ফেল শ্বাস, তুমি কেন হাস না!

সকলে। এসেছ কি ভেঙে দিতে খেলা—

সখীতে সখীতে এই হৃদয়ের মেলা?

দ্বিতীয়া। আপন দৃঃখ আপন ছায়া লয়ে যাও।

প্রথমা। জীবনের আনন্দপথ ছেড়ে দাঁড়াও।

তৃতীয়া। দূর হতে করো পূজা হৃদয়কমল-আসনা।

অমর। তবে সদুখে থাকো, সদুখে থাকো—আমি যাই—যাই।

প্রমদা। সখী, ওরে ডাকো, মিছে খেলায় কাজ নাই।

সখীগণ। অধীরা হোয়ো না, সখী,

আশ মেটালে ফেরে না কেহ,

আশ রাখিলে ফেরে।

অমর। ছিলাম একেলা সেই আপন ভুবনে,

এসেছি এ কোথায়!

হেথাকার পথ জানি নে, ফিরে যাই।

যদি সেই বিরামভবন ফিরে পাই।

[ প্রস্থান

প্রমদা। সখী, ওরে ডাকো ফিরে।

মিছে খেলা মিছে হেলা কাজ নাই।

সখীগণ। অধীরা হোয়ো না, সখী,

আশ মেটালে ফেরে না কেহ,

আশ রাখিলে ফেরে।

[ প্রস্থান

মায়াকুমারীগণ। নিমেষের তরে শরমে বাধিল,

মরমের কথা হল না।

জনমের তরে তাহারি লাগিয়ে

রাহিল মরমবেদনা।

চোখে চোখে সদা রাখিবারে সাধ,

পলক পড়িল, ঘটিল বিষাদ—

মেলিতে নয়ন মিলাল স্বপন

এমনি প্রেমের ছলনা।

•

## ষষ্ঠ দৃশ্য

গৃহ

শান্তা। অমরের প্রবেশ

অমর। সেই শান্তিভবন ভুবন কোথা গেল!  
সেই রবি শশী তারা, সেই শোকশান্ত সন্ধ্যাসমীরণ,  
সেই শোভা, সেই ছায়া, সেই স্বপন!  
সেই আপন হৃদয়ে আপন বিরাম কোথা গেল,  
গৃহহারা হৃদয় লবে কাহার শরণ!

শান্তার প্রতি

এসেছি ফিরিয়ে, জেনেছি তোমাতে,  
এনেছি হৃদয় তব পায়—  
শীতল স্নেহসুধা করো দান,  
দাও প্রেম, দাও শান্তি, দাও নূতন জীবন।  
মায়াকুমারীগণ। কাছে ছিলে দূরে গেলে, দূর হতে এস কাছে।  
ভুবন ভ্রমিলে তুমি, সে এখনো বসে আছে।  
ছিল না প্রেমের আলো, চিনিতে পার নি ভালো,  
এখন বিরহানলে প্রেমানল জ্বলিয়াছে।

শান্তা। দেখো, সখা, ভুল করে ভালোবেসো না!  
আমি ভালোবাসি বলে কাছে এসো না।  
তুমি যাহে সুখী হও তাই করো সখা,  
আমি সুখী হব বলে যেন হেসো না।  
আপন বিরহ লয়ে আছি আমি ভালো,  
কী হবে চির আঁধারে নিমেষের আলো!  
আশা ছেড়ে ভেসে যাই, যা হবার হবে তাই—  
আমার অদৃষ্টপ্রোতে তুমি ভেসো না।

অমর। ভুল করেছিনু, ভুল ভেঙেছে।  
এবার জেগেছি, জেনেছি—

এবার আর ভুল নয়, ভুল নয়।  
ফিরেছি মায়ার পিছে পিছে,  
জেনেছি স্বপন সব মিছে,  
বিশ্বেছে বাসনা-কাঁটা প্রাণে—

এ তো ফুল নয়, ফুল নয়!  
পাই যদি ভালোবাসা হেলা করিব না,  
খেলা করিব না লয়ে মন।  
ওই প্রেমময় প্রাণে লইব আশ্রয় সখী,  
অতল সাগর এ সংসার,  
এ তো কল নয়, কল নয়!

প্রমদার সখীগণের প্রবেশ

দূর হইতে

- সখীগণ। অলি বার বার ফিরে যায়,  
অলি বার বার ফিরে আসে,  
তবে তো ফুল বিকাশে।
- প্রথম। কলি ফুটিতে চাহে—ফোটে না,  
মরে লাজে, মরে হাসে।  
ভুলি মান অপমান, দাও মন প্রাণ,  
নিশি দিন রহো পাশে।
- দ্বিতীয়া। ওগো, আশা ছেড়ে তবু আশা রেখে দাও  
হৃদয়রতন-আশে।
- সকলে। ফিরে এসো, ফিরে এসো, বন মোদিত ফুলবাসে।  
আজি বিরহরজনী ফুল্ল কুসুম শিশিরসলিলে ভাসে।
- অমর। ওই কে আমার ফিরে ডাকে!  
ফিরে যে এসেছে তারে কে মনে রাখে!
- মায়াকুমারীগণ। বিদায় করেছ যারে নয়নজলে  
এখন ফিরাবে তারে কিসের ছলে!  
আজি মধু সমীরণে নিশীথে কুসুমবনে  
তারে কি পড়েছে মনে বকুলতলে?  
এখন ফিরাবে আর কিসের ছলে!
- অমর। আমি চলে এনু বলে কার বাজে ব্যথা,  
কাহার মনের কথা মনেই থাকে!  
আমি শূদ্ধ বুদ্ধি, সখী, সরল ভাষা—  
সরল হৃদয় আর সরল ভালোবাসা।  
তোমাদের কত আছে, কত মন প্রাণ—  
আমার হৃদয় নিয়ে ফেলো না বিপাকে।
- মায়াকুমারীগণ। সেদিনও তো মধুনিশি প্রাণে গিয়েছিল মিশি,  
মুকুলিত দশদিশি কুসুমদলে।  
দুটি সোহাগের বাণী যদি হত কানাকানি  
যদি ওই মালাখানি পরাতে গলে!  
এখন ফিরাবে তারে কিসের ছলে!

অমরের প্রতি

- শান্তা। না বন্ধু করে তুমি ভাসালে আঁখিজলে!  
ওগো, কে আছে চাহিয়া শূন্য পথপানে—  
কাহার জীবনে নাই সুখ, কাহার পরান জ্বলে।  
পড় নি কাহার নয়নের ভাষা,  
বোঝ নি কাহার মরমের আশা,  
দেখ নি ফিরে—  
কার ব্যাকুল প্রাণের সাধ এসেছ দ'লে।
- অমর। আমি করেও বুদ্ধি নে, শূদ্ধ বুদ্ধিই তোমাতে।  
তোমাতে পেয়েছি আলো সংশয়-আঁধারে।

ফিরিয়াছি এ ভুবন, পাই নি তো কারো মন,  
গিয়েছি তোমারি শূদ্ধ মনের মাঝারে।  
এ সংসারে কে ফিরাবে, কে লইবে ডাকি,  
আজও বৃদ্ধিতে নারি—ভয়ে ভয়ে থাকি।  
কেবল তোমারে জানি, বৃদ্ধোছি তোমার বাণী—  
তোমাতে পেয়েছি কঁদল অকঁদল পাথারে।

[ প্রস্থান

সখীগণ। প্রভাত হইল নিশি কানন ঘূরে,  
বিরহবিধুর হিয়া মরিল বদূরে।  
স্লান শশী অস্ত গেল, স্লান হাসি মিলাইল,  
কাঁদিয়া উঠিল প্রাণ কাতর সদূরে।

প্রমদার প্রবেশ

প্রমদা। চল্ সখী, চল্ তবে ঘরেতে ফিরে,  
যাক ভেসে স্লান আঁখি নয়ননীরে।  
যাক ফেটে শূন্য প্রাণ, হোক্ আশা অবসান—  
হৃদয় বাহারে ডাকে থাক্ সে দূরে।

[ প্রস্থান

মায়াকুমারীগণ। মধুনিশি পূর্ণিমার ফিরে আসে বার বার,  
সে জন ফেরে না আর যে গেছে চলে।  
ছিল তিথি অনুকূল, শূদ্ধ নিমেষের ভুল—  
চিরদিন তৃষাকুল পরান জ্বলে।  
এখন ফিরাবে তারে কিসের ছলে।

সপ্তম দৃশ্য

কানন

অমর শান্তা অন্যান্য পূরনারী ও পৌরজন

স্ত্রীগণ। এসো এসো, বসন্ত, ধরাতলে।  
আনো কুহুতান, প্রেমগান,  
আনো গন্ধমদভরে অলস সমীরণ,  
আনো নবযৌবনহিঞ্জোল, নব প্রাণ,  
প্রফুল্ল নবীন বাসনা ধরাতলে।  
পূরুষগণ। এসো থরথর-কম্পিত মর্মরমুখরিত  
নব-পল্লব-পুলকিত  
ফুল-আকুল-মালতী-বিল্লি-বিতানে,  
সদুচ্ছায়ে মধুবায়ে এসো এসো।

এসো অরুণচরণ কমলবরন তরুণ উষার কোলে।  
এসো জ্যোৎস্নাবিবশ নিশীথে,  
কল-কল্লোল তটিনীতীরে,  
সুধসুদ্রুত সরসীনীরে এসো এসো।

স্ত্রীগণ। এসো যৌবনকাতর হৃদয়ে,  
এসো মিলনসুখালস নয়নে,  
এসো মধুর শরমমাঝারে,  
দাও বাহুতে বাহু বাঁধি,  
নবীন কুসুমপাশে রচি দাও নবীন মিলনবাঁধন।

শান্তার প্রতি

অমর। মধুর বসন্ত এসেছে মধুর মিলন ঘটাতে,  
মধুর মলয়সমীরে মধুর মিলন রটাতে।  
কুহকলেখনী ছুটায় কুসুম তুলিছে ফুটায়,  
লিখিছে প্রণয়কাহিনী বিবিধ বরনছটাতে।  
হেরো পুরানো প্রাচীন ধরণী হয়েছে শ্যামলবরনী,  
যেন যৌবনস্রোত ছুটিছে কালের শাসন টুটাতে।  
পুরানো বিরহ হানিছে, নবীন মিলন আনিছে—  
নবীন বসন্ত আইল নবীন জীবন ফুটাতে।

স্ত্রীগণ। আজি আঁখি জুড়াল হেরিয়ে  
মনোমোহন মিলনমাধুরী, যুগল মদুরতি।

পুরুষগণ। ফুলগন্ধে আকুল করে, বাজে বাঁশরি উদাস স্বরে,  
নিকুঞ্জ প্লাবিত চন্দ্রকরে—

স্ত্রীগণ। তারি মাঝে মনোমোহন মিলনমাধুরী, যুগল মদুরতি।  
আনো আনো ফুলমালা, দাও দৌঁছে বাঁধিয়ে।

পুরুষগণ। হৃদয়ে পশিবে ফুলপাশ, অক্ষয় হবে প্রেমবন্ধন,

স্ত্রীগণ। চিরদিন হেরিব হে  
মনোমোহন মিলনমাধুরী, যুগল মদুরতি।

প্রমদা ও সখীগণের প্রবেশ

অমর। এ কি স্বপ্ন! এ কি মায়া!  
এ কি প্রমদা! এ কি প্রমদার ছায়া!

প্রমদার প্রতি

শান্তা। আহা, কে গো তুমি মলিনবয়নে  
আধ-নিমীলিত নলিননয়নে  
যেন আপনারি হৃদয়শয়নে  
আপনি রয়েছ লীন।

পুরুষগণ। তোমা-তরে সবে রয়েছে চাহিয়া,  
তোমা লাগি পিক উঠিছে গাহিয়া,  
ভিখারি সমীর কানন বাহিয়া  
ফিরিতেছে সারা দিন।

- অমর। এ কি স্বপ্ন! এ কি মায়া!  
এ কি প্রমদা! এ কি প্রমদার ছায়া!
- শান্তা। যেন শরতের মেঘখানি ভেসে  
চাঁদের সভাতে দাঁড়ায়েছ এসে,  
এখনি মিলাবে শ্লান হাসি হেসে—  
কাঁদিয়া পড়িবে ঝরি!
- পদ্রুঘগণ। জাগিছে পূর্ণিমা পূর্ণ নীলাম্বরে,  
কাননে চামেলি ফুটে থরে থরে,  
হাসিটি কখন ফুটিবে অধরে  
রয়েছি তিয়াষ ধরি।
- অমর। এ কি স্বপ্ন! এ কি মায়া!  
এ কি প্রমদা! এ কি প্রমদার ছায়া!
- সখীগণ। আহা, আজি এ বসন্তে এত ফুল ফুটে,  
এত বাঁশ বাজে, এত পাখি গায়,  
সখীর হৃদয় কুসুমকোমল—  
কর অনাদরে আজি ঝরে যায়!  
কেন কাছে আস, কেন মিছে হাস,  
কাছে যে আসিত সে তো আসিতে না চায়!  
সুখে আছে যারা সুখে থাক্ তারা,  
সুখের বসন্ত সুখে হোক্ সারা,  
দুখিনী নারীর নয়নের নীর  
সুখী জনে যেন দেখিতে না পায়।  
তারা দেখেও দেখে না, তারা বুঝেও বোঝে না,  
তারা ফিরেও না চায়।
- শান্তা। আমি তো বুঝিছি সব—যে বোঝে না বোঝে—  
গোপনে হৃদয় দুটি কে কাহারে খোঁজে।  
আপনি বিরহ গড়ি আপনি রয়েছ পড়ি,  
বাসনা কাঁদছে বসি হৃদয়সরোজে।  
আমি কেন মাঝে থেকে দুজনারে রাখি ঢেকে,  
এমন ভ্রমের তলে কেন থাকি মজে।

প্রমদার প্রতি

- অশোক। এতদিন বুঝি নাই, বুঝিছি ধীরে—  
ভালো যারে বাস তারে আনিব ফিরে।  
হৃদয়ে হৃদয় বাঁধা, দেখিতে না পায় আঁধা—  
নয়ন রয়েছে ঢাকা নয়ননীরে।
- শান্তা ও স্ত্রীগণ। চাঁদ, হাসো, হাসো—  
হারা হৃদয় দুটি ফিরে এসেছে।
- পদ্রুঘগণ। কত দুখে কত দুরে আঁধার সাগর ঘুরে  
সোনার তরণী দুটি তীরে এসেছে।  
মিলন দেখিবে বলে ফিরে বায়ু কুতহলে,  
চারি ধারে ফুলগুদলি ঘিরে এসেছে।

- সকলে। চাঁদ, হাসো, হাসো—  
হারা হৃদয় দ্বিটি ফিরে এসেছে।
- প্রমদা। আর কেন, আর কেন  
দলিত কুসুমে বহে বসন্তসমীরণ।  
ফুরায়ে গিয়াছে বেলা, এখন এ মিছে খেলা—  
নিশান্তে মলিন দীপ কেন জ্বলে অকারণ!
- সখীগণ। অশ্রু যবে ফুরায়েছে তখন মূছাতে এলে,  
অশ্রু-ভরা হাসি-ভরা নবীন নয়ন ফেলে!
- প্রমদা। এই লও, এই ধরো, এ মালা তোমরা পরো,  
এ খেলা তোমরা খেলো—সুখে থাকো অনুক্ষণ।
- অমর। এ ভাঙা সুখের মাঝে নয়নজলে,  
এ মলিন মালা কে লইবে।  
শ্লান আলো শ্লান আশা হৃদয়তলে,  
এ চির বিষাদ কে বহিবে!  
সুখনিশি অবসান—গেছে হাসি, গেছে গান.  
এখন এ ভাঙা প্রাণ লইয়া গলে  
নীরব নিরাশা কে সহিবে!
- শান্তা। যদি কেহ নাহি চায় আমি লইব,  
তোমার সকল দুখ আমি সহিব,  
আমার হৃদয় মন সব দিব বিসর্জন—  
তোমার হৃদয়ভার আমি বহিব।  
ভুল-ভাঙা দিবালোকে চাহিব তোমার চোখে,  
প্রশান্ত সুখের কথা আমি কহিব।

[ অমর ও শান্তার প্রস্থান ]

- মায়াকুমারীগণ। দুখের মিলন টুটিবার নয়—  
নাহি আর ভয়, নাহি সংশয়।  
নয়নসলিলে যে হাসি ফুটে গো  
রয় তাহা রয় চিরদিন রয়।
- প্রমদা। কেন এলি রে, ভালোবাসিলি, ভালোবাসা পেলি নে!  
কেন সংসারেতে উঁকি মেরে চলে গেলি নে!
- সখীগণ। সংসার কঠিন বড়ো কারেও সে ডাকে না,  
কারেও সে ধরে রাখে না।  
যে থাকে সে থাকে আর যে যায় সে যায়,  
কারো তরে ফিরেও না চায়।
- প্রমদা। হায় হায়, এ সংসারে যদি না পদ্রিল  
আজন্মের প্রাণের বাসনা  
চলে যাও শ্লান মূখে, ধীরে ধীরে ফিরে যাও,  
থেকে যেতে কেহ বলিবে না।  
তোমার ব্যথা তোমার অশ্রু তুমি নিয়ে যাবে,  
আর তো কেহ অশ্রু ফেলিবে না।

[ প্রস্থান ]



## মায়াকুমারীগণ

- সকলে। এরা স্নেহের লাগি চাহে প্রেম, প্রেম মেলে না,  
 প্রথমা। শূন্য স্নেহ চলে যায়—  
 দ্বিতীয়া। এমনি মায়ার ছলনা।  
 তৃতীয়া। এরা ভুলে যায়, কারে ছেড়ে কারে চায়।  
 সকলে। তাই কেঁদে কাটে নিশি, তাই দহে প্রাণ,  
 তাই মান অভিমান—  
 প্রথমা। তাই এত হায়-হায়।  
 দ্বিতীয়া। প্রেমে স্নেহ দখ ভুলে তবে স্নেহ পায়।  
 সকলে। সখী, চলো, গেল নিশি, স্বপন ফুরাল.  
 মিছে আর কেন বল।  
 প্রথমা। শশী ঘুমের কুহক নিয়ে গেল অস্তাচল।  
 সকলে। সখী চলো।  
 প্রথমা। প্রেমের কাহিনী-গান হয়ে গেল অবসান।  
 দ্বিতীয়া। এখন কেহ হাসে, কেহ বসে ফেলে অশ্রুজল।

# রাজা ও রানী

প্রকাশ : ১৮৮৯

রাজা ও রানী দ্বিতীয় সংস্করণে (১৩০১ বঙ্গাব্দ) রচনার বহু সংস্কার ও অনেকগুলি দৃশ্য বর্জিত হয়। কাব্যগ্রন্থাবলী (১৩০৩)-ধৃত সংস্করণে এই বর্জিত দৃশ্যের অধিকাংশই পুনঃসংকলিত হয়, তবে এ সংস্করণে তিনটি দৃশ্য বর্জিত থাকে।

বর্তমান সংস্করণ দৃশ্য গ্রহণ-বর্জনের বিচারে কাব্যগ্রন্থাবলী (১৩০৩) সংস্করণের অনুসারী।

উৎসর্গ

শ্রীযুক্ত শ্রীজেন্দ্রনাথ ঠাকুর বড়দাদা মহাশয়ের  
শ্রীচরণকমলে  
এই গ্রন্থ উৎসর্গ হইল

## সূচনা

একদিন বড়ো আকারে দেখা দিল একটি নাটক—রাজা ও রানী। এর নাট্যভূমিতে রয়েছে লিরিকের প্লাবন, তাতে নাটককে করেছে দুর্বল। এ হয়েছে কাব্যের জলাভূমি। ঐ লিরিকের টানে এর মধ্যে প্রবেশ করেছে ইলা এবং কুমারের উপসর্গ। সেটা অত্যন্ত শোচনীয়রূপে অসংগত। এই নাটকে যথার্থ নাট্যপরিণতি দেখা দিয়েছে যেখানে বিক্রমের দুর্দান্ত প্রেম প্রতিহত হয়ে পরিণত হয়েছে দুর্দান্ত হিংস্রতায়, আত্মঘাতী প্রেম হয়ে উঠেছে বিশ্বঘাতী।

প্রকৃতির প্রতিশোধের সঙ্গে রাজা ও রানীর এক জাঙ্গায় মিল আছে। অসীমের সন্ধানে সম্যাসী বাস্তব হতে দ্রষ্ট হয়ে সভ্য হতে দ্রষ্ট হয়েছে, বিক্রম তেমনি প্রেমে বাস্তবের সীমাকে লঙ্ঘন করতে গিয়ে সভ্যকে হারিয়েছে। এই তত্ত্বকেই যে সত্ত্বানে লক্ষ্য করে লেখা হয়েছে তা নয়, এর মধ্যে এই কথাটাই প্রকাশ পাবার জন্যে স্বত উদ্যত হয়েছে যে, সংসারের জর্মে থেকে প্রেমকে উৎপাটিত করে আনলে সে আপনার রস আপনি জোগাতে পারে না, তার মধ্যে বিকৃতি ঘটতে থাকে।

এরা সুখের লাগি চাহে প্রেম, প্রেম মেলে না,

শুধু শুধু চলে যায়

এমনি মায়ায় ছলনা।

## নাটকের পাত্রগণ

বিক্রমদেব	জালন্ধরের রাজা
দেবদত্ত	রাজার বাল্যসখা ব্রাহ্মণ
ত্রিবেদী	বৃদ্ধ ব্রাহ্মণ
জয়সেন, যুধাজিৎ	রাজ্যের প্রধান নায়ক
মিহিরগুপ্ত	জয়সেনের অমাত্য
চন্দ্রসেন	কাশ্মীরের রাজা
কুমার	কাশ্মীরের যুবরাজ। চন্দ্রসেনের ভ্রাতুষ্পুত্র
শংকর	কুমারের পুরাতন বৃদ্ধ ভৃত্য
অমরুদ্রাজ	ত্রিচূড়ের রাজা
সুমিহ্রা	জালন্ধরের মহিষী। কুমারের ভগিনী
নারায়ণী	দেবদত্তের স্ত্রী
রেবতী	চন্দ্রসেনের মহিষী
ইলা	অমরুদ্র কন্যা। কুমারের সহিত বিবাহপাণে বদ্ধ

## প্রথম অঙ্ক

### প্রথম দৃশ্য

জালন্ধর

প্রাসাদের এক কক্ষ

বিক্রমদেব ও দেবদত্ত

- দেবদত্ত । মহারাজ, এ কী উপদ্রব!
- বিক্রমদেব । হয়েছে কী!
- দেবদত্ত । আমাকে বরিয়ে নাকি পুরোহিতপদে!  
কী দোষ করেছি প্রভো! কবে শুনিয়েছি  
ত্রিষ্টম্ভ অনুষ্টম্ভ এই পাপমুখে?  
তোমার সংসর্গে পড়ে ভুলে বসে আছি  
যত যাগযজ্ঞবিধি। আমি পুরোহিত?  
শ্রুতিস্মৃতি ঢালিয়েছি বিস্মৃতির জলে।  
এক বই পিতা নয়, তাঁর নাম ভুলি,  
দেবতা তেত্রিশ কোটি গড় করি সবে!  
স্কন্ধে ঝুলে পড়ে আছে শূদ্ধ পৈতেখানা  
তেজোহীন ব্রহ্মণ্যের নিবিঁষ খোলস!
- বিক্রমদেব । তাই তো নির্ভয়ে আমি দিয়েছি তোমারে  
পুরোহিত্যভার। শাস্ত্র নাই, মন্ত্র নাই,  
নাই কোনো ব্রহ্মণ্য বালাই।
- দেবদত্ত । তুমি চাও  
নখদন্তভাঙা এক পোষা পুরোহিত!
- বিক্রমদেব । পুরোহিত, একেকটা ব্রহ্মদৈত্য যেন।  
একে তো আহাৰ করে রাজস্কন্ধে চেপে  
সুখে বারো মাস, তার পরে দিন রাত  
অনুষ্ঠান, উপদ্রব, নিষেধ বিধান,  
অনুযোগ, অনুস্বর-বিসর্গের ঘটা—  
দক্ষিণায় পূর্ণ হস্তে শূন্য আশীর্বাদ।
- দেবদত্ত । শাস্ত্রহীন ব্রহ্মণ্যের প্রয়োজন যদি,  
আছেন ত্রিবেদী: অতিশয় সাধুলোক;  
সর্বদাই রয়েছেন জপমালা হাতে  
ক্রিয়াকর্ম নিয়ে: শূদ্ধ মন্ত্র-উচ্চারণে  
লেশমাত্র নাই তাঁর ক্রিয়াকর্মজ্ঞান।
- বিক্রমদেব । অতি ভয়ানক! সখা, শাস্ত্র নাই যার  
শাস্ত্রের উপদ্রব তার চতুর্গুণ।

- নাই যার বেদবিদ্যা, ব্যাকরণবিধি,  
নাই তার বাধাবিঘ্ন—শুদ্ধ বুলি ছোট  
পশ্চাতে ফেলিয়া রেখে তাম্বিতপ্রত্যয়  
অমর-পার্বণি। একসঙ্গে নাহি সয়  
রাজা আর ব্যাকরণ দৌহারে পীড়ন।
- দেবদত্ত। আমি পুরোহিত! মহারাজ, এ সংবাদে  
ঘন আন্দোলিত হবে কেশলেশহীন  
যতেক চিক্ৰণ মাথা; অমঙ্গল স্মরি  
রাজ্যের টিকি যত হবে কণ্টকিত।
- বিক্রমদেব। কেন অমঙ্গলশঙ্কা?  
দেবদত্ত। কর্মকাণ্ডহীন  
এ দীন বিপ্রেয় দোষে কুলদেবতার  
রোষহুতাশন—
- বিক্রমদেব। রেখে দাও বিভীষিকা।  
কুলদেবতার রোষ নতশির পাতি  
সহিতে প্রস্তুত আছি; সহে না কেবল  
কুলপুরোহিত-আসফালন। জান সখা,  
দীপ্ত সূর্য সহ্য হয় তপ্ত বালি চেয়ে।  
দূর করো মিছে তর্ক যত। এসো, করি  
কাব্য-আলোচনা। কাল বলোঁছিলে তুমি  
পুরাতন কবিবাক্য 'নাহিকো বিশ্বাস  
রমণীরে'—আর-বার বলো শুননি।
- দেবদত্ত। শাস্ত্রং—  
বিক্রমদেব। রক্ষা করো—ছেড়ে দাও অনুস্বরগুলো।  
দেবদত্ত। অনুস্বর ধনুঃশর নহে মহারাজ,  
কেবল টংকারমাত্র। হে বীরপুরুষ,  
ভয় নাই। ভালো, আমি ভাষায় বলিব  
'যত চিন্তা কর শাস্ত্র চিন্তা আরো বাড়ে  
যত পূজা কর ভূপে ভয় নাহি ছাড়ে,  
কোলে থাকিলেও নারী রেখে সাবধানে—  
শাস্ত্র, নৃপ, নারী কভু বশ নাহি মানে।'
- বিক্রমদেব। বশ নাহি মানে! ধিক্ স্পর্ধা, কবি, তব!  
চাহে কে করিতে বশ? বিদ্রোহী সে জন।  
বশ করিবার নহে নৃপতি, রমণী।
- দেবদত্ত। তা বটে। পুরুষ রবে রমণীর বশে।  
বিক্রমদেব। রমণীর হৃদয়ের রহস্য কে জানে?  
বিধির বিধান-সম অজ্ঞেয়—তা বলে  
অবিশ্বাস জন্মে যদি বিধির বিধানে,  
রমণীর প্রেমে, আশ্রয় কোথায় পাবে?  
নদী ধায়, বায়ু বহে, কেমনে কে জানে।  
সেই নদী দেশের কল্যাণ-প্রবাহিনী,  
সেই বায়ু জীবের জীবন।



দেবদত্ত ।

বন্যা আনে

বিক্রমদেব ।

সেই নদী; সেই বায়ু ঝঞ্জা নিয়ে আসে।  
প্রাণ দেয়, মৃত্যু দেয়, লই শিরে তুলি।  
তাই বলে কোন্ মূৰ্খ চাহে তাহাদের  
বশ করিবারে! বন্ধনদী, বন্ধবায়ু  
রোগ-শোক-মৃত্যুর নিদান। হে ব্রাহ্মণ,  
নারীর কী জান তুমি?

দেবদত্ত ।

কিছু না রাজন্!

বিক্রমদেব ।

দেবদত্ত ।

বিক্রমদেব ।

দেবদত্ত ।

বিক্রমদেব ।

ছিলাম উজ্জ্বল করে পিতৃমাতৃকুল,  
ভদ্র ব্রাহ্মণের ছেলে তিন সন্ধ্যা ছিল  
আহিক তর্পণ। শেষে তোমারি সংসর্গে  
বিসর্জন করিয়াছি সকল দেবতা,  
কেবল অনঙ্গদেব রয়েছেন বাকি।  
ভুলেছি মহিম্মস্তব—শিখেছি গাহিতে  
নারীর মহিমা। সে বিদ্যাও পুণ্ড্রিগত।  
তার পরে মাঝে মাঝে চক্ষু রাঙাইলে  
সে বিদ্যাও ছুটে যায় স্বপ্নের মতন।  
না না, ভয় নাই সখা, মৌন রহিলাম—  
তোমার নূতন বিদ্যা বলে যাও তুমি।  
শুন তবে—বলিছেন কবি ভর্তৃহরি—  
'নারীর বচনে মধু, হৃদয়েতে হলাহল,  
অধরে পিয়ায় সুধা, চিস্তে জ্বালে দাবানল।'  
সেই পুরাতন কথা!  
সত্য, পুরাতন।  
কী করিব মহারাজ, যত পুণ্ড্রিগ খুলি  
ওই এক কথা। যত প্রাচীন পণ্ডিত  
প্রেয়সীরে ঘরে নিয়ে এক দণ্ড কভু  
ছিল না সুস্থির। আমি শূদ্র ভাবি, যার  
ঘরের ব্রাহ্মণী ফিরে পরের সন্ধানে  
সে কেমনে কাব্য লেখে ছন্দ গেঁথে গেঁথে  
পরম নিশ্চিন্ত মনে?  
মিথ্যা অবিশ্বাস।  
ও কেবল ইচ্ছাকৃত আত্মপ্রবণতা।  
ক্ষুদ্র হৃদয়ের প্রেম নিতান্ত বিশ্বাসে  
হয়ে আসে মৃত জড়বৎ—তাই তারে  
জাগায়ে তুলিতে হয় মিথ্যা অবিশ্বাসে।—  
হেরো ওই আসিছেন মন্ত্রী, সত্বপাকার  
রাজ্যভার শঙ্ক্বে নিয়ে। পলায়ন করি।

দেবদত্ত । রানীর রাজ্জ্ব তুমি লও গে আশ্রয়,  
 যাও অন্তঃপদ্রে। অসম্পূর্ণ রাজকার্য  
 দয়ার-বাহিরে পড়ে থাক্; স্ফীত হোক  
 যত যায় দিন। তোমার দয়ার ছাঁড়  
 ক্রমে উঠিবে সে উর্ধ্বদিকে, দেবতার  
 বিচার-আসন-পানে।

বিক্রমদেব । এ কি উপদেশ?  
 দেবদত্ত । না রাজন্, প্রলাপচন! যাও তুমি,  
 কাল নষ্ট হয়।

[বিক্রমদেবের প্রস্থান]

মন্ত্রীর প্রবেশ

মন্ত্রী । ছিলেন না মহারাজ?  
 দেবদত্ত । করেছেন অন্তর্ধান অন্তঃপদ্র-পানে।

বসিয়া পড়িয়া

মন্ত্রী । হা বিধাতঃ, এ রাজ্যের কী দশা করিলে!  
 কোথা রাজা, কোথা দণ্ড, কোথা সিংহাসন।  
 শ্মশানভূমির মতো বিষন্ন বিশাল  
 রাজ্যের বন্ধের 'পরে সগর্বে' দাঁড়ায়ে  
 বধির পাষাণরুদ্ধ অন্ধ অন্তঃপদ্র।  
 রাজশ্রী দ্বারায় বসি অনাথার বেশে  
 কাঁদে হাহাকার-রবে।

দেবদত্ত । দেখে হাসি আসে।  
 রাজা করে পলায়ন, রাজ্য ধায় পিছে।  
 হল ভালো মন্ত্রিবর, অহর্নিশ যেন  
 রাজ্য ও রাজ্য মিলে লুকোচুরি খেলা।

মন্ত্রী । এ কি হাসিবার কথা রাম্ভাণ্টাকুর!  
 দেবদত্ত । না হাসিয়া করিব কী? অরণ্যে ক্রন্দন  
 সে তো বালকের কাজ। দিবসরজনী  
 বিলাপ না হয় সহ্য, তাই মাঝে মাঝে  
 রোদনের পরিবর্তে শব্দ শ্বেত হাসি  
 জমাট অশ্রুর মতো তুষারকঠিন।  
 কী ঘটেছে বলো শুন।

মন্ত্রী । জান তো সকলি।  
 রানীর কুটুম্ব যত বিদেশী কাশ্মীরী  
 দেশ জুড়ে বসিয়াছে। রাজার প্রতাপ  
 ভাগ করে লইয়াছে খণ্ড খণ্ড করি,  
 বিষ্ণুচক্রে ছিন্ন মৃত সতীদেহ-সম।  
 বিদেশীর অত্যাচারে জর্জর কাতর  
 কাঁদে প্রজা। অরাজক রাজসভামাঝে  
 মিলায় ক্রন্দন। বিদেশী অমাত্য যত  
 বসে বসে হাসে। শূন্য সিংহাসন-পার্শ্বে  
 বিদীর্ণহৃদয় মন্ত্রী বসি নতশিরে।

দেবদত্ত। বহে ঝড়, ডোবে তরী, কাঁদে যাত্রী যত,  
রিঙ্কহস্ত কণ্ঠধার উজ্জ্বল একা বসি  
বলে 'কণ্ঠ কোথা গেল!' মিছে খুঁজে মর,  
রমণী নিয়েছে টেনে রাজকর্ণখানা,  
বাঁহিছে প্রেমের তরী লীলাসরোবরে  
বসন্তপবনে। রাজ্যের বোঝাই নিয়ে  
মন্ত্রীটা মরুক ডুবে অকল পাথারে।

মন্ত্রী। হেসো না ঠাকুর! ছি ছি, শোকের সময়ে  
হাসি অকল্যাণ।

দেবদত্ত। আমি বলি মন্ত্রিবর,  
রাজারে ডিঙায়, একেবারে পড়ো গিয়ে  
রানীর চরণে।

মন্ত্রী। আমি পারিব না তাহা।  
আপন আত্মীয়জনে করিবে বিচার  
রমণী, এমন কথা শুনি নাই কভু।

দেবদত্ত। শূদ্ধ শাস্ত জান মন্ত্রী, চেন না মানুষ।  
বরণ আপন জনে আপনার হাতে  
দণ্ড দিতে পারে নারী, পারে না সঁহিতে  
পরের বিচার।

মন্ত্রী। ওই শোনো কোলাহল।

দেবদত্ত। এ কি প্রজার বিদ্রোহ?

মন্ত্রী। চলো দেখে আসি।

## দ্বিতীয় দৃশ্য

রাজপথ

লোকারণ্য

কিন্দু নাপিত। ওরে ভাই, কাল্মার দিন নয়। অনেক কেঁদেছি, তাতে কিছ্ হ'ল কি?

মন্সুখ চাষা। ঠিক বলেছিস রে, সাহসে সব কাজ হয়—ঐ-যে কথায় বলে 'আছে যার  
বন্ধুর পাটা যমরাজকে সে দেখায় ঝাঁটা'।

কুঞ্জরলাল কামার। ভিক্ষে করে কিছ্ হবে না, আমরা লুণ্ঠ করব।

কিন্দু নাপিত। ভিক্ষে নৈম নৈমচং। কী বল খুড়ো, তুমি তো স্মার্ত ব্রাহ্মণের ছেলে,  
লুণ্ঠপাটে দোষ আছে কি?

নন্দলাল। কিছ্ না, খিদের কাছে পাপ নেই রে বাবা! জানিস তো অগ্নিকে বলে পাবক,  
অগ্নিতে সকল পাপ নষ্ট করে। জঠরাগ্নির বাড়ি তো আর অগ্নি নেই।

অনেকে। আগুন! তা ঠিক বলেছ। বেঁচে থাকো ঠাকুর! তবে তাই হবে। তা, আমরা আগুনই  
লাগিয়ে দেব। ওরে, আগুনে পাপ নেই রে। এবার গুঁদের বড়ো বড়ো ভিটেতে ঘৃণু চরাব।

কুঞ্জর। আমার তিনটে সড়কি আছে।

মন্সুদুখ। আমার একগাছা লাঙল আছে, এবার তাজ-পরা মাথাগুলো মাটির ঢেলার মতো চষে ফেলব।

শ্রীহর কল্দ। আমার একগাছ বড়ো কুড়ুল আছে, কিন্তু পালাবার সময় সেটা বাড়িতে ফেলে এসেছি।

হরিদীন কুমোর। ওরে, তোরা মরতে বসেছিস না কি? বলিস কী রে! আগে রাজাকে জানা, তার পরে যদি না শোনে তখন অন্য পরামর্শ হবে।

কিন্দু নাপিত। আমিও তো সেই কথা বলি।

কুঞ্জর। আমিও তো তাই ঠাওরাছি।

শ্রীহর। আমি রবাবর বলে আসছি, ঐ কায়স্থর পো-কে বলতে দাও। আচ্ছা, দাদা, তুমি রাজাকে ভয় করবে না?

মন্সুরাম কায়স্থ। ভয় আমি কাউকে করি নে। তোরা লুঠ করতে যাচ্ছিস, আর আমি দুটো কথা বলতে পারি নে?

মন্সুদুখ। দাঙা করা এক, আর কথা বলা এক। এই তো বরাবর দেখে আসছি, হাত চলে, কিন্তু মুখ চলে না।

কিন্দু। মুখের কোনো কাজটাই হয় না—অন্নও জোটে না, কথাও ফোটে না।

কুঞ্জর। আচ্ছা, তুমি কী বলবে বলো।

মন্সুরাম। আমি ভয় করে বলব না, আমি প্রথমেই শাস্ত্র বলব।

শ্রীহর। বল কী! তোমার শাস্ত্রের জানা আছে? আমি তো তাই গোড়াগুড়িই বলাছিলাম কায়স্থর পো-কে বলতে দাও—ও জানে শোনে।

মন্সুরাম। আমি প্রথমেই বলব—

অতিদর্পে হতা লঙ্কা, অতিমানে চ কৌরবঃ

অতিদানে বলির্বন্ধঃ সর্বমতান্তংগাহিতম্॥

হরিদীন। হাঁ, এ শাস্ত্র বটে।

কিন্দু। (ব্রাহ্মণের প্রতি) কেমন খুড়ো, তুমি তো ব্রাহ্মণের ছেলে, এ শাস্ত্র কি না? তুমি তো এ সমস্তই বোঝ।

নন্দ। হাঁ—তা ইয়ে—ওর নাম কী—তা বদ্বি বইকি। কিন্তু রাজা যদি না বোঝে, তুমি কী করে বদ্বি দিয়ে দেবে বলো তো শুন।

মন্সুরাম। অর্থাৎ, বাড়াবাড়িতে কিছুর নয়।

জওহর তাঁতি। ঐ অতবড়ো কথাটার এইটুকু মানে হল?

শ্রীহর। তা না হলে আর শাস্ত্রের কিসের?

নন্দ। চাষাভুষার মুখে যে কথাটা ছোট বড়োলোকের মুখে সেইটেই কত বড়ো শোনায়।

মন্সুদুখ। কিন্তু কথাটা ভালো, ‘বাড়াবাড়ি কিছুর নয়’ শুনলে রাজার চোখ ফুটবে।

জওহর। কিন্তু ঐ একটাতে হবে না, আরো শাস্ত্রের চাই।

মন্সুরাম। তা আমার পুঁজি আছে, আমি বলব—

লালনে বহবো দোষাস্তাড়নে বহবো গুণাঃ।

তস্মাৎ মিত্রং পুত্রং তাড়য়েৎ ন তু লালয়েৎ॥

তা আমরা কি পুত্র নই? হে মহারাজ, আমাদের তাড়না করবে না—ঐটে ভালো নয়।

হরিদীন। এ ভালো কথা, মস্ত কথা, ঐ-যে কী বললে ও কথাগুলো শোনাচ্ছে ভালো।

শ্রীহর। কিন্তু কেবল শাস্ত্রের বললে তো চলবে না—আমার ঘানির কথাটা কখন আসবে? অমনি ঐ সঙ্গে জুড়ে দিলে হয় না?

নন্দ। বেটা, তুমি ঘানির সঙ্গে শাস্ত্রের জুড়বে? এ কি তোমার গোরু পেয়েছ?

জওহর। কল্দর ছেলে, ওর আর কত বদ্বি হবে!



কুঞ্জর। আমার নাম কুঞ্জরলাল—কাঞ্জিলাল আমার ভাইপোর নাম।

দেবদত্ত। ওঃ! তোমারই ভাইপোর নাম কাঞ্জিলাল বটে? তা, আমি রাজার কাছে বিশেষ করে তোমাদের নাম করব।

হরিদীন। আর, আমাদের কী হবে?

দেবদত্ত। তা আমি বলতে পারি নে বাপু! এখন তো তোরা কান্না ধরেছিস—এই একটু আগে আর-এক সুর বের করেছিলি। সে কথাগুলো কি রাজা শোনে নি? রাজা সব শুনতে পায়।

অনেকে। দোহাই ঠাকুর, আমরা কিছু বলি নি, ঐ কাঞ্জুলাল না মাজুলাল অস্তরের কথা পেড়েছিল।

কুঞ্জর। চুপ কর। আমার নাম খারাপ করিস নে। আমার নাম কুঞ্জরলাল। তা, মিছে কথা বলব না, আমি বলছিলাম, 'যেমন শাস্তর আছে তেমনি অস্তরও আছে, রাজা যদি শাস্তরের দোহাই না মানে তখন অস্তর আছে।' কেমন বলেছি ঠাকুর?

দেবদত্ত। ঠিক বলেছ, তোমার উপযুক্ত কথাই বলেছ। অস্ত্র কী? না, বল। তা তোমাদের বল কী? না, 'দুর্বলস্য বলং রাজা'। কি না, রাজাই দুর্বলের বল। আবার 'বালানাং রোদনং বলং'। রাজার কাছে তোমরা বালক বই নও। অতএব এখানে কান্নাই তোমাদের অস্ত্র। অতএব শাস্তর যদি না খাটে তো তোমাদের অস্ত্র আছে কান্না। বড়ো বুদ্ধিমানের মতো কথা বলেছ। প্রথমে আমাকেই ধাঁধা লেগে গিয়েছিল। তোমার নামটা মনে রাখতে হবে। কী হে, তোমার নাম কী?

কুঞ্জর। আমার নাম কুঞ্জরলাল। কাঞ্জিলাল আমার ভাইপো।

অন্য সকলে। ঠাকুর, আমাদের মাপ করো ঠাকুর, মাপ করো।

দেবদত্ত। আমি মাপ করবার কে! তবে দেখ, কান্নাকাটি করে দেখ, রাজা যদি মাপ করে।

[ প্রস্থান ]

## তৃতীয় দৃশ্য

অন্তঃপুর

প্রমোদকানন

বিক্রমদেব ও সুমিত্রা

বিক্রমদেব। মৌনমুগ্ধ সন্ধ্যা ওই মন্দ মন্দ আসে  
কুঞ্জবনমাঝে, প্রিয়তমে, লজ্জানম্র  
নববধূসম—সম্মুখে গম্ভীর নিশা  
বিস্তার করিয়া অন্তহীন অন্ধকার  
এ কনককান্তিটুকু চাহে গ্রাসিবারে।  
তেমনি দাঁড়িয়ে আছি হৃদয় প্রসারি  
ওই হাসি, ওই রূপ, ওই তব জ্যোতি  
পান করিবারে—দিবালোকতট হতে  
এসো, নেমে এসো, কনকচরণ দিয়ে  
এ অগাধ হৃদয়ের নিশীথ-সাগরে।  
কোথা ছিলে প্রিয়ে?

সুদূরিত। নিতান্ত তোমারি আমি •

সদা মনে রেখো এ বিশ্বাস। থাকি যবে  
গৃহকাজে, জেনো নাথ, তোমারি সে গৃহ,  
তোমারি সে কাজ।

বিক্রমদেব। থাক্ গৃহ, গৃহকাজ।

সংসারের কেহ নহ, অন্তরের তুমি।  
অন্তরে তোমার গৃহ, আর গৃহ নাই—  
বাহিরে কাঁদুক পড়ে বাহিরের কাজ।

সুদূরিত। কেবল অন্তরে তব! নহে, নাথ, নহে—  
রাজন্, তোমারি আমি অন্তরে বাহিরে।  
অন্তরে প্রেমসী তব, বাহিরে মহিষী।

বিক্রমদেব। হায়, প্রিয়ে, আজ কেন স্বপ্ন মনে হয়  
সে সুখের দিন? সেই প্রথম মিলন—  
প্রথম প্রেমের ছটা, দোঁখিতে দেখিতে  
সমস্ত হৃদয়ে দেহে যৌবনবিকাশ,  
সেই নিশিসমাগমে দরুদরু হিয়া—  
নয়নপল্লবে লজ্জা, ফুলদলপ্রান্তে  
শিশিরবিন্দুর মতো, অধরের হাসি  
নিমেষে জাগিয়া ওঠে, নিমেষে মিলায়,  
সন্ধ্যার বাতাস লেগে কাতরকম্পিত  
দীপশিখাসম, নয়নে-নয়নে হয়ে  
ফিরে আসে আঁখি, বেধে যায় হৃদয়ের  
কথা, হাসে চাঁদ কৌতুকে আকাশে, চাহে  
নিশীথের তারা লুকায়ে জানালা-পাশে—  
সেই নিশি-অবসানে আঁখি ছলছল,  
সেই বিরহের ভয়ে বন্ধ আলিঙ্গন,  
তিলেক বিচ্ছেদ লাগি কাতর হৃদয়।  
বেগথা ছিল গৃহকাজ? কোথা ছিল, প্রিয়ে,  
সংসারভাবনা?

সুদূরিত। তখন ছিলাম শূদ্ধ  
ছোটো দুটি বালক বালিকা, আজ মোরা  
রাজা রানী।

বিক্রমদেব। রাজা রানী! কে রাজা? কে রানী?

নহি আমি রাজা। শূন্য সিংহাসন কাঁদে।  
জীর্ণ রাজকার্যরাশি চূর্ণ হয়ে যায়  
তোমার চরণতলে ধূলির মাঝারে।

সুদূরিত। শূন্য লজ্জায় মরি। ছি ছি মহারাজ,  
এ কি ভালোবাসা? এ যে মেঘের মতন  
রেখেছে আচ্ছন্ন করে মধ্যাহ্ন-আকাশে  
উজ্জ্বল প্রতাপ তব। শোনো প্রিয়তম,  
আমার সকলি তুমি, তুমি মহারাজ,  
তুমি স্বামী—আমি শূদ্ধ অনাগত ছায়া,

তার বেশি নই। আমরা দিয়ো না লাজ,  
আমারে বেসো না ভালো রাজশ্রীর চেয়ে।  
বিক্রমদেব। চাহ না আমার প্রেম?

সন্মিত্রা। কিছু চাই নাথ,  
সব নহে। স্থান দিয়ো হৃদয়ের পাশে,  
সমস্ত হৃদয় তুমি দিয়ো না আমারে।  
বিক্রমদেব। আজো রমণীর মন নারিন্দু বদ্বিতে।  
সন্মিত্রা। তোমরা পদ্রব, দৃঢ় তরুর মতন  
আপনি অটল রবে আপনার 'পরে  
স্বতন্ত্র উন্নত, তবে তো আশ্রয় পাব  
আমরা লতার মতো তোমাদের সাথে।  
তোমরা সকল মন দিয়ে ফেল যদি  
কে রহিবে আমাদের ভালোবাসা নিতে,  
কে রহিবে বহিবারে সংসারের ভার?  
তোমরা রহিবে কিছু স্নেহময়, কিছু  
উদাসীন, কিছু মৃদু, কিছু বা জড়িত—  
সহস্র পাখির গৃহ, পান্থের বিশ্রাম,  
তপ্ত ধরণীর ছায়া, মেঘের বান্ধব,  
ঝটিকার প্রতিবন্দ্বী, লতার আশ্রয়।

বিক্রমদেব। কথা দূর করো প্রিয়ে! হেরো সন্ধ্যাবেলা  
মৌনপ্রেমসুখে সুপ্ত বিহগের নীড়,  
নীরব কাকলি। তবে মোরা কেন দোঁহে  
কথার উপরে কথা করি বরিবন?  
অধর অধরে বসি প্রহরীর মতো  
চপল কথার দ্বার রাখুক রুধিয়া।

#### কণ্ঠকীর প্রবেশ

কণ্ঠকী। এখনি দর্শনপ্রার্থী মন্ত্রীমহাশয়,  
গুরুতর রাজকার্য, বিলম্ব সহ্যে না।  
বিক্রমদেব। ধিক্ তুমি! ধিক্ মন্ত্রী! ধিক্ রাজকার্য!  
রাজ্য রসাতলে যাক মন্ত্রী লয়ে সাথে।

[ কণ্ঠকীর প্রস্থান ]

সন্মিত্রা। যাও, নাথ, যাও!  
বিক্রমদেব। বার বার এক কথা!  
নির্মম! নিষ্ঠুর! কাজ কাজ, যাও যাও!  
যেতে কি পারি নে আমি? কে চাহে থাকিতে?  
সবিনয় করপদে কে মাগে তোমার  
সযত্নে ওজন-করা বিন্দু বিন্দু কৃপা?  
এখনি চলিন্দু।

অগ্নি হৃদিলগ্না লতা,  
ক্ষমো মোরে, ক্ষমো অপরাধ। মোছো আঁখি,



ম্লান মুখে হাসি আনো, অথবা শ্রুতি—  
দাও শাস্তি, করো তিরস্কার!

সন্মিত্রা।

মহারাজ,

এখন সময় নয়—আসিয়ো না কাছে,  
এই মর্দুছিয়াছি অশ্রু, যাও রাজ-কাজে।

বিক্রমদেব।

হায় নারী, কী কঠিন হৃদয় তোমার!  
কোনো কাজ নাই প্রিয়ে, মিছে উপদ্রব।  
ধান্যপূর্ণ বসুন্ধরা, প্রজা সন্মুখে আছে,  
রাজকার্য চলিছে অবাধে—এ কেবল  
সামান্য কী বিষয় নিয়ে, তুচ্ছ কথা তুলে  
বিজ্ঞ বৃদ্ধ অমাত্যের অতি-সাবধান।

সন্মিত্রা।

ওই শোনো ক্রন্দনের ধ্বনি—সকাতরে  
প্রজার আহ্বান। ওরে বৎস, মাতৃহীন  
নোস তোরা কেহ, আমি আছি—আমি আছি—  
আমি এ রাজ্যের রানী, জননী তোদের।

[ প্রস্থান ]

## চতুর্থ দৃশ্য

অন্তঃপুরের কক্ষ

সন্মিত্রা

সন্মিত্রা।

এখনো এল না কেন? কোথায় রাক্ষস?  
ওই ক্রমে বেড়ে ওঠে ক্রন্দনের ধ্বনি।

দেবদত্তের প্রবেশ

দেবদত্ত।

জয় হোক।

সন্মিত্রা।

ঠাকুর, কিসের কোলাহল?

দেবদত্ত।

শোন কেন মাতঃ! শুনিলেই কোলাহল।  
সন্মুখে থাকো, রুদ্ধ করো কান। অন্তঃপুরে  
সেথাও কি পশে কোলাহল? শান্তি নেই  
সেখানেও? বল তো এখনি সৈন্য লয়ে  
তাড়া করে নিয়ে যাই পথ হতে পথে  
জীর্ণচীর ক্ষুধিত তৃষিত কোলাহল।

সন্মিত্রা।

বলো শীঘ্র কী হয়েছে।

দেবদত্ত।

কিছু না, কিছু না।

শুধু ক্ষুধা, হীন ক্ষুধা, দরিদ্রের ক্ষুধা।  
অভদ্র অসভ্য যত বর্বরের দল  
মরিছে চীৎকার করি ক্ষুধার তাড়নে

ককর্শ ভাষায়। রাজকুঞ্জে ভয়ে মৌন  
কোকিল পাঁপিয়া যত।

সুদমিত্রা। আহা, কে ক্ষুধিত?

দেবদত্ত। অভাগ্যের দূরদৃষ্ট। দীন প্রজা যত  
চিরদিন কেটে গেছে অর্ধাশনে যার  
আজও তার অনশন হল না অভ্যাস,  
এমনি আশ্চর্য।

সুদমিত্রা। হে ঠাকুর, এ কী শুননি!  
ধান্যপূর্ণ বসুন্ধরা, তবু প্রজা কাঁদে  
অনাহারে?

দেবদত্ত। ধান্য তার বসুন্ধরা যার।  
দরিদ্রের নহে বসুন্ধরা। এরা শূন্য  
যন্তুভূমে কুঙ্করের মতো লোলজিহ্বা  
এক পাশে পড়ে থাকে, পায় ভাগ্যক্রমে  
কভু যষ্টি উচ্ছ্রষ্ট কখনো। বেঁচে যায়  
দয়া হয় যদি, নহে তো কাঁদিয়া ফেরে  
পথপ্রান্তে মরিবার তরে।

সুদমিত্রা। কী বলিলে,  
রাজা কি নিদগ্ন তবে? দেশ অরাজক?

দেবদত্ত। অরাজক কে বলিবে? সহস্ররাজক।

সুদমিত্রা। রাজকার্ষে অমাত্যের দৃষ্টি নাই বৃদ্ধি?

দেবদত্ত। দৃষ্টি নাই? সে কী কথা! বিলক্ষণ আছে।

গৃহপতি নিদ্রাগত, তা বলিয়া গৃহে  
চোরের কি দৃষ্টি নাই? সে যে শনিদৃষ্টি।  
তাদের কী দোষ? এসেছে বিদেশ হতে  
রিক্ত হস্তে, সে কি শূন্য দীন প্রজাদের  
আশীর্বাদ করিবারে দুই হাত তুলে?

সুদমিত্রা। বিদেশী! কে তারা? তবে, আমার আত্মীয়?

দেবদত্ত। রানীর আত্মীয় তারা, প্রজার মাতুল,  
যেমন মাতুল কংস, মামা কালনেমি।

সুদমিত্রা। জয়সেন?

দেবদত্ত। ব্যস্ত তিনি প্রজা-সুশাসনে।

প্রবল শাসনে তাঁর সিংহগড় দেশে  
যত উপসর্গ ছিল অমবস্র আদি  
সব গেছে, আছে শূন্য অস্থি আর চর্ম।

সুদমিত্রা। শিলাদিভা?

দেবদত্ত। তাঁর দৃষ্টি বাণিজ্যের প্রতি।  
বাণিকের ধনভার করিয়া লাঘব  
নিজস্বকল্বে করেন বহন।

সুদমিত্রা। যুদ্ধাজিৎ?

দেবদত্ত। নিতান্তই ভদ্রলোক, অতি মিষ্টভাষী।  
থাকেন বিজয়কোটে, মন্থে লেগে আছে

‘বাপ! বাছা’, আড়চক্ষে চাহেন চৌদিকে,  
আদরে বুলান হাত ধরণীর পিঠে—  
যাহা-কিছু হাতে ঠেকে যজ্ঞে লন তুলি।  
সন্মিত্রা। এ কী লজ্জা! এ কী পাপ! আমার আত্মীয়!  
পিতৃকুল-অপযশ! ছি ছি, এ কলংক  
করিব মোচন। তিলেক বিলম্ব নহে।

[প্রস্থান]

### পঞ্চম দৃশ্য

নারায়ণী গৃহকাৰ্য্যে নিযুক্ত

দেবদত্তের প্রবেশ

দেবদত্ত। প্রিয়ে, বাল ঘরে কিছ্ আছে কি?

নারায়ণী। তোমার থাকার মধ্যে আছি আমি। তাও না থাকলেই আপদ চোকে।

দেবদত্ত। ও আবার কী কথা!

নারায়ণী। তুমি রাস্তা থেকে কুড়িয়ে কুড়িয়ে যত রাজ্যের ভিক্ষুক জুটিয়ে আন, ঘরে খুদ-কুড়ো আর বাকি রইল না। খেটে খেটে আমার শরীরও আর থাকে না।

দেবদত্ত। আমি সাধে আনি? হাতে কাজ থাকলে তুমি থাক ভালো, স্নাতরাং আমিও ভালো থাকি। আর কিছ্ না হোক, তোমার ঐ মদুখানি বন্ধ থাকে।

নারায়ণী। বটে? তা, আমি এই চুপ করলুম। আমার কথা যে তোমার অসহ্য হয়ে উঠেছে তা কে জানত! তা, কে বলে আমার কথা শুনতে—

দেবদত্ত। তুমিই বল, আবার কে বলবে? এক কথা না শুনলে দশ কথা শুনিয়ে দাও।

নারায়ণী। বটে! আমি দশ কথা শোনাই? তা, আমি এই চুপ করলুম। আমি একেবারে থামলেই তুমি বাঁচ। এখন কি আর সেদিন আছে—সেদিন গেছে। এখন আবার নতুন মদুখের নতুন কথা শুনতে সাধ গিয়েছে—এখন আমার কথা পুরোনো হয়ে গেছে।

দেবদত্ত। বাপ রে! আবার নতুন মদুখের নতুন কথা! শুনলে আতঙ্ক হয়। তবু পুরোনো কথাগুলো অনেকটা অভ্যাস হয়ে এসেছে।

নারায়ণী। আচ্ছা বেশ। এতই জ্বালাতন হয়ে থাক তো আমি এই চুপ করলুম। আমি আর একটি কথাও কব না। আগে বললেই হত—আমি তো জানতুম না। জানলে কে তোমাকে—

দেবদত্ত। আগে বলি নি? কত বার বলছি। কই, কিছ্ হল না তো।

নারায়ণী। বটে! তা বেশ, আজ থেকে তবে এই চুপ করলুম। তুমিও স্নখে থাকবে, আমিও স্নখে থাকব। আমি সাধে বাকি? তোমার রকম দেখে—

দেবদত্ত। এই বুদ্ধি তোমার চুপ করা?

নারায়ণী। আচ্ছা। (বিমদুখ)

দেবদত্ত। প্রিয়ে! প্রেয়সী! মধুরভাষিনী! কোকিলগঞ্জিনী!

নারায়ণী। চুপ করো।

দেবদত্ত। রাগ কোরো না প্রিয়ে, কোকিলের মতো রঙ বলাই নে, কোকিলের মতো পঞ্চমস্বর।

নারায়ণী। যাও যাও, বোকো না। কিন্তু তা বলাই, তুমি যদি আরো ভিখারি জুটিয়ে আন তা হলে হয় তাদের ঝগটিয়ে বিদেয় করব, নয় নিজে বনবাসিনী হয়ে বেরিয়ে যাব।

দেবদত্ত। তা হলে আমিও তোমার পিছনে পিছনে যাব, এবং ভিক্ষুকগুলোও যাবে।  
নারায়ণী। মিছে না। ঢেঁকির স্বর্গেও সূখ নেই।

[ নারায়ণীর প্রস্থান ]

হ্রিবেদীর মালা জপিতে জপিতে প্রবেশ

হ্রিবেদী। শিব শিব শিব! তুমি রাজপুরোহিত হয়েছ?

দেবদত্ত। তা হয়েছি, কিন্তু রাগ কেন ঠাকুর? কোনো দোষ ছিল না। মালাও জপি নে, ভগবানের নামও করি নে। রাজার মর্জি।

হ্রিবেদী। পিপীলিকার পক্ষচ্ছেদ হয়েছে। শ্রীহরি!

দেবদত্ত। আমার প্রতি রাগ করে শব্দশাস্ত্রের প্রতি উপদ্রব কেন? পক্ষচ্ছেদ নয় পক্ষোদ্ভেদ।

হ্রিবেদী। তা, ও একই কথা। ছেদও যা ভেদও তা। কথায় বলে ছেদভেদ। হে ভবকান্ডারী! যা হোক, তোমার যতদূর বার্ষক্য হবার তা হয়েছে।

দেবদত্ত। ব্রাহ্মণী সাক্ষী, এখনো আমার যৌবন পেরোয় নি।

হ্রিবেদী। আমিও তাই বলছি। যৌবনের দপেই তোমার এতটা বার্ষক্য হয়েছে। তা, তুমি মরবে। হরি হে দীনবন্ধু!

দেবদত্ত। ব্রাহ্মণব্যক্তি মিথ্যে হবে না—তা আমি মরব। কিন্তু সেজন্যে তোমার বিশেষ আয়োজন করতে হবে না, স্বয়ং যম রয়েছেন। ঠাকুর, তোমার চেয়ে আমার সঙ্গে যে তাঁর বেশি কুটুম্বিতে তা নয়—সকলেরই প্রতি তাঁর সমান নজর।

হ্রিবেদী। তোমার সময় নিতান্ত এগিয়ে এসেছে। দয়াময় হরি!

দেবদত্ত। তা কী করে জানব? দেখেছি বটে আজকাল মরে ঢের লোক—কেউ বা গলায় দড়ি দিয়ে মরে, কেউ বা গলায় কলসি বেঁধে মরে, আবার সপরিঘাতেও মরে, কিন্তু ব্রাহ্মশাপে মরে না। ব্রাহ্মণের লাঠিতে কেউ কেউ মরেছে শুনেছি, কিন্তু ব্রাহ্মণের কথায় কেউ মরে না। অতএব যদি শাস্ত্র না মরে উঠতে পারি তো রাগ কোরো না ঠাকুর—সে আমার দোষ নয়, সে কালের দোষ।

হ্রিবেদী। প্রণিপাত! শিব শিব শিব!

দেবদত্ত। আর-কিছু প্রয়োজন আছে?

হ্রিবেদী। না। কেবল এই খবরটা দিতে এলাম। দয়াময়! তা, তোমার চালে যদি দু-একটা বেশি কুমড়া ফলে থাকে তো দিতে পার—আমার দরকার আছে।

দেবদত্ত। এনে দিচ্ছি।

[ প্রস্থান ]

## ষষ্ঠ দৃশ্য

অন্তঃপুর

পদুপোদ্যান

বিক্রমদেব ও রাজমাতুল বৃন্দ অমাত্য

বিক্রমদেব। শুনো না অলীক কথা, মিথ্যা অভিযোগ—  
যুধাজিৎ, জয়সেন, উদয়ভাস্কর,  
সুযোগ্য সৃজন। একমাত্র অপরাধ  
বিদেশী তাহারা। তাই এ রাজ্যের মনে

বিন্দেব-অনল উগ্গারিছে কুঞ্চধুম  
নিন্দা রাশি-রাশি।

অমাত্য। সহস্র প্রমাণ আছে,  
বিচার করিয়া দেখো।

বিক্রমদেব। কী হবে প্রমাণ?  
চলিছে বৃহৎ রাজ্য বিশ্বাসের বলে—  
যার 'পরে রয়েছে যে ভার, সযতনে  
তাই সে পালিছে। প্রতিদিন তাহাদের  
বিচার করিতে হবে নিন্দাবাক্য শ্রুনে,  
নহে ইহা রাজধর্ম। আর্য, যাও ঘরে,  
করিয়ো না বিশ্রামে ব্যাঘাত।

অমাত্য। পাঠায়েছে  
মন্ত্রী মোরে; সান্দ্রনয়ে করিছে প্রার্থনা  
দর্শন তোমার, গুরু রাজকার্য-তরে।

বিক্রমদেব। চিরকাল আছে রাজ্য, আছে রাজকার্য—  
সুদুর্ভাগ্য অবসর শূন্য মাঝে মাঝে  
দেখা দেয়, অতি ভীরু, অতি সুকুমার।  
ফুটে ওঠে পদুপটির মতো, টুটে যায়  
বেলা না ফুরাতে। কে তারে ভাঙিতে চাহে  
অকালে চিন্তার ভারে? বিশ্রামেরে জেনো  
কর্তব্য কাজের অঙ্গ।

অমাত্য। যাই মহারাজ।

[ প্রস্থান

রানীর আত্মীয় অমাত্যের প্রবেশ

অমাত্য। বিচারের আজ্ঞা হোক।

বিক্রমদেব। কিসের বিচার?

অমাত্য। শ্রুনি নাকি, মহারাজ, নির্দোষীর নামে  
মিথ্যা অভিযোগ—

বিক্রমদেব। সত্য হবে। কিন্তু যতক্ষণ  
বিশ্বাস রেখেছি আমি তোমাদের 'পরে  
ততক্ষণ থাকো মৌন হয়ে। এ বিশ্বাস  
ভাঙবে যখন, তখন আপনি আমি  
সত্য মিথ্যা করিব বিচার। যাও চলে।

[ অমাত্যের প্রস্থান

বিক্রমদেব। হায় কষ্ট মানবজীবন! পদে পদে  
নিয়মের বেড়া! আপন রচিত জালে  
আপনি জড়িত। অশান্ত আকাঙ্ক্ষা-পাখি  
মরিতেছে মাথা খুঁড়ে পঞ্জরপিঞ্জরে!  
কেন এ জটিল অধীনতা? কেন এত  
আত্মপীড়া? কেন এ কর্তব্য-কারাগার?  
তুই সুখী অগ্নি মাধবিকা, বসন্তের

আনন্দমঞ্জরী! শব্দ প্রভাতের আলো,  
 নিশার শিশির, শব্দ গন্ধ, শব্দ মধু,  
 শব্দ মধুপের গান, বায়ুর হিজোল,  
 স্নিগ্ধ পল্লবশয়ন, প্রস্ফুট শোভায়  
 সুনীল আকাশ-পানে নীরবে উত্থান,  
 তার পরে ধীরে ধীরে শ্যাম দূর্বাদলে  
 নীরবে পতন। নাই তর্ক, নাই বিধি,  
 নিদ্রিত নিশায় মর্মে সংশয়দংশন,  
 নিরাশ্বাস প্রণয়ের নিষ্ফল আবেগ।

সুমিত্রার প্রবেশ

এসেছ পাষণী! দয়া হয়েছে কি মনে?  
 হল সারা সংসারের যত কাজ ছিল?  
 মনে কি পড়িল তবে অধীন এ জনে  
 সংসারের সব শেষে? জান না কি, প্রিয়ে,  
 সকল কর্তব্য চেয়ে প্রেম গুরুতর!  
 প্রেম এই হৃদয়ের স্বাধীন কর্তব্য।  
 হায়, থিক্ মোরে। কেমনে বোঝাব, নাথ,  
 তোমারে যে ছেড়ে যাই সে তোমারি প্রেমে।  
 মহারাজ, অধীনীর শোনো নিবেদন—  
 এ রাজ্যের প্রজার জননী আমি। প্রভু,  
 পারি নে শুনিতে আর কাতর অভাগা  
 সন্তানের করুণ ক্রন্দন। রক্ষা করো  
 পীড়িত প্রজারে।

বিক্রমদেব। কী করিতে চাহ রানী?

সুমিত্রা। আগার প্রজারে যারা করিছে পীড়ন  
 রাজ্য হতে দূর করে দাও তাহাদের।

বিক্রমদেব। কে তাহারা জান?

সুমিত্রা। জানি।

বিক্রমদেব। তোমার আত্মীয়।

সুমিত্রা। নহে মহারাজ! আমার সন্তান চেয়ে  
 নহে তারা অধিক আত্মীয়। এ রাজ্যের  
 অনাথ আতুর যত তাড়িত ক্ষুধিত  
 তারাই আমার আপনার। সিংহাসন-  
 রাজচ্ছত্রছায়ে ফিরে যারা গুরুতভাবে  
 শিকারসন্ধানে—তারা দস্যু, তারা চোর।

বিক্রমদেব। যুদ্ধার্জিৎ, শিলাদিত্য, জয়সেন তারা।

সুমিত্রা। এই দণ্ডে তাহাদের দাও দূর করে।

বিক্রমদেব। আরামে রয়েছে তারা, যুদ্ধ ছাড়া কভু  
 নড়িবে না এক পদ।

সুমিত্রা। তবে যুদ্ধ করো।

বিক্রমদেব। যুদ্ধ করো! হায় নারী, তুমি কি রমণী!

ভালো, যুদ্ধে যাব আমি। কিন্তু তার আগে  
তুমি মানো অধীনতা, তুমি দাও ধরা—  
ধর্মাদর্ম, আত্মপর, সংসারের কাজ—  
সব ছেড়ে হও তুমি আমারি কেবল।  
তবেই ফুরাবে কাজ—তৃপ্তমন হয়ে  
বার্হিরিব বিশ্বরাজ্য জয় করিবারে।  
অতৃপ্ত রাখিবে মোরে যতদিন তুমি  
তোমার অদৃষ্ট-সম রব তব সাথে।  
সদমিত্রা। আজ্ঞা করো মহারাজ, মহিষী হইয়া  
আপনি প্রজারে আমি করিব রক্ষণ।

[ প্রস্থান ]

বিক্রমদেব। এমনি করেই মোরে করেছ বিকল।  
আছ তুমি আপনার মহত্বশিখরে  
বসি একাকিনী; আমি পাই নে তোমারে।  
দিবাশিখা চাহি তাই। তুমি যাও কাজে,  
আমি ফিরি তোমারে চাহিয়া। হায় হায়,  
তোমায় আমার কভু হবে কি মিলন?

দেবদত্তের প্রবেশ

দেবদত্ত। জয় হোক মহারানী—কোথা মহারানী,  
একা তুমি মহারাজ?  
বিক্রমদেব। তুমি কেন হেথা?  
ব্রাহ্মণের ষড়যন্ত্র অন্তঃপদ্রমাঝে?  
কে দিয়েছে মহিষীর রাজ্যের সংবাদ?  
দেবদত্ত। রাজ্যের সংবাদ রাজ্য আপনি দিয়েছে।  
উদ্ধবের কৈন্দে মরে রাজ্য উৎপীড়িত  
নিভান্ত প্রাণের দায়ে—সে কি ভাবে কভু  
পাছে তব বিশ্বাসের হয় কোনো ক্ষতি?  
ভয় নাই, মহারাজ, এসেছি কিঞ্চিৎ  
ভিক্ষা মাগিবার তরে রানীমার কাছে।  
ব্রাহ্মণী বড়োই রুদ্ধ, গৃহে অন্ন নাই,  
অথচ ক্ষুধার কিছন্ন নাই অপতুল।

[ প্রস্থান ]

বিক্রমদেব। সুখী হোক, সুখে থাক্ এ রাজ্যের সবে।  
কেন দঃখ, কেন পীড়া, কেন এ ক্রন্দন!  
অত্যাচার, উৎপীড়ন, অন্যায়ে বিচার,  
কেন এ-সকল! কেন মানুষ্যের 'পরে  
মানুষ্যের এত উপদ্রব! দুর্বলের  
ক্ষুদ্র সুখ, ক্ষুদ্র শান্তিটুকু তার 'পরে  
সবলের শোভনদৃষ্টি কেন? যাই, দেখি,  
যদি কিছন্ন খুঁজে পাই শান্তির উপায়।

## সপ্তম দৃশ্য

## মন্ত্রগৃহ

## বিক্রমদেব ও মন্ত্রী

- বিক্রমদেব। এই দেশে রাজ্য হতে দাও দূর করে  
যত সব বিদেশী দস্যুরে। সদা দ্বন্দ্ব,  
সদা ভয়, রাজ্য জুড়ে কেবল ক্রন্দন!  
আর যেন এক দিন না শুনিতে হয়  
পীড়িত প্রজার এই নিত্য কোলাহল।
- মন্ত্রী। মহারাজ, ধৈর্য চাই। কিছুদিন ধরে  
রাজার নিয়ত দৃষ্টি পড়ুক সর্বত্র,  
ভয় শোক বিশৃঙ্খলা তবে দূর হবে।  
অন্ধকারে বাড়িয়াছে বহুকাল ধরে  
অমঙ্গল—এক দিনে কী করিবে তার?
- বিক্রমদেব। এক দিনে চাহি তারে সমুদ্রে নাশিতে,  
শত বরষের শাল যেমন সবলে  
এক দিনে কাঠুরিয়া করে ভূমিসাৎ।
- মন্ত্রী। অস্ত্র চাই, লোক চাই—
- বিক্রমদেব। সেনাপতি কোথা?
- মন্ত্রী। সেনাপতি নিজেই বিদেশী।
- বিক্রমদেব। বিড়ম্বনা!  
তবে ডেকে নিয়্যে এসো দীন প্রজাদের,  
খাদ্য দিয়ে তাহাদের বন্ধ করো মূখ,  
অর্থ দিয়ে করহ বিদায়। রাজ্য ছেড়ে  
ষাক চলে, যেথা গিয়ে সুখী হয় তারা।

[প্রস্থান]

## দেবদত্তের সহিত সূমিত্রার প্রবেশ

- সূমিত্রা। আমি এ রাজ্যের রানী—তুমি মন্ত্রী বৃদ্ধি?  
মন্ত্রী। প্রণাম জননী! দাস আমি। কেন মাতঃ,  
অন্তঃপূর ছেড়ে আজ মন্ত্রগৃহে কেন?
- সূমিত্রা। প্রজার ক্রন্দন শ্রুনে পারি নে তিষ্ঠিতে  
অন্তঃপূরে। এসেছি করিতে প্রতিকার।
- মন্ত্রী। কী আদেশ মাতঃ?
- সূমিত্রা। বিদেশী নায়ক  
এ রাজ্যে যতেক আছে করহ আহ্বান  
মোর নামে স্বরা করি।
- মন্ত্রী। সহসা আহ্বানে  
সংশয় জন্মবে মনে, কেহ আসিবে না।
- সূমিত্রা। মানিবে না রানীর আদেশ?



দেবদত্ত। রাজা রানী  
ভুলে গেছে সবে। কদাচিৎ জনশ্রুতি  
শোনা যায়!

সন্মিত্রা। কালভৈরবের পূজোৎসবে  
করো নিমন্ত্রণ। সেদিন বিচার হবে।  
গর্বে অন্ধ দণ্ড যদি না করে স্বীকার  
সৈন্যবল কাছাকাছি রাখিয়ো প্রস্তুত।

দেবদত্ত। কাহারে পাঠাবে দত্ত?

মন্ত্রী। গ্রিবেদী ঠাকুরে।  
নির্বোধ সরলমন ধার্মিক ব্রাহ্মণ,  
তার 'পরে কারো আর সন্দেহ হবে না।

দেবদত্ত। গ্রিবেদী সরল? নির্বুদ্ধিই বুদ্ধি তার,  
সরলতা বক্রতার নির্ভরের দণ্ড।

### অষ্টম দৃশ্য

#### গ্রিবেদীর কুটীর

#### মন্ত্রী ও গ্রিবেদী

মন্ত্রী। বন্ধু ছাড়া, এ কাজ তোমাকে ছাড়া আর কাউকে দেওয়া যায় না।

গ্রিবেদী। তা বন্ধুই। হরি হে! কিন্তু মন্ত্রী, কাজের সময় আমাকে ডাক, আর পৈরহিত্যের  
বেলায় দেবদত্তের খোঁজ পড়ে।

মন্ত্রী। তুমি তো জান ঠাকুর, দেবদত্ত বেদজ্ঞ ব্রাহ্মণ, গুঁকে দিয়ে আর তো কোনো কাজ হয় না।  
উনি কেবল মন্ত্র পড়তে আর ঘণ্টা নাড়তে পারেন।

গ্রিবেদী। কেন, আমার কি বেদের উপর কম ভক্তি? আমি বেদ পূজো করি, তাই বেদ পাঠ  
করবার সন্নিবেশ হয়ে ওঠে না। চন্দনে আর সিঁদুরে আমার বেদের একটা অক্ষরও দেখবার জো  
নেই। আজই আমি যাব। হে মধুসূদন!

মন্ত্রী। কী বলবে?

গ্রিবেদী। তা, আমি বলব কালভৈরবের পূজো, তাই রাজা তোমাদের নিমন্ত্রণ করেছেন। আমি  
খুব বাড়ারকম সালংকার দিয়েই বলব। সব কথা এখন মনে আসছে না—পথে যেতে যেতে ভেবে  
নেব। হরি হে, তুমিই সত্য।

মন্ত্রী। যাবার আগে একবার দেখা করে যেয়ো ঠাকুর।

[প্রস্থান]

গ্রিবেদী। আমি নির্বোধ, আমি শিশু, আমি সরল, আমি তোমাদের কাজ উদ্ধার করবার  
গোরু! পিঠে বস্তু, নাকে দাড়ি, কিছুর বুঝব না, শুধু লেজে মোড়া খেয়ে চলব—আর সন্ধ্যাবেলায়  
দুটিখানি শুকনো বিচিলা খেতে দেবে! হরি হে, তোমারি ইচ্ছে। দেখা যাবে কে কতখানি বোঝে।  
ওরে, এখনো পূজোর সামগ্রী দিলি নে? বেলা যায় যে। নারায়ণ! নারায়ণ!

## দ্বিতীয় অঙ্ক

## প্রথম দৃশ্য

## সিংহগড়

## জয়সেনের প্রাসাদ

## জয়সেন ত্রিবেদী ও মিহিরগদুপ্ত

ত্রিবেদী। তা বাপু, তুমি যদি চন্দ্র অমন রক্তবর্ণ কর তা হলে আমার আশ্রয়বিভ্রাতি হবে। ভক্তবৎসল হরি! দেবদত্ত আর মন্ত্রী আমাকে অনেক করে শিখিয়ে দিয়েছে—কী বলছিলাম ভালো? আমাদের রাজা কালভৈরবের পূজো-নামক একটা উপলক্ষ করে—

জয়সেন। উপলক্ষ করে?

ত্রিবেদী। হাঁ, তা, নয় উপলক্ষই হল, তাতে দোষ হয়েছে কী? নধুসূদন! তা তোমার চিন্তা হতে পারে বটে। উপলক্ষ শব্দটা কিণ্ঠং কাঠিন্যরসাসক্ত হয়ে পড়েছে—ওর যা যথার্থ অর্থ সেটা নিরাকার করতে অনেকেরই গোল ঠেকে দেখেছি।

জয়সেন। তাই তো ঠাকুর, ওর যথার্থ অর্থটাই ঠাওরাচ্ছি।

ত্রিবেদী। রামনাম সত্য! তা, নাহয় উপলক্ষ না বলে উপসর্গ বলা গেল। শব্দের অভাব কী বাপু? শাস্ত্রে বলে শব্দ ব্রহ্ম। অতএব উপলক্ষই বল আর উপসর্গই বল অর্থ সমানই রইল।

জয়সেন। তা বটে। রাজা যে আমাদের আহ্বান করেছেন তার উপলক্ষ এবং উপসর্গ পর্যন্ত বোঝা গেল—কিন্তু তার যথার্থ কারণটা কী খুলে বলো দেখি।

ত্রিবেদী। ঐটে বলতে পারলুম না বাপু—ঐটে আমায় কেউ বুঝিয়ে বলে নি। হরি হে!

জয়সেন। ব্রাহ্মণ, তুমি বড়ো কঠিন স্থানে এসেছ, কথা গোপন কর তো বিপদে পড়বে।

ত্রিবেদী। হে ভগবান! হ্যা দেখো বাপু, তুমি রাগ কোরো না, তোমার স্বভাবটা নিতান্ত যে মধুমত্ত মধুকরের মতো তা বোধ হচ্ছে না।

জয়সেন। বেশি বোকো না ঠাকুর, যথার্থ কারণ যা জান বলে ফেলো।

ত্রিবেদী। বাসুদেব! সকল জিনিসেরই কি যথার্থ কারণ থাকে? যদি বা থাকে তো সকল লোকে কি টের পায়? যারা গোপনে পরামর্শ করেছে তারাই জানে। মন্ত্রী জানে, দেবদত্ত জানে। তা বাপু, তুমি অধিক ভেবো না, বোধ করি সেখানে বাবামাত্রই যথার্থ কারণ অবিলম্বে টের পাবে।

জয়সেন। মন্ত্রী তোমাকে আর কিছুর বলে নি?

ত্রিবেদী। নারায়ণ নারায়ণ! তোমার দিবা, কিছুর বলে নি। মন্ত্রী বললে, 'ঠাকুর, যা বললুম তা ছাড়া একটি কথা বোলো না। দেখো, তোমাকে যেন একটুও সন্দেহ না করে।' আমি বললুম, 'হে রাম! সন্দেহ কেন করবে? তবে বলা যায় না! আমি তো সরলচিত্তে বলে যাব, যিনি সন্দেহ হবেন তিনি হবেন!' হরি হে, তিনিই সত্য।

জয়সেন। পূজো উপলক্ষে নিমন্ত্রণ, এ তো সামান্য কথা, এতে সন্দেহ হবার কী কারণ থাকতে পারে?

ত্রিবেদী। তোমরা বড়োলোক, তোমাদের এইরকমই হয়। নইলে 'ধর্মস্য সূক্ষ্ম গতি' বলবে কেন? যদি তোমাদের কেউ এসে বলে, 'আয় তো রে পাষণ্ড, তোর মদুডুটা টান মেরে ছিঁড়ে ফেলি' অর্নি তোমাদের উপলব্ধ হয় যে, আর যাই হোক লোকটা প্রবঞ্চনা করছে না, মদুডুটার উপরে বাস্তবিক তার নজর আছে বটে। কিন্তু যদি কেউ বলে 'এসো তো বাপধন, আস্তে আস্তে তোমার পিঠে হাত বুলিয়ে দিই', অর্নি তোমাদের সন্দেহ হয়। যেন আস্ত মদুডুটা ধরে টান দারার চেয়ে

পিঠে হাত বুলিয়ে দেওয়া শক্ত কাজ! হে ভগবান, যদি রাজা স্পষ্ট করেই বলত—একবার হাতের কাছে এসো তো, তোমাদের এক-একটাকে ধরে রাজ্য থেকে নির্বাসন করে পাঠাই—তা হলে এটা কখনো সন্দেহ করতে না যে, হয়তো বা রাজকন্যার সঙ্গে পরিণাম-বন্ধন করবার জন্যেই রাজা ডেকে থাকবেন। কিন্তু রাজা বলেছেন নাকি, ‘হে বন্ধুসকল, রাজস্বারে শ্মশানে চ যস্তিষ্ঠতি স বান্ধব, অতএব তোমরা পুত্রো উপলক্ষে এখানে এসে কিঞ্চৎ ফলাহার করবে’—অর্থাৎ তোমাদের সন্দেহ হয়েছে, সে ফলাহারটা কী রকমের না জানি। হে মধুসূদন! তা, এমনি হয় বটে। বড়োলোকের সামান্য কথায় সন্দেহ হয়, আবার সামান্য লোকের বড়ো কথায় সন্দেহ হয়।

জয়সেন। ঠাকুর, তুমি অতি সরল প্রকৃতির লোক। আমার যেটুকু বা সন্দেহ ছিল, তোমার কথায় সমস্ত ভেঙে গেছে।

ত্রিবেদী। ভা, লেহা কথা বলেছ। আমি তোমাদের মতো বুদ্ধিমান নই, সকল কথা তলিয়ে বুঝতে পারি নে, কিন্তু, বাবা, সরল—পুত্রাণ-সংহিতায় যাকে বলে ‘অন্যে পরে কা কথা’, অর্থাৎ, অন্যের কথা নিয়ে কখনো থাকি নে।

জয়সেন। আর কাকে কাকে তুমি নিমন্ত্রণ করতে বেরিয়েছ?

ত্রিবেদী। তোমাদের পোড়া নাম আমার মনে থাকে না। তোমাদের কাশ্মীরী স্বভাব যেমন তোমাদের নামগুলোও ঠিক তেমনি শ্রুতিপৌরুষ। ভা, এ রাজ্যে তোমাদের গুণটির যেখানে যে আছে সকলকেই ডাক পড়েছে। শূলপাণি! কেউ বাদ যাবে না।

জয়সেন। যাও, ঠাকুর, এখন বিশ্রাম করো গে।

ত্রিবেদী। যা হোক, তোমার মন থেকে যে সমস্ত সন্দেহ দূর হয়েছে, মন্ত্রী এ কথা শুনলে ভারি খুশি হবে! মদুকুন্দ মদুরহর মদুরারে!

[ প্রস্থান ]

জয়সেন। মিহিরগুপ্ত, সমস্ত অবস্থা বুঝলে তো? এখন গৌরসেন যুদ্ধার্থে উদয়ভাস্কর গুণ্ডের কাছে শীঘ্র লোক পাঠাও। বলো, অবিলম্বে সকলে একত্র মিলে একটা পরামর্শ করা আবশ্যক। মিহিরগুপ্ত। যে আজ্ঞা।

## দ্বিতীয় দৃশ্য

### অন্তঃপুর

বিক্রমদেব ও রানীর আত্মীয় সভাসদ

সভাসদ। ধন্য মহারাজ!

বিক্রমদেব। কেন এত ধন্যবাদ?

সভাসদ। মহত্বের এই তো লক্ষণ, দৃষ্টি তার সকলের 'পরে। ক্ষুদ্রপ্রাণ ক্ষুদ্র জনে পায় না দেখিতে। প্রবাসে পড়িয়া আছে সেবক যাহারা, জয়সেন, যুদ্ধার্থে—মহোৎসবে তাহাদের করেছ স্মরণ। আনন্দে বিহবল তারা। স্বস্তি আসিছে দলবল নিয়ে।

বিক্রমদেব।                      যাও যাও। তুচ্ছ কথা,  
তার লাগি এত যশোগান। জানিও নে  
আহত হয়েছে কারা পূজার উৎসবে।  
সভাসদ।                      রবির উদয়মাগ্রে আলোকিত হয়  
চরাচর, নাই চেষ্টা, নাই পরিশ্রম,  
নাই তাহে ক্ষতিবৃদ্ধি তার। জানেও না  
কোথা কোন্ তৃণতলে কোন্ বনফুল  
আনন্দে ফুটিছে তার কনককিরণে।  
কৃপাবৃষ্টি কর অবহেলে, যে পায় সে  
ধন্য হয়।  
বিক্রমদেব।                      থামো থামো, যথেষ্ট হয়েছে।  
আমি যত অবহেলে কৃপাবৃষ্টি করি  
তার চেয়ে অবহেলে সভাসদগণ  
করে স্তুতিবৃষ্টি। বলা তো হয়েছে শেষ  
যত কথা করেছে রচনা? যাও এবে।

[সভাসদের প্রস্থান]

সন্নিহিত প্রবেশ

কোথা যাও, একবার ফিরে চাও রানী!  
রাজা আমি পৃথিবীর কাছে, তুমি শূন্য  
জান মোরে দীন বলে। ঐশ্বর্য আমার  
বাঁহিরে বিস্তৃত—শূন্য তোমার নিকটে  
ক্ষুধার্ত কঙ্কালসার কাঙাল বাসনা।  
তাই কি ঘৃণার দর্পে চলে যাও দূরে  
মহারানী, রাজরাজেশ্বরী!

সন্নিহিত।

মহারাজ,

যে প্রেম করিছে ভিক্ষা সমস্ত বসুধা  
একা আমি সে প্রেমের যোগ্য নই কভু।  
বিক্রমদেব।                      অপদার্থ আমি! দীন কাপুরুষ আমি!  
কর্তব্যবিমুখ আমি, অন্তঃপূরচারী!  
কিন্তু মহারানী, সে কি স্বভাব আমার?  
আমি ক্ষুদ্র, তুমি মহীরসী? তুমি উচ্চ,  
আমি ধূলিমাঝে? নহে তাহা। জানি আমি  
আপন ক্ষমতা। রয়েছে দুর্জয় শক্তি  
এ হৃদয়-মাঝে, প্রেমের আকারে তাহা  
দিয়োছি তোমারে। বজ্রাগ্নিরে করিয়াছি  
বিদ্যুতের মালা, পরায়োছি কণ্ঠে তব।  
সন্নিহিত।                      ঘৃণা করো মহারাজ, ঘৃণা করো মোরে  
সেও ভালো—একেবারে ভুলে যাও যদি  
সেও সহ্য হয়—ক্ষুদ্র এ নারীর 'পরে  
করিয়ো না বিসর্জন সমস্ত পৌরুষ।

বিক্রমদেব । এত প্রেম, হায়, তার এত অনাদর!  
 চাহ না এ প্রেম? না চাহিয়া দস্যুসম  
 নিতেছ কাড়িয়া। উপেক্ষার ছুরি দিয়া  
 কাটিয়া তুলিছ রক্তসিক্ত তন্ত প্রেম  
 মর্ম বিদ্ধ করি। ধূলিতে দিতেছ ফেলি  
 নির্মম নিষ্ঠুর! পাষণপ্রতিমা তুমি,  
 যত বক্ষে চেপে ধরি অনুরাগভরে  
 তত বাজে বৃকে।

সুমিত্রা । চরণে পতিত দাসী,  
 কী করিতে চাও করো। কেন তিরস্কার!  
 নাথ, কেন আজি এত কঠিন বচন!  
 কত অপরাধ তুমি করেছ মার্জনা,  
 কেন রোষ বিনা অপরাধে!

বিক্রমদেব । প্রিয়তমে,  
 উঠ উঠ, এসো বৃকে—স্নিগ্ধ আলিঙ্গনে  
 এ দীপ্ত হৃদয়জ্বালা করহ নির্বাণ।  
 কত স্নধা, কত ক্ষমা ওই অশ্রুজলে  
 অয়ি প্রিয়ে, কত প্রেম, কতই নির্ভর!  
 কোমল হৃদয়তলে তীক্ষ্ণ কথা বিধে  
 প্রেম-উৎস ছুটে—অজুনের শরাঘাতে  
 মর্মান্বিত ধরণীর ভোগবতী-সম।  
 নৈপথে । মহারানী!

অশ্রু মূছিয়া  
 সুমিত্রা । দেবদত্ত! আর্ষ, কী সংবাদ?

দেবদত্তের প্রবেশ

দেবদত্ত । রাজ্যের নায়কগণ রাজনিমন্ত্রণ  
 করিয়াছে অবহেলা, বিদ্রোহের তরে  
 হয়েছে প্রস্তুত।

সুমিত্রা । শুনিতেছ মহারাজ?  
 বিক্রমদেব । দেবদত্ত, অন্তঃপুর নহে মন্ত্রগৃহ।  
 দেবদত্ত । মহারাজ, মন্ত্রগৃহ অন্তঃপুর নহে,  
 তাই সেথা নৃপতির পাই নে দর্শন।  
 সুমিত্রা । স্পর্ধিত কুক্রুর যত বর্ধিত হয়েছে  
 রাজ্যের উচ্ছ্রিত অঙ্গে! রাজার বিরুদ্ধে  
 বিদ্রোহ করিতে চাহে! এ কী অহংকার!  
 মহারাজ, মন্ত্রণার আছে কি সময়?  
 মন্ত্রণার কী আছে বিষয়? সৈন্য লয়ে  
 যাও অবিলম্বে, রক্তশোষী কীটদের  
 দলন করিয়া ফেলো চরণের তলে।

বিক্রমদেব । সেনাপতি শত্রুপক্ষ—

সুদামিত্রা। নিজে যাও তুমি।  
 বিক্রমদেব। আমি কি তোমার উপদ্রব, অভিশাপ,  
 দুরদৃষ্ট, দুষ্প্রসঙ্গ, করলান কাঁটা?  
 হেথা হতে এক পদ নড়িব না, রানী,  
 পাঠাইব সন্ধির প্রস্তাব। কে ঘটালে  
 এই উপদ্রব! ব্রাহ্মণে নারীতে মিলে  
 বিবরের স্নাতসর্প জাগাইয়া তুলি  
 একি খেলা! আত্মরক্ষা-অসমর্থ যারা  
 নিশ্চিন্তে ঘটায় তারা পরের বিপদ।  
 সুদামিত্রা। ধিক্ এ অভাগা রাজ্য, হতভাগ্য প্রজা!  
 ধিক্ আমি, এ রাজ্যের রানী!

[ প্রস্থান ]

বিক্রমদেব। দেবদত্ত,  
 বন্ধুত্বের এই পদরস্কার! বৃথা আশা!  
 রাজার অদৃষ্টে বিধি লেখে নি প্রণয়।  
 ছায়াহীন সংগীহীন পর্বতের মতো  
 একা মহাশূন্যমাঝে দৃষ্টি উচ্চ শিরে  
 প্রেমহীন নীরস মহিমা--ঝঞ্জাবায়ু  
 করে আক্রমণ, বজ্র এসে বিধে, সূর্য  
 রক্তনেত্রে চাহে--ধরণী পড়িয়া থাকে  
 চরণ ধরিয়া। কিন্তু, ভালোবাসা কোথা!  
 রাজার হৃদয় সেও হৃদয়ের তরে  
 কাঁদে। হায় বন্ধু, মানবজীবন লয়ে  
 রাজত্বের ভান করা শূন্য বিভ্রম্বনা।  
 দম্ভ-উচ্চ সিংহাসন চূর্ণ হয়ে গিয়ে  
 ধরা-সাথে হোক সমতল, একবার  
 হৃদয়ের কাঁছাকাছি পাই তোমাদের।  
 বালাসখা, রাজা বলে ভুলে যাও মোরে,  
 একবার ভালো করে করো অনুভব,  
 বান্ধবহৃদয়ব্যথা বান্ধবহৃদয়ে।

দেবদত্ত। সখা, এ হৃদয় মোর জানিয়ো তোমার।  
 কেবল প্রণয় নয়, অপ্রণয় তব  
 সেও আমি সব অকাতরে, রোষানল  
 লব বন্ধ পাতি--যেমন অগাধ সিন্ধু  
 আকাশের বজ্র লয় বৃকে।

বিক্রমদেব। দেবদত্ত,  
 সূত্বনদীড়-মাঝে কেন হানিছ বিরহ?  
 সূত্বস্বর্গ-মাঝে কেন আনিছ বহিয়া  
 হাহাধ্বনি?

দেবদত্ত। সখা, আগুন লেগেছে ঘরে,  
 আমি শূন্য এনেছি সংবাদ--সূত্বনদী  
 দিয়েছি ভাঙিয়ে।

বিক্রমদেব।                      এর চেয়ে সুখস্বপ্নে  
মৃত্যু ছিল ভালো।  
দেবদত্ত।                      ষিক্ লজ্জা, মহারাজ,  
রাজ্যের মৃত্যুর চেয়ে তুচ্ছ স্বপ্নসুখ  
বেশি হল?  
বিক্রমদেব।                      যোগাসনে লীন যোগীবর,  
তার কাছে কোথা আছে বিশ্বের প্রলয়?  
স্বপ্ন এ সংসার। অর্ধশত বর্ষপরে  
আজিকার সুখদুঃখ কার মনে রবে?  
যাও যাও, দেবদত্ত, যেথা ইচ্ছা তব।  
আপন সান্ধ্বনা আছে আপনার কাছে।  
দেখে আসি ঘৃণাভরে কোথা গেল রানী।

[ প্রস্থান

## তৃতীয় দৃশ্য

মন্দির

পুরুষবেশে রানী সন্মিত্রা। বাহিরে অনুচর

সন্মিত্রা।                      জগৎ-জননী মাতা, দুর্বলহৃদয়  
তনয়ারে করিয়ো মার্জনা। আজ সব  
পূজা বার্থ হল—শুদ্ধ সে সুন্দর মুখ  
পড়ে মনে, সেই প্রেমপূর্ণ চক্ষু দুটি,  
সেই শয্যা-পরে একা সুপ্ত মহারাজ।  
হায় মা, নারীর প্রাণ এত কি কঠিন!  
দক্ষযজ্ঞে তুই যবে গিয়েছিলি সতী,  
প্রতিপদে আপন হৃদয়খানি তোর  
আপন চরণ দুটি জড়িয়ে কাতরে  
বলে নি কি ফিরে যেতে পতিগৃহ-পানে।  
সেই কৈলাসের পথে আর ফিরিল না  
ও রাঙা চরণ। মা গো, সে দিনের কথা  
দেখ্ মনে করে। জননী, এসেছি আমি  
রমণীহৃদয় বলি দিতে, রমণীর  
ভালোবাসা ছিন্নশতদলসম দিতে  
পদতলে। নারী তুমি, নারীর হৃদয়  
জান তুমি, বল দাও জননী আমারে।  
থেকে থেকে ওই শূনি রাজগৃহ হতে  
ফিরে এসো, ফিরে এসো রানী—প্রেমপূর্ণ  
পুরাতন সেই কণ্ঠস্বর। খজা নিয়ে

তুমি এসো, দাঁড়াও রুদ্ধিয়া পথ, বলো,  
 'তুমি যাও, রাজধর্ম উঠুক জাগিয়া—  
 ধন্য হোক রাজা, প্রজা হোক সদ্ধী, রাজ্যে  
 ফিরে আসুক কল্যাণ—দূর হোক যত  
 অত্যাচার—ভূপতির যশোরশ্মি হতে  
 ঘুচে যাক কলঙ্ককালিমা। তুমি নারী  
 ধরাপ্রান্তে যেথা স্থান পাও, একাকিনী  
 বসে বসে নিজ দ্বণ্ডে মরো বদুক ফেটে।'  
 পিতৃসত্যপালনের তরে রামচন্দ্র  
 গিয়াছেন বনে, পতিসত্যপালনের  
 লাগি আমি যাব। যে সত্যে আছেন বাঁধা  
 মহারাজ রাজ্যলক্ষ্মী-কাছে, কভু তাহা  
 সামান্য নারীর তরে ব্যর্থ হইবে না।

বাহিরে একজন পুরুষ ও স্ত্রীর প্রবেশ  
 অনুচর। কে তোরা? দাঁড়া এইখানে।  
 পুরুষ। কেন বাবা? এখানেও কি স্থান নেই।  
 স্ত্রী। মা গো! এখানেও সেই সিপাই!

সদৃশতার বাহিরে আগমন

সদৃশতা। তোমরা কে গো?

পুরুষ। মিহিরগুপ্ত আমাদের ছেলোটিকে ধরে রেখে আমাদের তাড়িয়ে দিয়েছে। আমাদের  
 চাল নেই, চুলো নেই, মরবার জায়গাটুকু নেই—তাই আমরা মন্দিরে এসেছি। মার কাছে হত্যা দিয়ে  
 পড়ব, দেখি তিনি আমাদের কী গতি করেন।

স্ত্রী। তা, হাঁ গো, এখানেও তোমরা সিপাই রেখেছ? রাজার দরজা বন্ধ, আবার মায়ের দরজাও  
 আগলে দাঁড়িয়েছ?

সদৃশতা। না বাছা, এসো তোমরা। এখানে তোমাদের কোনো ভয় নেই। কে তোমাদের উপর  
 দৌরাড্য করেছে?

পুরুষ। এই জয়সেন। আমরা রাজার কাছে দ্বণ্ড জানাতে গিয়েছিলাম, রাজদর্শন পেলেম  
 না। ফিরে এসে দেখি আমাদের ঘর-দোর জ্বালিয়ে দিয়েছে, আমাদের ছেলোটিকে বেঁধে রেখেছে।

সদৃশতা। (স্ত্রীলোকের প্রতি) হাঁ গো, তা তুমি রানীকে গিয়ে জ্ঞানালে না কেন?

স্ত্রী। ওগো, রানীই তো রাজাকে জাদু করে রেখেছে। আমাদের রাজা ভালো, রাজার দোষ  
 নেই—ঐ বিদেশ থেকে এক রানী এসেছে, সে আপন কুটুম্বদের রাজ্য জুড়ে বসিয়েছে। প্রজার  
 বদকের রক্ত শুষে খাচ্ছে গো!

পুরুষ। চুপ কর মাগী! তুই রানীর কী জানিস? যে কথা জানিস নে তা মুখে আনিস নে।

স্ত্রী। জানি গো জানি। ঐ রানীই তো বসে বসে রাজার কাছে আমাদের নামে যত কথা লাগায়।

সদৃশতা। ঠিক বলেছ বাছা! ঐ রানী সর্বনাশীই তো যত নষ্টের মূল। তা, সে আর বেশি  
 দিন থাকবে না, তার পাপের ভরা পূর্ণ হয়েছে। এই নাও, আমার সাধ্যমত কিছু দিলাম, সব দ্বণ্ড  
 দূর করতে পারি নে।

পুরুষ। আহা, তুমি কোনো রাজার ছেলে হবে, তোমার জয় হোক।

সদৃশতা। আর বিলম্ব নয়, এখনি যাব।



দ্বিবেদীর প্রবেশ

দ্বিবেদী। হে হরি, কী দেখলুম! পদ্রুঘমূর্তি ধরে রানী সন্মিহা ঘোড়ায় চড়ে চলেছেন। মন্দিরে দেবপূজার ছলে এসে রাজ্য ছেড়ে পালিয়েছেন। আমাকে দেখে বড়ো খুশি। মধুসূদন! ভাবলে 'ব্রাহ্মণ বড়ো সরল-হৃদয়, মাথার তেলোয় যেমন একগাছি চুল দেখা যায় না, তলায় তেমনি বদ্বিশ্বর লেশমাত্র নেই। একে দিয়ে একটা কাজ করিয়ে নেওয়া যাক। এর মূখ দিয়ে রাজাকে দুটো মিষ্টি কথা পাঠিয়ে দেওয়া যাক।' বাবা, তোমরা বেঁচে থাকো। যখন তোমাদের কিছু দরকার পড়বে বড়ো দ্বিবেদীকে ডেকো, আর দান-দক্ষিণের বেলায় দেবদত্ত আছেন। দয়াময়! তা বলব। খুব মিষ্টি মিষ্টি করেই বলব। আমার মূখে মিষ্টি কথা আরো বেশি মিষ্টি হয়ে ওঠে। কমল-লোচন! রাজা কী খুশিই হবে। কথাগুলো যত বড়ো বড়ো করে বলব রাজার মূখের হাঁ তত বেড়ে যাবে। দেখেছি, আমার মূখে বড়ো কথাগুলো শোনায় ভালো। লোকের বিশেষ আমোদ বোধ হয়। বলে, ব্রাহ্মণ বড়ো সরল। পতিতপাবন! এবারে কতটা আমোদ হবে বলতে পারি নে। কিন্তু শব্দ-শাস্ত্র একেবারে উলট-পালট করে দেব। আঃ কী দুর্যোগ! আজ সমস্ত দিন দেবপূজো হয় নি, এইবার একটু পূজো-অর্চনায় মন দেওয়া যাক। দীনবন্ধু ভক্তবৎসল!

[প্রস্থান]

চতুর্থ দৃশ্য

প্রাসাদ

বিক্রমদেব মন্ত্রী ও দেবদত্ত

বিক্রমদেব। পলায়ন! রাজ্য ছেড়ে পলায়ন! এ রাজ্যেতে  
যত সৈন্য, যত দুর্গ, যত কারাগার,  
যত লোহার শৃংখল আছে, সব দিয়ে  
পারে না কি বাঁধিয়া রাখিতে দৃঢ়বলে  
ক্ষুদ্র এক নারীর হৃদয়? এই রাজা?  
এই কি মহিমা তার? বৃহৎ প্রতাপ,  
লোকবল অর্থবল নিয়ে পড়ে থাকে  
শূন্য স্বর্ণপিঞ্জরের মতো, ক্ষুদ্র পাখি  
উড়ে চলে যায়!

মন্ত্রী। হয় হয়, মহারাজ,  
লোকনিন্দা, ভগ্নবাঁধ জলস্রোত-সম,  
ছুটে চারি দিক হতে।

বিক্রমদেব। চুপ করো মন্ত্রী!  
লোকনিন্দা, লোকনিন্দা সদা! নিন্দাভারে  
রসনা খসিয়া যাক অলস লোকের।  
দিবা যদি গেল, উঠুক-না চুপি চুপি  
ক্ষুদ্র পঙ্ককুণ্ড হতে দুষ্ট বাষ্পরাশি,  
অমার আঁধার তাহে বাড়িবে না কিছর।  
লোকনিন্দা!

দেবদত্ত ।                      মন্ত্রী, পরিপূর্ণ সূর্য-পানে  
কে পারে তাকাতে? তাই গ্রহণের বেলা  
ছুটে আসে যত মর্ত্যলোক, দীননেত্রে  
চেয়ে দেখে দুর্দিনের দিনপতি-পানে,  
আপনার কালিমাখা কাচখন্ড দিয়ে  
কালো দেখে গগনের আলো। মহারানী,  
মা-জননী, এই ছিল অদৃষ্টে তোমার?  
তব নাম ধুলায় লুটায়? তব নাম  
ফিরে মূখে মূখে? একি এ দুর্দিন আজি!  
তবু তুমি তেজস্বিনী সতী, এরা সব  
পথের কাঙাল।

বিক্রমদেব ।                      গ্রিবেদী কোথায় গেল?  
মন্ত্রী, ডেকে আনো তারে। শোনা হয় নাই  
তার সব কথা, ছিন্দু অন্যমনে।

মন্ত্রী ।    যাই  
ডেকে আনি তারে।

[ প্রস্থান

বিক্রমদেব ।                      এখনো সময় আছে,  
এখনো ফিরাতে পারি পাইলে সন্ধান।  
আবার সন্ধান? এমনি কি চিরদিন  
কাটিবে জীবন? সে দিবে না ধরা, আমি  
ফিরিব পশ্চাতে? প্রেমের শৃঙ্খল হাতে  
রাজ্য রাজধর্ম ফেলে শূন্য রমণীর  
পলাতক হৃদয়ের সন্ধানে ফিরিব?  
পলাও, পলাও নারী, চির দিনরাত  
করো পলায়ন গৃহহীন, প্রেমহীন,  
বিশ্রামবিহীন, অনাবৃত পৃথবীমাঝে  
কেবল পশ্চাতে লয়ে আপনার ছায়া।

গ্রিবেদীর প্রবেশ  
চলে যাও, দূর হও, কে ডাকে তোমারে?  
বার বার তার কথা কে চাহে শুনিতে—  
প্রগল্ভ ব্রাহ্মণ, মূর্খ!

গ্রিবেদী ।    হে মধুসূদন!

[ প্রস্থানোদ্যম

বিক্রমদেব ।                      শোনো, শোনো, দুটো কথা শূন্যাবার আছে।  
চোখে অশ্রু ছিল?

গ্রিবেদী ।    চিন্তা নেই বাপু! অশ্রু  
দেখি নাই।

বিক্রমদেব ।                      মিথ্যা করে বলো। অতি ক্ষুদ্র  
সকরণ দুটি মিথ্যে কথা! হে ব্রাহ্মণ,  
বৃন্দ তুমি ক্ষীণদৃষ্টি কী করে জানিলে

চোখে তার অশ্রু ছিল কি না! বেশি নয়, '   
 একবিন্দু জল! নহে তো নয়নপ্রান্তে   
 ছলছল ভাব, কম্পিত কাতর কণ্ঠে   
 অশ্রুবন্ধ বাণী? তাও নয়? সত্য বলো।   
 মিথ্যা বলো। বোলো না বোলো না, চলে যাও।   
 চিত্তবেদী। হরি হে তুমিই সত্য!

[ প্রস্থান

বিক্রমদেব। অন্তর্ধামী দেব,   
 তুমি জান, জীবনের সব অপরাধ   
 তারে ভালোবাসা। পুণ্য গেল, স্বর্গ গেল,   
 রাজ্য যায়, অবশেষে সেও চলে গেল!   
 তবে দাও, ফিরে দাও ক্ষত্রধর্ম মোর—   
 রাজধর্ম ফিরে দাও, পুরুষহৃদয়   
 নুহু করে দাও এই বিশ্বরঙ্গমাঝে।   
 কোথা কর্মক্ষেত্র! কোথা জনস্রোত! কোথা   
 জীবনমরণ! কোথা সেই মানবের   
 অবিপ্রাম সুখদুঃখ-বিপদসম্পদ-   
 তরঙ্গ-উচ্ছ্বাস!

মন্ত্রীর প্রবেশ

মন্ত্রী। মহারাজ, অশ্বারোহী   
 পাঠায়েছি চারি দিকে রাজ্যীর সন্ধানে।   
 বিক্রমদেব। ফিরাও, ফিরাও মন্ত্রী! স্বপ্ন ছুটে গেছে,   
 অশ্বারোহী কোথা তারে পাইবে খুঁজিয়া?   
 সৈনাদল করহ প্রস্তুত। যুদ্ধে যাব,   
 নাশিব বিদ্রোহ।

মন্ত্রী। যে আদেশ মহারাজ।

[ প্রস্থান

বিক্রমদেব। দেবদত্ত, কেন নত মুখ, শ্লান দৃষ্টি?   
 ক্ষুদ্র সাম্রাজ্যের কথা বোলো না ব্রাহ্মণ।   
 আমাদের পশ্চাতে ফেলে চলে গেছে চোর,   
 আপনার পেয়েছি কুড়িয়ে। আজি সখা,   
 আনন্দের দিন। এসো আলিঙ্গনপাশে।

আলিঙ্গন করিয়া

বন্ধু, বন্ধু, মিথ্যা কথা, মিথ্যা এই ভান।   
 থেকে থেকে বজ্রশেল ছুটিছে, বর্ষাধিছে   
 নর্মে। এসো, এসো, একবার অশ্রুজল   
 ফেলি বন্ধুর হৃদয়ে। মেঘ যাক কেটে।

শংকর। এ কি স্বপ্ন দেখি আমি? কী মন্ত্রকুহকে  
 কুমার আবার এল বালক হইয়া  
 শংকরের কাছে! যেন সেই সন্ধ্যাবেলা  
 খেলাশ্রান্ত সুকুমার বাল্যতনুখানি,  
 চরণকমল ক্রিস্ট, বিবর্ণ কপোল,  
 ক্লান্ত শিশু-হিয়া, বৃদ্ধ শংকরের বদকে  
 বিশ্রাম মাগিছে।

সুদমিত্রা। জালন্ধর হতে আমি  
 এসেছি সংবাদ লয়ে কুমারের কাছে।  
 শংকর। কুমারের বাল্যকাল এসেছে আপনি  
 কুমারের কাছে! শৈশবের খেলাধুলা  
 মনে করে দিতে, ছোটো বোন পাঠায়েছে  
 তারে। দূত, তুমি এ মূর্তি কোথায় পেলো?  
 মিছে বকিতেছি কত! ক্ষমা করো মোরে।  
 বলো বলো কী সংবাদ। রানীদিদি মোর  
 ভালো আছে, সুখে আছে, পতির সোহাগে,  
 মহিষীগৌরবে? সুখে প্রজাগণ তারে  
 মা বলিয়া করে আশীর্বাদ? রাজ্যলক্ষ্মী  
 অন্নপূর্ণা বিতরিছে রাজ্যের কল্যাণ?  
 ধিক্ মোরে, শ্রান্ত তুমি পথশ্রমে, চলো  
 গৃহে চলো। বিশ্রামের পরে একে একে  
 বোলো তুমি সকল সংবাদ। গৃহে চলো।

সুদমিত্রা। শংকর, মনে কি আছে এখনো রানীরে?

শংকর। সেই কণ্ঠস্বর! সেই গভীর গম্ভীর  
 দৃষ্টি স্নেহভরনত। এ কি মরীচিকা!  
 এনেছ কি চুরি করে মোর সুদমিত্রার  
 ছায়াখানি? মনে নাই তারে! তুমি বদ্বি  
 তাহারি অতীত স্মৃতি বাহিরিয়া এলে  
 আমারি হৃদয় হতে আমারে ছলিতে?  
 বার্ষিকের মধুরতা ক্ষমা করো যদ্বা!  
 বহুদিন মৌন ছিন্দ—আজ কত কথা  
 আসে মুখে, চোখে আসে জল। নাহি জানি  
 কেন এত স্নেহ আসে মনে তোমা-পরে।  
 যেন তুমি চিরপরিচিত। যেন তুমি  
 চিরজীবনের মোর আদরের ধন।

## দ্বিতীয় দৃশ্য

চিচুড়

কুড়াকানন

কুমারসেন ইলা ও সখীগণ

ইলা। যেতে হবে? কেন যেতে হবে যুবরাজ?  
ইলারে লাগে না ভালো দু দন্ডের বেশি?  
ছি ছি চণ্ডলহৃদয়!

কুমারসেন। প্রজাগণ সবে—

ইলা। তারা কি আমার চেয়ে হয় শ্রিয়মাণ  
তব অদর্শনে? রাজ্যে তুমি চলে গেলে  
মনে হয়, আর আমি নেই। যতক্ষণ  
তুমি ঘোরে মনে কর ততক্ষণ আছি,  
একাকিনী কেহ নই আমি। রাজ্যে তব  
কত লোক, কত চিন্তা, কত কার্যভার,  
কত রাজ-আড়ম্বর! আর সব আছে,  
শুধু সেথা ক্ষুদ্র ইলা নাই।

কুমারসেন। সব আছে

তবু কিছু নাই, তুমি না থেকেও আছ  
প্রাণতমে!

ইলা। মিছে কথা বোলো না কুমার!  
তুমি রাজা আপন রাজ্যে—এ অরণ্যে  
আমি রানী, তুমি প্রজা মোর। কোথা যাবে?  
যেতে আমি দিব না তোমারে। সখী, তোরা  
আয়। এরে বাধ্ ফুলপাশে, কর্ গান,  
কেড়ে নে সকলে মিলি রাজ্যের ভাবনা।

সখীদের গান

যদি আসে তবে কেন যেতে চায়?

দেখা দিয়ে তবে কেন গো লুকায়?

চেয়ে থাকে ফুল হৃদয় আকুল, বায়ু বলে এসে 'ভেসে যাই'।

ধরে রাখো, ধরে রাখো, স্নেহপাখি ফাঁকি দিয়ে উড়ে যায়।

পাখির বেশে স্নেহনিশি এসে বলে হেসে হেসে 'মিশে যাই'।

জেগে থাকো, জেগে থাকো, বরষের সাধ নিমেষে মিলায়।

কুমারসেন। আমারে কী করেছিস, অয়ি কুহকিনী!  
নির্বাপিত আমি। সমস্ত জীবন মন  
নয়ন বচন ধাইছে তোমার পানে  
কেবল বাসনাময় হয়ে। যেন আমি  
আমারে ভাঙিয়ে দিয়ে ব্যাপ্ত হয়ে যাব

তোমার মাঝারে প্রিয়ে! যেন মিশে রব  
সুখস্বপ্ন হয়ে ওই নয়নপল্লবে,  
হাসি হয়ে ভাসিব অধরে, বাহু দুটি  
ললিত লাভ্যসম রহিব বেড়িয়া,  
মিলনসুখের মতো কোমল হৃদয়ে  
রহিব মিলায়ে।

ইলা।

তার পরে অবশেষে

সহসা টুটিবে স্বপ্নজাল, আপনারে  
পড়িবে স্মরণে। গীতহীনা বীণাসম  
আমি পড়ে রব ভূমে, তুমি চলে যাবে  
গদগদ গাহি অন্যমনে। না না সখা,  
স্বপ্ন নয়, মোহ নয়, এ মিলনপাশ  
কখন বর্ধিয়া যাবে বাহুতে বাহুতে,  
চোখে চোখে, মর্মে মর্মে, জীবনে জীবনে!  
সে তো আর দেরি নাই—আজি সপ্তমীর  
অর্ধ চাঁদ ক্রমে ক্রমে পূর্ণশশী হয়ে  
দেখিবেক আমাদের পূর্ণ সে মিলন।  
ক্ষীণ বিচ্ছেদের বাধা মাঝখানে রেখে  
কম্পিত আগ্রহবেগে মিলনের সুখ—  
আজি তার শেষ। দূরে থেকে কাছাকাছি,  
কাছে থেকে তব, দূর—আজি তার শেষ।  
সহসা সাক্ষাৎ, সহসা বিস্ময়রাশি,  
সহসা মিলন, সহসা বিরহব্যথা—  
বনপথ দিয়ে ধীরে ধীরে ফিরে যাওয়া  
শূন্য গৃহপানে সুখস্মৃতি সঙ্গে নিয়ে,  
প্রতি-কথা প্রতি হাসিটুকু শতবার  
উলটি পালটি মনে—আজি তার শেষ।  
মৌন লজ্জা প্রতিবার প্রথম মিলনে,  
অশ্রুজল প্রতিবার বিদায়ের বেলা—  
আজি তার শেষ।

ইলা।

আহা, তাই যেন হয়।

সুখের ছায়ার চেয়ে সুখ ভালো, দুঃখ  
সেও ভালো। তৃষ্ণা ভালো মরীচিকা চেয়ে।  
কখন তোমারে পাব, কখন পাব না,  
তাই সদা মনে হয়—কখন হারাব।  
একা বসে বসে ভাবি কোথা আছ তুমি,  
কী করিছ। কল্পনা কাঁদিয়া ফিরে আসে  
অরণ্যের প্রান্ত হতে। বনের বাহিরে  
তোমারে জানি নে আর, পাই নে সন্ধান।  
সমস্ত ভুবনে তব রহিব সর্বদা—  
কিছুই হবে না আর অচেনা, অজানা,  
অন্ধকার। ধরা দিতে চাহ না কি নাথ?

কুমারসেন। ধরা তো দিয়েছি আমি আপন ইচ্ছায়,  
তবু কেন বন্ধনের পাশ? বলো দেখি  
কী তুমি পাও নি, কোথা রয়েছে অভাব।

ইলা। যখন তোমার কাছে সন্মিহ্নার কথা  
শুনি বসে, মনে মনে ব্যথা যেন বাজে।  
মনে হয় সে যেন আমায় ফাঁকি দিয়ে  
চুরি করে রাখিয়াছে শৈশব তোমার  
গোপনে আপন-কাছে। কভু মনে হয়  
যদি সে ফিরিয়া আসে, বালাসহচরী  
ডেকে নিয়ে যায় সেই স্নেহশৈশবের  
খেলাঘরে, সেথা তারি তুমি। সেথা মোর  
নাই অধিকার। মাঝে মাঝে সাধ যায়,  
তোমার সে সন্মিহ্নারে দেখি একবার।

কুমারসেন। সে যদি আসিত, আহা, কত স্নেহ হত!  
উৎসবের আনন্দকিরণখানি হয়ে  
দীপ্ত পেত পিতৃগৃহে শৈশবভবনে।  
অলংকারে সাজাত তোমারে, বাহুপাশে  
বাঁধিত সাদরে, চুরি করে হাসিমুখে  
দেখিত মিলন। আর কি সে মনে করে  
আমাদের? পরগৃহে পর হয়ে আছে।

#### ইলার গান

এরা পরকে আপন করে, আপনারে পর—  
বাহিরে বাঁশির রবে ছেড়ে যায় ঘর।  
ভালোবাসে স্নেহে দুখে,  
ব্যথা সহ্যে হাসিমুখে,  
মরণেরে করে চির জীবননির্ভর।

কুমারসেন। কেন এ করুণ স্নেহ? কেন দুঃখগান?  
বিষন্ন নয়ন কেন?

ইলা। এ কি দুঃখগান?

শোনায়ে গভীর স্নেহ দুঃখের মতন  
উদার উদাস। স্নেহদুঃখ ছেড়ে দিয়ে  
আত্মবিসর্জন করি রমণীর স্নেহ।

কুমারসেন। পৃথিবী করিব বশ তোমার এ প্রেমে।  
আনন্দে জীবন মোর উঠে উচ্ছ্বসিয়া  
বিশ্বমাঝে। শ্রান্তিহীন কর্মস্নেহতরে  
ধায় হিয়া। চিরকীর্তি করিয়া অর্জন  
তোমারে করিব তার অধিষ্ঠাত্রী দেবী।  
বিরলে বিলাসে বসে এ অগাধ প্রেম  
পারি নে করিতে ভোগ অলসের মতো।

ইলা। ওই দেখো রাশি রাশি মেঘ উঠে আসে

## চতুর্থ দৃশ্য

কাশ্মীর-প্রাসাদ

অন্তঃপুর

রেবতী ও চন্দ্রসেন

রেবতী। যেতে দাও মহারাজ! কী ভাবিছ বসি?  
ভাবিছ কী লাগি? যাক যুদ্ধে, তার পরে  
দেবতাকুপায় আর যেন নাই আসে  
ফিরে।

চন্দ্রসেন। ধীরে রানী, ধীরে।

রেবতী। ক্ষুধিত মার্জার  
বসে ছিলে এতদিন সময় চাহিয়া,  
আজ তো সময় এল—তবু আজও কেন  
সেই বসে আছ?

চন্দ্রসেন। কে বসিয়া ছিল, রানী,  
কিসের লাগিয়া?

রেবতী। ছি ছি, আবার ছলনা?  
লুকায়ে আমার কাছে? কোন্ অভিপ্রায়ে  
এতদিন কুমারের দাও নি বিবাহ?  
কেন বা সম্মতি দিলে গ্রিচুড়রাজ্যের  
এই অনার্য প্রথায়? পঞ্চবর্ষ ধরে  
কন্যার সাধনা!

চন্দ্রসেন। ধিক্! চুপ করো রানী—  
কে বোঝে কাহার অভিপ্রায়?

রেবতী। তবে, বন্ধে  
দেখো ভালো করে। যে কাজ করিতে চাও  
জেনে শূনে করো। আপনার কাছ হতে  
রেখো না গোপন করে উদ্দেশ্য আপন।  
দেবতা তোমার হয়ে অলক্ষ্য সন্ধানে  
করিবে না তব লক্ষ্যভেদ। নিজহাতে  
উপায় রচনা করো অবসর বন্ধে।  
বাসনার পাপ সেই হতেছে সপ্তয়,  
তার পরে কেন থাকে অসিদ্ধির ক্লেশ?  
কুমারে পাঠাও যুদ্ধে।

চন্দ্রসেন। বাহিরে রয়েছে  
কাশ্মীরের যত উপদ্রব। পররাজ্যে  
আপনার বিষদন্ত করিতেছে ক্ষয়।  
ফিরায়ে আনিতে চাও তাদের আবার?

রেবতী। অনেক সময় আছে সে কথা ভাবিতে।



আপাতত পাঠাও কুমারে। প্রজাগণ  
ব্যগ্র অতি যৌবরাজ্য-অভিষেক-তরে,  
তাদের থামাও কিছুদিন। ইতিমধ্যে  
কত কী ঘটিতে পারে পরে ভেবে দেখো।

কুমারের প্রবেশ

কুমারের প্রতি

রেবতী। যাও যুদ্ধে, পিতৃব্যের হয়েছে আদেশ।  
বিলম্ব কোরো না আর, বিবাহ-উৎসব  
পরে হবে। দীপ্ত যৌবনের তেজ ক্ষয়  
করিয়ো না গৃহে বসে আলস্য-উৎসবে।

কুমারসেন। জয় হোক, জয় হোক জননী তোমার!  
একি আনন্দসংবাদ! নিজমুখে তাত,  
করহ আদেশ।

চন্দ্রসেন। যাও তবে। দেখো বৎস,  
থেকো সাবধানে। দর্পমদে ইচ্ছা করে  
বিপদে দিয়ো না ঝাঁপ। আশীর্বাদ করি  
ফিরে এসো জয়গর্বে অক্ষত শরীরে  
পিতৃসিংহাসন-পরে।

কুমারসেন। মাগি জননীর  
আশীর্বাদ।

রেবতী। কী হইবে মিথ্যা আশীর্বাদে!  
আপনারে রক্ষা করে আপনার বাহু।

পঞ্চম দৃশ্য

ঠিচ্‌ড়

কুড়াকানন

ইলার সখীগণ

প্রথম সখী। আলো কোথায় কোথায় দেবে ভাই?

দ্বিতীয় সখী। আলোর জন্যে ভাবি নে। আলো তো কেবল এক রাত্রি জ্বলবে। কিন্তু বাঁশ  
এখনো এল না কেন? বাঁশ না বাজলে আমোদ নেই ভাই!

তৃতীয় সখী। বাঁশ কাম্মীর থেকে আনতে গেছে, এতক্ষণে এল বোধ হয়। কখন বাজবে ভাই?

প্রথম সখী। বাজবে লো বাজবে। তোর অদৃষ্টেও একদিন বাজবে।

তৃতীয় সখী। পোড়াকপাল আর-কি! আমি সেইজন্যেই ভেবে মরছি।

## প্রথম সখীর গান

বাজিবে, সখী, বাঁশ বাজিবে--

হৃদয়রাজ হৃদে রাজিবে।

বচন রাশি রাশি, কোথা যে যাবে ভাসি

অধরে লাজহাসি সাজিবে।

নয়নে আঁখিজল করিবে ছলছল,

সুখবেদনা মনে বাজিবে।

মরমে মূরছিয়া মিলাতে চাবে হিয়া

সেই চরণযুগরাজীবে।

দ্বিতীয় সখী। তোর গান রেখে দে। এক-একবার মন কেমন হু হু করে উঠছে। মনে পড়ছে কেবল একটি রাত আলো হাসি বাঁশ আর গান। তার পরদিন থেকে সমস্ত অন্ধকার।

প্রথম সখী। কাঁদবার সময় ঢের আছে বোন! এই দুটো দিন একটু হেসে আমোদ করে নে। ফুল যদি না শুকোত তা হলে আমি আজ থেকেই মালা গাঁথতে বসতুম।

দ্বিতীয় সখী। আমি বাসরঘর সাজাব।

প্রথম সখী। আমি সখীকে সাজিয়ে দেব।

তৃতীয় সখী। আর আমি কী করব?

প্রথম সখী। ওলো, তুই আপনি সাজিস। দাঁখিস যদি যুবরাজের মন ভোলাতে পারিস।

তৃতীয় সখী। তুই তো ভাই, চেষ্টা করতে ছাড়িস নি। তা, তুই যখন পারলি নে তখন কি আর আমি পারব? ওলো, আমাদের সখীকে যে একবার দেখেছে তার মন কি আর অমনি পথে-ঘাটে চুরি যায়? ঐ বাঁশ এসেছে। ঐ শোন বোঁজে উঠেছে।

## প্রথম সখীর গান

ওই বৃদ্ধি বাঁশ বাজে --

বনমাঝে কি মনোমাঝে?

বসন্তবায় বহিছে কোথায়, কোথায় ফুটেছে ফুল!

বলো গো সজনী, এ সুখরজনী কোন্‌খানে উদিয়াছে --

বনমাঝে কি মনোমাঝে?

যাব কি যাব না মিছে এ ভাবনা, মিছে মরি লোকলাজে।

কে জানে কোথা সে বিরহহুতাশে ফিরে অভিসারসাজে --

বনমাঝে কি মনোমাঝে?

দ্বিতীয় সখী। ওলো থাম্—ঐ দেখ্ যুবরাজ কুমারসেন এসেছেন।

তৃতীয় সখী। চল্ চল্ ভাই, আমরা একটু আড়ালে দাঁড়াই গে। তোরা পারিস, কিন্তু কে জানে ভাই, যুবরাজের সামনে যেতে আমার কেমন করে।

দ্বিতীয় সখী। কিন্তু কুমার আজ হঠাৎ অসময়ে এলেন কেন?

প্রথম সখী। ওলো, এর কি আর সময়-অসময় আছে? রাজার ছেলে বলে কি পণ্ডশর ওকে ছেড়ে কথা কয়? থাকতে পারবে কেন?

তৃতীয় সখী। চল্ ভাই, আড়ালে চল্।

কুমারসেন ও ইলার প্রবেশ

ইলা। থাক্ নাথ, আর বেশি বোলো না আমারে।  
কাজ আছে, যেতে হবে রাজ্য ছেড়ে, তাই  
বিবাহ স্থগিত রবে কিছুকাল, এর  
বেশি কী আর শুনিব?

কুমারসেন। এমনি বিশ্বাস  
মোর 'পরে রেখো চিরদিন। মন দিয়ে  
মন বোঝা যায়, গভীর বিশ্বাস শৃঙ্খল  
নীরব প্রাণের কথা টেনে নিয়ে আসে।  
প্রবাসীয়ে মনে কোরো এই উপবনে,  
এই নির্ঝরিতীরে, এই লতাগৃহে,  
এই সন্ধ্যালোকে, পশ্চিমগগনপ্রান্তে  
ওই সন্ধ্যাতারা-পানে চেয়ে। মনে কোরো,  
আমিও প্রদোষে, প্রবাসে তরুর তলে  
একেলা বসিয়া ওই তারকার 'পরে  
তোমারি আঁখির তারা পেতেছি দেখিতে।  
মনে কোরো মিশিতেছে এই নীলাকাশে  
পুষ্পের সৌরভ-সম তোমার আমার  
প্রেম, এক চন্দ্র উঠিয়াছে উভয়ের  
বিরহরজনী-'পরে।

ইলা। জানি, জানি, নাথ,  
জানি আমি তোমার হৃদয়।

কুমারসেন। যাই তবে,  
অয়ি তুমি অন্তরের ধন, জীবনের  
মর্মস্বরূপিণী, অয়ি সবার অধিক!

[ প্রস্থান ]

সখীগণের প্রবেশ

দ্বিতীয় সখী। হায় একি শুনি!  
তৃতীয় সখী। সখী, কেন যেতে দিলে!  
প্রথম সখী। ভালোই করেছ। স্বেচ্ছায় না দিলে ছাড়ি  
বাঁধন ছিঁড়িয়া যায় চিরদিন তরে।  
হায় সখী, হায়, শেষে নিবাতে হল কি  
উৎসবের দীপ?

ইলা। সখী, তোরা চুপ কর,  
টুটিছে হৃদয়। ভেঙে দে ভেঙে দে ওই  
দীপমালা। বল্ সখী, কে দিবে নিবাত্তে  
লজ্জাহীনা পূর্ণিমার আলো? কেন আজ  
মনে হয়, আমার এ জীবনের সুখ  
আজ দিবসের সাথে ডুবিব পশ্চিমে?  
অমনি ইলারে কেন অস্তপথ-পানে  
সঙ্গে নাহি নিয়ে গেল ছায়ার মতন?

## চতুর্থ অঙ্ক

## প্রথম দৃশ্য

জালন্ধর

রণক্ষেত্র। শিবির

বিক্রমদেব ও সেনাপতি

- সেনাপতি। বন্দীকৃত শিলাদিত্য উদয়ভাস্কর,  
শুদ্ধ যুদ্ধাজিৎ পলাতক—সঙ্গে লয়ে  
সৈন্যদলবল।
- বিক্রমদেব। চলো তবে অবিলম্বে  
তাহার পশ্চাতে। উঠাও শিবির তবে।  
ভালোবাসি আমি এই ব্যগ্র উদ্ধর্যাস  
মানবমগ্না; গ্রাম হতে গ্রামান্তরে,  
বন গিরি নদীতীরে দিবারাত্রি এই  
কৌশলে কৌশলে খেলা। বাকি আছে আর  
কেবা বিদ্রোহীদের?
- সেনাপতি। শুদ্ধ জয়সেন।  
কর্তা সেই বিদ্রোহের। সৈন্যবল তার  
সব ছেয়ে বেশি।
- বিক্রমদেব। চলো তবে সেনাপতি,  
তার কাছে। আমি চাই উদগ্র সংগ্রাম,  
বদকে বদকে বাহুতে বাহুতে—অতি তীব্র  
প্রেম-আলিঙ্গন-সম; ভালো নাহি লাগে  
অস্ত্রে অস্ত্রে মৃদু বন্দন—ক্ষুদ্র যুদ্ধে  
ক্ষুদ্র জয়লাভ।
- সেনাপতি। কথা ছিল আসিবে সে  
গোপনে সহসা, করিবে পশ্চাৎ হতে  
আক্রমণ। বৃষ্টি শেষে জাগিয়াছে মনে  
বিপদের ভয়, সন্ধির প্রস্তাব-তরে  
হয়েছে উন্মুখ।
- বিক্রমদেব। ধিক, ভীরু, কাপুরুষ!  
সন্ধি নহে—যুদ্ধ চাই আমি। রক্তে রক্তে  
মিলনের স্রোত, অস্ত্রে অস্ত্রে সংগীতের  
ধ্বনি। চলো সেনাপতি!
- সেনাপতি। যে আদেশ প্রভু!

[প্রস্থান]

- বিক্রমদেব। একি মৃদু! একি পরিচাণ! কী আনন্দ  
হৃদয়মাঝারে! অবলার ক্ষীণ বাহু

কী প্রচণ্ড সূখ হতে রেখেছিল মোরে  
বাঁধিয়া বিবর-মাঝে! উদ্দাম হৃদয়  
অপ্রশস্ত অন্ধকার গভীরতা খুঁজে  
ক্লমাগত যেতেছিল রসাতল-পানে।  
মুক্তি, মুক্তি আজি! শৃঙ্খল বন্দীরে  
ছেড়ে আপনি পলায়ে গেছে। এতদিন  
এ জগতে কত যুদ্ধ, কত সন্ধি, কত  
কীর্তি, কত রঙ্গ—কত কী চলিতেছিল  
কর্মের প্রবাহ—আমি ছিন্দু অন্তঃপুরে  
পড়ে, রুদ্ধদল চম্পককোরক-মাঝে  
সুপ্তকীটসম। কোথা ছিল লোকলাজ!  
কোথা ছিল বীরপরাক্রম! কোথা ছিল  
এ বিপুল বিশ্বতটভূমি! কোথা ছিল  
হৃদয়ের তরঙ্গতর্জন! কে বলিবে  
আজি মোরে দীন কাপুরুষ! কে বলিবে  
অন্তঃপুরচারী! মৃদু গন্ধবহ আজি  
জাগিয়া উঠেছে বেগে ঝঞ্জাবায়ুদ্রুপে।  
এ প্রবল হিংসা ভালো ক্ষুদ্র প্রেম চেয়ে।  
প্রলয় তো বিধাতার চরম আনন্দ।  
হিংসা এই হৃদয়ের বন্ধনমুক্তির  
সূখ। হিংসা জাগরণ। হিংসা স্বাধীনতা।

সেনাপতির প্রবেশ

সেনাপতি। আসিছে বিদ্রোহী সৈন্য।  
বিক্রমদেব। চলো, তবে চলো।

চরের প্রবেশ

চর। রাজন, বিপক্ষদল নিকটে এসেছে।  
নাই বাদা, নাই জয়ধ্বজা, নাই কোনো  
যুদ্ধ-আসফালন, মার্জনা-প্রার্থনা-তরে  
আসিতেছে যেন।  
বিক্রমদেব। থাক, চাহি না শুনিতে  
মার্জনার কথা। আগে আমি আপনারে  
করিব মার্জনা, অপযশ রক্তস্রোতে  
করিব স্ফালন। যুদ্ধে চলো সেনাপতি।

দ্বিতীয় চরের প্রবেশ

দ্বিতীয় চর। বিপক্ষশিবির হতে আসিছে শিবিকা  
বোধ করি সন্ধিদূত লয়ে।  
সেনাপতি। মহারাজ,  
তিলেক অপেক্ষা করো—আগে শোনা যাক  
কী বলে বিপক্ষদূত—

বিক্রমদেব।

যুদ্ধ তার পরে।

সৈনিকের প্রবেশ

সৈনিক। মহারানী এসেছেন বন্দী করে লয়ে  
যুদ্ধাজিৎ আর জয়সেনে।

বিক্রমদেব। কে এসেছে?

সৈনিক। মহারানী।

বিক্রমদেব। মহারানী! কোন্ মহারানী?

সৈনিক। আমাদের মহারানী।

বিক্রমদেব। বাতুল উন্মাদ!

যাও সেনাপতি, দেখে এসো কে এসেছে।

[সেনাপতি প্রভৃতির প্রস্থান]

মহারানী এসেছেন বন্দী করে লয়ে  
যুদ্ধাজিৎ-জয়সেনে! এ কি স্বপ্ন নাকি!  
এ কি রণক্ষেত্র নয়? এ কি অন্তঃপুর?  
এতদিন ছিলাম কি যুদ্ধের স্বপনে  
মগ্ন? সহসা জাগিয়া আজ দেখিব কি  
সেই ফুলবন, সেই মহারানী, সেই  
পদ্মপশায়া, সেই সদ্দীর্ঘ অলস দিন,  
দীর্ঘনিশি বিজড়িত ঘুমে জাগরণে?  
বন্দী? কারে বন্দী? কী শূন্যে কী শূন্যে?  
এসেছে কি আমারে করিতে বন্দী? দূত!  
সেনাপতি! কে এসেছে? কারে বন্দী লয়ে?

সেনাপতির প্রবেশ

সেনাপতি। মহারানী এসেছেন লয়ে কাশ্মীরের  
সৈন্যদল—সোদর কুমারসেন সাথে।  
এনেছেন পথ হতে যুদ্ধে বন্দী করে  
পলাতক যুদ্ধাজিৎ আর জয়সেনে।  
আছেন শিবিরস্বারে, সাক্ষাতের তরে  
অভিলাষী।

বিক্রমদেব। সেনাপতি, পালাও, পালাও।  
চলো চলো সৈন্য লয়ে—আর কি কোথাও  
নাই শত্রু, আর কেহ নাই কি বিদ্রোহী?  
সাক্ষাৎ? কাহার সাথে? রমণীর সনে  
সাক্ষাতের এ নহে সময়।

সেনাপতি। মহারাজ—

বিক্রমদেব। চুপ করো সেনাপতি, শোনো যাহা বলি।  
যুদ্ধ করো দ্বার—এ শিবিরে শিবিকার  
প্রবেশ নিষেধ।

সেনাপতি। যে আদেশ মহারাজ!

## দ্বিতীয় দৃশ্য

দেবদত্তের কুটীর

দেবদত্ত ও নারায়ণী

দেবদত্ত। প্রিয়ে, তবে অনুমতি করো—দাস বিদায় হয়।

নারায়ণী। তা যাও না, আমি তোমাকে বেঁধে রেখেছি না কি?

দেবদত্ত। ঐ তো, ঐজন্যেই তো কোথাও যাওয়া হয়ে ওঠে না—বিদায় নিয়েও সন্ধ্যা নেই। যা বলি তা করো। ঐখানটায় আছাড় খেয়ে পড়ো। বলো, হা হতোহিস্মি, হা ভগবতি ভবিতব্যতে! হা ভগবন্ মকরকেতন!

নারায়ণী। মিছে বোঝো না। মাথা খাও, সত্যি করে বলো কোথায় যাবে।

দেবদত্ত। রাজার কাছে।

নারায়ণী। রাজা তো যুদ্ধ করতে গেছে। তুমি যুদ্ধ করবে নাকি? দ্রোণাচার্য হয়ে উঠেছ?

দেবদত্ত। তুমি থাকতে আমি যুদ্ধ করব? যা হোক, এবার যাওয়া যাক।

নারায়ণী। সেই অবধি তো ঐ এক কথাই বলছ। তা যাও-না। কে তোমাকে মাথার দিবা দিয়ে ধরে রেখেছে?

দেবদত্ত। হায় মকরকেতন, এখানে তোমার পদুপশরের কর্ম নয়—একেবারে আস্ত শক্তিশেল না ছাড়লে মর্মে গিয়ে পেঁচয় না। বলি ও শিখরদশনা, পঙ্কবিস্বাধরোগোষ্ঠী, চোখ দিয়ে জল-টল কিছ দু বেরোবে কি? সেগুলো শীঘ্র শীঘ্র সেরে ফেলো—আমি উঠি।

নারায়ণী। পোড়া কপাল! চোখের জল ফেলব কী দৃষ্টিতে? হাঁ গা, তুমি না গেলে কি রাজার যুদ্ধ চলবে না? তুমি কি মহাবীর ধ্বংসলোচন হয়েছে?

দেবদত্ত। আমি না গেলে রাজার যুদ্ধ থামবে না। মন্ত্রী বার বার লিখে পাঠাচ্ছে রাজ্য ছারখারে যার কিন্তু মহারাজ কিছতেই যুদ্ধ ছাড়তে চান না। এ দিকে বিদ্রোহ সমস্ত থেমে গেছে।

নারায়ণী। বিদ্রোহই যদি থেমে গেল তো মহারাজ কার সঙ্গে যুদ্ধ করতে যাবেন?

দেবদত্ত। মহারানীর ভাই কুমারসেনের সঙ্গে।

নারায়ণী। হাঁ গা, সে কী কথা! শ্যালার সঙ্গে যুদ্ধ? বোধ করি রাজায় রাজায় এই রকম করেই ঠাট্টা চলে। আমরা হলে শূদ্র কান মলে দিতুম। কী বল?

দেবদত্ত। বড়ো ঠাট্টা নয়। মহারানী কুমারসেনের সাহায্যে জয়সেন ও যুধাজিৎকে যুদ্ধে বন্দী করে মহারাজের কাছে নিয়ে আসেন। মহারাজ তাঁকে শিবিরে প্রবেশ করতে দেন নি।

নারায়ণী। হাঁ গা, বল কী! তা, তুমি এতদিন যাও নি কেন! এ খবর শুনতেও বসে আছ? যাও, যাও, এখন যাও। আমাদের রানীর মতো অমন সতীলক্ষ্মীকে অপমান করলে? রাজার শরীরে কলি প্রবেশ করেছে।

দেবদত্ত। বন্দী বিদ্রোহীরা রাজাকে বলেছে—‘মহারাজ, আমরা তোমারই প্রজা, অপরাধ করে থাকি তুমি শাস্তি দেবে। একজন বিদেশী এসে আমাদের অপমান করবে এতে তোমাকেই অপমান করা হল—যেন তোমার নিজরাজ্য নিজে শাসন করবার ক্ষমতা নেই। একটা সামান্য যুদ্ধ, এর জন্যে অর্ধমিলি কাশ্মীর থেকে সৈন্য এল, এর চেয়ে উপহাস আর কী হতে পারে!’ এই শব্দে মহারাজ আগুন হয়ে কুমারসেনকে পাঁচটা ভবঁসনা করে এক দূত পাঠিয়ে দেন। কুমারসেন উদ্ভত যুধাপদ্রুশ, সহ্য করতে পারবে কেন? বোধ করি সেও দূতকে দু কথা শুনিয়ে দিয়ে থাকবে।

নারায়ণী। তা, বেশ তো—কুমারসেন তো রাজার পর নয়, আপনার লোক, তা কথা চলছিল বেশ তাই চলে। তুমি কাছে না থাকলে রাজার ঘটে কি দুটো কথাও জোঁগায় না? কথা বন্ধ করে অস্ত্র চালাবার দরকার কী বাপু! ঐ ওতেই তো হার হল।

দেবদত্ত। আসল কথা, একটা যুদ্ধ করবার ছুতো। রাজা এখন কিছতেই যুদ্ধ ছাড়তে পারছেন না। নানা ছল অবশেষ করছেন। রাজাকে সাহস করে দুটো ভালো কথা বলে এমন বন্ধু কেউ নেই। আমি তো আর থাকতে পারছি নে— আমি চললাম।

নারায়ণী। যেতে ইচ্ছে হয় যাও, আমি কিন্তু একলা তোমার ঘরকন্না করতে পারব না তা আমি বলে রাখলাম। এই রইল, তোমার সমস্ত পড়ে রইল। আমি বিবাগী হয়ে বেরিয়ে যাব।

দেবদত্ত। রোসো, আগে আমি ফিরে আসি, তার পরে যেয়ো। বল তো আমি থেকে যাই।

নারায়ণী। না না, তুমি যাও। আমি কি আর তোমাকে সত্যি থাকতে বলছি? ওগো, তুমি চলে গেলে আমি একেবারে বুক ফেটে মরব না, সেজন্যে ভেবো না। আমার বেশ চলে যাবে।

দেবদত্ত। তা কি আর আমি জানি নে? মলয়সমীরণ তোমার কিছ করতে পারবে না। বিরহ তো সামান্য, বজ্রাঘাতেও তোমার কিছ হয় না!

[ প্রস্থানোন্মুখ

নারায়ণী। হে ঠাকুর, রাজাকে সুবুদ্ধি দাও ঠাকুর! শীঘ্র শীঘ্র ফিরিয়ে আনো।

দেবদত্ত। এ ঘর ছেড়ে কখনো কোথাও যাই নি। হে ভগবান, এদের সকলের উপর তোমার দৃষ্টি রেখো।

[ প্রস্থান

## তৃতীয় দৃশ্য

জালন্ধর

কুমারসেনের শিবির

কুমারসেন ও সন্নিহিত

সন্নিহিত। ভাই, রাজাকে মার্জনা করো; করো রোষ আমার উপরে। আমি মাঝে না থাকিলে যুদ্ধ করে 'বীর' নাম করিতে উদ্ধার। যুদ্ধের আহ্বান শুনিলে অটল রহিলে তবু তুমি; জানি না কি অসম্মানশেল চিরজীবী মৃত্যু-সম মানীর হৃদয়ে? আপন ভায়ের হৃদে দুর্ভাগিনী আমি হানিতে দিলাম হেন অপমানশর যেন আপনারি হস্তে। মৃত্যু ভালো ছিল, ভাই, মৃত্যু ভালো ছিল।

কুমারসেন।

জানিস তো বোন,

যুদ্ধ বীরধর্ম বটে—ক্ষমা তার চেয়ে বীরত্ব অধিক। অপমান অবহেলা কে পারে করিতে মানী ছাড়া?

সন্নিহিত।

ধন্য ভাই,



ধন্য তুমি। সর্পপলাম এ জীবন মোর  
তোমার লাগিয়া। তোমার এ স্নেহস্থল  
প্রাণ দিয়ে কেমনে করিব পরিশোধ?  
বীর তুমি, মহাপ্রাণ, তুমি নরপতি  
এ নরসমাজ-মাঝে—

কুমারসেন। আমি ভাই তোর।

চল্ বোন, আমাদের সেই শৈলগৃহে  
তুষারশিখর-ঘেরা শূভ্র স্দৃশীতল  
আনন্দকাননে। দৃষ্টি নির্বরের মতো  
একদ্রে করেছি খেলা দুই ভাইবোনে—  
এখন আর কি ফিরে যেতে পারিবি নে  
সেই উচ্চ, সেই শূভ্র শৈশবশিখরে?

সুদমিত্রা। চলো ভাই, চলো। যে ঘরেতে ভাইবোনে  
করিতাম খেলা সেই ঘরে নিয়ে এসো  
প্রেমসসী নারীরে—সন্ধ্যাবেলা বসে তারে  
তোমার মনের মতো সাজাব যতনে।  
শিখাইয়া দিব তারে তুমি ভালোবাস  
কোন ফুল, কোন গান, কোন কাব্যরস।  
শুনাব বাল্যের কথা; শৈশবমহত্ত্ব  
তব শিশু-হৃদয়ের।

কুমারসেন। মনে পড়ে মোর,  
দাঁছে শিখিতাম বীণা। আমি ধৈর্যহীন  
যেতেম পালায়ে। তুই শয্যাপ্রান্তে বসে  
কেশবেশ ভুলে গিয়ে সারা সন্ধ্যাবেলা  
বাজাতিস, গম্ভীর আনন্দমুখখানি।  
সংগীতেরে করে তুলেছিলি তোর সেই  
ছোটো ছোটো অঙ্গুলির বশ।

সুদমিত্রা। মনে আছে,  
খেলা হতে ফিরে এসে শোনাতে আমারে  
অদ্ভুত কল্পনাকথা—কোথা দেখেছিলে  
অজ্ঞাত নদীর ধারে স্বর্ণস্বর্ণপদুর,  
অলৌকিক কল্পকুঞ্জে কোথায় ফলিত  
অমৃতমধুর ফল! ব্যথিত হৃদয়ে  
সবিস্ময়ে শুনিতাম, স্বপ্নে দেখিতাম  
সেই কিষ্করকানন।

কুমারসেন। বলিতে বলিতে  
নিজের কল্পনা শেষে নিজেরে ছলিত।  
সত্য মিথ্যা হত একাকার মেঘ আর  
গিরির মতন; দেখিতে পেতেম যেন  
দূর শৈলপরপারে রহস্যনগরী।—  
শংকর আসিছে ওই ফিরে। শোনা যাক  
কী সংবাদ।

## শংকরের প্রবেশ

শংকর।

প্রভু তুমি, তুমি মোর রাজা,  
 ক্ষমা করো বৃদ্ধ এ শংকরে। ক্ষমা করো  
 রানী, দিদি মোর। মোরে কেন পাঠাইলে  
 দূত করে রাজার শিবিরে? আমি বৃদ্ধ,  
 নহি পটু সাবধান বচনবিন্যাসে,  
 আমি কি সহিতে পারি তব অপমান?  
 শান্তির প্রস্তাব শুনে যখন হাসিল  
 ক্ষুদ্র জয়সেন, হাসিমুখে ভৃত্য যুদ্ধাজিৎ  
 করিল স্নাতীর উপহাস, সম্ভ্রভঙ্গে  
 কহিলা বিরুদ্ধদেব জালন্ধররাজ  
 তোমারে বালক, ভীরু—মনে হল যেন  
 চারি দিকে হাসিতেছে সভাসদ যত  
 পরস্পর মৃথ চেয়ে, হাসিতেছে দূরে  
 দ্বারের প্রহরী—পশ্চাতে আঁছিল যারা  
 তাদের নীরব হাসি ভূজঙ্গের মতো  
 যেন পৃষ্ঠে আসি মোর দংশিতে লাগিল।  
 তখন ভুলিয়া গেন্দু শিখেছি নু যত  
 শান্তিপূর্ণ মৃদুবাক্য। কহিলাম রোষে—  
 ‘কলহেরে জান তুমি বীরত্ব বলিয়া,  
 নারী তুমি, নহ ক্ষত্রবীর। সেই থেদে  
 মোর রাজা কোষে লয়ে কোষরুদ্ধ অসি  
 ফিরে যেতেছেন দেশে, জানাই নু সবে।’  
 শুনিয়া কম্পিতনু জালন্ধরপতি।  
 প্রস্তুত হতেছে সৈন্য।

সুমিত্রা:

ক্ষমা করো ভাই!

শংকর।

এই কি উচিত তব, কাশ্মীরতনয়া  
 তুমি, ভারতে রটারে যাবে কাশ্মীরের  
 অপমানকথা? বীরের স্বধর্ম হতে  
 বিরত কোরো না তুমি আপন ভ্রাতারে,  
 রাখো এ মিনতি।

সুমিত্রা:

বোলো না, বোলো না আর

শংকর! মার্জনা করো ভাই! পদতলে  
 পড়িলাম। ওই তব রুদ্ধ কম্পমান  
 রোষানল নির্বাণ করিতে চাও? আছে  
 মোর হৃদয়শোণিত। মৌন কেন ভাই?  
 বাল্যকাল হতে আমি ভালোবাসা তব  
 পেয়েছি না চেয়ে, আজ আমি ভিক্ষা মাগি  
 ওই রোষ তব, দাও তাহা।

শংকর।

শোনো প্রভু!

কুমারসেন।

চুপ করো বৃদ্ধ! যাও তুমি, সৈন্যদের

জানাও আদেশ—এখনি ফিরিতে হবে  
কাশ্মীরের পথে।

শংকর। হায় একি অপমান,  
পলাতক ভীরু বলে রটিবে অখ্যাতি!  
সন্মিত্রা। শংকর, বারেক তুই মনে করে দেখ  
সেই ছেলেবেলা। দৃটি ছোটো ভাইবোনে  
কোলে বেঁধে রেখেছিল এক স্নেহপাশে।  
তার চেয়ে বেশি হল খ্যাতি ও অখ্যাতি?  
প্রাণের সম্পর্ক এ যে চিরজীবনের—  
পিতা-মাতা-বিধাতার আশীর্বাদে ঘেরা  
পুণ্য স্নেহতীর্থখানি। বাহির হইতে  
হিংসানলশিখা আনি এ কল্যাণভূমি,  
শংকর, করিতে চাস অঙ্গারমলিন!  
শংকর। চল্ দিদি, চল্ ভাই, ফিরে চলে যাই  
সেই শান্তিসুধাস্নিগ্ধ বাল্যকাল-মাঝে।

### চতুর্থ দৃশ্য

বিক্রমদেবের শিবির

বিক্রমদেব যুদ্ধার্জিৎ ও জয়সেন

বিক্রমদেব। পলাতক অরাতিরে আক্রমণ করা  
নহে ক্ষান্ত্রধর্ম।  
যুদ্ধার্জিৎ। পলাতক অপরাধী  
সহজে নিষ্কৃতি পায় যদি, রাজদণ্ড  
ব্যর্থ হয় তবে।  
বিক্রমদেব। বালক সে, শাস্তি তার  
যথেষ্ট হয়েছে। পলায়ন, অপমান,  
আর শাস্তি কিবা?  
যুদ্ধার্জিৎ। গিরিরন্ধ্র কাশ্মীরের  
বাহিরে পড়িয়া রবে যত অপমান।  
সেথায় সে যুবরাজ, কে জানিবে তার  
কলঙ্কের কথা?  
জয়সেন। চলো মহারাজ, চলো  
সেই কাশ্মীরের মাঝে যাই—সেথা গিয়ে  
দোষীরা শাসন করে আসি, সিংহাসনে  
দিয়ে আসি কলঙ্কের ছাপ।  
বিক্রমদেব। তাই চলো।  
বাড়ে চিন্তা যত চিন্তা কর। কার্ষপ্রোতে

আপনারে ভাসাইয়া দিন, দেখি কোথা  
গিয়ে পড়ি, কোথা পাই কূল।

প্রহরীর প্রবেশ

প্রহরী।

মহারাজ,

এসেছে সাক্ষাৎ-তরে ব্রাহ্মণতনয়  
দেবদত্ত।

বিক্রমদেব।

দেবদত্ত? নিয়ে এসো, নিয়ে

এসো তারে। না না, রোসো, থামো, ভেবে দেখি।

কী লাগিয়ে এসেছে ব্রাহ্মণ? জানি তারে

ভালোমতে। এসেছে সে যদুশিক্ষেত্র হতে

ফিরাতে আমারে। হায় বিপ্র, তোমরাই

ভাঙিয়াছ বঁধ, এখন প্রবল স্রোত

শুদ্ধ কি শস্যের ক্ষেত্রে জলসেক করে

ফিরে যাবে, তোমাদের আবশ্যক বৃক্ষে

পোষ-মানা প্রাণীর মতন? চূর্ণিবে সে

লোকালয়, উচ্ছন্ন করিবে দেশ গ্রাম।

সকম্পিত পরামর্শ উপদেশ নিয়ে

তোমরা চাহিয়া থাকো—আমি ধৈর্যে চলি

কার্যবেগে, অবিশ্রাম গতিসুখে, মন্ত

মহানদী যে আনন্দে শিলারোধ ভেঙে

ছুটে চিরদিন। প্রচণ্ড আনন্দ অন্ধ,

মদুহৃত্ত তাহার পরমায়ু—তারি মধ্যে

উৎপাটিয়া নিয়ে আসে অনন্তের সুখ

মন্ত করীশূন্ডে ছিন্ন রক্তপান্সম।

বিচার বিবেক পরে হবে। চিরকাল

জড় সিংহাসনে পড়ি করিব মন্ত্রণা।—

চাহি না করিতে দেখা ব্রাহ্মণের সনে।

জয়সেন। যে আদেশ।

জনান্তিকে জয়সেনের প্রতি

যদুধাজিৎ।

ব্রাহ্মণেরে জেনো শত্রু বলে।

বন্দী করে রাখো।

জয়সেন।

বিলক্ষণ জানি তারে।

পঞ্চম অঙ্ক

প্রথম দৃশ্য

কাশ্মীর। প্রাসাদ

রেবতী ও চন্দ্রসেন

রেবতী। যুদ্ধসজ্জা? কেন যুদ্ধসজ্জা? শত্রু কোথা?  
মিত্র আসিতেছে। সমাদরে ডেকে আনো  
তারে। করুক সে অধিকার কাশ্মীরের  
সিংহাসন। রাজ্যরক্ষা-তরে তুমি এত  
ব্যস্ত কেন? এ কি তব আপনার ধন?  
আগে তারে নিতে দাও, তার পরে ফিরে  
নিয়ো বন্ধুভাবে। তখন এ পররাজ্য  
হবে আপনার।

চন্দ্রসেন। চুপ করো, চুপ করো,  
বোলো না অমন করে। কর্তব্য আমার  
করিব পালন, তার পরে দেখা যাবে  
অদৃষ্ট কী করে।

রেবতী। তুমি কী করিতে চাও  
আমি জানি তাহা। যুদ্ধের ছলনা করে  
পরাজয় মানিবারে চাও। তার পর  
চারি দিক রক্ষা করে সন্নিবিধা বন্ধিয়া  
কৌশলে করিতে চাও উদ্দেশ্যসাধন।

চন্দ্রসেন। ছি ছি রানী, এ-সকল কথা শুনি যবে  
তব মূখে, ঘৃণা হয় আপনার 'পরে।  
মনে হয় সত্য বন্ধি এমনি পাষণ্ড  
আমি; আপনারে ছদ্মবেশী চোর বলে  
সন্দেহ জনমে।—কর্তব্যের পথ হতে  
ফিরায়ো না মোরে।

রেবতী। আমিও পালিব তবে  
কর্তব্য আপন। নিশ্বাস করিয়া রোধ  
বধিব আপন হস্তে সন্তান আপন।  
রাজা যদি না করিবে তারে, কেন তবে  
রোপিলে সংসারে পরাধীন ভিক্ষুকের  
বংশ। অরণ্যে গমন ভালো, মৃত্যু ভালো,  
রিক্তহস্তে পরের সম্পদছায়ে ফেরা—  
ধিক্ বিড়ম্বনা! জেনো তুমি, রাজদ্রোহ,  
আমার গর্ভের ছেলে সহিবে না কভু  
পরের শাসনপাশ, সমস্ত জীবন  
পরদত্ত সাজ পরে রহিবে না বসে

রাজসভাপদুত্তলিকা হয়ে। আমি তারে  
 দিয়েছি জনম, আমি তারে সিংহাসন  
 দিব—নহে আমি নিজহস্তে মৃত্যু দিব  
 তারে। নভুবা সে কুমাতা বলিয়া মোরে  
 দিবে অভিশাপ।

কণ্ঠকীর প্রবেশ

কণ্ঠকীর।

যুবরাজ এসেছেন  
 রাজধানীমাঝে। আসিছেন অবিলম্বে  
 রাজসাক্ষাতের তরে।

[ প্রস্থান

রেবতী।

অন্তরালে রব  
 আমি। তুমি তারে বোলো, অস্ত্রশস্ত্র ছাড়ি  
 জালন্ধর-রাজপদে অপরাধীভাবে  
 করিতে হইবে তারে আত্মসমর্পণ।

চন্দ্রসেন।

যেয়ো না চলিয়া।

রেবতী।

পারি নে লুকাতে আমি  
 হৃদয়ের ভাব। স্নেহের ছলনা করা  
 অসাধ্য আমার। তার চেয়ে অন্তরালে  
 গুপ্ত থেকে শূনি বসে তোমাদের কথা।

[ প্রস্থান

কুমারসেন ও সন্মিটার প্রবেশ

কুমারসেন।

প্রণাম!

সন্মিটা।

প্রণাম তাত!

চন্দ্রসেন।

দীর্ঘজীবী হও।

কুমারসেন।

বহু পূর্বে পাঠিয়েছি সংবাদ, রাজন,  
 শত্রুসৈন্য আসিছে পশ্চাতে, আক্রমণ  
 করিতে কাশ্মীর। কই, রণসজ্জা কই?  
 কোথা সৈন্যবল?

চন্দ্রসেন।

শত্রুপক্ষ কারে বল?

বিক্রম কি শত্রু হল? জননী সন্মিটা,  
 বিক্রম কি নহে, বৎসে, কাশ্মীর-জামাতা?  
 সে যদি আসিল গৃহে এতকাল পরে,  
 অসি দিয়ে তারে কি করিব সম্ভাষণ?

সন্মিটা।

হায় তাত, মোরে কিছুর কোরো না জিজ্ঞাসা।  
 আমি দর্ভাগিনী নারী কেন আসিলাম  
 অন্তঃপুর ছাড়ি! কোথা লুকাইয়া ছিল  
 এত অকল্যাণ! অবলা নারীর ক্ষীণ  
 ক্ষুদ্র পদক্ষেপে সহসা উঠিল রুধি  
 সর্প শতফণা! মোরে কিছুর শূধায়ো না।  
 বৃদ্ধিহীন আমি।—তুমি সব জান ভাই!  
 তুমি জ্ঞানী, তুমি বীর, আমি পদপ্রান্তে

মৌন ছায়া। তুমি জান সংসারের গতি,  
আমি শূন্য তোমাতেই জানি।

কুমারসেন।

মহারাজ,

আমাদের শত্রু নহে জালন্ধরপতি,  
নিতান্তই আপনার জন। কাশ্মীরের  
শত্রু তিনি, আসিছেন শত্রুভাব ধরি।  
অকাতরে সহিয়াছি নিজ অপমান,  
কেমনে উপেক্ষা করি রাজ্যের বিপদ?

চন্দ্রসেন।

সেজন্য ভেবো না বৎস, যথেষ্ট রয়েছে  
বল। কাশ্মীরের তরে আশঙ্কা কিছুই  
নাই।

কুমারসেন।

মোর হাতে দাও সৈন্যভার।

চন্দ্রসেন।

দেখা

যাবে পরে। আগে হতে প্রস্তুত হইলে  
অকারণে জেগে ওঠে যুদ্ধের কারণ।  
আবশ্যককালে তুমি পাবে সৈন্যভার।

রেবতীর প্রবেশ

রেবতী।

কে চাহিছে সৈন্যভার?

সুদামিতা ও কুমারসেন।

প্রণাম জননী!

রেবতী।

যুদ্ধে ভঙ্গ দিয়ে তুমি এসেছ পলায়ে,  
নিতৈ চাও অবশেষে ঘরে ফিরে এসে  
সৈন্যভার? তুমি রাজপুত্র? তুমি চাও  
কাশ্মীরের সিংহাসন? ছি ছি লজ্জাহীন!  
বনে গিয়ে থাকো লুকাইয়া। সিংহাসনে  
বসো যদি, বিশ্বসুদ্ধ সকলে দেখবে  
কনককিরীটচূড়া কলঙ্কে অধিকৃত।

কুমারসেন।

জননী, কী অপরাধ করেছি চরণে?  
কী কঠিন বচন তোমার! এ কি মাতা  
স্নেহের ভৎসনা? বহুদিন হতে তুমি  
অপ্রসন্ন অভাগার 'পরে। রোষদীপ্ত  
দৃষ্টি তব বিধে মোর মর্মস্থলে সদা;  
কাছে গেলে চলে যাও কথা না কহিয়া  
অন্য ঘরে; অকারণে কহ তীর বাণী।  
বলো মাতা, কী করিলে আমারে তোমার  
আপন সন্তান বলে হইবে বিশ্বাস।

রেবতী।

বলি তবে—

চন্দ্রসেন।

ছি ছি, চূপ করো রানী!

কুমারসেন।

মাতঃ,

অধিক কহিতে কথা নাহিক সময়।  
স্বারে এল শত্রুদল আমারে করিতে  
আক্রমণ। তাই আমি সৈন্য ভিক্ষা মাগি।

- রেবতী। তোমারে করিয়া বন্দী অপরাধীভাবে  
জালন্ধর-রাজকরে করিব অপর্ণ।  
মার্জনা করেন ভালো, নতুবা যেমন  
বিধান করেন শাস্তি নিয়ো নতশিরে।
- সুদামিতা। ধিক্ পাপ! চুপ করো মাতা! নারী হয়ে  
রাজকার্যে দিয়ো না, দিয়ো না হাত। ঘোর  
অমঙ্গলপাশে সবারে আনিবে টানি,  
আপনি পড়িবে। হেথা হতে চলো ফিরে  
দয়ামায়াহীন ওই সদাঘর্গমান  
কর্মচক্র ছাড়ি। তুমি শূদ্ধ ভালোবাসো,  
শূদ্ধ স্নেহ করো, দয়া করো, সেবা করো—  
জননী হইয়া থাকো প্রাসাদ-মাঝারে।  
যুদ্ধ স্বন্দর রাজ্যরক্ষা আমাদের কার্য  
নহে।
- কুমারসেন। কাল যায় মহারাজ, কী আদেশ?  
চন্দ্রসেন। বৎস, তুমি অনভিজ্ঞ, মনে করো তাই  
শূদ্ধ ইচ্ছামাত্রে সব কার্য সিদ্ধ হয়  
চক্ষুর নিমেষে। রাজকার্য মনে রেখো  
সুকঠিন আঁত। সহস্রের শূভাশুভ  
কেমনে করিব স্থির মূহূর্তের মাঝে?
- কুমারসেন। নিদয় বিলম্ব তব পিতঃ! বিপদের  
মুখে মোরে ফেলি অনায়াসে, স্থিরভাবে  
বিচারমন্ত্রণা? প্রণাম, বিদায় হই।
- [ সুদামিতাকে লইয়া প্রস্থান ]
- চন্দ্রসেন। তোমার নিষ্ঠুর বাক্য শুন্যে দয়া হয়  
কুমারের পরে—প্রাণে বাজে, ইচ্ছা করে  
ডেকে নিয়ে বেঁধে তারে রাখি বন্ধোমাঝে,  
স্নেহ দিয়ে দূর করি আঘাতবেদনা।
- রেবতী। শিশু তুমি! মনে কর আঘাত না ক'রে  
আপনি ভাঙিবে বাধা? পদ্রুপের মতো  
যদি তুমি কার্যে দিতে হাত, আমি তবে  
দয়ামায়ী করিতাম ঘরে বসে বসে।  
অবসর বন্ধে। এখন সময় নাই।
- [ প্রস্থান ]
- চন্দ্রসেন। অতি-ইচ্ছা চলে অতি-বেগে। দেখিতে না  
পায় পথ, আপনারে করে সে নিষ্ফল।  
বায়ুবেগে ছুটে গিয়ে মস্ত অশ্ব যথা  
চূর্ণ করে ফেলে রথ পাষাণপ্রাচীরে।



## দ্বিতীয় দৃশ্য

কাশ্মীর। হাট

লোকসমাগম

প্রথম। কেমন হে খুড়ো, গোলা ভরে ভরে যে গম জমিয়ে রেখেছিলে, আজ বেচবার জন্যে এত তাড়াতাড়ি কেন?

দ্বিতীয়। না বেচলে কি আর রক্ষে আছে? এ দিকে জালন্ধরের সৈন্য এল বলে। সমস্ত লুটে নেবে। আমাদের এই মহাজনদের বড়ো বড়ো গোলা আর মোটা মোটা পেট বেবাক ফাঁসিয়ে দেবে। গম আর রুটি দুয়েরই জায়গা থাকবে না।

মহাজন। আচ্ছা ভাই, আমোদ করে নে। কিন্তু শিগ্গির তাদের ঐ দাঁতের পাটি ঢাকতে হবে। গুতো সকলেরই উপর পড়বে।

প্রথম। সেই সুখেই তো হাসছি বাবা! এবারে তোমায় আমায় একসঙ্গে মরব। তুমি রাখতে গম জমিয়ে, আর আমি মরতুম পেটের জ্বালায়। সেইটে হবে না। এবার তোমাকেও জ্বালা ধরবে। সেই শূকনো মদুখানি দেখে যেন মরতে পারি।

দ্বিতীয়। আমাদের ভাবনা কী ভাই? আমাদের আছে কী? প্রাণখানা এমনও বেশিদিন টিকবে না, অমনেও বেশিদিন টিকবে না। এ কটা দিন কষে মজা করে নে রে ভাই!

প্রথম। ও জনাদর্ন, এতগুলি থলে এনেছ কেন? কিছু কিনবে নাকি?

জনাদর্ন। একেবারে বছরখানেকের মতো গম কিনে রাখব।

দ্বিতীয়। কিনলে যেন, রাখবে কোথায়?

জনাদর্ন। আজ রাত্তিরেই আমার বাড়ি পালাচ্ছি।

প্রথম। মামার বাড়ি পর্যন্ত পৌঁছলে তো! পথে অনেক মামা বসে আছে, আদর করে ডেকে নেবে।

কোলাহল করিতে করিতে এক দল লোকের প্রবেশ

পঞ্চম। ওরে, কে তোরা লড়াই করতে চাস, আয়।

প্রথম। রাজি আছি। কার সঙ্গে লড়াই হবে বলে দে।

পঞ্চম। খুড়ো-রাজা জালন্ধরের সঙ্গে ষড় করে যুবরাজকে ধরিয়ে দিতে চায়।

দ্বিতীয়। বটে! খুড়ো-রাজার দাড়িতে আমরা মশাল ধরিয়ে দেব।

অনেকে। আমাদের যুবরাজকে আমরা রক্ষা করব।

পঞ্চম। খুড়ো-রাজা গোপনে যুবরাজকে বন্দী করতে চেষ্টা করেছিল। তাই আমরা যুবরাজকে লুকিয়ে রেখেছি।

প্রথম। চল্ ভাই, খুড়ো-রাজাকে গুড়ো করে দিয়ে আসি গে।

দ্বিতীয়। চল্ ভাই, তার মদুখানা খসিয়ে তাকে মদুড়ো করে দিই গে।

পঞ্চম। সে-সব পরে হবে রে। আপাতত লড়াই হবে।

প্রথম। তা লড়াই। এই হাট থেকেই লড়াই শুরু করে দেওয়া যাক-না। প্রথমে ঐ মহাজনদের গমের বস্তাগুলো লুটে নেওয়া যাক। তার পরে যি আছে, চামড়া আছে, কাপড় আছে।

ষষ্ঠের প্রবেশ

ষষ্ঠ। শুনিয়েছিস? যুবরাজ লুকিয়েছেন শূন্য জালন্ধরের রাজা রটিয়েছে, যে তার সন্ধান বলে দেবে তাকে পুরস্কার দেবে।

পশ্চম। তোর এ-সব খবরে কাজ কী?

শ্বিতীয়। তুই পুরস্কার নির্বি নাকি?

প্রথম। আয়-না ভাই, ওকে সবাই মিলে পুরস্কার দিই। যা হয় একটা কাজ আরম্ভ করে দেওয়া যাক। চূপ করে বসে থাকতে পারি নে।

ষষ্ঠ। আমাকে মারিস নে ভাই, দোহাই বাপ-সকল! আমি তোদের সাবধান করে দিতে এসেছি।

শ্বিতীয়। বেটা, তুই আপনি সাবধান হ।

পশ্চম। এ খবর যদি তুই রটাবি তা হলে তোর জিভ টেনে ছিঁড়ে ফেলব।

দূরে কোলাহল

অনেকে মিলিয়া। এসেছে—এসেছে।

সকলে। ওরে, এসেছে রে, জালন্ধরের সৈন্য এসে পৌঁছেছে।

প্রথম। তবে আর কী! এবারে লুট করতে চললাম। ঐ জনার্দন থলে ভরে গোরুর পিঠে বোঝাই করছে। এই বেলা চল। ঐ জনার্দনটাকে বাদ দিয়ে বাকি কটা গোরু বোঝাই-সদৃশ তাজা করা যাক।

শ্বিতীয়। তোরা যা ভাই! আমি তামাশা দেখে আসি। সার বেঁধে খোলা তলোয়ার হাতে যখন সৈন্য আসে আমার দেখতে বড়ো মজা লাগে।

গান

যমের দুর্যোর খোলা পেয়ে

ছুটেছে সব ছেলেমেয়ে।

হরিবোল হরিবোল!

রাজ্য জুড়ে মস্ত খেলা

মরণ-বাঁচন অবহেলা—

ও ভাই, সবাই মিলে প্রাণটা দিলে

• স্নেহ আছে কি মরার চেয়ে!

হরিবোল হরিবোল!

বেজেছে ঢোল, বেজেছে ঢাক,

ঘরে ঘরে পড়েছে ডাক,

এখন কাজকর্ম চুলোতে যাক--

কেজো লোক সব আয় রে খেয়ে।

হরিবোল হরিবোল!

রাজা প্রজা হবে জড়ো,

থাকবে না আর ছোটো বড়ো,

একই স্রোতের মুখে ভাসবে স্নেহে

বৈতরণীর নদী বেয়ে।

হরিবোল হরিবোল!

## তৃতীয় দৃশ্য

হিচুড়। প্রাসাদ

অমররাজ ও কুমারসেন

অমররাজ। পালাও, পালাও। এসো না আমার রাজ্যে।  
আপনি মজিবে তুমি আমারে মজাবে।  
তোমাতে আশ্রয় দিয়ে চাহি নে হইতে  
অপরাধী জালন্ধর রাজ-কাছে। হেথা  
তব নাহি স্থান।

কুমারসেন। আশ্রয় চাহি নে আমি।  
অনিশ্চিত অদৃষ্টের পারাবার-মাঝে  
ভাসাইব জীবনতরণী—তার আগে  
ইলারে দেখিয়া যাব একবার শত্ৰুধন,  
এই ভিক্ষা মাগি।

অমররাজ। ইলারে দেখিয়া যাবে?  
কী হইবে দেখে তারে! কী হইবে দেখা  
দিয়ে! স্বার্থপর! রয়েছ মৃত্যুর মুখে  
অপমান বহি—গৃহহীন, আশাহীন,  
কেন আসিয়াছ ইলার হৃদয়মাঝে  
জাগাতে প্রেমের স্মৃতি?

কুমারসেন। কেন আসিয়াছি?

হায় আর্য, কেমনে তা বদ্বার তোমায়ে!

অমররাজ। বিপদের খরস্রোতে ভেসে চলিয়াছ,  
তুমি কেন চাহিছ ধরিতে ক্ষীণপ্রাণ  
কুসন্মিত তীরলতা? যাও, ভেসে যাও।

কুমারসেন। আমার বিপদ আজ দোঁহার বিপদ,  
মোর দ্রুত দ্রুজনের দ্রুত। প্রেম শত্ৰু  
সম্পদের নহে। মহারাজ, একবার  
বিদায় লইতে দাও দ্রুত দ্রুতের তরে।

অমররাজ। চিরকালতরে তুমি লয়েছ বিদায়।  
আর নহে। যাও চলে। ভুলে যেতে দাও  
তারে অবসর। হাসিমুখখানি তার  
দিয়ে না আঁধার করি এ জন্মের মতো।

কুমারসেন। ভুলিতে পারিত যদি দিতাম ভুলিতে—  
ফিরে এসে দেখা দিব বলে গিয়েছিন্দু;  
জানি সে রয়েছে বসি আমার লাগিয়া  
পথপানে চাহি, আমারে বিশ্বাস করি।  
সে সরল সে অগাধ বিশ্বাস তাহার  
কেমনে ভাঙিতে দিব!

অমররাজ। সে বিশ্বাস ভেঙে  
যাক একবার। নতুবা নতুন পথে

জীবন তাহার ফিরাতে সে পারিবে না।  
চিরকাল দুঃখতাপ চেয়ে কিছুকাল  
এ যন্ত্রণা ভালো।

কুমারসেন।

তার সুখদুঃখ তুমি  
দিয়েছ আমার হাতে, কিছুতে ফিরায়ে  
নিতে পারিবে না আর। তারে তুমি আর  
নাহি জান। তারে আর নারিবে বদ্বিহিতে।  
তুমি যারে সুখদুঃখ বলে মনে কর  
তার সুখদুঃখ তাহা নহে। একবার  
দেখে যাই তারে।

অমররাজ।

আমি তারে জানায়োছি,  
কাশ্মীরে রয়েছ তুমি রাজমর্যাদায়  
ক্ষুদ্র বলে আমাদের অবহেলা ক'রে—  
বিদেশে সংগ্রামযাত্রা মিছে ছিল শূন্য  
বিবাহ ভাঙিতে।

কুমারসেন।

ধিক্, ধিক্ প্রতারণা!  
সরল বালিকা সে কি তোমার দুঃহিতা?  
এ নিষ্ঠুর মিথ্যা তারে কহিলে যখন  
বিধাতা কি ঘুমাইতেছিল? শিরে তব  
বজ্র পড়িল না ভেঙে? এখনো সে বেঁচে  
রয়েছে কি! যেতে দাও, যেতে দাও মোরে—  
দিবে না কি যেতে? হানো তবে তরবারি—  
বোলো তারে মরে গেছি আমি। প্রতারণা  
কোরো না তাহারে।

শংকরের প্রবেশ

শংকর।

আসিছে সন্ধ্যানে তব  
শত্রুচর, পেয়েছি সংবাদ। এইবেলা  
চলো যাই।

কুমারসেন।

কোথা যাব? কী হবে লুকায়?  
এ জীবন পারি নে বহিতে।

শংকর।

বনপ্রান্তে  
তোমার অপেক্ষা করি আছেন সন্নিহিত।

কুমারসেন।

চলো, যাই চলো। ইলা, কোথা আছ ইলা!  
ফিরে গেন্দু দুয়ারে আসিয়া। দুর্ভাগ্যের  
দিনে জগতের চারি দিকে রুদ্ধ হয়  
আনন্দের দ্বার। প্রিয়ে, হতভাগ্য আমি,  
তাই বলে নহি অবিশ্বাসী।—চলো, যাই।

## চতুর্থ দৃশ্য

ট্রিচুড়। অন্তঃপদর

ইলা ও সখীগণ

ইলা। মিছে কথা, মিছে কথা! তোরা চুপ কর্।  
 আমি তার মন জানি। সখী, ভালো করে  
 বেঁধে দে কবরী মোর ফুলমালা দিয়ে।  
 নিয়ে আয় সেই নীলাম্বর। স্বর্ণথালে  
 আন্ তুলে শূভ্র ফুল্ল মালতীর ফুল।  
 নির্ঝরিতীরে ওই বকুলের তলা  
 ভালো সে বাসিত; ওইখানে শিলাতলে  
 পেতে দে আসনখানি। এমনি যতনে  
 প্রতিদিন করি সাজ, এমনি করিয়া  
 প্রতিদিন থাকি বসে, কে জানে কখন  
 সহসা আসিবে ফিরে প্রিয়তম মোর।  
 এসেছিল আমাদের মিলন দেখিতে  
 পরে পরে দুটি পদার্থিমার রাত, অস্ত  
 গেছে নিরাশ হইয়া। মনে স্থির জানি  
 এবার পদার্থিমারি হবে না নিষ্ফল।  
 আসিবে সে দেখা দিতে। নাই যদি আসে  
 তোদের কী! আমারে সে ভুলে যায় যদি  
 আমিই সে বদ্বিব অন্তরে। কেনই বা  
 না ভুলিবে, কী আছে আমার! ভুলে যদি  
 সখী হয় সেই ভালো—ভালোবেসে যদি  
 সখী হয় সেও ভালো। তোরা সখী, মিছে  
 বাকিস নে আর। একটুকু চুপ কর্।

গান

আমি নিশিদিন তোমায় ভালোবাসি,  
 তুমি অবসরমত বাসিয়ো।  
 আমি নিশিদিন হেথায় বসে আছি,  
 তোমার যখন মনে পড়ে আসিয়ো।  
 আমি সারা নিশি তোমা লাগিয়া  
 রব বিরহশয়নে জাগিয়া,  
 তুমি নিমেষের তরে প্রভাতে  
 এসে মধুপানে চেয়ে হাসিয়ো।  
 তুমি চিরদিন মধুপবনে  
 চির-বিকশিত বনভবনে  
 যেয়ো মনোমত পথ ধরিয়া,  
 তুমি নিজ স্নেহস্রোতে ভাসিয়ো।

যদি . তার মাঝে পড়ি আসিয়া  
তবে আমিও চলিব ভাসিয়া,  
যদি দূরে পড়ি তাহে ক্ষতি কই,  
মোর স্মৃতি মন হতে নাশিয়ো।

### পঞ্চম দৃশ্য

কাশ্মীর। শিবির

বিক্রমদেব জয়সেন ও যুদ্ধাজিৎ

জয়সেন। কোথায় সে পালাবে রাজন্ ! ধরে এনে  
দিব তারে রাজপদে। বিবরদুয়ারে  
অগ্নি দিলে বাহিরিয়া আসে ভুজঙ্গাম  
উত্তাপকাতর। সমস্ত কাশ্মীর ঘিরি  
লাগাব আগুন—আপনি সে ধরা দিবে।

বিক্রমদেব। এতদূর এনু পিছে পিছে—কত বন,  
কত নদী, কত ভুজ্জ গিরিশৃঙ্গ ভাঙি!  
আজ সে পালাবে হাত ছেড়ে? চাহি তারে,  
চাহি তারে আমি। সে না হলে সন্ধান নাই,  
নিদ্রা নাই মোর। শীঘ্র না পাইলে তারে,  
সমস্ত কাশ্মীর আমি খণ্ড দীর্ণ করি  
দেখিব কোথা সে আছে।

যুদ্ধাজিৎ। ধরিবারে তারে  
পদরস্কার করেছি ঘোষণা।

বিক্রমদেব। তারে পেলে  
অন্য কার্যে দিতে পারি হাত। রাজ্য মোর  
রয়েছে পড়িয়া, শূন্যপ্রায় রাজকোষ,  
দুর্ভিক্ষ হয়েছে রাজ্য অরাজক দেশে—  
ফিরিতে পারি নে তবু। একি দৃঢ়পাশে  
আমারে করেছে বন্দী শত্রু পলাতক!  
সচকিতে সদা মনে হয়, এই এল,  
এই এল, ওই দেখা যায়, ওই বদ্বি  
উড়ে ধুলা, আর দেরি নাই, এইবার  
বদ্বি পাব তারে—ধাবমান, ঘনশ্বাস,  
হস্ত-আঁখি মৃগ-সম। শীঘ্র আনো তারে  
জীবিত কি মৃত। ছিন্নভিন্ন হয়ে যাক  
মায়াপাশ। নতুবা যা-কিছু আছে মোর  
সব যাবে অধঃপাতে।

প্রহরীর প্রবেশ

প্রহরী। রাজা চন্দ্রসেন,  
মহিষী রেবতী, এসেছেন ভেটিবার  
তরে।  
বিক্রমদেব। তোমরা সরিয়া যাও।

প্রহরীকে

নিয়ে এসো  
তাঁহাদের প্রণাম জানায়ে।

[ অন্য সকলের প্রস্থান ]

কী বিপদ!

আসিছেন শাশুড়ী আমার। কী বলিব  
শুধাইলে কুমারের কথা! কী করিব  
মার্জনা চাহেন যদি যুবরাজ-তরে!  
সহিতে পারি নে আমি অশ্রু রমণীর।

চন্দ্রসেন ও রেবতীর প্রবেশ

চন্দ্রসেন। চিরজীবী হও।  
রেবতী। জয়ী হও, পূর্ণ হোক মনস্কাম তব।  
চন্দ্রসেন। শুনছি, তোমার কাছে কুমার হয়েছে  
অপরাধী।  
বিক্রমদেব। অপমান করেছে আমারে।  
চন্দ্রসেন। বিচারে কী শাস্তি তার করেছ বিধান?  
বিক্রমদেব। বন্দীভাবে অপমান করিলে স্বীকার,  
করিব মার্জনা।  
রেবতী। এই শুধু? আর কিছুর  
নয়? অবশেষে মার্জনা করিবে যদি  
তবে কেন এত ক্রোশে এত সৈন্য লয়ে  
এত দূরে আসা!  
বিক্রমদেব। ভৎসনা কোরো না মোরে।  
রাজার প্রধান কাজ, আপনার মান  
রক্ষা করা। যে মস্তক মৃকুট বহিছে  
অপমান পারে না বহিতে। মিছে কাজে  
আসি নি হেথায়।  
চন্দ্রসেন। ক্ষমা তারে করো বৎস,  
বালক সে অল্পবৃদ্ধি। ইচ্ছা কর যদি  
রাজ্য হতে করিয়ো বঞ্চিত—কেড়ে নিয়ো  
সিংহাসন-অধিকার। নির্বাসন সেও  
ভালো, প্রাণে বধিয়ো না।  
বিক্রমদেব। চাহি না বধিতে।

- রেবতী। তবে কেন এত অস্ত্র এনেছ বহিয়া ?  
এত অসি শর ? নির্দোষী সৈনিকদের  
বধ করে যাবে, যথার্থ যে জন দোষী  
ক্ষমিবে তাহারে ?
- বিক্রমদেব। বদ্বিধিতে পারি নে দেবী,  
কী বলিছ তুমি।
- চন্দ্রসেন। কিছ্ নয়, কিছ্ নয়।  
আমি তবে বলি বদ্বাইয়া। সৈন্য যবে  
মোর কাছে মাগিল কুমার, আমি তারে  
কহিলাম, বিক্রম স্নেহের পাত্র মোর—  
তার সনে যুদ্ধ নাহি সাজে। সেই ক্ষোভে  
ক্রুদ্ধ বদ্বা প্রজাদের ঘরে ঘরে গিয়া  
বিদ্রোহে করিল উত্তেজিত। অসন্তুষ্ট  
মহারানী তাই; রাজবিদ্রোহীর শাস্তি  
করিছে প্রার্থনা তোমা-কাছে। গুরুদণ্ড  
দিয়ো না তাহারে, সে যে অবোধ বালক।
- বিক্রমদেব। আগে তারে বন্দী করে আনি। তার পরে  
যথাযোগ্য করিব বিচার।
- রেবতী। প্রজাগণ  
লুকায় রেখেছে তারে। আগুন জ্বালাও  
ঘরে ঘরে তাহাদের। শস্যক্ষেত্র করো  
ছারখার। ক্ষুধা-রাক্ষসীর হাতে সর্পি  
দাও দেশ, তবে তারে করিবে বাহির।
- চন্দ্রসেন। চুপ করো, চুপ করো রানী! চলো বৎস,  
শিবির ছাড়িয়া চলো কাশ্মীর প্রাসাদে।
- বিক্রমদেব। পরে যাব, অগ্রসর হও মহারাজ।

[চন্দ্রসেন ও রেবতীর প্রস্থান]

ওরে হিংস্র নারী! ওরে নরকাগ্নিশিখা!  
বন্ধুত্ব আমার সনে! এতদিন পরে  
আপনার হৃদয়ের প্রতিমূর্তিখানা  
দেখিতে পেলেম ওই রমণীর মূখে।  
অমনি শাণিত ক্রুর বক্র জ্বালারেখা  
আছে কি ললাটে মোর? রুদ্ধ হিংসাভারে  
অধরের দুই প্রান্ত পড়েছে কি নুয়ে?  
অমনি কি তীক্ষ্ণ মোর উষ্ণ তিলু বাণী  
খুনীর ছুরির মতো বাঁকা বিষ-মাথা?  
নহে নহে, কভু নহে। এ হিংসা আমার  
চোর নহে, ক্রুর নহে, নহে ছদ্মবেশী।  
প্রচণ্ড প্রেমের মতো প্রবল এ জ্বালা  
অভ্রভেদী সর্বগ্রাসী উদ্দাম উন্মাদ  
দুর্নিবার! নিহি আমি তোদের আত্মীয়।  
হে বিক্রম, ক্ষান্ত করো এ সংহার-খেলা।



এ শ্মশাননৃত্য তব থামাও থামাও,  
নিবাও এ চিতা। পিশাচ-পিশাচী যত  
অতৃপ্ত হৃদয়ে লয়ে দীপ্ত হিংসাতৃষা  
ফিরে যাক রুদ্ধ রোষে, লালায়িত লোভে।  
একদিন দিব বদ্বাইয়া, নহি আমি  
তোমাদের কেহ। নিরাশ করিব এই  
গদ্যস্ত লোভ, বক্র রোষ, দীপ্ত হিংসাতৃষা।  
দেখিব কেমন করে আপনার বিষে  
আপনি জ্বলিয়া মরে নর-বিষধর।  
রমণীর হিংস্র মদ্য সুচিময় যেন—  
কী ভীষণ, কী নিষ্ঠুর, একান্ত কুৎসিত!

চরের প্রবেশ

চর। গ্রিচুড়ের অভিমুখে গেছেন কুমার!  
বিক্রমদেব। এ সংবাদ রাখিয়া গোপনে। একা আমি  
যাব সেথা মৃগয়ার ছলে।  
চর। যে আদেশ।

ষষ্ঠ দৃশ্য

অরণ্য

শব্দ পদর্শনায় কুমারসেন শয়ান। সুমিত্রা আসীন

কুমারসেন। কত রাত্রি?  
সুমিত্রা। রাত্রি আর নাই ভাই! রাঙা  
হয়ে উঠেছে আকাশ। শব্দ বনচ্ছায়া  
অন্ধকার রাখিয়াছে বেধে।  
কুমারসেন। সারা রাত্রি  
জেগে বসে আছি, বোন, ঘুম নেই চোখে?  
সুমিত্রা। জাগিয়াছি দৃঃস্বপন দেখে। সারা রাত  
মনে হয় শব্দ যেন পদশব্দ কার  
শব্দ পঙ্কজের 'পরে। তরু-অন্তরালে  
শব্দ যেন কাহাদের চুপিচুপি কথা,  
বিজন মন্ত্রণা। শ্রান্ত আঁখি যদি কভু  
মুদে আসে, দারুণ দৃঃস্বপন দেখে কেঁদে  
জেগে উঠি। সুখসুপ্ত মদ্যখানি তব  
দেখে পদ প্রাণ পাই প্রাণে।

কুমারসেন।

দুর্ভাবনা

দুঃস্বপ্নজননী। ভেবো না আমার তরে  
 বোন! সুখে আছি। মগ্ন হয়ে জীবনের  
 মাঝখানে, কে জেনেছে জীবনের সুখ?  
 মরণের তটপ্রান্তে বসে, এ যেন গো  
 প্রাণপণে জীবনের একান্ত সম্ভোগ।  
 এ সংসারে যত সুখ, যত শোভা, যত  
 প্রেম আছে, সকলি প্রগাঢ় হয়ে যেন  
 আমারে করিছে আলিঙ্গন। জীবনের  
 প্রতি বিন্দুটিতে যত মিষ্ট আছে, সব  
 আমি পেতেছি আস্বাদ। ঘন বন,  
 তুঙ্গ শৃঙ্গ, উদার আকাশ, উচ্ছ্বসিত  
 নিব্বিরণী—আশ্চর্য এ শোভা। অযাচিত  
 ভালোবাসা অরণ্যের পদ্পবৃষ্টি-সম  
 অবিশ্রাম হতেছে বর্ষণ। চারি দিকে  
 ভক্ত প্রজাগণ। তুমি আছ প্রীতিময়ী  
 শিয়রে বসিয়া। উড়িবার আগে বন্ধি  
 জীবনবিহঙ্গ বিচিত্র-বরন পাখা  
 করিছে বিস্তার।—ওই শোনো কাঠুরিয়া  
 গান গায়—শোনা যাবে রাজ্যের সংবাদ।

কাঠুরিয়ার প্রবেশ ও গান

বন্ধু, তোমায় করব রাজা তরুতলে।  
 বনফুলের বিনোদ-মালা দেব গলে।  
 সিংহাসনে বসাইতে  
 হৃদয়খানি দেব পেতে—  
 অভিষেক করব তোমায় আঁখিজলে।

অগ্রসর হইয়া

কুমারসেন। বন্ধু, আজ কী সংবাদ?  
 কাঠুরিয়া। ভালো নয় প্রভু!  
 জয়সেন কাল রাতে জ্বালায়ে দিয়েছে  
 নন্দীগ্রাম, আজ আসে পাণ্ডুপদ-পানে।  
 কুমারসেন। হায় ভক্ত প্রজা মোর, কেমনে তোদের  
 রক্ষা করি? ভগবান, নিদ্রায় কেন গো  
 নির্দোষ দীনের পরে?

সুদূর প্রাচীর

কাঠুরিয়া। জননী, এনোঁছ  
 কাষ্ঠভার, রাখি শ্রীচরণে।  
 সুদূর। বেঁচে থাকো।

মধুজীবীর প্রবেশ

কুমারসেন। কী সংবাদ ?  
 মধুজীবী। সাবধানে থেকো যুবরাজ !  
 তোমারে যে ধরে দেবে জীবিত কি মৃত  
 পুরস্কার পাইবে সে, ঘোষণা করেছে  
 যুধাজিৎ। বিশ্বাস কোরো না কারে প্রভু !  
 কুমারসেন। বিশ্বাস করিয়া মরা ভালো। অবিশ্বাস  
 কাহারে করিব ? তোরা সব অনুরক্ত  
 বন্ধু মোর সরলহৃদয়।  
 মধুজীবী। মা-জননী,  
 এনেছি সপ্তয় করে কিছু বনমধু—  
 দয়া করে করো মা গ্রহণ।  
 সন্মিগ্রা। ভগবান  
 মঙ্গল করুন তোর !

[মধুজীবীর প্রস্থান]

শিকারীর প্রবেশ

শিকারী। জয় হোক প্রভু !  
 ছাগ-শিকারের তরে যেতে হবে দূর  
 গিরিদেশে, দুর্গম সে পথ। তব পদে  
 প্রণাম করিয়া যাব। জয়সেন গৃহ  
 মোর দিয়েছে জ্বালায়ে !

কুমারসেন। ধিক্ সে পিশাচ !  
 শিকারী। আমরা শিকারী। যতদিন বন আছে  
 আমাদের কে পারে করিতে গৃহহীন ?  
 কিছু খাদ্য এনেছি জননী, দরিদ্রের  
 তুচ্ছ উপহার। আশীর্বাদ করো যেন  
 ফিরে এসে আমাদের যুবরাজে দেখি  
 সিংহাসনে।

বাহু বাড়াইয়া

কুমারসেন। এসো তুমি, এসো আলিঙ্গনে।

[শিকারীর প্রস্থান]

ওই দেখো পল্লব ভেদিয়া পড়িতেছে  
 রবিকররেখা। যাই নির্ঝরির ধারে,  
 স্নানসন্ধ্যা করি সমাপন। শিলাতটে  
 বসে বসে কতক্ষণ দেখি আপনার  
 ছায়া, আপনারে ছায়া বলে মনে হয়।  
 নদী হয়ে গেছে চলে এই নির্ঝরিণী  
 গ্রিচুড়-প্রমোদবন দিয়ে। ইচ্ছা করে  
 ছায়া মোর ভেসে যায় স্রোতে, যেথা সেই  
 সন্ধ্যাবেলা বসে থাকে তীরতরুতলে

ইলা—তার স্নান ছায়াখানি সঙ্গে নিয়ে  
চিরকাল ভেসে যায় সাগরের পানে।  
থাক্ থাক্ কল্পনা-স্বপন। চলো বোন,  
যাই নিত্য কাজে। ওই শোনো চারি দিকে  
অরণ্য উঠেছে জেগে বিহঙ্গের গানে।

### সপ্তম দৃশ্য

ত্রিচূড়। প্রমোদবন

বিক্রমদেব ও অমররাজ

অমররাজ। তোমারে করিন্দু সমর্পণ যাহা আছে  
মোর। তুমি বীর, তুমি রাজ-অধিরাজ।  
তব যোগ্য কন্যা মোর, তারে লহো তুমি।  
সহকার মাধবিকা-লতার আশ্রয়।  
ক্ষণেক বিলম্ব করো, মহারাজ, তারে  
দিই পাঠাইয়া।

[ প্রস্থান

বিক্রমদেব। কী মধুর শান্তি হেথা!  
চিরন্তন অরণ্য আবাস, স্নুখস্নুপ্ত  
ঘনচ্ছায়া, নির্ঝরিত নীরন্তরধ্বনি।  
শান্তি যে শীতল এত, এমন গম্ভীর,  
এমন নিস্তব্ধ তবু এমন প্রবল,  
উদার সমুদ্র-সম, বহুদিন ভুলে  
ছিলাম যেন। মনে হয়, আমার প্রাণের  
অনন্ত অনলদাহ সেও যেন হেথা  
হারাইয়া ডুবে যায়, না থাকে নির্দেশ—  
এত ছায়া, এত স্থান, এত গভীরতা!  
এমনি নিভৃত স্নুখ ছিল আমাদের—  
গেল কার অপরাধে? আমার কি তার?  
যারই হোক—এ জনমে আর কি পাব না?  
যাও তবে! একেবারে চলে যাও দূরে!  
জীবনে থেকে না জেগে অন্ততাপ রূপে!  
দেখা যাক যদি এইখানে—সংসারের  
নির্জন নেপথ্যদেশে পাই নব প্রেম,  
তেমনি অতলস্পর্শ, তেমনি মধুর।

সখীর সহিত ইলার প্রবেশ  
এ কী অপরাধ মর্দুতি! চরিতার্থ আমি।  
আসন গ্রহণ করো দেবী! কেন মৌন,  
নতশির, কেন স্তানমুখ, দেহলতা  
কম্পিত কাতর? কিসের বেদনা তব?

নতজানু

ইলা। শুনিয়েছি মহারাজ-অধিরাজ তুমি  
সসাগরা ধরণীর পতি। ভিক্ষা আছে  
তোমার চরণে।

বিক্রমদেব। উঠ উঠ হে সুন্দরী!  
তব পদস্পর্শযোগ্য নহে এ ধরণী,  
তুমি কেন ধুলায় পতিত? চরাচরে  
কিবা আছে অদেয় তোমারে?

ইলা। মহারাজ,  
পিতা মোরে দিয়াছেন সর্পি তব হাতে;  
আপনারে ভিক্ষা চাহি আমি। ফিরাইয়া  
দাও মোরে। কত ধন রত্ন রাজ্য দেশ  
আছে তব, ফেলে রেখে যাও মোরে এই  
ভূমিতলে। তোমার অভাব কিছু নাই।

বিক্রমদেব। আমার অভাব নাই? কেমনে দেখাব  
গোপন হৃদয়? কোথা সেথা ধনরত্ন?  
কোথা সসাগরা ধরা? সব শূন্যময়।  
রাজ্যধন না থাকিত যদি, শূন্য তুমি  
থাকিতে আমার—

উঠিয়া

ইলা। লহো তবে এ জীবন।  
তোমরা যেমন ক'রে বনের হরিণী  
নিয়ে যাও, বদকে তার তীক্ষ্ণ তীর বিধে,  
তেমনি হৃদয় মোর বিদীর্ণ করিয়া  
জীবন কাড়িয়া আগে, তার পরে মোরে  
নিয়ে যাও।

বিক্রমদেব। কেন দেবী, মোর 'পরে এত  
অবহেলা? আমি কি নিতান্ত তব যোগ্য  
নহি? এত রাজ্য দেশ করিলাম জয়,  
প্রার্থনা করেও আমি পাব না কি তব  
হৃদয় তোমার?

ইলা। সে কি আর আছে মোর?  
সমস্ত সপেছি যারে, বিদায়ের কালে  
হৃদয় সে নিয়ে চলে গেছে, বলে গেছে—

ফিরে এসে দেখা দেবে এই উপবনে।  
কতদিন হল; বনপ্রান্তে দিন আর  
কাটে নাকো। পথ চেয়ে সদা পড়ে আছি;  
যদি এসে দেখিতে না পায়, ফিরে যায়,  
আর যদি ফিরিয়া না আসে! মহারাজ,  
কোথা নিয়ে যাবে? রেখে যাও তার তরে  
যে আমরা ফেলে রেখে গেছে।

বিক্রমদেব।

না জানি সে

কোন ভাগ্যবান! সাবধান, অতিপ্রেম  
সহে না বিধির। শুন তবে মোর কথা।  
এক কালে চরাচর তুচ্ছ করি আমি  
শুধু ভালোবাসিতাম; সে প্রেমের পরে  
পড়িল বিধির হিংসা, জেগে দেখিলাম  
চরাচর পড়ে আছে, প্রেম গেছে ভেঙে।  
বসে আছি যার তরে কী নাম তাহার?  
ইলা। কাশ্মীরের যুবরাজ—কুমার তাহার  
নাম।

বিক্রমদেব।

কুমার!

ইলা।

তারে জান তুমি! কেই বা  
না জানে! সমস্ত কাশ্মীর তারে দিয়েছে  
হৃদয়।

বিক্রমদেব।

কুমার? কাশ্মীরের যুবরাজ?

ইলা।

সেই বটে মহারাজ! তার নাম সদা  
ধ্বনিছে চৌদিকে। তোমারি সে বন্ধু বন্ধি!  
মহৎ সে, ধরণীর যোগ্য অধিপতি।

বিক্রমদেব।

তাহার সৌভাগ্যবিগে গেছে অস্তাচলে,  
ছাড়া তার আশা। শিকারের মৃগ-সম  
সে আজ তাড়িত, ভীত, আশ্রয়বিহীন,  
গোপন অরণ্যছায়ে রয়েছে লুকায়ে।  
কাশ্মীরের দীনতম ভিক্ষাজীবী আজ  
সুখী তার চেয়ে।

ইলা।

কী বলিলে মহারাজ?

বিক্রমদেব।

তোমরা বসিয়া থাক ধরাপ্রান্তভাগে,  
শুধু ভালোবাস। জান না বাহিরে বিশ্ব  
গরজে সংসার, কর্মস্রোতে কে কোথায়  
ভেসে যায়, ছলছল বিশাল নয়নে  
তোমরা চাহিয়া থাক। বৃথা তার আশা।

ইলা।

সত্য বলো মহারাজ, ছলনা কোরো না।  
জেনো এই অতিক্ষুদ্র রমণীর প্রাণ  
শুধু আছে তারি তরে, তারি পথ চেয়ে।  
কোন গৃহহীন পথে কোন বনমাঝে  
কোথা ফিরে কুমার আমার? আমি যাব,

বলে দাও—গৃহ ছেড়ে কখনো যাই নি—  
কোথা যেতে হবে? কোন্ দিকে, কোন্ পথে?  
বিক্রমদেব। বিদ্রোহী সৈ, রাজসৈন্য ফিরিতেছে সদা  
সন্ধানে তাহার।

ইলা। তোমরা কি বন্ধু নহ  
তার? তোমরা কি রক্ষা করিবে না তারে,  
রাজপুত্র ফিরিতেছে বনে, তোমরা কি  
রাজা হয়ে দেখিবে চাহিয়া? এতটুকু  
দয়া নেই কারো? প্রিয়তম, প্রিয়তম,  
আমি তো জানি নে, নাথ, সংকটে পড়েছ—  
আমি হেথা বসে আছি তোমার লাগিয়া।  
অনেক বিলম্ব দেখে মাঝে মাঝে মনে  
চকিত বিদ্যুৎ-সম বেজেছে সংশয়।—  
শুনোছিলাম এত লোক ভালোবাসে তারে,  
কোথা তারা বিপদের দিনে? তুমি নাকি  
পৃথিবীর রাজা? বিপদের কেহ নহ?  
এত সৈন্য, এত যশ, এত বল নিয়ে  
দূরে বসে রবে? তবে পথ বলে দাও।  
জীবন সর্পিণি একা অবলা রমণী।

বিক্রমদেব। কী প্রবল প্রেম! ভালোবাসো ভালোবাসো  
এমনি সবেগে চিরদিন। যে তোমার  
হৃদয়ের রাজা, শুন্য তারে ভালোবাসো।  
প্রেমস্বর্গচ্যুত আমি, তোমাদের দেখে  
ধন্য হই। দেবী, চাহি নে তোমার প্রেম।  
শুদ্ধ শাখে বসে ফুল, অন্য তরু হতে  
ফুল ছিঁড়ে নিয়ে তারে কেমনে সাজাব?  
আমারে বিশ্বাস করো—আমি বন্ধু তব।  
চলো মোর সাথে, আমি তারে এনে দেব।  
সিংহাসনে বসিয়ে কুমারে, তার হাতে  
সর্পিণি দিব তোমারে কুমারী।

ইলা। মহারাজ,  
প্রাণ দিলে মোরে। যেথা যেতে বল, যাব।  
বিক্রমদেব। এসো তবে প্রস্তুত হইয়া। যেতে হবে  
কাশ্মীরের রাজধানী-মাঝে।

[ ইলা ও সখীর প্রস্থান ]

যুদ্ধ নাহি  
ভালো লাগে। শান্তি আরো অসহ্য শ্বিগুণ।  
গৃহহীন পলাতক, তুমি সখী মোর  
চেয়ে। এ সংসারে যেথা যাও, সাথে থাকে  
রমণীর অনিমেষ প্রেম, দেবতার  
ধ্রুবদৃষ্টি-সম; পবিত্র কিরণে তারি

দীপ্ত পায় বিপদের মেঘ, স্বর্ণময়  
সম্পদের মতো। আমি কোন্ সুখে ফিরি  
দেশ-দেশান্তরে, স্কন্ধে বহে জয়ধ্বজা,  
অন্তরেতে অভিশপ্ত হিংসাতপ্ত প্রাণ।  
কোথা আছে কোন্ স্নিগ্ধ হৃদয়ের মাঝে  
প্রস্ফুটিত শূদ্র প্রেম শিশিরশীতল।  
ধূয়ে দাও, প্রেমময়ী, পুণ্য অশ্রুজলে  
এ মলিন হস্ত মোর রক্তকলুষিত।

প্রহরীর প্রবেশ

প্রহরী। ব্রাহ্মণ এসেছে মহারাজ, তব সাথে  
সাক্ষাতের তরে।  
বিক্রমদেব। নিয়ে এসো, দেখা যাক।

দেবদত্তের প্রবেশ

দেবদত্ত। রাজার দোহাই, ব্রাহ্মণেরে রক্ষা করো।  
বিক্রমদেব। একি! তুমি! কোথা হতে এলে! অননুজ্ঞিত  
দৈব মোর 'পরে! তুমি বন্ধুরত্ন মোর!  
দেবদত্ত। তাই বটে মহারাজ, রত্ন বটে আমি!  
অতি যত্নে বন্ধ করে রেখেছিলে তাই।  
ভাগ্যবলে পলায়েছি খোলা পেয়ে দ্বার!  
আবার দিয়ো না সর্পি প্রহরীর হাতে  
রত্নভ্রমে। আমি শূদ্র বন্ধুরত্ন নহি।  
ব্রাহ্মণীর স্বামীরত্ন আমি। সে কি হয়  
এতদিন বেঁচে আছে আর!  
বিক্রমদেব। একি কথা!  
আমি তো জানি নে কিছ, এতদিন রত্ন  
আছ তুমি!

দেবদত্ত। তুমি কী জানিবে মহারাজ!  
তোমার প্রহরী দুটো জানে। কত শাস্ত্র  
বলি তাহাদের, কত কাব্যকথা, শূনে  
মুখ দুটো হাসে। একদিন বর্ষা দেখে  
বিরহব্যথায় মেঘদূত কাব্যখানা  
শূন্যালেম দোঁহে ডেকে; গ্রাম্য মুখ দুটো  
পড়িল কাতর হয়ে নিদ্রার আবেশে।  
তখনি ধিক্কারভরে কারাগার ছাড়ি  
আসিনু চলিয়া। বেছে বেছে ভালো লোক  
দিয়োঁছিলে বিরহী এ ব্রাহ্মণের 'পরে!  
এত লোক আছে সখা, অধীনে তোমার,  
শাস্ত্র বোঝে এমন কি ছিল না দুজন?  
বিক্রমদেব। বন্ধুবর, বড়ো কষ্ট দিয়েছে তোমারে।  
সমুচিত শাস্তি দিব তারে, যে পাষণ্ড



রেখেছিল রুধিয়া তোমায়। নিশ্চয় সে  
ক্লুরমতি জয়সেন।

দেবদত্ত।

শাস্তি পরে হবে।

আপাতত যুদ্ধ রেখে অবিলম্বে দেশে  
ফিরে চলো। সত্য কথা বলি মহারাজ,  
বিরহ সামান্য ব্যথা নয় এবার তা  
পেরেছি বুদ্ধিতে। আগে আমি ভাবিতাম  
শুদ্ধ বড়ো বড়ো লোক বিরহেতে মরে।  
এবার দেখেছি, সামান্য এ রাক্ষসের  
ছেলে, এরেও ছাড়ে না পঞ্চবাণ: ছোটো  
বড়ো করে না বিচার।

বিক্রমদেব।

যম আর প্রেম

উভয়েরই সমদৃষ্টি সর্বভূতে। বন্ধু,  
ফিরে চলো দেশে। কেবল যাবার আগে  
এক কাজ বাকি আছে। তুমি লহো ভার।  
অরণ্যে কুমারসেন আছে লুকাইয়া,  
হিচুড়রাজের কাছে সন্ধান পাইবে  
সখে, তার কাছে যেতে হবে। বোলো তারে,  
আর আমি শত্রু নহি। অস্ত্র ফেলে দিয়ে  
বসে আছি প্রেমে বন্দী করিবারে তারে।  
আর সখা—আর কেহ যদি থাকে সেথা—  
যদি দেখা পাও আর কারো—

দেবদত্ত।

জানি, জানি—

তাঁর কথা জাগিতেছে হৃদয়ে সতত।  
এতক্ষণ বলি নাই কিছু। মুখে যেন  
সরে না বচন। এখন তাঁহার কথা  
বচনের অতীত হয়েছে। সাধনী তিনি,  
তাই এত দৃঃখ তাঁর। তাঁরে মনে ক'রে  
মনে পড়ে পুণ্যবতী জানকীর কথা।  
চলিলাম তবে।

বিক্রমদেব।

বসন্ত না আসিতেই

আগে আসে দক্ষিণপবন, তার পরে  
পল্লবে কুসুমে বনশ্রী প্রফুল্ল হয়ে  
ওঠে। তোমারে হেরিয়া আশা হয় মনে,  
আবার আসিবে ফিরে সেই পুরাতন  
দিন মোর, নিয়ে তার সব সুখভার।

## অষ্টম দৃশ্য

অরণ্য

কুমারের দুইজন অনুচর

প্রথম। হ্যা দেখ্ মাধব, কাল যে স্বপ্নটা দেখলুম তার কোনো মানে ভেবে পাচ্ছি নে। শহরে গিয়ে দৈবীজ্ঞ ঠাকুরের কাছে গদ্বনিয়ে নিয়ে আসতে হবে।

দ্বিতীয়। কী স্বপ্নটা বল্ তো শূনি।

প্রথম। যেন এক জন মহাপুরুষ ঐ জল থেকে উঠে আমাদের তিনটে বড়ো বড়ো বেল দিতে এল। আমি দুটো দু হাতে নিলুম, আর-একটা কোথায় নেব ভাবনা পড়ে গেল।

দ্বিতীয়। দু মূর্খ, তিনটেই চাদরে বেঁধে নিতে হয়।

প্রথম। আরে, জেগে থাকলে তো সকলেরই বুদ্ধি জোগায়—সে সময়ে তুই কোথায় ছিলা? তার পর শোন্-না; সেই বাকি বেলটা মাটিতে পড়েই গড়াতে আরম্ভ করলে, আমি তার পিছন পিছন ছুটলুম। হঠাৎ দেখি যুবরাজ অশততলায় বসে আঁহিক করছেন। বেলটা ধপ্ করে তাঁর কোলের উপরে গিয়ে লাফিয়ে উঠল। আমার ঘুম ভেঙে গেল।

দ্বিতীয়। এটা আর বুঝতে পারছি নে? যুবরাজ শিগুগির রাজা হবে।

প্রথম। আমিও তাই ঠাউরেছিলুম। কিন্তু আমি যে দুটো বেল পেলুম, আমার কী হবে?

দ্বিতীয়। তোর আবার হবে কী? তোর খেতে বেগুন বেশি করে ফলবে।

প্রথম। না ভাই, আমি ঠাউরে রেখেছি আমার দুই পুত্র-সন্তান হবে।

দ্বিতীয়। হ্যা দেখ্ ভাই, বললে পুত্র যাবি নে, কাল ভারি আশ্চর্য কাণ্ড হয়ে গেছে। ঐ জলের ধারে বসে রামচরণে আমাতে চিড়ে ভিজিয়ে খাচ্ছিলুম; তা আমি কথায় কথায় বললুম, আমাদের দোবেজী গুনে বলেছে যুবরাজের ফাঁড়া প্রায় কেটে এসেছে। আর দেরি নেই। এবার শিগুগির রাজা হবে। হঠাৎ মাথার উপর কে তিন বার বলে উঠল 'ঠিক ঠিক ঠিক'। উপরে চেয়ে দেখি ডুমুরের ডালে এতবড়ো একটা টিকটিকি!

রামচরণের প্রবেশ

প্রথম। কী খবর রামচরণ?

রামচরণ। ওরে ভাই, আজ একটা ব্রাহ্মণ এই বনের আশেপাশে যুবরাজের সন্ধান নিয়ে ফিরছিল। আমাদের ঘুরিয়ে ফিরিয়ে কত কথাই জিজ্ঞেসা করলে। আমি তেমনি বোকা আর-কি! আমিও ঘুরিয়ে ফিরিয়ে জবাব দিতে লাগলুম। অনেক খোঁজ করে শেষকালে চলে গেল। তাকে আমি চিত্তলের রাস্তা দেখিয়ে দিলুম। ব্রাহ্মণ না হলে তাকে আজ আর আমি আস্ত রাখতুম না।

দ্বিতীয়। কিন্তু তা হলে তো এ বন ছাড়তে হচ্ছে। বোটারা সন্ধান পেয়েছে দেখছি।

প্রথম। এইখানে বসে পড়ো-না ভাই রামচরণ—দুটো গল্প করা যাক।

রামচরণ। যুবরাজের সঙ্গে আমাদের মা-ঠাকরুন এই দিকে আসছেন। চল্ ভাই তফাতে গিয়ে বসি গে।

[ প্রস্থান

কুমারসেন ও সন্মিতার প্রবেশ

কুমারসেন। শংকর পড়েছে ধরা। রাজ্যের সংবাদ  
 নিতে গিয়েছিল বৃন্দ, গোপনে ধরিয়া  
 ছদ্মবেশ। শত্রুচর ধরেছে তাহারে।  
 নিয়ে গেছে জয়সেন-কাছে। শূনিয়াছি

চলিতেছে নিষ্ঠুর পীড়ন তার 'পরে—  
 তব্দ সে অটল! একটি কথাও তারা  
 পারে নাই মৃখ হতে করিতে বাহির।  
 সন্মিত্রা। হায় বৃদ্ধ প্রভুবৎসল! প্রাণাধিক  
 ভালোবাস যারে সেই কুমারের কাজে  
 সঁপি দিলে তোমার কুমারগত প্রাণ।  
 কুমারসেন। এ সংসারে সব চেয়ে বৃদ্ধ সে আমার,  
 আজন্মের সখা। আপনার প্রাণ দিয়ে  
 আড়াল করিয়া, চাহে সে রাখিতে মোরে  
 নিরাপদে। অতিবৃদ্ধ ক্ষীণ জীর্ণ দেহ,  
 কেমনে সে সহিছে যন্ত্রণা! আমি হেথা  
 সন্ধে আছি লুকায়ে বসিয়া!  
 সন্মিত্রা। আমি যাই  
 ভাই! ভিখারিনীবেশে সিংহাসনতলে  
 গিয়া শংকরের প্রাণভিক্ষা মেগে আসি।  
 কুমারসেন। বাহির হইতে তারা আবার তোমারে  
 দিবে ফিরাইয়া। তোমার পিতার রাজ্য  
 হবে নতশির। বজ্রসম বাজবে সে  
 মর্মে গিয়ে মোর।

চরের প্রবেশ

চর। গত রাত্রে গিধুকুটে  
 জ্বালায়ে দিয়েছে জয়সেন। গৃহহীন  
 গ্রামবাসীগণ আশ্রয় নিয়েছে গিয়ে  
 মন্দদুর অরণ্য-মাঝে।

[ প্রস্থান

কুমারসেন। আর তো সহ্য না।  
 ঘৃণা হয় এ জীবন করিতে বহন  
 সহস্রের জীবন করিয়া ক্ষয়।

সন্মিত্রা। চলো  
 মোরা দুই জনে যাই রাজসভা-মাঝে—  
 দেখিব কেমনে, কোন্ ছলে, জালন্ধর  
 স্পর্শ করে কেশ তব।

কুমারসেন। শংকর বলিত,  
 'প্রাণ যায় সেও ভালো, তব্দ বন্দীভাবে  
 কখনো দিয়ো না ধরা।' পিতৃসিংহাসনে  
 বসি বিদেশের রাজা দণ্ড দিবে মোরে  
 বিচারের ছল করি, এ কি সহ্য হবে?  
 অনেক সহিছি বোন, পিতৃপদ্রুষের  
 অপমান সহিব কেমনে!

সন্মিত্রা। তার চেয়ে  
 মৃত্যু ভালো।

কুমারসেন।

বলো বোন, বলো, 'তার চেয়ে মৃত্যু ভালো।' এই তো তোমার যোগ্য কথা। তার চেয়ে মৃত্যু ভালো! ভালো করে ভেবে দেখো—বেঁচে থাকা ভীরুতা কেবল। বলো, এ কি সত্য নয়? থেকে না নীরব হয়ে, বিষাদ-আনত নেড়ে চেয়ো না ভুতলে। মদ্য তোলো, স্পষ্ট করে বলো একবার, ঘৃণিত এ প্রাণ লয়ে লুকায় লুকায় নিশিদিন মরে থাকা, এক দণ্ড এ কি উচিত আমার?

সুমিত্রা।

ভাই—

কুমারসেন।

আমি রাজপুত্র—

ছারখার হয়ে যায় সোনার কাশ্মীর,  
পথে পথে বনে বনে ফিরে গৃহহীন  
প্রজা, কেঁদে মরে পতিপুত্রহীনা নারী,  
তবু আমি কোনোমতে বাঁচিব গোপনে?

সুমিত্রা।

তার চেয়ে মৃত্যু ভালো।

কুমারসেন।

বলো, তাই বলো।

ভক্ত যারা অনুরক্ত মোর—প্রতিদিন  
সর্পিছে আপন প্রাণ নির্যাতন সহি।  
তবু আমি তাহাদের পশ্চাতে লুকায়  
জীবন করিব ভোগ! এ কি বেঁচে থাকা!

সুমিত্রা।

এর চেয়ে মৃত্যু ভালো।

কুমারসেন।

বাঁচিলাম শত্নে।

কোনোমতে রেখেছি নু তোমারি লাগিয়া  
এ হীন জীবন, প্রত্যেক নিশ্বাসে মোর  
নির্দোষের প্রাণবায়ু করিয়া শোষণ।—  
আমার চরণ ছুঁয়ে করহ শপথ  
যে কথা বলিব তাহা করিবে পালন  
যতই কঠিন হোক।

সুমিত্রা।

করিনু শপথ।

কুমারসেন।

এ জীবন দিব বিসর্জন। তার পরে  
তুমি মোর ছিন্নমুণ্ড নিয়ে, নিজ হস্তে  
জালন্ধর-রাজ-করে দিবে উপহার।  
বলিয়ো তাহারে—'কাশ্মীরে অতিথি তুমি;  
ব্যাকুল হয়েছ এত যে দ্রব্যের তরে  
কাশ্মীরের যুবরাজ দিতেছেন তাহা  
অতিথ্যের অর্ঘ্যরূপে তোমারে পাঠায়ো।'  
মৌন কেন বোন? সঘনে কাঁপছে কেন  
চরণ তোমার? বোসো এই তরুতলে।  
পারিবে না তুমি? একান্ত অসাধ্য এ কি?  
তবে কি ভূত্যের হস্তে পাঠাইতে হবে

তুচ্ছ উপহার-সম এ রাজমস্তক?  
সমস্ত কাশ্মীর তারে ফেলিবে যে রোষে  
ছিন্নভিন্ন করি।

সুদামিতার মূর্ছা

ছি ছি বোন! উঠ, উঠ!

পাষাণে হৃদয় বাঁধো। হোয়ো না বিহবল।  
দুঃসহ এ কাজ—তাই তো তোমার 'পরে  
দিতেছি দুরূহ ভার। অয়ি প্রাণাধিকে,  
মহৎহৃদয় ছাড়া কাহার সর্হিবে  
জগতের মহাক্লেশ যত? বলো বোন,  
পারিবে করিতে?

সুদামিতা।

পারিব।

কুমারসেন।

দাঁড়াও তবে।

ধরো বল, তোলো শির। উঠাও জাগায়ে  
সমস্ত হৃদয়-মন। ক্ষুদ্রনারী-সম  
আপন বেদনাভারে পোড়ো না ভাঙিয়া।  
অভাগিনী ইলা!

সুদামিতা।

কুমারসেন।

তারে কি জানি নে আমি?

হেন অপমান লয়ে সে কি মোরে কভু  
বাঁচিতে বলিত? সে আমার ধ্রুবতারা  
মহৎমূর্ত্তুর দিকে দেখাইছে পথ।  
কাল পূর্ণিমার তিথি মিলনের রাত।  
জীবনের গ্লানি হতে মুক্ত ধৌত হয়ে  
চিরমিলনের বেশ করিব ধারণ।  
চলো বোন, আগে হতে সংবাদ পাঠাই  
দুঃতমুখে রাজসভা-মাঝে—কাল আমি  
যাব ধরা দিতে। তাহা হলে অবিলম্বে  
শংকর পাইবে ছাড়া—বান্ধব আমার।

নবম দৃশ্য

কাশ্মীর। রাজসভা

বিক্রমদেব ও চন্দ্রসেন

বিক্রমদেব। আর্ষ, তুমি কেন আজ নীরব এমন?  
মার্জনা তো করেছি কুমারে।

চন্দ্রসেন।

তুমি তারে

মার্জনা করেছ। আমি তো এখনো তার  
বিচার করি নি। বিদ্রোহী সে মোর কাছে।  
এবার তাহার শাস্তি দিব।

বিক্রমদেব। কোন শাস্তি  
করিয়াছ স্থির?  
চন্দ্রসেন। সিংহাসন হতে তারে  
করিব বশিত।  
বিক্রমদেব। অতি অসম্ভব কথা।  
সিংহাসন দিব তারে নিজ হস্তে আমি।  
চন্দ্রসেন। কাশ্মীরের সিংহাসনে তোমার কী আছে  
অধিকার?  
বিক্রমদেব। বিজয়ীর অধিকার।  
চন্দ্রসেন। তুমি  
হেথা আছ বন্ধুভাবে অতিথির মতো।  
কাশ্মীরের সিংহাসন কর নাই জয়।  
বিক্রমদেব। বিনা যুদ্ধে করিয়াছে কাশ্মীর আমারে  
আত্মসমর্পণ। যুদ্ধ চাও যুদ্ধ করো,  
রয়েছি প্রস্তুত। আমার এ সিংহাসন।  
যারে ইচ্ছা দিব।  
চন্দ্রসেন। তুমি দিবে! জানি আমি  
গর্বিত কুমারসেনে জন্মকাল হতে।  
সে কি লবে আপনার পিতৃসিংহাসন  
ভিক্ষার স্বরূপে? প্রেম দাও প্রেম লবে,  
হিংসা দাও প্রতিহিংসা লবে, ভিক্ষা দাও  
ঘৃণাভরে পদাঘাত করিবে তাহাতে।  
বিক্রমদেব। এত গর্ব যদি তার, তবে সে কি কভু  
ধরা দিতে মোর কাছে আপনি আসিত?  
চন্দ্রসেন। তাই ভাবিতেছি, মহারাজ, নহে ইহা  
কুমারসেনের মতো কাজ। দৃপ্ত যুবা  
সিংহসম। সে কি আজ স্বেচ্ছায় আসিবে  
শৃঙ্খল পরিতে গলে? জীবনের মায়া  
এতই কি বলবান?

প্রহরীর প্রবেশ

প্রহরী। শিবিকার দ্বার

রুদ্ধ করি প্রাসাদে আসিছে যুবরাজ।

বিক্রমদেব। শিবিকার দ্বার রুদ্ধ?

চন্দ্রসেন। সে কি আর কভু  
দেখাইবে মুখ? আপনার পিতৃরাজ্যে  
আসিছে সে স্বেচ্ছাবন্দী হয়ে; রাজপথে  
লোকারণ্য চারি দিকে, সহস্রের আঁখি  
রয়েছে তাকায়। কাশ্মীরললনা যত  
গবাক্ষে দাঁড়ায়। উৎসবের পূর্ণচন্দ্র  
চেয়ে আছে আকাশের মাঝখান হতে।  
সেই চিরপরিচিত গৃহ পথ হাট

সরোবর মন্দির কানন, পরিচিত  
প্রত্যেক প্রজার মূখ। কোন্ লাজে আজি  
দেখা দিবে সব্বারে সে? মহারাজ, শোনো  
নিবেদন। গীতবাদ্য বন্ধ করে দাও।  
এ উৎসব উপহাস মনে হবে তার।  
আজ রাত্রে দীপালোক দেখে ভাবিবে সে,  
নিশীথান্ধিমিরে পাছে লজ্জা ঢাকা পড়ে  
তাই এত আলো। এ আলোক শূদ্ধ বুদ্ধি  
অপমানপিপাচের পরিহাসহাসি।

দেবদত্তের প্রবেশ

দেবদত্ত। জয়োস্তু রাজন্! কুমারের অন্ত্রেষণে  
বনে বনে ফিরিয়াছি, পাই নাই দেখা।  
আজ শূন্যলিঙ্গ নাকি আসিছেন তিনি  
স্বৈচ্ছায় নগরে ফিরি। তাই চলে এনু।  
বিক্রমদেব। করিব রাজার মতো অভ্যর্থনা তারে।  
তুমি হবে পুরোহিত অভিষেককালে।  
পূর্ণিমানিশীথে আজ কুমারের সনে  
ইলার বিবাহ হবে, করেছি তাহার

নগরের ব্রাহ্মণগণের প্রবেশ

সকলে। মহারাজ, জয় হোক।  
প্রথম। করি  
আশীর্বাদ, ধরণীর অধীশ্বর হও।  
লক্ষ্মী হোন অচলা তোমার গৃহে সদা।  
আজ যে আনন্দ তুমি দিয়েছ সব্বারে  
বলিতে শক্তি নাই—লহো মহারাজ,  
কৃতজ্ঞ এ কাশ্মীরের কল্যাণ-আশিস্।

রাজার মস্তকে ধান্যদর্বা দিয়া আশীর্বাদ

বিক্রমদেব। ধন্য আমি কৃতার্থ জীবন।

[ ব্রাহ্মণগণের প্রস্থান

যাঁটহস্তে কণ্ঠে শংকরের প্রবেশ

চন্দ্রসেনের প্রতি

শংকর। মহারাজ!

এ কি সত্য? যুবরাজ আসিছেন নিজে  
শত্রুকরে করিবারে আত্মসমর্পণ?  
বলো, এ কি সত্য কথা?

চন্দ্রসেন। সত্য বটে।

শংকর। ধিক্,

সহস্র মিথ্যার চেয়ে এই সত্যে ধিক্!

হায় যুবরাজ, বৃন্দ ভূত্য আমি তব,  
 সহিলাম এত বে যন্ত্রণা, জীর্ণ অস্থি  
 চূর্ণ হয়ে গেল, মৃকসম রহিলাম  
 তব, সে কি এরি তরে? অবশেষে তুমি  
 আপনি ধরিলে বন্দীবেশ, কাশ্মীরের  
 রাজপথ দিয়ে চলে এলে নতশিরে  
 বন্দীশালা-মাঝে? এই কি সে রাজসভা  
 পিতামহদের? যেথা বসি পিতা তব  
 উঠিতেন ধরণীর সর্বোচ্চ শিখরে  
 সে আজ তোমার কাছে ধরার ধূলার  
 চেয়ে নীচে! তার চেয়ে নিরাশ্রয় পথ  
 গৃহতুলা, অরণ্যের ছায়া সমুজ্জ্বল,  
 কঠিনপর্বতশৃঙ্গ অনূর্বরমর  
 রাজার সম্পদে পূর্ণ। চিরভূত্য তব  
 আজি দুর্দিনের আগে মরিল না কেন?  
 বিক্রমদেব। ভালো হতে মন্দটুকু নিয়ে, বৃন্দ, মিছে  
 এ তব ক্রন্দন।

শংকর। রাজন, তোমার কাছে  
 আসি নি কাঁদিতে। স্বর্গীয় রাজেন্দ্রগণ  
 রয়েছেন জাগি ওই সিংহাসন-কাছে,  
 আজি তাঁরা স্নানমুখ, লজ্জানতশির,  
 তাঁরা বদ্বিবেন মোর হৃদয়বেদনা।  
 বিক্রমদেব। কেন মোরে শত্রু বলে করিতেছ ভ্রম?  
 মিত্র আমি আজি।

শংকর। অতিশয় দয়া তব  
 জালন্ধরপতি! মার্জনা করেছ তুমি!  
 দণ্ড ভালো মার্জনার চেয়ে।

বিক্রমদেব। এর মতো  
 হেন ভক্ত বৃন্দ হায় কে আমার আছে?  
 দেবদত্ত। আছে বৃন্দ, আছে মহারাজ!

বাহিরে হৃদধর্নি, শঙ্খধর্নি, কোলাহল  
 শংকরের দুই হস্তে মুখ আচ্ছাদন

প্রহরীর প্রবেশ  
 প্রহরী। আসিয়াছে  
 দুয়ারে শিবিকা।  
 বিক্রমদেব। বাদ্য কোথা, বাজাইতে  
 বলো। চলো সখা, অগ্রসর হয়ে তারে  
 অভ্যর্থনা করি।



সভামধ্যে শিবিকার প্রবেশ

অগ্রসর হইয়া

বিক্রমদেব। এসো, এসো, বন্ধু এসো।

স্বর্ণথালে ছিন্নমুণ্ড লইয়া সন্মিতার শিবিকাবাহিরে  
আগমন। সহসা সমস্ত বাদ্য নীরব

বিক্রমদেব। সন্মিতা! সন্মিতা!

চন্দ্রসেন।

সন্মিতা।

এ কী, জননী সন্মিতা!

ফিরেছ সন্ধানে যার রাত্রিদিন ধরে  
কাননে কান্তারে শৈলে রাজ্য ধর্ম দয়া  
রাজলক্ষ্মী সব বিসর্জিয়া, যার লাগি  
দিগ্বিদিকে হাহাকার করেছ প্রচার,  
মূল্য দিয়ে চেয়েছিলে কিনিবারে যারে,  
লহো মহারাজ, ধরণীর রাজবংশে  
শ্রেষ্ঠ সেই শির। আতিথ্যের উপহার  
আপনি ভেটিলা যুবরাজ। পূর্ণ তব  
মনস্কাম। এবে শান্তি হোক, শান্তি হোক  
এ জগতে, নিবে যাক নরকাগ্নিরাশি—  
সুখী হও তুমি।

উদ্বাস্বরে

মা গো জগৎজননী,

দয়াময়ী, স্থান দাও কোলে।

! পতন ও মৃত্যু

ছুটিয়া ইলার প্রবেশ

ইলা।

এ কী! এ কী!

মহারাজ, কুমার আমার—

[মৃত্যু]

অগ্রসর হইয়া

শংকর।

প্রভু, স্বামী,

বৎস, প্রাণাধিক, বৃন্দের জীবনধন,  
এই ভালো, এই ভালো! মৃকুট পরেছ  
তুমি, এসেছ রাজার মতো আপনার  
সিংহাসনে। মৃত্যুর অমর রশ্মিরেখা  
উজ্জ্বল করেছে তব ভাল। এতদিন  
এ বৃন্দে রেখেছিল বিধি, আজি তব  
এ মহিমা দেখাবার তরে। গেছ তুমি  
পুণ্যধামে—ভূত্য আমি চিরজনমের  
আমিও যাইব সাথে।

মাথা হইতে মৃকুট ভূমে ফেলিয়া  
 চন্দ্রসেন।                      ধিক্ এ মৃকুট!  
 ধিক্ এই সিংহাসন!

[ সিংহাসনে পদাঘা

রেবতীর প্রবেশ  
    রাক্ষসী, পিশাচী,  
 দূরে হ, দূর হ—আমারে দিস নে দেখা  
 পাপীয়সী!  
 রেবতী।                      এ রোষ রবে না চিরদিন।

[ প্রস্থান

নতজান্দ  
 বিক্রমদেব।    দেবী, যোগ্য নহি আমি তোমার প্রেমের,  
                          তাই বলে মার্জনাও করিলে না? রেখে  
                          গেলে চির অপরাধী করে? ইহজন্ম  
                          নিত্য অশ্রুজলে লইতাম ভিক্ষা মাগি  
                          ক্ষমা তব; তাহারও দিলে না অবকাশ?  
                          দেবতার মতো তুমি নিশ্চল নিষ্ঠুর,  
                          অমোঘ তোমার দণ্ড, কঠিন বিধান!

# বিসর্জন

প্রকাশ : ১৮৯০

‘স্বর্জিত’ উপন্যাসের প্রথমাংশ হইতে নাট্যাকারে রচিত’ বিসর্জন (১২৯৭) ধ্রুবর দ্বিদি হাসি ও অপর্ণার বৃন্দ অন্ধ পিতা চরিত্র দুটি বর্জিত হয়ে এবং বহুবিধ সংস্কারের পর কাব্যগ্রন্থাবলীতে (১৩০৩) গৃহীত হয়। ১৩০৬ বঙ্গাব্দে প্রচারিত ‘দ্বিতীয় সংস্করণ’ মোটামুটিভাবে কাব্যগ্রন্থাবলীর পাঠের অনুসরণ। ১৩৩৩ বঙ্গাব্দে প্রচারিত সংস্করণে হাসি চরিত্র পুনর্গৃহীত হলেও, পরবর্তীকালে রবীন্দ্রনাথ কাব্যগ্রন্থাবলী ও দ্বিতীয় সংস্করণের আধারে যে পাঠ প্রণয়ন করেন বর্তমান সংস্করণ তারই অনুসারী।

১৯০৬ সালে শান্তিনিকেতনের ছাত্রদের জন্য কবি-কৃত স্মৃতিচরিত্র-বর্জিত সংক্ষেপিত একটি সংস্করণ পরবর্তীকালে (১৯৬১) গ্রন্থাকারে প্রচারিত হয়।

## উৎসর্গ

শ্রীমান সুরেন্দ্রনাথ ঠাকুর প্রাণাধিকেষু

তোরি হাতে বাঁধা খাতা, তারি শ-খানেক পাতা  
অক্ষরেতে ফেলিয়াছি ঢেকে,  
মস্তিষ্ককোটরবাসী চিন্তাকীট রাশি রাশি  
পদচিহ্ন গেছে যেন রেখে।

প্রবাসে প্রতাহ তোরে হৃদয়ে স্মরণ করে  
লিখিয়াছি নিজর্ন প্রভাতে,  
মনে করি অবশেষে শেষ হলে ফিরে দেশে  
জন্মদিনে দিব তোর হাতে।

বর্ণনাট্য করি শোন— একা আমি, গৃহকোণ,  
কাগজ-পতুর ছড়াছড়ি।  
দশ দিকে বইগুদুলি সপ্তয় করিছে ধূলি,  
আলস্যে যেতেছে গড়াগড়ি।  
শয্যাহীন খাটখানা এক পাশে দেয় থানা  
প্রকাশিয়া কাঠের পাজির।  
তারি 'পরে' অবিচারে যাহা-তাহা ভারে ভারে  
স্তম্ভপাকারে সহে অনাদর।

চেয়ে দেখি জানালায় খালখানা শূন্যপ্রায়,  
মাঝে মাঝে বেধে আছে জল,  
এক ধারে রাশ রাশ অধর্মগ্ন দীর্ঘ বাঁশ,  
তারি 'পরে' বালকের দল।  
ধরে মাছ, মারে ঢেলা— সারাদিন করে খেলা  
উভচর মানবশাবক।  
মেয়েরা মার্জিছে গাছ অথবা কাঁসার পাঠ  
সোনার মতন ঝক্ ঝক্।

উত্তরে যেতেছে দেখা পড়েছে পথের রেখা  
শূন্য সেই জলপথ-মাঝে—  
বহু কণ্ঠে ডাক ছাড়ি চলেছে গোরুর গাড়ি,  
ঝিনি ঝিনি ঘণ্টা তারি বাজে।  
কেহ দ্রুত কেহ ধীরে কেহ যায় নতশিরে,  
কেহ যায় বুক ফুলাইয়া,  
কেহ জীর্ণ টাট্ট চড়ি চলিয়াছে তড়বড়ি  
দুই ধারে দু-পা দুলাইয়া।

পরপারে গায়ে গায় অদ্রভেদী মহাকায়  
 স্তম্ভচ্ছায় বট-অশথেরা,  
 স্নিগ্ধ বন-অঙ্কে তারি স্নাতপ্রায় সারি সারি  
 কুণ্ডেগদুলি বেড়া দিয়ে ঘেরা—  
 বিহঙ্গে মানবে মিলি আছে হোথা নিরিবিলি,  
 ঘনশ্যাম পল্লবের ঘর—  
 সন্ধ্যাবেলা হোথা হতে ভেসে আসে বায়ুজ্যোতে  
 গ্রামের বিচিত্র গীতস্বর।

পূর্বপ্রান্তে বনশিরে সূর্যোদয় ধীরে ধীরে,  
 চারি দিকে পাখির কুজন।  
 শঙ্খঘণ্টা ক্ষণপরে দূর মন্দিরের ঘরে  
 প্রচারিছে শিবের পূজন।  
 যে প্রত্যুষে মধুমাছি বাহিরায় মধু যাচি  
 কুসুমকুঞ্জের দ্বারে দ্বারে  
 সেই ভোরবেলা আমি মানসকুহরে নামি  
 আয়োজন করি লিখিবারে।

লিখিতে লিখিতে মাঝে পাখি-গান কানে বাজে,  
 মনে আনে কাল পুরাতন—  
 ওই গান, ওই ছবি, তরুশিরে রাঙা রবি  
 ওরা প্রকৃতির নিত্যধন।  
 আদিকবি বাল্মীকিরে এই সমীরণ ধীরে  
 ভীষ্ণুভরে করেছে বীজন,  
 ওই মায়াচিত্রবৎ তরুলতা ছায়াপথ  
 ছিল তাঁর পুণ্য তপোবন।

রাজধানী কলিকাতা তুলেছে স্পর্ধিত মাথা,  
 পুরাতন নাহি ঘেঁষে কাছে।  
 কাস্ট লোন্স্ট চারি দিক, বর্তমান-আধুনিক  
 আড়ষ্ট হইয়া যেন আছে।  
 ‘আজ’ ‘কাল’ দুটি ভাই মরিতেছে জন্মিয়াই,  
 কলরব করিতেছে কত।  
 নিশিদিন ধূলি পড়ে দিতেছে আচ্ছন্ন করে  
 চিরসত্য আছে যেথা যত।

জীবনের হানাহানি, প্রাণ নিয়ে টানাটানি,  
 মত নিয়ে বাক্য-বরিষন,  
 বিদ্যা নিয়ে রাতারাতি পৃথিবির প্রাচীর গাঁথি  
 প্রকৃতির গন্ডি-বিরচন,  
 কেবলই নৃতনে আশ, সৌন্দর্যেতে অবিশ্বাস  
 উন্মাদনা চাহি দিনরাত—

সে-সকল ভুলে গিয়ে কোণে বসে খাতা নিয়ে  
মহানন্দে কাটিছে প্রভাত।

দক্ষিণের বারান্দায় বেড়াই মৃন্মথের প্রায়,  
অপরাজে পড়ে তরুচ্ছায়া—  
কম্পনার ধনগুলি হৃদয়দোলায় দুলি  
প্রতিক্ষেপে লিভিতেছে কায়।  
সেবি বাহিরের বায়ু বাড়ে তাহাদের আয়ু,  
ভোগ করে চাঁদের অমিয়—  
ভেদ করি মোর প্রাণ জীবন করিয়া পান  
হইতেছে জীবনের প্রিয়।

এত তারা জেগে আছে নিশিদিন কাছে কাছে,  
এত কথা কয় শত স্বরে,  
তাহাদের তুলনায় আর-সবে ছায়াপ্রায়  
আসে যায় নয়নের 'পরে।  
আজ সব হল সারা, বিদায় লয়েছে তারা,  
নতুন বেঁধেছে ঘরবাড়ি—  
এখন স্বাধীন বলে বাহিরে এসেছে চ'লে  
অন্তরের পিতৃগৃহ ছাড়ি।

তাই এতদিন পরে আজ নিজমূর্তি ধরে  
প্রবাসের বিরহবেদনা,  
তোদের কাছেতে যেতে তোদিকে নিকটে পেতে  
জাগিতেছে একান্ত বাসনা।  
সম্মুখে দাঁড়াব যবে 'কী এনেছ' বলি সবে  
যদ্যপি শূন্য হাসিমুখ,  
খাতাখানি বের করে বলিব 'এ পাতা ভরে  
আনিয়াছি প্রবাসের সুখ।'

সেই ছবি মনে আসে— টেবিলের চারি পাশে  
গুটিকত চোঁকি টেনে আনি,  
শূন্য জন দুই-তিন, উর্ধ্ব জ্বলে কেরোসিন,  
কেদারায় বসি ঠাকুরানী।  
দক্ষিণের ম্বার দিয়ে বায়ু আসে গান নিয়ে,  
কেপে কেপে উঠে দীপশিখা।  
খাতা হাতে সুর করে অবাধে যেতীছি প'ড়ে,  
কেহ নাই করিবারে টীকা।

ঘণ্টা বাজে, বাড়ে রাত, ফুরায় ব'য়ের পাত,  
বাহিরে নিস্তব্ধ চারি ধার—  
তোদের নয়নে জল করে আসে ছলছল  
শূন্য কাহিনী করুণার।

তাই দেখে শূন্যে যাই,                      আনন্দের শেষ নাই,  
কাটে রাতি স্বপ্ন-রচনায়—  
মনে মনে প্রাণ ভরি                      অমরতা লাভ করি  
নীরব সে সমালোচনায়।

তার পরে দিনকত                      কেটে যায় এইমতো,  
তার পরে ছাপাবার পালা।  
মুদ্রাঘন্ব হতে শেষে                      বাহিরায় ভদ্রবেশে,  
তার পরে মহা ঝালাপালা।  
রক্তমাংস-গন্ধ পেয়ে                      ক্রিটিকেরা আসে ধৈর্যে,  
চারি দিকে করে কাড়াকাড়ি।  
কেহ বলে, 'ড্রামাটিক                      বলা নাই যায় ঠিক,  
লিরিকের বড়ো বাড়াবাড়ি।'

শির নাড়ি কেহ কহে,                      'সব-সুন্দর মন্দ নহে,  
ভালো হত আরো ভালো হলে।'  
কেহ বলে, 'আয়তনহীন                      বাঁচবে দূর-চারি দিন,  
চিরদিন হবে না তা ব'লে।'  
কেহ বলে, 'এ বিহটা                      লাগিতে পারিত মিঠা  
হত যদি অন্য কোনোরূপ।'  
যার মনে যাহা লয়                      সকলেই কথা কয়,  
আমি শুধু বসে আছি চুপ।

লয়ে নাম, লয়ে জাতি                      বিশ্বানের মাতামাতি,  
ও-সকল আনিস নে কানে।  
আইনের লৌহ-ছাঁচে                      কবিতা কভু না বাঁচে,  
প্রাণ শুধু পায় তাহা প্রাণে।  
হাসিমুখে স্নেহভরে                      সর্পিলাম তোর করে,  
বদ্বিষ্মা পড়িবি অনুরাগে।  
কে বোঝে কে নাই বোঝে                      ভাবুক তা নাই খোঁজে,  
ভালো যার লাগে তার লাগে।

—রবিকাকা



## নাটকের পাঠগণ

গোবিন্দমাণিক্য	ত্রিপুরার রাজা
নক্ষত্ররায়	গোবিন্দমাণিক্যের কনিষ্ঠ ভ্রাতা
রঘুপতি	রাজপুরুষোচিত
জয়সিংহ	রঘুপতির পালিত রাজপুত্র যদুবক, রাজমন্দিরের সেবক
চাঁদপাল	দেওয়ান
নয়নরায়	সেনাপতি
ধুব	রাজপালিত বালক
মন্ত্রী	
পৌরগণ	
গুণবতী	মহিষী
অপর্ণা	ভিখারিনী

## প্রথম অঙ্ক

### প্রথম দৃশ্য

মন্দির

গদগবতী

গদগবতী। মার কাছে কী করেছি দোষ! ভিখারী যে,  
সন্তান বিক্রয় করে উদরের দায়ে,  
তারে দাও শিশু—পাপিষ্ঠা যে, লোকলাজে  
সন্তানে বধ করে, তার গর্ভে দাও  
পাঠাইয়া অসহায় জীব। আমি হেথা  
সোনার পালঙ্কে মহারানী, শত শত  
দাস দাসী সৈন্য প্রজা লগ্নে বসে আছি  
তপ্ত বক্ষে শূদ্ধ এক শিশুর পরশ  
লালসিয়া, আপনার প্রাণের ভিতরে  
আরেকটি প্রাণাধিক প্রাণ করিবারে  
অনুভব—এই বক্ষ, এই বাহু দুটি,  
এই কোল, এই দৃষ্টি দিয়ে, বিরিচিতে  
নিবিড় জীবন্ত নীড়, শূদ্ধ একটুকু  
প্রাণকণিকার তরে। হেরিবে আমারে  
একটি নতুন আঁখি প্রথম আলোকে,  
ফুটিবে আমারি কোলে কথাহীন মুখে  
অকারণ আনন্দের প্রথম হাসিটি!  
কুমারজননী মাতঃ, কোন্ পাপে মোরে  
করিলি বঞ্চিত মাতৃস্বর্গ হতে?

রঘুপতির প্রবেশ

প্রভু,

চিরদিন মার পূজা করি। জেনে শূনে  
কিছু তো করি নি দোষ। পুণ্যের শরীর  
মোর স্বামী মহাদেবসম—তবে কোন্  
দোষ দেখে আমারে করিল মহামায়া  
নিঃসন্তানশ্মশানচারিণী?

রঘুপতি।

মার খেলা

কে বদ্বিতে পারে বলো? পাষণতনয়া  
ইচ্ছাময়ী, সুখ দুঃখ তাঁর ইচ্ছা। ধৈর্য  
ধরো। এবার তোমার নামে মার পূজা  
হবে। প্রসন্ন হইবে শ্যামা।

## দ্বিতীয় দৃশ্য

রাজসভা

রাজা রঘুপতি ও নক্ষত্ররায়ের প্রবেশ

সভাসদৃগণ উঠিয়া

সকলে। জয় হোক মহারাজ!

রঘুপতি। রাজার ভাণ্ডারে  
এসেছি বলির পশু সংগ্রহ করিতে।

গোবিন্দমাণিক্য। মন্দিরেতে জীববলি এ বৎসর হতে  
হইল নিষেধ।

নয়নরায়। বলি নিষেধ!

মন্ত্রী। নিষেধ!

নক্ষত্ররায়। তাই তো! বলি নিষেধ!

রঘুপতি। এ কি স্বপ্নে শুনি?

গোবিন্দমাণিক্য। স্বপ্ন নহে প্রভু! এতদিন স্বপ্নে ছিন্দু,  
আজ জাগরণ। বালিকার মূর্তি ধরে  
স্বয়ং জননী মোরে বলে গিয়েছেন,  
জীবরক্ত সহে না তাহার।

রঘুপতি। এতদিন  
সহিল কী করে? সহস্র বৎসর ধরে  
রক্ত করেছেন পান, আজ এ অরুচি!

গোবিন্দমাণিক্য। করেন নি পান। মদ্য ফিরাতেন দেবী  
করিতে শোণিতপাত তোমরা যখন।

রঘুপতি। মহারাজ, কী করিছ ভালো করে ভেবে  
দেখো। শাস্ত্রবিধি তোমার অধীন নহে।

গোবিন্দমাণিক্য। সকল শাস্ত্রের বড়ো দেবীর আদেশ।

রঘুপতি। একে ভ্রান্তি, তাহে অহংকার! অজ্ঞ নর,  
তুমি শূদ্ধ শূনিয়াছ দেবীর আদেশ,  
আমি শূনি নাই?

নক্ষত্ররায়। তাই তো, কী বরো মন্ত্রী—  
এ বড়ো আশ্চর্য! ঠাকুর শোনে নাই?

গোবিন্দমাণিক্য। দেবী-আজ্ঞা নিত্যকাল শূনিছে জগতে।  
সেই তো বধিরতম যেজন সে বাণী  
শূনেও শূনে না।

রঘুপতি। পাষন্ড, নাস্তিক তুমি!

গোবিন্দমাণিক্য। ঠাকুর, সময় নষ্ট হয়। যাও এবে  
মন্দিরের কাজে। প্রচার করিয়া দিয়ো  
পথে যেতে যেতে, আমার দ্বিপদরাজ্যে  
যে করিবে জীবহত্যা জীবজননীর  
পূজাচ্ছলে, তারে দিব নির্বাসনদণ্ড।

রঘুপতি । এই কি হইল স্থির?  
গোবিন্দমাণিক্য । স্থির এই।

উঠিয়া

রঘুপতি । তবে  
উচ্ছন্ন ! উচ্ছন্ন যাও!

ছুটিয়া আসিয়া

চাঁদপাল । হাঁ হাঁ! থামো! থামো!  
গোবিন্দমাণিক্য । বোসো চাঁদপাল । ঠাকুর, বলিয়া যাও ।  
মনোব্যথা লঘু করে যাও নিজ কাজে ।  
রঘুপতি । তুমি কি ভেবেছ মনে ত্রিপুর-ঈশ্বরী  
ত্রিপুরার প্রজা? প্রচারিবে তাঁর 'পরে  
তোমার নিয়ম? হরণ করিবে তাঁর  
বলি? হেন সাধ্য নাই তব। আমি আছি  
মায়ের সেবক।

[ প্রস্থান

নয়নরায় । ক্ষমা করো অধীনের  
স্পর্ধা মহারাজ । কোন্ অধিকারে, প্রভু,  
জননীৰ বলি—

চাঁদপাল । শান্ত হও সেনাপতি ।

মন্ত্রী । মহারাজ, একেবারে করেছ কি স্থির?  
আজ্ঞা আর ফিরিবে না?

গোবিন্দমাণিক্য । আর নহে মন্ত্রী,  
বিলম্ব উচিত নহে বিনাশ করিতে  
পাপ।

মন্ত্রী । পাপের কি এত পরমায়ু হবে?  
কত শত বর্ষ ধরে যে প্রাচীন প্রথা  
দেবতাচরণতলে বৃদ্ধ হয়ে এল,  
সে কি পাপ হতে পারে?

রাজার নিরুত্তরে চিন্তা

নক্ষত্ররায় । তাই তো হে মন্ত্রী,  
সে কি পাপ হতে পারে?

মন্ত্রী । পিতামহগণ  
এসেছে পালন করে যত্নে ভক্তিভরে  
সনাতন রীতি । তাঁহাদের অপমান  
তার অপমানে।

রাজার চিন্তা

নয়নরায় । ভেবে দেখো মহারাজ,  
যুগে যুগে যে পেয়েছে শতসহস্রের

রঘুপতির প্রবেশ

পা ধুইবার জল প্রভৃতি অগ্ৰসর করিয়া

জয়সিংহ। গদ্রদেব!  
 রঘুপতি। যাও, যাও!  
 জয়সিংহ। আনিয়াছি জল।  
 রঘুপতি। থাক, রেখে দাও জল।  
 জয়সিংহ। বসন—  
 রঘুপতি। কে চাহে

বসন?

জয়সিংহ। অপরাধ করেছে কি?  
 রঘুপতি। আবার!

কে নিয়েছে অপরাধ তব?—

ঘোর কলি

এসেছে ঘনায়ে। বাহুবল রাহুসম  
 ব্রহ্মতেজ গ্রাসিবারে চায়—সিংহাসন  
 তোলে শির যজ্ঞবেদী-পরে। হায় হায়,  
 কলির দেবতা, তোমরাও চাটুকার  
 সভাসদ-সম, নতশিরে রাজ-আজ্ঞা  
 বহিতেছ? চতুর্ভুজা, চারি হস্ত আছ  
 জোড় করি! বৈকুণ্ঠ কি আবার নিয়েছে  
 কেড়ে দৈত্যগণ! গিয়েছে দেবতা যত  
 রসাতলে! শতধন, দানবে মানবে মিলে  
 বিশ্বের রাজত্ব দর্পে করিতেছে ভোগ?  
 দেবতা না যদি থাকে, ব্রাহ্মণ রয়েছে।  
 ব্রাহ্মণের রোষযজ্ঞে দণ্ড সিংহাসন  
 হবিকাষ্ঠ হবে।

জয়সিংহের নিকটে গিয়া সন্মুখে

বৎস, আজ করিয়াছি  
 রুদ্ধ আচরণ তোমা-পরে, চিন্ত বড়ো  
 ক্ষুণ্ণ মোর।

জয়সিংহ। কী হয়েছে প্রভু!  
 রঘুপতি। কী হয়েছে!

শুধাও অপমানিত দ্বিপদরেশ্বরীরে।  
 এই মুখে কেমনে বলিব কী হয়েছে!

জয়সিংহ। কে করেছে অপমান?  
 রঘুপতি। গোবিন্দমাণিক্য।  
 জয়সিংহ। গোবিন্দমাণিক্য! প্রভু, করে অপমান?  
 রঘুপতি। করে! তুমি, আমি, সর্বশাস্ত্র, সর্বদেশ,  
 সর্বকাল, সর্বদেশকাল-অধিষ্ঠাত্রী  
 মহাকালী, সকলারে করে অপমান

ক্ষুদ্র সিংহাসনে বসি। মার পূজা-বলি  
নিষেধিল স্পর্ধাভরে।

জয়সিংহ। গোবিন্দমাণিক্য!  
রঘুপতি। হাঁ গো, হাঁ, তোমার রাজা গোবিন্দমাণিক্য!  
তোমার সকল-শ্রেষ্ঠ—তোমার প্রাণের  
অধীশ্বর! অকৃতজ্ঞ! পালন করিন্দু  
এত যত্নে স্নেহে তোরে শিশুকাল হতে,  
আমা-চেয়ে প্রিয়তর আজ তোর কাছে  
গোবিন্দমাণিক্য!

জয়সিংহ। প্রভু, পিতৃকোলে বসি  
আকাশে বাড়ায় হাত ক্ষুদ্র মৃগ শিশু  
পূর্ণচন্দ্র-পানে—দেব, তুমি পিতা মোর,  
পূর্ণশশী মহারাজ গোবিন্দমাণিক্য।  
কিন্তু একি বকিতেছি! কী কথা শুনিন্দু!  
মায়ের পূজার বলি নিষেধ করেছে  
রাজা? এ আদেশ কে মানিবে?

রঘুপতি। না মানিলে  
নির্বাসন।

জয়সিংহ। মাতৃপূজাহীন রাজ্য হতে  
নির্বাসন দণ্ড নহে। এ প্রাণ থাকিতে  
অসম্পূর্ণ নাহি রবে জননীর পূজা।

### চতুর্থ দৃশ্য

অন্তঃপদ্য

গুণবতী ও পরিচারিকা

গুণবতী। কী বলিস! মন্দিরের দ্বার হইতে  
রানীর পূজার বলি ফিরায়ে দিয়াছে!  
এক দেহে কত মৃগ আছে তার! কে সে  
দুরদৃষ্ট?

পরিচারিকা। বলিতে সাহস নাহি মানি—  
গুণবতী। বলিতে সাহস নাহি? এ কথা বলিলি  
কী সাহসে? আমা-চেয়ে কারে তোর ভয়!

পরিচারিকা। ক্ষমা করো।

গুণবতী। কাল সন্ধ্যাবেলা ছিন্দু রানী;  
কাল সন্ধ্যাবেলা বন্দীগণ করে গেছে  
স্তব, বিপ্রগণ করে গেছে আশীর্বাদ,  
ভূতগণ করজোড়ে আজ্ঞা লয়ে গেছে—  
একরায়ে উলটিল সকল নিয়ম!  
দেবী পাইল না পূজা, রানীর মহিমা

অবনত! গ্রিপদুরা কি স্বপ্নরাজ্য ছিল!  
 ছরা করে ডেকে আন্ ব্রাহ্মণ-ঠাকুরে।

[সিংহাসনে পদা

গোবিন্দমাণিক্যের প্রবেশ

গদুগবতী। মহারাজ, শুনিতেন? মার দ্বার হতে  
 আমার পূজার বলি ফিরায়ে দিয়েছে।  
 গোবিন্দমাণিক্য। জানি তাহা।  
 গদুগবতী। জান তুমি? নিষেধ কর নি  
 তব্দু? জ্ঞাতসারে মহিষীর অপমান!  
 গোবিন্দমাণিক্য। তারে ক্ষমা করো প্রিয়ে!  
 গদুগবতী। দয়ার শরীর  
 তব, কিন্তু মহারাজ, এ তো দয়া নয়—  
 এ শূদ্ধ কাপদরূষতা! দয়ায় দুর্বল  
 তুমি, নিজ হাতে দণ্ড দিতে নাহি পার  
 যদি, আমি দণ্ড দিব। বলো মোরে কে সে  
 অপরাধী।  
 গোবিন্দমাণিক্য। দেবী, আমি। অপরাধ আর  
 কিছু নহে, তোমারে দিয়েছি ব্যথা এই  
 অপরাধ।  
 গদুগবতী। কী বলিছ মহারাজ!  
 গোবিন্দমাণিক্য। আজ  
 হতে, দেবতার নামে জীবরক্তপাত  
 আমার গ্রিপদুরাজ্যে হয়েছে নিষেধ।  
 গদুগবতী। কাহার নিষেধ?  
 গোবিন্দমাণিক্য। জননীর।  
 গদুগবতী। কে শুনেনছে?  
 গোবিন্দমাণিক্য। আমি।  
 গদুগবতী। তুমি! মহারাজ, শুনেনে হাসি আসে।  
 রাজস্বারে এসেছেন ভুবন-ঈশ্বরী  
 জানাইতে আবেদন!  
 গোবিন্দমাণিক্য। হেসো না মহিষী!  
 জননী আপনি এসে সন্তানের প্রাণে  
 বেদনা জানায়েছেন, আবেদন নহে।  
 গদুগবতী। কথা রেখে দাও মহারাজ! মন্দিরের  
 বাহিরে তোমার রাজ্য। যেথা তব আজ্ঞা  
 নাহি চলে, সেথা আজ্ঞা নাহি দিয়ে।  
 গোবিন্দমাণিক্য। মার  
 আজ্ঞা, মোর আজ্ঞা নহে।  
 গদুগবতী। কেমনে জানিলে?  
 গোবিন্দমাণিক্য। ক্ষীণ দীপালোকে গৃহকোণে থেকে যায়  
 অন্ধকার; সব পারে, আপনার ছায়া

কিছুতে ঘুচাতে নারে দীপ। মানবের  
বৃদ্ধি দীপসম, যত আলো করে দান  
তত রেখে দেয় সংশয়ের ছায়া। স্বর্গ  
হতে নামে যবে জ্ঞান, নিমেষে সংশয়  
টুটে। আমার হৃদয়ে সংশয় কিছুই  
নাই।

গদগবতী। শুনিয়াছি আপনার পাপপুণ্য  
আপনার কাছে। তুমি থাকো আপনার  
অসংশয় নিয়ে—আমারে দ্বার ছাড়া,  
আমার পূজার বলি আমি নিয়ে যাই  
আমার মায়ের কাছে।

গোবিন্দমাণিক্য। দেবী, জননীর  
আজ্ঞা পারি না লঙ্ঘিতে।

গদগবতী। আমিও পারি না।  
মার কাছে আছি প্রতিশ্রুত। সেইমতো  
যথাশাস্ত্র যথাবিধি পূজিব তাঁহারে।  
যাও, তুমি যাও!

গোবিন্দমাণিক্য। যে আদেশ মহারানী!

[ প্রস্থান ]

রঘুপতির প্রবেশ

গদগবতী। ঠাকুর, আমার পূজা ফিরায়ে দিয়েছে  
মাতৃস্বার হতে!

রঘুপতি। মহারানী, মার পূজা  
ফিরে গেছে, নহে সে তোমার। উজ্জ্বল  
দরদর ভিক্ষালব্ধ পূজা, রাজেন্দ্রাণী,  
তোমার পূজার চেয়ে নূন নহে। কিন্তু,  
এই বড়ো সর্বনাশ, মার পূজা ফিরে  
গেছে। এই বড়ো সর্বনাশ, রাজদর্প  
ক্রমে স্ফীত হয়ে করিতেছে অতিক্রম  
পৃথিবীর রাজত্বের সীমা—বসিয়াছে  
দেবতার দ্বার রোধ করি, জননীর  
ভক্তদের প্রতি দ্রুই আঁখি রাঙাইয়া।

গদগবতী। কী হবে ঠাকুর?

রঘুপতি। জানেন তা মহামায়া।

এই শৃঙ্খল জানি—যে সিংহাসনের ছায়া  
পড়েছে মায়ের দ্বারে, ফুৎকারে ফাটিবে  
সেই দম্ভমগ্নস্থানি জলবিম্বসম।

যুগে যুগে রাজপিতাপিতামহ মিলে  
উর্ধ্ব-পানে তুলিয়াছে যে রাজমহিমা  
অশ্রুভেদী করে, মূহুর্তে হইয়া যাবে  
ধলিসাৎ, বজ্রদীর্ঘ, দগ্ধ, ঝঞ্ঝাত।



গুণবতী। রক্ষা করো, রক্ষা করো প্রভু!  
 রঘুপতি। হা হা! আমি  
 রক্ষা করিব তোমারে! যে প্রবল রাজা  
 স্বর্গে মর্ত্যে প্রচারিছে আপন শাসন  
 তুমি তাঁর রানী! দেব-ব্রাহ্মণেরে যিনি—  
 ধিক্, ধিক্ শতবার! ধিক্ লক্ষবার!  
 কলির ব্রাহ্মণে ধিক্! ব্রহ্মশাপ কোথা!  
 বার্থ ব্রহ্মতেজ শৃধু বক্ষে আপনার  
 আহত বশ্চিক-সম আপনি দংশিছে!  
 মিথ্যা ব্রহ্ম-আড়ম্বর!

পৈতা ছিঁড়িতে উদ্যত  
 গুণবতী। কী কর! কী কর  
 দেব! রাখো, রাখো, দয়া করো নির্দোষীরে!  
 রঘুপতি। ফিরায়ে দে ব্রাহ্মণের অধিকার।  
 গুণবতী। দিব।  
 যাও প্রভু, পূজা করো মন্দিরেতে গিয়ে,  
 হবে নাকো পূজার ব্যাঘাত।  
 রঘুপতি। যে আদেশ  
 রাজ-অধীশ্বরী! দেবতা কৃতার্থ হল  
 তোমারি আদেশ-বলে, ফিরে পেল পুন  
 ব্রাহ্মণ আপন তেজ। ধন্য তোমরাই,  
 যতদিন নাহি জাগে কল্কি-অবতার।

[ প্রস্থান

গোবিন্দমাণিক্যের পুনঃপ্রবেশ  
 গোবিন্দমাণিক্য। অপ্রসন্ন প্রেয়সীর মূখ, বিশ্বমাঝে  
 সব আলো সব সূখ লুপ্ত করে রাখে।  
 উন্মনা-উৎসুক-চিন্তে ফিরে ফিরে আসি।  
 গুণবতী। যাও, যাও, এসো না এ গৃহে! অভিশাপ  
 আনিয়ো না হেথা।  
 গোবিন্দমাণিক্য। প্রিয়তমে, প্রেমে করে  
 অভিশাপ নাশ, দয়া করে অকল্যাণ  
 দূর। সতীর হৃদয় হতে প্রেম গেলে  
 পতিগৃহে লাগে অভিশাপ।—যাই তবে  
 দেবী!  
 গুণবতী। যাও! ফিরে আর দেখায়ে না মূখ।  
 গোবিন্দমাণিক্য। স্মরণ করিবে যবে, আবার আসিব।

[ প্রস্থানোন্মূখ

পায়ে পড়িয়া  
 গুণবতী। ক্ষমা করো, ক্ষমা করো নাথ! এতই কি  
 হয়েছে নিষ্ঠুর, রমণীর অভিমান

গোবিন্দমাণিক্য। ঠেলে চলে যাবে? জান না কি প্রিয়তম,  
 ব্যর্থ প্রেম দেখা দেয় রোষের ধরিয়া  
 ছন্দবেশ! ভালো, আপনার অভিমানে  
 আপনি করিন্দু অপমান—ক্ষমা করো!  
 প্রিয়তমে, তোমা-পরে টুটিলে বিশ্বাস  
 সেই দণ্ডে টুটিত জীবনবন্ধ। জানি  
 প্রিয়ে, মেঘ ক্ষণিকের, চিরদিবসের  
 সূর্য।

গদ্যবতী। মেঘ ক্ষণিকের। এ মেঘ কাটিয়া  
 যাবে, বিধির উদ্যত বজ্র ফিরে যাবে,  
 চিরদিবসের সূর্য উঠবে আবার  
 চিরদিবসের প্রথা জাগায়ে জগতে,  
 অভয় পাইবে সর্বলোক—ভুলে যাবে  
 দৃ দণ্ডের দৃঃস্বপন। সেই আজ্ঞা করো।  
 ব্রাহ্মণ ফিরিয়া পাক নিজ অধিকার,  
 দেবী নিজ পূজা, রাজদণ্ড ফিরে যাক  
 নিজ অপ্রমত্ত মর্ত্য-অধিকার-মাঝে।

গোবিন্দমাণিক্য। ধর্মহানি ব্রাহ্মণের নহে অধিকার।  
 অসহায় জীবরক্ত নহে জননীর  
 পূজা। দেবতার আজ্ঞা পালন করিতে  
 রাজা বিপ্র সকলেরই আছে অধিকার।  
 গদ্যবতী। ভিক্ষা, ভিক্ষা চাই! একান্ত মিনতি করি  
 চরণে তোমার প্রভু! চিরাগত প্রথা  
 চিরপ্রবাহিত মৃত্ত সমীরণ-সম,  
 নহে তা রাজার ধন—তাও জোড়করে  
 সমস্ত প্রজার নামে ভিক্ষা মাগিতেছে  
 মহিষী তোমার। প্রেমের দোহাই মানো  
 প্রিয়তম! বিধাতাও করিবেন ক্ষমা  
 প্রেম-আকর্ষণ-বশে কর্তব্যের হ্রুটি।

গোবিন্দমাণিক্য। এই কি উচিত মহারানী? নীচ স্বার্থ,  
 নিষ্ঠুর ক্ষমতাদর্প, অন্ধ অজ্ঞানতা,  
 চিররক্তপানে স্ফীত হিংস্র বৃদ্ধ প্রথা—  
 সহস্র শত্রুর সাথে একা যুদ্ধ করি;  
 শ্রান্তদেহে আসি গৃহে নারীচিত্ত হতে  
 অমৃত করিতে পান; সেথাও কি নাই  
 দয়াসুধা! গৃহমাঝে পুণ্যপ্রেম বহে,  
 তারো সাথে মিশিয়াছে রক্তধারা! এত  
 রক্তস্রোত কোন্ দৈত্য দিয়েছে খুলিয়া—  
 ভক্তিতে প্রেমেতে রক্ত মাখামাখি হয়,  
 ক্রুর হিংসা দয়াময়ী রমণীর প্রাণে  
 দিয়ে যায় শোণিতের ছাপ! এ শোণিত  
 তবু করিব না রোধ?



নেপাল। তা, নিয়ে আয় তোর মামাকে সন্মুখ নিয়ে আয়, তোর দফাদারের দফা নিকেশ করে হারু। তা, আয়-না। জানিস? এখানকার দফাদার আমার মামাতো ভাই হয়।

নেপাল। তা, নিয়ে আয় তোর মামাকে সন্মুখ নিয়ে আয়, তোর দফাদারের দফা নিকেশ করে দিই।

হারু। তোমরা সকলেই শুনলে!

গণেশ ও কান্দু। আর দূর কর্ ভাই, ঘরে চল্। আজ আর কিছুতে গা লাগছে না। এখন তোদের তামাশা তুলে রাখ্।

হারু। এ কি তামাশা হল! আমার মামাকে নিয়ে তামাশা! আমাদের দফাদারের আপনার বাবাকে নিয়ে—

গণেশ ও কান্দু। আর রেখে দে! তোর আপনার বাবা নিয়ে তুই আপনি মর্।

[ সকলের প্রস্থান

রঘুপতি নয়নরায় ও জয়সিংহের প্রবেশ

রঘুপতি। মার 'পরে ভক্তি নাই তব?

নয়নরায়। হেন কথা  
কার সাধ্য বলে? ভক্তবংশে জন্ম মোর।

রঘুপতি। সাধু, সাধু! তবে তুমি মায়ের সেবক,  
আমাদেরই লোক।

নয়নরায়। প্রভু, মাতৃভক্ত ষাঁরা  
আমি তাঁহাদেরই দাস।

রঘুপতি। সাধু! ভক্তি তব  
হউক অক্ষয়। ভক্তি তব বাহুমাঝে  
করুক সঞ্চার অতি দুর্জয় শকতি।  
ভক্তি তব তরবারি করুক শাণিত,  
বজ্রসম দিক তাহে তেজ। ভক্তি তব  
হৃদয়েতে করুক বসতি, পদমান  
সকলের উচ্ছে।

নয়নরায়। ব্রাহ্মণের আশীর্বাদ  
বার্থ হইবে না।

রঘুপতি। শুন তবে সেনাপতি,  
তোমার সকল বল করো একগ্নিত  
মার কাজে। নাশ করো মাতৃবিদ্রোহীরা।

নয়নরায়। যে আদেশ প্রভু! কে আছে মায়ের শত্রু?

রঘুপতি। গোবিন্দমাণিক্য।

নয়নরায়। আমাদের মহারাজ?

রঘুপতি। লয়ে তব সৈন্যদল, আক্রমণ করো  
তারে।

নয়নরায়। ধিক্ পাপ-পরামর্শ! প্রভু, একি  
পরীক্ষা আমারে?

রঘুপতি। পরীক্ষাই বটে। কার  
ভৃত্য তুমি, এবার পরীক্ষা হবে তার।  
ছাড়ো চিন্তা, ছাড়ো শ্বিধা, কাল নাহি আর—

ত্রিপদ্রেশ্বরীর আজ্ঞা হতেছে ধনিত  
 প্রলয়ের শৃঙ্গ-সম—ছিন্ন হয়ে গেছে  
 আজি সকল বন্ধন।  
 নয়নরায়। নাই চিন্তা, নাই  
 কোনো শ্রিধা। যে পদে রেখেছে দেবী, আমি  
 তাহে রয়েছি অটল।  
 রঘুপতি। সাধু!  
 নয়নরায়। এত আমি  
 নরাদম জননীর সেবকের মাঝে!  
 মোর 'পরে হেন আজ্ঞা! আমি হব  
 বিশ্বাসঘাতক! আপনি দাঁড়ায়ে আছে  
 বিশ্বমাতা হৃদয়ের বিশ্বাসের 'পরে,  
 সেই তাঁর অটল আসন—আপনি তা  
 ভাঙিতে বলিবে দেবী আপনার মন্থে?  
 তাহা হলে আজ যাবে রাজা, কাল দেবী—  
 মনুষ্যত্ব ভেঙে পড়ে যাবে জীর্ণাভিত্তি  
 অট্টালিকা-সম।  
 জয়সিংহ। ধন্য সেনাপতি, ধন্য!  
 রঘুপতি। ধন্য বটে তুমি। কিন্তু একি জ্ঞানিত তব!  
 যে রাজা বিশ্বাসঘাতী জননীর কাছে,  
 তার সাথে বিশ্বাসের বন্ধন কোথায়?  
 নয়নরায়। কী হইবে মিছে তর্কে? বৃদ্ধির বিপাকে  
 চাহি না পড়িতে। আমি জানি এক পথ  
 আছে—সেই পথ বিশ্বাসের পথ। সেই  
 সিঁধে পথ বেয়ে চিরদিন চলে যাবে  
 অবোধ অধম ভূত এ নয়নরায়।  
 জয়সিংহ। চিন্তা কেন দেব? এমনি বিশ্বাসবলে  
 মোরাও করিব কাজ। কারে ভয় প্রভু!  
 সৈন্যবলে কোন্ কাজ! অস্ত্র কোন্ ছার!  
 যার 'পরে রয়েছে যে ভার, বল তার  
 আছে সে কাজের। করিবই মার পূজা  
 যদি সত্য মায়ের সেবক হই মোরা।  
 চলো প্রভু, বাজাই মায়ের ডঙ্কা, ডেকে  
 আনি পদ্রবাসীগণে, মন্দিরের ম্ভার  
 খুলে দিই!—ওরে, আয় তোরা, আয়, আয়,  
 অভয়ার পূজা হবে—নির্ভয়ে আয় রে  
 তোরা মায়ের সন্তান! আয় পদ্রবাসী!

[ প্রস্থান

হাঁক। তোমার আমার মূল্য কবাবি করে লাগত কখন।  
 লাগি, পিসে মরত পিসে মর। তাতে তোমার বুঝি কি হল?  
 খাঁখার হল না হলে কি বুঝি। পিসে মর।

মনুষ্য : জগতের সৈন্য আনন্দ : জন্মের, অল্প দিনে দুখি এখানে  
 বিদ্রোহ : জেগে আয়, জেগে এখানে দাঁড়া : জন্মের দায় আন-  
 দিতকি হবে : আমি জেগে অল্প এনে দিচ্ছি !  
 পদার্থ : অল্প কেন ঠিকর ?

शिव ! देवता धारक ! ~~सर्व-सत्त्व-विनाशक~~ 

अथ । आर्यः शब्दे आदि । किं तेन अर्थः अथवा आदि । अथ ।

১৫. কবিতা কী পদার্থ? কবিতা কীভাবে বোঝানো হয়?

অতঃপর। কোথা যখন বেথে সে! বেথ'ছিল সে, প্রভু বাহ্য

ଆମି ୧

১০। সেই ভালো। কখনি কারো বাবা-ভাইকে ডেকে  
 ১১। কিছু খাবি কেন? কিছুই নেই উত্তর দাও।

प्रमाण (संश्लेषण)

বক্য (মরোয়ে) বাক্য তেজা !

କଥା (କଥାବୋଧକ) ଯେତେ ମାତ୍ର ଆମ୍ଭ ଆମ୍ଭଙ୍କର ଶୀତ ଏହା

सुविहीन—आपके हृदय में क्या है ?

জামি জাহি বাবুল মজিব । এক পেছ

10

নবম শতাব্দী

100-443887-100

... (b) ...

॥ श्रीगणेशाय नमः ॥

॥ श्रीगणेशाय नमः ॥

## পদ্রবাসীগণের প্রবেশ

অক্লুর। ওরে, আয় রে আয়!

সকলে। জয় মা!

হারু। আয় রে, মায়ের সামনে বাহু তুলে নৃত্য করি।

## গান

উল্গিনী নাচে রণরঙ্গে।  
আমরা নৃত্য করি সঙ্গে।  
দশ দিক আঁধার করে মাতিল দিক্‌বসনা,  
জ্বলে বহিঁশিখা রাঙা-রসনা,  
দেখে মরিবারে ধাইছে পতঙ্গে।  
কালো কেশ উঁড়িল আকাশে,  
রবি সোম লুকাল তরাসে।  
রাঙা রক্তধারা ঝরে কালো অঙ্গে,  
ত্রিভুবন কাঁপে ভূরুভঙ্গে।

সকলে। জয় মা!

গণেশ। আর ভয় নেই।

কান্দু। ওরে, সেই দক্ষিণদ'র মানু'ষগুলো এখন গেল কোথায়?

গণেশ। মায়ের ঐশ্বর্য বোটাদের সইল না! তারা ভেগেছে।

হারু। কেবল মায়ের ঐশ্বর্য নয়, আমি তাদের এমনি শাসিয়ে দিয়েছি, তারা আর এমুখো হবে না। বদলে অক্লুরদা, আমার মামাতো ভাই দফাদারের নাম করবামাত্র তাদের মুখ চুন হয়ে গেল।

অক্লুর। আমাদের নিতাই সেদিন তাদের খুব কড়া কড়া দড়টো কথা শুনিয়ে দিয়েছিল। ঐ বার সেই ছুঁচোপারা মুখ সেই বোটা তেড়ে উত্তর দিতে এসেছিল; আমাদের নিতাই বললে, 'ওরে, তোরা দক্ষিণদেশে থাকিস, তোরা উত্তরের কী জানিস? উত্তর দিতে এসেছিস, উত্তরের জানিস কী?' শুনলে আমরা হেসে কে কার গায়ে পড়ি।

গণেশ। ইদিকে ঐ ভালোমানুষটি, কিন্তু নিতাইয়ের সঙ্গে কথায় আঁটবার জো নেই।

হারু। নিতাই আমার পিসে হয়।

কান্দু। শোনো একবার কথা শোনো। নিতাই আবার তোর পিসে হল কবে?

হারু। তোমরা আমার সকল কথাই ধরতে আরম্ভ করেছ! আচ্ছা, পিসে নয় তো পিসে নয়। তাতে তোমার সুখটা কী হল? আমার হল না বলে কি তোমারই পিসে হল?

## রঘুপতি ও জয়সিংহের প্রবেশ

রঘুপতি। শুনলুম সৈন্য আসছে। জয়সিংহ, অস্ত্র নিয়ে তুমি এইখানে দাঁড়াও। তোরা আয়, তোরা এইখানে দাঁড়া। মন্দিরের দ্বার আগলাতে হবে। আমি তাদের অস্ত্র এনে দিচ্ছি।

গণেশ। অস্ত্র কেন ঠাকুর?

রঘুপতি। মায়ের পূজো বন্ধ করবার জন্যে রাজার সৈন্য আসছে।

হারু। সৈন্য আসছে! প্রভু, তবে আমরা প্রণাম হই।

কান্দু। আমরা ক'জনা, সৈন্য এলে কী করতে পারব?

হারু। করতে সবই পারি—কিন্তু সৈন্য এলে এখানে জায়গা হবে কোথায়! লড়াই তো পরের কথা, এখানে দাঁড়াব কোন্‌খানে?

অরুণ। তোর কথা রেখে দে। দেখাছিস নে প্রভু রাগে কাঁপছেন?—তা ঠাকুর, অনুমতি করেন তো আমাদের দলবল সমস্ত ডেকে নিয়ে আসি।

হারু। সেই ভালো। অর্মানি আমার মামাতো ভাইকে ডেকে আনি। কিন্তু, আর একটুও বিলম্ব করা উচিত নয়।

[ সকলের প্রস্থানোদ্যম ]

সরোষে

রঘুপতি। দাঁড়া তোরা!

করজোড়ে

জয়সিংহ। যেতে দাও প্রভু—প্রাণভয়ে ভীত এরা  
বৃদ্ধিহীন, আগে হতে রয়েছে মরিয়া।  
আমি আছি মায়ের সৈনিক। এক দেহে  
সহস্র সৈন্যের বল। অস্ত্র থাক্‌ পড়ে।  
ভীরুদের যেতে দাও।

স্বগত

রঘুপতি। সে কাল গিয়েছে।  
অস্ত্র চাই, অস্ত্র চাই—শুধু ভক্তি নয়।

প্রকাশ্যে

জয়সিংহ, তবে বলি আনো, করি পূজা।

বাহিরে বাদ্যোদ্যম

জয়সিংহ। সৈন্য নহে প্রভু, আসিছে রানীর পূজা।

রানীর অনুচর ও পূরবাসীগণের প্রবেশ

সকলে। ওরে ভয় নেই—সৈন্য কোথায়! মার পূজা আসছে।  
হারু। আমরা আছি খবর পেয়েছে, সৈন্যেরা শীঘ্র এ দিকে আসছে না।  
অনুচর। ঠাকুর, রানীমা পূজো পাঠিয়েছেন।  
রঘুপতি। জয়সিংহ, শীঘ্র পূজার আয়োজন করো।

[ জয়সিংহের প্রস্থান ]

পূরবাসীগণের নৃত্যগীত। গোবিন্দমাগিক্যের প্রবেশ

গোবিন্দমাগিক্য। চলে যাও হেথা হতে—নিয়ে যাও বলি।

রঘুপতি, শোনো নাই আদেশ আমার?

রঘুপতি। শুনি নাই।

গোবিন্দমাগিক্য। তবে তুমি এ রাজ্যের নহ।

রঘুপতি। নহি আমি। আমি আছি যেথা, সেথা এলে  
রাজদণ্ড খসে যায় রাজহস্ত হতে,  
মুকুট ধুলায় পড়ে লুটে। কে আছিস,  
আন্‌ মার পূজা।



বাদ্যোদ্যম

গোবিন্দমাণিক্য।

চুপ কর্!

অনুচরের প্রতি

কোথা আছে

সেনাপতি, ডেকে আন্! হায় রঘুপতি,  
অবশেষে সৈন্য দিয়ে ঘিরিতে হইল  
ধর্ম! লজ্জা হয় ডাকিতে সৈনিকদল,  
বাহুবল দুর্বলতা করায় স্মরণ।  
অবিশ্বাসী, সতাই কি হয়েছে ধারণা  
কলিযুগে রক্ষাতেজ গেছে—তাই এত  
দুঃসাহস? যায় নাই। যে দীপ্ত অনল  
জ্বলিছে অন্তরে, সে তোমার সিংহাসনে  
নিশ্চয় লাগিবে! নতুবা এ মনানলে  
ছাই করে পুড়াইব সব শাস্ত্র, সব  
রক্ষগর্ব, সমস্ত তেত্রিশ কোটি মিথ্যা।  
আজ নহে মহারাজ, রাজ-অধিরাজ,  
এই দিন মনে করো আর-এক দিন।

নয়নরায় ও চাঁদপালের প্রবেশ

নয়নের প্রতি

গোবিন্দমাণিক্য। সৈন্য লয়ে থাকো হেথা নিষেধ করিতে  
জীববলি।

নয়নরায়। ক্ষমা করো অধম কিংকরে।

অক্ষম রাজার ভূত্য দেবতামন্দিরে।  
যতদূর যেতে পারে রাজার প্রতাপ,  
মোরা ছায়া সঙ্গে যাই।

চাঁদপাল। থামো সেনাপতি,

দীপশিখা থাকে এক ঠাঁই, দীপালোক  
যায় বহুদূরে। রাজ-ইচ্ছা যেথা যাবে  
সেথা যাব মোরা।

গোবিন্দমাণিক্য। সেনাপতি, মোর আজ্ঞা  
তোমার বিচারাধীন নহে। ধর্মধর্ম  
ল্যভক্ষতি রহিল আমার, কার্য শুদ্ধ  
তব হাতে।

নয়নরায়। এ কথা হৃদয় নাহি মানে।

মহারাজ, ভূত্য বটে, তবুও মানুষ  
আমি! আছে বুদ্ধি, আছে ধর্ম, আছ প্রভু,  
আছেন দেবতা।

গোবিন্দমাণিক্য। তবে ফেলো অস্ত্র তব।

চাঁদপাল, তুমি হলে সেনাপতি, দুই  
পদ রহিল তোমার! সাবধানে সৈন্য  
লয়ে মন্দির করিবে রক্ষা।



পূজা, থাক্ বলি—দেখিব রাজার দর্প  
কর্তদিন থাকে। চলে এসো জয়সিংহ!

গোবিন্দমাণিক্য।

এ সংসারে বিনয় কোথায়? মহাদেবী,  
যারা করে বিচরণ তব পদতলে  
তারাও শেখে নি হয় কত ক্ষুদ্র তারা!  
হরণ করিয়া লয়ে তোমার মহিমা  
আপনার দেহে বহে, এত অহংকার!

[রঘুপতি ও জয়সিংহের প্রস্থান

[প্রস্থান

## দ্বিতীয় অঙ্ক

### প্রথম দৃশ্য

মন্দির

রঘুপতি জয়সিংহ ও নক্ষত্ররায়

নক্ষত্ররায়। কী জন্য ডেকেছ গদুর্দেব!  
রঘুপতি। কাল রাতে  
স্বপন দিয়েছে দেবী, তুমি হবে রাজা।  
নক্ষত্ররায়। আমি হব রাজা! হা হা! বল কী ঠাকুর!  
রাজা হব? এ কথা নূতন শোনা গেল!  
রঘুপতি। তুমি রাজা হবে।  
নক্ষত্ররায়। বিশ্বাস না হয় মোর।  
রঘুপতি। দেবীর স্বপন সত্য। রাজ্যটিকা পাবে  
তুমি, নাহিকো সন্দেহ।  
নক্ষত্ররায়। নাহিকো সন্দেহ!  
কিন্তু, যদি নাই পাই?  
রঘুপতি। আমার কথায়  
অবিশ্বাস?  
নক্ষত্ররায়। অবিশ্বাস কিছুমাত্র নেই,  
কিন্তু দৈবাতের কথা—যদি নাই হয়!  
রঘুপতি। অন্যথা হবে না কভু।  
নক্ষত্ররায়। অন্যথা হবে না?  
দেখো প্রভু, কথা যেন ঠিক থাকে শেষে।  
রাজা হয়ে মন্ত্রীটারে দেব দূর করে,  
সর্বদাই দৃষ্টি তার রয়েছে পড়িয়া  
আমা-পরে, যেন সে বাপের পিতামহ।

- বড়ো ভয় করি তারে—বুঝেছ ঠাকুর?  
তোমারে করিব মন্ত্রী।
- রঘুপতি। মন্ত্রিত্বের পদে  
পদাঘাত করি আমি।
- নক্ষত্ররায়। আচ্ছা, জয়সিংহ  
মন্ত্রী হবে। কিন্তু, হে ঠাকুর, সবই যদি  
জানো তুমি, বলো দেখি কবে রাজা হব।
- রঘুপতি। রাজরক্ত চান দেবী।
- নক্ষত্ররায়। রাজরক্ত চান!
- রঘুপতি। রাজরক্ত আগে আনো, পরে রাজা হবে।
- নক্ষত্ররায়। পাব কোথা!
- রঘুপতি। ঘরে আছে গোবিন্দমাণিক্য।  
তারি রক্ত চাই।
- নক্ষত্ররায়। তারি রক্ত চাই!
- রঘুপতি। স্থির  
হয়ে থাকো জয়সিংহ, হোয়ো না চঞ্চল!—  
বুঝেছ কি? শোনো তবে—গোপনে তাঁহারে  
বধ ক'রে আনিবে সে তপ্ত রাজরক্ত  
দেবীর চরণে।—
- জয়সিংহ, স্থির যদি  
না থাকিতে পার, চলে যাও অন্য ঠাই।—  
বুঝেছ নক্ষত্ররায়? দেবীর আদেশ,  
রাজরক্ত চাই—শ্রাবণের শেষ রাতে।  
তোমরা রয়েছে দুই রাজপ্রাতা—জ্যেষ্ঠ  
যদি অব্যাহতি পায়, তোমার শোণিত  
আছে। তুষিত হয়েছে যবে মহাকালী,  
তখন সময় আর নাই বিচারের।
- নক্ষত্ররায়। সর্বনাশ! হে ঠাকুর, কাজ কী রাজত্বে!  
রাজরক্ত থাক্ রাজদেহে, আমি যাহা  
আছি সেই ভালো।
- রঘুপতি। মৃন্তি নাই, মৃন্তি নাই।  
কিছুতেই! রাজরক্ত আনিতেই হবে!
- নক্ষত্ররায়। বলে দাও, হে ঠাকুর, কী করিতে হবে।
- রঘুপতি। প্রস্তুত হইয়া থাকো। যখন যা বলি,  
অবিলম্বে করিবে সাধন; কার্যসিদ্ধি  
যতদিন নাহি হয়, বন্ধ রেখো মৃদু।  
এখন বিদায় হও।
- নক্ষত্ররায়। হে মা কাত্যায়নী!
- জয়সিংহ। ঐকি শূন্যলম! দয়াময়ী মাতঃ, ঐকি  
কথা! তোম্র আজ্ঞা! ভাই দিলে ভ্রাতৃহত্যা!  
বিশ্বের জননী!—গদ্রুদেব! হেন আজ্ঞা

মাতৃ-আজ্ঞা বলে করিলে প্রচার!

রঘুপতি ।

আর

কী উপায় আছে বলো ।

জয়সিংহ ।

উপায়! কিসের

উপায় প্রভু! হা ধিক্! জননী, তোমার  
হস্তে খজা নাই? রোষে তব বজ্রানল  
নাহি চণ্ডী? তব ইচ্ছা উপায় খুঁজিছে,  
খুঁজিছে সন্ডুগপথ চোরের মতন  
রসাতলগামী? একি পাপ!

রঘুপতি ।

পাপপুণ্য

তুমি কিবা জান!

জয়সিংহ ।

শিখেছি তোমারি কাছে ।

রঘুপতি ।

তবে এসো বৎস, আর-এক শিক্ষা দিই ।  
পাপপুণ্য কিছদ্র নাই । কে বা ভ্রাতা, কে বা  
আত্মপর! কে বলিল হত্যাকাণ্ড পাপ!  
এ জগৎ মহা হত্যাশালা । জান না কি  
প্রত্যেক পলকপাতে লক্ষকোটি প্রাণী  
চির আঁখি মৃদুদিতেছে! সে কাহার খেলা?  
হত্যায় খচিত এই ধরণীর ধূলি ।  
প্রতিপদে চরণে দলিত শত কীট—  
তাহারা কি জীব নহে? রক্তের অক্ষরে  
অবিশ্রাম লিখিতেছে বৃন্দ মহাকাল  
বিশ্বপত্রে জীবের ক্ষণিক ইতিহাস ।  
হত্যা অরণ্যের মাঝে, হত্যা লোকালয়ে,  
হত্যা বিহঙ্গের নীড়ে, কীটের গহবরে,  
অগাধ সাগর-জলে, নির্মল আকাশে,  
হত্যা জীবিকার তরে, হত্যা খেলাচ্ছলে,  
হত্যা অকারণে, হত্যা অনিচ্ছার বশে—  
চলেছে নিখিল বিশ্ব হত্যার তাড়নে  
উধর্ষ্বাসে প্রাণপণে, ব্যাঘ্রের আক্রমে  
মৃগসম, মৃদুহৃৎ দাঁড়াতে নাহি পারে ।  
মহাকালী কালস্বরূপিণী, রয়েছেন  
দাঁড়াইয়া তুষাভীক্ষু লোলজিহবা মেলি—  
বিশ্বের চৌদিক বেয়ে চিররক্তধারা  
ফেটে পড়িতেছে, নিষ্পেষিত দ্রাক্ষা হতে  
রসের মতন, অনন্ত খর্পরে তাঁর—

জয়সিংহ ।

থামো, থামো, থামো!—

মায়াবিনী, পিশাচিনী,

মাতৃহীন এ সংসারে এসেছিস তুই  
মার ছন্দবেশ ধরে রক্তপানলোভে?  
ক্ষুধিত বিহঙ্গাশিশু অরক্ষিত নীড়ে  
চেয়ে থাকে মার প্রত্যাশায়, কাছে আসে

লব্ধ কাক, ব্যগ্রকণ্ঠে অন্ধ শাবকেরা  
 মা মনে করিয়া তারে করে ডাকাডাকি,  
 হারায় কোমল প্রাণ হিংস্রচণ্ডীঘাতে—  
 তেমনি কি তোর ব্যবসায়? প্রেম মিথ্যা,  
 স্নেহ মিথ্যা, দয়া মিথ্যা, মিথ্যা আর-সব,  
 সত্য শব্দ অনাদি অনন্ত হিংসা! তবে  
 কেন মেঘ হতে, ঝরে আশীর্বাদসম  
 বৃষ্টিধারা দম্ব ধরণীর বক্ষ-পরে—  
 গলে আসে পাষণ হইতে দয়াময়ী  
 স্রোতস্বিনী মরুমারে—কোটি কণ্টকের  
 শিরোভাগে কেন ফুল ওঠে বিকশিয়া?  
 ছলনা করেছ মোরে প্রভু! দেখিতেছ  
 মাতৃভক্তি রক্তসম হৃদয় টুটিয়া  
 ফেটে পড়ে কিনা আমার হৃদয় বলি  
 দিলে মাতৃপদে। ওই দেখো হাসিতেছে  
 মা আমার স্নেহপরিহাসবশে। বটে,  
 তুই রাক্ষসী পাষণী বটে, মা আমার  
 রক্ত-পিপাসিনী! নিবি মা আমার রক্ত,  
 ঘৃচাবি সন্তানজন্ম এ জন্মের তরে—  
 দিব ছুরি বৃকে? এই শিরা-ছেঁড়া রক্ত  
 বড়ো কি লাগিবে ভালো? ওরে, মা আমার  
 রাক্ষসী পাষণী বটে! ডাকিছ কি মোরে  
 গুরুদেব? ছলনা বৃকোঁছ আমি তব।  
 ভক্তিহিয়া-বিদারিত এই রক্ত চাও!  
 দিয়েছিলে এই যে বেদনা, তারি 'পরে  
 জননীর স্নেহহস্ত পড়িয়াছে। দ্বন্দ্ব  
 চেয়ে সদ্ধ শত গুণ। কিন্তু রাজরক্ত!  
 ছি ছি! ভক্তিপিপাসিতা মাতা, তাঁরে বলো  
 রক্তপিপাসিনী!

রঘুপতি।

বন্ধ হোক বলিদান

তবে!

জয়সিংহ।

হোক বন্ধ!—না না, গুরুদেব, তুমি  
 জান ভালোমন্দ। সরল ভক্তির বিধি  
 শাস্ত্রবিধি নহে। আপন আলোকে আঁখি  
 দেখিতে না পায়, আলোক আকাশ হতে  
 আসে। প্রভু, ক্ষমা করো, ক্ষমা করো দাসে।  
 ক্ষমা করো স্পর্ধা মৃত্যুর। ক্ষমা করো  
 নিতান্ত বেদনাবশে উদ্ভ্রান্ত প্রলাপ।  
 বলো প্রভু, সত্যই কি রাজরক্ত চান  
 মহাদেবী?

রঘুপতি।

হায় বৎস, হায়! অবশেষে

অবিশ্বাস মোর প্রতি?

জয়সিংহ।

অবিশ্বাস? কভু  
নহে। তোমারে ছাড়িলে, বিশ্বাস আমার  
দাঁড়াবে কোথায়? বাসুদেবের শিরশ্চ্যুত  
বসুধার মতো, শূন্য হতে শূন্যে পাবে  
লোপ। রাজরক্ত চায় তবে মহামায়া,  
সে রক্ত আনিব আমি। দিব না ঘটিতে  
ব্রাহ্মহত্যা।

রঘুপতি।

দেবতার আঙ্কা পাপ নহে।

জয়সিংহ।

পুণ্য তবে, আমিই সে করিব অর্জন।

রঘুপতি।

সত্য করে বলি, বংশ, তবে। তোরে আমি  
ভালোবাসি প্রাণের অধিক—পালিয়াছি  
শিশুকাল হতে তোরে, মায়ের অধিক  
স্নেহে—তোরে আমি নারিব হারাতে।

জয়সিংহ।

মোর

স্নেহে ঘটিতে দিব না পাপ, অভিশাপ  
আনিব না এ স্নেহের পরে।

রঘুপতি।

ভালো ভালো,

সে কথা হইবে পরে—কল্য হবে স্থির।

। উভয়ের প্রস্থান

## দ্বিতীয় দৃশ্য

মন্দির

অপর্ণা

গান

ওগো পুরবাসী,

আমি দ্বারে দাঁড়ায়ে আছি উপবাসী।

অপর্ণা।

জয়সিংহ, কোথা জয়সিংহ! কেহ নাই  
এ মন্দিরে। তুমি কে দাঁড়ায়ে আছ হোথা  
অচল মুরতি—কোনো কথা না বলিয়া  
হরিতেছ জগতের সার-ধন যত!  
আমরা যাহার লাগি কাতর কাণ্ডাল  
ফিরে মরি পথে পথে, সে আপনি এসে  
তব পদতলে করে আত্মসমর্পণ!  
তাহে তোর কোন্ প্রয়োজন! কেন তারে  
কৃপণের ধন-সম রেখে দিস পুণ্ডে  
মন্দিরের তলে—দরিদ্র এ সংসারের  
সর্ব ব্যবহার হতে করিয়া গোপন!

জয়সিংহ, এ পাষণী কোন্ সুখ দেয়,  
কোন্ কথা বলে তোমা-কাছে, কোন্ চিন্তা  
করে তোমা-তরে—প্রাণের গোপন পাশ্রে  
কোন্ সান্ধ্বনার সুধা চিররাত্রিদিন  
রেখে দেয় করিয়া সঞ্চিত!—ওরে চিত্ত  
উপবাসী, কার রুদ্ধ দ্বারে আছ বসে?

গান

ওগো পুরবাসী,

আমি দ্বারে দাঁড়ায়ে আছি উপবাসী।  
হেরিতেছি সুখমেলা, ঘরে ঘরে কত খেলা,  
শুনিতেছি সারাবেলা সন্মধুর বাঁশি।

রঘুপতির প্রবেশ

রঘুপতি। কে রে তুই এ মন্দিরে!  
অপর্ণা। আমি ভিখারিনী।  
জয়সিংহ কোথা?  
রঘুপতি। দূর হ এখান হতে  
মায়াবিনী! জয়সিংহে চাহিস কাড়িতে  
দেবীর নিকট হতে ওরে উপদেবী!  
অপর্ণা। আমা হতে দেবীর কী ভয়? আমি ভয়  
করি তারে, পাছে মোর সব করে গ্রাস!

গাহিতে গাহিতে প্রস্থান

চাহি না অনেক ধন, রব না অধিক দ্বন্দ্ব,  
যেথা হতে আসিয়াছি সেথা যাব ভাসি—  
তোমরা আনন্দে রবে নব নব উৎসবে,  
কিছু স্নান নাহি হবে গৃহভরা হাসি।

তৃতীয় দৃশ্য

মন্দির-সম্মুখে পথ

জয়সিংহ

জয়সিংহ। দূর হোক চিন্তাজাল! দ্বন্দ্ব দূর হোক!  
চিন্তার নরক চেয়ে কার্য ভালো, যত  
ক্লুর, যতই কঠোর হোক। কার্যের তো  
শেষ আছে, চিন্তার সীমানা নাই কোথা—  
ধরে সে সহস্র মূর্তি পলকে পলকে



বাষ্পের মতন; চারি দিকে যতই সে  
 পথ খুঁজে মরে, পথ তত লুপ্ত হয়ে  
 যায়। এক ভালো অনেকের চেয়ে। তুমি  
 সত্য, গুরুদেব, তোমারি আদেশ সত্য—  
 সত্যপথ তোমারি ইঙ্গিতমুখে। হত্যা  
 পাপ নহে, ভ্রাতৃহত্যা পাপ নহে, নহে  
 পাপ রাজহত্যা!—সেই সত্য, সেই সত্য!  
 পাপপুণ্য নাই, সেই সত্য! থাক্ চিন্তা,  
 থাক্ আত্মদাহ, থাক্ বিচার বিবেক!—  
 কোথা যাও ভাই-সব, মেলা আছে বুদ্ধি  
 নিশিপদুরে? কুকী রমণীর নৃত্য হবে?  
 আমিও যেতেছি।—এ ধরায় কত সুখ  
 আছে—নিশ্চিন্ত আনন্দসুখে নৃত্য করে  
 নারীদল, মধুর অঙ্গের রঙ্গভঙ্গ  
 উচ্ছ্বসিয়া উঠে চারি দিকে, তটপ্লাবী  
 তরঙ্গিণী-সম। নিশ্চিন্ত আনন্দে সবে  
 ধায় চারি দিক হতে—উঠে গীতগান,  
 বাহে হাস্যপরিহাস, ধরণীর শোভা  
 উজ্জ্বল মরুতি ধরে। আমিও চলি নু।

গান

আমারে কে নিবি ভাই, সর্পিপতে চাই আপনারে।  
 আমার এই মন গলিয়ে কাজ ভুলিয়ে সঙ্গে তোদের নিয়ে যা রে।  
 তোরা কোন্ রূপের হাটে, চলেছিস ভবের বাটে  
 পিছিয়ে আছি আমি আপন ভারে।  
 তোদের ওই হাসিখুশি দিবানিশি দেখে মন কেমন করে।  
 আমার এই বাধা টুটে নিয়ে যা লুটেপুটে,  
 পড়ে থাক্ মনের বোঝা ঘরের দ্বারে।  
 যেমন ওই এক নিমেষে বন্যা এসে  
 ভাসিয়ে নে যায় পারাবারে।  
 এত যে আনাগোনা, কে আছে জানাশোনা—  
 কে আছে নাম ধরে মোর ডাকতে পারে।  
 যদি সে বারেক এসে দাঁড়ায় হেসে  
 চিনতে পারি দেখে তারে।

দূরে অপর্ণার প্রবেশ

ওকি ও অপর্ণা, দূরে দাঁড়াইয়া কেন!  
 শূন্যতেছ অবাক হইয়া জয়সিংহ  
 গান গাহে? সব মিথ্যা, বৃহৎ বণ্ডনা,  
 তাই হাসিতেছি—তাই গাহিতেছি গান।  
 ওই দেখো পথ দিয়ে তাই চলিতেছে  
 লোক নির্ভাবনা, তাই ছোটো কথা নিয়ে

এতই কৌতুকহাসি, এত কুতূহল,  
 তাই এত ষড়্ভরে সেজেছে যুবতী।  
 সত্য যদি হত, তবে হত কি এমন?  
 সহজে আনন্দ এত বহিত কি হেথা?  
 তাহা হলে বেদনায় বিদীর্ণ ধরায়  
 বিশ্বব্যাপী ব্যাকুল ক্রন্দন থেমে গিয়ে  
 ম্লক হয়ে রহিত অনন্তকাল ধরি।  
 বাঁশ যদি সতাই কাঁদিত বেদনায়,  
 ফেটে গিয়ে সংগীত নীরব হত তার!  
 মিথ্যা বলে তাই এত হাসি—শ্মশানের  
 কোলে বসে থেলা, বেদনার পাশে শূন্যে  
 গান, হিংসা-ব্যাপ্তিনীর খরনখতলে  
 চলিতেছে প্রতিদিবসের কর্মকাজ!  
 সত্য হলে এমন কি হত? হা অপর্ণা,  
 তুমি আমি কিছু সত্য নই, তাই জেনে  
 সখী হও—বিষন্ন বিস্ময়ে, মৃগধ আঁখি  
 তুলে কেন রয়েছিস চেয়ে! আয় সখী,  
 চিরদিন চলে যাই দুইজনে মিলে  
 সংসারের 'পর দিয়ে, শূন্য নভস্তলে  
 দুই লঘু মেঘখণ্ড-সম।

#### রঘুপতির প্রবেশ

রঘুপতি। জয়সিংহ!  
 জয়সিংহ। তোমারে চিনি নে আমি। আমি চলিয়াছি  
 আমার অদৃষ্টভরে ভেসে নিজ পথে,  
 পথের সহস্র লোক যেমন চলেছে।  
 তুমি কে বলিছ মোরে দাঁড়াইতে? তুমি  
 চলে যাও—আমি চলে যাই।

রঘুপতি। জয়সিংহ!  
 জয়সিংহ। ওই তো সম্মুখে পথ চলেছে সরল--  
 চলে যাব ভিক্ষাপাত্র হাতে, সঙ্গে লয়ে  
 ভিখারিনী সখী মোর। কে বলিল, এই  
 সংসারের রাজপথ দূরহু জটিল!  
 যেমন করেই যাই, দিবা-অবসানে  
 প'হুছিব জীবনের অন্তিম পলকে,  
 আচার বিচার তর্ক বিতর্কের জাল  
 কোথা মিশে যাবে। ক্ষুদ্র এই পরিপ্রান্ত  
 নরজন্ম সমর্পিবে ধরণীর কোলে—  
 দূ-চারি দিনের এই সমষ্টি আমার,  
 দূ-চারিটা ভুলভ্রান্তি ভয় দৃঃখসুখ,  
 ক্ষীণ হৃদয়ের আশা, দুর্বলতাবশে  
 প্রগট ভ্রম এ জীবনভার, ফিরে দিয়ে

অনন্তকালের হাতে, গভীর বিশ্রাম।  
এই তো সংসার! কী কাজ শাস্ত্রের বিধি!  
কী কাজ গুরুদেব!

প্রভু! পিতা! গুরুদেব!  
কী বলিতেছিলাম! স্বপ্নে ছিলাম এতক্ষণ।  
এই সে মন্দির—ওই সেই মহাবট  
দাঁড়িয়ে রয়েছে, অটল কঠিন দৃঢ়  
নিষ্ঠুর সত্যের মতো। কী আদেশ দেব!  
ভুলি নাই কী করিতে হবে। এই দেখো—  
ছুরি দেখাইয়া

তোমার আদেশ-স্মৃতি অন্তরে বাহিরে  
হতেছে শাণিত। আরো কী আদেশ আছে  
প্রভু!

দয়পতিঃ দূর করে দাও ওই বালিকারে  
মন্দির হইতে।—মায়াবিনী, জানি আমি  
তোদের কুহক।—দূর করে দাও ওরে!  
জয়সিংহঃ দূর করে দিব? দরিদ্র আমারি মতো  
মন্দির-আশ্রিত, আমারি মতন হায়  
সঙ্গীহীন, অকণ্টক পুষ্পের মতন  
নির্দোষ নিষ্পাপ শুভ্র সুন্দর সরল  
সুকোমল বেদনাকাতর, দূর করে  
দিতে হবে ওরে? তাই দিব গুরুদেব!  
চলে যা অপর্ণা! দয়ামায়া স্নেহপ্রেম  
সব মিছে! মরে যা অপর্ণা! সংসারের  
বাহিরেতে কিছুই না থাকে যদি, আছে  
তবু দয়াময় মৃত্যু। চলে যা অপর্ণা!  
অপর্ণাঃ তুমি চলে এসো জয়সিংহ, এ মন্দির  
ছেড়ে, দুইজনে চলে যাই।

জয়সিংহঃ দুইজনে  
চলে যাই! এ তো স্বপ্ন নয়। একবার  
স্বপ্নে মনে করেছিলাম স্বপ্ন এ জগৎ।  
তাই হেসেছিলাম সুখে, গান গেয়েছিলাম।  
কিন্তু সত্য এ যে। বোলো না সুখের কথা  
আর, দেখায়ে না স্বাধীনতা-প্রলোভন—  
বন্দী আমি সত্য-কারাগারে।

দয়পতিঃ জয়সিংহঃ  
কাল নাই মিষ্ট আলাপের। দূর করে  
দাও ওই বালিকারে।

জয়সিংহঃ চলে যা অপর্ণা!

অপর্ণাঃ কেন যাব!

জয়সিংহঃ এই নারী-অভিমান তোর?

অপর্ণা। অভিমান কিছ্ৰু নাই আর। জয়সিংহ,  
তোমার বেদনা, আমার সকল ব্যথা  
সব গৰ্ব চেয়ে বেশি। কিছ্ৰু মোর নাই  
অভিমান।

জয়সিংহ। তবে আমি যাই। মৃদু তোর  
দেখিব না, যতক্ষণ রহিবি হেথায়।—  
চলে যা অপর্ণা!

অপর্ণা। নিষ্ঠুর ব্রাহ্মণ, থিক্  
থাক্ ব্রাহ্মণস্বে তব। আমি ক্ষুদ্র নারী  
অভিশাপ দিয়ে গেন্দু তোরে, এ বন্ধনে  
জয়সিংহে পারিবি না বাঁধিয়া রাখিতে।

[ প্রস্থান

রঘুপতি। বৎস, তোলো মৃদু, কথা কও একবার!  
প্রাণপ্রিয় প্রাণাধিক, আমার কি প্রাণে  
অগাধ সমুদ্র-সম স্নেহ নাই! আরো  
চাস? আমি আজন্মের বন্ধু, দৃঢ় দণ্ডের  
মায়াপাশ ছিন্ন হয়ে যায় যদি, তাহে  
এত ক্লেশ?

জয়সিংহ। থাক্ প্রভু, বোলো না স্নেহের  
কথা আর। কর্তব্য রহিল শূন্য মনে।  
স্নেহপ্রেম তরুলাতাপরপদ্প-সম  
ধরণীর উপরেতে শূন্য, আসে যায়  
শূন্য মিলায় নব নব স্বপ্নবৎ।  
নিম্নে থাকে শূন্য রক্ত পাষাণের স্তূপ  
রাত্রিদিন, অনন্ত হৃদয়ভার-সম।

[ প্রস্থান

রঘুপতি। জয়সিংহ, কিছ্ৰুতে পাই নে তোর মন,  
এত যে সাধনা করি নানা ছলে-বলে।

[ প্রস্থান

## চতুর্থ দৃশ্য

### মন্দিরপ্রাঙ্গণ

#### জনতা

গণেশ। এবারে মেলায় তেমন লোক হল না!

অক্কুর। এবারে আর লোক হবে কী করে? এ তো আর হিন্দুর রাজত্ব রইল না। এ যেন  
নবাবের রাজত্ব হয়ে উঠল। ঠাকরুনের বলিই বন্ধ হয়ে গেল, তো মেলায় লোক আসবে কী!  
কান্দু। ভাই, রাজার তো এ বৃদ্ধি ছিল না, বোধ হয় কিসে তাকে পেয়েছে।

অক্লুর। যদি পেয়ে থাকে তো কোন্ মদুসলমানের ভূতে পেয়েছে, নইলে বলি উঠিয়ে দেবে কেন?

গণেশ। কিন্তু যাই বল, এ রাজ্যের মঙ্গল হবে না।

কান্দু। পদুদুত ঠাকুর তো স্বয়ং বলে দিয়েছেন, তিন মাসের মধ্যে মড়কে দেশ উচ্ছন্ন যাবে।

হার্দু। তিন মাস কেন, যেরকম দেখছি তাতে তিন দিনের ভর সহিবে না। এই দেখো-না কেন, আমাদের মোধো এই আড়াই বছর ধরে ব্যামোয় ভুগে ভুগে বরাবরই তো বেঁচে এসেছে, ঐ যেমন বলি বন্ধ হল অমনি মারা গেল।

অক্লুর। না রে, সে তো আজ তিন মাস হল মরেছে।

হার্দু। নাহয় তিন মাসই হল, কিন্তু এই বছরেই তো মরেছে বটে।

ক্ষান্তমণি। ওগো, তা কেন, আমার ভাশদুরপো, সে যে মরবে কে জানত। তিন দিনের জ্বর—ঐ, যেমনি কবিরাজের বাড়িটি খাওয়া অমনি চোখ উল্টে গেল।

গণেশ। সেদিন মথুরহাটির গঞ্জে আগদুন লাগল, একখানি চালা বাকি রইল না!

চিন্তামণি। অত কথায় কাজ কী! দেখো-না কেন, এ বছর ধান যেমন সস্তা হয়েছে এমন আর কোনোবার হয় নি। এ বছর চাষার কপালে কী আছে কে জানে!

হার্দু। ঐ রে, রাজা আসছে। সকালবেলাতেই আমাদের এমন রাজার মদুখ দেখলুম, দিন কেমন যাবে কে জানে। চল্ এখান থেকে সরে পড়ি।

[ সকলের প্রস্থান ]

চাঁদপাল ও গোবিন্দমাণিক্যের প্রবেশ

চাঁদপাল। মহারাজ, সাবধানে থেকে। চারি দিকে চক্ষুকর্ণ পেতে আছি, রাজ-ইন্টানিষ্ট কিছ্‌র না এড়ায় মোর কাছে। মহারাজ, তব প্রাণহত্যা-তরে গদুগত আলোচনা স্বকর্ণে শুনছি।

গোবিন্দমাণিক্য। প্রাণহত্যা! কে করিবে?

চাঁদপাল। বলিতে সংকোচ মানি। ভয় হয় পাছে সত্যকার ছুরি চেয়ে নিষ্ঠুর সংবাদ অধিক আঘাত করে রাজার হৃদয়ে।

গোবিন্দমাণিক্য। অসংকোচে বলে যাও। রাজার হৃদয় সতত প্রস্তুত থাকে আঘাত সহিতে। কে করেছে হেন পরামর্শ?

চাঁদপাল। যদুবরাজ

নক্ষত্ররায়।

গোবিন্দমাণিক্য। নক্ষত্র!

চাঁদপাল। স্বকর্ণে শুনছি

মহারাজ, রঘুপতি যদুবরাজে মিলে গোপনে মন্দিরে বসে স্থির হয়ে গেছে সব কথা।

গোবিন্দমাণিক্য। দুই দণ্ডে স্থির হয়ে গেল

আজন্মের বন্ধন টুটিতে! হায় বিধি!

চাঁদপাল। দেবতার কাছে তব রক্ত এনে দেবে—

গোবিন্দমাণিক্য। দেবতার কাছে! তবে আর নক্ষত্রের

নাই দোষ! জানিয়াছি, দেবতার নামে  
মনদ্বাঘ হারায় মানদ্ব। ভয় নাই,  
যাও তুমি কাজে! সাবধানে রব আমি।

[চাঁদপালের প্রস্থান]

রক্ত নহে, ফুল আনিয়াছি মহাদেবী!  
ভক্তি শূদ্ধ—হিংসা নহে, বিভীষিকা নহে।  
এ জগতে দুর্বলেরা বড়ো অসহায়  
মা জননী, বাহুবল বড়োই নিষ্ঠুর,  
স্বার্থ বড়ো ক্রুর, লোভ বড়ো নিদারুণ,  
অজ্ঞান একান্ত অন্ধ—গর্ব চলে যায়  
অকাতরে ক্ষুদ্রে দলিয়া পদতলে।  
হেথা স্নেহ-প্রেম অতি ক্ষীণ বৃন্তে থাকে,  
পলকে খসিয়া পড়ে স্বার্থের পরশে।  
তুমিও, জননী, যদি খজা উঠাইলে,  
মেলিলে রসনা, তবে সব অন্ধকার!  
ভাই-তাই ভাই নহে আর, পতি-প্রতি  
সতী বান, বন্ধু শত্রু, শোণিতে পাকিল  
মানবের বাসগৃহ, হিংসা পুণ্য, দয়া  
নির্বাসিত। আর নহে, আর নহে, ছাড়ো  
ছদ্মবেশ। এখনো কি হয় নি সময়?  
এখনো কি রহিবে প্রলয়রূপে তব?  
এই-ষে উঠিছে খজা চারি দিক হতে  
মোর শির লক্ষ্য করি, মাতঃ, একি তোরি  
চারি ভুজ হতে? তাই হবে! তবে তাই  
হোক। বৃদ্ধি মোর রক্তপাতে হিংসানল  
নিবে যাবে। ধরণীর সহিবে না এত  
হিংসা। রাজহত্যা! ভাই দিয়ে ভ্রাতৃহত্যা!  
সমস্ত প্রজার বৃকে লাগিবে বেদনা,  
সমস্ত ভায়ের প্রাণ উঠিবে কাঁদিয়া।  
মোর রক্তে হিংসার ঘৃচিবে মাতৃবেশ,  
প্রকাশিবে রাক্ষসী-আকার। এই যদি  
দয়ার বিধান তোর, তবে তাই হোক!

জয়সিংহের প্রবেশ

জয়সিংহ।

বল্ চন্ডী, সতাই কি রাজরক্ত চাই?  
এই বেলা বল্, বল্ নিজ মূখে, বল্  
মানবভাষায়, বল্ শীঘ্র—সতাই কি  
রাজরক্ত চাই?

নেপথ্যে।

চাই।

জয়সিংহ।

তবে মহারাজ,

নাম লহো ইষ্টদেবতার। কাল তব  
নিকটে এসেছে।

গোবিন্দমাণিক্য। কী হয়েছে জয়সিংহ ?  
জয়সিংহ। শুনিলে না নিজকর্ণে ? দেবীয়ে শ্রুদান্দ  
সতাই কি রাজরক্ত চাই—দেবী নিজে  
কহিলেন 'চাই'।

গোবিন্দমাণিক্য। দেবী নহে জয়সিংহ,  
কহিলেন রঘুপতি অন্তরাল হতে,  
পরিচিত স্বর।

জয়সিংহ। কহিলেন রঘুপতি ?  
অন্তরাল হতে—নহে নহে, আর নহে !  
কেবলি সংশয় হতে সংশয়ের মাঝে  
নামিতে পারি নে আর ! যখনি কুলের  
কাছে আসি, কে মোরে ঠেলিয়া দেয় যেন  
অতলের মাঝে ! সে যে অবিশ্বাস-দৈত্য !  
আর নহে । গুরু হোক কিংবা দেবী হোক,  
একই কথা !—

ছুরিকা উন্মোচন !... ছুরি ফেলিয়া  
ফুল নে মা ! নে মা ! ফুল নে মা !  
পায়ে ধরি, শ্রুদ ফুল নিয়ে হোক তোর  
পরিতোষ ! আর রক্ত না মা, আর রক্ত  
নয় ! এও যে রক্তের মতো রাঙা, দুটি  
জবাফুল ! পৃথিবীর মাতৃবক্ষ ফেটে  
উঠিয়াছে ফুটে, সন্তানের রক্তপাতে  
বার্ণিত ধরার স্নেহ-বেদনার মতো ।  
নিতে হবে ! এই নিতে হবে ! আমি  
নাহি ডরি তোর রোষ । রক্ত নাহি দিব !  
রাঙা তোর আঁখি ! তোল্ তোর খঞ্জা ! আন্  
তোর শ্মশানের দল ! আমি নাহি ডরি ।

[ গোবিন্দমাণিক্যের প্রস্থান ]

এ কী হল হায় ! দেবী, গুরু বাহা ছিল  
এক দণ্ডে বিসর্জন দিন্দ—বিশ্বমাঝে  
কিছুরিহল না আর !

রঘুপতি। রঘুপতির প্রবেশ  
সকল শ্রুদনোঁছ  
আমি । সব পণ্ড হল । কী করিলি ওরে  
অকৃতজ্ঞ !

জয়সিংহ। দণ্ড দাও প্রভু !  
রঘুপতি। সব ভেঙে  
দিলি ! ব্রহ্মশাপ ফিরাইলি অর্ধপথ  
হতে ! লঞ্জিলি গুরুদর বাক্য ! ব্যর্থ করে  
দিলি দেবীর আদেশ ! আপন বৃন্দ্বিরে

করিলি সকল হতে বড়ো! আজন্মের  
 স্নেহস্বর্ণ শূন্যিলি এমনি করে!  
 জয়সিংহ। দন্ড  
 দাও পিতা!  
 রঘুপতি। কোন্ দন্ড দিব?  
 জয়সিংহ। প্রাণদন্ড।  
 রঘুপতি। নহে। তার চেয়ে গুরুদন্ড চাই। স্পর্শ  
 কর্ দেবীর চরণ।  
 জয়সিংহ। করিন্দু পরশ।  
 রঘুপতি। বল্ তবে, 'আমি এনে দিব রাজরক্ত  
 শ্রাবণের শেষ রাত্রে দেবীর চরণে।'  
 জয়সিংহ। আমি এনে দিব রাজরক্ত, শ্রাবণের  
 শেষ রাত্রে দেবীর চরণে।  
 রঘুপতি। চলে যাও।

## তৃতীয় অঙ্ক

### প্রথম দৃশ্য

#### মন্দির

জনতা। রঘুপতি ও জয়সিংহ

রঘুপতি। তোরা এখানে সব কী করতে এলি?

সকলে। আমরা ঠাকরুন দর্শন করতে এসেছি।

রঘুপতি। বটে! দর্শন করতে এসেছ? এখনো তোমাদের চোখ দুটো যে আছে সে কেবল বাপের পুণ্যে। ঠাকরুন কোথায়! ঠাকরুন এ রাজ্য ছেড়ে চলে গেছেন। তোরা ঠাকরুনকে রাখতে পারিলি কই? তিনি চলে গেছেন।

সকলে। কী সর্বনাশ! সে কি কথা ঠাকুর! আমরা কী অপরাধ করেছি?

নিস্তারিণী। আমার বোনপো'র বামো ছিল বলেই যা আমি ক'দিন পূজো দিতে আসতে পারি নি।

গোবর্ধন। আমার পাঁঠা দুটো ঠাকরুনকেই দেব বলে অনেক দিন থেকে মনে করে রেখে-ছিলুম, এরই মধ্যে রাজা বলি বন্দ করে দিলে তো আমি কী করব!

হারদু। এই আমাদের গন্ধমাদন যা মানত করেছিল তা মাকে দেয় নি বটে, কিন্তু মাও তো তেমনি তাকে শাস্তি দিয়েছেন। তার পিঁলে বেড়ে ঢাক হয়ে উঠেছে—আজ ছ'টি মাস বিছানার প'ড়ে। তা বেশ হয়েছে, আমাদেরই যেন সে মহাজন, তাই বলে কি মাকে ফাঁকি দিতে পারবে!

অরুণ। চুপ কর্ তোরা। মিছে গোল করিস নে। আচ্ছা ঠাকুর, মা কেন চলে গেলেন, আমাদের কী অপরাধ হয়েছিল?

রঘুপতি। মার জন্যে এক ফোঁটা রক্ত দিতে পারিস নে, এই তো তোদের ভীতি!

অনেকে। রাজার আজ্ঞা, তা আমরা কী করব?

রঘুপতি। রাজা কে? মার সিংহাসন তবে কি রাজার সিংহাসনের নীচে? তবে এই মাতৃহীন দেশে তোদের রাজাকে নিয়েই থাক্, দেখি তোদের রাজা কী করে রক্ষা করে।



সকলের সম্মুখে গদগদ স্বরে কথা

অক্রুর। চূপ কর।—সন্তান যদি অপরাধ করে থাকে মা তাকে দণ্ড দিক, কিন্তু একেবারে ছেড়ে চলে যাবে এ কি মার মতো কাজ? বলে দাও কী করলে মা ফিরবে।

রঘুপতি। তোদের রাজা যখন রাজ্য ছেড়ে যাবে, মাও তখন রাজ্যে ফিরে পদার্পণ করবে।

নিঃসন্তানভাবে পরস্পরের মুখাবলোকন

রঘুপতি। তবে তোরা দেখবি? এইখানে আয়। অনেক দূর থেকে অনেক আশা করে ঠাকরুনকে দেখতে এসেছি, তবে একবার চেয়ে দেখ।

মন্দিরের দ্বার-উদ্ঘাটন। প্রতিমার পশ্চাৎভাগ দৃশ্যমান

সকলে। ও কী! মার মুখ কোন্ দিকে?

অক্রুর। ওরে, মা বিমুখ হয়েছেন!

সকলে। ও মা, ফিরে দাঁড়া মা! ফিরে দাঁড়া মা! ফিরে দাঁড়া মা! একবার ফিরে দাঁড়া! মা কোথায়! মা কোথায়! আমরা তোকে ফিরিয়ে আনব মা! আমরা তোকে ছাড়ব না। চাই নে আমাদের রাজা। যাক রাজা! মরুক রাজা!

রঘুপতির নিকট আসিয়া

জয়সিংহ। প্রভু, আমি কি একটি কথাও কব না?

রঘুপতি। না।

জয়সিংহ। সন্দেহের কি কোনো কারণ নেই?

রঘুপতি। না।

জয়সিংহ। সমস্তই কি বিশ্বাস করব?

রঘুপতি। হাঁ।

অপর্ণার প্রবেশ  
পার্শ্ব আসিয়া

অপর্ণা। জয়সিংহ! এসো জয়সিংহ, শীঘ্র এসো  
এ মন্দির ছেড়ে।

জয়সিংহ। বিদীর্ণ হইল বক্ষ।

[রঘুপতি অপর্ণা ও জয়সিংহের প্রস্থান]

রাজার প্রবেশ

প্রজাগণ। রক্ষা করো মহারাজ, আমাদের রক্ষা  
করো—মাকে ফিরে দাও!

গোবিন্দমাণিক্য। বৎসগণ, করো  
অবধান। সেই মোর প্রাণপণ সাধ  
জননীকে ফিরে এনে দেব!

প্রজাগণ। জয় হোক  
মহারাজ, জয় হোক তব।

গোবিন্দমাণিক্য। একবার  
শুধাই তোদের, তোরা কি মায়ের গর্ভে  
নিস নি জনম? মাতৃগণ, তোমরা তো

অনুভব করিয়াছ কোমল হৃদয়ে  
 মাতৃস্নেহসুধা—বলো দেখি মা কি নেই?  
 মাতৃস্নেহ সব হতে পবিত্র প্রাচীন;  
 সৃষ্টির প্রথম দণ্ডে মাতৃস্নেহ শূন্য  
 একেলা জাগিয়া বসে ছিল, নতনেয়ে  
 তরুণ বিশ্বেবের কোলে লয়ে। আজিও সে  
 পুরাতন মাতৃস্নেহ রয়েছে বাঁসিয়া  
 ধৈর্যের প্রতিমা হয়ে। সহিয়াছে কত  
 উপদ্রব, কত শোক, কত ব্যথা, কত  
 অনাদর—চোখের সন্মুখে ভায়ে ভায়ে  
 কত রক্তপাত, কত নিষ্ঠুরতা, কত  
 অবিশ্বাস—বাক্যহীন বেদনা বাঁহিয়া  
 তবু সে জননী আছে বসে, দুর্বলের  
 তরে কোল পাতি, একান্ত যে নিরুপার  
 তারি তরে সমস্ত হৃদয় দিয়ে। আজ  
 কী এমন অপরাধ করিয়াছি মোরা  
 যার লাগি সে অসীম স্নেহ চলে গেল  
 চিরমাতৃহীন করে অনাথ সংসার!  
 বৎসগণ, মাতৃগণ, বলো, খুলে বলো—  
 কী এমন করিয়াছি অপরাধ?

কেহ কেহ।

মার

গোবিন্দমাণিক্য।

বলি নিষেধ করেছ! বন্ধ মার পূজা!  
 নিষেধ করেছি বলি, সেই অভিমানে  
 বিমুখ হয়েছে মাতা! আসিছে মড়ক,  
 উপবাস, অনাবৃষ্টি, অগ্নি, রক্তপাত—  
 মা তোদের এমনি মা বটে! দণ্ডে দণ্ডে  
 ক্ষীণ শিশুটিরে স্তন্য দিয়ে বাঁচাইয়ে  
 তোলে মাতা, সে কি তার রক্তপানলোভে?  
 হেন মাতৃ-অপমান মনে স্থান দিলি  
 যবে, আজন্মের মাতৃস্নেহস্মৃতিমাঝে  
 ব্যথা বাজিল না? মনে পড়িল না মা'র  
 মুখ?—‘রক্ত চাই’ ‘রক্ত চাই’ গরজন  
 করিছে জননী, অবোলা দুর্বল জীব  
 প্রাণভয়ে কাঁপে থরথর—নৃত্য করে  
 দয়্যাহীন নরনারী রক্তমণ্ডতায়—  
 এই কি মায়ের পরিবার? পুত্রগণ,  
 এই কি মায়ের স্নেহছবি?

প্রজাগণ।

মুখ্য মোরা

গোবিন্দমাণিক্য।

বুদ্ধিতে পারি নে।

বুদ্ধিতে পার না! শিশু  
 দু দিনের, কিছুর যে বোঝে না আর, সেও  
 তার জননীকে বোঝে। সেও বোঝে, ভয়

পেলে নির্ভয় মাগের কাছে; সেও বোঝে  
ক্ষুধা পেলে দুগ্ধ আছে মাতৃস্তনে; সেও  
ব্যথা পেলে কাদে মার মূখ চেয়ে।—তোরা  
এমনি কি ভুলে ভ্রান্ত হলি, মাকে গেলি  
ভুলে? বদ্বিতে পার না মাতা দয়াময়ী!  
বদ্বিতে পার না জীবজননীর পূজা  
জীবরক্ত দিয়ে নহে, ভালোবাসা দিয়ে!  
বদ্বিতে পার না—ভয় যেথা মা সেখানে  
নয়, হিংসা যেথা মা সেখানে নাই, রক্ত  
যেথা মার সেথা অশ্রুজল! ওরে বৎস,  
কী করিয়া দেখাব তোদের, কী বেদনা  
দেখেছি মাগের মূখে, কী কাতর দয়া,  
কী ভৎসনা অভিমান-ভরা ছলছল  
নেড়ে তাঁর। দেখাইতে পারিতাম যদি,  
সেই দণ্ডে চিনিতিস আপনার মাকে।  
দয়া এল দীনবেশে মন্দিরের দ্বারে,  
অশ্রুজলে মূছে দিতে কলংকের দাগ  
গার সিংহাসন হতে—সেই অপরাধে  
মাতা চলে গেল রোষভরে, এই তোরা  
করিলি বিচার?

অপর্ণার প্রবেশ

প্রজাগণ।

আপনি চাহিয়া দেখো,  
বিমুখ হয়েছে মাতা সন্তানের পরে।

মন্দিরের দ্বারে উঠিয়া

অপর্ণা। বিমুখ হয়েছে মাতা! আয় তো মা, দেখি,  
আয় তো সম্মুখে একবার!

প্রতিমা ফিরাইয়া

এই দেখো

মুখ ফিরায়েছে মাতা।

সকলে।

ফিরেছে জননী!  
জয় হোক! জয় হোক! মাতঃ, জয় হোক।

সকলে মিলিয়া গান

থাকতে আর তো পারলি নে মা, পারলি কই?  
কোলের সন্তানেরে ছাড়লি কই?  
দোষী আছি অনেক দোষে, ছিলি বসে ক্ষণিক রোষে,  
মুখ তো ফিরালি শেষে, অভয় চরণ কাড়লি কই?

[সকলের প্রস্থান]

জয়সিংহ ও রঘুপতির প্রবেশ

জয়সিংহ। সত্য বলো, প্রভু, তোমারি এ কাজ?

রঘুপতি ।

সত্য

কেন না বলিব? আমি কি ডরাই সত্য  
বলিবারে? আমারি এ কাজ। প্রতিমার  
মুখ ফিরায়ে দিয়েছি আমি। কী বলিতে  
চাও বলো। হয়েছে গুরুদর গুরু তুমি,  
কী ভৎসনা করিবে আমারে? দিবে কোন  
উপদেশ?

জয়সিংহ ।

বলিবার কিছু নাই মোর ।

রঘুপতি ।

কিছু নাই? কোনো প্রশ্ন নাই মোর কাছে?  
সন্দেহ জন্মিলে মনে মীমাংসার তরে  
চাহিবে না গুরু-উপদেশ? এত দূরে  
গেছ? মনে এতই কি ঘটেছে বিচ্ছেদ?  
মুটু, শোনো। সত্যই তো বিমুখ হয়েছে  
দেবী, কিন্তু তাই বলে প্রতিমার মুখ  
নাহি ফিরে। মন্দিরে যে রক্তপাত করি  
দেবী তাহা করে পান, প্রতিমার মুখে  
সে রক্ত উঠে না। দেবতার অসন্তোষ  
প্রতিমার মুখে প্রকাশ না পায়। কিন্তু  
মূর্খদের কেমনে বুঝাব! চোখে চাহে  
দেখিবারে, চোখে যাহা দেখিবার নয়।  
মিথ্যা দিয়ে সত্যেরে বুঝাতে হয় তাই।  
মূর্খ, তোমার আমার হাতে সত্য নাই।  
সত্যের প্রতিমা সত্য নহে, কথা সত্য  
নহে, লিপি সত্য নহে, মূর্তি সত্য নহে—  
চিন্তা সত্য নহে। সত্য কোথা আছে—কেহ  
নাহি জানে তারে, কেহ নাহি পায় তারে।  
সেই সত্য কোটি মিথ্যারূপে চারি দিকে  
ফাটিয়া পড়েছে। সত্য তাই নাম ধরে  
মহামায়া, অর্থাৎ তার 'মহামিথ্যা'। সত্য  
মহারাজ বসে থাকে রাজ-অন্তঃপুরে—  
শত মিথ্যা প্রতিনিধি তার, চতুর্দিকে  
মরে খেটে খেটে।—

শিরে হাত দিয়ে, ব'সে

ব'সে ভাবো—আমার অনেক কাজ আছে!  
আবার গিয়েছে ফিরে প্রজাদের মন।

জয়সিংহ ।

যে তরঙ্গ তীরে নিয়ে আসে, সেই ফিরে  
অকুলের মাঝখানে টেনে নিয়ে যায়।  
সত্য নহে, সত্য নহে, সত্য নহে—সবই  
মিথ্যা! মিথ্যা! মিথ্যা! দেবী নাই প্রতিমার  
মাঝে, তবে কোথা আছে? কোথাও সে নাই!  
দেবী নাই! ধন্য ধন্য ধন্য মিথ্যা তুমি!

## দ্বিতীয় দৃশ্য

প্রাসাদকক্ষ

গোবিন্দমাণিক্য ও চাঁদপাল

চাঁদপাল। প্রজারা করিছে কুমন্ত্রণা। মোগলের  
সেনাপতি চলিয়াছে আসামের দিকে  
যুদ্ধ-লাগি, নিকটেই আছে, দুই-চারি  
দিবসের পথে—প্রজারা তাহারি কাছে  
পাঠাবে প্রস্তাব তোমারে করিতে দূর  
সিংহাসন হতে।

গোবিন্দমাণিক্য। আমারে করিবে দূর ?  
মোর 'পরে এত অসন্তোষ ?

চাঁদপাল। মহারাজ,  
সেবকের অনুন্নয় রাখো—পশুরক্ত  
এত যদি ভালো লাগে নিষ্ঠুর প্রজার  
দাও তাহাদের পশু, রাক্ষসী প্রবৃত্তি  
পশুর উপর দিয়া যাক। সর্বদাই  
ভয়ে ভয়ে আছি কখন কী হয়ে পড়ে।

গোবিন্দমাণিক্য। আছে ভয় জানি চাঁদপাল, রাজকার্য  
সেও আছে। পাথার ভীষণ, তবু তরী  
তীরে নিয়ে যেতে হবে। গেছে কি প্রজার  
দূত মোগলের কাছে ?

চাঁদপাল। এতক্ষণে গেছে।

গোবিন্দমাণিক্য। চাঁদপাল, তুমি তবে যাও এই বেলা,  
মোগলের শিবিরের কাছাকাছি থেকো—  
যখন যা ঘটে সেথা পাঠায়ো সংবাদ।

চাঁদপাল। মহারাজ, সাবধানে থেকো হেথা প্রভু,  
অন্তরে বাহিরে শত্রু।

[ প্রস্থান

গৃধ্রবতীর প্রবেশ

গোবিন্দমাণিক্য। প্রিয়ে, বড়ো শূঙ্ক,

বড়ো শূন্য এ সংসার। অন্তরে বাহিরে  
শত্রু। তুমি এসে ক্ষণেক দাঁড়াও হেসে,  
ভালোবেসে চাও মৃৎপানে। প্রেমহীন  
অন্ধকার ষড়যন্ত্র বিপদ বিদ্বেষ  
সবার উপরে, হোক তব সুধাময়  
আবির্ভাব, ঘোর নিশীথের শিরোদেশে  
নির্নিমেষ চন্দের মতন। প্রিয়তমে,  
নিরুত্তর কেন ? অপরাধ-বিচারের  
এই কি সময় ? তুষার হৃদয় যবে

নন্দমুখের মতো চাহে মরুভূমি-মাঝে  
সুধাপাত্র হাতে নিয়ে ফিরে চলে যাবে?

[ গৃহবতীর প্রস্থান

চলে গেলে! হায়, দুর্বহ জীবন!

নক্ষত্ররায়ের প্রবেশ

স্বগত

নক্ষত্ররায়। যেথা যাই সকলেই বলে, 'রাজা হবে?'—  
'রাজা হবে?'—এ বড়ো আশ্চর্য কান্ড। একা  
বসে থাকি, তবু শূনি কে যেন বলিছে—  
'রাজা হবে?' 'রাজা হবে?' দুই কানে যেন  
বাসা করিয়াছে দুই টিমে পাখি, এক  
বুলি জানে শূধু—'রাজা হবে?' 'রাজা হবে?'  
ভালো বাপু, তাই হব, কিন্তু রাজরক্ত  
সে কি তোরা এনে দিবি?

গোবিন্দনাথিক্য।

নক্ষত্র!

নক্ষত্র সচকিত

নক্ষত্র!

আমারে মারিবে তুমি? বলো, সত্য বলো,  
আমারে মারিবে? এই কথা জাগিতেছে  
হৃদয়ে তোমার নিশিদিন? এই কথা  
মনে নিয়ে মোর সাথে হাসিয়া বলেছ  
কথা, প্রণাম করেছ পায়ে, আশীর্বাদ  
করেছ গ্রহণ, মধ্যাহ্নে আহারকালে  
এক অন্ন ভাগ করে করেছ ভোজন  
এই কথা নিয়ে? বৃকে ছুরি দেবে? ওরে  
ভাই, এই বৃকে টেনে নিয়েছিন্দু তোরে  
এ কঠিন মর্ত্যভূমি প্রথম চরণে  
তোর বেজেছিল যবে—এই বৃকে টেনে  
নিয়েছিন্দু তোরে, যেদিন জননী, তোর  
শিরে শেষ স্নেহহস্ত রেখে, চলে গেল  
ধরাধাম শূন্য করি—আজ সেই তুই  
সেই বৃকে ছুরি দিবি? এক রক্তধারা  
বহিতেছে দোঁহার শরীরে, যেই রক্ত  
পিতিপিতামহ হতে বহিয়া এসেছে  
চিরদিন ভাইদের শিরায় শিরায়—  
সেই শিরা ছিন্ন করে দিয়ে সেই রক্ত  
ফেলিবি ভূতলে? এই বন্ধ করে দিন্দু  
স্বাধীন, এই নে-আমার তরবারি, মার  
অবারিত বক্ষে, পূর্ণ হোক মনস্কাম!

নক্ষত্ররায়। ক্ষমা করো! ক্ষমা করো ভাই! ক্ষমা করো!  
 গোবিন্দমাণিক্য। এসো বৎস, ফিরে এসো! সেই বক্ষে ফিরে  
 এসো! ক্ষমা ভিক্ষা করিতেছ? এ সংবাদ  
 শুনেনি যখন, তখন করেছি ক্ষমা।  
 তোরে ক্ষমা না করিতে অক্ষম যে আমি।  
 নক্ষত্ররায়। রঘুপতি দেয় কুমন্ত্রণা। রক্ষা মোরে  
 তার কাছ হতে।  
 গোবিন্দমাণিক্য। কোনো ভয় নেই ভাই!

### তৃতীয় দৃশ্য

অন্তঃপদ্রকক্ষ

গদগবতী

গদগবতী। তবু তো হল না। আশা ছিল মনে মনে  
 কঠিন হইয়া থাকি কিছুদিন যদি  
 তাহা হলে আপনি আসিবে ধরা দিতে  
 প্রেমের তুষায়। এত অহংকার ছিল  
 মনে। মধু ফিরে থাকি, কথা নাহি কই,  
 অশ্রুও ফেলি নে, শূদ্ধ শূদ্ধ রোষ, শূদ্ধ  
 অবহেলা—এমন তো কতদিন গেল!  
 শুনেনি নারীর রোষ পদ্রুকের কাছে  
 শূদ্ধ শোভা আভাময়, তাপ নাহি তাহে—  
 হীরকের দীপ্তসম! ধিক্ থাক্ শোভা!  
 এ রোষ বজ্রের মতো হত যদি, তবে  
 পড়িত প্রাসাদ-পরে, ভাঙিত রাজার  
 নিদ্রা, চূর্ণ হত রাজ-অহংকার, পূর্ণ  
 হত রানীর মহিমা! আমি রানী, কেন  
 জন্মাইলে এ মিথ্যা বিশ্বাস! হৃদয়ের  
 অধীশ্বরী তব, এই মন্ত্র প্রতিদিন  
 কেন দিলে কানে? কেন না জানালে মোরে  
 আমি ক্রীতদাসী, রাজার কিংকরী শূদ্ধ,  
 রানী নহি—তাহা হলে আজিকে সহসা  
 এ আঘাত, এ পতন সহিতে হত না!

ধ্রুবের প্রবেশ

কোথা ঘাস তুই?

ধ্রুব।

আমারে ডেকেছে রাজা।

গদ্গবতী। রাজার হৃদয়রক্ত এই সে বালক!  
 ওরে শিশু, চুরি করে নিয়োছিস তুই  
 আমার সন্তানতরে যে আসন ছিল।  
 না আসিতে আমার বাছারা, তাহাদের  
 পিতৃস্নেহ-পরে তুই বসাইলি ভাগ!  
 রাজহৃদয়ের সন্ধ্যাপাত হতে, তুই  
 নিলি প্রথম অঞ্জলি—রাজপুত্র এসে  
 তোঁরি কি প্রসাদ পাবে ওরে রাজদ্রোহী!—  
 মা গো মহামায়া, একি তোর অবিচার!  
 এত সৃষ্টি, এত খেলা তোর—খেলাচ্ছিলে  
 দে আমারে একটি সন্তান—দে জননী,  
 শূন্য এইটুকু শিশু, কোলটুকু ভরে  
 যায় যাহে। তুই যা বাসিস ভালো, তাই  
 দিব তোরে।

নক্ষত্ররায়ের প্রবেশ

নক্ষত্র, কোথায় যাও? ফিরে  
 যাও কেন? এত ভয় কারে তব? আমি  
 নারী, অস্ত্রহীন, বলহীন, নিরুপায়,  
 অসহায়—আমি কি ভীষণ এত?

নক্ষত্ররায়। না, না,  
 মোরে ডাকিয়ো না।

গদ্গবতী। কেন, কী হয়েছে?  
 নক্ষত্ররায়। আমি

রাজা নাই হব।

গদ্গবতী। নাই হলে। তাই বলে  
 এত আশ্চর্য কেন?

নক্ষত্ররায়। চিরকাল বেঁচে  
 থাক্ রাজা, আমি যেন যুবরাজ থেকে  
 মরি।

গদ্গবতী। তাই মরো। শীঘ্র মরো। পূর্ণ হোক  
 মনোরথ। আমি কি তোমার পায়ে ধরে  
 রেখেছি বাঁচিয়ে?

নক্ষত্ররায়। তবে কী বলিবে বলো।

গদ্গবতী। যে চোর করিছে চুরি তোমারি মুকুট  
 তাহারে সরায়ে দাও। বদ্বৈছে কি?

নক্ষত্ররায়। সব  
 বদ্বৈষ্যিছ, শূন্য কে সে চোর বদ্বৈ নাই।

গদ্গবতী। ওই-যে বালক ধুব। বাড়িছে রাজার  
 কোলে, দিনে দিনে উগ্ধ হয়ে উঠিতেছে  
 মুকুটের পানে।

নক্ষত্ররায়। তাই বটে! এতক্ষণে



বুঝিলাম সব। মৃকুট দেখেছি বটে  
 ধুবের মাথায়। আমি বলি শূদ্ধ খেলা।  
 গুণবতী। মৃকুট লইয়া খেলা? বড়ো কাল-খেলা!  
 এই বেলা ভেঙে দাও খেলা—নহে তুমি  
 সে খেলার হইবে খেলনা।  
 নক্ষত্রায়। তাই বটে!  
 এ তো ভালো খেলা নয়।  
 গুণবতী। অর্ধরায়ে আজি  
 গোপনে লইয়া তারে দেবীর চরণে  
 মোর নামে কোরো নিবেদন। তার রক্তে  
 নিবে যাবে দেবরোমানল, স্থায়ী হবে  
 সিংহাসন এই রাজবংশে—পিতৃলোক  
 গাহিবেন কল্যাণ তোমার। বুঝেছ কি?  
 নক্ষত্রায়। বুঝিয়াছি।  
 গুণবতী। তবে যাও! যা বলিন্দু করো।  
 মনে রেখো, মোর নামে কোরো নিবেদন।  
 নক্ষত্রায়। তাই হবে। মৃকুট লইয়া খেলা! এ কী  
 সর্বনাশ! দেবীর সন্তোষ, রাজ্যরক্ষা,  
 পিতৃলোক—বুঝিতে কিছুই বাকি নেই।

## চতুর্থ দৃশ্য

## মন্দিরসোপান

## জয়সিংহ

জয়সিংহ। দেবী, আছ, আছ তুমি। দেবী, থাকো তুমি।  
 এ অসীম রজনীর সর্বপ্রান্তশেষে  
 যদি থাক কণামাত্র হয়ে, সেথা হতে  
 ক্ষীণতম স্বরে সাড়া দাও, বলো মোরে  
 ‘বৎস, আছি’—নাই, নাই নাই, দেবী নাই!  
 নাই? দয়া করে থাকো! অয়ি মায়াময়ী  
 মিথ্যা, দয়া কর্, দয়া কর্ জয়সিংহে,  
 সত্য হয়ে ওঠ। আশৈশব ভক্তি মোর,  
 আজন্মের প্রেম তোরে প্রাণ দিতে নারে?  
 এত মিথ্যা তুই?—এ জীবন করে দিলি  
 জয়সিংহ! সব ফেলে দিলি সত্যশূন্য,  
 দয়াশূন্য, মাতৃশূন্য সর্বশূন্য-মাঝে!

## অপর্ণার প্রবেশ

অপর্ণা, আবার এসেছিস? তাড়ালেম

মন্দিরবাহিরে, তবু তুই অনুরুণ  
 আশে-পাশে চারি দিকে ঘুরিয়া বেড়াস  
 সন্দের দুরাশা-সম দরিত্রের মনে?  
 সত্য আর মিথ্যায় প্রভেদ শূন্য এই!—  
 মিথ্যারে রাখিয়া দিই মন্দিরের মাঝে  
 বহুযন্ত্রে, তবুও সে থেকেও থাকে না।  
 সত্যেরে তাড়িয়ে দিই মন্দিরবাহিরে  
 অনাদরে, তবুও সে ফিরে ফিরে আসে।  
 অপর্ণা, যাস নে তুই—তোরে আমি আর  
 ফিরাব না। আয়, এইখানে বসি দাঁহে।  
 অনেক হয়েছে রাত। কৃষ্ণপক্ষশশী  
 উঠিতেছে তরু-অন্তরালে। চরাচর  
 সন্নিপতম্ন, শূন্য মোরা দাঁহে নিদ্রাহীন।  
 অপর্ণা, বিষাদময়ী, তোরেও কি গেছে  
 ফাঁকি দিয়ে মায়ার দেবতা? দেবতায়  
 কোন্ আবশ্যক? কেন তারে ডেকে আনি  
 আমাদের ছোটোখাটো সন্দের সংসারে?  
 তারা কি মোদের ব্যথা বুঝে? পাষাণের  
 মতো শূন্য চেয়ে থাকে! আপন ভায়েরে  
 প্রেম হতে বঞ্চিত করিয়া, সেই প্রেম  
 দিই তারে—সে কি তার কোনো কাজে লাগে?  
 এ সন্দরী সন্নিপতম্ন ধরণী হইতে  
 মুখ ফিরাইয়া, তার দিকে চেয়ে থাকি—  
 সে কোথায় চায়? তার কাছে ক্ষুদ্র বটে,  
 তুচ্ছ বটে, তবু তো আমার মাতৃধরা;  
 তার কাছে কীটবৎ, তবু তো আমার  
 ভাই; অবহেলে অন্ধরথচক্রতলে  
 দলিয়া চলিয়া যায়, তবু সে দলিত,  
 উপেক্ষিত, তারা তো আমার আপন্য।  
 আয় ভাই, নির্ভয়ে দেবতাহীন হয়ে  
 আরো কাছাকাছি সবে বেঁধে বেঁধে থাকি।  
 রক্ত চাই? স্বর্গের ঐশ্বর্য ত্যজিয়া  
 এ দরিদ্র ধরাতলে তাই কি এসেছ?  
 সেথায় মানব নেই, জীব নেই কেহ,  
 রক্ত নেই, ব্যথা পাবে হেন কিছ্র নেই—  
 তাই স্বর্গে হয়েছে অরুচি? আসিয়াছ  
 মৃগয়া করিতে, নির্ভর্যবিশ্বাসসন্নে  
 যেথা বাসা বেঁধে আছে মানবের ক্ষুদ্র  
 পরিবার?—অপর্ণা, বালিকা, দেবী নাই!

অপর্ণা।

জয়সিংহ, তবে চলে এসো, এ মন্দির  
 ছেড়ে।

জয়সিংহ।

যাব, যাব, তাই যাব, ছেড়ে চলে

যাব। হায় রে অপর্ণা, তাই যেতে হবে।  
 তবু, যে রাজত্বে আজন্ম করেছি বাস  
 পরিশোধ করে দিয়ে তার রাজকর  
 তবে যেতে পাব। থাক্ ও-সকল কথা।  
 দেখ্ চেয়ে গোমতীর শীর্ণ জলরেখা  
 জ্যোৎস্নালোকে পল্লিকিত—কলধবনি তার  
 এক কথা শতবার করিছে প্রকাশ।  
 আকাশেতে অর্ধচন্দ্র পান্ডুমুখচ্ছবি  
 শ্রান্তিক্ষীণ—বহু রাগিজাগরণে যেন  
 পড়েছে চাঁদের চোখে আধেক পল্লব  
 ঘুমভারে। সুন্দর জগৎ! হা অপর্ণা,  
 এমন রাগির মাঝে দেবী নাই। থাক্  
 দেবী। অপর্ণা, জানিস কিছু সুখভরা  
 সুখভরা কোনো কথা? শুধু তাই বল্।  
 যা শুনিলে মৃহর্তে অতলে মগ্ন হয়ে  
 ভুলে যাব জীবনের তাপ, মরণ যে  
 কত মধুরতাময় আগে হতে পাব  
 তার স্বাদ। অপর্ণা, এমন কিছু বল্  
 ওই মধুকণ্ঠে তোর, ওই মধু-আঁখি  
 রেখে মোর মুখপানে, এই জনহীন  
 স্তম্ভ রজনীতে, এই বিশ্বজগতের  
 নিদ্রামাঝে, বল্ রে অপর্ণা, যা শুনিলে  
 মনে হবে চারি দিকে আর কিছু নাই,  
 শুধু ভালোবাসা ভাসিতেছে, পূর্ণিমার  
 সুপ্তরাশ্ত্রে রজনীগন্ধার গন্ধসম।

অপর্ণা। হায় জয়সিংহ, বলিতে পারি নে কিছু—  
 বদ্বি মনে আছে কত কথা।

জয়সিংহ। তবে আরো

কাছে আয়, মন হতে মনে যাক কথা—  
 এ কী করিতেছি আমি! অপর্ণা, অপর্ণা,  
 চলে যা মন্দির ছেড়ে! গুরুদর আদেশ!

অপর্ণা। জয়সিংহ, হোয়ো না নিষ্ঠুর! বার বার  
 ফিরায়ে না! কী সহিঁছি অন্তর্মামী জানে!

জয়সিংহ। তবে আমি যাই। এক দণ্ড হেথা নহে।

কিছুদূর গিয়া ফিরিয়া

অপর্ণা, নিষ্ঠুর আমি? এই কি রহিবে  
 তোর মনে, জয়সিংহ নিষ্ঠুর, কঠিন!  
 কখনো কি হাসিমুখে কহি নাই কথা?  
 কখনো কি ডাকি নাই কাছে? কখনো কি  
 ফেলি নাই অশ্রুজল তোর অশ্রু দেখে  
 অপর্ণা, সে-সব কথা পড়িবে না মনে,

শুদ্ধ মনে রহিবে জাগিয়া জয়সিংহ  
 নিষ্ঠুর পাষণ? যেমন পাষণ ওই  
 পাষণের ছবি, দেবী বলিতাম যারে?—  
 হায় দেবী, তুই যদি দেবী হইতিস,  
 তুই যদি বদ্বিতিস এই অন্তর্দাহ!  
 অপর্ণা। বদ্বিতহীন ব্যথিত এ ক্ষুদ্র নারী হিয়া,  
 ক্ষমা করো এরে। এই বেলা চলে এসো,  
 জয়সিংহ, এসো মোরা এ মন্দির ছেড়ে  
 যাই।  
 জয়সিংহ। রক্ষা করো! অপর্ণা, করুণা করো!  
 দয়া ক'রে, মোরে ফেলে চলে যাও। এক  
 কাজ বাকি আছে এ জীবনে, সেই হোক  
 প্রাণেশ্বর—তার স্থান তুমি কাড়িয়ো না।

। দ্রুত প্রস্থান

অপর্ণা। শতবার সহিয়াছি, আজ কেন আর  
 নাহি সহে! আজ কেন ভেঙে পড়ে প্রাণ!

### পঞ্চম দৃশ্য

#### মন্দির

নক্ষত্ররায় রঘুপতি ও নিদ্রিত ধ্রুব

রঘুপতি। কেঁদে কেঁদে ঘুমিয়ে পড়েছে। জয়সিংহ  
 এসেছিল মৌর কোলে অমনি শৈশবে  
 পিতৃমাতৃহীন। সেদিন অমনি করে  
 কেঁদেছিল নূতন দেখিয়া চারি দিক,  
 হতাশ্বাস শ্রান্ত শোকে অমনি করিয়া  
 ঘুমায়ে পড়িয়াছিল সন্ধ্যা হয়ে গেলে  
 ওইখানে দেবীর চরণে! ওরে দেখে  
 তার সেই শিশুদুখ শিশুর ক্রন্দন  
 মনে পড়ে।  
 নক্ষত্ররায়। ঠাকুর, কোরো না দেরি আর—  
 ভয় হয় কখন সংবাদ পাবে রাজা।  
 রঘুপতি। সংবাদ কেমন করে পাবে? চারি দিক  
 নিশীথের নিদ্রা দিয়ে ঘেরা।  
 নক্ষত্ররায়। একবার  
 মনে হল যেন দেখিলাম কার ছায়া!  
 রঘুপতি। আপন ভয়ের।  
 নক্ষত্ররায়। শূন্যলিলা যেন কার  
 ক্রন্দনের স্বর!

রঘুপতি।

আপনার হৃদয়ের।

দূর হোক নিরানন্দ। এসো পান করি  
কারণসলিল।

মদ্যপান

মনোভাব যতক্ষণ

মনে থাকে, ততক্ষণ দেখায় বৃহৎ—  
কার্যকালে ছোটো হয়ে আসে, বহু বাষ্প  
গলে গিয়ে একবিন্দু জল। কিছুই না,  
শুদ্ধ মূহুর্তের কাজ। শুদ্ধ শীর্ণশিখা  
প্রদীপ নিভাতে যতক্ষণ! ঘুম হতে  
চকিতে মিলায়ে যাবে গাঢ়তর ঘুমে  
ওই প্রাণরেখাটুকু—প্রাণনিশীথে  
বিজুলিঝলক-সম, শুদ্ধ বজ্র তার  
চিরদিন বিধে রবে রাজদম্ভ-মাঝে।  
এসো এসো যুবরাজ, ম্লান হয়ে কেন  
বসে আছ এক পাশে—মুখে কথা নেই,  
হাসি নেই, নির্বাপিতপ্রায়! এসো, পান  
করি আনন্দসলিল।

নক্ষত্ররায়।

অনেক বিলম্ব

হয়ে গেছে। আমি বলি, আজ থাক্। কাল  
পূজা হবে।

রঘুপতি।

বিলম্ব হয়েছে বটে। রাগি

শেষ হয়ে আসে।

নক্ষত্ররায়।

ওই শোনো পদধ্বনি।

রঘুপতি।

কই? নাহি শুনিনি।

নক্ষত্ররায়।

ওই শোনো, ওই দেখো

আলো।

রঘুপতি।

সংবাদ পেয়েছে রাজা! আর তবে  
এক পল দেরি নয়। জয় মহাকালী!

থল্লা উত্তোলন

গোবিন্দমাণিক্য ও প্রহরীগণের প্রবেশ

রাজার নির্দেশক্রমে প্রহরীর দ্বারা রঘুপতি ও নক্ষত্ররায় ধৃত হইল

গোবিন্দমাণিক্য। নিয়ে যাও কারাগারে, বিচার হইবে।

## চতুর্থ অঙ্ক

## প্রথম দৃশ্য

## বিচারসভা

গোবিন্দমাণিক্য রঘুপতি নক্ষত্ররায়  
সভাসদৃগণ ও প্রহরীগণ

## রঘুপতিকে

গোবিন্দমাণিক্য। আর কিছু বলিবার আছে?  
রঘুপতি। কিছু নাই।  
গোবিন্দমাণিক্য। অপরাধ করিছ স্বীকার?  
রঘুপতি। অপরাধ?  
অপরাধ করিয়াছি বটে। দেবীপূজা  
করিতে পারি নি শেষ—মোহে মূঢ় হয়ে  
বিলম্ব করেছি অকারণে। তার শাস্তি  
দিতেছেন দেবী, তুমি উপলক্ষ শূদ্ধ।  
গোবিন্দমাণিক্য। শুন সর্বলোক, আমার নিয়ম এই—  
পবিত্র পূজার ছলে দেবতার কাছে  
যে মোহান্ধ দিবে জীববলি, কিংবা তারি  
করিবে উদ্যোগ রাজ-আজ্ঞা তুচ্ছ করি,  
নির্বাসনদণ্ড তার প্রতি। রঘুপতি,  
অষ্ট বর্ষ নির্বাসনে করিবে যাপন;  
তোমারে আসিবে রেখে সৈন্য চারিজন  
রাজ্যের বাহুরে।  
রঘুপতি। দেবী ছাড়া এ জগতে  
এ জানু হয় নি নত আর কারো কাছে।  
আমি বিপ্র, তুমি শূদ্র, তবু জোড়করে  
নতজানু আজ আমি প্রার্থনা করিব  
তোমা কাছে—দুই দিন দাও অবসর,  
প্রাণের শেষ দুই দিন। তার পরে  
শরতের প্রথম প্রত্যুষে—চলে যাব  
তোমার এ অভিশপ্ত দংশ রাজ্য ছেড়ে,  
আর ফিরাব না মূখ।  
গোবিন্দমাণিক্য। দুই দিন দিন  
অবসর।  
রঘুপতি। মহারাজ-অধিরাজ!  
মহিমাগর তুমি কৃপা-অবতার!  
ধূলির অধম আমি, দীন, অভাজন!  
গোবিন্দমাণিক্য। নক্ষত্র, স্বীকার করো অপরাধ তব।

নক্ষত্ররায়। মহারাজ, দোষী আমি। সাহস না হয়  
মার্জনা করিতে ভিক্ষা।

[ পদতলে পতন

গোবিন্দমাণিক্য। বলো তুমি কার  
মন্ত্রণায় ভুলে এ কাজে দিয়েছ হাত?  
স্বভাবকোমল তুমি, নিদারুণ বদ্বন্দ্বি  
এ তোমার নহে।

নক্ষত্ররায়। আর কারে দিব দোষ!  
লব না এ পাপমুখে আর কারো নাম।  
আমি শুদ্ধ একা অপরাধী। আপনার  
পাপমন্ত্রণায় আপনি ভুলেছি। শত  
দোষ ক্ষমা করিয়াছ নির্বোধ ভ্রাতার,  
আরবার ক্ষমা করো!

গোবিন্দমাণিক্য। নক্ষত্র, চরণ  
ছেড়ে ওঠো, শোনো কথা। ক্ষমা কি আমার  
কাজ? বিচারক আপন শাসনে বন্দ্ব,  
বন্দী হতে বেশি বন্দী। এক অপরাধে  
দণ্ড পাবে এক জনে, মৃত্যু পাবে আর,  
এমন ক্ষমতা নাই বিধাতার—আমি  
কোথা আছি!

সকলে। ক্ষমা করো, ক্ষমা করো প্রভু!  
নক্ষত্র তোমার ভাই।

গোবিন্দমাণিক্য। স্থির হও সবে।  
ভাই বন্দ্ব কেহ নাই মোর, এ আসনে  
যতক্ষণ আছি। প্রমাণ হইয়া গেছে  
অপরাধ। ছাড়িয়ে ত্রিপুররাজ্যসীমা  
ব্রহ্মপুত্র নদীতীরে আছে রাজগৃহ  
তীর্থস্নানতরে, সেথায় নক্ষত্ররায়  
অষ্ট বর্ষ নির্বাসন করিবে যাপন।

প্রহরীগণ নক্ষত্রকে লইয়া যাইতে উদ্যত।

রাজার সিংহাসন হইতে অবরোহণ  
দিয়ে যাও বিদায়ের আলিঙ্গন। ভাই  
এ দণ্ড তোমার শুদ্ধ একেলার নহে,  
এ দণ্ড আমার। আজ হতে রাজগৃহ  
সূচিকণ্টকিত হয়ে বিধিবে আমায়।  
রহিল তোমার সাথে আশীর্বাদ মোর;  
যত দিন দূরে রবি রাখিবেন তোরে  
দেবগণ।

[ নক্ষত্রের প্রস্থান

সভাসদৃগ্গণের প্রতি  
সভাগৃহ ছেড়ে যাও সবে,  
ক্ষণেক একেলা রব আমি।

[ সভালের প্রস্থান ]

দ্রুত নয়নরায়ের প্রবেশ

নয়নরায়। মহারাজ,  
সমুহ বিপদ!  
গোবিন্দমাণিক্য। রাজা কি মানুষ নহে?  
হায় বিধি, হৃদয় তাহার গড় নি কি  
অতি দীনদরিদ্রের সমান করিয়া?  
দুঃখ দিবে সবার মতন, অশ্রুজল  
ফেলিবারে অবসর দিবে না কি শূন্য?  
কিসের বিপদ, বলে যাও শীঘ্র করি।  
নয়নরায়। মোগলের সৈন্য সাথে আসে চাঁদপাল,  
নাশিতে গ্রিপদুরা।  
গোবিন্দমাণিক্য। এ নহে নয়নরায়,  
তোমার উচিত। শত্রু বটে চাঁদপাল,  
তাই বলে তার নামে হেন অপবাদ!  
নয়নরায়। অনেক দিয়েছ দণ্ড দীন অধীনেরে,  
আজ এই অবিশ্বাস সব চেয়ে বেশি।  
শ্রীচরণচ্যুত হয়ে আছি, তাই বলে  
গিয়েছি কি এত অধঃপাতে!  
গোবিন্দমাণিক্য। ভালো করে  
বলো আরবার, বুঝে দেখি সব।  
নয়নরায়। যোগ  
দিয়ে মোগলের সাথে চাহে চাঁদপাল  
তোমারে করিতে রাজ্যচ্যুত।  
গোবিন্দমাণিক্য। তুমি কোথা  
পেলে এ সংবাদ?  
নয়নরায়। যেদিন আমরা প্রভু  
নিরস্ত্র করিলে, অস্ত্রহীন লাজে চলে  
গেন্দু দেশান্তরে; শূন্যলিঙ্গ আসামের  
সাথে মোগলের বাধিছে বিবাদ; তাই  
চলিছিন্দু সেথাকার রাজসম্মিধানে  
মাগিতে সৈনিকপদ। পথে দেখিলাম  
আসিছে মোগল সৈন্য গ্রিপদুরার পানে,  
সঙ্গে চাঁদপাল। সম্মানে জেনিছি তার  
অভিসম্মি। ছুটিয়া এসেছি রাজপদে।  
গোবিন্দমাণিক্য। সহসা এ কী হল সংসারে হে বিধাতাঃ!  
শূন্য দুই-চারিদিন হল, ধরণীর  
কোনখানে ছিদ্রপথ হয়েছে বাহির,



সমুদয় নাগবংশ রসাতল হতে  
উঠিতেছে চারি দিকে পৃথিবীর 'পরে—  
পদে পদে তুলিতেছে ফণা। এসেছে কি  
প্রলয়ের কাল!—এখন সময় নহে  
বিস্ময়ের। সেনাপতি, লহো সৈন্যভার।

## দ্বিতীয় দৃশ্য

### মন্দিরপ্রাঙ্গণ

জয়সিংহ ও রঘুপতি

রঘুপতি। গেছে গর্ব, গেছে তেজ, গেছে ব্রাহ্মণত্ব।  
ওরে বৎস, আমি তোরে গুরুদ্ব নাহি আর!  
কাল আমি অসংশয়ে করেছি আদেশ  
গুরুদ্ব গৌরবে, আজ শুধু সানন্দনে  
ভিক্ষা মাগিবার মোর আছে অধিকার।  
অন্তরেতে সে দীপ্তি নিবেছে, যার বলে  
তুচ্ছ করিতাম আমি ঐশ্বৰ্যের জ্যোতি,  
রাজার প্রতাপ। নক্ষত্র পড়িলে খসি  
তার চেয়ে শ্রেষ্ঠতর মাটির প্রদীপ।  
তাহারে খুঁজিয়া ফিরে পরিহাসভরে  
খদ্ধ্যাত ধূলির মাঝে, খুঁজিয়া না পায়।  
দীপ প্রতিদিন নেভে, প্রতিদিন জ্বলে,  
বারেক নিভিলে তারা চির-অন্ধকার!  
আমি সেই চিরদীপ্তহীন; সামান্য এ  
পরমায়ু, দেবতার অতি ক্ষুদ্র দান,  
ভিক্ষা মেগে লইয়াছি তারি দ্বটো দিন  
রাজ্যবারে নতজানু হয়ে। জয়সিংহ,  
সেই দ্বই দিন যেন ব্যর্থ নাহি হয়।  
সেই দ্বই দিন যেন আপন কলঙ্ক  
ঘুচায়ে মরিয়া যায়। কালামুখ তার  
রাজরক্তে রাঙা করে তবে যায় যেন।  
বৎস, কেন নিরুত্তর? গুরুদ্ব আদেশ  
নাহি আর; তবু তোরে করেছি পালন  
আশৈশব, কিছুর নহে তার অনুরোধ?  
নাহি কি রে আমি তোরে পিতার অধিক  
পিতৃবিহীনের পিতা বলে? এই দ্বুখ,  
এত করে স্মরণ করাতে হল! কৃপা  
ভিক্ষা সহ্য হয়, ভালোবাসা ভিক্ষা করে  
যে অভাগা, ভিক্ষকের অধম ভিক্ষক

সে যে। বৎস, তবু নিরুত্তর? জানু তবে  
আরবার নত হোক। কোলে এসেছিল  
যবে, ছিল এতটুকু, এ জানুর চেয়ে  
ছোটো— তার কাছে নত হোক জানু। পুত্র,  
ভিক্ষা চাই আমি।

জয়সিংহ।

পিতা, এ বিদীর্ণ বৃকে  
আর হানিয়ো না বজ্র। রাজরক্ত চাহে  
দেবী, তাই তারে এনে দিব। যাহা চাহে  
সব দিব। সব ঋণ শোধ করে দিয়ে  
যাব। তাই হবে। তাই হবে।

[ প্রস্থান

রঘুপতি।

তবে তাই  
হোক। দেবী চাহে, তাই বলে দিস। আমি  
কেহ নই। হায় অকৃতজ্ঞ, দেবী তোর  
কী করেছে? শিশুকাল হতে দেবী তোরে  
প্রতিদিন করেছে পালন? রোগ হলে  
করিয়েছে সেবা? ক্ষুধায় দিয়েছে অন্ন?  
মিটায়েরে জ্ঞানের পিপাসা? অবশেষে  
এই অকৃতজ্ঞতার ব্যথা নিয়েছে কি  
দেবী বৃক পেতে? হায়, কলিকাল! থাক্!

## . তৃতীয় দৃশ্য

প্রাসাদকক্ষ

গোবিন্দমাণিক্য

নয়নরায়ের প্রবেশ

নয়নরায়। বিদ্রোহী সৈনিকদের এনেছি ফিরায়ে,  
যুদ্ধসজ্জা হয়েছে প্রস্তুত। আজ্ঞা দাও  
মহারাজ, অগ্রসর হই— আশীর্বাদ  
করো—

গোবিন্দমাণিক্য। চলো সেনাপতি, নিজে আমি যাব  
রণক্ষেত্রে।

নয়নরায়। যতক্ষণ এ দাসের দেহে  
প্রাণ আছে, ততক্ষণ মহারাজ, ক্ষান্ত  
থাকো, বিপদের মুখে গিয়ে—

গোবিন্দমাণিক্য। সেনাপতি,  
সবার বিপদ-অংশ হতে মোর অংশ  
নিতে চাই আমি। মোর রাজ-অংশ, সব

চেয়ে বেশি। এসো সৈন্যগণ, লহো মোরে  
তোমাদের মাঝে। তোমাদের নৃপতিরে  
দূর সিংহাসনচূড়ে নির্বাসিত করে  
সমরগোরব হতে বঞ্চিত কোরো না।

চরের প্রবেশ

চর। নির্বাসনপথ হতে লয়েছে কাড়িয়া  
কুমার নক্ষত্ররায়ে মোগলের সেনা;  
রাজপদে বরিয়াছে তাঁরে। আসিছেন  
সৈন্য লয়ে রাজধানী পানে।

গোবিন্দমাণিক্য। চুকে গেল।  
আর ভয় নাই। যুদ্ধ তবে গেল মিটে।

প্রহরীর প্রবেশ

প্রহরী। বিপক্ষাশিবির হতে পত্র আসিয়াছে।  
গোবিন্দমাণিক্য। নক্ষত্রের হস্তলিপি। শান্তির সংবাদ  
হবে বৃদ্ধি।—এই কি স্নেহের সম্ভাষণ!  
এ তো নহে নক্ষত্রের ভাষা! চাহে মোর  
নির্বাসন, নতুবা ভাসাবে রক্তস্রোতে  
সোনার ত্রিপুরা—দগ্ধ করে দিবে দেশ,  
বন্দী হবে মোগলের অন্তঃপুরতরে  
ত্রিপুররমণী?—দেখি, দেখি, এই বটে  
তারি লিপি। ‘মহারাজ নক্ষত্রমাণিক্য!’  
মহারাজ! দেখো সেনাপতি—এই দেখো  
রাজদণ্ডে-নির্বাসিত দিয়েছে রাজারে  
নির্বাসনদণ্ড। এমনি বিধির খেলা!  
নয়নরায়। নির্বাসন! এ কী স্পর্ধা! এখনো তো যুদ্ধ  
শেষ হয় নাই।

গোবিন্দমাণিক্য। এ তো নহে মোগলের  
দল। ত্রিপুরার রাজপুত্র রাজা হতে  
করিয়াছে সাধ, তার তরে যুদ্ধ কেন?

নয়নরায়। রাজ্যের মঙ্গল—

গোবিন্দমাণিক্য। রাজ্যের মঙ্গল হবে?  
দাঁড়াইয়া মৃত্যুমুখি দুই ভাই হানে  
দ্রাতৃবক্ষ লক্ষ্য করে মৃত্যুমুখী ছুরি,  
রাজ্যের মঙ্গল হবে তাহে? রাজ্যে শত্ৰু  
সিংহাসন আছে—গৃহস্থের ঘর নেই,  
ভাই নেই, দ্রাতৃবন্ধন নেই হেথা?  
দেখি দেখি আরবার—এ কি তার লিপি?  
নক্ষত্রের নিজের রচনা নহে। আমি  
দস্যু, আমি দেবশ্বেষী, আমি অবিচারী,  
এ রাজ্যের অকল্যাণ আমি! নহে নহে,

এ তার রচনা নহে।—রচনা যাহারই  
 হোক, অক্ষর তো তারি বটে। নিজ হস্তে  
 লিখেছে তো সেই।—যে সপেরই বিষ হোক,  
 নিজের অক্ষরমুখে মাখায়ে দিয়েছে,  
 হেনেছে আমার বন্ধুকে।—বিধি, এ তোমার  
 শাস্তি, তার নহে। নির্বাসন! তাই হোক।  
 তার নির্বাসনদণ্ড তার হয়ে আমি  
 নীরবে বিনম্র শিরে করিব বহন।

### পঞ্চম অঙ্ক

#### প্রথম দৃশ্য

মন্দির। বাহিরে ঝড়

রঘুপতি

পুজোপকরণ লইয়া

রঘুপতি। এতদিনে আজ বন্ধি জাগিয়াছ দেবী!  
 ওই রোষহুহুংকার! অভিশাপ হাঁকি  
 নগরের 'পর দিয়া ধৈয়ে চলিয়াছ  
 আমরা কি পারি? আজ কী আনন্দ, তোর  
 প্রলয়সংগীতগণ দারুণ ক্ষুধায়  
 প্রাণপণে নাড়া দেয় বিশ্বমহাতরু!  
 আজ মিটাইব তোর দীর্ঘ উপবাস।  
 ভঙেরে সংশয়ে ফেলি এতদিন ছিল  
 কোথা দেবী? তোর খজা তুই না তুলিলে  
 আমরা কি পারি? আজ কী আনন্দ, তোর  
 চণ্ডীমূর্তি দেখে! সাহসে ভরেছে চিত্ত,  
 সংশয় গিয়েছে; হতমান নতশির  
 উঠেছে নতন তেজে। ওই পদধ্বনি  
 শুন্য যায়, ওই আসে তোর পূজা। জয়  
 মহাদেবী!

অপর্ণার প্রবেশ

দূর হ, দূর হ মায়াবিনী—  
 জয়সিংহে চাস তুই? আরে সর্বনাশী!  
 মহাপাতকিনী!

[ অপর্ণার প্রস্থান

এ কী অকাল-ব্যঘাত!  
 জয়সিংহ যদি নাই আসে! কভু নহে।  
 সত্যভাগ কভু নাহি হবে তার।—জয়

মহাকালী, সিদ্ধিদাত্রী, জয় ভয়ংকরী!—  
 যদি বাধা পায়—যদি ধরা পড়ে শেষে—  
 যদি প্রাণ যায় তার প্রহরীর হাতে!—  
 জয় মা অভয়া, জয় ভক্তের সহায়।  
 জয় না জাগ্রত দেবী, জয় সর্বজয়া!  
 ভক্তবৎসলার যেন দুর্নাম না রটে  
 এ সংসারে, শত্রুপক্ষ নাহি হাসে যেন  
 নিঃশঙ্ক কোঁতুকে। মাতৃ-অহংকার যদি  
 চূর্ণ হয় সন্তানের, মা বলিয়া তবে  
 কেহ ডাকিবে না তোরে। ওই পদধ্বনি!  
 জয়সিংহ বটে! জয় নৃমুণ্ডমালিনী,  
 পাৰ্শ্বদলনী মহাশক্তি!

জয়সিংহের দ্রুত প্রবেশ

জয়সিংহ,

রাজরক্ত কই?

জয়সিংহ।

আছে আছে! ছাড়া মোরে।

নিজে আমি করি নিবেদন।—

রাজরক্ত

চাই তোর, দয়াময়ী, জগৎপালিনী  
 মাতা? নহিলে কিছতে তোর মিটিবে না  
 তুষা? আমি রাজপুত্র, পূর্ব পিতামহ  
 ছিল রাজা, এখনো রাজত্ব করে মোর  
 মাতামহবংশ রাজরক্ত আছে দেহে।  
 এই রক্ত দিব। এই যেন শেষ রক্ত  
 হয় মাতা, এই রক্তে শেষ মিটে যেন  
 অনন্ত পিপাসা তোর, রক্ততৃষাতুরা।

[বাক্ষ ছুঁড়ি-বিন্ধন]

রঘুপতি।

জয়সিংহ! জয়সিংহ! নিদর্য! নিষ্ঠুর!  
 এ কী সর্বনাশ করিলি রে? জয়সিংহ,  
 অকৃতজ্ঞ, গুরুদ্রোহী, পিতৃমর্ঘাতা,  
 স্বেচ্ছাচারী! জয়সিংহ, কুলিশকঠিন!  
 ওরে জয়সিংহ, মোর একমাত্র প্রাণ,  
 প্রাণাধিক, জীবন-মন্তন-করা ধন!  
 জয়সিংহ, বংশ মোর, হে গুরুবৎসল!  
 ফিরে আয়, ফিরে আয়, তোরে ছাড়া আর  
 কিছ নাহি চাহি! অহংকার অভিমান  
 দেবতা স্বাক্ষণ সব থাক! তুই আয়!

অপর্ণার প্রবেশ

অপর্ণা।

পাগল করিবে মোরে। জয়সিংহ, কোথা  
 জয়সিংহ!

রঘুপতি ।

আয় মা অমৃতময়ী! ডাক্  
তোর সন্ধ্যাকণ্ঠে, ডাক্ ব্যগ্রস্বরে, ডাক্  
প্রাণপণে! ডাক্ জয়সিংহে! তুই তারে  
নিষ্পে যা মা আপনার কাছে, আমি নাহি  
চাই।

[অপর্ণার মূর্ছা]

প্রতিমার পদতলে মাথা রাখিয়া  
ফিরে দে, ফিরে দে, ফিরে দে, ফিরে দে!

দ্বিতীয় দৃশ্য

প্রাসাদ

গোবিন্দমাণিক্য

গোবিন্দমাণিক্য । এখনি আনন্দধ্বনি! এখনি পরেছে  
দীপমালা নিলঞ্জ প্রাসাদ! উঠিয়াছে  
রাজধানী-বহিস্রবারে বিজয়তোরণ  
পুলকিত নগরের আনন্দ-উৎক্ষিপ্ত  
দুই বাহু-সম! এখনো প্রাসাদ হতে  
বাহিরে আসি নি—ছাড়ি নাই সিংহাসন।  
এতদিন রাজা ছিন্দু—কারো কি করি নি  
উপকার? কোনো অবিচার করি নাই  
দুর? কোনো অত্যাচার করি নি শাসন?  
ধিক্ ধিক্ নির্বাসিত রাজা! আপনারে  
আপনি বিচার করি আপনার শোকে  
আপনি ফেলিস অশ্রু!

মর্ত্যরাজ্য গেল,  
আপনার রাজ্য তবু আমি। মহোৎসব  
হোক আজি অন্তরের সিংহাসনতলে।

গুণবতীর প্রবেশ

গুণবতী । প্রিয়তম, প্রাণেশ্বর, আর কেন নাথ?  
এইবার শুনেছ তো দেবীর নিষেধ!  
এসো প্রভু, আজ রাতে শেষ পূজা করে  
রামজানকীর মতো যাই নির্বাসনে।

গোবিন্দমাণিক্য । অয়ি প্রিয়তমে, আজি শুভদিন মোর।  
রাজ্য গেল, তোমারে পেলেম ফিরে। এসো  
প্রিয়ে, যাই দৌঁছে দেবীর মন্দিরে, শুধু  
প্রেম নিয়ে, শুধু পদ্প নিয়ে, মিলনের

অশ্রু নিয়ে, বিদায়ের বিশুদ্ধ বিষাদ  
নিয়ে, আজ রক্ত নয়, হিংসা নয়।

গদগবতী।

ভিক্ষা

রাখো নাথ!

গোবিন্দমাণিক্য।

বলো দেবী!

গদগবতী।

হোয়ো না পাষণ।

রাজগর্ব ছেড়ে দাও। দেবতার কাছে  
পরভব না মানিতে চাও যদি, তবু  
আমার যন্ত্রণা দেখে গলদুক হৃদয়।  
তুমি তো নিষ্ঠুর কভু ছিলে নাকো প্রভু,  
কে তোমারে করিল পাষণ! কে তোমারে  
আমার সৌভাগ্য হতে লইল কাড়িয়া!  
করিল আমারে রাজাহীন রানী!

গোবিন্দমাণিক্য।

প্রিয়ে,

আমারে বিশ্বাস করো একবার শূদ্ধ,  
না বদ্বিয়া বোঝো মোর পানে চেয়ে। অশ্রু  
দেখে বোঝো, আমারে যে ভালোবাস সেই  
ভালোবাসা দিয়ে বোঝো—আর রক্তপাত  
নহে। মদ্য ফিরায়ে না দেবী, আর মোরে  
ছাড়িয়ে না, নিরাশ কোরো না আশা দিয়ে।  
যাবে যদি মার্জনা করিয়া যাও তবে।

! গদগবতীর প্রস্থান

গেলে চলি! কী কঠিন নিষ্ঠুর সংসার!—  
ওরে কে আছিস?—কেহ নাই? চলিলাম।  
বিদায় হে সিংহাসন! হে পদ্য প্রাসাদ,  
আমার পৈতৃক ক্রোড়, নির্বাসিত পুত্র  
তোমারে প্রণাম করে লইল বিদায়।

### তৃতীয় দৃশ্য

অন্তঃপদ্রকক্ষ

গদগবতী

গদগবতী।

বাজা বাদ্য বাজা, আজ রাতে পূজা হবে,  
আজ মোর প্রতিজ্ঞা পূরিবে। আন্ বলি।  
আন্ জবাফুল। রহিলি দাঁড়িয়ে? আজ্ঞা  
শুনিনি নে? আমি কেহ নই? রাজ্য গেছে,  
তাই বলে এতটুকু রানী ব্যিক নেই  
আদেশ শুনিয়ে যার কিংকর-কিংকরী?

এই নে কক্ষণ, এই নে হীরার কণ্ঠী—  
এই নে যতেক আভরণ। ত্বরা ক'রে  
কর' গিয়ে আয়োজন দেবীর পূজার।  
মহামায়া, এ দাসী'রে রাখিয়ো চরণে।

### চতুর্থ দৃশ্য

মন্দির

রঘুপতি

রঘুপতি। দেখো, দেখো, কী করে দাঁড়ায়ে আছে, জড়  
পাষাণের স্তূপ, মূঢ় নির্বোধের মতো।  
মূঢ়, পঙ্গু, অন্ধ ও বধির! তোর কাছে  
সমস্ত ব্যথিত বিশ্ব কাঁদিয়া মরিছে!  
পাষণ-চরণে তোর, মহৎ হৃদয়  
আপনারে ভাঙিছে আছাড়ি। হা হা হা হা!  
কোন্ দানবের এই ক্রুর পরিহাস  
জগতের মাঝখানে রয়েছে বসিয়া।  
মা বলিয়া ডাকে যত জীব, হাসে তত  
ঘোরতর অটুহাস্যে নির্দয় বিদ্রূপ।  
দে ফিরায়ে জয়সিংহে মোর! দে ফিরায়ে!  
দে ফিরায়ে রাক্ষসী পিশাচী!

নাড়া দিয়া

শূন্যে কি

পাস? আছে কর্ণ? জানিস কী করেছিস?  
কার রক্ত করেছিস পান? কোন্ পুণ্য  
জীবনের? কোন্ স্নেহদয়াপ্রীতি-ভরা  
মহাহৃদয়ের?

থাক্ তুই চিরকাল

এইমতো—এই মন্দিরের সিংহাসনে,  
সরল ভক্তির প্রতি গুপ্ত উপহাস!  
দিব তোর পূজা প্রতিদিন, পদতলে  
করিব প্রণাম, দয়াময়ী মা বলিয়া  
ডাকিব তোমারে। তোর পরিচয় কারো  
কাছে নাহি প্রকাশিব, শূন্যে ফিরায়ে দে  
মোর জয়সিংহে! কার কাছে কাঁদিতেছি!  
তবে দূর, দূর, দূর, দূর করে দাও  
হৃদয়দলনী পাষণী'রে। লঘু হোক  
জগতের বক্ষ।

দূরে গোমতীর জলে প্রতিমা-নিষ্কেপ



মশাল লইয়া বাদ্য বাজাইয়া  
গুণবতীর প্রবেশ

গুণবতী। জয় জয় মহাদেবী!  
দেবী কই?

রঘুপতি। দেবী নাই।

গুণবতী। ফিরাও দেবীরে  
গুরুদেব, এনে দাও তাঁরে, রোষশান্তি  
করিব তাঁহার। আনিয়াছি মার পূজা।  
রাজ্য পতি সব ছেড়ে পালিয়াছি শূদ্ধ  
প্রতিজ্ঞা আমার। দয়া করো, দয়া করে  
দেবীরে ফিরায়ে আনো শূদ্ধ, আজি এই  
এক রাত্রি তরে। কোথা দেবী?

রঘুপতি। কোথাও সে  
নাই। উর্ধ্বে নাই, নিম্নে নাই, কোথাও সে  
নাই, কোথাও সে ছিল না কখনো।

গুণবতী। প্রভু,  
এইখানে ছিল না কি দেবী?

রঘুপতি। দেবী বল  
তারে! এ সংসারে কোথাও থাকিত দেবী,  
তবে সেই পিশাচীরে দেবী বলা কভু  
সহ্য কি করিত দেবী? মহত্ব কি তবে  
ফেলিত নিষ্ফল রক্ত হৃদয় বিদারি  
মৃত পামাণের পদে? দেবী বল তারে?  
পুণ্যরক্ত পান করে সে মহারাক্ষসী  
ফেটে মরে গেছে?

গুণবতী। গুরুদেব, বধিযো না  
মোরে। সত্য করে বলো আরবার। দেবী  
নাই?

রঘুপতি। নাই।

গুণবতী। দেবী নাই?

রঘুপতি। নাই।

গুণবতী। দেবী নাই?

তবে কে রঞ্জেছে?

রঘুপতি। কেহ নাই। কিছু নাই।

গুণবতী। নিয়ে যা, নিয়ে যা পূজা! ফিরে যা, ফিরে যা!  
বল্ শীঘ্র কোন্ পথে গেছে মহারাজ।

অপর্ণার প্রবেশ

অপর্ণা। পিতা!

রঘুপতি। জননী, জননী, জননী আমার!  
পিতা! এ তো নহে ভৎসনার নাম। পিতা!  
মা জননী, এ পুরুষাতীরে পিতা বলে

ষে জন ডাকিত, সেই রেখে গেছে ওই  
 স্খামাখা নাম তোর কণ্ঠে, এইটুকু  
 দয়া করে গেছে। আহা, ডাক্ আরবার!  
 অপর্ণা। পিতা, এসো এ মন্দির ছেড়ে যাই মোরা।

পদ্প-অর্ঘ্য লইয়া  
 গোবিন্দমাণিক্যের প্রবেশ

গোবিন্দমাণিক্য। দেবী কই?  
 রঘুপতি। দেবী নাই।  
 গোবিন্দমাণিক্য। একি রক্তধারা!  
 রঘুপতি। এই শেষ পুণ্যরক্ত এ পাপ-মন্দিরে।  
 জয়সিংহ নিবাসেছে নিজ রক্ত দিয়ে  
 হিংসারক্তশিখা।  
 গোবিন্দমাণিক্য। ধন্য ধন্য জয়সিংহ,  
 এ পূজার পদ্পাজলি সর্পিপনু তোমারে।  
 গুণবতী। মহারাজ!  
 গোবিন্দমাণিক্য। প্রিয়তমে!  
 গুণবতী। আজ দেবী নাই—  
 তুমি মোর একমাত্র রয়েছ দেবতা।  
 প্রণাম

গোবিন্দমাণিক্য। গেছে পাপ। দেবী আজ এসেছে ফিরিয়া  
 আমার দেবীর মাঝে।  
 অপর্ণা। পিতা, চলে এসো!  
 রঘুপতি। পাশাণ ভাঙিয়া গেল—জননী আমার  
 এবার দিয়েছে দেখা প্রত্যক্ষ প্রতিমা!  
 জননী অমৃতময়ী!  
 অপর্ণা। পিতা, চলে এসো!

# চিত্রাঙ্গদ।

প্রকাশ : ১৮৯২

চিহ্নাঙ্গদার প্রথম সংস্করণ (১৮৯২) অবনীন্দ্রনাথ ঠাকুর-কর্তৃক  
'চিহ্নাঙ্কিত' হয়েছিল, উৎসর্গে তার উল্লেখ আছে।

বিভিন্ন সংস্করণের পাঠ তুলনা করে কবির নির্দেশে গৃহীত  
বিশ্বভারতী-রচনাবলীর পাঠ বর্তমান সংস্করণে অনূসৃত।

## উৎসর্গ

স্নেহাস্পদ শ্রীমান অবনীন্দ্রনাথ ঠাকুর  
পরমকল্যাণীয়েষু

বৎস,

তুমি আমাকে তোমার যত্নরচিত চিত্রগুলি উপহার  
দিয়াছ, আমি তোমাকে আমার কাব্য এবং স্নেহ  
আশীর্বাদ দিলাম। ১৫ শ্রাবণ, ১২৯৯

মঙ্গলাকাঙ্ক্ষী  
শ্রীরবীন্দ্রনাথ ঠাকুর

## সূচনা

অনেক বছর আগে রেলগাড়িতে যাচ্ছিলুম শান্তিনিকেতন থেকে কলকাতার দিকে। তখন বোধ করি চৈত্র মাস হবে। রেল লাইনের ধারে ধারে আগাছার জঙ্গল। হলদে বেগনি সাদা রঙের ফুল ফুটেছে অজস্র। দেখতে দেখতে এই ভাবনা এল মনে যে আর কিছুকাল পরেই রোদ্দ হবে প্রখর, ফুলগুলি তার রঙের মরীচিকা নিয়ে যাবে মিলিয়ে—তখন পল্লীপ্রাঙ্গণে আম ধরবে গাছের ডালে ডালে, তরুপ্রকৃতি তার অন্তরের নিগূঢ় রসসম্পদের স্থায়ী পরিচয় দেবে আপন অপ্রগল্ভ ফলসম্ভারে। সেই-সঙ্গে কেন জানি হঠাৎ আমার মনে হল সুন্দরী যুবতী যদি অনুভব করে যে সে তার যৌবনের মায়া দিয়ে প্রেমিকের হৃদয় ভুলিয়েছে তা হলে সে তার সুরূপকেই আপন সৌভাগ্যের মূখ্য অংশে ভাগ বসাবার অভিযোগে সতিন বলে ধিক্কার দিতে পারে। এ যে তার বাইরের জিনিস, এ যেন ঋতুরাজ বসন্তের কাছ থেকে পাওয়া বর, ক্ষণিক মোহ বিস্তারের দ্বারা জৈব উদ্দেশ্য সিদ্ধ করবার জন্যে। যদি তার অন্তরের মধ্যে যথার্থ চারিত্রশক্তি থাকে তবে সেই মোহমুক্ত শক্তির দানই তার প্রেমিকের পক্ষে মহৎ লাভ, যুগল জীবনের জয়যাত্রার সহায়। সেই দানেই আত্মার স্থায়ী পরিচয়, এর পরিণামে ক্লান্তি নেই, অবসাদ নেই, অভ্যাসের ধূলিপ্রলেপে উজ্জ্বলতার মালিন্য নেই। এই চারিত্রশক্তি জীবনের ধ্রুব সম্বল, নির্মম প্রকৃতির আশ্রয় প্রয়োজনের প্রতি তার নির্ভর নয়। অর্থাৎ এর মূল্য মানবিক, এ নয় প্রাকৃতিক।

এই ভাবটাকে নাট্য-আকারে প্রকাশ-ইচ্ছা তখন মনে এল, সেইসঙ্গেই মনে পড়ল মহাভারতের চিত্রাঙ্গদার কাহিনী। এই কাহিনীটি কিছু রূপান্তর নিয়ে অনেক দিন আমার মনের মধ্যে প্রচ্ছন্ন ছিল। অবশেষে লেখবার আনন্দিত অবকাশ পাওয়া গেল উড়িষ্যা পাণ্ডুয়া বলে একটি নিভৃত পল্লীতে গিয়ে।

উদয়ন

## অনঙ্গ-আশ্রম

চিত্রাঙ্গদা, মদন ও বসন্ত

চিত্রাঙ্গদা। তুমি পণ্ডশর?

মদন। আমি সেই মনসিজ,  
টেনে আনি নিখিলের নরনারী-হিয়া  
বেদনা-বন্ধনে।চিত্রাঙ্গদা। কী বেদনা কী বন্ধন  
জানে তাহা দাসী। প্রণাম তোমার পদে।  
প্রভু, তুমি কোন্ দেব?বসন্ত। আমি ঋতুরাজ।  
জরা মৃত্যু দ্বৈত নিমেষে নিমেষে  
বাহির করিতে চাহে বিশ্বের কঙ্কাল;  
আমি পিছে পিছে ফিরে পদে পদে তারে  
করি আক্রমণ; রাত্রিদিন সে সংগ্রাম।  
আমি অখিলের সেই অনন্ত যৌবন।চিত্রাঙ্গদা। প্রণাম তোমারে ভগবন্। চরিতার্থ  
দাসী দেব-দরশনে।মদন। কল্যাণী, কী লাগি  
এ কঠোর ব্রত তব? তপস্যার তাপে  
করিছ মলিন খিন্ন যৌবনকুসুম—  
অনঙ্গ-পূজার নহে এমন বিধান।  
কে তুমি, কী চাও ভদ্রে?চিত্রাঙ্গদা। দয়া কর যদি,  
শোনো মোর ইতিহাস। জানাব প্রার্থনা  
তার পরে।

মদন। শুনিলেবারে রহিন্দ্র উৎসুক।

চিত্রাঙ্গদা। আমি চিত্রাঙ্গদা। মণিপুত্র-রাজকন্যা।  
মোর পিতৃবংশে কভু পুত্রী জন্মিবে না—  
দিয়াছিল হেন বর দেব উমাপতি  
তপে তুষ্ট হয়ে। আমি সেই মহাবর  
ব্যর্থ করিয়াছি। অমোঘ দেবতা-বাক্য  
মাতৃগর্ভে পশি দ্বর্বল প্রারম্ভ মোর  
পারিল না পূরুষ করিতে শৈব তেজে,  
এমনি কঠিন নারী আমি।মদন। শুনিয়াছি  
বটে। তাই তব পিতা পুত্রের সমান

পালিয়াছে তোমা। শিখায়েছে ধনুর্বিদ্যা  
রাজদণ্ডনীতি।

চিত্রাঙ্গদা।

তাই পদ্রুশের বেশে

নিত্য করি রাজকাজ যুবরাজরূপে,  
ফিরি স্বেচ্ছামতে; নাহি জানি লজ্জা ভয়,  
অন্তঃপদ্রবাস; নাহি জানি হাবভাব,  
বিলাস-চাতুরী: শিখিয়াছি ধনুর্বিদ্যা,  
শুধু শিখি নাই, দেব, তব পদ্পদনু  
কেমনে বাঁকাতে হয় নয়নের কোণে।

বসন্ত।

সুনয়নে, সে বিদ্যা শিখে না কোনো নারী;  
নয়ন আপনি করে আপনার কাজ,  
বদকে ষার বাজে সেই বোঝে।

চিত্রাঙ্গদা।

একদিন

গিয়েছিলু মৃগ-অন্বেষণে একাকিনী  
ঘন বনে, পূর্ণা নদীতীরে। তরুন্মূলে  
বাঁধি অশ্ব, দৃগর্ম কুটিল বনপথে  
পশিলাম মৃগপদাচিহ্ন অনুসরি।  
কিঞ্জলিমন্ডমুখরিত নিত্য-অন্ধকার  
লতাগুপ্তে গহন গম্ভীর মহারণ্যে  
কিছু দূর অগ্রসরি দেখিনু সহসা,  
রুধিয়া সংকীর্ণ পথ রয়েছে শয়ান  
ভূমিতলে চীরধারী মলিন পদ্রুশ।  
উঠিতে কহিনু তারে অবজ্ঞার স্বরে  
সরে যেতে—নড়িল না, চাহিল না ফিরে।  
উদ্ভত অধীর রোষে ধনু-অগ্রভাগে  
করিনু তাড়না—সরল সুদীর্ঘ দেহ  
মুহূর্তেই তীরবেগে উঠিল দাঁড়ায়ে  
সম্মুখে আমার—ভস্মসুপ্ত অগ্নি যথা  
ঘৃতাহুতি পেয়ে, শিখারূপে উঠে উদ্বেদ  
চক্ষুর নিমেষে। শুধু ক্ষণেকের তরে  
চাহিলা আমার মুখপানে, রোষদৃষ্টি  
মিলাল পলকে, নাচিল অধরপ্রান্তে  
স্নিগ্ধ গুপ্ত কোতুকের মৃদুহাসারেখা  
বুঝি সে বালক-মূর্তি হেরিয়া আমার।  
শিখে পদ্রুশের বিদ্যা, পরে পদ্রুশের  
বেশ, পদ্রুশের সাথে থেকে, এতদিন  
ভুলে ছিনু যাহা, সেই মুখে চেয়ে, সেই  
আপনাতে-আপনি-অটল মূর্তি হেরি,  
সেই মুহূর্তেই জানিলাম মনে, নারী  
আমি। সেই মুহূর্তেই প্রথম দেখিনু  
সম্মুখে পদ্রুশ মোর।

মদন।

সে শিক্ষা আমারি



সদুলক্ষণে। আমিই চেতন করে দিই  
একদিন জীবনের শুভ পদ্যক্ষণে  
নারীরে হইতে নারী, পদ্রুবে পদ্রুবে।  
কী ঘটিল পরে?

চিত্রাঙ্গদা।

সভয়বিস্ময়কণ্ঠে  
শুধানু, ‘কে তুমি?’ শুনিব উত্তর, ‘আমি  
পার্থ, কুরুবংশধর।’

রহিন্দু দাঁড়ায়ে  
চিত্রপ্রায়, ভুলে গেন্দু প্রণাম করিতে।  
এই পার্থ? আজন্মের বিস্ময় আমার!  
শুনেছিব বটে, সত্যপালনের তরে  
দ্বাদশ বৎসর বনে বনে ব্রহ্মচর্য  
পালিছে অর্জুন। এই সেই পার্থ বীর!  
বাল্যদুরাশায় কত দিন করিয়াছি  
মনে, পার্থকীর্তি করিব নিষ্প্রভ আমি  
নিজ ভুজবলে; সাধিব অব্যর্থ লক্ষ্য;  
পদ্রুবে ছদ্মবেশে মাগিব সংগ্রাম  
তাঁর সাথে, বীরত্বের দিব পরিচয়।  
হা রে মূগ্ধে, কোথায় চলিয়া গেল সেই  
স্পর্ধা তোর! যে ভূমিতে আছেন দাঁড়ায়ে  
সে ভূমির তৃণদল হইতাম যদি,  
শৌর্যবীর্য যাহা-কিছু ধুলায় মিলায়ে  
লভিতাম দল্লভ মরণ, সেই তাঁর  
চরণের তলে।

কী ভাবিতেছিব, মনে  
নাই। দেখিব চাহিয়া, ধীরে চলি গেলাম  
বীর বন-অন্তরালে। উঠিব চমকি;  
সেইক্ষণে জন্মিল চেতনা; আপনারে  
দিলাম ধিক্কার শতবার। ছি ছি মূঢ়ে,  
না করিলি সম্ভাষণ, না শুধালি কথা,  
না চাহিলি ক্ষমাভিক্ষা, বর্বরের মতো  
রহিলি দাঁড়ায়ে—হেলা করি চলি গেলাম  
বীর। বাঁচিতাম, সে মৃহদূর্তে মরিতাম  
যদি।

পরদিন প্রাতে দূরে ফেলে দিন্দু  
পদ্রুবে বেষ। পরিলাম রক্তাম্বর,  
কক্ষণ কিষ্কিনী কাণ্ডি। অনভ্যস্ত সাজ  
লজ্জায় জড়ায়ে অঙ্গ রহিল একান্ত  
সসংকোচে।

গোপনে গেলাম সেই বনে,  
অরণ্যের শিবালয়ে দেখিলাম তাঁরে—

মদন। বলে যাও বালা। মোর কাছে করিয়ো না

কোনো লাজ। আমি মনসিজ; মানসের  
সকল রহস্য জানি।

চিত্রাঙ্গদা।

মনে নাই ভালো,  
তার পরে কী কহিন্দু আমি, কী উত্তর  
শুনিলাম। আর শ্রুধায়ো না ভগবন্।  
মাথায় পিড়িল ভেঙে লজ্জা বজ্ররূপে,  
তবু মোরে পারিল না শতধা করিতে—  
নারী হয়ে এমনি পুরুষপ্রাণ মোর।  
নাহি জানি কেমনে এলেম ঘরে ফিরে  
দুঃস্বপ্নবিহ্বলসম। শেষ কথা তাঁর  
কর্ণে মোর বাজিতে লাগিল তন্ত শব্দ—  
'ব্রহ্মচারিব্রতধারী আমি। পতিযোগ্য  
নহি বরাঙ্গনে।'

পুরুষের ব্রহ্মচর্য!  
ধিক্ মোরে, তাও আমি নারিন্দু টলাতে!  
তুমি জান, মীনকেতু, কত ঋষি মর্দন  
করিয়াছে বিসর্জন নারীপদতলে  
চিরার্জিত তপস্যার ফল। ক্ষত্রিয়ের  
ব্রহ্মচর্য! গৃহে গিয়ে ভাঙিয়ে ফেলিন্দু  
ধনুঃশর যাহা কিছু ছিল; কিণাঙ্কিত  
এ কঠিন বাহু—ছিল যা গর্বে'র ধন  
এত কাল মোর—লাঞ্ছনা করিন্দু তারে  
নিষ্ফল আক্রোশভরে। এতদিন পরে  
বুঝিলাম, নারী হয়ে পুরুষের মন  
না যদি জিনিতে পারি বৃথা বিদ্যা যত।  
অবলার কোমল মৃণাল বাহুদুটি  
এ বাহুর চেয়ে ধরে শতগুণ বল।  
ধন্য সেই মৃদু মৃথ ক্ষীণতনুলতা  
পরাবলম্বিতা, লজ্জাভয়ে-লীনীঙ্গিনী  
সামান্য ললনা, যার হস্ত নেত্রপাতে  
মানে পরাভব বীৰ্যবল, তপস্যার  
তেজ।

হে অনঙ্গদেব, সব দম্ভ মোর  
এক দণ্ডে লয়েছ ছিনিয়া—সব বিদ্যা  
সব বল করেছ তোমার পদানত।  
এখন তোমার বিদ্যা শিখাও আমায়,  
দাও মোরে অবলার বল, নিরস্ত্রের  
অস্ত্র যত।

মদন।

আমি হব সহায় তোমার।  
অগ্নি শ্রুভে, বিশ্বজয়ী অর্জুনে জিনিয়া  
বন্দী করি আনি দিব সম্মুখে তোমার।  
রাজ্ঞী হয়ে দিয়ো তারে দণ্ড পুরুষস্কার

চিহ্নাঙ্গদা ।

যথা-ইচ্ছা। বিদ্রোহীকে করিয়ো শাসন।  
 সময় থাকিত যদি, একাকিনী আমি  
 তিলে তিলে হৃদয় তাঁহার করিতাম  
 অধিকার, নাহি চাহিতাম দেবতার  
 সহায়তা। সঙ্গীরূপে থাকিতাম সাথে,  
 রণক্ষেত্রে হতেম সারথি, মৃগয়াতে  
 রহিতাম অনুচর, শিবিরের দ্বারে  
 জাগিতাম রাত্রির প্রহরী, ভক্তরূপে  
 পূজিতাম, ভৃত্যরূপে করিতাম সেবা,  
 ক্ষত্রিয়ের মহাব্রত আত্ম-পরিচরণে  
 সখ্যারূপে হইতাম সহায় তাঁহার।  
 একদিন কৌতূহলে দেখিতেন চাহি,  
 ভাবিতেন মনে মনে, 'এ কেন্ বালক,  
 পূর্বজনমের চিরদাস, এ জনমে  
 সঙ্গ লইয়াছে মোর সুকৃতির মতো।'  
 ক্রমে খুলিতাম তাঁর হৃদয়ের দ্বার,  
 চিরস্থান লভিতাম সেথা। জানি আমি  
 এ প্রেম আমার শূদ্ধ ক্রন্দনের নহে;  
 যে নারী নির্বাক্ ধৈর্যে চিরমর্মব্যথা  
 নিশীথনয়নজলে করয়ে পালন,  
 দিবালোকে ঢেকে রাখে স্নান হাসিতলে,  
 আজন্মবিধবা, আমি সে রমণী নহি;  
 আমার কামনা কভু হবে না নিষ্ফল।  
 নিজেরে বারেক যদি প্রকাশিতে পারি,  
 নিশ্চয় সে দিবে ধরা। হায় হতবিধি,  
 সেদিন কী দেখেছিল! শরমে কুণ্ঠিত  
 শঙ্কিত কম্পিত নারী, বিবশ বিহবল  
 প্রলাপবাদিনী। কিন্তু আমি যথার্থ কি  
 তাই? যেমন সহস্র নারী পথে গৃহে,  
 চারি দিকে, শূদ্ধ ক্রন্দনের অধিকারী,  
 তার চেয়ে বেশি নই আমি? কিন্তু হায়,  
 আপনার পরিচয় দেওয়া, বহু ধৈর্যে  
 বহু দিনে ঘটে, চিরজীবনের কাজ,  
 জন্মজন্মান্তের রত। তাই আসিয়াছি  
 দ্বারে তোমাদের, করোঁছি কঠোর তপ।  
 হে ভুবনজয়ী দেব, হে মহাসুন্দর  
 ঋতুরাজ, শূদ্ধ এক দিবসের তরে  
 ঘুচাইয়া দাও, জন্মদাতা বিধাতার  
 বিনাদোষে অভিশাপ, নারীর কুরূপ।  
 করো মোরে অপূর্ব সুন্দরী। দাও মোরে  
 সেই এক দিন—তার পরে চিরদিন  
 রহিল আমার হাতে।—যখন প্রথম

দেখিলাম তারে, যেন মৃদুহৃৎের মাঝে  
 অনন্ত বসন্ত ঋতু পশিল হৃদয়ে।  
 বড়ো ইচ্ছা হয়েছিল, সে যৌবনোচ্ছ্বাসে  
 সমস্ত শরীর যদি দেখিতে দেখিতে  
 অপূর্ণপূর্ণকভরে উঠে প্রক্ষুটিয়া  
 লক্ষ্মীর চরণশায়ী পদ্মের মতন।  
 হে বসন্ত, হে বসন্তসখা, সে বাসনা  
 পূরাও আমার শূন্য দিনেকের তরে।

মদন। তথাস্তু।  
 বসন্ত। তথাস্তু। শূন্য এক দিন নহে,  
 বসন্তের পুষ্পশোভা এক বর্ষ ধরি  
 ঘেরিয়া তোমার তনু রহিবে বিকশি।

## ২

মণিপূর। অরণ্যে শিবালয়

অর্জুন

অর্জুন। কাহারে হেরিন্দু? সে কি সত্য, কিংবা মায়া?  
 নিবিড় নির্জন বনে নির্মল সরসী—  
 এমনি নিভৃত নিরালয়, মনে হয়,  
 নিস্তব্ধ মধ্যাহ্নে সেথা বনলক্ষ্মীগণ  
 স্নান করে যায়, গভীর পূর্ণিমারাত্র  
 সেই স্নান সরসীর স্নিগ্ধ শব্দতটে  
 শয়ন করেন সুখে নিঃশব্দক বিশ্রামে  
 স্থলিত-অশ্রুতে।

সেথা তরু-অন্তরালে

অপরাক্রবেলাশেষে, ভাবিতেছিলাম  
 আশৈশব জীবনের কথা; সংসারের  
 মৃদু খেলা দুঃখসুখ উলটি পালটি;  
 জীবনের অসন্তোষ, অসম্পূর্ণ আশা,  
 অনন্ত দারিদ্র্য এই মর্ত্য মানবের।  
 হেনকালে ঘনতরু-অন্ধকার হতে  
 ধীরে ধীরে বাহিরিয়া, কে আসি দাঁড়াল  
 সরোবর-সোপানের শ্বেত শিলাপটে।  
 কী অপূর্ণ রূপ! কোমল চরণতলে  
 ধরাতল কেমনে নিশ্চল হয়ে ছিল?  
 উষার কনক মেঘ, দেখিতে দেখিতে  
 যেমন মিলায়ে যায়, পূর্ণ পর্বতের



অজ্ঞাতবাসে অর্জুন  
নন্দলাল বসু - অঙ্কিত

১৯৩৩/৩৪

শব্দ শিরে অকলঙ্ক নগ্ন শোভাখানি  
করি বিকশিত, তেমনি বসন তার  
মিলাতে চাহিতেছিল অঙ্গের লাভণ্যে  
সদ্ব্যবশেষে। নামি ধীরে সরোবরতীরে  
কৌতুহলে দেখিল সে নিজ মদুখছায়া;  
উঠিল চমকি। ক্ষণপরে মদু হাসি  
হেলাইয়া বাম বাহুখানি, হেলাভরে  
এলাইয়া দিলা কেশপাশ; মদু কেশ  
পড়িল বিহবল হয়ে চরণের কাছে।  
অঞ্চল খসায় দিয়ে হেরিল আপন  
অনিন্দিত বাহুখানি—পরশের রসে  
কোমল কাতর, প্রেমের করুণামাখা।  
নিরখিলা নত করি শির, পরিস্ফুট  
দেহতটে যৌবনের উন্মুখ বিকাশ।  
দেখিলা চাহিয়া নব গৌরতনুতলে  
আরক্তিম আলঙ্কার আভাস; সরোবরে  
পা-দুখানি ডুবাইয়া দেখিলা আপন  
চরণের আভা।—বিস্ময়ের নাই সীমা।  
সেই যেন প্রথম দেখিল আপনারে।  
শ্বেত শতদল যেন কোরকবয়স  
যাপিল নয়ন মৃদি—যেদিন প্রভাতে  
প্রথম লভিল পূর্ণ শোভা, সেইদিন  
হেলাইয়া গ্রীবা, নীল সরোবরজলে  
প্রথম হেরিল আপনারে, সারাদিন  
রহিল চাহিয়া সবিষ্ময়ে। ক্ষণপরে,  
কী জানি কী দখে, হাসি মিলাইল মদুখে,  
শ্লান হল দুটি আঁখি: বাঁধিয়া তুলিল  
কেশপাশ; অঞ্চলে ঢাকিল দেহখানি;  
নিশ্বাস ফেলিয়া, ধীরে ধীরে চলে গেল;  
সোনার সায়াহ যথা শ্লান মদু করি  
আঁধার রজনীপানে ধায় মদুপদে।

ভাবিলাম মনে, ধরণী খুলিয়া দিল  
ঐশ্বর্য আপন। কামনার সম্পূর্ণতা  
চমকিয়া মিলাইয়া গেল। ভাবিলাম  
কত যুদ্ধ, কত হিংসা, কত আড়ম্বর,  
পুরুষের পৌরুষগৌরব, বীরত্বের  
নিত্য কীর্তিত্ব, শান্ত হয়ে লুটাইয়া  
পড়ে ভূমে, ওই পূর্ণ সৌন্দর্যের কাছে;  
পশুরাজ সিংহ যথা সিংহবাহিনীর  
ভুবনবাঞ্ছিত অরুণচরণতলে।  
আর একবার যদি—কে দয়ার ঠেলে!

দ্বার খুলিয়া

এ কী! সেই মূর্তি! শান্ত হও হে হৃদয়!

কোনো ভয় নাই মোরে, বরাননে। আমি  
ক্ষতকুলজাত, ভয়ভীত দুর্বলের  
ভয়হারী।

চিত্রাঙ্গদা। আৰ্য, তুমি অতিথি আমার।  
এ মন্দির আমার আগ্রহ। নাহি জানি  
কেমনে করিব অভ্যর্থনা, কী সংকারে  
তোমাতে তুষিব আমি।

অর্জুন। অতিথি-সংকার  
তব দরশনে, হে সুন্দরী! শিষ্টবাক্য  
সমূহ সৌভাগ্য মোর। যদি নাহি লহ  
অপরাধ, প্রশ্ন এক শূদ্রাইতে চাহি,  
চিন্তা মোর কৃত্ত্বহলী।

চিত্রাঙ্গদা। শূদ্রাও নির্ভয়ে।  
অর্জুন। শূচির্শ্মিতে, কোন্ সুকঠোর ব্রত লাগি  
জনহীন দেবালয়ে হেন রূপরাশি  
হেলায় দিতেছ বিসর্জন, হতভাগ্য  
মর্ত্যজনে করিয়া বঞ্চিত?

চিত্রাঙ্গদা। গুপ্ত এক  
কামনা-সাধনা-তরে একমনে করি  
শিবপূজা।

অর্জুন। হায়, কারে করিছে কামনা  
জগতের কামনার ধন! সুদর্শনে,  
উদয়শিখর হতে অস্তাচলভূমি  
ভ্রমণ করেছি আমি; সপ্তম্বীপমাঝে  
যেখানে যা-কিছু আছে দুর্লভ সুন্দর,  
অচিন্ত্য মহান্, সকলি দেখেছি চোখে;  
কী চাও, কাহারে চাও, যদি বল মোরে  
মোর কাছে পাইবে বারতা।

চিত্রাঙ্গদা। গ্রিভুবনে  
পরিচিত তিনি, আমি বাঁরে চাহি।

অর্জুন। হেন  
নর কে আছে ধরায়! কার যশোরাশি  
অমরকাঙ্ক্ষিত তব মনোরাজ্যমাঝে  
করিয়াছে অধিকার দুর্লভ আসন!  
কহো নাম তার, শূনিয়া কৃতার্থ হই।

চিত্রাঙ্গদা। জন্ম তাঁর সর্বশ্রেষ্ঠ নরপতিকূলে,  
সর্বশ্রেষ্ঠ বীর।

অর্জুন। মিথ্যা খ্যাতি বেড়ে ওঠে  
মুখে মুখে কথায় কথায়; ক্ষণস্থায়ী

চিত্রাঙ্গদা । বাষ্প যথা উষারে ছলনা করে ঢাকে  
যতক্ষণ সূর্য নাহি ওঠে। হে সরলে,  
মিথ্যারে কোরো না উপাসনা, এ দুল্ভ  
সৌন্দর্যসম্পদে। কহো শূনি সর্বশ্রেষ্ঠ  
কোন বীর, ধরণীর সর্বশ্রেষ্ঠ কুলে!  
পরকীর্তি-অসাহসু কে তুমি সম্যাসী!  
কে না জানে কুরুবংশ এ ভুবনমাঝে  
রাজবংশচূড়া।

অর্জুন । কুরুবংশ!

চিত্রাঙ্গদা । সেই বংশে  
কে আছে অক্ষয়শ বীরেন্দ্রকেশরী  
নাম শূনিয়াছ?

অর্জুন । বলো, শূনি তব মুখে।

চিত্রাঙ্গদা । অর্জুন, গান্ধীবধন, ভুবনবিজয়ী।  
সমস্ত জগৎ হতে সে অক্ষয় নাম,  
করিয়া লুণ্ঠন, লুকায়ে রেখেছি যত্নে  
কুমারীহৃদয় পূর্ণ করি। ব্রহ্মচারী,  
কেন এ অধৈর্য তব?

তবে মিথ্যা এ কি?

মিথ্যা সে অর্জুন নাম? কহো এই বেলা-  
মিথ্যা যদি হয় তবে হৃদয় ভাঙিয়া  
হেড়ে দিই তারে, বেড়াক সে উড়ে উড়ে  
শূন্যে শূন্যে মুখে মুখে। তার স্থান নহে  
নারীর অন্তরাসনে।

অর্জুন । অগ্নি বরাগনে,

সে অর্জুন, সে পাণ্ডব, সে গান্ধীবধন,  
চরণে শরণাগত সেই ভাগ্যবান।  
নাম তার, খ্যাতি তার, শৌর্যবীর্য তার,  
মিথ্যা হোক, সত্য হোক, যে দুল্ভ লোকে  
করেছ তাহারে স্থানদান, সেথা হতে  
আর তারে কোরো না বিচ্যুত, ক্ষীণপদ্য  
হতস্বর্গ হতভাগ্য-সম।

চিত্রাঙ্গদা । তুমি পার্থ?

অর্জুন । আমি পার্থ, দেবী, তোমার হৃদয়স্বারে  
প্রেমার্ত অর্তিথ।

চিত্রাঙ্গদা । শুনোহিন্দু ব্রহ্মচর্য

পালিছে অর্জুন দ্বাদশবরষব্যাপী।  
সেই বীর কামিনীয়ে করিছে কামনা  
ব্রত ভংগ করি! হে সম্যাসী, তুমি পার্থ!

অর্জুন । তুমি ভাঙিয়াছ ব্রত মোর। চন্দ্র উঠি  
যেমন নিমেষে ভেঙে দেয় নিশীথের  
যোগনিদ্রা-অন্ধকার।



চিত্রাঙ্গদা।

ধিক্, পার্থ, ধিক্।

কে আমি, কী আছে মোর, কী দেখেছ তুমি,  
কী জান আমারে! কার লাগি আপনারে  
হতেছ বিস্মৃত। মূহুর্তেকে সত্যভঙ্গ  
করি অর্জুনেরে করিতেছ অনর্জুন  
কার তরে? মোর তরে নহে। এই দুর্দাট  
নীলোৎপল নয়নের তরে; এই দুর্দাট  
নবনীলিন্দিত বাহুপাশে সবাসাচী  
অর্জুন দিয়াছে আসি ধরা, দুই হস্তে  
ছিন্ন করি সত্যের বন্ধন। কোথা গেল  
প্রেমের মর্যাদা! কোথায় রহিল পড়ে  
নারীর সম্মান! হায়, আমরা করিল  
অতিক্রম আমার এ তুচ্ছ দেহখানা,  
মৃত্যুহীন অন্তরের এই ছন্দবিশেষ  
ক্ষণস্থায়ী! এতক্ষণে পারিন্দু জানিতে  
মিথ্যা খ্যাতি, বীরত্ব তোমার।

অর্জুন।

খ্যাতি মিথ্যা,

বীর্য মিথ্যা, আজ বদ্বিষাছি। আজ মোরে  
সম্প্রলোক স্বপ্ন মনে হয়! শূন্য একা  
পূর্ণ তুমি, সর্ব তুমি, বিশ্বের ঐশ্বর্য  
তুমি—এক নারী, সকল দৈন্যের তুমি  
মহা অবসান, সকল কর্মের তুমি  
বিশ্রামরূপিণী। কেন জানি অকস্মাৎ  
তোমাতে হেরিয়া—বদ্বিষিতে পেরেছি আমি  
কী আনন্দকিরণেতে প্রথম প্রত্যুষে  
অন্ধকার মহাগর্বে সৃষ্টিশতদল  
দিগ্বিদিকে উঠেছিল উন্মেষিত হয়ে  
এক মূহুর্তের মাঝে। আর-সকলেরে  
পলে পলে তিলে তিলে তবে জানা যায়  
বহু দিনে; তোমাপানে যেমনি চেয়েছি  
অমনি সমস্ত তব পেয়েছি দেখিতে,  
তবু পাই নাই শেষ।—কৈলাসশিখরে  
একদা মৃগয়াশ্রান্ত তৃষিত তাপিত  
গিয়েছিঁন্দু শ্বিপ্রহরে কুসুমবিচিত্র  
মানসের তীরে। যেমনি দেখিঁন্দু চেয়ে  
সেই সদরসরসীর সলিলের পানে  
অমনি পড়িল চোখে অনন্ত অতল।  
স্বচ্ছ জল, যত নিম্নে চাই। মধ্যাহ্নের  
রবিরশ্মিরেখাগুলি স্বর্ণনলিনীর  
সুবর্ণমৃগাল-সাথে মিশি নেমে গেছে  
অগাধ অসীমে; কাঁপিতেছে আঁকি বাঁকি  
জলের হিল্লোলে, লক্ষকোটি অগ্নিময়ী

নাগিনীর মতো। মনে হল ভগবান  
সূর্যদেব সহস্র অঙ্গুলি নির্দেশিয়া  
দিলেন দেখায়ে, জন্মশ্রান্ত কর্মক্লান্ত  
মর্ত্যজনে, কোথা আছে সুন্দর মরণ  
অনন্ত শীতল। সেই স্বচ্ছ অতলতা  
দেখেছি তোমার মাঝে। চারি দিক হতে  
দেবের অঙ্গুলি যেন দেখায়ে দিতেছে  
মোরে, ওই তব অলোক আলোক-মাঝে  
কীর্তিক্রিষ্ট জীবনের পূর্ণ নির্বাপন।

চিত্রাঙ্গদা। আমি নহি, আমি নহি, হায় পার্থ, হায়,  
কোন দেবের ছলনা! যাও যাও, ফিরে  
যাও, ফিরে যাও বীর! মিথ্যারে কোরো না  
উপাসনা। শৌর্য বীর্য মহত্ব তোমার  
দিয়ো না মিথ্যার পদে। যাও, ফিরে যাও।

৩

তরুতলে চিত্রাঙ্গদা

চিত্রাঙ্গদা। হায় হায়, সে কি ফিরাইতে পারি! সেই  
থরথর ব্যাকুলতা বীরহৃদয়ের,  
তুষার্ত কম্পিত এক স্ফুলিঙ্গনিবাসী  
হোমার্গনিশিখার মতো; সেই নয়নের  
দৃষ্টি যেন অন্তরের বাহু হয়ে কেড়ে  
নিতে আসিছে আমায়; উত্তপ্ত হৃদয়  
ছুটিয়া আসিতে চাহে সর্বাঙ্গ টুটিয়া,  
তাহার রুদনধ্বনি প্রতি অঙ্গে যেন  
যায় শূন্য! এ তৃষ্ণা কি ফিরাইতে পারি?

বসন্ত ও মদনের প্রবেশ

হে অনঙ্গদেব, এ কী রূপহৃত্যশনে  
ঘিরেছ আমারে, দগ্ধ হই, দগ্ধ করে  
মারি।

মদন। বলো, তন্বী, কার্লিকার বিবরণ।  
মুগ্ধ পদ্পশর মোর কোথা কী সাধিল  
কাজ, শূন্যে বাসনা।

চিত্রাঙ্গদা। কাল সন্ধ্যাবেলা  
সরসীর তৃণপুঞ্জ তীরে পেতেছিন্দু  
পদ্পশয্যা, বসন্তের ঝরা ফুল দিয়ে।

শ্রান্ত কলেবরে শূন্যে ছিন্দু আনমনে,  
রাখিয়া অলস শির বামবাহু-পরে  
ভাবিতেছিলাম গতদিবসের কথা।  
শূন্যে ছিন্দু যেই স্তুতি অর্জুনের মূখে  
আনিতেছিলাম তাহা মনে; দিবসের  
সিঁগুত অমৃত হতে বিন্দু বিন্দু লয়ে  
করিতেছিলাম পান; ভুলিতেছিলাম  
পূর্ব ইতিহাস, গতজন্মকথাসম।  
যেন আমি রাজকন্যা নহি; যেন মোর  
নাই পূর্বপরি। যেন আমি ধরাতে  
এক দিনে উঠেছি ফুটিয়া, অরণ্যের  
পিছুমাছুহীন ফুল; শুধু এক বেলা  
পরমায়, তারি মাঝে শূন্যে নিতে হবে  
ভ্রমরগুঞ্জনগীতি, বনবনান্তের  
আনন্দমর্মর; পরে নীলাম্বর হতে  
ধীরে নামাইয়া আঁখি, নুমাইয়া গ্রীবা,  
টুটিয়া লুটিয়া যাব বায়ুস্পর্শভরে  
রুদ্ধনবিহীন, মাঝখানে ফুরাইবে  
কুসুমকাহিনীখানি আদি-অন্তহারা।  
বসন্ত। একটি প্রভাতে ফুটে অনন্ত জীবন,  
হে সুন্দরী।

মদন। সংগীতে যেমন, ক্ষণিকের  
তানে, গুঞ্জরি কাঁদিয়া ওঠে অন্তহীন  
কথা। তার পরে বলো।

চিত্রাঙ্গদা। ভাবিতে ভাবিতে  
সর্বাঙ্গে হানিতেছিল ঘুমের হিল্লোল  
দক্ষিণের বায়ু। সন্তপর্ণশাখা হতে  
ফুল্ল মালতীর লতা আলস্য-আবেশে  
মোর গৌরতনু-পরে পাঠাইতেছিল  
নিঃশব্দ চুম্বন; ফুলগুড়ি কেহ চূলে,  
কেহ পদতলে, কেহ স্তনতটমূলে  
বিছাইল আপনার মরণশয়ন।

অচেতনে গেল কত ক্ষণ। হেনকালে  
ঘুমঘোরে কখন করিন্দু অনুভব  
যেন কার মৃদু নয়নের দৃষ্টিপাত  
দশ অঙ্গুলির মতো পরশ করিছে  
রত্নসলিলসে মোর নিদ্রালস তনু।  
চমকি উঠিন্দু জাগি।

দেখিন্দু, সম্যাসী  
পদপ্রান্তে নির্নিমেষ দাঁড়িয়ে রয়েছে

স্থিরপ্রতিমূর্তিসম। পূর্বাচল হতে  
ধীরে ধীরে সরে এসে পশ্চিমে হেলিয়া  
দ্বাদশীর শশী, সমস্ত হিমাংশুরাশি  
দিয়াছে ঢালিয়া, স্থলিতবসন মোর  
অস্মাননুতন শূভ্র সৌন্দর্যের 'পরে।  
পুষ্পগন্ধে পূর্ণ তরুতল; ঝিল্লিরবে  
তন্দ্ৰামগ্ন নিশীথিনী; স্বচ্ছ সরোবরে  
অকম্পিত চন্দ্রকরচ্ছায়া; স্নপ্ত বারু;  
শিরে লয়ে জ্যোৎস্নালোকে মসৃণ চিকণ  
রাশি রাশি অন্ধকার পল্লবের ভার  
স্তম্ভিত অটবী। সেইমতো চিহ্নাঙ্গদা  
দাড়াইয়া দীর্ঘকায় বনস্পতিসম  
দণ্ডধারী রক্ষাচারী ছায়াসহচর।

প্রথম সে নিদ্রাভঙ্গে চারি দিক চেয়ে  
মনে হল, কবে কোন্ বিস্মৃত প্রদোষে  
জীবন ত্যজিয়া, স্বপ্নজন্ম লভিয়াছি  
কোন্ এক অপরূপ মোহনিদ্রালোকে,  
জনশূন্য স্নানজ্যোৎস্না বৈতরণীতীরে।

দাঁড়ানু উঠিয়া। মিথ্যা শরম সংকোচ  
খসিয়া পড়িল শ্লথ বসনের মতো  
পদতলে। শূন্যলগ্ন, 'প্রিয়ে, প্রিয়তমে!'  
গম্ভীর আহবানে, মোর এক দেহমাঝে  
জন্ম জন্ম শতজন্ম উঠিল জাগিয়া।  
কহিলাম, 'লহো, লহো, যাহা-কিছু আছে  
সব লহো জীবনবল্লভ!' দুই বাহু  
দিলাম বাড়ায়ে।—চন্দ্র অস্ত গেল বনে,  
অন্ধকারে ঝাঁপিল মেদিনী। স্বর্গমর্ত্য  
দেশকাল দুঃখসুখ জীবনমরণ  
অচেতন হয়ে গেল অসহ্য পলকে।

প্রভাতের প্রথম কিরণে, বিহগের  
প্রথম সংগীতে, বাম করে দিয়া ভর  
ধীরে ধীরে শয্যাতলে উঠিয়া বসিনু।  
দেখিনু চাহিয়া, সুখস্নপ্ত বীরবর।  
শান্ত হাস্য লেগে আছে ওষ্ঠপ্রান্তে তাঁর  
প্রভাতের চন্দ্রকলাসম, রজনীর  
আনন্দের শীর্ণ অবশেষ। নিপতিত  
উন্নত ললাটপটে অরুণের আভা;  
মর্ত্যালোকে যেন নব উদয়পর্বতে  
নবকীর্তি-সূর্যোদয় পাইবে প্রকাশ।

উঠিন্দু শয়ন ছাড়ি নিশ্বাস ফেলিয়া;  
 মালতীর লতাজাল দিলাম নামায়ে  
 সাবধানে, রবিকর করি অন্তরাল  
 স্নপ্তমুখ হতে। দেখিলাম, চতুর্দিকে  
 সেই পূর্বপরিচিত প্রাচীন পৃথিবী।  
 আপনারে আরবার মনে পড়ে গেল,  
 ছুটিয়া পলায়ে এনু, নব প্রভাতের  
 শেফালিবিকীর্ণভূগ বনস্থলী দিয়ে,  
 আপনার ছায়াগ্রস্তা হরিণীর মতো।  
 বিজনবিতানতলে বসি, করপুটে  
 মুখ আবারিয়া, কাঁদিবারে চাহিলাম,  
 এল না ক্রন্দন।

মদন।

হায়, মানবনন্দিনী,  
 স্বর্গের স্নতের দিন স্বহস্তে ভাঙিয়া  
 ধরণীর এক রাতি পূর্ণ করি তাহে  
 যত্নে ধরিলাম তব অধরসম্মুখে—  
 শচীর প্রসাদসুধা, রতির চুম্বিত,  
 নন্দনবনের গন্ধে মোদিত-মধুর—  
 তোমারে করানু পান, তবু এ ক্রন্দন!  
 কারে, দেব, করাইলে পান। কার তৃষা  
 মিটাইলে! সে চুম্বন, সে প্রেমসংগম  
 এখনো উঠিছে কাঁপি যে অঙ্গ ব্যাপিয়া  
 বীণার ঝংকার-সম, সে তো মোর নহে!  
 বহুকাল সাধনায় এক দণ্ড শূন্য  
 পাওয়া যায় প্রথম মিলন, সে মিলন  
 কে লইল লুটি, আমারে বঞ্চিত করি।  
 সে চিরদুল্লভ মিলনের স্নতস্মৃতি  
 সঙ্গো করে ঝরে পড়ে যাবে, অতিস্ফুট  
 পদ্পদলসম, এ মায়ালাবণ্য মোর;  
 অন্তরের দরিদ্র রমণী রিক্তদেহে  
 বসে রবে চিরদিনরাত। মীনকেতু,  
 কোন্ মহারাক্ষসীরে দিয়াছ বাঁধিয়া  
 অঙ্গসহচরী করি ছায়ার মতন—  
 কী অভিসম্পাত! চিরন্তন তৃষ্ণাতুর  
 লোলুপ ওষ্ঠের কাছে আসিল চুম্বন,  
 সে করিল পান। সেই প্রেমদৃষ্টিপাত  
 এমনি আগ্রহপূর্ণ, যে অঙ্গেতে পড়ে  
 সেথা যেন অঙ্কিত করিয়া রেখে যায়  
 বাসনার রাঙা চিহ্নরেখা—সেই দৃষ্টি  
 রবিরশ্মিসম, চিররাগিতাপসিনী  
 কুমারী-হৃদয়পদ্মপানে ছুটে এল,  
 সে তাহারে লইল ভুলায়ে।

চিত্রাঙ্গদা।

মদন।

কল্য নিশি

ব্যর্থ গেছে তবে! শূন্য, কলের সম্মুখে  
এসে আশার তরণী গেছে ফিরে ফিরে  
তরণ-আঘাতে?

চিত্রাঙ্গদা।

কাল রাতে কিছু নাহি  
মনে ছিল দেব। স্নানস্বর্গ এত কাছে  
দিয়োঁছিল ধরা, পেয়োঁছি কি না পেয়োঁছি  
করি নি গণনা আত্মবিস্মরণসুখে।  
আজ প্রাতে উঠে, নৈরাশ্যধঙ্কারবেগে  
অন্তরে অন্তরে টুটুটিছে হৃদয়। মনে  
পিড়িতেছে একে একে রজনীর কথা।  
বিদ্রববেদনাসহ হতেছে চেতনা  
অন্তরে বাহিরে মোর হয়েছে সতিন,  
আর তাহা নারিব ভুলিতে। সপত্নীরে  
স্বহস্তে সাজায়ে সযতনে, প্রতিদিন  
পাঠাইতে হবে, আমার আকাঙ্ক্ষা-তীর্থ  
বাসরশয্যা; অবিশ্রাম সঙ্গে রাহি  
প্রতিক্ষণ দেখিতে হইবে চক্ষু মেলি  
তাহার আদর। ওগো, দেহের সোহাগে  
অন্তর জ্বলিবে হিংসানলে, হেন শাপ  
নরলোকে কে পেয়েছে আর? হে অতনু,  
বর তব ফিরে লও।

মদন।

যদি ফিরে লই,

ছলনার আবরণ খুলে ফেলে দিয়ে  
কাল প্রাতে কোন্ লাজে দাঁড়াইবে আসি  
পার্থের সম্মুখে, কুসুমপল্লবহীন  
হেমন্তের হিমশীর্ণ লতা? প্রমোদের  
প্রথম আশ্বাদটুকু দিয়ে, মৃদু হতে  
সুধাপাত্র কেড়ে নিয়ে চূর্ণ কর যদি  
ভূমিতলে, অকস্মাৎ সে আঘাতভরে  
চমকিয়া, কী আক্রোশে হেরিবে তোমায়!  
সেও ভালো। এই ছন্দরূপিনীর চেয়ে  
শ্রেষ্ঠ আমি শতগুণে। সেই আপনারে  
করিব প্রকাশ; ভালো যদি নাই লাগে,  
ঘৃণাভরে চলে যান যদি, বৃক ফেটে  
মরি যদি আমি, তবু আমি—আমি রব।  
সেও ভালো, ইন্দ্রসখা।

চিত্রাঙ্গদা।

বসন্ত।

শোনো মোর কথা।

ফুলের ফুরায় যবে ফুটিবার কাজ  
তখন প্রকাশ পায় ফল। যথাকালে  
আপনি ঝরিয়া পড়ে যাবে, তাপক্লিষ্ট  
লঘু লাভগের দল; আপন গৌরবে

তখন বাহির হবে; হেরিয়া তোমারে  
নতন সৌভাগ্য বলি মানিবে ফাঙ্গুনী।  
যাও ফিরে যাও, বৎসে, যৌবন-উৎসবে।

## ৪

অর্জুন ও চিত্রাঙ্গদা

চিত্রাঙ্গদা। কী দেখিছ বীর!  
অর্জুন। দেখিতেছি পদ্পবন্ত  
ধরি, কোমল অঙ্গুলিগুলি রচিতছে  
মালা; নিপদুগতা চারদুতায় দই বোনে  
মিলি, খেলা করিতেছে যেন, সারাবেলা  
চঞ্চল উল্লাসে, অঙ্গুলির আগে আগে।  
দেখিতেছি আর ভাবিতেছি।

চিত্রাঙ্গদা। কী ভাবিছ?  
অর্জুন। ভাবিতেছি অমনি সুন্দর ক'রে ধ'রে,  
সরসিয়া ওই রাঙা পরশের রসে,  
প্রবাস-দিবসগুলি গেথে গেথে প্রিয়ে  
অমনি রচিবে মালা; মাথায় পরিয়া  
অক্ষয় আনন্দ-হার গৃহে ফিরে যাব।

চিত্রাঙ্গদা। এ প্রেমের গৃহ আছে?  
অর্জুন। গৃহ নাই?  
চিত্রাঙ্গদা। নাই।  
গৃহে নিয়ে যাবে! বোলো না গৃহের কথা।  
গৃহ চির বরষের; নিত্য যাহা তাই  
গৃহে নিয়ে যেয়ো। অরণ্যের ফুল যবে  
শুকানিবে, গৃহে কোথা ফেলে দিবে তারে,  
অনাদরে পাষাণের মাঝে? তার চেয়ে  
অরণ্যের অন্তঃপদ্রে নিত্য নিত্য যেথা  
মরিছে অঙ্কুর, পড়িছে পল্লবরাশি,  
ঝরিছে কেশর, খসিছে কুসুমদল,  
ক্ষণিক জীবনগুলি ফুটিছে টুটিছে  
প্রতি পলে পলে, দিনান্তে আমার খেলা  
সাপ্প হলে ঝরিব সেথায়, কাননের  
শত শত সমাপ্ত সুখের সাথে। কোনো  
খেদ রহিবে না কারো মনে।

অর্জুন। এই শূন্য?  
চিত্রাঙ্গদা। শূন্য এই। বীরবর, তাহে দ্ব্যর্থ কেন।  
আলস্যের দিনে যাহা ভালো লেগেছিল,

আলস্যের দিনে তাহা ফেলো শেষ করে।  
সুখে তে তার বেশি একদণ্ডকাল  
বাঁধিয়া রাখিলে, সুখ দুঃখ হয়ে ওঠে।  
যাহা আছে তাই লও, যতক্ষণ আছে  
ততক্ষণ রাখো। কামনার প্রাতঃকালে  
যতটুকু চেয়েছিলে, তৃপ্তির সন্ধ্যায়  
তার বেশি আশা করিলো না।

দিন গেল।

এই মালা পরো গলে। শ্রান্ত মোর তনু  
ওই তব বাহু-পরে টেনে লও বীর।  
সন্ধি হোক অধরের সুখসন্মিলনে  
ক্ষান্ত করি মিথ্যা অসন্তোষ। বাহুবন্ধে  
এসো বন্দী করি দৌঁহে দৌঁহা, প্রণয়ের  
সুধাময় চিরপরাজয়ে।

অর্জুন।

ওই শোনো

প্রিয়তমে, বনান্তের দূর লোকালয়ে  
আরতির শান্তিশব্দ উঠিল বাজিয়া।

## ৫

মদন ও বসন্ত

মদন। আমি পঞ্চশর, সখা! এক শরে হাসি,  
অশ্রু এক শরে; এক শরে আশা, অন্য  
শরে ভয়; এক শরে বিরহ-মিলন-  
আশা-ভয়-দুঃখ-সুখ এক নিমেষেই।

বসন্ত। শ্রান্ত আমি, ক্ষান্ত দাও সখা! হে অনঙ্গ,  
সাঙ্গ করো রণরঙ্গ তব। রাত্রিদিন  
সচেতন থেকে, তব হুতাশনে আর  
কত কাল করিব বাজন! মাঝে মাঝে  
নিদ্রা আসে চোখে, নত হয়ে পড়ে পাখা,  
ভস্ম ম্লান হয়ে আসে তপ্তদীপ্তরাশি।  
চমকিয়া জেগে, আবার নতুন শ্বাসে  
জাগাইয়া তুলি তার নব-উজ্জ্বলতা।  
এবার বিদায় দাও সখা।

মদন।

জানি তুমি

অনন্ত অস্থির, চিরশিশু। চিরদিন  
বন্ধনবিহীন হয়ে দ্যুলোকে ভুলোকে  
করিতেছ খেলা। একান্ত যতনে যারে  
তুলিছ সুন্দর করি বহুকাল ধরে।





হইতাম পার, বর্ষার সৌভাগ্যগর্বে  
সফীত তরঙ্গিণী। সেইমতো বারিহরব  
মৃগয়ায়, করিয়াছি মনে।

চিত্রাঙ্গদা।

হে শিকারী,

ষে-মৃগয়া আরম্ভ করেছ, আগে তাই  
হোক শেষ। তবে কি জেনেছ স্থির  
এই স্বর্ণ মায়ামৃগ তোমারে দিলেছে  
ধরা? নহে, তাহা নহে। এ বন্য হরিণী  
আপনি রাখিতে নারে আপনাকে ধরি।  
চাঁকিতে ছুটিয়া যায় কে জানে কখন  
স্বপনের মতো। ক্ষণিকের খেলা সহে,  
চিরদিবসের পাশ বহিতে পারে না।  
ওই চেয়ে দেখো, যেমন করিছে খেলা  
বায়ুতে বৃষ্টিতে, শ্যাম বর্ষা হানিতেছে  
নিমেষে সহস্র শর বায়ুপৃষ্ঠ-পরে,  
তবু সে দূরন্ত মৃগ মাতিয়া বেড়ায়  
অক্ষত অজ্ঞেয়, তোমাতে আমাতে, নাথ,  
সেইমতো খেলা, আজি বরষার দিনে;  
চঞ্চলায় করিবে শিকার প্রাণপণ  
করি; যত শর, যত অস্ত্র আছে তুণে  
একাগ্রে আগ্রহভরে করিবে বর্ষণ।  
কভু অন্ধকার, কভু বা চাঁকিত আলো  
চমকিয়া হাসিয়া মিলায়, কভু স্নিগ্ধ  
বৃষ্টিবরষন, কভু দীপ্ত বজ্রজ্বালা।  
মায়ামৃগী ছুটিয়া বেড়ায়, মেঘাচ্ছন্ন  
জগতের মাঝে, বাধাহীন চিরদিন।

৭

মদন ও চিত্রাঙ্গদা

চিত্রাঙ্গদা।

হে মন্মথ, কী জানি কী দিলেছ মাথায়  
সর্বদেহে মোর। তীর মদিরার মতো  
রক্তসাথে মিশে, উন্মাদ করেছে মোরে।  
আপনার গতিগর্বে মত্ত মৃগী আমি  
ধাইতেছি মূক্তকেশে, উচ্ছ্বসিত বেশে  
পৃথিবী লঙ্ঘিয়া। ধনুর্ধর ঘনশ্যাম  
ব্যাধেরে আমার করিয়াছি পরিশ্রান্ত  
আশাহতপ্রায়, ফিরাতেছি পথে পথে  
বনে বনে তারে। নির্দয় বিজয়সুখে  
হাসিতেছি কৌতুকের হাসি। এ খেলায়

ভঙ্গ দিতে হইতেছে ভয়, এক দণ্ড  
স্থির হলে পাছে, ক্রন্দনে হৃদয় ভরে  
ফেটে পড়ে যায়।

মদন।

থাক্। ভাঙিয়ো না খেলা।

এ খেলা আমার। ছুটুক ফুটুক বাণ,  
টুটুক হৃদয়। আমার মৃগয়া আজি  
অরণ্যের মাঝখানে নবীন বর্ষায়।  
দাও দাও শ্রান্ত করে দাও; করো তারে  
পদানত, বাধো তারে দৃঢ় পাশে; দয়া  
করিয়ো না, হাসিতে জর্জর করে দাও,  
অমৃতে-বিষেতে-মাথা খর বাক্যবাণ  
হানো বৃকে। শিকারে দয়ার বিধি নাই।

৮

অর্জুন ও চিত্রাঙ্গদা

অর্জুন। কোনো গৃহ নাই তব প্রিয়ে, যে-ভবনে  
কাঁদিলে বিরহে তব প্রিয়পরিজন?  
নিত্য স্নেহসেবা দিয়ে যে আনন্দপুত্রী  
রেখেছিলে সুধামগ্ন করে, যেথাকার  
প্রদীপ নিবিয়ে দিয়ে এসেছ চলিয়া  
অরণ্যের মাঝে? আপন শৈশবস্মৃতি  
যেথায় কাঁদিতে যায় হেন স্থান নাই?

চিত্রাঙ্গদা। প্রশ্ন কেন? তবে কি আনন্দ মিটে গেছে?  
যা দেখিছ তাই আমি, আর কিছু নাই  
পরিচয়। প্রভাতে এই-যে দুলিতেছে  
কিশকোর একটি পল্লবপ্রান্তভাগে  
একটি শিশির, এর কোনো নামধাম  
আছে? এর কি শূন্য কেহ পরিচয়।  
তুমি যারে ভালোবাসিয়াছ, সে এমনি  
শিশিরের কণা, নামধামহীন।

অর্জুন।

কিছু

তার নাই কি বন্ধন পৃথিবীতে? এক  
বিন্দু স্বর্গ শূন্য ভূমিতলে ভুলে পড়ে  
গেছে?

চিত্রাঙ্গদা।

তাই বটে। শূন্য নিমেষের তরে  
দিয়েছে আপন উজ্জ্বলতা অরণ্যের  
কুসুমেরে।

অর্জুন।

তাই সদা হারাই হারাই  
করে প্রাণ, তৃপ্তি নাই পাই, শান্তি নাই

মানি। সুদুর্লভে, আরো কাছাকাছি এসো।  
 নামধামগোত্রগৃহ-বাক্যদেহমনে  
 সহস্র বন্ধনপাশে ধরা দাও প্রিয়ে!  
 চারি পার্শ্ব হতে ঘেরি পরিশি তোমায়,  
 নিভঁয় নিভঁরে করি বাস। নাম নাই?  
 তবে কোন্ প্রেমমন্ডে জঁপিব তোমারে  
 হৃদয়মন্দিরমাঝে? গোত্র নাই? তবে  
 কী মৃগালে এ কমল ধরিয়া রাখিব?  
 নাই, নাই, নাই। যারে বাঁধিবারে চাও  
 কখনো সে বন্ধন জানে নি। সে কেবল  
 মেঘের সুবর্ণছটা, গন্ধ কুসুমের,  
 তরঙ্গের গতি।

চিত্রাঙ্গদা।

অর্জুন।

তাহারে যে ভালোবাসে  
 অভাগা সে। প্রিয়ে, দিয়ো না প্রেমের হাতে  
 আকাশকুসুম। বৃকে রাখিবার ধন  
 দাও তারে, সুখে দুঃখে সুদিনে দুর্দিনে।  
 এখনো যে বর্ষ যায় নাই, শ্রান্তি এরি  
 মাঝে? হায় হায়, এখন বৃদ্ধি, পুষ্ণ  
 স্বপ্নপরিমায়, দেবতার আশীর্বাদে।  
 গত বসন্তের যত মৃতপুষ্ণসাথে  
 ঝরিয়া পড়িত যদি এ মোহন তনু  
 আদরে মরিত তবে। বেশি দিন নহে  
 পার্থ! যে কদিন আছে, আশা মিটাইয়া  
 কুতূহলে, আনন্দের মধুটুকু তার  
 নিঃশেষ করিয়া করো পান। এর পরে  
 বারবার আসিয়ো না স্মৃতির কুহকে  
 ফিরে ফিরে, গত সায়াহের, চ্যুতবৃন্ত  
 মাধবীর আশে তৃষিত ভূগের মতো।

চিত্রাঙ্গদা।

## ৯

### বনচরগণ ও অর্জুন

বনচর। হায় হায়, কে রক্ষা করিবে?  
 অর্জুন। কী হয়েছে?  
 বনচর। উত্তরপর্বত হতে আসিছে ছুটিয়া  
 দসাদল, বরষার পার্বত্য বন্যার  
 মতো বেগে, বিনাশ করিতে লোকালয়।  
 অর্জুন। এ রাজ্যে রক্ষক কেহ নাই?  
 বনচর। রাজকন্যা  
 চিত্রাঙ্গদা আছিলেন দ্রুপ্তের দমন;

তার ভয়ে রাজ্যে নাহি ছিল কোনো ভয়,  
 যমভয় ছাড়া। শুনছি গেছেন তিনি  
 তীর্থপর্যটনে, অজ্ঞাত-ভ্রমণরত।  
 অর্জুন। এ রাজ্যের রক্ষক রমণী?  
 বনচর। এক দেহে  
 তিনি পিতামাতা অনুরক্ত প্রজাদের।  
 স্নেহে তিনি রাজমাতা, বীর্যে যুবরাজ।

[ প্রস্থান ]

চিগ্রাঙ্গদার প্রবেশ

চিগ্রাঙ্গদা। কী ভাবিছ নাথ?  
 অর্জুন। রাজকন্যা চিগ্রাঙ্গদা  
 কেমন না জানি তাই ভাবিতেছি মনে।  
 প্রতিদিন শুনিতোছি শত মধু হতে  
 তারি কথা, নব নব অপূর্ব কাহিনী।  
 চিগ্রাঙ্গদা। কুৎসিত, কুরূপ। এমন বীক্ষ্ম ভূরু  
 নাই তার, এমন নিবিড় কৃষ্ণতারা।  
 কঠিন সবল বাহু বর্ধিতে শিখেছে  
 লক্ষা, বর্ধিতে পারে না বীরতনু, হেন  
 সুকোমল নাগপাশে।  
 অর্জুন। কিন্তু শুনিয়াছি,  
 স্নেহে নারী, বীর্যে সে পুরুষ।  
 চিগ্রাঙ্গদা। ছি ছি, সেই  
 তার মন্দভাগ্য। নারী যদি নারী হয়  
 শূদ্ধ, শূদ্ধ ধরণীর শোভা, শূদ্ধ আলো,  
 শূদ্ধ ভালোবাসা, শূদ্ধ সমৃদ্ধ হলে,  
 শতরূপ ভীষণমায় পলকে পলকে  
 লুটায় জড়ায় বেঁকে বেঁধে হেসে কেঁদে  
 সেবায় সোহাগে ছেয়ে চেয়ে থাকে সদা,  
 তবে তার সার্থক জনম। কী হইবে  
 কর্মকীর্তি বীর্যবল শিক্ষাদীক্ষা তার।  
 হে পৌরব, কাল যদি দেখিতে তাহারে  
 এই বনপথপার্শ্বে, এই পূর্ণাতীরে,  
 ওই দেবালয়মাঝে—হেসে চলে যেতে।  
 হায় হায়, আজ এত হয়েছে অরুচি  
 নারীর সৌন্দর্যে, নারীতে ঋজিতে চাও  
 পৌরুষের স্বাদ!

এসো নাথ, ওই দেখো  
 গাড়ছায়া শৈলগুহামুখে বিছাইয়া  
 রাখিয়াছি আমাদের মধ্যাহ্নশয়ন,  
 কচি কচি পীতশ্যাম কিশলয় তুলি  
 আদ্র করি ঝরনার শীকরনিকরে।



ফিরিছেন মুকুলজ্জা ভয়তীনা প্রসন্নহাসিনী। পৃষ্ঠা ২৬৭



কোমল অঙ্গুলিগুলি রচিতছে মালা। পৃষ্ঠা ২৫৮

‘চিত্রাঙ্গদা’ সচিত্র-সংস্করণের দুটি রেখাচিত্র  
অবনীন্দ্রনাথ ঠাকুর - অঙ্কিত

গভীর পল্লবছায়ে বসি, ক্রান্তকণ্ঠে  
কাঁদিছে কপোত, 'বেলা যায়' 'বেলা যায়'  
বলি। কুল, কুল, বহিয়া চলেছে নদী  
ছায়াতল দিয়া। শিলাখণ্ডে স্তরে স্তরে  
সরস সন্নিবিষ্ট সিন্ধু শ্যামল শৈবাল  
নয়ন চুম্বন করে কোমল অধরে।  
এসো নাথ, বিরল বিরামে।

অর্জুন। আজ নহে  
প্রিয়ে।

চিত্রাঙ্গদা। কেন নাথ?

অর্জুন। শূনিয়াছি দস্যুদল  
আসিছে নাশিতে জনপদ। ভীত জনে  
করিব রক্ষণ।

চিত্রাঙ্গদা। কোনো ভয় নাই প্রভু।

তীর্থযাত্রাকালে, রাজকন্যা চিত্রাঙ্গদা  
স্থাপন করিয়া গেছে সতর্ক প্রহরী  
দিকে দিকে; বিপদের যত পথ ছিল  
বন্ধ করে দিলে গেছে বহু তর্ক করি।

অর্জুন। তবু আজ্ঞা করো প্রিয়ে, স্বল্পকালতরে  
করে আসি কর্তব্যসন্ধান। বহুদিন  
রয়েছে অলস হয়ে ক্ষত্রিয়ের বাহু।  
সন্মধ্যমে, ক্ষীণকীর্তি এই ভুজবয়  
পুনর্বীর নবীন গৌরবে ভরি আনি  
তোমার মস্তকতলে যতনে রাখিব,  
হবে তব যোগ্য উপাধান।

চিত্রাঙ্গদা। যদি আমি

না-ই যেতে দিই? যদি বেঁধে রাখি? ছিন্ন  
করে যাবে? তাই যাও। কিন্তু মনে রেখো  
ছিন্ন লতা জোড়া নাহি লাগে। যদি তৃপ্ত  
হয়ে থাকে, তবে যাও, করিব না মানা;  
যদি তৃপ্ত নাহি হয়ে থাকে, তবে মনে  
রেখো, চণ্ডলা সূতের লক্ষ্মী কারো তরে  
বসে নাহি থাকে; সে কাহারো সেবাদাসী  
নহে; তার সেবা করে নরনারী, অতি  
ভয়ে ভয়ে, নিশিদিন রাখে চোখে চোখে  
যত দিন প্রসন্ন সে থাকে। রেখে যাবে  
যারে সূতের কলিকা, কর্মক্ষেত্র হতে  
ফিরে এসে সন্ধ্যাকালে দেখিবে তাহার  
দলগুলি ফুটে ঝরে পড়ে গেছে ভূমে;  
সব কর্ম ব্যর্থ মনে হবে। চিরদিন  
রহিবে জীবনমাঝে জীবন্ত অতৃপ্ত  
ক্ষুধাতুরা। এসো নাথ, বোসো। কেন আজি

এত অনামন? কার কথা ভাবিতেছ?  
 চিত্রাঙ্গদা? আজ তার এত ভাগ্য কেন?  
 অর্জুন। ভাবিতেছি বীরাজনা কিসের লাগিয়া  
 ধরেছে দৃষ্টির রত। কী অভাব তার।  
 চিত্রাঙ্গদা। কী অভাব তার? কী ছিল সে অভাগীর?  
 বীর্য তার অভভেদী দর্শন সুদর্শন  
 রেখেছিল চতুর্দিকে অবরুদ্ধ করি  
 রত্নাম্বন রমণীহৃদয়। রমণী তো  
 সহজেই অন্তরবাসিনী, সংগোপনে  
 থাকে আপনাতে; কে তারে দেখিতে পায়,  
 হৃদয়ের প্রতিবিম্ব দেহের শোভায়  
 প্রকাশ না পায় যদি। কী অভাব তার!  
 অরুণলাবণ্যলেখচিত্রনির্বাপিত  
 উষার মতন, যে-রমণী আপনার  
 শতসত্তর তিমিরের তলে বসে থাকে  
 বীর্যশৈলশৃঙ্গ-পরে নিত্য-একাকিনী,  
 কী অভাব তার! থাক্, থাক্ তার কথা;  
 পুরুষের শ্রুতিসুন্দর নহে তার  
 ইতিহাস।

অর্জুন। বলো বলো। শ্রবণলালসা  
 ক্রমশ বাড়িছে মোর। হৃদয় তাহার  
 করিতেছি অনুভব হৃদয়ের মাঝে।  
 যেন পান্থ আমি, প্রবেশ করেছি গিয়া  
 কোন্ অপরূপ দেশে অধরজনীতে।  
 নদীগিরিবনভূমি স্নানতানিমগন,  
 শূন্যসৌধকিরীটিনী উদার নগরী  
 ছায়াসম অধঃস্ফুট দেখা যায়, শূন্য  
 যায় সাগরগর্জন; প্রভাতপ্রকাশে  
 বিচিত্র বিস্ময়ে যেন ফুটিবে চৌদিক;  
 প্রতীক্ষা করিয়া আছি উৎসুক হৃদয়ে  
 তারি তরে। বলো বলো, শুনি তার কথা।  
 চিত্রাঙ্গদা। কী আর শুনিবো?

অর্জুন। দেখিতে পেতেছি তারে—  
 বাম করে অশ্বরশ্মি ধরি অবহেলে,  
 দক্ষিণেতে ধনুঃশর, হুগ্ট নগরের  
 বিজয়লক্ষ্মীর মতো, আত্ম প্রজাগণে  
 করিছেন বরাভয় দান। দরিত্রের  
 সংকীর্ণ দ্বারারে, রাজার মহিমা যেথা  
 নত হয় প্রবেশ করিতে, মাতৃরূপ  
 ধরি সেথা, করিছেন দয়া বিতরণ।  
 সিংহিনীর মতো, চারি দিকে আপনার  
 বৎসগণে রয়েছেন আগলিয়া, শত্রু



কেহ কাছে নাই আসে ডরে। ফিরিছেন  
মৃদুলজ্জা ভয়হীনা প্রসন্নহাসিনী,  
বীৰ্য্যসিংহ-পরে চড়ি জগদ্ধাত্রী দয়া।  
রমণীর কমণীয় দুই বাহু-পরে  
স্বাধীন সে অসংকোচ বল, ধিক থাক্  
তার কাছে রত্নরত্ন কঙ্কণ কিঙ্কণী।  
অগ্নি বরারোহে, বহুদিন কর্মহীন  
এ পরান মোর, উঠিছে অশান্ত হয়ে  
দীর্ঘশীতস্নেহেতাখিত ভুজ্জের মতো।  
এসো এসো দোঁহে দুই মত্ত অশ্ব লয়ে  
পাশাপাশি ছুটে চলে যাই, মহাবেগে  
দুই দীপ্ত জ্যোতিষ্কের মতো। বাহিরিয়া  
যাই, এই রুদ্ধ সমীরণ, এই তিস্ত  
পদ্পগন্ধমদিরায় নিদ্রাঘনঘোর  
অরণ্যের অন্ধগর্ভ হতে।

চিত্রাঙ্গদা।

হে কৌন্তেয়,  
যদি এ লালিত্য, এই কোমল ভীরুতা,  
স্পর্শক্রেসকাতর শিরীষপেলব  
এই রূপ, ছিন্ন করে ঘৃণাভরে ফেলি  
পদতলে, পরের বসনখণ্ড-সম--  
সে-ক্ষতি কি সহিতে পারিবে। কার্মিনীর  
ছলাকলা মায়ামন্ত্র দূর করে দিয়ে  
উঠিয়া দাঁড়াই যদি সরল উন্নত  
বীৰ্য্যমন্ত অন্তরের বলে, পর্বতের  
তেজস্বী তরুণ তরুসম, বায়ুভরে  
আনন্দ সুন্দর, কিন্তু লতিকার মতো  
নহে নিত্য কুণ্ঠিত লুণ্ঠিত--সে কি ভালো  
লাগিবে পুরুষ-চোখে! থাক্ থাক্, তার  
চেয়ে এই ভালো। আপন যৌবনখানি  
দু-দিনের বহুমূল্য ধন, সাজাইয়া  
সবতনে, পথ চেয়ে বসিয়া রহিব;  
অবসরে আসিবে যখন, আপনার  
সুধাটুকু দেহপাত্রে আকর্ষণ পুরিয়া  
করাইব পান; সুখবাদের শ্রান্তি হলে  
চলে যাবে কর্মের সন্ধান; পুরাতন  
হলে, যেথা স্থান দিবে, সেথায় রহিব  
পার্শ্ব পড়ি। কার্মিনীর নর্মসহচরী,  
যদি হয় দিবসের কর্মসহচরী,  
সতত প্রস্তুত থাকে বাম হস্তসম  
দক্ষিণ হস্তের অনুর, সে কি ভালো  
লাগিবে বীরের প্রাণে?

অর্জুন।

বদ্বিধিতে পারি নে

আমি রহস্য তোমার। এতদিন আছি,  
 তবু যেন পাই নি সন্ধান। তুমি যেন  
 বঞ্চিত করিছ মোরে গদ্যুত থেকে সদা;  
 তুমি যেন দেবীর মতন, প্রতিমার  
 অন্তরালে থেকে, আমারে করিছ দান  
 অমূল্য চুম্বনরত্ন, আলিঙ্গনসুধা;  
 নিজেকে কিছু চাহ না, লহ না। অঙ্গহীন  
 ছন্দোহীন প্রেম, প্রতিক্ষণে পরিতাপ  
 জাগায় অন্তরে। তেজস্বিনী, পরিচয়  
 পাই তব মাঝে মাঝে কথায় কথায়।  
 তার কাছে এ সৌন্দর্যরাশি, মনে হয়  
 মৃত্তিকার মূর্তি শুদ্ধ, নিপুণার্চিত  
 শিল্পযবনিকা। মাঝে মাঝে মনে হয়  
 তোমারে তোমার রূপ ধারণ করিতে  
 পারিছে না আর, কাঁপিতেছে টলমল  
 করি। নিত্যদীপ্ত হাসির অন্তরে  
 ভরা অশ্রু করিতেছে বাস, মাঝে মাঝে  
 ছলছল করে ওঠে, মূহুর্তের মাঝে  
 ফাটিয়া পড়িবে যেন আবরণ টুটি।  
 সাধকের কাছে, প্রথমেতে দ্রাবি আসে  
 মনোহর মায়াকয়া ধরি; তার পরে  
 সত্য দেখা দেয়, ভূষণবিহীন রূপে  
 আলো করি অন্তর বাহির। সেই সত্য  
 কোথা আছে তোমার মাঝারে, দাও তারে।  
 আমার যে সত্য তাই লও। শ্রান্তিহীন  
 সে-মিলন চিরদিবসের।—অশ্রু কেন  
 প্রিয়ে! বাহুতে লুকায়ে মুখ কেন এই  
 ব্যাকুলতা! বেদনা দিয়োঁছি প্রিয়তমে?  
 তবে থাক্, তবে থাক্। ওই মনোহর  
 রূপ পুণ্যফল মোর। এই-যে সংগীত  
 শোনা যায় মাঝে মাঝে বসন্তসমীরে  
 এ ষোণবনমন্দির পরপার হতে,  
 এই মোর বহুভাগ্য। এ বেদনা মোর  
 সুখের অধিক সুখ, আশার অধিক  
 আশা, হৃদয়ের চেয়ে বড়ো, তাই তারে  
 হৃদয়ের ব্যথা বলে মনে হয়, প্রিয়ে।

১০

মদন বসন্ত ও চিত্রাঙ্গদা

মদন। শেষ রাত্রি আজি।  
বসন্ত। আজ রাত্রি-অবসানে

তব অঙ্গশোভা ফিরে যাবে বসন্তের  
অক্ষয় ভান্ডারে। পার্থের চুম্বনস্মৃতি  
ভুলে গিয়ে, তব ওষ্ঠরাগ, দৃষ্টি নব  
কিশলয়ে মঞ্জরি উঠিবে লতিকায়।  
অঙ্গের বরন তব, শত শ্বেত ফুলে  
ধরিয়া নতন তনু, গতজন্মকথা  
ত্যজিবে স্বপ্নের মতো নব জাগরণে।

চিত্রাঙ্গদা। হে অনঙ্গ, হে বসন্ত, আজ রাত্রে তবে  
এ মনুমূৰ্খরূপ মোর, শেষ রজনীতে  
অন্তিম শিখার মতো শ্রান্ত প্রদীপের,  
আচম্বিতে উঠুক উজ্জ্বলতম হয়ে।

মদন। তবে তাই হোক। সখা, দক্ষিণ পবন  
দাও তবে নিশ্বসিয়া প্রাণপূর্ণ বেগে।  
অঙ্গে অঙ্গে উঠুক উচ্ছ্বাস পুনর্বীর  
নবোল্লাসে যৌবনের ক্রান্ত মন্দ স্রোত।  
আজি মোর পঞ্চ পদ্পশরে, নিশীথের  
নিদ্রাভেদ করি, ভোগবতী তটিনীর  
তরঙ্গ-উচ্ছ্বাসে প্লাবিত করিয়া দিব  
বাহুপাশে বন্ধ দৃষ্টি প্রেমিকের তনু।

১১

শেষ রাত্রি

অর্জুন ও চিত্রাঙ্গদা

চিত্রাঙ্গদা। প্রভু, মিটিয়াছে সাধ? এই স্দুললিত  
স্দুগঠিত নবনীকোমল সৌন্দর্যের  
যত গন্ধ যত মধু ছিল সকলি কি  
করিয়াছ পান? আর-কিছু বাকি আছে?  
আর-কিছু চাও? আমার যা-কিছু ছিল  
সব হয়ে গেছে শেষ?—হয় নাই প্রভু!  
ভালো হোক, মন্দ হোক, আরো কিছুর বাকি  
আছে, সে আজিকে দিব।

প্রিয়তম, ভালো

লেগেছিল বলে করেছি নবদন  
এ সৌন্দর্য-পদ্পরাশি চরণকমলে—  
নন্দনকানন হতে তুলে নিয়ে এসে  
বহু সাধনায়। যদি সাঙ্গ হল পূজা  
তবে আঙ্গা করো প্রভু, নির্মালোর ডালি  
ফেলে দিই মন্দির বাহিরে। এইবার  
প্রসন্ন নয়নে চাও সেবিকার পানে।

যে-ফুলে করেছি পূজা, নহি আমি কভু  
সে-ফুলের মতো, প্রভু, এত সুমধুর,  
এত সুকোমল, এত সম্পূর্ণ সুন্দর।  
দোষ আছে, গুণ আছে, পাপ আছে, পুণ্য  
আছে; কত দৈন্য আছে; আছে আজন্মের  
কত অতৃপ্ত তিয়াষা। সংসারপথের  
পান্থ, ধূলিলিপ্তবাস বিক্ষতচরণ;  
কোথা পাব কুসুমলাবণ্য, দৃ-দণ্ডের  
জীবনের অকলঙ্ক শোভা! কিন্তু আছে  
অক্ষয় অমর এক রমণী-হৃদয়।  
দুঃখ সুখ আশা ভয় লজ্জা দুর্বলতা—  
ধূলিময়ী ধরণীর কোলের সন্তান,  
তার কত দ্রান্তি, তার কত ব্যথা, তার  
কত ভালোবাসা, মিশ্রিত জড়িত হয়ে  
আছে একসাথে। আছে এক সীমাহীন  
অপূর্ণতা, অনন্ত মহৎ। কুসুমের  
সৌরভে মিলিয়ে থাকে যদি, এইবার  
সেই জন্মজন্মান্তের সেবিকার পানে  
চাও।

সুখোদয়

অবগুণ্ঠন খুলিয়া

আমি চিত্রাঙ্গদা। রাজেন্দ্রনন্দিনী।  
হয়তো পড়িবে মনে, সেই একদিন  
সেই সরোবরতীরে শিবালয়ে দেখা  
দিয়েছিল এক নারী, বহু আভরণে  
ভারাক্রান্ত করি তার রূপহীন তনু।  
কী জানি কী বলেছিল নিলজ্জ মুখরা,  
পুরুষেরে করেছিল পুরুষ-প্রথায়  
আরাধনা; প্রত্যাখ্যান করেছিলে তারে।  
ভালোই করেছ। সামান্য সে নারীরূপে  
গ্রহণ করিতে যদি তারে, অনুতাপ

বিশিষ্ট তাহার বদকে আমরণ কাল।  
 প্রভু, আমি সেই নারী। তবু আমি সেই  
 নারী নহি; সে আমার হীন ছদ্মবেশ।  
 তার পরে পেয়েছিঁন্দু বসন্তের বরে  
 বর্ষকাল অপরূপ রূপ। দিয়েছিঁন্দু  
 শ্রান্ত করি বীরের হৃদয়, ছলনার  
 ভারে। সেও আমি নহি।

আমি চিত্রাঙ্গদা।

দেবী নহি, নহি আমি সামান্য রমণী।  
 পূজা করি রাখিবে মাথায়, সেও আমি  
 নই, অবহেলা করি পদুষ্ণি রাখিবে  
 পিছে, সেও আমি নহি। যদি পার্শ্বের রাখ  
 মোরে সংকটের পাথে, দুরূহ চিন্তার  
 যদি অংশ দাও, যদি অনুমতি কর  
 কঠিন রতের তব সহায় হইতে,  
 যদি সন্ধে দৃঃখে মোরে কর সহচরী,  
 আমার পাইবে তবে পরিচয়। গর্ভে  
 আমি ধরেছি যে সন্তান তোমার, যদি  
 পুত্র হয়, আশৈশব বীরশিক্ষা দিয়ে  
 দ্বিতীয় অর্জুন করি তারে একদিন  
 পাঠাইয়া দিব যবে পিতার চরণে,  
 তখন জানিবে মোরে, প্রিয়তম!

আজ

শুধু নিবেদি চরণে, আমি চিত্রাঙ্গদা,  
 রাজেন্দ্রনন্দিনী।

অর্জুন।

প্রিয়ে, আজ ধন্য আমি।

কটক

২৮ ভাদ্র ১২৯৮

# গোড়ায় গলদ

প্রকাশ : ১৮৯২

১৯২৮ সালে অভিনয়যোগ্য পুনর্লিখিত সংস্করণ 'শেষরক্ষা' প্রকাশের  
পর 'গোড়ায় গলদ' স্বতন্ত্র পুস্তকাকারে আর প্রকাশিত হয় নি।

উৎসর্গ

শ্রীযুক্ত প্রিয়নাথ সেন  
প্রিয়বন্ধুবরে



নাটকের পাত্রগণ

বিনোদবিহারী

চন্দ্রকান্ত

নলিনাক্ষ

নিমাই

শ্রীপতি

ভূপতি

নিবারণ

শিবচরণ

কমলমুখী

ইন্দুমতী

ক্ষান্তমণি

চন্দ্রকান্তের প্রতিবেশী

নিমাইয়ের পিতা

নিবারণের পালিতা কন্যা

নিবারণের কন্যা

চন্দ্রকান্তের স্ত্রী

## প্রথম অঙ্ক

### প্রথম দৃশ্য

#### চন্দ্রকান্তের বাসা

বিনোদবিহারী, নলিনাক্ষ ও চন্দ্রকান্ত

চন্দ্রকান্ত। আচ্ছা বিনদা, সত্যি বলো-না ভাই, জগৎটা কি বেবাক শূন্য মনে হয়।

নলিনাক্ষ। তুমি একেবারে আকাশ থেকে পড়লে যে। তোমার হয় না নাকি। আমাদের তো হয়।

চন্দ্রকান্ত। তবু কী রকমটা হয় শূন্যই-না।

নলিনাক্ষ। বদ্বতে পারছ না? সমস্ত কেমন যেন শূন্য—যেন ফাঁকা—যেন মরুভূমি—

চন্দ্রকান্ত। যেন নেড়া মাথার মতো। আমারও বোধ করি ঐ রকমই মনে হয় কিন্তু ঠিক বদ্বতে পারি নে—আচ্ছা, বিনদা, জগৎটা যদি মরুভূমিই হল—

বিনোদবিহারী। বস্তু বেজার করলে যে হে! কে বলছে মরুভূমি! তা হলে পৃথিবীসুন্দর এতগুলো গোরু চরে বেড়াচ্ছে কোন্‌খানে। জগতে গোরুর খাবার ঘাসও যথেষ্ট আছে এবং ঘাস খাবার গোরুরও অভাব নেই।

চন্দ্রকান্ত। দিব্যি গদ্বিছে বলেছ বিন্দু। ঐ যা বললে ভাই। সবাই কেবল চিবোচ্ছে আর জাওর কাটছে আর ফ্যাল ফ্যাল করে তাকিয়ে আছে—কিছু একটা হচ্ছে না—

বিনোদবিহারী। কিছুর না, কিছুর না। দেখো-না, দুটি ব্রাহ্মণ এবং একটি কায়স্থকুলতিলক বসে বসে খোপের মধ্যে দুপদুরবেলাকার পায়রার মতো সমস্ত ক্ষণ কেবল বক্‌বক্‌ করছি, তার না আছে অর্থ, না আছে তাৎপর্য।

নলিনাক্ষ। ঠিক। না আছে অর্থ, না আছে কিছুর।

চন্দ্রকান্ত। কিন্তু সত্যি কথা বলছি, ভাই নলিন, রাগ করিস নে, এ-সব কথা বিনদার মুখে যেমন মানায় তোর মুখে তেমন মানায় না। তুই কেমন ঠিক সুরটি লাগাতে পারিস নে। বিন্দু যখন বলে জগৎটা শূন্য—তখন দেখতে দেখতে চোখের সামনে সমস্ত পৃথিবীটা যেন একটা ঘসা পয়সার মতো চেহারা বের করে।

বিনোদবিহারী। চন্দ্র, তোমার কাছে কথা কয়ে সুখ আছে, তার মধ্যে দুটো নতুন সুর লাগাতে পার। নইলে নিজের প্রতিধ্বনি শূন্যে শূন্যে নিজের উপর বিরক্ত ধরে গেল।

নলিনাক্ষ। ঠিক বলেছ। বিরক্ত ধরে গেছে। প্রাণের কথা কেউ বদ্বতে পারে না—

বিনোদবিহারী। নলিন, সকালবেলাটায় আর তোমার প্রাণের কথা তুলো না—একটু চুপ করো তো দাদা। আজ রবিবারটা আছে, আজ একটা-কিছুর করা যাক, যাতে মনটা বেশ তাজা হয়ে ধড়ফড়িয়ে ওঠে।

চন্দ্রকান্ত। ঠিক বলেছ। ওষুধের শিশির মতো নিদেন হস্তার মধ্যে একটা দিন নিজেকে খানিকটা ঝাঁকানি দিয়ে নেওয়া আবশ্যিক—নইলে শরীরে যা-কিছুর পদার্থ ছিল সমস্তই তলায় থিতুয়ে গেল। কী করা যায় বলো দেখি। চলো, গড়ের মাঠে বেড়িয়ে আসা যাক।

বিনোদবিহারী। হাঃ—গড়ের মাঠে কে যায়। তুমিও যেমন।

চন্দ্রকান্ত। তবে ক্লাবে চলো।

বিনোদবিহারী। রাম! কেবল কতকগুলো মনুষ্যমূর্তি দেখে আসা, তাও আবার প্রায়ই চেনা লোক।

চন্দ্রকান্ত। তবে এক কাজ করা যাক। চলো, আমরা বোষ্টম ভিক্ষুক সেজে বেরিয়ে পড়ি—দেখি তিনটে প্রাণী সমস্ত দিন শহরে কত ভিক্ষে কুড়োতে পারি।

বিনোদবিহারী। কথাটা মন্দ নয়, কিন্তু বড়ো ল্যাঠা।

চন্দ্রকান্ত। তা হলে আর একটা প্ল্যান মাথায় এসেছে—

বিনোদবিহারী। কী বলো দেখি।

চন্দ্রকান্ত। যেমন আছি এমনিই বসে থাকি।

বিনোদবিহারী। ঠিক বলেছ। সেটা এতক্ষণ আমার মাথায় আসে নি। আজ তবে এমনি বসে থাকাই যাক।—দেখো দেখি চন্দ্র, একে কি বেঁচে থাকা বলে। সোমবার থেকে শনিবার পর্যন্ত কেবল কালেজ যাচ্ছি, আইন পড়ছি, আর সেই পটলডাঙার বাসার মধ্যে পড়ে পড়ে ট্রামের ঘড়ঘড় শুনছি। হপ্তার মধ্যে একটার বেশি রবিবার আসে না, তাও কিসে খরচ করব ভেবে পাওয়া যায় না।

চন্দ্রকান্ত। আচ্ছা, বর্ষার দিনে যেমন চালকড়াইভাজা তেমনি রবিবার দিনে কী হলে ঠিক হত বলো দেখি বিনদা।

বিনোদবিহারী। তবে সত্যি কথা বলব। অ্যাঁ! একটি রাঙা পাড়, একটু মিষ্টি হাসি, দুটো নরম কথা—তার থেকে ক্রমে দীর্ঘনিশ্বাস, ক্রমে অশ্রুজল, ক্রমে ছটফটানি—

চন্দ্রকান্ত। এমন-কি, আত্মহত্যা পর্যন্ত—

বিনোদবিহারী। হাঁ—এই হলে জীবনটার একটুখানি স্বাদ পাওয়া যায়। ভাই, ঐ কালো চোখ, টুকটুকে ঠোঁট, মিষ্টিমুখের সঙ্গে মাঝে মাঝে মিশল না হলে এই রোজ রোজ নিরিমিষ দিনগুলো আর তো মধুখে রোচে না। কেবল এই শুকনো বইয়ের বোঝা টেনে এই পঁচিশটা বৎসর কী করে কাটল বলো দেখি।

চন্দ্রকান্ত। এর চেয়ে সাধের মানবজন্ম একেবারেই ঘুচিয়ে দিয়ে যদি কোনো গাতিকে একটা ইংরেজ নভেলিস্টের মাথার মধ্যে সেঁধোতে পারা যেত, বেশ দিব্য সোনার জলে বাঁধানো একখানি তকতকে বইয়ের মধ্যে ছাপা হয়ে বেরোতুম—কখনো ঈডিথ, কখনো এলেন, কখনো লিওনোরার সঙ্গে বেশ ভালো ইংরিজিতে প্রেমলাপ করছি—মেয়ের বাপ বিয়ে দিতে চাচ্ছে না, মেয়ে সমুদ্রে ঝাঁপ দিয়ে মরতে চাচ্ছে, শেষকালে নভেলের শেষ পাতায় বেশ সুখে-স্বচ্ছন্দে দুটিতে মিলে ঘর-করনা করছি—হুহু করে এডিশনের পর এডিশন উঠে যাচ্ছে আর পাঁচ-পাঁচ শিলিঙে বিক্রি হচ্ছি।

বিনোদবিহারী। চমৎকার! কত মেরি-ফ্যানি-ল্যুসির হাতে হাতে কোলে কোলে দিনপাত করা যাচ্ছে। যে-সব নীল চোখ কোনো জন্মে আমাদের প্রতি কটাক্ষপাতও করত না তারা হুহু শব্দে আমাদের জন্যে অশ্রুবর্ষণ করছে। তা না হয়ে জন্মালুম বাঙালির ঘরে—কেবল একুইটি আর এভিডেন্স আঙ্ক মদুস্থ করে করেই দুর্লভ জীবনটা কাটালুম।

নলিনাক্ষ। চললুম ভাই বিনোদ। আমি থাকলে তোমার ভালো লাগে না, তোমাদের গল্প জমে না—চন্দ্র ছাড়া আর কারো সঙ্গে তোমার প্রাণের কথা হয় না।—“ভালোবাসা ভুলে যাব, মনেরে বদ্বাইব, পৃথিবীতে আর যেন কেউ কারোও ভালোবাসে না!”

[দ্রুত প্রস্থান]

বিনোদবিহারী। এই দেখো। রোম্যান্সের কথা হচ্ছিল, এই এক রোম্যান্স। পোড়া অদৃষ্ট এমনি, ভালোবাসা বল যা বল সবই জুটল, কেবল বিধির বিপাকে একটু ব্যাকরণের ভুল হয়েছে সব মাটি করে দিয়েছে।

চন্দ্রকান্ত। কেবল একটা দীর্ঘ ঈ-র জন্যে। নলিনাক্ষ না হয়ে যদি নলিনাক্ষী হত। হায় হায়! কিন্তু তা হলে এই মিনসে চন্দ্রবিন্দুটাকে লোপ করে দেবার জায়গা পেতে না।

নিমাইয়ের প্রবেশ

নিমাই। কী হচ্ছে।

বিনোদবিহারী। যা রোজ হয় তাই হচ্ছে।

নিমাই। সেন্টিমেন্টাল আলোচনা! তোমাদের আচ্ছা এক কাজ হয়েছে যা হোক। ওটা একটা

শারীরিক ব্যামো তা জান? বেশ ভালো করে আহারটি করলে এবং সেটি হজম করতে পারলে কবিরোগ কাছে ঘেঁষতে পারে না। আর আধপেটা করে খাও, আর অম্বলের ব্যামোটি বাধাও, আর অমনি কোথায় আকাশের চাঁদ, কোথায় দক্ষিণের বাতাস, কোথায় কোকিল পক্ষীর ডাক, এই নিয়ে ভারি মাথাব্যথা পড়ে যায়—জানালায় কাছে বসে বসে মনে হয় কী যেন চাই—যা চাও সেটি যে হচ্ছে বাইকার্বোনেট অফ সোডা তা কিছতেই বদ্বতে পার না।

বিনোদবিহারী। তা যদি বল তা হলে জীবনটাই তো একটা প্রধান রোগ, এবং সকল রোগের গোড়া। জড়পদার্থ কেমন সুস্থ আছে—মাকের থেকে হঠাৎ প্রাণ-নামক একটা ব্যাধি জুটে প্রাণী-গুলোকে খেঁপিয়ে নিয়ে বেড়াচ্ছে। বাতাসে একটা ডেউ উঠল অমনি কানের মধ্যে ভেঁ করে উঠল, ঈথর একটু নড়ে উঠল অমনি চোখের মধ্যে চিকমিক করতে লাগল, সন্ধ্যাবেলায় উঠেই পেটের মধ্যে চোঁ চোঁ করতে আরম্ভ করেছে—এ কি কখনো স্বাভাবিক অবস্থা হতে পারে। স্বাভাবিক যদি বলতে চাও সে কেবল কাঠ পাথর মাটি—

নিমাই। আরে, অতটা দূর গেলে তো কথাই নেই। কিন্তু তোমরা ঐ যে যাকে ভালোবাসা বল সেটা যে শুদ্ধ একটা স্নায়ুর ব্যামো তার আর সন্দেহ নেই। আমার বিশ্বাস অন্যান্য ব্যামোর মতো তারও একটা ওষুধ বের হবে। বালকবালিকাদের যেমন হাম হয়, যুবকযুবতীদের তেমন ঐ একটা স্নায়ুর উৎপাত ঘটে, কারো বা খুব উৎকট, কারো বা একটু মৃদু রকমের। যখন ও রোগটা চিকিৎসা-শাস্ত্রের অধীনে আসবে তখন লক্ষণ মিলিয়ে ওষুধ ঠিক করতে হবে—ডাক্তার রোগীকে জিজ্ঞাসা করবে, “আচ্ছা, তাকে কি তোমার সর্বদাই মনে পড়ে। তার কাছে থাকলে বেশি ভালোবাসা বোধ হয়, না দূরে গেলে? তাকে দেখতে আস, না দেখা দিতে আস?” এই-সমস্ত নির্ণয় করে তবে ওষুধ আনতে হবে।

চন্দ্রকান্ত। কাগজে বিজ্ঞাপন বেরোবে “হৃদয়বেদনার জন্য অতি উত্তম মালিশ, উত্তম মালিশ, উত্তম মালিশ। বিরহ-নিবারণী বটিকা। রাতে একটি, সকালে একটি সেবন করিলে সমস্ত বিরহ দূর হইয়া অন্তঃকরণ পরিষ্কার হইয়া যাইবে।”

বিনোদবিহারী। আবার প্রশংসাপত্র বেরোবে—কেউ লিখবে—“আমি একাদিক্রমে আড়াইমাস কাল আমার প্রতিবেশিনীর প্রেমে ভুগিতেছিলাম—নানারূপ চিকিৎসায় কোনো আরাম না পাইয়া অবশেষে আপনার জগন্মখ্যাত প্রেমাকুশ রস সেবন করিয়া প্রায় সম্পূর্ণ আরোগ্য লাভ করিয়াছি—এক্ষণে উক্ত প্রতিবেশিনীর জন্য ভ্যালুপেয়েরে বড়ো এক শিশি পাঠাইয়া বাধিত করিবেন, তাঁহার ব্যাধিটা আমার অপেক্ষাও অনেক প্রবল জানিবেন। ইতি—”

নিমাই। ওহে চন্দর, তামাক ডাকো। তোমরা ধোঁয়ার মধ্যে বাস কর, তোমাদের আর তামাকের দরকার হয় না, আমরা পৃথিবীতে থাকি আমাদের তামাকটা পানটা, এমন-কি, সামান্য ভাতটা ভালটারও আবশ্যক ঠেকে।

চন্দ্রকান্ত। বটে বটে, ভুল হয়ে গেছে, মাপ করো নিমাই। ওরে ভূতো—আবাগের বোটা ভূত—তামাক দিয়ে যা—আচ্ছা ভাই বিন্দু, মেয়েমানুষের কথা যে বলিছিলে কী রকম মেয়েমানুষ তোমার পছন্দসই। তোমার আইডিয়ালটি কী আমাকে বলো দেখি।

বিনোদবিহারী। আমি কী রকম চাই জান? যাকে কিছ বোঝবার জো নেই। যাকে ধরতে গেলে পালিয়ে যায়—পালাতে গেলে ধরে টেনে নিয়ে আসে। যে শরতের আকাশের মতো এদিকে বেশ নির্মল কিন্তু কখন রোদ উঠবে, কখন মেঘ করবে, কখন বৃষ্টি হবে, কখন বিদ্যুৎ দেখা দেবে, তা স্বয়ং বিজ্ঞানশাস্ত্রের পিতৃপিতামহও ঠিক করে বলতে পারে না।

চন্দ্রকান্ত। বুঝিছ—যে কোনোকালেই পুরোনো হবে না। মনের কথা টেনে বলেছ ভাই। কিন্তু পাওয়া শক্ত। আমরা ভুক্তভোগী, জানি কিনা, বিয়ে করলেই মেয়েগুলো দূর-দিনেই বহুকালে পড়া-পুথির মতো হয়ে আসে; মলাটটা আখানা ছিঁড়ে ঢলঢল করছে, পাতাগুলো দাগি হয়ে খুলে খুলে আসছে—কোথায় সে অটসাঁট বাঁধুনি, কোথায় সে সোনার জলের ছাপ—তা ছাড়া যেখানে খুলে দেখ সেই এক কথা “কমলিনী অতি সুবোধ মেয়ে, সে ঘরকন্মায় কদাচ আলস্য

করে না; সে প্রত্যুষে উঠিয়াই গৃহমার্জন এবং গোময়লেপন করে; যথাসময়ে স্বামীর অন্নব্যঞ্জন প্রস্তুত করিয়া রাখে, যাহাতে তাঁহার আপিসে যাইতে বিলম্ব না হয়; আপিস হইতে ফিরিয়া আসিলে তাঁহার গাড়ু-গামছা ঠিক করিয়া রাখে এবং রাত্রিকালে তাঁহার মশারি ঝাড়িয়া দেয়!" আগাগোড়া একটা নীতি-উপদেশের মতো। স্ত্রী হবে কেমন—রোজ এক-এক পাতা ওলটাৰ আর এক-একটা নতুন চ্যাপ্টার বেরোবে।

নিমাই। অর্থাৎ কোনোদিন বা গৃহমার্জন করবে, কোনোদিন বা স্বামীর পৃষ্ঠমার্জন করবে। একদিন বা মেঝেতে গোময় লেপন করলে, একদিন বা স্বামীর পবিত্র মাথার উপর ঘোল সেচন করলে—পূর্বাঙ্কে কিছুই ঠিক করবার জো নেই।

চন্দ্রকান্ত। সে যেন হল—আর চেহারাটা কী রকম হবে।

বিনোদবিহারী। চেহারাটি বেশ ছিপছিপে, মাটির সঙ্গে অতি অল্পই সম্পর্ক, যেন “সম্ভারিণী পল্লবিনী লতেব’। অর্থাৎ যাকে দেখে মনে হবে অতি ক্ষীণবল—অস্তিত্বটুকু কেবল নামমাত্র—অথচ ঐটুকুর মধ্যে যে এত লীলা, এত বল, এত কৌতুক তাই দেখে পলকে পলকে আশ্চর্য বোধ হবে। যেন বিদ্যুতের মতো, একটিমাত্র আলোর রেখা—কিন্তু তার ভিতরে কত চাঞ্চল্য, কত হাসি, কত বজ্রতেজ।

চন্দ্রকান্ত। আর বেশি বলতে হবে না—আমি বুঝে নিয়েছি। তুমি চাও পদ্যর মতো চোন্দটি অক্ষরে বাঁধাসাঁধা, ছিপছিপে; অর্থাৎ, চলতে ফিরতে ছন্দটি রেখে চলে, কিন্তু এদিকে মল্লিনাথ, ভরত শিরোমণি, জগন্নাথ তর্কপঞ্চানন প্রভৃতি বড়ো বড়ো পণ্ডিত তাঁর টিকে ভাষ্য করে থই পায় না। বুঝেছ বিনোদ, আমিও তাই চাই, কিন্তু চাইলেই তো পাওয়া যায় না—

বিনোদবিহারী। কেন, তোমার কপালে তো মন্দ জোটে নি।

চন্দ্রকান্ত। মন্দ বলতে সাহস করি নে—কিন্তু ভাই, পদ্য নয় সে গদ্য—বিধাতা অক্ষর মিলিয়ে তাকে তৈরি করেন নি, কলমে যা এসেছে তাই বসিয়ে গেছেন—এই প্রতিদিন যে-ভাষায় কথাবার্তা চলে তাই আর-কি। ওর মধ্যে বেশ একটি ছাঁদ পাওয়া যাচ্ছে না।

নিমাই। আর ছাঁদে কাজ নেই ভাই। আবার তোমার কী রকম ছাঁদ সেটাও তো দেখতে হবে। বিনোদ লেখক-মানুষ, ওর মূখে সকলরকম খাপ্যামিই শোভা পায়, ও যদি হঠাৎ মাঝের থেকে বিদ্যুৎ কিংবা অনুষ্টুভ ছন্দকে বিয়ে করে বসে ও তাদের সামলাতে পারে, বরণ ওকে নিয়েই তারা কিছু ব্যতিবাস্ত হয়ে পড়ে। কিন্তু চন্দ্রদা, তোমার সঙ্গে একটি আস্ত পদ্য জুড়ে দিলে কি আর রক্ষে ছিল। এক লাইন পদ্য আর এক লাইন গদ্যে কখনো মিল হয়?

চন্দ্রকান্ত। সে-কথা অস্বীকার করবার জো নেই। কিন্তু আমাকে বাইরে থেকে যা দেখিস নিমাই, ভিতরে যে কিছু পদ্য নেই তা বলতে পারি নে। আমি, যাকে বলে, চম্পদ্যাকব্য! গঙ্গাজল ছুঁয়ে বললেও কেউ বিশ্বাস করে না, কিন্তু মাইরি বলছি আমারও মন এক-একদিন উড়ু-উড়ু করে—এমন-কি, চাঁদের আলোয় শূন্যে পড়ে পড়ে এমনও ভেবেছি—আহা, এই সময়ে প্রেয়সী যদি চুলটি বেঁধে, গাটি ধুয়ে, একখানি বাসন্তী রঙের কাপড় পরে, একগাছি বেলফুলের মালা হাতে করে নিয়ে এসে গলায় পরিয়ে দেয় আর মূখের দিকে চেয়ে চেয়ে বলতে থাকে—

জনম অবধি হাম রূপ নেহারনু নয়ন না তিরপিত ভেল।

লাখ লাখ যুগ হিয়ে হিয়ে রাখনু তবু হিয়ে জুড়ন না গেল।

প্রেয়সীও আসে, দু-চার কথা বলেও থাকে, কিন্তু আমার ঐ বর্ণনার সঙ্গে ঠিকটি মেলে না।

নিমাই। দেখো বিনোদ, তোমাদের সঙ্গে একটা বিষয়ে আমার ভারি মতের অনৈক্য হয়। মেয়েমানুষ যদি বড় বেশি জ্যান্ত গোছের হয় তাকে নিয়ে পুরুষের কখনোই পোষায় না। দুজন জ্যান্ত লোকে কখনো রীতিমত মিল হতে পারে? তোমার কাপড়টি যেমন বেশ নির্বিবাদে গায়ে লেগে রয়েছে স্ত্রীটি ঠিক তেমনি হওয়া চাই—এ বিষয়ে আমি ভাই সম্পূর্ণ রক্ষণশীল কিংবা স্থিতিশীল, কিংবা যা বল।

চন্দ্রকান্ত। তা বটে। মনে করো তোমার জামাটাও যদি জ্যান্ত হত, প্রতি কথায় দু'জনে আপস করতে করতেই দিন যেত, ফস করে যে মাথাটা গলিয়ে দিয়ে পরে ফেলবে তার জো থাকত না। তুমি যখন বোতাম আঁটতে চাও সে হয়তো তার গর্তগুলো প্রাণপণে এঁটে বসে রইল। তোমার নেমন্তন্ন আছে, খিদেয় পেট চোঁ চোঁ করছে, তোমার শাল অভিমান করে বসে আছেন; যতই টানাটানি কর কিছুতেই তাঁর আর ভাঁজ খোলে না।

নিমাই। সেই কথাই বলছি। দেখিস, আমি যাকে বিয়ে করব সে মাটি থেকে মৃদু তুলবে না, তার হাসি ঘোমটার মধ্যেই মিলিয়ে যাবে, তার পায়ের মলের শব্দ শুনতে কানে দূরবীন কষতে হবে। যা হোক বিনোদ, তুমি একটা বিয়ে করে ফেলো। সর্বদা তুমি যে মনটা বিগড়ে বসে রয়েছ সে কেবল গৃহলক্ষ্মীর অভাবে। পূর্বকালে সে ছিল ভালো, বাপেমায়ে ছেলেবেলায় বিয়ে দিয়ে দিত—একবারে শিশুকালেই প্রেমরোগের টিকে দিয়ে রাখা হত।

চন্দ্রকান্ত। আমিও বিন্দুকে এক-একবার সে-কথা বলেছি। একটি স্ত্রী সহস্র দুর্দৃষ্টতার জায়গা জুড়ে বসে থাকেন—বেদনার উপরে যেমন বেলেস্তারা, অন্যান্য ভবযন্ত্রণার উপরে স্ত্রীর প্রয়োগটাও তেমনি।

পাশের বাড়ি হইতে গানের শব্দ

বিনোদবিহারী। ঐ শোনো, সেই গান হচ্ছে।

নিমাই। কার গান হে?

চন্দ্রকান্ত। চুপ করে খানিকটা শোনোই-না; পরে পরিচয় দেব।

গান

বিনোদবিহারী। চন্দ্র, আজ কী করব ভাবছিলাম, একটা মতলব মাথায় এসেছে।

চন্দ্রকান্ত। কী বলো দেখি।

বিনোদবিহারী। চলো—যে মেয়েটি গান গায় ওর সঙ্গে আজই আমার বিয়ের সম্বন্ধ করে আসি গে।

চন্দ্রকান্ত। বল কী!

বিনোদবিহারী। একটা তো কিছু করা চাই। আর তো বসে বসে ভালো লাগছে না। বিয়ে করে আসা যাক গে। অমনতরো গান শুনলে মানুষ খামকা সকলরকম দুঃসাহসিক কাজই করে ফেলতে পারে।

চন্দ্রকান্ত। কিন্তু দেখাশুনো তো করবে, আলাপ-পরিচয় তো করতে হবে? আমাদের মতো তো আর বাপমায়ে দু'হাতে, চোখ-কান বৃজে, ধরে বিয়ে গিলিয়ে দেবে না।

বিনোদবিহারী। না, আমি তাকে দেখতে চাই নে। মনে করো আমি কেবল ঐ গানকেই বিয়ে করছি। গান তো দৃষ্টিগোচর নয়।

চন্দ্রকান্ত। বিন্দু, এ-কথাটা তোর মূখেও একটু বাড়িবাড়ি শোনাচ্ছে। কেবল গান বিয়ে করতে চাস তো একটা আর্গিন কেন-না? এ যে ভাই মানুষ, বড়ো সহজ জন্তু নয়! এ যেমন গান গাইতে পারে তেমনি পাঁচ কথা শুনিয়ে দিতেও পারে। একই কণ্ঠ থেকে দু'রকম বিপরীত সুর বের করতে পারে। গানটি পেতে গেলে সঙ্গে সঙ্গে আস্ত স্ত্রীলোকটিকেও নিতে হয় এবং তাঁকে নিতে গেলেই একটু দেখেশুনে নেওয়া ভালো।

বিনোদবিহারী। না ভাই, আসল রক্টকুর অনুসন্ধান পাওয়া গেছে, এখন চোখ-কান বৃজে সমুদ্রে ঝাঁপিয়ে পড়তে হবে। আহা, একবার ভেবে দেখো দেখি চন্দ্র, প্রত্যেক দিনটির সঙ্গে সকালে সন্ধ্যা দুটি-একটি করে তেমন-তেমন মিষ্টি সুর যদি লাগে, তা হলে জীবনের এক-একটা দিন এক-এক পাতা মদের মতো এক চুমুকে নিঃশেষ করে ফেলা যায়—

চন্দ্রকান্ত। এখন বৃদ্ধি কেবল মৃদু সিটকে চিরেতা খাচ্ছিস?

বিনোদবিহারী। তা নয় তো কী! তুমি যে দেখে নিতে বলছ, দেখব কাকে। মানুষ কি চোখ চাইলেই দেখা যায়। দৈবাৎ হাতে ঠেকে। তুমিও যেমন! রাখো জীবনটা বাজি—চক্ষু বৃজে দান তুলে নাও, তার পর হয় রাজা নয় ফকির—একেই তো বলে খেলা।

চন্দ্রকান্ত। উঃ! কী সাহস! তোমার কথা শুনে আমার মতো মরচে-পড়া বিবাহিত লোকেরও বুক সাত হাত হয়ে ওঠে—ফের আর-একটা বিয়ে করতে ইচ্ছে করে। সত্যি, তোমাদের দেখে হিংসে হয়। একেবারে আঠারো আনা কবিত্ব করে নিলে হে। না দেখে বিয়ে তো আমরাও করোঁছি কিন্তু তার মধ্যে এমনতরো নেশা ছিল না। এ যে একেবারে দেখতে-না-দেখতে এক মৃদুতের ভাঁ হয়ে উঠল!

নিমাই। তা বলি, বিয়ে যদি করতে হয় নিজের না দেখে করাই ভালো। যেমন ডাক্তারের পক্ষে নিজের কিংবা আত্মীয়ের চিকিৎসা করাটা কিছ্ নয়। কিন্তু বন্ধুবান্ধবদের দেখে শুনে নেওয়া উচিত। মেয়েটি কে বলো তো হে চন্দ্রদা।

চন্দ্রকান্ত। আমাদের নিবারণবাবুর বাড়িতে থাকেন, নাম কমলমুখী। আদিত্যবাবু আর নিবারণবাবু পরমবন্ধু ছিলেন। আদিত্য মরবার সময় মেয়েটিকে নিবারণবাবুর হাতে সমর্পণ করে দিয়ে গেছেন। নিবারণবাবু লোকটি কিছ্ নতুন ধরনের। যেমন কাঁচাপাকা মাথা, তেমনি কাঁচাপাকা স্বভাবের মানুষটিও। অনেক বিষয়ে সেকেলে অথচ অনেকগুলো একেলে ভাবও আছে। মেয়েটির বয়স হয়েছে, শুনছি লেখাপড়াও কিছ্ অতিরিক্ত রকম শেখানো হয়েছে। বিন্দু যখন মৃদুনাড়া খাবেন তার মধ্যে ব্যাকরণের ভুল বের করতে পারবেন না। মনে করো, আমার গৃহিণী যখন উক্ত কার্যে প্রবৃত্ত হন তখন প্রায়ই তাঁর দূটো-চারটে গ্রাম্যতা-দোষ সংশোধন করে দিতে হয়, কিন্তু—

নিমাই। যাই হোক, একবার দেখে আসতে হচ্ছে।

বিনোদবিহারী। খেপেছ নিমাই! সে তো আর ক'চি মেয়ে নয় যে, ক'টি দাঁত উঠেছে গদনতে যাবে কিংবা বর্ণপরিচয়ের পরীক্ষা নেবে।

নিমাই। তা বটে, গিয়ে নিজেই অপ্রতিভ হয়ে বসে থাকতে হবে, ভয় হবে পাছে আমাকেই একজামিন করে বসে।

বিনোদবিহারী। আচ্ছা, একটা বাজি রাখা যাক! কী রকম তাকে দেখতে। গান শুনে আমার মনে একটা চেহারা উঠেছে—রঙ গৌরবর্ণ, পাতলা শরীর, চোখ দুটি খুব চঞ্চল, উজ্জ্বল হাসি এবং কথা মুখে বাধে না। চুল খুব যে বড়ো তা নয় কিন্তু কুঁকড়ে কুঁকড়ে মূখের চার দিকে পড়েছে!

নিমাই। আচ্ছা, আমি বলছি সে উজ্জ্বল শ্যামবর্ণ, দোহারা আকৃতি, বেশ ধীর স্দৃগম্ভীর ভাব, বড়ো বড়ো স্থির চক্ষু, বেশি কথা কইতে ভালোবাসে না, প্রশান্তভাবে ঘরকন্নার কাজ করে—খুব দীর্ঘ ঘন চুল পিঠ আচ্ছন্ন করে পড়েছে।

চন্দ্রকান্ত। আচ্ছা, আমি বলব! রঙটি দূধে আলতায়; সর্বদা প্রফুল্ল; অন্যের ঠাট্টায় খুব হাসে কিন্তু নিজে ঠাট্টা করতে পারে না; সরল অথচ বুদ্ধির অভাব নেই—একটু সামান্য আঘাতে মূখখানি স্তলন হয়ে আসে—যেমন অল্প উচ্ছ্বাসেই গান গেয়ে ওঠে তেমনি অল্প বাধাতেই গান বন্ধ হয়ে যায়—ঠিক যাকে চঞ্চল বলে তা নয় কিন্তু বেশ একটি যেন হিজলি আছে।

নিমাই। তুমি তোমার প্রতিবেশিনীকে আগে থাকতেই দেখ নি তো?

চন্দ্রকান্ত। মাইরি বলছি, না! আমার কি আর আশেপাশে দেখবার জো আছে। আমার এ দুটি চক্ষুই একেবারে দস্তখতি সীলমোহর করা, অন হার ম্যাজেস্টিস্ সার্ভিস! তবে শুনছি বটে দেখতে ভালো এবং স্বভাবটিও ভালো।

নিমাই। আচ্ছা, এখন তা হলে আমরা কেউ দেখব না; একেবারে সেই বিবাহের রাতে মিলিয়ে দেখা যাবে।

চন্দ্রকান্ত। এ কিন্তু বড়ো মজা হচ্ছে ভাই—আমার লাগছে বেশ। সত্যি সত্যি একটা গুরুতর যে কিছ্ হচ্ছে তা মনেই হচ্ছে না। বাস্তবিক, বিনোদের যদি বিয়ে করতে হয় তো এইরকম বিয়েই ভালো। নইলে, ও যে গম্ভীরভাবে রীতিমত প্রণালীতে ঘটকালি দিয়ে দরদাম ঠিক করে একাটি

ছিঁচকাঁদুনে দুধের মেয়ে বিয়ে করে এনে মানুষ করতে বসবে, সে কিছুতেই মনে করতে পারি নে।

তোমরা একটু বসো ভাই, আমি অমনি বাড়ির ভিতর থেকে চট করে চাদরটা পরে আসি।

[প্রস্থান]

## দ্বিতীয় দৃশ্য

চন্দ্রকান্তের অন্তঃপদ্য

চন্দ্রকান্ত ও ক্ষান্তমণি

চন্দ্রকান্ত। বড়োবউ, ও বড়োবউ। চাবিটা দাও দেখি।

ক্ষান্তমণি। কেন জীবনসর্বস্ব নয়নমণি, দাসীকে কেন মনে পড়ল?

চন্দ্রকান্ত। ও আবার কী।

ক্ষান্তমণি। নাথ, একটু বসো, তোমার ঐ মৃদুচন্দ্রমা বসে বসে একটু নিরীক্ষণ করি—

চন্দ্রকান্ত। ব্যাপারটা কী। যাত্রার দল খুলবে নাকি। আপাতত একটা সাফ দেখে চাদর বের করে দাও দেখি, এখনি বেরোতে হবে—

ক্ষান্তমণি। (অগ্রসর হইয়া) আদর চাই! প্রিয়তম! তা আদর করছি!

চন্দ্রকান্ত। (পশ্চাতে হঠিয়া) আরে ছি ছি ছি! ও কী ও!

ক্ষান্তমণি। নাথ, বেলফুলের মালা গেঁথে রেখেছি, এখন কেবল চাঁদ উঠলেই হয়—কিন্তু সেই শোলোকটি লিখে দিয়ে যাও, আমি ততক্ষণ মৃদুস্থ করে রাখি—

চন্দ্রকান্ত। ওঃ! গুণবর্ণনা আড়াল থেকে সমস্ত শোনা হয়েছে দেখছি। বড়োবউ, কাজটা ভালো হয় নি! ওটা বিধাতার অভিপ্রায় নয়—তিনি মানুষের শ্রবণশক্তির একটা সীমা নির্দিষ্ট করে দিয়েছেন—তার কারণই হচ্ছে, পাছে অসাক্ষাতে যে কথাগুলো হয় তাও মানুষ শুনতে পায়, তা হলে পৃথিবীতে বন্ধুত্ব বল, আত্মীয়তা বল, কিছুই টিকতে পারে না।

ক্ষান্তমণি। ঢের হয়েছে গোঁসাই ঠাকুর, আর ধর্মোপদেশ দিতে হবে না। আমাকে তোমার পছন্দ হয় না, না?

চন্দ্রকান্ত। কে বললে পছন্দ হয় না?

ক্ষান্তমণি। আমি গদ্য, আমি পদ্য নই, আমি শোলোক পড়ি নে, আমি বেলফুলের মালা পরাই নে—

চন্দ্রকান্ত। আমি গললগ্ননাকৃতবস্ত্র হয়ে বলছি, দোহাই তোমার, তুমি শোলোক পোড়ো না, তুমি মালা পরিয়ো না, ওগুলো সবাইকে মানায় না—

ক্ষান্তমণি। কী বললে?

চন্দ্রকান্ত। আমি বললাম যে, বেলফুলের মালা আমাকে মানায় না, তার চেয়ে সাফ চাদরে ঢের বেশি শোভা হয়—পরীক্ষা করে দেখো।

ক্ষান্তমণি। যাও যাও, আর ঠাট্টা ভালো লাগে না। (অপ্সলে মৃদু আবরণ করিয়া) আমি গদ্য, আমি বেলেস্তারা!

[রোদন]

চন্দ্রকান্ত। (নিকটে আসিয়া) কথাটা বুঝলে না ভাই! কেবল রাগই করলে! ওটা, শৃঙ্খল অভিমানের কথা, আর কিছুই নয়। ভালোবাসা থাকলেই মানুষ অমন কথা বলে। আচ্ছা, তুমি আমার গা ছুঁয়ে বলো, তুমি ঘাটে পশ্চাৎকুরিষিকে বল নি—“আমার এমনি পোড়াকপাল যে বিয়ে করে ইস্তিক



সুখ কাকে বলে একদিনের তরে জামলুম না।” আমি কি সে-কথা শুনতে গিয়েছিলুম না শুনলে রাগ করতুম।

ক্ষান্তমণি। আমি কখনো পশ্চাৎকুরবিকে ও-কথা বলি নি।

চন্দ্রকান্ত। আহা, পশ্চাৎকুরবিকে না বলতে পার, আর ঠিক ঐ কথাটিই না হতেও পারে, কিন্তু কাউকে কিছদ্ব বল নি? আচ্ছা, আমার গা ছুঁয়ে বলো।

ক্ষান্তমণি। তা আমি সৌরভীদিদিকে বলেছিলুম—

চন্দ্রকান্ত। কী বলেছিলে।

ক্ষান্তমণি। আমি বলেছিলুম—

চন্দ্রকান্ত। বলেই ফেলো-না! দেখো, আমি রাগ করব না।

ক্ষান্তমণি। আমার গায়ে গয়না দেখতে পায় না বলে সৌরভীদিদি দৃষ্টি করছিল, তাই আমি কথায় কথায় বলেছিলুম—গয়না কোথেকে হবে! হাতে যা থাকে বই কিনতে আর বই বাঁধাতেই সব যায়। তাঁর যত শখ সব বইয়েতেই মিটেছে। বউ না হয়ে বই হলে আদর বেশি পাওয়া যেত। তা আমি বলেছিলুম!

চন্দ্রকান্ত। (গম্ভীর মুখে) হাতে ঘাটে যেখানে সেখানে বলে বেড়াও তোমার স্বামী গরিব, তোমাকে একখানা গয়না দিতে পারে না—স্রষ্টা ওরকম অপবাদ রটিয়ে বেড়ানোর চেয়ে সম্যাসী হয়ে বেরিয়ে যাওয়া ভালো।

ক্ষান্তমণি। তোমার পায়ে পড়ি ওরকম করে বোলো না। আমার দোষ হয়েছিল মানছি—আমি আর কখনো এমন বলব না!

চন্দ্রকান্ত। মুখে বল আর না বল মনে মনে আছে তো! মনে মনে ভাব তো এই লক্ষ্মীছাড়ার সঙ্গে বিয়ে হয়ে আমার গায়ে একখানা গয়না চড়ল না—তার চেয়ে যদি মৃদুঞ্জয়ের বড়ো ছেলে কেবলকৃষ্ণের সঙ্গে—

ক্ষান্তমণি। (চন্দ্রের মুখ চাপা দিয়ে) অমন কথা তুমি ঠাট্টা করেও বোলো না, আমার ভালো লাগে না। আমার গয়নায় কাজ নেই—আমি জন্ম জন্ম শিবপূজো করেছিলুম তাই তোমার মতো এমন স্বামী পেয়েছি—

চন্দ্রকান্ত। আচ্ছা, তা হলে আমার চাদরখানা দাও।

ক্ষান্তমণি। (চাদর আনিয়া দিয়ে) তুমি বাইরে বেরোচ্ছ যদি, চুলগ্দুলো অমন কাগের বাসার মতো করে বেরিয়ে না। একটু বোসো, তোমার চুল ঠিক করে দিই।

[চিরদিন রূপ লইয়া আঁচড়াইতে প্রবৃত্ত]

চন্দ্রকান্ত। হয়েছে, হয়েছে।

ক্ষান্তমণি। না হয় নি—এক দণ্ড মাথাটা স্থির করে রাখো দেখি।

চন্দ্রকান্ত। তোমার সামনে আমার মাথার ঠিক থাকে না, দেখতে দেখতে ঘুরে যায়—

ক্ষান্তমণি। অত ঠাট্টায় কাজ কী! নাহয় আমার রূপ নেই, গুণ নেই—যে তোমার মাথা ঘোরাতে পারে এমন একটা খোঁজ করো গে—আমি চললুম।

[চিরদিন রূপ ফেলিয়া দ্রুত প্রস্থান]

চন্দ্রকান্ত। এখন আর সময় নেই, ফিরে এসে রাগ ভাঙতে হবে।

বিনোদবিহারী। (নেপথ্য হইতে) ওহে! আর কতক্ষণ বসিয়ে রাখবে? তোমাদের প্রেমাভিনয় সাঙ্গ হল কি।

চন্দ্রকান্ত। এইমাত্র পঞ্চমাঙ্কের যবনিকাপতন হয়ে গেল। হৃদয়বিদারক ট্র্যাজেডি!

[প্রস্থান]

## তৃতীয় দৃশ্য

## নিবারণের বাড়ি

## নিবারণ ও শিবচরণ

নিবারণ। তবে তাই ঠিক রইল। এখন আমার ইন্দুমতীকে তোমার নিমাইয়ের পছন্দ হলে হয়।

শিবচরণ। সে-বেটার আবার পছন্দ কী। বিয়েটা তো আগে হয়ে যাক, তার পর পছন্দ সময়মত পরে করলেই হবে।

নিবারণ। না ভাই, কালের ঘেরকম গতি সেই অনুসারেই চলতে হয়।

শিবচরণ। তা হোক-না কালের গতি—অসম্ভব কখনো সম্ভব হতে পারে না। একটু ভেবেই দেখো-না, যে ছোঁড়া পূর্বে একবারও বিবাহ করে নি সে স্ত্রী চিনবে কী করে! সকল কাজেই তো অভিজ্ঞতা চাই। পাট না চিনলে পাটের দালালি করা যায় না। আর স্ত্রীলোক কি পাটের চেয়ে সিধে জিনিস। আজ পর্য্যন্ত বৎসর হল আমি নিমাইয়ের মাকে বিবাহ করেছি তার থেকে পাঁচটা বৎসর বাদ দাও—তিনি গত হয়েছেন সে আজ বছর-পাঁচেকের কথা হবে—যা হোক তিরিশটা বৎসর তাঁকে নিয়ে চালিয়ে এসেছি—আমি আমার ছেলের বউ পছন্দ করতে পারব না, আর সে ছোঁড়া ভূমিষ্ঠ হয়েই আমার চেয়ে পেকে উঠল? তবে যদি তোমার মেয়ের কোনো ধনুকভংগ পণ থাকে, আমার নিমাইকে ঘাটিয়ে নিতে চান, সে আলাদা কথা।

নিবারণ। নাঃ, আমার মেয়ে কোনো আপত্তিই করবে না, তাকে যা বলব সে তাই শুনবে। কিন্তু তোমার নিমাইকে আমি একবার দেখতে চাই।

ইন্দুমতী। (অন্তরাল হইতে) তাই বই-কি। আমি কখনো শুনব না। নিমাই! মা গো, নাম শুনলে গায়ে জ্বর আসে! আমি তাকে বিয়ে করলুম বলে!

নিবারণ। আর-একটা কথা আছে—জান তো আদিত্য মরবার সময় তার মেয়ে কমলমুখীকে আমার হাতে সমর্পণ করে গেছে—তার বিয়ে না দিয়ে আমি আমার মেয়ের বিয়ে দিতে পারি নে।

শিবচরণ। আমার হাতে দুই-একটি পাত্র আছে, আমিও সন্ধান দেখছি।

নিবারণ। আর-একটি কথা তোমাকে বলা উচিত। আমার মেয়েটির কিছু বয়স হয়েছে।

শিবচরণ। আমিও তাই চাই। ঘরে যদি গিন্নি থাকতেন তা হলে বউমা ছোটো হলে ক্ষতি ছিল না—তিনি দেখিয়ে শুনিয়ে ঘরকন্না শিখিয়ে ক্রমে তাকে মানুষ করে তুলতেন। এখন এই বউমাটাকে দেখে শোনে আর ছেলেটাকে বেশ শাসনে রাখতে পারে এমন একটি মেয়ে না হলে সংসারটি গেল। ছেলেটা কালেজে যায়, আমি তো শহরের নাড়ী টিপে ঘরে বেড়াই, বাড়িতে কেউ নেই—ঘরে ফিরে এলে মনে হয় না ঘরে এলুম—মনে হয় যেন বাসা ভাড়া করে আছি।

নিবারণ। তা হলে তোমার একটি অভিভাবকের নিতান্ত দরকার দেখছি।

শিবচরণ। হাঁ ভাই, মা ইন্দুকে বোলো, আমাব নিমাইয়ের ঘরে এলে এই বউমা নাবালকটিকে প্রতিপালনের ভার তাঁকেই নিতে হবে। তখন দেখব তিনি কেমন মা।

নিবারণ। তা ইন্দুর সে অভ্যাস আছে। বহুকাল একটি আস্ত বউমা বাপ তারই হাতে পড়েছে। দেখতেই তো পাচ্ছ, ভাই, খাইয়ে-দাইয়ে বেশ একরকম ভালো অবস্থাতেই রেখেছে।

শিবচরণ। তাই তো। তাঁর হাতের কাজটিকে দেখে তারিফ করতে হয়। তাই বটে, তোমার এখনো আধ-মাথা কাঁচাচুল দেখা যাচ্ছে—হায় হায়, আমার মাথাটা কেবল অবজ্ঞেই আগাগোড়া পেকে গেল—নইলে, বয়েস এমনিই কী বেশি হয়েছে। যা হোক আজ তবে আসি। গুটিদুয়েক রুগি এখনো মরতে বাকি আছে।

## ইন্দুমতীর প্রবেশ

ইন্দুমতী। ও বড়োটা কে এসেছিল বাবা?

নিবারণ। কেন মা, বড়ো বড়ো করছি—তোর বাবাও তো বড়ো।

ইন্দুমতী। (নিবারণের পাকা চুলের মধ্যে হাত বুলাইয়া) তুমি তো আমাদের আদিকালের বদ্যি বড়ো, তোমার সঙ্গে কার তুলনা। কিন্তু ওটা কে। ওকে তো কখনো দেখি নি।

নিবারণ। ওর সঙ্গে ক্রমে খুবই পরিচয় হবে—

ইন্দুমতী। আমি খুব পরিচয় করতে চাই নে।

নিবারণ। তোর এ বাবা তো ক্রমে পুরোনো ঝরঝরে হয়ে এসেছে, এখন একবার বাবা বদল করে দেখাবি নে ইন্দু?

ইন্দুমতী। তবে আমি চললাম।

নিবারণ। না না, শোন-না। তুই তো তোর বাবার মা হয়ে উঠেছিস—এখন একটা কথা বলি, একটু ভালো করে বুঝে দেখ দেখি। তোরই যেন বাবার দরকার নেই, আমার তো একটি বাপের পদ খালি আছে—তাই আমি একটি সন্ধান করে বের করেছি মা—এখন আমার নতুন বাপের হাতে আমার পুরোনো মা-টিকে সমর্পণ করে আমার কর্তব্য কর্ম শেষ করে যাই।

ইন্দুমতী। তুমি কী বকছ আমি বুঝতে পারছি নে।

নিবারণ। নাঃ, তুমি আমার তেমনি হাবা মেয়ে কিনা। সব বুঝতে পেরেছিস, কেবল দৃষ্টদৃষ্টি! তবে বলি শোন—যে বড়োটি এসেছিল ও আমার ছেলেবেলাকার বন্ধু, কালেক্স ছাড়ার পর থেকে ওর সঙ্গে আমার এই প্রথম সাক্ষাৎ। ওর নিমাই বলে একটি ছেলে আছে—

ইন্দুমতী। আমাদের নিমাই গয়লা?

নিবারণ। দূর পাগলী!

ইন্দুমতী। চন্দ্রবাবুদের বাড়িতে যে তাঁতিনী আসে তার সেই ন্যাংলা ছেলেটা?

## ভূত্যের প্রবেশ

ভূত্য। তিনটি বাবু এসেছে দেখা করতে।

ইন্দুমতী। তাদের যেতে বলে দে। সকাল থেকে কেবলই বাবু আসছে!

নিবারণ। না না, ভদ্রলোক এসেছে, দেখা করা চাই।

ইন্দুমতী। তোমার যে নাবার সময় হয়েছে।

নিবারণ। একবার শুনে নিই কী জন্যে এসেছেন, বেশি দেরি হবে না—

ইন্দুমতী। তুমি একবার গল্প পেলে আর উঠতে চাইবে না, আবার কালকের মতো খেতে দেরি করবে। আচ্ছা, আমি ঐ পাশের ঘরে দাঁড়িয়ে রইলুম, পাঁচ মিনিট বাদে ডেকে পাঠাব।

নিবারণ। তোর শাসনের জন্মলায় আমি আর বাঁচি নে। চাণক্যের শ্লোক জানিস তো? প্রাপ্তে তু ষোড়শে বর্ষে পুত্রং মিত্রবদাচরেৎ। তা আমার কি সে বয়স পেরোয় নি।

ইন্দুমতী। তোমার রোজ বয়স কমে আসছে। আর দেখো, তোমার ঐ ভদ্রলোকদের বোলো, তাদের কারো যদি নিমাই কিংবা বলাই বলে ছেলে থাকে তো সে কথা তুলে তোমার নাবার দেরি করে দেবার দরকার নেই। তাদের ছেলে আছে তাদেরই থাক-না বাপু, আদরে থাকবে।

[প্রস্থান]

নিবারণ। (ভূত্যের প্রতি) বাবুদের ডেকে নিয়ে আয়।

## চন্দ্রকান্ত, বিনোদবিহারী ও নিমাইয়ের প্রবেশ

নিবারণ। এই যে চন্দ্রবাবু! আসতে আজ্ঞা হোক! আপনারা সকলে বসুন। ওরে, তামাক দিয়ে যা।

চন্দ্রকান্ত। আজ্ঞে না, তামাক থাক্।

নিবারণ। তা, ভালো আছেন চন্দ্রবাবু?

চন্দ্রকান্ত। আজ্ঞে হাঁ, আপনার আশীর্বাদে একরকম আছি ভালো।

নিবারণ। আপনাদের কোথায় থাকা হয়?

বিনোদবিহারী। আমরা কলকাতাতেই থাকি।

চন্দ্রকান্ত। মশায়ের কাছে আমাদের একটি প্রস্তাব আছে।

নিবারণ। (শশব্যস্ত হইয়া) কী বলুন।

চন্দ্রকান্ত। মশায়ের ঘরে আদিত্যবাবুর যে অববাহিতা কন্যাটি আছেন তাঁর জন্যে একটি সংপাত্র পাওয়া গেছে—মশায় যদি অভিপ্রায় করেন—

নিবারণ। অতি উত্তম কথা। শুনেন বড়ো সন্তোষ লাভ করলেম। পাত্রটি কে।

চন্দ্রকান্ত। আপনি বিনোদবিহারীবাবুর নাম শুনছেন বোধ করি?

নিবারণ। বিলক্ষণ! তা আর শুনিনি! তিনি আমাদের দেশের একজন প্রধান লেখক। 'জ্ঞানরসাকর' তো তাঁরই লেখা?

চন্দ্রকান্ত। আজ্ঞে না। সে বৈকুণ্ঠ বসাক বলে একটি লোকের লেখা।

নিবারণ। তাই বটে। আমার ভুল হয়েছে। তবে 'প্রবোধলহরী' তাঁর লেখা হবে। আমি ঐ দুটোতে বরাবর ভুল করে থাকি।

চন্দ্রকান্ত। আজ্ঞে না। 'প্রবোধলহরী' তাঁর লেখা নয়—সেটা কার বলতে পারি নে। ও বইটার নাম পূর্বে কখনো শুনিনি।

নিবারণ। তবে তাঁর একখানা বইয়ের নাম করুন দেখি।

চন্দ্রকান্ত। 'কাননকুসুমিকা' দেখেছেন কি?

নিবারণ। 'কাননকুসুমিকা'! না, আমি দেখি নি। অবশ্য, খুব ভালো বই হবে। নামটি অতি সুন্দর। বাংলা বই বহুকাল পড়ি নি—সেই বাল্যকালে পড়তাম—তখন অবশ্যই 'কাননকুসুমিকা' পড়ে থাকব কিন্তু স্মরণ হচ্ছে না। যাই হোক, বিনোদবাবুর পুত্রের কথা বলছেন বন্ধু? তা তাঁর বয়স কত হল এবং কীট পাস করেছেন?

চন্দ্রকান্ত। মশায় ভুল করছেন। বিনোদবাবুর বয়স অতি অল্প। তিনি এম. এ. পাস করে বি. এল. পড়ছেন। তাঁর বিবাহ হয় নি। তাঁরই কথা মশায়কে বলছিলেন। তা আপনার কাছে প্রকাশ করে বলাই ভালো—এই এঁর নাম বিনোদবাবু।

নিবারণ। আপনি বিনোদবাবু! আজ আমার কী সৌভাগ্য! বাংলা দেশে আপনাকে কে না জানে! আপনার রচনা কে না পড়েছে। আপনারা হচ্ছেন ক্ষণজন্মা লোক—

বিনোদবিহারী। আজ্ঞে ও কথা বলে আর লজ্জা দেবেন না। বাংলা দেশে মতি হালদারের বই সকলে পড়ে বটে, আমার লেখা তো সকলের পড়বার মতন নয়।

নিবারণ। মতি হালদার? যার পাঁচালি? হাঁ, তাঁর রচনার ক্ষমতা আছে বটে। তা আপনারও লেখা মন্দ হবে না। আমি মেয়েদের কাছে শুনছি আপনি দিব্যি লিখতে পারেন। যা হোক আপনার বিনয়গুণে বড়ো মন্থ হলেম।

চন্দ্রকান্ত। তা এঁর সঙ্গে আপনার ভাইবির বিবাহ দিতে যদি আপত্তি না থাকে—

নিবারণ। আপত্তি! আমার পরম সৌভাগ্য!

চন্দ্রকান্ত। তা হলে এ সম্বন্ধে যা যা স্থির করবার আছে কাল এসে মশায়ের সঙ্গে কথা হবে।

নিবারণ। যে আজ্ঞে। কিন্তু একটা কথা বলে রাখি—মেয়েটির বাপ টাকাকড়ি কিছুই রেখে যেতে পারেন নি। তবে এই পর্যন্ত বলতে পারি এমন লক্ষ্মী মেয়ে আর পাবেন না।

ইন্দুমতী। (অন্তরালে কমলমুখীকে টানিয়া আনিয়া) দিদি, ও দিদি, ঐ দেখ্ ভাই, তোর পরম সৌভাগ্য ঐ মাঝখানটিতে বসে রয়েছেন—মেয়ের ভিতর থেকে কবিত্ব বেরোতে পারে কি না, তাই নিরীক্ষণ করে দেখছেন।

কমলমুখী। তুই যে বললি বোসেদের বাড়ির নতুন জামাই এসেছে, তাই তো আমি ছুটে দেখতে এলাম।

ইন্দুমতী। সত্যি কথাটা শুনলে আরো বেশি ছুটে আসতিস। যা দেখতে এসেছিল তার চেয়ে ভালো জিনিস দেখলি তো ভাই! আর পরের বাড়ির জামাই দেখে কী হবে এখন নিজের সম্বন্ধ দেখ্।

কমলমুখী। তোর আবশ্যক হয়ে থাকে তুই দেখ্। এখন আমার অন্য কাজ আছে।

[প্রস্থান]

চন্দ্রকান্ত। মশায়, অনুমতি হয় তো এখন আসি।

নিবারণ। এত শীঘ্র যাবেন? বলেন কী। আর-একটু বসুন-না!

চন্দ্রকান্ত। আপনার এখনো নাওয়া-খাওয়া হয় নি—

নিবারণ। সে এখনো ঢের সময় আছে। বেলা তো বেশি হয় নি—

চন্দ্রকান্ত। আজ্ঞে বেলা নিতান্ত কম হয় নি—এখন যদি আজ্ঞা করেন তো উঠি—

নিবারণ। তবে আসুন। দেখুন চন্দ্রবাবু, মতি হালদারের ঐ যে ‘কুসুমকানন’ না কী বইখানা বললেন ওটা লিখে দিয়ে যাবেন তো—

চন্দ্রকান্ত। ‘কাননকুসুমিকা’? বইখানা পাঠিয়ে দেব কিন্তু সেটা মতি হালদারের নয়—

নিবারণ। তবে থাক্। বরং বিনোদবাবুর একখানা ‘প্রবোধলহরী’ যদি থাকে তো একবার—

চন্দ্রকান্ত। ‘প্রবোধলহরী’ তো বিনোদবাবুর—

বিনোদবিহারী। আঃ থামো-না। তা, যে আজ্ঞে, আমিই পাঠিয়ে দেব। আমার প্রবোধলহরী, বারবেলাকখন, তিথিদোষখণ্ডন, প্রায়শ্চিত্তবিধি, এবং নূতন পঞ্জিকা আপনাকে পাঠিয়ে দেব—আজ তবে আসি।

[প্রস্থান]

নিবারণ। নাঃ লোকটার বিদ্যে আছে। বাঁচা গেল, একটি মনের মতো সংপাত পাওয়া গেল। কমলের জন্যে আমার বড়ো ভাবনা ছিল।

ইন্দুমতীর প্রবেশ

ইন্দুমতী। বাবা, তোমার হল?’

নিবারণ। ও ইন্দু, তুই তো দেখলি নে—তোরা সেই যে বিনোদবাবুর লেখার এত প্রশংসা করিস তিনী আজ এসেছিলেন।

ইন্দুমতী। আমার তো আর থেয়ে দেয়ে কাজ নেই, তোমার এখানে যত রাজার অকেজো লোক এসে জোটে আর আমি আড়াল থেকে লুকিয়ে লুকিয়ে তাদের দেখি! আচ্ছা বাবা, চন্দ্রবাবু বিনোদবাবু ছাড়া আর একটি যে লোক এসেছিল—বদচেহারা লক্ষ্মীছাড়ার মতো দেখতে, সে কে?

নিবারণ। তবে তুই যে বলিছিলি তুই আড়াল থেকে দেখিস নে? বদ চেহারা আবার কার দেখলি। বাবুটি তো দিব্যি বেশ ফুটফুটে কার্তিকটির মতো দেখতে। তাঁর নামটি কী জিজ্ঞাসা করা হয় নি।

ইন্দুমতী। তাকে আবার ভালো দেখতে হল? দিনে দিনে তোমার কী যে পছন্দ হচ্ছে বাবা। এখন নাইতে চলো।

[নিবারণের প্রস্থান]

না, সত্যি, দেখে চোখ জড়িয়ে যায়। যদি কার্তিককে এঁর মতন দেখতে হয় তা হলে কার্তিককে ভালো দেখতে বলতে হবে। মুখে একটি কথা ছিল না, কিন্তু কেমন বসে বসে সব দেখাছিল আর মজা করে মুখ টিপে টিপে হাসাছিল—না সত্যি, বেশ হাসিখানি। বাবা যেমন, একবার জিজ্ঞাসাও করলেন না তার নাম কী, বাড়ি কোথায়। আর কোথা থেকে যত সব নিমাই নেপাল নিল, জুটিয়ে নিয়ে আসেন। বাবা যখন মতি হালদারের সঙ্গে বিনোদবাবুর তুলনা করছিলেন তখন সে বিনোদবাবুর মুখের দিকে চেয়ে চেয়ে কেমন হাসাছিল! আর, বাবা যখন বিনোদবাবুর ছেলের কথা জিজ্ঞাসা করছিলেন তখন কেমন—আমি কখনো নিমাই গয়লাকে—সেই বড়ো ডাক্তারের ছেলেকে বিয়ে করব না। কখনো না। সেই বড়োটার উপর আমার এমন রাগ ধরছে!—আজ একবার ফ্লান্টারদের কাছে যেতে হচ্ছে, তাঁর কাছ থেকে সমস্ত সম্বন্ধ পাওয়া যাবে।

## কমলমুখীর প্রবেশ

দিদিভাই, তুমি যে বলতে কাননকুসুমিকা তোমার আদবে ভালো লাগে না, তা হলে বইখানা আর-একবার তো ফিরে পড়তে হবে—এবারে বোধ করি মত একটু-আধটু বদলাতেও পারে।

কমলমুখী। আমি ভাই, দরকার বদলে মত বদলাতে পারি নে।

ইন্দুমতী। তা ভাই, শুনোছি স্বামীর জন্যে সবই করতে হয়। জীবনের অনেকখানি নতুন করে বদলে ফেলতে হয়। বিধাতা তো আর আমাকে ঠিক তাঁর শ্রীচরণকমলের মাপ নিয়ে বানান নি। স্বামীর আবার কোথাও একটু আঁট সহিতে পারেন না।

কমলমুখী। তা আমরা তাঁদের মনের মতো মত বদলাতে না পারলে তাঁরা তো আমাদের বদলে ফেলতে পারেন—তাতে তো কেউ বাধা দেবার নেই। আমি যা আছি তা আছি, এতদিন পরে যে কারো মনোরঞ্জন জন্যে আবার ধার-করা মালমসলা নিয়ে আপনাকে ফরমাশে গড়তে হবে সে তো ভাই, আর পারব না। এতে যদি কারো পছন্দ না হয় তো সে আমার অদৃষ্টের দোষ।

ইন্দুমতী। কিন্তু তোর তো সে কথা বলবার জো নেই, তাঁকে তো তোর পছন্দ করতেই হবে।

কমলমুখী। আমি তো আর স্বয়ম্বর হতে যাচ্ছি নে বোন, তা আমার আবার পছন্দ! দূটো-একটা কাপড়চোপড় ছাড়া জীবনের কটা জিনিসই বা নিজের পছন্দ অনুসারে পাওয়া গেছে। বিধাতা কোনো বিষয়ে কারো তো মত জিজ্ঞাসা করেন না। আপনাকেই আপনি পছন্দ করে নিতে পারি নি। যদি পারতুম তা হলে বোধ হয় এর চেয়ে ঢের ভালো মানুষটিকে পেতুম—কিন্তু তবু তো আপনাকে কম ভালোবাসি নে—তাকেও বোধ হয় তেমনি ভালোবাসব!

ইন্দুমতী। তুই ভাই কথায় কথায় বড়ো বেশি গম্ভীর হয়ে পড়িস, বিনোদের কাছে যদি অমনি করে থাকিস তা হলে সে তোর সঙ্গে প্রেমালাপ করতে সাহস করবে না—

কমলমুখী। সে জন্যে নাহয় তুই নিয়ন্ত থাকিস।

ইন্দুমতী। তা হলে যে তোর গম্ভীর্য আরো সাত গুণ বেড়ে যাবে। দেখ্ ভাই, তুই তো একটা পোষা কবি হাতে পেলি এবার তাকে দিয়ে তোর নিজের নামে কবিতা লিখিয়ে নিস—যতক্ষণ পছন্দ না হয় ছাড়িস নে—চাই কি, দূটো-একটা খুব মিষ্টি সম্বোধন নিজে বসিয়ে দিতে পারিস। নিজের নামে কবিতা দেখলে কী রকম লাগে কে জানে।

কমলমুখী। মনে হয়, আমার নাম করে আর-কাকে লিখছে। তোর যদি শখ থাকে আমি তোর নামে একটা লিখিয়ে নেব—

ইন্দুমতী। তুমি কেন, সে আমি নিজে করে নেব। আমার যে সম্পর্ক আমি যে কান ধরে লিখিয়ে নিতে পারি। তুমি তো তা পারবে না!

কমলমুখী। সে যখনকার কথা তখন হবে, এখন তোর চুলটা বেঁধে দিই চল্।

ইন্দুমতী। আজ থাক্ ভাই। আমি এখন ক্ষান্তদিদির ওখানে যাচ্ছি। আমার ভারি দরকার আছে।

## চতুর্থ দৃশ্য

চন্দ্রকান্তের অন্তঃপুর

ক্ষান্তমণি ও ইন্দুমতী

ক্ষান্তমণি। তোমরা ভাই নানা রকম বই পড়েছ, তোমরা বলতে পার কী করলে ভালো হয়।

ইন্দুমতী। তোমার স্বামী ঠাট্টা করে বলে, সে কি আর সত্যি।

ক্ষান্তমণি। না ভাই, ঠাট্টা কি সত্যি ঠিক বদ্বতে পারি নে। আর, সত্যি হবারই বা আটক কী।

আমার বাপ-মা আমাকে ঘরকন্না ছাড়া আর তো কিছুই শেখায় নি। এদানিং বাংলা বইগুলো সব পড়ে নিয়োছি, তাতে অনেক রকম কথাবার্তা আছে কিন্তু সেগুলো নিয়ে কোনো সুবিধে করতে পারছি নে। আমার স্বামী যে রকম চায় সে ভাই আমাকে কিছুতেই মানায় না।

ইন্দুমতী। তোমার স্বামীর আবার তের্মনি সব বন্ধু জুটেছে, তারাই পাঁচজনে পাঁচ কথা করে তাঁর মন উতলা করে দেয়। বিশেষ, সেদিন বিনোদবাবু আর তোমার স্বামীর সঙ্গের আর একটি কে বাবু আমাদের বাড়িতে গিয়েছিল, তাকে দেখে আমার আদবে ভালো লাগল না। লোকটা কে ভাই।

ক্লান্তমণি। কী জানি ভাই। বন্ধু একটি-আধটি তো নয়, সবগুলোকে আবার চিনিও নে। ললিতবাবু হবে বন্ধু।

ইন্দুমতী। (স্বগত) নিশ্চয় ললিতবাবু হবে। নাম শুনেই মনে হচ্ছে তাঁর নাম বটে।

ক্লান্তমণি। কী রকম বলো দেখি। সুন্দর-হানো? পাতলা?

ইন্দুমতী। হাঁ—

ক্লান্তমণি। চোখে চশমা আছে?

ইন্দুমতী। হাঁ হাঁ, চশমা আছে—আর সকল কথাতেই মূচকে মূচকে হাসে—দেখে গাঁ জড়লে যায়।

ক্লান্তমণি। তবে আমাদের ললিত চাটুজের তার আর সন্দেহ নেই।

ইন্দুমতী। ললিত চাটুজের!

ক্লান্তমণি। জান না? ঐ কলুটোলার নৃত্যকালী চাটুজের ছেলে। ছোকরাটি কিন্তু মন্দ না ভাই। এম.এ. পাস করে জলপানি পাচ্ছে।

ইন্দুমতী। ওদের ঘরে স্ত্রীপুত্রপরিবার কেউ নেই নাকি! অমনতরো লক্ষ্মীছাড়ার মতো যেখানে সেখানে টো টো করে ঘুরে বেড়ায় কেন।

ক্লান্তমণি। স্ত্রীপুত্র থেকেই বা কী হয়। ওর তো তবু নেই। ললিত আবার বাপকে বলেছে রোজগার না করে সে বিয়ে করবে না। সে কথা যাক। এখন আমাকে একটা পরামর্শ দে-না ভাই।

ইন্দুমতী। আচ্ছা, এক কাজ করা যাক। মনে করো আমি চন্দ্রবাবু; আপিস থেকে ফিরে এসেছি, খিদেয় প্রাণ বেরিয়ে যাচ্ছে—তার পরে তুমি কী করবে বলো দেখি। রোসো ভাই, চন্দ্রবাবুর ঐ চাপকান আর শামলাটা পরে নিই, নইলে আমাকে চন্দ্রবাবু মনে হবে না।

[ আপিসের বেশ পরিধান ও ক্লান্তমণির উচ্চহাস্য ]

(গম্ভীর ভাবে) ক্লান্তমণি, স্বামীর প্রতি এরূপ পরিহাস অত্যন্ত গর্হিত কার্য। কোনো পতিব্রতা রমণী স্বামীর সমক্ষে কদাপি উচ্চহাস্য করেন না। যদি দৈবাৎ কোনো কারণে হাস্য অনিবার্য হইয়া উঠে তবে সাধবী স্ত্রী প্রথমে স্বামীর অনুমতি লইয়া পরে বদনে অঙ্গুল দিয়া ঈষৎ হাসিতে পারেন। যা হোক আমি আপিস থেকে ফিরে এসেছি—এখন তোমার কী কর্তব্য বলো।

ক্লান্তমণি। প্রথমে তোমার চাপকানটি এবং শামলাটি খুলে দিই, তার পরে জলখাবার—

ইন্দুমতী। নাঃ, তোমার কিছু শিক্ষা হয় নি। আমি তোমাকে সেদিন এত করে দেখিয়ে দিলুম, কিছু মনে নেই?

ক্লান্তমণি। সে ভাই, আমি ভালো পারি নে।

ইন্দুমতী। সেইজন্যই তো এত করে মৃদুস্থ করছি। আচ্ছা, তুমি তবে চন্দ্রবাবু সাজো, আমি তোমার স্ত্রী সাজি—

ক্লান্তমণি। না ভাই, সে আমি পারব না—

ইন্দুমতী। তবে যা বলে দিচ্ছি তাই করো। আচ্ছা, তবে আরম্ভ হোক। বড়োবউ, চাপকানটা খুলে আমার ধূতি-চাদরটা এনে দাও তো।

ক্ষান্তমণি। (উঠিয়া) এই দিচ্ছি।

ইন্দুমতী। ও কী করছ! তুমি ঐখানে হাতের উপর মাথা রেখে বসে থাকো, বলো—নাথ, আজ সন্ধ্যাবেলায় কী সুন্দর বাতাস দিচ্ছে! আজ আর কিছতেই মন লাগছে না, ইচ্ছে করছে পাখি হয়ে উড়ে যাই।

ক্ষান্তমণি। (যথাশিক্ষামত) নাথ, আজ সন্ধ্যাবেলায় কী সুন্দর বাতাস দিচ্ছে। আজ আর কিছতে মন লাগছে না, ইচ্ছে করছে পাখি হয়ে উড়ে যাই।

ইন্দুমতী। কোথায় উড়ে যাবে? তার আগে আমার লুচি দিয়ে যাও, ভারি খিদে পেয়েছে—

ক্ষান্তমণি। (তাড়াতাড়ি উঠিয়া) এই দিচ্ছি—

ইন্দুমতী। এই দেখো, সব মাটি করলে। তুমি যেমন ছিলে তেমনি থাকো, বলো—লুচি? কই, লুচি তো আজ ভাজি নি। মনে ছিল না। আচ্ছা, লুচি কাল হবে এখন। আজ এসো এখানে এই মধুর বাতাসে বসে—

চন্দ্রকান্ত। (নেপথ্য হইতে) বড়োবউ।

ইন্দুমতী। ঐ চন্দ্রবাবু আসছেন। আমাকে দেখতে পেয়েছেন বোধ হল। তুমি বোলো তো ভাই, বাগবাজারের চৌধুরীদের কার্দ্দাম্বিনী। আমার পরিচয় দিয়ো না, লক্ষ্মীটি, মাথা খাও!

[পলায়ন]

## পঞ্চম দৃশ্য

পার্শ্বের ঘর

নিমাই আসীন

চাপকান-শামলা-পরা ইন্দুমতীর ছুটিয়া প্রবেশ

নিমাই। এ কী!

ইন্দুমতী। ছি ছি, আর-একটু হলেই চন্দ্রবাবুর কাছে এই বেশে ধরা পড়তুম। তিনি কী মনে করতেন? আমাকে বোধ হয় দেখতে পান নি। (হঠাৎ নিমাইকে দেখিয়া) ও মা, এ যে সেই ললিতবাবু। আর তো পালাবার পথ নেই! (সামলাইয়া লইয়া ধীরে ধীরে চাপকান-শামলা খুলিয়া নিমাইয়ের প্রতি) তোমার বাবুর এই শামলা, আর এই চাপকান। সাবধান করে রেখো, হারিয়ে না। আর শিগ্গির দেখে এসো দেখি বাগবাজারের চৌধুরীবাবুদের বাড়ি থেকে পারলকি এসেছে কি না।

নিমাই। (ঈষৎ হাসিয়া) যে আজ্ঞা।

[প্রস্থান]

ইন্দুমতী। ছি ছি! লজ্জায় ললিতবাবুকে ভালো করে দেখে নিতেও পারলুম না! আজ কী করলুম! ললিতবাবু কী মনে করলেন! যা হোক, আমাকে তো চেনেন না। ভাগ্যিস হঠাৎ বৃষ্টি জোগাল, বাগবাজারের চৌধুরীদের নাম করে দিলুম। চন্দ্রবাবুর এ বাসাটিও হয়েছে তেমনি। অন্দের বাহির সব এক। এখন আমি কোন্ দিক দিয়ে পালাই! ঐ আবার আসছে। মান্দুটি তো ভালো নয়! অন্য কোনো লোক হলে অবস্থা বুঝে চলে যেত! ও আবার ছল করে যে ফিরে আসে! কেন বাপু, দেখবার জিনিস এখানে কী এমন আছে!

নিমাইয়ের প্রবেশ

নিমাই। ঠাকরুন, পারলকি তো আসে নি। এখন কী আজ্ঞা করেন।



ইন্দুমতী। এখন তুমি তোমার কাজে যেতে পার। না না, ঐ যে তোমার মনিব এদিকে আসছেন। ঠুকে আমার সম্বন্ধে খবর দেবার কোনো দরকার নেই, আমার পারলিক নিশ্চয় এসেছে।

[প্রস্থান]

নিমাই। কী চমৎকার রূপ! আর কী উপস্থিত বুদ্ধি! চোখে মূখে কেমন উজ্জ্বল জীবন্ত ভাব! বা বা! আমাকে হঠাৎ চাকর বানিয়ে দিয়ে গেল—সেও আমার পরম ভাগ্য! বাঙালির ছেলে চাকরি করতেই জন্মেছি কিন্তু এমন মনিব কি অদৃষ্টে জুটবে! পুরুষের কাপড়ও যেমন মানিয়েছিল ঐটুকু নিলঞ্জিতাও ওকে কেমন বেশ শোভা পেয়েছিল। আহা, এই শামলা আর এই চাপকান চন্দরকে ফিরিয়ে দিতে ইচ্ছে করছে না। বাগবাজারের চৌধুরী! সন্ধান নিতে হচ্ছে।

চন্দ্রকান্তের প্রবেশ

চন্দ্রকান্ত। তুমি এ ঘরে ছিলে না কি। তবে তো দেখেছ?

নিমাই। চন্দ্র থাকলেই দেখতে হয়—কিন্তু কে বলো দেখি।

চন্দ্রকান্ত। বাগবাজারের চৌধুরীদের মেয়ে কাদম্বিনী। আমার স্ত্রীর একটি বন্ধু।

নিমাই। ওর স্বামী বোধ করি স্বাধীনতাওয়ালা?

চন্দ্রকান্ত। ওর আবার স্বামী কোথায়?

নিমাই। মরেছে বুদ্ধি? আপদ গেছে। কিন্তু বিধবার মতো বেশ নয় তো—

চন্দ্রকান্ত। বিধবা নয় হে—কুমারী। যদি হঠাৎ স্নায়ুর ব্যাঘাত ঘটে থাকে তো বলো, ঘটকালি করি।

নিমাই। তেমন স্নায়ু হলে এতদিনে গলায় দড়ি দিয়ে মরতুম।

চন্দ্রকান্ত। তা হলে চলো একবার বিনোদকে দেখে আসা যাক। তার বিশ্বাস সে ভারি একটা অসমসাহসিক কাজ করতে প্রবৃত্ত হয়েছে, তাই একেবারে সপ্তমে চড়ে রয়েছে—যেন তার পূর্বে বঙ্গদেশে বিবাহ আর কেউ করে নি!

নিমাই। মেয়েমানুষকে বিয়ে করতে হবে তার আবার ভয় কিসের? এমন যদি হত, না দেখে বিয়ে করতে গিয়ে দৈবাৎ একটা পুরুষমানুষ বেরিয়ে পড়ত তা হলে বটে!

চন্দ্রকান্ত। বল কী নিমাই! বিধাতার আশীর্বাদে জন্মালুম পুরুষমানুষ হয়ে, কী জানি কার শাপে বিয়ে করতে গেলুম মেয়েমানুষকে, এ কি কম সাহসের কথা।

নলিনাক্ষের প্রবেশ

চন্দ্রকান্ত। আরে, আরে, এসো নলিনদা। ভালো তো?

নলিনাক্ষ। (নিমাইয়ের প্রতি) বিনোদ কোথায়?

চন্দ্রকান্ত। বিনোদ যেখানেই থাক, আপাতত আমার মতো এতবড়ো লোকটা কি তোমার নলিনাক্ষগোচর হচ্ছে না। তোমার ভাব দেখে হঠাৎ ভয় হয় তবে আমি হয়তো বা নেই।

নলিনাক্ষ। আমি বিনোদকে খুঁজছি।

চন্দ্রকান্ত। ইচ্ছে করলে অর্মানি ইতিমধ্যে আমার সঙ্গেও দুটো-একটা কথা কয়ে নিতে পার। তা চলো, আমরাও তার কাছে যাচ্ছি।

নলিনাক্ষ। তা হলে তোমরা এগোও। আমি পরে যাব এখন।

[প্রস্থান]

## দ্বিতীয় অঙ্ক

## প্রথম দৃশ্য

## নিমাইয়ের ঘর

## নিমাই লিখিতে প্রবৃত্ত

নিমাই। মদুখে এত কথা অনর্গল বকে যাই কিছদ্ব বাধে না, সেইগদুলোই চোন্দটা অক্ষরে ভাগ করা যে এত মদুশকিল তা জানতুম না।

কাদম্বিনী যেমনি আমায় প্রথম দেখিলে,  
কেমন করে ভূত্য বলে তখনি চিনিলে!

ভাবটা বেশ নতুন রকমের হয়েছে কিন্তু কিছদ্বতেই এই হতভাগা ছন্দ বাগাতে পারছি নে। (গণনা করিয়া) প্রথম লাইনটা হয়েছে ষোলো, দ্বিতীয়টা হয়ে গেছে পনেরো। ওর মধ্যে একটা অক্ষরও তো বাদ দেবার জো দেখছি নে। (চিন্তা) “আমায়”—কে “আমা” বললে কেমন শোনায়? —‘কাদম্বিনী যেমনি আমা প্রথম দেখিলে’—আমার কানে তো খারাপ ঠেকছে না। কিন্তু তব্দ্ব একটা অক্ষর বেশি থাকে। কাদম্বিনীর “নী”টা কেটে যদি সংক্ষেপ করে দেওয়া যায়! পদুরো নামের চেয়ে সে তো আরো আদরের শুনতে হবে। “কাদম্বি”—না—কই তেমন আদরের শোনাচ্ছে না তো। “কদম্ব”—ঠিক হয়েছে—

কদম্ব যেমনি আমা প্রথম দেখিলে  
কেমন করে ভূত্য বলে তখনি চিনিলে!

উঃ—ও হচ্ছে না। দ্বিতীয় লাইনটাকে কাব্দ্ব করি কী করে? “কেমন করে” কথাটাকে তো কমাবার জো নেই—এক “কেমন করিয়া” হয়—কিন্তু তাতে আরো একটা অক্ষর বেড়ে যায়। “তখনি চিনিলে”র জায়গায় “তৎক্ষণাৎ চিনিলে” বসিয়ে দিতে পারি কিন্তু তাতে বড়ো সদ্বিধে হয় না, এক দমে কতকগদুলো অক্ষর বেড়ে যায়। ভাষাটা আমাদের বহু পদূর্বে তৈরি হয়ে গেছে, কিছদ্বই নিজে বানাবার জো নেই—অথচ ওরই মধ্যে আবার কবিতা লিখতে হবে! দূর হোকগে, ও পনেরো অক্ষরই থাক—কানে খারাপ না লাগলেই হল। ও পনেরোও যা ষোলোও তা সতেরোও তাই, কানে সমানই ঠেকে, কেবল পড়বার দোষেই খারাপ শুনতে হয়। চোন্দ অক্ষর, ও একটা প্রেজ্জুডিস।

## শিবচরণের প্রবেশ

শিবচরণ। কী হচ্ছে নিমাই।

নিমাই। আজ্ঞে অ্যানাটমির নোটগদুলো একবার দেখে নিচ্ছি, একজামিন খদ্ব কাছে এসেছে—

শিবচরণ। দেখো বাপদ্, একটা কথা আছে। তোমার বয়স হয়েছে, তাই আমি তোমার জন্যে একটি কন্যা ঠিক করেছি।

নিমাই। কী সর্বনাশ।

শিবচরণ। নিবারণবাব্দ্বকে জান বোধ করি—

নিমাই। আজ্ঞে হাঁ জানি।

শিবচরণ। তাঁরই কন্যা ইন্দুমতী। মেয়টি দেখতে শুনতে ভালো। বয়সেও তোমার যোগ্য। দিনও এক রকম স্থির করা হয়েছে।

নিমাই। একেবারে স্থির করেছেন? কিন্তু এখন তো হতে পারে না।

শিবচরণ। কেন বাপদ্?

নিমাই। আমার এখন একজামিন কাছে এসেছে—

শিবচরণ। তা হোক-না একজামিন! বিয়ের সঙ্গে একজামিনের যোগটা কী? বউমাকে বাপের বাড়ি রেখে দেব, তার পরে তোমার একজামিন হয়ে গেলে ঘরে আনব।

নিমাই। ডাক্তারিটা পাস না করে বিয়ে করাটা ভালো বোধ হয় না।

শিবচরণ। কেন বাপ, তোমার সঙ্গে তো একটা শস্ত্র ব্যায়ামের বিয়ে দিচ্ছ নে। মানুষ ডাক্তারি না জেনেও বিয়ে করে। কিন্তু তোমার আপত্তিটা কিসের জন্যে হচ্ছে।

নিমাই। উপার্জনকম না হয়ে বিয়ে করাটা—

শিবচরণ। উপার্জন? আমি কি তোমাকে আমার বিষয় থেকে বাণ্ডিত করতে যাচ্ছি। তুমি কি সাহেব হয়েছ যে বিয়ে করেই স্বাধীন ঘরকন্না করতে যাবে? (নিমাই নিরুত্তর) তোমার হল কী। বিয়ে করবে তার আবার এত ভাবনা কী। আমি কি তোমার ফাঁসির হুকুম দিলুম।

নিমাই। বাবা, আপনার পায়ে পাড়ি আমাকে এখন বিয়ে করতে অনুরোধ করবেন না।

শিবচরণ। (সরোষে) অনুরোধ কী বেটা। হুকুম করব। আমি বলছি, তোকে বিয়ে করতেই হবে।

নিমাই। আমাকে মাপ করুন, আমি এখন কিছুতেই বিয়ে করতে পারব না।

শিবচরণ। (উচ্চস্বরে) কেন পারবি নে। তোর বাপ-পিতামহ, তোর চোদ্দপুরুষ বরাবর বিয়ে করে এসেছে, আর তুই বেটা দু-পাতা ইংরেজি উলটে আর বিয়ে করতে পারবি নে! এর শস্ত্রটা কোন্‌খানে। কনের বাপ সম্প্রদান করবে আর তুই মন্ত্র পড়ে হাত পেতে নিবি—তাকে গড়ের বাদ্যিও বাজাতে হবে না ময়ূরপংখিও বইতে হবে না, আর বাতি জ্বালাবার ভারও তোর উপর দিচ্ছি নে।

নিমাই। আমি মিনতি করে বলছি বাবা—একেবারে মর্মান্তিক অনিচ্ছে না থাকলে আমি কখনোই আপনার প্রস্তাবে না বলতুম না।

শিবচরণ। কই বাপ, বিয়ে করতে তো কোনো ভদ্রলোকের ছেলের এতদূর অনিচ্ছে দেখা যায় না, বরং অবিবাহিত থাকতে আপত্তি হতেও পারে। আর তুমি বেটা আমার বংশে জন্মগ্রহণ করে হঠাৎ একদিনে এতবড়ো বৈরাগী হয়ে উঠলে কোথা থেকে। এমন সৃষ্টিছাড়া অনিচ্ছেটা হল কেন সেটা তো শোনা আবশ্যিক।

নিমাই। আচ্ছা, আমি মাসিমাকে সব কথা বলব, আপনি তাঁর কাছে জানতে পারবেন।

শিবচরণ। আচ্ছা। (স্বগত) লোকের কাছে শুনলুম, নিমাই বাগবাজারের রাস্তায় ঘুরে ঘুরে বেড়ায়—গেরস্তর বাড়ির দিকে হাঁ করে চেয়ে থাকে—সেই শব্দেই তো আরো আমি ওর বিয়ের জন্যে এত তাড়াতাড়ি করছি।

[প্রস্থান]

নিমাই। আমার ছন্দ মিল ভাব সমস্ত ঘুলিয়ে গেল, এখন যে আর এক লাইনও মাথায় আসবে এমন সম্ভাবনা দেখি নে।

চন্দ্রকান্তের প্রবেশ

চন্দ্রকান্ত। এই যে নিমাই, একা একা বসে রয়েছে! তোমার হল কী বলো দেখি। আজকাল তোমার যে দেখা পাবারই জো নেই।

নিমাই। আর ভাই, একজামিনের যে তাড়া পড়েছে—

চন্দ্রকান্ত। সেদিন সন্ধ্যাবেলায় ট্রামে করে আসতে আসতে দেখি, তুমি বাগবাজারের রাস্তায় দাঁড়িয়ে হাঁ করে তারা দেখছ। আজকাল কি তুমি ডাক্তারি ছেড়ে অ্যাস্ট্রনমি ধরছ? যা হোক আজ বিনোদের বিয়ে মনে আছে তো?

নিমাই। তাই তো, ভুলে গিয়েছিলুম বটে।

চন্দ্রকান্ত। তোমার স্মরণশক্তির যে রকম অবস্থা দেখছি একজামিনের পক্ষে সন্দিগ্ধে নয়। তা চলো।

নিমাই। আজ শরীরটা তেমন ভালো ঠেকছে না, আজ থাক্—  
চন্দ্রকান্ত। বিনোদের বিয়েটা তো বছরের মধ্যে সদাসর্বদা হবে না নিমাই। যা হবার আজই  
চুকে যাবে। অতএব আজ তোমাকে ছাড়ছি নে, চলো।  
নিমাই। চলো।

[ প্রস্থান ]

## দ্বিতীয় দৃশ্য

চন্দ্রকান্তের অন্তঃপদ

কান্তমণি ও ইন্দুমতী

কান্তমণি। তোমাদের বাড়ির আয়োজন সব হল?

ইন্দুমতী। হাঁ ভাই, এক রকম হল। এখন তোমাদের বাড়ি কী হচ্ছে তাই দেখতে এসেছি।  
আমি বরের ঘরেও আছি, কনের ঘরেও আছি। বর তো তোমাদের এখান থেকেই বেরোবেন? তাঁর  
তিন কুলে আর কেউ নেই না কি।

কান্তমণি। ঐ তো ভাই, ওদের কথা বদ্বাবে কে। বাপ-মা নেই বটে, কিন্তু শ্বশুরোচ্চ দেশে  
পিসি-মাসি সব আছে—কিন্তু তাদের খবরও দেয় নি। বলে যে, বিয়ে করছি, হাট বসাবি নে তো!  
ওঁকে বললুম, তুমি তাদের খবর দাও—উনি বলেন তাতে খরচপত্র বিস্তর বেড়ে যাবে—বিয়ে  
করতেই যদি বেবাক খরচ হয়ে যায় তো ঘরকন্মা করতে বাকি থাকবে কী—শ্বশুরোচ্চ একবার কথা!  
আবার বলে কী—এ তো আর শ্বশুরভিনশ্বশুর যত্নহীন হচ্ছে না, কেবল দুটিমাত্র প্রাণীর বিয়ে, এর  
জন্যে এত শোরসরাবৎ লোকলস্করের দরকার কী?

ইন্দুমতী। কিচ্ছু ধুমধাম নেই, আমার ভাই এ মন উঠছে না। আমাদের হাতে একবার  
পড়লে তাকে আচ্ছা করে শিক্ষা দিতে হবে—দুটিমাত্র প্রাণীর বিয়ে যে কতবড়ো ব্যাপার তা তাকে  
এক রকম মোটামুটি বুঝিয়ে দেব।—আজ যে তুমি বাইরের ঘরে?

কান্তমণি। এই ঘরে সব বরযাত্রী জুটবে। দেখ্—না ভাই ঘরের অবস্থাখানা। তারা আসবার  
আগে একটুখানি গুঁছিয়ে নেবার চেষ্টায় আছি।

ইন্দুমতী। তোমার একলার কর্ম নয়, এসো ভাই দুজনে এ জঞ্জাল সাফ করা যাক। এগুলো  
দরকারি নাকি?

কান্তমণি। কিচ্ছু না। যত রাজ্যের পুরোনো খবরের কাগজ জমেছে। কাগজগুলো যেখানে  
পড়া হয়ে যায় সেইখানেই পড়ে থাকে। ওগুলো যে ফেলে দেওয়া কি গুঁছিয়ে রাখা তার নাম নেই।

ইন্দুমতী। তবে ঐসঙ্গে এগুলোও ফেলে দিই?

কান্তমণি। না না, ওগুলো ঠর মকন্দমার কাগজ—হারাতে পারলে বাঁচেন বোধ হয়, মক্কেলদের  
হাত থেকে উদ্ধার পান। কেন যে হারায় না তাও তো বদ্বাবে পারি নে। কতকগুলো গদির নীচে  
গোঁজা, কতক আলমারির মাথায়, কতক ময়লা চাপকানের পকেটে—যখন কোনোটার দরকার পড়ে  
বাড়ি মাথায় করে বেড়ান—আঁস্তাকুড় থেকে আর বাড়ির ছাত পর্যন্ত এমন জায়গা নেই যেখানে  
না খুঁজতে হয়।

ইন্দুমতী। এর সঙ্গে যে ইংরেজি নভেলও আছে—তারও আবার পাতা ছেঁড়া। কতকগুলো  
চিঠি—এ কি দরকারি।

কান্তমণি। ওর মধ্যে দরকারিও আছে অদরকারিও আছে, কিচ্ছু বলবার জো নেই। খুব  
গোপনীয়ও আছে, সেগুলো চার দিকে ছড়ানো। খুব বেশি দরকারি চিঠি সাবধান করে রাখবার  
জন্যে বইয়ের মধ্যে গুঁজে রাখা হয়, সে আর কিচ্ছুতেই খুঁজে পাওয়া যায় না, ভুলেও যেতে হয়।

বন্ধুরা বই পড়তে নিজে যায়, তার পরে কোন্ চিঠি কোন্ বইয়ের সঙ্গে কোন্ বন্ধুর বাড়ি গিয়ে পৌঁছয় তা কিছুই বলবার জো নেই। এক-একদিন বড়ো আবশ্যকের সময় গাড়িভাড়া করে বন্ধুদের বাড়ি-বাড়ি খোঁজ করে বেড়ান।

ইন্দুমতী। এক কাজ করো-না ভাই। কাউকে দিয়ে বন্ধুদের গাল দিয়ে কতকগুলো চিঠি লেখাও-না—সেগুলো বইয়ের মধ্যে গোঁজা থাকবে—বন্ধুরা যখন বই ধার করে পড়বেন নিজেদের সম্বন্ধে অনেক জ্ঞানলাভ করবেন এবং সেই সুযোগে দু'টি-পাঁচটি ঝরে যেতেও পারেন।

ক্ষান্তমণি। আঃ, তা হলে তো হাড় জুড়োয়।

ইন্দুমতী। এ-সব কী? কতকগুলো লেখা, কতকগুলো প্রুফ, খালি দেশলাইয়ের বাস্ক, কাননকুসুমিকা, কাগজের পট্টলির মধ্যে ছাতাধরা মসলা, একখানা তোয়ালে, গোটকতক দাবার ঘুটি, একটি ইস্কাবনের গোলাম, ছাতার বাঁট—এ চাবির গোছা ফেলে দিলে বোধ হয় চলবে না—

ক্ষান্তমণি। এই দেখো! এই চাবির মধ্যে ঠুর যথাসর্বস্ব আছে। আজ সকালে একবার খোঁজ পড়েছিল, কোথাও সম্বন্ধ না পেয়ে শেষে উমাপতিদের বাড়ি থেকে সতেরোটা টাকা ধার করে নিয়ে এলেন। দাও তো ভাই, এ চাবি ঠুকে সহজে দেওয়া হবে না। ঐ ভাই, ওরা আসছে—চলো ও ঘরে পালাই।

[প্রস্থান]

বিনোদ, চন্দ্রকান্ত, নিমাই, নলিনাক্ষ, শ্রীপতি ও ভূপতির প্রবেশ

বিনোদবিহারী। (টোপর পরিয়া) সং তো সাজলুম, এখন তোমরা পাঁচজনে মিলে হাততালি দাও—উৎসাহ হোক, নইলে থেকে থেকে মনটা দমে যাচ্ছে।

চন্দ্রকান্ত। এখন তো কেবল নেপথ্যবিধান চলছে, আগে অভিনয় আরম্ভ হোক তার পরে হাততালি দেবার সময় হবে।

বিনোদবিহারী। আচ্ছা চন্দর, অভিনয়টা হবে কিসের বলো তো হে। কী সাজব আমাদের বন্ধুকে দাও দেখি।

চন্দ্রকান্ত। মহারানীর বিদূষক সাজতে হবে আর কী। যাতে তিনি একটু প্রফুল্ল থাকেন আজ রাত্রি থেকে এই তোমার একমাত্র কাজ হল।

বিনোদবিহারী। তা সাজটিও যথোপযুক্ত হয়েছে। এই টোপরটা দেখলে মনে পড়ে সেকলে ইংরেজ রাজাদের যে “ফুল”গুলো ছিল তাদেরও টুপিটা এই আকারের।

চন্দ্রকান্ত। সেজের বাতি নিবিয়ে দেবার ঠোঙাগুলোরও ঐ রকম চেহারা। এই পঁচিশটা বৎসর যা-কিছু শিক্ষাদীক্ষা হয়েছে, যা-কিছু আশা-আকাঙ্ক্ষা জন্মেছিল—ভারতের ঐকা, বাণিজ্যের উন্নতি, সমাজের সংস্কার, সাহেবের ছেলে পিটোনো প্রভৃতি যে-সকল উঁচু উঁচু ভাবের পলতে মগজের ঘি খেয়ে খুব উজ্জ্বল হয়ে জ্বলে উঠেছিল—সেগুলিকে ঐ টোপরটা চাপা দিয়ে এক দমে নিবিয়ে সম্পূর্ণ ঠান্ডা হয়ে বসতে হবে—

নলিনাক্ষ। আর আমাদেরও মনে থাকবে না—একেবারে ভুলে যাবে—দেখা করতে এলে বলবে সময় নেই—

চন্দ্রকান্ত। কিংবা মহারানীর হুকুম নেই। কিন্তু সেটা তোমার ভারি ভুল। বন্ধু তখন আরো প্রগাঢ় হয়ে উঠবে। ওর জীবনের মধ্যাহ্নসূর্য্যটি যখন ঠিক ব্রহ্মরশ্মির উপর ঝাঁ ঝাঁ করতে থাকবেন তখন এই কালো কালো ছায়াগুলিকে নিতান্ত খারাপ লাগবে না। কিন্তু দেখ্ বিনোদ, কিছু মনে করিস নে—আরম্ভতে একটুখানি দমিয়ে দেওয়া ভালো—তা হলে আসল ধাক্কা সামলাবার বেলায় নিতান্ত অসহ্য বোধ হবে না। তখন মনে হবে, চন্দর যতটা ভয় দেখাত আসলে ততটা কিছু নয়। সে বলেছিল আগুনে ঝলসাবার কথা কিন্তু এ তো কেবলমাত্র উলটে-পালটে তাওয়ায় সেকা—তখন কী অনির্বচনীয় আরাম বোধ হবে!

শ্রীপতি। চন্দরদা, ও কী তুমি বকছ! আজ বিয়ের দিনে কি ও-সব কথা শোভা পায়! একে

তো বাজনা নেই আলো নেই, উলু নেই শাঁখ নেই, তার পরে যদি আবার অন্তিমকালের বোলচাল দিতে আরম্ভ কর তা হলে তো আর বাঁচি নে!

ভূপতি। মিছে না! চন্দ্রদার ও-সমস্ত মুখের আশ্ফালন বেশ জানি—এদিকে রাস্তির দশটার পর যদি আর এক মিনিট ধরে রাখা যায়, তা হলে ব্রাহ্মণ বিরহের জ্বালায় একেবারে অস্থির হয়ে পড়ে—

চন্দ্রকান্ত। ভূপতির আর কোনো গুণ না থাক্ ও মানুষ চেনে তা স্বীকার করতে হয়। ঘড়িতে ঐ যে ছুঁচোলা মিনিটের কাঁটা দেখছ উনি যে কেবল কানের কাছে টিক টিক করে সময় নির্দেশ করেন তা নয় অনেক সময় প্যাঁট প্যাঁট করে বেধেন—মন-মাতাংগকে অঙ্কুশের মতো গৃহাভিনুখে তাড়না করেন। রাস্তির দশটার পর আমি যদি বাইরে থাকি তা হলে প্রতি মিনিট আমাকে একটি করে খোঁচা মেরে মনে করিয়ে দেন ঘরে আমার অন্ন ঠান্ডা এবং গৃহিণী গরম হচ্ছেন।—বিনুদার ঘড়ির সঙ্গে আজকাল কোনো সম্পর্কই নেই—এবার থেকে ঘড়ির ঐ চন্দ্রবদনে নানা রকম ভাব দেখতে পাবেন—কখনো প্রসন্ন কখনো ভীষণ! (নিমাইয়ের প্রতি) আচ্ছা ভাই বৈজ্ঞানিক, তুমি আজ অমন চুপচাপ কেন? এমন করলে তো চলবে না।

শ্রীপতি। সত্যি, বিনু যে বিষয়ে করতে যাচ্ছে তা মনে হচ্ছে না। আমরা কতকগুলো পুরুষ-মানুষে জটলা করছি—কী করতে হবে কেউ কিছ্ জানি নে—মহা মূর্খকিল! চন্দ্রদা, তুমি তো বিষয়ে করছ, বলো-না কী করতে হবে—হাঁ করে সবাই মিলে বসে থাকলে কি বিষয়ে-বিষয়ে মনে হয়?

চন্দ্রকান্ত। আমার বিষয়ে সে যে পুরাতত্ত্বের কথা হল—আমার স্মরণশক্তি ততদূর পৌঁছয় না। কেবল বিবাহের যেটি সর্বপ্রধান আয়োজন, যেটিকে কিছ্ তে ভোলবার জো নেই, সেইটিই অন্তরে বাহিরে জেগে আছে, মন্তর-তন্তর পুরুত-ভাট সে সমস্ত ভুলে গেছি।

ভূপতি। বাসরঘরে শ্যালীর কানমলা?

চন্দ্রকান্ত। হায় পোড়াকপাল! শ্যালীই নেই তো শ্যালীর কানমলা—মাথা নেই তার মাথা-ব্যথা! শ্যালী থাকলে তবু তো বিবাহের সংকীর্ণতা অনেকটা দূর হয়ে যায়—ওরই মধ্যে একটুখানি নিশ্বেস ফেলবার, পাশ ফেরবার জায়গা পাওয়া যায়—শব্দরমশায় একেবারে কড়ায় গন্ডায় ওজন করে দিয়েছেন সিকিপয়সার ফাউ দেন নি।

বিনোদবিহারী। বাস্তবিক—বর মনোনীত করবার সময় যেমন জিজ্ঞাসা করে, কটি পাস আছে, কনে বাছবার সময় তেমনি খোঁজ নেওয়া উচিত কটি ভগ্নী আছে।

চন্দ্রকান্ত। চোর পালালে বুদ্ধি বাড়ে—ঠিক বিয়ের দিনটিতে বুদ্ধি তোমার চৈতন্য হল? তা তোমারও একটি আছে শুনছি তঁর নামটি হচ্ছে ইন্দুমতী—স্বভাবের পরিচয় ক্রমে পাবে।

নিমাই। (স্বগত) যাকে আমার স্কন্ধের উপরে উদাত করা হয়েছে—সর্বনাশ আর কী!

শ্রীপতি। এদিকে যে বেরোবার সময় হয়ে এল তা দেখছ? এতক্ষণ কী যে হল তার ঠিক নেই! নিদেন ইংরেজ ছোঁড়াগুলোর মতো খুব খানিকটা হো হো করতে পারলেও আসর গরম হয়ে উঠত। খানিকটা চেঁচিয়ে বেসরুরো গান গাইলেও একটু জমাট হত—(উচ্চৈঃস্বরে) “আজ তোমায় ধরব চাঁদ আঁচল পেতে।”

চন্দ্রকান্ত। আরে থাম্ থাম্—তোর পায়ে পড়ি ভাই, থাম্; দেখ্ আৰ্য ঋষিগণ যে রাগ-রাগিণীর সৃষ্টি করেছিলেন সে কেবল লোকের মনোরঞ্জননের জন্যে—কোনো রকম নিষ্ঠুর অভিপ্রায় তাঁদের ছিল না।

ভূপতি। এসো তবে বরকনের উদ্দেশে থ্রী চিয়ান্স দিয়ে বেরিয়ে পড়া যাক—হিপ হিপ হুরে—

চন্দ্রকান্ত। দেখো, আমার প্রিয় বন্ধুর বিষয়ে তো আমি কখনোই এ রকম অনাচার হতে দেব না; শুল্ককর্মে অমন বিদেশী শেয়াল-ডাক ডেকে বেরোলে নিশ্চয় অযাত্রা হবে। তার চেয়ে সবাই মিলে উলু দেবার চেষ্টা করো-না! ঘরে একটিমাত্র স্ত্রীলোক আছেন তিনি শাঁখ বাজাবেন এখন। আহা, এই সময়ে থাকত তাঁর গদুটি দুই-তিন সহোদরা তা হলে কোকিলকণ্ঠের উলু শুনেন আজ কান জুড়িয়ে যেত।

বিনোদবিহারী। তা হলে তোমার দুটি কান সামলাতেই দিন বয়ে যেত।

ভূপতি। বিনোদ তবে ওঠো, সময় হল!

নলিনাক্ষ। এই তবে আমাদের অবিবাহিত বন্ধুত্বের শেষ মিলন। জীবনস্রোতে তুমি এক দিকে যাবে আমি এক দিকে যাব। প্রার্থনা করি, তুমি সুখে থাকো। কিন্তু মনুহুতের জন্যে ভেবে দেখো বিনু, এই মরুময় জগতে তুমি কোথায় যাচ্ছ—

চন্দ্রকান্ত। বিনু, তুই বল, মা, আমি তোমার জন্যে দাসী আনতে যাচ্ছি। তা হলে কনকাজলিটা হয়ে যায়।

শ্রীপতি। এইবার তবে উল্লু আরম্ভ হোক।

সকলে উল্লুর চেষ্টা। নেপথ্যে উল্লু ও শঙ্খধ্বনি

নিমাই। ঐ যে উল্লুর জোগাড় করে রেখেছ, এতক্ষণে একটুখানি বিয়ের সুর লাগল। নইলে কতকগুলো মিন্সেয় মিলে যে রকম বেসুরো লাগিয়েছিলে, বরযাত্রা কি গণ্ণাযাত্রা কিছুর বোঝবার জো ছিল না।

[সকলের প্রস্থান]

ইন্দুমতী ও ক্ষান্তমণির প্রবেশ

ক্ষান্তমণি। শুনলি তো ভাই, আমার কতটিটির মধুর কথাগদূলি?

ইন্দুমতী। কেন ভাই, আমার তো মন্দ লাগে নি।

ক্ষান্তমণি। তোর মন্দ লাগবে কেন? তোর তো আর বাজে নি। যার বেজেছে সেই জানে।

ইন্দুমতী। তুমি যে আবার একেবারে ঠাট্টা সহিতে পার না। তোমার স্বামী কিন্তু ভাই, তোমাকে সত্যি ভালোবাসে। দিনকতক বাপের বাড়ি গিয়ে বরং পরীক্ষা করে দেখো-না—

ক্ষান্তমণি। তাই একবার ইচ্ছা করে, কিন্তু জানি থাকতে পারব না। তা যা হোক, এখন তাদের ওখানে যাই। ওরা তো বউবাজারের রাস্তা ঘুরে যাবে, সে এখনো ঢের দৌঁর আছে।

ইন্দুমতী। তুমি এগোও ভাই, আমি তোমার স্বামীর এই বইগদূলি গদ্বিচ্ছে দিয়ে যাই। (ক্ষান্তমণির প্রস্থান) আজ ললিতবাবু এমন চুপচাপ গম্ভীর হয়ে বসেছিলেন। কী কথা ভাবছিলেন কে জানে। সত্যি আমার জানতে ইচ্ছে করে। থেকে থেকে একটা খাতা খুলে দেখছিলেন। সেই খাতাটা ঐ ভুলে ফেলে গেছেন। ওটা আমাকে দেখতে হচ্ছে। (খাতা খুলিয়া) ও মা! এ যে কবিতা! কাদম্বিনীর প্রতি! আ মরণ! সে পোড়ারমুখী আবার কে।

জল দিবে অথবা বজ্র, ওগো কাদম্বিনী,

হতভাগ্য চাতক তাই ভাবিছে দিনরজনী!

ইস! ভারি যে অবস্থা খারাপ দেখছি! এত বেশি ভাবনায় কাজ কী! আমি যদি পোড়াকপালী কাদম্বিনী হতুম তা হলে জলও দিতুম না বজ্রও দিতুম না, হতভাগ্য চাতকের মাথায় খানিকটা কবিরাজের তেল ঢেলে দিতুম। খেয়ে দেয়ে তো কাজ নেই—কোথাকার কাদম্বিনীর নামে কবিতা, তাও আবার দুটো লাইন ছন্দ মেলে নি। এর চেয়ে আমি ভালো লিখতে পারি।

আর কিছুর দাও বা না দাও, অগ্নি অবলে সরলে,

বাঁচি সেই হাসিভরা মুখ আর একবার দেখিলে।

আহা-হা-হা-হা! অবলে সরলে! কোন্ এক বেহায়া মেয়ে ঠুকে হাসিভরা কালামুখ দেখিয়ে দিয়ে গিয়েছিল, এক তিল লজ্জাও করে নি। বাস্তবিক, পুরুষগুলো ভারি বোকা। মনে করলে ঠুর প্রতি ভারি অনুগ্রহ করে সে হেসে গেল—হাসতে নাকি সিকি পয়সার খরচ হয়। দাঁতগুলো বোধ হয় একটু ভালো দেখতে ছিল তাই একটা ছুতো করে দেখিয়ে দিয়ে গেল। কই আমাদের কাছে তো কোনো কাদম্বিনী সাত পুরুষে এমন করে হাসতে আসে না। অবলে সরলে! সত্যি বাপু, মেয়ে জাতটাই ভালো নয়। এত ছলও জানে! ছি ছি! এ কবিতাও তেমনি হয়েছে। আমি যদি

কাদম্বিনী হতুম তো এমন পদ্রুঘের মূখ দেখতুম না। যে লোক চোশদটা অক্ষর সামলে চলতে পারে না, তার সঙ্গে আবার প্রণয়! এ খাতা আমি ছিঁড়ে ফেলব—পৃথিবীর একটা উপকার করব—কাদম্বিনীর দেমাক বাড়তে দেব না।

পদ্রুঘের বেশে হরিলে পদ্রুঘের মন,  
(এবার) নারীবেশে কেড়ে নিয়ে যাও জীবন মরণ।

এর মানে কী!

কদম্ব যেমনি আমা প্রথম দেখিলে,  
কেমন করে ভূতা বলে তখনি চিনিলে!

ও মা! ও মা! ও মা! এ যে আমারই কথা! এইবার বদ্বোঁছ পোড়ারমুখী কাদম্বিনী কে! (হাস্য)  
তাই বলি, এমন করে কাকে লিখলেন! ও মা, কত কথাই বলেছেন! আর-একবার ভালো করে সমস্তটা পড়ি! কিন্তু কী চমৎকার হাতের অক্ষর! একেবারে যেন মূক্তো বসিয়ে গেছে।

[ নীরবে পাঠ

পশ্চাৎ হইতে খাতা অব্যেবেগে নিমাইয়ের প্রবেশ

কিন্তু ছন্দ থাক্ না-থাক্ পড়তে তো কিছুই খারাপ হয় নি। সত্যি, ছন্দ নেই বলে আরো মনের সরল ভাবটা ঠিক যেন প্রকাশ হয়েছে। আমার তো বেশ লাগছে। আমার বোধ হয় ছেলেদের প্রথম ভাঙা কথা যেমন মিষ্টি লাগে, কবিদের প্রথম ভাঙা ছন্দ তেমনি মিষ্টি লাগে; পড়তে গেলে বৃকের ভিতরটা কী একরকম করে ওঠে—বড়ো বড়ো কবিতা পড়ে এমন হয় না। মেঘনাদবধ, বৃহৎসংহার, পলাশির যুদ্ধ, সে-সব যেন ইন্সকুলের বই—এমন সত্যিকার না। (খাতা বৃকে চাপিয়া) এ খাতা আমি নিয়ে যাব—এ তো আমাকেই লিখেছেন। আমার এমনি আনন্দ হচ্ছে! ইচ্ছে করছে এখনি দিদিকে গিয়ে জড়িয়ে ধরি গে! আহা, দিদি যাকে বিয়ে করছে তাকে নিয়ে যেন খুব খুব সুখে থাকে—যেন চিরজীবন আদরে সোহাগে কাটাতে পারে। (প্রস্থানোদ্যম। পশ্চাতে ফিরিয়া নিমাইকে দেখিয়া) ও মা!

[ মূখ আচ্ছাদন

নিমাই। ঠাকরুন, আমি একখানা খাতা খুঁজতে এসেছিলাম—(ইন্দুমতীর দ্রুত পলায়ন)  
জন্ম জন্ম সহস্র বার আমার সহস্র খাতা হারাক—কবিতার বদলে যা পেয়েছি কালিদাস তাঁর কুমারসম্ভব শকুন্তলা বাঁধা রেখে এমন জিনিস পায় না।

[ মহা উল্লাসে প্রস্থান

## তৃতীয় দৃশ্য

### বিবাহসভা

লোকারণ্য। শঙ্খ, হুন্সধ্বনি। সানাই

নিবারণ। কানাই! ও কানাই! কী করি বলো দেখি। কানাই গেল কোথায়?

শিবচরণ। তুমি ব্যস্ত হয়েো না ভাই। এ ব্যস্ত হবার কাজ নয়। আমি সমস্ত ঠিক করে দিচ্ছি। তুমি পাত পাড়া হল কি না দেখে এসো দেখি।

ভূতা। বাবু, আসন এসে পেঁচেছে সেগুলো রাখি কোথায়?

নিবারণ। এসেছে! বাঁচা গেছে। তা সেগুলো ছাতে—

শিবচরণ। ব্যস্ত হচ্ছে কেন দাদা। কী হয়েছে বলো দেখি? কী রে বেটা, ভুই হাঁ করে দাঁড়িয়ে রয়েছিস কেন? কাজকর্ম কিছু হাতে নেই না কি।



ভূত। আসন এসেছে সেগুলো রাখি কোথায় তাই জিজ্ঞাসা করছি।

শিবচরণ। আমার মাথায়! একটু গদুছিয়ে গাছিয়ে নিজের বুদ্ধিতে কাজ করা, তা তাদের দ্বারা হবে না! চল্ আমি দেখিয়ে দিচ্ছি। ওরে বাতিগুলো যে এখনো জ্বালালে না! এখানে কোনো কাজেরই একটা বিলি ব্যবস্থা নেই—সমস্ত বে-বন্দাবস্ত! নিবারণ, তুমি ভাই একটু ঠাণ্ডা হয়ে বসো দেখি—বাস্ত হয়ে বেড়ালে কোনো কাজই হয় না। আঃ বেটাদের কেবল ফাঁকি। বেহারা বেটারা সবাই পালিয়েছে দেখছি—আচ্ছা করে তাদের কানমলা না দিলে—

নিবারণ। পালিয়েছে নাকি! কী করা যায়!

শিবচরণ। বাস্ত হোয়ো না ভাই—সব ঠিক হয়ে যাবে। বড়ো বড়ো ক্রিয়াকর্মের সময় মাথা ঠাণ্ডা রাখা ভারি দরকার। কিন্তু এই রেখো বেটার সঙ্গে তো আর পারি নে! আমি তাকে পই পই করে বললুম, তুমি নিজে দাঁড়িয়ে থেকে লুচিগুলো ভাজিয়ে, কিন্তু কাল থেকে হতভাগা বেটার চুলের টাঁক দেখবার জো নেই। লুচি যেন কিছু কম পড়েছে বোধ হচ্ছে।

নিবারণ। বল কী শিব! তা হলে তো সর্বনাশ!

শিবচরণ। ভয় কী দাদা! তুমি নিশ্চিন্ত থাকো, সে আমি করে নিচ্ছি। একবার রাধুর দেখা পেলে হয়, তাকে আচ্ছা করে শুনিয়ে দিতে হবে।

চন্দ্রকান্ত, নিমাই প্রভৃতির প্রবেশ

নিবারণ। আহা! প্রস্তুত, চন্দ্রবাবু, কিছু খাবেন চলুন।

চন্দ্রকান্ত। আমাদের পরে হবে, আগে সকলের হোক।

শিবচরণ। না না, একে একে সব হয়ে যাক। চলো চন্দর, তোমাদের খাইয়ে আনি। নিবারণ, তুমি কিছু বাস্ত হোয়ো না, আমি সব ঠিক করে নিচ্ছি। কিন্তু লুচিটা কিছু কম পড়বে বোধ হচ্ছে।

নিবারণ। তা হলে কী হবে শিব!

শিবচরণ। ঐ দেখো! মিছিমিছি ভাব কেন! সে সব ঠিক হয়ে যাবে। এখন কেবল সন্দেহ-গুলো এসে পেঁছলে বাঁচি। আমার তো বোধ হচ্ছে ময়রা বেটা বায়না নিয়ে ফাঁকি দিলে।

নিবারণ। বল কী ভাই!

শিবচরণ। বাস্ত হোয়ো না, আমি সব দেখে শুনে নিচ্ছি।

[সকলকে ডাকিয়া লইয়া প্রস্থান]

## চতুর্থ দৃশ্য

বাসর-ঘর

বিনোদবিহারী। কমলমুখী ও অন্য স্ত্রীগণ

সম্মুখবর্তী পথ দিয়া আহারাথী বরষাত্রীগণ যাতায়াত করিতেছে

ইন্দুমতী। এতক্ষণে বুঝি তোমার মুখ ফুটল!

বিনোদবিহারী। আপনার ও-হাতের স্পর্শে বোবার মুখ খুলে যায়, আমি তো কেবল বর।

ক্ষান্তমণি। দেখেছিছ ভাই, আমরা এতক্ষণ এত চেষ্টা করে একটা কথা কওয়াতে পারলুম না আর ইন্দুর হাতের কানমলা খেয়ে তবে ওর কথা বেরোল।

প্রথমা। ও ইন্দু, তোর কাছে ওর কথার চাবি ছিল না কি! তুই কী কল ঘুরিয়ে দিলি লো।

দ্বিতীয়া। তা দে ভাই, তবে আর এক পাক দে। ওর পেটে যত কথা আছে বেরিয়ে যাক। (মৃদুস্বরে) জিগ্গেস কর্-না, আমাদের নার্তনিকে লাগছে কেমন—

ইন্দুমতী। কী বল ঠাকুরজামাই, তবে আর একবার দম দিয়ে নিই।

কমলমুখী। (মৃদুস্বরে) ইন্দু, তুই আর জ্বালাস নে ভাই, একটু থাম্।

ইন্দুমতী। দিদি, ওর কানে একটু মোচড় দিলেই অমনি তোমার প্রাণে শ্বিগুণ বেজে উঠছে কেন? তুমি কি ওর তানপুরের তার!

প্রথমা। ওলো ও কমল, তোর রকম দেখে তো আর বাঁচি নে। হ্যাঁ লো, এরই মধ্যে ওর কানের 'পরে তোর এত দরদ হয়েছে! তা ভাবিস নে ভাবিস নে—আমরা ওর দুটো কান কেটে নিচ্ছি নে, নিদেন একটা তোর জন্যে রেখে দেব।

চন্দ্রকান্ত। (জানলা হইতে মৃদু বাড়াইয়া) দরদ হবে না কেন। আজ থেকে উনি আমাদের বিনুদার কর্ণধার হলেন—সে কর্ণ উনি যদি না সামলাবেন তো কে সামলাবে।

দ্বিতীয়া। ও মিনসে আবার কে ভাই!

ক্ষান্তমণি। (তাড়াতাড়ি) ও বরের ভাই হয়।—ওগো, মশায়, তোমার বিনুদার হয়ে জবাব দিতে হবে না! উনি সেয়ানা হয়েছেন—এখন দিবা কথা ফুটেছে। তুমি এখন নিশ্চিন্ত হয়ে ঘরে যাও।

চন্দ্রকান্ত। যে আজ্ঞে, আদেশ পেলেই নির্ভয়ে যেতে পারি। এখন বোধ করি কিছুক্ষণ ঘরে টিকতে পারব।

[প্রস্থান]

ইন্দুমতী। না ভাই, এখানে বসে আনাগোনার রাস্তা—বাইরে ঐ দরজাটা দিয়ে আসি।

উঠিয়া দ্বারের নিকট আগমন

নিমাই। একবার উর্কি মেরে বিনুদার অবস্থাটা দেখে যেতে হচ্ছে।

ইন্দুমতীর সম্মুখে আসিয়া উপস্থিত

ইন্দুমতী। আপনারা বেশি ব্যস্ত হবেন না, আপনাদের প্রাণের বন্ধুটি জলে পড়েন নি।

নিমাই। সেজন্যে আমি কিছু ব্যস্ত হই নি। আমার নিজের একটা জিনিস হারিয়েছে আমি তারই খোঁজ করে বেড়াচ্ছি।

ইন্দুমতী। হারাবার মতো জিনিস যেখানে সেখানে ফেলে রাখেন কেন?

নিমাই। সে আমাদের জাতের স্বধর্ম—আমরা সাবধান হতে শিখি নি। সে খাতাটা যদি আপনার হাতে পড়ে থাকে—

ইন্দুমতী। খাতা? হিসেবের খাতা?

নিমাই। তাতে কেবল খরচের হিসেবটাই ছিল, জমার হিসেবটা যদি বসিয়ে দেন তো আপনার কাছেই থাক্।

ইন্দুমতী। ছি ছি, আজ আমি কী যে বকাবকি করছি তার ঠিক নেই। আজ আমার কী হয়েছে!

দ্রুত দ্বার রোধ

## তৃতীয় অঙ্ক

## প্রথম দৃশ্য

বাগবাজারের রাস্তা

নিমাই

নিমাই। আহা, এই বাড়িটা আমার শরীর থেকে আমার মনটুকুকে যেন শুষে নিচ্ছে—রাটিং যেমন কাগজ থেকে কালি শুষে নেয়। কিন্তু কোন্‌দিকে সে থাকে এ পর্যন্ত কিছুই স্থান করতে পারলুম না। ঐ যে পশ্চিমের জানলার ভিতর দিয়ে একটা সাদা কাপড়ের মতো যেন দেখা গেল—না না, ও তো নয়, ও তো একজন দাসী দেখছি—ও কী করছে। একটা ভিজ়ে শাড়ি শুকোতে দিচ্ছে। বোধ হয় তাঁরই শাড়ি। আহা, নাগাল পেলে একবার স্পর্শ করে নিতুম। তা হলে এতক্ষণে তাঁর স্নান হল। পিঠের উপরে ভিজ়ে চুল ফেলে সাফ কাপড়টি পরে এখন কী করছেন। একবার কিছুতেই কি দেখা হতে পারে না। আমরা কি বনের জন্তু। আমাদের কেন এত ভয়। এত করে এতগুলো দেয়াল গেথে এতগুলো দরজা-জানলা বন্ধ করে মানুষের কাছ থেকে মানুষ লুকিয়ে থাকে কেন।

পালকিতে শিবচরণের প্রবেশ

শিবচরণ। (বেহারার প্রতি) আরে রাখ রাখ। (পালকি হইতে অবতরণ) বেটার তবু হুঁশ নেই! দেখো-না, হাঁ করে দাঁড়িয়ে আছে দেখো-না! যেন খিদে পেয়েছে, এই বাড়ির ইটকাঠগুলো গিলে খাবে। ছোঁড়ার হল কী? খাঁচার পাখির দিকে বেড়াল যেমন তাকিয়ে থাকে তেমনি করে উপরের দিকে তাকিয়ে আছে। রোসো, এবারে ওকে জব্দ করছি—বাবাজি হাতে হাতে ধরা পড়েছেন। হতভাগা কালেজে যাবার নাম করে রোজ বাগবাজারে এসে ঘুর্ ঘুর্ করে। (নিকটে আসিয়া) বাপু, মেডিকেল কলেজটা কোন্‌দিকে একবার দেখিয়ে দাও দেখি।

নিমাই। কী সর্বনাশ! এ-যে বাবা!

শিবচরণ। শুনছ? কালেজ কোন্‌দিকে! তোমার অ্যানাটমির নোট কি ঐ দেয়ালের গায়ে লেখা আছে। তোমার সমস্ত ভক্তারি শাস্ত্র কি ঐ জানলায় গলায় দড়ি দিয়ে ঝুলছে। (নিমাই নিরন্তর) মুখে কথা নেই যে! লক্ষ্মীছাড়া, এই তোর একজামিন! এইখানে তোর মেডিকেল কলেজ!

নিমাই। খেয়েই কালেজে গেলে আমার অসুখ করে, তাই একটুখানি বেড়িয়ে নিয়ে—

শিবচরণ। বাগবাজারে তুমি হাওয়া খেতে এস? শহরের আর-কোথাও বিশুদ্ধ বায়ু নেই! এ তোমার দার্জিলিং সিমলে পাহাড়! বাগবাজারের হাওয়া খেয়ে খেয়ে আজকাল যে চেহারা বেরিয়েছে একবার আয়নাতে দেখা হয় কি। আমি বলি ছোঁড়াটা একজামিনের তাড়াতেই শুকিয়ে যাচ্ছে—তোমাকে যে ভূতে তাড়া করে বাগবাজারে ঘোরাচ্ছে তা তো জানতুম না!

নিমাই। আজকাল বেশি পড়তে হয় বলে রোজ খানিকটা করে একসেসাইজ করে নিই—

শিবচরণ। রাস্তার ধারে কাঠের পদতুলের মতো হাঁ করে দাঁড়িয়ে থেকে তোমার একসেসাইজ হয়, বাড়িতে তোমার দাঁড়াবার জায়গা নেই!

নিমাই। অনেকটা চলে এসে শ্রান্ত হয়েছিলুম তাই একটু বিশ্রাম করা যাচ্ছিল।

শিবচরণ। শ্রান্ত হয়েছি, তবে ওঠ আমার পালকিতে। যা এখনি কালেজ যা। গেরস্তর বাড়ির সামনে দাঁড়িয়ে শ্রান্তি দূর করতে হবে না!

নিমাই। সে কী কথা! আপনি কী করে যাবেন?

শিবচরণ। আমি যেমন করে হোক যাব, তুই এখন পালকিতে ওঠ। ওঠ বলছি।

নিমাই। অনেকটা জিরিয়ে নিয়েছি—এখন আমি অনায়াসে হেঁটে যেতে পারব।

শিবচরণ। না, সে হবে না—তুই ওঠ্ আমি দেখে যাই—

নিমাই। আপনার যে ভারি কষ্ট হবে।

শিবচরণ। সেজন্যে তোকে কিছ্ৰু ভাবতে হবে না—তুই ওঠ্ পালকিতে।

নিমাই। কী করি—পালকিতে ওঠা যাক, আজ সকালবেলাটা মাটি হল।

পালকি-আরোহণ

শিবচরণ। (বেহারার প্রীতি) দেখ্, একেবারে সেই পটলডাঙার কালেজে নিয়ে যাবি, কোথাও থামাবি নে!

[পালকি লইয়া বেহারাগণ প্রস্থানোন্মুখ]

নিমাই। (জনান্তিকে বেহারাদের প্রতি) মিজাপুর চন্দ্রবাবুর বাসায় চল্, তোদের এক টাকা বকশিশ দেব, ছুটে চল্।

[প্রস্থান]

শিবচরণ। আজ আর রুগি দেখা হল না। আমার সকালবেলাটা মাটি করে দিলে।

[প্রস্থান]

## দ্বিতীয় দৃশ্য

চন্দ্রকান্তের বাসা

চন্দ্রকান্ত

চন্দ্রকান্ত। নাঃ! এ আগাগোড়া কেবল ছেলেমানুষি করা হয়েছে। আমার এমন অনুতাপ হচ্ছে! মনে হচ্ছে, যেন আমিই এ-সমস্ত কাণ্ডটি ঘটিয়েছি। ইদিকে এত কল্পনা, এত কবিত্ব, এত মাতামাতি, আর বিয়ের দু-দিন না যেতে যেতেই কিছ্ৰু আর মনে ধরছে না। ওঁদের জন্যে একটি আলাদা জগৎ ফরমাশ দিতে হবে। একটি শান্তিপুরে ফিনফিনে জগৎ--কেবল চাঁদের আলো, ঝুমের ঘোর আর পাগলের পাগলামি দিয়ে তৈরি!

নিমাইয়ের প্রবেশ

নিমাই। কী হচ্ছে চন্দ্রদা।

চন্দ্রকান্ত। না, নিমাই, তোরা আর বিয়ে-থাওয়া করিস নে।

নিমাই। কেন বলো দেখি--তোমার ঘাড়ে ম্যালথসের ভূত চাপল নাকি।

চন্দ্রকান্ত। এখনকার ছেলেরা তোরা মেয়েমানুষকে বিয়ে করবার যোগ্য ন'স। তোরা কেবল লম্বাচওড়া কথা কবি আর কবিতা লিখবি, তাতে যে পৃথিবীর কী উপকার হবে ভগবান জানেন।

নিমাই। কবিতা লিখে পৃথিবীর কী উপকার হয় বলা শক্ত, কিন্তু এক-এক সময়ে নিজের কাজে লেগে যায় সন্দেহ নেই। যা হোক এত রাগ কেন।

চন্দ্রকান্ত। শুনেছ তো সমস্তই। আমাদের বিন্দুর তাঁর স্ত্রীকে পছন্দ হচ্ছে না।

নিমাই। বাস্তবিক, এ রকম গুরুতর ব্যাপার নিয়ে খেলা করাটা ভালো হয় নি।

চন্দ্রকান্ত। বিন্দুটা যে এত অপদার্থ তা কি জানতুম? একটা স্ত্রীলোককে ভালোবাসবার ক্ষমতাটুকুও নেই? একবার ভেবে দেখ্ দেখি ভাই—একটি বালিকা হঠাৎ একদিন রাতে তার আশৈশব আত্মীয়স্বজনের বন্ধন বিচ্ছিন্ন করে সমস্ত ইহকাল পরকাল তোমার বাম হস্তে তুলে দিলে আর তার পরদিন সন্ধ্যাবেলা উঠে কিনা তাকে তোমার পছন্দ হল না! এ কি পছন্দের কথা!

নিমাই। সেইজন্য তো ভাই, গোড়ায় একবার দেখে শূনে নেওয়া উচিত ছিল। তা এখন কী করবে বলো দেখি।

চন্দ্রকান্ত। আমি তো আর তার মূখদর্শন করছি নে। এই নিয়ে তার সঙ্গে আমার ভারি ঝগড়া হয়ে গেছে।

নিমাই। তুমি তাকে ছাড়লে সে যে নেহাত অধঃপাতে যাবে।

চন্দ্রকান্ত। না, তার সঙ্গে আমি কিছুতেই মিশছি নে, সে যদি আমার পায়ে ধরে এসে পড়ে তবু না। তুমি ঠিক বলেছিলে নিমাই, আজকাল সবাই যাকে ভালোবাসা বলে সেটা একটা স্নায়ুর ব্যামো—হঠাৎ কাঁপুনি দিয়ে ধরে, আবার হঠাৎ ঘাম দিয়ে ছেড়ে যায়।

নিমাই। সে-সব বিজ্ঞানশাস্ত্রের কথা পরে হবে, আপাতত আমার একটা কাজ করে দিতে হচ্ছে।

চন্দ্রকান্ত। যে কাজ বল তাতেই রাজি আছি কিন্তু ঘটকালি আর করছি নে।

নিমাই। ঐ ঘটকালিই করতে হবে।

চন্দ্রকান্ত। (বাগ্যভাবে) কী রকম শূনি।

নিমাই। বাগবাজারের চৌধুরীদের বাড়ির কাদম্বিনী, তার সঙ্গে আমার—

চন্দ্রকান্ত। (উচ্চস্বরে) নিমাই, তোমারও কবিত্ব! তবে তোমারও স্নায়ু বলে একটা বালাই আছে!

নিমাই। তা আছে ভাই। বোধ হয় একটু বেশি পরিমাণেই আছে। অবস্থা এমনি হয়েছে কিছুতেই একজামিনের পড়ায় মন দিতে পারি নে—শিগগির আমার একটি সম্পত্তি না করলে—

চন্দ্রকান্ত। বুঝেছি। কিন্তু নিমাই, আমার ঘাড়ে পাপের বোঝা আর চাপাস নে। ভেবে দেখ, পৃথিবীতে জন্মগ্রহণ করে দুটি অবলার সর্বনাশ করেছে—একটিকে স্বহস্তে নিয়েছি, আর একটিকে প্রিয় বন্ধুর হাতে সমর্পণ করেছি—আর স্ত্রীহত্যার পাতকে আমাকে লিপ্ত করিস নে।

নিমাই। কিছু ভেবো না ভাই। এবার যা করবে তাতে তোমার পূর্বকৃত পাপের প্রায়শ্চিত্ত হবে।

চন্দ্রকান্ত। ভালা মোর দাদা। এ বেশ কথা বলেছিস ভাই। সকাল থেকে মরে ছিলুম। এখন একটু প্রাণ পাওয়া গেল। আমি এক্ষণি যাচ্ছি। চাদরখানা নিয়ে আসি। অমনি বড়োবউয়ের পরামর্শটাও জানা ভালো।

[প্রস্থান]

(অনতিবিলম্বে ছুটিয়া আসিয়া) বড়োবউ রাগ করে বাপের বাড়ি চলে গেছে। এ-সমস্তই কেবল তোদের জন্যে। না, আমি আর তোদের কারো সঙ্গে কোনো সম্পর্ক রাখছি নে। তোরা পাঁচ-জনে এসে জুটিস, আমিও ছেলেমানুষদের সঙ্গে মিশে যা মূখে আসে তাই বকি, আর এই-সমস্ত অনর্থ বাধে। আমার চিরকালের ঘরের স্ত্রীটিকেই যদি ঘরে না রাখতে পারব তো তোদের স্ত্রী জুটিয়ে দিয়ে আমার কী এমন পরমার্থ লাভ হবে বল্ দেখি। না, তোদের কারো সঙ্গে আমি আর বাক্যালাপ করছি নে।

বিনোদবিহারী ও নালিনাক্ষের প্রবেশ

বিনোদবিহারী। চন্দ্রদা, তুমি আমার উপর রাগ করে চলে এলে ভাই, আমি আর থাকতে পারলুম না।

চন্দ্রকান্ত। না ভাই, তোদের উপর কি আমি রাগ করতে পারি। তবে মনে একটু দুঃখ হয়েছিল তা স্বীকার করি।

বিনোদবিহারী। কী করব চন্দ্রদা। আমি এত চেষ্টা করছি কিছুতেই পেরে উঠছি নে—

চন্দ্রকান্ত। কেন বল্ দেখি। ওর মধ্যে শক্তটা কী। মেয়েমানুষকে ভালোবাসতে পারিস নে? তুই কি কাঠের পতুল।

নলিনাক্ষ। চন্দ্রবাবুর সঙ্গে কিন্তু আমার মতের একটুও মিল হচ্ছে না। ভালোবাসা কখনো জোর করে হয় না। একটা গান আছে -

ভালোবাসিবে বলে ভালোবাসি নে।

আমার স্বভাব এই তোমা বই আর জানি নে।

আমি কিন্তু বিনু, সম্পূর্ণ তোমার দিকে।

বিনোদবিহারী। নলিন, একটু থাম্ তুই—এই বড়ো দুঃখের সময় আর হাসাস নে! চন্দ্রদা, কী জানি ভাই, একাদিক্রমে পঁচিশ বৎসরকাল বিয়ে না করে বিয়ে না করাটাই খেন একেবারে মূখস্থ হয়ে গেছে। এখন হঠাৎ এই বিয়েটা কিছতেই মনের মধ্যে গ্রহণ করতে পারছি নে।

চন্দ্রকান্ত। তোর পায়ে পাড়ি বিনু, তুই আমার গা ছুঁয়ে বল, নিদেন আমার খাতিরে তোর শ্রীকে ভালোবাসবি। মনে কর, তুই আমার বোনকে বিয়ে করেছিস।

নলিনাক্ষ। চন্দ্রবাবুর এ নিতান্ত অন্যায় কথা! বিনুর প্রতি উনি—

বিনোদবিহারী। তুই আর জ্বালাস নে নলিন। বৃদ্ধেই চন্দ্রদা, যা-কিছু মনে করবার তা করেছি—তাকে আমি চোখ বুজে পরী অম্পরী রম্ভা তিলোত্তমা বলে কল্পনা করি কিন্তু তাতে ফল পাই নে। তবে সত্যি কথা বলি চন্দ্র, আসলে হয়েছে কী, আজকাল টাকার বড়ো টানাটানি—বই থেকে কিছু পাই নে, দেশে যা বিষয় আছে মামাতো ভাইরা লুঠ করে খেলে—নিজে পাড়াগাঁয়ে পড়ে থেকে বিষয় দেখা, সে মরে গেলেও পারব না—ওকালতি ব্যাবসা সবে ধরেছি, ঘর থেকে কেবল গাড়িভাড়াই দিচ্ছি। একলা যখন থাকতুম, আমার কোণের ঘরের ভাঙা চৌকিটিতে এসে বসতুম, আপনাকে রাজা মনে হত। এখন নড়তে চড়তে কেবল মনে হয় আমার এই ভাঙা ঘর ছেঁড়া বিছানাটুকুও বেদখল হয়ে গেছে—আমাকে আর কোথাও ভালো করে ধরে না। নিমাই, তুমি শুনো রাগ করছ, কিন্তু একটু বৃদ্ধে দেখো, একটা জুতোর মধ্যে দুটো পা ঢোকে না, তা দুই পায়ে যতই প্রণয় থাক্।

নলিনাক্ষ। বিনু যা বলছে ওর সমস্ত কথাই আমি মানি।

নিমাই। তা হলে তোমার ভালোবাসার অভাব নেই, কেবল টাকার অভাব।

বিনোদবিহারী। কথাটা যে প্রায় একই দাঁড়ায়—

নিমাই। কী বল! কথাটা একই! ভালোবাসাকে তুমি একেবারে উড়িয়ে দিতে চাও—

বিনোদবিহারী। না ভাই, আমি ভালোবাসাটাকে স্নায়ুর ব্যামো কিংবা মিথ্যে বলছি নে; আমি বলছি ও জিনিসটা কিছু শৌখিন জাতের। ওর বিস্তার আসবাবের দরকার। টানাটানির বাজারে ওকে নিয়ে বড়ো বিব্রত হয়ে পড়তে হয়। আমি বেশ বৃদ্ধতে পারি, চতুর্দিকটি বেশ মনের মতো হত, ট্রামের ঘড়ঘড় না থাকত, দাসীমাগী ঝগড়া না করত, গয়লা ঠিক নিয়মিত দুধ জোগাত এবং দাম না চাইত, মাসান্তে বাড়িওয়ালা একবার করে অপমান করে না যেত, জজসাহেব বিচারাসনে বসে আমার ইংরিজি ভুল সংশোধন করে না দিত, তা হলে আমিও ক্রমে ক্রমে ভালোবাসতে পারতুম—কিন্তু এখন সংগীত, চাঁদের আলো, প্রেমালাপ, এ কিছুই রুচছে না—আমার পটলডাঙার সেই বাসার মধ্যে এ-সমস্ত শৌখিন জিনিস পুষতে পারছি নে।

চন্দ্রকান্ত। ভালোবাসা যে এতবড়ো ফুলবাবু তা জানতুম না—কী করেই বা জানব, ওর সঙ্গে আমার কখনোই পরিচয় নেই।

নিমাই। ছি ছি বিনোদ, তোমার এতদিনকার কবিছ শেষকালে পয়সার খলির মধ্যে গুঁজলে হে!

বিনোদবিহারী। নিমাই, তুমি এমন কথাটা বললে! আমি দুর্গন্ধ পয়সার কাঙাল! ছোঃ! অভাবকে কি আমি অভাব বলে ডরাই—তা নয়, কিন্তু তার চেহারাটা অতি বিদ্রী, জীর্ণশীর্ণ, মলিন, কুৎসিত, কদাকার, হাড়-বের-করা; নিতান্ত গায়ের কাছে তাকে সর্বদা সহ্য হয় না। তার ময়লা হাতে সে পৃথিবীর যা-কিছু ছোঁয় তাই দাগী হয়ে যায়, তা চাঁদের আলোই বল, আর প্রেমসীর হাসিই বল। এতদিন আমার টাকা ছিল না, অভাবও ছিল না—বিয়ের পর থেকে দারিদ্র্য বলে

একটা কদর্য মড়াথেকো শ্মশানের কুকুর জিব বের করে সর্বদা আমার চোখের সামনে হাঁহাঁ করে বেড়াচ্ছে—তাকে আমি দূর-চক্ষে দেখতে পারি নে। আসল কথা, আমার চারি দিকে আমি একটি সৌন্দর্যের সামঞ্জস্য দেখতে চাই—জীবনটি বেশ একটি অখণ্ড রাগিণীর মতো হবে, তবে আমার মধ্যে যার্কিছু পদার্থ আছে তা ভালো করে প্রকাশ পাবে। কিন্তু আমার এই নতুন স্ত্রীর সঙ্গে আমার পুরানো অবস্থার ঠিক সদর মেলাতে পারছি নে, আমার কোনো জিনিস তাঁকে কেমন খাপ খাচ্ছে না, আর তাই ক্রমাগত আমাকে ছুঁচের মতো বিধছে। থাকত যদি আরব্য উপন্যাসের একটি পোষা দৈত্য, স্ত্রী ঘরে পদার্পণ করলেন অমনি একটি কিংকরী সোনার থালে হ্যামিস্টনের দোকানের সমস্ত ভালো ভালো গয়না এনে তাঁর পায়ের কাছে রেখে গেল, দূর-জন দাসী বসবার ঘরে মছলন্দ বিছিয়ে চামর হাতে করে দুই দিকে দাঁড়াল, চারি দিক থেকে সংগীত উঠছে, বাগান থেকে ফুলের গন্ধ আসছে—যেদিকে চোখ পড়ছে তক-তক ঝক-ঝক করছে—সে হলে একরকম হত—আর এই এক জীর্ণ ঘরে ছেঁড়া মাদুরে উঠতে-বসতে লজ্জিত হয়ে আছি! যা বলিস ভাই, স্ত্রীর কাছে মান রাখতে সকলেরই সাধ যায়, এমন-কি, সেইজন্যে মন্দ বলে গেছেন স্ত্রীর কাছে মিথ্যা বলতে পাপ নেই। তা ভাই, মিথ্যা কথা দিয়ে যদি আমার পটলডাঙার বাসাটা ঢেকে ফেলতে পারতুম, আমার বর্তমান অবস্থা আগাগোড়া গিলটি করে দিতে পারতুম, তা হলে মিথ্যে আমার মুখে বাধত না—কিন্তু এতখানি ছেঁড়া বেরিয়ে পড়ছে যে কেবল কথা দিয়ে আর রিফ চলে না। এখন এ অবস্থায় সে কি আমাকে মনে মনে শ্রদ্ধা করতে পারে। আমার মধ্যে যেটুকু পদার্থ আছে সে কি আমি তার কাছে প্রকাশ করতে পেরেছি। আমার সঙ্গে প্রথম পরিচয়েই সে আমাকে কী হীনতার মধ্যে দেখছে বলো দেখি। তুমি কি বল এ অবস্থায় মানুষের বসে বসে প্রেমলাপ করতে শখ যায়। এই তো ভাই আমার ঘেরকম স্বভাব তা খুলে বললুম, খুব যে উঁচুদের বীরত্বময় মহত্বপূর্ণ তা নয়—কিন্তু উঁচু নিচু মাঝারি এই তিন রকমেরই মানুষ আছে, ওর মধ্যে আমাকে যে দলেই ফেল আমার আপত্তি নেই—কিন্তু ভুল বুঝো না।

চন্দ্রকান্ত। তোমার সঙ্গে বস্তুতঃ কে পারবে বলো। যা হোক, এখন কর্তব্য কী বলো দেখি।

বিনোদবিহারী। আমি তাঁকে তাঁর বাপের বাড়ি পাঠিয়ে দিয়েছি।

চন্দ্রকান্ত। তুমি নিজে চেষ্টা করে? না তিনি রাগ করে গেছেন?

বিনোদবিহারী। না, আমি তাঁকে একরকম বুঝিয়ে দিলুম—

চন্দ্রকান্ত। যে, এখানে তিনি টিকতে পারবেন না! তুমি সব পার। যদি বন্ধুত্ব রাখতে চাও তো ও-আলোচনায় আর কাজ নেই, তোমার যা কর্তব্য বোধ হয় তুমি করো। নিমাই ভাই, তোমার সে-কথাটা মনে রইল—আগে একবার নিজের শব্দরবারিডটা ঘুরে আসি, তার পরে বেশ উৎসাহের সঙ্গে কাজটায় লাগতে পারব। বিন্দু, আজ আমার মনটা কিছু অস্থির আছে, আজ আর থাকতে পারছি নে—কাল তোমার বাসায় একবার যাওয়া যাবে।

[প্রস্থান]

নলিনাক্ষ। চলো ভাই বিন্দু, আমরা দুজনে মিলে গোলদিঘির ধারে বেড়াতে যাইগে।

বিনোদবিহারী। আমার এখন গোলদিঘি বেড়াবার শখ নেই নলিন। সেখানে যখন যাব একেবারে দিড়-কলসি হাতে করে নিয়ে যাব।

নলিনাক্ষ। কেন ভাই, অনর্থক তুমি ওরকম মন খারাপ করে রয়েছ? একে তো এই পোড়া সংসারে যথেষ্ট অসুখ আছে তার পরে আবার—

বিনোদবিহারী। বন্ধু লাগলে আরো অসহ্য হয়ে ওঠে।

নলিনাক্ষ। কী করলে তোমার দশ হৃদয়ে আমি একটুখানি সান্ত্বনা দিতে পারি ভাই।

বিনোদবিহারী। নলিন, তোর দুটি পায়ে পড়ি আমাকে সান্ত্বনা দেবার জন্যে এত অবিগ্রাম চেষ্টা করিস নে, মাঝে মাঝে একটু একটু হাঁপ ছাড়তে দিস!

নলিনাক্ষ। তুমি এখন কোথায় যাচ্ছ?

বিনোদবিহারী। বাড়ি যাচ্ছি।

নলিনাক্ষ। তবে আমিও তোমার সঙ্গে যাই। এখন তুমি সেখানে একলা, মনে করছি কিছু দিন তোমার সঙ্গে একত্রে থেকে—

বিনোদবিহারী। না না, আমি শীঘ্রই আমার স্ত্রীকে ঘরে আনাছি—নলিন, আজ ভাই তুমি চন্দ্রকে নিয়ে গোলদিঘাতে বেড়াতে যাও—আমাকে একটু ছুটি দিতেই হচ্ছে।

নলিনাক্ষ। (সনিশ্বাসে) তবে বিদায় ভাই! কিন্তু এই শেষ কথা বলে যাচ্ছি, যাঁদের তুমি তোমার প্রাণের বন্ধু বলে জান, তাঁরা তোমাকে হয়তো এক কথায় ত্যাগ করতে পারেন কিন্তু নলিনাক্ষ তোমাকে কখনোই ছাড়বে না।

বিনোদবিহারী। সে আমি খুবই জানি নলিন।

নলিনাক্ষ। আর এটা নিশ্চয় মনে রেখো, তুমি যা কর আমি তোমার পক্ষে আছি।

[প্রস্থান]

## দ্বিতীয় দৃশ্য

নিবারণের অন্তঃপদ্য

ইন্দুমতী ও কমলমুখী

কমলমুখী। না ভাই ইন্দু, ওরকম করে তুই বলিস নে। তুই যতটা বাড়িয়ে দেখাছিস আসলে ততটা কিছু নয়--

ইন্দুমতী। না, তা কিছু নয়! তিনি অতি উত্তম কাজ করেছেন—বাঙালির ঘরে এতবড়ো মহাপুরুষ আর জন্মগ্রহণ করেন নি—ওঁর মহত্বের কথা সোনার জলে ছাপিয়ে কপালে মেরে ওঁকে একবার ঘরে ঘরে দেখিয়ে আনলে হয়। দিদি, এই ক-দিনে তোর বুদ্ধি খারাপ হয়ে গেছে। তুই কি বলতে চাস আমাদের বিনোদবাবু ভারি উদার স্বভাবের পরিচয় দিয়েছেন।

কমলমুখী। তুই ভাই সব কথা বড়ো বেশি বাড়িয়ে বলিস, ওটা তোর একটা দোষ ইন্দু। একবার ভালো করে ভেবে দেখ্ দেখি, হঠাৎ একজন লোককে বলা গেল আজ থেকে তুমি অম্লক লোকটাকে ভালোবাসবে, সে যদি অম্লন তক্খনি ঘোড়ায় চড়ে আদেশ পালন করতে না পারে তা হলে তাকে কি দোষ দেওয়া যায়। বিয়ের মন্তর সত্যি যদি ভালোবাসার মন্তর হত তা হলে খেমাপিসির এমন দুর্দশা কেন, তা হলে বিরাজাদিদি এতকাল কেন্দে মরছেন কেন।

ইন্দুমতী। ভাই, তোকে দেখে আমি আশ্চর্য হয়ে গেছি। বিয়ের মন্তর যে ভালোবাসার মন্তর নয় তা কে বলবে। আচ্ছা দিদি, এক রাত্তিরে তোর এত ভালোবাসা জন্মাল কোথা থেকে—বিয়ে হলে কী রকম মনে হয় আমাকে সত্যি করে বল্ দেখি।

কমলমুখী। কী জানি, বিয়ের পরেই মনে হয়, বিধাতা সমস্ত জগৎ থেকে একটি মানুষকে স্বতন্ত্র করে নিয়ে তার সমস্ত স্নেহদুঃখের ভার আমার উপর দিলেন—আমি তাকে দেখব, সেবা করব, যত্ন করব, তার সংসারের ভার লাঘব করব, আর-সকলের কাছ থেকে তার সমস্ত দোষ-দুর্বলতা আবরণ করে রেখে দেব। এইমাত্র যে তাকে বিয়ে করলাম তা মনে হয় না; মনে হয় আজন্ম কাল এবং জন্মবার পূর্বে থেকে এই একমাত্র মানুষের সঙ্গে আমার সম্বন্ধ হয়েছিল—

ইন্দুমতী। তোর যদি এতটা হল, তো বিনোদবাবুর হয় না কেন?

কমলমুখী। তুই বুঝিস নে ইন্দু ওরা যে পুরুষমানুষ। আমাদের এক ভাব ওদের আর-এক ভাব। জানিস নে, মার কোলে ছেলটি হবামাত্রই সে কালোই হোক আর সন্দরই হোক তাকে সেই মূহূর্ত থেকে ভালোবাসতে না পারলে এ সংসার চলে না—তেমনি স্ত্রীর অদৃষ্টে যে-স্বামীই জোটে তক্খনি যদি সে তাকে ভালোবাসতে না পারে তা হলে সে স্ত্রীরই বা কী দশা হয় আর এই পৃথিবীই বা টেকে কী করে। মেয়েমানুষের ভালোবাসা সবর করতে পারে না, বিধাতা তার



হাতে সে অবসর দেন নি। পুরুষমানুষ রয়ে বসে অনেক ঠেকে অনেক ঘা খেয়ে তার পরে ভালো-বাসতে শেখে, ততদিন পৃথিবী সবদূর করে থাকে, কাজের ব্যাঘাত হয় না।

ইন্দুমতী। ইস! কী সব নবাব! আচ্ছা, দিদি তুই কি বলিস নিমে গয়লার সঙ্গে আজই যদি আমার বিয়ে হয় অমনি কাল ভোর থেকেই তাড়াতাড়ি তার চরণদুটো ধরে সেবা করতে বসে যাব—মনে করব, ইনি আমার চিরকালের গয়লা, আমার পূর্ব জন্মের গয়লা, বিধাতা এঁকে এবং এঁর অন্য গোরুগুলিকে গোয়ালসুন্দর আমারই হাতে সমর্পণ করে দিয়েছেন।

কমলমুখী। ইন্দু, তুই কী যে বকিস আমি তোর সঙ্গে পেরে উঠি নে! নিমে গয়লাকে তুই বিয়ে করতে যাবি কেন—সে একে গয়লা তাতে আবার তার দুই বিয়ে।

ইন্দুমতী। আচ্ছা, না হয় নিমে গয়লা নাই হল—পৃথিবীতে নিমাইচন্দ্রের তো অভাব নেই।

কমলমুখী। তা, তোর অদৃষ্টে যদি কোনো নিমাই থাকে তা হলে অবশ্য তাকে ভালোবাসবি—

ইন্দুমতী। ক'খনো বাসব না! আচ্ছা, তুমি দেখো। বিয়ে করেছি বলেই যে অমনি তার পর-দিন থেকে নিমাই নিমাই করে খেপে বেড়াব আমাকে তেমন মেয়ে পাও নি। আমি দিদি, তোর মতন না ভাই! তোরা ঐরকম করিস বলেই তো পুরুষগুলোর দেমাক বেড়ে যায়। নইলে তাদের আছে কী? যেমন মূর্তি তেমনি স্বভাব! সাধে তাদের পায়া ভারী হয়—তোদের যে সেই পায়ে তেল দিতে একদণ্ড ভর সময় না। তুই হাসছিস দিদি, কিন্তু আমি সত্যি বলছি, ঐ দাড়িমুখগুলো না হলে কি আর আমাদের একেবারে চলে না। কেন ভাই, তোতে আমাতে তো বেশ ছিলুম। আমাদের কিসের অভাব ছিল। মাঝখানে একজন অপরিচিত পুরুষ এসে আমাদের অপমান করে যায় কেন। যেন আমরা ওঁদের বাড়ির বাগানের বেগুন, ইচ্ছে করলেই তুলে নিতে পারেন, ইচ্ছে করলেই ফেলে দিতে পারেন। আচ্ছা, মনে কর-না, আমিই তোর স্বামী। আমি তোকে যত যত্ন করব, যত ভালোবাসব, তোর সাতগুণ্ডা গোফদাড়ি তেমন পারবে না।

কমলমুখী। আসলে জানিস ইন্দু, ওদের না হলে আমাদের চলতে পারে কিন্তু আমাদের না হলে পুরুষমানুষের চলে না, সেইজন্যে ওদের আমরা ভালোবাসি। ওরা নিজের যত্ন নিজে করতে জানে না—ওদের সর্বদা সামলে রাখবার এবং দেখবার লোক একজন চাই। মনে হয়, যেন আমাদের চেয়ে ওদের ঢের বেশি জিনিসের দরকার, ওদের মস্ত শরীর, মস্ত খিদে, মস্ত আবদার। আমাদের সব তাতেই চলে যায়, ওদের একটু কিছ্ হলেই একেবারে অস্থির হয়ে পড়ে। আমাদের মতো ওদের এমন মনের জোর নেই—ওরা এত সহ্য করতে পারে না। সেইজন্যেই তো ওদের এতটা বেশি ভালোবাসতে হয়, নইলে ওদের কী দশা হত।

#### নিবারণের প্রবেশ

নিবারণ। মা, তোমাকে দেখলে আমি চোখের জল রাখতে পারি নে। আমার মার কাছে আমি অপরাধী—তোমার কাছে আমার দাঁড়ানো উচিত হয় না।

কমলমুখী। কাকা, আপনি অমন করে বলবেন না, আমার অদৃষ্টে যা ছিল তাই হয়েছে—

ইন্দুমতী। বাবা, আসলে যার অপরাধ তাকে কিছ্ না বলে তার অপরাধ তোমরা পাঁচজনে কেন ভাগ করে নিচ্ছ আমি তো বদ্বতে পারি নে।

নিবারণ। থাক মা, সে-সব আলোচনা থাক—এখন একটা কাজের কথা বলি, কমল, মন দিয়ে শোনো। তোমাকে এতদিন গরিবের মেয়ে বলে পরিচয় দিয়ে এসেছি, সে-কথাটা ঠিক নয়। তোমার বাপের বিষয়সম্পত্তি নিতান্ত সামান্য ছিল না—আমারই হাতে সে-সমস্ত আছে—ইতিমধ্যে অনেক টাকা জমেছে এবং সুদেও বেড়েছে। তোমার বাপ বলে গিয়েছিলেন তোমার কুড়ি বৎসর বয়স হলে তবে এই সমস্ত বিষয়সম্পত্তি তোমার হাতে দেওয়া হয়। তাঁর আশংকা ছিল পাছে তোমার বিষয়ের লোভে কেউ তোমাকে বিবাহ করে, তার পরে মদ খেয়ে অসং ব্যয় করে উড়িয়ে দেয়! তোমার বয়ঃপ্রাপ্ত হয়ে বিষয় পেলে তুমি তার ইচ্ছামত ব্যবহার করতে পারবে। যদিও তোমার

সে বয়স হয় নি, কিন্তু সুবুদ্ধিতে তোমার সমান আর কে আছে মা! অতএব তোমার সমস্ত বিষয় তুমি এখনই নাও। খুব সম্ভব তা হলে তোমার স্বামীও তোমার কাছে আপনি এসে ধরা দেবে।

ইন্দুমতী। (কানে কানে) বেশ হয়েছে ভাই, এইবার তুই খুব জন্ম করে নিস!

কমলমুখী। কাকা, তাঁকে আপনি এ সংবাদ দেবেন না। আর, এ কথাটা যাতে কেউ টের না পায় আপনাকে তাই করতে হবে।

নিবারণ। কেন বলো দেখি মা।

কমলমুখী। একটু কারণ আছে। সমস্তটা ভেবে আপনাকে পরে বলব।

নিবারণ। আচ্ছা।

[প্রস্থান]

ইন্দুমতী। তোর মতলবটা কী আমাকে বল্ তো।

কমলমুখী। আমি আর-একটা বাড়ি নিয়ে ছদ্মবেশে গুর কাছে অন্য স্ত্রীলোক বলে পরিচয় দেব।

ইন্দুমতী। সে তো বেশ হবে ভাই। তা হলে আবার তোর সঙ্গে তার ভাব হবে। ওরা ঠিক নিজের স্ত্রীকে ভালোবেসে সুখ পায় না। কিন্তু বরাবর রাখতে পারবি তো?

কমলমুখী। বরাবর রাখবার ইচ্ছে তো আমার নেই বোন—

ইন্দুমতী। ফের আবার এক দিন স্বামী-স্ত্রী সাজতে হবে নাকি।

কমলমুখী। হাঁ ভাই, যতদিন যবনিকাপতন না হয়।

## তৃতীয় দৃশ্য

নিমাইয়ের ঘর

নিমাই ও শিবচরণ

শিবচরণ। এই বড়োবয়েসে তুই যে একটা সামান্য বিষয়ে আমাকে এত দুঃখ দিবি তা কে জানত।

নিমাই। বাবা, এটা কি সামান্য বিষয় হল।

শিবচরণ। আরে বাপু, সামান্য না তো কী। বিয়ে করা বই তো নয়। রাস্তার মট্টেমজুর-গুলোও যে বিয়ে করছে। ওতে তো খুব বেশি বুদ্ধি খরচ করতে হয় না, বরঞ্চ কিছু টাকা খরচ আছে, তা সেও বাপমায়ে জোগায়। তুই এমন বুদ্ধিমান ছেলে, এতগুলো পাস করে শেষকালে এইখানে এসে ঠেকল?

নিমাই। আপনি তো সব শুনছেন—আমি তো বিয়ে করতে অসম্মত নই—

শিবচরণ। আরে, তাতেই তো আমার বুঝতে আরো গোল বেধেছে। যদি বিয়ে করতেই আপত্তি না থাকে তবে না হয় একটাকে না করে আর-একটাকেই করলি। নিবারণকে কথা দিয়েছি—আমি তার কাছে মদ্য দেখাই কী করে।

নিমাই। নিবারণবাবুকে ভালো করে বুঝিয়ে বললেই সব—

শিবচরণ। আরে, আমি নিজে বুঝতে পারি নে, নিবারণকে বোঝাব কী। আমি যদি তোর মাকে বিয়ে না করে তোর মাসিকে বিয়ে করবার প্রস্তাব মদ্যে আনতুম, তা হলে তোর ঠাকুরদাদা কি আমার দুখানা হাড় একটু রাখত। পড়েছিঁস ভালোমানুষের হাতে—

নিমাই। শুনছিঁ আমার ঠাকুরদামশায়ের মেজাজ ভালো ছিল না—

শিবচরণ। কী বলিস বোটা! মেজাজ ভালো ছিল না! তোর বাবার চেয়ে তিন-শো গুণে ভালো ছিল! কিছ্ বলি নে বলে বটে!—সে যা হোক, এখন যা হয় একটা কথা ঠিক করেই বল্।

নিমাই। আমি তো বরাবর এক কথাই বলে আসছি।

শিবচরণ। (সরোষে) তুই তো বলছিছ এক কথা। আমিই কি এক কথার বেশি বলছি। মাঝের থেকে কথা যে আপনাই দ্দুটো হয়ে যাচ্ছে। আমি এখন নিবারণকে বলি কী। তা সে যা হোক, তুই তা হলে নিবারণের মেয়ে ইন্দুমতীকে কিছ্ তেই বিয়ে করবি নে? যা বলবি এক কথা বল্।

নিমাই। কিছ্ তেই না বাবা।

শিবচরণ। একমাত্র বাগবাজারের কাদম্বিনীকেই বিয়ে করবি? ঠিক করে বলিস।

নিমাই। সেইরকমই স্থির করছি—

শিবচরণ। বড়ো উত্তম কাজ করেছে—এখন আমি নিবারণকে কী বলব?

নিমাই। বলবেন, আপনার অবাধ্য ছেলে তাঁর কন্যা ইন্দুমতীর যোগ্য নয়।

শিবচরণ। কোথাকার নির্লজ্জ! আমাকে আর তোর শেখাতে হবে না। কী বলতে হবে তা আমি বিলক্ষণ জানি। তবে ওর আর কিছ্ তেই নড়চড় হবে না?

নিমাই। না বাবা, সেজন্যে আপনি ভাববেন না।

শিবচরণ। আরে ম'ল! আমি সেইজন্যেই ভেবে মরিছি আর-কি। আমি ভাবছি, নিবারণকে বলি কী!

## চতুর্থ অঙ্ক

### প্রথম দৃশ্য

### সুসজ্জিত গৃহ

### বিনোদবিহারী

বিনোদবিহারী। এরা বেছে বেছে এত দেশ থাকতে আমাকে উকিল পাকড়ালে কী করে আমি তাই ভাবছি। আমার অদৃষ্ট ভালো বলতে হবে। এখন টিকতে পারলে হয়। যখন মেয়ে প্রভু তখন একটু একটু আশা হয়—একবার কোনো সুযোগে মনটি জোগাড় করতে পারলে স্থায়ী সম্বন্ধে আর কোনো ভাবনা নেই। তা বলি, স্ত্রীলোকের থাকবার স্থান এই বটে। ওরা যে রানীর জাত, দারিদ্র্য ওদের আদবে শোভা পায় না। পুরুষমানুষ জন্মগরিব—সাজসজ্জা ঐশ্বর্য অলংকার আমাদের তেমন মানায় না। সেইজন্যেই তো লক্ষ্মী যেমন সৌন্দর্যের দেবতা তেমনি ধনের দেবতা। শিবটা হল ভিক্ষুক আর দুর্গা হলেন অন্নপূর্ণা। মেয়েমানুষ একেবারে ভরা ভাণ্ডারের মাঝখানে এসে দাঁড়াতে চারি দিক ঝলসে দেবে—কোথাও যে কিছ্ অভাব আছে তা কারো চোখে পড়বে না, মনে থাকবে না। আর আমরা গোলাম ওদের জন্যে দিনরাত্রি মজুদরি করে মরব। বাস্তবিক, ভেবে দেখতে গেলে পুরুষের যে এত বেশি খেতে মরে সে কেবল মেয়েরা খাটবার জন্যে হয় নি বলে—পাছে ওদেরও খাটতে হয়, সেইজন্যে পুরুষকে পুরুষ আর মেয়ে দুয়ের জন্যেই একলা খেতে দিতে হয়—এইজন্যেই পুরুষের চেহারা এবং ভাবখানা এমন চোয়াড়ের মতো—কেবল খেতে খাবার উপযুক্ত—খাটুনির মতো এমন আর-কিছ্ তাকে শোভা পায় না। রানী বসন্তকুমারীকে বোধ করি এই অতুল ঐশ্বর্যেরই উপযুক্ত দেখতে হবে। আমি বেশ দেখতে পাচ্ছি তাঁর এমন একটি মহিমা আছে যে, তাঁর পায়ের নীচে পৃথিবী নিজের ধূলোমাটির জন্যে ভারি অপ্রতিভ হয়ে পড়ে আছে। কী করবে, বেচারার নড়ে বসবার জায়গা নেই।

ঘোমটা পরিয়া কমলমুখীর প্রবেশ

যা মনে করেছিলুম তাই বটে। আহা, মুখটি দেখতে পেলে বেশ হত।—আপনি আমাকে ডেকে পাঠিয়েছেন?

কমলমুখী। হাঁ। আপনি বোধ হয় আমার অবস্থা সবই জানেন।

বিনোদবিহারী। কিছ্ কিছু শুনোছি।—গলাটা যে তারই মতন শোনাচ্ছে। সব মেয়েরই গলা প্রায় একরকম দেখছি। কিন্তু তার চেয়ে কত মিষ্টি!

কমলমুখী। আমার পুরুষ অভিভাবক কেউ নেই—বিবাহ করি নি পাছে স্বামী আমার চেয়ে আমার বিষয়সম্পত্তির বেশি আদর করেন—পাছে শাস্ট্রকু নিয়ে আমাকে খোলার মতো ফেলে দেন।

বিনোদবিহারী। আপনি আমাকে বৈষয়িক পরামর্শের জন্যে ডেকেছেন অন্য কোনো বিষয়ে কথা বলা আমার উচিত হয় না; কিন্তু মানুষের মানসিক বিষয়েও আমার কিছু অভিজ্ঞতা আছে। আপনি বোধ হয় শুনে থাকবেন আমি অবসরমত কিঞ্চৎ সাহিত্যচর্চাও করে থাকি। আমাকে ক্ষমা করবেন, কিন্তু বিবাহ সম্বন্ধে আপনি যেরকম ভাবছেন ওটা আপনার ভুল। যেমন বোঁটার সঙ্গে ফুল তেমনি ধনের সঙ্গে স্ত্রী। অর্থাৎ ধন থাকলে স্ত্রীকে গ্রহণ করবার সন্নিবিধা হয়—নইলে তাকে বেশ স্বেচ্ছাচাররূপে ধরে রাখবার সন্নিযোগ হয় না। অনেক সময় বোঁটা নেই বলে ফুল হাত থেকে পড়ে যায়, কিন্তু এতবড়ো অরসিক মূর্খ কে আছে যে ফুল ফেলে দিয়ে বোঁটাটি রেখে দেয়!

কমলমুখী। আমি পুরুষজাতকে ভালো চিনি নে, কাজেই সাহস পাই নে। যাই হোক, সংসারকার্যে পুরুষেরা যতই অনাবশ্যক হোক বিষয়কর্ম তাদের না হলে চলে না। তাই আমি আমার সমস্ত বিষয়সম্পত্তির অধ্যক্ষতার ভার আপনার উপর দিতে ইচ্ছে করি—

বিনোদবিহারী। আমার প্রাণপণ সাধো আমি আপনার কাজ করে দেব। সে যে কেবল বেতনের প্রত্যাশায়, অনুগ্রহ করে তা মনে করবেন না। আমাকে কেবলমাত্র আপনার ভৃত্য বলে জানবেন না, আমি—

কমলমুখী। না না, আপনি ভৃত্যের ভাবে থাকবেন কেন—আপনাকে আমার বন্ধুস্বরূপ জ্ঞান করব—আপনি মনে করবেন যেন আপনারই কাজ আপনি করছেন—

বিনোদবিহারী। তার চেয়ে ঢের বেশি মনে করব—কারণ, এ পর্যন্ত কখনো আপনার কাজে আপনি যথেষ্ট মন দিই নি। নিজের স্বার্থরক্ষার চেয়ে উচ্চতর মহত্তর কর্তব্য যেমনভাবে সম্পন্ন করতে হয় আমি তেমনি ভাবে কাজ করব—দেবতার কাজ যেমন প্রাণপণে—

কমলমুখী। না, না, আপনি অতটা বেশি কিছু ভাববেন না। আমার সম্পত্তি আপনি দেবোত্তর সম্পত্তি মনে করবেন না। কেবল এইটুকু মনে করলেই যথেষ্ট হবে যে, একজন অনাথা অবলা একান্ত বিশ্বাসপূর্বক আপনার হাতে তার যথাসর্বস্ব সমর্পণ করছে—

বিনোদবিহারী। আপনি আমার উপর এই বিশ্বাস স্থাপন করে আমাকে যে কতখানি অনুগ্রহ করলেন তা আমি বলতে পারি নে। আপনাকে তবে সত্যি কথা বলি, আমি নিতান্ত একটা লক্ষ্মী-ছাড়া অকর্মণ্য লোক, বোধ হয় শুন্য অহংকারে ফুলে উঠে স্রোতের ফেনার মতো মৃত্যুকাল পর্যন্ত কেবল ভেসে ভেসে বেড়াবুম—আপনার এই বিশ্বাসে আমাকে মানুষ করে তুলবে, আমার জীবনের একটা উদ্দেশ্য হবে—আমি—

কমলমুখী। আপনি এত কথা কেন বলছেন আমি বুঝতে পারছি নে—আমার এ অতি সামান্য কাজ—এর সঙ্গে আপনার জীবনের উদ্দেশ্যের যোগ কী?

বিনোদবিহারী। কাজ যেমনই হোক-না, আপনাদের বিশ্বাস আমাদের যে কত বল দেয় তা আপনারা জানেন না। এই একজন অজ্ঞাত অপরিচিত পুরুষের প্রতি আপনি যে এমন অসন্দিগ্ধ-ভাবে নির্ভর স্থাপন করলেন এজন্যে আপনাকে কখনোই এক মূর্খত্বের জন্যও একতিল অনুতাপ করতে হবে না।

কমলমুখী। আপনার কথায় আমি বড়ো নিশ্চিন্ত হলাম। আমার একটা মস্ত ভার দূর হল। আপনাকে আর বেশিক্ষণ আবদ্ধ করে রাখতে চাই নে, আপনার বোধ করি অনেক কাজ আছে—

বিনোদবিহারী। না, না, সেজন্যে আপনি ভাববেন না। আমার সহস্র কাজ থাকলেও সমস্ত পরিত্যাগ করে আমি—

কমলমুখী। তা হলে আমার কর্মচারীদের কাছ থেকে আপনি সমস্ত বন্ধে পড়ে নিন। নিবারণবাবু এখনই আসবেন, তিনি এলে তাঁর কাছ থেকেও অনেকটা জেনেশুনে নিতে পারবেন।

বিনোদবিহারী। নিবারণবাবু?

কমলমুখী। আপনি তাঁকে চেনেন বোধ হয়, কারণ তিনিই প্রথমে আপনার জন্যে আমার কাছে অনুরোধ করে দিয়েছেন।

বিনোদবিহারী। (স্বগত) ছি ছি ছি, বড়ো লজ্জা বোধ হচ্ছে। আমি কালই আমার স্ত্রীকে ঘরে নিয়ে আসব। এখন তো আমার কোনো অভাব নেই।

কমলমুখী। তবে আমি আসি।

। প্রস্থান

বিনোদবিহারী। না, এরকম স্ত্রীলোক আমি কখনো দেখি নি। কেমন বুদ্ধি, কেমন বেশ আপনাকে আপনি যেন ধারণ করে রেখেছেন। জড়োসড়ো নিবোধ কাঁচুমাচুভাব কিছুর নেই, অথচ কেমন সলজ্জ সসম্ভ্রম ব্যবহার। আমার মতো একজন অপরিচিত পুরুষের প্রতি এতটা পরিপূর্ণ বিশ্বাস ও নির্ভরের কথা বললেন অথচ সেটা কেমন স্বাভাবিক সরল শুনতে হল—কিছুমাত্র বাড়াবাড়ি মনে হল না। এইরকম স্ত্রীলোক দেখলে পুরুষগুলোকে নিতান্ত আনাড়ি জড়ভরত মনে হয়। এই দুটি-চারটি কথা কয়েই মনে হচ্ছে যেন ঠুর সঙ্গে আমার চিরকালের জানাশোনা আছে—যেন ঠুর কাজ করা, ঠুর সেবা করা আমার একটা পরম কর্তব্য। কিন্তু নিবারণবাবুর সঙ্গে রানীর আলাপ আছে শুনে আমার ভয় হচ্ছে পাছে আমার স্ত্রীর কথা সমস্ত শুনতে পান। ছি ছি, সে বড়ো লজ্জার বিষয় হবে। উনি হয়তো ঠিক আমার মনের ভাবটা বুঝতে পারবেন না, আমাকে কী মনে করবেন কে জানে। আমি আজই নিবারণবাবুর বাড়ি গিয়ে আমার স্ত্রীকে নিয়ে আসব।

## \* দ্বিতীয় দৃশ্য

কমলমুখীর গৃহ

নিবারণ ও কমলমুখী

কমলমুখী। আমার জন্যে আপনি আর কিছু ভাববেন না—এখন ইন্দুর এই গোলটা চুকে গেলেই বাঁচা যায়!

নিবারণ। তাই তো না, আমাকে ভারি ভাবনা ধরিয়ে দিয়েছে। আমি এদিকে শিবু ডাক্তারের সঙ্গে কথাবার্তা একরকম স্থির করে বসে আছি, এখন তাকেই বা কী বলি, ললিত চাটুজ্যেকেই বা কোথায় পাওয়া যায়, আর সে বিয়ে করতে রাজি হয় কি না তাই বা কে জানে।

কমলমুখী। সেজন্যে ভাববেন না কাকা। আমাদের ইন্দুরকে চোখে দেখলে বিয়ে করতে নারাজ হবে এমন ছেলে কেউ জন্মায় নি।

নিবারণ। ওদের দেখাশুনা হয় কী করে।

কমলমুখী। সে আমি সব ঠিক করেছি।

নিবারণ। তুমি কী করে ঠিক করলে না।

কমলমুখী। আমি ঠকে বলে দিয়েছি ঠুর সমস্ত বন্ধুকে নিমন্ত্রণ করে থাওয়াতে। তা হলে

সেইসঙ্গে ললিতবাবুও আসবেন, তার পর একটা কোনো উপায় বের করা যাবে।

নিবারণ। তা সব যেন হল, আমি ভাবছি শিবুকে কী বলব।

কমলমুখী। ঐ উনি আসছেন। আমি তবে যাই।

[প্রস্থান]

বিনোদবিহারীর প্রবেশ

বিনোদবিহারী। এই যে, আমি এখনই আপনার ওখানেই যাচ্ছিলুম।

নিবারণ। কেন বাপু, আমার ওখানে তো তোমার কোনো মক্কেল নেই।

বিনোদবিহারী। আজে, আমাকে আর লজ্জা দেবেন না—আপনি বদ্বতেই পারছেন—

নিবারণ। না বাপু, আমি এখনকার কিছুই বদ্বতে পারি নে—একটু পরিস্কার করে খুলে না বললে তোমাদের কথাবার্তা রকমসকম আমার ভালোরূপ ধারণা হয় না।

বিনোদবিহারী। আমার স্ত্রী আপনার ওখানে আছেন—

নিবারণ। তা অবশ্য—তাকে তো আমরা ত্যাগ করতে পারি নে—

বিনোদবিহারী। আমার সমস্ত অপরাধ ক্ষমা করে তাকে যদি আমার ওখানে পাঠিয়ে দেন—

নিবারণ। বাপু, আবার কেন পার্লিকিভাড়াটা লাগাবে?

বিনোদবিহারী। আপনারা আমাকে কিছু ভুল বদ্বছেন। আমার অবস্থা খারাপ ছিল বলেই আমার স্ত্রীকে আপনার ওখানে পাঠিয়েছিলুম, নইলে তাকে ত্যাগ করবার অভিপ্রায় ছিল না। এখন আপনারই অনুগ্রহে আমার অবস্থা অনেকটা ভালো হয়েছে—এখন অনায়াসে—

নিবারণ। বাপু, এ তো তোমার পোষা পাখি নয়। সে যে সহজে তোমার ওখানে যেতে রাজি হবে এমন আমার বোধ হয় না।

বিনোদবিহারী। আপনি অনুমতি দিলে আমি নিজে গিয়ে তাকে অনুন্নয়-বিনয় করে নিয়ে আসতে পারি।

নিবারণ। আচ্ছা, সে বিষয়ে বিবেচনা করে পরে বলব।

[প্রস্থান]

বিনোদবিহারী। বড়োও তো কম একগুঁয়ে নয় দেখছি। যা হোক, এ পর্যন্ত রানীকে কিছু বলে নি বোধ হয়।

চন্দ্রকান্তের প্রবেশ

বিনোদবিহারী। কী হে চন্দ্র।

চন্দ্রকান্ত। আর ভাই, মহা বিপদে পড়েছি।

বিনোদবিহারী। কেন, কী হয়েছে।

চন্দ্রকান্ত। কী জানি ভাই, কখন তাদের সাক্ষাতে কথায় কথায় কী কতকগুলো মিছে কথা বলেছিলুম, তাই শ্রুনে ব্রাহ্মণী বাপের বাড়ি এমনি গা-ঢাকা হয়েছেন যে কিছুতেই তাঁর আর নাগাল পাচ্ছি নে।

বিনোদবিহারী। বল কী দাদা। তোমার বাড়িতে তো এ দণ্ডবিধি পূর্বে প্রচলিত ছিল না।

চন্দ্রকান্ত। না ভাই, কালক্রমে কতই যে হচ্ছে কিছু বদ্বতে পারছি নে। ইদিকে আবার দাসী পাঠিয়ে দূর বেলা খোঁজ নেওয়া আছে, তা আমি জানতে পাই। আবার শাশুড়ি-ঠাকরুনের নাম করে যথাসময়ে অন্নব্যঞ্জনও আসে। মনে করি রাগ করে খাব না; কিন্তু ভাই, খিদের সময়ে আমি না থেয়ে থাকতে পারি নে তা যতই রাগ হোক।

বিনোদবিহারী। তবে তোমার ভাবনা কী। যদি শব্দরবাড়ি থেকে আর সমস্তই পাচ্ছি, না হয় একটি বাকি রইল।

চন্দ্রকান্ত। না বিনু, তোরা ঠিক বদ্বতে পারবি নে। তুই সেদিন বলছিলি বিয়ে না-করাটাই

তোর মৃদুস্থ হয়ে গেছে। আমার ঠিক তার উলটো। প্রায় সমস্ত জীবন ধরে ঐ স্ত্রীটিকে এমন বিস্তীর্ণ অভ্যাস করে ফেলেছি যে, হঠাৎ বৃদ্ধের হাড়-কথানা খসে গেলে যেমন একদম খালি খালি ঠেকে, ঐ স্ত্রীটি আড়াল হলেও তেমনি নেহাত ফাঁকা বোধ হয়। মাইরি, সন্দের পর আমার সে ঘরে আর ঢুকতে ইচ্ছে করে না।

বিনোদবিহারী। এখন উপায় কী।

চন্দ্রকান্ত। মনে করছি আমি উলটে রাগ করব। আমিও ঘর ছেড়ে চলে আসব। তোর এখানেই থাকব। আমার বন্ধুদের মধ্যে তোকেই সে সব চেয়ে বেশি ভয় করে। তার বিশ্বাস, তুই আমার মাথাটি খেয়েছিস; আমি তাকে বলি, আমার এ ঝুনো মাথায় বিন্দুর দন্তস্ফুট করবার জো নেই, কিন্তু সে বোঝে না। সে যদি খবর পায় আমি চম্বিশ ঘণ্টা তোর সংসর্গে কাটিয়েছি, তা হলে পতিত-উদ্ধারের জন্যে পতিতপাবনী অর্ঘ্য তৎক্ষণাৎ ছুটে চলে আসবে!

বিনোদবিহারী। তা বেশ কথা। তুমি এখানেই থাকো, যতক্ষণ তোমার সঙ্গ পাওয়া যায় ততক্ষণই লাভ। কিন্তু আমাকে যে আবার শব্দরবাড়ি যেতে হচ্ছে।

চন্দ্রকান্ত। কার শব্দরবাড়ি।

বিনোদবিহারী। আমার নিজের, আবার কার।

চন্দ্রকান্ত। (সানন্দে বিনোদের পৃষ্ঠে চপেটাম্বাৎ করিয়া) সত্যি বলছিস বিন্দু?

বিনোদবিহারী। হাঁ ভাই, নিতান্ত লক্ষ্মীছাড়ার মতো থাকতে আর ইচ্ছে করছে না। স্ত্রীকে ঘরে এনে একটু ভদ্রলোকের মতো হতে হচ্ছে। বিবাহ করে আইবুড়ো থাকলে লোকে বলবে কী।

চন্দ্রকান্ত। সে আর আমাকে বোঝাতে হবে না—কিন্তু এতদিন তোর এ আক্কেল ছিল কোথায়। যতকাল আমার সংসর্গে ছিল এমন সব সদালাপ সংপ্রসঙ্গ তো শুনতে পাই নি, দুদিন আমার দেখা পাস নি আর তোর বৃদ্ধি এতদূর পরিষ্কার হয়ে এল? যা হোক তা হলে আর বিলম্বে কাজ নেই—এখনি চল—শুভবৃদ্ধি মানুষের মাথায় দৈবাৎ উদয় হয় তখন তাকে অবহেলা করা কিছড় নয়।

## . তৃতীয় দৃশ্য

কমলমুখীর গৃহ

ইন্দুমতী ও কমলমুখী

কমলমুখী। তোর জ্বালায় তো আর বাঁচি নে ইন্দু। তুই আবার এ কী জট পার্কিয়ে বসে আছিস। ললিতবাবুর কাছে তোকে কাদম্বিনী বলে উল্লেখ করতে হবে না কি?

ইন্দুমতী। তা কী করব দিদি। কাদম্বিনী না বললে যদি সে না চিনতে পারে তা হলে ইন্দু বলে পরিচয় দিয়ে লাভটা কী।

কমলমুখী। ইতিমধ্যে তুই এত কান্ড কখন করে তুললি তা তো জানি নে। একটা যে আস্ত নাটক বানিয়ে বসেছিস।

ইন্দুমতী। তোমার বিনোদবাবুকে বোলো, তিনি লিখে ফেলবেন এখন, তার পর মেট্রপলিটান থিয়েটারে অভিনয় দেখতে যাব।

কমলমুখী। তোমার ললিতবাবু সাজতে পারে এমন ছোকরা কি তারা কোথাও খুঁজে পাবে। তুই হয়েতা মাঝখান থেকে “ও হয় নি, ও হয় নি” বলে চেঁচিয়ে উঠবি।

ইন্দুমতী। ঐ ভাই, তোমার বিনোদবাবু আসছেন, আমি পালাই।

## বিনোদবিহারীর প্রবেশ

বিনোদবিহারী। মহারানী, আমার বন্ধুরা এলে কোথায় তাঁদের বসাব।

কমলমুখী। এই ঘরেই বসাবেন।

বিনোদবিহারী। ললিতের সঙ্গে আপনার যে বন্ধুর বিবাহ স্থির করতে হবে তাঁর নামটি কী।

কমলমুখী। কাদম্বিনী। বাগবাজারের চৌধুরীদের মেয়ে।

বিনোদবিহারী। আপনি যখন আদেশ করছেন আমি যথাসাধ্য চেষ্টা করব। কিন্তু ললিতের কথা আমি কিছুই বলতে পারি নে। সে যে এ-সব প্রস্তাবে আমাদের কারো কথায় কণ্ঠপাত করবে এমন বোধ হয় না—

কমলমুখী। আপনাকে সেজন্যে বোধ হয় বেশি চেষ্টা করতেও হবে না—কাদম্বিনীর নাম শুনলেই তিনি আর বড়া আপত্তি করবেন না।

বিনোদবিহারী। তা হলে তো আর কথাই নেই।

কমলমুখী। মাপ করেন যদি আপনাকে একটি কথা জিজ্ঞাসা করতে চাই।

বিনোদবিহারী। এখনি। (স্বগত) স্ত্রীর কথা না তুললে বাঁচি।

কমলমুখী। আপনার স্ত্রী নেই কি।

বিনোদবিহারী। কেন বলুন দেখি। স্ত্রীর কথা কেন জিজ্ঞাসা করছেন।

কমলমুখী। আপনি তো অনুগ্রহ করে এই বাড়িতেই বাস করছেন, তা হলে আপনার স্ত্রীকে আমি আমার সঙ্গিনীর মতো করে রাখতে চাই। অবিশ্যি যদি আপনার কোনো আপত্তি না থাকে।

বিনোদবিহারী। আপত্তি! কোনো আপত্তিই থাকতে পারে না। এ তো আমার সৌভাগ্যের কথা।

কমলমুখী। আজ সন্দের সময় তাঁকে আনতে পারেন না?

বিনোদবিহারী। আমি বিশেষ চেষ্টা করব।

[ কমলের প্রস্থান

কিন্তু কী বিপদেই পড়েছি। এদিকে আবার আমার স্ত্রী কিছুতেই আমার বাড়ি আসতে চায় না—আমার সঙ্গে দেখা করতেই চায় না। কী যে করি ভেবে পাই নে। অনুন্নয় করে একখানা চিঠি লিখতে হচ্ছে।

## ভৃত্যের প্রবেশ

ভৃত্য। একটি সাহেব-বাবু এসেছেন।

বিনোদবিহারী। এইখানেই ডেকে নিয়ে আয়।

## সাহেব বেশে ললিতের প্রবেশ

ললিত। (শেকহ্যান্ড করিয়া) Well! How goes the world? ভালো তো?

বিনোদবিহারী। একরকম ভালোয় মন্দয়। তোমার কীরকম চলছে?

ললিত। Pretty well! জান, I am going in for studentship next year!

বিনোদবিহারী। ওহে, আর কত দিন একজামিন দিয়ে মরবে? বিয়ে-থাওয়া করতে হবে না নাকি। এদিকে যৌবনটা যে ভাঁটিয়ে গেল।

ললিত। Hallo! You seem to have queer ideas on the subject! কেবল যৌবনটুকু নিয়ে one can't marry! I suppose first of all you must get a girl whom you—

বিনোদবিহারী। আহা, তা তো বটেই। আমি কি বলছি তুমি তোমার নিজের হাতপাগুলোকে বিয়ে করবে? অবিশ্যি মেয়ে একটি আছে।

ললিত। I know that! একটি কেন। মেয়ে there is enough and to spare! কিন্তু তা নিয়ে তো কথা হচ্ছে না।



বিনোদবিহারী। আহা, তোমাকে নিয়ে তো ভালো বিপদে পড়া গেল। পৃথিবীর সমস্ত কন্যাদায় তোমাকে হরণ করতে হবে না। কিন্তু যদি একটি বেশ সুন্দরী সুশিক্ষিত বয়ঃপ্রাপ্ত মেয়ে তোমাকে দেওয়া যায় তা হলে কী বল?

ললিত। I admire your cheek বিনু! তুমি wife select করবে আর আমি marry করব! I don't see any rhyme or reason in such co-operation। পোলিটিক্যাল ইকনমিতে division of labour আছে কিন্তু there is no such thing in marriage।

বিনোদবিহারী। তা বেশ তো, তুমি দেখো, তার পরে তোমার পছন্দ না হয় বিয়ে কোরো না—

ললিত। My dear fellow, you are very kind! কিন্তু আমি বলি কি, you need not bother yourself about my happiness! আমার বিশ্বাস আমি যদি কখনো কোনো girlকে love করি I will love her without your help এবং তার পরে যখন বিয়ে করব you'll get your invitation in due form!

বিনোদবিহারী। আচ্ছা ললিত, যদি সে মেয়েটির নাম শুনলেই তোমার পছন্দ হয়?

ললিত। The idea! নাম শুনলে পছন্দ! যদি মেয়েটিকে বাদ দিয়ে simply নামটিকে বিয়ে করতে বল, that's a safe proposition!

বিনোদবিহারী। আগে শোনো, তার পর যা বলতে হয় বোলো—মেয়েটির নাম—কাদম্বিনী।

ললিত। কাদম্বিনী! She may be all that is nice and good কিন্তু I must confess তার নাম নিয়ে তাকে congratulate করা যায় না। যদি তার নামটাই তার best qualification হয় তা হলে I should try my luck in some other quarter!

বিনোদবিহারী। (স্বগত) এর মানে কী। তবে যে রানী বললেন কাদম্বিনীর নাম শুনলেই লাফিয়ে উঠবে। দূর হোকগে। একে খাওয়ানোটাই বাজে খরচ হল—আবার এই স্নেলচ্ছটার সঙ্গে আরো আমাকে নিদেন দৃ-ঘণ্টা কাল কাটাতে হবে দেখছি।

ললিত। I say, it's infernally hot here—চলো-না বারান্দায় গিয়ে বসা যাক।

## পঞ্চম অঙ্ক

### প্রথম দৃশ্য

কমলমুখীর অন্তঃপুর

কমলমুখী ও ইন্দুমতী

ইন্দুমতী। দিদি, আর বলিস নে দিদি, আর বলিস নে। পুরুষমানুষকে আমি চিনেছি। তুই বাবাকে বলিস আমি আর কাউকে বিয়ে করব না।

কমলমুখী। তুই ললিতবাবু থেকে সব পুরুষ চিনলি কী করে ইন্দু।

ইন্দুমতী। আমি জানি, ওরা কেবল কবিতায় ভালোবাসে, তা ছন্দ মিলুক আর না মিলুক। তার পরে যখন সুখদুঃখ সম্মত ভালোবাসার সমস্ত কতব্যভার মাথায় করবার সময় আসে তখন ওদের আর সাড়া পাওয়া যায় না। ছি ছি, দিদি, আমার এমনি লজ্জা করছে! ইচ্ছে করছে মাটির সঙ্গে মাটি হয়ে মিশে যাই। বাবাকে আমার এ মূখ দেখাব কী করে। কাদম্বিনীকে সে চেনে না? মিথ্যেবাদী! কাদম্বিনীর নামে কবিতা লিখেছে সে-খাতা এখনো আমার কাছে আছে।

কমলমুখী। যা হয়ে গেছে তা নিয়ে ভেবে আর করবি কী। এখন কাকা যাকে বলছেন তাকে

বিয়ে কর্। তুই কি সেই মিথ্যাবাদী অবিশ্বাসীর জন্যে চিরজীবন কুমারী হয়ে থাকবি। একে বেশি বয়স পর্যন্ত মেয়ে রাখার জন্যে কাকাকে প্রায় একঘরে করেছে।

ইন্দুমতী। তা, দিদি, কলাগাছ তো আছে। সে তো কোনো উৎপাত করে না। ঐ বাবা আসছেন, আমি যাই ভাই।

[প্রস্থান]

#### নিবারণের প্রবেশ

নিবারণ। কী করি বল্ তো মা। ললিত চাটুজ্যে যা বলেছে সে তো সব শুনিয়েছিস। সে বিনোদকে কেবল মারতে বাকি রেখেছে, অপমান যা হবার তা হয়েছে।

কমলমুখী। না কাকা, তার কাছে ইন্দুর নাম করা হয় নি, আপনার মেয়ের কথা হচ্ছে তাও সে জানে না।

নিবারণ। ইদিকে আবার শিবুকে কথা দিয়েছি তাকেই বা কী বলি। আবার মেয়ের পছন্দ না হলে জোর করে বিয়ে দেওয়া সে আমি পারব না—একটি যা হয়ে গেছে তারই অন্ততাপ রাখবার জায়গা পাচ্ছি নে। তুমি মা, ইন্দুকে বলে কয়ে ওদের দুজনের দেখা করিয়ে দিতে পার তো বড়ো ভালো হয়। আমি নিশ্চয় জানি ওরা পরস্পরকে একবার দেখলে পছন্দ না করে থাকতে পারবে না। নিমাই ছেলোটিকে বড়ো ভালো দেখতে—তাকে দর্শনমাগ্নেই স্নেহ জন্মায়।

কমলমুখী। নিমাইয়ের মনের ইচ্ছে কী সেটাও তো জানতে হবে কাকা। আবার কি এইরকম একটি কান্ড বাধানো ভালো।

নিবারণ। সে আমি তার বাপের কাছে শুনিয়েছি। সে বলে আমি উপার্জন না করে বিয়ে করব না। সে তো আমার মেয়েকে কখনো চক্ষে দেখে নি। একবার দেখলে ও-সব কথা ছেড়ে দেবে। বিশেষ, তার বাপ তাকে খুব পীড়াপীড়ি করছে। আমি চন্দ্রবাবুকে বলে তাকে একবার ইন্দুর সঙ্গে দেখা করতে রাজি করব। চন্দ্রবাবুর কথা সে খুব মানে।

কমলমুখী। তা, ইন্দুকে আমি সম্মত করতে পারব।

[নিবারণের প্রস্থান]

#### ইন্দুমতীর প্রবেশ

কমলমুখী। লক্ষ্মী দিদি আমার, আমার একটি অনুরোধ তোকে রাখতে হবে।

ইন্দুমতী। কী বল্-না ভাই।

কমলমুখী। একবার নিমাইবাবুর সঙ্গে তুই দেখা কর্।

ইন্দুমতী। কেন দিদি, তাতে আমার কী প্রায়শ্চিত্তটা হবে।

কমলমুখী। দেখ্ ইন্দু, এ তো ভাই ইংরেজের ঘর নয়, তোকে তো বিয়ে করতেই হবে। মনটাকে অমন করে বন্ধ করে রাখিস নে—তুই যা মনে করিস ভাই, পুরুষমানুষ নিতান্তই বাঘ-ভাল্লভের জাত নয়—বাইরে থেকে খুব ভয়ংকর দেখায়, কিন্তু ওদের বশ করা খুব সহজ। একবার পোষ মানলে ঐ মস্ত প্রাণীগুলো এমনি গরিব গোবেচারী হয়ে থাকে যে দেখে হাসি পায়। পুরুষমানুষের মধ্যে তুই কি ভদ্রলোক দেখিস নি। কেন ভাই, কাকার কথা একবার ভেবে দেখ্-না।

ইন্দুমতী। তুই আমাকে এত কথা বলছিস কেন দিদি। আমি কি পুরুষমানুষের দ্বয়োরে আগুন দিতে যাচ্ছি। তারা খুব ভালো লোক, আমি তাদের কোনো অনিষ্ট করতে চাই নে।

কমলমুখী। তোর যখন যা ইচ্ছে তাই করেছিস ইন্দু, কাকা তাতে কোনো বাধা দেন নি। আজ কাকার একটি অনুরোধ রাখবি নে?

ইন্দুমতী। রাখব ভাই—তিনি যা বলবেন তাই শুনব।

কমলমুখী। তবে চল, তোর চুলটা একটু ভালো করে দিই। নিজের উপরে এতটা অযত্ন করিস নে।

[প্রস্থান]

## দ্বিতীয় দৃশ্য

কমলমুখীর গৃহ

নিমাই

নিমাই। চন্দর যখন পীড়াপীড়ি করছে তা নাহয় একবার ইন্দুমতীর সঙ্গে দেখা করাই যাক। শুনছি তিনি বেশ বুদ্ধিমতী স্নানশিক্ষিতা মেয়ে—তাকে আমার অবস্থা বুঝিয়ে বললে তিনি নিজেই আমাকে বিবাহ করতে অসম্মত হবেন। তা হলে আমার ঘাড় থেকে দায়টা যাবে—বাবাও আর পীড়াপীড়ি করবেন না।

ঘোমটা পরিয়া ইন্দুমতীর প্রবেশ

ইন্দুমতী। বাবা যখন বলছেন তখন দেখা করতেই হবে; কিন্তু কারো অনুরোধে তো আর পছন্দ হয় না। বাবা কখনোই আমার ইচ্ছার বিরুদ্ধে বিয়ে দেবেন না।

নিমাই। (নতশিরে ইন্দুর প্রতি) আমাদের মা বাপ আমাদের পরস্পরের বিবাহের জন্যে পীড়াপীড়ি করছেন, কিন্তু আপনি যদি ক্ষমা করেন তো আপনাকে একটি কথা বলি—

ইন্দুমতী। এ কী! এ যে ললিতাবাবু! (উঠিয়া দাঁড়াইয়া) ললিতাবাবু, আপনাকে বিবাহের জন্যে যারা পীড়াপীড়ি করছেন তাঁদের আপনি জানাবেন বিবাহ এক পক্ষের সম্মতিতে হয় না। আমাকে আপনার বিবাহের কথা বলে কেন অপমান করছেন।

নিমাই। এ কী! এ যে কাদম্বিনী! (উঠিয়া দাঁড়াইয়া) আপনি এখানে আমি তা জানতুম না। আমি মনে করেছিলুম নিবারণবাবুর কন্যা ইন্দুমতীর সঙ্গে আমি কথা করিচ্ছি—কিন্তু আমার যে এমন সৌভাগ্য হবে—

ইন্দুমতী। ললিতাবাবু, আপনার সৌভাগ্য আপনি মনে মনে রেখে দেবেন, সে কথা আমার কাছে প্রচার করবার দরকার দেখি নে।

নিমাই। আপনি কাকে ললিতাবাবু বলছেন? ললিতাবাবু বারান্দায় বিনোদের সঙ্গে গল্প করছেন—যদি আবশ্যক থাকে তাঁকে ডেকে নিয়ে আসি।

ইন্দুমতী। না না, তাঁকে ডাকতে হবে না। আপনি তা হলে কে।

নিমাই। এর মধ্যেই ভুলে গেলেন? চন্দ্রবাবুর বাসায় আপনি নিজে আমাকে চাকরি দিয়েছেন, আমি তৎক্ষণাৎ তা মাথায় করে নিয়েছি—ইতিমধ্যে বরখাস্ত হবার মতো কোনো অপরাধ করি নি তো।

ইন্দুমতী। আপনার নাম কি ললিতাবাবু নয়।

নিমাই। যদি পছন্দ করেন তো ঐ নামই শিরোধার্য করে নিতে পারি কিন্তু বাপ-মায়ের আমার নাম রেখেছিলেন নিমাই।

ইন্দুমতী। নিমাই?—ছি ছি, এ কথা আমি আগে জানতে পারলুম না কেন?

নিমাই। তা হলে কি চাকরি দিতেন না? তবে তো না জেনে ভালোই হয়েছে। এখন কী আদেশ করেন।

ইন্দুমতী। আমি আদেশ করছি ভবিষ্যতে যখন আপনি কবিতা লিখবেন তখন কাদম্বিনীর পরিবর্তে ইন্দুমতী নামটি ব্যবহার করবেন এবং ছন্দ মিলিয়ে লিখবেন।

নিমাই। যে-দুটো আদেশ করলেন ও দুটোই যে আমার পক্ষে সমান অসাধ্য।

ইন্দুমতী। আচ্ছা, ছন্দ মেলাবার ভার আমি নেব এখন, নামটা আপনি বদলে নেবেন—

নিমাই। এমন নিষ্ঠুর আদেশ কেন করছেন। চোন্দটা অক্ষরের জায়গায় সতেরোটা বসানো কি এমনি গুরুতর অপরাধ যে সেজন্যে ভৃত্যকে একেবারে—

ইন্দুমতী। না, সে অপরাধ আমি সহস্র বার মার্জনা করতে পারি কিন্তু ইন্দুমতীকে কাদাম্বিনী বলে ভুল করলে আমার সহ্য হবে না—

নিমাই। আপনার নাম তবে—

ইন্দুমতী। ইন্দুমতী। তার প্রধান কারণ আপনার বাপ-মা যেমন আপনার নাম রেখেছেন নিমাই, তেমনি আমার বাপ-মা আমার নাম রেখেছেন ইন্দুমতী।

নিমাই। হায় হায়, আমি এতদিন কী ভুলটাই করেছি। বাগবাজারের রাস্তায় রাস্তায় বৃথা ঘুরে বেড়িয়েছি, বাবা আমাকে উঠতে বসতে দু'বেলা বাপান্ত করেছেন, কাদাম্বিনী নামটা ছন্দের ভিতর পুরতে মাথা ভাঙাভাঙি করেছি—

(মৃদুস্বরে) যেমনি আমায় ইন্দু প্রথম দেখিলে

কেমন করে চকোর বলে তখনি চিনিলে—

কিংবা

কেমন করে চাকর বলে তখনি চিনিলে

আহা সে কেমন হত!

ইন্দুমতী। তবে, এখন ভ্রম সংশোধন করুন—এই নিন আপনার খাতা। আমি চললুম।

[প্রস্থানোদ্যম]

নিমাই। আপনারও বোধ হচ্ছে যেন একটা ভ্রম হয়েছিল—সেটাও অনুগ্রহ করে সংশোধন করে নেবেন—আপনার একটা স্দৃবিধে আছে, আপনাকে আর সেইসঙ্গে ছন্দ বদলাতে হবে না।

[ইন্দুমতীর প্রস্থান]

নিবারণের প্রবেশ

নিবারণ। দেখো বাপু, শিবু আমার বাল্যকালের বন্ধু—আমার বড়ো ইচ্ছে তাঁর সঙ্গে আমার একটা পারিবারিক বন্ধন হয়। এখন তোমাদের ইচ্ছের উপরেই সমস্ত নির্ভর করছে।

নিমাই। আমার ইচ্ছের জন্যে আপনি কিছুর ভাববেন না, আপনার আদেশ পেলেই আমি কৃতার্থ হই।

নিবারণ। (স্বগত) যা মনে করেছিলুম তাই। বড়ো বাপ মাথা খোঁড়াখুঁড়ি করে যা করতে না পারলে, এক বার ইন্দুকে দেখবামাত্র সমস্ত ঠিক হয়ে গেল। বড়োরাই শাস্ত্র মেনে চলে—যুবোদের শাস্ত্রই এক আলাদা।—তা বাপু, তোমার কথা শুনে বড়ো আনন্দ হল। তা হলে একবার আমার মেয়েকে তার মতটা জিজ্ঞাসা করে আসি। তোমরা শিক্ষিত লোক, বৃদ্ধতেই পার, বয়ঃপ্রাপ্ত মেয়ে, তার সম্মতি না নিয়ে তাকে বিবাহ দেওয়া যায় না।

নিমাই। তা অবশ্য।

নিবারণ। তা হলে আমি একবার আসি। চন্দ্রবাবুদের এই ঘরে ডেকে দিয়ে যাই।

[প্রস্থান]

শিবচরণের প্রবেশ

শিবচরণ। তুই এখানে বসে রয়েছিস, আমি তোকে পৃথিবীসুন্দর খুঁজে বেড়াচ্ছি।

নিমাই। কেন বাবা।

শিবচরণ। তোকে যে আজ তারা দেখতে আসবে।

নিমাই। কারা।

শিবচরণ। বাগবাজারের চৌধুরীরা।

নিমাই। কেন।

শিবচরণ। কেন! না-দেখে না-শুনে অমনি ফস করে বিয়ে হয়ে যাবে? তোর বৃদ্ধি আর সবুর সইছে না?

নিমাই। বিয়ে কার সঙ্গে হবে।

শিবচরণ। ভয় নেই রে বাপু, তুই যাকে চাস তারই সঙ্গে হবে। আমার ছেলে হয়ে তুই যে এত টাকা চিনেছিস তা তো জানতুম না; তা সেই বাগবাজারের ট্যাকশালের সঙ্গেই তোর বিয়ে ঠিক করে এসেছি।

নিমাই। সে কী বাবা। আপনার মতের বিরুদ্ধে আমি বিয়ে করতে চাই নে—বিশেষ, আপনি নিবারণবাবুকে কথা দিয়েছেন—

শিবচরণ। (অনেকক্ষণ হাঁ করিয়া নিমাইয়ের মূখের দিকে নিরীক্ষণ) তুই খেপেছিস না আমি খেপেছি আমাকে কে বৃদ্ধিয়ে দেবে! কথাটা একটু পরিস্কার করে বল, আমি ভালো করে বৃদ্ধি।

নিমাই। আমি সে চৌধুরীদের মেয়ে বিয়ে করব না।

শিবচরণ। চৌধুরীদের মেয়ে বিয়ে করবি নে! তবে কাকে করবি!

নিমাই। নিবারণবাবুর মেয়ে ইন্দুমতীকে।

শিবচরণ। (উচ্চৈঃস্বরে) কী! হতভাগা পাজি লক্ষ্মীছাড়া বেটা! যখন ইন্দুমতীর সঙ্গে তোর সম্বন্ধ করি তখন বলিস কাদম্বিনীকে বিয়ে করবি, আবার যখন কাদম্বিনীর সঙ্গে সম্বন্ধ করি তখন বলিস ইন্দুমতীকে বিয়ে করবি—তুই তোর বৃদ্ধো বাপকে একবার বাগবাজার একবার মির্জাপুর খেঁপিয়ে নিয়ে নাচিয়ে নিয়ে বেড়াতে চাস!

নিমাই। আমাকে মাপ করুন বাবা, আমার একটা মস্ত ভুল হয়ে গিয়েছিল—

শিবচরণ। ভুল কী রে বেটা! তোকে সেই বাগবাজারে বিয়ে করতেই হবে। তাদের কোনো পুরনু চিনি নে, আমি নিজে গিয়ে তাদের স্তুতিমিনতি করে এলুম, যেন আমারই কন্যদায় হয়েছে—তার পরে যখন সমস্ত ঠিকঠাক হয়ে গেল, আজ তারা আশীর্বাদ করতে আসবে, তখন বলে কিনা আমি বিয়ে করব না। আমি এখন চৌধুরীদের বলি কী।

#### • চন্দ্রকান্তের প্রবেশ

চন্দ্রকান্ত। (নিমাইয়ের প্রতি) সমস্ত শুনলুম। ভালো একটি গোল বাধিয়েছ যা হোক।—এই যে ডাক্তারবাবু, ভালো আছেন তো?

শিবচরণ। ভালো আর থাকতে দিলে কই। এই দেখো-না চন্দর, গুঁর নিজেরই কথামত একটি পাত্রী স্থির করলুম—যখন সমস্ত স্থির হয়ে গেল তখন বলে কিনা, তাকে বিয়ে করব না। আমি এখন চৌধুরীদের বলি কী।

নিমাই। বাবা, আপনি তাদের একটু বৃদ্ধিয়ে বললেই—

শিবচরণ। তোমার মাথা! তাদের বোঝাতে হবে আমার ভীমরতি ধরেছে আর আমার ছেলেটি একটি আস্ত খ্যাপা—তা তাদের বৃদ্ধিতে বিলম্ব হবে না।

চন্দ্রকান্ত। আপনি কিছুর ভাববেন না। সে মেয়েটির আর-একটি পাত্র জুটিয়ে দিলেই হবে।

শিবচরণ। সে তেমন মেয়েই নয়। তার টাকা আছে ঢের, কিন্তু চেহারা দেখে পাত্র এগোয় না। আমার বংশের এই অকালকুস্মাণ্ডের মতো হঠাৎ এতবড়ো হতভাগা তুমি দ্বিতীয় আর কোথায় পাবে যে তাকে বিয়ে করতে রাজি হবে।

চন্দ্রকান্ত। সে আমার উপর ভার রইল। আমি সমস্ত ঠিকঠাক করে দেব। এখন নিশ্চিন্ত মনে নিবারণবাবুর মেয়ের সঙ্গে বিবাহ স্থির করুন।

শিবচরণ। যদি পার চন্দর তো বড়ো উপকার হয়। এই বাগবাজারের হাত থেকে মানে মানে

নিস্তার পেলে বাঁচি। এদিকে আমি নিবারণের কাছে মূখ দেখাতে পারছি নে, পালিয়ে পালিয়ে বেড়াচ্ছি।

চন্দ্রকান্ত। সেজন্যে কোনো ভাবনা নেই। আমি প্রায় অর্ধেক কাজ গুঁছিয়ে এসে তবে আপনাকে বলছি। এখন বাকিটুকু সেরে আসি।

[প্রস্থান]

নিবারণের প্রবেশ

শিবচরণ। আরে এসো ভাই, এসো।

নিবারণ। ভালো আছ ভাই? যা হোক শিবু, কথা তো স্থির?

শিবচরণ। সে তো বরাবরই স্থির আছে, এখন তোমার মজি হলেই হয়।

নিবারণ। আমারও তো সমস্ত ঠিক হয়ে আছে, এখন হয়ে গেলেই চুকে যায়।

শিবচরণ। তবে আর কী, দিনক্ষণ দেখে—

নিবারণ। সে-সব কথা পরে হবে—এখন কিছু মিষ্টিমুখ করবে চলো।

শিবচরণ। না ভাই, এখন আমার খাওয়াটা অভ্যাস নেই, এখন থাক্—অসময়ে খেয়েছি কি, আর আমার মাথা ধরেছে—

নিবারণ। না না, সে হবে না, কিছু খেতে হচ্ছে। বাপু, তুমিও এসো।

## তৃতীয় দৃশ্য

কমলমুখীর অন্তঃপদ্র

কমলমুখী ও ইন্দুমতী

কমলমুখী। ছি ছি, ইন্দু, তুই কী কাণ্ডটাই করলি বল্ দেখি।

ইন্দুমতী। তা বেশ করোঁছি। ভাই, পরে গোল বাধার চেয়ে আগে গোল চুকে যাওয়া ভালো।

কমলমুখী। এখন পদ্রুপজাতটাকে কীরকম লাগছে।

ইন্দুমতী। মন্দ না ভাই, একরকম চলনসই।

কমলমুখী। তুই যে বলিছিলি ইন্দু, নিমাই গয়লাকে তুই কক্খনো বিয়ে করবি নে।

ইন্দুমতী। না ভাই, নিমাই নামটি খারাপ নয়, তা তোমরা যাই বল। তোমার নলিনীকান্ত, ললনামোহন, রমণীরঞ্জনের চেয়ে সহস্র গুণে ভালো। নিমাই নামটি খুব আদরের নাম, অথচ পদ্রুপমানুষকে বেশ মানায়। রাগ করিস নে দিদি, তোর বিনোদের চেয়ে ঢের ভালো—

কমলমুখী। কী হিসেবে ভালো শুনি।

ইন্দুমতী। বিনোদবিহারী নামটা যেন টাটকা নভেল-নাটক থেকে পেড়ে এনেছে—বড্ডো বেশি গায়ে-পড়া করিছ। মানুষের চেয়ে নামটা জাঁকালো। আর, নিমাই নামটি কেমন বেশ সাদাসিধে, কোনো দেমাক নেই, ভীষণে নেই—বেশ নিতান্ত আপনার লোকটির মতো।

কমলমুখী। কিন্তু যখন বই ছাপাবে, বইয়ে ও নাম তো মানাবে না।

ইন্দুমতী। আমি তো ঠুকে ছাপতে দেব না, খাতাখানি আগে আটক করে রাখব। আমার ততটুকু বুদ্ধি আছে দিদি—

কমলমুখী। তা, যে নমুনা দেখিয়েছিলি।—তোর সেটুকু বুদ্ধি আছে জানি, কিন্তু শুনোঁছি বিয়ে করলে আবার স্বামীর লেখা সম্বন্ধে মত বদলাতে হয়।

ইন্দুমতী। আমার তো তার দরকার হবে না। সে লেখা তোদের ভালো লাগে না—আমার

ভালো লেগেছে। সে আরো ভালো—আমার কবি কেবল আমারই কবি থাকবে, পৃথিবীতে তাঁর কেবল একাটমাত্র পাঠক থাকবে—

কমলমুখী। ছাপবার খরচ বেঁচে যাবে—

ইন্দুমতী। সবাই তাঁর কবিত্বের প্রশংসা করলে আমার প্রশংসার মূল্য থাকবে না।

কমলমুখী। সে ভয় তোকে করতে হবে না। যা হোক, তোর গয়লাটিকে তোর পছন্দ হয়েছে তা নিয়ে তোর সঙ্গে ঝগড়া করতে চাই নে। তাকে নিয়ে তুই চিরকাল সুখে থাক বোন। তোর গোয়াল দিনে দিনে পরিপূর্ণ হয়ে উঠুক।

ইন্দুমতী। ঐ বিনোদবাবু আসছেন। মুখটা ভারি বিমর্ষ দেখছি।

[প্রস্থান]

বিনোদবিহারীর প্রবেশ

কমলমুখী। তাঁকে এনেছেন?

বিনোদবিহারী। তিনি তাঁর বাপের বাড়ি গেছেন, তাঁকে আনবার তেমন সুবিধে হচ্ছে না।

কমলমুখী। আমার বোধ হচ্ছে তিনি যে আমার সঙ্গিনীভাবে এখানে থাকেন সেটা আপনার আন্তরিক হচ্ছে নয়।

বিনোদবিহারী। আপনাকে আমি বলতে পারি নে, তিনি এখানে আপনার কাছে থাকলে আমি কত সুখী হই। আপনার দৃষ্টান্তে তাঁর কত শিক্ষা হয়। যথার্থ ভদ্র স্ত্রীলোকের কীরকম আচার-ব্যবহার কথাবার্তা হওয়া উচিত তা আপনার কাছে থাকলে তিনি বদ্বতে পারবেন। বেশ সম্ভ্রম রক্ষা করে চলা অথচ নিতান্ত জড়োসড়ো হয়ে না থাকা, বেশ শোভন লজ্জাটুকু রাখা অথচ সহজ-ভাবে চলাফেরা, এক দিকে উদার সহৃদয়তা আর-এক দিকে উজ্জ্বল বুদ্ধি, এমন দৃষ্টান্ত তিনি আর কোথায় পাবেন।

কমলমুখী। আমার দৃষ্টান্ত হয়তো তাঁর পক্ষে সম্পূর্ণ অনাবশ্যক। শুধুনিছি আপনি তাঁকে অল্পদিন হল বিবাহ করেছেন, হয়তো তাঁকে ভালো করে জানেন না—

বিনোদবিহারী। তা বটে। কিন্তু যদিও তিনি আমার স্ত্রী তবু এ কথা আমাকে স্বীকার করতেই হবে আপনার সঙ্গে তাঁর তুলনা হতে পারে না।

কমলমুখী। ও কথা বলবেন না। আপনি হয়তো জানেন না আমি তাঁকে বাল্যকাল হতে চিনি। তাঁর চেয়ে আমি যে কোনো অংশে শ্রেষ্ঠ এমন আমার বোধ হয় না।

বিনোদবিহারী। আপনি তাঁকে চেনেন?

কমলমুখী। খুব ভালোরকম চিনি।

বিনোদবিহারী। আমার সম্বন্ধে তিনি আপনার কাছে কোনো কথা বলেছেন?

কমলমুখী। কিছু না। কেবল বলেছেন, তিনি আপনার ভালোবাসার যোগ্য নন। আপনাকে সুখী করতে না পেরে এবং আপনার ভালোবাসা না পেয়ে তাঁর সমস্ত জীবনটা ব্যর্থ হয়ে আছে।

বিনোদবিহারী। এ তাঁর ভারি ভ্রম। তবে আপনার কাছে স্পষ্ট স্বীকার করি, আমিই তাঁর ভালোবাসার যোগ্য নই। আমি তাঁর প্রতি বড়ো অন্যায় করেছি, কিন্তু সে তাঁকে ভালোবাসি নে বলে নয়। আমি দরিদ্র, বিবাহের পূর্বে সে কথা ভালো বদ্বতে পারতুম না—কিন্তু লক্ষ্মীকে ঘরে এনেই যেন অলক্ষ্মীকে স্বিগুণ স্পষ্ট দেখতে পেলুম; মনটা প্রতিমুহূর্তে অসুখী হতে লাগল। সেইজন্যই আমি তাঁকে বাপের বাড়ি পাঠিয়েছিলাম। তার পরে আপনার অনুগ্রহে আমার অবস্থা সচ্ছল হয়ে অবধি তাঁর অভাব আমি সর্বদাই অনুভব করি—তাঁকে আনবার অনেক চেষ্টা করছি, কিন্তু কিছুতেই তিনি আসছেন না। অবশ্য, তিনি রাগ করতে পারেন, কিন্তু আমি কী এত বেশি অপরাধ করেছি!

কমলমুখী। তবে আর একটি সংবাদ আপনাকে দিই। আপনার স্ত্রীকে আমি এখানে আনিয়ে রেখেছি।

বিনোদবিহারী। (আগ্ৰহে) কোথায় আছেন তিনি, আমার সঙ্গে একবার দেখা করিয়ে দিন।  
কমলমুখী। তিনি ভয় করছেন পাছে আপনি তাঁকে ক্ষমা না করেন—যদি অভয় দেন—  
বিনোদবিহারী। বলেন কী, আমি তাঁকে ক্ষমা করব! তিনি যদি আমাকে ক্ষমা করতে পারেন—

কমলমুখী। তিনি কোনোকালেই আপনাকে অপরাধী করেন নি, সেজন্যে আপনি ভাববেন না—

বিনোদবিহারী। তবে এত মিনতি করছি তিনি আমাকে দেখা দিচ্ছেন না কেন।

কমলমুখী। আপনি সত্যি যে তাঁর দেখা চান এ জানতে পারলে তিনি এক মূহূর্ত গোপনে থাকতেন না। তবে নিতান্ত যদি সেই পোড়ারমুখ দেখতে চান তো দেখুন।

মুখ-উন্মাতন

বিনোদবিহারী। আপনি! তুমি! কমল! আমাকে মাপ করলে!

ইন্দুমতীর প্রবেশ

ইন্দুমতী। মাপ করিস নে দাঁদি। আগে উপযুক্ত শাস্তি হোক, তার পরে মাপ।

বিনোদবিহারী। তা হলে অপরাধীকে আর-একবার বাসরঘরে আপনার হাতে সমর্পণ করতে হয়।

ইন্দুমতী। দেখেছিছ ভাই, কতবড়ো নিলজ্জ। এরই মধ্যে মূখে কথা ফুটেছে। ওদের একটু আদর দিয়েছিছ কি আর ওদের সামলে রাখবার জো নেই। মেয়েমানুষের হাতে পড়েই ওদের উপযুক্তমত শাসন হয় না। যদি ওদের নিজের জাতের সঙ্গে ঘরকন্না করতে হত তা হলে দেখতুম ওদের এত আদর থাকত কোথায়।

বিনোদবিহারী। তা হলে ভূভারহরণের জন্য মাঝে মাঝে অবতারের আবশ্যক হত না; পরস্পরকে কেটেকুটে সংসারটা অনেকটা সংক্ষেপ করে আনতে পারতুম।

কমলমুখী। ঐ ক্ষান্তদাঁদি আসছেন। (বিনোদের প্রতি) তোমার সাক্ষাতে উনি বেরোবেন না।

[বিনোদবিহারীর প্রস্থান]

ক্ষান্তমণির প্রবেশ

ক্ষান্তমণি। তা বেশ হয়েছে ভাই, বেশ হয়েছে। এই বুঝি তোর নতুন বাড়ি। এ যে রাজার ঐশ্বর্য। তা বেশ হয়েছে। এখন তোর স্বামী ধরা দিলেই আর কোনো খেদ থাকে না।

ইন্দুমতী। সে বুঝি আর বাকি আছে! স্বামীরহীটিকে ভাঁড়ারে পুঁরেছেন।

ক্ষান্তমণি। আহা, তা বেশ হয়েছে, বেশ হয়েছে। কমলের মতো এমন লক্ষ্মী মেয়ে কি কখনো অসুখী হতে পারে।

ইন্দুমতী। ক্ষান্তদাঁদি, তুমি যে এই ভরসন্দের সময় ঘরকন্না ফেলে এখানে ছুটে এসেছ।

ক্ষান্তমণি। আর ভাই, ঘরকন্না! আমি দুদিন বাপের বাড়ি গিয়েছিলুম, এই গুর আর সহ্য হল না। রাগ করে ঝর ছেড়ে শুনলুম তোদের এই বাড়িতে এসে রয়েছেন। তা ভাই, বিয়ে করেছি বলেই কি বাপ-মা একেবারে পর হয়ে গেছে। দুদিন সেখানে থাকতে পাব না! যা হোক, খবরটা পেয়ে চলে আসতে হল।

ইন্দুমতী। আবার তাকে বাড়িতে ফিরিয়ে নিয়ে যাবে বুঝি!

ক্ষান্তমণি। তা ভাই, একলা তো আর ঘরকন্না হয় না। ওদের যে চাই, ওদের যে নইলে নয়। নইলে আমার কি সাথ ওদের সঙ্গে কোনো সম্পর্ক রাখি।

ইন্দুমতী। তোমার কতটিটকে দেখবে তো এসো, ঐ ঘর থেকে দেখা যাবে।



## চতুর্থ দৃশ্য

ঘর

শিবচরণ, নিমাই, নিবারণ ও চন্দ্রকান্ত

চন্দ্রকান্ত। সমস্ত ঠিক হয়ে গেছে।

শিবচরণ। কী হল বলো দেখি।

চন্দ্রকান্ত। লালিতের সঙ্গে কাদম্বিনীর বিবাহ স্থির হয়ে গেল।

নিবারণ। সে কী! সে যে বিবাহ করবে না শুনলুম?

চন্দ্রকান্ত। সে তো স্ত্রীকে বিবাহ করছে না। তার টাকা বিয়ে করে টাকাটি সঙ্গে নিয়ে বিলেত যাবে। যা হোক, এখন আর-একবার আমাদের নিমাইবাবুর মত নেওয়া উচিত—ইতিমধ্যে যদি আবার বদল হয়ে থাকে।

শিবচরণ। (ব্যস্তভাবে) না না, আর মত বদলাতে সময় দেওয়া হবে না। তার পূর্বেই আমরা পাঁচজনে পড়ে কোনো গাতিকে ওর বিয়েটা দিয়ে দিতে হচ্ছে। চলো নিমাই, অনেক আয়োজন করার আছে। (নিবারণের প্রতি) তবে চললেম ভাই।

নিবারণ। এসো।

[ নিমাই ও শিবচরণের প্রস্থান

চন্দ্রবাবু, আপনার তো খাওয়া হল না, কেবল ঘুরে ঘুরেই অস্থির হলেন—একটু বসুন, আপনার জন্যে জলখাবারের আয়োজন করে আসিগে।

[ প্রস্থান

ক্ষান্তমণির প্রবেশ

ক্ষান্তমণি। এখন বাড়ি যেতে হবে? না কী।

চন্দ্রকান্ত। (দেওয়ালের দিকে মূখ্য করিয়া) নাঃ, আমি এখানে বেশ আছি।

ক্ষান্তমণি। তা তো দেখতে পাচ্ছি। তা, চিরকাল এইখানেই কাটাবে না কি।

চন্দ্রকান্ত। বিন্দুর সঙ্গে আমার তে সেইরকমই কথা হয়েছে।

ক্ষান্তমণি। বিন্দু তোমার দ্বিতীয় পক্ষের স্ত্রী কিনা, বিন্দুর সঙ্গে কথা হয়েছে! এখন ঢের হয়েছে, চলো।

চন্দ্রকান্ত। (জিব কাটিয়া মাথা নাড়িয়া) সে কি হয়! বন্ধুমানুষকে কথা দিয়েছি এখন কি সে ভাঙতে পারি।

ক্ষান্তমণি। আমার ঘাট হয়েছে, আমাকে মাপ করো তুমি। আমি আর কখনো বাগে রে বাড়ি গিয়ে থাকব না। তা, তোমার তো অল্প হয় নি—আমি তো সেখান থেকে সমস্ত রেং এ তোমাকে পাঠিয়ে দিয়েছি।

চন্দ্রকান্ত। বড়োবউ, আমি কি তোমার রান্নার জন্যে তোমাকে বিয়ে করেছিলাম। যে বৎসর তোমার সঙ্গে অভাগার শূভবিবাহ হয় সে বৎসর কলকাতা শহরে কি রাধুনি। বামুনের মড়ক হয়েছিল।

ক্ষান্তমণি। আমি বলছি, আমার একশো বার ঘাট হয়েছে, আমাকে মাপ করো—আমি আর কখনো এমন কাজ করব না। এখন তুমি ঘরে চলো।

চন্দ্রকান্ত। তবে একটু রোসো। নিবারণবাবু আমার জলখাবারের ব্যবস্থা করতে গেছেন—উপস্থিত ত্যাগ করে যাওয়াটা শাস্ত্রবিরুদ্ধ।

ক্ষান্তমণি। আমি সেখানে সব ঠিক করে রেখেছি, তুমি এখান চলো।

চন্দ্রকান্ত। বল কী, নিবারণবাবু—

ক্ষান্তমণি। সে আমি নিবারণবাবুকে বলে পাঠাব এখন, তুমি চলো।

চন্দ্রকান্ত। তবে চলো। সকল গোরুগুলিই তো একে একে গোষ্ঠে গেল। আমিও যাই।

বন্ধুগণ। (নেপথ্য হইতে) চন্দ্রদা।

ক্ষান্তমণি। ঐ রে, আবার ওরা আসছে! ওদের হাতে পড়লে আর তোমার রক্ষে নেই।

চন্দ্রকান্ত। ওদের হাতে তুমি আমি দুজনেই পড়ার চেয়ে একজন পড়া ভালো। শাস্ত্রে লিখছে 'সর্বনাশে সমুৎপন্নে অর্ধং ত্যজতি পশ্চিভঃ'; অতএব এ স্থলে আমার অর্ধাঙ্গের সরাই ভালো।

ক্ষান্তমণি। তোমার ঐ বন্ধুগুলোর জ্বালায় আমি কি মাথামোড় খুঁড়ে মরব।

[প্রস্থান]

বিনোদবিহারী, নিমাই ও নলিনাক্ষের প্রবেশ

চন্দ্রকান্ত। কেমন মনে হচ্ছে বিন্দু?

বিনোদবিহারী। সে আর কী বলব দাদা?

চন্দ্রকান্ত। নিমাই, তোর স্নায়ুরোগের বর্তমান লক্ষণটা কী বল দেখি।

নিমাই। অত্যন্ত সাংঘাতিক। ইচ্ছে করছে দিগ্বিদিকে নেচে বেড়াই।

চন্দ্রকান্ত। ভাই, নাচতে হয় তো দিকে নেচো, আবার বিদিকে নেচো না। পূর্বে তোমার ঘে-রকম দিগ্‌ভ্রম হয়েছিল—কোথায় মির্জাপুর আর কোথায় বাগবাজার!

নিমাই। এখন তোমার খবরটা কী চন্দ্রদা?

চন্দ্রকান্ত। আমি কিছু শ্বিধায় পড়ে গেছি। এখানেও আহার তৈরি হচ্ছে ঘরেও আহার প্রস্তুত—কিন্তু ঘরের দিকে ডবল টান পড়েছে।

নলিনাক্ষ। বিন্দু, এই মরুজগৎ তোমার কাছে তো আবার নন্দনকানন হয়ে উঠল—তুমি তো ভাই সুখী হলে—

চন্দ্রকান্ত। সেজন্যে ওকে আর লজ্জা দিস নে নলিন, সে ওর দোষ নয়। সুখী না হবার জন্যে ও যথাসাধ্য চেষ্টা করেছিল, এমন-কি, প্রায় সম্পূর্ণ কৃতকার্য হয়েছিল; এমন সময় বিধাতা ওর সঙ্গে লাগলেন—নিতান্ত ওকে কানে ধরে সুখী করে দিলেন। সেজন্যে ওকে মাপ করতে হবে।

বিনোদবিহারী। দেখ্ নলিন, তুই আমাকে ত্যাগ কর্। দুধের সাধ আর ঘোলে মেটাস নে। তুইও একটা বিয়ে করে ফেল্—আর এই জগৎটাকে শাখের মরুভূমি করে রাখিস নে।

চন্দ্রকান্ত। একদিন প্রতিজ্ঞা করেছিলুম, নলিন, জীবনে আর কখনো ঘটকালি করব না—আজ তোর খাতিরে সে প্রতিজ্ঞা আমি এখন ভঙ্গ করতে প্রস্তুত আছি।

নিমাই। এখন?

চন্দ্রকান্ত। হাঁ এখনি। একবার কেবল বাড়ি থেকে চাদরটা বদলে আসতে হবে।

নিমাই। সেই কথাটা খুলে বলো। আর এ পর্যন্ত তোমার প্রতিজ্ঞা যে কীরকম রক্ষা করে এসেছে সে আর প্রকাশ করে কাজ নেই।

বিনোদবিহারী। নলিন, আমার গা ছুঁয়ে বল দেখি তুই বিয়ে করবি।

নলিনাক্ষ। তুমি যদি বল বিন্দু, তা হলে আমি নিশ্চয় করব। এ পর্যন্ত আমি তোমার কোন্ অনুরোধটা রাখি নি বলো।

বিনোদবিহারী। চন্দ্রদা, তবে আর কী! একটা খোঁজ করো। একটি সং কায়স্থের মেয়ে। ওঁদের আবার একটু সুবিধে আছে—খাদ্যের সঙ্গে হজমিগুদলিটুকু পান, রাজকন্যার সঙ্গে অর্ধেক রাজস্বের জোগাড় হয়।

চন্দ্রকান্ত। তা বেশ কথা। আমি এই সংসারসমুদ্রে দিবাি একটি থেয়া জমিয়েছি—একে একে তোদের দুটিকে আইবুড়ো-কুল থেকে বিবাহ-কুলে পার করে দিয়েছি—মিস্টার চাটুজ্যেকেও এক-হাটু কাদার মধ্যে নাবিয়ে দিয়ে এসেছি, এখন আর কে কে যাত্রী আছে ডাক দাও—

বিনোদবিহারী। এখন এই অন্যথ যুবকটিকে পার করে দাও।

নলিনাক্ষ। বিন্দু ভাই, আর কেউ নয়, কেবল তুমি যাকে পছন্দ করে দেবে, আমি তাকেই নেব। দেখেছি তোমার সঙ্গে আমার রুচির মিল হয়।

বিনোদবিহারী। তাই সই। তবে আমি সন্ধ্যানে বেরোব। চন্দ্রদার আবার চাদের বদলাতে বড়ো বিলম্ব হয় দেখেছি। ততক্ষণ আমিই থেয়া দেব।

নিমাই। আজ তবে সভাভঙ্গ হোক। ও দিকে যতই রাত বয়ে যাচ্ছে আমাদের চন্দ্র ততই ম্লান হয়ে আসছেন।

চন্দ্রকান্ত। উত্তম প্রস্তাব। কিন্তু আগে আমাদের ভাগ্যলক্ষ্মীদের একটি বন্দনা গেয়ে তার পরে বেরোনো যাবে। এটি বিরহকালে আমার নিজের রচনা—বিরহ না হলে গান বাঁধবার অবসর পাওয়া যায় না। মিলনের সময় মিলনটা নিয়েই কিছ্‌ ব্যতিব্যস্ত হয়ে থাকতে হয়।

#### গান

প্রথমে চন্দ্র পরে সকলে মিলিয়া

বাউলের সুর

যার অদৃষ্টে যেমনি জুটুক তোমরা সবাই ভালো!  
আমাদের এই আঁধার ঘরে সন্ধ্যাপ্রদীপ জ্বালো।  
কেউ বা অতি জ্বলজ্বল, কেউ বা ম্লান ছিলছিল,  
কেউ বা কিছ্‌ দহন করে, কেউ বা স্নিগ্ধ আলো।  
নতুন প্রেমে নতুন বধ, আগাগোড়া কেবল মধু,  
পুরাতনে অম্লমধুর একটুকু ঝাঁঝালো।  
বাক্য যখন বিদায় করে, চক্ষু এসে পায় ধরে,  
রাগের সঙ্গে অনুরাগে সমান ভাগে ঢালো।  
আমরা তৃষ্ণা তোমরা সুধা, তোমরা তৃপ্ত আমরা ক্ষুধা,  
তোমার কথা বলতে কবির কথা ফুরালো।  
যে মূর্তি নয়নে জাগে সবই আমার ভালো লাগে—  
কেউ বা দিবি গৌরবরন, কেউ বা দিবি কালো।

# বিদায়-অভিশাপ

প্রকাশ : ১৮৯৪

চিত্রাঙ্গদার দ্বিতীয় সংস্করণের (১৩০১) সঙ্গে একত্র গ্রথিত হয়ে  
'চিত্রাঙ্গদা ও বিদায়-অভিশাপ' প্রথম প্রকাশিত হয়।



କଚ ଓ ଦେବସାନୀ  
ଅବନୀନ୍ଦ୍ରନାଥ ଠାକୁର - ଅଙ୍କିତ

দেবগণকর্তৃক আদিষ্ট হইয়া বৃহস্পতিপুত্র কচ দৈত্যগুরু শক্রাচার্যের নিকট হইতে সঞ্জীবনী বিদ্যা শিখিবার নিমিত্ত তৎসমীপে গমন করেন। সেখানে সহস্র বৎসর অতি-বাহন করিয়া এবং নৃত্যগীতবাদ্যম্বারা শত্রুদুহিতা দেবযানীর মনোরঞ্জনপূর্বক সিদ্ধকাম হইয়া কচ দেবলোকে প্রত্যাগমন করেন। দেবযানীর নিকট হইতে বিদায়-কালীন ব্যাপারে পরে বিবৃত হইল।

### কচ ও দেবযানী

কচ। দেহো আজ্ঞা, দেবযানী, দেবলোকে দাস করিবে প্রয়াণ। আজি গুরুগৃহবাস সমাপ্ত আমার। আশীর্বাদ করো মোরে যে বিদ্যা শিখিনু তাহা চিরদিন ধরে অন্তরে জাজ্বল্য থাকে উজ্জ্বল রতন, সুমেরুশিখরশিরে সূর্যের মতন, অক্ষয়কিরণে।

দেবযানী। মনোরথ পূরিয়াছে,  
পেয়েছ দুর্লভ বিদ্যা আচার্যের কাছে,  
সহস্রবর্ষের তব দুঃসাধ্যসাধনা  
সিদ্ধ আজি; আর কিছ্রু নাই কি কামনা  
ভেবে দেখো মনে মনে।

কচ। আর কিছ্রু নাই।

দেবযানী। কিছ্রু নাই? তবু আরবার দেখো চাহি  
অবগাহি হৃদয়ের সীমান্ত অবধি  
করহ সন্ধান—অন্তরের প্রান্তে যদি  
কোনো বাজ্ঞা থাকে, কুশের অঙ্কুর-সম  
ক্ষুদ্র-দৃষ্টি-অগোচর, তবু তীক্ষ্ণতম।

কচ। আজি পূর্ণ কৃতার্থ জীবন। কোনো ঠাই  
মোর মাঝে কোনো দৈন্য কোনো শূন্য নাই  
সুদৃষ্টিগণে।

দেবযানী। তুমি সুখী ত্রিজগৎ-মাঝে।  
যাও তবে ইন্দ্রলোকে আপনার কাজে  
উচ্চশিরে গৌরব বহিয়া। স্বর্গপুরে  
উঠিবে আনন্দধ্বনি, মনোহর সুরে  
বাজিবে মঙ্গলশঙ্খ, সুরাঙ্গনাগণ  
করিবে তোমার শিরে পুষ্প বরিষন  
সদ্যছিন্ন নন্দনের মন্দারমঞ্জরী।  
স্বর্গপথে কলকণ্ঠে অম্বরী কিল্মরী  
দিবে হৃদধ্বনি। আহা, বিপ্র, বহুক্রোশে  
কেটেছে তোমার দিন বিজনে বিদেশে  
সুকঠোর অধ্যয়নে। নাই ছিল কেহ

স্মরণ করায় দিতে সুখময় গেহ,  
নিবারিতে প্রবাসবেদনা। অতিথিরে  
যথাসাধ্য পূজিয়াছি দরিদ্রকুটীরে  
যাহা ছিল দিলে। তাই ব'লে স্বর্গসুখ  
কোথা পাব, কোথা হেথা অনিন্দিত সুখ  
সুন্দরললনার। বড়ো আশা করি মনে  
আতিথ্যের অপরাধ রবে না স্মরণে  
ফিরে গিয়ে সুখলোকে।

কচ।

সুকল্যাণ হাসে

দেবযানী।

প্রসন্ন বিদায় আজি দিতে হবে দাসে।  
হাসি? হায় সখা, এ তো স্বর্গপূরী নয়।  
পুষ্পে কীটসম হেথা তৃষ্ণা জেগে রয়  
মর্ম্মাঝে, বাজ্ঞা ঘুরে বাজ্ঞিতের ঘিরে,  
লাঞ্ছিত ভ্রমর যথা বারংবার ফিরে  
মর্দিত পশ্মের কাছে। হেথা সুখ গেলে  
স্মৃতি একাকিনী বসি দীর্ঘস্বাস ফেলে  
শূন্যগৃহে—হেথায় সুলভ নহে হাসি।  
যাও বন্ধু, কী হইবে মিথ্যা কাল নাশি—  
উৎকণ্ঠিত দেবগণ।

যেতেছ চলিয়া?

সকলি সমাপ্ত হল দু-কথা বলিয়া?  
দশশত বর্ষ পরে এই কি বিদায়!

কচ।

দেবযানী, কী আমার অপরাধ!

দেবযানী।

হায়,

সুন্দরী অরণ্যভূমি সহস্র বৎসর  
দিয়েছে বঙ্গভাষায় পল্লবমর্ম্মর,  
শূন্যয়েছে বিহঙ্গকুজন—তারে আজি  
এতই সহজে ছেড়ে যাবে? তরুরাজি  
ম্লান হয়ে আছে যেন, হেরো আজিকার  
বনচ্ছায়া গাঢ়তর শোকে অন্ধকার,  
কেঁদে ওঠে বায়ু, শূন্য পত্র ঝরে পড়ে,  
তুমি শূন্য চলে যাবে সহাস্য অধরে  
নিশান্তের সুখস্বপ্নসম?

কচ।

দেবযানী,

এ বনভূমিরে আমি মাতৃভূমি মানি,  
হেথা মোর নবজন্মলাভ। এর পরে  
নাহি মোর অনাদর, চিরপ্রীতিভরে  
চিরদিন করিব স্মরণ।

দেবযানী।

এই সেই

বটতল, যেথা তুমি প্রতি দিবসেই  
গোধন চরাতে এসে পড়িতে ঘুমায়ে  
মধ্যাহ্নের খরতাপে; ক্রান্ত তব কায়ে



অতিথিবৎসল তরু দীর্ঘ ছায়াখানি  
 দিত বিছাইয়া, স্নানস্নান দিত আনি  
 ঝঝঝপল্লবদলে করিয়া বীজন  
 মৃদুস্বরে। যেহে সখা, তবু কিছুক্ষণ  
 পরিচিত তরুতলে বোসো শেষবার,  
 নিয়ে যাও সম্ভাষণ এ স্নেহছায়ার,  
 দুই দণ্ড থেকে যাও—সে বিলম্বে তব  
 স্বর্গের হবে না কোনো ক্ষতি।

কচ।

অভিনব

বলে যেন মনে হয় বিদায়ের ক্ষণে  
 এই-সব চিরপরিচিত বন্ধুগণে—  
 পলাতক প্রিয়জনে বাঁধবার তরে  
 করিছে বিস্তার সবে ব্যগ্র স্নেহভরে  
 নতুন বন্ধনজাল, অন্তিম মিনতি,  
 অপূর্ণ সৌন্দর্যরাশি। ওগো বনস্পতি,  
 আশ্রিতজনের বন্ধু, করি নমস্কার।  
 কত পান্থ বসিবেক ছায়ায় তোমার,  
 কত ছাত্র কত দিন আমার মতন  
 প্রচ্ছন্ন প্রচ্ছায়তলে নীরব নির্জন  
 তৃণাসনে, পতঙ্গের মৃদুগুণ্ণস্বরে,  
 করিবেক অধ্যয়ন—প্রাতঃস্নান-পরে  
 ঋষিবালকেরা আসি সজল বকল  
 শ্রুকাবে তোমার সাথে—রাখালের দল  
 মধ্যাহ্নে করিবে খেলা—ওগো, তারি মাঝে  
 এ পুরানো বন্ধু যেন স্মরণে বিরাজে।

নন্দী।

মনে রেখো আমাদের হোমধেনুটিরে;  
 স্বর্গসুধা পান করে সে পুণ্যগাভীরে  
 ভুলো না গরবে।

কচ।

সুধা হতে সুধাময়

দুগ্ধ তার—দেখে তারে পাপক্ষয় হয়,  
 মাতৃরূপা, শান্তিস্বরূপিণী, শত্রুকান্তি  
 পয়স্বিনী। না মানিয়া ক্ষুধাতৃষ্ণাশ্রান্তি  
 তারে করিয়াছি সেবা, গহন কাননে  
 শ্যামশম্প স্রোতস্বিনীতীরে তারি সনে  
 ফিরিয়াছি দীর্ঘ দিন; পরিতৃপ্তভরে  
 স্বেচ্ছামতে ভোগ করি নিম্নতট-পরে  
 অপরিপূর্ণ তৃণরাশি সন্নিবিষ্ট কোমল—  
 আলস্যমন্তর তনু লভি তরুতল  
 রোমন্থ করেছে ধীরে শূন্যে তৃণাসনে  
 সারাবেলা; মাঝে মাঝে বিশাল নয়নে  
 স্কৃতজ্ঞ শান্ত দৃষ্টি মেলি, গাঢ়স্নেহ  
 চক্ষু দিয়া লেহন করেছে মোর দেহ।

মনে রবে সেই দৃষ্টি স্নিগ্ধ অচঞ্চল,  
পরিপদ্যুত শব্দ তনু চিকণ পিচ্ছল।  
দেবযানী। আর মনে রেখো আমাদের কলস্বনা  
স্নোতিস্বনী বেগমতী।

কচ। তারে ভুলিব না।

বেগমতী, কত কুসুমিত কুঞ্জ দিয়ে  
মধুকণ্ঠে আনন্দিত কলগান নিয়ে  
আসিছে শব্দশ্রুয়া বহি গ্রাম্যবধুসম  
সদা ক্ষিপ্ৰগতি, প্রবাসসঙ্গিনী মম  
নিত্য শব্দভরতা।

দেবযানী। হায় বন্ধু, এ প্রবাসে  
আরো কোনো সহচরী ছিল তব পাশে,  
পরগৃহবাসদুঃখ ভুলাবার তরে  
যত্ন তার ছিল মনে রাত্রিদিন ধরে—  
হায় রে দুরাশা!

কচ। চিরজীবনের সনে  
তার নাম গাঁথা হয়ে গেছে।

দেবযানী। আছে মনে  
যেদিন প্রথম তুমি আসিলে হেথায়  
কিশোর ব্রাহ্মণ, তরুণ অরুণপ্রায়  
গৌরবর্ণ তনুখানি স্নিগ্ধদীপ্তি-ঢালা,  
চন্দনে চর্চিত ভাল, কণ্ঠে পদ্মপমালা,  
পরিহিত পট্টবাস, অধরে নয়নে  
প্রসন্ন সরল হাসি, হোথা পদ্মপবনে  
দাঁড়ালে আসিয়া—

কচ। তুমি সদ্য স্নান করি  
দীর্ঘ আদ্র কেশজালে, নবশব্দক্লান্তবরী  
জ্যোতিঃস্নাত মূর্তিমতী উষা, হাতে সাজি  
একাকী তুলিতেছিলে নব পদ্মপরাজি  
পূজার লাগিয়া। কহিনু করি বিনতি,  
'তোমারে সাজে না শ্রম, দেহো অননুমতি  
ফুল তুলে দিব দেবী।'

দেবযানী। আমি সর্বস্বয়  
সেই ক্ষণে শব্দধান, তোমার পরিচয়।  
বিনয়ে কহিলে, 'আসিয়াছি তব দ্বারে  
তোমার পিতার কাছে শিষ্য হইবারে  
আমি বৃহস্পতিসুত।'

কচ। শঙ্কা ছিল মনে,  
পাছে দানবের গদর, স্বর্গের ব্রাহ্মণে  
দেন ফিরাইয়া।

দেবযানী। আমি গেনু তাঁর কাছে।  
হাসিয়া কহিনু, 'পিতা, ভিক্ষা এক আছে



চরণে তোমার।' স্নেহে বসাইয়া পাশে  
শিরে মোর দিয়ে হাত শান্ত মৃদু ভাষে  
কহিলেন, 'কিছু নাহি অদেয় তোমারে।'  
কহিলাম, 'বৃহস্পতিপুত্র তব দ্বারে  
এসেছেন, শিষ্য করি লহো তুমি তাঁরে  
এ মিনতি।' সে আজিকে হল কত কাল,  
তবু মনে হয় যেন সেদিন সকাল।

কচ। ঈর্ষাভরে তিনবার দৈত্যগণ মোরে  
করিয়াছে বধ, তুমি দেবী দয়া করে  
ফিরায়ে দিয়েছ মোর প্রাণ, সেই কথা  
হৃদয়ে জাগায়ে রবে চিরকৃতজ্ঞতা।

দেবযানী। কৃতজ্ঞতা! ভুলে যেয়ো, কোনো দুঃখ নাই।  
উপকার যা করেছি হয়ে যাক ছাই—  
নাহি চাই দান-প্রতিদান। সুখস্মৃতি  
নাহি কিছু মনে? যদি আনন্দের গীতি  
কোনো দিন বেজে থাকে অন্তরে বাহিরে,  
যদি কোনো সন্ধ্যাবেলা বেগমতীতীরে  
অধ্যয়ন-অবসরে বাসি পুষ্পবনে  
অপূর্ব পুলকরাশি জেগে থাকে মনে,  
ফুলের সৌরভসম হৃদয়-উচ্ছ্বাস  
ব্যাপ্ত করে দিয়ে থাকে সয়াহ্ন-আকাশ,  
ফুটন্ত নিকুঞ্জতল, সেই সুখকথা  
মনে রেখো---দূর হয়ে যাক কৃতজ্ঞতা।  
যদি, সখা, হেথা কেহ গেয়ে থাকে গান  
চিহ্নে যাহা দিয়োঁছিল সুখ; পরিধান  
করে থাকে কোনো দিন হেন বস্ত্রখানি  
যাহা দেখে মনে তব প্রশংসার বাণী  
জেগেছিল, ভেবেছিলে প্রসন্ন অন্তর  
তৃপ্ত চোখে, আজি এরে দেখায় সুন্দর,  
সেই কথা মনে কোরো অবসরক্ষণে  
সুখস্বর্গধামে। কতদিন এই বনে  
দিগ্দিগন্তরে আষাঢ়ের নীল জটা  
শ্যাম্পিন্ধ বরষার নবঘনঘটা  
নেবেছিল, অবিরল বৃষ্টিজলধারে  
কর্মহীন দিনে সঘনকল্পনাভারে  
পীড়িত হৃদয়—এসেছিল কতদিন  
অকস্মাৎ বসন্তের বাধাবন্ধহীন  
উল্লাসহিল্লোলাকুল যৌবন-উৎসাহ,  
সংগীতমুখর সেই আবেগপ্রবাহ  
লতায় পাতায় পুষ্পে বনে বনান্তরে  
ব্যাপ্ত করি দিয়াছিল লহরে লহরে  
আনন্দপ্লাবন—ভেবে দেখো একবার

কত উষা, কত জ্যোৎস্না, কত অন্ধকার  
 পদ্পগন্ধঘন অমানিশা, এই বনে  
 গেছে মিশে সন্ধে দ্বণ্ডে তোমার জীবনে—  
 তারি মাঝে হেন প্রাতঃ, হেন সন্ধ্যাবেলা,  
 হেন মৃদুস্মৃতি, হেন হৃদয়ের খেলা,  
 হেন স্নেহ, হেন মৃদু দেয় নাই দেখা  
 যাহা মনে আঁকা রবে চিরচিরেখা  
 চিররাত্রি চিরদিন? শূন্য উপকার!  
 শোভা নহে, প্রীতি নহে, কিছুর নহে আর!

কচ। আর যাহা আছে তাহা প্রকাশের নয়  
 সখী। বহে যাহা মর্মমাঝে রক্তময়  
 বাহিরে তা কেমনে দেখাব।

দেবযানী। জানি সখে,  
 তোমার হৃদয় মোর হৃদয়-আলোকে  
 চকিতে দেখেছি কতবার, শূন্য যেন  
 চক্ষের পলকপাতে। তাই আজি হেন  
 স্পর্ধা রমণীর। থাকো তবে, থাকো তবে,  
 যেয়ো নাকো। স্নেহ নাই যশের গৌরবে।  
 হেথা বেগুনতীতীরে মোরা দুই জন  
 অভিনব স্বর্গলোক করিব সৃজন  
 এ নিজন বনচ্ছায়াসাথে মিশাইয়া  
 নিভৃত বিশ্রাম শূন্য দুইখানি হিয়া  
 নিখিলবিস্মৃত। ওগো বন্ধু, আমি জানি  
 রহস্য তোমার।

কচ। নহে, নহে, দেবযানী।  
 দেবযানী। নহে? মিথ্যা প্রবঞ্চনা! দেখি নাই আমি  
 মন তব? জান না কি প্রেম অন্তর্যামী।  
 বিকশিত পদ্প থাকে পল্লবে বিলীন—  
 গন্ধ তার লুকাবে কোথায়। কতদিন  
 যেমনি তুলেছ শূন্য, চেয়েছ যেমনি,  
 যেমনি শূনেছ তুমি মোর কণ্ঠধ্বনি,  
 অমনি সর্বাত্মে তব কম্পিয়াছে হিয়া—  
 নড়িলে হীরক যথা পড়ে ঠিকরিয়া  
 আলোক তাহার। সে কি আমি দেখি নাই?  
 ধরা পড়িয়াছ বন্ধু, বন্দী তুমি তাই  
 মোর কাছে। এ বন্ধন নারিবে কাটিতে।  
 ইন্দ্র আর তব ইন্দ্র নহে।

কচ। শূন্যচিস্মিতে,

সহস্র বৎসর ধরি এ দৈত্যপদুরীতে  
 এরি লাগি করেছি সাধনা?

দেবযানী। কেন নহে?

বিদ্যারই লাগিয়া শূন্য লোকে দ্বণ্ড সহে

এ জগতে? করে নি কি রমণীর লাগি  
কোনো নর মহাতপ? পঙ্কীবর মাগি  
করেন নি সম্বরণ তপতীর আশে  
প্রথর সূর্যের পানে তাকায় আকাশে  
অনাহারে কঠোর সাধনা কত? হায়,  
বিদ্যাই দুল্ভ শৃদ্ধ, প্রেম কি হেথায়  
এতই সুলভ? সহস্র বৎসর ধরে  
সাধনা করেছে তুমি কী ধনের তরে  
আপনি জান না তাহা। বিদ্যা এক ধারে,  
আমি এক ধারে—কভু মোরে কভু তারে  
চেয়েছ সোৎসুক; তব অনিশ্চিত মন  
দৌঁহারেই করিয়াছে যত্নে আরাধন  
সংগোপনে। আজ মোরা দৌঁছে এক দিনে  
আসিয়াছি ধরা দিতে। লহো, সখা, চিনে  
বারে চাও। বল যদি সরল সাহসে  
‘বিদ্যায় নাহিকো শৃদ্ধ, নাহি শৃদ্ধ যশে—  
দেবদানী, তুমি শৃদ্ধ সিদ্ধ মর্তিমতী,  
তোমারেই করিনু বরণ’—নাহি ক্ষতি,  
নাহি কোনো লজ্জা তাহে। রমণীর মন  
সহস্রবর্ষেরই, সখা, সাধনার ধন।

কভু। দেবদানীধানে শৃদ্ধে করেছিনু পণ  
মহাসঞ্জীবনী বিদ্যা করি উপার্জন  
দেবলোকে ফিরে যাব। এসেছিনু তাই,  
সেই পণ মনে মোর জেগেছে সদাই;  
পূর্ণ সেই প্রতিজ্ঞা আমার, চরিতার্থ  
এতকাল পরে এ জীবন—কোনো স্বার্থ  
করি না কামনা আজি।

দেবদানী।

ধিক্ মিথ্যাভাষী!

শৃদ্ধ বিদ্যা চেয়েছিলে? গুরুগৃহে আসি  
শৃদ্ধ ছাত্ররূপে তুমি আছিলে নিজনে  
শাস্ত্রগ্রন্থে রাখি আঁখি রত অধ্যয়নে  
‘অহরহ? উদাসীন আর-সবা-পরে?  
ছাড়ি অধ্যয়নশালা বনে বনান্তরে  
ফিরিতে পুষ্পের তরে, গাঁথি মালাখানি  
সহাস্য প্রফুল্লমুখে কেন দিতে আনি  
এ বিদ্যাহীনারে? এই কি কঠোর রত?  
এই তব ব্যবহার বিদ্যাধীর মতো?  
প্রভাতে রহিতে অধ্যয়নে, আমি আসি  
শূন্য সাজি হাতে লয়ে দাঁড়াতেম হাসি,  
তুমি কেন গ্রন্থ রাখি উঠিয়া আসিতে,  
প্রফুল্ল শিশিরসিক্ত কুসুমরাশিতে  
করিতে আমার পূজা? অপরাহ্নকালে

জলসেক করিতাম তরু-আলবালে,  
 আমারে হেরিয়া শ্রান্ত কেন দয়া করি  
 দিতে জল তুলে? কেন পাঠ পরিহারি  
 পালন করিতে মোর মৃগশিশুটিকে?  
 স্বর্গ হতে যে সংগীত এসেছিলে শিখে  
 কেন তাহা শুনাইতে, সন্ধ্যাবেলা যবে  
 নদীতীরে অন্ধকার নামিত নীরবে  
 প্রেমনত নয়নের স্পিন্ধচ্ছায়াময়  
 দীর্ঘ পল্লবের মতো? আমার হৃদয়  
 বিদ্যা নিতে এসে কেন করিলে হরণ  
 স্বর্গের চাতুরীজালে? বদ্বোধি এখন.  
 আমারে করিয়া বশ পিতার হৃদয়ে  
 চেয়েছিলে পশিবারে—কৃতকার্য হয়ে  
 আজ যাবে মোরে কিছু দিয়ে কৃতজ্ঞতা.  
 লক্ষ্মননোরথ অর্থী রাজম্বারে যথা  
 ম্বারীহস্তে দিয়ে যায় মদ্রা দ্বাই-চারি  
 মনের সন্তোষে।

কচ।

হা অভিমানিনী নারী.  
 সত্য শূনে কী হইবে সুখ। ধর্ম জানে.  
 প্রতারণা করি নাই; অকপট-প্রাণে  
 আনন্দ-অন্তরে তব সাধিয়া সন্তোষ.  
 সেবিয়া তোমাতে যদি করে থাকি দোষ.  
 তার শাস্তি দিতেছেন বিধি। ছিল মনে  
 কব না সে কথা। বলো কী হইবে জেনে  
 ত্রিভুবনে কারো যাহে নাই উপকার.  
 একমাত্র শূদ্ধ যাহা নিতান্ত আমার  
 আপনার কথা। ভালোবাসি কিনা আজ  
 সে তর্কে কী ফল? আমার যা আছে কাজ  
 সে আমি সাধিব। স্বর্গ আর স্বর্গ বলে  
 যদি মনে নাহি লাগে, দূর বনতলে  
 যদি ঘুরে মরে চিত্ত বিম্ব মৃগসম,  
 চিরতৃষ্ণা লেগে থাকে দগ্ধ প্রাণে মম  
 সর্বকার্য-মাঝে—তবু চলে যেতে হবে  
 সুখশূন্য সেই স্বর্গধামে। দেব-সবে  
 এই সঞ্জীবনী বিদ্যা করিয়া প্রদান  
 নতন দেবত্ব দিয়া তবে মোর প্রাণ  
 সার্থক হইবে; তার পূর্বে নাহি মানি  
 আপনার সুখ। ক্ষমো মোরে, দেবযানী,  
 ক্ষমো অপরাধ।

দেবযানী।

ক্ষমা কোথা মনে মোর!  
 করেছ এ নারীচিত্ত কুলিশকঠোর  
 হে রাক্ষস। তুমি চলে যাবে স্বর্গলোকে

সগৌরবে, আপনার কতব্যপদুলকে  
 সর্ব দ্বঃখশোক করি দূরপর্যাহত;  
 আমার কী আছে কাজ, কী আমার রত।  
 আমার এ প্রতিহত নিষ্ফল জীবনে  
 কী রহিল, কিসের গৌরব? এই বনে  
 বসে রব নতশিরে নিঃসঙ্গ একাকী  
 লক্ষ্যহীন। যে দিকেই ফিরাইব আঁখি  
 সহস্র স্মৃতির কাঁটা বিধিবে নিষ্ঠুর:  
 লুকায়ে বন্ধের তলে লজ্জা অতি রূর  
 বারংবার করিবে দংশন। ধিক্ ধিক্,  
 কোথা হতে এলে তুমি, নির্মম পথিক,  
 বসি মোর জীবনের বনচ্ছায়াতলে  
 দণ্ড-দুই অবসর কাটাবার ছলে  
 জীবনের সুখগুলি ফুলের মতন  
 ছিন্ন করে নিয়ে, মালা করেছ গ্রন্থন  
 একখানি সূত্র দিয়ে। যাবার বেলায়  
 সে মালা নিলে না গলে, পরম হেলায়  
 সেই সূক্ষ্ম সূত্রখানি দুই ভাগ করে  
 ছিঁড়ে দিয়ে গেলে। লুটাইল ধূলি-পরে  
 এ প্রাণের সমস্ত মহিমা। তোমা-পরে  
 এই মোর অভিশাপ—যে বিদ্যার তরে  
 মোরে কর অবহেলা, সে বিদ্যা তোমার  
 সম্পূর্ণ হবে না বশ—তুমি শূদ্ধ তার  
 ভারবাহী হয়ে রবে, করিবে না ভোগ;  
 শিখাইবে, পারিবে না করিতে প্রয়োগ।  
 কচ। আমি বর দিন্দু, দেবী, তুমি সুখী হবে।  
 ভুলে যাবে সর্বগুলি বিপদুল গৌরবে।

কালীগ্রাম

২৬ শ্রাবণ [১৩০০]



# ମାଲିନୀ

ପ୍ରକାଶ : ୧୪୯୬

মালিনী কাব্যগ্রন্থাবলীর (১৩০৩) অন্তর্ভুক্ত হয়ে প্রথম প্রকাশিত হয়।  
পরে ১৯১২ সালে স্বতন্ত্র পুস্তকাকারে প্রকাশিত হয়। বর্তমান  
সংস্করণের পাঠ, চতুর্থ দৃশ্যে মালিনীর চতুর্থ সংলাপের প্রথম পাঁচ  
ছত্র ব্যতীত, কাব্যগ্রন্থাবলী-অনুসারী।

## সূচনা

মালিনী নাট্যকার উৎপত্তির একটা বিশেষ ইতিহাস আছে, সে স্বপ্নঘটিত। কবিকঙ্কণকে দেবী স্বপ্নে আদেশ করেছিলেন তাঁর গুণকীর্তন করতে। আমার স্বপ্নে দেবীর আবির্ভাব ছিল না, ছিল হঠাৎ মনের একটা গভীর আত্মপ্রকাশ ঘুমন্ত বুদ্ধির সুযোগ নিয়ে।

তখন ছিলুম লন্ডনে। নিমন্ত্রণ ছিল প্রিমরোজ হিলে তারক পালিতের বাসায়। প্রবাসী বাঙালিদের প্রায়ই সেখানে হত জটলা, আর তার সংগে চলত ভোজ। গোলেমালে রাত হয়ে গেল। ঘাঁদের বাড়িতে ছিলুম অত রাতে দরজার ঘণ্টা বাজিয়ে দিয়ে হঠাৎ চমক লাগিয়ে দিলে গৃহস্থ সেটাকে দুঃসহ বলেই গণ্য করতেন তাই পালিত সাহেবের অনুরোধে তাঁর ওখানেই রাত্রিযাপন স্বীকার করে নিলুম। বিছানায় যখন শুইলুম তখনো চলছে কলরবের অন্তিম পর্ব, আমার ঘুম ছিল আবিল হয়ে।

এমন সময় স্বপ্ন দেখলুম, যেন আমার সামনে একটা নাটকের অভিনয় হচ্ছে। বিষয়টা একটা বিদ্রোহের চক্রান্ত। দুই বন্ধুর মধ্যে এক বন্ধু কর্তব্যবোধে সেটা ফাঁস করে দিয়েছেন রাজার কাছে। বিদ্রোহী বন্দী হয়ে এলেন রাজার সামনে। মৃত্যুর পূর্বে তাঁর শেষ ইচ্ছা পূর্ণ করবার জন্যে তাঁর বন্ধুকে যেই তাঁর কাছে এনে দেওয়া হল দুই হাতের শিকল তাঁর মাথায় মেরে বন্ধুকে দিলেন ভূমিসাৎ করে।

জেগে উঠে যেটা আমাকে আশ্চর্য ঠেকল সেটা হচ্ছে এই যে, আমার মনের একভাগ নিশ্চেষ্ট শ্রোতামাত্র, অন্যভাগ বুলে চলেছে একখানা নাটক। স্পষ্ট হোক অস্পষ্ট হোক একটা কথাবার্তার ধারা গল্পকে বহন করে চলেছিল। জেগে উঠে সে আমি মনে আনতে পারলুম না। পালিত সাহেবকে মনের ক্রিয়ার এই বিস্ময়করতা জানিয়েছিলুম। তিনি এটাতে বিশেষ কোনো ঔৎসুক্য বোধ করলেন না।

কিন্তু অনেক কাল এই স্বপ্ন আমার জাগ্রত মনের মধ্যে সঞ্চার করেছে। অবশেষে অনেক দিন পরে এই স্বপ্নের স্মৃতি নাট্যকার আকার নিয়ে শান্ত হল।

বোধ করি এই নাট্যকায় আমার রচনার একটা কিছু বিশেষত্ব ছিল, সেটা অনুভব করেছিলুম যখন দ্বিতীয় বার ইংলণ্ডে বাসকালে এর ইংরেজি অনুবাদ কোনো ইংরেজ বন্ধুর চোখে পড়ল। প্রথম দেখা গেল এটা আর্টিস্ট রোটেনস্টাইনের মনকে বিশেষভাবে আকর্ষণ করেছে। কখনো কখনো এটাকে তাঁর ঘরে অভিনয় করবার ইচ্ছেও তাঁর হয়েছিল। আমার মনে হল এই নাটকের প্রধান চরিত্রগুলি তাঁর শিল্পী-মনে মূর্তিরূপে স্পষ্ট হয়ে উঠেছে। তার পরে একদিন ট্রেভেলিয়ানের মুখে এর সম্বন্ধে মন্তব্য শুনলুম। তিনি কবি এবং গ্রীক সাহিত্যের রসজ্ঞ। তিনি আমাকে বললেন এই নাটকে তিনি গ্রীক নাট্যকলার প্রতিরূপ দেখেছেন। তার অর্থ কী তা আমি সম্পূর্ণ বুঝতে পারি নি কারণ যদিও কিছু কিছু তর্জমা পড়েছি তবু গ্রীক নাট্য আমার অভিজ্ঞতার বাইরে। শেক্সপীয়রের নাটক আমাদের কাছে বরাবর নাটকের আদর্শ। তার বহুশাখায়িত বৈচিত্র্য, ব্যাপ্ত ও ঘাতপ্রতিঘাত প্রথম থেকেই আমাদের মনকে অধিকার করেছে। মালিনীর নাট্যরূপ সংযত সংহত এবং দেশকালের ধারায় অবিচ্ছিন্ন। এর বাহিরের রূপায়ণ সম্বন্ধে যে মত শুনিয়েছিলুম এ হচ্ছে তাই। কবিতার মর্মকথাটি প্রথম থেকেই যদি রচনার মধ্যে জেনেশুনে বপন করা না হয়ে থাকে তবে কবির কাছেও সেটা প্রত্যক্ষ হয়ে উঠতে দেরি লাগে, আজ আমি জানি মালিনীর মধ্যে

কী কথাটি লিখতে লিখতে উদ্ভাবিত হয়ে ছিল গোণরূপে ঈষৎ-গোচর। আসল কথা, মনের একটা সত্যকার বিস্ময়ের আলোড়ন ওর মধ্যে দেখা দিয়েছে।

আমার মনের মধ্যে ধর্মের প্রেরণা তখন গৌরীশংকরের উদ্ভূত শিখরে শূদ্র নির্মল তুষারপুষ্পের মতো নির্মল নির্বিকল্প হয়ে স্তম্ভ ছিল না, সে বিগলিত হয়ে মানবলোকে বিচিত্র মঙ্গলরূপে মৈত্রীরূপে আপনাকে প্রকাশ করতে আরম্ভ করেছে। নির্বিকার তত্ত্ব নয় সে, মূর্তিশালার মাটিতে পাথরে নানা অদ্ভুত আকার নিয়ে মানুষকে সে হতবুদ্ধি করতে আসে নি। কোনো দৈববাণীকে সে আশ্রয় করে নি। সত্য যার স্বভাবে, যে মানুষের অন্তরে অপরিমেয় করুণা, তার অন্তঃকরণ থেকে এই পরিপূর্ণ মানব-দেবতার আবির্ভাব অন্য মানুষের চিত্তে প্রতিফলিত হতে থাকে। সকল আনুষ্ঠানিক সকল পৌরাণিক ধর্মজটিলতা ভেদ করে তবেই এর যথার্থ স্বরূপ প্রকাশ হতে পারে।

আমার এ-মতের সত্যাসত্য আলোচ্য নয়। বস্তু্য এই যে, এই ভাবের উপরে মালিনী স্বতই নিজেকে প্রতিষ্ঠিত করেছে, এরই যা দৃংখ, এরই যা মহিমা, সেইটেতেই এর কাব্যরস। এই ভাবের অঙ্কুর আপনাআপনি দেখা দিয়েছিল ‘প্রকৃতির প্রতিশোধে’ সে-কথা ভেবে দেখবার যোগ্য। ‘নির্বীরের স্বপ্নভঞ্জে’ হয়তো তারও আগে এর আভাস পাওয়া যায়।

[১৩৪৭]

## প্রথম দৃশ্য

### রাজান্তঃপদুর

#### মালিনী ও কাশ্যপ

কাশ্যপ। ত্যাগ করো, বৎসে, ত্যাগ করো সুখ-আশা  
দুঃখভয়; দূর করো বিষয়পিপাসা;  
ছিন্ন করো সংসারবন্ধন; পরিহরো  
প্রমোদপ্রলাপ চঞ্চলতা; চিন্তে ধরো  
ধ্রুবশান্ত সদ্‌নির্মল প্রজ্ঞার আলোক  
রাত্রিদিন—মোহশোক পরাভূত হোক।

মালিনী। ভগবন্, রুদ্ধ আমি, নাহি হেরি চোখে;  
সন্ধ্যায় মৃদ্রিতদল পশ্মের কোরকে  
আবন্ধ ভ্রমরী—স্বর্ণরেণুরাশিমাঝে  
মৃত জড়প্রায়। তবু কানে এসে বাজে  
মৃদুস্তির সংগীত, তুমি কৃপা কর যবে।

কাশ্যপ। আশীর্বাদ করিলাম, অবসান হবে  
বিভাবরী—জ্ঞানসূর্য-উদয়-উৎসবে  
জাগ্রত এ জগতের জয়জয়রবে  
শুভলগ্নে স্নপ্ৰভাতে হবে উদ্ঘাটন  
পুষ্পকারাগার তব। সেই মহাক্ষণ  
এসেছে নিকটে। আমি তবে চলিলাম  
তীর্থপর্যটনে।

মালিনী। লহো দাসীর প্রণাম।

[ কাশ্যপের প্রস্থান ]

মহাক্ষণ আসিয়াছে। অন্তর চঞ্চল  
যেন বারিবিন্দুসম করে টলমল  
পশ্মদলে। নেত্র মৃদি শূন্যতেছি কানে  
আকাশের কোলাহল; কাহারো কে জানে  
কী করিছে আয়োজন আমারে ঘিরিয়া,  
আসিতেছে যাইতেছে ফিরিয়া ফিরিয়া  
অদৃশ্য মূরতি। কভু বিদ্যুতের মতো  
চমকিছে আলো; বায়ুর তরঙ্গ যত  
শব্দ করি করিছে আঘাত। ব্যথাসম  
কী যেন বাজিছে আজি অন্তরেতে মম  
বারংবার—কিছু আমি নারি বদ্বিবারে  
জগতে কাহারো আজি ডাকিছে আমারে!

#### রাজমহিষীর প্রবেশ

মহিষী। 'মা গো মা, কী করি তোরে লয়ে! ওরে বাছা,

এ-সব কি সাজে তোরে কভু, এই কাঁচা  
নবীন বয়সে? কোথা গেল বেশভূষা  
কোথা আভরণ? আমার সোনার উষা  
স্বর্ণপ্রভাহীনা; এও কি চোখের 'পরে  
সহ্য হয় মা'র?

মালিনী।

কখনো রাজার ঘরে  
জন্মে না কি ভিত্তারিনী? দরিত্রের কুলে  
তুই যে, মা, জন্মেছিস সে কি গেলি ভুলে  
রাজেশ্বরী? তোর সে বাপের দরিত্রতা  
জগৎবিখ্যাত, বল্ মা, সে যাবে কোথা?  
তাই আমি ধরিয়াছি অলংকারসম  
তোমার বাপের দৈন্য সর্ব অঙ্গে মম  
মা আমার!

মহিষী।

ও গো, আপন বাপের গর্বে  
আমার বাপেরে দাও খোঁটা? তাই গর্ভে  
ধরেছিনু তোরে, ওরে অহংকারী মেয়ে?  
জানিস, আমার পিতা তোর পিতা চেয়ে  
শতগুণে ধনী, তাই ধনরত্নমানে  
এত তাঁর হেলা।

মালিনী।

সে তো সকলেই জানে।  
যেদিন পিতৃব্য তব, পিতৃধনলোভে  
বাঞ্ছলেন পিতারে তোমার, মনঃক্ষোভে  
ছাড়িলেন গৃহ-তিনি। সর্ব ধনজন  
সম্পদ সহায় করিলেন বিসর্জন  
অকাতর মনে; শূন্য সযত্নে আনিলা  
পৈতৃক দেবতামূর্তি শালগ্রামশিলা  
দরিত্রকুটীরে। সেই তাঁর ধর্মখানি  
মোর জন্মকালে মোরে দিয়েছ, মা, আনি—  
আর কিছু নহে। থাক্-না মা, সর্বক্ষণ  
তব পিতৃভবনের দরিত্রের ধন  
তোমারি কন্যার হৃদে। আমার পিতার  
যা-কিছু ঐশ্বর্য আছে ধনরত্নভার  
থাক্ রাজপুত্রতরে।

মহিষী।

কে তোমারে বোঝে  
মা আমার! কথা শুনো জানি না কেন যে  
চক্ষু আসে জল। যেদিন আসিলি কোলে  
বাক্যহীন মূঢ় শিশু, ক্রন্দনকল্লোলে  
মায়েরে ব্যাকুল করি, কে জানিত তবে  
সেই ক্ষুদ্র মৃগ মৃগ এত কথা কবে  
দুই দিন পরে। থাকি তোর মৃগ চেয়ে,  
ভয়ে কাঁপে বৃক। ও মোর সোনার মেয়ে,  
এ ধর্ম কোথায় পেলি, কী শাস্ত্রবচন।

আমার পিতার ধর্ম সে তো পুরাতন  
 অনাদি কালের। কিন্তু মা গো, এ যে তব  
 সৃষ্টিছাড়া বেদছাড়া ধর্ম অভিনব  
 আজিকার গড়া। কোথা হতে ঘরে আসে  
 বিধর্মী সন্ন্যাসী? দেখে আমি মরি গ্রাসে।  
 কী মন্ত্র শিখায় তারা, সরল হৃদয়  
 জড়ায় মিথ্যার জালে? লোকে না কি কয়  
 বৌদ্ধেরা পিশাচপন্থী, জাদুবিদ্যা জানে,  
 প্রেতসিদ্ধ তারা। মোর কথা লহো কানে,  
 বাছা রে আমার! ধর্ম কি খুঁজিতে হয়?  
 সূর্যের মতন ধর্ম চিরজ্যোতির্ময়  
 চিরকাল আছে। ধরো তুমি সেই ধর্ম,  
 সরল সে পথ। লহো ব্রতক্রিয়াকর্ম  
 ভক্তিভরে। শিবপূজা করো দিনযামী,  
 বর মাগি লহো, বাছা, তাঁরি মতো স্বামী।  
 সেই পতি হবে তোর সমস্ত দেবতা,  
 শাস্ত্র হবে তাঁরি বাক্য, সরল এ কথা।  
 শাস্ত্রজ্ঞানী পণ্ডিতেরা মরুক ভাবিয়া  
 সত্যাসত্য ধর্মধর্ম কর্তাকর্মক্রিয়া  
 অনুস্বার চন্দ্রবিন্দু লয়ে। পুরুষের  
 দেশভেদে কালভেদে প্রতিদিবসের  
 স্বতন্ত্র নূতন ধর্ম; সদা হাহা করে  
 ফিরে তারা শান্তি লাগি সন্দেহসাগরে,  
 শাস্ত্র লয়ে করে কাটাকাটি। রমণীর  
 ধর্ম থাকে বক্ষে কোলে চিরদিন স্থির  
 পতিপদরূপে।

#### রাজার প্রবেশ

রাজা। কন্যা, ক্ষান্ত হও এবে,  
 কিছুদিন-তরে। উপরে আসিছে নেবে  
 ঝটিকার মেঘ।

মহিষী। কোথা হতে মিথ্যা ভয়  
 আনিয়াছ মহারাজ?

রাজা। বড়ো মিথ্যা নয়।  
 হায় রে অবোধ মেয়ে, নবধর্ম যদি  
 ঘরেতে আনিতে চাস, সে কি বর্ষানদী  
 একেবারে তট ভেঙে হইবে প্রকাশ  
 দেশবিদেশের দৃষ্টিপথে? লজ্জাত্রাস  
 নাই তার? আপনার ধর্ম আপনারি,  
 থাকে যেন সংগোপনে, সর্বনরনারী  
 দেখে যেন নাই করে দ্বেষ, পরিহাস

না করে কঠোর। ধর্মেরে রাখিতে চাস  
রাখ্ মনে মনে।

মহিষী। ভৎসনা করিছ কেন  
বাছারে আমার মহারাজ? কত যেন  
অপরাধী! কী শিক্ষা শিখাতে এলে আজ  
পাপ রাষ্ট্রনীতি? লুকায়ে করিবে কাজ,  
ধর্ম দিবে চাপা! সে মেয়ে আমার নয়।  
সাধুসন্ন্যাসীর কাছে উপদেশ লয়,  
শ্রুনে পুণ্যকথা, করে সজ্জনের সেবা,  
আমি তো বড়ি না তাহে দোষ দিবে কেবা,  
ভয় বা কাহারে।

রাজা। মহারানী, প্রজাগণ  
ক্ষুধ অতিশয়। চাহে তারা নির্বাসন  
মালিনীর।

মহিষী। কী বলিলে! নির্বাসন কারে!  
মালিনীরে? মহারাজ, তোমার কন্যারে?

রাজা। ধর্মনাশ-আশঙ্কায় ব্রাহ্মণের দল  
এক হয়ে—

মহিষী। ধর্ম জানে ব্রাহ্মণে কেবল?  
আর ধর্ম নাই? তাদেরি পুঁথিতে লেখা  
সর্বসত্য, অন্য কোথা নাই তার রেখা  
এ বিশ্বসংসারে? ব্রাহ্মণেরা কোথা আছে  
ডেকে নিয়ে এসো। আমার মেয়ের কাছে  
শিখে নিক ধর্ম কারে বলে। ফেলে দিক  
কীটে-কাটা ধর্ম তার, ধিক্ ধিক্ ধিক্।  
ওরে বাছা, আমি লব নবমন্ত্র তোর,  
আমি ছিন্ন করে দেব জীর্ণ শাস্ত্রভোর  
ব্রাহ্মণের। তোমারে পাঠাবে নির্বাসনে?  
নিশ্চিত রয়েছ মহারাজ? ভাব' মনে  
এ কন্যা তোমার কন্যা, সামান্য বালিকা,  
ওগো, তাহা নহে। এ যে দীপ্ত অগ্নিশিখা।  
আমি কহিলাম আজি শ্রুনি লহো কথা—  
এ কন্যা মানবী নহে, এ কোন্ দেবতা,  
এসেছে তোমার ঘরে। করিয়ো না হেলা,  
কোন্ দিন অকস্মাৎ ভেঙে দিয়ে খেলা  
চলে যাবে—তখন করিবে হাহাকার,  
রাজ্যধন সব দিয়ে পাইবে না আর।

মালিনী। প্রজাদের পুরাও প্রার্থনা। মহাক্ষণ  
এসেছে নিকটে। দাও মোরে নির্বাসন  
পিতা।

রাজা। কেন বৎসে, পিতার ভবনে তোর  
কী অভাব? বাহিরের সংসার কঠোর



দয়াহীন, সে কি বাছা পিতৃমাতৃকোড় ?  
 মালিনী। শোনো পিতা—যারা চাহে নির্বাসন মোর  
 তারা চাহে মোরে। ওগো মা, শোন মা কথা !  
 বোঝাতে পারি নে মোর চিন্তাব্যাকুলতা।  
 আমারে ছাড়িয়া দে মা, বিনা দঃখশোকে,  
 শাখা হতে চ্যুতপত্রসম। সর্বলোকে  
 যাব আমি—রাজম্বারে মোরে যাচিয়াছে  
 বাহির-সংসার। জানি না কী কাজ আছে,  
 আসিয়াছে মহাক্ষণ।

রাজা। ওরে শিশুদমতি,  
 কী কথা বলিস।

মালিনী। পিতা, তুমি নরপতি,  
 রাজার কর্তব্য করো। জননী আমার,  
 আছে তোর পদ্বকন্যা এ ঘরসংসার,  
 আমারে ছাড়িয়া দে মা। বাঁধিস নে আর  
 স্নেহপাশে।

মহিষী। শোনো কথা শোনো একবার।  
 বাক্য নাহি সরে মুখে, চেয়ে তোর পানে  
 রয়েছি বিস্মিত। হাঁ গো, জন্মিল যেখানে  
 সেখানে কি স্থান নাই তোর? মা আমার,  
 তুই কি জগৎলক্ষ্মী, জগতের ভার  
 পড়েছে কি তোরি 'পরে? নিখিলসংসার  
 তুই বিনা মাতৃহীনা, যাবি তারি কাছে  
 নতুন আদরে—আমাদের মা কে আছে  
 তুই চলে গেলে?

মালিনী। আমি স্বপ্ন দেখি জেগে,  
 শুনিনি নিদ্রাঘোরে, যেন বায়ু বহে বেগে,  
 নদীতে উঠিছে ঢেউ, রাত্রি অন্ধকার,  
 নৌকাখানি তীরে বাঁধা—কে করিবে পার,  
 কর্ণধার নাই—গৃহহীন যাত্রী সবে  
 বসে আছে নিরাশ্বাস—মনে হয় তবে  
 আমি যেন যেতে পারি, আমি যেন জানি  
 তীরের সন্ধান—মোর স্পর্শে নৌকাখানি  
 পাবে যেন প্রাণ, যাবে যেন আপনার  
 পূর্ণ বলে—কোথা হতে বিশ্বাস আমার  
 এল মনে? রাজকন্যা আমি, দেখি নাই  
 বাহির-সংসার—বসে আছি এক ঠাই  
 জন্মাবধি, চতুর্দিকে স্নেহের প্রাচীর,  
 আমারে কে করে দেয় ঘরের বাহির  
 কে জানে গো। বন্ধ কেটে দাও মহারাজ,  
 ওগো, ছেড়ে দে মা, কন্যা আমি নহি আজ,  
 নহি রাজসুতা—যে মোর অন্তরযামী

অগ্নিময়ী মহাবাণী, সেই শূদ্ধ আমি।  
মহিষী। শূন্যে তো মহারাজ? এ কথা কাহার?  
শূন্যে বৃষ্টিতে নারি। এ কি বালিকার?  
এই কি তোমার কন্যা? আমি কি আপনি  
ইহারে ধরেছি গর্ভে?

রাজা। যেমন রজনী  
উষারে জনম দেয়। কন্যা জ্যোতির্ময়ী  
রজনীর কেহ নহে, সে যে বিশ্বজয়ী  
বিশ্বে দেয় প্রাণ।

মহিষী। মহারাজ তাই বলি,  
খুঁজে দেখো কোথা আছে মায়ার শিকলি  
যাহে বাঁধা পড়ে যায় আলোকপ্রতিমা।

কন্যার প্রতি

মুখে খুলে পড়ে কেশ, এ কী বেশ! ছি মা!  
আপনারে এত অনাদর! আয় দেখি  
ভালো করে বেঁধে দিই। লোকে বলিবে কী  
দেখে তোরে?—নির্বাসন! এই যদি হয়  
ধর্ম ব্রাহ্মণের, তবে হোক মা উদয়  
নবধর্ম—শিখে নিক তোরি কাছ হতে  
বিপ্রগণ। দেখি মুখ, আয় মা আলোতে।

[মহিষী ও মালিনীর প্রস্থান]

সেনাপতির প্রবেশ

সেনাপতি। মহারাজ, বিদ্রোহী হয়েছে প্রজাগণ  
ব্রাহ্মণবচনে। তারা চায় নির্বাসন  
রাজকুমারীর।

রাজা। যাও তবে সেনাপতি,  
সামন্তত্বপতি সবে আনো দ্রুতগতি।

[রাজা ও সেনাপতির প্রস্থান]

দ্বিতীয় দৃশ্য

মন্দিরপ্রাঙ্গণে ব্রাহ্মণগণ

ব্রাহ্মণগণ। নির্বাসন, নির্বাসন, রাজদুহিতার  
নির্বাসন!

ক্ষেমংকর। বিপ্রগণ, এই কথা সার।  
এ সংকল্প দৃঢ় রেখো মনে। জেনো ভাই,  
অন্য অরি নাই ডরি, নারীরে ডরাই।  
তার কাছে অস্ত্র যায় টুটে; পরাহত

তর্কযুক্তি, বাহুবল করে শির নত—  
নিরাপদে হৃদয়ের মাঝে করে বাস  
রাজ্ঞীসম মনোহর মহাসর্বনাশ।

চারদুদন্ত। চলো সবে রাজম্বারে, বলো, 'রক্ষো, রক্ষো  
মহারাজ, আর্ষধর্মে করিতেছে লক্ষ্য  
তব নীড় হতে সর্প।'

সদ্বিপ্রিয়। ধর্ম? মহাশয়,  
মুঢ়ে উপদেশ দেহো ধর্ম করে কয়।  
ধর্ম নির্দোষীর নির্বাসন?

চারদুদন্ত। তুমি দেখি  
কুলশত্রু বিভীষণ। সকল কাজে কি  
বাধা দিতে আছ?

সোমাচার্য। মোরা ব্রাহ্মণসমাজে  
একত্রে মিলেছি সবে ধর্মরক্ষাকাজে;  
তুমি কোথা হতে এসে মাঝে দিলে দেখা  
অতিশয় সুনীপদুগ বিচ্ছেদের রেখা,  
সদৃশ্য সর্বনাশ।

সদ্বিপ্রিয়। ধর্মধর্ম সত্যাসত্য  
কে করে বিচার! আপন বিশ্বাসে মত্ত  
করিয়াছ স্থির, শূদ্ধ দল বেঁধে সবে  
সত্যের সীমাংসা হবে, শূদ্ধ উচ্চরবে?  
যুক্তি কিছুর নহে?

চারদুদন্ত। দম্ভ তব অতিশয়  
হে সদ্বিপ্রিয়।

সদ্বিপ্রিয়। প্রিয়বদ, মোর দম্ভ নয়,  
আমি অজ্ঞ অতি—দম্ভ তারি যে আজিকে  
শতার্থক শাস্ত্র হতে দুটো কথা শিখে  
নিষ্পাপ নিরপরাধ রাজকুমারীরে  
টানিয়া আনিতে চাহে ঘরের বাহিরে  
ভিক্ষুর পথে—তার শাস্ত্রে মোর শাস্ত্রে  
দুঃ-অক্ষর প্রভেদ বলিয়া।

ক্ষেমংকর। বচনাস্ত্রে  
কে পারে তোমারে বন্ধুবর।

সোমাচার্য। দূর করে  
দাও সদ্বিপ্রিয়েরে। বিপ্রগণ, করো গুরে  
সভার বাহির।

চারদুদন্ত। মোরা নির্বাসন চাহি  
রাজকুমারীর। যার অভিমত নাই  
যাক সে বাহিরে।

ক্ষেমংকর। ক্ষান্ত হও বন্ধুগণ।

সদ্বিপ্রিয়। ভ্রমরমে আমরা করেছ নির্বাচন  
ব্রাহ্মণমণ্ডলী। আমি নাই একজন

তোমাদের ছায়া। প্রতিধ্বনি নহি আমি  
শাস্ত্রবচনের। যে শাস্ত্রের অনুগামী  
এ ব্রাহ্মণ, সে শাস্ত্র কোথাও লেখে নাই  
শক্তি যার ধর্ম তার।

ক্ষেমংকরের প্রাতি

চলিলাম ভাই,

আমারে বিদায় দাও।

ক্ষেমংকর।

দিব না বিদায়।

তর্কে শূদ্ধ ম্বিধা তব, কাজের বেলায়  
দৃঢ় তুমি পর্বতের মতো। বন্ধু মোর,  
জান না কি আসিয়াছে দুঃসময় ঘোর—  
আজ মৌন থাকো।

সুদ্রপ্রিয়।

বন্ধু, জন্মেছে ধিক্কার।

মৃত্যুর দূর্বিনয় নাহি সহ্য আর।  
বাগযজ্ঞ ক্রিয়াকর্ম রত-উপবাস  
এই শূদ্ধ ধর্ম বলে করিবে বিশ্বাস  
নিঃসংশয়ে? বালিকারে দিয়া নির্বাসনে  
সেই ধর্ম রক্ষা হবে? ভেবে দেখো মনে  
মিথ্যারে সে সত্য বলি করে নি প্রচার—  
সেও বলে সত্য ধর্ম, দয়া ধর্ম তার,  
সর্বজীবে প্রেম—সর্বধর্মে সেই সার,  
তার বেশি যাহা আছে, প্রমাণ কী তার?

ক্ষেমংকর।

স্থির হও ভাই। মূল ধর্ম এক বটে,  
বিভিন্ন আধার। জল এক, ভিন্ন তটে  
ভিন্ন জলাশয়। আমরা যে সরোবরে  
মিটাই পিপাসা পিতৃপিতামহ ধরে  
সেথা যদি অকস্মাৎ নবজলোচ্ছ্বাস  
বন্যার মতন আসে, ভেঙে করে নাশ  
তটভূমি তার, সে উচ্ছ্বাস হলে গত  
বাঁধ-ভাঙা সরোবরে জলরাশি যত  
বাহির হইয়া যাবে। তোমার অন্তরে  
উৎস আছে, প্রয়োজন নাহি সরোবরে—  
তাই বলে ভাগ্যহীন সর্বজনতরে  
সাধারণ জলাশয় রাখিবে না তুমি—  
পৈতৃক কালের বাঁধা দৃঢ় তটভূমি,  
বহুদিবসের প্রেমে সতত লালিত  
সৌন্দর্যের শ্যামলতা, সযত্নপালিত  
পুরাতন ছায়াতরুগুলি, পিতৃধর্ম,  
প্রাণপ্রিয় প্রথা, চির-আচারিত কর্ম,  
চিরপরিচিত নীতি? হারিয়ে চেতন  
সত্যজননীর কোলে নিদ্রায় মগন

ব্রাহ্মণগণ।                      সবে করজোড়ে যাঁচি—  
আয় মা প্রলয়ংকরী।

মালিনীর প্রবেশ

মালিনী ।

আমি আসিয়াছি ।

ক্ষেমংকর ও স্নুপ্রিয় ব্যতীত

সমস্ত রাক্ষসের ভূমিষ্ঠ হইয়া প্রণাম

সোমাচার্য । এ কী দেবী, এ কী বেশ! দয়াময়ী এ যে  
এসেছেন স্নানবস্ত্রে নরকন্যা সেজে ।  
এ কী অপরূপ রূপ! এ কী স্নেহজ্যোতি  
নেত্রযুগে! এ তো নহে সংহারমূর্তি ।  
কোথা হতে এলে মাতঃ? কী ভাবিয়া মনে,  
কী করিতে কাজ?

মালিনী ।

আসিয়াছি নির্বাসনে,

তোমরা ডেকেছ বলে ওগো বিপ্রগণ ।

সোমাচার্য ।

নির্বাসন! স্বর্গ হতে দেবনির্বাসন

ভক্তের আহ্বানে!

চারদুন্দু ।

হায়, কি করিব মাতঃ,

তোমার সহায় বিনা আর রহে না তো

এ দ্রষ্ট সংসার ।

মালিনী ।

আমি ফিরিব না আর ।

জানিতাম, জানিতাম তোমাদের দ্বার  
মুগ্ধ আছে মোর তরে । আমারি লাগিয়া  
আছ বসে । তাই আমি উঠেছি জাগিয়া  
সদুৎসম্পদের মাঝে, তোমরা যখন  
সবে মিলি যাচিলে আমার নির্বাসন  
রাজম্বারে ।

ক্ষেমংকর ।

রাজকন্যা ?

সকলে ।

রাজার দুর্দ্বিতা !

স্নুপ্রিয় ।

ধন্য ধন্য!

মালিনী ।

আমারে করেছ নির্বাসিতা ?

তাই আজ মোর গৃহ তোমাদের ঘরে ।  
তবু এক বার মোরে বলো সত্য করে  
সত্যই কি আছে কোনো প্রয়োজন মোরে,  
চাহ কি আমায়? সত্যই কি নাম ধরে  
বাহির-সংসার হতে ডেকেছিলে সবে  
আপন নিজর্ন ঘরে বসে ছিন্দু যবে  
সমস্ত জগৎ হতে অতিশয় দূরে  
শতভিত্তি-অন্তরালে রাজ-অন্তঃপদ্যে  
একাকী বালিকা? তবে সে তো স্বপ্ন নয়!  
তাই তো কাঁদিয়াছিল আমার হৃদয়  
না বদ্বিয়া কিছদু!

চারদুন্দু ।

এসো, এসো মা জননী,

শতচিন্তাশতদলে দাঁড়াও অমনি  
করুণামাখানো মদুখে।

মালিনী।

আসিয়াছি আজ—

প্রথমে শিখাও মোরে কী করিব কাজ  
তোমাদের। জন্ম লভিয়াছি রাজকুলে,  
রাজকন্যা আমি, কখনো গবাক্ষ খুলে  
চাহি নি বাহিরে, দেখি নাই এ সংসার  
বৃহৎ বিপুল—কোথায় কী ব্যথা তার  
জানি না তো কিছ্। শুনিয়াছি দৃঃখময়  
বসুন্ধরা, সে দৃঃখের লব পরিচয়  
তোমাদের সাথে।

দেবদত্ত।

ভাসি নয়নের জলে,

মা, তোমার কথা শুনে।

সকলে।

আমরা সকলে

পাষণ্ড পামর।

মালিনী।

আজি মোর মনে হয়

অমৃতের পাত্র যেন আমার হৃদয়—  
যেন সে মিটাতে পারে এ বিশ্বের ক্ষুধা,  
যেন সে ঢালিতে পারে সান্ধ্বনার সুধা  
বত দৃঃখ যেথা আছে সকলের 'পরে  
অনন্ত প্রবাহে। দেখো দেখো নীলাম্বরে  
মেঘ কেটে গিয়ে চাঁদ পেয়েছে প্রকাশ।  
কী বৃহৎ লোকালয়, কী শান্ত আকাশ—  
এক জ্যোৎস্না বিস্তারিয়া সমস্ত জগৎ  
কে নিল কুড়ায়ে বক্ষে—ওই রাজপথ,  
ওই গৃহশ্রেণী, ওই উদার মন্দির—  
স্তম্ভচ্ছায়া তরুরাজি—দূরে নদীতীর,  
বাজছে পূজার ঘণ্টা—আশ্চর্য পদলকে  
পূরিতে আমার অঙ্গ, জল আসে চোখে,  
কোথা হতে এনু আমি, আজি জ্যোৎস্নালোকে  
তোমাদের এ বিস্তীর্ণ সর্বজনলোকে।

চারদত্ত।

তুমি বিশ্বদেবী।

সোমাচার্য।

ধিক্ পাপ-রসনায়!

শত ভাগে ফাটিয়া গেল না বেদনায়—

চাহিল তোমার নির্বাসন!

দেবদত্ত।

চলো সবে

বিপ্রগণ, জননীয়ে জয়জয়রবে

রেখে আসি রাজগৃহে।

সমবেত কণ্ঠে।

জয় জননীর!

জয় মা লক্ষ্মীর! জয় করুণাময়ীর!

মালিনীকে ঘিরিয়া লইয়া সদ্ব্যগ্র ও ক্ষেমকের বাতীত সকলের প্রস্থান

ক্ষেমংকর। দূর হোক, মোহ দূর হোক! কোথা যাও  
হে স্নানপ্রিয়?

স্নানপ্রিয়। ছেড়ে দাও, মোরে ছেড়ে দাও।

ক্ষেমংকর। স্থির হও। তুমিও কি, বন্ধু, অন্ধভাবে  
জনস্রোতে সর্বসাথে ভেসে চলে যাবে?

স্নানপ্রিয়। এ কি স্বপ্ন ক্ষেমংকর?

ক্ষেমংকর। স্বপ্নে মগ্ন ছিলে  
এতক্ষণ—এখন সবলে চক্ষু মেলে  
জেগে চেয়ে দেখো।

স্নানপ্রিয়। মিথ্যা তব স্বর্গধাম,  
মিথ্যা দেবদেবী, ক্ষেমংকর—ভ্রমিলাম  
বৃথা এ সংসারে এতকাল। পাই নাই  
কোনো তৃপ্তি কোনো শাস্ত্রে, অন্তর সদাই  
কেঁদেছে সংশয়ে। আজ আমি লভিয়াছি  
ধর্ম মোর, হৃদয়ের বড়ো কাছাকাছি।  
সবার দেবতা তব, শাস্ত্রের দেবতা  
আমার দেবতা নহে। প্রাণ তার কোথা,  
আমার অন্তরমাঝে কই কহে কথা,  
কী প্রশ্নের দেয় সে উত্তর—কী ব্যথার  
দেয় সে সান্ত্বনা! আজি তুমি কে আমার  
জীবনতরণী-পরে রাখিলে চরণ  
সমস্ত জড়তা তার করিয়া হরণ  
এ কী গতি দিলে তারে! এতদিন পরে  
এ মর্ত্যধরণীমাঝে মানবের ঘরে  
পেরিয়েছি দেবতা মোর।

ক্ষেমংকর। হায় হায় সখে,  
আপন হৃদয় যবে ভুলায় কুহকে  
আপনারে, বড়ো ভয়ংকর সে সময়—  
শাস্ত্র হয় ইচ্ছা আপনার, ধর্ম হয়  
আপন কল্পনা। এই জ্যোৎস্নাময়ী নিশি  
যে সৌন্দর্যে দিকে দিকে রহিয়াছে মিশি  
ইহাই কি চিরস্থায়ী? কাল প্রাতঃকালে  
শতলক্ষ ক্ষুধাগুলা শতকর্মজালে  
ঘিরিবে না ভবসিন্ধু—মহাকোলাহলে  
হবে না কঠিন রণ বিশ্বরণস্থলে?  
তখন এ জ্যোৎস্নাস্নানপ্রিয় স্বপ্নমায়া বলে  
মনে হবে—অতি ক্ষীণ, অতি ছায়াময়।  
যে সৌন্দর্যমোহ তব ঘিরেছে হৃদয়  
সেও সেই জ্যোৎস্নাসম—ধর্ম বল তারে?  
একবার চক্ষু মেলি চাও চারি ধারে  
কতো দূঃখ, কতো দৈন্য, বিকট নিরাশা!  
ওই ধর্মে মিটাইবে মধ্যাহ্নপিপাসা



তৃষ্ণাতুর জগতের? সংসারের মাঝে  
ওই তব ক্ষীণ মোহ লাগিবে কী কাজে?  
খররোদ্রে দাঁড়াইয়া রণরঙ্গভূমে  
তখনো কি মগ্ন হয়ে রবে এই ঘূমে  
ভুলে রবে স্বপ্নধর্মে—আর কিছ্‌ নাই?  
নহে সখে!

সুদ্রিপ্রিয়।

নহে নহে।

ক্ষেমংকর।

তবে দেখো চাহি

সম্মুখে তোমার। বন্ধু, আর রক্ষা নাই।  
এবার লাগিল অগ্নি। পুড়ে হবে ছাই  
পুড়াতন অট্টালিকা, উন্নত উদার,  
সমস্ত ভারতখণ্ড কক্ষে কক্ষে যার  
হয়েছে মানুষ।—এখনো যে দৃ-নয়নে  
স্বপ্ন লেগে আছে তব!

খাণ্ডবদহনে

সমস্ত বিহঙ্গকুল গগনে গগনে  
উড়িয়া ফিরিয়াছিল করুণ ক্রন্দনে  
স্বর্গ সমাচ্ছন্ন করি—বক্ষে রক্ষণীয়  
অক্ষম শাবকগণে স্মরি। হে সুদ্রিপ্রিয়,  
সেইমতো উদ্বেগ-অধীর পিতৃকুল  
নানা স্বর্গ হতে আসি আশঙ্কা-ব্যাকুল  
ফিরিছেন শূন্যে শূন্যে আতঁ কলস্বরে  
আসন্নসংকটাতুর ভারতের 'পরে।—  
তবু স্বপ্নে মগ্ন সখে!

দেখো মনে স্মরি,

আর্থধর্মমহাদুর্গ এ তীর্থনগরী  
পুণ্য কাশী। স্‌বারে হেথা কে আছে প্রহরী?  
সে কি আজ স্বপ্নে রবে কর্তব্য পার্শ্বরি  
শত্রু যবে সমাগত, রাত্রি অন্ধকার,  
মিত্র যবে গৃহদ্রোহী, পৌর পরিবার  
নিশ্চেতন। হে সুদ্রিপ্রিয়, তুলে চাও আঁখি।  
কথা কও। বলো তুমি, আমারে একাকী  
ফেলিয়া কি চলে যাবে মায়ার পশ্চাতে  
বিশ্বব্যাপী এ দুর্যোগে, প্রলয়ের রাতে?

সুদ্রিপ্রিয়।

কভু নহে, কভু নহে। নিদ্রাহীন চোখে  
দাঁড়াইব পার্শ্ব তব।

ক্ষেমংকর।

শুন তবে, সখে,

আমি চলিলাম।

সুদ্রিপ্রিয়।

কোথা যাবে?

ক্ষেমংকর।

দেশান্তরে।

হেথা কোনো আশা নাই আর। ঘরে পরে  
ব্যাপ্ত হয়ে গেছে বহি। বাহির হইতে

রক্তস্রোত মদ্রু করি হবে নিবাইতে।  
যাই, সৈন্য আনি।

সদাপ্রিয়। হেথাকার সৈন্যগণ  
রয়েছে প্রস্তুত।

ক্ষেমংকর। মিথ্যা আশা। এতক্ষণ  
মদ্রু পঙ্গপালসম তারাও সকলে  
দগ্ধপক্ষ পড়িয়াছে সর্ব দলে-বলে  
হুতাশনে। জয়ধ্বনি ওই শূন্য বায়।  
উন্মত্তা নগরী আজি ধর্মের চিতায়  
জ্বালায় উৎসবদীপ।

সদাপ্রিয়। যদি যাবে ভাই,  
প্রবাসে কঠিন পণে, আমি সঙ্গে যাই।  
ক্ষেমংকর। তুমি কোথা যাবে বন্ধু? তুমি হেথা থেকে  
সদা সাবধানে; সকল সংবাদ রেখো  
রাজভবনের। লিখো পত্র। দেখো সখে,  
তুমিও ভুলো না শেষে নতুন কুহকে,  
ছেড়ে না আমায়। মনে রেখো সর্বক্ষণ  
প্রবাসী বন্ধুরে।

সদাপ্রিয়। সখে, কুহক নতুন,  
আমি তো নতুন নহি। তুমি পুরাতন,  
আর আমি পুরাতন।

ক্ষেমংকর। দাও আলিঙ্গন।

সদাপ্রিয়। প্রথম বিচ্ছেদ আজি। ছিন্দু চিরদিন  
এক সাথে। বক্ষে বক্ষে বিরহবিহীন  
চলেছিন্দু দৌঁছে—আজ তুগি কোথা যাবে,  
আমি কোথা রব।

ক্ষেমংকর। আবার ফিরিয়া পাবে  
বন্ধুরে তোমার। শূন্য মনে ভয় হয়  
আজি বিপ্লবের দিন বড়ো দঃসময়—  
ছিন্নভিন্ন হয়ে যায় ধ্রুব বন্ধুচয়,  
ভ্রাতারে আঘাত করে ভ্রাতা, বন্ধু হয়  
বন্ধুর বিরোধী। বাহিরিন্দু অন্ধকারে,  
অন্ধকারে ফিরিয়া আসিব গৃহদ্বারে—  
দেখিব কি দীপ জ্বালি বসি আছ ঘরে  
বন্ধু মোর? সেই আশা রহিল অন্তরে।

## তৃতীয় দৃশ্য

অন্তঃপুরে মহিষী

মহিষী। এখানেও নাই! মা গো, কী হবে আমার!  
কেবলি এমন করে কতদিন আর  
চোখে চোখে রাখি তারে, ভয়ে ভয়ে থাকি,  
রজনীতে ঘুম ভেঙে নাম ধরে ডাকি,  
জেগে জেগে উঠি। চোখের আড়াল হলে  
মনে শঙ্কা হয় কোথা গেল বদ্বিধা চলে  
আমার সে স্বপ্নস্বরূপিনী। যাই, খুঁজি,  
কোথা সে লুকায়ে আছে।

[ প্রস্থান

যুবরাজের সহিত রাজার প্রবেশ

রাজা। অবশেষে বদ্বিধা  
দিতে হল নির্বাসন।

যুবরাজ। না দেখি উপায়।  
ত্বরা যদি নাহি কর রাজ্য তবে যায়  
মহারাজ। সৈন্যগণ নগরপ্রহরী  
হয়েছে বিদ্রোহী। স্নেহমোহ পরিহারি  
কর্তব্য সাধন করো—দাও মালিনীকে  
অবিলম্বে নির্বাসন।

রাজা। ধীরে, বৎস, ধীরে।  
দিব তারে নির্বাসন, পুরাব প্রার্থনা—  
সাধিব কর্তব্য মোর। মনে করিয়ো না  
বৃন্দ আমি মোহমুগ্ধ, অন্তর দুর্বল,  
রাজধর্ম তচ্ছ করি ফেলি অশ্রুজল।

মহিষীর পুনঃপ্রবেশ

মহিষী। মহারাজ, বলো সত্য করে  
কোথা লুকিয়েছ তারে কাঁদাইতে মোরে?  
কোথায় সে?

রাজা। কে মহিষী?

মহিষী। মালিনী আমার।

রাজা। কোথায় সে? চলে গেছে? নাই ঘরে তার?

মহিষী। ওগো, নাই। যাও তুমি সৈন্যদল লয়ে  
খোঁজো তারে পথে পথে আলয়ে আলয়ে,  
করো ত্বরা। ওগো, তারে করিয়াছে চুরি  
তোমার প্রজারা মিলে। নিষ্ঠুর চাতুরী  
তাহাদের। দূর করে দাও সর্বজন।  
শূন্য করে দাও এ নগরী, যতক্ষণে

ফিরে নাই দেয় মালিনীরে।

রাজা।

গেছে চলে?

প্রতিজ্ঞা করিন্দু আমি ফিরাইব কোলে  
কোলের কন্যারে মোর। রাজ্যে ধিক্ থাক্।  
ধিক্ ধর্মহীন রাজনীতি। ডাক্, ডাক্  
সৈন্যদলে।

[ যুবরাজের প্রস্থান ]

মালিনীকে লইয়া সৈন্যগণ ও প্রজাগণের মশাল ও  
সমারোহ-সহকারে প্রবেশ

রাক্ষসগণ।

জয় জয় শত্রু পদ্যরাশি,  
বিগ্রহিণী দয়া।

ছুটিয়া গিয়া

মহিষী।

ওমা, ওমা, সর্বনাশী,  
ও রাক্ষসী মেয়ে, আমার হৃদয়বাসী  
নির্দয় পাষাণী, এক পল করি না গো  
বৃকের বাহির—তবু ফাঁকি দিয়ে, মা গো,  
কোথা গিয়েছিলি?

প্রজাগণ।

কোরো না গো তিরস্কার  
মহারানী! আমাদের ঘরে একবার  
গিয়েছিল আমাদের মাতা।

চারদুস্ত।

কেহ নই  
আমরা কি, ওগো রানী? দেবী দয়াময়ী  
শত্রু তোমাদের?

দেবদুস্ত।

ফিরে তো এনিছি পুন  
পদ্যবতী প্রাসাদলক্ষ্মীরে।

সোমাচার্য।

মা গো, শুন  
আমাদের ভুলিয়ে না আর। মাঝে মাঝে  
শ্রুনি যেন শ্রীমুখের বাণী, শত্রুভকাজে  
পাই আশীর্বাদ, তা হলে পরান-তরী  
পথ পাবে পারাবারে ধ্রুবতারা ধরি  
যাবে মনুস্তিপারে।

মালিনী।

তোমরা যেয়ো না দূরে  
এসেছ যাহারা। প্রতিদিন রাজপদ্রে  
দেখা দিয়ে যেয়ো। সকলরে এনো ডাকি,  
সবারে দেখিতে চাই আমি। হেথা থাকি  
রব আমি তোমাদের ঘরে পদ্যবাসী।

সকলে।

মোরা আজি ধন্য সবে, ধন্য আজি কাশী।

মালিনী।

ওগো পিতা, আজি আমি হয়েছি সবার।  
কী আনন্দ উচ্ছ্বসিল, জয়জয়কার

[ প্রস্থান ]

উঠিল ধ্বনিয়া যবে সহস্র হৃদয়  
মৃদুহৃদে বিদীর্ণ করি।

রাজা। কী সৌন্দর্যময়

আজিকার ছবি। সমুদ্রমন্থনে যবে  
লক্ষ্মী উঠিলেন—তারে ঘেরি কলরবে  
মাতিল উন্মাদনৃত্যে উর্মিগর্দলি সবে,  
সেইমতো উচ্ছ্বসিত জনপারাবার,  
মাঝে তুমি লোকলক্ষ্মী মাতা।

মালিনী। মা আমার,  
এ প্রাচীরে মোরে আর নারিবে লুকাতে।  
তব অন্তঃপুরে আমি আনিয়াছি সাথে  
সর্বলোক—দেহ নাই মোর, বাধা নাই,  
আমি যেন এ বিশ্বের প্রাণ।

মহিষী। থাক্ তাই,  
বিশ্বপ্রাণ হয়ে। আপন করিয়া সবে  
থাক্ মার কাছে। বাহিরে যেতে না হবে,  
হেথা নিজে আয় তোর বৃহৎ সংসার—  
মাতা কন্যা দৌড়ে মিলি সেবা করি তার।  
অনেক হয়েছে রাত, বোস্ মা এখানে,  
শান্ত করো আপনারে—জ্বলিছে নয়ানে  
উদ্দীপ্ত প্রাণের জ্যোতি নিদ্রার আরাম  
দম্ব করি। একটুকু করো, মা, বিশ্রাম।

মাতাকে আলিঙ্গন করিয়া

মালিনী। মা গো, শ্রান্ত এবে আমি। কাঁপিতেছে দেহ।  
কোথা গিয়েছিল চলে ছাড়ি মার স্নেহ  
প্রকাণ্ড পৃথিবী-মাঝে। মা গো, নিদ্রা আন্  
চক্ষু মোর। ধীরে ধীরে কর্ তুই গান  
শিশুকালে শুনিতাম বাহা। আজি মোর  
চক্ষু আসিতেছে জল, বিষাদের ঘোর  
ঘনাইছে প্রাণে।

মহিষী। বসুদগণ, রুদ্রগণ,  
বিশ্বদেবগণ, সবে করহ রক্ষণ  
কন্যারে আমার। মর্ত্যলোক, স্বর্গলোক  
হও অনুকূল—শুভ হোক, শুভ হোক  
কন্যার আমার। হে আদিত্য, হে পবন,  
করি প্রণিপাত, সর্ব দিক্‌পালগণ  
করো দূর মালিনীর সর্ব অকল্যাণ।—  
দৈখিতে দৈখিতে আহা শ্রান্ত দূর-নয়ান  
মৃদিয়া এসেছে ঘূমে। আহা, মরে যাই,  
দূর হোক, দূর হোক সকল বালাই।—  
ভয়ে অঙ্গ কাঁপে মোর। কন্যার তোমার

এ কী খেলা মহারাজ? সমস্ত সংসার  
 খেলার সামগ্রী তার— তারে রেখে দিবে  
 আপনার গৃহকোণে, ঘুম পাড়াইবে  
 পদ্মহস্ত পরশিয়া ললাটে তাহার!  
 অবাক হয়েছি দেখে কান্ড বালিকার।  
 যেমন খেলেনাখানি, তেমনি এ খেলা।  
 মহারাজ, সাবধান হও এই বেলা।  
 নবধর্ম, নবধর্ম করে বল তুমি!  
 কে আনিল নবধর্ম, কোথা তার ভূমি  
 আকাশকুসুম? কোন্ মন্ততার স্রোতে  
 ভেসে এল—কন্যারে নায়ের কোল হতে  
 টানিয়া লইয়া যায়—ধর্ম বলে তায়?  
 তুমিও দিয়ো না যোগ কন্যার খেলায়  
 মহারাজ। বলে দাও, গ্রহবিপ্রগণ  
 করুক সকলে মিলে শান্তিস্বস্তায়ন  
 দেবার্চনা। স্বয়ংবরসভা আনো ডেকে  
 মালিনীর তরে। মনোমত বর দেখে  
 খেলা ভেঙে যোগ্য কণ্ঠে দিক বরমালা—  
 দর হবে নবধর্ম, জুড়াইবে জ্বালা।

### চতুর্থ দৃশ্য

#### রাজ-উপবন

মালিনী, পরিচারিকাবর্গ ও সুপ্রিয়

- মালিনী। হায়, কী বলিব! তুমিও কি মোর দ্বারে  
 আসিয়াছ শ্বিজোন্তম? কী দিব তোমারে?  
 কী তর্ক করিব? কী শাস্ত দেখাব আনি?  
 তুমি যাহা নাহি জান আমি কি তা জানি?
- সুপ্রিয়। শাস্তসাথে তর্ক করি, নহে তোমা-সনে।  
 সভায় পণ্ডিত আমি, তোমার চরণে  
 বালকের মতো। দেবী, লহো মোর ভার।  
 যে পথে লইয়া যাবে, জীবন আমার  
 সাথে যাবে, সর্ব তর্ক করি পরিহার,  
 নীরব ছায়ায় মতো দীপবর্তিকার।
- মালিনী। হে ব্রাহ্মণ, চলে যায় সকল ক্ষমতা  
 তুমি যবে প্রশ্ন কর, নাহি পাই কথা।  
 বড়ই বিস্ময় লাগে মনে। হে সুপ্রিয়,  
 মোর কাছে কী জানিতে এসেছ তুমিও?
- সুপ্রিয়। জানিবার কিছুর নাই, নাহি চাই জ্ঞান।

সব শাস্ত্র পড়িয়াছি, করিয়াছি ধ্যান  
শত তর্ক শত মত। ভুলাও, ভুলাও,  
যত জানি সব জানা দূর করে দাও।  
পথ আছে শতলক্ষ, শতধনু আলো নাই  
ওগো দেবী জ্যোতির্ময়ী—তাই আমি চাই  
একটি আলোকরেখা উজ্জ্বল সন্দর  
তোমার অন্তর হতে।

মালিনী।

হায় বিপ্রবর,  
যত তুমি চাহিতেছ আমি যেন তত  
আপনারে হেরিতেছি দরিত্রের মতো।  
যে দেবতা মর্মে মোর বজ্রালোক হানি  
বলেছিল একদিন বিদ্যুন্ময়ী বাণী  
সে আজি কোথায় গেল। সেদিন, ব্রাহ্মণ,  
কেন তুমি আসিলে না—কেন এতক্ষণ  
সন্দেহে রহিলে দূরে? বিশ্ব বাহিরিয়া  
আজি মোর জাগে ভয়—কে'পে ওঠে হিয়া,  
কী করিব কী বলিব বুদ্ধিতে না পারি—  
মহাধর্মতরণীর বালিকা কাণ্ডারী  
নাহি জানি কোথা যেতে হবে। মনে হয়  
বড়ো একাকিনী আমি, সহস্র সংশয়,  
বৃহৎ সংসার, অসংখ্য জটিল পথ,  
নানা প্রাণী, দিব্যজ্ঞান ক্ষণপ্রভাবৎ  
ক্ষণিকের তরে আসে। তুমি মহাজ্ঞানী  
হবে কি সহায় মোর?

সুপ্রিয়।

বহু ভাগ্য মানি

যদি চাহ মোরে।

মালিনী।

মাঝে মাঝে নিরুৎসাহ  
রুদ্ধ করে দেয় যেন প্রাণের প্রবাহ—  
পীড়ন করিতে থাকে নিরুদ্ধ নিম্বাসে,  
থেকে থেকে অকারণ অশ্রুজলে ভাসে  
দুঃখনয়ন কোন্ বেদনায়। অকস্মাৎ  
আপনার 'পরে যেন পড়ে দৃষ্টিপাত  
সহস্র লোকের মাঝে, সেই দৃঃসময়ে  
তুমি মোর বন্ধু হবে? মন্ত্রগুরু হয়ে  
দিবে নবপ্রাণ?

সুপ্রিয়।

প্রস্তুত রাখিব নিত্য  
এ ক্ষুদ্র জীবন। আমার সকল চিন্তা  
সবল নির্মল করি, বৃদ্ধি করি শান্ত,  
সমর্পণ করি দিব নিয়ত একান্ত  
তব কাজে।

প্রতিহারীর প্রবেশ

প্রতিহারী।

প্রজাগণ দরশন যাচে।

মালিনী।

আজ নহে, আজ নহে। সকলের কাছে  
মিনতি আমার; আজি মোর কিছু নাই।  
রিক্ত চিত্ত মাঝে মাঝে ভরিবারে চাই—  
বিশ্রাম প্রার্থনা করি ঘুচাতে জড়তা।

[প্রতিহারীর প্রস্থান]

সুদ্রপ্রিয়ের প্রতি

যে কথা শুনতেছিলে কহো সেই কথা,  
আপন কাহিনী। শুনিয়া বিস্ময় লাগে,  
নতন বারতা পাই, নবদৃশ্য জাগে  
চক্ষু মোর। তোমাদের সুখদুঃখ যত,  
গৃহের বারতা সব, আত্মীয়ের মতো  
সকলি প্রত্যক্ষ যেন জানিবারে পাই।  
ক্ষমংকর বান্ধব তোমার?

সুদ্রপ্রিয়।

বন্ধু, ভাই,

প্রভু। সূর্য্য সে আমার, আমি তার রাহু,  
আমি তার মহামোহ। বলিষ্ঠ সে বাহু,  
আমি তাহে লৌহপাশ। বাল্যকাল হতে  
দৃঢ় সে অটলচিত্ত, সংশয়ের স্রোতে  
আমি ভাসমান। তবু সে নিয়ত মোরে  
বন্ধুমোহে বক্ষ্যমাঝে রাখিয়াছে ধরে  
প্রবল অটল প্রেমপাশে, নিঃসন্দেহে  
বিনা পরিতাপে, চন্দ্রমা যেমন স্নেহে  
সহাস্যে বহন করে কলঙ্ক অক্ষয়  
অনন্ত ভ্রমণপথে। ব্যর্থ নাই হয়  
বিধির নিয়ম কভু; লৌহময় তরী  
হোক-না যতই দৃঢ়, যদি রাখে ধরি  
বক্ষতলে ক্ষুদ্র ছিদ্রটিরে, একদিন  
সংকটসমুদ্রমাঝে উপায়বিহীন  
ডুবিতে হইবে তারে। বন্ধু চিরন্তন,  
তোমাতে ডুবাব আমি, ছিল এ লিখন।  
ডুবায়েছ তারে?

মালিনী।

সুদ্রপ্রিয়।

দেবী, ডুবায়েছি তারে।

জীবনের সব কথা বলেছি তোমাতে,  
শুধু সেই কথা আছে বাকি।

যেই দিন

বিশ্বেষ উঠিল গর্জি দয়াধর্মহীন  
তোমাতে ঘেরিয়া চারি দিকে, একাকিনী  
দাঁড়াইয়া পূর্ণ মহিমায়, কী রাগিণী  
বাজাইলে! বংশীরবে যেন মন্তাহত



বিদ্রোহ করিল আসি ফণা অবনত  
 তব পদতলে। শূদ্ধ বিপ্র ক্ষেমংকর  
 রহিল পাষাণচিত্ত, অটল-অন্তর।  
 একদা ধরিয়া কর কহিল সে মোরে  
 'বন্ধু, আমি চলিলাম দূর দেশান্তরে।  
 আনিয়া বিদেশী সৈন্য বরুণার কূলে  
 নবধর্ম উৎপাটন করিব সমূলে  
 পুণ্য কাশী হতে।' চলি গেল রিক্ত হাতে  
 অজ্ঞাত ভুবনে। শূদ্ধ লয়ে গেল সাথে  
 আমার হৃদয়, আর, প্রতিজ্ঞা কঠোর।  
 তার পরে জানি তুমি কী ঘটিল মোর।  
 লিভিলাম যেন আমি নবজন্মভূমি  
 যেদিন এ শূদ্ধ চিত্তে বরষিলে তুমি  
 সুধাবৃষ্টি। 'সর্ব জীব দয়া' জানে সবে—  
 অতি পুরাতন কথা—তবু এই ভবে  
 এই কথা বাসি আছে লক্ষবর্ষ ধরি  
 সংসারের পরতীরে। তারে পার করি  
 তুমি আজ আনিয়াছ সোনার তরীতে  
 সবার ঘরের দ্বারে। হৃদয়-অমৃতে  
 স্তন্যদান করিয়াছ সে দেবশিশুরে,  
 লয়েছে সে নবজন্ম মানবের পুরে  
 তোমাতে মা বলে। স্বর্গ আছে কোন্ দূরে,  
 কোথায় দেবতা—কে বা সে সংবাদ জানে।  
 শূদ্ধ জানি বলি দিয়া আশ্ব-অভিমাণে  
 বাসিতে হইবে ভালো, বিশ্বের বেদনা  
 আপন করিতে হবে—যে কিছুর বাসনা  
 শূদ্ধ আপনার তরে তাই দৃঃখময়।  
 যজ্ঞে যাগে তপস্যায় কভু মূক্তি নয়—  
 মূক্তি শূদ্ধ বিশ্বকাজে। ফিরে গিয়ে ঘরে  
 সে নিশীথে কাঁদিয়া কহিনু উচ্চস্বরে,  
 'বন্ধু, বন্ধু, কোথা গেছ বহু বহু দূরে—  
 অসীম ধরণীতে মরিতেছ ঘুরে!'   
 ছিনু তার পত্র-আশে—পত্র নাই পাই,  
 না জানি সংবাদ। আমি শূদ্ধ আসি যাই  
 রাজগৃহমাঝে, চারি দিকে দৃষ্টি রাখি,  
 শূধাই বিদেশীজনে, ভয়ে ভয়ে থাকি—  
 নাবিক যেমন দেখে চকিত নয়নে  
 সমুদ্রের মাঝে, গগনের কোন্ কোণে  
 ঘনাইছে ঝড়। এল ঝড় অবশেষে  
 একখানি ছোটো পত্ররূপে। লিখেছে সে—  
 রক্তবতী নগরীর রাজগৃহ হতে  
 সৈন্য লয়ে আসিছে সে শোণিতের স্রোতে

ভাসাইতে নবধর্ম—ভিড়াইতে তীরে  
 পিতৃধর্ম মগ্নপ্রায়, রাজকুমারীরে  
 প্রাণদণ্ড দিতে। প্রচণ্ড আঘাতে সেই  
 ছিঁড়িল প্রাচীন পাশ এক নিমেষেই।  
 রাজারে দেখানু পত্র। মৃগয়ার ছলে  
 গোপনে গেছেন রাজা সৈন্যদলবলে  
 আক্রমিতে তারে। আর্মি হেথা লুটতেছি  
 পৃথ্বীতলে—আপনার মর্মে ফুটতেছি  
 দন্ত আপনার।

মালিনী।

হায়, কেন তুমি তারে  
 আসিতে দিলে না হেথা মোর গৃহস্বারে  
 সৈন্যসাথে? এ ঘরে সে প্রবেশিত আঁসি  
 পূজ্য অতিথির মতো, সূচিরপ্রবাসী  
 ফিরিত স্বদেশে তার।

রাজার প্রবেশ

রাজা।

এসো আলিঙ্গনে  
 হে সূদ্রপ্রিয়! গিয়েছিঁন্দু অনুকূল ক্ষণে  
 বার্তা পেয়ে। বন্দী করিয়াছি ক্ষেমংকরে  
 বিনাক্রেশে। তিলেক বিলম্ব হলে পরে  
 সূপ্তরাজগৃহশিরে বজ্র ভয়ংকর  
 পড়িত ঝঞ্ঝনি, জাগিবার অবসর  
 পেতেম না কভু। এসো আলিঙ্গনে মম  
 বান্ধব, আত্মীয় তুমি।

সূদ্রপ্রিয়।

ক্ষমো মোরে ক্ষমো  
 মহারাজ!

রাজা।

শুধু নহে শূন্য আত্মীয়তা  
 প্রিয়বন্ধু! মনে আনিয়ো না হেন কথা  
 শুধু রাজ-আলিঙ্গনে পদরস্কার তব।  
 কী ঐশ্বর্য চাহ? কী সম্মান অভিনব  
 করিব সৃজন তোমা-তরে? কহো মোরে!  
 কিছু নহে, কিছু নহে, খাব ভিক্ষা করে  
 স্বেচ্ছা স্বেচ্ছা।

সূদ্রপ্রিয়।

রাজা।

সত্য কহো, রাজ্যখণ্ড লবে?

সূদ্রপ্রিয়।

রাজ্যে ধিক্ থাক্।

রাজা।

অহো, বদ্বিলাম তবে  
 কোন্ পণ চাহ জিনিবারে, কোন্ চাঁদ  
 পেতে চাও হাতে। ভালো, পদরাইব সাধ,  
 দিলাম অভয়। কোন্ অসম্ভব আশা  
 আছে মনে, খুলে বলো। কোথা গেল ভাষা!  
 বেশি দিন নহে, বিপ্র, সে কি মনে পড়ে  
 এই কন্যা মালিনীর নির্বাসনতরে

অগ্রবর্তী ছিলে তুমি। আজি আরবার  
করিবে কি সে প্রার্থনা? রাজদুহিতার  
নির্বাসন পিতৃগৃহ হতে? সাধনার  
অসাধ্য কিছুই নাই—বাক্সা সিঁধ হবে,  
ভরসা বাঁধব বক্ষোমাঝে। শুন তবে—  
জীবনপ্রতিমে, বৎসে, যে তোমার প্রাণ  
রক্ষা করিয়াছে, সেই বিপ্র গৃধবান  
সুদ্রপ্রিয় সবার প্রিয়, প্রিয়দর্শন,  
তারে—

সুদ্রপ্রিয়।      ক্ষান্ত হও, ক্ষান্ত হও হে রাজন্!  
অয়ি দেবী, আজন্মের ভক্তি-উপহারে  
পেয়েছে আপন ঘরে ইষ্টদেবতারে  
কত অকিঞ্চন—তেমনি পেতেম যদি  
আমার দেবীরে, রহিতাম নিরবধি  
ধন্য হয়ে! রাজহস্ত হতে পুরস্কার!  
কী করেছি? আশৈশব বন্ধুত্ব আমার  
করেছি বিক্রয়, আজি তারি বিনিময়ে  
লয়ে যাব শিরে করি আপন আলয়ে  
পরিপূর্ণ সার্থকতা? তপস্যা করিয়া  
মাগিব পরমসিঁধি জন্মান্ত ধরিয়া—  
জন্মান্তরে পাই যদি তবে তাই হোক—  
বন্ধুর বিশ্বাস ভাঙি সন্ত স্বর্গলোক  
চাহি না লভিতে। পূর্ণকাম তুমি দেবী,  
আপনার অন্তরের মহত্ত্বেরে সেবি  
পেয়েছ অনন্ত শান্তি—আমি দীনহীন  
পথে পথে ফিরে মরি অদৃষ্ট-অধীন  
শ্রান্ত নিজভারে। আর কিছু চাহিব না—  
দিতেছ নিখিলময় যে শূভকামনা  
মনে করে অভাগারে তারি এক কণা  
দিয়ে মনে মনে।

মালিনী।      ওরে রমণীর মন,  
কোথা বক্ষোমাঝে বসে করিস ক্রন্দন  
মধ্যাহ্নে নিজর্ন নীড়ে প্রিয়বিরহিতা  
কপোতীর প্রায়?—কী করেছ বলো পিতা  
বন্দীর বিচার?

রাজা।      প্রাণদণ্ড হবে তার।  
মালিনী।      ক্ষমা করো—একান্ত এ প্রার্থনা আমার  
তব পদে।

রাজা।      রাজদ্রোহী, ক্ষমিব তাহারে  
বৎসে?

সুদ্রপ্রিয়।      কে কার বিচার করে এ সংসারে!  
সে কি চেয়েছিল তব সসাগরা মহী

মহারাজ? সে জানিত তুমি ধর্মদ্রোহী,  
তাই সে আসিতেছিল তোমার বিচার  
করিতে আপন বলে। বোঁশ বল য়ার  
সেই বিচারক। সে যদি জিনিত আজি  
দৈবক্রমে—সে বসিত বিচারক সাজি  
তুমি হতে অপরাধী।

মালিনী।

রাখো প্রাণ তার  
মহারাজ! তার পরে স্মারি উপকার  
হিতৈষী বন্ধুরে তব যাহা ইচ্ছা দিয়ো  
লবে সে আদর করি।

রাজা।

কী বল স্দপ্রিয়?  
বন্ধুরে করিব বন্ধুদান?

স্দপ্রিয়।

চিরদিন  
স্মরণে রহিবে তব অনুগ্রহ-ঋণ  
নরপতি।

রাজা।

কিন্তু তার পূর্বে একবার  
দেখিব পরীক্ষা করি বীরত্ব তাহার।  
দেখিব মরণভয়ে টলে কি না-টলে  
কর্তব্যের বল। মহত্ত্বের শিখা জ্বলে  
নক্ষত্রের মতো—দীপ নিবে যায় ঝড়ে,  
তারা নাহি নিবে। সে কথা হইবে পরে।  
তোমার বন্ধুরে তুমি পাবে, মাঝখানে  
উপলক্ষ আমি। সে দানে তৃপ্ত না মানে  
মন। আরো দিব। পুরস্কার বলে নয়—  
রাজার হৃদয় তুমি করিয়াছ জয়,  
সেথা হতে লহো তুলি রত্ন সর্বোত্তম  
হৃদয়ের।—কন্যা, কোথা ছিল এ শরম  
এতদিন! বালিকার লজ্জাভয়শোক  
দূর করি দীপ্ত পিত অম্লান আলোক  
দঃসহ উজ্জ্বল। কোথা হতে এল আজ  
অশ্রুবাণে ছলছল কম্পমান লাজ—  
যেন দীপ্ত হোমহুতাশনশিখা ছাড়ি  
সদ্য বাহিরিয়া এল স্নিগ্ধসুকুমারী  
দ্রুপদদর্পিতা।

স্দপ্রিয়ের প্রতি

উঠ, ছাড়ো পদতল।

বৎস, বক্ষে এসো। স্দখ করিছে বিহবল  
দুঃখের দঃখেরই মতো। দাও অবসর,  
হেরি প্রাণপ্রতিমার মৃৎশশধর  
বিরলে আনন্দভরে শৃঙ্খল ক্ষণকাল।

স্বগত

বহুদিন পরে মোর মালিনীর ভাল  
লজ্জার আভায় রাঙা। কপোল উষার  
যখনি রাঙিয়া উঠে, বদ্বা যায়, তার  
তপন উদয় হতে দেরি নাই আর।  
এ রাঙা আভাস দেখে আনন্দে আমার  
হৃদয় উঠিছে ভরি—বদ্বিলাম মনে  
আমাদের কন্যাটুকু বদ্বি এতক্ষণে  
বিকশি উঠিল—দেবী না রে, দয়া না রে,  
ঘরের সে মেয়ে।

প্রতিহারীর প্রবেশ

প্রতিহারী। জয় মহারাজ, দ্বারে  
উপনীত বন্দী ক্ষেমংকর।  
রাজা। আনো তারে।

শৃংখলবদ্ধ ক্ষেমংকরের প্রবেশ

নেত্র স্থির, উর্ধ্বশির, শ্রুতিটির 'পরে  
ঘনায় রয়েছে ঝড়, হিমাদ্রিশিখরে  
স্তম্ভিত শ্রাবণসম।  
মালিনী। লোহার শৃংখল  
ধিকার মানিছে যেন লজ্জায় বিকল  
ওই অঙ্গ-পরে। মহত্ত্বের অপমান  
মরে অপমানে। ধন্য মানি এ পরান  
ইন্দ্রতুল্য হেন মর্তি হেরি।  
বন্দীর প্রতি

রাজা। কণী বিধান  
হয়েছে শূন্যে?  
ক্ষেমংকর। মৃত্যুদণ্ড।  
রাজা। যদি প্রাণ  
ফিরে দিই, যদি ক্ষমা করি!  
ক্ষেমংকর। পুনর্বীর  
তুলিয়া লইতে হবে কর্তব্যের ভার—  
যে পথে চলিতেছিলাম আবার সে পথে  
যেতে হবে।  
রাজা। বাঁচিতে চাহ না কোনোমতে!  
রাক্ষস, প্রস্তুত হও মমতা তৈরিগি  
জীবনের। এই বেলা লহো তবে মাগি  
প্রার্থনা যা-কিছু থাকে।  
ক্ষেমংকর। আর কিছুর নাই,  
বন্ধু সঙ্গপ্রিয়েরে শূন্য দেখিবারে চাহি।

প্রতিহারীর প্রতি

রাজা। ডেকে আনো তারে।  
 মালিনী। হৃদয় কাঁপিছে বন্ধে।  
 কী যেন পরমা শক্তি আছে ওই মূখে  
 বজ্রসম ভয়ংকর। রক্ষা করো পিতঃ,  
 আনিয়ো না সূদ্রপ্রিয়েরে।  
 রাজা। কেন, মা, শঙ্কিত  
 অকারণে? কোনো ভয় নাই।

ক্ষেমংকরের নিকট সূদ্রপ্রিয়ের আগমন  
 আলিঙ্গন প্রত্যাখ্যান করিয়া

ক্ষেমংকর। থাক্ থাক্,  
 যাহা বলিবার আছে আগে হয়ে যাক—  
 পরে হবে প্রণয়সম্মান। এসো হেথা।  
 জ্ঞান সখে, বাক্যদীন আমি— বেশি কথা  
 জোগায় না মূখে। সময় অধিক নাই,  
 আমার বিচার হল শেষ— আমি চাই  
 তোমার বিচার এবে। বলো মোর কাছে  
 এ কাজ করেছ কেন?

সূদ্রপ্রিয়। বন্ধু এক আছে  
 শ্রেষ্ঠতম, সে আমার আত্মার নিশ্বাস,  
 সব ছেড়ে রাখিয়াছি তাহারি বিশ্বাস,  
 প্রাণসখে, ধর্ম সে আমার।

ক্ষেমংকর। জানি জানি  
 ধর্ম কে তোমার। ওই স্তম্ভ মূখ্যখানি  
 অন্তর্জ্যোতির্ময়, মূর্তিমতী দৈববাণী  
 রাজকন্যারূপে— চতুর্বেদ হতে, সখে,  
 কেড়ে লয়ে পিতৃধর্ম ওই নেত্রালোকে  
 দিয়েছ আহুতি তুমি। ধর্ম ওই তব।  
 ওই প্রিয়মূখে তুমি রচিয়াছ নব  
 ধর্মশাস্ত্র আজি।

সূদ্রপ্রিয়। সত্য বদ্বিলাছ সখে।  
 মোর ধর্ম অবতীর্ণ দীন মর্ত্যলোকে  
 ওই নারীমূর্তি ধরি। শাস্ত্র এতদিন  
 মোর কাছে ছিল অন্ধ জীবনবিহীন;  
 ওই দৃষ্টি নেড়ে জ্বলে যে উজ্জ্বল শিখা  
 সে আলোকে পড়িয়াছি বিশ্বশাস্ত্র লিখা—  
 যেথা দয়া সেথা ধর্ম, যেথা প্রেমস্নেহ,  
 যেথায় মানব, যেথা মানবের গেহ।  
 বদ্বিলাম, ধর্ম দেয় স্নেহ মাতারূপে,  
 পুত্ররূপে স্নেহ লয় পুত্র; দাতারূপে  
 করে দান, দীনরূপে করে তা গ্রহণ;

শিষ্যরূপে করে ভক্তি, গুরুরূপে করে  
 আশীর্বাদ; প্রিয়া হয়ে পাষণ-অন্তরে  
 প্রেম-উৎস লয় টানি, অনুরক্ত হয়ে  
 করে সর্বভাগ। ধর্ম বিশ্বলোকালয়ে  
 ফেলিয়াছে চিস্তাজাল, নিখিল ভুবন  
 টানিতেছে প্রেমকোড়ে, সে মহাবন্ধন  
 ভরেছে অন্তর মোর আনন্দবেদনে  
 চাহি ওই উষারূপ করুণ বদনে।  
 ওই ধর্ম মোর।

ক্ষেমংকর।

আমি কি দেখি নি ওরে?

আমিও কি ভাবি নাই মৃদুহৃদের ঘোরে  
 এসেছে অনাদি ধর্ম নারীমূর্তি ধরে  
 কঠিন পদরুম্বন কেড়ে নিয়ে যেতে  
 স্বর্গপানে? ক্ষণতরে মৃগ্য হৃদয়েতে  
 জন্মে নি কি স্বপ্নাবেশ? অপদূর্ব সংগীতে  
 বক্ষের পঞ্জর মোর লাগিল কাঁদিতে  
 সহস্র বংশীর মতো—সর্ব সফলতা  
 জীবনের যৌবনের আশাকম্পলতা  
 জড়িয়ে জড়িয়ে মোর অন্তরে অন্তরে  
 মৃগুরি উঠিল যেন পতপদ্মভরে  
 এক নিমেষের মাঝে। তবু কি সবলে  
 ছিঁড়ি নি মায়ার বন্ধ, যাই নি কি চলে  
 দেশে দেশে দ্বারে দ্বারে, ভিক্ষুরের মতো  
 লই নি কি শিরে ধরি অপমান শত  
 হীন হস্ত হতে—সহি নি কি অহরহ  
 আজন্মের বন্ধ, তুমি, তোমার বিরহ?  
 সিঁধি যবে লম্বপ্রায়—তুমি হেথা বসে  
 কী করেছ—রাজগৃহমাঝে সূখালসে  
 কী ধর্ম মনের মতো করেছ সৃজন  
 দীর্ঘ অবসরে?

সুপ্রিয়।

ওগো বন্ধু, এ ভুবন

নহে কি বৃহৎ? নাই কি অসংখ্য জন,  
 বিচিত্র স্বভাব? কাহার কী প্রয়োজন  
 তুমি কি তা জান? গগনে অগণ্য তারা  
 নিশি নিশি বিবাদ কি করিছে তাহারা  
 ক্ষেমংকর? তেমনি জুড়ালয়ে নিজ জ্যোতি  
 কত ধর্ম জাগিতেছে তাহে কোন্ ক্ষতি!

ক্ষেমংকর।

মিছে আর কেন বন্ধু। ফদুরাল সময়,  
 বাক্য লয়ে মিথ্যা খেলা, তর্ক আর নয়।  
 সত্যমিথ্যা পাশাপাশি নির্বিরোধে রবে  
 এত স্থান নাই নাই অনন্ত এ ভবে।  
 অম্লরূপে ধান্য যেথা উঠে চিরদিন

রোপিবে তাহারি মাঝে কণ্টক নবীন,  
 হে স্নুপ্রিয়, প্রেম এত সর্বপ্রেমী নয়।  
 ছিল চিরদিবসের বিশ্রাম প্রণয়,  
 আনিবে বিশ্বাসঘাত বন্ধোমাঝে তার,  
 বন্ধু মোর, উদারতা এত কি উদার!  
 কেহ বা ধর্মের লাগি সহি নির্যাতন  
 অকালে অস্থানে মরে চোরের মতন,  
 কেহ বা ধর্মের রত করিয়া নিষ্ফল  
 বাঁচিবে সম্মানে স্নুখে, এ ধরণীতল  
 হেন বিপরীত ধর্ম এক বন্ধে বহে—  
 এত বড়ো এত দৃঢ় কভু নহে নহে।

মালিনীর প্রতি ফিরিয়া

স্নুপ্রিয়। হে দেবী, তোমারি জয়। নিজ পশ্মকরে  
 যে পবিত্র শিখা তুমি আমার অন্তরে  
 জ্বালায়েছ—আজি হল পরীক্ষা তাহার—  
 তুমি হলে জয়ী। সর্ব অপমানভার  
 সকল নিষ্ঠুরঘাত করিন্দু গ্রহণ।  
 রক্ত উচ্ছ্বসিয়া উঠে উৎসের মতন  
 বিদীর্ণ হৃদয় হতে—তব্দু সমুজ্জ্বল  
 তব শান্তি, তব প্রীতি, তব স্নুমগল  
 অম্লান-অচল-দীপ্ত করিছে বিরাজ  
 সর্বোপরি। ভক্তের পরীক্ষা হল আজ,  
 জয় দেবী।

ক্ষেমংকর, তুমি দিবে প্রাণ—  
 আমার ধর্মের লাগি করিয়াছি দান  
 প্রাণের অধিক প্রিয় তোমার প্রণয়,  
 তোমার বিশ্বাস। তার কাছে প্রাণভয়  
 তুচ্ছ শতবার।

ক্ষেমংকর। ছাড়ো এ প্রলাপবাণী।  
 মৃত্যু যিনি তাহারেই ধর্মরাজ জানি—  
 ধর্মের পরীক্ষা তাঁর কাছে। বন্ধুবর,  
 এসো তবে কাছে এসো, ধরো মোর কর,  
 চলো মোরা যাই সেথা দৌঁছে এক সনে,  
 যেমন সে বাল্যকালে—সে কি পড়ে মনে,  
 কতদিন সারারাত্রি তর্ক করি, শেষে  
 প্রভাতে যেতেম দৌঁছে গুরুদর উদ্দেশে  
 কে সত্য কে মিথ্যা তাহা করিতে নির্ণয়।  
 তেমনি প্রভাত হোক। সকল সংশয়  
 আজিকে লইয়া চলি অসংশয় ধামে,  
 দাঁড়াই মৃত্যুর পাশে দক্ষিণে ও বামে  
 দুই সখা, লয়ে দুজনের প্রশ্ন যত।



সেথায় প্রতাপ সত্য উজ্জ্বল উন্নত—  
মৃদুহৃতে পর্বতপ্রায় বিচার-বিরোধ  
বাপ্পসম কোথা যাবে! দুইটি অবোধ  
আনন্দে হাসিব চাহি দোঁহে দোঁহাকারে।  
সব চেয়ে বড়ো আজ মনে কর যারে  
তাহারে রাখিয়া দেখো মৃত্যুর সম্মুখে।

সুদ্রিপ্রয়। বন্ধু, তাই হোক।  
ক্ষেমংকর। এসো তবে, এসো বন্ধুকে।  
বহুদূরে গিয়েছিলে এসো কাছে তবে  
যেথায় অনন্তকাল বিচ্ছেদ না হবে।  
লহো তবে বন্ধুহস্তে করুণ বিচার—  
এই লহো।

শৃঙ্খল দ্বারা সুদ্রিপ্রয়ের মস্তকে আঘাত  
ও তাহার পতন

সুদ্রিপ্রয়। দেবী, তব জয়।

[মৃত্যু]

মৃতদেহের উপর পড়িয়া  
ক্ষেমংকর। এইবার  
ডাকো, ডাকো ঘাতকেরে।

সিংহাসন ছাড়িয়া  
রাজা। কে আছিস ওরে!  
আন্ খজ।  
মালিনী। মহারাজ, ক্ষমো ক্ষেমংকরে।

[মর্ছিত]

# বৈকুণ্ঠের খাতা

প্রকাশ : ১৮৯৭

১৩০৩ বঙ্গাব্দে স্বতন্ত্র গ্রন্থাকারে প্রকাশের পর হিতবাদী-রবীন্দ্র-  
গ্রন্থাবলী (১৩১১), গদ্যগ্রন্থাবলীর প্রহসন (নয়) খণ্ডে (১৩১৪)  
এবং বিশ্বভারতী-রচনাবলী চতুর্থ খণ্ডে (১৩৪৭) 'বৈকুণ্ঠের খাতা'  
সংকলিত হয়। কবির জীবদ্দশায় স্বতন্ত্র গ্রন্থাকারে আর প্রকাশিত  
হয় নি।

## নাটকের পাত্রগণ

বৈকুণ্ঠ

অবিনাশ। বৈকুণ্ঠের কনিষ্ঠ ভ্রাতা  
ঈশান। বৈকুণ্ঠের ভৃত্য  
কেদার। অবিনাশের সহপাঠী  
তিনকড়ি। কেদারের সহচর  
বিপিন

## প্রথম দৃশ্য

### কেদার ও তিনকড়ি

কেদার। দেখ্ তিনকড়ে-- অবিনাশ তো আমার গন্ধ পেলেই তেড়ে আসে--

তিনকড়ি। মানদুষ চেনে দেখছি, আমার মতো অবোধ নয়।

কেদার। কিন্তু আমি প্রতিজ্ঞা করেছি, আমার শ্যালীর সঙ্গে তার বিবাহ দিয়ে এই জায়গাটাতেই বসবাস করব, আর ঘুরে বেড়াতে পারি নে--

তিনকড়ি। টিকতে পারবে না দাদা। তোমার মধ্যে একটা ঘূর্ণি আছেন, তিনিই বরাবর ঘুরিয়েছেন এবং শেষ পর্যন্ত ঘোরাবেন।

কেদার। এখন অবিনাশের দাদা বৈকুণ্ঠকে বশ করতে এসে আমার কী দুর্গতি হয়েছে দেখ্। কে জানত বড়ো বই লেখে। এত বড়ো একখানা খাতা আমাকে পড়তে দিয়ে চলে গেছে--

তিনকড়ি। ওরে বাবা! ইন্দুরের মতো চুরি করে খেতে এসে খাতার জাঁতাকলের মধ্যে পড়ে গেছ দেখছি।

কেদার। কিন্তু তিনকড়ে, তুইই আমার সব গ্ল্যান মার্টি করবি।

তিনকড়ি। কিছু দরকার হবে না দাদা, তুমি একলাই মার্টি করতে পারবে।

কেদার। দেখ্ তিন্দু, এ-সব ব্যস্ত হবার কাজ নয়। গণেশকে সিদ্ধিদাতা বলে কেন-- তিনি মোটা লোকটি, খুব চেপে বসে থাকতে জানেন, দেখে মনে হয় না যে তাঁর কিছুতে কোনো গরজ আছে--

তিনকড়ি। কিন্তু তাঁর ইন্দুরটি--

কেদার। ফের বকিছস! লক্ষ্মীছাড়া, তুই একটু আড়ালে যা।

তিনকড়ি। চললুম দাদা। কিন্তু ফাঁকি দিয়ে না। সময়কালে অভাগা তিনকড়েকে মনে রেখো!

[ প্রস্থান ]

### বৈকুণ্ঠের প্রবেশ

বৈকুণ্ঠ। দেখছেন কেদারবাবু?

কেদার। আজে হাঁ, দেখছি বৈকি! কিন্তু আমার মতে, ওর নাম কী, বইয়ের নামটা যেন কিছু বড়ো হয়ে পড়েছে।

বৈকুণ্ঠ। বড়ো হোক, কিন্তু বিষয়টা বেশ পরিষ্কার বোঝা যাচ্ছে। 'প্রাচ্য ও পাশ্চাত্য প্রাচীন ও প্রচলিত সংগীতশাস্ত্রের আদিম উৎপত্তি ও ইতিহাস এবং নতুন সার্বভৌমিক স্বরলিপি সংক্ষিপ্ত ও সরল আদর্শ প্রকরণ'--এতে আর কোনো কথাটি বাদ গেল না।

কেদার। তা বাদ যায় নি। কিন্তু ওর নাম কী, মাপ করবেন বৈকুণ্ঠবাবু-- কিছু বাদসাদ দিয়েই নাম রাখতে হয়। কিন্তু লেখা যা হয়েছে সে পড়তে পড়তে, ওর নাম কী, শরীর রোমাণ্ড হয়ে ওঠে!

বৈকুণ্ঠ। হা হা হা হা! রোমাণ্ড! আপনি ঠাট্টা করছেন।

কেদার। সে কী কথা!

বৈকুণ্ঠ। ঠাট্টার বিষয় বটে। ও আমার একটা পাগলার্মি। হা হা হা হা! সংগীতের উৎপত্তি ও ইতিহাস, মাথা আর মণ্ডু। দিন খাতাটা। বড়ো মানদুষকে পরিহাস করবেন না কেদারবাবু।

কেদার। পরিহাস! ওর নাম কী, পরিহাস কি মশায় দু'ঘণ্টা ধরে কেউ করে। ভেবে দেখুন দেখি, কখন থেকে আপনার খাতা নিয়ে পড়েছি। তা হলে তো রামের বনবাসকেও, ওর নাম কী, কৈকেয়ীর পরিহাস বলতে পারেন।

বৈকুণ্ঠ। হা হা হা হা! আপনি বেশ কথাগুলা বলেন।

কেদার। কিন্তু হাসির কথা নয় বৈকুণ্ঠবাবু, ওর নাম কী, আপনার লেখার স্থানে স্থানে যথার্থই রোমাঞ্চ হয়—তা, কী বলে, আপনার মনের সামনেই বললুম।

বৈকুণ্ঠ। বুঝেছি আপনি কোন জায়গার কথা বলছেন, সেখানটা লেখবার সময় আমারই চোখে জল এসেছিল। যদি আপনার বিরক্তি বোধ না হয় তো সেই জায়গাটা একবার পড়ে শোনাই।

কেদার। বিরক্তি! বিলক্ষণ! ওর নাম কী, আমি আপনাকে ঐ জায়গাটা পড়বার জন্যে অনুরোধ করতে যাচ্ছিলাম। (স্বগত) শ্যালীটিকে পার করা পর্যন্ত হে ভগবান, আমাকে ধৈর্য দাও—তার পরে আমারও একদিন আসবে।

বৈকুণ্ঠ। কী বলছেন কেদারবাবু?

কেদার। বলছিলাম যে, ওর নাম কী, সাহিত্যের কামড় কচ্ছপের কামড়—যাকে একবার ধরে, ওর নাম কী, তাকে আর সহজে ছাড়তে চায় না। আহা, অমন জিনিস কি আর আছে!

বৈকুণ্ঠ। হা হা হা হা! কচ্ছপের কামড়! আপনার কথাগুলা বড়ো চমৎকার। এই যে সেই জায়গাটা। তবে শুনুন—হে ভারতভূমি, এক সময়ে তুমি প্রবীণ বীর্যবান পুরুষদিগের তপোভূমি ছিলে; তখন রাজার রাজত্বও তপস্যা ছিল, কবির কবিত্বও তপস্যারই নামান্তর ছিল। তখন তাপস জনক রাজ্যশাসন করিতেন, তখন তাপস বাল্মীকি রামায়ণগানে তপঃপ্রভাব উৎসারিত করিয়া দিতেন; তখন সকল জ্ঞান, সকল বিদ্যা, সংসারের সকল কর্তব্য, জীবনের সকল আনন্দ, সাধনার সামগ্রী ছিল। তখন গৃহাশ্রমও আশ্রম ছিল, অরণ্যাশ্রমও আশ্রম ছিল। আজ যে কুলত্যাগিনী সংগীতবিদ্যা নাট্যশালায় বিদেশী বংশীর কাংস্যকণ্ঠে আতর্নাদ করিতেছে, প্রমোদালয়ে সুরাসরোবরে স্থলিত-চরণে আত্মহত্যা করিয়া মরিতেছে, সেই সংগীত একদিন ভারতমন্দির তপোবলে মূর্তিমান হইয়া স্বর্গকে স্বর্গীয় করিয়া তুলিয়াছিল; সেই সংগীত সাধকশ্রেষ্ঠ নারদের বীণাতন্ত্রী হইতে শূদ্র-রশ্মিরশির ন্যায় বিচ্ছুরিত হইয়া বৈকুণ্ঠাধিপতির বিগলিত পাদপদ্মিনিসান্দিত পুণ্য নিবারণীকে স্থান মর্ত্যলোকে প্রবাহিত করিয়াছিল। হে দুর্ভাগিনী ভারতভূমি, আজ তুমি কৃশকায় দীনপ্রাণ রোগজীর্ণ শিশুদিগের ক্রীড়াভূমি; আজ তোমার যজ্ঞবেদীর পুণ্য মন্ডিকা লইয়া অবোধগণ পুস্তলিকা নির্মাণ করিতেছে; আজ সাধনাও নাই, সিদ্ধিও নাই; আজ বিদ্যার স্থলে বাচালতা, বীর্যের স্থলে অহংকার এবং তপস্যার স্থলে চাতুরী বিরাজ করিতেছে। যে বজ্রবক্ষ বিপুল তরণী একদিন উদ্ভাল তরঙ্গ ভেদ করিয়া মহাসমুদ্র পার হইত, আজ সে তরণীর কর্ণধার নাই; আমরা কয়েকজন বালকে তাহারই কয়েক খণ্ড জীর্ণ কাষ্ঠ লইয়া ভেলা বাঁধিয়া আমাদের পল্লীপ্রান্তের পৃথকপৃথক ক্রীড়া করিতেছি এবং শিশুসুলভ মোহে অজ্ঞানসুলভ অহংকারে কল্পনা করিতেছি, এই ভণ্ড ভেলাই সেই অর্ণবতরী, আমরাই সেই আর্ষ এবং আমাদের গ্রামের এই জীর্ণপত্রকলুষিত জলকুণ্ডই সেই অতলস্পর্শ সাধনসমুদ্র।

#### ঈশানের প্রবেশ

ঈশান। বাবু, খাবার এসেছে।

বৈকুণ্ঠ। তাঁকে একটু বসতে বলো।

ঈশান। বসতে বলব কাকে? খাবার এসেছে।

কেদার। তা হলে আমি উঠি। ওর নাম কী, স্বার্থপর হয়ে আপনাকে অনেকক্ষণ বসিয়ে রেখেছি—

বৈকুণ্ঠ। কেন, আপনি উঠছেন কেন?

ঈশান। নাঃ, ওর আর উঠে কাজ নেই! তামাম রাত ধরে তোমার ঐ লেখা শুনুন! (কেদারের প্রতি) যাও বাবু, তুমি ঘরে যাও। আমাদের বাবুকে আর খেঁপিয়ে তুলো না।

কেদার। ইনি আপনার কে হন?

বৈকুণ্ঠ। ঈশেন, আমার চাকর।

কেদার। ওঃ, ওর নাম কী, এ'র কথাগুদলি বেশ পষ্ট পষ্ট।

বৈকুণ্ঠ। হা হা হা হা! ঠিক বলেছেন। তা, কিছু মনে করবেন না—অনেক দিন থেকে আছে—আমাকে মানে-টানে না।

কেদার। ওর নাম কী, অঙ্গপক্ষণের আলাপ যদিচ, তবু আমাকেও বড়ো মানে না দেখলুম। কিন্তু ওর কথাটা আপনি কানে তোলেন নি—খাবার এসেছে।

বৈকুণ্ঠ। তা হোক, রাত হয় নি—এই অধ্যায়টা শেষ করে ফেলি।

কেদার। বৈকুণ্ঠবাবু, খাবার আপনার ঘরে আসে এবং এসে বসেও থাকে—ওর নাম কী, আমাদের ঘরে তাঁর ব্যবহার অন্য রকমের। দেখুন, যখন ছেলেবেলায় কালেজে পড়তুম তখন, ওর নাম কী, খুব উচ্চ মাচার উপরেই আশালতা চড়িয়েছিলুম; তাতে বড়ো বড়ো লাউয়ের মতো দেড়-হাত দূ-হাত ফলও ঝুলে পড়েছিল, কিন্তু, কী বলে, গোড়ায় জল পেলে না, ভিতরে রস প্রবেশ করলে না, ওর নাম কী, সব ফাঁপা হয়ে রইল। এখন কোথায় পয়সা, কোথায় অন্ন, এই করেই মরিছি। ভিতরে সার যা ছিল সব চুপসে, ওর নাম কী, শুদুকিয়ে গেল।

বৈকুণ্ঠ। আহা-হা-হা! এতবড়ো দুঃখের বিষয় আর কিছু হতে পারে না। অথচ সর্বদাই প্রফুল্ল আছেন! আপনি মহানুভব বান্ধি। (কেদারের হাত চাপিয়া ধরিয়া) দেখুন, আমার ক্ষুদ্র শক্তিতে যদি আপনার কোনো সাহায্য করতে পারি খুলে বলবেন—কিছুমাত্র সংকোচ—

কেদার। মাপ করবেন বৈকুণ্ঠবাবু, ওর নাম কী, আমাকে টাকার প্রত্যাশী মনে করবেন না—আজ যে আনন্দ দিয়েছেন এর তুলনায়, ওর নাম কী, টাকার তোড়া—

#### তিনকড়ির প্রবেশ

তিনকড়ি। (জনানিতকে) খুশি হয়ে দিতে চাচ্ছে, নে-না—

কেদার। সব মাটি করলে লক্ষ্মীছাড়া বান্দর কোথাকার—

বৈকুণ্ঠ। এ ছেলেটি কে?

কেদার। দেনার সঙ্গে যেমন সুন্দ, ওর নাম কী, উনি আমার ভেমনি। নিজের দায়ই সামলাতে পারি নে, তার উপর আবার ভগবান, কী বলে, ঢাকের উপর ঢেঁকি চড়িয়েছেন।

তিনকড়ি। উনি যদি হন গোরু আমি হই গুঁর লেজ। যখন চরে খান আমি পিঠের মাছি তাড়াই, আবার যখন চাষার হাতে লাঞ্ছনা খেতে হয় তখন মলাটা আমার উপর দিয়েই যায়।

বৈকুণ্ঠ। হা হা হা হাঃ! এ ছোকরাটি বেড়ে পেয়েছেন। এর বে খুব চোখে-মুখে কথা। দেখুন, বিলম্ব হয়ে গেছে, আজ আমার এইখানেই আহারাদি হোক-না।

কেদার। না না, সে আপনার অসুবিধা করে কাজ নেই।

তিনকড়ি। বিলক্ষণ! শুভকার্ণে বাধা দিতে নেই। খাওয়াতে গুঁর সামান্য অসুবিধে, না খেতে পেলে আমাদের অসুবিধে ঢের বেশি। খিদে পেয়েছে মশায়।

বৈকুণ্ঠ। বেশ বাবা, তুমি পেট ভরে খেয়ে যাও। তৃপ্তির সঙ্গে খেতে দেখলে আমার বড়ো আনন্দ হয়।

কেদার। এই ছোঁড়াটাকে ভগবান, ওর নাম কী, অন্তরিন্দিয়ের মধ্যে কেবল একটি জঠর দিয়েছেন মাত্র। আপনার এই আশ্রমটিতে এলে পেট বলে যে একটা গভীর গহবর আছে, কী বলে, সে কথা একেবারে ভুলে যেতে হয়। মনে হয় যেন কেবল একজোড়া হৃৎপিণ্ডের উপরে, ওর নাম কী, একখানি মৃদু নিয়ে বসে আছি।

বৈকুণ্ঠ। হা হা হা হাঃ। আপনি বড়ো সুন্দর রস দিয়ে কথা বলতে পারেন—বা বা, আপনার চমৎকার ক্ষমতা!

তিনকড়ি। কথায় মত্ত হয়ে প্রতিজ্ঞে ডুলবেন না বৈকুণ্ঠবাবু! খিদে ক্রমেই বাড়ছে।

বৈকুণ্ঠ। বটে বটে! ঈশেন! ঈশেন! একবার এইদিকে শুনে যাও তো ঈশেন!

## ঈশানের প্রবেশ

ঈশান। একটি ছিল, দুটি জুটেছে!

তিনকড়ি। রেগো না দাদা, তোমাকেও ভাগ দেব।

ঈশান। এখনো লেখা শোনানো চলছে বুদ্ধি!

বৈকুণ্ঠ। (লজ্জিতভাবে খাতা আড়াল করিয়া) না না, লেখা কোথায়! দেখো ঈশেন, ইয়ে হয়েছে—এই দুটি বাবু, বুঝেছ, এঁদের জন্যে কিছু খাবার এনে দিতে হচ্ছে।

ঈশান। খাবার এখন কোথায় জোগাড় করব।

তিনকড়ি। ও বাবা!

বৈকুণ্ঠ। ঈশেন, বুঝেছ, তুমি একবার বাড়ির মধ্যে গিয়ে আমার মাকে বলে এসো গে যে—

ঈশান। সে হবে না বাবু, দিদিঠাকরুনকে আমি আবার এই দিবসান্তে বোঁড়ি ধরাতে পারব না—তিনি তোমার ভাত কোলে নিয়ে সেই অর্বাধ বসে আছেন—

বৈকুণ্ঠ। তা, এঁদের না খাইয়ে তো আমি খেতে পারব না, তুমি একবার মাকে বললেই—

ঈশান। তা জানি, তাঁকে বললেই তিনি ছুটে যাবেন, কিন্তু আজ সমস্ত দিন একাদশী করে আছেন। বাবু, আজকের মতো তোমরা ঘরে গিয়ে খাও গে।

তিনকড়ি। দাদা, পরামর্শ দেওয়া সহজ, কিন্তু খাবার না থাকলে কী করে খাওয়া যায় সে সমস্যা তো কেউ মেটাতে পারলে না।

কেদার। তিনকড়ি, থাম্। বৈকুণ্ঠবাবু, বাস্তব হবেন না, ওর নাম কী, আজ থাক-না—

বৈকুণ্ঠ। দেখ ঈশেন, তোর জন্মালায় কি আমি বাড়িঘরদোর ছেড়ে বনে গিয়ে পালাব! বাড়িতে দুজন ভদ্রলোক এলে তাদের দুমুঠো খেতে দিবি নে! হারামজাদা লক্ষ্মীছাড়া বেটা! বেরো তুই আমার ঘর থেকে—

## ঈশানের প্রস্থান

তিনকড়ি। আহা, রাগ করবেন না। আমি ঠাউরেছিলাম খাওয়াতে আপনার কোনো অসুবিধে নেই, ঠিক বুঝতে পারি নি, একটু অসুবিধে আছে বৈকি! এ লোকটিকে ইতিপূর্বে দেখি নি—তা ছাড়া আপনার বড়ো মা—

বৈকুণ্ঠ। না না, সেটি আমার একমাত্র বিধবা মেয়ে, আমার নীরু, আমার মা নেই।

তিনকড়ি। মা নেই! ঠিক আমারই মতো।

কেদার। বৈকুণ্ঠবাবু, ওর নাম কী, আজ তবে উঠি—ঈশানকোণে ঝড়ের লক্ষণ দেখা যাচ্ছে।

তিনকড়ি। দাঁড়াও-না, যাবে কোথায়? দেখুন বৈকুণ্ঠবাবু, লজ্জা পাবেন না—এই তিনকড়ির পোড়াকপালের আঁচ পেলে অন্তর্পূর্ণার হাঁড়ির তলা দু-ফাঁক হয়ে যায়। যা হোক, আমার উপর সম্পূর্ণ ভার দিন, আমি বড়োবাজার থেকে আহারের জোগাড় করে আনি। আপনাকে আর কিছু দেখতে হবে না।

কেদার। (কৃত্রিম রোষে) দেখ তিনকড়ি! এতদিন, ওর নাম কী, আমার সহবাসে এবং দৃষ্টান্তে তোর এই, কী বলে, হেয় জঘন্য লব্ধ প্রবৃত্তি ঘুচল না! আজ থেকে, ওর নাম কী, তোর মন্থদর্শন করব না।

## [প্রস্থান]

বৈকুণ্ঠ। আহা, আহা, রাগ করে যাবেন না কেদারবাবু—কেদারবাবু, শুনুন যান।

তিনকড়ি। কিছু ভাববেন না। কেদারদাকে আমি বেশ জানি। ওকে আমি আধ ঘণ্টার মধ্যে জুড়িয়ে ঠান্ডা করে আপনার এখানে হাজির করে দেব। বুঝছেন না, পেটে আগুন জ্বললেই বাকিগুলো কিছু গরম গরম আকারে মুখ থেকে বেরোতে থাকে।

বৈকুণ্ঠ। হা হা হা হাঃ! বাবা, তোমার কথাগুণি বেশ। তা দেখো, এই তোমাকে কিঞ্চিৎ জলপানি দিচ্ছি। (নোট দিয়া) কিছু মনে কোরো না।



তিনকড়ি। কিছ্‌র না, কিছ্‌র না। এর চেয়ে বেশি দিলেও কিছ্‌র মনে করতুম না—আমার সেরকম স্বভাবই নয়।

[প্রস্থান]

ঈশানের প্রবেশ

ঈশান। বাবু! (বৈকুণ্ঠ নিরন্তর)—বাবু! (নিরন্তর)—বাবু, খাবার এসেছে। (নিরন্তর)—  
খাবার ঠাণ্ডা হয়ে গেল যে।

বৈকুণ্ঠ। (রাগিয়া) যা—আমি খাব না।

ঈশান। আমায় মাপ করো—খাবার জুড়িয়ে গেল।

বৈকুণ্ঠ। না, আমি খাব না।

ঈশান। পায়ে ধরি বাবু—থেতে চলো—রাগ কোরো না।

বৈকুণ্ঠ। যাঃ—বেরো তুই—বিরক্ত করিস নে।

ঈশান। দাও আমার কান মলে দাও—বাবু—

অবিনাশের প্রবেশ

অবিনাশ। কী দাদা। এখনো বসে বসে লিখছ বুদ্ধি?

বৈকুণ্ঠ। না না, কিছ্‌র না—এখন লিখতে যাব কেন? ঈশানের সঙ্গে বসে বসে গল্প করছি।  
—ঈশেন, তুই যা, আমি যাচ্ছি।

[ঈশানের প্রস্থান]

অবিনাশ। দাদা, মাইনের টাকাগুলো এনেছি—এই কুড়ি টাকার পাঁচ কেতা নোট আর পাঁচশো  
টাকার একখানা।

বৈকুণ্ঠ। ঐ পাঁচশো টাকার খানা তুমিই রাখো না অবু।

অবিনাশ। কেন দাদা।

বৈকুণ্ঠ। যদি কোনো আবশ্যক হয়—খরচপত্র—

অবিনাশ। আবশ্যক হলে চেয়ে নেব—

বৈকুণ্ঠ। তবে এইখানে রাখো। তোমার হাতে টাকা দিলেও তো থাকে না। যে আসে তাকেই  
বিশ্বাস করে বস। টাকা রাখতে হলে লোক চিনতে হয় ভাই।

অবিনাশ। (হাসিয়া) সেইজন্যই তো তোমার হাতে দিয়ে নিশ্চিন্ত হই দাদা।

বৈকুণ্ঠ। অবি, হাসছিস যে! কেন, আমাকে কেউ ঠকিয়েছে বলতে পারিস? সেদিন সেই  
স্বরসূত্রসার বই কিনলেম, তোরা নিশ্চয় মনে করেছিস ঠকেছি—কিন্তু সংগীত সম্বন্ধে অমন  
প্রাচীন বই আর আছে? হীরে দিয়ে ওজন করলেও ওর দাম হয় না। তিনশো টাকায় তো অমনি  
পেয়েছি।

অবিনাশ। ও বই সম্বন্ধে আমি কি কিছ্‌র বলছি?

বৈকুণ্ঠ। তাতেই তো বুদ্ধিতে পারলুম তোরা মনে করছিস বুদ্ধি ঠকেছে। নইলে একবার  
জিজ্ঞাসা করতে হয়, একবার নেড়েচেড়ে দেখতে হয়—

অবিনাশ। ওর আর আছে কী দাদা। নাড়তে চাড়াতে গেলে যে গুঁড়িয়ে ধুলো হয়ে  
যাবে।

বৈকুণ্ঠ। সেই তো ওর দাম। ও ধুলো কি আজকের ধুলো। ও ধুলো লাখ টাকা দিয়ে মাথায়  
রাখতে হয়।

অবিনাশ। দাদা, এ মাসে আমাকে পঁচাত্তর টাকা দিতে হবে।

বৈকুণ্ঠ। কেন, কী করবি? (অবিনাশ নিরন্তর)—নিলেম থেকে বিলিতি গাছ কিনবি বুদ্ধি?  
ঐ তোর এক গাছ পেঁতা বাতিক হয়েছে। দিনরাত যত রাজ্যের উড়ে মালী নিয়ে কারবার। কত

মিথ্যে গাছের নাম করে কত লোক যে তোমাকে ঠকিয়ে নিয়ে যাচ্ছে তার আর সংখ্যে করা যায় না—  
অব্দ, তুই বিয়েথাওয়া করবি নে?

অবিনাশ। তার চেয়ে অন্য বাতিকগুলো যে ভালো। বয়স প্রায় চল্লিশ হল, আর কেন?

বৈকুণ্ঠ। সে কী, এরই মধ্যে চল্লিশ?

অবিনাশ। এরই মধ্যে আর কই? ঠিক পুরো সময়ই লেগেছে—যেমন অন্য লোকের হয়ে থাকে।

বৈকুণ্ঠ। আমারই অন্যায় হয়েছে। ছি ছি, লোকে স্বার্থপর বলবে। আর দোর করা নয়।

অবিনাশ। একটি লোক বসে আছে, আমি তবে চললুম।

[প্রস্থান]

বৈকুণ্ঠ। নিশ্চয় সেই মানিকতলার মালী। একেই বলে বাতিক।

কেদারের প্রবেশ

বৈকুণ্ঠ। এই-যে কেদারবাবু ফিরে এসেছেন—বড়ো খুশি হলুম—তা হলে—

কেদার। দেখুন, ওর নাম কী, আপনার লাইব্রেরিতে সকল রকম সংগীতের বই আছে, কিন্তু, কী বলে, চীনেদের সংগীতপুস্তক বোধ করি নেই।

বৈকুণ্ঠ। (ব্যস্ত হইয়া) আজে না। আপনি কোথাও সন্ধান পেয়েছেন?

কেদার। একখানি জোগাড় করে এনেছি, আপনাকে উপহার দিতে চাই। বইখানি, ওর নাম কী, বহুমূল্য। এই দেখুন। (স্বগত) বেটা চীনেম্যানের কাছ থেকে তার পুরানো জুতোর হিসেব চেয়ে এনেছি।

বৈকুণ্ঠ। তাই তো। এ যে আদত চীনে ভাষা দেখছি। কিচ্ছু বোঝবার জো নেই। আশ্চর্য! একেবারে সোজা অক্ষর! বা, বা, চমৎকার! তা এর দাম—

কেদার। মাপ করবেন, ওর নাম কী—

বৈকুণ্ঠ। না, সে হবে না! আপনি-যে কণ্ট করে বইখানি খুঁজে এনেছেন এতেই আমি আপনার কেনা হয়ে রইলুম, আমার ঋণ আর বাড়াবেন না!

কেদার। (নিশ্বাস ফেলিয়া) কিন্তু কী বলব, দামটা—বোধ হয় ঠকোঁছি।

বৈকুণ্ঠ। আজে না, তা কখনো হতেই পারে না। আমি জানি কিনা, এ-সব জিনিসের দাম বেশি।

কেদার। আজে, বেটা তো পয়ত্রিশ টাকা চেয়ে বসেছে, বোধ করি, ওর নাম কী, বিশেষই রফা হবে।

বৈকুণ্ঠ। পয়ত্রিশ! এ তো জলের দর! টাকাটা এখনই দিয়ে দিন—আবার যদি মত বদলায়। চীনেম্যান বোধ হয় নিতান্ত দায়ে পড়েছে।

কেদার। দায় বলে দায়! শুনলুম দেশে তার তিন শ্যালী আছে, তিনটিকেই এক কুলীন চীনেম্যানের সঙ্গে বিয়ে দিতে হবে। কন্যাদায় দায়, কিন্তু, কী বলে ভালো, শ্যালীদায়ের সঙ্গে তার তুলনাই হয় না।

বৈকুণ্ঠ। (হাসিয়া) বল কী কেদারবাবু!

কেদার। সাধে বলি! ভুক্তভোগীর কথা। ওর নাম কী, শ্বশুরবাড়িতে শ্যালী অতি উত্তম জিনিস—অমন জিনিস আর হয় না—কিন্তু সেখান থেকে চ্যুত হয়ে হঠাৎ স্কন্ধের উপর এসে পড়লে, ওর নাম কী, সকলে সামলাতে পারে না।

বৈকুণ্ঠ। সামলাতে পারে না! হা হা, হা হা!

কেদার। আজে, আমি তো পারছি নে। একে শ্যালী, তাতে নিখুঁত সুন্দরী, তাতে বয়ঃপ্রাপ্ত হয়েছে, ওর নাম কী, ঘরে তো আর টোকা যায় না! চোখ মেলে চাইলে স্ত্রী ভাবে শ্যালীকে খুঁজছি, ওর নাম কী, চোখ বুজে থাকলে স্ত্রী ভাবে আমি শ্যালীর ধ্যান করছি। কাশলে মনে করে

কাশির মধ্যে একটা অর্থ আছে, আবার, কী বলে ভালো, প্রাণপণে কাশি চেপে থাকলে মনে করে তার অর্থ আরো সন্দেহজনক।

#### অবিনাশের প্রবেশ

অবিনাশ। কী দাদা, খাবার ঠান্ডা হয়ে এল, এখনো লেখা নিয়ে বসে আছ!

বৈকুণ্ঠ। না, না, লেখাটেখা কিছু নয়, কেদারবাবুর সঙ্গে গল্প করছি।

অবিনাশ। তাই তো, কেদার দেখছি! কী সর্বনাশ! তুমি কোথা থেকে হে। দাদাকে পেয়ে বসেছ বৃদ্ধি।

কেদার। হা হা হা হাঃ! অবিনাশ, চিরকালই তুমি ছেলেমানুষ রয়ে গেলে হে।

অবিনাশ। দাদা, তোমার লেখা শোনার আর লোক পেলো না? শেষকালে কেদারকে ধরেছ? ও যে তোমাকে ধরলে আর ছাড়বে না।

বৈকুণ্ঠ। আঃ অবিনাশ, ছিঃ, কী বকছ?

কেদার। বৈকুণ্ঠবাবু, আপনি ব্যস্ত হবেন না, ওর নাম কী, অবিনাশের সঙ্গে এক ক্লাসে পড়েছি, আমার সঙ্গে দেখা হলেই ওর আর ঠাট্টা ছাড়া কথা নেই।

অবিনাশ। তোমার ঠাট্টা যে আমার ঠাট্টার চেয়ে গুরুতর। এই সৈদিন আমার কাছ থেকে টাকা নিয়ে গেলে, আবার বৃদ্ধি দরকার পড়েছে তাই দাদার বই শুনতে এসেছ?

কেদার। ভাই অবিনাশ, ওর নাম কী, এক-একসময় তোমার কথা শুনলে হঠাৎ ভ্রম হয় যে, যা বলছ বৃদ্ধি বা সত্যিই বলছ! কী জানি, বৈকুণ্ঠবাবু মনে ভাবতেও পারেন যে, কী বলে ভালো—

বৈকুণ্ঠ। (ব্যস্ত হইয়া) না না কেদারবাবু! আমি কিছু মনে ভাবছি নে। কিন্তু অবিনাশ, সত্যি কথা বলতে কি, তোমার ঠাট্টাগুলো কিছু রুঢ় হয়ে পড়ছে। বন্ধুকেও—

অবিনাশ। আমি তো ঠাট্টা করছি নে—

বৈকুণ্ঠ। অ্যাঁ! ঠাট্টা নয়! অভদ্র কোথাকার! কেদারবাবু আমার ঘরে আসেন সে আমার সৌভাগ্য। তুই আমার সামনে তাঁকে অপমান করিস!

কেদার। আহা, রাগ করবেন না বৈকুণ্ঠবাবু—

অবিনাশ। দাদা, মিথ্যা রাগ করছ কেন? কেদারের আবার অপমান কিসের?

বৈকুণ্ঠ। আবার! তোর সঙ্গে আর আমি কথা কব না।

অবিনাশ। মাপ করো দাদা! (বৈকুণ্ঠ নিরন্তর)—মাপ করো, আমার অপরাধ হয়েছে! (নিরন্তর)—দাদা, রাগ করে থেকে না—

বৈকুণ্ঠ। তবে শোন। কেদারবাবুর একটি বিবাহযোগ্য্য পরমা সুন্দরী বয়ঃপ্রাপ্ত শ্যালী আছে, তোরও তো বিবাহযোগ্য্য বয়স হয়েছে—এখন—

কেদার। যোগ্য্য যোগ্যেন যোজয়েৎ।

বৈকুণ্ঠ। ঠিক বলেছেন, আমার মনের কথাটি বলেছেন।

কেদার। আমারও ঠিক ঐ মনের কথা।

অবিনাশ। কিন্তু দাদা, আমার মনের কথা একটু স্বতন্ত্র। আমার বিবাহ করবার ইচ্ছে নেই।

কেদার। অবিনাশ তুমি হাসালে। বিবাহ করবার পূর্বেই অনিচ্ছে! ওর নাম কী, করবার পরে যদি হত তো মানে পাওয়া যেত।

বৈকুণ্ঠ। মের্যোঁট তো সুন্দরী—

অবিনাশ। তাকে দেখেছ নাকি?

বৈকুণ্ঠ। দেখতে হবে কেন! কেদারবাবু যে বলেছেন।

#### অবিনাশ নিরন্তর

কেদার। বিশ্বাস হল না? কী বলে, আমার আকৃতি দেখেই ভয় পেলো—কিন্তু ওর নাম কী,

সে যে আমার শ্যালী, আমার স্ত্রীর সহোদরা, আমার বংশের কেউ নয়। একবার স্বচক্ষে দেখে এলে হয় না?

বৈকুণ্ঠ। সে তো বেশ কথা, দেখে এসো-না অবিনাশ।

অবিনাশ। দেখে আর করব কী! ঘরের মধ্যে বাইরের লোক আনতে চাই নে—

কেদার। তা এনো না। কিন্তু ওর নাম কী, বাইরের লোকের পানে একবার তাকাতে দোষ কী—কী বলে, একবার দেখে এলে ঘরেরও ক্ষতি নেই, ওর নাম কী, বাইরেরও বিশেষ ক্ষয় হবে না।

অবিনাশ। আচ্ছা, তাই হবে। এখন খেতে যাও দাদা, নীরু আমাকে পাঠিয়ে দিলে।

বৈকুণ্ঠ। এই যে কেদারবাবু এখনো—আগে ওঁর—

কেদার। বিলক্ষণ!

অবিনাশ। তা, খাবার না বলে দিলে খাবার আসবে কোথা থেকে! ঈশেনকে একবার ডাকা যাক।

কেদার। ঈশেনকে ডেকো না ভাই, ওর নাম কী, তাঁর সঙ্গে পূর্বেই দুটো-একটা কথাবার্তা হয়ে গেছে।

খাবারের চাঙার হস্তে তিনকড়ির প্রবেশ

তিনকড়ি। এই নাও—বসে যাও—আমি পরিবেশন করছি।

বৈকুণ্ঠ। তুমিও বোসো-না বাপু, পরিবেশনের ব্যবস্থা আমি করছি।

তিনকড়ি। ব্যস্ত হবেন না মশায়, নিজে আগে খেয়ে নিরোছি।

কেদার। দূর লক্ষ্মীছাড়া পেটদুক!

তিনকড়ি। ভাই, তিনকড়ের ভাগ্যে বিঘ্ন ঢের আছে বরাবর দেখে আসছি। জন্মাবামাত্র দুধ খাবার জন্যে কান্না ধরলুম, তার ঠিক পূর্বেই মা গেল মরে। ভাই, সবুর করতে আর সাহস হয় না।

অবিনাশ। এ ছোকরাটিকে কোথায় জোগাড় করলে কেদার?

কেদার। ওর নাম কী, দেশদেশান্তর খুঁজতে হয় নি, আপনি জুটেছে। এখন এঁকে থোব কোথায়, কী বলে ভালো, তাই খুঁজছি।

অবিনাশ। দাদা, তা হলে তুমি এখন খেতে যাও।

বৈকুণ্ঠ। বিলক্ষণ! আগে এঁদের হোক।

কেদার। সে কী কথা বৈকুণ্ঠবাবু—

বৈকুণ্ঠ। কেদারবাবু, আপনি কিছু সংকোচ করবেন না, খেতে দেখতে আমার বড়ো আনন্দ।

তিনকড়ি। বেশ তো, আবার কাল দেখবেন। আমরা তো পালছি নে। কিছুতেই না।

কেদার। তিনকড়ে, বরষা তুই ঐ চাঙারিটা বাড়ি নিয়ে চল। কী বলে, এঁদের আর কেন মিছে বিরক্ত করা।

তিনকড়ি। আজ তো আর দরকান দেখি নে। আবার কাল আছে।

অবিনাশের হাস্য

বৈকুণ্ঠ। এ ছোকরাটি বেশ কথা কম। একে আনার বড়ো ভাল লাগছে। কিন্তু আহারাটা এইখানেই করতে হচ্ছে, সে আমি কিছুতেই ছাড়ছি নে—

ঈশানের প্রবেশ

ঈশান। বাবু!

বৈকুণ্ঠ। আরে, শুনছি, এই যে যাচ্ছি। আপনারা তা হলে যাবেন দেখছি। তবে আর ধরে রাখব না।

তিনকড়ি। আজ্ঞে না, তা হলে বিপদে পড়বেন।

[বৈকুণ্ঠ, অবিনাশ ও ঈশানের প্রস্থান]

(কেদারের প্রতি) এই নে ভাই, টাকা-কটা বেঁচেছে—এ জিনিস আমার হাতে টেকে না।

কেদার। তোর বাবা তোর নাম দিয়েছে তিনকড়ি, আমি তোকে ডাকব মানিক। লাখো টাকা তোর দাম।

[প্রস্থান]

## দ্বিতীয় দৃশ্য

কেদার ও অবিনাশ

কেদার। ওর নাম কী, আজ তবে উঠি, অনেক বিরক্ত করা গেছে—

অবিনাশ। বিলক্ষণ! বিরক্ত আবার কিসের! একটু বসে যাও-না! শোনো-না—আমি চলে আসার পর সেদিন মনোরমা আমার কথা কিছু বললে?

কেদার। সে আবার কিছু বলবে! তোমার নাম করবামাত্র তার গাল, ওর নাম কী, বিলিতি বেগুনের মতো টকটক করে ওঠে!

অবিনাশ। (হাসিতে হাসিতে) বল কী কেদার, এত লজ্জা!

কেদার। কী বলে, ঐটেই তো হল খারাপ লক্ষণ।

অবিনাশ। (ধাক্কা দিয়া) দূর! কী বলিস তার ঠিক নেই! খারাপ লক্ষণটা কী হল শুন!

কেদার। ওর নাম কী, ওটা স্বভাবের নিয়ম। যেমন তীর ছোঁড়া—গোড়ায় পিছনের দিকে প্রাণপণে পড়ে টান, তার পরে, ওর নাম কী, ছাড়া পাবামাত্রই সামনের দিকে একেবারে বেঁক করে দেয় ছুট! গোড়ায় যেখানে বেশি লজ্জা দেখা যাচ্ছে, ওর নাম কী, ভালোবাসার দৌড়টাও সেখানে বন্ধ বেশি হবে।

অবিনাশ। বল কী কেদার! তা, কী রকম লজ্জাটা তার দেখলে, শুনই-না! তোমরা বদ্বি আমার নাম করে তাকে ঠাট্টা করেছিলে?

কেদার। ভাই, সে অনেক কথা। আজ একটু কাজ আছে, আজ তবে—

অবিনাশ। আঃ, বোসো-না কেদার! শোনো-না, একটা কথা আছে। বদ্বি কেদার, একটা আংটি কেনা গেছে। বদ্বি কেদার?

কেদার। খুব সহজ কথা, ওর নাম কী, বদ্বি কেদার।

অবিনাশ। সহজ? আচ্ছা, কী বদ্বি কেদার বলো দেখি।

কেদার। টাকা থাকলে আংটি কেনা সহজ, ওর নাম কী, এই বদ্বি কেদার।

অবিনাশ। কিছু বোঝ নি। এই আংটিটি আমি তোমার হাত দিয়ে মনোরমাকে উপহার পাঠাতে চাই। তাতে কিছু দোষ আছে?

কেদার। আমি তো কিছু দেখি নে। যদি বা থাকে তো দোষটুকু বাদ দিয়ে, ওর নাম কী, আংটিটুকু নিলেই হবে।

অবিনাশ। আঃ, তোমার ঠাট্টা রাখো! শোনো-না কেদার, ঐসঙ্গে একটা চিঠিও দিই-না?

কেদার। সে আর বেশি কথা কী।

অবিনাশ। তবে চট্ করে লিখে দিই।

লিখিতে প্রবৃত্ত

কেদার। আংটিটা তো লাভ করা গেল। কিন্তু দুই ভাইয়ের মাঝখানে পড়ে মেহন্নতটাও বন্ধ বেশি হচ্ছে। এখন, বিবাহটা শীঘ্র চুকে গেলে একটু জিরোবার সময় পাওয়া যায়।

## বৈকুণ্ঠের প্রবেশ

বৈকুণ্ঠ। (উর্গাক মারিয়া স্বগত) এই যে, ভায়া আমার কেদারবাবুকে নিয়ে পড়েছে! কনে দেখে ইস্তিক গুঁকে আর এক মূহূর্ত ছাড়ে না। বাতিকগ্রস্ত মানদুৰ কিনা, সকল বিষয়েই বাড়াবাড়ি। কেদারবাবু বোধ হয় একেবারে অস্থির হয়ে উঠেছেন! বেচারাকে আমি উদ্ধার না করলে উপায় নেই। (ঘরে ঢুকিয়া) এই যে কেদারবাবু, আমার সেই নতুন পরিচ্ছেদটি শোনার জন্যে আপনাকে খুঁজে বেড়াচ্ছি।

কেদার। (স্বগত) আর তো বাঁচি নে!

অবিনাশ। (চিঠি ঢাকিয়া) দাদা, কেদারবাবুর সঙ্গে একটা কাজের কথা ছিল।

বৈকুণ্ঠ। কাজের তো সীমা নেই! ছোঁড়াটার মাথা একেবারে ঘুরে গেছে।—কিন্তু কেদারবাবুকে না পেলে তো আমার চলছে না।

## ভূত্যের প্রবেশ

ভূত্য। বাবু, মানিকতলা থেকে মালী এসেছে।

অবিনাশ। এখন যেতে বলে দে!

[ভূত্যের প্রস্থান]

বৈকুণ্ঠ। যাও-না, একবার শুনাই এসো-না! ততক্ষণ আমি কেদারবাবুর কাছে আছি—

কেদার। আমার জন্যে ব্যস্ত হবেন না, ওর নাম কী, আমি আজ তবে—

অবিনাশ। না কেদার, একটু বসো।

বৈকুণ্ঠ। না, না, আপনি বসুন। দেখো অবিনাশ, গাছপালা সম্বন্ধে তোমার যে আলোচনাটা ছিল সেটা অবহেলা করো না। সেটা বড়ো স্বাস্থ্যকর, বড়োই আনন্দজনক।

অবিনাশ। কিছু অবহেলা করব না দাদা, কিন্তু এখন একটা বড়ো দরকারি কাজ আছে।

বৈকুণ্ঠ। আচ্ছা, তা হলে তোমরা একটু বসো।—ভালোমানুষ পেয়ে বেচারা কেদারবাবুকে ভারি মদুশকিলে ফেলেছে—একটু বিশেষনা নেই—বয়সের ধর্ম!

## তিনকড়ির প্রবেশ

কেদার। আবার এখানে কী করতে এলি?

তিনকড়ি। ভয় কী দাদা, দু'জন আছে—একটিকে তুমি নাও, একটি আমাকে দাও।

বৈকুণ্ঠ। বেশ কথা বাবা, এসো আমার ঘরে এসো।

কেদার। তিনকড়ে, তুই আমাকে মাটি করলি!

তিনকড়ি। সম্বাই বলে তুমিই আমাকে মাটি করেছ। (কাছে গিয়া) রাগ কর কেন দাদা, যে অবধি তোমাকে দেখেছি সেই অবধি আপন বাপ দাদা খুঁড়ো কাউকে দু'চক্ষে দেখতে পারি নে। এত ভালোবাসা।

কেদার। বাজে বকিস কেন, তোর আবার বাপ দাদা কোথা!

তিনকড়ি। বললে বিশ্বাস করবি নে, কিন্তু আছে ভাই। ওতে তো খরচও নেই, মাহাত্ম্যও নেই। তিনকড়েরও বাপ দাদা থাকে—যদি আমার নিজেকে নিজে নিজে হত তবে কি আর থাকত? ককখনো না!

বৈকুণ্ঠ। হা হা হা হাঃ! ছেলোট বৈশ কথা কয়। চলো বাবা, আমার ঘরে চলো।

[উভয়ের প্রস্থান]

অবিনাশ। খুব সংক্ষেপে লিখলুম, বুঝেছে কেদার—কেবল একটি লাইন 'দেবীপদতলে বিমদুখ ভক্তের পূজোপহার'।

কেদার। তা, কোনো কথাটিই বাদ দেওয়া হয় নি—দীর্ঘ হয়েছে—তবে আজ উঠি।

অবিনাশ। কিন্তু 'পদতলে' কথাটা কি ঠিক খাটল—ওটা কিনা আংটি—

কেদার। কী বলে ভালো, তা 'করতলেই' লিখে দাও-না।

অবিনাশ। কিন্তু করতলে পূজোপহারটা কেমন শোনাচ্ছে!

কেদার। তা, নাইয় পূজোপহার নাই হল, ওর নাম কী—

অবিনাশ। শব্দ 'উপহার' লিখলে বড়ো ফাঁকা শোনায়, 'পূজোপহারই' থাক্—

কেদার। তা থাক্-না।

অবিনাশ। কিন্তু তা হলে 'করতলেটা' কী করা যায়—

কেদার। ওটা পদতলেই করে দাও-না—ওর নাম কী, তাতে ক্ষতি কী। আমি তা হলে উঠি।

অবিনাশ। একটু রোসো-না। আংটি সম্বন্ধে পদতলে কথাটা খাপছাড়া শোনাচ্ছে।

কেদার। খাপছাড়া কেন হবে! তুমি তো পদতলে দিয়ে খালাস, তার পরে, ওর নাম কী, তিনি করতলে তুলে নেন, কী বলে, যদি স্বয়ং না নেন তো অন্য লোক আছে।

অবিনাশ। আচ্ছা, পূজোপহার না লিখে যদি প্রণয়োপহার লেখা যায়।

কেদার। সেটা যদি খুব চট করে লেখা যায় তো সেইটেই ভালো।

অবিনাশ। কিন্তু রোসো, একটু ভেবে দেখি।

#### ঈশানের প্রবেশ

ঈশান। খাবার ঠান্ডা হয়ে এল যে।

অবিনাশ। আচ্ছা, সে হবে এখন, তুই যা।

ঈশান। দিদিঠাকরুন বসে আছে—

অবিনাশ। আচ্ছা আচ্ছা, তুই এখন পালা—

ঈশান। (কেদারের প্রতি) বড়োবাবুর তো আহারনিদ্রা বন্ধ, আবার ছোটোবাবুকেও খেঁপিয়ে তুলেছ?

কেদার। ভাই ঈশেন, যদিচ আমার নিমক খাও না, তবু, ওর নাম কী, আমার কথাটাও একবার ভেবে দেখো। তোমার বড়োবাবু খুব বিস্তারিত করে লিখে থাকেন আর তোমার ছোটোবাবু, কী বলে, অত্যন্ত সংক্ষেপেই লেখেন, কিন্তু আমার কপালক্রমে দুইই সমান হয়ে ওঠে—অবিনাশ, তোমার খাবার এসেছে, ওর নাম কী, আমি উঠি।

অবিনাশ। বিলক্ষণ! তুমিও খেয়ে যাও-না। ঈশেন, বাবুর জন্যে খাবার ঠিক কর্।

ঈশান। সময়মত বল না, এখন আমি খাবার ঠিক করি কোথেকে।

অবিনাশ। তোর মাথা থেকে! বেটা ভূত!

ঈশান। এও যে ঠিক বড়োবাবুর মতো হয়ে এল, আমাকে আর টিকতে দিলে না।

[প্রস্থান]

অবিনাশ। এখানে 'প্রণয়োপহার' লিখলে 'দেবী' কথাটা বদলাতে হয়। দেবীর সঙ্গে প্রণয় হবে কী করে।

কেদার। কেন হবে না! তা হলে দেবতাগুরুলো, ওর নাম কী, বাঁচে কী করে? ভাই অবিনাশ, স্ত্রীজাতি স্বর্গে মর্ত্যে পাতালে যেখানেই থাকুক, ওর নাম কী, তাদের সঙ্গে প্রণয় হতে পারে, কী বলে ভালো, হয়েও থাকে। তুমি অত ভেবো না! (স্বগত) এখন ছাড়লে বাঁচি।

#### তিনকড়ির প্রবেশ

তিনকড়ি। ও দাদা! তোমার বদল ভেঙে নাও! তুমি সেখানে যাও, আমি বরষ এখানে একবার চেষ্টা দেখি।

কেদার। কেন রে, কী হয়েছে?

তিনকড়ি। ওরে বাস রে! সে কী খাতা! আমি তার মধ্যে সেঁধোলে আমাকে আর খুঁজে

পাওয়া যাবে না! সেইটে পড়তে দিয়ে বৃদ্ধো কোথায় উঠে গেল, আমি তো এক দৌড়ে পালিয়ে এসেছি।

#### বৈকুণ্ঠের প্রবেশ

বৈকুণ্ঠ। কী তিনকড়ি, পালিয়ে এলে যে!

তিনকড়ি। আপনি অতবড়ো একথানা বই লিখলেন আর এইটুকু বদ্বলেন না!

বৈকুণ্ঠ। কেদারবাবু, আপনি যদি একবার আসেন তা হলে—

কেদার। চলুন। (স্বগত) রামে মারলেও মরব রাবণে মারলেও মরব, কিন্তু অবিনাশের এ একটি লাইন নিয়ে তো আর পারি নে!

অবিনাশ। কেদার, তুমি যাও কোথায়! দাদা আমার সেই কাজটা—

বৈকুণ্ঠ। (রাগিয়া উঠিয়া) দিনরাত্তির তোমার কাজ! কেদারবাবু ভদ্রলোক, ঠুকে একটু বিশ্রাম দেবে না! তোমাদের একটু বিবেচনা নেই! আসুন কেদারবাবু।

কেদার। ওর নাম কী, চলুন।

[উভয়ের প্রস্থান]

অবিনাশ। মনোরমা তোমার কে হন তিনকড়ি?

তিনকড়ি। তিনি আমার দূরসম্পর্কে বোন হন, কিন্তু সে পরিচয় প্রকাশ হলে তিনি ভারি লজ্জা পাবেন।

অবিনাশ। তাঁর খুব লজ্জা, না তিনকড়ি?

তিনকড়ি। আমার সম্বন্ধে ভারি লজ্জা। কাউকে মুখ দেখাবার জো নেই।

অবিনাশ। না, তোমার সম্বন্ধে বলছি নে, আমার সম্বন্ধে। জান তো তিনকড়ি, আমার সঙ্গে তাঁর একটা সম্বন্ধ—

তিনকড়ি। ওঃ, বৃদ্ধো! তা তো হতেই পারে। আমার সঙ্গেও একটি কন্যের সম্বন্ধ হয়েছিল—বিবাহের পূর্বে সে তো লজ্জায় মরেই গেল।

অবিনাশ। আঃ, কী বল তিনকড়ি!

তিনকড়ি। শূদ্ধ লজ্জা নয়, শূন্যলভ্য তার যত্নও ছিল।

অবিনাশ। মনোরমার—

তিনকড়ি। যত্নের দোষ নেই।

অবিনাশ। আঃ, সে কথা আমি জিজ্ঞাসা করছি নে, আমি হৃদয়ের কথা বলছি—

তিনকড়ি। মশায়, ও-সব বড়ো শক্ত শক্ত কথা, আমি বৃদ্ধি নে। মেয়েমানুষের হৃদয় তিনকড়ি কখনো পায় নি, কখনো প্রত্যাশাও করে নি। দিব্যি আছি।

অবিনাশ। আচ্ছা, সে থাক—কিন্তু, দেখো তিনকড়ি, মনোরমাকে আমি একটি আংটি উপহার দেব। বৃদ্ধো? সেইসঙ্গে এক লাইন চিঠি দিতে চাই—

তিনকড়ি। ক্ষতি কী! একটা লাইন বৈ তো নয়, চট করে হয়ে যাবে।

অবিনাশ। এই দেখো-না, আমি লিখেছিলাম—‘দেবীপদতলে বিমদুগ্ধ ভক্তের পূজোপহার’। তুমি কী বল?

তিনকড়ি। তোমার কথা তুমি বলবে, ওর মধ্যে আমার কিছু বলা ভালো হয় না, সে হল আমার ভণ্টা—

অবিনাশ। না না, তা বলছি নে। আংটি কি ঠিক পদতলে দেওয়া যায়! করতলে লিখলে—

তিনকড়ি। তা, ওটা লেখা বৈ তো না—পদতলে লিখে করতলে দিলেই হবে, সেজন্যে তো কেউ আদালতে নালিশ করবে না।

অবিনাশ। না হে না, লেখার তো একটা মানে থাকা চাই—

তিনকড়ি। আংটি থাকলে আর মানে থাকার দরকার কী? ওতেই তো বোঝা গেল।



অবিনাশ। আংটির চেয়ে কথার দাম বেশি, তা জান?

তিনকড়ি। তা হলে আজ আর তিনকড়েকে হাহাকার করে বেড়াতে হত না।

অবিনাশ। আঃ, কী বকছ তুমি তার ঠিক নেই। একটু মন দিয়ে শোনো দেখি। ও লাইনটা যদি এই রকম লেখা যায় তো কেমন হয়—‘প্রেয়সীর করপক্ষে অনুরক্ত সেবকের প্রণয়োপহার’।

তিনকড়ি। বেশ হয়।

অবিনাশ। বেশ হয়! একটা কথা বলে দিলেই হল—‘বেশ হয়’! একটু ভেবেচিন্তে বলো-না!

তিনকড়ি। ও বাবা! এ যে আবার রাগ করে! বড়োর শরীরে কিন্তু রাগ নেই। (প্রকাশ্যে) তা, ভেবেচিন্তে দেখলে বোধ হয় গোড়ারটাই ছিল ভালো।

অবিনাশ। কেন বলো দেখি। এটাতে কী দোষ হয়েছে।

তিনকড়ি। ও বাবা! এটাতে যদি দোষই না থাকবে তো খামকা আমাকে ভাবতে বললে কেন? এ তো বড়ো মূর্খাকিলেই পড়া গেল দেখছি।—দোষ কী জানেন অবিনাশবাবু, ও ভাবতে গেলেই দোষ, না ভাবলে কিছুতেই দোষ নেই, আমি তো এই বুদ্ধি।

অবিনাশ। ওঃ, বুদ্ধি—তুমি বলছ, আগে থাকতে ঐ প্রেয়সী সম্বোধনটায় লোকে কিছু মনে ভাবতে পারে—

তিনকড়ি। বাঁচা গেল!—হাঁ, তাই বটে। কিন্তু কী জানেন, আপনা-আপনি মধ্যে নাহয় তাকে প্রেয়সীই বললেন! তা কি আর অন্য কেউ বলে না! ঐটেই লিখে ফেলুন।

অবিনাশ। কাজ নেই, গোড়ায় যেটা ছিল সেইটেই—

তিনকড়ি। সেইটেই তো আমার পছন্দ—

অবিনাশ। কিন্তু একটু ভেবে দেখো-না, ওটা যেন—

তিনকড়ি। ও বাবা! আবার ভাবতে বলে!—দেখো অবিনাশবাবু, শিশুকাল থেকে আমিও কারও জন্যে ভাবি নি, আমার জন্যেও কেউ ভাবে নি, ওটা আমার আর অভ্যাস হলই না। এরকম আরো আমার অনেকগুলি শিক্ষার দোষ আছে—

অবিনাশ। আঃ, তিনকড়ি, তুমি একটু থামলে বাঁচি। নিজের কথা নিয়েই কেবল বক বক করে মরছ, আমাকে একটু ভাবতে দাও দেখি।

তিনকড়ি। আপনি ভাবুন-না। আমাকে ভাবতে বলেন কেন? একটু বসুন অবিনাশবাবু, আমি কৈদারদাকে ডেকে আনি। সে আমার চেয়ে ভাবতেও জানে, ভেবে কিনারা করতেও পারে।—আমার পক্ষে বড়োই ভালো।

[প্রস্থান]

কৈদার, বৈকুণ্ঠ ও তিনকড়ির প্রবেশ

বৈকুণ্ঠ। অবিনাশ, কৈদারবাবুকে আবার তোমার কী দরকার হল। আমি ঠুকে আমার নতুন পরিচ্ছেদটা শোনাচ্ছিলুম—তিনকড়ি কিছুতেই ছাড়লে না, শেষকালে হাতে পায়ে ধরতে লাগল।

অবিনাশ। আমার সেই কাজটা শেষ হয় নি, তাই।

বৈকুণ্ঠ। (রাগিয়া) তোমার তো কাজ শেষ হয় নি, আমারই সে পরিচ্ছেদটা শেষ হয়েছিল নাকি?

অবিনাশ। তা, দাদা, ঠুকে নিয়ে যাও-না—

কৈদার। (ব্যস্ত হইয়া) ওর নাম কী, অবিনাশ, তোমারও সে কাজটা তো জরুরি, কী বলে, আর তো দেরি করা চলে না।

বৈকুণ্ঠ। বিলম্ব! আপনি সেজন্যে ভাববেন না।—নিজের কাজ নিয়ে কৈদারবাবুকে এরকম কষ্ট দেওয়া উচিত হয় না অবিনাশ। অমন করলে উনি আর এখানে আসবেন না।

তিনকড়ি। সে ভয় করবেন না বৈকুণ্ঠবাবু—আমাদের দুটিকে না চাইলেও পাওয়া যায়, তাড়ালেও ফিরে পাবেন—মলেও ফিরে আসব এমনি সকলে সন্দেহ করে।

কেদার। তিনকড়ে! ফের!

তিনকড়ি। ভাই, আগে থাকতে বলে রাখাই ভালো—শেষকালে ঝুল্লারা কী মনে করবেন।

ঈশানের প্রবেশ

ঈশান। (অবিনাশ ও কেদারের প্রতি) বাবু, তোমাদের দুজনেরই খাবার জায়গা হয়েছে।

তিনকড়ি। আর আমাকে বড়ি ফাঁকি!—জন্মাবামাত্র যার নিজের মা ফাঁকি দিয়ে ম'ল, বন্ধুরা তার আর কী করবে!—কিন্তু দাদা, তিনকড়ে তোমাকে ভাগ না দিয়ে খায় না।

কেদার। তিনকড়ে! ফের!

তিনকড়ি। তা, যা ভাই, চট করে খেয়ে আয় গে। দেরি করলে বড় লোভ হবে। মনে হবে ছত্রিশ ব্যঞ্জন লুঠাছিস।

বৈকুণ্ঠ। সে কী কথা তিনকড়ি! তুমি না খেয়ে যাবে! সে কি হয়! ঈশেন!

ঈশান। আমি জানি নে। আমি চললুম।

[প্রস্থান

অবিনাশ। চলো-না তিনকড়ি। একরকম করে হয়ে যাবে।

তিনকড়ি। টানাটানি করে দরকার কী। আপনারা এগোন। খাওয়ার রাস্তা বৈকুণ্ঠবাবু জানেন—সেদিন টের পেয়েছি।

[তিনকড়ি ও বৈকুণ্ঠের প্রস্থান

অবিনাশ। তা হলে ও লাইনটা—

কেদার। ওর নাম কী, খেয়ে এসে হবে।

## তৃতীয় দৃশ্য

কেদার

কেদার। শ্যালীর বিবাহ তো নির্বিঘ্নে হয়ে গেছে। কিন্তু বৈকুণ্ঠ থাকতে এখানে বাস করে সুখ হচ্ছে না। উপদ্রব তো করা যাচ্ছে, কিন্তু বড়ো নড়ে না।

বৈকুণ্ঠের প্রবেশ

বৈকুণ্ঠ। এই-যে কেদারবাবু, আপনাকে শুকনো দেখাচ্ছে যে। অসুখ করে নি তো?

কেদার। ওর নাম কী, ডাক্তারে সকল রকম মানসিক পরিশ্রম নিষেধ করেছে—

বৈকুণ্ঠ। আহা, কি দুঃখের বিষয়! আপনি এখানেই কিছু দিন বিশ্রাম করুন।

কেদার। সেইরকমই তো স্থির করেছি।

বৈকুণ্ঠ। তা দেখুন, বেণীবাবুকে—

কেদার। বেণীবাবু নয়, বিপিনবাবুর কথা বলছেন বোধ হয়—

বৈকুণ্ঠ। হাঁ হাঁ, বিপিনবাবুই বটে, ঐ যে তিনি ছোটো বউমার কে হন—

কেদার। খুড়ো হন—

বৈকুণ্ঠ। খুড়োই হবেন। তা, তাঁকে আমার এই ঘরে থাকতে দিয়েছেন, সে কি তাঁর—

কেদার। না, ওর নাম কী, তাঁর কোনো অসুবিধে হয় নি, তিনি বেশ আছেন—

বৈকুণ্ঠ। জানেন তো কেদারবাবু, আমি এই ঘরেই লিখে থাকি—

কেদার। তা বেশ তো, আপনি লিখবেন, ওর নাম কী, আপনি লিখবেন—তাতে বিপিনবাবুর কোনো আপত্তি নেই।

বৈকুণ্ঠ। না, আপন্থি কেন করবেন, লোকটি বেশ—কিন্তু তাঁর একটি অভ্যাস আছে, তিনি বিছানায় শূন্যে শূন্যে প্রায় সর্বদাই গুন গুন করে গান করেন, তাতে লেখবার সময়—

কেদার। কী বলে, সেজন্যে ভাবনা কী। আপনি তাঁকে ডেকেই বলুন-না—

বৈকুণ্ঠ। না না না না। সে থাক্। তিনি ভুল্ললোক—

কেদার। ওর নাম কী, আমিই তাঁকে ডেকে খুব ভৎসনা করে দিচ্ছি—

বৈকুণ্ঠ। না না কেদারবাবু, সে করবেন না—লেখার সময় গান তো আমার ভালোই লাগে। কিন্তু আমি ভাবছিলাম, হয়তো আর কোনো ঘরে বেণীবাবু একলা থাকলে বেশ মন খুলে গাইতে পারেন।

কেদার। ওর নাম কী, ঠিক উল্টো। বিপিনবাবুর একটি লোক সর্বদাই চাই—

বৈকুণ্ঠ। তা দেখেছি—বড়ো মিশরুক—হয় গান নয় গল্প করছেনই—তা আমি তাঁর কথা মন দিয়ে শুনেন থাকি।—কিন্তু দেখো কেদারবাবু, কিছ্ মনে কোনো না ভাই—একটা বড়ো গুরুতর বেদনা পেয়েছি, সে কথা তোমাকে না বলে থাকতে পারছি নে। ভাই, আমার সেই স্বর-সুত্রসার পুঁথিখানি কে নিয়েছে।

কেদার। কোথায় ছিল বলুন দেখি।

বৈকুণ্ঠ। সে তো আপনি জানেন। এই ঘরে ঐ শেলফের উপর ছিল। আজকাল এ ঘরে সর্বদা লোক আনাগোনা করছেন, আমি কাউকে কিছ্ই বলতে পারছি নে—কিন্তু শেলফের ঐ জায়গাটা শূন্য দেখছি আর মনে হচ্ছে আমার বুকের কথানা পাঁজর খালি হয়ে গেছে।

কেদার। তবে আপনাকে, ওর নাম কী, খুলে বলি, অবিনাশ আপনার লাইব্রেরি থেকে বই নিয়ে যায়।

বৈকুণ্ঠ। অব্! সে তো এ-সব বই পড়ে না।

কেদার। পড়ে না, ওর নাম কী, বিক্রি করে।

বৈকুণ্ঠ। বিক্রি করে!

কেদার। নতুন প্রণয়—নতুন শখ—ওর নাম কী, খরচ বেশি। আমি তাকে বলি, অব্, কী বলে ভালো, মাইনের টাকা থেকে কিছ্ কিছ্ কেটে নিয়ে দাদাকে দিলেই হয়। অব্ বলে, লজ্জা করে।

বৈকুণ্ঠ। ছেলেমানুষ! প্রণয়ের খাতিরও এড়াতে পারে না, আবার দাদার সম্মানটিও রাখতে হবে।

কেদার। ওর নাম কী, আমি আপনার বইখানি উদ্ধার করে আনব—

বৈকুণ্ঠ। তা, যত টাকা লাগে—আপনার কাছে আমি চিরঋণী হয়ে থাকব।

কেদার। (স্বগত) বাজারে তো তার চার পয়সা দামও হল না, এ আরও হল ভালো—ধর্মও রইল, কিছ্ পাওয়াও গেল।

[ প্রস্থান

অবিনাশের প্রবেশ

অবিনাশ। দাদা!

বৈকুণ্ঠ। কী ভাই অব্!

অবিনাশ। আমার কিছ্ টাকার দরকার হয়েছে—

বৈকুণ্ঠ। তাতে লজ্জা কী অব্! আমি বলছি কী, এখন থেকে তোমার টাকা তুমিই রাখো—না ভাই—আমি বড়ো হয়ে গেলুম, হারিয়েই ফেলি কি ভুলেই যাই, আমার কি মনের ঠিক আছে।

অবিনাশ। এ আবার কী নতুন কথা হল দাদা!

বৈকুণ্ঠ। নতুন কথা নয় ভাই, তুমি বিয়ে-থাওয়া করে সংসারী হয়েছ, আমি তো সন্ন্যাসী মানুষ—

অবিনাশ। তুমিই তো দাদা, আমার বিয়ে দিয়ে দিলে—তাতেই যদি পর হয়ে থাকি, তবে থাক্, টাকাকড়ির কথা আর আমি বলব না।

[প্রস্থান]

বৈকুণ্ঠ। আহা, অবদ্, রাগ কোরো না। শোনো আমার কথাটা, আহা শুনো যাও—

‘ভাবতে পারি নে পরের ভাবনা’ গাহিতে গাহিতে  
বিপিনের প্রবেশ

বৈকুণ্ঠ। এই যে বেণীবাবু—

বিপিন। আমার নাম বিপিনবিহারী।

বৈকুণ্ঠ। হাঁ হাঁ, বিপিনবাবু। আপনার বিছানায় ঐ যে বইগুলি রেখেছেন ওগুলি পড়ছেন বুঝি?

বিপিন। নাঃ, পড়ি নে, বাজাই।

বৈকুণ্ঠ। বাজান? তা আপনাকে যদি বাঁয়া তবলা কি মৃদঙ—

বিপিন। সে তো আমার আসে না, আমি বই বাজাই। দেখুন বৈকুণ্ঠবাবু, আপনাকে রোজ বলব মনে করি, ভুলে যাই—আপনার এই ডেক্সো আর ঐ গোটাকতক শেলফ এখান থেকে সরাতে হচ্ছে, আমার বন্ধুরা সর্বদাই আসছে, তাদের বসাবার জায়গা পাচ্ছি নে—

বৈকুণ্ঠ। আর তো ঘর দেখি নে—দক্ষিণের ঘরে কদারবাবু আছেন, ডাক্তার তাঁকে বিশ্রাম করতে বলেছে—পুন্নের ঘরটায় কে কে আছেন আমি ঠিক চিনি নে—তা বেণীবাবু—

বিপিন। বিপিনবাবু—

বৈকুণ্ঠ। হাঁ হাঁ বিপিনবাবু—তা, যদি ওগুলো এক পাশে সরিয়ে রাখি তা হলে কি কিছু অসুবিধে হয়?

বিপিন। অসুবিধা আর কী, থাকবার কষ্ট হয়। আমি আবার বেশ একটু ফাঁকা না হলে থাকতে পারি নে। ‘ভাবতে পারি নে পরের ভাবনা লো সই!’

ঈশানের প্রবেশ

বৈকুণ্ঠ। ঈশেন, এ ঘরে বেণীবাবুর—

বিপিন। বিপিনবাবুর—

বৈকুণ্ঠ। হাঁ, বিপিনবাবুর থাকার কিছু কষ্ট হচ্ছে।

ঈশান। কষ্ট হয়ে থাকে তো আর আবশ্যিক কী, গুঁর বাপের ঘরদুয়ের কিছু নেই নাকি?

বৈকুণ্ঠ। ঈশেন, চুপ কর্।

বিপিন। কী রাস্কেল, তুই এতবড়ো কথা বলিস!

ঈশান। দেখো, গালমন্দ দিয়ে না বলছি—

বৈকুণ্ঠ। আঃ ঈশেন, থাম্—

বিপিন। আমি তোদের এ ঘরে পায়ের ধুলো মুছতে চাই নে, আমি এখনই চললাম।

বৈকুণ্ঠ। যাবেন না বেণীবাবু, আমি গলবস্ত্র হয়ে বলছি মাপ করবেন—(বৈকুণ্ঠকে ঠেলিয়া বিপিনের প্রস্থান) ঈশেন, তুই কী করলি বল্ দেখি—তুই আর আমাকে বাড়িতে টুকতে দিলি নে দেখছি।

ঈশান। আমিই দিলুম না বটে!

বৈকুণ্ঠ। দেখ্ ঈশেন, অনেক কাল থেকে আছি, তোর কথাবার্তাগুলো আমাদের অভ্যাস হয়ে এসেছে, এরা নতুন মানুষ এরা সইতে পারবে কেন? তুই একটু ঠান্ডা হয়ে কথা কইতে পারিস নে?

ঈশান। আমি ঠান্ডা থাকি কী করে! এদের রকম দেখে আমার সর্বশরীর জ্বলতে থাকে।

বৈকুণ্ঠ। ঈশেন, ওরা আমাদের নতুন কুটুম্ব, ওরা কিছুতে ক্ষম হলে অবিনাশের গায়ে লাগবে, সে আমাদেরও কিছু বলতে পারবে না, অথচ তার হল—

ঈশান। সে তো সব বুঝেছি। সেইজন্যেই তো ছোটো বয়সে ছোটোবাবুকে বিয়ে দেবার জন্যে কতবার বলেছি। সময়কালে বিয়ে হলে এতটা বাড়াবাড়ি হয় না।

বৈকুণ্ঠ। যা, আর বকিস নে ঈশেন, এখন যা, আমি সকল কথা একবার ভেবে দেখি।

ঈশান। ভেবে দেখো! এখন যে কথাটা বলতে এসেছিলুম বলে নিই। আমাদের ছোটোমার খুড়ি না পিসি না কে এক বুড়ি এসে দাঁড়ায়করুনকে যে দঃখ দিচ্ছে সে তো আমার আর সহ্য হয় না।

বৈকুণ্ঠ। আমার নীরুমাঝে! সে তো কারো কিছুতে থাকে না।

ঈশান। তাঁকে তো দিনরাত্তির দাসীর মতো খাটিয়ে মারছে। তার পরে আবার মাগী তোমার নামে খোঁটা দিয়ে তাঁকে বলে কিনা যে, তুমি তোমার ছোটোভাইয়ের ঢাকায় গিয়ে ফু দিয়ে বড়ো-মানুষি করে বেড়াচ্ছ! মাগীর যদি দাঁত থাকত তো নোড়া দিয়ে ভেঙে দিতুম-না!

বৈকুণ্ঠ। তা, নীরু কী বলে?

ঈশান। তিনি তো তাঁর বাপেরই মেয়ে, মদুখানি যেন ফুলের মতো শুকিয়ে যায়, একটি কথা বলে না—

বৈকুণ্ঠ। (কিয়ৎক্ষণ চুপ করিয়া) একটা কথা আছে, ‘যে সয় তারই জয়’—

ঈশান। সে কথা আমি ভালো বুঝি নে। আমি একবার ছোটোবাবুকে—

বৈকুণ্ঠ। খবরদার ঈশেন, আমার মাথার দিবা দিয়ে বলছি, অবিনাশকে কোনো কথা বলতে পারবি নে।

ঈশান। তবে চুপ করে বসে থাকব?

বৈকুণ্ঠ। না, আমি একটা উপায় ঠাউরেছি। এখানে জায়গাতেও আর কুলোচ্ছে না, এঁদের সকলেরই অসুবিধে হচ্ছে দেখতে পাচ্ছি, তা ছাড়া অবিনাশের এখন ঘর-সংসার হল, তার ঢাকাকড়ির দরকার, তার উপরে ভার চাপাতে আমার আর ইচ্ছে নেই—আমি এখান থেকে যেতে চাই—

ঈশান। সে তো মন্দ কথা নয়, কিন্তু—

বৈকুণ্ঠ। ওর আর কিস্তুটিস্তু নেই ঈশেন। সময় উপস্থিত হলেই প্রস্তুত হতে হয়।

ঈশান। তোমার লেখাপড়ার কী হবে?

বৈকুণ্ঠ। (হাসিয়া) আমার লেখা! সে আবার একটা জিনিস! সবাই হাসে, আমি কি তা জানি নে ঈশেন? ও-সব রইল পড়ে। সংসারে লেখায় করো কোনো দরকার নেই।

ঈশান। ছোটোবাবুকে তো বলে কয়ে যেতে হবে?

বৈকুণ্ঠ। তা হলে সে কিছুতেই যেতে দেবে না। সে তো আর আমাকে ‘যাও’ বলতে পারবে না, ঈশেন। গোপনেই যেতে হবে, তার পরে তাকে লিখে জানাব। যাই, আমার নীরুকে একবার দেখে আসি গে।

[ উভয়ের প্রস্থান ]

তিনকড়ি ও কেমারের প্রবেশ

তিনকড়ি। দাদা, তুই তো আমাকে ফাঁকি দিয়ে হাঁসপাতালে পাঠালি, সেখান থেকেও আমি ফাঁকি দিয়ে ফিরেছি। কিছুতেই মলেম না।

কেদার। তাই তো রে, দিবা টিংকে আছিঁস যে।

তিনকড়ি। ভাগ্যে, দাদা, একদিনও দেখতে যাও নি—

কেদার। কেন রে!

তিনকড়ি। যম বেটা ঠাউরালে এ ছোড়ার দুনিয়ায় কেউ নেই, নেহাত তাচ্ছিল্য করে নিলে

না। ভাই, তোকে বলব কী, এই তিনকড়ের ভিতরে কতটা পদার্থ আছে সেইটে দেখবার জন্যে মেডিকাল কলেজের ছোকরাগুলো সব ছুরি উঠিয়ে বসে ছিল—দেখে আমার অহংকার হত। যাই হোক দাদা, তুমি তো এখানে দিবা জমিয়ে বসেছ।

কেদার। যা, যা, মেলা বাকিস নে। এখন এ আমার আত্মীয়বাড়ি তা জানিস?

তিনকড়ি। সমস্তই জানি, আমার অগোচর কিছুই নেই। কিন্তু বড়ো বৈকুণ্ঠকে দেখছি নে যে। তাকে বুঝি ঠেলে দিয়েছিস? এটে তোর দোষ। কাজ ফুরোলোই।—

কেদার। তিনকড়ে! ফের! কানমলা খাবি।

তিনকড়ি। তা, দে মলে। কিন্তু সত্যিকথা বলতে হয়, বৈকুণ্ঠকে যদি তুই ফাঁকি দিস তা হলে অধর্ম হবে, আমার সঙ্গে যা করিস সে আলাদা—

কেদার। ইস, এত ধর্ম শিখে এলি কোথা!

তিনকড়ি। তা, যা বলিস ভাই, যদিচ তুমি-আমি এতদিন টিকে আছি তবু ধর্ম বলে একটা কিছু আছে। দেখো কেদারদা, আমি যখন হাসপাতালে পড়ে ছিলাম, বড়োর কথা আমার সর্বদা মনে হত। পড়ে পড়ে ভাবতুম, তিনকড়ি নেই, এখন কেদারদার হাত থেকে বড়োকে কে ঠেকাবে। বড়ো দুঃখ হত।

কেদার। দেখ তিনকড়ে, তুই যদি এখানে আমাকে জ্বালাতে আসিস তা হলে—

তিনকড়ি। মিথ্যে ভয় করছ দাদা। আমাকে আর হাসপাতালে পাঠাতে হবে না। এখানে তুমি একলাই রাজত্ব করবে। আমি দু দিনের বেশি কোথাও টিকেতে পারি নে, এ জায়গাও আমার সহ্য হবে না।

কেদার। তা হলে আর আমাকে দৃশ্যাস কেন, নাহয় দুটো দিন আগেই গেলি।

তিনকড়ি। বৈকুণ্ঠের খাতাখানা না চুকিয়ে যেতে পারছি নে, তুমি তাকে ফাঁকি দেবে জানি। অদৃষ্টে যা থাকে ওটা এই অভাগাকেই শুনতে হবে।

কেদার। এ ছোঁড়াটাকে মেরে ধরে, গাল দিয়ে, কিছুতেই তাড়াবার জো নেই। তিনকড়ে, তোর খিদে পেয়েছে?

তিনকড়ি। কেন আর মনে করিয়ে দাও ভাই?

কেদার। চল, তোকে কিছু পয়সা দিই গে, বাজার থেকে জলখাবার কিনে এনে খাবি।

তিনকড়ি। এ কী হল! তোমারও ধর্মজ্ঞান! হঠাৎ ভালোমন্দ একটা কিছু হবে না তো।

[ উভয়ের প্রস্থান ]

#### ঈশান ও বৈকুণ্ঠের প্রবেশ

বৈকুণ্ঠ। ভেবেছিলাম, খাতাপত্রগুলো আর সঙ্গে নেব না—শুনে মা নীরু কাঁদতে লাগল। ভাবলে বড়োবয়সের খেলাগুলো বাবা কোথায় ফেলে যাচ্ছে। এগুলো নে ঈশেন!—ঈশেন!

ঈশান। কী বাবু!

বৈকুণ্ঠ। ছোটোর উপর বড়োর ষেরকম স্নেহ, বড়োর উপর ছোটোর সেরকম হয় না—না ঈশেন?

ঈশান। তাই তো দেখতে পাই।

বৈকুণ্ঠ। আমি চলে গেলে অবু বোধ হয় বিশেষ কষ্ট পাবে না।

ঈশান। না পাবারই সম্ভব। বিশেষ—

বৈকুণ্ঠ। হাঁ, বিশেষ তার নতুন সংসার হয়েছে, আর তো আত্মীয়স্বজনের অভাব নেই, কী বলিস ঈশেন—

ঈশান। আমিও তাই বলছিলাম।

বৈকুণ্ঠ। বোধ হয় নীরুমাঝর জন্যে তার মনটা, নীরুকে অবু বড়ো ভালবাসে—না ঈশেন?

ঈশান। আগে তো তাই বোধ হত, কিন্তু—

বৈকুণ্ঠ। অবিনাশ কি এ-সব জানে?

ঈশান। তা কি আর জানেন না? তিনি যদি এর মধ্যে না থাকতেন, তা হলে কি আর বড়িটা সাহস করত—

বৈকুণ্ঠ। দেখ্ ঈশেন, তোর কথাগুলো বড়ো অসহ্য। তুই একটা মিষ্টি কথা বানিয়েও বলতে পারিস নে? এতটুকু বেলা থেকে আমি তাকে মানুষ করলুম—এক দিনের জন্যেও চোখের আড়াল করি নি—আমি চলে গেলে তার কণ্ট হবে না এমন কথা তুই মূখে আনিস হারামজাদা বেটা! সে জেনেশুনে আমার নীরদকে কণ্ট দিয়েছে! লক্ষ্মীছাড়া পাজি, তোর কথা শুনলে বৃদ্ধ ফেটে যায়!

‘ভাবতে পারি নে পরের ভাবনা’ গাহিতে গাহিতে  
বিপিনের প্রবেশ

বিপিন। ভেবেছিলুম ফিরে ডাকবে। ডাকে না যে। এই যে, বড়ো এইখানেই আছে।—  
বৈকুণ্ঠবাবু, আমার জিনিসপত্র নিতে এলুম। আমার ঐ হুকোটা আর ঐ ক্যাম্বিসের ব্যাগটা।  
ঈশেন, শিগগির মদুটে ডাকো।

বৈকুণ্ঠ। সে কী কথা! আপনি এখানেই থাকুন। আমি করজোড় করে বলছি, আমাকে মাপ করুন বেণীবাবু।

বিপিন। বিপিনবাবু—

বৈকুণ্ঠ। হাঁ হাঁ, বিপিনবাবু। আপনি থাকুন, আমরা এখনই ঘর খালি করে দিচ্ছি।

বিপিন। এ বইগুলো কী হবে?

বৈকুণ্ঠ। সমস্তই সরানি।

[শেলফ হইতে বই ভূমিতে নাবাইতে প্রবৃত্ত

ঈশান। এ বইগুলিকে বাবু যেন বিধবার পুত্রসন্তানের মতো দেখত, ধুলো নিজের হাতে ঝাড়ত, আজ ধুলোয় ফেলে দিচ্ছে!

[চক্ষু-মোছন

বিপিন। কেদারের ঘরে আফিমের কৌটা ফেলে এসেছি—নিয়ে আসি গে। ‘ভাবতে পারি নে পরের ভাবনা লো সই।’

[প্রস্থান

তিনকড়ির প্রবেশ

তিনকড়ি। এই-যে পেয়েছি! বৈকুণ্ঠবাবু, ভালো তো?

বৈকুণ্ঠ। কী বাবা, তুমি ভালো আছ? অনেক দিন দেখি নি।

তিনকড়ি। ভয় কী বৈকুণ্ঠবাবু, আবার অনেক দিন দেখতে পাবেন। ধরা দিয়েছি, এখন আপনার খাতাপত্র বের করুন।

বৈকুণ্ঠ। সে-সব আর নেই তিনকড়ি, তুমি এখন নিশ্চিন্ত মনে এখানে থাকতে পারবে।

তিনকড়ি। তা হলে আর লিখবেন না?

বৈকুণ্ঠ। না, সে-সব খেয়াল ছেড়ে দিয়েছি।

তিনকড়ি। ছেড়ে দিয়েছেন, সত্যি বলছেন?

বৈকুণ্ঠ। হাঁ, ছেড়ে দিয়েছি।

তিনকড়ি। আঃ, বাঁচলুম। তা হলে ছুটি—আমি যেতে পারি?

বৈকুণ্ঠ। কোথায় যাবে বাপু?

তিনকড়ি। অলক্ষ্মী যেখানে তাড়িয়ে নিয়ে বেড়ান। ভেবেছিলুম মেয়াদ ফুরোয় নি, খাতা এখনো অনেকখানি বাকি আছে, শুনে যেতে হবে। তা হলে প্রণাম হই।

বৈকুণ্ঠ। এস বাবা, ঈশ্বর তোমার ভালো করুন।

তিনকাড়ি। উহু! একটা কী গোল হয়েছে! ঠিক বন্ধাতে পারছি নে। ভাই ঈশেন, এতদিন পরে দেখা, তুমিও তো আমাকে মার মার শব্দে খেঁদিয়ে এলে না—তোমার জন্যে ভাবনা হচ্ছে।

অবিনাশের প্রবেশ

অবিনাশ। দাদা, কোথা থেকে তুমি যত সব লোক জুটিয়েছ—বাড়ির মধ্যে, বাইরে, কোথাও তো আর টিকতে দিলে না।

বৈকুণ্ঠ। তারা কি আমার লোক অবু! তোমারই তো সব—

অবিনাশ। আমার কে! আমি তাদের চিনি নে! কেদারের সব আত্মীয়, তুমিই তো তাদের স্থান দিয়েছ। সেইজন্যেই তো আমি তাদের কিছু বলতে পারি নে। তা, তুমি যদি পার তো তাদের সামলাও দাদা, আমি বাড়ি ছেড়ে চললুম।

বৈকুণ্ঠ। আমিই তো যাব মনে করছিলাম—

তিনকাড়ি। তার চেয়ে তাঁরা গেলেই তো ভালো হয়। আপনারা দুজনেই গেলে তাঁদের আদর-অভ্যর্থনা করবে কে?

অবিনাশ। বাড়ির মধ্যে একটা কে বড়ি এসেছে, সে তো ঝগড়া করে একটাও দাসী টিকতে দিলে না—তাও সরিয়েছিলুম—কিন্তু আজ আমি স্বচক্ষে দেখলাম, সে নীরদর গায়ে হাত তুললে! আর সহ্য হল না, তাকে এইমাত্র গঙ্গাপার করে দিয়ে আসছি।

ঈশান। বেঁচে থাকো ছোটোবাবু, বেঁচে থাকো।

বৈকুণ্ঠ। অবিনাশ, তিনি ছোটোবউমার আত্মীয় হন, তাঁকে—

তিনকাড়ি। কেউ না, কেউ না, ও বড়ি কেদারদার পিসি। ওকে বিবাহ করে কেদারের পিসে আর বাঁচতে পারলে না, বিধবা হয়ে ভাইয়ের বাড়ি আসতে ভাইও মরে বাঁচল, এখন কেদারদা নিজের প্রাণ রক্ষা করতে ওকে তোমাদের এখানে চালান করেছে।

অবিনাশ। দাদা, তোমার এই বইগুলো মাটিতে নাবাচ্ছ কেন? তোমার ডেক্সো গেল কোথায়?

ঈশান। এ ঘরে যে বাবুটি থাকেন বই থাকলে তাঁর থাকবার অসুবিধে হয়, বড়োবাবুকে তিনি লুটিস দিয়েছেন।

অবিনাশ। কী! দাদাকে ঘর ছেড়ে যেতে হবে!

বিপিনের প্রবেশ

বিপিন। 'ভাবতে পারি নে পরের ভাবনা'—

অবিনাশ। (তাড়া করিয়া গিয়া) বেরোও, বেরোও, বেরোও বলছি, বেরোও এখান থেকে—বেরোও এখন—

বৈকুণ্ঠ। অহা, থামো অবু, থামো থামো, কী কর—বেণীবাবুকে—

বিপিন। বিপিনবাবুকে—

বৈকুণ্ঠ। হাঁ, বিপিনবাবুকে অপমান করো না—

তিনকাড়ি। কেদারদাকে ডেকে আনতে হচ্ছে। এ তামাশা দেখা উচিত।

[প্রস্থান]

ঈশান বিপিনকে বলপূর্বক বাঁহর করিল

বিপিন। ঈশেন, একটা মদুটে ডাকো, আমার হুকো আর ক্যাম্বিসের ব্যাগটা—

[প্রস্থান]

বৈকুণ্ঠ। ঈশেন, হারামজাদা কোথাকার, ভদ্রলোককে তুই, তাকে আর—

ঈশান। আজ আমাকে গাল দাও, ধরে মারো, আমি কিছু বলব না—প্রাণ বড়ো খুঁশি হয়েছে।



কেদারকে লইয়া তিনকড়ির প্রবেশ

কেদার। ওর নাম কী, অবিনাশ ডাকছ?

অবিনাশ। হাঁ—তোমার চুলো প্রস্তুত হয়েছে, এখন ঘর থেকে নাযতে হবে।

কেদার। তোমার ঠাট্টাটা অবিনাশ অন্য লোকের ঠাট্টার চেয়ে, ওর নাম কী, কিছদ্ কড়া হয়।

বৈকুণ্ঠ। আহা, অবিনাশ, তুমি থামো! কেদারবাবু, অবিনাশের উন্মত্ত বয়েস, আপনার আত্মীয়-  
দের সঙ্গে গুর ঠিক—

অবিনাশ। বনছিল না। তাই তিনি তাঁদের হাত ধরে সদর দরজার বার করে দিয়ে এসেছেন—

তিনকড়ি। এতক্ষণে আবার তাঁরা খিড়িকির দরজা দিয়ে ঢুকেছেন, সাবধান থাকবেন—

অবিনাশ। এখন তোমাকেও তাঁদের পথে—

তিনকড়ি। গুঁকে দোসরা পথ দেখাবেন, সব কটিকে একত্রে মিলতে দেবেন না—

কেদার। অবু, ওর নাম কী, তা হলে আমার সম্বন্ধে করতলের পরিবর্তে পদতলেই স্থির  
হল—

অবিনাশ। হাঁ, যার যেখানে স্থান—

কেদার। ঈশেন, তা হলে একটা ভালো দেখে সেকেন্ড ক্লাস গার্ডি ডেকে দাও তো।

তিনকড়ি। ভেবেছিলুম এবার বৃষ্টি একলা বেরোতে হবে—শেষ, দাদাও জুটল। বরাবর দেখে  
আসছি কেদারদা, শেষকালটা তুমি ধরা পড়ই, আমি সর্বাগ্রহে সেটা সেরে রাখি, আমার আর  
ভাবনা থাকে না।

কেদার। তিনকড়ে! ফের!

বৈকুণ্ঠ। কেদারবাবু, এখনি যাচ্ছেন কেন? আসুন, কিম্বৎ জলযোগ করে নিন—

তিনকড়ি। তা বেশ তো, আমাদের তাড়া নেই।

বৈকুণ্ঠ। ঈশেন!

# କାହିଁନୀ

ପ୍ରକାଶ : ୧୧୦୦

‘কাহিনী’ গ্রন্থের ‘পতিতা’ ও ‘ভাষা ও ছন্দ’ কবিতা দুটি বর্তমান  
রচনাবলীর তৃতীয় খণ্ডের ‘পরিশিষ্ট ৪’ বিভাগে সংকলিত হয়েছে।  
কবিতা দুটি বর্তমান ‘নাটক’ খণ্ডে পুনরায় মন্দিত হল না।

সাদর উৎসর্গ

শ্রীলক্ষ্মীযুক্ত রাধাকিশোর দেবমাণিক্য  
মহারাজ ত্রিপুরেশ্বর  
-করকমলে

২০শে ফাল্গুন  
১৩০৬

## গান্ধারীর আবেদন

দুর্যোধন । প্রণামি চরণে তাত ।  
ধৃতরাষ্ট্র । ওরে দুর্যশয়,  
অভীষ্ট হয়েছে সিদ্ধ ?  
দুর্যোধন । লভিয়াছি জয় ।  
ধৃতরাষ্ট্র । এখন হয়েছে সুখী ?  
দুর্যোধন । হয়েছে বিজয়ী ।  
ধৃতরাষ্ট্র । অখণ্ড রাজত্ব জিনি সুখ তোর কই  
রে দুর্মতি ?  
দুর্যোধন । সুখ চাহি নাই মহারাজ ।  
জয়, জয় চেয়েছিলাম, জয়ী আমি আজ ।  
ক্ষুদ্র সুখে ভরে নাকো ক্ষত্রিয়ের ক্ষুধা  
কুরূপতি—দীপ্তজ্বালা অগ্নিঢালা সুধা  
জয়রস, ঈর্ষাসিন্ধুমন্ধানসজাত,  
সদ্য করিয়াছি পান; সুখী নহি, তাত,  
অদ্য আমি জয়ী । পিতঃ, সুখে ছিন্দু, যবে  
একত্রে আছিন্দু বন্ধ পাণ্ডবে কৌরবে,  
কলঙ্ক যেমন থাকে শশাঙ্কের বদকে  
কর্মহীন গর্বহীন দীপ্তহীন সুখে ।  
সুখে ছিন্দু, পাণ্ডবের গাণ্ডীবটংকারে  
শংকাকুল শত্রুদল আসিত না দ্বারে ।  
সুখে ছিন্দু, পাণ্ডবেরা জয়দূত করে  
ধরিগ্রী দোহন করি ভ্রাতৃপ্রীতিভরে  
দিত অংশ তার—নিত্য নব ভোগসুখে  
আছিন্দু নিশ্চিন্তচিত্তে অনন্ত কৌতুকে ।  
সুখে ছিন্দু, পাণ্ডবের জয়ধ্বনি যবে  
হানিত কৌরবকর্ণ প্রতিধ্বনিতবে ।  
পাণ্ডবের যশোবিস্ব-প্রতিবিস্ব আসি  
উজ্জ্বল অঙ্গুলি দিয়া দিত পরকাশি  
মলিন কৌরবকক্ষ । সুখে ছিন্দু, পিতঃ,  
আপনার সর্বভেজ করি নির্বাপিত  
পাণ্ডবগৌরবতলে সিন্ধুশান্তরূপে,  
হেমন্তের ভেক যথা জড়কের কূপে ।  
আজি পাণ্ডুপুত্রগণে পরাভব বহি  
বনে যায় চলি—আজ আমি সুখী নহি,  
আজ আমি জয়ী ।  
ধৃতরাষ্ট্র । ধিক্ তোর ভ্রাতৃদ্রোহ ।  
পাণ্ডবের কৌরবের এক পিতামহ  
সে কি ভুলে গেলি ?

দূর্বোধন।

ভুলিতে পারি নে সে যে,

এক পিতামহ তবু ধনে মানে তেজে  
এক নহি। যদি হত দূর্ববতী পর  
নাহি ছিল ক্ষোভ; শব্দরীর শাশধর  
মধ্যাহ্নের তপনেরে শ্বেষ নাহি করে,  
কিন্তু প্রাতে এক পূর্ব-উদয়শিখরে  
দুই দ্রাতৃসূর্যলোক কিছতে না ধরে।  
আজ শ্বশুর ঘৃণিয়াছে, আজি আমি জয়ী,  
আজি আমি একা।

ধৃতরাষ্ট্র।

ক্ষুদ্র ঈর্ষা! বিষময়ী

ভূজাঙ্গিনী!

দূর্বোধন।

ক্ষুদ্র নহে, ঈর্ষা সূদ্রমহতী।

ঈর্ষা বৃহতের ধর্ম। দুই বনস্পতি  
মধ্যে রাখে ব্যবধান, লক্ষ লক্ষ তৃণ  
একত্রে মিলিয়া থাকে বক্ষে বক্ষে লীন।  
নক্ষত্র অসংখ্য থাকে সৌভ্রাত্যবন্ধনে,  
এক সূর্য, এক শশী। মলিন কিরণে  
দূর বন-অন্তরালে পাণ্ডুচন্দ্রলেখা  
আজি অস্ত গেল—আজি কুরূসূর্য একা,  
আজি আমি জয়ী।

ধৃতরাষ্ট্র।

আজি ধর্ম পরাজিত।

দূর্বোধন।

লোকধর্ম রাজধর্ম এক নহে পিতঃ।

লোকসমাজের মাঝে সমকক্ষ জন  
সহায় সুহৃদ-রূপে নির্ভর বন্ধন—  
কিন্তু রাজা একেশ্বর, সমকক্ষ তার  
মহাশত্রু, চিরবিঘ্নী, স্থান দৃষ্টিচলিত,  
সম্মুখের অন্তরাল, পশ্চাতের ভয়,  
অহর্নিশ যশঃশক্তিগৌরবের ক্ষয়,  
ঐশ্বর্যের অংশ-অপহারী। ক্ষুদ্র জনে  
বলভাগ করে লয়ে বান্ধবের সনে  
রহে বলী; রাজদণ্ড যত খণ্ড হয়  
তত তার দুর্বলতা, তত তার ক্ষয়।  
একা সকলের উর্ধ্বে মস্তক আপন  
যদি না রাখিবে রাজা, যদি বহুজন  
বহুদূর হতে তাঁর সম্মুখত শির  
নিভা না দেখিতে পায় অব্যাহত স্থির,  
তবে বহুজন-পরে বহুদূরে তাঁর  
কেমনে শাসনদৃষ্টি রহিবে প্রচার?  
রাজধর্মে দ্রাতৃধর্ম বন্ধুধর্ম নাই,  
শত্রু জয়ধর্ম আছে, মহারাজ, তাই  
আজি আমি চরিতার্থ, আজি জয়ী আমি—  
সম্মুখের ব্যবধান গেছে আজি নামি

পান্ডবগৌরবগিরি পঞ্চচুড়াময়।

ধৃতরাষ্ট্র। জিনিয়া কপটদ্যুতে তারে কোস জয়,  
লজ্জাহীন অহংকারী!

দুর্যোধন। যার যাহা বল  
তাই তার অস্ত্র, পিতঃ, যদুম্ভের সম্বল।  
ব্যাসসনে নখে দন্তে নহিক সমান,  
তাই বলে ধনুঃশরে বধি তার প্রাণ  
কোন্ নর লজ্জা পায়? মৃত্যুর মতন  
ঝাঁপ দিয়ে মৃত্যুমাঝে আত্মসমর্পণ  
যদুম্ভ নহে, জয়লাভ এক লক্ষ্য তার—  
আজি আমি জয়ী, পিতঃ, তাই অহংকার।  
ধৃতরাষ্ট্র। আজি তুমি জয়ী তাই তব নিন্দাধ্বনি  
পরিপূর্ণ করিয়াছে অম্বর অবনী  
সমুচ্চ ধিকারে।

দুর্যোধন। নিন্দা! আর নাহি ডরি,  
নিন্দারে করিব ধ্বংস কণ্ঠরুম্ভ করি।  
নিস্তম্ভ করিয়া দিব মধুরা নগরী  
স্পর্ধিত রসনা তার দৃঢ়বলে চাপি  
মোর পাদপীঠতলে। 'দুর্যোধন পাপী',  
'দুর্যোধন ক্রুরমনা', 'দুর্যোধন হীন'—  
নিরন্তরে শুনিয়া এসেছি এতদিন,  
রাজদণ্ড স্পর্শ করি কহি মহারাজ,  
আপামর জনে আমি কহাইব আজ,  
'দুর্যোধন রাজা। দুর্যোধন নাহি সহে  
রাজনিন্দা-আলোচনা, দুর্যোধন বহে  
নিজ হস্তে নিজ নাম।'

ধৃতরাষ্ট্র। ওরে বৎস, শোন,  
নিন্দারে রসনা হতে দিলে নির্বাসন  
নিম্নমুখে অন্তরের গঢ় অন্ধকারে  
গভীর জটিল মূল স্ফুটরে প্রসারে,  
নিত্য বিষতিস্ত করি রাখে চিন্ততল।  
রসনায় নৃত্য করি চপল চঞ্চল  
নিন্দা শ্রান্ত হয়ে পড়ে, দিয়ো না তাহারে  
নিঃশব্দে আপন শক্তি বৃদ্ধি করিবারে  
গোপন হৃদয়দুর্গে। প্রীতিমন্ত্রবলে  
শান্ত করো, বন্দী করো নিন্দাসপর্দলে  
বংশীরবে হাস্যমুখে।

দুর্যোধন। অব্যক্ত নিন্দায়  
কোনো ক্ষতি নাহি করে রাজমর্যাদায়;  
ভ্রক্ষেপ না করি তাহে। প্রীতি নাহি পাই  
তাহে খেদ নাহি—কিন্তু স্পর্ধা নাহি চাই  
মহারাজ। প্রীতিদান স্বেচ্ছার অধীন,

প্রীতিভিক্ষা দিয়ে থাকে দীনতম দীন—  
 সে প্রীতি বিলাক তারা পালিত মার্জারে,  
 স্নানের কুঙ্করে, আর পাণ্ডবভ্রাতারে—  
 তাহে মোর নাহি কাজ। আমি চাহি ভয়,  
 সেই মোর রাজপ্রাপ্য—আমি চাহি জয়  
 দর্পিতের দর্প নাশি। শুন নিবেদন  
 পিতৃদেব, এতকাল তব সিংহাসন  
 আমার নিন্দুকদল নিত্য ছিল ঘরে,  
 কণ্টকতরুর মতো নিষ্ঠুর প্রাচীরে  
 তোমার আমার মধ্যে রচি ব্যবধান:  
 শুনিয়েছে পাণ্ডবের নিত্য গুণগান,  
 আমাদের নিত্য নিন্দা—এইমতে, পিতঃ,  
 পিতৃস্নেহ হতে মোরা চিরনির্বাসিত।  
 এইমতে, পিতঃ, মোরা শিশুকাল হতে  
 হীনবল—উৎসমুখে পিতৃস্নেহস্রোতে  
 পাষাণের বাধা পড়ি মোরা পরিক্ষীণ  
 শীর্ণ নদ, নষ্টপ্রাণ, গতিশক্তিহীন,  
 পদে পদে প্রতিহত; পাণ্ডবেরা ক্ষণীত,  
 অখণ্ড, অবাধগতি। অদ্য হতে, পিতঃ,  
 যদি সে নিন্দুকদলে নাহি কর দূর  
 সিংহাসনপার্শ্ব হতে, সঞ্জয় বিদূর  
 ভীষ্মপিতামহে, যদি তারা বিজ্ঞবেশে  
 হিতকথা ধর্মকথা সাধু-উপদেশে  
 নিন্দায় ধিক্কারে তর্কে নিমেষে নিমেষে  
 ছিন্ন ছিন্ন করি দেয় রাজকর্মডোর,  
 ভারাক্রান্ত করি রাখে রাজদণ্ড মোর,  
 পদে পদে স্বেধা আনে রাজশক্তি-মাঝে,  
 মুকুট মলিন করে অপমানে লাজে,  
 তবে ক্ষমা দাও পিতৃদেব—নাহি কাজ  
 সিংহাসন-কণ্টক-শয়নে—মহারাজ,  
 বিনিময় করে লই পাণ্ডবের সনে  
 রাজ্য দিয়ে বনবাস, যাই নির্বাসনে।  
 হায় বৎস, অভিমানী! পিতৃস্নেহ মোর  
 কিছ্র যদি হাস হত শূনি সুকঠোর  
 সূহৃদের নিন্দাবাক্য, হইত কল্যাণ।  
 অধর্মে দিয়েছি যোগ, হারিয়েছি জ্ঞান,  
 এত স্নেহ। করিতেছি সর্বনাশ তোর,  
 এত স্নেহ। জ্বালাতেছি কালানল ঘোর  
 পুরাতন কুরুবংশ-মহারণ্যতলে—  
 তব পুত্র, দোষ দিস স্নেহ নাই বলে?  
 মণিলোভে কালসর্প করিলি কামনা,  
 দিন দু তোর নিজ হস্তে ধরি তার ফণা

ধৃতরাষ্ট্র।



অন্ধ আমি।— অন্ধ আমি অন্তরে বাহিরে  
 চিরদিন— তোরে লয়ে প্রলয়টিমিরে  
 চলিয়াছি— বন্ধুগণ হাহাকার-রবে  
 করিছে নিষেধ, নিশাচর গৃধ্র-সবে  
 করিতেছে অশুভ চীৎকার, পদে পদে  
 সংকীর্ণ হতেছে পথ, আসন্ন বিপদে  
 কণ্টকিত কলেবর, তবু দৃঢ়করে  
 ভয়ংকর স্নেহে বক্ষে বাঁধি লয়ে তোরে  
 বায়ুবলে অন্ধবেগে বিনাশের গ্রাসে  
 ছুটিয়া চলিছি মৃত মৃত অটুহাসে  
 উল্কার আলোকে— শূদ্ধ তুমি আর আমি,  
 আর সঙ্গী বজ্রহস্ত দীপ্ত অন্তর্যামী—  
 নাই সম্মুখের দৃষ্টি, নাই নিবারণ  
 পশ্চাতের, শূদ্ধ নিম্নে ঘোর আকর্ষণ  
 নিদারুণ নিপাতের। সহসা একদা  
 চকিতে চেতনা হবে, বিধাতার গদা  
 মূহুর্তে পড়িবে শিরে, আসিবে সময়—  
 ততক্ষণ পিতৃস্নেহে কোরো না সংশয়,  
 আলিঙ্গন কোরো না শিথিল, ততক্ষণ  
 দ্রুত হস্তে লুটি লও সর্ব স্বার্থধন;  
 হও জয়ী, হও সুখী, হও তুমি রাজা  
 একেশ্বর।— ওরে, তোরা জয়বাদ্য বাজা।  
 জয়ধ্বজা তোলা শূন্যে। আজি জয়োৎসবে  
 নায় ধর্ম বন্ধু ভ্রাতা কেহ নাহি রবে—  
 না রবে বিদুর ভীষ্ম, না রবে সঞ্জয়,  
 নাহি রবে লোকনিন্দা লোকলজ্জা-ভয়,  
 কুরুবংশরাজলক্ষ্মী নাহি রবে আর—  
 শূদ্ধ রবে অন্ধ পিতা, অন্ধ পুত্র তার,  
 আর কালান্তক যম— শূদ্ধ পিতৃস্নেহ  
 আর বিধাতার শাপ, আর নহে কেহ।

#### চরের প্রবেশ

চর। মহারাজ, অগ্নিহোত্র দেব-উপাসনা  
 ত্যাগ করি বিপ্রগণ, ছাড়ি সন্ধ্যার্চনা,  
 দাঁড়ায়েছে চতুষ্পথে পাণ্ডবের তরে  
 প্রতীক্ষিয়া; পৌরগণ কেহ নাহি ঘরে,  
 পণ্যাশালা রুদ্ধ সব; সন্ধ্যা হল, তবু  
 ভৈরবমন্দির-মাঝে নাহি বাজে প্রভু,  
 শঙ্খঘণ্টা সন্ধ্যাভেরী, দীপ নাহি জ্বলে;  
 শোকাতুর নরনারী সবে দলে দলে  
 চলিয়াছে নগরের সিংহদ্বার-পানে  
 দীনবেশে সজলনয়নে।

দুর্যোধন।

নাহি জানে,  
জাগিয়াছে দুর্যোধন। মৃত ভাগ্যহীন!  
ঘনালে এসেছে আজি তোদের দুর্দিন।  
রাজ্য প্রজায় আজি হবে পরিচয়  
ঘনিষ্ঠ কঠিন। দেখি কতদিন রয়  
প্রজার পরম স্পর্ধা—নিবিঁষ সপের  
ব্যর্থ ফণা-আস্ফালন, নিরস্ত্র দপের  
হৃৎকর।

প্রতিহারী।

প্রতিহারীর প্রবেশ  
মহারাজ, মহিষী গান্ধারী  
দর্শনপ্রার্থিনী পদে।

ধৃতরাষ্ট্র।

রহিন্দু তাঁহারি  
প্রতীক্ষায়।

দুর্যোধন।

পিতঃ, আমি চলিলাম তবে।

[ প্রস্থান

ধৃতরাষ্ট্র।

করো পলায়ন। হায়, কেমনে বা সবে  
সাধবী জননীর দৃষ্টি সমুদ্যত বাজ  
ওরে পদ্যভীত! মোরে তোর নাহি লাজ!

গান্ধারী।

গান্ধারীর প্রবেশ  
নিবেদন আছে শ্রীচরণে। অনুদয়  
রক্ষা করো নাথ।

ধৃতরাষ্ট্র।

কভু কি অপূর্ণ রয়  
প্রিয়র প্রার্থনা?

গান্ধারী।

ত্যাগ করো এইবার—

ধৃতরাষ্ট্র।

কারে হে মহিষী?

গান্ধারী।

পাপের সংঘর্ষে যার  
পড়িছে ভীষণ শান ধর্মের কূপাণে  
সেই মৃত্যু।

ধৃতরাষ্ট্র।

কে সে জন? আছে কোন্‌খানে?  
শুধু কহো নাম তার।

গান্ধারী।

পুত্র দুর্যোধন।

ধৃতরাষ্ট্র।

তাহারে করিব ত্যাগ?

গান্ধারী।

এই নিবেদন  
তব পদে।

ধৃতরাষ্ট্র।

দারুণ প্রার্থনা, হে গান্ধারী  
রাজমাতা!

গান্ধারী।

এ প্রার্থনা শুধু কি আমারি  
হে কৌরব? কুরুকুলপিপিতামহ  
স্বর্গ হতে এ প্রার্থনা করে অহরহ,  
নরনাথ। ত্যাগ করো, ত্যাগ করো তারে—

কৌরবকল্যাণলক্ষ্মী যার অত্যাচারে  
অশ্রুদুখী প্রতীক্ষিছে বিদায়ের ক্ষণ  
রাত্রিদিন।

ধৃতরাষ্ট্র। ধর্ম তারে করিবে শাসন  
ধর্মে'রে যে লঙ্ঘন করেছে— আমি পিতা—  
গান্ধারী। মাতা আমি নহি? গর্ভভার-জর্জরিতা  
জাগ্রত হৃৎপিণ্ডতলে বাহি নাই তারে?  
স্নেহবিগলিত চিত্ত শূদ্র দুঃখধারে  
উচ্ছ্বসিয়া উঠে নাই দুই স্তন বাহি  
তার সেই অকলংক শিশুদুখ চাহি?  
শাখাবন্ধে ফল যথা সেইমত করি  
বহু বর্ষ ছিল না সে আমারে আঁকড়ি  
দুই ক্ষুদ্র বাহুবল্লভ দিয়ে— লয়ে টানি  
মোর হাসি হতে হাসি, বাণী হতে বাণী,  
প্রাণ হতে প্রাণ? তবু কহি, মহারাজ,  
সেই পুত্র দুর্যোধনে ত্যাগ করো আজ।

ধৃতরাষ্ট্র। কী রাখিব তারে ত্যাগ করি?

গান্ধারী। ধর্ম তব।

ধৃতরাষ্ট্র। কী দিবে তোমারে ধর্ম?

গান্ধারী। দুঃখ নব নব।

পুত্রসুখ রাজাসুখ অধর্মের পণে  
জিনি লয়ে চিরদিন বহিব কেমনে  
দুই কাঁটা বক্ষে আলিঙ্গিয়া?

ধৃতরাষ্ট্র। হায় প্রিয়ে,

ধর্মবশে একবার দিনু ফিরাইয়ে  
দাতবন্ধ পাণ্ডবের হৃত রাজ্যধন।  
পরক্ষণে পিতৃস্নেহ করিল গুঞ্জন  
শত বার কর্ণে মোর, 'কী করিলি ওরে!  
এক কালে ধর্মধর্ম দুই তরী-পরে  
পা দিয়ে বাঁচে না কেহ। বারেক যখন  
নেমেছে পাপের স্রোতে কুরুপুত্রগণ  
তখন ধর্মের সাথে সন্ধি করা মিছে;  
পাপের দুয়ারে পাপ সহায় মাগিছে।  
কী করিলি হতভাগ্য, বৃদ্ধ, বৃদ্ধিহত,  
দুর্বল দ্বিধায় পড়ি? অপমানক্ষত  
রাজ্য ফিরে দিলে তবু মিলাবে না আর  
পাণ্ডবের মনে— শূদ্র নব কাষ্ঠভার  
হৃদাশনে দান। অপমানিতের করে  
ক্ষমতার অস্ত্র দেওয়া মরিবার তরে।  
সঙ্কমে দিয়ো না ছাড়ি দিয়ে স্বল্প পীড়া—  
করহ দলন। কোরো না বিফল ক্রীড়া—  
পাপের সহিত; যদি ডেকে আন তারে,

বরণ করিয়া তবে লহো একেবারে।’  
এইমত পাপবৃদ্ধি পিতৃস্নেহরূপে  
বিশিষ্টে লাগিল মোর কর্ণে চুপে চুপে  
কত কথা তীক্ষ্ণ সূচিসম। পুনরায়  
ফিরান্দু পাণ্ডবগণে; দ্যুতছলনায়  
বিসর্জিন্দু দীর্ঘ বনবাসে। হায় ধর্ম,  
হায় রে প্রবৃত্তিবেগ! কে বদ্বিবে মর্ম  
সংসারের!

গান্ধারী।

ধর্ম নহে সম্পদের হেতু,  
মহারাজ, নহে সে স্বেথের ক্ষুদ্র সেতু—  
ধর্মেই ধর্মের শেষ। মৃত নারী আমি,  
ধর্মকথা তোমারে কী বদ্বাইব স্বামী,  
জান তো সকলি। পাণ্ডবেরা যাবে বনে,  
ফিরাইলে ফিরিবে না, বন্ধ তারা পণে;  
এখন এ মহারাজ্য একাকী তোমার  
মহীপতি—পুত্র তব ত্যজ এইবার;  
নিষ্পাপেরে দ্বন্দ্ব দিয়ে নিজে পূর্ণ সুখ  
লইয়ো না; ন্যায়ধর্মে কোরো না বিমুখ  
পৌরব প্রাসাদ হতে—দ্বন্দ্ব সদ্বন্দ্বসহ  
আজ হতে, ধর্মরাজ, লহো তুলি লহো,  
দেহো তুলি মোর শিরে।

ধৃতরাষ্ট্র।

হায় মহারানী,

সত্য তব উপদেশ, তাঁর তব বাণী।

গান্ধারী।

অধর্মের মধুমাখা বিষফল তুলি  
আনন্দে নাচিছে পুত্র; স্নেহমোহে তুলি  
সে ফল দিয়ো না তারে ভোগ করিবারে,  
কেড়ে লও, ফেলে দাও, কাদাও তাহারে।  
হৃৎকলপ পাপক্ষয়িত রাজ্যধনজনে  
যেলে রাখি সেও চলে যাক নির্বাসনে,  
বিস্তৃত পাণ্ডবদের সমদ্বন্দ্বভার  
করুক বহন।

ধৃতরাষ্ট্র।

ধর্মবিধি বিধাতার—

জাগত আছেন তিনি, ধর্মদণ্ড তাঁর  
রয়েছে উদ্যত নিত্য, অগ্নি গনস্বিনী,  
তাঁর রাজ্যে তাঁর কার্য করিবেন তিনি।  
আমি পিতা—

গান্ধারী।

তুমি রাজা, রাজ-অধিরাজ,  
বিধাতার বাম হস্ত; ধর্মরক্ষা-কাজ  
তোমা-পরে সমর্পিত। শূদ্রাই তোমারে,  
যদি কোনো প্রজা তব সতী অবলারে  
পরগৃহ হতে টানি করে অপমান  
বিনা দোষে—কী তাহার করিবে বিধান?

ধৃতরাষ্ট্র। নির্বাসন।

গান্ধারী।

তবে আজ রাজপদতলে  
সমস্ত নারীর হয়ে নয়নের জলে  
বিচার প্রার্থনা করি। পুত্র দুর্যোধন  
অপরাধী, প্রভু। তুমি আছ, হে রাজন্,  
প্রমাণ আপনি। পুত্রদুষে পুত্রদুষে দ্বন্দ্ব  
স্বার্থ লয়ে বাধে অহরহ—ভালোমন্দ  
নাহি বদ্বি তার। দণ্ডনীতি, ভেদনীতি,  
কটনীতি কত শত, পুত্রদুষের রীতি  
পুত্রদুষেই জানে। বলের বিরোধে বল,  
ছলের বিরোধে কত জেগে উঠে ছল,  
কৌশলে কৌশল হানে—মোরা থাকি দূরে  
আপনার গৃহকর্মে শান্ত অন্তঃপুরে।  
যে সেথা টানিয়া আনে বিশ্বেষ-অনল,  
যে সেথা সঞ্চার করে ঈর্ষার গরল  
বাহিরের দ্বন্দ্ব হতে, পুত্রদুষেরে ছাড়ি  
অন্তঃপুরে প্রবেশিয়া নিরুপায় নারী  
গৃহধর্মচারিণীর পুণ্যদেহ-পরে  
কলুষপদুষ স্পর্শে অসম্মানে করে  
হস্তক্ষেপ—পতি-সাথে বাধায়ে বিরোধ  
যে নর পত্নীরে হানি লয় তার শোধ,  
সে শূদ্র পাষাণ্ড নহে, সে যে কাপুত্রদুষ।  
মহারাজ, কী তার বিধান? অকলুষ  
পুত্রদুষে পাপ যদি জন্মলাভ করে  
সেও সহ্যে; কিন্তু প্রভু, মাতৃগর্ভভরে  
ভেবেছিন্দু গর্ভে মোর বীরপুত্রগণ  
জন্মিয়াছে—হায় নাথ, সেদিন যখন  
অনাথিনী পাণ্ডালীর আতর্কণ্ঠরব  
প্রাসাদপাষণ্ডভিত্তি করি দিল দ্রব  
লজ্জা-ঘৃণা-করুণার তাপে, ছুটি গিয়া  
হেরিন্দু গবাক্ষে, তার বস্ত্র আকর্ষণিয়া  
খল খল হাসিতেছে সভা-মারুথানে  
গান্ধারীর পুত্র পিশাচেরা—ধর্ম জানে  
সেদিন চূর্ণিয়া গেল জন্মের মতন  
জননীর শেষ গর্ব। কুরুরাজগণ,  
পৌরুষ কোথায় গেছে ছাড়িয়া ভারত!  
তোমরা, হে মহারথী, জড়মূর্তিবৎ  
বসিয়া রহিলে সেথা চাহি মূখে মূখে,  
কেহ বা হাসিলে, কেহ করিলে কৌতুকে  
কানাকানি—কোষমাঝে নিশ্চল কুপাণ  
বজ্রনিঃশেষিত লুপ্ত বিদ্যুৎ-সমান  
নিদ্রাগত। মহারাজ, শুন মহারাজ,

এ মিনতি। দূর করো জননীর লাজ,  
বীরধর্ম করহ উদ্ধার, পদাহত  
সতীত্বের ঘৃণাও ক্রন্দন, অবনত  
ন্যায়ধর্মে করহ সম্মান—ত্যাগ করো  
দুর্যোধনে।

ধৃতরাষ্ট্র।

পরিতাপ-দহনে-জর্জর  
হৃদয়ে করিছ শূদ্ধ নিষ্ফল আঘাত  
হে মহিষী।

গান্ধারী।

শতগুণ বেদনা কি নাথ,  
লাগিছে না মোরে? প্রভু, দণ্ডিতের সাথে  
দণ্ডদাতা কাঁদে যবে সমান আঘাতে  
সর্বশ্রেষ্ঠ সে বিচার। যার তরে প্রাণ  
কোনো ব্যথা নাই পায় তারে দণ্ডদান  
প্রবলের অত্যাচার। যে দণ্ডবেদনা  
পুত্রেরে পার না দিতে সে কারে দিয়ে না;  
যে তোমার পুত্র নহে তারো পিতা আছে,  
মহা-অপরাধী হবে তুমি তার কাছে  
বিচারক। শুনিয়াছি, বিশ্ববিধাতার  
সবাই সন্তান মোরা—পুত্রের বিচার  
নিয়ত করেন তিনি আপনার হাতে  
নারায়ণ; বাথা দেন, বাথা পান সাথে—  
নতুবা বিচারে তাঁর নাই অধিকার,  
মৃত্যু নারী লভিয়াছি অন্তরে আমার  
এই শাস্ত্র। পাপী পুত্রে ক্ষমা কর যদি  
নির্বিকারে, মহারাজ, তবে নিরবধি  
যত দণ্ড দিলে তুমি যত দোষী জনে  
ধর্মধিপ নামে, কর্তব্যের প্রবর্তনে,  
ফিরিয়া লাগিবে আসি দণ্ডদাতা ভূপে;  
ন্যায়ের বিচার তব নির্মমতারূপে  
পাপ হয়ে তোমারে দাগিবে। ত্যাগ করো  
পাপী দুর্যোধনে।

ধৃতরাষ্ট্র।

প্রিয়ে, সংহর, সংহর  
তব বাণী। ছিঁড়িতে পারি নে মোহডোর,  
ধর্মকথা শূদ্ধ আসি হানে সূকঠোর  
বার্থ ব্যথা। পাপী পুত্র ত্যাজ্য বিধাতার,  
তাই তারে ত্যজিতে না পারি—আমি তার  
একমাত্র। উন্মত্ত-তরঙ্গ-মাঝখানে  
যে পুত্র সঁপেছে অঙ্গ তারে কোন্ প্রাণে  
ছাড়ি যাব? উদ্ধারের আশা ত্যাগ করি,  
তবু তারে প্রাণপণে বক্ষে চাপি ধরি,  
তারি সাথে এক পাপে ঝাঁপ দিয়া পড়ি,  
এক বিনাশের তলে তলাইয়া মরি

অকাতরে—অংশ লই তার দূর্গতির,  
অর্ধ ফল ভোগ করি তার দূর্মতির,  
সেই তো সান্ধ্বনা মোর—এখন তো আর  
বিচারের কাল নাই, নাই প্রতিকার,  
নাই পথ—ঘটেছে যা ছিল ঘটবার,  
ফলিবে যা ফলিবার আছে।

[ প্রস্থান

গান্ধারী।

হে আমার

অশান্ত হৃদয়, স্থির হও। নতশিরে  
প্রতীক্ষা করিয়া থাকো বিধির বিধিরে  
ধৈর্য ধরি। যোদিন সুদীর্ঘ রাত্রি-পরে  
সদ্য জেগে উঠে কাল সংশোধন করে  
আপনারে, সেদিন দারুণ দঃখদিন।  
দঃসহ উত্তাপে যথা স্থির গতিহীন  
ঘুমাইয়া পড়ে বারু—জাগে ঝঙ্কাঝড়ে  
অকস্মাৎ, আপনার জড়ত্বের 'পরে  
করে আক্রমণ, অন্ধ বৃশ্চিকের মতো  
ভীমপদে আত্মশিরে হানে অবিরত  
দীপ্ত বজ্রশূল, সেইমত কাল যবে  
জাগে, তারে সভয়ে অকাল কহে সবে।  
লুটোও লুটোও শির, প্রণম, রমণী,  
সেই মহাকালে; তার রথচক্রধ্বনি  
দূর রুদ্ধলোক হতে বজ্রঘর্ষিত  
ওই শূন্য যায়। তোর আর্ত জর্জরিত  
হৃদয় পাতিয়া রাখ্ তার পথতলে।  
ছিন্ন সিন্ধু হৃৎপিণ্ডের রক্তশতদলে  
অঞ্জলি রচিয়া থাক্ জাগিয়া নীরবে  
চাহিয়া নিমেষহীন। তার পরে যবে  
গগনে উড়িবে ধূলি, কাঁপবে ধরণী,  
সহসা উঠিবে শূন্যে ক্রন্দনের ধ্বনি—  
হায় হায় হা রমণী, হায় রে অনাথা,  
হায় হায় বীরবধূ, হায় বীরমাতা,  
হায় হায় হাহাকার—তখন সুধীরে  
ধূলোয় পড়িস লুটি অবনতশিরে  
মুদিয়া নয়ন। তার পরে নমো নম  
সুনিশ্চিত পরিণাম, নির্বাক্ নির্মম  
দারুণ করুণ শান্তি; নমো নমো নম  
কল্যাণ কঠোর কান্ত, ক্ষমা স্নিগ্ধতম।  
নমো নমো বিশ্বেষের ভীষণা নির্বৃতি।  
শ্মশানের ভস্মমাথা পরমা নিষ্কৃতি।

- দুর্যোধন-মহিষী ভানুমতীর প্রবেশ  
ভানুমতী। (দাসীগণের প্রতি)  
ইন্দুমুখি, পরভূতে, লহো তুলি শিরে  
মালাবস্ত্র অলংকার।
- গান্ধারী। বৎসে, ধীরে, ধীরে!  
পৌরব ভবনে কোন্ মহোৎসব আজি?  
কোথা যাও নব বস্ত্র-অলংকারে সাজি  
বধু মোর?
- ভানুমতী। শত্রুপরাভব-শুদ্ধক্ষণ  
সমাগত।
- গান্ধারী। শত্রু যার আত্মীয়স্বজন  
আত্মা তার নিত্য শত্রু, ধর্ম শত্রু তার,  
অজ্ঞেয় তাহার শত্রু। নব অলংকার  
কোথা হতে, হে কল্যাণী?
- ভানুমতী। জিনি বসুমতী  
ভুজবলে, পাণ্ডালীয়ে তার পশুপতি  
দিয়েছিল যত রত্নমাণি-অলংকার,  
যজ্ঞদিনে যাহা পরি ভাগ্য-অহংকার  
ঠিকরিত মাণিক্যের শত সুচিহ্নে  
দ্রোপদীর অঙ্গ হতে, বিম্ব হত বৃকে  
কুরুকুলকামিনীর, সে রত্নভূষণে  
আমারে সাজায়ে তারে যেতে হল বনে।
- গান্ধারী। হা রে নৃড়ে, শিক্ষা তবু হল না তোমার,  
সেই রত্ন নিয়ে তবু এত অহংকার!  
এ কী ভয়ংকরী কান্দি, প্রলয়ের সাজ!  
যুগান্তের উল্কাসম দহিছে না আজ  
এ মণিমাণ্ডীর তোরে? রত্নললাটিকা  
এ যে তোর সৌভাগ্যের বজ্রানলশিখা।  
তোরে হেরি অঙ্গে মোর গ্রাসের স্পন্দন—  
সম্মারিছে, চিন্তে মোর উঠিছে ক্রন্দন—  
আনিছে শঙ্কিত কর্ণে তোর অলংকার  
উন্মাদিনী শংকরীর তান্ডববৎসর।
- ভানুমতী। মাতঃ, মোরা ক্ষত্রনারী, দুর্যোধনের ভয়  
নাহি করি। কভু জয়, কভু পরাজয়—  
মধ্যাহ্নগগনে কভু, কভু অস্তধামে  
ক্ষত্রিয়মহিমা-সূর্য উঠে আর নামে।  
ক্ষত্রবীর্যাঙ্গনা, মাতঃ, সেই কথা স্মরি  
শঙ্কার বক্ষেতে থাকি সংকটে না ডরি  
ক্ষণকাল। দুর্দিন-দুর্যোগ যদি আসে  
বিমুখ ভাগ্যেরে তবে হানি উপহাসে  
কেমনে মরিতে হয় জানি তাহা, দেবী—



কেমনে বাঁচিতে হয় শ্রীচরণ সেবি  
সে শিক্ষাও লভিয়াছি।

গান্ধারী।

বৎসে, অমঙ্গল

একেলা তোমার নহে। লয়ে দলবল  
সে যবে মিটায় ক্ষুধা, উঠে হাহাকার,  
কত বীররক্তস্রোতে কত বিধবার  
অশ্রুধারা পড়ে আসি—রক্ত-অলংকার  
বধূহস্ত হতে খসি পড়ে শত শত  
চতুলতাকুঞ্জবনে মঞ্জরীর মতো  
ঝঞ্জাবাতে। বৎসে, ভাঙিয়ো না বন্ধ সেতু।  
ক্লীড়াচ্ছলে তুলিয়ো না বিপ্লবের কেতু  
গৃহমাঝে—আনন্দের দিন নহে আজি।  
স্বজনদুর্ভাগ্য লয়ে সর্ব অঙ্গে সাজি  
গর্ব করিয়ো না, মাতঃ। হয়ে সদুসংযত  
আজ হতে শৃঙ্খলচিন্তে উপবাসব্রত  
করো আচরণ—বেণী করি উন্মোচন  
শান্ত মনে করো, বৎসে, দেবতা-অর্চন।  
এ পাপসৌভাগ্যদিনে গর্ব-অহংকারে  
প্রতিক্ষণে লজ্জা দিয়ো নাকো বিধাতারে।  
খুলে ফেলো অলংকার, নব রক্তাম্বর;  
থাগাও উৎসববাদ্য, রাজ-আড়ম্বর;  
অগ্নিগৃহে যাও, পুত্রী, ডাকো পুরোহিতে—  
কালের প্রতীক্ষা করো শৃঙ্খলসত্ত্ব চিতে।

[ভানুমতীর প্রস্থান]

দ্রৌপদীসহ পঞ্চপাণ্ডবের প্রবেশ

যুধিষ্ঠির।

আশীর্বাদ মাগিবারে এসেছি জননী,  
বিদায়ের কালে।

গান্ধারী।

সৌভাগ্যে দিনমণি

দুঃখরাশি-অবসানে শ্রবণে উজ্জ্বল  
উদবে হে বৎসগণ। বায়ু হতে বল,  
সূর্য হতে তেজ, পৃথ্বী হতে ধৈর্যক্ষমা  
করো লাভ, দুঃখরত পুত্র মোর। রমা  
দৈন্য-মাঝে গুপ্ত থাকি দীন ছন্দরূপে  
ফিরুন পশ্চাতে তব সদা চুপে চুপে,  
দুঃখ হতে তোমা-তরে করুন সঞ্চয়  
অক্ষয় সম্পদ। নিত্য হউক নির্ভয়  
নির্বাসনবাস। বিনা পাপে দুঃখভোগ  
অন্তরে জ্বলন্ত তেজ করুক সংযোগ  
বহিঃশিখাদগ্ন দীপ্ত স্বেদবর্ণের প্রায়।  
সেই মহাদুঃখ হবে মহৎ সহায়  
তোমাদের। সেই দুঃখে রহিবেন ঋণী

ধর্মরাজ বিধি, যবে শূদ্রিবেন তিনি  
 নিজহস্তে আত্মক্ষণ তখন জগতে  
 দেব নর কে দাঁড়াবে তোমাদের পথে।  
 মোর পুত্র করিয়াছে যত অপরাধ  
 খণ্ডন করুক সব মোর আশীর্বাদ,  
 পুত্রাধিক পুত্রগণ। অন্যায় পীড়ন  
 গভীর কল্যাণসিন্ধু করুক মন্থন।

(দ্রৌপদীকে আলিঙ্গনপূর্বক)

ভুলুন্ঠিতা স্বর্ণলতা, হে বৎসে আমার,  
 হে আমার রাহুগ্রস্ত শশী, একবার  
 তোলো শির, বাক্য মোর করো অবধান।  
 যে তোমারে অবমানে তারি অপমান  
 জগতে রহিবে নিত্য, কলঙ্ক অক্ষয়।  
 তব অপমানরাশি বিশ্বজগন্ময়  
 ভাগ করে লইয়াছে সর্ব কুলাঙ্গনা—  
 কাপুরুষতার হস্তে সতীর লাঞ্ছনা।  
 যাও বৎসে, পতি-সাথে অমলিনমুখ  
 অরণ্যে করে স্বর্গ, দ্বণ্ডে করে সূখ।  
 বধু মোর, সদ্‌দ্বণ্ডসহ পতিদ্বণ্ডব্যথা  
 বক্ষে ধরি সতীত্বের লভো সার্থকতা।  
 রাজগৃহে আয়োজন দিবসযামিনী  
 সহস্র সূতের—বনে তুমি একাকিনী  
 সর্বসূখ, সর্বসঙ্গ, সর্বৈশ্বর্যময়,  
 সকল সান্ত্বনা একা, সকল আশ্রয়,  
 ক্রান্তির আরাম, শান্তি, ব্যাধির শূদ্রদ্বা,  
 দুর্দিনের শূভলক্ষ্মী, তামসীর ভূষা  
 ঊষা মর্তিমতী। তুমি হবে একাকিনী  
 সর্বপ্রীতি, সর্বসেবা, জননী, গেহিনী—  
 সতীত্বের শ্বেতপদ্ম সম্পূর্ণ সৌরভে  
 শতদলে প্রক্ষুটিয়া জাগিবে গৌরবে।

## সতী

মিস্‌ ম্যানিং-সম্পাদিত ন্যাশনাল ইন্ডিয়ান অ্যাসোসিয়েশনের পত্রিকায় মারাঠি  
গাথা সম্বন্ধে অ্যাক্‌ওআর্থ্‌ সাহেব-রচিত প্রবন্ধবিশেষ হইতে বর্ণিত ঘটনা সংগৃহীত।

### রংক্ষেত্র

অমাবাই ও বিনায়ক রাও

অমাবাই। পিতা!  
বিনায়ক রাও। পিতা! আমি তোমার পিতা! পাপীয়সী  
স্বাতন্ত্র্যচারিণী। যবনের গৃহে পশি  
স্নেহগলে দিলি মালা কুলকলঙ্কিনী!  
আমি তোমার পিতা!

অমাবাই। অন্যায় সমরে জিনি  
স্বহস্তে বধিলে তুমি পতিরে আমার,  
হায় পিতা, তবু তুমি পিতা! বিধবার  
অশ্রুপাতে পাছে লাগে মহা অভিশাপ  
তব শিরে, তাই আমি দুঃসহ সন্তাপ  
রুদ্ধ করি রাখিয়াছি এ বক্ষপঙ্করে।  
তুমি পিতা, আমি কন্যা, বহুদিন পরে  
হয়েছে সাক্ষাৎ দৌহে সমর-অঙ্গনে  
দারদ্র নিশীথে। পিতঃ, প্রণমি চরণে  
পদধূলি তুলি শিরে লইব বিদায়।  
আজ যদি নাহি পার ক্ষমিতে কন্যায়  
আমি তবে ভিক্ষা মাগি বিধাতার ক্ষমা  
তোমা লাগি পিতৃদেব!

বিনায়ক রাও। কোথা যাবি অমা?  
ধিক্‌ অশ্রুজল। ওরে দুর্ভাগিনী নারী,  
যে বৃক্ষে বারিধি নীড় ধর্ম না বিচারি  
সে তো বজ্রাহত, দম্ব, যাবি কার কাছে  
ইহকাল-পরকাল-হারা?

অমাবাই। পুত্র আছে—  
বিনায়ক রাও। থাক্‌ পুত্র। ফিরে আর চাস নে পশ্চাতে  
পাতকের ভগ্নশেষ-পানে। আজ রাতে  
শৌণিততর্পণে তোমার প্রার্থিচিন্তা শেষ—  
যবনের গৃহে তোমার নাইক প্রবেশ  
আর কভু। বল্‌ তবে কোথা যাবি আজ?

অমাবাই। হে নিদয়, আছে মৃত্যু, আছে যমরাজ,  
পিতা হতে স্নেহময়, মৃত্যু স্বেদে যার  
আশ্রয় মাগিয়া কেহ ফিরে নাই আর।

বিনায়ক রাও। মৃত্যু? বৎসে! হা দুর্ভাগ্যে! পরম পাবক

নির্মল উদার মৃত্যু—সকল পাতক  
করে গ্রাস—সিন্ধু যথা সকল নদীর  
সব পঙ্করাশি। সেই মৃত্যু স্নগভীর  
তোর মুক্তি গতি। কিন্তু মৃত্যু আজ না সে,  
নহে হেথা। চল্ তবে দূর তীর্থবাসে  
সলজ্জস্বজন আর সঙ্কোচসমাজ  
পরিহারি, বিসর্জি কলঙ্ক ভয় লাজ  
জন্মভূমি ধূলিতলে। সেথা গঙ্গাতীরে  
নবীন নির্মল বায়ু; স্বচ্ছ পদ্যনীরে  
তিন সন্ধ্যা স্নান করি, নির্জন কুটীরে  
শিব শিব শিব নাম জপি শান্ত মনে,  
সদূর মন্দির হতে সায়াহুপবনে  
শুনিয়া আরতিধ্বনি, এক দিন কবে  
আয়ুঃশেষে মৃত্যু তোরে লইবে নীরবে—  
পতিত কুসুমে লয়ে পঙ্ক ধুয়ে তার  
গঙ্গা যথা দেয় তারে পূজা-উপহার  
সাগরের পদে।

অমাবাই।  
বিনায়ক রাও।

পুত্র মোর!

তার কথা  
দূর কর্। অতীতনির্মুক্ত পবিত্রতা  
ধৌত করে দিক তোরে। সদ্যাশিশুসম  
আর বার আয় বৎসে, পিতৃকোলে মম  
বিস্মৃতিমাতার গর্ভ হতে। নব দেশে,  
নব তরঙ্গিণীতীরে, শূন্য হাসি হেসে  
নবীন কুটীরে মোর জ্বালাবি আলোক  
কন্যার কল্যাণকরে।

অমাবাই।

জন্মে পতিশোক,

বিশ্ব হেরি ছায়াসম; তোমাদের কথা  
দূর হতে আনে কানে ক্ষীণ অস্ফুটতা,  
পশে না হৃদয়মাঝে। ছেড়ে দাও মোরে,  
ছেড়ে দাও। পতিরস্তিস্ত স্নেহভোরে  
বেঁধো না আমায়।

বিনায়ক রাও।

কন্যা নহেক পিতার।

শাখাচ্যুত পদ্প শাখে ফিরে নাকো আর।  
কিন্তু রে শূন্য হই তোরে কারে ক'স পতি  
লজ্জাহীনা। কাড়ি নিল যে স্লেচ্ছ দুর্মতি  
জীবাজির প্রসারিত বরহস্ত হতে  
বিবাহের রাতে তোরে—বর্ণিমা কপোতে  
শ্যেন যথা লয়ে যায় কপোতবধূরে  
আপনার স্লেচ্ছ নীড়ে—সে দৃষ্ট দস্যুরে  
পতি ক'স তুই!—সে রাগি কি মনে পড়ে?  
বিবাহসভায় সবে উৎসুক-অন্তরে

বসে আছি,—শুভলগ্ন হল গতপ্রায়,—  
 জীবাজি আসে না কেন সবাই শুধায়,  
 চায় পথপানে। দেখা দিল হেনকালে  
 মশালের রক্তরশ্মি নিশীথের ভালে,  
 শুনা গেল বাদ্যরব। হর্ষে উজ্জ্বলিল  
 অন্তঃপদরে হৃদধ্বনি। দুয়ারে পশিল  
 শতেক শিবিকা; কোথা জীবাজি কোথায়  
 শুধাতে না শুধাতেই ঝটিকার প্রায়  
 অকস্মাৎ কোলাহলে হতবৃদ্ধি করি  
 মূহূর্তের মাঝে তোরে বলে অপহরি  
 কে কোথা মিলালো। ক্ষণপরে নতশিরে  
 জীবাজি বন্ধনমুক্ত এল ধীরে ধীরে—  
 শূন্যনিবু কেমনে তারে বন্দী করি পথে  
 লয়ে তার দীপমালা, চড়ি তার রথে,  
 কাড়ি লয়ে পরি তার বরপরিচ্ছদ  
 বিজাপুর-যবনের রাজসভাসদ  
 দসদ্বৃতি করি গেল। সে দারুণ রাতে  
 হোমায়নি করিয়া স্পর্শ জীবাজির সাথে  
 প্রতিজ্ঞা করিনু আমি—দসদ্বৃতিপাতে  
 লব এর প্রতিশোধ। বহুদিন পরে  
 হয়েছি সে পণমুক্ত। নিশীথসমরে  
 জীবাজি ত্যজিয়া প্রাণ বীরের সঙ্গতি  
 লিভিয়াছে। রে বিধবা, সেই তোর পতি,—  
 দসদু সে তো ধর্মনাশী।

অমাবাই।

ধিক্ পিতা, ধিক্।

বধেছ পতিরে মোর—আরো মর্মাস্তিক  
 এই মিথ্যা বাক্যশেল। তব ধর্ম-কাছে  
 পতিত হয়েছি, তবু মম ধর্ম আছে  
 সমুজ্জ্বল। পত্নী আমি, নহি সেবাদাসী।  
 বরমাল্যে বরেছিঁদু তাঁরে ভালোবাসি  
 শ্রদ্ধাভরে; ধরেছিঁদু পতির সন্তান  
 গর্ভে মোর,—বলে করি নাই আত্মদান।  
 মনে আছে দুই পত্র এক দিন রাতে  
 পেয়েছিঁদু অন্তঃপদরে গদ্যস্তদ্যতী হাতে—  
 তুমি লিখেছিলে শুধু, ‘হানো তারে ছুরি।’  
 মাতা লিখেছিল, ‘পত্রে বিষ দিনু পুরি,  
 করো তাহা পান।’ যদি বলে পরাজিত  
 অসহায় সতীধর্ম কেহ কেড়ে নিত  
 তা হলে কি এতদিন হত না পালন  
 তোমাদের সে আদেশ? হৃদয় অর্পণ  
 করেছিঁদু বীরপদে। যবন ব্রাহ্মণ  
 সে ভেদ কাহার ভেদ? ধর্মের সে নয়।

অন্তরের অন্তর্ভামী যেথা জেগে রয়  
 সেথায় সমান দৌঁছে। মাঝে মাঝে তব্দ  
 সংস্কার উঠিত জাগি;—কোনো দিন কভু  
 নিগূঢ় ঘৃণার বেগ শিরায় অধীর  
 হানিত বিদ্যুৎকম্প—অবাধ্য শরীর  
 সংকোচে কুণ্ঠিত হত; কিন্তু তারো পরে  
 সতীত্ব হয়েছে জয়ী। পূর্ণ ভক্তিভরে  
 করেছি পতির পূজা; হলেছি যবনী  
 পবিত্র অন্তরে; নহি পতিতা রমণী—  
 পরিতাপে অপমানে অবনতিশরে  
 মোর পতিধর্ম হতে নাহি যাব ফিরে  
 ধর্মান্তরে অপরাধীসম।—এ কী! এ কী!  
 নিশীথের উল্কাসম এ কাহারে দেখি  
 ছুটে আসে মদন্তকেশে।

রমাবাইয়ের প্রবেশ

জননী আমার!

কখনো যে দেখা হবে এ জনমে আর  
 হেন ভাবি নাই মনে। মাগো, মা জননী,  
 দেহো তব পদধূলি।

রমাবাই। ছুঁস নে যবনী  
 পার্ভাকিনী!

অমাবাই। কোনো পাপ নাই মোর দেহে—  
 নির্মল তোমারি মতো।

রমাবাই। যবনের গেহে  
 কার কাছে সমর্পিল ধর্ম আপনার?

অমাবাই। পতি-কাছে।

রমাবাই। পতি! স্লেচ্ছ, পতি সে তোমার!  
 জানিস কাহারে বলে পতি! নষ্টমতি,  
 ভ্রষ্টাচার! রমণীর সে যে এক গতি,  
 একমাত্র ইষ্টদেব। স্লেচ্ছ মূসলমান,  
 স্বাস্থ্যকন্যার পতি! দেবতা-সমান!

অমাবাই। উচ্চ বিপ্রকুলে জন্মি তবুও যবনে  
 ঘৃণা করি নাই আমি, কালবাক্যে মনে  
 পূজিয়াছি পতি বলি; মোরে করে ঘৃণা  
 এমন কে সতী আছে? নহি আমি হীনা  
 জননী তোমার চেয়ে—হবে মোর গতি  
 সতীস্বর্গলোকে।

রমাবাই। সতী তুমি!

অমাবাই। আমি সতী।

রমাবাই। জানিস মরিতে অসংকোচে?

অমাবাই। জানি আমি।

রমাবাই। তবে জদাল্ চিতানল। ওই তোর স্বামী  
পড়িয়া সমরভূমে।

রমাবাই। জীবাজি?

অমাবাই। জীবাজি

বাগ্‌দস্ত পতি তোর। তারি ভস্ম আজি  
ভস্ম মিলাইতে হবে। বিবাহরাত্রির  
বিফল হোমাগ্নিশিখা শ্মশানভূমির  
ক্ষুধিত চিতানিরূপে উঠেছে জাগিয়া;  
আজি রাতে সে রাত্রির অসমাপ্ত ক্রিয়া  
হবে সমাপন।

বিনায়ক রাও।

যাও বৎসে, যাও ফিরে  
তব পদ-কাছে, তব শোকতপ্ত নীড়ে।  
দারুণ কর্তব্য মোর নিঃশেষ করিয়া  
করেছি পালন—যাও তুমি। অগ্নি প্রিয়া,  
বৃথা করিতেছ ক্ষোভ। যে নব শাখারে  
আমাদের বৃক্ষ হতে কঠিন কুঠারে  
ছিন্ন করি নিয়ে গেল বনান্তরছায়ে,  
সেথা যদি বিশাণী সে মরিত শূকরে  
অগ্নিতে দিতাম তারে; সে যে ফলে ফুলে  
নব প্রাণে বিকশিত, নব নব মূলে  
নতুন মৃত্তিকা ছেয়ে। সেথা তার প্রীতি,  
সেথাকার ধর্ম তার, সেথাকার রীতি।  
অন্তরের যোগসূত্র ছিঁড়েছে যখন  
তোমার নিয়মপাশ নিজীব বন্ধন  
ধর্মে বাঁধিছে না তারে, বাঁধিতেছে বলে।  
ছেড়ে দাও, ছেড়ে দাও। যাও বৎসে, চলে  
যাও তব গৃহকর্মে ফিরে—যাও তব  
স্নেহপ্রীতিজড়িত সংসারে—অভিনব  
ধর্মক্ষেত্রে। এসো প্রিয়ে, মোরা দৌঁহে  
চলে যাই তীর্থধামে কাটি মায়ামোহে,  
সংসারের দ্বন্দ্ব-সুখ-চক্র-আবর্তন  
ত্যাগ করি—

রমাবাই।

তার আগে করিব ছেদন  
আমার সংসার হতে পাপের অঙ্কুর  
যতগুলি জন্মিয়াছে। করি যাব দূর  
আমার গর্ভের লজ্জা। কন্যার কুশলে  
মাতার সতীত্বে যেন কলঙ্ক পরশে।  
অনলে অগ্ন্যারসম সে কলঙ্ককারি  
তুলিব উজ্জ্বল করি চিতানল জদালি।  
সতীত্বাতি রটাইব দহিতার নামে,  
সতীমঠ উঠাইব এ শ্মশানধামে  
কন্যার ভস্মের 'পরে

অমাবাই।

ছাড়ো লোকলাজ  
লোকখ্যাতি, হে জননীর, এ নহে সমাজ,  
এ মহাশ্মশানভূমি। হেথা পদ্যপাপ  
লোকের মূখের বাক্যে করিয়ো না মাপ—  
সত্যেরে প্রত্যক্ষ করো মৃত্যুর আলোকে।  
সত্যী আমি। ঘৃণা যদি করে মোরে লোকে  
তব্দ সত্যী আমি। পরপদ্যবশের সনে  
মাতা হয়ে বাঁধ যদি মৃত্যুর মিলনে  
নির্দোষ কন্যারে—লোকে তোরে ধন্য কবে—  
কিন্তু মাতঃ, নিত্যকাল অপরাধী রবে  
শ্মশানের অধীশ্বর-পদে।

রমাবাই।

জন্মলো চিতা,  
সৈন্যগণ! ঘেরো আসি বন্দিনীরে!

অমাবাই।

পিতা!

বিনায়ক রাও।

ভয় নাই, ভয় নাই। হায় বৎসে, হায়,  
মাতৃহন্ত হতে আজি রক্ষিতে তোমায়  
পিতারে ডাকিতে হল। যেই হস্তে তোরে  
বন্ধে বেঁধে রেখেছিল, কে জানিত ওরে  
ধর্মেরে করিতে রক্ষা, দোষীরে দাঁড়িতে  
সেই হস্তে একদিন হইবে খণ্ডিতে  
তোমারি সৌভাগ্যসূত্র হে বৎসে আমার।

অমাবাই।

পিতা!

বিনায়ক রাও।

আয় বৎসে! বৃথা আচার বিচার।  
পদ্যে লয়ে মোর সাথে আয় মোর মেয়ে  
আমার আপন ধন। সমাজের চেয়ে  
হৃদয়ের নিত্যধর্ম সত্য চিরদিন।  
পিতৃস্নেহ নির্বিচার বিকারবিহীন  
দেবতার বৃষ্টিসম—আমার কন্যারে  
সেই শূভ স্নেহ হতে কে বঞ্চিত পারে—  
কোন্ শাস্ত, কোন্ লোক, কোন্ সমাজের  
মিথ্যা বিধি, তুচ্ছ ভয়?

রমাবাই।

কোথা যাস্। ফের্।

রে পার্শ্বপাশ্বে, ওই দেখ্ তোমার লাগি প্রাণ  
যে দিয়েছে রণভূমে—তার প্রাণদান  
নিষ্ফল হবে না, তোরে লইবে সে সাথে  
বরবেশে ধরি তোমার মৃত্যুপত্ন হাতে  
শূরস্বর্গমাঝে। শূন, যত আছে বীর,  
তোমরা সকলে ভক্ত ভূতা জীবাজির—  
এই তাঁর বাগ্‌দস্তা বধ্—চিত্তানলে  
মিলন ঘটায়ে দাও, মিলিয়া সকলে  
প্রভুকৃত্য শেষ করো।

সৈন্যগণ।

ধন্য পদ্যবতী।



অমাবাই। পিতা!  
 বিনায়ক রাও। ছাড়ু তোরা।  
 সৈন্যগণ। যিনি এ নারীর পতি  
 তাঁর অভিজ্ঞা মোরা করিব পূরণ।  
 বিনায়ক রাও। পতি এ'র স্বধর্মী যবন।  
 সৈন্যপতি। সৈন্যগণ,  
 বাঁধো বৃন্দ বিনায়কে।  
 অমাবাই। মাতঃ, পাপীয়সী,  
 পিশাচিনী!  
 রমাবাই। মৃৎ, তোরা কী করিস বসি।  
 বাজা বাদ্য, কর্ জয়ধ্বনি।  
 সৈন্যগণ। জয় জয়!  
 অমাবাই। নারিকিনী!  
 সৈন্যগণ। জয় জয়!  
 রমাবাই। রটা বিশ্বময়  
 সতী অম্মা।  
 অমাবাই। জাগো, জাগো, জাগো ধর্মরাজ।  
 শ্মশানের অধীশ্বর, জাগো তুমি আজ।  
 হেরো তব মহারাজ্যে করিছে উৎপাত  
 ক্ষুদ্র শত্রু—জাগো, তারে করো বজ্রাঘাত  
 দেবদেব। তব নিত্যধর্মে করো জয়ী  
 ক্ষুদ্র ধর্ম হতে।  
 রমাবাই। বল, জয় পুণ্যময়ী,  
 বল, জয় সতী।  
 সৈন্যগণ। জয় জয় পুণ্যবতী!  
 অমাবাই। পিতা, পিতা, পিতা মোর!  
 সৈন্যগণ। ধন্য ধন্য সতী!

২০ কার্তিক ১৩০৪

### নরকবাস

নেপথ্যে। কোথা যাও মহারাজ।  
 সোমক। কে ডাকে আমারে  
 দেবদত্ত? মেঘলোকে ঘন অন্ধকারে  
 দেখিতে না পাই কিছ—হেথা ক্ষণকাল  
 রাখো তব স্বর্গরথ।  
 নেপথ্যে। ওগো নরপাল,  
 নেমে এসো। নেমে এসো হে স্বর্গপাথক।  
 সোমক। কে তুমি, কোথায় আছ?

- নেপথ্যে। আমি সে ঋত্বিক,  
মর্ত্যে তব ছিন্দ পদরোহিত।
- সোমক। ভগবন্,  
নিখিলের অশ্রু যেন করেছে সৃজন  
বাপ্প হয়ে এই মহা অন্ধকারলোক—  
সূর্যচন্দ্রতারাহীন ঘনীভূত শোক  
নিঃশব্দে রয়েছে চাপি দঃস্বপ্ন-মতন  
নভস্তল—হেথা কেন তব আগমন?  
প্রতগণ। স্বর্গের পথের পার্শ্ব এ বিষাদলোক,  
এ নরকপদুরী। নিত্য নন্দন-আলোক  
দূর হতে দেখা যায়—স্বর্গযাত্রীগণে  
অহোরাত্রি চলিয়াছে, রথচক্রস্বনে  
নিদ্রাতন্দ্রা দূর করি ঈর্ষাজর্জরিত  
আমাদের নেত্র হতে। নিম্নে মর্মরিত  
ধরণীর বনভূমি—সন্ত পারাবার  
চিরদিন করে গান—কলধ্বনি তার  
হেথা হতে শূনা যায়।
- ঋত্বিক। মহারাজ, নামো  
তব দেবরথ হতে।
- প্রতগণ। ঋণকাল থামো  
আমাদের মাঝখানে। ক্ষুদ্র এ প্রার্থনা  
হতভাগ্যদের। পৃথিবীর অশ্রুকণা  
এখনো জড়িয়ে আছে তোমার শরীর,  
সদ্যছিন্ন পদ্পে যথা বনের শিশির।  
মাটির, তৃণের গন্ধ—ফুলের, পাতার,  
শিশুর, নারীর, হাস, বন্ধুর, ভ্রাতার  
বহিষা এনেছ তুমি। ছয়টি ঋতুর  
বহুদিনরজনীর বিচিত্র মধুর  
সুখের সৌরভরাশি।
- সোমক। গুরুদেব, প্রভো,  
এ নরকে কেন তব বাস?
- ঋত্বিক। পদ্রে তব  
যজ্ঞে দিয়েছিন্দ বলি—সে পাপে এ গতি  
মহারাজ।
- প্রতগণ। কহো সে কাহিনী, নরপতি,  
পৃথিবীর কথা। পাতকের ইতিহাস  
এখনো হৃদয়ে হানে কোতুক-উল্লাস।  
রয়েছে তোমার কণ্ঠে মর্ত্যরাগিণীর  
সকল মর্ছনা, সুখদুঃখকাহিনীর  
করুণ কম্পন। কহো তব বিবরণ  
মানবভাষায়।
- সোমক। হে ছায়াশরীরীগণ,

সোমক আমার নাম, বিদেহভূপতি ।  
 বহু বর্ষ আরাধিয়া দেবীম্বজর্ষতি,  
 বহু যাগযজ্ঞ করি, প্রাচীন বয়সে  
 এক পুত্র লভেছিলাম—তারি স্নেহবশে  
 রাহিদিন আছিলাম আপনা-বিস্মৃত ।  
 সমস্ত সংসারসিন্ধু-মথিত অমৃত  
 ছিল সে আমার শিশু । মোর বৃত্ত ভরি  
 একটি সে শ্বেতপদ্ম, সম্পূর্ণ আবার  
 ছিল সে জীবন মোর । আমার হৃদয়  
 ছিল তারি মূখ-পরে—সূর্য যথা রয়  
 ধরণীর পানে চেয়ে । হিমবিন্দুটিরে  
 পদ্মপত্র যত ভয়ে ধরে রাখে শিরে  
 সেইমত রেখেছিলাম তারে । সুকঠোর  
 ক্ষত্রধর্ম রাজধর্ম স্নেহপানে মোর  
 চাহিত সেরোষ চক্ষে ; দেবী বসুন্ধরা  
 অবহেলা-অবমানে হইত কাতরা,  
 রাজলক্ষ্মী হত লজ্জামুখী ।

সভামাঝে

অধিব ।

একদা অমাত্য-সাথে ছিন্দু রাজকাজে,  
 হেনকালে অন্তঃপুরে শিশুর ক্রন্দন  
 পশিল আমার কর্ণে । ত্যজি সিংহাসন  
 দ্রুত ছুটে চলে গেন্দু ফেলি সর্বকাজ ।  
 সে মদহর্তে প্রবেশিন্দু রাজসভামাঝ  
 আশিস করিতে নৃপে ধান্যদূর্বা করে  
 আমি রাজপদুরোহিত । ব্যগ্রতার ভরে  
 আমারে ঠেলিয়া রাজা গেলেন চলিয়া,  
 অর্ঘ্য পড়ি গেল ভূমে । উঠিল জ্বলিয়া  
 ব্রাহ্মণের অভিমান । ক্ষণকাল-পরে  
 ফিরিয়া আসিলা রাজা লজ্জিত-অন্তরে ।  
 আমি শূন্যালেম তাঁরে—‘কহো হে রাজন্,  
 কী মহা অনর্থপাত দুর্দৈব ঘটন  
 ঘটেছিল, যার লাগি ব্রাহ্মণেরে ঠেলি  
 অন্ধ অবজ্ঞার বশে, রাজকর্ম ফেলি,  
 না শূনি বিচারপ্রার্থী প্রজাদের যত  
 আবেদন, পররাষ্ট্র হতে সমাগত  
 রাজদূতগণে নাই করি সম্ভাষণ,  
 সামন্ত রাজন্যাগণে না দিয়া আসন,  
 প্রধান অমাত্য-সবে রাজ্যের ভারতা  
 না করি জিজ্ঞাসাবাদ, না করি শিষ্টতা  
 অতিথি সজ্জন গুণীজনে—অসময়ে  
 ছুটি গেলা অন্তঃপুরে মন্তপ্রায় হয়ে  
 শিশুর ক্রন্দন শূনি ? থিক্ মহারাজ,

লজ্জায় আনতশির ক্ষত্রিয়সমাজ  
 তব মৃদ্ধ ব্যবহারে, শিশুভূজপাশে  
 বন্দী হয়ে আছ পড়ি দেখে সবে হাসে  
 শত্রুদল দেশে দেশে—নীরব সংকোচে  
 বন্ধুগণ সংগোপনে অশ্রুজল মোছে।'  
 সোমক। ব্রাহ্মণের সেই তীর্ত্ত ভিরস্কার শূনি  
 অবাক হইল সভা। পাত্রমিষ্ট গুণী  
 রাজগণ প্রজাগণ রাজদূত সবে  
 আমার মৃথের পানে চাহিল নীরবে  
 ভীত কৌতূহলে। রোষাবেশ ক্ষণতরে  
 উত্তপ্ত করিল রক্ত; মৃহতের্ক-পরে  
 লজ্জা আসি করি দিল দ্রুত পদাঘাত  
 দূত রোষসর্পিণিরে। করি প্রণিপাত  
 গুরুপদে, কহিলাম বিনম্র বিনয়ে—  
 'ভগবন্, শান্তি নাই এক পদ্বত লয়ে,  
 ভয়ে ভয়ে কাটে কাল। মোহবশে তাই  
 অপরাধী হইয়াছি—ক্ষমা ভিক্ষা চাই।  
 সাক্ষী থাকো মন্ত্রী-সবে, হে রাজন্যগণ  
 রাজার কর্তব্য কভু করিয়া লঙ্ঘন  
 খর্ব করিব না আর ক্ষত্রিয়গৌরব।'  
 ঋত্বিক। কুণ্ঠিত আনন্দে সভা রহিল নীরব।  
 আমি শূদ্ধ কহিলাম বিম্বেষের তাপ  
 অন্তরে পোষণ করি, 'এক-পদ্বত-শাপ  
 দূর করিবারে চাও—পন্থা আছে তারও—  
 কিন্তু সে কঠিন কাজ, পার কি না পার  
 ভয় করি।' শূনিয়া সগর্বে মহারাজ  
 কহিলেন—'নাহি হেন সূকঠিন কাজ  
 পারি না করিতে যাহা ক্ষত্রিয়তনয়—  
 কহিলাম স্পর্শি তব পাদপদ্মবয়।'  
 শূনিয়া কহিন্দু মৃদু হাসি—'হে রাজন্,  
 শূন তবে। আমি করি যজ্ঞ-আয়োজন,  
 তুমি হোম করো দিগে আপন সন্তান।  
 তারি মেদগন্ধধূম করিয়া আঘ্রাণ  
 মহিষীরা হইবেন শতপদ্বতবতী—  
 কহিন্দু নিশ্চয়।' শূনি নীরব নৃপতি  
 রহিলেন নতশিরে। সভাস্থ সকলে  
 উঠিল ধিক্কার দিয়া উচ্চ কোলাহলে।  
 কর্ণে হস্ত রুদ্ধি কহে যত বিপ্রগণ,  
 'ধিক্ পাপ এ প্রস্তাব।' নৃপতি তখন  
 কহিলেন ধীরস্বরে—'তাই হবে প্রভু,  
 ক্ষত্রিয়ের পণ মিথ্যা হইবে না কভু।'  
 তখন নারীর আতর্ বিলাপে চৌদিক

কান্দে উঠে, প্রজাগণ করে 'ধিক্ ধিক্',  
 বিদ্রোহ জাগাতে চায় যত সৈন্যদল  
 ঘৃণাভরে। নৃপ শত্ৰু রহিলা অটল।  
 জব্বলিল যজ্ঞের বহি। যজনসময়ে  
 কেহ নাই—কে আনিবে রাজার তনয়ে  
 অন্তঃপদ্র হতে বহি। রাজভৃত্য সবে  
 আজ্ঞা মানিল না কেহ। রহিল নীরবে  
 মন্ত্রীগণ। স্ৱাররক্ষী মূছে চক্ষুজল,  
 অস্ত্র ফেলি চলি গেল যত সৈন্যদল।  
 আমি ছিন্নমোহপাশ, সর্বশাস্ত্রজ্ঞানী,  
 হৃদয়বন্ধন সব মিথ্যা বলে মানি—  
 প্রবেশিন্দু অন্তঃপদ্রমাঝে। মাতৃগণ  
 শত-শাখা-অন্তরালে ফুলের মতন  
 রেখেছেন অতিষক্রে বালকেরে ঘেরি  
 কাতর-উৎকণ্ঠা-ভরে। শিশু মোরে হেরি  
 হাসিতে লাগিল উক্সে দুই বাহু তুলি।  
 জানাইল অর্ধস্ফুট কাকলি আকুলি—  
 'মাতৃব্যাহ ভেদ করে নিয়ে যাও মোরে।'  
 বহুক্ষণ বন্দী থাকি খেলাবার তরে  
 বাগ্ন তার শিশু-হিয়া। কহিলাম হাসি—  
 'মুক্তি দিব এ নিবিড় স্নেহবন্ধ নাশি,  
 আয় মোর সাথে।' এত বলি বল করি  
 মাতৃগণ-অঙ্ক হতে লইলাম হরি  
 সহাস্য শিশুরে। পায়ে পড়ি দেবীগণ  
 পথ রুধি আতঁকণ্ঠে করিল ক্রন্দন—  
 আমি চলে এনু বেগে। বহি উঠে জব্বলি—  
 দাঁড়ায়ে রয়েছে রাজা পাষণপদুতলি।  
 কম্পিত প্রদীপ্ত শিখা হেরি হর্ষভরে  
 কলহাস্যে নৃত্য করি প্রসারিত করে  
 ঝাঁপাইতে চাহে শিশু। অন্তঃপদ্র হতে  
 শতকণ্ঠে উঠে আতঁস্বর। রাজপথে  
 অভিশাপ উচ্চারিয়া যায় বিপ্রগণ  
 নগর ছাড়িয়া। কহিলাম—'হে রাজন্,  
 আমি করি মন্ত্রপাঠ, তুমি এরে লও,  
 দাও অগ্নিদেবে।'

সোমক।

ক্ষান্ত হও, ক্ষান্ত হও,

কহিয়ো না আর।

প্রেতগণ।

থামো থামো, ধিক্ ধিক্!

পদ্র মোরা বহু পাপে, কিন্তু রে ঋত্বিক  
 শত্ৰু একা তোর তরে একটি নরক  
 কেন সৃজে নাই বিধি! খুঁজে যমলোক  
 তব সহবাসযোগ্য নাহি মিলে পাপী।

দেবদূত । মহারাজ, এ নরকে ক্ষণকাল যাপি  
নিষ্পাপে সহিছ কেন পাপীর যন্ত্রণা ?  
উঠো স্বর্গরথে—থাক্ বৃথা আলোচনা  
নিদারুণ ঘটনার ।

সোমক । রথ যাও লয়ে  
দেবদূত । নাহি যাব বৈকুণ্ঠ-আলয়ে ।  
তব সাথে মোর গতি নরকমাঝারে  
হে ব্রাহ্মণ ! মন্ত হয়ে ক্ষাট-অহংকারে  
নিজ কর্তব্যের দ্রুতি করিতে ক্ষালন  
নিষ্পাপ শিশুরে মোর করেছি অপর্ণ  
হৃদাশনে, পিতা হয়ে । বীর্য আপনার  
নিন্দুকসমাজমাঝে করিতে প্রচার  
নরধর্ম রাজধর্ম পিতৃধর্ম হায়  
অনলে করেছি ভস্ম । সে পাপজ্বালায়  
জ্বলিয়াছি আমরণ—এখনো সে তাপ  
অন্তরে দিতেছে দাগি নিত্য অভিশাপ ।  
হায় পুত্র, হায় বৎস নবনীনির্মল,  
করুণকোমলকান্ত, হা মাতৃবৎসল,  
একান্ত নির্ভরপর পরম দুর্বল  
সরল চম্পল শিশু পিতৃ-অভিমানী,  
অগ্নিরে খেলনাসম পিতৃদান জানি  
ধরিলি দ্রু হাত মেলি বিশ্বাসে নির্ভয়ে ।  
তার পরে কী ভৎসনা ব্যথিত বিষ্ময়ে  
ফুটিল কাতর চক্ষে বহিঃশিখাতলে  
অকস্মাৎ । হে নরক, তোমার অনলে  
হেন দাহ কোথা আছে যে জিনিতে পারে  
এ অন্তরতাপ । আমি যাব স্বর্গস্বারে ?  
দেবতা ভুলিতে পারে এ পাপ আমার,  
আমি কি ভুলিতে পারি সে দৃষ্টি তাহার,  
সে অন্তিম অভিমান ? দণ্ড হবে আমি  
নরক-অনল-মাঝে নিত্য দিনযাম্যী,  
তব বৎস, তোর সেই নিমেবের ব্যথা,  
আচম্বিত বহিঃদাহে ভীত কাতরতা  
পিতৃমুখপানে চেয়ে, পরম বিশ্বাস  
চকিতে হইয়া ভঙ্গ মহা নিরাশ্বাস,  
তার নাহি হবে পরিশোধ ।

ধর্মের প্রবেশ

ধর্ম ।

মহারাজ,  
স্বর্গ অপেক্ষিয়া আছে তোমা-তরে আজ,  
চলো দূরা করি ।

সোমক ।

সেথা মোর নাহি স্থান

ধর্মরাজ। বধিয়ারছি আপন সন্তান  
বিনা পাপে।

ধর্ম। করিয়াছ প্রায়শ্চিত্ত তার  
অন্তর নরকানলে। সে পাপের ভার  
ভস্ম হয়ে ক্ষয় হয়ে গেছে। যে ব্রাহ্মণ  
বিনা চিত্তপরিতাপে পরপদ্রুধন  
স্নেহবন্ধ হতে ছিঁড়ি করেছে বিনাশ  
শাস্ত্রজ্ঞান-অভিमानে, তারি হেথা বাস  
সমুচিত।

ঋদ্ধিক। যেয়ো না যেয়ো না তুমি চলে  
মহারাজ। সপর্শীর্ষ তীর ঈর্ষানলে  
আমারে ফেলিয়া রাখি যেয়ো না যেয়ো না  
একাকী অমরলোকে। নূতন বেদনা  
বাডায়ো না বেদনায় তীর দর্বির্ষহ,  
সৃজিয়ো না শ্বিতীয় নরক। রহো রহো  
মহারাজ, রহো হেথা।

সোমক। রব তব সহ  
হে দুর্ভাগ্য। তুমি আমি মিলি অহরহ  
করিব দারুণ হোম, সুদীর্ঘ যজ্ঞ  
বিরাট নরকহুতাশনে। ভগবন্,  
যতকাল ঋদ্ধিকের আছে পাপভোগ  
ততকাল তার সাথে করো মোরে যোগ—  
নরকের সহবাসে দাও অনুমতি।

ধর্ম। মহান্ গৌরবে হেথা রহো মহীপতি।  
ভালের তিলক হোক দুঃসহ দহন,  
নরকান্নি হোক তব স্বর্ণসিংহাসন।

প্রতগণ। জয় জয় মহারাজ, পুণ্যফলত্যাগী।  
নিষ্পাপ নরকবাসী, হে মহাবৈরাগী,  
পাপীর অন্তরে করো গৌরব সঞ্চার  
তব সহবাসে। করো নরক উদ্ধার।  
বোসো আসি দীর্ঘ যুগ মহাশত্রুসনে  
প্রিয়তম মিত্রসম এক দুঃখাসনে।  
অতি উচ্চ বেদনার আগ্নেয় চূড়ায়  
জ্বলন্ত মেঘের সাথে দীপ্ত সূর্যপ্রায়  
দেখা যাবে তোমাদের যুগল মূর্তি—  
নিত্যকাল-উদ্ভাসিত অনির্বাণ জ্যোতি।

## লক্ষ্মীর পরীক্ষা

## প্রথম দৃশ্য

ক্ষীরো । ধনী স্নেহে করে ধর্মকর্ম,  
 গরিবের পড়ে মাথার ঘর্ম ।  
 তুমি রানী, আছে টাকা শত শত,  
 খেলাছলে কর দান ধ্যান ব্রত ;  
 তোমার তো শূদ্ধ হৃদয় মাত,  
 খাটুনি আমারি দিবসরাত্র ।  
 তবুও তোমারি স্নেহ, পুণ্য,  
 আমার কপালে সকলি শূন্য ।

নেপথ্যে । ক্ষীরি, ক্ষীরি, ক্ষীরো !

ক্ষীরো । কেন ডাকাডাকি,  
 নাওয়া-খাওয়া সব ছেড়ে দেব নাকি ?

## রানী কল্যাণীর প্রবেশ

কল্যাণী । হল কী ! তুই যে আছিস রেগেই ।

ক্ষীরো । কাজ যে পিছনে রয়েছে লেগেই ।  
 কতই বা সয় রক্তমাংসে,  
 কত কাজ করে একটা মান্বে ।  
 দিনে দিনে হল শরীর নষ্ট ।

কল্যাণী । কেন, এত তোর কিসের কষ্ট !

ক্ষীরো । যেথা যত আছে রামী ও বামী  
 সকলেরি যেন গোলাম আমি ।  
 হোক ব্রাহ্মণ, হোক শূদ্দর,  
 সেবা করে মরি পাড়াসুন্দর ।  
 ঘরেতে কারো তো চড়ে না অন্ন,  
 তোমারি ভাঁড়ারে নিমন্তন্ন ।  
 হাড় বের হল বাসন মেজে,  
 সৃষ্টির পান-তামাক সেজে ।  
 একা একা এত খেটে যে মরি,  
 মায়ী দয়া নেই ?

কল্যাণী । সে দোষ তোরি ।  
 চাকর দাসী কি টিপকিতে পারে  
 তোমার প্রথর মন্থের ধারে ?  
 লোক এলে তুই তাড়াবি তাদের,  
 লোক গেলে শেষে আতর্নাদের  
 ধূম পড়ে যাবে—এর কি পথ্য  
 আছে কোনোরূপ ?

ক্ষীরো । সে কথা সত্যি ।  
 সয় না আমার—তাড়াই সাথে ?



- অন্যায় দেখে পরান কাঁদে।  
কোথা থেকে যত ডাকাত জোটে,  
টাকাকড়ি সব দ্দ হাতে লোটে।  
আমি না তাদের তাড়াই যদি  
তোমারে তাড়াত আমারে বধি।
- কল্যাণী। ডাকাত মাধবী, ডাকাত মাধু,  
সবাই ডাকাত, তুমিই সাধু!
- ক্ষীরো। আমি সাধু! মাগো, এমন মিথ্যে  
মুখেও আনি নে, ভাবি নে চিন্তে।  
নিই থুই খাই দ্দ হাত ভরি,  
দ্দ বেলা তোমায় আশিস করি;  
কিন্তু তব্দ সে দ্দ হাত -'পরে  
দ্দ-মুঠোর বেশি কতই ধরে।  
ঘরে যত আন মানুষ-জনকে  
তত বেড়ে যায় হাতের সংখ্যে।  
হাত যে সৃজন করেছে বিধি,  
নেবার জন্যে, জান তো দিদি!  
পাড়াপড়শির দৃষ্টি থেকে  
কিছু আপনার রাখো তো ঢেকে,  
তার পরে বেশি রহিলে বাকি  
চাকর বাকর আনিয়ো ডাকি।
- কল্যাণী। একা বটে তুমি! তোমার সাথী  
ভাইপো, ভাইঝি, নাতনি নাতি—  
হাট বসে গেছে সোনার চাঁদের,  
দ্দটো করে হাত নেই কি তাঁদের?  
তোরা কথা শুনে কথা না সরে,  
হাসি পায় ফের রাগও ধরে।
- ক্ষীরো। বেশি রেগে যদি কম হাসি পেত  
স্বভাব আমার শূধরিয়ে যেত।
- কল্যাণী। ম'লেও যাবে না স্বভাবখানি  
নিশ্চয় জেনো।
- ক্ষীরো। সে কথা মানি।  
তাই তো ভরসা মরণ মোরে  
নেবে না সহসা সাহস করে।  
ওই-যে তোমার দরজা জুড়ে  
বসে গেছে যত দেশের কুঁড়ে।  
কারো বা স্বামীর জোটে না খাদ্য,  
কারো বা বেটার মামীর শ্রাম্ধ।  
মিছে কথা ঝুড়ি ভরিয়া আনে,  
নিয়ে যায় ঝুড়ি ভরিয়া দানে।  
নিতে চায় নিক, কত যে নিচ্ছে,  
চোখে ধুলো দেবে, সেটা কি ইচ্ছে:

- কল্যাণী । কেন তুই মিছে মরিস বকে ?  
 ধুলো দেয়, ধুলো লাগে না চোখে ।  
 বন্ধি আমি সব—এটাও জানি  
 তারা যে গরিব, আমি যে রানী ।  
 ফাঁকি দিয়ে তারা ঘোচায় অভাব,  
 আমি দিই—সেটা আমার স্বভাব ।  
 তাদের সুখ সে তারাই জানে,  
 আমার সুখ সে আমার প্রাণে ।
- ক্ষীরো । নুন খেয়ে গৃধ গাহিত কভু,  
 দিয়ে-থুয়ে সুখ হইত তবু ।  
 সামনে প্রণাম পদারবিন্দে,  
 আড়ালে তোমার করে যে নিন্দে ।
- কল্যাণী । সামনে যা পাই তাই যথেষ্ট,  
 আড়ালে কী ঘটে জানেন কেউ ?  
 সে বাই হোক গে, শূন্যই তোরে  
 কাল বৈকালে বল্ তো মোরে  
 অতিথিসেবায় অনেকগুলি  
 কম পড়েছিল চন্দ্রপদূলি—  
 কেন বা ছিল না রস্করা ?
- ক্ষীরো । কেন কর মিছে রস্করা,  
 দিদিঠাকরুন । আপন হাতে  
 গুনে দিয়েছিলনু সবার পাতে ।  
 দুটো দুটো করে ।
- কল্যাণী । আপন চোখে  
 দেখেছি পায় নি সকল লোকে,  
 খালি পাত— .
- ক্ষীরো । ওমা, তাই তো বলি,  
 কোথায় তলিয়ে যায় যে চলি  
 যত সান্নিধ্য দিই আনিয়ে ।  
 ভোলা ময়রার শয়তানি এ ।
- কল্যাণী । এক বাটি করে দুধ বরাদ্দ,  
 আধ বাটি তাও পাওয়া অসাধ্য ।
- ক্ষীরো । গরলা তো নন যুধিষ্ঠির ।  
 যত বিষ তব কুদৃষ্টির  
 পড়েছে আমারি পোড়া অদৃষ্টে,  
 যত কাঁটা সব আমারি পৃষ্ঠে,  
 হায় হায়—
- কল্যাণী । ঢের হয়েছে, আর না,  
 রেখে দাও তব মিথ্যে কাম্বা ।
- ক্ষীরো । সত্যি কাম্বা কাঁদেন যাঁরা  
 ওই আসছেন ঝর্ণটিয়ে পাড়া ।

## প্রতিবেশিনীগণের প্রবেশ

- প্রতিবেশিনীগণ। জয় জয় রানী, হও চিরজয়ী।  
কল্যাণী তুমি কল্যাণময়ী।
- ক্ষীরো। ওগো রানীদিদি, শোন্ ওই শোন্,  
পাতে যদি কিছ্ হত অকুলোন  
এত গলা ছেড়ে এত খুলে প্রাণ  
উঠিত কি তবে জয় জয় তান :  
যদি দু-চারটে চন্দ্রপদূলি  
দৈবগতিকে দিতে না ভুলি  
তা হলে কি আর রক্ষ থাকত  
হজম করতে বাপকে ডাকত।
- কল্যাণী। আজ তো খাবার হয় নি কষ্ট ?  
প্রথমা। কত পাতে পড়ে হয়েছে নষ্ট-  
লক্ষ্মীর ঘরে খাবার হুটি ?
- কল্যাণী। হাঁ গো, কে তোমার সঙ্গে উটি ?  
আগে তো দেখি নি।
- দ্বিতীয়া। আমার মধু,  
তারি উটি হয় নতুন বধু—  
এনোঁছ দেখাতে তোমার চরণে  
মা জননী।
- ক্ষীরো। সেটা বুঝেছি ধরনে।
- দ্বিতীয়া। (বধুর প্রতি) প্রণাম করিবে এসো হৃদিকে।  
এই যে তোমার রানীদিদিকে।
- কল্যাণী। এসো কাছে এসো, লজ্জা কাদের ?  
(আংটি পরাইয়া) আহা, মৃথখানি দিবি। ছাঁদের  
চেয়ে দেখ্ ক্ষীরি।
- ক্ষীরো। মৃথটি তো বেশ,  
তা চেয়ে তোমার আংটি সরেশ।
- দ্বিতীয়া। শৃধু রূপ নিয়ে কী হবে অঙ্গে,  
সোনাদানা কিছ্ আনে নি সঙ্গে।
- ক্ষীরো। যাহা এনোঁছিল সবি সিন্দূকে  
রেখেছ যতনে, বলে সিন্দূকে।
- কল্যাণী। এসো ঘরে এসো।
- ক্ষীরো। যাও গো ঘরে,  
সোনা পাবে শৃধু বাণীর দরে।

[ কল্যাণী ও বধুসহ দ্বিতীয়ার প্রস্থান ]

- প্রথমা। দোঁখিল মাগীর কাণ্ড একি।  
ক্ষীরো। কারে বাদ দিয়ে কারে বা দোঁখি।  
তৃতীয়া। তা বলে এতটা সহ্য হয় না।  
ক্ষীরো। অন্যের বউ পরলে গয়না  
অন্যের তাতে জ্বলে যে অংগ।

- তৃতীয়া । মাসি, জান তুমি কতই রঙ্গ।  
এত ঠাট্টাও আছে তোর পেটে,  
হাসতে হাসতে নাড়ী যায় ফেটে।
- প্রথমা । কিন্তু যা বল, আমাদের মাতা  
নাই তাঁর মতো এত বড়ো দাতা।
- ক্ষীরো । অর্থাৎ কিনা এত বড়ো হাবা  
জন্ম দেয় নি আর কারো বাবা।
- তৃতীয়া । সে কথা মিথ্যে নয় নিতান্ত।  
দেখ-না সেদিন কুশী ও খান্ত  
কী ঠকান্টাই ঠকালে মা গো!  
আহা মাসি, তুমি সাথে কি রাগ’।  
আমাদেরি গায়ে হয় অসহ্য।
- চতুর্থী । বড়ো মহারাজ যে ঐশ্বর্য  
রেখে গেছে সে কি এমনি ভাবে  
পাঁচ ভুতে শৃঙ্খল ঠিকিয়ে থাকে।
- প্রথমা । দেখলি তো ভাই, কানা আন্দ  
কত টাকা পেলে।
- তৃতীয়া । বড়ি ঠানদি  
জুড়ে দিলে তার কামা অস্ত,  
নিয়ে গেল কত শীতের বস্ত।
- চতুর্থী । বড়ি মাগী তার শীত কি এতই?  
কাঁথা হলে চলে, নিয়ে গেল লুই।  
আছে সেটা শেষে চোরের ভাগ্যে—  
এ যে বাড়াবাড়ি।
- প্রথমা । সে কথা যাগ্গে।
- চতুর্থী । না না, তাই বলি হও-নাকো দাতা -  
তা বলে থাকে কি বৃদ্ধির মাথা?  
যত রাজ্যের দৃংখী কাঙাল  
যত উড়ে মেড়ে খোটা বাঙাল  
কানা খোঁড়া নুলো যে আসে মরতে  
বাচ-বিচার কি হবে না করতে?
- তৃতীয়া । দেখ-না ভাই, সে গোপালের মাকে  
দু টাকা দিলেই খেয়ে প’রে থাকে,  
পাঁচ টাকা তার মাসে বরাদ্দ—  
এ যে মিছিমিছি টাকার শ্রাদ্ধ।
- চতুর্থী । আসল কথা কি, ভালো নয় থাকা  
মেয়েমানুষের এতগুলো টাকা।
- তৃতীয়া । কত লোকে কত করে যে রটনা—
- প্রথমা । সেগুলো তো সব মিথ্যে ঘটনা।
- চতুর্থী । সত্যি মিথ্যে দেবতা জানে—  
রটেছে তো কথা পাঁচের কানে,  
সেটা যে ভালো না।

প্রথমা । যা বলিস ভাই,

এমন মানদুশ ভূভারতে নাই।  
ছোটো-বড়ো-বোধ নাইকো মনে,  
মিষ্টি কথাটি সবার সনে।

ক্ষীরো । টাকা যদি পাই বাক্স ভরে,  
আমার গলাও গলাবে তোরে।  
'বাপু' বললেই মিলবে স্বর্গ,  
'বাছা' বললেই বলবি 'ধর' গো'।  
মনে ঠিক জেনো আসল মিষ্টি—  
কথার সঙ্গে রূপোর বৃষ্টি।

চতুর্থী । তাও বলি বাপু, এটা কিছুর বেশি,  
সবার সঙ্গে এত মেশামেশি।  
বড়োলোক তুমি ভাগিগমন্ত,  
সেইমত চাই ঢাল চলন তো?

তৃতীয়া । দেখলি দেদিন শশীর বাঁ গালে  
আপনার হাতে ওষুধ লাগালে!

চতুর্থী । বিধু খোঁড়া সেটা নেহাত বাদর,  
তারে কেন এত যত্ন আদর?

তৃতীয়া । এত লোক আছে, কেদারের মাকে  
কেন বলো দেখি দিনরাত ডাকে।  
গয়লাপাড়ার কেণ্টদাসী  
তারি সাথে কত গল্প হাসি,  
যেন সে কতই বন্ধু পুরোনো।

চতুর্থী । ওগুলো লোকের আদর কুড়োনো।

ক্ষীরো । এ সংসারের ওই তো প্রথা,  
দেওয়া নেওয়া ছাড়া নেইকো কথা।  
ভাত তুলে দেন মোদের মুখে,  
নাম তুলে নেন পরম সুখে।  
ভাত মুখে দিলে তখনি ফুরোয়,  
নাম চিরদিন কর্ণ জুড়োয়।

চতুর্থী । ওই বউ নিয়ে ফিরে এল নেকী।

বধুসহ দ্বিতীয়ার প্রবেশ

প্রথমা । কী পেলি লো বিধু, দেখি দেখি দেখি।

দ্বিতীয়া । শুধু একজোড়া রতনচক্র।

তৃতীয়া । বিধি আজ তোরে বড়োই বক্র।  
এত ঘট করে নিয়ে গেল ডেকে,  
ভেবেছিলাম দেবে গয়না গা ডেকে।

চতুর্থী । মেয়ের বিয়েতে পেয়ারী বুড়ি  
পেরোঁছিল হার, তা ছাড়া চুড়ি।

দ্বিতীয়া । আমি যে গরিব নই যথেষ্ট,  
গরিবিয়ানায় সে মাগী শ্রেষ্ঠ।

- অদৃষ্টে যার নৈইকো গয়না  
গরিব হয়ে সে গরিব হয় না।
- চতুর্থী। বড়োমানুষের বিচার তো নৈই।  
কারেও বা তাঁর ধরে না মনেই,  
কেউ বা তাঁহার মাথার ঠাকুর।
- প্রথমা। টাকাটা সিকেটা কুমড়ো কাঁকুড়  
যা পাই সে ভালো, কে দেয় তাই বা।
- শ্বিতীয়া। অবিচারে দান দিলেন নাই বা।  
মাথা বাঁধা রেখে পায়ের নীচে  
ভরি কত সোনা পেলেম মিছে।
- ক্ষীরো। মা লক্ষ্মী যদি হতেন সদয়  
দেখিয়ে দিতেম দান কারে কয়।
- শ্বিতীয়া। আহা তাই হোক, লক্ষ্মীর বরে  
তোর ঘরে যেন টাকা নাহি ধরে।
- প্রথমা। ওলো থাম্ তোরা, রাখ্ বকুনি—  
রানীর পায়ের শব্দ শুনিনি।
- চতুর্থী। (উচ্চৈঃস্বরে) আহা জননীর অসীম দয়া,  
ভগবতী যেন কমলালয়া।
- শ্বিতীয়া। হেন নারী আর হয় নি সৃষ্টি,  
সবা-পরে তাঁর সমান দৃষ্টি।
- তৃতীয়া। আহা মরি, তাঁরি হস্তে আসি  
সার্থক হল অর্থরাশি।

#### কল্যাণীর প্রবেশ

- কল্যাণী। রাত্ হল, তবু কিসের কর্মিটি ?  
ক্ষীরো। সবাই তোমারি ঘরের জমিটি  
নিড়োতেছিলেন, চষতেছিলেন,  
মই দিয়ে কষে ঘষতেছিলেন,  
আমি মাঝে মাঝে বীজ ছিটিয়ে  
বুনেছি ফসল আশ মিটিয়ে।
- কল্যাণী। রাত্ হল, আজ যাও সবে ঘরে।  
এই কণিট কথা রেখো মনে করে  
আশার অন্ত নাইকো বটে,  
আর সকলেরি অন্ত ঘটে।  
সবার মনের মতন ভিক্ষে  
দিতে যদি হত, কল্পবৃক্ষে  
ঘুণ ধরে যেত, আমি তো তুচ্ছ।  
নিন্দে করলে যাব না মূঢ়ো,  
তবু এ কথাটা ভেবে দেখো দিখি—  
ভালো কথা বলা শক্ত বেশি কি ?

- চতুর্থী। কী বলছিলেন ছিল সেই খোঁজে।

ক্ষীরো । না গো না, তা নয়, এটুকু সে বোঝে—  
 সামনে তোমরা সেটুকু বাড়ালে  
 সেটুকু কমিয়ে আনবে আড়ালে ।  
 উপকার যেন মধুর পাত্র,  
 হজম করতে জ্বলে যে গাত্র,  
 তাই সাথে চাই ঝালের চাটনি  
 নিন্দে বান্দা কান্না কাটনি ।  
 যার খেয়ে মশা ওঠেন ফুলে  
 জ্বালান তারেই গোপন হুলে ।  
 দেবতারে নিয়ে বানাবে দাতি  
 কলিকাল তবে হবে তো সতি ।  
 চতুর্থী । মিথ্যে না ভাই । সামলে চলিস ।  
 যাই মূখে আসে তাই যে বলিস ।  
 পালন যে করে সে হল মা-বাপ,  
 তাহারি নিন্দে, সে যে মহাপাপ ।  
 এমন লক্ষ্মী এমন সতী  
 কোথা আছে হেন পদ্যবতী ।  
 যেমন ধনের কপাল মস্ত  
 তেমনি দানের দরাজ হস্ত,  
 যেমন রূপসী তেমনি সাধবী,  
 ঋত ধরে তাঁর কাহার সাধী ।  
 দিস নেকো দোষ তাঁহার নামে ।  
 তৃতীয়া । তুমি থামলে যে অনেক থামে ।  
 দ্বিতীয়া । আহা, কোথা হতে এলেন গুরুদ ।  
 হিতকথা আর কোরো না শূরদ ।  
 হঠাৎ ধর্মকথার পাঠটা  
 তোমার মূখে যে শোনায় ঠাট্টা ।  
 ক্ষীরো । ধর্মও রাখো, ঝগড়াও থাক,  
 গলা ছেড়ে আর বাজিয়ে না ঢাক ।  
 পেট ভরে খেলে, করলে নিন্দে,  
 বাড়ি ফিরে গিয়ে ভজো গোবিন্দে ।

[ প্রতিবেশিনীগণের প্রস্থান ]

ওরে বিনি, ওরে কিনি, ওরে কাশী!

বিনি কিনি কাশীর প্রবেশ

কাশী । কেন দিদি ।

কিনি । কেন খুঁড়ি ।

বিনি । কেন মাসি ।

ক্ষীরো । ওরে, খাবি আয় ।

বিনি । কিছদ নেই খিখে ।

ক্ষীরো । খেয়ে নিতে হয় পেলেই সদ্বিধে ।

- কিনি। রসকরা খেয়ে পেট বড়ো ভার।  
 ক্ষীরো। বেশি কিছু নয়, শুধু গোটা চার  
 ভোলা ময়রার চন্দ্রপদ্মলি  
 দেখ্ দেখি ওই ঢাকনা খুলি—  
 তাই মুখে দিয়ে, দু-বাটিখানিক  
 দুধ খেয়ে শোও লক্ষ্মী মানিক।
- কাশী। কত খাব দিদি সমস্ত দিন।  
 ক্ষীরো। খাবার তো নয় খিদের অধীন।  
 পেটের জ্বালায় কত লোকে ছোটে,  
 খাবার কি তার মুখে এসে জোটে?  
 দুঃখী গরিব কাঙাল ফতুর  
 চাষাভুষো মূটে অনাথ অতুর  
 কারো তো খিদের অভাব হয় না,  
 চন্দ্রপদ্মলিটা সবার রয় না।  
 মনে রেখে দিস যেটার যা দর—  
 খাবার চাইতে খিদের আদর!  
 হাঁ রে বিনি, তোর চিরুনি রূপোর  
 দেখাছি নে কেন খোঁপার উপর?
- বিনি। সেটা ও পাড়ার খেতুর মেয়ে  
 কেঁদেকেটে কাল নিয়েছে চেয়ে।
- ক্ষীরো। ওই রে, হয়েছে মাথাটি খাওয়া।  
 তোমারও লেগেছে দাতার হাওয়া।
- বিনি। আহা, কিছু তার নেই যে মাসি।
- ক্ষীরো। তোমারি কি এত টাকার রাশি?  
 গরিব লোকের দয়ামায়া রোগ  
 সেটা যে একটা ভারি দুর্যোগ।  
 না না, যাও তুমি মায়ের বাড়িতে,  
 হেথাকার হাওয়া সবে না নাড়ীতে।  
 রানী যত দেয় ফরোয় না, তাই  
 দান করে তার কোনো ক্ষতি নাই।  
 তুই যেটা দিলি রইল না তোর  
 এতেও মনটা হয় না কাতর?  
 ওরে বোকা মেয়ে, আমি আরো তোরে  
 আনিয়ে নিলেম এই মনে করে  
 কী করে কুড়োতে হইবে ভিক্ষে  
 মোর কাছে তাই করবি শিক্ষে।  
 কে জানত তুই পেট না ভরতে  
 উল্টো বিদ্যে শিখবি মরতে?  
 —দুধ যে রইল বাটির তলায়  
 ওইটুকু বদ্বি গলে না গলায়?  
 আমি মরে গেলে যত মনে আশ  
 কোরো দান ধ্যান আর উপবাস।



যতদিন আমি রয়েছি বর্তে  
দেব না করতে আস্বহত্যে।  
খাওয়া দাওয়া হল, এখন তবে  
রাত হল ঢের, শোও গে সবে।

[কিনি বিনি কাশীর প্রস্থান]

কল্যাণীর প্রবেশ

ওগো দিদি, আমি বাঁচি নে তো আর।

কল্যাণী। সেটা বিশ্বাস হয় না আমার।

তবু কী হয়েছে শুনি ব্যাপারটা।

ক্ষীরো। মাইরি দিদি, এ নয়কো ঠাট্টা।

দেশ থেকে চিঠি পেয়েছি আমার  
বাঁচে কি না-বাঁচে খুঁড়িটি আমার—

শক্ত অসুখ হয়েছে এবার,

টাকাকড়ি নেই ওষুধ দেবার।

কল্যাণী। এখনো বছর হয় নি গত,

খুঁড়ির প্রাণ্ধে নিলি যে কত।

ক্ষীরো। হাঁ হাঁ বটে বটে মরেছে বেটি,

খুঁড়ি গেছে তবু আছে তো জেঁঠি।

আহা রানীদিদি ধন্য তোরে

এত রেখেছিস স্মরণ করে।

এমন বৃদ্ধি আর কি আছে?

এড়ায় না কিছুর তোমার কাছে।

ফাঁকি দিয়ে খুঁড়ি বাঁচবে আবার

সাধ্য কি আছে সে তাঁর বাবার?

কিন্তু কখনো আমার সে জেঁঠি

মরে নি পূর্বে মনে রেখো সেটি।

কল্যাণী। মরেও নি বটে, জন্মে নি কভু।

ক্ষীরো। এমন বৃদ্ধি দিদি তোর, তবু

সে বৃদ্ধিখানি কেবলি খেলায়

অনুগত এই আমারি বেলায়?

কল্যাণী। চেয়ে নিতে তোর মুখে ফোটে কাঁটা!

না বললে নয় মিথ্যে কথাটা?

ধরা পড় তবু হও না জব্দ?

ক্ষীরো। 'দাও দাও' ও তো একটা শব্দ,

ওটা কি নিত্য শোনায় মিষ্টি?

মাঝে মাঝে তাই নতুন সৃষ্টি

করতেই হয় খুঁড়ি-জেঁঠিয়ার।

জান তো সকলি তবে কেন আর

লজ্জা দেওয়া?

কল্যাণী। অমনি চেয়ে কি

পাস নি কখনো তাই বল দেখি?

ক্ষীরো। মরা পাখিরেওঁ শিকার করে  
তবে তো বিড়াল মদুখেতে পোরে।  
সহজেই পাই, তবু দিয়ে ফাঁকি  
স্বভাবটাকে যে শান দিয়ে রাখি।  
বিনা প্রয়োজনে খাটাও যাকে  
প্রয়োজনকালে ঠিক সে থাকে।  
সত্যি বলছি মিথ্যে কথায়  
তোমারো কাছেতে ফল পাওয়া যায়।

কল্যাণী। এবার পাবে না।

ক্ষীরো। আচ্ছা, বেশ তো,  
সেজন্যে আমি নইকো ব্যস্ত।  
আজ না হয় তো কাল তো হবে,  
ততখন মোর সবুদর হবে।  
গা ছুঁয়ে কিন্তু বলছি তোমার  
খুঁড়িটার কথা তুলব না আর।

[ কল্যাণীর হাসিয়া প্রস্থান ]

হরি বলো মন। পরের কাছে  
আদায় করার সুখও আছে,  
দুঃখও ঢের। হে মা লক্ষ্মীটি,  
তোমার বাহন পেঁচা পক্ষীটি  
এত ভালোবাসে এ বাড়ির হাওয়া,  
এত কাছাকাছি করে আসা-যাওয়া,  
ভুলে কেনোদিন আমার পানে  
তোমারে যদি সে বহিয়া আনে  
মাথায় তাহার পরাই সিঁদুর,  
জলপান দিই আশিষ্টা ইঁদুর,  
খেয়ে দেয়ে শেষে পেটের ভারে  
পড়ে থাকে বেটা আমার দ্বারে—  
সোনা দিয়ে ডানা বাঁধাই, তবে  
ওড়বার পথ বন্ধ হবে।

লক্ষ্মীর আবির্ভাব

কে আবার রাতে এসেছ জন্মলাতে,  
দেশ ছেড়ে শেষে হবে কি পালাতে।  
আর তো পারি নে।

লক্ষ্মী। পালাব তবে কি?  
যেতে হবে দূরে।

ক্ষীরো। রোসো রোসো দেখি।  
কী পরেছ ওটা মাথার ওপর,  
দেখাচ্ছে যেন হীরের টোপর।  
হাতে কী রয়েছে সোনার বাস্কে  
দেখতে পারি কি? আচ্ছা, থাক্ সে।

এত হীরে সোনা কারো তো হয় না—  
 ওগুলো তো নয় গিল্টি গয়না?  
 এগুন্নি তো সব সাঁচা পাথর?  
 গায়ে কী মেখেছ, কিসের আতর?  
 ভুর্ ভুর্ করে পশ্মগম্ধ—  
 মনে কত কথা হতেছে সন্ধ।  
 বোসো বাছা, কেন এলে এত রাতে?  
 আমারে তো কেউ আস নি ঠকাতে?  
 যদি এসে থাক' ক্ষীরিকে তা হলে  
 চিনতে পার নি সেটা রাখি বলে।  
 নাম কী তোমার বলো দেখি খাঁটি।  
 মাথা খাও, বোলো সত্য কথাটি।

লক্ষ্মী। একটা তো নয়, অনেক যে নাম।  
 ক্ষীরো। হাঁ হাঁ থাকে বটে স্বনাম বেনাম  
 ব্যাবসা যাদের ছলনা করা।  
 কখনো কোথাও পড় নি ধরা?  
 লক্ষ্মী। ধরা পড়ি বটে দুই দশ দিন,  
 বাঁধন কাটিয়ে আবার স্বাধীন।  
 ক্ষীরো। হেঁয়ালিটা ছেড়ে কথা কও সিধে—  
 অমন করলে হবে না সর্দাবে।  
 নামটি তোমার বলো অকপটে।  
 লক্ষ্মী। লক্ষ্মী।  
 ক্ষীরো। তেমনি চেহারাও বটে।  
 লক্ষ্মী তো আছে অনেকগুন্নি,  
 তুমি কোথাকার বলো তো খুন্নি।  
 লক্ষ্মী। সত্যি লক্ষ্মী একের অধিক  
 নাই তিভুবনে।  
 ক্ষীরো। ঠিক ঠিক ঠিক।

তাই বলো মা গো, তুমিই কি তিনি?  
 আলাপ তো নেই, চিনতে পারি নি।  
 চিনতেম যদি চরণ-জোড়া  
 কপাল হত কি এমন পোড়া?  
 এসো, বোসো, ঘর করোসে আলো।  
 পেঁচা দাদা মোর আছে তো ভালো?  
 এসেছ যখন, তখন মাতঃ  
 তাড়াতাড়ি যেতে পারবে না তো।  
 জোগাড় করছি চরণ-সেবার;  
 সহজ হস্তে পড় নি এবার।  
 সেয়ানা লোকেরে কর না মায়া  
 কেন যে জানি তা বিষ্ণুজায়া।  
 না খেয়ে মরে না বৃন্দ থাকলে,  
 বোকারই বিপদ তুমি না রাখলে।

- লক্ষ্মী। প্রতারণা করে পেটটি ভরাও,  
ধর্মেরে তুমি কিছ্ না ডরাও?
- ক্ষীরো। বৃদ্ধি দেখলে এগোও না গো,  
তোর দয়া নেই কাজেই, মা গো,  
বৃদ্ধিমানেরা পেটের দায়  
লক্ষ্মীমানেরে ঠকিয়ে খায়।
- লক্ষ্মী। সরল বৃদ্ধি আমার প্রিয়,  
বাঁকা বৃদ্ধিরে ধিক্ জানিয়ে।
- ক্ষীরো। ভালো তলোয়ার যেমন বাঁকা  
তেমনি বক্র বৃদ্ধি পাকা।  
ও জিনিস বেশি সরল হলে  
নির্বৃদ্ধি তো তারেই বলে।  
ভালো মা গো, তুমি দয়া করো যদি  
বোকা হয়ে আমি রব নিরবধি।
- লক্ষ্মী। কল্যাণী তোর অমন প্রভু  
তারেও, দস্যু, ঠকাও তবু।
- ক্ষীরো। অদৃষ্টে শেষে এই ছিল মোর—  
যার লাগি চুরি সেই বলে চোর।  
ঠকাতে হয় যে কপাল-দোষে  
তোরে ভালোবাসি বলেই তো সে।  
আর ঠকাব না, আরামে ঘুমিয়ে—  
আমারে ঠকিয়ে যেয়ো না তুমিও।
- লক্ষ্মী। স্বভাব তোমার বড়োই রুদ্ধি।
- ক্ষীরো। তাহার কারণ আমি যে দুঃখী।  
তুমি যদি কর রসের বৃষ্টি  
স্বভাবটা হবে আপনি মিষ্টি।
- লক্ষ্মী। তোরে যদি আমি করি আশ্রয়  
যশ পাব কিনা সন্দেহ হয়।
- ক্ষীরো। যশ না পাও তো কিসের কড়ি?  
তবে তো আমার গলায় দড়ি।  
দশের মদুখেতে দিলেই অন্ন  
দশ মদুখে উঠে ধন্য ধন্য।
- লক্ষ্মী। প্রাণ ধরে দিতে পারবি ভিক্ষে?
- ক্ষীরো। একবার তুমি করো পরীক্ষা।  
পেট ভরে গেলে যা থাকে বাকি  
সেটা দিয়ে দিতে শক্তটা কী।  
দানের গরবে যিনি গরবিনী  
তিনি হ'ন আমি, আমি হই তিনি,  
দেখবে তখন তাহার চালটা,  
আমারি বা কত উল্টো-পালটা।  
দাসী আছি, জানি দাসীর যা রীতি,  
রানী করো, পাব রানীর প্রকৃতি।

তাঁরো যদি হয় মোর অবস্থা  
 স্বেচ্ছা হবে না এমন সম্ভা।  
 তাঁর দয়াটুকু পাবে না অন্য  
 ব্যয় হবে সেটা নিজেরই জন্যে।  
 কথার মধ্যে মিষ্টি অংশ  
 অনেকখানিই হবেক ধ্বংস।  
 দিতে গেলে, কড়ি কড়ু না সরবে,  
 হাতের তেলোয় কামড়ে ধরবে।  
 ভিক্ষে করতে, ধরতে দু পায়  
 নিত্য নতুন উঠবে উপায়।  
 লক্ষ্মী। তথাস্তু, রানী করে দিন দু তাকে,  
 দাসী ছিলি তুই ভুলে যাবে লোকে।  
 কিন্তু সদাই থেকে সাবধান,  
 আমার যেন না হয় অপমান।

### দ্বিতীয় দৃশ্য

রানীবেশে ক্ষীরো ও তাহার পারিষদবর্গ

ক্ষীরো। বিনি!  
 বিনি। কেন মাসি।  
 ক্ষীরো। মাসি কী রে মেয়ে।  
 দেখি নি তো আমি বোকা তোর চেয়ে।  
 কাঙাল ভিখিরি কল্দু মালী চাষী  
 তারাই মাসিরে বলে শূদ্ধ মাসি;  
 রানীর বোনঝি হয়েছে ভাগ্যে,  
 জান না আদব? মালতী!  
 মালতী। আজ্ঞে।  
 ক্ষীরো। রানীর বোনঝি রানীরে কী ডাকে  
 শিখিয়ে দে ওই বোকা মেয়েটাকে।  
 মালতী। ছি ছি, শূদ্ধ মাসি বলে কি রানীকে?  
 রানীমাসি বলে রেখে দিয়ে শিখে।  
 ক্ষীরো। মনে থাকবে তো? কোথা গেল কাশী।  
 কাশী। কেন রানীদিদি।  
 ক্ষীরো। চার-চার দাসী  
 নেই যে সঙ্গে?  
 কাশী। এত লোক মিছে  
 কেন দিনরাত লেগে থাকে পিছে?  
 ক্ষীরো। মালতী!  
 মালতী। আজ্ঞে।

- ক্ষীরো। এই মেয়েটাকে  
শিখিয়ে দে কেন এত দাসী থাকে।
- মালতী। তোমরা তো নও জেলেনী তাঁতিনী,  
তোমরা হও যে রানীর নাতিনী।  
যে নবাববাড়ি এন্দু আমি ত্যোজি  
সেথা বেগমের ছিল পোষা বেজি,  
তাহারি একটা ছোটো বাচ্চার  
পিছনেতে ছিল দাসী চার-চার,  
তা ছাড়া সেপাই।
- ক্ষীরো। শুনলি তো কাশী?  
কাশী। শুনছি।  
ক্ষীরো। তা হলে ডাক্ তোর দাসী।  
কিনি পোড়ামুখী!
- কিনি। কেন রানীখুড়ি?  
ক্ষীরো। হাই তুললেম, দিলি নে যে তুড়ি?  
মালতী!
- মালতী। আঙুর।  
ক্ষীরো। শেখাও কায়দা।  
মালতী। এত বলি তবু হয় না ফায়দা।  
বেগমসাহেব যখন হাঁচেন  
তুড়ি ভুল হলে কেহ না বাঁচেন।  
তখনি শূলেতে চড়িয়ে তারে  
নাকে কাঠি দিয়ে হাঁচিয়ে মারে।
- ক্ষীরো। সোনার বাটায় পান দে তারিণী।  
কোথা গেল মোর চামরধারিণী?
- তারিণী। চলে গেছে ছুড়ি, সে বলে মাইনে  
চেয়ে চেয়ে তবু কিছুতে পাই নে।
- ক্ষীরো। ছোটোলোক বেটি হারামজাদী  
রানীর ঘরে সে হয়েছে বাঁদি,  
তবু মনে তার নেই সন্তোষ—  
মাইনে পায় না বলে দেয় দোষ!  
পিপড়ের পাখা কেবল মরতে।  
মালতী!
- মালতী। আঙুর।  
ক্ষীরো। মাগীরে ধরতে  
পাঠাও আমার ছ-ছয় পেয়াদা,  
না না, যাবে আরো দুজন জেয়াদা।  
কী বল মালতী!
- মালতী। দস্তুর তাই।  
ক্ষীরো। হাতকড়ি দিয়ে বেঁধে আনা চাই।  
তারিণী। ও পাড়ার মতি রানীমাতাজীর  
চরণ দেখতে হয়েছে হাজির।

ক্ষীরো। মালতী!

মালতী। আজ্ঞে।

ক্ষীরো। নবাবের ঘরে

কোন কায়দায় লোকে দেখা করে?

মালতী। কুর্নিশ করে ঢোকে মাথা নুয়ে,  
পিছন হটে যায় মাটি ছুয়ে ছুয়ে।

ক্ষীরো। নিয়ে এসো সাথে, যাও তো মালতী,  
কুর্নিশ করে আসে যেন মতি।

মতিকে লইয়া মালতীর পুনঃপ্রবেশ

মালতী। মাথা নিচু করো। মাটি ছোঁও হাতে,  
লাগাও হাতটা নাকের ডগাতে।

তিন পা এগোও, নিচু করো মাথা।

মতি। আর তো পারি নে, ঘাড় হেল ব্যথা।

মালতী। তিনবার নাকে লাগাও হাতটা।

মতি। টন টন করে পিঠের বাতটা।

মালতী। তিন পা এগোও, তিন বার ফের  
ধুলো তুলে নেও ডগায় নাকের।

মতি। ঘাট হয়েছিল এসেছি এ পথ,  
এর চেয়ে সিধে নাকে দেওয়া খত।

জয় রানীমার, একাদশী আজি।

ক্ষীরো। রানীর জ্যোতিষী শুনিয়েছে পাঁজি।  
কবে একাদশী, কবে কোন্ বার  
লোক আছে মোর তিথি গোনবার।

মতি। টাকাটা সিকেটা যদি কিছু পাই  
জয় জয় বলে বাড়ি চলে যাই।

ক্ষীরো। যদি নাই পাও তবু যেতে হবে,  
কুর্নিশ করে চলে যাও তবে।

মতি। ঘড়া ঘড়া টাকা ঘরে গড়াগড়ি,  
তবু কড়াকড় দিতে কড়াকড়ি!

ক্ষীরো। ঘরের জিনিস ঘরেরই ঘড়ায়  
চিরদিন যেন ঘরেই গড়ায়।  
মালতী!

মালতী। আজ্ঞে।

ক্ষীরো। এবার মাগীয়ে  
কুর্নিশ করে নিয়ে যাও ফিরে।

মতি। চললেম তবে।

মালতী। রোসো, ফিরো নাকো,  
তিনবার মাটি তুলে নাকে মাখো।  
তিন পা কেবল হটে যাও পিছন,  
পোড়ো না উল্টে, মাথা করো নিচু।

মতি। হায়, কোথা এন, ভরল না পেট,

বারে বারে শূদ্ধ মাথা হল হেঁট।  
 আহা, কল্যাণী রানীর ঘরে  
 কর্ণ জুড়োয় মধুর স্বরে—  
 কড়ি যদি দেন অমূল্য তাই—  
 হেথা হীরে মোতি সেও অতি ছাই।  
 ক্ষীরো। সে ছাই পাবার ভরসা কোরো না।  
 মালতী। সাবধানে হঠো, উল্টে পোড়ো না।

[মতি প্রস্থান]

ক্ষীরো। বিনি!  
 বিনি। রানীমাসি!  
 ক্ষীরো। একগাছি চুড়ি  
 হাত থেকে তোর গেছে নাকি চুরি।  
 বিনি। চুরি তো যায় নি।  
 ক্ষীরো। গিয়েছে হারিয়ে?  
 বিনি। হারায় নি।  
 ক্ষীরো। কেউ নিয়েছে ভাঁড়িয়ে?  
 বিনি। না গো রানীমাসি।  
 ক্ষীরো। এটা তো মানিস  
 পাখা নেই তার। একটা জিনিস  
 হয় চুরি যায়, নয় তো হারায়,  
 নয় মারা যায় ঠগের শ্বারায়;  
 তা না হলে থাকে, এ ছাড়া তাহার  
 কী যে হতে পারে জানি নে তো আর।  
 বিনি। দান করেছি সে।  
 ক্ষীরো। দিয়েছিস দানে?  
 ঠকিয়েছে কেউ, তারই হল মানে।  
 কে নিয়েছে বল্।  
 বিনি। মল্লিকা দাসী।  
 এমন গরিব নেই রানীমাসি।  
 ঘরে আছে তার সাত ছেলে মেয়ে,  
 মাস পাঁচ-ছয় মাইনে না পেয়ে  
 খরচপত্র পাঠাতে পারে না—  
 দিনে দিনে তার বেড়ে যায় দেনা,  
 কেঁদে কেঁদে মরে, তাই চুড়িগাছি  
 নুকিয়ে তাহারে দান করিয়াছি।  
 অনেক তো চুড়ি আছে মোর হাতে,  
 একখানা গেলে কী হবে তাহাতে।  
 ক্ষীরো। বোকা মেয়েটার শোনো ব্যাখ্যান।  
 একখানা গেলে গেল একখানা,  
 সে যে একেবারে ভারি নিশ্চয়।  
 কে না জানে যেটা রাখ সেটা রয়,



যেটা দিয়ে ফেল সেটা তো রয় না,  
 এর চেয়ে কথা সহজ হয় না।  
 অল্পস্বল্প যাদের আছে  
 দানে যশ পায় লোকের কাছে;  
 ধনীর দানেতে ফল নাহি ফলে,  
 যত দেও তত পেট বেড়ে চলে—  
 কিছুরে ভরে না লোকের স্বার্থ,  
 ভাবে 'আরো ঢের দিতে যে পারত'।  
 অতএব বাছা, হাবি সাবধান,  
 বেশি আছে বলে করিস নে দান।  
 মালতী!

মালতী। আশ্বে।  
 ক্ষীরো। বোকা মেয়েটি এ,  
 এর দুটো কথা দাও সমঝিয়ে।  
 মালতী। রানীর বোনঝি রানীর অংশ,  
 তফাতে থাকবে উচ্চ বংশ;  
 দান করা-টরা যত হয় বেশি  
 গরিবের সাথে তত ঘেঁষাঘেঁষি।  
 পদুরোনো শাস্ত্রে লিখেছে শোলোক,  
 গরিবের মতো নেই ছোটোলোক।  
 ক্ষীরো। মালতী!  
 মালতী। আশ্বে।  
 ক্ষীরো। মল্লিকাটারে  
 আর তো রাখা না।  
 মালতী। তাড়াব তাহারে।  
 ছেলেমেয়েদের দয়ার চর্চা  
 বেড়ে গেলে, সাথে বাড়বে খরচা।  
 ক্ষীরো। তাড়াবার বেলা হয়ে আনমনা  
 বালাটা-সুন্দর যেন তাড়িয়ে না।—  
 বাহিরের পথে কে বাজায় বাঁশি  
 দেখে আয় মোর ছয়-ছয় দাসী।

তারিণীর প্রস্থান ও পুনঃপ্রবেশ

তারিণী। মধুদত্তর পৌত্রের বিয়ে,  
 ধুম করে তাই চলে পথ দিয়ে।  
 ক্ষীরো। রানীর বাড়ির সামনের পথে  
 বাজিয়ে যাচ্ছে কী নিয়ম-মতে।  
 বাঁশির বাজনা রানী কি সহিবে।  
 মাথা ধরে যদি থাকত দৈবে?  
 যদি ঘুমোতেন, কাঁচা ঘুমে জেগে  
 অসুখ করত যদি রেগেমেগে?  
 মালতী!

- মালতী। আঞ্জে।  
 ক্ষীরো। নবাবের ঘরে  
 এমন কান্ড ঘটলে কী করে।  
 মালতী। যার বিয়ে যায় তারে ধরে আনে,  
 দুই বাঁশওয়ালা তার দুই কানে  
 কেবলি বাজায় দুটো-দুটো বাঁশ;  
 তিন দিন পরে দেয় তারে ফাঁসি।  
 ক্ষীরো। ডেকে দাও কোথা আছে সদাঁর,  
 নিয়ে যাক দশ জুতোবদাঁর,  
 ফি লোকের পিঠে দশ ঘা চাবুক  
 সপাসপ বেগে সজোরে নাবুক।  
 মালতী। ভবু যদি কারো চেতনা না হয়,  
 বন্দুক দিলে হবে নিশ্চয়।  
 প্রথমা। ফাঁসি হল মাপ, বড়ো গেল বেঁচে,  
 জয় জয় বলে বাড়ি যাবে নেচে।  
 শ্বিতীয়া। প্রসন্ন ছিল তাদের গ্রহ,  
 চাবুক ক' ঘা তো অনুগ্রহ।  
 তৃতীয়া। বলিস কী ভাই, ফাঁড়া গেল কেটে—  
 আহা, এত দয়া রানীমার পেটে।  
 ক্ষীরো। থাম্ তোরা, শুনো নিজ গুণগান  
 লজ্জায় রাঙা হয়ে ওঠে কান।  
 বিনি।  
 রানীমাসি!  
 ক্ষীরো। স্থির হয়ে রবি,  
 ছট্‌ফট্‌ করা বড়ো বে-আদবি।  
 মালতী।  
 আঞ্জে।  
 ক্ষীরো। মেয়েরা এখনো  
 শেখে নি আমিঁর দস্তুর কোনো।  
 মালতী। (বিনির প্রতি) রানীর ঘরের ছেলেমেয়েদের  
 ছট্‌ফট্‌ করা ভারি নিন্দের।  
 ইতর লোকেরই ছেলেমেয়েগুলো  
 হেসেখুশে ছুটে করে খেলাধুলো।  
 রাজারানীদের পদ্রকন্যে  
 অধীর হয় না কিছুরই জন্যে।  
 হাত-পা সামলে খাড়া হয়ে থাকো,  
 রানীর সামনে নোড়োচোড়ো নাকো।  
 ক্ষীরো। ফের গোলমাল করছে কাহারো।  
 দরজায় মোর নাই কি পাহারা।  
 তারিণী। প্রজারা এসেছে নালিশ করতে।  
 ক্ষীরো। আর কি জায়গা ছিল না মরতে।  
 মালতী। প্রজার নালিশ শুনবে রাজ্যী

- ছোটোলোকদের এত কি ভাগ্য।
- প্রথমা। তাই যদি হবে তবে অগণ্য  
নোকর চাকর কিসের জন্য।
- দ্বিতীয়া। নিজের রাজ্যে রাখতে দৃষ্টি  
রাজারানীদের হয় নি সৃষ্টি।
- তারিণী। প্রজারা বলছে, কর্মচারী  
পীড়ন তাদের করছে ভাগি।  
নাই মায়া দয়া, নাইকো ধর্ম,  
বেচে নিতে চায় গায়ের চর্ম।  
বলে তারা, 'হায় কী করেছি পাপ,  
এত ছোটো মোরা, এত বড়ো চাপ!'
- ক্ষীরো। সর্বো ছোটো, তবু সে ভোগায়,  
চাপ না পেলে কি তৈল জোগায়।  
টাকা জিনিসটা নয় পাকা ফল,  
টুপ করে খ'সে ভরে না আঁচল,  
ছিঁড়ে, নাড়া দিয়ে, ঠেঙার বাড়িতে  
তবে ও জিনিস হয় যে পাড়িতে।
- তারিণী। সেজন্যে না মা—তোমার খাজনা  
বণ্ডনা করা তাদের কাজ না।  
তারা বলে, যত আমলা তোমার  
মাইনে না পেয়ে হয়েছে গোঁয়ার।  
লুটপাট করে মারছে প্রজা,  
মাইনে পেলেই থাকবে সোজা।
- ক্ষীরো। রানী বঁটি, তবু নইকো বোকা,  
পারবে না দিতে মিথ্যে ধোঁকা।  
করবেই তারা দস্যুবৃত্তি,  
মাইনেটা দেওয়া মিথ্যেমিথ্য।  
প্রজাদের ঘরে ডাকাতি করে,  
তা বলে করবে রানীরও ঘরে?
- তারিণী। তারা বলে রানী কল্যাণী যে  
নিজের রাজ্য দেখেন নিজে।  
নাশিশ শোনে নিজের কানেই,  
প্রজাদের 'পরে জুলুমটা নেই।
- ক্ষীরো। ছোটোমুখে বলে বড়ো কথাগুলো,  
আমার সঙ্গে অন্যের তুলা?  
মালতী!
- মালতী। আজে।
- ক্ষীরো। কী কর্তব্য।
- মালতী। জরিমানা দিক যত অসভ্য  
এক-শো এক-শো।
- ক্ষীরো। গরিব ওরা যে,  
তাই একেবারে এক-শো'র মাঝে

- নব্বই টাকা করে দিন্দু মাপ।  
 প্রথমা। আহা, গরিবের তুমিই মা-বাপ।  
 দ্বিতীয়া। কার মদুখ দেখে উঠেছিল প্রাতে,  
 নব্বই টাকা পেল হাতে হাতে।  
 তৃতীয়া। নব্বই কেন, যদি ভেবে দেখে—  
 আরো ঢের টাকা নিয়ে গেল টাঁকে।  
 হাজার টাকার ন-শো নব্বই  
 চোখের পলকে পেল সবই।  
 চতুর্থী। এক দমে ভাই এত দিয়ে ফেলা  
 অন্য কে পারে, এ তো নয় খেলা।  
 ক্ষীরো। বলিস নে আর মদুখের আগে,  
 নিজগদুগ শূনে শরম লাগে।  
 বিনি!  
 বিনি। রানীমাসি!  
 ক্ষীরো। হঠাৎ কী হল।  
 ফোঁস ফোঁস করে কাঁদিস কেন লো।  
 দিনরাত আমি বকে বকে খুন,  
 শিখলি নে কিছু কায়দা কানুন?  
 মালতী!  
 মালতী। আজ্ঞে।  
 ক্ষীরো। এই মেয়েটাকে  
 শিক্ষা না দিলে মান নাই থাকে।  
 মালতী। রানীর বোনারি জগতে মান্য,  
 বোঝ না এ কঁথা অতি সামান্য।  
 সাধারণ যত ইতর লোকেই  
 স্নেহে হাসে, কাঁদে দুঃখশোকেই।  
 তোমাদেরও যদি তেমনি হবে,  
 বড়োলোক হয়ে হল কী তবে।

একজন দাসীর প্রবেশ

- দাসী। মাইনে না পেলি মিথ্যে চাকরি।  
 বাঁধা দিয়ে এন্দু কানের মাকড়ি।  
 ধার করে খেয়ে পরের গোলামি  
 এমন কখনো শুনিনি তো আমি।  
 মাইনে চুকিয়ে দাও, তা না হলে  
 ছুটি দাও আমি ঘরে যাই চলে।  
 ক্ষীরো। মাইনে চুকোনো নয়কো মন্দ,  
 তবু ছুটিটাই মোর পছন্দ।  
 বড়ো ঝগাট মাইনে বাঁটতে,  
 হিসেব কিতেব হয় যে ঘাঁটতে।  
 ছুটি দেওয়া যায় অতি সস্তর,  
 খুলতে হয় না খাতাপস্তর।

ছ-ছয় পেয়াদা ধরে আসি কেশ,  
নিমেষ ফেলতে কর্ম নিকেশ।  
মালতী!

মালতী। আজ্ঞে।

ক্ষীরো। সাথে যাও ওর,  
ঝেড়ে-ঝুড়ে নিয়ো কাপড়চোপড়—  
ছুটি দেয় যেন দরোয়ান যত  
হিন্দুস্থানি দস্তুরমত।

মালতী। বদ্বোঁছ রানীজি।

ক্ষীরো। আচ্ছা, তা হলে  
কুর্নিশ করে যাক বোঁট চলে।

[ কুর্নিশ করাইয়া দাসীকে বিদায়

দাসী। দুরারে রানীমা দাঁড়িয়ে আছে কে,  
বড়োলোকের ঝি মনে হয় দেখে।  
ক্ষীরো। এসেছে কি হাতি কিংবা রথে?  
দাসী। মনে হল যেন হেঁটে এল পথে।  
ক্ষীরো। কোথা তবে তার বড়োলোকস্ব?  
দাসী। রানীর মতন মদুখটি সত্য।  
ক্ষীরো। মদুখে বড়োলোক লেখা নাহি থাকে,  
গাড়িঘোড়া দেখে চেনা যায় তাকে।

মালতীর প্রবেশ

মালতী। রানী কল্যাণী এসেছেন দ্বারে  
রানীজির সাথে দেখা করিবারে।  
ক্ষীরো। হেঁটে এসেছেন?  
মালতী। শুনছি তাই তো।  
ক্ষীরো। তা হলে হেথায় উপায় নাই তো।  
সমান আসন কে তাহারে দেয়।  
নিচু আসনটা, সেও অন্যায়।  
এ এক বিষম হল সমিস্যে,  
মীমাংসা এর কে করে বিবেচ?  
প্রথমা। মাঝখানে রেখে রানীজির গদি  
তাহার আসন দূরে রাখি যদি?  
দ্বিতীয়া। ঘুরায়ে যদি এ আসনখানি  
পিছন ফিরিয়া বসেন রানী?  
তৃতীয়া। যদি বলা যায় 'ফিরে যাও আজ—  
ভালো নেই বড়ো রানীর মেজাজ'?  
ক্ষীরো। মালতী!  
মালতী। আজ্ঞে।  
ক্ষীরো। কী করি উপায়।  
মালতী। দাঁড়িয়ে দাঁড়িয়ে যদি সারা যায়  
দেখাশোনা, তবে সব গোল মেটে।

ক্ষীরো। এত বৃন্দ্বিও আছে তোর পেটে।  
 সেই ভালো। আগে দাঁড়া সার বাঁধি  
 আমার এক-শো পঁচিশটে বাঁদি।  
 ও হল না ঠিক—পাঁচ পাঁচ করে  
 দাঁড়া ভাগে ভাগে—তোরা আয় সরে—  
 না না, এই দিকে—না না, কাজ নেই,  
 সারি সারি তোরা দাঁড়া সামনেই—  
 না না, তা হলে যে মৃদু যাবে ঢেকে,  
 কোনাকুনি তোরা দাঁড়া দেখি বেকে।  
 আচ্ছা, তা হলে ধরে হাতে হাতে  
 খাড়া থাক্ তোরা একটু তফাতে।  
 শশী, তুই সাজ ছত্রধারিণী,  
 চামরটা নিয়ে দোলাও তারিণী।  
 মালতী!

মালতী। আশ্বে।

ক্ষীরো। এইবার তারে  
 ডেকে নিয়ে আয় মোর দরবারে।

[ মালতীর প্রস্থান ]

কিনি বিনি কাশী স্থির হয়ে থাকো,  
 খবদার কেউ নোড়েচোড়ে নাকো।  
 মোর দুই পাশে দাঁড়াও সকলে  
 দুই ভাগ করি।

কল্যাণী ও মালতীর প্রবেশ

কল্যাণী। আছ তো কুশলে?

ক্ষীরো। আমার চেষ্টা কুশলেই থাকি,  
 পরের চেষ্টা দেবে মোরে ফাঁকি,  
 এইভাবে চলে জগৎ-সুন্দর  
 নিজের সঙ্গে পরের যুগ্ম।

কল্যাণী। ভালো আছ বিনি?

বিনি। ভালোই আছি মা,

ম্লান কেন দেখি সোনার প্রতিমা।

ক্ষীরো। বিনি করিস নে মিছে গোলযোগ,  
 ঘুচল না তোর কথা-কওয়া রোগ?

কল্যাণী। রানী, যদি কিছু না কর মনে,  
 কথা আছে কিছু—কব গোপনে।

ক্ষীরো। আর কোথা যাব, গোপন এই তো—  
 তুমি আমি ছাড়া কেহই নেই তো।  
 এরা সব দাসী, কাজ নেই কিছু—  
 রানীর সঙ্গে ফেরে পিছদ-পিছদ।  
 হেথা হতে যদি করে দিই দূর  
 হবে না তো সেটা ঠিক দস্তুর।

কী বল মালতী।

মালতী। আজ্ঞে, তাই তো,  
দস্তুরমত চলাই চাই তো।  
ক্ষীরো। সোনার বাটাটা কোথায় কে জানে।  
খুঁজে দেখ্ দেখি।  
দাসী। এই-যে এখানে।  
ক্ষীরো। ওটা নয়, সেই মৃস্তো-বসানো  
আরেকটা আছে সেইটেই আনো।

অন্য বাটা আনয়ন

খয়েরের দাগ লেগেছে ডালায়,  
বাঁচি নে তো আর তোদের জ্বালায়।  
তবে নিয়ে আয় চুনীর সে বাটা—  
না না, নিয়ে আয় পাম্মা-দেওয়াটা।  
কল্যাণী। কথাটা আমার নিই তবে বলে।  
পাঠান বাদশা অন্যায় ছলে  
রাজ্য আমার নিয়েছেন কেড়ে—  
ক্ষীরো। বল কী। তা হলে গেছে ফুলবেড়ে,  
গিরিধরপুর, গোপালনগর,  
কানাইগঞ্জ—  
কল্যাণী। সব গেছে মোর।  
ক্ষীরো। হাতে আছে কিছু নগদ টাকা কি।  
কল্যাণী। সব নিয়ে গেছে, কিছু নেই বাকি।  
ক্ষীরো। অদৃষ্টে ছিল এত দুখ তোর!  
গয়না যা ছিল হীরে মৃস্তোর,  
সেই বড়ো বড়ো নীলার কণ্ঠী  
কানবালা-জোড়া বেড়ে গড়নিটি,  
সেই-যে চুনীর পাঁচনিলি হার,  
হীরে-দেওয়া সিঁথি লক্ষ টাকার—  
সেগুলো নিয়েছে বদ্বি লুটেপুটে?  
কল্যাণী। সব নিয়ে গেছে সৈন্যেরা জুটে।  
ক্ষীরো। আহা, তাই বলে, ধনজনমান  
পশ্চপশ্চ জলের সমান।  
দাম্মী তৈজস ছিল যা পুরোনো  
চিহ্নও তার নেই বদ্বি কোনো?  
সেকালের সব জিনিসপত্র  
আসাসোটাগুলো চামরছত্র  
চাঁদোয়া কানাত— গেছে বদ্বি সব?  
শাস্ত্রে যে বলে ধনবৈভব  
তড়িৎ-সমান, মিথ্যে সে নয়।  
এখন তা হলে কোথা থাকা হয়।  
বাড়িটা তো আছে?

- কল্যাণী । . ফৌজের দল  
প্রাসাদ আমার করেছে দখল ।
- ক্ষীরো । ওমা, ঠিক এ যে শোনায় কাহিনী—  
কাল ছিল রানী, আজ ভিখারিনি ।  
শাস্ত্রে তাই তো বলে সব মায়া,  
ধনজন তালবৃক্ষের ছায়া ।  
কী বল মালতী ।
- মালতী । তাই তো বটেই,  
বেশি বাড় হলে পতন ঘটেই ।
- কল্যাণী । কিছু দিন যদি হেথায় তোমার  
আশ্রয় পাই, করি উদ্ধার  
আবার আমার রাজ্যখানি—  
অন্য উপায় নাইকো জানি ।
- ক্ষীরো । আহা, তুমি রবে আমার হেথায়  
এ তো বেশ কথা, সুখেরই কথা এ ।
- প্রথমা । আহা, কত দয়া ।
- শ্বিতীয়া । **মায়ায় শরীর ।**
- তৃতীয়া । আহা, দেবী তুমি, নও পৃথিবীর ।
- চতুর্থী । হেথা ফেরে নাকো অধম পতিত,  
আশ্রয় পায় অনাথ অতিথ ।
- ক্ষীরো । কিন্তু একটা কথা আছে বোন ।  
বড়ো বটে মোর প্রাসাদভবন,  
তেমনি যে ঢের লোকজন বেশি—  
কোনোমতে তারা আছে ঠেসাঠেসি ।  
এখানে তোমার জায়গা হবে না  
সে একটা মহা রয়েছে ভাবনা ।  
তবে কিছু দিন যদি ঘর ছেড়ে  
বাইরে কোথাও থাকি তাঁবু গেড়ে—
- প্রথমা । ওনা, সে কী কথা ।
- শ্বিতীয়া । তা হলে রানীমা,  
রবে না তোমার কণ্ঠের সীমা ।
- তৃতীয়া । যে-সে তাঁবু নয়, তবু সে তাঁবুই,  
ঘর থাকতে কি ভিজবে বাবুই ।
- পদ্মমী । দয়া করে কত নাববে নাবোতে,  
রানী হয়ে কি না থাকবে তাঁবুতে ?
- ষষ্ঠী । তোমার সে দশা দেখলে চক্ষে  
অধীনগণের বাজবে বক্ষে ।
- কল্যাণী । কাজ নেই রানী, সে অসুবিধায়—  
আজকের তরে লইবু বিদায় ।
- ক্ষীরো । যাবে নিতান্ত ? কী করব ভাই ।  
ছুঁচ ফেলবার জায়গাটি নাই ।  
জিনিসপত্র লোক-লস্করে



ঠাসা আছে ঘর—কারে ফস্ করে  
বসতে বলি যে তার জোঁট নেই।  
ভালো কথা, শোনো, বলি গোপনেই,  
গয়নাপত্র কৌশলে রাতে  
দু-দশটা যাহা পেরেছ সরাতে  
মোর কাছে দিলে রবে যতনেই।  
কল্যাণী। কিছই আনি নি, শুধু হেরো এই  
হাতে দুটি চুড়ি, পায়েতে নুপদুর।  
ক্ষীরো। আজ এসো তবে, বেজেছে দুপদুর—  
শরীর ভালো না, তাইতে সকালে  
মাথা ধরে যায় অধিক বকালে।  
মালতী!

মাগতী। আশ্বে।  
ক্ষীরো। জানে না কানাই  
স্নানের সময় বাজবে সানাই?  
মালতী। বেচারে উচিত করব শাসন।

[কল্যাণীর প্রস্থান]

ক্ষীরো। তুলে রাখো মোর রত্ন-আসন—  
আজকের মতো হল দরবার।  
মালতী! আশ্বে।  
ক্ষীরো। নাম করবার  
সুখ তো দেখলি?  
মালতী। হেসে নাহি বাঁচি—  
ব্যাঙ থেকে কেঁচে হলেন ব্যাঙাচি।  
ক্ষীরো। আমি দেখো বাছা, নাম-করাকরি,  
যেখানে সেখানে টাকা-ছড়াছড়ি,  
জড়ো করে দল ইতর লোকের  
জাঁক-জমকের লোক-চমকের  
যত রকমের ভণ্ডামি আছে  
ঘেঁষি নে কখনো ভুলে তার কাছে।  
প্রথমা। রানীর বৃন্দে যেমন সারালো,  
তেমনি ক্ষুরের মতন ধারালো।  
দ্বিতীয়া। অনেক মূর্খে করে দান ধ্যান,  
কার আছে হেন কাণ্ডজ্ঞান।  
তৃতীয়া। রানীর চক্ষে ধুলো দিয়ে যাবে  
হেন লোক হেন ধুলো কোথা পাবে?  
ক্ষীরো। থাম্ থাম্ তোরা, রেখে দে বকুনি,  
লজ্জা করে যে নিজগুণ শুনি।  
মালতী!  
মালতী। আশ্বে।

ক্ষীরো।

ওদের গল্পনা

ছিল যা এমন কাহারো হয় না।  
দু-খানি চুড়িতে ঠেকেছে শেষে,  
দেশে আমি আর বাঁচি নে হেসে।  
তবু মাথা বেন নুইতে চায় না,  
ভিখ নেবে তবু কতই বায়না।  
পথে বের হল পথের ভিখিরি,  
ভুলতে পারে না তবু রানীগিরি।  
নত হয় লোক বিপদে ঠেকলে,  
পিপ্তি জ্বলে যে দেমাক দেখলে।  
আবার কিসের শূনি কোলাহল।

মালতী।

দুয়ারে এসেছে ভিক্ষুকদল—  
আকাল পড়েছে, চালের বস্তা  
মনের মতন হয় নি সস্তা,  
তাইতে চের্চিয়ে খাচ্ছে কানটা।  
বেতটি পড়লে হবেন ঠাণ্ডা।

ক্ষীরো।

রানী কল্যাণী আছেন দাতা।  
মোর দ্বারে কেন হস্ত পাতা।  
বলে দে আমার পাঁড়েজি বেটাকে  
ধরে নিয়ে যাক সকল-কটাকে,  
দাতা কল্যাণী রানীর ঘরে  
সেথায় আসুক ভিক্ষে করে।  
সেখানে যা পাবে এখানে তাহার  
আরো পাঁচ গুণ মিলবে আহার।

প্রথমা।

হা হা হা, কী মজা হবেই না জানি।

শ্রবতীয়া।

হাসিয়ে হাসিয়ে মারলেন রানী।

তৃতীয়া।

আমাদের রানী এঁতও হাসান।

চতুর্থী।

দু চোখ চক্ষু-জলেতে ভাসান।

দাসীর প্রবেশ

দাসী।

ঠাকরুন এক এসেছেন দ্বারে,  
হুকুম পেলেই তাড়াই তাহারে।

ক্ষীরো।

না না, ডেকে দে-না। আজ কী জন্য  
মন আছে মোর বড়ো প্রসন্ন।

ঠাকুরানীর প্রবেশ

ঠাকুরানী।

বিপদে পড়েছি, তাই এনু চলে।

ক্ষীরো।

সে তো জানা কথা। বিপদে না প'লে  
শুধু যে আমার চাঁদমুখখানি  
দেখতে আস নি সেটা বেশ জানি।

ঠাকুরানী।

চুরি হয়ে গেছে ঘরেতে আমার—

ক্ষীরো।

মোর ঘরে বৃদ্ধি শোধ নেবে তার?

- ঠাকুরানী। দয়া করে যদি কিছু করো দান  
এ যাত্রা তবে বেঁচে যায় প্রাণ।
- ক্ষীরো। তোমার যা-কিছু নিয়েছে অন্য  
দয়া চাও তুমি তাহার জন্যে!  
আমার যা তুমি নিয়ে যাবে ঘরে  
তার তরে দয়া আমায় কে করে।
- ঠাকুরানী। ধনসুখ আছে যার ভান্ডারে  
দানসুখে তার সুখ আরো বাড়ে।  
গ্রহণ যে করে তারই হেঁট মৃথ,  
দুঃখের পরে ভিক্ষার দুখ।  
তুমি সক্ষম, আমি নিরুপায়,  
অনায়াসে পার ঠেলিবারে পায়।  
ইচ্ছা না হয় নাই কোরো দান,  
অপমানিতেরে কেন অপমান।  
চলিলাম তবে, বলো দয়া করে  
বাসনা পূরিবে গেলে কার ঘরে।
- ক্ষীরো। রানী কল্যাণী নাম শোন নাই?  
দাতা বলে তাঁর বড়ো যে বড়াই।  
এইবার তুমি যাও তাঁরই ঘরে।  
ভিক্ষার ঝুলি নিয়ে এসো ভরে,  
পথ না জান তো মোর লোকজন  
পেঁছিয়ে দেবে রানীর ভবন।
- ঠাকুরানী। তবে তথাস্তু। যাই তাঁরই কাছে।  
তাঁর ঘর মোর খুব জানা আছে।  
আমি সে লক্ষ্মী, তোর ঘরে এসে  
অপমান পেয়ে ফিরিলাম শেষে।  
এই কথা ক'টি করিয়ো স্মরণ—  
ধনে মানুষের বাড়ে নাকো মন।  
আছে বহু ধনী, আছে বহু মানী—  
সবাই হয় না রানী কল্যাণী।
- ক্ষীরো। যাবে যদি তবে ছেড়ে যাও মোরে  
দস্তুরমত কুর্নিশ করে।  
মালতী! মালতী! কোথায় তারিণী।  
কোথা গেল মোর চামরধারিণী।  
আমার এক-শো পঁচিশটে দাসী?  
তোরা কোথা গেলি বিনি কিনি কাশী।

কল্যাণীর প্রবেশ

- কল্যাণী। পাগল হ'ল কি। হয়েছে কী তোর।  
এখনো যে রাত হয় নিকো ভোর—  
বল্ দেখি কী যে কান্ড করিল।  
ডাকাডাকি করে জাগালি পল্লী?

ক্ষীরো। ওমা, তাই তো গা। কী জানি কেমন  
সারা রাত ধরে দেখেছি স্বপন।  
বড়ো কুস্বপ্ন দিয়েছিল বিধি,  
স্বপনটা ভেঙে বাঁচলেম দিদি।  
একটু দাঁড়াও, পদধূলি লব—  
তুমি রানী, আমি চিরদাসী তব।

২৯ অগ্রহায়ণ ১৩০৪

### কর্ণ-কুন্তী-সংবাদ

কর্ণ। পুণ্য জাহবীর তীরে সন্ধ্যাসবিতার  
বন্দনায় আছি রত। কর্ণ নাম যার  
অধিরথসুতপুত্র, রাধাগর্ভজাত  
সেই আমি—কহো মোরে তুমি কে গো মাতঃ।

কুন্তী। বৎস, তোর জীবনের প্রথম প্রভাতে  
পরিচয় করিয়েছি তোরে বিশ্ব-সাথে,  
সেই আমি, আসিয়াছি ছাড়ি সর্ব লাজ  
তোরে দিতে আপনার পরিচয় আজ।

কর্ণ। দেবী, তব নতনেত্রিকরণসম্পাতে  
চিন্তা বিগলিত মোর, সূর্যকরঘাতে  
শৈলতুষারের মতো। তব কণ্ঠস্বর  
যেন পূর্বজন্ম হতে পশি কর্ণ-পর  
জাগাইছে অপূর্ব বেদনা। কহো মোরে  
জন্ম মোর বাঁধা আছে কী রহস্য-ডোরে  
তোমা সাথে হে অপরিচিতা।

কুন্তী। ধৈর্য ধর  
ওরে বৎস, ক্ষণকাল। দেব দিবাকর  
আগে যাক অস্তাচলে। সন্ধ্যার তিমির  
আসুক নিবিড় হয়ে।—কহি তোরে বীর,  
কুন্তী আমি।

কর্ণ। তুমি কুন্তী! অর্জুনজননী!

কুন্তী। অর্জুনজননী বটে, তাই মনে গণি  
শ্বেষ করিযো না বৎস। আজো মনে পড়ে  
অসুপরীক্ষার দিন হস্তিনানগরে  
তুমি ধীরে প্রবেশিলে তরুণ কুমার  
রংগস্থলে, নক্ষত্রখচিত পূর্বাশার  
প্রান্তদেশে নবোদিত অরুণের মতো।  
যবনিকা-অন্তরালে নারী ছিল যত  
তার মধ্যে বাক্যহীনা কে সে অভাগিনী  
অতৃপ্ত স্নেহক্ষুধার সহস্র নাগিনী

জাগায়ে জর্জ'র বন্ধে—কাহার নয়ন  
 তোমার সর্বাঙ্গে দিল আশিস-চুম্বন।  
 অর্জুনজননী সে যে। যবে কৃপ আসি  
 তোমারে পিতার নাম শূন্যে হারি,  
 কহিলেন, 'রাজকুলে জন্ম নহে যার  
 অর্জুনের সাথে যুদ্ধে নাহি অধিকার'—  
 আরক্ত আনত মুখে না রহিল বাণী,  
 দাঁড়ায়ে রহিলে, সেই লজ্জা-আভাখানি  
 দহিল যাহার বক্ষ অগ্নিসম তেজে  
 কে সে অভাগিনী। অর্জুনজননী সে যে।  
 পুত্র দুর্যোধন ধন্য, তখনি তোমারে  
 অঙ্গরাজ্যে কৈল অভিষেক। ধন্য তারে।  
 মোর দুই নেত্র হতে অশ্রুবারিরাশি  
 উদ্দেশে তোমারি শিরে উচ্ছ্বসিল আসি  
 অভিষেক-সাথে। হেনকালে করি পথ  
 রণমাঝে পশিলেন সূত অধিরথ  
 আনন্দবিহবল। তখনি সে রাজসাজে  
 চারি দিকে কুতূহলী জনতার মাঝে  
 অভিষেকসিঙ শির লুটায় চরণে  
 সূতবৃন্দে প্রণামিলে পিতৃসম্ভাষণে।  
 ক্রুর হাস্যে পাণ্ডবের বন্ধুগণ সবে  
 ধিক্কারিল; সেইক্ষণে পরম গরবে  
 বীর বলি যে তোমারে ওগো বীরমণি,  
 আশিসিল, আমি সেই অর্জুনজননী।  
 কর্ণ। প্রণামি তোমারে আর্যে। রাজমাতা তুমি,  
 কেন হেথা একাকিনী। এ যে রণভূমি,  
 আমি কুরুসেনাপতি।

কুন্তী। পুত্র, ভিক্ষা আছে—  
 বিফল না ফিরি যেন।

কর্ণ। ভিক্ষা, মোর কাছে!  
 আপন পৌরুষ ছাড়া, ধর্ম ছাড়া আর  
 বাহা আশ্রয় কর দিব চরণে তোমার।

কুন্তী। এসেছি তোমারে নিতে।

কর্ণ। কোথা লবে মোরে।

কুন্তী। তৃষিত বন্ধের মাঝে—লব মাতৃকোড়ে।

কর্ণ। পণ্ডপুত্রে ধন্য তুমি, তুমি ভাগ্যবতী,  
 আমি কুলশীলহীন, ক্ষুদ্র নরপতি—  
 মোরে কোথা দিবে স্থান।

কুন্তী। সর্ব-উচ্চভাগে  
 তোমারে বসাব মোর সর্বপুত্র-আগে,  
 জ্যেষ্ঠ পুত্র তুমি।

কর্ণ। কোন্ অধিকার-মদে

প্রবেশ করিব সৈন্য। সাম্রাজ্যসম্পদে  
বর্ণিত হয়েছে যারা মাতৃস্নেহধনে  
তাহাদের পূর্ণ অংশ খণ্ডিত কেমনে  
কহো মোরে। দ্যুতপণে না হয় বিক্রয়,  
বাহুবলে নাহি হারে মাতার হৃদয়—  
সে যে বিধাতার দান।

কুস্তী।

পদ্য মোর, ওরে,  
বিধাতার অধিকার লয়ে এই ক্রোড়ে  
এসেছিল এক দিন—সেই অধিকারে  
আয় ফিরে সগোরবে, আয় নির্বিচারে—  
সকল ভ্রাতার মাঝে মাতৃ-অঙ্কে মম  
লহো আপনার স্থান।

কর্ণ।

শূনি স্বপ্নসম  
হে দেবী, তোমার বাণী। হেরো, অন্ধকার  
ব্যাপিয়াছে দিগ্বিদিকে, লুপ্ত চারি ধার—  
শব্দহীনা ভাগীরথী। গেছ মোরে লয়ে  
কোন মায়াচ্ছন্ন লোকে, বিস্মৃত আলয়ে,  
চেতনাপ্রত্যুষে। পুরাতন সত্যসম  
তব বাণী স্পর্শিতেছে মূর্খচিত্ত মম।  
অস্ফুট শৈশবকাল যেন রে আমার,  
যেন মোর জননীর গর্ভের আঁধার  
আমারে ঘেরিছে আজি। রাজমাতঃ অয়ি,  
সত্য হোক, স্বপ্ন হোক, এসো স্নেহময়ী,  
তোমার দক্ষিণ হস্ত ললাটে চিবুকে  
রাখো ক্ষণকাল। শূনিয়াছি লোকমুখে  
জননীর পরিত্যক্ত আমি। কতবার  
হেরেছি নিশীথস্বপ্নে, জননী আমার  
এসেছেন ধীরে ধীরে দেখিতে আমায়,  
কাঁদিয়া কহেঁছি তাঁরে কাতর ব্যথায়  
'জননী, গুণ্ঠন খোলো দেখি তব মুখ'—  
অর্মানি মিলায় মূর্তি তুষার উৎসুক  
স্বপ্নেই ছিন্ন করি। সেই স্বপ্ন আজি  
এসেছে কি পাণ্ডবজননীরূপে সাজি  
সন্ধ্যাকালে, রণক্ষেত্রে, ভাগীরথীতীরে।  
হেরো দেবী, পরপারে পাণ্ডবশিবিরে  
জ্বলিয়াছে দীপালোক, এ পারে অদূরে  
কৌরবের মন্দুরায় লক্ষ অশ্বখুরে  
খর শব্দ উঠিছে বাজিয়া। কালি প্রাতে  
আরম্ভ হইবে মহারণ। আজ রাতে  
অর্জুনজননীকণ্ঠে কেন শূনিলাম  
আমার মাতার স্নেহস্বর। মোর নাম  
তাঁর মূখে কেন হেন মধুর সংগীতে

- উঠিল বাজিয়া—চিত্র মোর আর্চস্বিতে  
পঞ্চপাণ্ডবের পানে ‘ভাই’ ব’লে ধায়।
- কুন্তী। তবে চলে আয় বৎস, তবে চলে আয়।  
কর্ণ। যাব মাতঃ, চলে যাব, কিছু শূদ্রাব না—  
না করি সংশয় কিছু না করি ভাবনা।  
দেবী, তুমি মোর মাতা! তোমার আহ্বানে  
অন্তরাত্মা জাগিয়াছে—নাহি বাজে কানে  
যদুন্ধভেরী, জয়শঙ্খ—মিথ্যা মনে হয়  
রণহিংসা, বীরখ্যাতি, জয়পরাজয়।  
কোথা যাব, লয়ে চলো।
- কুন্তী। ওই পরপারে  
যেথা জ্বলিতেছে দীপ স্তব্ধ স্ফুটাবারে  
পাণ্ডুর বালকাতটে।
- কর্ণ। হোথা মাতৃহারা  
মা পাইবে চিরদিন! হোথা ধ্রুবতারা  
চিররাত্রি রবে জাগি সুন্দর উদার  
তোমার নয়নে! দেবী, কহো আরবার  
আমি পুত্র তব।
- কুন্তী। পুত্র মোর!  
কর্ণ। কেন তবে  
আমারে ফেলিয়া দিলে দূরে অগৌরবে  
কুলশীলমানহীন মাতৃনেত্রহীন  
অন্ধ এ অজ্ঞাত বিশ্বে। কেন চিরদিন  
ভাসাইয়া দিলে মোরে অবজ্ঞার স্রোতে,  
কেন দিলে নির্বাসন দ্রাতৃকুল হতে।  
রাখিলে বিচ্ছিন্ন করি অর্জুনে আমারে—  
তাই শিশুকাল হতে টানিছে দৌহারে  
নিগূঢ় অদৃশ্য পাশ হিংসার আকারে  
দুর্নিবার আকর্ষণে। মাতঃ, নিরদ্বন্দ্ব?  
লজ্জা তব ভেদ করি অন্ধকার স্তর  
পরশ করিছে মোরে সর্বাপেক্ষা নীরবে—  
মৃদুয়া দিতেছে চক্ষু। থাক্ থাক্ তবে—  
কহিয়ো না, কেন তুমি তাজিলে আমারে।  
বিধির প্রথম দান এ বিশ্বসংসারে  
মাতৃস্নেহ, কেন সেই দেবতার ধন  
আপন সন্তান হতে করিলে হরণ  
সে কথার দিয়ো না উত্তর। কহো মোরে,  
আজি কেন ফিরাইতে আসিয়াছ ক্রোড়ে।
- কুন্তী। হে বৎস, ভৎসনা তোর শতবজ্রসম  
বিদীর্ণ করিয়া দিক এ হৃদয় মম  
শত খণ্ড করি। ত্যাগ করেছিন্দু তোরে  
সেই অভিশাপে পঞ্চপুত্র বক্ষে করে

তবু মোর চিত্ত পুত্রহীন— তবু হাস,  
 তোরই লাগি বিশ্বমাঝে বাহু মোর ধায়,  
 খুঁজিয়া বেড়ায় তোরে। বঞ্চিত যে ছেলে  
 তারই তরে চিস্তা মোর দীপ্ত দীপ জেদলে  
 আপনারে দগ্ধ করি করিছে আরতি  
 বিশ্বদেবতার। আমি আজি ভাগ্যবতী,  
 পেয়েছি তোমার দেখা। যবে মনে তোর  
 একটি ফুটে নি বাণী তখন কঠোর  
 অপরাধ করিয়াছি— বৎস, সেই মনে  
 ক্ষমা কর্ কুমাতায়। সেই ক্ষমা, বৃকে  
 ভৎসনার চেয়ে তেজে জ্বলদুক অনল,  
 পাপ দগ্ধ ক'রে মোরে করুক নির্মল।  
 কণ্ঠ। মাতঃ, দেহো পদধূলি, দেহো পদধূলি,  
 লহো অশ্রু মোর।

কুন্তী। তোরে লব বক্ষে তুলি  
 সে সুখ-আশায় পুত্র আসি নাই দ্বারে।  
 ফিরাতে এসেছি তোরে নিজ অধিকারে।  
 সূতপুত্র নহ তুমি, রাজার সন্তান—  
 দূর করি দিয়া, বৎস, সর্ব অপমান—  
 এসো চলি যেথা আছে তব পশু ভ্রাতা।  
 কণ্ঠ। মাতঃ, সূতপুত্র আমি, রাধা মোর মাতা,  
 তার চেয়ে নাহি মোর অধিক গৌরব।  
 পাণ্ডব পাণ্ডব থাক্, কোরব কোরব --  
 ঈর্ষা নাহি করি কারে।

কুন্তী। রাজ্য আপনার  
 বাহুবলে করি লহো, হে বৎস, উদ্ধার।  
 দ্বালাবেন ধবল বজিন যুধিষ্ঠির,  
 ভীম ধরিবেন ছত্র, ধনঞ্জয় বীর  
 সারথি হবেন রথে, ধৌম্য পুরোহিত  
 গাহিবেন বেদমন্ত্র— তুমি শত্রুজিৎ  
 অখণ্ড প্রতাপে রবে বান্ধবের সনে  
 নিঃসপত্ত রাজ্যমাঝে রত্নসিংহাসনে।  
 কণ্ঠ। সিংহাসন! যে ফিরালো মাতৃস্নেহপাশ—  
 তাহারে দিতেছ মাতঃ, রাজ্যের আশ্রয়।  
 একদিন যে সম্পদে করেছ বঞ্চিত  
 সে আর ফিরায়ে দেওয়া তব সাধ্যাতীত।  
 মাতা মোর, ভ্রাতা মোর, মোর রাজকুল  
 এক মনুষ্যত্বই, মাতঃ, করেছ নির্মল  
 মোর জন্মক্ষেপে। সূতজননীয়ে ছিল  
 আজ যদি রাজজননীয়ে মাতা বলি,  
 কুরুপতি কাছে বন্দ আছি যে বন্দনে



ছিন্ন ক'রে ধাই যদি রাজসিংহাসনে,  
তবে থিক্ মোরে।

কুলতী।

বীর তুমি, পদ্র মোর,  
ধন্য তুমি। হায় ধর্ম, এ কী স্দুকঠোর  
দণ্ড তব। সেইদিন কে জানিত হায়,  
তাজিলাম যে শিশুরে ক্ষুদ্র অসহায়  
সে কখন বলবীর্ষ লভি কোথা হতে  
ফিরে আসে একদিন অন্ধকার পথে,  
আপনার জননীর কোলের সন্তানে  
আপন নির্মম হস্তে অস্ত্র আসি হানে।  
এ কী অভিশাপ!

কর্ণ।

মাতঃ, করিয়ো না ভয়।  
কহিলাম, পাণ্ডবের হইবে বিজয়।  
আজি এই রজনীর তিমিরফলকে  
প্রত্যক্ষ করিন্দু পাঠ নক্ষত্র-আলোকে  
ঘোর যুদ্ধ-ফল। এই শান্ত স্তম্ভ ক্ষণে  
অনন্ত আকাশ হতে পশিতেছে মনে  
চরম-বিশ্বাস-ক্ষীণ ব্যর্থতায় লীন  
জয়হীন চেষ্টার সংগীত, আশাহীন  
কর্মের উদ্যম—হেরিতেছি শান্তিময়  
শূন্য পরিণাম। যে পক্ষের পরাজয়  
সে পক্ষ তাজিতে মোরে কোরো না আহ্বান।  
জয়ী হোক, রাজা হোক পাণ্ডবসন্তান—  
আমি রব নিষ্ফলের, হতাশের দলে।  
জন্মরাগ্রে ফেলে গেছ মোরে ধরাতলে  
নামহীন, গৃহহীন—আজিও তেমন  
আমারে নির্মমচিত্তে তেয়োগো জননী  
দীপ্তহীন কীর্তিহীন পরাভব-পরে।  
শুধু এই আশীর্বাদ দিয়ে যাও মোরে—  
জয়লোভে যশোলোভে রাজালোভে, অয়ি,  
বীরের সদগতি হতে ভ্রষ্ট নাই হই।

# ହାସ୍ତକୌତୁକ

ପ୍ରକାଶ : ୧୯୦୭

হাসকৌতুকে সংকলিত হেংসালি নাটগদুলি 'বালক' ও 'ভারতী ও  
বালক' পদ্রে প্রকাশিত হয়। বালক পদ্রে (জ্যৈষ্ঠ ১২৯২) 'রোগের  
চিকিৎসা'র রবীন্দ্রনাথ-লিখিত ভূমিকাটি গ্রন্থের ভূমিকার পূর্বে  
সংকলিত হল।

## হেংয়ালি-নাট্য

### ভূমিকা

সূর্যের আলো না হইলে গাছ ভালো করিয়া বাড়ে না, আমোদ-প্রমোদ না থাকিলে মানুষের মনও ভালো করিয়া বাড়িতে পারে না।

‘আমোদ-প্রমোদ করো’ এ কথা যে বলিতে হয় এই আশ্চর্য। কিন্তু আমাদের দেশে এ কথাও বলা আবশ্যিক। আমরা হৃদয়-মনের সহিত আমোদ করিতে জানি না। আমাদের আমোদের মধ্যে প্রফুল্লতা নাই, উল্লাস নাই, উচ্ছ্বাস নাই। তাস পাশা দাবা পরিনিন্দা ইহাতে হৃদয়ের বা শরীরের স্বাস্থ্য-সম্পাদন করে না। এ-সকল নিতান্তই বড়োমি, কুনোমি, কুণ্ডেমি। দায়ে পড়িয়া, কাজে পড়িয়া, ভাবনায় পড়িয়া সময়ের প্রভাবে আমরা তো সহজেই বড়ো হইয়া পড়িতেছি, এজন্য কাহাকেও অধিক আয়োজন করিতে হয় না। ইহার উপরেও যদি খেলার সময়, আমোদের সময়, আমরা ইচ্ছা করিয়া বড়োমির চর্চা করি, তবে যৌবনকে গলা টিপিয়া বধ করা হয়। যতদিন যৌবন থাকে ততদিন উৎসাহ থাকে, প্রতি মূহূর্তে হৃদয় বাড়িতে থাকে, নূতন নূতন ভাব নূতন নূতন জ্ঞান সহজে গ্রহণ করিতে পারি—নূতন কাজ করিতে অনিচ্ছা বোধ হয় না—বিশ্ববৃন্দ লোক এবং অনুষ্ঠানের উপর অবিশ্বাস জন্মে না—আশা উদ্যমকে বিসর্জন দিয়া পরম বিজ্ঞ হইয়া তাম্বাকুটের ধূম ও পরিনিন্দা লইয়া দাওয়ায় বসিয়া একাধিপত্য করিতে ইচ্ছা যায় না। হৃদয়ের যৌবন চলিয়া গেলে হৃদয়ের বৃন্দ আর হয় না, শামুকের মতো জড়তার খেলার মধ্যে সংকুচিত হইয়া বাস করিতে হয়, আপনাকে এমনি মস্ত লোক বলিয়া বোধ হয় যে দাম্ভিক নিরুদ্যমে ফুলিয়া উঠিয়া শীতকালে ভেঙে পড়ে হইয়া বসিয়া থাকি—আর-কোনো লোকের কোনো কাজ দেখিলে অত্যন্ত হাসি আসে।

বিশবৃন্দ আমোদ-প্রমোদ মাহকেই আমরা ছেলেমানুষি জ্ঞান করি—বিজ্ঞলোকের, কাজের লোকের পক্ষে সেগুলো নিতান্ত অযোগ্য বলিয়া বোধ হয়। কিন্তু ইহা আমরা বুঝি না যে, যাহারা বাস্তবিক কাজ করিতে জানে তাহারাই আমোদ করিতে জানে। যাহারা কাজ করে না তাহারাই আমোদও করে না। ইংরাজেরা কাজ না করিয়া থাকিতে পারে না, আমোদ নহিলেও তাহাদের চলে না। ইংরাজেরা জ্ঞানে বৃন্দের মতো, কাজে যুবাব মতো, খেলায় বালকের মতো। আসল কথা এই যে, বালকের মতো না খেলিলে যুবাব মতো কাজ করা যায় না, যুবাব মতো কাজ না করিলে বৃন্দের মতো জ্ঞান পাকিয়া উঠে না। ক্ষেত্রেই যেমন শস্য পাকিয়া থাকে, গোলাবাড়িতে পাকে না, তেমনি কার্য-ক্ষেত্রেই জ্ঞান পাকিয়া থাকে—জড়তার মধ্যে তাম্বাকুটের ধোঁয়ায় পাকিয়া উঠে না। মানুষের মতো মানুষ হইতে গেলে বালক বৃন্দ যুবাব এই তিনই হইতে হয়। কেবলই বৃন্দ হইতে গেলে বিনাশ পাইতে হয়, কেবলই বালক হইতে গেলে উন্নতি হয় না। আমরা বাঙালিরা যদি যথার্থ মহৎজাতি হইতে চাই তবে আমরা খেলাও করিব, কাজও করিব, চিন্তা করিব। আমরা প্রফুল্ল হইয়া খেলা করিব, উদ্যোগী হইয়া কাজ করিব ও গম্ভীর হইয়া চিন্তা করিব।

ইংরেজদের ‘শারাড’-নামক একপ্রকার খেলা আছে, আমরা বাংলায় তাহাকে হেংয়ালি-নাট্য বলিলাম। তাহার মর্মটা বলিয়া দিই। দুই-তিনজন লোকে ষড়যন্ত্র করিয়া এমন একটা কথা বাহির করিতে হইবে যাহা দুই-তিন ভাগে ভাঙিয়া ফেলা

যাইতে পারে। প্রত্যেক ভাগের ঐকটা অর্থ থাকা চাই। মনে করো ‘পাগোল’ শব্দ। ঐই শব্দকে পা এবং গোল ঐই দুই ভাগে ভাগ করিলে প্রত্যেক ভাগের ঐকটা অর্থ পাওয়া যায়। তার পর উপস্থিতমত মূখে মূখে ঐকটা নাটক বানাইয়া লইতে হইবে; সেই নাটকের মধ্যে কোনো স্থানে কথায় কথায় পা শব্দ এবং গোল শব্দ, এবং পাগল-শব্দের সমস্তটা ব্যবহার করিতে হইবে, পরে শ্রোতার আন্দাজ করিয়া বলিয়া দিবেন কোন্ শব্দ অবলম্বন করিয়া ঐই নাট্যাভিনয় করা হইল। না বলিতে পারিলে তাঁহাদের হার হইল।

আমরা নিম্নে হে’য়ালি-নাট্যের ঐকটা উদাহরণ দিতেছি। পাঁচজন কিংবা চারজনে মিলিয়া ঐই হে’য়ালি-নাট্য অভিনয় করিবেন, এবং বাকি সকলকে ঐই নাট্যের মধ্যে প্রচ্ছন্ন শব্দটা বাহির করিয়া দিতে হইবে।

এই ক্ষুদ্র কৌতুকনাট্যগুলি হে'য়ালিনাট্য নাম ধরিয়া 'বালক' ও 'ভারতী'তে বাহির হইয়াছিল। য়ুরোপে শারাড্ (charade)-নামক একপ্রকার নাট্য-খেলা প্রচলিত আছে, কতকটা তাহারই অনুকরণে এগুলি লেখা হয়। ইহার মধ্যে হে'য়ালি রক্ষা করিতে গিয়া লেখা সংকুচিত করিতে হইয়াছিল—আশা করি সেই হে'য়ালির সম্ভান করিতে বর্তমান পাঠকগণ অনাবশ্যক কষ্ট স্বীকার করিবেন না। এই হে'য়ালি-নাট্যের কয়েকটি বিশেষভাবে বালকদিগকেই আমোদ দিবার জন্য লিখিত হইয়াছিল।

## ছাত্রের পরীক্ষা

ছাত্র শ্রীমধুসূদন। শ্রীযুক্ত কালাচাঁদ মাস্টার পড়াইতেছেন

অভিভাবকের প্রবেশ

অভিভাবক। মধুসূদন পড়াশুনো কেমন করছে কালাচাঁদবাবু?

কালাচাঁদ। আজ্ঞে, মধুসূদন অত্যন্ত দৃষ্ট বটে, কিন্তু পড়াশুনোয় খুব মজবুত। কখনো একবার বৈ দুবার বলে দিতে হয় না। যেটি আমি একবার পড়িয়ে দিয়েছি সেটি কখনো ভোলে না।

অভিভাবক। বটে! তা, আমি আজ একবার পরীক্ষা করে দেখব।

কালাচাঁদ। তা, দেখুন-না।

মধুসূদন। (স্বগত) কাল মাস্টারমশায় এমন মার মেরেছেন যে আজও পিঠ চচ্চড় করছে। আজ এর শোধ তুলব। ঠুঁকে আমি তাড়াব।

অভিভাবক। কেমন রে মোধো, পুরোনো পড়া সব মনে আছে তো?

মধুসূদন। মাস্টারমশায় যা বলে দিয়েছেন তা সব মনে আছে।

অভিভাবক। আচ্ছা, উদ্ভিদ কাকে বলে বল দেখি?

মধুসূদন। যা মাটি ফুড়ে ওঠে।

অভিভাবক। একটা উদাহরণ দে।

মধুসূদন। কেঁচো।

কালাচাঁদ। (চোখ রাঙাইয়া) অ্যাঁ! কী বললি!

অভিভাবক। রসুন মশায়, এখন কিছুর বলবেন না।

মধুসূদনের প্রতি

তুমি তো পদ্যপাঠ পড়েছ; আচ্ছা, কাননে কী ফোটে বলো দেখি?

মধুসূদন। কাঁটা।

কালাচাঁদের বেহ-আশ্ফালন

কী মশায়, মারেন কেন? আমি কি মিথ্যে কথা বলছি?

অভিভাবক। আচ্ছা, সিরাজউদ্দৌলাকে কে কেটেছে? ইতিহাসে কী বলে?

মধুসূদন। পোকায়।

বেহাঘাত

আজ্ঞে, মিছিমিছি মার খেয়ে মরছি—শুধু সিরাজউদ্দৌলা কেন, সমস্ত ইতিহাসখানাই পোকায় কেটেছে! এই দেখুন।

প্রদর্শন। কালাচাঁদ মাস্টারের মাথা-চুলকায়ন

অভিভাবক। ব্যাকরণ মনে আছে?

মধুসূদন। আছে।

অভিভাবক। 'কর্তা' কী, তার একটা উদাহরণ দিয়ে বদ্বিষয়ে দাও দেখি।

মধুসূদন। আজ্ঞে, কর্তা ও পাড়ার জয়মদনশি।

অভিভাবক। কেন বলো দেখি।  
 মধুসূদন। তিনি ক্রিয়া-কর্ম নিয়ে থাকেন।  
 কালাচাঁদ। (সরোষে) তোমার মাথা!

পৃষ্ঠে বেগ

মধুসূদন। (চমকিয়া) আজ্ঞে, মাথা নয়, ওটা পিঠ।  
 অভিভাবক। ষষ্ঠী-তৎপদ্রুষ কাকে বলে?  
 মধুসূদন। জানি নে।

কালাচাঁদবাবুর বেগ-দর্শায়ন

মধুসূদন। ওটা বিলক্ষণ জানি—ওটা ষষ্ঠী-তৎপদ্রুষ।

অভিভাবকের হাস্য এবং কালাচাঁদবাবুর তদ্বিপরীত ভাব

অভিভাবক। অঙ্কশিক্ষা হয়েছে?

মধুসূদন। হয়েছে।

অভিভাবক। আচ্ছা, তোমাকে সাড়ে-ছটা সন্দেশ দিয়ে বলে দেওয়া হয়েছে যে, পাঁচ মিনিট সন্দেশ খেয়ে যতটা সন্দেশ বাকি থাকবে তোমার ছোটো ভাইকে দিতে হবে। একটা সন্দেশ খেতে তোমার দু-মিনিট লাগে, কটা সন্দেশ তুমি তোমার ভাইকে দেবে?

মধুসূদন। একটাও নয়।

কালাচাঁদ। কেমন করে!

মধুসূদন। সবগুলো খেয়ে ফেলব। দিতে পারব না।

অভিভাবক। আচ্ছা, একটা বটগাছ যদি প্রত্যহ সিকি ইঞ্চি করে উঁচু হয় তবে যে বট এ বৈশাখ মাসের পয়লা দশ ইঞ্চি ছিল ফিরে বৈশাখ মাসের পয়লা সে কতটা উঁচু হবে?

মধুসূদন। যদি সে গাছ বেঁকে যায় তা হলে ঠিক বলতে পারি নে, যদি বরাবর সিধে ওঠে তা হলে মেপে দেখলেই ঠাহর হবে, আর যদি ইতিমধ্যে শুকিয়ে যায় তা হলে তো কথাই নেই।

কালাচাঁদ। মার না খেলে তোমার বৃন্দ্রি খেলে না! লক্ষ্মীছাড়া, মেরে তোমার পিঠ লাল করব, তবে তুমি সিধে হবে।

মধুসূদন। আজ্ঞে, মারের চোটে খুব সিধে জিনিসও বেঁকে যায়।

অভিভাবক। কালাচাঁদবাবু, ওটা আপনার ভ্রম। মারপিট করে খুব অল্প কাজই হয়। কথা আছে গাধাকে পিটোলে ঘোড়া হয় না, কিন্তু অনেক সময়ে ঘোড়াকে পিটোলে গাধা হয়ে যায়। অধিকাংশ ছেলে শিখতে পারে, কিন্তু অধিকাংশ মাস্টার শেখাতে পারে না। কিন্তু মার খেয়ে মরে ছেলেটাই। আপনি আপনার বেত নিয়ে প্রস্থান করুন, দিনকতক মধুসূদনের পিঠ জুড়োক, তার পরে আমিই ওকে পড়াব।

মধুসূদন। (স্বগত) আঃ, বাঁচা গেল।

কালাচাঁদ। বাঁচা গেল মশায়! এ ছেলেকে পড়ানো মজুরের কর্ম, কেবলমাত্র ম্যানুয়েল লেবার। গ্রিশ দিন একটা ছেলেকে কুঁপিয়ে আমি পাঁচটি মাত্র টাকা পাই, সেই মেহনতে মাটি কোপাতে পারলে নিদেন দশটা টাকাও হয়।



## পেটে ও পিঠে

## প্রথম দৃশ্য

বাড়ির সম্মুখে পথে বসিয়া পা ছড়াইয়া বনমালী পরমানন্দে সন্দেশ  
আহার করিতেছেন। বয়স সাত। তিনকাড়ির প্রবেশ। বয়স পনেরো

সন্দেশের প্রতি সলোভ দৃষ্টিপাত করিয়া

তিনকাড়ি। কী হে বটকুস্বাবু, কী করছ?

বনমালীর নিরুত্তরে অবাক হইয়া থাকন

তিনকাড়ি। উত্তর দিচ্ছ না যে? তোমার নাম বটকুস্ব নয়?

বনমালী। (সংশ্লেপে) না।

তিনকাড়ি। অবিশ্যা বটকুস্ব। যদি হয়? আচ্ছা, তোমার নাম কী বলো।

বনমালী। আমার নাম বনমালী।

তিনকাড়ি। (হাসিয়া উঠিয়া) ছেলেমানুষ, কিছু জান না। বনমালীও যা বটকুস্বও তাই।  
একই। বনমালীর মানে জান?

বনমালী। না।

তিনকাড়ি। বনমালীর মানে বটকুস্ব। বটকুস্বের মানে জান?

বনমালী। না।

তিনকাড়ি। বটকুস্বের মানে বনমালী। আচ্ছা, বাবা তোমাকে কখনো আদর করেও ডাকে না  
বটকুস্ব?

বনমালী। না।

তিনকাড়ি। ছি ছি! আমার বাবা আমাকে বলে বটকুস্ব, মোধোর বাবা মোধোকে বলে বটকুস্ব—  
তোমার বাবা তোমাকে কিছু বলে না! ছি ছি!

## পার্শ্ব উপবেশন

বনমালী। (সগর্বে) বাবা আমাকে বলে ভুতু।

তিনকাড়ি। আচ্ছা ভুতুবাবু, তোমার ডান হাত কোন্টা বলো দেখি।

বনমালী। (ডান হাত তুলিয়া) এইটে ডান হাত।

তিনকাড়ি। আচ্ছা, তোমার বাঁ হাত কোন্টা বলো দেখি।

বনমালী। (বাম হাত তুলিয়া) এইটে।

তিনকাড়ি। (খপ্ করিয়া পাত হইতে একটা সন্দেশ তুলিয়া নিজের মুখের কাছে ধরিয়া)  
আচ্ছা ভুতুবাবু, এইটে কী বলো দেখি।

বনমালীর শশবাস্ত হইয়া কাড়িয়া লইবার চেষ্টা

তিনকাড়ি। (সরোষে পৃষ্ঠে চপেটাঘাত করিয়া) এতবড়ো ধেড়ে ছেলে হিলি, এইটে কী জানিস  
নে! এটা সন্দেশ। এটা খেতে হয়।

তিনকাড়ির মুখের মধ্যে সন্দেশের দ্রুত অন্তর্ধান

বনমালী। (পৃষ্ঠে হাত দিয়া) ভাঁ—

তিনকাড়ি। ছি ছি ভুতুবাবু, তোমার জ্ঞান কবে হবে বলো দেখি। এইটে জান না যে, পেটে  
খেলো পিঠে সয়?

আর-একটা সন্দেশ মূখের ভিতর পূরণ

বনমালী। (দ্বিগুণ বেগে) ভাঁ—

তিনকড়ি। তবে, তুমি কি বল পেটে খেলে পিঠে সয় না? এই দেখো-না কেন, পেটে খেলে (আর-একটা সন্দেশ খাইয়া) পিঠে সয়—

বনমালীর পৃষ্ঠে চপেটাঘাত

সয় না?

বনমালী। (সরোদনে চীৎকারপূর্বক) না ম্যা ম্যা।

তিনকড়ি। (শেষ সন্দেশটি নিঃশেষ করিয়া) তা হবে। তোমার তা হলে সয় না দেখছি। যার যেমন খাত। তবে থাক, তবে আর কাজ নেই। তবে এই স্থির হল কারো বা পেটে সমস্তই সয়, কারো বা পিঠে কিছুই সয় না। যেমন আমি আর তুমি।

সহসা বনমালীর পিতার প্রবেশ

পিতা। কী রে ভুতু, কর্দিছস কেন?

পিতাকে দেখিয়া বনমালীর দ্বিগুণ ক্রন্দন

তিনকড়ি। (বনমালীর পৃষ্ঠে হাত বুলাইয়া অতি কোমল স্বরে) বাবা জিগ্গেস করছেন, কথার উত্তর দাও।

বনমালী। (সরোদনে) আমাকে মেরেছে।

তিনকড়ি। আঞ্জে, পাড়ার একটা ডানপিটে ছেলে খামকা মেরে গেল, বেচারার কোনো দোষ নেই—সন্দেশগুলি খেয়ে ভুতুবাবু ঠোঙাটি নিয়ে খেলা করছিল—

পিতা। (সরোষে) ভুতু, কে মেরেছে রে?

বনমালী। (তিনকড়িকে দেখাইয়া) ও মেরেছে।

তিনকড়ি। আঞ্জে হাঁ, আমি তাকে খুব মেরেছি বটে। কার না রাগ হয় বলুন দেখি। ছেলে-মানুষ খেলা করছে—খামকা ওকে মেরে ওর ঠোঙাটা কেড়ে নেও কেন বাপু? আপনি থাকলে আপনিও তাকে মারতেন।

পিতা। আমি থাকলে তার দুখানা হাড় একত্তর রাখতেন না। যত-সব ডানপিটে ছেলে এ পাড়ায় জুড়েছে।

বনমালী। বাবা, ও আমার সন্দেশ—

তিনকড়ি। (নিবৃত্ত করিয়া) আরে, আরে, ও কথা আর বলতে হবে না।

পিতা। কী কথা?

তিনকড়ি। আঞ্জে, কিছুই নয়। আমি ভুতুবাবুকে আনা-দুয়েকের সন্দেশ কিনে খাইয়েছি। সামান্য কথা। সে কি আর বলবার বিষয়?

পিতা। (পরম সন্তোষে) তোমার নাম কী বাপু?

তিনকড়ি। (সবিনয়ে) আঞ্জে, আমার নাম তিনকড়ি মৃথোপাধ্যায়।

পিতা। ঠাকুরের নাম?

তিনকড়ি। খুদিরাম মৃথোপাধ্যায়।

পিতা। তুমি আমার পরমাত্মীয়। খুদিরাম যে আমার পিসভূতো ভাই হয়।

তিনকড়ির ভূমিষ্ঠ হইয়া প্রণাম

পিতা। চলো বাবা, বাড়ির ভিতর চলো। জলখাবার খাবে। আজ পৌষপার্বণ, পিঠে না খাইয়ে ছাড়ব না।

তিনকড়ি। যে আজে।

পিতা। আজ রাতে এখানে থাকবে। কাল মধ্যাহ্নভোজন করে বাড়ি য়ে।

তিনকড়ি। যে আজে।

## দ্বিতীয় দৃশ্য

অন্তঃপুরে তিনকড়ি পিষ্টক-আহারে প্রবৃত্ত

তিনকড়ি। (স্বগত) ডান হাতের ব্যাপারটা আজ বেশ চলছে ভালো।

ভুতুর মা। (পাতে চারটে পিঠে দিয়া) বাবা, চূপ করে বসে থাকলে হবে না, এ চারখানাও খেতে হবে।

তিনকড়ি। যে আজে। (আহার)

ভুতুর বাপের প্রবেশ

পিতা। ওকি ও! পাত খালি যে! ওরে, খান-আষ্টেক পিঠে দিয়ে যা।

পিঠে-দেওন

বাবা, খেতে হবে। এরই মধ্যে হাত গদুটোলে চলবে না।

তিনকড়ি। যে আজে। (আহার)

পিসিমার প্রবেশ

পিসিমা। (ভুতুর মার প্রতি) ও বউ, তিনকড়ির পাত খালি যে! হাঁ করে দাঁড়িয়ে দেখছ কী? ওকে খান-দশেক পিঠে দাও। লজ্জা কোরো না বাবা, ভালো করে খাও।

তিনকড়ি। যে আজে।

পিসেমহাশয়ের প্রবেশ

পিসেমহাশয়। বাপু, তোমার খাওয়া হল না দেখছি। দিয়ে যা, দিয়ে যা, এ দিকে দিয়ে যা। পাতে খান-পনেরো পিঠে দে। তোমাদের বয়সে আমরা খেতুম হাঁসের মতো। সবগদুলি খেতে হবে তা বলছি।

তিনকড়ি। যে আজে।

দিদিমার প্রবেশ

দিদিমা। (ভুতুর মার প্রতি অন্তরালে) ও বউ, পিঠে তো সব ফুঁরিয়ে গেছে, আর একখানাও খাকি নেই।

ভুতুর মা। কী হবে!

দিদিমা। কী আর হবে?

তিনকড়ির পাশে গিয়া পরিহাস করিয়া পিঠে এক কিল মারিয়া

পিঠে আর খাবে!

তিনকড়ি। আজে না!

দিদিমা। সে কী কথা! আর দূটো খাও।

আরো দূটো কিল

তিনকড়ি। (গাত্রোতান করিয়া) আজে না। আর আবশ্যক নেই।

### তৃতীয় দৃশ্য

পরদিন তিনকড়ি শয়্যাগত। পাশে বনমালী

তিনকড়ি। (ক্ষীণকণ্ঠে) ভুতুবাবু, তোমার বাবা কোথায় হে?

বনমালী। বাদ্য ডাকতে গেছে।

তিনকড়ি। (কাতর স্বরে) আর বাদ্য ডেকে কী হবে! ওষুধ খাব যে তার জায়গা কোথায়?

বনমালী। তোমার পেটে কী হয়েছে তিনকড়িদা?

তিনকড়ি। যাই হোক গে, কাল তোমাকে যা শিখিয়েছিলুম মনে আছে কি?

বনমালী। আছে।

তিনকড়ি। কী বলো দেখি।

বনমালী। পেটে খেলে পিঠে সয়।

তিনকড়ি। আজ আর-একটা শেখাব। কথাটা মনে রেখো—‘পিঠে খেলে পেটে সয় না’।

আষাঢ় ১২৯২

### অভ্যর্থনা

#### প্রথম দৃশ্য

#### গ্রামের পথ

চতুর্ভূজবাবু এম. এ. পাস করিয়া গ্রামে আসিয়াছেন; মনে করিয়াছেন  
গ্রামে হুলাস্থল পড়িবে। সঙ্গে একটা মোটাসোটা কাবুলি বিড়াল আছে

#### নীলরতনের প্রবেশ

নীলরতন। এই যে চতুর্ভূজ, কবে আসা হল?

চতুর্ভূজ। কালেক্সে এম. এ. এক্জামিন দিয়েই—

নীলরতন। বা বা, এ বেড়ালটি তো বড়ো সরেস।

চতুর্ভূজ। এবারকার এক্জামিনেশন ভারি—

নীলরতন। মশায়, বেড়ালটি কোথায় পেলেন?

চতুর্ভূজ। কিনেছি। এবারে যে সবজেষ্ট্ নিয়েছিলুম—

নীলরতন। কত দাম লেগেছে মশায়?

চতুর্ভূজ। মনে নেই। নীলরতনবাবু, আমাদের গ্রামের থেকে কেউ কি পাস হয়েছে?

নীলরতন। বিস্তর। কিন্তু এমন বেড়াল এ মদ্রঙ্গকে নেই।

চতুর্ভুজ। (স্বগত) আ মোলো, এ যে কেবল বেড়ালের কথাই বলে—আমি যে পাস করে এলুম সে কথা যে আর তোলে না।

জমিদারবাবুর প্রবেশ

জমিদার। এই-যে চতুর্ভুজ, এতকাল কলকাতায় বসে কী করলে বাপু?

চতুর্ভুজ। আজ্ঞে এম. এ. দিয়ে আসছি।

জমিদার। কী বললে? মেয়ে দিয়ে এসেছ? কাকে দিয়ে এসেছ?

চতুর্ভুজ। তা নয়—বি. এ. দিয়ে—

জমিদার। মেয়ের বিয়ে দিয়েছ? তা, আমরা কিছুই জানতে পারলেম না?

চতুর্ভুজ। বিয়ে নয়—বি. এ.—

জমিদার। তবেই হল। তোমরা শহরে বল বিএ, আমরা পাড়াগাঁয়ে বলি বিয়ে। সে কথা থাক, এ বেড়ালটি তোফা দেখতে।

চতুর্ভুজ। আপনার ভ্রম হয়েছে; আমার—

জমিদার। ভ্রম কিসের—এমন বেড়াল তুমি এ জেলার মধ্যে খুঁজে বের করো দেখি!

চতুর্ভুজ। আজ্ঞে না, বেড়ালের কথা হচ্ছে না—

জমিদার। বেড়ালের কথাই তো হচ্ছে—আমি বলছি এমন বেড়াল মেলে না।

চতুর্ভুজ। (স্বগত) আ খেলে যা!

জমিদার। বিকেলের দিকে বেড়ালটি সঙ্গে করে আমাদের ও দিকে একবার যেয়ো। ছেলেরা দেখে ভারি খুশি হবে।

চতুর্ভুজ। তা হবে বৈকি। ছেলেরা অনেক দিন আমাকে দেখে নি।

জমিদার। হাঁ—তা তো বটেই—কিন্তু আমি বলছি, তুমি যদি যেতে না পার তো বেড়ালটি বেণীর হাত দিয়ে পাঠিয়ে দিয়ো—ছেলেদের দেখাব।

[ প্রস্থান

সাতুখুড়োর প্রবেশ

সাতুখুড়ো। এই-যে, অনেক দিনের পর দেখা।

চতুর্ভুজ। তা আর হবে না! কতগুলো একজামিন—

সাতুখুড়ো। এই বেড়ালটি—

চতুর্ভুজ। (সরোষে) আমি বাড়ি চললেম।

[ প্রস্থানোদ্যম

সাতুখুড়ো। আরে, শূনে যাও-না—এ বেড়ালটি—

চতুর্ভুজ। না মশায়, বাড়িতে কাজ আছে।

সাতুখুড়ো। আরে, একটা কথার উত্তরই দাও-না—এ বেড়ালটি—

[ কোনো উত্তর না দিয়া হনহন বেগে চতুর্ভুজের প্রস্থান

সাতুখুড়ো। আ মোলো! ছেলেপুলেগুলো লেখাপড়া শিখে ধনুর্ধর হয়ে ওঠেন। গৃণ তো যথেষ্ট—অহংকার চার পোয়া!

[ প্রস্থান

## দ্বিতীয় দৃশ্য

চতুর্ভুজের বাটীর অন্তঃপদ্র

দাসী। মাঠাকরুন, দাদাবাবু একেবারে আগুন হয়ে এসেছেন।

মা। কেন রে?

দাসী। কী জানি বাপু!

চতুর্ভুজের প্রবেশ

ছোটো ছেলে। দাদাবাবু, এ বেড়ালটি আমাকে—

চতুর্ভুজ। (তাহাকে এক চপেটাঘাত) দিন রাতি কেবল বেড়াল বেড়াল বেড়াল!

মা। বাছা সাথে রাগ করে! এত দিন পরে বাড়ি এল, ছেলেগুলি বিরক্ত করে খেলে। যা, তোরা সব যা! (চতুর্ভুজের প্রতি) আমাকে দাও বাছা—দুধভাত রেখে দিয়েছি, আমি তোমার বেড়ালকে খাইয়ে আনিছি।

চতুর্ভুজ। (সরোষে) এই নাও মা, তোমরা বেড়ালকেই খাওয়াও আমি খাব না, আমি চললেম।

মা। (সকাতরে) ও কী কথা! তোমার খাবার তো তাঁর আছে বাপ, এখন নেয়ে এলেই হয়।

চতুর্ভুজ। আমি চললেম—তোমাদের দেশে বেড়ালেরই আদর, এখানে গৃনবানের আদর নেই।

বিড়ালের প্রতি লাথি-বর্ষণ

মাসিমা। আহা, ওকে মেরো না—ও তো কোনো দোষ করে নি।

চতুর্ভুজ। বেড়ালের প্রতি যত তোমাদের মায়ামতা—আর মানুষের প্রতি একটু দয়া নেই।

[প্রস্থান]

ছোটো মেয়ে। (নেপথ্যের দিকে নির্দেশ করিয়া) হরিখুড়ো দেখে যাও, ওর লেজ কত মোটা।

হরি। কার?

মেয়ে। ঐ-যে ওর!

হরি। চতুর্ভুজের?

মেয়ে। না, ঐ বেড়ালের।

## তৃতীয় দৃশ্য

পথ। ব্যাগ হস্তে চতুর্ভুজ। সঙ্গে বিড়াল নাই

সাধুচরণ। মশায়, আপনার সে বেড়ালটি গেল কোথায়?

চতুর্ভুজ। সে মরেছে!

সাধুচরণ। আহা, কেমন করে মোলো?

চতুর্ভুজ। (বিরক্ত হইয়া) জানি নে মশায়!

পরানবাবুর প্রবেশ

পরান। মশায়, আপনার বেড়াল কী হল?

চতুর্ভুজ। সে মরেছে।

পরান। বটে! মোলো কী করে?

চতুর্ভুজ। এই তোমরা যেমন করে মরবে। গলায় দাঁড় দিয়ে।  
পরান। ও বাবা, এ যে একেবারে আগুন।

চতুর্ভুজের পশ্চাতে ছেলের পাল লাগিল  
হাততালি দিয়া 'কাবুলি বিড়াল' 'কাবুলি বিড়াল' বলিয়া থেপাইতে লাগিল

ভাদ্র ১২৯২

## রোগের চিকিৎসা

### প্রথম দৃশ্য

হাঁপাইতে হাঁপাইতে, খোঁড়াইতে খোঁড়াইতে হারাধনের প্রবেশ

হারাধন। বাবা! ডাক্তার-সাহেবের আস্তাবল থেকে হাঁসের ডিম চুরি করতে গিয়ে আজ আচ্ছা নাকাল হয়েছি! সাহেব যেরকম তাড়া করে এসেছিল, মরেছিলেম আর-কি! ভয়ে পালাতে গিয়ে খানার মধ্যে পড়ে গিয়েছিলেম। পা ভেঙে গেছে--তাতে দৃঃখ নেই, প্রাণ নিয়ে পালিয়ে এসেছি এই ঢের। রোগীগনুলোকে হাতে পেলে ডাক্তার-সাহেব পট্ পট্ করে মেরে ফেলে; আমার কোনো ব্যামোস্যামো নেই, আমাকেই তো সেরে ফেলবার জো করেছিল। এবারে রোজ রোজ আর হাঁসের ডিম চুরি করব না; একেবারে আস্ত হাঁস চুরি করব, আমাদের বাড়িতে ডিম পাড়বে।

নেপথ্য হইতে। হারু!

হারাধন। (সভয়ে) ঐ রে, বাবা এসেছে। আমার একটা পা খোঁড়া দেখলে মারের চোটে বাবা আর-একটা পা খোঁড়া করে দেবে।

নেপথ্যে পুনশ্চ। হারু! (নিরন্তর)। হারা! (নিরন্তর)। হেরো!

পিতার প্রবেশ

হারাধন। (অগ্রসর হইয়া) আজে!

পিতা। তুই খোঁড়াচ্ছিস যে!

হারাধনের মাথা-চুলকন

পিতা। (সরোষে) পা ভাঙলি কী করে!

হারাধন। (সভয়ে) আজে, আমি ইচ্ছে করে ভাঙি নি।

পিতা। তা তো জানি। কী করে ভাঙল সেইটে বল-না।

হারাধন। জানি নে বাবা!

পিতা। তোর পা ভাঙল তুই জানিস নে তো কি ও পাড়ার গোবরা তেলি জানে?

হারাধন। কখন ভাঙল টের পাই নি বাবা!

পিতা। বটে! এই লাঠির বাড়ি তোর মাথাটা ভাঙলে তবে টের পাবি বুঝি!

হারাধন। (তাড়াতাড়ি হাত দিয়া মাথা আড়াল করিয়া) না বাবা! ঐ মাথাটা বাঁচাতে গিয়েই পাটা ভেঙেছি।

পিতা। বুঝেছি। তবে বুঝি সেদিনকার মতো ডাক্তার-সাহেবের বাড়িতে হাঁসের ডিম চুরি করতে গিয়েছিলি, তাই তারা মেরে তোর পা ভেঙে দিয়েছে!

হারাধন। (চোখ রগড়াইতে রগড়াইতে) হাঁ বাবা! আমার কোনো দোষ নেই। পা আমি নিজে ভাঙি নি, পা তারাই ভেঙে দিয়েছে।

পিতা। লক্ষ্মীছাড়া, তোর কি ফিছতেই চৈতন্য হবে না?  
 হারাধন। চৈতন্য কাকে বলে বাবা?  
 পিতা। চৈতন্য কাকে বলে দেখাবি? (পিঠে কিল মারিয়া) চৈতন্য একে বলে।  
 হারাধন। এ তো আমার রোজই হয়।  
 পিতা। আমি দেখছি তুমি জেলে গিয়েই মরবে!  
 হারাধন। না বাবা, রোজ চৈতন্য পেলে ঘরে মরব।  
 পিতা। নাঃ, তোকে আর পেরে উঠলেম না।  
 হারাধন। (চুপড়ির দিকে চাহিয়া) বাবা, তাল এনেছ কার জন্যে? আমি খাব।  
 পিতা। (পুষ্টে কিল মারিয়া) এই খাও!  
 হারাধন। (পিঠে হাত বুলাইয়া) এ তো ভালো লাগল না!  
 নেপথ্যে। হারু!  
 হারাধন। কী মা!  
 নেপথ্যে। তোর জন্যে তালের বড়া করে রেখেছি—খাবি আয়।

[খোঁড়াইতে খোঁড়াইতে হারাধনের প্রস্থান]

### দ্বিতীয় দৃশ্য

ডাক্তার-সাহেবের আস্তাবলে হারাধন হাঁস-চুরি-করণে প্রবৃত্ত

পিতা। (দূর হইতে) হারু!  
 হারাধন। ঐ রে, বাবা আসছে! কী করি?

হারাধনের গলা হইতে পেট পর্যন্ত থলি ঝুলিতেছিল,  
 তাড়াতাড়ি থলির মধ্যে হাঁস পুরিয়া ফেলিল

পিতা। হারু! (নিরন্তর) হারা! (নিরন্তর) হেরো!  
 হারাধন। আঙ্কে!  
 পিতা। তোর পেট হঠাৎ অমন ফুলে উঠল কী করে?  
 হারাধন। বাবা, কাল সেই তালের বড়া খেয়ে।  
 পিতা। অমন ক্যাক্ ক্যাক্ শব্দ হচ্ছে কেন?  
 হারাধন। পেটের ভিতর নাড়িগুলো ডাকছে।  
 পিতা। দেখি, পেটে হাত দিয়ে দেখি।  
 হারাধন। (শশব্যস্তে) ছুঁয়ো না, ছুঁয়ো না, বন্ড ব্যথা হয়েছে।

পেটের মধ্যে ক্যাক্ ক্যাক্

পিতা। (স্বগত) সব বোঝা গেছে। হতভাগাকে জব্দ করতে হবে। (প্রকাশ্যে) তোমার রোগ সহজ নয়; এসো বাপু, তোমাকে হাঁসপাতালে নিয়ে যাই।  
 হারাধন। না বাবা, এমন আমার মাঝে মাঝে হয়, আপনি সেরে যায়।

ক্যাক্ ক্যাক্ ক্যাক্

পিতা। কই রে, এ তো ক্রমেই বাড়ছে। চল, আর দেরি নয়।

[টানিয়া লইয়া প্রস্থান]



## তৃতীয় দৃশ্য

হারাধন। পিতা ও মাতা

মা। (কাঁদিতে কাঁদিতে) বাছার আমার কী হল গা!

পিতা। হাঁগো, তুমি বেশি গোল কোরো না। হাঁসপাতালে নিয়ে গেলেই এ ব্যামো সেরে যাবে।

মা। আমি বেশি গোল করছি, না তোমার ছেলের পেট বেশি গোল করছে! (সভয়ে) এ যে হাঁসের মতো কাঁক্ কাঁক্ করে। বাবা হারু, তাকে আর আমি হাঁসের ডিম খেতে দেব না—তোর পেটের মধ্যে হাঁস ডাকছে—কী হবে!

[ ক্রন্দন

হারাধন। (তাড়াতাড়ি) না মা, ও হাঁস নয়, ও তালের বড়া। হাঁস তোমাকে কে বললে? কক্খনো হাঁস নয়। হাঁস হতেই পারে না। আচ্ছা, বাজি রাখো, যদি তালের বড়া হয়!

মা। তালের বড়া কি অমন করে ডাকে বাছা!

হারাধন। তুমি একটু চুপ করো মা! তোমাদের গোলমাল শুনলে পেটের ভিতর আরো বেশি করে ডাকছে।

পিতা। বোসেদের বাড়ি আমার একটু কাজ আছে, আমি কাজ সেরেই হারুকে নিয়ে হাঁসপাতালে যাচ্ছি।

[ প্রস্থান

কাঁক্ কাঁক্ কাঁক্ কাঁক্

মা। ওগো, এ যে ক্রমেই বাড়তে চলল! ওগো মৃৎখুজোমশাই!

মৃৎখুজোমশায়ের প্রবেশ

মৃৎখুজো। কী গো বাছা?

মা। বাছার আমার ক্রমেই বাড়তে লাগল। একে শিগ্গির—ঐ-যে কী বলে ঐ—তোমাদের হাঁচপাতালে নিয়ে চলো।

মৃৎখুজো। আমি তো তাই প্রথম থেকেই বলছি, হারুর বাবাই তো এতক্ষণ দেরি করিয়ে রাখলে। (হারার প্রতি) তবে চল্, ওঠ্।

হারাধন। না দাদামশায়, আমি হাঁসপাতালে যাব না, আমার কিছ্ হয় নি।

মৃৎখুজো। কিছ্ হয় নি বটে! তোর পেটের ডাকের চোটে পাড়াসুন্দ অস্থির হয়ে উঠল। পেটের মধ্যে বাত শ্লেষ্মা পিস্ত তিনটিতে মিলে যেন দাঙ্গাহাঙ্গামা বাধিয়ে দিয়েছে।

[ বলপূর্বক লইয়া যাওন

## চতুর্থ দৃশ্য

হাঁসপাতালে ডাক্তার-সাহেব ও হারাধন

ডাক্তার। তোমার পেটে কী হইয়াছে?

হারাধন। কিছ্ হয় নি সাহেব। এবার আমাকে মাপ করো সাহেব, আমার কিছ্ হয় নি।

ডাক্তার। কিছ্ হয় নি টো এ কী?

পেটে খোঁচা দেওন ও শ্বিগুণ কাঁক্ কাঁক্ শব্দ

(হাসিয়া) তোমার ব্যামো আমি সমষ্ট বন্ধিয়াছি।

হারাদন। তোমার গা ছুঁয়ে বলছি সাহেব, আমার কোনো ব্যামো হয় নি। এমন কাজ আর কখনো করব না।

ডাক্তার। টোমার ভয়ানক ব্যামো হইয়াছে।

হারাদন। সাহেব, আমার ব্যামো আমি জানি নে, তুমি জান!

কাঁক্ কাঁক্

(সরোষে থলিতে চাপড় মারিয়া) আ মলো যা, এর যে ডাক কিছদুতেই থামে না।

ডাক্তার। (বৃহৎ ছুরি লইয়া) টোমার চুরি ব্যামো হইয়াছে, ছুরি না ডিলে সারিবে না।

পেট চিরিতে উদ্যত

হারাদন। (কাঁদিয়া হাঁস বাহির করিয়া) সাহেব, এই নাও তোমার হাঁস। তোমার এ হাঁস কোনো মতেই আমার পেটে সইল না। এর চেয়ে ডিমগুলো ছিল ভালো।

হারাদনকে ধরিয়া সাহেবের প্রহার

সাহেব, আর আবশ্যক নেই, আমার ব্যামো একেবারেই সেরে গেছে।

জ্যৈষ্ঠ ১২৯২

## চিন্তাশীল

### প্রথম দৃশ্য

চিন্তাশীল নরহরি চিন্তায় নিমগ্ন। ভাত শুকাইতেছে।

মা মাছি তাড়াইতেছেন

মা। অত ভেবো না, মাথার ব্যামো হবে বাছা!

নরহরি। আচ্ছা মা, 'বাছা' শব্দের ধাতু কী বলো দেখি।

মা। কী জানি বাপদু!

নরহরি। 'বৎস'। আজ তুমি বলছ 'বাছা'—দু-হাজার বৎসর আগে বলত 'বৎস'—এই কথাটা একবার ভালো করে ভেবে দেখো দেখি মা! কথাটা বড়ো সামান্য নয়। এ কথা যতই ভাববে ততই ভাবনার শেষ হবে না।

পুনরায় চিন্তায় মগ্ন

মা। যে ভাবনা শেষ হয় না এমন ভাবনার দরকার কী বাপ! ভাবনা তো তোর চিরকাল থাকবে, ভাত যে শুকায়। লক্ষ্মী আমার, একবার ওঠ।

নরহরি। (চমকিয়া) কী বললে মা? লক্ষ্মী? কী আশ্চর্য! এক কালে লক্ষ্মী বলতে দেবী-বিশেষকে বোঝাত। পরে লক্ষ্মীর গুণ অনুসারে সদুশীলা স্ত্রীলোককে লক্ষ্মী বলত, কালক্রমে দেখো পুরুষের প্রতিও লক্ষ্মী শব্দের প্রয়োগ হচ্ছে! একবার ভেবে দেখো মা, আস্তে আস্তে ভাষার কেমন পরিবর্তন হয়! ভাবলে আশ্চর্য হতে হবে।

ভাবনায় শ্বিতীয় ডুব

মা। আমার আর কি কোনো ভাবনা নেই নর? আচ্ছা, তুই তো এত ভাবিস, তুইই বল্ দৈখি, উপস্থিত কাজ উপস্থিত ভাবনা ছেড়ে কি এই-সব বাজে ভাবনা নিয়ে থাকা ভালো? সকল ভাবনারই তো সময় আছে।

নরহরি। এ কথাটা বড়ো গুরুত্বের মা! আমি হঠাৎ এর উত্তর দিতে পারব না। এটা কিছুদিন ভাবতে হবে, ভেবে পরে বলব।

মা। আমি যে কথাই বলি তোর ভাবনা তাতে কেবল বেড়েই ওঠে, কিছুতেই আর কমে না। কাজ নেই বাপ্ন, আমি আর-কউকে পাঠিয়ে দিই।

[ প্রস্থান

### মাসিমা

মাসিমা। ছি নর, তুই কি পাগল হলি? ছেঁড়া চাদর, একমুখ দাড়ি—সমুখে ভাত নিয়ে ভাবনা! স্নবলের মা তোকে দেখে হেসেই কুরুক্ষেত্র!

নরহরি। কুরুক্ষেত্র! আমাদের অর্ষগৌরবের শ্মশানক্ষেত্র! মনে পড়লে কি শরীর লোমাণ্ডিত হয় না। অন্তঃকরণ অধীর হয়ে ওঠে না! আহা, কত কথা মনে পড়ে! কত ভাবনাই জেগে ওঠে! বলো কী মাসি! হেসেই কুরুক্ষেত্র! তার চেয়ে বলো-না কেন কেঁদেই কুরুক্ষেত্র!

অশ্রুনিপাত

মাসিমা। ওমা, এ যে কাঁদতে বসল! আমাদের কথা শুনলেই এর শোক উপস্থিত হয়। কাজ নেই বাপ্ন!

[ প্রস্থান

### দিদিমা

দিদিমা। ও নর, সূর্য যে অস্ত যায়!

নরহরি। ছি দিদিমা, সূর্য তো অস্ত যায় না। পৃথিবীই উল্টে যায়। রোসো, আমি তোমাকে বদ্বিয়ে দিচ্ছি। (চারি দিকে চাহিয়া) একটা গোল জিনিস কোথাও নেই?

দিদিমা। এই তোমার মাথা আছে—মুণ্ডু আছে।

নরহরি। কিন্তু মাথা যে বন্ধ, মাথা যে ঘোরে না।

দিদিমা। তোমারই ঘোরে না, তোমার রকম দেখে পাড়াসন্ধ্য লোকের মাথা ঘুরছে! নাও, আর তোমায় বোঝাতে হবে না, এ দিকে ভাত জুড়িয়ে গেল, মাঁছ ভন্ ভন্ করছে।

নরহরি। ছি দিদিমা, এটা যে তুমি উল্টো কথা বললে! মাঁছ তো ভন্ ভন্ করে না। মাঁছির ডানা থেকেই এইরকম শব্দ হয়। রোসো, আমি তোমাকে প্রমাণ করে দিচ্ছি—

দিদিমা। কাজ নেই তোমার প্রমাণ করে।

[ প্রস্থান

### দ্বিতীয় দৃশ্য

নরহরি চিন্তামগ্ন। ভাবনা ভাঙাইবার উদ্দেশে নরহরির শিশু ভাগিনেয়কে কোলে করিয়া মাতার প্রবেশ

মা। (শিশুর প্রতি) জাদু, তোমার মামাকে দণ্ডবৎ করে।

নরহরি। ছি মা, ওকে ভুল শিখিয়ে না। একটু ভেবে দেখলেই বদ্বাতে পারবে, ব্যাকরণ

অনুসারে দণ্ডবৎ করা হতেই পারে না—দণ্ডবৎ হওয়া বলে। কেন বদ্বতে পেরেছ মা? কেননা দণ্ডবৎ মানে—

মা। না বাবা, আমাকে পরে বদ্বিয়ে দিলেই হবে। তোমার ভাগ্নেকে এখন একটু আদর করো।

নরহরি। আদর করব? আচ্ছা, এসো আদর করি। (শিশুকে কোলে লইয়া) কী করে আদর আরম্ভ করি? রোসো, একটু ভাবি।

#### চিন্তামগ্ন

মা। আদর করবি, তাতেও ভাবতে হবে নরু?

নরহরি। ভাবতে হবে না মা? বল কী! ছেলেবেলাকার আদরের উপরে ছেলের সমস্ত ভবিষ্যৎ নির্ভর করে তা কি জান? ছেলেবেলাকার এক-একটা সামান্য ঘটনার ছায়া বৃহৎ আকার ধরে আমাদের সমস্ত যৌবনকালকে, আমাদের সমস্ত জীবনকে আচ্ছন্ন করে রাখে এটা যখন ভেবে দেখা যায়—তখন কি ছেলেকে আদর করা একটা সামান্য কাজ বলে মনে করা যায়? এইটে একবার ভেবে দেখো দেখি মা!

মা। থাক্ বাবা, সে কথা আর-একটু পরে ভাবব, এখন তোমার ভাগ্নেটির সঙ্গে দুটো কথা কও দেখি।

নরহরি। ওদের সঙ্গে এমন কথা কওয়া উচিত যাতে ওদের আমোদ এবং শিক্ষা দুই হয়। আচ্ছা, হরিদাস, তোমার নামের সমাস কী বলা দেখি।

হরিদাস। আমি চমা কাব।

মা। দেখো দেখি বাছা, ওকে এ-সব কথা জিগেস কর কেন? ও কী জানে!

নরহরি। না, ওকে এই বেলা থেকে এইরকম করে অস্পষ্ট অস্পষ্ট মন্থস্থ করিয়ে দেব।

মা। (ছেলে তুলিয়া লইয়া) না বাবা, কাজ নেই তোমার আদর করে।

নরহরি মাথায় হাত দিয়া পুনশ্চ চিন্তায় মগ্ন

(কাতর হইয়া) বাবা, আমায় কাশী পাঠিয়ে দে, আমি কাশীবাসী হব।

নরহরি। তা যাও না মা! তোমার ইচ্ছে হয়েছে, আমি বাধা দেব না।

মা। (স্বগত) নরু আমার সকল কথাতেই ভেবে অস্থির হয়ে পড়ে, এটাতে বড়ো বেশি ভাবতে হল না। (প্রকাশ্যে) তা হলে তো আমাকে মাসে মাসে কিছু টাকার বন্দোবস্ত করে দিতে হবে।

নরহরি। সত্যি নাকি? তা হলে আমাকে আর কিছুদিন ধরে ভাবতে হবে। এ কথা নিতান্ত সহজ নয়। আমি এক হস্তা ভেবে পরে বলব।

মা। (বাস্তব হইয়া) না বাবা, তোমার আর ভাবতে হবে না— আমার কাশী গিয়ে কাজ নেই।

আশ্বিন-কার্তিক ১২১২

#### ভাব ও অভাব

কবিবর কুঞ্জবিহারীবাবু ও বশম্বদবাবু

কুঞ্জবিহারী। কী অভিপ্রায়ে আগমন?

বশম্বদ। আজ্ঞে, আর তো অন্য জোটে না; মশায় সেই-যে কাজের—

কুঞ্জবিহারী। (বাস্তবসম্মত হইয়া) কাজ? কাজ আবার কিসের? আজ এই সন্মুখের শরণকালে কাজের কথা কে বলে?

বশম্বদ। আজ্ঞে, ইচ্ছে করে কেউ বলে না, পেটের জ্বালায়—

কুঞ্জবিহারী। পেটের জ্বালা? ছিছি, ওটা অতি হীন কথা—ও কথা আর বলবেন না।

বশম্বদ। যে আজ্ঞে, আর বলব না। কিন্তু ওটা সর্বদাই মনে পড়ে।

কুঞ্জবিহারী। বলেন কী বশম্বদবাবু, সর্বদাই মনে পড়ে? এমন প্রশান্ত নিস্তত্ব সুন্দর সন্ধ্যাবেলাতেও মনে পড়ছে?

বশম্বদ। আজ্ঞে, পড়ছে বৈকি। এখন আরো বেশি মনে পড়ছে। সেই সাড়ে-দশটা বেলায় দুটি ভাত মুখে গুঁজে উমেদারি করতে বের হয়েছিলুম, তার পরে তো আর খাওয়া হয় নি।

কুঞ্জবিহারী। তা নাই হল। খাওয়া নাই হল।

বশম্বদবাবুর নীরবে মাথা-চুলকন

এই শরতের জ্যোৎস্নায় কি মনে হয় না যে, মানুষ যেন পশুর মতো কতকগুলো আহার না করেও বেঁচে থাকে! যেন কেবল এই চাঁদের আলো, ফুলের মধু, বসন্তের বাতাস খেয়েই জীবন বেশ চলে যায়!

বশম্বদ। (সভয়ে মৃদুস্বরে) আজ্ঞে, জীবন বেশ চলে যায় সত্যি, কিন্তু জীবন রক্ষে হয় না—আরো কিছু খাবার আবশ্যক করে।

কুঞ্জবিহারী। (উষ্ণভাবে) তবে তাই খাও গে যাও। কেবল মূঠো মূঠো কতকগুলো ভাত ডাল আর চচ্চড়ি গেলো গে যাও। এখানে তোমাদের অর্নিধিকার প্রবেশ।

বশম্বদ। সেগুলো কোথায় পাওয়া যাবে মশায়! আমি এখনই যাচ্ছি। (কুঞ্জবাবুকে অত্যন্ত ক্রুদ্ধ হইতে দেখিয়া) কুঞ্জবাবু, আপনি ঠিক বলেছেন, আপনার এই বাগানের হাওয়া খেলেই পেট ভরে যায়। আর কিছু খেতে ইচ্ছে করে না।

কুঞ্জবিহারী। এ কথা আপনার মুখে শুনে খুশি হলুম, এই হচ্ছে যথার্থ মানুষের মতো কথা। চলুন, বাইরে চলুন—এমন বাগান থাকতে ঘরে কেন?

বশম্বদ। চলুন (আপন মনে মৃদুস্বরে) হিমের সময়টা গায়েও একখানা কাপড় নেই—

কুঞ্জবিহারী। বা—শরৎকালের কী মাধুরী!

বশম্বদ। তা ঠিক কথা। কিন্তু কিছু ঠান্ডা।

কুঞ্জবিহারী। (গায়ে শাল টানিয়া) কিছুমাত্র ঠান্ডা নয়।

বশম্বদ। না, ঠান্ডা নয়। (হিহিহি কম্পন)

কুঞ্জবিহারী। (আকাশে চাহিয়া) বা বা বা—দেখে চক্ষু জুড়োয়। খন্ড খন্ড সাদা মেঘগুলি নীল আকাশ-সরোবরের রাজহংসের মতো ভেসে বেড়াচ্ছে, আর মাঝখানে চাঁদ যেন—

বশম্বদ। (গুরুতর কাশি) থক্ থক্ থক্ থক্!

কুঞ্জবিহারী। মাঝখানে চাঁদ যেন—

বশম্বদ। খন্ খন্ থক্ থক্!

কুঞ্জবিহারী। (ঠেলা দিয়া) শুনছেন বশম্বদবাবু—মাঝখানে চাঁদ যেন—

বশম্বদ। রসুন একটু—থক্ থক্ খন্ খন্ ঘড়্ ঘড়্!

কুঞ্জবিহারী। (চটিয়া উঠিয়া) আপনি অত্যন্ত বদলোক। এরকম করে যদি কাশতে হয় তো আপনি ঘরের কোণে গিয়ে কম্বল মর্দি দিয়ে পড়ে থাকুন। এমন বাগান—

বশম্বদ। (সভয়ে প্রাণপণে কাশি চাপিয়া) আজ্ঞে, আমার আর কিছু নেই। (স্বগত) অর্থাৎ কম্বলও নেই, কাঁথাও নেই।

কুঞ্জবিহারী। এই শোভা দেখে আমার একটি গান মনে পড়ছে। আমি গাই—

সু-উ-উন্দের উপবন বিকশিত তরু-উগণ মনোহর বকু—

বশম্বদ। (উৎকট হাঁচি) হ্যাঁছোঃ!

কুঞ্জবিহারী। মনোহর বকু—

বশম্বদ। হ্যাঁচ্ছোঃ—হ্যাঁচ্ছোঃ—

কুঞ্জবিহারী। শুনছেন? মনোহর বকু—

বশম্বদ। হ্যাঁচ্ছোঃ হ্যাঁচ্ছোঃ!

কুঞ্জবিহারী। বেরোও আমার বাগান থেকে—

বশম্বদ। রসদুন—হ্যাঁচ্ছোঃ!

কুঞ্জবিহারী। বেরোও এখন থেকে—

বশম্বদ। এখন বেরোচ্ছি—আমার আর এক দণ্ডও এ বাগানে থাকবার ইচ্ছে নেই—আমি না বেরোলে আমার মহাপ্রাণী বেরোবেন। হ্যাঁচ্ছোঃ! শরৎকালের মাধুরী আমার নাক-চোখ দিয়ে বেরোচ্ছে। প্রাণটা সুস্থ হেঁচে ফেলবার উপক্রম। হ্যাঁচ্ছোঃ হ্যাঁচ্ছোঃ! থক্ থক্! কিন্তু কুঞ্জবাবু, সেই কাজটা যদি—হ্যাঁচ্ছোঃ!

কুঞ্জবাবুর শাল মৃদি দিয়ে নীরবে আকাশের চাঁদের দিকে চাহিয়া থাকন

ভূতের প্রবেশ

ভূত। খাবার এসেছে।

কুঞ্জবিহারী। দেরি করলি কেন? খাবার আনতে দু-ঘণ্টা লাগে বুদ্ধি?

[দ্রুত প্রস্থান

অগ্রহায়ণ ১২৯২

## রোগীর বন্ধু

রেলগাড়িতে দঃখীরাম ও বৈদ্যনাথবাবু

বৈদ্যনাথ। (মাথায় হাত দিয়ে) উ—উ—উঃ!

দঃখীরাম। (দীর্ঘনিশ্বাস ফেলিয়া) হা—হাঃ!

কাতরভাবে বৈদ্যনাথের প্রতি নিরীক্ষণ

বৈদ্যনাথ। (দঃখীরামের মনোযোগ দেখিয়া) দেখছেন তো মশায়, ব্যামোর কণ্ঠটা তো দেখছেন!

দঃখীরাম। না, আমি তা দেখছি নে। আপনাকে দেখে আমার পুনর্বীর ভ্রাতৃশোক উপস্থিত হচ্ছে। হা হাঃ!

নিশ্বাস

বৈদ্যনাথ। সে কী কথা!

দঃখীরাম। হাঁ মশায়! মরবার সময় তার ঠিক আপনার মতো চেহারা হয়ে এসেছিল—

বৈদ্যনাথ। (শশব্যস্ত হইয়া) বলেন কী!

দঃখীরাম। যথার্থ কথা। ঐরকম তার চোখ বসে গিয়েছিল, গালের মাংস বদলে পড়েছিল, হাত-পা সরু হয়ে গিয়েছিল, ঠেঁটি সাদা, মূখের চামড়া হলদে—

বৈদ্যনাথ। (আকুলভাবে) বলেন কী মশায়! আমার কি তবে এমন দশা হয়েছে? এ কথা আমাকে তো কেউ বলে নি—

দঃখীরাম। কেনই বা বলবে? এ সংসারে প্রকৃত বন্ধু কেই বা আছে?

দীর্ঘনিশ্বাস

বৈদ্যনাথ। ডাক্তার তো আমাকে বার বার বলেছে আমার কোনো ভাবনার কারণ নেই।

দুঃখীরাম। ডাক্তার? ডাক্তারের কথা আপনি এক তিল বিশ্বাস করেন? ডাক্তারকে বিশ্বাস করেই কি আমরা অকূল পাথারে পড়ি নি? যখন আসন্ন বিপদ সেই সময়েই তারা বেশি করে আশ্বাস দেয়, অবশেষে যখন রোগীর হাতে-পায়ে খিল ধরে আসে, তার চোখ উল্টে যায়, তার গা-হাত-পা হিম হয়ে আসে, তার—

বৈদ্যনাথ। (দুঃখীরামের হাত ধরিয়ে) ক্ষমা করুন মশায়, আর বলবেন না মশায়! আমার গা-হাত-পা হিম হয়েই এসেছে। আপনার বর্ণনা সদ্যসদাই খেটে যাবে।

(বুককে হাত দিয়া) উ উ উঃ!

দুঃখীরাম। দেখেছেন মশায়? আমি তো বলেছি—ডাক্তারের আশ্বাসবাক্যে কিছুমাত্র বিশ্বাস করবেন না। আচ্ছা, একটা কথা আপনাকে জিজ্ঞাসা করি—আপনি কি রাগে চিত হয়ে শোন?

বৈদ্যনাথ। হাঁ, চিত হয়ে না শুলে আমার ঘুম হয় না।

দুঃখীরাম। (নিশ্বাস ফেলিয়া) আমার ভায়েরও ঠিক ঐ দশা হয়েছিল। সে একেবারেই পাশ ফিরতে পারত না।

বৈদ্যনাথ। আমি তো ইচ্ছা করলেই পাশ ফিরতে পারি।

দুঃখীরাম। এখন পারছেন। কিন্তু ক্রমে আর পারবেন না।

বৈদ্যনাথ। সত্যি নাকি!

দুঃখীরাম। ক্রমে আপনার বাঁ-দিকের পাঁজরায় একরকম বেদনা ধরবে, ক্রমে পায়ের আঙুল-গুলো একেবারে আড়ষ্ট হয়ে যাবে, গাঁঠি ফুলে উঠবে, ক্রমে—

বৈদ্যনাথ। (গলদ্বর্ম হইয়া) দোহাই আপনার, আর বলবেন না। আমার বুক ধড়াস্ ধড়াস্ করছে!

দুঃখীরাম। আপনার এইবেলা সাবধান হওয়া উচিত।

বৈদ্যনাথ। উচিত তা যেন বুদ্ধলব্ধ, কিন্তু কী করব বলুন।

দুঃখীরাম। আপনি কি অ্যালোপ্যাথি-মতে চিকিৎসা করছেন?

বৈদ্যনাথ। হাঁ।

দুঃখীরাম। কী সর্বনাশ! অ্যালোপ্যাথরা তো বিষ খাওয়ায়, ব্যামোর চেয়ে ওষুধ ভয়ানক। যমের চেয়ে ডাক্তারকে ডরাই।

বৈদ্যনাথ। (শঙ্কিত হইয়া) বটে! তা, কী করব? হোমিওপ্যাথি দেখব?

দুঃখীরাম। হোমিওপ্যাথি তো শুধু জলের ব্যবস্থা।

বৈদ্যনাথ। তবে কি বদ্যি দেখাব?

দুঃখীরাম। তার চেয়ে খানিকটা আফিং তুঁতের জলে গুলে হরতেল মিশিয়ে খান-না কেন?

বৈদ্যনাথ। রাম রাম! তবে কী করা যায় মশায়!

দুঃখীরাম। কিছু করবার নেই, কোনো উপায় নেই এ আপনাকে নিশ্চিত বলছি।

বৈদ্যনাথ। মশায়, আমি রোগা মানুষ, আমাকে এরকম ভয় দেখানো উচিত হয় না।

দুঃখীরাম। ভয় কিসের মশায়? এ-সংসারে তো কেবলই দুঃখ কষ্ট বিপদ। চতুর্দিক অন্ধকার। বিষাদের মেঘে আচ্ছন্ন। হা-হুতাশ ছাড়া আর কিছু শোনা যায় না। এখানে আমরা বিষধর সপের গর্তে বাস করছি। এখেন থেকে বিদায় হওয়াই ভালো।

নিশ্বাস

বৈদ্যনাথ। দেখুন, ডাক্তার আমাকে সর্বদা আমোদ-আহ্লাদ নিয়ে প্রফুল্ল থাকতে বলেছে। আপনার ঐ মুখ দেখেই আমার ব্যামো যেন হুহু করে বেড়ে উঠছে। আমাকে দেখে আপনার

ড্রাফ্টশোক জন্মেছিল, কিন্তু আপনার ঐ অশ্রুকার দাড়ি ঝাড়া দিলেই দেড় ডজন পদ্রুশোক ঝরে পড়ে। আপনি একটা ভালো কথা তুলুন। এটা কোন স্টেশন মশায়?

দুঃখীরাম। এটা মধুপদুর। এখানে এ বৎসর খেরকম ওলাউঠো হয়েছে সে আর বলবার নয়।

বৈদ্যনাথ। (বাস্ত হইয়া) ওলাউঠো! বলেন কী! এখানে গাড়ি কতক্ষণ থাকে?

দুঃখীরাম। আধ ঘণ্টা। এখানে পাঁচ মিনিট থাকাও উচিত না।

বৈদ্যনাথ। (শুইয়া পড়িয়া) কী সর্বনাশ!

দুঃখীরাম। ভয় করা বড়ে খারাপ। ভয় ধরলে তাকে ওলাউঠো আগে ধরে। লরি-সাহেবের বইয়ে লেখা আছে—

বৈদ্যনাথ। আপনি আমাকে ছাড়লে আমার ভয়ও ছাড়ে। আপনি আমার হাড়ে হাড়ে কাঁপুনি ধরিয়েছেন। আপনি ডাক্তার ডাকুন—আমার কেমন করছে।

দুঃখীরাম। ডাক্তার কোথায়?

বৈদ্যনাথ। তবে স্টেশনমাস্টারকে ডাকুন।

দুঃখীরাম। গাড়ি যে ছাড়ে-ছাড়ে।

বৈদ্যনাথ। তবে গার্ডকে ডাকুন।

দুঃখীরাম। গার্ড আপনার কী করতে পারবে?

দীর্ঘনিশ্বাস

বৈদ্যনাথ। তবে হরিকে ডাকুন। আমার হয়ে এল।

মর্ছা

দুঃখীরামের উপরদুপরি সুদীর্ঘ নিশ্বাসপতন ও গান—  
‘মনে করো শেষের সে দিন ভয়ংকর।’

পৌষ ১২৯২

## খ্যাতির বিড়ম্বনা

### প্রথম দৃশ্য

উকিল দুর্কড়ি দত্ত চেয়ারে আসীন

ভয়ে ভয়ে খাতা-হস্ত কাগালচরণের প্রবেশ

দুর্কড়ি। কী চাই?

কাগালি। আজ্ঞে, মশায় হচ্ছেন দেশহিতৈষী—

দুর্কড়ি। তা তো সকলেই জানে, কিন্তু আসল ব্যাপারটা কী?

কাগালি। আপনি সাধারণের হিতের জন্য প্রাণপণ—

দুর্কড়ি। ক’রে ওকালতি ব্যাবসা চালাচ্ছি তাও কারো অবিদিত নেই—কিন্তু তোমার বক্তব্যটা কী?

কাগালি। আজ্ঞে, বক্তব্য বেশি নেই।

দুর্কড়ি। তবে শীঘ্র শীঘ্র সেরে ফেলো-না।



কাঙালি। একটু বিবেচনা করে দেখলে আপনাকে স্বীকার করতেই হবে যে ‘গানাৎ পরতরং নহি’—

দুর্কড়ি। বাপু, বিবেচনা এবং স্বীকার করবার পূর্বে যে কথাটা বললে তার অর্থ জানা বিশেষ আবশ্যিক। ওটা বাংলা করে বলো।

কাঙালি। আঞ্জে, বাংলাটা ঠিক জানি নে। তবে মর্ম হচ্ছে এই, গান জিনিসটা শুনতে বড়ো ভালো লাগে।

দুর্কড়ি। সকলের ভালো লাগে না।

কাঙালি। গান যার ভালো না লাগে সে হচ্ছে—

দুর্কড়ি। উকিল শ্রীযুক্ত দুর্কড়ি দত্ত।

কাঙালি। আঞ্জে, অমন কথা বলবেন না।

দুর্কড়ি। তবে কি মিথ্যে কথা বলব?

কাঙালি। আর্ষাবর্তে ভরত মূর্নি হচ্ছেন গানের প্রথম—

দুর্কড়ি। ভরত মূর্নির নামে যদি কোনো মকদ্দমা থাকে তো বলো, নইলে বক্তৃতা বন্ধ করো।

কাঙালি। অনেক কথা বলবার ছিল—

দুর্কড়ি। কিন্তু অনেক কথা শোনবার সময় নেই।

কাঙালি। তবে সংক্ষেপে বলি। এই মহানগরীতে গানোন্নতিবিধায়িনী-নান্মনী এক সভা স্থাপন করা গেছে, তাতে মহাশয়কে—

দুর্কড়ি। বক্তৃতা দিতে হবে?

কাঙালি। আঞ্জে না।

দুর্কড়ি। সভাপতি হতে হবে?

কাঙালি। আঞ্জে না।

দুর্কড়ি। তবে কী করতে হবে বলো। গান গাওয়া এবং গান শোনা, এ দুটোর কোনোটা আমার দ্বারা কখনো হয় নি এবং হবেও না— তা আমি আগে থাকতে বলে রাখছি।

কাঙালি। মশায়কে ও-দুটোর কোনোটাই করতে হবে না। (খাতা অগ্রসর করিয়া) কেবল কিণ্ডিৎ চাঁদা—

দুর্কড়ি। (ধড়ফড় করিয়া উঠিয়া) চাঁদা! আ সর্বনাশ! তুমি তো সহজ লোক নও হে! ভালো-মানুষটির মতো মদ্য কাঁচুমাছু করে এসেছ—আমি বলি, বদ্বিধ কী মকদ্দমার ফাসাদে পড়েছ। তোমার চাঁদার খাতা নিয়ে বেরোও এখনি, নইলে ট্রেস্পাসের দাবি দিয়ে পল্লিস-কেস আনব।

কাঙালি। চাইলুম চাঁদা, পেলুম অর্ধচন্দ্র! (স্বগত) কিন্তু তোমাকে জব্দ করব।

## দ্বিতীয় দৃশ্য

দুর্কড়িবারু কতকগুলি সংবাদপত্র-হস্তে

দুর্কড়ি। এ তো বড়ো মজাই হল! কাঙালিচরণ বলে কে একজন লোক ইংরেজি বাংলা সমস্ত খবরের কাগজে লিখে পাঠিয়েছে যে আমি তাদের ‘গানোন্নতিবিধায়িনী’ সভায় পাঁচ হাজার টাকা দান করেছি। দান চুলোয় যাক, গলাধাক্কা দিতে বাকি রেখেছি। মাঝের থেকে আমার খুব নাম রটে গেল—এতে আমার ব্যাবসার পক্ষে ভারি সুবিধে। তাদেরও সুবিধে, লোকে মনে করবে, যখন পাঁচ হাজার টাকা দান পেয়েছে তখন অবিশ্যি মস্ত সভা। পাঁচ জায়গা থেকে ভারী ভারী চাঁদা আদায় হবে। যা হোক, আমার অদৃষ্ট ভালো।

## কেরানিবাবুর প্রবেশ

কেরানি। মশায় তবে গানোম্মতিসভায় পাঁচ হাজার টাকা দান করেছেন?

দুকড়ি। (মাথা চুলকাইয়া হাসিয়া) আ—ও একটা কথার কথা। শোন কেন! কে বললে দিয়েছি? মনে করো যদি দিয়েই থাকি, তা হয়েছে কী? এত গোলের আবশ্যক কী?

কেরানি। আহা, কী বিনয়! পাঁচ হাজার টাকা নগদ দিয়ে গোপন করবার চেষ্টা, সাধারণ লোকের কাজ নয়।

## ভূতোর প্রবেশ

ভূতা। নীচের ঘরে বিস্তর লোক জমা হয়েছে।

দুকড়ি। (স্বগত) দেখেছি! একদিনেই আমার পসার বেড়ে গেছে। (সানন্দে) একে একে তাদের উপরে নিয়ে আয়—আর পান-তামাক দিয়ে যা।

## প্রথম ব্যক্তির প্রবেশ

দুকড়ি। (চোঁকি সরাইয়া) আসুন—বসুন। মশায়, তামাক ইচ্ছে করুন। ওরে—পান দিয়ে যা।

প্রথম। (স্বগত) আহা, কী অমায়িক প্রকৃতি! এ'র কাছে কামনাসিদ্ধি হবে না তো কার কাছে হবে!

দুকড়ি। মশায়ের কী অভিপ্রায়ে আগমন?

প্রথম। আপনার বদান্যতা দেশবিখ্যাত।

দুকড়ি। ও-সব গুজবের কথা শোনেন কেন?

প্রথম। কী বিনয়! কেবল মশায়ের নামই শ্রুত ছিলুম, আজ চক্ষুকর্ণের বিবাদভঞ্জন হল।

দুকড়ি। (স্বগত) এখন আসল কথাটা যে পাড়লে হয়। বিস্তর লোক বসে আছে। (প্রকাশে) তা, মশায়ের কী আবশ্যক?

প্রথম। দেশের উন্নতি-উদ্দেশে হৃদয়ের—

দুকড়ি। আজ্ঞে, সে-সব কথা বলাই বাহুল্য—

প্রথম। তা ঠিক। মশায়ের মতো মহানুভব ব্যক্তি যাঁরা ভারতভূমির—

দুকড়ি। সমস্ত মানছি মশায়, অতএব ও অংশটুকুও ছেড়ে দিন। তার পরে—

প্রথম। বিনয়ী লোকের স্বভাবই এই যে, নিজের গুণানুবাদ—

দুকড়ি। রক্ষে করুন মশায়, আসল কথাটা বলুন।

প্রথম। আসল কথা কী জানেন—দিনে দিনে আমাদের দেশ অধোগতি প্রাপ্ত হচ্ছে—

দুকড়ি। সে কেবলমাত্র কথা সংক্ষেপ করতে না জানার দরুন।

প্রথম। আমাদের স্বর্ণশস্যশালিনী পুণ্যভূমি ভারতবর্ষ দারিদ্র্যের অন্ধকূপে—

দুকড়ি। (সকাতরে মাথায় হাত দিয়া বসিয়া) বলে যান।

প্রথম। দারিদ্র্যের অন্ধকূপে দিনে দিনে নিম্নজমানা—

দুকড়ি। (কাতর স্বরে) মশায়, বদ্বতে পারছি নে।

প্রথম। তবে আপনাকে প্রকৃত ব্যাপারটা বলি—

দুকড়ি। (সানন্দে সাগ্রহে) সেই ভালো।

প্রথম। ইংরেজেরা লুণ্ঠ করছে।

দুকড়ি। এ তো বেশ কথা। প্রমাণ সংগ্রহ করুন, ম্যাজিস্ট্রেটের কোর্টে নালিশ রুজু করি।

প্রথম। ম্যাজিস্ট্রেটও লুণ্ঠছে।

দুকড়ি। তবে ডিস্ট্রিক্ট জজের আদালত—

প্রথম। ডিস্ট্রিক্ট জজ তো ডাকাত।

দুকড়ি। (অবাকভাবে) আপনার কথা আমি কিছদ বদ্বতে পারছি নে।

প্রথম। আমি বলছি, দেশের টাকা বিদেশে চালান যাচ্ছে।

দুর্কড়ি। দ্বুঃখের বিষয়।

প্রথম। তাই একটা সভা—

দুর্কড়ি। (সচকিত) সভা!

প্রথম। এই দেখুন-না খাতা।

দুর্কড়ি। (বিস্ময়িতনেত্রে) খাতা!

প্রথম। কিষ্টিং চাঁদা—

দুর্কড়ি। (চোঁকি হইতে লাফাইয়া উঠিয়া) চাঁদা! বেরোও—বেরোও—বেরোও—

তাড়াতাড়ি চোঁকি-উল্টায়ন, কালি-ফেলন, প্রথম ব্যক্তির  
বেগে প্রস্থানোদ্যম, পতন, উত্থান, গোলমাল

দ্বিতীয় ব্যক্তির প্রবেশ

দুর্কড়ি। কী চাই?

দ্বিতীয়। মহাশয়ের দেশবিখ্যাত বদান্যতা—

দুর্কড়ি। ও-সব হয়ে গেছে—হয়ে গেছে—নতুন কিছু থাকে তো বলুন।

দ্বিতীয়। আপনার দেশহিতৈষিতা—

দুর্কড়ি। আ মোলো—এও যে সেই কথাটাই বলে!

দ্বিতীয়। স্বদেশের সদনুষ্ঠানে আপনার সদনুরাগ—

দুর্কড়ি। এ তো বিষম দায় দেখি। আসল কথাটা খুলে বলুন।

দ্বিতীয়। একটা সভা—

দুর্কড়ি। আবার সভা!

দ্বিতীয়। এই দেখুন-না খাতা!

দুর্কড়ি। খাতা! কিসের খাতা!

দ্বিতীয়। চাঁদা আদায়—

দুর্কড়ি। চাঁদা! (হাত ধরিয়া টানিয়া) ওঠো, ওঠো, বেরোও, বেরোও—প্রাণের মায়া  
থাকে তো—

[দ্বিতীয় না করিয়া চাঁদাওয়ালার প্রস্থান

তৃতীয় ব্যক্তির প্রবেশ

দুর্কড়ি। দেখো বাপু, আমার দেশহিতৈষিতা বদান্যতা বিনয় এ-সমস্ত শেষ হয়ে গেছে—  
তার পর থেকে আরম্ভ করো।

তৃতীয়। আপনার সার্বভৌমিকতা—সার্বজনীনতা—উদারতা—

দুর্কড়ি। তবু ভালো। এ কিছু নতুন ঠেকছে বটে। কিন্তু মশায়, ওগুলোও থাক্—ভাষায়  
কথা আরম্ভ করুন।

তৃতীয়। আমাদের একটা লাইব্রেরি—

দুর্কড়ি। লাইব্রেরি? সভা নয় তো?

তৃতীয়। আঞ্জে, সভা নয়।

দুর্কড়ি। আ, বাঁচা গেল। লাইব্রেরি। অতি উত্তম। তার পরে বলে যান।

তৃতীয়। এই দেখুন-না প্রস্পেক্টস—

দুর্কড়ি। খাতা নেই তো?

তৃতীয়। আঞ্জে না—খাতা নয়, ছাপানো কাগজ।

দুর্কড়ি। আ!—তার পরে।

তৃতীয়। কিণ্ডং চাঁদা।

দুর্কড়ি। (লাফাইয়া) চাঁদা! ওরে, আমার বাড়ি আজ ডাকাত পড়েছে রে! পদূলিসম্মান!  
পদূলিসম্মান!

[ তৃতীয় ব্যক্তির উদ্দেশ্যে পলায়ন

হরশংকরবাবুর প্রবেশ

দুর্কড়ি। আরে, এসো এসো, হরশংকর এসো। সেই কালেজে একসঙ্গে পড়া—তার পরে তো আর দেখা হয় নি—তোমাকে দেখে কী যে আনন্দ হল সে আর কী বলব।

হরশংকর। তোমার সঙ্গে সুখদুঃখের অনেক কথা আছে ভাই—সে-সব কথা পরে হবে, আগে একটা কাজের কথা বলে নিই।

দুর্কড়ি। (পদূলিকিত হইয়া) কাজের কথা অনেকক্ষণ শুনিনি ভাই—বলো, শুনেনে কান

শালের মধ্য হইতে হরশংকরের খাতা বাহির-করণ

ও কী ও, খাতা বেরোয় যে!

হরশংকর। আমাদের পাড়ার ছেলেরা মিলে একটা সভা--

দুর্কড়ি। (চমকিত হইয়া) সভা!

হরশংকর। সভাই বটে। তা কিছু চাঁদার জন্যে—

দুর্কড়ি। চাঁদা! দেখো, তোমার সঙ্গে আমার বহুকালের প্রণয়, কিন্তু ঐ কথাটা যদি আমার সামনে উচ্চারণ কর তা হলে চিরকালের মতো চটাচটি হবে তা বলে রাখছি।

হরশংকর। বটে! তুমি কোথাকার খড়্গেছের 'গানোন্মতি'-সভায় পাঁচ হাজার টাকা দান করতে পার, আর বন্ধুর অনুরোধে পাঁচ টাকা সহ করতে পার না! কোন্ পাষণ্ড নরাধম এখানে আর পদার্পণ করে।

[ সবগে প্রস্থান।

খাতা-হস্তে এক ব্যক্তির প্রবেশ

দুর্কড়ি। খাতা? আবার খাতা? পালাও পালাও!

খাতাবাহক। (ভীত হইয়া) আমি নন্দলালবাবুর—

দুর্কড়ি। নন্দলাল ফন্দলাল বন্ধু নে, পালাও এখনই।

খাতাবাহক। আস্তে, সেই টাকাটা।

দুর্কড়ি। আমি টাকা দিতে পারব না। বেরোও বেরোও।

[ খাতাবাহকের পলায়ন

কেরানি। মশায়, করলেন কী? নন্দলালবাবুর কাছ থেকে আপনার পাণ্ডার টাকাটা নিয়ে এসেছে। ও টাকাটা আদায় না হলে আজ যে চলবে না।

দুর্কড়ি। কী সর্বনাশ! ওকে ডাকো ডাকো।

কেরানির প্রস্থান ও কিয়ৎক্ষণ পরে প্রবেশ

কেরানি। সে চলে গেছে, তাকে পাওয়া গেল না।

দুর্কড়ি। বিষম দায় দেখছি।

তম্বুরা-হস্তে এক ব্যক্তির প্রবেশ

দুর্কড়ি। কী চাও?

তম্বুরা। আপনার মতো এমন রসজ্ঞ কে আছে। গানের উন্নতির জন্য আপনি কী না করছেন। আপনাকে গান শোনার।

তৎক্ষণাৎ তম্বুরা ছাড়িয়া গান  
ইমনকল্যাণ

জয় জয় দুকড়ি দস্ত,  
ভুবনে অনুপম মহত্ব—ইত্যাদি—  
দুকড়ি। আরে, কী সর্বনাশ! থাম্ থাম্!

তম্বুরা-হস্তে দ্বিতীয় ব্যক্তির প্রবেশ  
দ্বিতীয়। ও গানের কী জানে মশায়? আমার গান শুনুন—  
দুকড়ি দস্ত তুমি ধনা,  
তব মহিমা কে জানিবে অন্য—

প্রথম। জয়-অ-জ-অ-অ-স্ব-অ-অ—  
দ্বিতীয়। দৃ-উ-উ-উ-উ কড়ি-ই-ই—  
প্রথম। দৃক-অ-অ-অ—  
দুকড়ি। (কানে আঙুল দিয়া) আরে গেলুম, আরে গেলুম!

বাঁয়া-তবলা লইয়া বাদকের প্রবেশ  
বাদক। মশায়, সংগত নেই গান! সে কি হয়!  
বাদ্য আরম্ভ

দ্বিতীয় বাদকের প্রবেশ  
দ্বিতীয় বাদক। ও বেটা সংগতের কী জানে! ও তো বাঁয়া ধরতেই জানে না।  
প্রথম গায়ক। তুই বেটা থাম্।  
দ্বিতীয়। তুই থাম্-না।  
প্রথম। তুই গানের কী জানিস!  
দ্বিতীয়। তুই কী জানিস?

উভয়ে মিলিয়া ওড়ব খাড়ব প্রণব নাদ উদারা তারা সইয়া তর্ক। অবশেষে তম্বুরায় তম্বুরায় লড়াই  
দুই বাদকের মুখে মুখে বোল-কাটাকাটি 'ধ্রুকেটে দেখে ঘেনে গেধে ঘেনে'। অবশেষে তবলায় তবলায় যুদ্ধ

দলে দলে গায়ক বাদক ও খাতা-হস্তে চাঁদাওয়ালার প্রবেশ  
প্রথম। মশায়, গান—  
দ্বিতীয়। মশায়, চাঁদা—  
তৃতীয়। মশায়, সভা—  
চতুর্থ। আপনার বদান্যতা—  
পঞ্চম। ইমনকল্যাণের খেয়াল—  
ষষ্ঠ। দেশের মঙ্গল—  
সপ্তম। সরি মিঞার টম্পা—  
অষ্টম। আরে, তুই থাম্-না বাপু—  
নবম। আমার কথাটা বলে নিই, একটু থাম্-না ভাই।

সকলে মিলিয়া দুকড়ির চাদর ধরিয়া টানাটানি, 'শুনুন মশাই, আমার কথা শুনুন মশাই' ইত্যাদি

দুর্কড়ি। (সকাতরে কেরানির প্রতি) আমি আমার বাড়ি চললুম। কিছুকাল সেখানে গিয়ে থাকব। কাউকে আমার ঠিকানা বোলো না।

[প্রস্থান]

গৃহমধ্যে সমস্ত দিন গায়ক-বাদকের কুরুক্ষেত্রবৃন্দ  
বিবাদ মিটাইতে গিয়া সম্মুখকালে আহত হইয়া কেরানির পতন

মাঘ ১২৯২

## আর্য ও অনার্য

অশ্বৈতচরণ চট্টোপাধ্যায় ও চিন্তামণি কুন্ডু

অশ্বৈত। তুমি কে?

চিন্তামণি। আমি আর্য, আমি হিন্দু।

অশ্বৈত। নাম কী?

চিন্তামণি। শ্রীচিন্তামণি কুন্ডু।

অশ্বৈত। কী অভিপ্রায়?

চিন্তামণি। মহাশয়ের কাগজে আমি লিখব।

অশ্বৈত। কী লিখবেন?

চিন্তামণি। আমি আর্য—আর্যধর্ম সম্বন্ধে লিখব।

অশ্বৈত। আর্য জিনিসটা কী মশায়?

চিন্তামণি। (বিস্মিত হইয়া) আজে, আর্য কাকে বলে জানেন না? আমি আর্য, আমার বাবা শ্রীনকুড় কুন্ডু আর্য, তাঁর বাবা 'নফর কুন্ডু আর্য, তাঁর বাবা—

অশ্বৈত। বুঝেছি! আপনাদের ধর্মটা কী?

চিন্তামণি। বলা ভারি শক্ত। সংক্ষেপে এই পর্যন্ত বলা যায় যে, যা অনার্যদের ধর্ম তা আর্যদের ধর্ম নয়।

অশ্বৈত। অনার্য আবার কারা?

চিন্তামণি। যারা আর্য নয় তারাই অনার্য। আমি অনার্য নই, আমার বাবা শ্রীনকুড় কুন্ডু অনার্য নয়, তাঁর বাবা 'নফর কুন্ডু অনার্য নয়, তাঁর বাবা—

অশ্বৈত। আর বলতে হবে না। অতএব যে-হেতুক শ্রীনকুড় কুন্ডু আমার বাবা নন এবং 'নফর কুন্ডুর সঙ্গে আমার কোনো সম্পর্ক নেই, আমিই হাঁছি অনার্য।

চিন্তামণি। তা স্থির বলতে পারি নে।

অশ্বৈত। (ক্রুদ্ধ হইয়া) এ তোমার কিরকম কথা! স্থির বলতে পারি নে কি! নকুড় আমার বাবা নয় তুমি স্থির বলতে পার না? তুমি কোথাকার কী জাত, তোমার সঙ্গে আমার সম্পর্ক কিসের!

চিন্তামণি। জাতের কথা হচ্ছে না, বংশের কথা হচ্ছে। আপনিও তো ভুবনবিদিত আর্যবংশে জন্মগ্রহণ—

অশ্বৈত। তোমার বাবা নকুড় কুন্ডু যে বংশে জন্মেছে আমিও সেই বংশে জন্মেছি! চাষার ঘরে জন্মে তোমার এতবড়ো আত্মপূর্ণা!

চিন্তামণি। যে আজে, আপনি নাই আর্য না হলেন, আমি এবং আমার শ্রীবাবা আর্য! হায়! কোথায় আমাদের সেই পূর্বপুরুষগণ, কোথায় কশ্যপ ভরম্বাজ ভৃগু—

অশ্বেত। এ ব্যক্তি বলে কী! কশ্যপ তো আমাদের পূর্বপুরুষ, আমাদের কাশ্যপ গোত্রে জন্ম—তোমার পূর্বপুরুষ কশ্যপ ভরম্বাজ ভৃগু এ কিরকম কথা!

চিন্তামণি। আপনি এ-সকল বিষয়ে সম্পূর্ণ অজ্ঞ, আপনার সঙ্গে এ সম্বন্ধে কোনো আলোচনা হতেই পারে না। হায়! এ-সকল ইংরাজি শিক্ষার শোচনীয় ফল।

অশ্বেত। ইংরাজি শিক্ষা আপনাতে কি ফলে নি?

চিন্তামণি। আজে, সে দোষ আমাকে দিতে পারবেন না, স্বাভাবিক আর্থরক্তের তেজে আমি অতি বাল্যকালেই ইন্সকুল পালিয়েছিলাম।

হরিহরবাবু এবং অন্যান্য অনেকের প্রবেশ

অশ্বেত। আসতে আজ্ঞে হোক। লেখা সমস্ত প্রস্তুত?

হরিহর। এই দেখুন-না।

চিন্তামণি। কী বিষয়ে লিখেছেন মশায়?

হরিহর। নানা বিষয়ে।

চিন্তামণি। আর্থদের সম্বন্ধে কিছ্ লিখেছেন?

হরিহর। না।

চিন্তামণি। আর্থদের বিজ্ঞান সম্বন্ধে—

হরিহর। য়ুরোপীয়েরা আর্থজাতি এবং তাঁদের বিজ্ঞান—

চিন্তামণি। য়ুরোপীয়েরা অতি নিকৃষ্ট জাতি এবং বিজ্ঞান সম্বন্ধে আমাদের পূর্বপুরুষ আর্থদের তুলনায় তারা নিতান্ত মূর্খ—আমি প্রমাণ করে দেব। এখনো আর্থবংশীয়েরা তেল মাখবার পূর্বে অশ্বখামাকে স্মরণ করে ভূমিতে তিন বার তৈল নিক্ষেপ করেন। কেন করেন আপনি জানেন?

হরিহর। না।

চিন্তামণি। আপনি?

অশ্বেত। না।

চিন্তামণি। আপনি জানেন?

প্রথম লেখক। না।

চিন্তামণি। না যদি জানেন তবে আপনারা বিজ্ঞান সম্বন্ধে কথা কইতে যান কেন? হাই তোলবার সময় আর্থরা তুড়ি দেন কেন আপনারা কেউ জানেন?

সকলে। (সমস্বরে) আজ্ঞে, আমরা কেউ জানি নে।

চিন্তামণি। তবে? এই-যে আমাদের আর্থ মেয়েরা বাতাস করতে করতে পাখা গায়ে লাগলে ভূমিতে একবার ঠেকায়, তার কারণ আপনারা কিছ্ জানেন?

সকলে। কিছ্ না!

চিন্তামণি। এই দেখুন দেখি! এই-সকল বিষয় কিছ্ মাত্র আলোচনা না করেই, অনুসন্ধান না করেই, আপনারা বলেন য়ুরোপীয় বিজ্ঞান শ্রেষ্ঠ! অথচ আর্থরা হাঁচে কেন, হাই তোলে কেন, তেল মাখে কেন, এ আপনারা কিছ্ জানেন না!

হরিহর। আচ্ছা মশায়, আপনিই বলুন। তেল মাখবার পূর্বে ভূমিতে তৈল নিক্ষেপ করবার কারণ কী?

চিন্তামণি। ম্যাগনেটিজ্‌ম! আর কিছ্ নয়। ইংরাজিতে যাকে বলে ম্যাগনেটিজ্‌ম।

হরিহর। (সবিস্ময়ে) আপনি ম্যাগনেটিজ্‌ম সম্বন্ধে ইংরাজি বিজ্ঞানশাস্ত্র কিছ্ পড়েছেন?

চিন্তামণি। কিছ্ না। দরকার নেই। বিজ্ঞান শিক্ষা কিংবা কোনো শিক্ষার জন্য ইংরাজি পড়বার কিছ্ প্রয়োজন নেই। আমাদের আর্থেরা কী বলেন? প্রাণশক্তি কারণশক্তি এবং ধারণশক্তি এই তিন শক্তি আছে, তার উপরে তৈলের সারণশক্তি যোগ হয়ে ঠিক স্নানের অব্যবহিত পূর্বেই

আমাদের শরীরের মধ্যে ভৌতিক বারশক্তির উদ্ভেজনা হয়—এই তো ম্যাগনেটিজ্‌ম্। উনবিংশ শতাব্দীতে ইংরেজেরা স্নানের পরে যে গায়ে তোয়ালে ঘষে, তার কত হাজার বৎসর আগে আমাদের আৰ্যদের মধ্যে গামছা দিয়ে গাঠমার্জনপ্রথা প্রচলিত ছিল ভেবে দেখুন দেখি।

লেখকগণ। (সবিস্ময়ে) আশ্চর্য! ধন্য! আৰ্যদের কী বিজ্ঞানপারদর্শিতা! আৰ্য কুণ্ডুমশায়ের কী গবেষণা!

হরিহর। ভালো মূর্খের হাতেই আজ পড়া গিয়েছে। কিন্তু একে চটিয়ে কাজ নেই। নানা কাগজে লিখে থাকে। শুনোছি নাকি এই আৰ্য কুণ্ডু ভদ্রলোকদের বস্ত্র গাল দিতে পারে। সেইজন্যেই বিখ্যাত।

চিন্তামণি। ঐ দেখুন—ঐ আৰ্য ব্রাহ্মণ প্রাতঃকালে যে ফুল তুলছে, কেন তুলছে বলুন দেখি।

অশ্বৈত। পূজার সময় দেবতাকে দেবে বলে।

চিন্তামণি। ছি, ছি, আপনারা কিছুই গভীর তলিয়ে দেখেন না। সকালে ফুল তুলতে যখন ঋষিরা অনুমতি করেছেন তখন স্পষ্টই প্রমাণ হচ্ছে যে, বাতাসে অক্সিজেন বাষ্প যে আছে এ তাঁরা জানতেন। তা যখন জানা ছিল, তখন অবশ্য অন্যান্য বাষ্পের কথাও তাঁরা জানতেন সন্দেহ নেই। এইরকম একে একে অতি স্পষ্ট করে প্রমাণ করে দেওয়া যায় যে, আধুনিক যুরোপীয় রসায়ন-শাস্ত্রের কিছুই তাঁদের অগোচর ছিল না। হাই ভোল্টার সময় তুড়ি দেওয়া কেন? সেও ম্যাগনেটিজ্‌ম্। উত্তানবায়ুর সঙ্গে আধানশক্তির যোগ হয়ে যখন ভৌতিক বলে পরিচালিত নিধান-শক্তি স্বশক্তির প্রভাবে প্রাণ কারণ এবং ধারণ এই তিনটেকে অতিক্রম করতে থাকে তখন সত্ত্ব রজ এবং তম এই তিনেরই ব্যতিক্রমদশা ঘটে। এমন সময়ে মধ্যমা এবং বৃন্দাঙ্গদ্বয়ের ঘর্ষণজনিত বায়ব তাপের কারণভূত স্নায়ব তাপ সৌর তাপের সঙ্গে মিলিত হয়ে জীবদেহের ভৌতিক তাপের আত্যন্তিক প্রলয়দশা ঘটতে দেয় না। একে বিজ্ঞান বলে না তো কাকে বিজ্ঞান বলে? অথচ আমাদের আৰ্য ঋষিগণ ডারউইনের কোনো গ্রন্থই পড়েন নি!

লেখকগণ। আশ্চর্য! ধন্য! ধন্য আৰ্যমহিমা! আমরা এতদিন এ-সকল কথার কিছুই বুঝতুম না!

হরিহর। (স্বগত) এবং আজও কিছু বুঝতে পারছি নে!

চিন্তামণি। মাটিতে পাখা ঠোকার বিষয়ে যদি জিজ্ঞাসা করেন তো সেও ম্যাগনেটিজ্‌ম্! সম্প্রসারণ এবং নিঃসারণ, বিপ্রকর্ষণ এবং নিকর্ষণ এই কটা ভৌতিক ক্রিয়ার যোগে—

অশ্বৈত। রক্ষা করুন মশায়, আমার মাথা ঘুরছে। পাখা ঠোকার বিষয়ে আপনি আমার কাগজে লিখবেন এখন! আপনি অনেক বকেছেন, আপনাকে একটা পান আনিয়ে দিই।

চিন্তামণি। আজে না, আপনার এখানে আমি পান খেতে পারি নে। আপনি আৰ্যক্রিয়াকলাপ অনুসরণ করেন না—যে আধ্যাত্মিক শক্তি আমাদের আৰ্যনাড়ীতে কুলক্রমাগত প্রবাহিত হয়ে আসছে সেই শক্তি—

অশ্বৈত। মশায়, থাক্ মশায়, আপনাকে পান দেব না, আপনি পান নেই খেলেন। অনুমতি করেন তো বরঞ্চ তামাক আনিয়ে দিচ্ছি।

চিন্তামণি। তামাক! কী সর্বনাশ! সে আরো খারাপ! উৎকৃষ্ট জাতি নিকৃষ্ট জাতির হুকোয় তামাক খায় না কেন? এক জাতি আর-এক জাতির স্পষ্টে অন্ন খায় না কেন? আগে আৰ্য অনাৰ্যের ছায়া মাড়াতেন না কেন? তার মধ্যে কি বিজ্ঞান নেই? অবশ্য আছে। আপনাকে বুঝিয়ে দিচ্ছি। সেও ম্যাগনেটিজ্‌ম্। উত্তম মধ্যম এবং অধম এই তিনপ্রকার দেহজ বিকিরণশক্তি—

অশ্বৈত। থামুন থামুন—তামাক দেব না মশায়, কাজ নেই আপনার তামাক খেয়ে। পানও থাক্, তামাকও থাক্—যাতে আপনার সর্বাধিক হয়, যাতে আপনার দেহজ বিকিরণশক্তি রক্ষা হয়, তাই করুন।



লেখকগণ। যিক্ অশ্বৈতবাবু, আপনি আর্থশ্রেষ্ঠ কুণ্ডুমশায়ের জ্ঞানগর্ভ কথা শুনতে দিলেন না!

প্রথম লেখক। (শ্বিতীয়ের প্রতি) কুণ্ডুমশায়ের কী অসাধারণ যুক্তিশক্তি ও জ্ঞান। কিন্তু কিছ্ কী বুদ্ধিতে পারলে ভাই?

শ্বিতীয় লেখক। না ভাই, বোঝা গেল না। ভালো করে জিজ্ঞাসা করা যাক্-না। আচ্ছা মশায়, আপনি ধারণ কারণ প্রভৃতি যে-সকল শক্তির উল্লেখ করলেন, সেগুলো কী?

চিন্তামণি। সেগুলো আর কিছ্ নয়—ইংরেজিতে যাকে বলে ফোর্স, যাকে বলে ন্যাগ্‌নেটিজম্।

লেখকগণ। (সমস্বরে) ওঃ, বুদ্ধি।

হরিহর। আজে, আমি এখনো কিছ্ বুদ্ধিতে পারছি নে।

লেখকগণ। (বিস্ময় হইয়া) বুদ্ধিতে পারছেন না! ন্যাগ্‌নেটিজম্—ফোর্স—সোজা কথা। ন্যাগ্‌নেটিজম্ তো জানেন? ফোর্স তো জানেন? এও তাই আর-কি। আর্থদের অসাধারণ বিজ্ঞানচর্চা!

প্রথম লেখক। এ-সকল স্পষ্ট বুদ্ধিতে গেলে নানা শাস্ত্র জানা আবশ্যিক। মশায়ের বোধ করি নানা শাস্ত্র অধ্যয়ন করা হয়েছে?

চিন্তামণি। না, শাস্ত্রটা এখনো পড়া হয় নি। আমি, আমার বাবা এবং নফর কুণ্ডু আর্থ—এইজন্য শাস্ত্র অধ্যয়ন আমি বাহুল্য বিবেচনা করেছি।

শ্বিতীয় লেখক। তা বটে, কিন্তু বিজ্ঞানটা আপনি অবিশ্য ভালো করেই পড়েছেন।

চিন্তামণি। আজে না, আমি চিন্তাশক্তির প্রভাবে আমাদের আর্থজাতির হাঁচি কাশি তুড়ি আঙুল-মটকানো প্রভৃতি আচার-ব্যবহারের নানাবিধ সূক্ষ্ম বৈজ্ঞানিক তত্ত্বসকল আয়ত্ত করেছি। আমার বিজ্ঞান পড়া আবশ্যিক হয় নি। আপনারা শুনেন হয়তো বিশ্বাস করবেন না, কিন্তু আর্থ-শাস্ত্রের দ্বিবি নিয়ে আমি শপথ করতে পারি, আমি আর্থশাস্ত্র কিংবা বিজ্ঞান কিছ্ই পড়ি নি। আমার সমস্ত বিদ্যা স্বাধীনচিন্তাপ্রসূত।

হরিহর। আজে, শপথ করবার আবশ্যিক নেই পড়াশুনো আছে, এরূপ অপবাদ আপনাকে কেউ দেবে না।

চৈত্র ১২৯২

## একান্নবতী

দৌলতচন্দ্র ও কানাই

দৌলত। হৃদয় যখন ভাবে উদ্দীপ্ত হয়ে ওঠে তখন কোম্পানির দমকল এলেও থামাতে পারে না। একান্নবতী পরিবার-প্রথা সম্বন্ধে সভায় দাঁড়িয়ে অনর্গল বলতে লাগলুম, সভাপতি ঘুমিয়ে পড়াতে নিষেধ করবার কেউ রইল না। শেষকালে দুজন ছোকরা এসে দুই হাত ধরে আমাকে টেনে বসিয়ে দিলে। সেদিন এত উৎসাহ হয়েছিল!

কানাই। বটে, তা হবার কথাই তো। তা, আপনি কী বলেছিলেন?

দৌলত। আমি বলেছিলাম, স্বার্থত্যাগের একমাত্র উপায় একান্নবতী পরিবার। যেখানে পরের অর্থেই জীবননির্বাণ হয় সেখানে স্বার্থের কোনো প্রয়োজনই হয় না। খবরের কাগজে আমার বক্তৃতা খুব রটে গেছে—তারা সকলেই বলছে, দুঃখের বিষয় দৌলতবাবুর পরিবার কেউ নেই, তিনি একলা।

দীর্ঘনিশ্বাস

## জয়নারায়ণের প্রবেশ

জয়নারায়ণ। জয় হোক বাবা! আমি তোমার পিসে।

দৌলত। সে কী মশায়, আমার তো পিসি নেই।

জয়নারায়ণ। না, তাঁর কাল হয়েছে বটে।

দৌলত। পিসি কোনোকালেই যে ছিলেন না।

জয়নারায়ণ। (ঈষৎ হাসিয়া) সে কী করে হয় বাবা! আমি তা হলে তোমার পিসে হলুম কী করে! (কানাইয়ের প্রতি) কী বলেন মশায়!

কানাই। তা তো বটেই।

দৌলত। যে আজ্ঞে, তা আপনার কী অভিপ্রায়ে আগমন?

জয়নারায়ণ। অভিপ্রায় তেমন বিশেষ কিছু নয়। শুনলুম আমরা পৃথক হয়ে আছি বলে খবরের কাগজে নিন্দে করছে, তাই একত্র বাস করতে এসেছি।

দৌলত। আপনার সম্পত্তি কিছু আছে?

জয়নারায়ণ। কিছু নেই, কোনো বালাই নেই, কোনো উৎপাত নেই। কেবল এক খুড়তুতো ভাই আছে—তা, সেও এল বলে।

দৌলত। তা বটে। তাঁর কিছু আছে?

জয়নারায়ণ। কিছু না, কোনো ঝগড়া না। কেবল দুই স্ত্রী ও চারটি শিশুসন্তান; তারাও এল বলে। এতক্ষণ এসে পড়ত; যাত্রা করবার বেলা দুই স্ত্রীতে চুলোচুলি বেধে গেছে, তাই যা দৌর।

দৌলত। কানাই, কী করা যায়!

জয়নারায়ণ। তোমাকে কিছুই করতে হবে না—তারা আপনারাই আসবে, ভাবনা কী দৌলত! অত অস্পে কাতর হোয়ো না। তারা আজ সন্ধ্যার মধ্যেই এসে পৌঁছবে।

## রামচরণের প্রবেশ ও ভূমিষ্ঠ হইয়া দৌলতকে প্রণাম

রামচরণ। মামা, তোমার বস্তুতায় বড় লজ্জা দিয়েছে।

দৌলত। কে হে বাপু, কে তুমি?

রামচরণ। আজ্ঞে, আপনারই ভাগ্নে রামচরণ। ইস্টিশানে লোক পাঠিয়ে দিন—সেখানে একটি পুটুর্লি আর বড়ি মাকে রেখে এসেছি।

দৌলত। এখানে কী করতে আসা?

রামচরণ। বাস করতে।

দৌলত। আর কোথাও বাসস্থান নেই?

রামচরণ। একরকম আছে বটে, কিন্তু সেখানে স্বার্থত্যাগ শিক্ষা হয় না।

দৌলত। (ভীতভাবে) কানাই!

কানাই। আপনার উপদেশ উনি যেরকম দৃঢ়ভাবে গ্রহণ করেছেন ঠুকে বোধ হয় নড়ানো শক্ত হবে।

## নিতাইয়ের প্রবেশ

নিতাই। দাদা, চাকরি ছেড়ে এলুম, নইলে তোমার যে নিন্দে হয়। কে আছিঁস রে! ঝট্ করে দুটো ডাব পেড়ে নিয়ে আয় তো। বড়ো পিপাসা লেগেছে।

## নদেরচাঁদের প্রবেশ

নদেরচাঁদ। এই লও খুড়ো, আমার সমস্ত স্বার্থ বিসর্জন দিতে এসেছি। এই আমার ভাঙা বোকনো, থেলো হুকো আর এই বেড়ালছানাটি। এর মধ্যে ও দুটো পৈতৃক সম্পত্তি, বেড়ালছানা আমার স্বেপার্জিত। আর আমায় দোষ দিতে পারবে না, তোমার এখানেই আমি লেগে রইলুম।

## দর্জির প্রবেশ

দৌলত। তুমি আমার কে হও বাপদু?

দর্জি। আজ্ঞে আমি দর্জি, আপনার গায়ের মাপ নিতে এসেছি।

দৌলত। এখন যাও, টানাটানির সময়, এখন আমি কাপড় করাতে পারব না।

নদেরচাঁদ। খলিফাজি, যাও কোথায়। আমার গায়ের মাপটা নেও। খুড়োর গায়ে যেরকম ফুলকাটা ছিটের জামা দেখছি অমনি ছ-জোড়া হলেই আমার চলে যাবে। যদি বেশ ভালো রকম করে তৈরি করে দিতে পার তো খুড়ো তোমাকে খুঁশি করে দেবেন, বদুখে খলিফাজি?

দর্জি। যে আজ্ঞে।

## গায়ের মাপ-লওন

## বালক-সম্মত পরেশনাথের প্রবেশ

পরেশ। (দৌলতকে প্রণাম করিয়া বালকের প্রতি) তোর জ্যাঠামশায়কে প্রণাম কর। দাদা, এই লও তোমার ড্রাভুপুত্র।

দৌলত। আমার ড্রাভুপুত্র!

পরেশ। যাকে চলিত বাংলায় বলে ভাইপো। দাদা যে একেবারে অবাক। ড্রাভু শব্দের ষষ্ঠীতে হয় ড্রাভুঃ, তার উপরে পুত্র শব্দ যোগ করলেই হল ড্রাভুপুত্র। স্বয়ং পার্গনি বোপদেব রয়েছেন, অন্য প্রমাণের প্রয়োজন কী? অতএব ইনি হলেন ভাইপো।

কানাই। আপনার ছেলোট কী করেন?

পরেশ। ওকে নিজেই পড়াচ্ছিলুম। হুস্ব ই পর্যন্ত সেরে দীর্ঘ ঈতে এমনি আটকা পড়ল যে ভাবলুম, দৌলন্দা যখন আছেন তখন ছেলের লেখাপড়ার দরকার কী? যে বেটার হুস্ব-দীর্ঘ জ্ঞান নেই তার পক্ষে বাবা জ্যাঠা দুই সমান। কেমন কিনা?

কানাই। সমান বৈকি।

পরেশ। দাদা বলেছেন, নিজের ক্ষুধা হয়ে জ্ঞান করে পরের ক্ষুধানিবৃত্তির সুখ একমাত্র একান্তবর্তী পরিবারেই সম্ভব। শুনাই ঠাওরালুম, এ সুখ দাদা নিশ্চয়ই অনেক দিন পান নি। যদি বা পেয়ে থাকেন বিস্মিত হয়েছেন। তাই নিতান্ত মমতাপরবশ হয়ে ছেলোটকে এখানে নিয়ে এলুম। রাবণের চুলো যদি কোথাও জ্বলে সে এর পেটের মধ্যে।

## নটবরের প্রবেশ

নটবর। (দৌলতের কান মালিয়া) কী রে শালা! শুনলুম নাকি শালার শোকে সভায় দাঁড়িয়ে কেঁদে ভাসিয়ে দিয়েছিস?

দৌলত। কে হে তুমি বৌল্লিক! ভদ্রলোকের কানে হাত দাও।

নটবর। ভগ্নীপতির কান মলব না তো কি কান ভাড়া করে এনে মলব! কী বলেন মশায়?

কানাই। কথাটা তো ঠিক বটে।

দৌলত। কী বল হে কানাই! আমার স্ত্রীই নেই, তো আবার শালা কিসের?

নটবর। তোমারই যেন স্ত্রী নেই, তাই বলে আর কারো স্ত্রী নেই? একটু ভেবে দেখো-না।

দৌলত। স্ত্রী তো অনেকেরই আছে, তা আর ভাবতে হবে কী!

নটবর। (হাসিয়া) তবে?

দৌলত। (সরোষে) তবে কী! তুমি আমার শালা কোন্ সম্পর্কে?

নটবর। কেন, দাদার সম্পর্কে। দাদা আছেন তো! শালাই যেন ভাঁড়ালে, কিন্তু দাদা বেকবুল গেলে তো চলবে না!

দৌলত। আমি তো জানতেম নেই, কিন্তু আজ যেরকম দেখছি তাতে—

নটবর। থাক্, তা হলেই তো চুকে গেল। বেশি বকাবকিতে কাজ কী? ভদ্রলোক বসে আছেন, এ'র সামনে কে শালা আর কে শালা নয় তা নিয়ে তকুরার করা ভালো দেখায় না। (দৌলতের পশ্চাৎ হইতে তাকিয়া টানিয়া লইয়া) একটু জিরোনো বাক, এক ছিলাম তামাক ডাকো।

ফলমলমিষ্টান্ন লইয়া ভূতোর প্রবেশ

ভূতা। (দৌলতকে) আপনার জলখাবার।

দৌলত। (সরোষে) বেটা, তোকে এখানে কে খাবার আনতে বলেছে? বাড়ি-ভিতর নিয়ে যা!

পরেশ। বিলক্ষণ, তাতে দোষ হয়েছে কী! (ভূতোর প্রতি) ওরে তুই দিয়ে যা, এ দিকে দিয়ে যা।

খালা লইয়া আহাৰ আরম্ভ

চুলের মূঠি ধরিয়া বিধুভূষণকে লইয়া দুই স্ত্রীলোকের প্রবেশ

প্রথমা। পোড়ারমুখো তোমার মরণ হয় না!

দৌলত। (শশব্যস্ত) এ'রা কে?

জয়নারায়ণ। বাবা, ব্যস্ত হোয়ো না, আমার সেই খুড়তুত ভাই এসে পেঁচেছেন।

প্রথমা। ও আবাগের বেটা ভূত!

দ্বিতীয়া। মার্ ঝাঁটা, মার্ ঝাঁটা!

দৌলত। ভাই কানাই!

কানাই। সহিষ্ণুতা শিক্ষার এমন উপায় আর কী আছে!

প্রথমা। মিন্‌সে বড়োবয়েসে আক্কেল খুইয়ে বসেছ!

দ্বিতীয়া। ওগো, এত লোকের এত স্বামী মরছে, যমরাজ কি তোমাকেই ভুলেছে!

দৌলত। বাছারা একটু ঠাণ্ডা হও।

উভয়ে। ঠাণ্ডা হব কিরে মিন্‌সে। তুই ঠাণ্ডা হ, তোর সাত পুরুষ ঠাণ্ডা হয়ে মরুক।

দৌলত। কানাই!

কানাই। গৃহ পূর্ণ হয়েছে—

দৌলত। গ্রহ পূর্ণ হয়েছে বলো—

কানাই। যাই হোক, আজ আর আমাকে প্রয়োজন নেই। আমি এই বেলা সরি।

[ প্রস্থান

দৌলত। (উচ্চস্বরে) কানাই, আমাকে একলা রেখে পালাও কোথায়!

সকলে মিলিয়া। (দৌলতকে চাপিয়া ধরিয়া) একলা কিসের! আমরা সবাই আছি, আমরা কেউ নড়ব না।

দৌলত। বল কী!

সকলে। হাঁ, তোমার গা ছুঁয়ে বলছি।

বৈশাখ ১২৯৪

## সূক্ষ্ম বিচার

চণ্ডীচরণ ও কেবলরাম

কেবলরাম। মশায়, ভালো আছেন?

চণ্ডীচরণ। 'ভালো আছেন' মানে কী?

কেবলরাম। অর্থাৎ সুস্থ আছেন?

চণ্ডীচরণ। স্বাস্থ্য কাকে বলে?

কেবলরাম। আমি জিজ্ঞাসা করছিলাম, মশায়ের শরীর-গতিক—

চণ্ডীচরণ। তবে তাই বোলো। আমার শরীর কেমন আছে জানতে চাও। তবে কেন জিজ্ঞাসা করছিলে আমি কেমন আছি? আমি কেমন আছি আর আমার শরীর কেমন আছে কি একই হল? আমি কে, আগে সেই বোলো।

কেবলরাম। আজ্ঞে, আপনি তো চণ্ডীচরণবাবু।

চণ্ডীচরণ। সে বিষয়ে গুরুদত্তর তর্ক উঠতে পারে।

কেবলরাম। তর্ক কেন উঠবে! আপনি বরঞ্চ আপনার পিতাঠাকুরকে জিজ্ঞাসা করবেন।

চণ্ডীচরণ। নাম জিনিসটা কী? নাম কাকে বলে?

কেবলরাম। (বহু চিন্তার পর) নাম হচ্ছে মানুষের পরিচয়ের—

চণ্ডীচরণ। নাম কি কেবল মানুষেরই আছে, অন্য প্রাণীর নেই?

কেবলরাম। ঠিক কথা। মানুষ এবং অন্যান্য প্রাণীর—

চণ্ডীচরণ। কেবল মানুষ ও প্রাণী ছাড়া আর-কিছুর নাম নেই? তবে বস্তু চেনার কী উপায়?

কেবলরাম। ঠিক বটে। মানুষ, প্রাণী এবং বস্তু—

চণ্ডীচরণ। শব্দ স্বাদ বর্ণ প্রভৃতি অবস্থুর কি নাম নেই?

কেবলরাম। তাও বটে। মানুষ, প্রাণী, বস্তু এবং শব্দ, স্বাদ, বর্ণ প্রভৃতি অবস্তু—

চণ্ডীচরণ। এবং—

কেবলরাম। আবার এবং!

চণ্ডীচরণ। এবং আমাদের মনোবৃত্তি ও হৃদয়বৃত্তির—

কেবলরাম। এবং আমাদের মনোবৃত্তি ও হৃদয়বৃত্তির—

চণ্ডীচরণ। এবং অন্তর ও বাহিরের যাবতীয় পরিবর্তনের ও ভিন্ন ভিন্ন অবস্থার—

কেবলরাম। যাবতীয় পরিবর্তনের এবং ভিন্ন ভিন্ন অবস্থার—

চণ্ডীচরণ। এবং—

কেবলরাম। (কাतरভাবে) এবং না বলে এইখানে একটা ইত্যাদি লাগানো যাক-না।

চণ্ডীচরণ। আচ্ছা বেশ। এখন সমস্তটা কী হল বোলো তো। কথাটা পরিষ্কার হয়ে যাক।

কেবলরাম। (মাথা চুলকাইয়া) পরিষ্কার হবে কি না বলতে পারি নে, চেষ্টা করি। নাম হচ্ছে মানুষের এবং অবস্থুর, না না—বস্তু এবং অবস্থুর, এবং বাহিরের ও অন্তরের যাবতীয় হৃদয়-বৃত্তির, না মনোবৃত্তির, না না—যাবতীয় ভিন্ন ভিন্ন কিংবা পরিবর্তন ও অবস্থার ভিন্ন ভিন্ন যাবতীয়—এ তো মর্শকাল হল! কিছতেই গুঁছিয়ে উঠতে পারছি নে। এক কথায় নাম হচ্ছে মানুষের এবং প্রাণীর এবং—দূর হোক গো, মানুষের, প্রাণীর এবং ইত্যাদির পরিচয়ের উপায়।

চণ্ডীচরণ। এ সম্বন্ধে তর্ক আছে। পরিচয় কাকে বলে!

কেবলরাম। (জোড়হস্তে) আমি কাউকেই বলি নে। মশায়ই বলুন।

চণ্ডীচরণ। ভিন্ন ভিন্ন পদার্থের প্রভেদ অবগত হয়ে তাদের স্বতন্ত্র করে জানা। এই ঠিক তো!

কেবলরাম। এ ছাড়া আর তো কিছ হতেই পারে না।

চণ্ডীচরণ। তা হলে তুমি অস্বীকার করছ না?

কেবলরাম। আজে না।

চণ্ডীচরণ। যদিই অস্বীকার কর তা হলে এ সম্বন্ধে গুটিকতক তর্ক আছে।

কেবলরাম। না না, আমি কিছুমাত্র অস্বীকার করছি নে।

চণ্ডীচরণ। মনে কর, যদিই কর।

কেবলরাম। (ভীতভাবে) আজে না, মনেও করতে পারি নে।

চণ্ডীচরণ। তুমি না কর, যদি আর কেউ করে।

কেবলরাম। কারো সাধ্য নেই যে করে। এতবড়ো দূঃসাহসিক কে আছে!

চণ্ডীচরণ। আচ্ছা বেশ, এটা যেন স্বীকারই করলে; তার পরে, নামই যদি পরিচয়ের একমাত্র উপায় হবে তবে কি আমার চেহারা পরিচয়ের উপায় নয়? আর আমার অন্যান্য লক্ষণগুলো—

কেবলরাম। আজ সম্পূর্ণ বুদ্ধিহীন নাম কাকে বলে তার নামগন্ধও জানি নে, আপনিই বলে দিন।

চণ্ডীচরণ। ভাষার দ্বারা স্বতন্ত্র পদার্থের স্বাতন্ত্র্য নির্দিষ্ট করবার একটি কৃত্রিম উপায়কে বলে নামকরণ—যদি অস্বীকার কর—

কেবলরাম। না, আমি অস্বীকার করি নে—

চণ্ডীচরণ। কেবল তর্কের অনুরোধেও যদি অস্বীকার কর—

কেবলরাম। তর্কের অনুরোধে কেন, বাবার অনুরোধেও অস্বীকার করতে পারি নে।

চণ্ডীচরণ। এর কোনো একটা অংশও যদি অস্বীকার কর।

কেবলরাম। একটি অক্ষরও অস্বীকার করতে পারি নে।

চণ্ডীচরণ। এই মনে করো, ‘কৃত্রিম’ কথাটা সম্বন্ধে নানা তর্ক উঠতে পারে।

কেবলরাম। ঠিক তার উল্টো, ঐ কথাতেই সকল তর্ক দূর হয়ে যায়।

চণ্ডীচরণ। আচ্ছা, তাই যদি হল মীমাংসা করা যাক আমার নাম কী।

কেবলরাম। (হতাশভাবে) মীমাংসা আপনিই করুন, আমার খিদে পেয়েছে।

চণ্ডীচরণ। নাম আমার সহস্র আছে; কোনটা তুমি শুনতে চাও?

কেবলরাম। যেটা আপনি সবচেয়ে পছন্দ করেন।

চণ্ডীচরণ। প্রথমে বিচার করতে হবে কিসের সঙ্গে আমার প্রভেদ জানতে চাও— যদি পশুর সঙ্গে আমার প্রভেদ নির্দেশ করতে চাও—

কেবলরাম। আজে, তা চাই নে—

চণ্ডীচরণ। তা হলে আমার নাম মানুষ। যদি শ্বেত পীত পদার্থের সঙ্গে আমার প্রভেদ জানতে চাও তবে আমার নাম—

কেবলরাম। কালো।

চণ্ডীচরণ। শামলা। যদি ছেলের সঙ্গে প্রভেদ জানতে চাও তবে আমার নাম—

কেবলরাম। বড়ো।

চণ্ডীচরণ। মধ্যবয়সী।

কেবলরাম। তবে চণ্ডীচরণ কার নাম মশায়?

চণ্ডীচরণ। একটি মনুষ্যের মধ্যে, একটি উজ্জ্বল শ্যামবর্ণ মনুষ্য বিশেষের মধ্যে, একটি পূর্ণপরিণত মনুষ্যের মধ্যে তার জন্মকাল হতে আজ পর্যন্ত যে-সকল পরিবর্তন অহরহ সংঘটিত হচ্ছে এবং মৃত্যুকাল পর্যন্ত হবার সম্ভাবনা আছে, সেই পরিবর্তন ও পরিবর্তন-সম্ভাবনার কেন্দ্র-স্থলে যে-একটি সজ্ঞান ঐক্য বিরাজ করছে, তাকেই একদল লোক অর্থাৎ সেই লোকদের সজ্ঞান ঐক্য চণ্ডীচরণ নামে নির্দেশ করে।

কেবলরাম। সর্বনাশ! মশায় বেলা হল। অত্যন্ত ক্ষুধানুভব হয়েছে, আহারও প্রস্তুত, এবার তবে—

চণ্ডীচরণ। (হাত চাপিয়া ধরিয়া) রোসো— আসল কথাটার কিছুই মীমাংসা হয় নি। সবে

আমরা তার ভূমিকা করেছি মাত্র। তুমি জিজ্ঞাসা করছিলে আমি ভালো আছি কি না; এখন প্রশ্ন এই, তুমি কী জানতে চাও। আমার অন্তর্গত প্রাণী কেমন আছে জানতে চাও, না মনুষ্য কেমন আছে জানতে চাও—

কেবলরাম। গোড়ায় কী জানতে চেয়েছিলুম তা বলা ভারি শক্ত। কিন্তু আপনার সঙ্গে এতক্ষণ কথা কয়ে এখন অনুমান হচ্ছে আপনার সজ্ঞান ঐক্য কেমন আছেন এইটে জানাই অজ্ঞান আমার অভিপ্রায় ছিল।

চণ্ডীচরণ। অত্যন্ত কঠিন প্রশ্ন জিজ্ঞাসা করেছিলে।

কেবলরাম। তা হলে মাপ করবেন—অপরাধ করেছি, এখন অনুতাপে এবং পেটের জ্বালায় দগ্ধ হচ্ছি। আহারের পূর্বে এরকম প্রশ্ন আমি আর কখনো আপনাকে জিজ্ঞাসা করব না।

চণ্ডীচরণ। (কর্ণপাত না করিয়া) আমি ভালো আছি কি না জিজ্ঞাসা করলে প্রথম দেখা আবশ্যক ভালোমন্দ কাকে বলে। তার পরে স্থির করতে হবে আমার সম্বন্ধে ভালোই বা কী আর মন্দই বা কী। তার পরে দেখতে হবে বর্তমানে যা ভালো তা—

কেবলরাম। মশায়, আপনার পায়ে ধরিছি এখনকার মতো ছুটি দিন। বরং ‘আপনি কেমন আছেন’ এই অত্যন্ত কঠিন প্রশ্নের উত্তর আপনি কবে দিতে পারবেন একটা দিন স্থির করে দিন—আমি যে নিতান্ত বাস্তব হয়েছি তা নয়—নাহয় উত্তর পেতে কিছুদিন দেরিই হবে, নাহয় উত্তর নেই পাওয়া গেল। কিন্তু আজ আমার অপরাধ ক্ষমা করুন, ভবিষ্যতে আমি সতর্ক হব।

বৈশাখ ১২৯০

## আশ্রমপীড়া

### প্রথম দৃশ্য

#### নবকান্ত

নবকান্ত। ওঃ! প্রেমের রহস্য কে ভেদ করতে পারে! না জানি সে কিসের বন্ধন যাতে এক হৃদয়ের সঙ্গে আর-এক হৃদয় বাঁধা পড়ে! কী জ্যোৎস্নাপাশ, কী পুষ্পসৌরভের ডোর, কী মৃদুকুলিত মধুমাসের মধুর মলয়ানিলের বন্ধন!

#### নরোত্তমের প্রবেশ

নরোত্তম। কী সর্বনাশ! নবকান্তের হাতে পড়লে তো রক্ষা নেই! ধরলে বদ্বিধি!

নবকান্ত। (নরোত্তমকে ধরিয়া) ভাই, প্রেমের কী মহান শক্তি!

নরোত্তম। খিদের শক্তি তার চেয়ে বেশি। আমি খেতে যাই, আমাকে ছাড়ে—

নবকান্ত। হৃদয়ের ক্ষুধা—

নরোত্তম। হৃদয়ের নয়, উদরের। আমি খেয়ে আসি—

নবকান্ত। খাওয়ার কথা বলছি নে।

নরোত্তম। তুমি কেন বলবে, আমি বলছি। একটু রোসো, আমি—ঐ-যে আদ্যনাথবাবু আসছেন। ঠুকে ধরো, প্রেমের শক্তি বোঝবার লোক এমন আর পাবে না।

## আদ্যানাথের প্রবেশ

নবকান্ত। (আদ্যানাথকে ধরিয়া) মশায়, প্রেমের কী মহান শক্তি!

আদ্যানাথ। মহান শক্তি কী বাপু! মহতী শক্তি। কারণ, শক্তি শব্দ স্ত্রীলিঙ্গ, তৎপদ্বর্বে—

নবকান্ত। ভেবে দেখুন, প্রেমের সৈন্য নেই, সামন্ত নেই, অথচ প্রেম বিশ্ববিজয়ী। সে আপন জীবন্ত—

আদ্যানাথ। জীবন্ত হতেই পারে না।

নবকান্ত। আজে হাঁ, সে আপনার জীবন্ত প্রভাবেই—

আদ্যানাথ। জীবিত বলো-না কেন, তা হলে ব্যাকরণ—

নবকান্ত। জীবন্ত প্রভাবে সর্বত্র আপনার পথ সৃজন—

আদ্যানাথ। সৃজন নয়—সর্জন।

নবকান্ত। পথ সৃজন করে নেয়। এই-যে সূর্য্যতারাখচিত—

আদ্যানাথ। সর্জন, কেননা সৃজ্ ধা—

নবকান্ত। নীলাকাশ, এই-যে বিচিত্রপদ্মপশোভিত—

আদ্যানাথ। সৃজ্ ধাতুর উত্তর—

নবকান্ত। পদ্মপকানন—

[কথোপকথন করিতে করিতে প্রস্থান]

## গণেশের প্রবেশ

গণেশ। লেখাটা তো শেষ করেছি, এখন শোনাই কাকে? খাতা হাতে যেখানেই যাই কাউকে দেখতে পাই নে। আজ কাউকে শোনাতেই হবে—সন্ধান দেখি গে।

## দ্বিতীয় দৃশ্য

## হরিচরণ নবীনমাধব নরোত্তম

হরিচরণ। ওহে, এতদিন ছিলাম ভালো, কোনো আপদ ছিল না। এখন কী করা যায়!

নবীন। তাই তো, কী করা যায়!

নরোত্তম। তাই তো হে, উপায় কী!

হরিচরণ। এতদিন আমাদের বাসায় আপদের মধ্যে নবকান্ত ছিল, তাকে সঙ্গে গিয়েছিল, এখন কোথা থেকে একটা লেখক এসেছে।

নরোত্তম। বাসায় লেখক থাকা কাজের কথা নয়।

নবীন। কাল জাতিভেদের উপর এক কবিতা লিখে শোনাতে এসেছিল।

হরিচরণ। কাল রাত্রি সাড়ে-দশটা, সব আমার একটু তন্দ্রা এসেছে, এমন সময় লেখক এসে উপস্থিত। তন্দ্রা তো ছুটলই, আমিও তার পশ্চাৎ পশ্চাৎ ছুটলুম।

নরোত্তম। আরে ভাই, আমাকেও—ঐ আসছে।

হরিচরণ। ঐ এল রে!

নবীন। ঐ খাতা!

হরিচরণ। পালাই।

[প্রস্থান]

নবীন। আমিও পালাই।

[প্রস্থান]



নরোত্তম। আমি মোটা মানুষ ছুটতে পারব না, করি কী!

গণেশের প্রবেশ

গণেশ। তিনটে প্রবন্ধ—

নরোত্তম। কটা বাজল কে জানে!

গণেশ। একটা হচ্ছে আধুনিক স্ত্রীজাতির—

নরোত্তম। মশায়, ঘড়ি আছে? দেখুন তো সময়—

গণেশ। আজ্ঞে, ঘড়ি নেই। আমার প্রবন্ধের একটা হচ্ছে—

নরোত্তম। (উচ্চস্বরে) ওরে মোধো, আপিসের চাপকানটা কোথায় রাখালি?

গণেশ। বুদ্ধেছেন নরোত্তমবাবু, একটা প্রবন্ধ হিন্দুধর্মের—

নরোত্তম। (নেপথ্যে চাহিয়া) ঐ ঐ ঐ সর্বনাশ হল! ছেলোটা প'ল বুদ্ধি!

[প্রস্থান

গণেশ। কাল থেকে চেষ্টা করছি, কাউকে পাচ্ছি নে। কে যেন কাকের বাসায় ঢিল ছুঁড়েছে—  
বাসাসমূহ প্রাণী চণ্ডল হয়ে বেড়াচ্ছে। পূর্বে যে বাসায় ছিলুম সেখানে একটি লোকও বাকি রইল  
না, কাজেই ছেড়ে আসতে হল। এখানেই বা এরা দু-দু-স্থির হয়ে বসতে পারে না কেন! যাই,  
নরোত্তমবাবুকে ধরি গে। লোকটি বেশ মোটাসোটা ভালোমানুষ।

## তৃতীয় দৃশ্য

নরোত্তম ও নবকান্ত

নবকান্ত। দেখো নরোত্তম, হৃদয়ের রহস্য—

নরোত্তম। এখন নয় ভাই, আপিস আছে।

নবকান্ত। (সানিশ্বাসে) আহা, তোমার তো আপিস আছে, আমার কী আছে বলো তো।  
আমার যে occupation gone! Othello's occupation gone! শেক্সপিয়র যে লিখেছে—  
কোথায় যাও—আঃ, শোনো-না—

নরোত্তম। না ভাই, আমাকে মাপ করো—সাহেব রাগ করবে, আমারও occupation যাবার  
জো হবে।

নবকান্ত। আমি বলছিলাম উভয় পক্ষের যদি—আহা শোনো-না—উভয় পক্ষের—

নরোত্তম। ও-সব কথা আমার জানা নেই, উভয় পক্ষের কথা শুনলে আমার ভারি গোল বেধে  
যায়, মাথা ঘুরতে থাকে।

নবকান্ত। তুমি আমার কথা না শুনাই যে ভয় পাচ্ছ, আমি যা বলছি তা তর্কের কথা নয়—  
হৃদয়ের কথা, সহজ কথা।

নরোত্তম। কিন্তু ঐ সহজ কথাতেই সাড়ে-চারটে বেজে যাবে—আমায় ছাড়া।

নবকান্ত। আচ্ছা দেখো, দশ মিনিটের বেশি লাগবে না—ঘড়ি ধরে থাকো, আমি বলে যাই।

নরোত্তম। (সকাতরে) নবকান্ত, কেন তোমরা সকলে আমাকে নিয়েই পড়েছ? ও ঘরে হরি  
আছে, নবীন আছে, তাদের কাছে তো ঘেষ না। সেদিন ঠিক এমনি সময়ে হৃদয়ের রহস্যের কথা  
পাড়লে, সাড়ে-দুপুর বেজে গেল—সাহেবের কাছে জরিমানা দিতে হল। আবার আজও সেই  
হৃদয়ের রহস্য! গরিবের চাকরিটি গেলে হৃদয়ের রহস্য আমার কোন্ কাজে লাগবে!

[প্রস্থানোদয়

নবকান্ত। (ধরিয়া) রাগ করলে ভাই!

নরোত্তম। না, রাগের কথা হচ্ছে না। আপিসের বেলা হল, তাই তাড়াতাড়ি করছি।

[প্রস্থানোদ্যম]

নবকান্ত। (ধরিয়া) না ভাই, তুমি রাগ করছ।

নরোত্তম। এও তো বিষম মর্শুকিলে ফেললে! কিন্তু শীতকালের দিনে কথায় কথায় বেলা হয়ে যায়।

[প্রস্থানোদ্যম]

নবকান্ত। (ধরিয়া) না ভাই, তুমি রাগ করে চলে যাচ্ছ, আমার সমস্ত দিন মন খারাপ থাকবে।

নরোত্তম। আচ্ছা ভাই, আপিস থেকে ফিরে এসে কথা হবে।

[প্রস্থানোদ্যম]

নবকান্ত। না, তুমি বলো আমাকে মাপ করলে।

নরোত্তম। মাপ করলুম।

[প্রস্থানোদ্যম]

নবকান্ত। (ধরিয়া) না ভাই, তোমার মুখ যে প্রসন্ন দেখছি নে।

নরোত্তম। প্রসন্ন হবে কী করে! বেলা যে বিস্তর হল।

নবকান্ত। (আটক করিয়া) প্রসন্ন মুখে মাপ করে যাও, তবে ছাড়ব।

নরোত্তম। তোমাকে মাপ করব কী, তুমি আমাকে মাপ করো আমি পায়ে ধরিছি, নাকে খত দিচ্ছি, আর যা বল তাই করছি কিন্তু এই অবেলায় হৃদয়ের রহস্য শুনতে পারব না।

[প্রস্থান]

### চতুর্থ দৃশ্য

নরোত্তমের পশ্চাতে গণেশ

গণেশ। অত হাঁপাচ্ছেন কেন? একটু স্থির হোন-না। আমার প্রবন্ধে—

নরোত্তম। কী ভয়ানক! মশায়ের খাওয়া হয়েছে?

গণেশ। আঞ্জে, না। কিন্তু আমার লেখায়—

নরোত্তম। মাছি পড়েছে।

গণেশ। আঞ্জে, মাছি পড়বে কেন?

নরোত্তম। আপনার লেখায় নয়—আমার দৃষ্টি মাছি পড়েছে।

প্রস্থানোদ্যম

নবকান্তের প্রবেশ

নবকান্ত। তুমি ভাই রাগ করে এলে—আমার মন স্থির হচ্ছে ন

নরোত্তম। আমারও মন অত্যন্ত অস্থির।

[তাড়াতাড়ি প্রস্থান]

নবকান্ত। যাই, নরোত্তমের মুখ প্রফুল্ল না দেখে তাকে তো কিছুতেই ছাড়তে পারি নে।

[প্রস্থান]

গণেশ। নরোত্তমবাবু গেলেন কোথায় দেখে আসি।

[প্রস্থান]

## পঞ্চম দৃশ্য

নরোত্তম আহারে প্রবৃত্ত। গণেশের প্রবেশ

গণেশ। এত সকাল-সকাল আহারে বসেছেন যে!

নরোত্তম। সকাল আর কই? আপিসে বেরোতে হবে যে।

গণেশ। এখনি যেতে হবে! তবে যতক্ষণ খাচ্ছেন ততক্ষণ যদি আমার—

নরোত্তম। মশায়, আমার খাওয়া হয়েছে, আমি উঠলুম।

গণেশ। কিছুই যে খেলেন না, সবই যে পড়ে রইল। পান-তামাক তো খাবেন, ততক্ষণ যদি—

নরোত্তম। (নেপথ্যে চাহিয়া) ঐ রে, নবকান্ত মদুখ বিমর্ষ করে আসছে। আজ্ঞে না, পান-তামাকে প্রয়োজন নেই, আমি চললুম।

[ প্রস্থান

নবকান্তের প্রবেশ

নবকান্ত। নরোত্তম কোথায় মশায়?

গণেশ। (খাতা বাহির করিয়া) তিনি চলে গেছেন। তা হোক-না, আপনি বসুন-না।

নবকান্ত। (দীর্ঘনিশ্বাস ফেলিয়া) হায়, আমার কী অবস্থা হল!

গণেশ। কিছুই হয় নি, আপনি ভাববেন না, বেশ আছেন। হিন্দুপ্রকাশে আমার লেখা—

নবকান্ত। কিছুই নয়! বলেন কী! হৃদয়ের—

গণেশ। হৃদয়ের কথা তো হ'চ্ছিল না। আর্ঘ্যমণীষীগণের—

নবকান্ত। আর্ঘ্যমণীষী আবার কোথেকে এল! হৃদয়ের কথাই তো হ'চ্ছিল। আমি বলছিলাম, হৃদয় যখন—

গণেশ। আমি যা লিখেছি তার বিষয়টা হচ্ছে আর্ঘ্যমণীষীগণ যে-সকল বিধান করে গেছেন আমাদের বর্তমান অবস্থায় তার কী করা উচিত।

নবকান্ত। শ্রাদ্ধ করা উচিত। সে যাক গে—যার হৃদয়ে তুবানলি ধিকি ধিকি জ্বলছে—

গণেশ। সে যেন ভদ্রলোকের ঘরের চালের উপর গিয়ে না বসে, তা হলেই লঙ্কাকাণ্ড বাধবে। আমার প্রশ্ন এই, শাস্ত্রের মূলে কী আছে—

নবকান্ত। কচু—

গণেশ। এবং তার থেকে কী ফলছে?

নবকান্ত। কলা।

গণেশ। এবং সে মূল উদ্ধার কে করবে?

নবকান্ত। বরাহ অবতার।

গণেশ। সে ফল ভোগ করবে কে?

নবকান্ত। হনুমান অবতার। এখন আমার প্রশ্ন এই, জগতে সকলের চেয়ে গভীর রহস্য কী?

গণেশ। আর্ষশাস্ত্র।

নবকান্ত। প্রেম।

গণেশ। মনু এবং—

নবকান্ত। অভিমানের অশ্রুজল—

গণেশ। এবং গৃহাসুহৃৎ—

নবকান্ত। এবং চোখে চোখে চাহনি—

গণেশ। দায়ভাগ—

নবকান্ত। এবং প্রাণে প্রাণে মিলন।

## ষষ্ঠ দৃশ্য

গণেশ লিখিতে প্রবৃত্ত

গণেশ। বিষয়টা গুরুতর, 'নারদের ঢেঁকি এবং আধুনিক বেলুন'। আরম্ভটা দিবিয় হয়েছে, শেষটা মেলাতে পারছি নে। তা শেষটা না হলেও চলবে। কিন্তু শোনাই কাকে? নরোত্তমবাবু বাসা ছেড়ে গেছেন। হরিহরবাবুর কাছে ঘেঁষতে ভয় হয়।

নবকান্তের প্রবেশ

নবকান্ত। হায় হায়, নরোত্তম বাসা ছেড়েছে, এখন যাই কার কাছে?

গণেশ। এই-যে নবকান্তবাবু, নারদের ঢেঁকি—

নবকান্ত। নিথর জ্যোৎস্নাজালে নধর নবীন—

আদ্যানাথের প্রবেশ

গণেশ। বাঁচা গেল! আদ্যানাথবাবু, আমার নারদের ঢেঁকি—

নবকান্ত। নয়ননলিনীদল নিদ্রায় নিলীন—

গণেশ। সনাতনশাস্ত্র মন্থন করে নারদের ঢেঁকি—

আদ্যানাথ। ঢেঁকি শব্দটা কি গ্রামাতাদোষদুষ্ট নয়? সাহিত্যদর্পণে—

ভূতের প্রবেশ

ভূত। বাবুরা পালাও গো, আগুন লেগেছেন।

আদ্যানাথ। বেটার ব্যাকরণজ্ঞান দেখো।

নবকান্ত। (সনিশ্বাসে) আগুন! হৃদয়ের গভীরতম প্রদেশে—

গণেশ। নল যে বিনা-আয়োজনে আগুন জ্বালাতেন সে অক্সিজেন-হাইড্রোজেন যোগে।

আদ্যানাথ। ওটা যাবনিক প্রয়োগ হল। ও স্থলে—

ঘরে অগ্নির আবির্ভাব

কার্তিক ১২৯০

## অন্ত্যেষ্ট-সংকার

## প্রথম দৃশ্য

রায় কৃষ্ণকিশোর বাহাদুর মৃত্যুশয্যায় শয়ান

চন্দ্রকিশোর, নন্দকিশোর ও ইন্দ্রকিশোর পুত্রগ্রন্থ পরামর্শে রত

ডাক্তার উপস্থিত। মহিলাগণ কন্দনোন্মুখী

চন্দ্র। কাকে কাকে লিখি?

ইন্দ্র। রেনল্ড্‌স্‌সায়েরকে লেখো।

কৃষ্ণ। (অতিকষ্টে) কী লিখবে বাবা!

নন্দ। তোমার মৃত্যুসংবাদ।

কৃষ্ণ। এখনো তো মরি নি বাবা!

ইন্দ্র। এখনি নেই বা মলে, কিন্তু একটা সময় স্থির করে লিখতে হবে তো।

চন্দ্র। যত শীঘ্র পারি সাহেবদের কনডোলেন্স লেটারগুলো আদায় করে কাগজে ছাপিয়ে ফেলা দরকার, এর পরে জুড়িয়ে গেলে ছাপিয়ে তেমন ফল হবে না।

কৃষ্ণ। রোসো বাবা, আগে আমি জুড়িয়ে যাই।

নন্দ। সবদুর করলে চলবে না বাবা! সিমলে দার্জিলিঙে যাদের যাদের চিঠি পাঠাতে হবে তাদের একটা ফর্দ করা যাক। ব'লে যাও।

চন্দ্র। লাটসায়ের, ইলবার্টসায়ের, উইলসনসায়ের, বেরেস-ফোর্ড, মেকলে, পিকক—

কৃষ্ণ। বাবা, কানের কাছে ও কী নামগুলো করছ, তার চেয়ে ভগবানের নাম করো। অন্তিমে তিনিই সহায়। হরি হে—

ইন্দ্র। ভালো মনে করিয়ে দিয়েছ, হ্যারিসনসায়েরকে ধরা হয় নি।

কৃষ্ণ। বাবা, বলো রাম রাম—

নন্দ। তাই তো, রাম্‌জেসায়েরকে তো ভুলেছিলুম।

কৃষ্ণ। নারায়ণ নারায়ণ!

চন্দ্র। নন্দ, লেখো তো, নোরানসায়েরের নামটা লেখো তো।

#### স্কন্দকিশোরের প্রবেশ

স্কন্দ। বা, তোমরা বেশ তো! আসল কাজটাই তো বাকি।

চন্দ্র। কী বলো তো।

স্কন্দ। ঘাটে যাবার প্রোসেশ্যনে যারা যোগ দেবে তাদের তো আগে থাকতে খবর দেওয়া চাই।

কৃষ্ণ। বাবা, কোনটা আসল হল। আগে তো মরতে হবে, তার পরে—

চন্দ্র। সেজন্য ভাবনা নেই। ডাক্তার!

ডাক্তার। আজে!

চন্দ্র। বাবার আর কত বাকি? সাধারণকে কখন আসতে বলব?

ডাক্তার। বোধ হয় —

#### রমণীদের রোদন

স্কন্দ। (বিরক্ত হইয়া) না, তুমি তো ভারি উৎপাত আরম্ভ করলে! আগে কথাটা জিজ্ঞাসা করে নিই। কখন ডাক্তার?

ডাক্তার। বোধ হয় রাত্রি—

#### রমণীদের পুনশ্চ রুদন

নন্দ। এ তো মর্শকিল হল। কাজের সময় এমন করলে তো চলে না। তোমাদের কান্নায় ফল কী? আমরা বড়ো বড়ো সায়েবদের কাঁদুনি-চিঠি কাগজে ছাপিয়ে দেব।

#### রমণীগণকে বহিস্করণ

স্কন্দ। ডাক্তার, কী বোধ হচ্ছে?

ডাক্তার। খেরকম দেখছি আজ রাত্রি চারটের সময়েই বা হয়ে যায়।

চন্দ্র। তবে তো আর সময়— নন্দ, যাও ছুটে যাও, স্লিপগুলো দাঁড়িয়ে থেকে ছাপিয়ে আনো।

ডাক্তার। কিন্তু ওষুধটা আগে—

স্কন্দ। আরে, তোমার ডাক্তারখানা তো পালিয়ে যাচ্ছে না। প্রেস বন্ধ হলে যে মর্শকিলে পড়তে হবে।

ডাক্তার। আজ্ঞে, রুগি যে ততক্ষণে—

চন্দ্র। সেইজন্যই তো তাড়াতাড়ি—পাছে স্লিপ ছাপার আগেই রুগি—

নন্দ। এই আমি চললুম।

স্কন্দ। লিখে দিয়ো, কাল আটটার সময় প্রোসেশ্যন আরম্ভ হবে।

### দ্বিতীয় দৃশ্য

স্কন্দ। কই ডাক্তার, চারটে ছেড়ে সাতটা বাজল যে!

ডাক্তার। (অপ্রতিভভাবে) তাই তো, নাড়ী এখনো বেশ সবল আছে।

চন্দ্র। বা, তুমি তো বেশ ডাক্তার! আচ্ছা বিপদে ফেলেছ!

নন্দ। ওষুধটা আনতে 'দেঁরি' করেই বিপদ ঘটল। ডাক্তারের ওষুধ বন্ধ হয়েই বাবা বল পেয়েছেন।

কৃষ্ণ। এতক্ষণ তোমরা প্রফুল্ল ছিলে, হঠাৎ বিমর্ষ হলে কেন? আমি তো ভালোই বোধ করছি।

স্কন্দ। আমরা যে ভালো বোধ করছি নে। ঘাটে যাবার এন্‌গেজমেন্ট যে করে বসেছি।

কৃষ্ণ। তাই তো! আমার মরা উচিত ছিল।

ডাক্তার। (অসহ্য হইয়া) এক কাজ কর তো সব গোল চুকে যায়।

ইন্দ্র। কী?

স্কন্দ। কী?

চন্দ্র। কী?

নন্দ। কী?

ডাক্তার। গুর বদলে তোমরা যদি কেউ সময়মত মর।

### তৃতীয় দৃশ্য

বাহিবাঁটীতে লোকসমাগম

কানাই। ওহে, সাড়ে-আটটা বাজল। দেঁরি কিসের?

চন্দ্র। বসুন, একটু তামাক খান।

কানাই। তামাক তো সকাল থেকেই খাচ্ছি।

বলাই। কই হে, তোমাদের জোগাড় তো কিছুই দেখি নে।

চন্দ্র। জোগাড় সমস্তই আছে—আমাদের কোনো গ্রুটি নেই—এখন কেবল—

রামতারণ। কী হে চন্দ্র, আর দেঁরি করা তো ভালো হয় না।

চন্দ্র। সে কি আমি বুঝি নে—কিন্তু—

হরিহর। দেঁরি কিসের জন্যে হচ্ছে? আঁপিসের বেলা হয় যে, কান্ডখানা কী!

ইন্দ্রকিশোরের প্রবেশ

ইন্দ্র। বাস্ত হবেন না, হল বলে। ততক্ষণ কন্‌ডোলেন্স্-লেটারগুলো পড়ুন।

হাতে হাতে বিলি

এটা ল্যাম্বার্ণের, এটা হ্যারিসনের, এটা সার জেম্‌স্—

স্কন্দিকশোরের প্রবেশ

স্কন্দ। এই নিন, ততক্ষণ কাগজে বাবার মৃত্যুর বিবরণ পড়ুন। এই স্টেট্‌সম্যান, এই ইংলিশম্যান।

মধুসূদন। (যাদবের প্রতি) দেখেছ ভাই, বাঙালি পাংচুয়ালিট কাকে বলে জানে না।

ইন্দ্র। ঠিক বলেছেন। মরবে তবু পাংচুয়াল হবে না।

খবরের কাগজ ও কন্‌ডোলেন্‌স্ পত্র পড়িতে পড়িতে অভাগতগণের অশ্রুপাত

রাধামোহন। (সজল নেত্রে) হরি হে দীনবন্ধু!

নয়ানচাঁদ। হায় হায়, এমন লোকেরও এমন বিপদ ঘটে!

নবম্বীপচন্দ্র। (সনিম্বাসে) প্রভু, তোমারই ইচ্ছা!

রসিক। 'হৃদয়বৃন্তে ফুটে যে কমল'—তার পরে কী ভুলে যাচ্ছি—

'হৃদয়বৃন্তে ফুটে যে কমল

তাহারে কাল অকালে ছিঁড়িলে, হৃদয়-

মৃণাল ডুবে শোকসাগরের জলে।'

এও ঠিক তাই। হৃদয়মৃণাল শোকসাগরের জলে! আহা!

আজি এস্‌কায়ার। O tempora! O mores!

তর্কবাগীশ। চলচ্চিত্রং চলদ্বিস্তং চলজীবন—হায় হায় হায়!

নায়বাগীশ। যদুপতেঃ কু গতা মথুরাপদুরী, রঘুপতেঃ

[কণ্ঠরোধ

দুঃখীরাম। হায় কৃষ্ণকিশোর বাহাদুর, তুমি কোথায় গেলে!

নেপথ্য হইতে ক্ষীণকণ্ঠ। আমি এইখানেই আছি বাবা! দোহাই, তোরা অত চেঁচাস নে।

ভাদ্র-আশ্বিন ১২৯০

## রসিক

তিনকড়ি, নেপাল, ভোলা এবং নীলমণি হাসিয়া কুটিকুটি। ধীরাজের প্রবেশ

ধীরাজ। এত হাসছ কেন? থেপলে নাকি?

তিনকড়ি। (দূরে নির্দেশ করিয়া) দেখছেন না রসিকরাজবাবু আসছেন?

ধীরাজ। তা তো দেখছি, কিন্তু হাস্যকর কিছুর তো দেখা যাচ্ছে না।

নেপাল। উনি ভারি মজার লোক।

ভোলা। ভা-আ-রি মজার লোক।

নীলমণি। ব-স্তু মজার লোক।

তিনকড়ি। গুর একটা গল্প বলি শুনুন। সেদিন আমরা ঐ কজনে মিলে হাসতে হাসতে রসিকবাবুর সঙ্গে আসছি—চোরবাগানের মোড়ের কাছে—হা হা হা!

নীলমণি। হো হো হো!

ভোলা। হী হী হী!

তিনকড়ি। বদ্বৈছেন, চোরবাগানের—হা হা!

নেপাল। রোসো ভাই, কাপড় সামলে নিই। হাসতে হাসতে বিলকুল আলাগা হয়ে এসেছে।

তিনকড়ি। বদ্বৈছেন ধীরাজবাবু, আমাদের এই মোড়টার কাছে, সে কী আর বলব! ভারি মজা!

ধীরাজ। আচ্ছা, পরে বোলো—আমি তবে চললাম।

ভোলা। না না, শুনেন যান। সে ভারি মজা। বোলো-না ভাই, গল্পটা শেষ করো-না।

তিনকড়ি। বদ্বৈছেন ধীরাজবাবু, মোড়ের কাছে এক বেটা গোরুর গাড়ির গাড়োয়ান—হা হা হা—(ভোলার প্রতি) কী নিয়ে যাচ্ছিল হে?

ভোলা। পাথুরে কয়লা।

তিনকড়ি। হাঁ, পাথুরে কয়লাই বটে। রসিকবাবু তাকে দেখে—হা হা হা হা! (সকলের হাস্য) রসিকবাবু তাকে দেখে—(নেপালের প্রতি) কী হে কী বললেন?

নেপাল। হা হা হা! সে ভারি মজার কথা। (ভোলার প্রতি) কিন্তু কথাটা কী বলো তো হে!

ভোলা। মনে পড়ছে না, কিন্তু সে ভারি মজা। বদ্বৈছেন ধীরাজবাবু, সে ভারি মজা।

নীলমণি। একটু একটু মনে পড়ছে, এই পাথুরে কয়লা নিয়ে কী যেন একটা—

নেপাল। আহা, বল কী হে! পাথুরে কয়লা নিয়ে আবার কী বলবেন? নিশ্চয় দেশের ভণ্ডীদের লক্ষ্য করে কিছুর বলেছিলেন, তা ছাড়া তিনি আর তো কিছু বলেন না।

ভোলা। কিন্তু আমার মনে হচ্ছে, গোরুর লেজ মলা নিয়ে যেন কী একটা বলেছিলেন।

তিনকড়ি। তা হতে পারে। কিন্তু ভারি মজা।

সকলে মিলিয়া হাস্য

রসিকরাজের প্রবেশ

রসিক। কী হে এখানে যে এত হস্ ধাতুর আমদানি?

নীলমণি। হস্ ধাতুই বটে। হা হা হা!

তিনকড়ি। (ধীরাজের প্রতি) একবার কথাটা শুনুন। হস্ ধাতু—হা হা হা!

ভোলা। ধীরাজবাবু, শুনছেন? কী চমৎকার! হস্ ধাতু—আবার আমদানি।

নীলমণি। ধীরাজবাবু—

ধীরাজ। আমি বদ্বৈছি।

নেপাল। ধীরাজবাবু—

ধীরাজ। আর কষ্ট পেতে হবে না, একরকম বদ্বৈছি।

রসিক। ভণ্ডীদের কোনো নতুন খবর পেয়েছ।

নীলমণি প্রভৃতি। হী-হী হো-হো হা-হা।

ধীরাজ। ভণ্ডী কী?

তিনকড়ি। আর সকলে ভণ্ডী বলে, রসিকবাবু বলেন ভণ্ডী! হা হা হা!

ধীরাজ। কেন, উনি কি বাংলা জানেন না?

তিনকড়ি। মজাটা বদ্বৈছেন না? ভণ্ডী তো সবাই বলে, কিন্তু ভণ্ডী!

রসিক। বদ্বৈছ ভোলা, আজ এক কাণ্ডই হয়ে গেছে। ভণ্ডীসভার সভা আর সভাপেক্ষী—

তিনকড়ি প্রভৃতি। হো-হো হী-হী হা-হা!

দামোদর ও চিন্তামণির প্রবেশ

উভয়ে। কী হে, কী হে, কী হল? কী কথাটা হল?

তিনকড়ি। রসিকবাবু বলাছিলেন ‘ভণ্ডী সভার সভা ও সভাপেক্ষী’—হা-হা হো-হো!

দামোদর। এ ভারি মজা। এটা আপনাকে লিখতে হচ্ছে। আমাদের কাগজে লিখুন।



চিন্তামণি। রসিকবাবু, এটা লিখে ফেলুন।

তিনকড়ি। ধীরাজবাবু, বুঝেছেন?

ভোলা। পেঙ্গুই কেন বললেন বুঝেছেন? যেমন ভেগ্নী তেমনি পেঙ্গুই। হা হা হা!

নেপাল। ওর মজাটা বোঝেন নি ধীরাজবাবু। আসল কথাটা পত্তী। কিন্তু রসিকবাবু—

ধীরাজ। দোহাই, আমাকে আর বেশি বুঝিয়ে না।

ভোলা। কোন ভদ্রলোকের ঘর লক্ষ্য করে বলা হয়েছে বোঝেন নি বলে ধীরাজবাবু হাসছেন না।

ধীরাজ। বুঝতে পেরেছি বলেই হাসছি নে। আমিও যে ভদ্রলোক, আমারও স্ত্রী কন্যা ভগ্নী আছে।

রসিক। তোমরা যখন বলছ তখন অবশ্যই লিখব। কিন্তু এ-সব চণ্ডমুণ্ডবধের পালা, একেবারে সারেগামাপাধার্ন, তেরেকেটে মেরেকেটে ছাড়া কথা নেই। ঘোড়া ডিঙিয়ে ঘাস খাওয়া আর-কি। বুঝেছ?

সকলে। বুঝেছি বৈকি। হা-হা হো-হো!

তিনকড়ি। বুঝেছেন ধীরাজবাবু?

ধীরাজ। কিছু বুঝি নি।

নেপাল। ধীরাজবাবু, বুঝেছেন তো?

ধীরাজ। না বাপু, কথাগুলো কী বলে গেলেন বুঝলুম না।

তিনকড়ি। কথা নেই বুঝলেন, ওর মজাটা তো বুঝেছেন? কথা তো আমরাও বুঝি নি।

দামোদর। রসিকবাবু, ঐ কথাগুলোও লিখতে হবে।

রসিক। (ধীরাজের প্রতি) আপনার মুখে হাসি নেই যে? হাসলে কোনো লোকসান আছে?

ধীরাজ। রাগ করবেন না মশায়, হাসবার চেষ্টা করছি।

চিন্তামণি। আপনি বুঝি ভ্রাতাদের কেউ হবেন?

রসিক। ভ্রাতাও হতে পারেন ভর্তাও হতে পারেন।

দামোদর প্রভৃতি। (হাততালি দিয়া) বাহবা, বাহবা, কী মজা! হো-হো হা-হা!

দামোদর। এটাও লিখবেন। ভারি মজা হবে।

নীলমণি। (ধীরাজকে ধরিয়) মশায়, যান কোথায়?

ধীরাজ। বুকে টাপির্ন মালিশ করতে যাচ্ছি, রসিকবাবু বড় বলেছেন।

[ প্রস্থান

চিন্তামণি। লোকটা জব্দ হয়ে গেছে। পাঁচ কথা যা শোনালেন ওর বাপের বয়সে—

রসিক। পাঁচ কথা আর হতে দিলে কই? আড়াইখানার বেশি কথাই কই নি।

রসিককে ঘিরিয়া সকলের অবিশ্রাম হাস্য

দামোদর। দুখানা নয়, দশখানা নয়, আড়াইখানা—কী চমৎকার, ও কথাটাও লিখতে হবে।  
টুকে রাখুন, বুঝেছেন রসিকবাবু!

ফাল্গুন ১২৯৩

## গুরুদ্বাক্য

অচ্যুত, অপূর্ব, উমেশ, কার্তিক ও খগেন্দ্র

অচ্যুত। গুরুদেব এখনো এলেন না, উপায় কী!

কার্তিক। আমি তো বিষম মূশকিলে পড়েছি। আমার নাম কার্তিক, আমার ছোটো শালার নাম কীর্তি। আমার স্ত্রী তার ভাইকে কীর্তি বলে ডাকতে পারে কি না এটা স্থির করে না দিলে স্ত্রীর সঙ্গে একত্র বাস করাই দায় হয়েছে। তার উপর আবার গয়লা বেটার নাম কীর্তিবাস! এখন গুরুদেবকে জিজ্ঞাসা করতে হবে, আমার স্ত্রী যদি কীর্তিবাস গোয়ালাকে বাসুদেব বলে ডাকে তা হলে বৈধ হয় কি না। বাড়িতে কার্তিকপূজার সময় স্ত্রী কার্তিককে নাস্তিক বলে; নাম খারাপ করার দরুন ঠাকুরের কিম্বা তাঁর মার কোনো অসন্তোষ ঘটে কি না এও জিজ্ঞাস্য।

অপূর্ব। আমারও একটা ভাবনা পড়েছে। সেবার শ্রীক্ষেত্রে গিয়ে জগন্নাথকে কুল দিয়ে এসেছিলুম, এখন, এই গরিমির দিনে কুলটুকু বাদ দিয়ে যদি তার ঝোলটুকু খাই তাতে অপরাধ হয় কি না।

অচ্যুত। আমি সেদিন গুরুদেবকে জিজ্ঞাসা করেছিলাম যে, শাস্ত্রমতে ভোজ্য শ্রেষ্ঠ না ভোজ্য শ্রেষ্ঠ, অন্ন শ্রেষ্ঠ না অন্নপায়ী শ্রেষ্ঠ? তিনি এমনি এক গভীর উত্তর দিলেন যে, তখন যদিচ আমরা সকলেই জলের মতো বুদ্ধি গেলুম কিন্তু এখন আমাদের কারো একটি কথাও মনে পড়েছে না।

উমেশ। আমার যতদূর মনে হচ্ছে, বোধ হয় তিনি বলেছিলেন অন্নও শ্রেষ্ঠ নয়, অন্নপায়ীও শ্রেষ্ঠ নয়, কিন্তু আর-একটা কী শ্রেষ্ঠ, সেইটে যে কী মনে পড়েছে না।

অপূর্ব। না না, তিনি বলেছিলেন অন্নও শ্রেষ্ঠ, অন্নপায়ীও শ্রেষ্ঠ। কিন্তু অন্নই বা কেন শ্রেষ্ঠ আর অন্নপায়ীই বা কেন শ্রেষ্ঠ তখন বুঝেছিলুম, এখন কোনোমতেই ভেবে পাচ্ছি নে।

খগেন্দ্র। অন্ন এবং অন্নপায়ীর মধ্যে কে শ্রেষ্ঠ, সহজবুদ্ধিতে পূর্বে সেটা একরকম ঠাউরেছিলুম, কিন্তু গুরুদেবের কথা শুনলে বুঝলুম যে, পূর্বে কিছুই বুঝি নি এবং তিনি যা বললেন তাও কিছুই বুঝলুম না।

অচ্যুত। যা হোক, সেও একটা লাভ।

বদনচন্দ্রের ছুটিয়া প্রবেশ

বদন। (হাঁপাইতে হাঁপাইতে) গুরু কোথায়? আমাদের শিরোমণিমশায় কোথায়? বলো-না হে, কোথায় গেলেন তিনি!

অচ্যুত প্রভৃতি। কেন, কেন?

বদন। হঠাৎ কাল রাতে আমার মনে একটা প্রশ্ন উদয় হল, সে অবধি আহাৰ নিদ্রা প্রায় ছেড়েছি।

কার্তিক। তাই তো! বিষয়টা কী বলো তো।

বদন। কী জান? কাল মশারি ঝাড়তে ঝাড়তে হঠাৎ মনে একটা তর্ক এল যে, এত দেশ থাকতে জটায়ু কেন রাবণের সঙ্গে যুদ্ধে মারা পড়ল? জটায়ু যে রাবণের সঙ্গে যুদ্ধে মল তার অর্থ কী, তার কারণ কী, এবং তার তাৎপর্যই বা কী? এর মধ্যে যদি কোনো রূপক থাকে তবে তাই বা কী? যদি কোনো অর্থ না থাকে তাই বা কেন?

কার্তিক। বিষয়টা শক্ত বটে। শিরোমণিমশায় আসুন।

খগেন্দ্র। (ভয়ে ভয়ে) ঠিক বলতে পারি নে, কিন্তু আমার বোধ হয় জটায়ুর মৃত্যুর একমাত্র কারণ, যুদ্ধের সময় রাবণ তাকে এমন অস্ত্র মেরেছিলেন যে সেটা সাংঘাতিক হয়ে উঠল।

বদন। আরে রাম, ও কি একটা উত্তর হল! ও তো সকলেই জানে।

কার্তিক। ও তো আমিও বলতে পারতুম।  
অপূর্ব। ও রকম উত্তরে কি মন সন্তুষ্ট হয়?

বদন চিন্তাম্বিত। খগেন্দ্র অপ্রতিভ

অচ্যুত। (শশবাস্ত) ঐ-যে গুরু আসছেন।

উমেশ। ঐ-যে শিরোমণিমশায়।

বদন। (সহসা চিন্তাভঙ্গে চকিত হইয়া) আঁ, গুরুদেব আসছেন! বাঁচলুম, আমার অর্ধেক সংশয় এখন দূর হয়ে গেল।

শিরোমণিমহাশয়ের প্রবেশ

সকলের ভূমিষ্ঠ হইয়া প্রণাম

শিরোমণি। স্বস্তি, স্বস্তি!

বদন। গুরুদেব, কাল মশারি ঝাড়তে ঝাড়তে মনে একটা প্রশ্ন উদয় হয়েছে।

শিরোমণি। প্রকাশ করে বলো।

বদন। বিহগরাজ জটায়ু রাবণের সঙ্গে যুদ্ধে কেন নিহত হলেন? (অঙ্গুলি-নির্দেশপূর্বক) আমাদের খগেন্দ্রবাবু (খগেন্দ্র অত্যন্ত লজ্জিত ও কুণ্ঠিত) বলছিলেন অস্ত্রাঘাতেই তার কারণ।

শিরোমণি। বটে! হাঃ হাঃ হাঃ, আধুনিক নবাতন্ত্র কালের ছেলের মতোই উত্তর হয়েছে। শাস্ত্রচর্চা ছেড়ে বিজ্ঞান পড়ার ফলই এই। প্রশ্ন হল, জটায়ুর মৃত্যু হল কেন, উত্তর হল অস্ত্রাঘাতে। এ কেমন হল জান? কাশীধামে বৃষ্টি হল আর খড়দহে পঙ্গপালে ধান খেলে। হা হা হাঃ।

অপূর্ব। ঠিক তাই বটে। আজকাল এইরকমই হয়েছে, বুঝেছেন শিরোমণিমশায়?

শিরোমণি। আচ্ছা বাপু খগেন্দ্র, তুমি তো অনেকগুলো পাস দিয়েছ, তুমিই বলো তো, অস্ত্রাঘাতেই বা জটায়ুর মৃত্যু হল কেন, রক্তপিণ্ড রোগেই বা না মরে কেন? রাবণের সঙ্গেই বা যুদ্ধ হয় কেন, ভস্মলোচনের সঙ্গেই বা না হল কেন? অত কথায় কাজ কী, জটায়ুই বা মরে কেন, রাবণ মলেই বা ক্ষতি কী ছিল?

বদন পূর্বাপেক্ষা চিন্তাম্বিত

অচ্যুত ও অপূর্ব। (গভীর চিন্তার সহিত) তাই তো, এত দেশ থাকতে জটায়ুই বা মরে কেন!

উমেশ। কী হে খগেন্দ্র, একটা জবাব দাও-না। তোমাদের রস্কাসাহেব কী লেখেন?

কার্তিক। তোমাদের টিঁডালই বা কী বলেন—রাবণের সঙ্গেই বা যুদ্ধ হয় কেন?

অচ্যুত। রক্তপিণ্ডে না ম'রে অস্ত্রাঘাতে মরবার জন্যেই বা তার এত মাথাব্যথা কেন? হক্সলি সাহেব কী মীমাংসা করেন শূন।

খগেন্দ্র। (আধমরা হইয়া) গুরুদেব, আমি মূঢ়মতি, না বুঝে একটা কথা বলে ফেলেছি। মাপ করুন। শ্রীমুখের উত্তরের জন্যে উৎসুক হয়ে আছি।

শিরোমণি। তোমরা বলছ রাবণের সঙ্গে যুদ্ধে জটায়ু ম'ল কেন—এক কথায় এর উত্তর দিই কী করে!

সকলে। তা তো বটেই। তা তো বটেই।

শিরোমণি। প্রথমে দেখতে হবে, 'রাবণেরই সঙ্গে যুদ্ধ হয় কেন, তার পরে দেখতে হবে রাবণের সঙ্গে 'যুদ্ধই বা হয় কেন, তার পরে দেখতে হবে রাবণের সঙ্গে যুদ্ধে 'জটায়ুই বা মরে কেন, সব শেষে দেখতে হবে রাবণের সঙ্গে যুদ্ধে জটায়ু 'মরেই বা কেন?

বদন হাল ছাড়িয়া দিয়া চিন্তাসাগরে নিমজ্জমান

অচ্যুত। (খগেন্দ্রকে ঠেলিয়া) শুনছ খগেনবাবু?

অপদূর্ব। কী খগেনবাবু, মনে যে কথাটি নেই?

কার্তিক। খগেন্দ্র সাহেব, তোমার কের্মিস্ট্র গেল কোথায় হে?

খগেন্দ্র রক্তমুখচ্ছবি

শিরোমণি। তবে একে একে উত্তর দিই। প্রথম প্রশ্নের উত্তর, নিয়তিঃ কেন বাধ্যতে।

বদন। (দীর্ঘশ্বাস ফেলিয়া) আঃ বাঁচলুম। এ ছাড়া আর কোনো উত্তর হতেই পারে না।

শিরোমণি। যদি বল 'নিয়তিকে কে বাধা দিতে পারে' এ কথার অর্থ কী, তবে সরল করে বুঝিয়ে দিই। নিয়তত্বই হচ্ছে নিয়তির গুণ এবং নিয়তের গুণই হচ্ছে নিয়তি। তা যদি হয় তবে নিয়তকালবতী যে নিয়তি তাকে পুনশ্চ নিয়ত নিয়ন্ত্রিত করতে পারে এমন দ্বিতীয় নিয়তির সম্ভাবনা কুতঃ? কারণ কিনা, নিত্য যাহা তাহাই নিয়ত এবং তাহাই নিয়ন্তা, অতএব রাবণের সঙ্গেই যে জটায়ুদ্বয় যুদ্ধ হবে এ আর বিচিৎ কী!

সকলে। এ আর বিচিৎ কী!

বদন। অহো, এ আর বিচিৎ কী!

শিরোমণি। এক্ষণে দ্বিতীয় প্রশ্ন—

বদন। কিন্তু আর নয়, প্রথমটা আগে ভালো করে জীর্ণ করি।

অচ্যুত। কিন্তু কী চমৎকার উত্তর!

অপদূর্ব। কী সরল মীমাংসা!

কার্তিক। কী পরিস্কার ভাব!

উমেশ। কী গভীর শাস্ত্রজ্ঞান!

বদন। (শিরোমণির মনের দিকে অনেকক্ষণ চাহিয়া) গুরুদেব, আপনার অবতরমানে আমাদের কী দশা হবে!

সকলের বাৎপবিসর্জন

চৈত্র ১২৯৩

# ব্যাঙ্গকৌতুক

প্রকাশ : ১৯০৭

‘ব্যাঙ্গকৌতুক’ গ্রন্থে যে নয়টি প্রবন্ধ সংকলিত আছে সেগুলি ‘প্রবন্ধ’ বিভাগে সন্নিবিষ্ট হবে। ‘স্বর্গে চক্ৰটেবিল বৈঠক’ রচনাটি কবির জীবদ্দশায় প্রকাশিত ‘১৩৪৫’-বঙ্গাব্দ সংস্করণে সংযোজিত হয়, বর্তমান সংস্করণে ‘সংযোজন’ অংশে মন্দিত।

## বিনি পয়সার ভোজ

আপিসের বেশে অক্ষয়বাবু

(হাসিতে হাসিতে) আজ আচ্ছা জন্দ করছি। বাবু, রোজ আমাদের স্কন্ধে বিনামূল্যে বিনামাশুলে ইয়ার্কি দিয়ে বেড়ান, আর লম্বাচওড়া কথা কন। মশায়, আজ বছর-খানেক ধরে রোজ বলে 'আজ খাওয়াব' 'কাল খাওয়াব', খাওয়াবার নাম নেই। যতখানি আশা দিয়েছে তার সিকি পরিমাণ যদি আহার দিত তা হলে এতদিনে তিনটে রাজসুয় যজ্ঞ হতে পারত। যা হোক, আজ তো বহু কষ্টে একটা নিমন্ত্রণ আদায় করা গেছে। কিন্তু, দুটি ঘণ্টা বসে আছি এখনো তার দেখা নেই। ফাঁকি দিলে না তো? (নেপথ্যে চাহিয়া) ওরে, কী তোর নাম, ভুতো না মোথো, না হরে?

চন্দ্রকান্ত? আচ্ছা বাবু, তাই সই। তা, ভালো চন্দ্রকান্ত, তোমার বাবু কখন আসবে বলো দেখি।

কী বললি? বাবু হোটেল থেকে খাবার কিনে আনতে গেছেন? বলিস কী রে! আজ তবে তো রীতিমত খানা। খিদেটিও দিব্যি জমে এসেছে। মটন-চপের হাড়গুঁড়ি একেবারে পালিশ করে হাতির দাঁতের চুম্বিকাঠির মতো চক্চকে করে রেখে দেব। একটা মর্গার কারি অবিশ্যি থাকবে—কিন্তু, কতক্ষণই বা থাকবে! আর দু-রকমের দুটো পুড়িৎ যদি দেয় তা হলে চেঁচেপুঁচে চাঁনের বাসনগুলোকে একেবারে কাঁচের আয়না বানিয়ে দেব। যদি মনে করে ডজন-দুগুণ অয়স্টার প্যাটি আনে তা হলে ভোজনটি বেশ পরিপাটি রকমের হয়। আজ সকাল থেকে ডান চোখ নাচছে, বোধ হয় অয়স্টার প্যাটি আসবে। ওহে ও চন্দ্রকান্ত, তোমার বাবু কখন গেছেন বলো দেখি।

অনেকক্ষণ গেছেন? তবে আর বিস্তর বিলম্ব নেই। ততক্ষণ এক ছিলিম তামাক দাও-না। অনেকক্ষণ ধরে বলছি, কিন্তু তোমার কোনো গা দেখছি নে।

তামাক বাইরে নেই? বাবু, বন্ধ করে রেখে গেছেন? এমন তো কখনো শুনিনি। এ তো কোম্পানির কাগজ নয়। কী করা যায়! আমি একটু-আধটু আফিম খাই, তামাক না হলে আর তো বাঁচি নে। ওহে মোথো, না না, চন্দ্রকান্ত, কোনোমতে মালীদের কাছ থেকে হোক, যেখান থেকে হোক, এক ছিলিম জোগাড় করে দিতে পার না?

বাজার থেকে কিনে আনতে হবে? পয়সা চাই? আচ্ছা বাবু, তাই সই। এই নাও, এক পয়সার তামাক চট করে কিনে নিয়ে এসো।

এক পয়সার তামাক হবে না? কেন হবে না! বাবু, আমাকে কি মূঢ়িখোলার নবাব বলে হঠাৎ তোমার ভ্রম হয়েছে? ষোলো টাকা ভরির অম্বদুরি তামাক না হলেও আমার কণ্টেস্টে চলে যায়—এক পয়সাতেই ঢের হবে।

হুকো কলকেও কিনে আনতে হবে? সেও তোমার বাবু লোহার সিঁদুরকে পুরে রেখে গেছেন নাকি? বাঙাল ব্যাঙ্ক সেফ ডিপজিট করে আসেন নি কেন? ওরে বাস রে! এ তো ভালো জায়গায় এসে পড়া গেছে দেখছি। তা নাও, এই ছটি পয়সা ট্রামের জন্যে রেখেছিলুম। উদয় ফিরে এলে তার কাছ থেকে সুদ-সুদুধ আদায় করে নিতে হবে।—এই বুদ্ধি বাবুর বাগানবাড়ি, তা হলে এর ভদ্রাসন-বাড়ি কিরকম হবে না জানি! কড়িগুলো মাথায় ভেঙে না পড়লে বাঁচি। এই তো একখানি ভাঙা চৌকি আসবাবের মধ্যে। এ আমার ভর সইবে না। সেই অবধি দাঁড়িয়ে দাঁড়িয়ে ঘুরে ঘুরে পা ব্যথা হয়ে গেল—আর তো পারি নে—এই মাটিতেই বসা যাক।

কোঁচা দিয়া ধূলা ঝাড়িয়া একটা খবরের কাগজ মাটিতে পাতিয়া  
উপবেশন ও গদগদ স্বরে গান

যদি জোটে রোজ  
এমনি বিনি পয়সায় ভোজ!  
ডিশের পরে ডিশ  
শুদ্ধ মটন কারি ফিশ,  
সঙ্গে তারি হুইস্কি সোডা দু-চার রয়েল ডোজ।  
পরের তহবিল  
চোকায় উইলসনের বিল—  
থাকি মনের স্নেহে হাস্যমুখে কে কার রাখে খোঁজ!

কই রে? তামাক এল? ও কী রে? শুদ্ধ কলকে? হুকো কই? এখানে ছ পয়সায় হুকো পাওয়া যায় না? কলকেটার দাম দু আনা? হ্যাঁ দেখো বাপু চন্দ্রকান্ত, বাইরে থেকে আমাকে দেখে যতটা বোকা মনে হয় আমি ততটা নই। শরীরটা যত মোটা, বুদ্ধিটা তার চেয়ে কিঞ্চিৎ সূক্ষ্ম। তোমার বাবু যে হুকোটা কলকেটা তামাকটা পর্বন্ত আয়রন্‌চেস্টে তুলে রেখে দেন, এতক্ষণে তার কারণ বোঝা গেল। কেবল তোমার মতো রক্বটিকে বাইরে রাখাই তাঁর ভুল হয়েছে। বোধ হয় বেশি দিন বাইরে থাকতেও হবে না। কোম্পানি বাহাদুর একবার খবরটি পেলেই পাহারা বসিয়ে খুব হেপাজতের সঙ্গেই তোমাকে রাখবেন। যা হোক, তামাক না খেয়ে তো আর বাঁচি নে। (কলিকায় মুখ দিয়া তামাক টানিয়া কাশিতে কাশিতে) ওরে বাবা, এ কোথাকার তামাক! এ যে উইল করে টানতে হয়। এর দু টান টানলে স্বয়ং বাবা ভোলানাথের মাথার চাঁদি ফট করে ফেটে যায়, নন্দীভূঙ্গীর ভিরমি লাগে। কাজ নেই বাপু, থাক্। বাবু আগে আসুন। কিন্তু, বাবুর আসবার জন্যে তো কোনোরকম তাড়া দেখছি নে। সে বোধ হয় প্যাটিগুলো একটি একটি করে শেষ করছে। এ দিকে আমার পেট এমনি জ্বলে উঠেছে যে, মনে হচ্ছে যেন এখনি কোঁচায় আগুন ধরে যাবে। তৃষ্ণাও পেয়েছে। কিন্তু, জল চাইলেই আমাদের চন্দ্রকান্ত বলে বসবেন গেলাস কিনে আনতে হবে, বাবু বন্ধ করে রেখে গেছেন। কাজ নেই, বাগানের ডাব খাওয়া যাক।

ওহে বাপু চন্দ্র, একটি কাজ করতে পার? বাগান থেকে চট করে একটি ডাব পেড়ে আনতে পার? বড়ো তেজী পেয়েছে।

কেন? ডাব পাওয়া যাবে না কেন? বাগানে তো ডাব বিস্তর দেখে এলুম।

সব গাছ জমা দেওয়া হয়েছে? তা, হোক-না বাপু, একটি ডাবও মিলবে না?

পয়সা চাই? পয়সা তো আর নেই। তবে থাক্, বাবু আসুন, তার পরে দেখা যাবে।—সঙ্গে মাইনের টাকা আছে, কিন্তু ওকে ভাঙতে দিতে সাহস হয় না। এখনো কোম্পানির মুল্লুকে যে এতবড়ো একটি ডাকাত বাইরে ছাড়া আছে তা আমি জানতুম না।—যাই হোক, এখন উদয় এলে যে বাঁচি।

ঐ বৃষ্টি আসছে। পায়ের শব্দ শুনছি। আঃ, বাঁচা গেল। ওহে উদয়, ওহে উদয়! কই, না তো। তুমি কে হে?

বাবু তোমাকে পাঠিয়ে দিলেন? তার চেয়ে নিজে এলেই তো ভালো করতেন। খিদেয় যে মার গেলুম।

হোটেলের বাবু? কেরানিবাবু? কই, তাঁর সঙ্গে আমার তো কোনো আত্মীয়তা নেই। কিছ্র খাবার পাঠিয়েছেন বলতে পার? অয়স্টার প্যাটি?

পাঠান নি? বিল পাঠিয়েছেন? কৃতার্থ করেছেন আর-কি। যে বাবুটির নামে বিল তিনি এখানে উপস্থিত নেই।

আরে, না রে না। আমি না। এও তো ভালো বিপদে পড়লুম।—আরে, মাইরি না। কী গেরো!



তোমাকে ঠিকিয়ে আমার লাভ কী বাপদু? আমি নিমন্ত্রণ খেতে এসে তিন ঘণ্টা এখানে বসে আছি—তুমি হোটেল থেকে আসছ, তবু তোমাকে দেখেও অনেকটা তৃপ্ত হচ্ছে। বোধ হয় তোমার ঐ চাদরখানা সিঁধ করলে ওর থেকে নিদেন—ভয় নেই, আমি তোমার চাদর নেব না, কিন্তু বিলটিও চাই নে।

এ তো ভালো মূর্শকিল দেখছি। ওগো, না গো না। আমি উদয়বাবু নই, আমি অক্ষয়বাবু। কী গেরো! আমার নাম আমি জানি নে, তুমি জান! অত গোলে কাজ কী বাপদু, তুমি নীচে গিয়ে একটু বোসো, উদয়বাবু এখনি আসবেন।

বিধাতা, সকালবেলায় এইজন্যেই কি ডান চোখ নাচিয়েছিলে? হোটেল থেকে ডিনার না এসে বিল এসে উপস্থিত!—

সাঁথ, কী মোর করম ভেল!

পিয়াস লাগিয়া জলদ সেবিন্দু, বজর পড়িয়া গেল!

হে বিধি, তোমারই বিচারে সমুদ্রমন্থনে একজন পেলো সুধা, আর-একজন পেলো বিষ। হোটেল-মন্থনেও কি একজন পাবে মজা, আর-একজন পাবে তার বিল! বিলটাও তো কম দিনের নয় দেখছি।

তুমি আবার কে হে? বাবু পাঠিয়ে দিলে? বাবুর যথেষ্ট অনুগ্রহ। কিন্তু, তিনি কি মনে করেছেন তোমার মূর্খখানি দেখেই আমার ক্ষুধাতৃষ্ণ দূর হবে? তোমার বাবু তো বড়ো ভদ্রলোক দেখছি হে।

কী বললে? কাপড়ের দাম? কার কাপড়ের দাম?

উদয়বাবু, কাপড় কিনবেন আর অক্ষয়বাবু তার দাম দেবে? তোমার তো বিবেচনাশক্তি বেশ দেখছি!

সত্যি নাকি? কিসে ঠাওরালে আমারই নাম উদয়বাবু? কপালে কি সাইনবোর্ড টাঙিয়ে রেখেছি? আমার অক্ষয়বাবু নামটা কি তোমার পছন্দ হল না?

নাম বদলেছি? আচ্ছা বাপদু, শরীরটি তো বদলানো সহজ ব্যাপার নয়। উদয়বাবুর সঙ্গে কোনখানটা মেলে, বলো দেখি।

উদয়বাবুকে কখনো চাক্ষুস দেখ নি? আচ্ছা, একটু সবুজ করো, তোমার মনের আক্কেপ মিটিয়ে দেব। বিস্তর দৌর হবে না, তিনি এলেন বলে।

আরে মল! আবার কে আসে? মশায়ের কোথেকে আসা হল? মশায়েরও এখানে নিমন্ত্রণ আছে বুঝি?

বাড়িভাড়া? কোন্ বাড়ির ভাড়া মশায়? এই বাড়ির? ভাড়াটা কত হিসাবে?

মাসে সতেরো টাকা? তা হলে হিসেব করুন দেখি সাড়ে তিন ঘণ্টায় কত ভাড়া হয়।

ঠাট্টা করছি নে মশায়, মনের সেরকম প্রফুল্ল অবস্থা নয়। এ বাড়িতে নিমন্ত্রিত হয়ে আমি সাড়ে তিন ঘণ্টা কাল আছি। সেজন্যেও যদি ভাড়া দিতে হয় তো ন্যায্য হিসেব করে নিন। তামাকটা পর্যন্ত পয়সা দিয়ে থেয়েছি।

আজ্ঞে না, আপনি ঠিকটি অনুমান করতে পারেন নি, আপনার ঈষৎ ভুল হয়েছে, আমার নাম উদয় নয়, অক্ষয়। এরকম সামান্য ভুলে অন্য সময় বড়ো একটা কিছু আসে যায় না, কিন্তু বাড়িভাড়া-আদায়ের সময় বাপ-মায়ে যার যে নাম দিয়েছেন সেইটে বাঁচিয়ে কাজ করলেই সুবিধে হয়।

আমাকে বাড়ি থেকে বেরিয়ে যেতে বলছেন? মাপ করবেন, ঐটি পারব না। সাড়ে তিন ঘণ্টা ধরে পেটের জ্বালায় মরছি, ঠিক যেই খাবারটি আসবার সময় হল অমনি আপনি গাল দিচ্ছেন বলেই যে বাড়ি ছেড়ে চলে যাব আমাকে তেমন গর্দভ ঠাওরাবেন না। আপনি ঐখানেই বসুন, যা যা বলবার অভিপ্রায় আছে বলে যান, আমি আহারান্তে বাড়ি ছেড়ে যাব।

বকে বকে আমার গলা শুকিয়ে এল, আর তো বাঁচি নে। খিদেয় নাড়িগুলো বেবাক হজম হয়ে গেল। ঐ-যে পায়ের শব্দ! ওহে উদয়, আমার অন্ধের নড়ি, আমার সাগর-সেঁচা সাত ক্রাজার ধন মানিক, একবার উদয় হও হে! আর তো প্রাণ বাঁচে না।

তুমি আবার কে হে? যদি গালমন্দ দেবার থাকে তো এখানে বসে আরম্ভ করে দাও। দোহার্জি করবার অনেকগুলি লোক উৎসিদ্ধিত আছেন।

হরিবাবু আমাকে ডেকে পাঠিয়েছেন? শুনুন বড়ো সন্তোষ লাভ করলুম। তিনি আমাকে খুব ভালোবাসেন সন্দেহ নেই, কিন্তু আমার পরম বন্ধু যাঁরা আমাকে নিমন্ত্রণ করে পাঠিয়েছেন তাঁদের কোনো দেখাসাক্ষাৎ নেই আর যাঁদের সঙ্গে আমার কোনো কালে কোনো পরিচয় নেই তাঁরা যে আজ প্রাতঃকাল থেকে আমাকে এত ঘন ঘন খাতির করছেন এর কারণ কী? আচ্ছা মশায়, হরিবাবু-নামক কোনো-একটি ভদ্রলোক আমাকে কেন এমন অসময়ে স্মরণ করলেন এবং হঠাৎ এতই অধৈর্য হয়ে উঠলেন বলতে পারেন কি?

কী! আমি আমার স্ত্রীর বালা গড়বার জন্যে তাঁর কাছ থেকে নমুনাস্বরূপ গহনা এনে ফিরিয়ে দিচ্ছি নে? দেখো, এ সম্বন্ধে আমার অনেকগুলি কথা বলবার ছিল, কিন্তু আপাতত একটি বললেই যথেষ্ট হবে—আমি কারো কাছ থেকে কোনো গহনা আনি নি এবং আমার স্ত্রীই নেই। প্রধান প্রধান কথা আর যা বলবার ছিল সে আজকের মতো মাপ করবেন—গলা শূন্যে তুষায় ছাতি ফেটে মরিচ্ছ। আপনি আর আধ ঘণ্টা কাল অপেক্ষা করুন, সমস্ত সমাচার অবগত হবেন। (উচ্চৈঃস্বরে) ওরে উদয়, ওরে উদো, ওরে লক্ষ্মীছাড়া হতভাগা পাঁজি ছুঁচো ড্যাম শূয়ার ইস্টুপিড—ওরে পেট যে জ্বলে গেল, গলা যে শূন্যে যায়, মাথা যে ফেটে যাচ্ছে—ওরে নরাদম, কুলাঙ্গার!

আরে না মশায়! আপনাদের সম্ভাষণ করছি নে। আপনারা হঠাৎ চণ্ডল হবেন না। আমি পেটের জ্বালায়, মনের খেদে, আমার প্রাণের বন্ধুকে ডাকাছি। আপনারা বসুন।

আর বসতে পারছেন না? অনেক দেরি হয়ে গেছে? সে কথা আর আমাকে বলতে হবে না। দেরি হয়েছে সন্দেহ নেই। তা হলে আপনাদের আর পীড়াপীড়ি করে ধরে রাখতে চাই নে। তবে আজকের মতো আপনারা আসুন। আপনাদের সঙ্গে মিষ্টিলাপে এতক্ষণ সময়টা বেশ সুখে কেটেছিল।

কিন্তু, এখন যে কথাগুলো বলছেন ওগুলো কিছু অধিক পরিমাণেই বলছেন। খুব পরম বন্ধুকেও মানুষ ভালোবেসে শ্যালক সম্ভাষণ করতে হঠাৎ কুণ্ঠিত হয়, কিন্তু আপনাদের সঙ্গে অতি অস্পৃশ্যের আলাপেই যে আপনারা এতটা বেশি ঘনিষ্ঠতা আত্মীয়তা করছেন সেজন্যে আমি মনে মনে কিছু লজ্জাবোধ করছি। জানবেন আপনাদের প্রতি আমার আন্তরিক কোনোরকম অসম্ভাব নেই, কিন্তু আপনারা আমার কাছে যতটা প্রত্যাশা করছেন আমি ততটা দিতে একেবারে অক্ষম।

মশায়রা আর বাড়িবাড়ি করবেন না। আপনারা বোধ হয় দু'বেলা নিয়মিত আহার করে থাকেন, খিদে পেলে মানুষের মেজাজটা কিরকম হয় ঠিক জানেন না, তাই আমাকে এমন অবস্থায় ঘাটাতে সাহস করছেন।

আবার! ফের! দেখো বাপু, আমার সঙ্গে পারবে না। শরীরটা দেখেই বুঝতে পারছ না! বহু কষ্টে রাগ চেপে আছি, পাছে একটা খুনোখুনি কাণ্ড করে বসি। আচ্ছা, আমাকে রাগাও দেখি। দেখি তোমাদের কত ক্ষমতা। কিছুতেই রাগাতে পারবে না। এই দেখো আমি খুব গম্ভীর হয়ে ঠান্ডা হয়ে বসলুম।

ও বাবা! এরা যে সবাই মিলে মারধোর করবার জোগাড় করে! খালি পেটে, খিদের উপর, মারটা সয় না দেখছি। আচ্ছা বাপু, তোমরা সবাই বোসো। তোমাদের কার কত পাওয়া আছে বলো। ভাগ্য মাইনের টাকাটা পকেটে ছিল, নইলে আজ নিতান্তই ধনঞ্জয়কে স্মরণ করে এক-পেট খিদেসুস্থ দৌড় মারতে হত। আপাতত প্রাণটা বাঁচাই, তার পর টাকাটা উদয়ের কাছ থেকে আদায় করে নিলেই হবে।

তোমার পাঁচ টাকা বৈ পাওয়া নয়, কিন্তু তুমি পঞ্চান্ন টাকার গাল পেড়ে নিয়েছ বাপু—এই নাও তোমার টাকা।

ওহে বাপু, তোমার হোটেলের বিল এই শূন্যে দিচ্ছি, যদি কখনো অসময়ে তোমাদের শরণাগত হতে হয় তা হলে স্মরণ রেখো।

তোমার তিন মাসের বাড়িভাড়া পাওনা? এক মাসের টাকাটা আজ দিচ্ছি, বাকি পরে নিয়ে। তুমি তো ভাই, তোমার গালমন্দ আমাকে ষোলো-আনাই চুকিয়ে দিয়েছ, তাতে বোধ করি তোমার মনটা কতকটা খোলসা হয়েছে, এখন আশীর্বাদ করে বাড়ি চলে যাও।

ওহে বাপু, তোমার গহনা ফিরিয়ে দেওয়া সহজ নয়। যদি আমার স্ত্রী থাকতেন আর তোমার গহনা তাঁকে দিচ্তুম তা হলেও ফিরিয়ে আনা শক্ত হত; আর যখন তিনি বর্তমান নেই এবং তোমার গহনা তাঁকে দিই নি, তখন ফিরিয়ে আনা আরও কত কঠিন তা একটুখানি ভেবে দেখলে তুমিও হয়তো বদ্বতে পারবে। তবু যদি পীড়াপীড়ি কর তা হলে কাজেই তোমার হরিবাবুর ওখানে আমাকে যেতে হবে, কিন্তু খাবারটা আসে কি না আর-একটু না দেখে যেতে পারছি নে।—উঃ! আর তো পারি নে। চন্দ্র, ওহে চন্দ্র! এখানে উদয়ের তো কোনো সম্পর্ক নেই, এখন তুমিসুন্দর অস্ত গেলে আমি যে অন্ধকার দেখি। চন্দ্র! ওহে চন্দ্রকান্ত! এই-যে এসেছ। চন্দ্র, তুমি তো তোমার বাবুকে চেন, সত্য করে বলো দেখি আজ কাল এবং পরশুর মধ্যে তিনি কি হোটেল থেকে ফিরবেন।

বোধ হয় ফিরবেন না? এতক্ষণ পরে তোমার এই কথাটি আমার সম্পূর্ণ বিশ্বাস হচ্ছে। যা হোক, বড় খিদে পেয়েছে, এখন আর গাল দেবার সময় নেই, এই আধূলিটি নিয়ে যদি চট করে কিছু খাবার কিনে আন তা হলে প্রাণ-রক্ষে হয়।

লোকটা নব্বাব করে বেড়ায় অথচ কাজকর্ম কিছু নেই, আমরা ভাবতুম চালায় কী করে! এখন ব্যাপারটা বদ্বতে পারছি। কিন্তু, প্রত্যহ এতগুলি গাল হজম করে, এতগুলি বিল ঠেকিয়ে, এতগুলো লোক খেদিয়ে রাখা তো কম কান্ড নয়। এতে মজুরি পোষায় না, এর চেয়ে ঘানি ঠেলেও সুখ আছে।

কী হে! শূধু মুড়ি নিয়ে এলে? আর-কিছু পাওয়া গেল না? পয়সা কিছু ফিরেছে?

না? আচ্ছা, তবে দাও মুড়িই দাও। (আহার)

ওহে চন্দ্র, কী বলব, ক্ষুধার চোটে এই বাসি মুড়ি যেন সুধা বলে বোধ হচ্ছে। অনেক নিমন্ত্রণ খেয়েছি, কিন্তু এমন সুখ পাই নি। চন্দ্র, তুমিই সুধাকর বটে, কিন্তু আজকে কলঙ্কের ভাগটাই কিছু বেশি দেখা গেল। ডাবও এণ্টা এনেছ দেখাছ, এর জন্যেও স্বেচ্ছা। কিছু দিতে হবে নাকি?

হবে না? শরীরে দয়ামায়া কিছু আছে বোধ হচ্ছে, এখন যদি একটি গাড়ি ডেকে দাও তো আস্তে আস্তে বিদায় হই।

গাড়ি এখানে পাওয়া যায় না? তবে তো বড়ো বিপদে ফেললে। আমি এখন না খেয়ে কাহিল শরীরে দেড় ক্রোশ রাস্তা হাঁটতে পারব না; যখন সম্মুখে আহারের আশা ছিল তখন পেরেছিলুম।—কী করব! বেরিয়ে পড়া যাক।

কী সর্বনাশ! এই সময়ে আবার হরিবাবুর ওখানে যেতে হবে? চন্দ্র, তুমি আজ আমার বিস্তর উপকার করেছ, এখন আর কিছু করতে হবে না, এই ভদ্রলোকের ছেলোটিকে বদ্বিয়ে দাও আমি উদয়বাবু নই, আমি আহিরীটোলার অক্ষয়বাবু।

ও তোমার কথা বিশ্বাস করবে না? সেজন্যে ওকে আমি বেশি দোষ দিতে পারি নে, বোধ হয় তোমাকে ও অনেক দিন থেকে চেনে। যা হোক, আর ঝগড়া করবার সামর্থ্য নেই, আস্তে আস্তে হরিবাবুর ওখানেই যাওয়া যাক। বাপু, যে রকম অবস্থা দেখছ পথে যদি একটা কিছু ঘটে দাহ করবার ব্যয়টা তোমার স্কন্ধে পড়বে—আগে থাকতে বলে রাখলুম।

চন্দ্র, তুমি আবার হাত বাড়ান কেন হে! তোমাদের কল্যাণে যেরকম সন্তায় আজ নেমন্তন্ন খেয়ে গেলুম বহুকাল আমার আর খিদে থাকবে না। আরো কী চাও?

ও! বকশিশ! সেটা চুকিয়ে দেওয়াই ভালো। যখন এতই করলেম তখন সর্বশেষে ওই খুঁতটুকু আর রাখব না। কিন্তু আমার কাছে আর একটিমাত্র টাকা বাকি আছে। তার মধ্যে বারো আনা আমি গাড়িভাড়ার জন্যে রেখে দিতে চাই। তোমার কাছে খুঁচরো যদি কিছু থাকে তা হলে ভাগিয়ে—

খুচরো নেই? (পকেট উল্টাইয়া শেষ টাকারটি দিয়া) তবে এই নাও বাপু। তোমাদের বাড়ি থেকে বেরোলুম একেবারে গজভুক্তকপিথবৎ।

কিন্তু এই-সে টাকাগদুলি দিলুম, উদয়ের কাছ থেকে ফিরে আদায় করবার কী উপায় করা যায়! একটা দামি জিনিস যদি কিছু পাওয়া যায় তো আটক করে রাখি। দামি জিনিসের মধ্যে তো দেখছি ওই চন্দ্রকান্ত। কিন্তু বেরকম দেখলুম ঠুকে সংগ্রহ করা আমার কর্ম নয়, আমাকে উনি টাকাকে গদুজে নিতে পারেন।

(কোণে একটা দেবরাজ সবলে খুলিয়া) বাঃ, এই তো ঠিক হয়েছে। চেনটিও দাঁব্য। তা হলে ঘড়িসম্বন্ধ এইটি দখল করা যাক।

কী হে চন্দ্র, এত ব্যস্ত কেন?

পুলিস? পুলিস আসছে?

আমাকে পালাতে হবে? কেন, কী দৃষ্কর্ম করেছি! কেবল এক ভদ্রলোকের নিমন্ত্রণ রক্ষা করতে এসেছি, তার যা শাস্তি যথেষ্ট হয়েছে।

তাই তো, সত্যিই দেখছি! চন্দ্র কোথায় গেল! হরিবাবুর সেই লোকটিকেও যে দেখছি নে! সবাই পালিয়েছে!

দেখো বাপু, গায়ে হাত দিয়ে না। ভালো হবে না। আমি ভদ্রলোক। চোর নই, জালিয়াত নই।

উঃ, কর কী! লাগে যে! বাবা, আজ সমস্ত দিন কেবল মদুড়ি খেয়ে পথ চেয়ে আছি, আজ তোমাদের এ-সব ঠাট্টা আমার ভালো লাগছে না।

পেয়াদা-বাবা, বরং কিছু জলপানি নাও। (পকেটে হাত দিয়া) হায় হায়, একটি পয়সা নেই। দারোগা-সাহেব, যদি চোর ধরতে চাও, চলো আমি তোমাকে দেখিয়ে দিচ্ছি। জেল সৃষ্টি হয়ে পর্যন্ত এতবড়ো চোর পৃথিবীতে দেখা দেয় নি।

কী করেছি বলো দেখি। জীবনবাবুর নাম সহ করে হ্যামিল্টনের দোকান থেকে ঘড়ি এনেছি? পেয়াদা-সাহেব, ভদ্রলোক হয়ে ভদ্রলোকের নামে ফস করে এতবড়ো অপবাদটা দিলে?

ও কী ও! ওটা ধরে টেনো না। ও আমার ঘড়ি নয়। শেষকালে যদি চেন-মেন ছিঁড়ে যায় তা হলে আবার মদুশকিলে পড়তে হবে।

কী? এই সেই হ্যামিল্টনের ঘড়ি? ও বাবা, সত্যি নাকি! তা, নিয়ে যাও, নিয়ে যাও, এখনি নিয়ে যাও। কিন্তু, ঘড়ির সঙ্গে আমাকে সম্বন্ধ টান কেন? আমি তো সোনার চেন নই। আমি সোনার অক্ষয় বটে, কিন্তু সেও কেবল বাপ-মায়ের কাছে।

তা, নিতান্তই যদি না ছাড়তে পার তা চলো। বাবা, আমাকে সবাই ভালোবাসে, আজ তার বিস্তর পরিচয় পেয়েছি, এখন তোমার ম্যাজিস্ট্রেটের ভালোবাসা কোনোমতে এড়াতে পারলে এ যাত্রা রক্ষে পাই।—

যদি জোটে রোজ

এমনি বিনি পয়সায় ভোজ!

## নূতন অবতার

### প্রথম অঙ্ক

#### নন্দকৃষ্ণ মধুপাধ্যায়

(স্বগত) তুমি রত্নদ্রব বক্শি ব্রাহ্মণের ব্রহ্মোত্তর পদ্মকরিণীটি কেড়ে নিয়ে খিড়িকির পুকুর করেছ। আচ্ছা, দেখা যাবে তুমি ভোগ কর কেমন করে। ওই পুকুরে দূর-বেলা ছাটশ জাতকে স্নান করাব তবে আমি ব্রাহ্মণের ছেলে। (সমাগত প্রতিবেশীবর্গের প্রতি) তা, তোমরা তো সব শুনেনছ দেখছি। সে স্বপ্নের কথা মনে হলে এখনো গা শিউরে ওঠে। ভাই, উপরি-উপরি তিন রাস্তার স্বপ্ন দেখলুম—মা গঙ্গা মকরের উপর চড়ে আমার শিয়রের কাছে এসে বললেন, ‘ওরে বেটা নন্দ, তোর কুব্ধি ধরেছিল, তাই তুই রত্নদ্রব বক্শির সঙ্গে পদ্মকরিণী নিয়ে মামলা করতে গিয়েছিলি। রত্নদ্রব বক্শি কে তা জানিস? সত্যযুগে যে ছিল ভগীরথ সেই আজ বক্শির ঘরে আবির্ভাব করেছে। হুগলি পদ্মের উপর দিয়ে যে দিন থেকে গাড়ি চলেছে সেই দিন থেকে আমিও তোদের ওই পদ্মকরিণীতে এসে অধিষ্ঠান করছি।’ তখন আমার মনে হল, ওরে বাপ রে! কী কান্ডই করছি! যিনি স্বয়ং কলিযুগের ভগীরথ তাঁরই সঙ্গে কি না গঙ্গার দখল নিয়ে আদালতে মকদ্দমা! এমন পাপও করে! এখন বদ্বতে পারছি মকদ্দমায় কেন হার হল এবং তোমরা পাড়ার সকলেই বা আদালতে হালফ নিয়ে কেন পরিষ্কার মিথ্যে সাক্ষি দিয়ে এলে। এ-সমস্তই দেবতার কান্ড। তোমাদের মদ্য দিয়ে অনর্গল মিথ্যে কথা একেবারে যেন গোমুখী থেকে গঙ্গাস্রোতের মতো বেরোতে লাগল; আমি নিতান্ত মূঢ়মতি পাপিষ্ঠ বলে প্রকৃত তত্ত্ব তখনো বদ্বতে পারলুম না—মায়াতে অন্ধ হয়ে রইলুম এবং টাকাগুলো কেবল উকিলে লুটে থেলে!

অগ্রদ্বিসর্জন। এবং ভক্তিবহন নরনারায়ণের হরিধ্বনি-  
সহকারে কলিযুগের ভগীরথ-দর্শনে গমন

### দ্বিতীয় অঙ্ক

#### রত্ননারায়ণ বক্শি

(স্বগত) তাই বটে!—ছেলেবেলা থেকে বরাবর অকারণে কেমন আমার একটা ধারণা ছিল যে, আমি বড়ো কম লোক নই। এত দিনে তার কারণটা বোঝা যাচ্ছে। আর এও দেখেছি, ব্রাহ্মণের ঐ পদ্মকরিণীটির প্রতি আমার অনেক দিন থেকে লোভ পড়েছিল; থেকে থেকে আমার কেবলই মনে হত, ও পুকুরটা কোনোমতে ঘিরে না নিতে পারলে মেয়েছেলেদের ভারি অসুবিধে হচ্ছে। একেবারে সাফ মনেই ছিল না যে, আমি ভগীরথ, আর মা গঙ্গা এখনো আমাকে ভুলতে পারেন নি। উঃ, সে জন্মে যে তপস্যেটা করেছিলুম এ জন্মকার মিথ্যে মকদ্দমাগুলো তার কাছে লাগে কোথায়!

(ভক্তমণ্ডলীর প্রতি ঈষৎ সহাস্যে) তা কি আর আমি জানতাম না! কিন্তু তোমাদের কাছে কিছ্র ফাঁস করি নি, কী জানি পাছে বিশ্বাস না কর। কলিকালে দেবতা-ব্রাহ্মণের প্রতি তো কারো ভক্তি নেই। তা ভয় নেই, আমি তোমাদের সব অপরাধ মাপ করলুম।—কে গো তুমি? পায়ের ধুলো? তা, এই নাও (পদ প্রসারণ)। তুমি কী চাও গা? পাদোদক? এসো, এসো। নিয়ে এসো। তোমার বাটি—এই নাও—থেকে ফেলো। ভোরবেলা থেকে পাদোদক দিতে দিতে আমার সর্দি হয়ে মাথা ভার হয়ে এল।—বাছা, তোমরা সব এসো, কিছ্র ভয় নেই। এতদিন আমাকে চিনতে পার নি

সে তো আর তোমাদের দোষ নয়। আমি মনে করেছিলুম কথাটা তোমাদের কাছে প্রকাশ করব না, যেমন চলছে এমনিই চলবে—তোমরা আমাকে তোমাদের মাধব বক্শির ছেলে রুদ্দুর বক্শি বলেই জানবে। (স্বয়ং হাস্য) কিন্তু মা গঙ্গা যখন স্বয়ং ফাঁস করে দিলেন তখন আর নুকোতে পারলুম না। কথাটা সর্বত্রই রাষ্ট্র হয়ে গেছে। ও আর কিছুতে ঢাকা রইল না। এই দেখো—না হিন্দুপ্রকাশে কী লিখেছে। ওরে তিনকড়ে, চট করে সেই কাগজখানা নিয়ে আস় তো। এই দেখো—‘কলিযুগের ভগীরথ এবং ফজ্জগঞ্জের ভাগীরথী’—লোকটার রচনাশক্তি দিব্য আছে। আর সেই পরশুদিনকার বঙ্গতোষণী-খানা আন্ দেখি, তাতেও বড়ো বড়ো দুখানা চিঠি বেরিয়েছে। কী? খুঁজে পাচ্ছিস নে? হারিয়েছিস বুঝি? হারায় যদি তো তোর দুখানা হাড় আস্ত রাখব না, তা জানিস! সেদিন যে তোর হাতে দিয়ে বলে দিলুম আলমারির ভিতর তুলে রেখে দিস! পাজি বেটা! নছার বেটা! হারামজাদা বেটা! কোথায় আমার কাগজ হারালি বের করে দে! দে বের করে! যেখান থেকে পাস নিয়ে আস়, নইলে তোকে পুতে ফেলব বেটা!—ওঃ, তাই বটে, আমার কাশবাক্সের ভিতরে তুলে রেখেছিলুম। ওহে হরিভূষণ, পড়ে শুনিয়ে দাও তো, আমার আবার বাংলা পড়টা ভালো অভ্যাস নেই।—কে গা? মতি গয়লানী বুঝি? তা, এসো এসো, আমি পায়ের ধুলো দিচ্ছি—দুধের দাম নিতে এসেছ? এখনো শোন নি বুঝি? নন্দ মধুজেকে মা গঙ্গা কি স্বপন দিয়েছেন সে-সব খবর রাখ না? বেটি, তুই আমার পুকুরের জল দুধের সঙ্গে মিশিয়ে আমাকে বিক্রি করেছিস, সে জলের মাহাত্ম্য জানিস? কেমন, সবার কাছে কথাটা শুনালি তো? এখন হিসেবটা রেখে পায়ের ধুলো নিয়ে আমার খিড়িকর ঘাটে চট করে একটা ডুব দিয়ে আস় গে যা।

এই এখনি যাচ্ছি। বেলা হয়েছে সে কি আর জানি নে? ভাত ঠান্ডা হয়ে গেল? তা, কী করব বলো। লোকজন সব অনেক দূর থেকে একটু পায়ের ধুলোর প্রত্যাশায় এসেছে, এরা কি সব নিরাশ হয়ে যাবে! আচ্ছা, উঠি। ওরে তিনকড়ে, তুই এখানে হাজির থাকিস—যারা আমাকে দেখতে আসবে সব বসিয়ে রাখিস, আমি এলুম বলে। খবরদার! দেখিস যেন কেউ দর্শন না পেয়ে ফিরে না যায়। বলিস ভগীরথ ঠাকুরের ভোগ হচ্ছে। বুঝালি? আমি দুটো ভাত মুখে দিয়েই এলুম বলে।

রেখো, তুই যে একেবারে সিধে খাড়া হয়ে দাঁড়িয়ে রইলি! তোর কি মাথা নোয় না নাকি? তোর তো ভারি অহংকার দেখছি। বেটা, তোর ভক্তির লেশমাত্র নেই। পাজি বেটা, তোকে জুতো মেরে বিদায় করে দেব তা জানিস? সবাই আমাকে ভক্তি করছে, আর তুই বেটা এতবড়ো খ্রীষ্টান হয়েছিস যে, আমাকে দেখে প্রণাম করিস নে! তোর পরকালের ভয় নেই? বেরো আমার বাড়ি থেকে।

ছি বাবা উমেশ, তোমার এত বয়স হল, তবু কার সঙ্গে কিরকম ব্যবহার করতে হয় শিখলে না? যে ভগীরথ মর্ত্য গঙ্গা এনেছিলেন তাঁর গল্প মহাভারতে পড়েছ তো? ভুল করছ—ঐরাবত নয়, সে ভগীরথ। আমাকে সেই ভগীরথ বলে জেনো। বুঝেছ? মনে থাকবে তো? ভগীরথ, ঐরাবত নয়। সেই জায়গাটা মাস্টারের কাছে পড়ে নিয়ো। এসো বাবা, তোমার মাথায় পায়ের ধুলো দিয়ে দিই।

কই? ভাত কই? আমি আর সবুজ করতে পারছি নে—দেশ দেশান্তর থেকে সব লোক আসছে। কী গো গিন্নি, এত রাগ কিসের? হয়েছে কী? খিড়িকর পুকুরে লোকজনের ভিড় হয়েছে? নাওয়া, কাপড় কাচা, বাসন মাজা, জল তোলা, সমস্ত বন্ধ হয়েছে? কী করব বলো। আমি স্বয়ং ভগীরথ হয়ে গঙ্গা থেকে ভো কাউকে বঞ্চিত করতে পারি নে। তা হলে আমি এত তপসো করে এত কষ্ট করে গঙ্গা আনলুম কেন? তোমাদের ময়লা কাপড় কাচবার জন্যে—বটে! যখন ব্রাহ্মণের সঙ্গে মকদ্দমা করছিলুম তখন তোমরা সেই আশায় বসেছিলে, আসল কথাটা কেবল আমি জানতুম আর মা গঙ্গাই জানতেন।—কী! এতবড়ো আস্পর্ধা—তুই বিশ্বাস করিস নে! জানিস, তোকে বিয়ে করে তোর চোন্দপুরদুকে উদ্ধার করেছি। বাপের বাড়ি যাবে? যাও—না! মরবার সময় আমার এই গঙ্গায় আসতে দেব না। সেটা মনে রেখো। ভাত আর আছে তো? নেই? আমি যে তোমাকে বেশি করে রাখতে বলে দিয়েছিলুম। আমার প্রসাদ নিয়ে যাবে বলে যে দেশ-বিদেশ থেকে লোক

এসেছে। যা রেখেছে, এর একটা একটা ভাত খুঁটে দিলেও যে কুলোবে না। রান্নাঘরে যত ভাত আছে সব নিয়ে এসো—, তোমরা সব চিড়ে আনতে দাও, পুকুর থেকে গঙ্গাজল এনে ভিজিয়ে থেয়ো। কী করব বলো। দূর থেকে নাম শুনেনে প্রসাদ নিতে এসেছে, তাদের ফেরাতে পারব না। কী বললে? আমার হাতে পড়ে তোমার হাড় জ্বালাতন হয়ে গেল? কী বলব, তুমি মূর্খ মেয়ে-মানুষ, ঐ কথাটা একবার দেশের ভালো ভালো পণ্ডিতদের কাছে বলো দেখি। তারা তখন মূখের উপর শূন্যে দেবে, ষাট হাজার সগরসন্তান জন্মে ভস্ম হয়ে গিয়েছিল, সেই ভস্ম যিনি প্রাণ দিয়েছেন, তিনি যে তোমার হাড় জ্বালাবেন এ কথা কোনো শাস্ত্রের সঙ্গেই মিলছে না। তুমি গাল দাও, আমি আমার ভক্তদের কাছে চললাম।

(বাঁহরে আসিয়া) দেরি হয়ে গেল। বাড়ির মধ্যে এঁয়ারা সব আবার কিছুতেই ছাড়েন না, পায়ের ধুলো নিয়ে পূজো করে বেলা করে দিলেন। আমি বলি, থাক্ থাক্, আর কাজ নেই—তারা কি ছাড়ে! এসো, তোমরা একে একে এসো, যার যার ধুলো নেবার আছে নিয়ে বাড়ি যাও।—কী হে বিপিন? আজ মকন্দমার দিন? তা তো যেতে পারছি নে। দর্শন করতে সব লোকজন আসছে। এক-তরফা ডিক্রি হবে? কী করব বলো। আমি উপস্থিত না থাকলে এখানেও যে এক-তরফা হয়। বিপ্নে, তুই যাবার সময় প্রণাম করে গেলি নে? এমনি করেই অধঃপাতে যাবে। আয়, এইখানে গড় কর্, এই নে, ধুলো নে। যা।

### তৃতীয় অঙ্ক

ওহে মূর্খদুঃখ, মা গঙ্গা ঠিক আমার এই খিড়িকির কাছটায় না এসে আর রশি-দুয়েক তফাতে এলেই ভালো করতেন। তুমি তো দাদা, স্বপ্ন দেখেই সারলে, আমাকে যে দিন-রাত্তির অসহ্য ভোগ ভুগতে হচ্ছে। এক তো, পুকুরের জল দূধে বাতাসায় ডাবে আর পশ্মের পাতায় পচে দুর্গন্ধ হয়ে উঠেছে, মাছগুলো মরে মরে ভেসে উঠছে, যেদিন দক্ষিণের বাতাস দেয় সেদিন মনে হয় যেন নরককুণ্ডের দক্ষিণের জানলা-দরজাগুলো সব কে খুলে দিয়েছে—সাত জন্মের পেটের ভাত উঠে আসবার জো হয়। ছেলেগুলো যে কটা দিন ছিল কেবল ব্যামোয় ভুগেছে। কলিযুগের ভগীরথ হয়ে ডাক্তারের ফি দিতে দিতেই সর্বস্বান্ত হতে হল; তারা সব যমদূত, ভক্তির ধার ধারে না, স্বয়ং মা গঙ্গাকে দেখতে এলে পুরো ভিজিট আদায় করে ছাড়ে। সেও সহ্য হয়, কিন্তু খিড়িকির ধারে ঐ-যে দেশ-বিদেশের মড়া পড়তে আরম্ভ হয়েছে, ঐটাতে আমাকে কিছু কাবু করেছে। অহর্নিশ চিতা জ্বলছে। কাছাকাছি যে-সমস্ত বসতি ছিল সে-সমস্তই উঠে গেছে; রাত্তিরে যখন হরীবোল হরীবোল শব্দ ওঠে এবং শ্যালগুলো ডাকতে থাকে তখন রক্ত শূন্য হয়ে যায়। স্ত্রী তো বাপের বাড়ি চলে গেছেন। বাড়িতে চাকর-দাসী টংকতে পারে না। ভূতের ভয়ে দিনে দুপুরে দাঁত-কপাটি থেয়ে থেয়ে পড়ে। চারটি রেখে দেয় এমন লোক পাই নে। রাত্তিরে নিজের পায়ের শব্দ শুনলে বৃকের মধ্যে দুড় দুড় করতে থাকে; বাড়িতে জনমানব নেই; গঙ্গাযাত্রীর ঘর থেকে কেবল থেকে থেকে তারক-রক্ত নাম শুনিনি, আর গা ছম্ছম্ করতে থাকে। আবার হয়েছে কী; ছেড়েও যেতে পারি নে। আমার ভগীরথ নাম চতুর্দিকেই রাষ্ট্র হয়ে গেছে; সকলেরই দর্শন করতে ইচ্ছা হয়—সেদিন পশ্চিম থেকে দু-জন এসেছিল, তাদের কথাই বঝতে পারি নে। বোঁরা ভক্তি করলে বটে, কিন্তু আমার থালাবাটিগুলো চুরিও করে গেছে। এখান থেকে উঠে গেলে হয়তো ঠিকানা না পেয়ে অনেকে ফিরে যেতে পারে। এ দিকে আবার বিষয়কর্ম দেখতে সময় পাচ্ছি নে; আমার পুত্ৰ তালুকটার খাজনা বাকি পড়েছে; শূন্যেই জমিদার অর্থ করবে। শরীর ভয়ে অনিয়মে এবং ব্যামোয় রোজ শূন্য হয়ে যাচ্ছে। ডাক্তারে ভয় দেখাচ্ছে এ জায়গা না ছাড়লে আমি আর বেশিদিন বাঁচব না। কী করি বলো

তো দাদা? রত্নদত্ত বক্শি ছিলেন, সুখে ছিলেন, কোনো ল্যাঠাই ছিল না; ভগীরথ হয়ে কোনো দিক সামলে উঠতে পারছি নে, আমার সোনার পুরী একেবারে শ্মশান হয়ে গেছে! আবার কাগজ-গুলো আজকাল আমার সঙ্গে লেগেছে; তারা বলে সব মিথ্যে। তাদের নামে লাইবেল আনবার জন্যে উকিলের পরামর্শ নিতে গিয়েছিলুম; উকিল বললে, তুমিই যে ভগীরথ সেটা প্রমাণ করতে গেলে সত্যদুগ থেকে সাক্ষী তলব করতে হয়, স্বয়ং ব্যাসদেবের নামে সমন জারি করতে হয়। শুনো আমার ভরসা হল না। এখানকার লোকের মনেও ক্রমে সন্দেহ জন্মে গেছে। মতি গয়লানীর সঙ্গে এক-রকম ঠিক হয়েছিল আমি পাদোদক দেব আর সে দুধ দেবে, আজ দু দিন থেকে সে মাগী আবার তার হিসেব নিয়ে এসে উপস্থিত হয়েছে; ভাবে গতিকে স্পষ্ট বুদ্ধিতে পারছি টাকার বদলে আমি তাকে পায়ের ধুলো দিতে গেলে সেও আমার উপরে পায়ের ধুলো ঝেড়ে যাবে। ভয়ে কিছু বলতে পারছি নে। পদুকুরটা তো গেছেই, আমার স্ত্রী-পুত্র-কন্যারাও ছেড়ে গেছে, চাকর-দাসীও পালিয়েছে, প্রতিবেশীরাও গ্রাম ছেড়ে নতুন বসতি করেছে, আমার ভগীরথ নামটাও টেকে কি না সন্দেহ, কেবল কি একা মা গঙ্গা আমাকে কিছতেই ছাড়বেন না? মা গঙ্গাকে নিয়ে কি আমার সংসার চলবে? রাস্তায় বেরোলে আজকাল ছেলেগুলো ঠাট্টা করতে আরম্ভ করেছে যে, রত্নদত্ত বক্শির গঙ্গাপ্রাপ্ত হয়েছে!—এই তো বিপদে পড়া গেছে। দাদা, আবার একবার তোমাকে স্বপন দেখতে হচ্ছে। দোহাই তোমার, দোহাই মা গঙ্গার, হৃদয়লির পুলের নীচে যদি তাঁর বাসের অসুবিধে হয়, দেশে বড়ো বড়ো ঝিল খাল দিঘি রয়েছে, স্বচ্ছন্দে থাকতে পারবেন। আমার ঐ পদুকুরের জল যেরকম হয়ে এসেছে আর দু দিন বাদে তাঁর মকরটা তার শৃঙ্গসুন্দর মরে ভেসে উঠবে; আমার মতো ভগীরথ ঢের মিলবে, কিন্তু ব্রাহ্মণ-কায়স্থের ঘরে অমন বাহন আর পাবেন না। এই নতুন গঙ্গার ধারে তাঁর স্নেহের ভগীরথও যে বেশি দিন টিকবে কোনো ডাক্তারেই এমন আশা দেয় না। সত্যদুগের নামটার জন্যে মায়া হয় বটে, কিন্তু আমি বেশ করে ভেবে দেখছি, দাদা, এই কলিযুগের প্রাণটার মায়াও ছাড়তে পারি নে। তাই স্থির করেছি পদুকুরটি তোমাকেই ফিরিয়ে দেব, কিন্তু গঙ্গা-মাতাকে এখান থেকে একটু দূরে বসত করতে হবে।

পৌষ ১০০১

### অরসিকের স্বর্গপ্রাপ্তি

গোকুলনাথ দত্ত। ইন্দ্রলোক

গোকুলনাথ। (স্বগত) আমি দেখছি স্বর্গটি স্বাস্থ্যের পক্ষে দিব্য জায়গা হয়েছে। এ সম্বন্ধে প্রশংসা না করে থাকা যায় না। অনেক উচ্চে থাকার দরুন অঞ্জিজন বাস্পটি বেশ বিশুদ্ধ পাওয়া যায়, এবং রাত্রিকাল না থাকতে নন্দনবনের তরুলভাগুর্লি কার্বনিক অ্যাসিড গ্যাস পরিভাগ করার সময় পায় না, হাওয়াটি বেশ পরিষ্কার। এ দিকে ধুলো নেই, তাতে করে একেবারে রোগের বীজই নষ্ট হয়েছে। কিন্তু এখানে বিদ্যাচার্যের যেরকম অবহেলা দেখছি তাতে আমি সন্দেহ করি ধুলোয় রোগের বীজ উড়ে বেড়ায় এ সংবাদ এখনো এঁদের কানে এসে পৌঁচেছে কি না। এঁরা সেই-যে এক সামবেদের গাথা নিয়ে পড়েছেন, এর বেশি আর ইণ্টেলেক্চুয়াল মূভমেন্ট অগ্রসর হল না। পৃথিবী দ্রুতবেগে চলছে, কিন্তু স্বর্গ যেমন ছিল তেমনই রয়েছে, কনসার্ভেটিভ যত দূর হতে হয়।

(বৃহস্পতির প্রতি) আচ্ছা, পণ্ডিতমশায়, ঐ-যে সামবেদের গান হচ্ছে, আপনারা তো বসে বসে মৃদু হয়ে শুনছেন, কিন্তু কোন সময়ে ওর প্রথম রচনা হয় তার কোনো ঐতিহাসিক প্রমাণ সংগ্রহ করতে পেরেছেন কি? কী বললেন? স্বর্গে আপনাদের ইতিহাস নেই? আপনাদের সমস্তই



নিত্য? স্নেহের বিষয়! স্নেহবালকদের তারিখ মধুসূদন করতে হয় না! কিন্তু বিদ্যাচর্চা ওতে করে কি অনেকটা অসম্পূর্ণ থাকে না? ইতিহাসাশঙ্কার উপযোগিতা চার প্রধান শ্রেণীতে বিভক্ত করা যেতে পারে।—প্রথম, ক—

মনোযোগ দিচ্ছেন কি? (স্বগত) গান শুনতেই মত্ত তার আর মন দেবে কী করে! পৃথিবী ছেড়ে অবধি এঁদের কাউকে যদি একটা কথা শোনাতে পেরে থাকি! শুনছে কি না-শুনছে মধু দেখে কিছু বোঝবার জো নেই; একটা কথা বললে কেউ তার প্রতিবাদও করে না, এবং কারো কথার কোনো প্রতিবাদ করলে তার একটা জবাব পাওয়াই যায় না। শুনোই এইখানেই আমাকে সাড়ে পাঁচ কোটি সাড়ে পনেরো লক্ষ বৎসর কাটাতে হবে। তা হলেই তো গেছি। আত্মহত্যা করে যে নিষ্কৃতি পাওয়া যাবে সে সর্বাধাও নেই—এখানকার সাম্প্রতিক মৃত্যুতালিকা অন্বেষণ করতে গিয়ে শুনলুম এখানে মৃত্যু নেই। অশ্বিনীকুমার-নামক দুই বৈদ্য যে পদটি পেয়েছেন ঠুন্দের যদি বাঁধা খোরাক বরাদ্দ না থাকত তা হলে সমস্ত স্বর্গ কোঁটিয়ে এক পরস্যা ভিজিট জুটত না। তবে কী করতে যে ঠুন্দের এখানে আছেন তা আমাদের মানুষের বুদ্ধিতে বুঝতে পারি নে। কাউকে তো খরচের হিসাব দিতে হয় না, যার যা খুশি তাই হচ্ছে। থাকত একটা ম্যুনিসিপ্যালিটি, এবং নিয়ম-মত কাজ হত, তা হলে আমিই তো সর্বাগ্রে ঐ দুটি হেলথ-অফিসারের পদ উঠিয়ে দেবার জন্যে লড়তুম। এই-যে রোজ সভার মধ্যে অমৃত ছড়াছড়ি যাচ্ছে, তার একটা হিসেব কোথাও আছে? সোঁদিন তো শচীঠাকরুনকে স্পষ্টই মধুসূদনের উপর জিজ্ঞাসা করলুম, স্বর্গের সমস্ত ভাঁড়ার তো আপনার জিম্মায় আছে; পাকা খাতায় হোক, খসড়ায় হোক, তার কোনো একটা হিসেব রাখেন কি—হাতচিঠা কি রসিদ, কি কোনো রকমের একটা নিদর্শন রাখা হয়? শচীঠাকরুন বোধ করি মনে মনে রাগ করলেন; স্বর্গ সৃষ্টি হয়ে অবধি এরকম প্রশ্ন তাঁকে কেউ জিজ্ঞাসা করে নি। যা পাবলিকের জিনিস তার একটা রীতিমত জবাবদিহি থাকা চাই, সে বোধটা এঁদের কারো দেখতে পাই নে। অজ্ঞপ্ত আছে বলেই কি অজ্ঞপ্ত খরচ করতে হবে! যদি আমাকে বেশি দিন এখানে থাকতেই হয় তা হলে স্বর্গের সমস্ত বন্দোবস্ত আগাগোড়া রিফর্ম না করে আমি নড়িছি নে। আমি দেখছি, গোড়ায় দরকার অ্যাজিটেশন—ঐ জিনিসটা স্বর্গে একেবারেই নেই; সব দেবতাই বেশ সন্তুষ্ট হয়ে বসে আছেন। এঁদের এই তেঁদিশ কোটিকে একবার রীতিমত বিচালিত করে তুলতে পারলে কিছু কাজ হয়। এখানকার লোকসংখ্যা দেখেই আমার মনে হয়েছিল এখানে একটি বড়ো রকমের দৈনিক কিংবা সাম্প্রতিক খবরের কাগজ বেশ চালানো যেতে পারে। আমি যদি সম্পাদক হই, তা হলে আর দুটি উপবৃত্ত সাব-এডিটর পেলেই কাজ আরম্ভ করে দিতে পারি। প্রথমত নারদকে দিয়ে খুব এক চোট বিজ্ঞাপন বিলি করতে হয়। তার পরে বিষ্ণুলোক ব্রহ্মলোক চন্দ্রলোক সূর্যলোকে গুটিকতক নিয়মিত সংবাদদাতা নিযুক্ত করতে হয়। আহা, এই কাজটি যদি আমি করে যেতে পারি তা হলে স্বর্গের এ চেহারা আর থাকে না। যারা-সব দেবতাদের ঘুষ দিয়ে দিয়ে স্বর্গে আসেন, প্রতি সংখ্যার তাঁদের যদি একটি করে সংক্ষেপ-মতাজীবনী বের করতে পারি তা হলে আমাদের স্বর্গীয় মহাত্মাদের মধ্যে একটা সেন্সেশন পড়ে যায়। একবার ইন্ডের কাছে আমার প্রস্তাবগুলো পেড়ে দেখতে হবে।

(ইন্ডের নিকট গিয়া) দেখুন মহেন্দ্র, আপনার সঙ্গে আমার গোপনে কিছু (অস্বরাগণকে দেখিয়া) ও! আমি জানতুম না এঁরা সব এখানে আছেন—গাপ করবেন—আমি যাচ্ছি। ঐকি, শচীঠাকরুনও যে বসে আছেন! আর, ঐ বড়ো বড়ো রাজর্ষি-দেবর্ষিগুলোই বা এখানে বসে কী দেখছে! দেখুন মহেন্দ্র, স্বর্গে স্বায়ত্তশাসন-প্রথা প্রচলিত করেন নি বলে এখানকার কাজকর্ম তেমন ভালো রকম করে চলছে না। আপনি যদি কিছুকাল এই-সমস্ত নাচ-বাজনা বন্ধ করে দিয়ে আমার সঙ্গে আসেন তা হলে আমি আপনাকে হাতে হাতে দেখিয়ে দিতে পারি এখানকার কোনো কাজেরই বিলম্বাবস্থা নেই। কার ইচ্ছায় কী করে যে কী হচ্ছে কিছুই দন্তস্ফুট করবার জো নেই। কাজ এমনতরো পরিস্কার ভাবে হওয়া উচিত যে, যন্ত্রের মতো চলবে এবং চোখ বুলিয়ে দেখবামাত্রই বোঝা যাবে। আমি সমস্ত নিয়ম নম্বরওয়ারি করে লিখে নিয়ে এসেছি; আপনার সহস্র চক্ষুর

মধ্যে একজোড়া চোখও যদি এ দিকে ফেরান তা হলে—আচ্ছা তবে এখন থাক, আপনাদের গান-বাজনাগুলো নাহয় হয়ে যাক, তার পরে দেখা যাবে।

(ভরত স্বামীর প্রতি) আচ্ছা অধিকারীমশায়, শুনছি গান-বাজনায় আপনি ওস্তাদ, একটি প্রশ্ন আপনার কাছে আছে। গানের সম্বন্ধে যে কটি প্রধান অঙ্গ আছে, অর্থাৎ সন্ত সুর, তিন গ্রাম, একুশ মূর্ছনা—কী বললেন? আপনারা এ-সমস্ত মানেন না? আপনারা কেবল আনন্দটুকু জানেন! তাই তো দেখছি—এবং যত দেখছি তত অবাক হয়ে যাচ্ছি। (কিয়ৎক্ষণ শুনিয়ে) ভরত-ঠাকুর, ঐ-যে ভদ্র মহিলাটি—কী গুর নাম—রম্ভা? উপাধি কী বলুন। উপাধি বুঝছেন না? এই যেমন রম্ভা চাটুজ্ঞে কি রম্ভা ভট্টাচার্য, কিংবা ক্ষত্রিয় যদি হন তো রম্ভা সিংহ—এখানে আপনাদের ও-সব কিছু নেই বুঝি? আচ্ছা, বেশ কথা, তা শ্রীমতী রম্ভা যে গানটি গাইলেন আপনারা তো তার যথেষ্ট প্রশংসা করলেন; কিন্তু ওর রাগিণীটি আমাকে অনুগ্রহ করে বলে দেবেন? একবার তো দেখছি ধৈবত লাগছে, আবার দেখি কোমল ধৈবতও লাগে, আবার গোড়ার দিকে—ওঃ বুঝছি, আপনাদের কেবল ভালোই লাগে, কিন্তু ভালো লাগবার কোনো নিয়ম নেই। আমাদের ঠিক তার উল্টো, ভালো না লাগতে পারে কিন্তু নিয়মটা থাকবেই। আপনাদের স্বর্গে যেটি আবশ্যিক সেটি নেই, যেটা না হলেও চলে তার অনেক বাহুল্য। সমস্ত সন্তস্বর্গ খুঁজে কায়ক্লেশে যদি আধখানা নিয়ম পাওয়া যায় তো তখন তার হাজারখানা বাতিক্রম বেরিয়ে পড়ে। সকল বিষয়েই তাই দেখছি। ঐ দেখুন-না ষড়ানন বসে আছেন, গুর ছটার মধ্যে পাঁচটা মৃন্ডুর কোনোই অর্থ পাবার জো নেই। শরীরতত্ত্বের ক-খও যে জানে সেও বলে দিতে পারে একটা স্কন্ধের উপরে ছটা মৃন্ডু নিতান্তই বাহুল্য। হাঃ হাঃ হাঃ হাঃ! গুর ছয় মাতার স্তন পান করতে গুকে ছটা মৃন্ডু ধারণ করতে হয়েছিল? ওটা হল মাইথলজি, আমি ফিজিয়লজির কথা বলছিলাম। ছটা যেন মৃন্ডুই ধারণ করলেন, পাকযন্ত্র তো একটার বেশি ছিল না। এই দেখুন-না আপনাদের স্বর্গের বন্দোবস্তটা—আপনারা শরীর থেকে ছায়াটাকে বাদ দিয়ে দিয়েছেন, কিন্তু সেটা আপনাদের কী অপরাধ করেছিল? আপনারা স্বর্গের লোক, বললে হয়তো বিশ্বাস করেন না, আমি জন্মকাল থেকে মৃত্যুকাল পর্যন্ত ঐ ছায়াটাকে কখনো পশ্চাতে, কখনো সম্মুখে, কখনো দক্ষিণে, কখনো বামে সঙ্গের করে নিয়ে কাটিয়েছি, ওটাকে পদ্যতে এক দিনের জন্যে সিকিপয়সা খরচ করতে হয় নি এবং অত্যন্ত শ্রান্তির সময়ও বহন করতে এক তিল ভার বোধ করি নি—ওটাকে আপনারা ছেঁটে দিলেন, কিন্তু ছটা মৃন্ডু, চারটে হাত, হাজারটা চোখ, এতে খরচও আছে, ভারও আছে, অথচ সেটা সম্বন্ধে একটু ইকনমি করবার দিকে নজর নেই! ছায়ার বেলাই টানাটানি, কিন্তু কায়ার বেলা মৃত্যুহস্ত! সাধুবাদ দিচ্ছেন? দেবতাদের মধ্যে আপনিই তা হলে আমার কথাটা বুঝছেন। সাধুবাদ আমাকে দিচ্ছেন না? শ্রীমতী রম্ভাকে দিচ্ছেন? ওঃ! তা হলে আপনি বসুন, আমি কার্তিকের সঙ্গে আলাপ করে আসি।

(কার্তিকের পার্শ্ব বসিয়া) গৃহ, আপনি ভালো আছেন তো? আপনাদের এখানকার মিলিটারি ডিপার্টমেন্ট সম্বন্ধে আমার দুটো-একটা খবর নেবার আছে। আপনারা কিরকম নিয়মে—আচ্ছা, তা হলে এখন থাক, আগে আপনাদের অভিনয়টা হয়ে যাক। কেবল একটা কথা জিজ্ঞাসা করি, এই-যে নাটকটি অভিনয় হচ্ছে এর নাম তো শুনছি ‘চিত্রলেখার বিরহ’; এর উদ্দেশ্যটা কী আমাকে বুঝিয়ে দিতে হবে। উদ্দেশ্য দূরকমের হতে পারে, এক জ্ঞানশিক্ষা, আর-এক নীতিশিক্ষা। কবি, হয় এই গ্রন্থের মধ্যে কোনো-একটা জাগতিক নিয়ম আমাদের সহজে বুঝিয়ে দিয়েছেন, নয় স্পষ্ট করে দেখিয়ে দিয়েছেন যে ভালো করলে ভালো হয়, মন্দ করলে মন্দই হয়ে থাকে। ভেবে দেখুন বিবর্তনবাদের নিয়ম-অনুসারে পরমাণুপুঞ্জ কিরকম করে ক্রমে ক্রমে বিচিত্র জগতে পরিণত হল, কিংবা আমাদের ইচ্ছাশক্তি যে অংশে পূর্ববর্তী কর্মের ফল সেই অংশে বন্ধ এবং যে অংশে পরবর্তী কর্মকে জন্ম দেয় সেই অংশে মুক্ত এই চিরস্থায়ী বিরোধের সামঞ্জস্য কোন্‌খানে—কাব্যে যখন সেই তত্ত্ব পরিস্ফুট হয় তখন কাব্যের উদ্দেশ্যটি হাতে হাতে পাওয়া যায়। চিত্রলেখার বিরহের মধ্যে এর কোনটি আছে? আপনি তো বিগলিতপ্রায় হয়ে এসেছেন;

যেরকম দেখছি দেবলোকে যদি ফিজিওলজির নিয়ম বলে একটা কিছু থাকত তা হলে এখনি আপনার দ্বাদশ চক্ষু থেকে অশ্রুধারা প্রবাহিত হত। যাই হোক কার্তিক, এ বড়ো দুঃখের বিষয়, স্বর্গে আপনাদের রাশি রাশি কাব্য-নাটকের ছড়াছড়ি যাচ্ছে, কিন্তু যাতে গবেষণা কিংবা চিন্তা-শীলতার পরিচয় পাওয়া যায় স্বর্গীয় গ্রন্থকারদের হাত থেকে এমন একটা কিছুই বেরোচ্ছে না। (ঈশ্বর হাস্যসহকারে) দেখছি 'চরিত্রলেখার বিরহ' নাটকখানা আপনার বড়োই ভালো লেগে গেছে, তা হলে অন্য প্রসঙ্গ থাক্ আপনি ঐটেই দেখুন।

(ইন্দের নিকট গিয়া) দেখুন দেবরাজ, স্বর্গে পরস্পরের মতামত আলোচনার একটা স্থান না থাকতে বড়োই অভাব বোধ করা যায়। আমার ইচ্ছা, নন্দনকাননের পারিজাতকুঞ্জের মধ্যে যেখানে আপনাদের নৃত্যশালা আছে, সেইখানে একট সভা স্থাপন করি, তার নাম দিই 'শতব্রতু ডিবেটিং ক্লাব'। তাতে আপনারও একটা নাম থাকবে আর স্বর্গেরও অনেক উপকার হবে। না, থাক্, মাপ করবেন—আমার অভ্যাস নেই—আমি অমৃত খাই নে—রাগ যদি না করেন তো বলি, ও অভ্যাসটা আপনাদের ত্যাগ করা উচিত। আমি দেখছি দেবতাদের মধ্যে পানদোষটা কিছু প্রবল হয়েছে। অবশ্য ওটাকে আপনারা সূরা বলেন না, কিন্তু বললে কিছু অত্যাশ্চর্য হয় না। পৃথিবীতেও দেখতুম অনেকে মদকে ওআইন বলে কিছু সন্তোষলাভ করতেন। সুরেন্দ্র, আপনি শ্রীমতী মেনাকাকে এইমাত্র যে সম্বোধনটা করলেন ওটা কি ভালো শুনতে হল? সংস্কৃত কাব্যে নাটকে দেখছি বটে ঐ-সকল সম্বোধন প্রচলিত ছিল, কিন্তু আপনি যদি বিশ্বসত্যের খবর নেন তো জানতে পারবেন, ওগুলো এখন নিন্দনীয় বলে গণ্য হয়েছে। আমরা কিরকম সম্বোধন করি জানতে চাচ্ছেন? আমরা কখনো-বা মাতৃসম্বোধনও করে থাকি, কখনো-বা বাছাও বলি, আবার সময়-বিশেষে 'ভালোমানুষের মেয়ে' বলেও সম্বোধন করা যেতে পারে। এর মধ্যে কোনোটিই আপনি এই-সকল মহিলাদের প্রতি প্রয়োগ করতে ইচ্ছা করেন না? তা না করুন, এটা স্বীকার করতেই হবে আপনারা ঔদের সম্বন্ধে যে বিশেষণগুলি উচ্চারণ করে থাকেন, তাতে রুচির পরিচয় পাওয়া যায় না। কী বললেন? স্বর্গে সূরুচিও নেই, কুরুচিও নেই? প্রথমটি যে নেই সে বিষয়ে সন্দেহ করি নে; দ্বিতীয়টি যে আছে তা এখনি প্রমাণ করে দিতে পারি, কিন্তু আপনারা তো আমার কোনো আলোচনাতেই কর্ণপাত করেন না।

(শচীর নিকট গিয়া) দেখুন শচী, আপনার কি মনে হয় না, স্বর্গসমাজের ভিতরে যে-সমস্ত দোষ প্রবেশ করেছে সেগুলো দূর করবার জন্যে আমাদের বন্ধপরিষদ হওয়া উচিত? আপনারা স্বর্গাঙ্গনারাও যদি এ-সকল বিষয়ে শৈথিল্য প্রকাশ করতে থাকেন তা হলে আপনাদের স্বামীদের চরিত্রের অবস্থা ক্রমশই শোচনীয় হতে থাকবে। ঔদের সম্বন্ধে যে-সকল অপযশের কথা প্রচলিত আছে সে আপনাদের অবিদিত নেই; মধ্যে মধ্যে যদি সভা আহ্বান করে এ-সকল বিষয়ে আলোচনা হয়, আপনারা যদি সাহায্য করেন তা হলে—কোথায় যান? গৃহকর্ম আছে বৃদ্ধি? (শচীকে উঠতে দেখিয়া সকল দেবতার উত্থান এবং অকালে সভাভঙ্গ।) মহা মর্শ্বিকলে পড়া গেল—কাউকে একটা কথা বললে কেউ শোনেও না, বুদ্ধিতেও পারে না।

(ইন্দের নিকট গিয়া কাতর স্বরে) ভগবন্ সহস্রলোচন শতব্রতো, আমার সাড়ে পাঁচ কোটি সাড়ে পনেরো লক্ষ বৎসরের মধ্যে আর কত দিন বাকি আছে?

ইন্দ্র। (কাতর স্বরে) সাড়ে পাঁচ কোটি পনেরো লক্ষ ঊনপঞ্চাশ হাজার নয় শো নিরেনব্বই বৎসর।

গোকুলনাথ এবং তেঁত্রিশ কোটি দেবতার একসঙ্গে সৃগভীর দীর্ঘনিশ্বাস-পতন

## স্বর্গীয় প্রহসন

ইন্দ্রসভা

বৃহস্পতি। হে সৌম্য, তেত্রিশ কোটি দেবতাতেও কি ইন্দ্রলোক পূর্ণ হয় নাই? আরও কি নূতন দেবতা আমন্ত্রণের আবশ্যক আছে? হে প্রিয়দর্শন, স্মরণ রাখিয়ো, জন্মমৃত্যুর স্ফায়া মর্ত্যলোকে লোকসংখ্যা নিয়মশাসনে থাকে, কিন্তু স্বর্গলোকে মৃত্যুর অভাবে দেবসংখ্যা হ্রাস করিবার কোনো উপায় নাই; অতএব সংখ্যা বৃদ্ধি করিবার পূর্বে সর্বিশেষ বিবেচনা করিয়া দেখা কর্তব্য।

ইন্দ্র। হে সুরগুরো, স্বর্গের পথ দুর্গম করিবার জন্য স্বর্গাধিপতির চেষ্টার দ্রুতি নাই এ কথা সর্বজনবিদিত।

বৃহস্পতি। পাকশাসন নাকপতে, তবে কেন অধুনা দেবলোকে মনসা শীতলা ঘেঁটু-নামধারী অজ্ঞাতকুলশীল নব নব দেবতার অভিষেক হইতেছে?

ইন্দ্র। শ্বিজোস্তম, আমরা দেবতাগণ ত্রিভুবনের কর্তৃত্বভার প্রাপ্ত হইয়াছি বটে, কিন্তু সে কেবল ত্রিভুবনের সম্মতিক্রমে। এ কথা গুরুদেবের অগোচর নাই যে, মর্ত্যলোকেই দেবতাদের নির্বাচন হইয়া থাকে। এক কালে আর্ষাবর্তের সমস্ত ব্রাহ্মণ হোতাগণ আমাকেই স্বর্গের প্রধানপদ দিয়াছিলেন এবং তৎকালে সরস্বতী-দৃশস্বতী-তীরের প্রত্যেক যজ্ঞহুতাশনে আমার উদ্দেশে অহরহ যে হবি সমর্পিত হইত তাহার হোমধূমে আমার সহস্রলোচন হইতে নিরন্তর অশ্রু প্রবাহিত হইত। অদ্য নরলোকে হবিষ্যত কেবলমাত্র জঠরযজ্ঞে ক্ষুধাসূরের উদ্দেশেই উপহৃত হইয়া থাকে এবং শূন্যতে পাই সে ঘৃতও বিশুদ্ধ নহে।

বৃহস্পতি। বৃহনিসূদন, সেই অপরিচিত বিমিশ্র ঘৃত-পানে, শূন্যতে পাই, ক্ষুধাসূর মৃতপ্রায় হইয়া আসিয়াছে। হে শত্রু, দেবতাদের প্রতি দেবদেবের বিশেষ কৃপা আছে, সেইজন্যই নরলোকে হোমাগ্নি নির্বাচিত হইয়াছে, নতুবা নব্য গব্য পরিপাক করিতে হইলে, ভো পাকশাসন, দেবজঠরের সমস্ত অমৃতরস সূতীর অম্লরসে পরিণত হইত, অগ্নিদেবের মন্দাগ্নি এবং বায়ুদেবের বায়ু-পরিবর্তন আবশ্যক হইত, এবং সমস্ত দেবতার অমরবক্ষে অসহ্য শূলবেদনা অমর হইয়া বাস করিত।

ইন্দ্র। হে জ্ঞানিশ্রেষ্ঠ, উক্ত ঘৃতে গুণাগুণ আমার অবিদিত নাই, যেহেতু যমরাজের নিকট সর্বদাই তাহার বিবরণ শূন্যতে পাই। অতএব হব্যপদার্থে আমার কিছুমাত্র লোভ নাই, এবং হোমাগ্নির তিরোধান সম্বন্ধেও আমি আক্ষেপ করিতেছি না। আমার বক্তব্য এই যে, যেমন পুষ্ণ হইতে সৌরভ উৎখত হয় তেমনি মর্ত্যের ভিক্ষু হইতেই স্বর্গ উর্ধ্বলোকে উদ্ভবিত হইতে থাকে; সেই ভিক্ষুপুষ্ণ যদি শূন্য হইয়া যায় তবে, হে শ্বিজোস্তম, তেত্রিশ কোটি দেবতাও আমার এই পারিজাতমোদিত নন্দনবনবোধিত স্বর্গলোক রক্ষা করিতে পারিবে না। সেই কারণে, মর্ত্যের সহিত যোগপ্রবাহ রক্ষা করিবার জন্য মাঝে মাঝে নরলোকের নবনির্বাচিত দেবতাগুলিকে সাদরে স্বর্গে আবাহন করিয়া আনিতে হয়। হে ত্রিকালজ্ঞ, স্বর্গের ইতিহাসে এমন ঘটনা ইতিপূর্বেও ঘটিয়াছে।

বৃহস্পতি। মেঘবাহন, সে-সমস্ত ইতিহাস আমার অগোচর নাই। কিন্তু ইতিপূর্বে যে-সকল নূতন দেবতা মর্ত্য হইতে স্বর্গলোকে উন্নীত হইয়াছিলেন তাঁহারা অভিজাত দেবগণের সহিত একাসনে বসিবার উপযুক্ত। সম্প্রতি ঘেঁটুপ্রমুখ যে-সমস্ত দেবতাগণ তোমার নিমন্ত্রণে স্বর্গে আসিয়া আশ্রয় লইয়াছেন তাঁহারা সূরসভার দিব্যজ্যোতি ম্লান করিয়া দিয়াছেন। অদিতীনন্দন, আমার প্রস্তাব এই যে, তাঁহাদের জন্য একটি উপদেবলোক সৃজন করিবার জন্য বিশ্বকর্মার প্রতি বিশেষ ভারার্পণ করা হয়।

ইন্দ্র। বৃধপ্রবর, তাহা হইলে সেই উপস্বর্গই স্বর্গ হইয়া দাঁড়াইবে এবং স্বর্গ উপসর্গ হইবে মাত্র। একমাত্র বেদমন্ত্রের উপর আমাদের স্বর্গ প্রতিষ্ঠিত। জন্মন্দেশীয় পণ্ডিতগণের বহুল চেষ্টা সত্ত্বেও সে মন্ত্র এবং তাহার অর্থ সকলে বিস্মৃত হইয়া আসিয়াছে। কিন্তু আমাদের নূতন আর্মান্নিত দেবদেবীগণ, সায়নাচার্যের ভাষা, পাশ্চাত্য ঐতিহাসিকদের পুরাতত্ত্ব অথবা তাঁহাদের প্রাচ্যশিষ্য-

বর্গের বৈজ্ঞানিক ব্যাখ্যার উপর নির্ভর করিতেছেন না, তাঁহারা প্রতিদিনের সদ্য-আহরিত পূজা প্রাপ্ত হইয়া উপবাসী পুরাতন দেবতাদের অপেক্ষা অনেকগুণে প্রবল হইয়া উঠিয়াছেন। তাঁহাদিগকে স্বপক্ষে পাইলে আমরা নূতন বল লাভ করিতে পারিব। অতএব, গুরুদেব, প্রসন্নচিত্তে তাঁহাদের কণ্ঠে দেবমাল্য অর্পণ করিয়া তাঁহাদিগকে স্বর্গলোকে বরণ করিয়া লউন।

বৃহস্পতি। অহো দুর্বৃত্তা নিয়তি! মর্ত্যলোকের প্রসাদলাভলালসায় কত পুরাতন দেবকুল-প্রদীপ ক্রমশ আপন দেবমর্যাদা বিসর্জন দিয়াছেন। দেবসেনাপতি কার্তিকেয় বীরবেশ পরিত্যাগ করিয়া সূক্ষ্মবসন লম্বকছে কামিনীমনোমোহন নির্লজ্জ নাগরমূর্তি ধারণ করিয়াছেন। গম্ভীরপ্রকৃতি গণপতি কদলীতরুর সহিত গোপনপরিণয়পাশে বন্ধ হইয়াছেন এবং মহাযোগী মহেশ্বর গাঁজকা-ধনুস্তুর-সিন্ধু-পানে উন্মত্ত হইয়া মহাদেবীর সহিত অশ্রাব্য ভাষায় কলহ করিয়া নীচজাতীয় স্ত্রীপঙ্কজীর মধ্যে আপন বিহারক্ষেত্র বিস্তার করিয়াছেন। সেই সমস্তই যখন একে একে সহ্য করিতে পারিয়াছি তখন বোধ করি দেবাসনে উপদেবতাগণের অধিরোহণদৃশ্যও এই বৃদ্ধ ব্রাহ্মণের ধৈর্যকঠিন বক্ষঃস্থল বিদীর্ণ করিতে পারিবে না।

#### চন্দ্রের প্রবেশ

ইন্দ্র। ভগবন্ উড়ুপতে, স্বর্গলোকে তো কৃষ্ণপক্ষের প্রভাব নাই, তবে অদ্য কেন তোমার সৌম্যসুন্দর প্রফুল্ল মূখচ্ছবি অন্ধকার দেখিতেছি?

চন্দ্র। দেব সহস্রলোচন, স্বর্গে কৃষ্ণপক্ষ থাকিলে অমাবস্যার ছায়ায় আমি আনন্দে আশ্রয় গ্রহণ করিতে পারিতাম। দেবরাজ, দেবী শীতলার প্রসন্ন দৃষ্টি হইতে আমাকে নিষ্কৃতি দান করো। তিনি স্বর্গে পদাৰ্পণ করিয়া অবধি আমার প্রতি যে বিশেষ পক্ষপাত প্রকাশ করিতেছেন, আমি একাকী তাহার যোগ্য নহি। তাঁহার সেই প্রচুর অনুগ্রহ দেবসাধারণের মধ্যে সমভাগে বিভক্ত হইলে কাহারো প্রতি অন্যায় হয় না।

ইন্দ্র। সুধাংশুমালিন, সুহৃদগণের সহিত ভাগ করিয়া ভোগ করিলে অধিকাংশ আনন্দই বৃষ্টি পাইয়া থাকে সন্দেহ নাই, কিন্তু রমণীর অনুগ্রহ সে-জাতীয় নহে।

চন্দ্র। ভগবন্, তবে সে আনন্দ তুমিই সম্পূর্ণ গ্রহণ করো। তুমি সূরশ্রেষ্ঠ, এ সুখাবেগ তুমি ব্যতীত আর-কেহ একাকী সম্বরণ করিতে পারিবে না।

ইন্দ্র। প্রিয়সখে, অন্যের নিকট যাহা পাওয়া যায় তাহা বন্ধুকে দান করা কঠিন নহে, কিন্তু প্রেম সেরূপ সামগ্রী নহে। তুমি যাহা পাইয়াছ তাহা তুমি অনাদরে ফেলিয়া দিতে পার, কিন্তু প্রিয়তম বন্ধুর অত্যাব্যসিক পূরণ করিবার জন্যও তাহা দান করিতে পার না।

চন্দ্র। যদি ফেলিয়া দিতে পারিতাম, তবে বিপন্নভাবে তোমার স্মারস্থ হইতাম না। সূরপতে, অনেক সৌভাগ্য আছে যাহা দূরে নিক্ষেপ করিলেও নিকটে সংলগ্ন হইয়া থাকে।

ইন্দ্র। শশলাঞ্জন, তুমি কি অপযশের ভয় করিতেছ?

চন্দ্র। সখে, সত্য বলিতেছি, কলঙ্কের ভয় আমার নাই।

ইন্দ্র। কলানাথ, তবে কি তুমি তোমার অন্তঃপূরলক্ষ্মী প্রিয়তমার অসুয়া আশঙ্কা করিতেছ?

চন্দ্র। বন্ধো, তোমার অবিদিত নাই, সন্ততিবংশাতি নক্ষত্রনারী লইয়া আমার অন্তঃপূর। তাহার প্রত্যেকেই সমস্ত রাশি অনিমেষ নেত্রে জাগ্রত থাকিয়া আমার গতিবিধি নিরীক্ষণ করিয়া থাকে, তথাপি এ-পর্যন্ত নক্ষত্রলোকে কোনোরূপ অশান্তির কারণ ঘটে নাই। সন্ততিবংশাতির উপর আর-একটি যোগ করিতে আমি ভীত নহি।

ইন্দ্র। সখে, ধন্য তোমার সাহস! তবে তোমার ভয় কিসের?

#### শশবাস্ত হইয়া দেবদূতের প্রবেশ

দূত। জয়োস্তু! দেবরাজ, বাণী বীণাপাণি স্বর্গপরিভ্রমণের কল্পনা করিতেছেন।

ইন্দ্র। (সসম্ভ্রমে) কেন? দেবগণ তাঁহার নিকট কী কারণে অপরাধী হইয়াছে?

দ্যুত। মনসা শীতলা মংগলচন্ডী-নাম্নী দেবীগণ সরস্বতীর কমলবনে চিগ্গাটি-নামক কদম্বচর ক্ষুদ্র মৎস্যের সন্ধানে গিয়াছিলেন। কৃতকার্য না হইয়া কমলকলিকায় অঞ্চল পূর্ণ করিয়া তিন্টিড়ি-সংযোগে কটুতৈলে অম্লবাজন-রন্ধন-পূর্বক তীরে বসিয়া প্রচুর পরিমাণে আহার করিয়াছেন, এবং পিস্তলস্থালী সরোবরের জলে মার্জনপূর্বক স্ব স্ব স্থানে ফিরিয়া আসিয়াছেন। এ-পর্যন্ত মানস-সরোবরের পশ্মকলিকা দেব দানব কেহই ভক্ষ্যরূপে ব্যবহার করে নাই।

[দেবগণের পরস্পর মুখাবলোকন]

ঘেঁটু মনসা প্রভৃতি দেবদেবীগণের প্রবেশ

ইন্দ্র। (আসন ছাড়িয়া উঠিয়া) দেবগণ, দেবীগণ, স্বাগত! আপনাদের কুশল? স্বর্গলোকে আপনাদের কোনোরূপ অভাব নাই? অনুচরগণ সমাহিত হইয়া সর্বদা আপনাদের আদেশ-পালনের জন্য অপেক্ষা করিয়া থাকে? সিংগন্ধবর্গণ নৃত্যশালায় নৃত্যগীতাদির দ্বারা আপনাদের মনোরঞ্জন করে? কামধেনুর দগ্ধ এবং অমৃতরস যথাকালে আপনাদের সম্মুখে আহরিত হইয়া থাকে? নন্দনবনের সুগন্ধ সমীরণ আপনাদের ইচ্ছানুগামী হইয়া বাতায়নপথে প্রবাহিত হইতে থাকে? আপনাদের লতানিকুঞ্জে পারিজাত সর্বদাই প্রস্ফুটিত থাকিয়া শোভাদান করে?

[দেবীগণের উচ্চহাস্য]

মনসা। (ঘেঁটুর প্রতি) মিন্সে কী বকছে ভাই?

ঘেঁটু। পদ্রুতঠাকুরের মতো মন্তর পড়ে যাচ্ছে। (ইন্দের প্রতি) ওহে, তুমি বদ্বি কতী? তোমার মন্তর পড়া হয়ে গিয়ে থাকে তো গোটাকতক কথা বলি।

ইন্দ্র। হে ঘেঁটো! আপনকার—

ঘেঁটু। ঘেঁটো কী! আমি কি তোমার বাগানের মালী? বাপের জন্মে এমন অভদ্র মানুয তো দেখি নি গা! ঘেঁটো! আমি যদি তোমাকে ইন্দের না বলে ইন্দের বলি!

মনসা। তা হলেই চিন্তুরে হয়! .

[দেবীগণের উচ্চহাস্য]

ইন্দ্র। (হাস্যে যোগদান করিবার চেষ্টা করিয়া) কুন্দাভদ্রন্তি, বহু তপস্যা-দ্বারা স্বর্গলোক লাভ করিয়াছিলাম, কিন্তু কোন সৃকৃতিফলে আপনকার সকলের স্মিতদর্শনমুখে স্বর্গলোক অকস্মাৎ অতিমাত্র আলোকিত হইয়া উঠিল এখনো তাহা ধারণা করিতে পারিলাম না।

ঘেঁটু। আরে, রাখো, ও-সব বাজে কথা রাখো। তোমার পেয়াদাগুলো আমাকে সোনার ভাঁড়ে করে কী সব এনে দেয় সে আমি ছুঁতে পারি নে। তোমার শচীগীম্বিকে বলে দিয়ো আমার জন্যে রোজ এক খাল গোবরের লাড়ু তৈরি করে পাঠিয়ে দেন।

ইন্দ্র। তথাস্তু। স্বর্গে আমাদের কম্পধেনু আছেন। তিনি সকলের সকল কামনাই পূরণ করিয়া থাকেন। বোধ করি আপনার প্রার্থনা পূর্ণ করা তাঁহার পক্ষে দঃসাধ্য না হইতে পারে।

শীতলা। (চন্দ্রকে এক কোণে গদুস্তপ্রায় দেখিয়া নিকটে গিয়া) মাইরি! তুমি এত ছলও জান ভাই! আমাকে আচ্ছা ভোগ ভুগিয়েছ যা হোক! আমি বলি, তুমি বদ্বি অন্দরমহলে আছ। ঢুকে দেখি, অশ্লেষা আর মঘা নবাবপদ্বীর মতো বসে আছেন, আমাকে দেখে অবাক হয়ে রইলেন। আমার সহ্য হল না। আমি বললুম, বলি ও বড়োমানুষের বি, তোমাদের গতর খাটিয়ে খেতে হয় না বলে বদ্বি দেমাকে মাটিতে পা পড়ে না! যা বলতে হয় তা বলোছি। ধন্থুমার বাধিয়ে দিয়ে এসেছি।

চন্দ্র। (জন্যাত্তিকে ইন্দের প্রতি) সপ্তবিংশতির উপর অষ্টবিংশতিতম যোগ হইলে কিরূপ দুর্যোগ উপস্থিত হইতে পারে তাহা, হে শচীপতে, সহজেই অনুভব করিতে পারিবেন। (শীতলার প্রতি) অয়ি অনবদ্যে—

শীতলা। (হাসিয়া অস্থির হইয়া) মা গো মা, তুমি এত হাসাতেও পার! আদর করে বেশ

নামটি দিয়েছ যা হোক। আনো বন্দি! কিন্তু বন্দিতে করবে কী ভাই! কত বন্দির সাত পুরুষকে আমি সাত ঘাটের জল খাইয়ে এসেছি—আমি কি তেমন মেয়ে!

ঘেঁটু। (ইন্দ্রের গায়ের কাছে গিয়া তাঁহার পৃষ্ঠে হাত দিয়া) কী গো, ইন্দ্রদা! মুখে যে রান্টি নেই! রেতের বেলা গিল্লির সঙ্গে বকাবাকি চুলোচুলি হয়ে গেছে নাকি?

ইন্দ্র। (সসংকোচে সরিয়া গিয়া দূরস্থ আসন-নির্দেশ-পূর্বক) দেব, আসনগ্রহণে অনুমতি হউক।

ঘেঁটু। এই-ষে, এখানে ঢের জায়গা আছে। (ইন্দ্রের সহিত একাসনে উপবেশন) দাদা, আমার সঙ্গে তুমি নৌকোতা কোরো না। আজ থেকে তুমি আমার দাদা, আমি তোমার ছোটো ভাই ঘেঁটু।

[বাহুবারা ইন্দ্রের গলবেটন এবং ইন্দ্রকর্তৃক অব্যক্ত কাতরধ্বনি উচ্চারণ

শীতলা। (চন্দ্রের প্রতি) তুমি যাও কোথায়?

চন্দ্র। মনোজ্ঞে, অদ্য অন্তঃপুরে দেবীগণ ভূতৃপ্সাদনরূপে তাঁহাদের এই সেবকাধমকে স্মরণ করিয়াছেন, অতএব যদি অনুমতি হয় তবে, হে হরিণশালীননয়নে—

শীতলা। কী বললে! শালী? তা, ভাই, তাই সই। তোমার চাঁদমুখে সবই মিষ্টি লাগে। তা, শালী যদি বললে তবে কানমলাটিও খাও।

[চন্দ্রের পার্শ্বে একাসনে বসিয়া চন্দ্রের কণ্ঠপীড়ন

ইন্দ্র। (চন্দ্রের প্রতি) ভগবন্ সিংহকিরণমালিন্, তুমিই ধনা। করুণস্পর্শে তরুণীকরকিসলয়ের অরুণরাগ এখনো তোমার কণ্ঠমূলে সংলগ্ন হইয়া আছে।

শীতলা। (মনসার প্রতি লক্ষ্য করিয়া স্বগত) মোলো মোলো! আমাদের মনসে হিংসেয় ফেটে মোলো। আমি চাঁদের পাশে বসেছি, এ আর গুঁর গায়ে সইল না। ঘুর ঘুর করে বেড়াচ্ছে দেখো-না। এতগুলো পুরুষ-মানুষের সামনে লজ্জাও নেই! মাগী এবার পাড়ায় গিয়ে কত কানাঘুষোই করবে! উনিও বড়ো কসরু করেন নি। কার্তিক-ঠাকুরটিকে নিয়ে যেরকম নিলজ্জাপনা করেছে আমি দেখে লজ্জায় মরে যাই আর-কি। কার্তিক কোথায় নাকোবে ভেবে পায় না। ঐ তো চেহারা, ঐ নিয়ে এত ভিগ্নও করে! মাগো, মাগো, মাগো! (প্রকাশ্যে) আ মর্ মাগী! চাঁদের সামনে দিয়ে অমন বেহায়ার মতো আনাগোনা করছিঁস কেন? যেন সাপ খেলিয়ে বেড়াচ্ছে! কার্তিকের ওখানে ঠাই হল না নাকি?

[সুরসভার মধ্যে মনসার ও শীতলার গ্রাম্য ভাষায় তুমুল কলহ

ইন্দ্র। (শশব্যস্ত হইয়া একবার মনসা ও একবার শীতলার প্রতি) ক্রোধ সম্বরণ করো! ক্রোধ সম্বরণ করো! অয়ি অসু্যাত্মলোচনে, অয়ি গলদ্বৈগম্ভে, অয়ি বিগলিতদৃক্লবসনে, অয়ি কোকিলজিতকৃজিতে, তারতর সপ্তম স্বরকে পঞ্চম স্বরে নম্ব করিয়া আনো। অয়ি কোপনে—

ঘেঁটু। (উত্তরীয় ধরিয়া ইন্দ্রকে আসনে বসাইয়া) তুমি এত ব্যস্ত হও কেন দাদা? ওদের এমন রোজ হয়ে থাকে। থাকত ওলাবিবি, তা হলে আরও জমত। তার কি খাবার গোল হয়েছে তাই সে শচীর সঙ্গে ঝগড়া করতে গেছে।

ইন্দ্র। (ব্যাকুলভাবে) হা সুরেন্দ্রবক্ষোবিহারিণী দেবী পৌলমী!

[মনসার দ্রুতবেগে সভাত্যাগ এবং শীতলার পুনশ্চ চন্দ্রের পার্শ্বে উপবেশন

#### বীণাপাণির প্রবেশ

বীণাপাণি। দেবরাজ, কর্কশ কোলাহলে আমার দেববীণার স্বরস্থলন হইতেছে, আমার কমলবন শূন্যপ্রায়, আমি দেবলোক হইতে বিদায় গ্রহণ করিলাম।

[প্রস্থান

বৃহস্পতি। আমিও জননী বাণীর অনুগমন করি।

[প্রস্থান

## অশ্লেষা ও মঘা সভাপ্রবেশ

অশ্লেষা ও মঘা। (চন্দ্রের একাসনে শীতলাকে দেখিয়া) আজ অপরূপ অভিনব সপ্তদশ কলায় দেব শশধরকে সমাধিকতর শোভমান দেখিতেছি!

চন্দ্র। দেবীগণ, এই হতভাগ্যকে অকরুণ পরিহাসে বিড়ম্বিত করিবেন না। পুরুষ রাহু আমাকে কেবল ক্ষণমাত্রকাল পরাভব করিতে পারে সেই আক্রোশে ঈর্ষান্বিত ভগবান একটি স্ত্রী রাহু সৃজন করিয়াছেন, ইহার পূর্ণগ্রাস হইতে আমি বহু চেষ্টায় আপনাকে মুক্ত করিতে পারিতেছি না।

অশ্লেষা। আর্ষপুত্র, এই ভদ্রললনা অনতিপূর্বে তোমার অন্তঃপুরে প্রবেশপূর্বক তোমার শ্বশুরকুলকে উদ্বর্তন চতুর্দশ পুরুষ পর্যন্ত অশ্রুতপূর্ব কুৎসা-স্বারা লালিত করিয়া আসিয়াছেন। দেবীর সেই আশ্চর্য ব্যবহারকে আমরা অধিকারবাহিত উপদ্রব জ্ঞান করিয়া বিস্ময়ান্বিত হইয়াছিলাম। এক্ষণে স্পষ্ট বুদ্ধিতে পারিতেছি সৌভাগ্যবতী তোমারই হস্তে সেই অবমাননের অধিকার প্রাপ্ত হইয়াছেন। এখন, আর্ষপুত্রকে তাঁহার নবতর শ্বশুরকুলে বরণ করিয়া আমরা নক্ষত্রলোক হইতে বিচ্যুতিলাভের জন্য চলিলাম। (শীতলার প্রতি) ভদ্রে, কল্যাণী, তোমার সৌভাগ্য অক্ষয় হউক।

[ প্রস্থান

## শচীর প্রবেশ

ইন্দ্র। (সসম্ভ্রমে আসন ত্যাগ করিয়া) আর্ষে, শূভ আগমন হউক।

ঘেঁটু। (উত্তরীয় ধরিয়া ইন্দ্রকে সবলে আসনে উপবেশন করাইয়া) ইস্! ভারি খাতির যে! মাইরি দাদা, ঢের ঢের পুরুষমানুষ দেখেছি, কিন্তু তোর মতো এমন সৈন্য আমি দেখি নি।

[ ঘেঁটুকে ইন্দ্রের বামপার্শ্বে শচীর নির্দিষ্ট স্থানে বসিতে দেখিয়া দূরে এক কোণে শচীদেবীকর্তৃক সামান্য এক আসন গ্রহণ

ঘেঁটু। (শচীর অনতিদূরে গমল করিয়া সহাস্যে) বউঠাকরুন, আমার দাদাকে কী মন্তর পড়ে দিয়েছ বলো দেখি! একেবারে শ্রীচরণের গোলাম করে রেখেছ! তুমি উঠলে ওঠে, তুমি বসলে বসে। বলি, একটা কথাই কও। (গান) 'কথা কইতে দোষ কি আছে বিধুমুখী!'

ইন্দ্র। দেব ঘেঁটো, কিঞ্চিৎ অবসর দিতে অনুমতি হউক। দেবীর নিকট কিছু নিবেদন আছে।

ঘেঁটু। ইস্! দেখো! দেখো! একটু কাছে এসে বসেছি, তোমার যে আর গায়ে সইল না! এতটা বাড়াবাড়ি কিছু নয়! কথায় বলে অতিভক্তি চোরের লক্ষণ।—কাজ নেই ভাই, আবার শাপ দেবে। তোমরা দুজনে বোসো, আমি যাই।

[ বলপূর্বক ইন্দ্রকে শচীর আসনে বসাইবার চেষ্টা

ইন্দ্র। (ঘেঁটুকে দূরে অপসারণ করিয়া) দেব, তুমি আত্মবিস্মৃত হইতেছ।

## ওলাবিবির প্রবেশ

ওলাবিবি। (শচীর প্রতি) তাই বলি যায় কোথায়! অমনি বুঝি সোয়ামির কাছে নাগাতে এসেছ? তা, নাগাও-না। তোমার সোয়ামিকে আমি ডরাই নে।

শচী। (আসন হইতে উঠিয়া ইন্দ্রের প্রতি) দেবরাজ, আমি জয়ন্তকে সঙ্গে লইয়া বিষ্ণুলোকে কিছুকাল লক্ষ্মীদেবীর আলয়ে বাস করিবার সংকল্প করিয়াছি। বহুকাল দেবীদর্শন ঘটে নাই।

ইন্দ্র। আর্ষে, আমিও দেবীর অনুসরণ করিতেছি। বহুকাল পূজার অনবসরক্ৰমে চক্ৰপাণির নিকটে অপরাধী হইয়া আছি।

[ উভয়ের প্রস্থান

চন্দ্র। দেব সহস্রলোচন, বিষ্ণুলোকে আমারও বিশেষ আবশ্যক আছে—লক্ষ্মীদেবী—হায়, বিপংকালে বান্ধবেরাও ত্যাগ করিয়া যায়।



শীতলা। অমন হাঁড়িপানা মূখ করে আছ কেন? অমন করে থাক তো ফের কানমলা থাকে।  
চন্দ্র। ক্ষুদ্রত্বকনকপ্রভে, বিষ্ণুলোকে আমার বিস্তর বিলম্ব হইবে না, যদি অনুমতি কর তো

দাস—

শীতলা। ফের কানমলা থাকে!

[ কান মলিতে উদ্যত

মনসার পদ্যঃপ্রবেশ

[ শীতলার সহিত পদ্যরায় কলহারম্ভ। ঘেটু ওলা মঙ্গলচণ্ডী প্রভৃতি সকলের তাহাতে যোগদান  
চন্দ্র। আপনারা তবে ততক্ষণ মিষ্টালাপ করুন, দাস বিষ্ণুলোক-অভিমুখে প্রয়াণ করিতে  
ইচ্ছা করে।

[ দ্রুতপদে প্রস্থান

আশ্বিন-কার্তিক ১৩০১

## বশীকরণ

### প্রথম অঙ্ক

#### আশু ও অন্নদা

আশু। আচ্ছা অন্নদা, তুমি যেন ব্রাহ্মই হয়েছিলে, কিন্তু তাই বলে স্ত্রী-পরিত্যাগ করতে  
গেলে কেন? স্ত্রী তো তেঁত্রিশ কোটির মধ্যে একটিও নয়। ঐটুকু পৌত্তলিকতা, রাখলেও ক্ষতি  
ছিল না।

অন্নদা। সে তো ঠিক কথা। স্ত্রী-পরিত্যাগ করা যায়, কিন্তু স্ত্রীজাতি তো বিদায় হন না—  
স্ত্রীকে ছাড়লে স্ত্রীজাতি বিশ্বব্যাপী হয়ে দেখা দেন, স্ত্রীপূজার মাত্রা মনে মনে বেড়ে ওঠে।

আশু। তবে?

অন্নদা। তবে শোনো। আমার শাশুড়ি ছিলেন না, শ্বশুর ভয়ংকর হিন্দু ছিলেন। যখন  
শুনলেন আমি ব্রাহ্ম হয়েছি, আমার স্ত্রীকে বিধবার বেশ পরিয়ে ব্রহ্মচারিণী করে কাশীতে গিয়ে  
বাস করলেন। তার পরে শুনছি হিন্দুশাস্ত্রের সমস্ত দেবতাতেও তৃপ্ত হয় নি, তার উপরে  
অল্কট্, ব্লাভাট্‌স্কি, অ্যানি বেসান্ট, স্কেম্মুশরীর, মহাত্মা, গ্লান্‌চেট, ভূতপ্রেত কিছুই বাদ  
যায় নি—

আশু। কেবল তুমি ছাড়া।

অন্নদা। আমাকে ব্রহ্মদৈত্য বলে বাদ দিলে।

আশু। তুমি তার আশা একেবারে ছেড়ে দিয়েছ?

অন্নদা। আশার অপরাধ নেই—তার পশ্চাতে এত বড়ো রেজিমেন্ট্‌ লেগেছে, সে আর টিংকল  
না। শুনছি আমার শ্বশুর মারা গেছেন, এবং আমার স্ত্রী এখন পতিত-উদ্ধার করে বেড়াচ্ছেন।

আশু। তুমি একবার চরণে পতিত হওগে-না, যদি উদ্ধার করেন।

অন্নদা। ঠিকানাও জানি নে, প্রবৃন্তও নেই।

আশু। তুমি কি এইরকম উড়ে উড়ে বেড়াবে?

অন্নদা। না হে, সোনার খাঁচার সম্বন্ধে আছি।

আশু। খাঁচাওয়ালার অভাব নেই, তবে সোনা জিনিসটা দুল্‌ভ বটে।

অন্নদা। আচ্ছা, আমার আলোচনা পরে হবে, কিন্তু তোমার কী বলো দেখি। তোমার তো আইবড়োলোক-প্রাপ্তির বিধান কোনো শাস্ত্রই লেখে না। তার বেলা চূপ। থিওসফিতে তোমাকে খেলে। মন্ত্রতন্ত্র প্রাণায়াম হঠযোগ সুবুদ্ধি-ইড়া-পিংগলা এ-সমস্তই তোমাকে ছাড়ে, যদি বিবাহ কর।

আশু। তুমি মনে কর, আমি সবই অন্ধভাবে বিশ্বাস করি—তা নয়। এ-সমস্ত বিশ্বাসের যোগ্য কিনা তাই আমি পরীক্ষা করে দেখতে চাই। অবিশ্বাসকেও তো প্রমাণের উপর স্থাপন করতে হবে।

অন্নদা। বসে বসে তাই করো। মরীচিকা-স্থাপনের জন্যে পাথরের ভিত্তি গাঁথো। আমি এখন চললেম।

আশু। কোথায় যাচ্ছ?

অন্নদা। শবসাধনায় নয়।

আশু। তা তো জানি।

অন্নদা। একটি সজীবের সম্বন্ধ পেয়েছি।

আশু। তবে যাও, শ্রুভকার্যে বাধা দেব না।

## দ্বিতীয় অঙ্ক

### বাড়িওয়ালা ও তাহার স্ত্রী

স্ত্রী। মাতাজি যদি হবে, তবে অমন চেহারা কেন?

বাড়িওয়ালা। দেখতে শুনতে তাড়কা-রাক্ষসীর মতো না হলেই বুদ্ধি আর মাতাজি হয় না!

স্ত্রী। হবে না কেন? কিন্তু তা হলে কি এই সমর্থবয়সে স্বামীর ঘরে না থেকে তোমার মতো বোকা ভোলাবার জন্যে মাতাজি-গিরি করতে বেরোত? তা হলে কি পিতাজি তোমার মাতাজিকে ছাড়ত? আর, এত টাকাই বা পেলে কোথায়?

বাড়িওয়ালা। ওগো, যারা যোগবিদ্যা জানে তাদের যদি টাকা না হবে, চেহারা না হবে, তবে কি তোমার হবে? রোসো-না, ঠুর কাছে মন্ত্র-টন্ত্র-গুলো শিখে নেওয়া যাক-না।

স্ত্রী। বড়োবয়সে মন্ত্র শিখে হবে কী শুন? কাকে বশ করবে?

বাড়িওয়ালা। যাক কিছতেই বশ মানাতে পারলেন না।

স্ত্রী। তিনি কে?

বাড়িওয়ালা। আগে বশ মানাই, তার পরে সাহস করে নাম বলব।

### মাতাজির প্রবেশ

মাতাজি। এ বাড়িতে আমার থাকার সুবিধা হচ্ছে না। এর চেয়ে বড়ো বাড়ি আমাকে দিতে হবে।

বাড়িওয়ালা। এ বাড়ি ছাড়া আমার আর একটিমাত্র বড়ো বাড়ি আছে। সেটা বড়ো বটে, কিন্তু—

মাতাজি। তা, ভাড়া বেশি দেব, কিন্তু সেই বাড়িতেই আমি কাল যেতে চাই।

বাড়িওয়ালা। সব পরশু দিন সেখানে একটি ভাড়াটে এসেছে। একটি কৌন্ সদরআলার বিধবা স্ত্রী—পশ্চিম থেকে মেয়ের জন্যে পাঠ খুঁজতে এসে আমার সেই উনপঞ্চাশ নম্বরের বাড়িতে উঠেছে।

মাতাজি। উনপঞ্চাশ নম্বর! ঠিক আমি যা চাই। তোমার এ বাড়ির নম্বর ভালো নয়।

বাড়িওয়ালা। বাইশ নম্বর ভালো নয় মাতাজি? কারণটা কী বুঝিয়ে বলুন।

মাতাজি। বৃদ্ধিতে পারছ না—দুয়ের পিঠে দুই—

বাড়িওয়ালা। ঠিক বলেছেন মাতাজি, দুয়ের পিঠে দুইই তো বটে। এতদিন ওটা ভাবি নি।

মাতাজি। দুইয়েতে কিছু শেষ হয় না, তিন চাই। দেখো—না আমরা কথায় বলি, দু-তিনজন—

বাড়িওয়ালা। ঠিক ঠিক, তা তো বলেই থাকি।

মাতাজি। যদি দুই বললেই চুকে যেত তা হলে তার সঙ্গে আবার তিন বলব কেন? বৃদ্ধে দেখো।

বাড়িওয়ালা। আমাদের কী বা বৃদ্ধি, তাই বৃদ্ধব। সবই তো জানতুম, তবু তো বৃদ্ধি নি।

মাতাজি। তাই, ঐ দুইয়ের পিঠে দুই বলেই আমার মন্ত্র কিছুই সফল হচ্ছে না।

স্ত্রী। (আত্মগত) বেঁচে থাক্ আমার দুইয়ের পিঠে দুই। মন্ত্র সফল হয়ে কাজ নেই।

মাতাজি। উনপঞ্চাশের মতো এমন সংখ্যা আর হয় না।

বাড়িওয়ালা। (জনান্তিকে) শুনলে তো গিমি?

স্ত্রী। (জনান্তিকে) শূনে হবে কী? তোমার উনপঞ্চাশ যে অনেক কাল হল পেরিয়েছে।

বাড়িওয়ালা। কিন্তু মাতাজিকে কি কালই সে বাড়িতে যেতে হবে?

মাতাজি। কাল উনত্রিশে তারিখে মঙ্গলবার পড়েছে, এমন দিন আর পাওয়া যাবে না।

বাড়িওয়ালা। ঠিক কথা। কাল উনত্রিশেও বটে, আবার মঙ্গলবারও বটে। কী আশ্চর্য! তা হলে তো কালই যেতে হচ্ছে বটে। তাই ঠিক করে দেব। (মাতাজির প্রস্থান) এখন আমার সেই নতুন ভাড়াটেদের ওঠাই কী বলে? বিদেশ থেকে এসেছে, হঠাৎ তারা এখন বাড়িই-বা পায় কোথায়?

স্ত্রী। তাদের আপাতত এই বাড়িতে এনেই রাখো—না। আমরা নাহয় কিছুদিন কামাপুরুরে জামাইবাড়ি গিয়েই থাকব। তোমার ঐ মন্ত্র-জানা মেয়েমানুষকে এখানে রেখে কাজ নেই। বিদেশ করে দাও। ছেলোপিলের ঘর, কার কখন অপরাধ হয়, বলা যায় কি?

বাড়িওয়ালা। সেই ভালো। তাদের কোনোরকম করে ভুলিয়ে-ভালিয়ে আজকের মধ্যেই উনপঞ্চাশ নম্বর থেকে বাইশ নম্বরে এনে ফেলা যাক্। বলি গে, পাড়ায় গ্লেন্স দেখা দিয়েছে, উনপঞ্চাশ নম্বরে গ্লেন্স হাসপাতাল বসবে।

## তৃতীয় অঙ্ক

### আশু ও অম্বদা

অম্বদা। তোমার ঐ টাটকা লঙ্কার ধোঁয়ায় নাকের জলে চোখের জলে করলে যে হে। তোমার ঘরে আসা ছাড়তে হল।

আশু। টাটকা লঙ্কার ধোঁয়া তুমি কোথায় পেলে?

অম্বদা। ঐ—যে তোমার তর্কালংকারের বকুনি। লোকটা তো বিস্তর টিকি নাড়লে, মাথামুণ্ডু কিছ্রু পেলে কি?

আশু। মাথামুণ্ডু নইলে শূধু টিকি নড়বে কোথায়? কথাগুলো যদি শ্রদ্ধা করে শুনতে, তবে বৃদ্ধিতে।

অম্বদা। যদি বৃদ্ধিতেম, তবে শ্রদ্ধা করতেন। তুমি আশু, ফিজিক্যাল সায়েন্সেস এম.এ. দিয়ে এলে—তুমি যে এত ঘন ঘন টিকি-নাড়া বরদাস্ত করছ এ যদি দেখতে পায় তবে প্রেসিডেন্সি কলেজের চুনকাম-করা দেওয়ালগুলো বিন-খরচে লঙ্জায় লাল হয়ে ওঠে। আজ কথাটা কী হল বুঝিয়ে বলো দেখি।

আশুদ। পণ্ডিতমশায় পরিণয়তত্ত্ব ব্যাখ্যা করছিলেন।

অন্নদা। তত্ত্বটা আমার জানা খুব দরকার হয়ে পড়েছে। তর্কালংকারমশায় বলছিলেন, বিবাহের পূর্বে কন্যার সঙ্গে জানাশুনার চেষ্টা না করাই কর্তব্য। যুক্তিটা কী দিচ্ছিলেন, ভালো বোঝা গেল না।

আশুদ। তিনি বলছিলেন, সকল জিনিসের আরম্ভের মধ্যে একটা গোপনতা আছে। বীজ মাটির নীচে অন্ধকারের মধ্যে থাকে, তার পরে অঙ্কুরিত হলে তখন সূর্য-চন্দ্র-জল-বাতাসের সঙ্গে মন্থোমন্থি লড়াই করবার সময় আসে। বিবাহের পূর্বে কন্যার হৃদয়কে বিলাতি অনুকরণে বাইরে টানাটানি না করে তাকে আচ্ছন্ন আবৃত রাখাই কর্তব্য। তখন তার উপরে তাড়াতাড়ি দৃষ্টিক্ষেপ করতে যেয়ো না। সে যখন স্বভাববশতই নিজে অঙ্কুরিত হয়ে তার অর্ধমুকুলিত সলজ্জ দৃষ্টিটুকু গোপনে তোমার দিকে অগ্রসর করতে থাকবে, তখনই তোমার অবসর।

অন্নদা। আমার অদৃষ্টে সে পরীক্ষা তো হয়ে গেছে। বিলাতি প্রথা-মতে বিবাহের পূর্বে কন্যার হৃদয় নিয়ে টানা-হেঁচড়া করি নি; হৃদয়টা এত অন্ধকারের মধ্যে ছিল যে, আমি তার কোনো খোঁজ পাই নি, তার পরে অঙ্কুরিত হল কি না-হল তারও তো কোনো ঠিকানা পেলেম না। এবারে উল্টোরকম পরীক্ষা করতে চলছি, এবার আগে হৃদয়, তার পরে অন্য কথা।

আশুদ। পরীক্ষার দিন কবে?

অন্নদা। কাল।

আশুদ। স্থান?

অন্নদা। ঊনপঞ্চাশ নম্বর রাম বৈরাগীর গলি।

আশুদ। নম্বরটা তো ভালো শোনাচ্ছে না।

অন্নদা। কেন? ঊনপঞ্চাশ বায়ুর কথা ভাবছ? সে আমাকে টলাতে পারবে না—তুমি হলে বিপদ ঘটত।

আশুদ। পাত্র?

অন্নদা। কন্যার বিধবা মা তাকে পশ্চিম থেকে সঙ্গে করে এনেছে। আমি ঘটককে ব'লে রেখেছি যে ভালো করে মেয়েটির সঙ্গে পরিচয় করে নিয়ে তবে বিবাহের কথা হবে।

আশুদ। কিন্তু অন্নদা, শেষকালে বহুবিবাহে প্রবৃত্ত হলে?

অন্নদা। তোমাদের মতো আমি নাম দেখে ভড়কাই নে। যে বহুবিবাহের মধ্যে আর-সমস্ত আছে, কেবল বহুটুকুই নেই, তাকে দেখে চমকাও কেন ভাই?

আশুদ। তবু একটা প্রিন্সিপল আছে তো? বহুবিবাহকে বহুবিবাহ বলতেই হবে।

অন্নদা। আমার নামমাত্র স্ত্রী যেখানে আছে প্রিন্সিপলও সেইখানে আছে। সে স্ত্রীও আসছে না, প্রিন্সিপলও রইল; অতএব এখন আমি ডস্কা মেরে বহুবিবাহ করব, প্রিন্সিপল-জুজুকে ডরাব না।

#### রাধাচরণের প্রবেশ

রাধাচরণ। আশুবাবু!

আশুদ। কী হে রাধে?

রাধাচরণ। সৈদিন আপনি আমার সঙ্গে মন্ত্র নিয়ে তর্ক করলেন—এক-একটা শব্দের যে এক-এক প্রকার বিশেষ ক্ষমতা আছে, আমার বোধ হল আপনি যেন তা সম্পূর্ণ বিশ্বাস করেন না।

অন্নদা। বল কী রাধে? তা হলে আশুর অবিশ্বাস করবার ক্ষমতা এখনো সম্পূর্ণ লোপ হয় নি! এখনো দুটো-একটা জায়গায় ঠেকছে! শব্দের মধ্যে শক্তি আছে, এ কথা বাঙালির ছেলে বিশ্বাস কর না!

রাধাচরণ। বলুন তো অন্নদাবাবু! তা হলে মারণ, উচাটন, বশীকরণ—এগুলো কি বেবাক গাঁজাখুরি!

অন্নদা। তাও কি কখনো হয়? সংসারে কি এত গাঁজার চাষ হতে পারে?

রাধাচরণ। পশ্চিম থেকে একজন যোগসিদ্ধ মাতাজি এসেছেন। শুনোছি তিনি মন্ত্রের বল একেবারে প্রত্যক্ষ দেখিয়ে দিতে পারেন। দেখতে গিয়েছিলেম, কিন্তু সকলকে তিনি দেখা দেন না; বলেছেন, যোগ্য লোক পেলে তাকে তিনি তাঁর সমস্ত বিদ্যে দেখিয়ে দেবেন। আশুদেব, আপনি চেষ্টা করলে নিশ্চয় বিফল হবেন না।

আশুদেব। তিনি থাকেন কোথায়?

রাধাচরণ। বাইশ নম্বর ভেড়াতলায়।

অন্নদা। বাইশ নম্বরটা ঊনপঞ্চাশের চেয়ে ভালো হতে পারে, কিন্তু জায়গাটা ভালো ঠেকছে না। একে বশীকরণ-বিদ্যে, তার উপরে ভেড়াতলা। মাতাজির কাছে মন্ত্র-ভূজিটি খুইয়ে এসো না।

আশুদেব। আরে ছি! কী বক' তার ঠিক নেই। তাঁরা হলেন সাধু স্ত্রীলোক, সেখানে মন্ত্র-দুর ভাবনা ভাবতে হয় না। তুমি বৃক্সেসদুখে ঊনপঞ্চাশে পা বাড়িয়ে।

অন্নদা। তুমি ভাবছ বাইশ একেবারেই নির্বিঘ্ন! তা নয় হে! বিশের উপরেও দুই মাত্রা চড়িয়ে তবে বাইশ। আপাদমস্তক জর্জর হয়ে ফিরবে।

## চতুর্থ অঙ্ক

বাইশ নম্বরে কন্যার বিধবা মাতা শ্যামাসুন্দরী

শ্যামা। পোলেগ শূনে ভয়ে বাঁচি নে। তাড়াতাড়ি করে পালিয়ে তো এলুম। কিন্তু অন্নদা বলে ছেলোটর আজ যে সেই ঊনপঞ্চাশ নম্বরে আসবার কথা আছে, সে কি সেখান থেকে চিনে ঠিক এখানে আসতে পারবে! এত করে খাওয়াদাওয়ার জোগাড় করলেম, সব মাটি হবে না তো! যে তাড়াটা লাগালে, একবার খবর দেবার সময় দিলে না। ঘটক বলেছে, ছেলোট আমার নিরুপমাকে ভালো করে দেখে-শূনে নিতে চায়, ওর পড়াশুনো গান-বাজনা সব পরীক্ষা করবে—তা করুক। কর্তা তো নিরুপমাকে সেইরকম করেই শিখিয়েছেন। বরাবর পশ্চিমে ছিলেন, আমাদের কখনো তো বন্ধ করে রাখেন নি। তবু কলকাতার ছেলে কিরকম জানি নে। ভয় হয়, আমাদের ধরন-ধারণ দেখে হয়তো অভদ্র মনে করবে! তারা মেয়ের সঙ্গে শেক-হ্যান্ড করে না কি, কে জানে! হয়তো ইংরাজিতে গুড্‌মর্নিং বলে! শূনোঁছ তাদের নিজের হাতে চুরুট জ্বালিয়ে দিতে হয়—এ-সব তো পারব না। ঘটক বললে, ছেলোট হ্যাট-কোট পরে। আমার মেয়ে আবার ফিরিঙ্গির সাজ দূ চক্ষে দেখতে পারে না। কিরকম যে হবে, বৃক্সতে পারছি নে। মন্ত্র পড়ে বিয়ে করতে রাজি হবে তো?

## ভূতের প্রবেশ

ভূত। মাঠাকরুন, একটি বাবু এসেছেন। আমি তাঁকে বললেম বাড়িতে পদ্রুদ্রমানুষ কেউ নেই। তিনি বললেন, তিনি মার সঙ্গেই দেখা করতে এসেছেন।

শ্যামা। তবে ঠিক হয়েছে। সেই ছেলোট এসেছে। ডেকে নিয়ে আয়। (ভূতের প্রস্থান)  
ভয় হচ্ছে—কলকাতার ছেলে, তার সঙ্গে কিরকম করে চলতে হবে! কী জানোয়ারই মনে করবে!

## আশুর প্রবেশ

শ্যামাসুন্দরীর পায়ের কাছে একটি গিনি রাখিয়া ভূমিস্ত হইয়া প্রণাম

শ্যামা। (স্বগত) এ বে প্রণামী দিয়ে প্রণাম করলে গো! এ তো শেক-হ্যান্ড করে না! বাঁচালে! লক্ষ্মী ছেলে! কেমন খুঁতচাদর পরে এসেছে।

আশু। মাতাজি, আমাকে যে আপনি দর্শন দেবেন, এ আমি আশা করি নি। বড়ো অনুগ্রহ করেছেন।

শ্যামা। (সম্মুখে সপদ্যক) কেন বাবা, তুমি আমার ছেলের মতো, তোমাকে দেখা দিতে দোষ কী!

আশু। স্নেহ রাখবেন। আশীর্বাদ করবেন, এই অনুগ্রহ থেকে কখনো বঞ্চিত না হই।

শ্যামা। বাবা, তোমার কথা শুনে আমার কান জুড়োল, আমি নিশ্চয়ই অনেক তপস্যা করেছিলাম, তাই—

আশু। মাতাজি, আপনি তপস্যার দ্বারা যে নিরুপমা-সম্পদ লাভ করেছেন, আমাকে তার—

শ্যামা। তোমাকে দেবার জন্যেই তো প্রস্তুত হয়ে এসেছি। অনেক সম্মান করে যোগ্যপাত্র পেয়েছি, এখন দিতে পারলেই তো নিশ্চিন্ত হই।

আশু। (শ্যামার পদধূলি লইয়া) মাতাজি, আমাকে কৃতার্থ করলেন; এত সহজেই যে ফললাভ করব, এ আমি স্বপ্নেও জানতুম না।

শ্যামা। বল কী বাবা, তোমার আগ্রহ যত আমার আগ্রহ তার চেয়ে বেশি।

আশু। তা হলে যে কামনা করে এসেছিলাম, আজ কি তার কিছু পরিচয়—

শ্যামা। পরিচয় হবে বৈকি বাবা, আমার তাতে কোনো আপত্তি নেই।

আশু। আপত্তি নেই মাতাজি? শুনে বড়ো আরাম পেলেম—

শ্যামা। দেখাশুনা সমস্তই হবে বাবা, আগে কিছু খেয়ে নাও।

আশু। আবার খাওয়া! আপনি আমাকে যথার্থ জননীর মতোই স্নেহ দেখালেন।

শ্যামা। তুমিও আমাকে মার মতোই দেখবে, এই আমার প্রাণের ইচ্ছা। আমার তো ছেলে নেই, তুমিই আমার ছেলের মতো থাকবে।

আহর্ষ লইয়া ভূতের প্রবেশ

আশু। করেছেন কী! এত আয়োজন!

শ্যামা। আয়োজন আর কী করলেম? আজই ঠিক আসতে পারবে কিনা মনে একটু সন্দেহ ছিল, তাই—

আশু। সন্দেহ ছিল? আপনি কি জানতেন আমি আসব?

শ্যামা। তা জানতেন বৈকি।

আশু। (আত্মগত) কী আশ্চর্য! আমাকে না জেনেই আমার জন্যে পূর্ব হতেই অপেক্ষা করছিলেন? তবু, অম্বদা যোগবলে বিশ্বাস করে না! তাকে বললে বোধ হয় ঠাট্টা করেই উড়িয়ে দেবে।

। আহায়ে প্রবৃত্ত

শ্যামা। (আত্মগত) ছেলটি সোনার টুকরো। যেমন কার্তিকের মতো দেখতে তেমনি মধু-ঢালা কথা। আমাকে প্রথম থেকেই মাতাজি বলে ডাকছে। পশ্চিম থেকে এসেছি কিনা, তাই বোধ হয় মা না বলে মাতাজি বলছে। (প্রকাশ্যে) কিছুই খেলে না যে বাবা!

আশু। আমার যা সাধ্য, তার চেয়ে বরষ বেশিই খেয়েছি মাতাজি।

শ্যামা। তা হলে একটু বোসো, আমি ডেকে নিয়ে আসি।

। প্রস্থান

আশু। রাখে বলেছিল বটে, মাতাজি কুমারী কন্যার দ্বারা মন্ত্রের ফল দেখিয়ে থাকেন। বশীকরণ-বিদ্যায় আমার একটু বিশ্বাস জন্মাচ্ছে। এরই মধ্যে মাতাজির মাতৃস্নেহে আমার চিত্ত কেমন যেন আর্দ্র হয়ে এসেছে। আমার মা নেই, মনে হচ্ছে যেন মাকে পেলেম। এ কোন মন্ত্রবলে কে জানে! মাতাজি স্নিগ্ধ দৃষ্টি-দ্বারা আমার সমস্ত শরীর যেন অভিষিক্ত করে দিয়েছেন। প্রথম

দেখাতেই উনি যে আমাকে তাঁর পুত্রস্থানীয় করে নিয়েছেন, এ যেন পূর্বজন্মের একটা সম্বন্ধের স্মৃতি।

নিরুপমাকে লইয়া শ্যামার প্রবেশ

আশু। (স্বগত) আহা, কী সুন্দর! মাতাজির বশীকরণ-বিদ্যা যেন মূর্তিমতী। এ'র মূখে কোনো মন্ত্রই বিফল হতে পারে না।

শ্যামা। যাও, লজ্জা কোরো না মা! উনি যা জিজ্ঞাসা করেন উত্তর দিয়ে।

আশু। লজ্জা করবেন না। মাতাজি আমার প্রতি ঘেরকম অনুগ্রহ প্রকাশ করেছেন, আপনিও আমাকে আপনার লোকের মতোই দেখবেন। (আত্মগত) মেয়েটি কী লাজুক! আমার কথা শুনে আরো যেন লাল হয়ে উঠল।

শ্যামা। বাবা, তোমার ইচ্ছামত ওকে জিজ্ঞাসাপত্র করো।

আশু। আপনার কোন কোন বিদ্যায় অধিকার আছে, জানতে উৎসুক হয়ে আছি।

শ্যামা। বয়স অল্প, বিদ্যা কতই বা বেশি হবে—তবে—

আশু। যত অল্পই হোক মাতাজি, আমাদের মতো লোকের পক্ষে যথেষ্ট হবে।

শ্যামা। (আত্মগত) বিদ্যার কোনো পরিচয় না পেয়েই যখন এত সন্তুষ্ট তখন মেয়েকে পছন্দ করেছে বলেই বোধ হচ্ছে। বাঁচা গেল, আমার বড়ো ভাবনা ছিল। (প্রকাশ্যে) নিরু, একটি গান শুনিয়ে দাও তো মা!

আশু। গান! এ আমার আশার অতীত। আপনি বোধ হয় পূর্বে থেকেই জানেন, গানের চেয়ে আমি কিছুই ভালোবাসি নে। (স্বগত) অন্নদার মতো এতবড়ো সন্দেহী, সে থাকলে আজ যোগের বল প্রত্যক্ষ করতে পারত। (প্রকাশ্যে নিরুপমার প্রতি) আপনারা আমাকে একদিনেই চিরঞ্জনী করেছেন, যদি গান করেন তবে বিক্রীত হয়ে থাকব।

নিরুপমার গান

আমি কী বলে করিব নিবেদন

আমার হৃদয় প্রাণ মন!

চিন্তে এসে দয়া করি নিজে লহো অপহরি,

করো তারে আপনার ধন—

আমার হৃদয় প্রাণ মন।

শুধু ধূলি, শুধু ছাই, মূল্য যার কিছু নাই

মূল্য তারে করো সমর্পণ

স্পর্শে তব পরশরতন।

তোমার গৌরবে যবে আমার গৌরব হবে

সব তবে দিব বিসর্জন

চরণে হৃদয় প্রাণ মন।

আশু। (স্বগত) আর মন্ত্রের দরকার নেই। বশীকরণের আর কী বাকি রইল! কন্যাটি দেব-কন্যা। (প্রকাশ্যে) মাতাজি!

শ্যামা। কী বাবা?

আশু। আমাকে আপনার পুত্র করেই রাখবেন, এমন সুধাসংগীত শোনবার অধিকার থেকে বঞ্চিত করবেন না। যা পাওয়া গেল এই আমি পরম লাভ মনে করছি। মন্ত্রতন্ত্রের কথা ভুলেই গেছি। এখন বন্ধুতে পারছি, মন্ত্রের কোনো দরকার নেই।

শ্যামা। অমন কথা বোলো না বাবা! মন্ত্রের দরকার আছে বৈকি। নইলে শাস্ত্রে—

আশু। সে তো ঠিক কথা। মন্ত্র আমি অগ্রাহ্য করি নে। আমি বলছিলাম মন্ত্র পড়লেই যে

মন বশ হয় তা নয়, গানের মোহিনী শক্তির কাছে কিছুই লাগে না। (স্বগত) মেয়েটি আবার লজ্জায় লাল হয়ে উঠল। ভারি লাজুক!

শ্যামা। (আত্মগত) ছেলোটি খুব ভালো। কিন্তু একটু যেন লজ্জা কম বলে বোধ হয়। মন বশ করার কথাগুলো শাশুড়ির সামনে না বললেই ভালো হত।

আশু। কিন্তু আপনি বিরক্ত হবেন না, আমার যা মনে উদয় হচ্ছে আমি বলি, তার পরে—

শ্যামা। তা বাবা, সে-সব কথা এখন থাক্। আগে—

আশু। আমি বলছিলাম, গানে যে মন বশ হয় সেও তো শব্দমাত্র; মনের সঙ্গে তার যদি যোগ থাকে, তা হলে মন্ত্রের শব্দশক্তিকেই বা না মানি কী বলে?

শ্যামা। ঠিক কথা। মন্ত্রটা মানাই ভালো।

আশু। (সোৎসাহে) আপনার কাছে এ-সব কথা বলা আমার পক্ষে ধৃষ্টতা, কিন্তু শাস্ত্রী শক্তির সঙ্গে আত্মার যে একটি নিগূঢ় যোগ আছে তার স্বরূপ নিরূপণ করা কঠিন, তর্কালংকার-মশায় বলেন, সে অনির্বচনীয়। শাস্ত্রে যে বলে শব্দ ব্রহ্ম, তার কারণ কী? ব্রহ্মই যে শব্দ বা শব্দই যে ব্রহ্ম, তা নয়; কিন্তু ব্রহ্মের ব্যবহারিক সত্তার মধ্যে শব্দস্বরূপেই ব্রহ্মের প্রকাশ যেন নিকটতম। (নিরূপমার প্রতি) আপনি তো এ-সকল বিষয়ে অনেক আলোচনা করেছেন, আপনার কি মনে হয় না রূপ-রস-গন্ধ-স্পর্শের চেয়ে শব্দই যেন আমাদের আত্মার অব্যবহিত প্রত্যক্ষের বিষয়? সেই-জন্যই এক আত্মার সঙ্গে আর-এক আত্মার মিলনসাধনের প্রধান উপায় শব্দ। আপনি কী বলেন? (স্বগত) মেয়েটি ভারি লাজুক।

শ্যামা। বলো-না মা, যা জিজ্ঞাসা করছেন বলো। এত বিদ্যা শিখলে, এই কথাটার উত্তর দিতে পারছ না? বাবা, প্রথম দিন কিনা, তাই লজ্জা করছে। ও যে কিছু শেখে নি তা মনে কোরো না।

আশু। গুর বিদ্যার উজ্জ্বলতা মদুখরীতেই প্রকাশ পাচ্ছে। আমি কিছুমাত্র সন্দেহ করছি নে।

শ্যামা। নিরুদ্, মা, একবার ও ঘরে যাও তো।

[নিরূপমার প্রস্থান]

দেখো বাবা, মেয়েটির বাপ নেই, সকল কথা আমাকেই কইতে হচ্ছে, তুমি কিছু মনে কোরো না।

আশু। মনে করব! বলেন কী! আপনার কথা শুনতেই তো এসেছিলাম—বাচালের মতো কেবল নিজেই কতকগুলো বকে গেলাম। আমাকে মাপ করবেন।

শ্যামা। তোমার যদি মত থাকে, তা হলে একটা দিন স্থির করতে হচ্ছে তো?

আশু। (স্বগত) আমি ভেবেছিলাম, আজই সমস্ত হয়ে যাবে। কিন্তু আজ বৃহস্পতিবার, তাই বোধ হয় হল না। (প্রকাশ্যে) তা আসছে রবিবারেই যদি স্থির করেন?

শ্যামা। বল কী বাবা? আজ বৃহস্পতিবার, মাঝে তো কেবল দুটো দিন আছে।

আশু। এর জন্যে কি অনেক আয়োজনের দরকার হবে?

শ্যামা। তা হবে বৈকি বাবা; যথাসাধ্য করতে হবে। তা ছাড়া, পাঁজি দেখে একটা শুভদিন স্থির করতে হবে তো।

আশু। তা বটে, শুভদিন দেখতে হবে বৈকি। আসল কথা, যত শীঘ্র হয়। আমার যেরকম আগ্রহ, ইচ্ছে হচ্ছে এই মদুহুতেই—

শ্যামা। তা আমি অনর্থক দেরি করব না বাবা। আসছে অগ্ন্যন মাসেই হয়ে যাবে। মেয়েটিরও বিবাহযোগ্য বয়স হয়েছে এসেছে, ওকেও তো আর রাখা যাবে না।

আশু। গুর বিবাহ হয়ে গেলেই বৃদ্ধি—

শ্যামা। তা হলেই আবার আমি কাশীতে ফিরে যেতে পারি।

আশু। তা হলে তার আগেই আমাদের—

শ্যামা। সব ঠিক করে নিতে হবে।

আশু। তবে দিনক্ষণ দেখুন।

শ্যামা। তুমি তো রাজি আছ বাবা?



আশু। বিলক্ষণ! রাজি যদি না থাকব তো এখানে এলেম কেন! আপনাকে নিয়ে কি আমি পরিহাস করছি! আমার সেরকম স্বভাব নয়। আমি এখনকার ছেলেদের মতো এ-সকল বিষয় নিয়ে তামাশা করি নে।

শ্যামা। তোমার আর মত বদলাবে না?

আশু। কিছতেই না। আপনার পদস্পর্শ করে আমি বলছি, আপনার কাছ থেকে যা সংগ্রহ করতে এসেছি তা আমি গ্রহণ করে তবে নিরস্ত হব।

শ্যামা। দেওয়া-থোওয়ার কথা কিছ হল না যে।

আশু। আপনি কী চান বলুন।

শ্যামা। আমি কী চাইব বাবা? তুমি কী চাও, সেইটে বলো।

আশু। আমি কেবল বিদ্যে চাই, আর কিছ চাই নে।

শ্যামা। (স্বগত) ছেলেটি কিন্তু বেহায়া, তা বলতেই হবে। ছি ছি ছি, বিদ্যেসুন্দরের কথা আমার কাছে পাড়লে কী করে! আমার নিরুদ্ধকে বলে কিনা বিদ্যে! (প্রকাশ্যে) তা হলে পানপাত্রটার কথা কী বল বাবা?

আশু। (স্বগত) পানপাত্র! এ'র দেখছি সমস্তই শাস্তমতে। এ দিকে কুমারী কন্যা, তার পরে আবার পানপাত্র। এইটে আমার ভালো ঠেকছে না। (প্রকাশ্যে) তা, মাতাজি, আপনি কিছ মনে করবেন না-- অবশ্য যে কাজের যা অংগ তা করতেই হয়--কিন্তু ঐ-যে পানপাত্রের কথা বললেন, ওটা তো আমার দ্বারা হবে না।

শ্যামা। বাবা, তোমরা একালের ছেলে, তোমরা ওটাকে অসভ্যতা মনে কর, কিন্তু আমি তো ওতে কোনো দোষ দেখি নে—

আশু। আপনি ওতে কোনো দোষই দেখেন না! বলেন কী মাতাজি!

শ্যামা। তা, নাহয় পানপাত্র রইল, ওর জন্যে কিছ আটকাবে না, এখন বিবাহের কথা তো পাকা?

আশু। কার বিবাহের কথা?

শ্যামা। তুমি আমাকে অবাক করলে বাপু! এতক্ষণ কথাবার্তার পর জিজ্ঞাসা করছ কার বিবাহের কথা! তোমারই তো বিবাহের কথা হ'চ্ছিল; কেবল পানপাত্রের কথা শুনেই তুমি চমকে উঠলে। তা, পানপাত্র নাহয় নাই হল।

আশু। (হতবুদ্ধিভাবে) ও, হাঁ, তা বুঝেছি, তাই হ'চ্ছিল বটে! (স্বগত) মস্ত একটা কী ভুল হয়ে গেছে। না বুঝে একেবারে জড়িয়ে পড়েছি। কী করা যায়! (প্রকাশ্যে) কিন্তু, এত তাড়াতাড়ি কিসের, আর-এক দিন এ-সব কথা খোলসা করে আলোচনা করা যাবে। কী বলেন?

শ্যামা। খোলসার আর কী বাকি রেখেছ বাবা! আর-এক দিন এর চেয়ে আর কত খোলসা হবে! তাড়াতাড়ি তো তুমিই করছিলে। আসছে রবিবারেই তুমি দিন স্থির করতে চেয়েছিলে।

আশু। তা চেয়েছিলেম বটে।

শ্যামা। তুমি দেখাশুনা করতে চাইলে বলেই আমি মেয়েকে তোমার সাক্ষাতে বের করলুম, তার গানও শুনলে, এখন পানপাত্রের কথা শুনেই যদি বোঁকে দাঁড়াও তা হলে তো আমার আর মুখ দেখাবার জো থাকবে না। তোমাকেই বা লোকে কী বলবে বাবা! ভদ্রলোকের মেয়ের সঙ্গে এমন ব্যবহার কি ভালো! আমার নিরুদ্ধ তোমার কাছে কী দোষ করেছিল যে—

[ ক্ষন্দন

নিরুদ্ধমার দ্রুত প্রবেশ

নিরুদ্ধমা। মা, কী হয়েছে মা, অমন করে কাঁদছ কেন!

আশু। (স্বগত) কী সর্বনাশ! আমাকে এ'রা সবাই কী মনে করবেন না জানি! (প্রকাশ্যে) কিছই হয় নি, আমি সমস্তই ঠিক করে দিচ্ছি। আপনারা কান্নাকাটি করবেন না। শূভকর্মে ওতে

অমঙ্গল হয়। (শ্যামার প্রতি) তা, আপনি একটা দিন স্থির করে দিন, আমার তাতে কোনো আপত্তি নেই।

শ্যামা। তা বাবা, যদি ভালো দিন হয়, তা হলে তুমি যা বলেছিলেন আসছে রবিবারেই হয়ে যাক। আমার আয়োজনে কাজ নেই। এই কটা দিন তোমার মত স্থির থাকলে বাঁচি।

আশু। অমন কথা বলবেন না, আমার মতের কখনো নড়চড় হয় না।

শ্যামা। আমার পা ছুঁয়ে তো তাই বললো ছিলে, কিন্তু দশ মিনিট না যেতেই এক পানপাত্রের কথা শুনাই তোমার মত বদলে গেল।

আশু। তা বটে। পানপাত্রটা আমি আদবে পছন্দ করি না—

শ্যামা। কেন বলো তো বাবা?

আশু। তা ঠিক বলতে পারছি নে—ওই আমার কেমন—বোধ হয়, ওটা—কী জানেন, পানপাত্রটা যেন—কে জানে ও কথাটাই কেমন—হঠাৎ শুনলে কী যেন—তা, এই বাড়িটার নম্বর কী বলুন দেখি।

শ্যামা। ওঃ, তাই বুঝি ভাবছ? আমরা তোমাকে ভাঁড়াছি নে বাবা। আমরাই ঊনপঞ্চাশ নম্বরে ছিলুম, কাল এই বাইশ নম্বরে উঠে এসেছি। যদি মনে কোনো সন্দেহ থাকে, ঊনপঞ্চাশ নম্বরে বরষ একবার খোঁজ করে আসতে পার।

আশু। (স্বগত) উঃ, কী ভুলই করেছি! যা হোক, এখন একটা পরিব্রাজকের রান্ধা পাওয়া গেছে। অন্নদাকে এনে দিলেই সমস্ত গোল মিটে যাবে। যা হোক, অন্নদার অদৃষ্ট ভালো। এক-একবার মনে হচ্ছে, ভুলটা শেষ পর্যন্ত টেনে নিয়ে গেলে মন্দ হয় না।

শ্যামা। কী বাবা? এত ভাবছ কেন? আমরা ভদ্রঘরের মেয়ে, তোমাকে ঠকাবার জন্যে পশ্চিম থেকে এখানে আসি নি।

আশু। ও কথা বলবেন না, আমার মনে কোনো সন্দেহ নেই। এখন আমি যাচ্ছি, এক ঘণ্টার মধ্যে ফিরে আসব, আজকের দিনের মধ্যেই একটা সন্তোষজনক বন্দোবস্ত করবই এ আমি আপনার পা ছুঁয়ে শপথ করে যাচ্ছি।

শ্যামা। বাবা, ও শপথে কাজ নেই—পা ছুঁয়ে আরো একবার শপথ করেছিলেন—

আশু। আচ্ছা, আমি আমার ইন্টদেবতার শপথ করে যাচ্ছি, আজকের মধ্যেই সমস্ত পাকা করে তবে অন্য কথা।

শ্যামা। (স্বগত) ছেলেটি কথাবার্তায় বেশ, কিন্তু ওকে কিছুই বুঝবার জো নেই। কখনো বা তাড়া দেয়, কখনো বা টিল দেয়, অথচ মুখ দেখে ওর প্রতি অবিশ্বাসও হয় না।

আশু। তবে অনুমতি করেন তো এখন আসি।

শ্যামা। তা, এসো বাবা।

প্রথম করিয়া আশুর প্রস্থান

## পঞ্চম অঙ্ক

অন্নদা

অন্নদা। ব্যাপারখানা তো কিছুই বুঝতে পারলাম না। ঘটকের কথা শুনে এলেম কন্যা দেখতে। যিনি দেখা দিলেন, তাঁকে তো বয়স দেখে কোনোমতেই কন্যার মা বলে মনে হয় না, চেহারা দেখে বোধ হল অপ্সরী—যদিচ অপ্সরীর চেহারা কিরকম পূর্বে কখনো দেখি নি। শেক্‌হ্যান্ড করতে যেমনি হাত বাড়িয়ে দিয়েছি অমনি ফস করে আমার হাতে কড়ি-বাঁধা একগাছি

লাল স্নুতো বেষ্টে দিলে। আর-কেউ হলে গোলমাল করতেন; কিন্তু যে সুন্দর চেহারা, গোলমাল করবার জো কী! কিন্তু, এ-সমস্ত কৌশলশীল দস্তুর তা তো বুঝতে পারছি নে।

মাতাজির প্রবেশ

মাতাজি। (স্বগত) অনেক সন্ধান করে তবে পেয়েছি। আগে আমার গুরুদত্ত বশীকরণ-মন্ত্রটা খাটাই, তার পরে পরিচয় দেব। (অন্নদার কপালে নরকপাল ঠেকাইয়া) বলো, হুর্লিং!

অন্নদা। হুর্লিং!

মাতাজি। (অন্নদার গলায় জবার মালা পরাইয়া) বলো, কুড়বং কড়বং ক্ড়াং।

অন্নদা। (স্বগত) ছি ছি! ভারি হাস্যকর হয়ে উঠছে। একে আমার কোটের উপর জবার মালা, তার উপরে আবার এই অদ্ভুত শব্দগুলো উচ্চারণ!

মাতাজি। চুপ করে রইলে যে?

অন্নদা। বলছি। কী বলছিলেন বলুন।

মাতাজি। কুড়বং কড়বং ক্ড়াং।

অন্নদা। কুড়বং কড়বং ক্ড়াং। (স্বগত) রিডিক্লাস!

মাতাজি। মাথাটা নিচু করো। কপালে সিঁদুর দিতে হবে।

অন্নদা। সিঁদুর! সিঁদুর কি এই বেশে আমাকে ঠিক মানাবে?

মাতাজি। তা জানি নে, কিন্তু ওটা দিতে হবে।

[অন্নদার কপালে সিঁদুর-লেপন]

অন্নদা। ইস! সমস্ত কপালে যে একেবারে লেপে দিলেন!

মাতাজি। বলো, বজ্রযোগিন্যে নমঃ। (অন্নদার অনুরূপ আবৃত্তি) প্রণাম করো। (অন্নদাকর্তৃক তথা কৃত) বলো কুড়বে কড়বে নমঃ। প্রণাম করো। বলো হুর্লিঙে ঘুর্লিঙে নমঃ। প্রণাম করো।

অন্নদা। (স্বগত) প্রহসনটা ক্রমেই জমে উঠছে।

মাতাজি। এইবার মাতা বজ্রযোগিনীর এই প্রসাদী বস্ত্রখণ্ড মাথায় বাঁধো।

অন্নদা। (স্বগত) এই শালদ্র টুকরোটা মাথায় বাঁধতে হবে! ক্রমেই যে বাড়বাড়ি হতে চলল। (প্রকাশ্যে) দেখুন, এর চেয়ে বরণ আমি পাগড়ি পরতেও রাজি আছি, এমন কি বাঙালিবাবু! যে টুপি পরে তাও পরতে পারি-

মাতাজি। সে-সমস্ত পরে হবে, আপাতত এইটে জড়িয়ে দিই।

অন্নদা। দিন!

মাতাজি। এইবার এই পিঁড়িটাতে বসুন।

অন্নদা। (স্বগত) মূর্শকিলে ফেললে। আমি আবার ট্রাউজার পরে এসেছি। যাই হোক, কোনোমতে বসতেই হবে।

[উপবেশন]

মাতাজি। চোখ বোজো। বলো, খটকারিণী, হঠবারিণী, ঘটসারিণী, নটতারিণী ক্রং। প্রণাম করো। (অন্নদার তথাকরণ) কিছু দেখতে পাচ্ছ?

অন্নদা। কিছু না।

মাতাজি। আচ্ছা, তা হলে পদবন্দুখে হয়ে বোসো, ডান কানে হাত দাও। বলো খটকারিণী, হঠবারিণী, ঘটসারিণী, নটতারিণী ক্রং। প্রণাম করো। এবার কিছু দেখতে পাচ্ছ?

অন্নদা। কিছুই না।

মাতাজি। আচ্ছা, তা হলে পিছন ফিরে বোসো। দুই কানে দুই হাত দাও। বলো খটকারিণী হঠবারিণী ঘটসারিণী নটতারিণী ক্রং। কিছু দেখতে পাচ্ছ?

অন্নদা। কী দেখতে পাওয়া উচিত, আগে আমাকে বলুন।

মাতাজি। একটা গর্দভ দেখতে পাচ্ছ তো?

অন্নদা। পাচ্ছি বৈকি! অত্যন্ত নিকটেই দেখতে পাচ্ছি।

মাতাজি। তবে মন্দ ফলেছে। তার পিঠের উপরে—

অন্নদা। হাঁ হাঁ, তার পিঠের উপরে একজনকে দেখতে পাচ্ছি বৈকি।

মাতাজি। গর্দভের দুই কান হাতে চেপে ধরে—

অন্নদা। ঠিক বলেছেন, কষে চেপে ধরেছে—

মাতাজি। একটি সুন্দরী কন্যা—

অন্নদা। পরমা সুন্দরী—

মাতাজি। ঈশানকোণের দিকে চলেছেন—

অন্নদা। দিক্‌ভ্রম হয়ে গেছে, কোন্‌ কোণে যাচ্ছেন তা ঠিক বলতে পারছি নে। কিন্তু ছুটিয়ে চলেছেন বটে! গাধাটার হাঁফ ধরে গেল!

মাতাজি। ছুটিয়ে যাচ্ছেন না কি? তবে তো আর-একবার—

অন্নদা। না না, ছুটিয়ে যাবেন কেন—কিরকম যাওয়াটা আপনি স্থির করছেন বলুন দেখি।

মাতাজি। একবার এগিয়ে যাচ্ছেন, আবার পিছু হটে পিছিয়ে আসছেন।

অন্নদা। ঠিক তাই। এগোচ্ছেন আর পিছোচ্ছেন। গাধাটার জিভ বেরিয়ে পড়েছে।

মাতাজি। তা হলে ঠিক হয়েছে। এবার সময় হল। ওলো মাতাঙ্গিনী, তোরা সবাই আয়।

হৃদধ্বনি-শব্দধ্বনি করিতে করিতে স্ত্রীদলের প্রবেশ

অন্নদার বামে মাতাজির উপবেশন ও তাহার হস্তে হস্তস্থাপন

অন্নদা। এটা বেশ লাগছে, কিন্তু ব্যাপারটা কী ঠিক বুঝতে পারছি নে।

রমণীগণের গান

এবার সখী, সোনার মৃগ

দেয় বৃদ্ধি দেয় ধরা।

আয় গো তোরা পুরাঙ্গনা,

আয় সবে আয় ছরা।

ছুটেছিল পিয়াস-ভরে

মরণীচিকা-বারির তরে,

ধ'রে তারে কোমল করে

কঠিন ফাঁসি পরা।

দয়ামায়া করিস নে গো,

ওদের নয় সে ধারা।

দয়ার দোহাই মানবে না গো

একটু পেলেই ছাড়া।

বাঁধন-কাটা বন্যাটাকে

মায়ার ফাঁদে ফেলাও পাকে,

ভুলাও তাকে বাঁশির ডাকে

বৃদ্ধি-বিচার-হরা।

অন্নদা। বৃদ্ধি বিচার একেবারেই যায় নি! অতি সামান্যই বাকি আছে। তার থেকে মনে হচ্ছে, ঐ-যে যাকে জন্তু-জানোয়ার বলা হল সে সৌভাগ্যশালী আমি ছাড়া, উপস্থিত ক্ষেত্রে, আর কেউ হতেই পারে না। গানটি ভালো, সুরটিও বেশ, কণ্ঠস্বরেরও নিন্দা করা যায় না, কিন্তু রূপক ভেঙে সাদা ভাষায় একটু স্পষ্ট করে সবটা খুলে বলুন দেখি—আমার সম্বন্ধে আপনারা কী করতে

চান? পালাব এমন আশঙ্কা করবেন না, আপনারা তাড়া দিলেও নয়। কিন্তু কোথায় এলুম, কেন এলুম, কোথায় যাব, এ-সকল গুরুতর প্রশ্ন মানবমানে স্বভাবতই উদয় হয়ে থাকে।

মাতাজি। তোমার স্ত্রীকে কি মাঝে মাঝে স্মরণ কর?

অম্নদা। করে লাভ কী, কেবল সময় নষ্ট। তাঁকে স্মরণ করে যেটুকু সুখ আপনাদের দর্শন করে তার চেয়ে ঢের বেশি আনন্দ।

মাতাজি। তোমার স্ত্রী যদি তোমাকে স্মরণ করে সময় নষ্ট করেন?

অম্নদা। তা হলে তাঁর প্রতি আমার উপদেশ এই যে, আর অধিক নষ্ট করা উচিত হয় না; হয় বিস্মরণ করতে আরম্ভ করুন নয় দর্শন দিন—সময়টা মূল্যবান জিনিস।

মাতাজি। সেই উপদেশই শিরোধার্য। আমিই তোমার সেবিকা প্রীমতী মহীমোহিনী দেবী।

অম্নদা। বাঁচালে! মনে যেরকম ভাবোদ্রেক করেছিলে, নিজের স্ত্রী না হলে গলায় দড়ি দিতে হত। কিন্তু নিজের স্বামীর জন্যে এ-সমস্ত ব্যাপার কেন?

মাতাজি। গুরুদর কাছে যে বশীকরণ-মন্ত্র শিখেছিলেন আগে সেইটে প্রয়োগ করে তবে আত্ম-পরিচয় দিলেম, এখন আর তোমার নিষ্কৃতি নেই।

অম্নদা। আর-কারও উপর এ মন্ত্রের পরীক্ষা করা হয়েছে?

মাতাজি। না, তোমার জন্যেই এতদিন এ মন্ত্র ধারণ করে রেখেছিলেন। আজ এর আশ্চর্য প্রত্যক্ষ ফল পেয়ে গুরুদর চরণে মনে মনে শতবার প্রণাম করছি। অব্যর্থ মন্ত্র। মন্ত্রে তোমার কি বিশ্বাস হল না?

অম্নদা। বশীকরণের কথা অস্বীকার করতে পারি নে। এখন তোমাকে একবার এই মন্ত্রগুলো পাড়িয়ে নিতে পারলে আমি নিশ্চিত হই।

[দাসীকর্তৃক সম্মুখে আহাৰ্য-স্থাপন]

অম্নদা। এও বশীকরণের অঙ্গ। বনাম্‌গই হোক আর শহুরে গাধাই হোক পোষ মানাবার পক্ষে এটা খুব দরকারি।

[আহারে প্রবৃত্ত]

### আশুর দ্রুত প্রবেশ

[মাতাজি প্রভৃতির প্রস্থান]

আশু। ওহে অম্নদা, ভারী গোলমাল বেধে গেছে। বাঃ, তুমি যে দিবি্য আহাৰ করতে বসেছ! তোমার এ কী রকমের সাজ! (উচ্চহাস্য) ব্যাপারখানা কী? নরমুণ্ড, খাঁড়া, বাতি, জবার মালা! তোমার বলিদান হবে না কি?

অম্নদা। হয়ে গেছে।

আশু। হরে গেছে কী রকম?

অম্নদা। সে-সকল ব্যাখ্যা পরে করব। তোমার খবরটা আগে বলো।

আশু। তুমি বিবাহের জন্য যে কন্যাটিকে দেখবে বলে স্থির করেছিলে, তাঁরা হঠাৎ ঊনপঞ্চাশ নম্বর থেকে বাইশ নম্বরে উঠে গেছেন। আমি কন্যার বিধবা মাকে মাতাজি মনে করে বরাবর এমন নির্বোধের মতো কথাবার্তা কয়ে গেছি যে, তাঁরা ঠিক করে নিয়েছেন, আমি মেয়েটিকে বিবাহ করতে সম্মত হয়েছি। এখন তুমি না গেলে তো আর উদ্ধার নেই।

অম্নদা। মেয়েটি দেখতে কেমন?

আশু। দেবকন্যার মতো।

অম্নদা। তা হোক, বহুবিবাহ আমার মতবিরুদ্ধ।

আশু। বল কী! সেদিন এত তর্ক করলে—

অম্নদা। সেদিনকার চেয়ে ঢের ভালো যুক্তি আজ পাওয়া গেছে—

আশু। একেবারে অখণ্ডনীয়?

অন্নদা। অখন্ডনীয়।

আশু। যদুষ্টিটা কিরকম দেখা যাক।

অন্নদা। তবে একটু বোসো। (প্রস্থান ও মাতাজিকে লইয়া প্রবেশ) ইনি আমার স্ত্রী শ্রীমতী মহীমোহিনী দেবী।

আশু। অ্যাঁ! ইনি তোমার—আপনি আমাদের অন্নদার—কী আশ্চর্য! তা হলে তো হতে পারে না।

অন্নদা। হতে পারে না কী বলছ? হয়েছে, আবার হতে পারে না কী? একবার হয়েছে, এই আবার দ্বার হল, তুমি বলছ হতে পারে না!

আশু। না, আমি তা বলছি নে। আমি বলছি, সেই বাইশ নম্বরের কী করা যায়!

অন্নদা। সে আর শব্দ কী! সহজ উপায় আছে।

আশু। কী বলো দেখি।

অন্নদা। বিয়ে করে ফেলো।

আশু। সমস্ত বিসর্জন দেব—আমার হঠযোগ, প্রাণায়াম, মন্ত্রসাধন—

অন্নদা। ভয় কী, তুমি যেগুলো ছাড়বে আমি সেগুলো গ্রহণ করব। সে যাই হোক, তোমার বশীকরণটা কিরকম হল?

আশু। তা, নিতান্ত কম হয় নি। তোমার এই একটা ঠাট্টা করবার বিষয় হল।

অন্নদা। আর ঠাট্টা চলবে না।

আশু। কেন বলো দেখি।

অন্নদা। আমারও বশীকরণ হয়ে গেছে।

আশু। চললেম। এক ঘণ্টার মধ্যেই যাবার কথা আছে। কথাটা পাকা করে আঁসি গে।

অগ্রহায়ণ ১৩০৮

সংযোজন

## স্বর্গে চক্ৰটোবিল-বৈঠক

ব্রহ্মা। পুত্রন্দর, তোমাদের অত্যন্ত কুশ দেখাচ্ছে, যেন অনাবৃষ্টিদিনের পাতা-ঝরা বনস্পতির মতো। স্বর্গে কি অমৃতসমুদ্রে দৈন্য ঘটেছে?

ইন্দ্র। পিতামহ, অনাবৃষ্টিই তো বটে। স্বর্গীয় বনস্পতির শিকড় আছে মর্ত্যের মাটিতে—দিনে দিনে সেখানে শ্রদ্ধার রস শুষ্কিয়ে এসেছে। নরলোকে কানাকানি চলছে যে, সৃষ্টি-ব্যাপারটা আকস্মিক মহামারীর মতো বসন্তের গুটি যেন, আপনা হতেই আপনাকে হঠাৎ ফুটিয়ে তোলে; এটা দেবতার হাতের কারুকার্য নয়। অর্থাৎ এটা এমন একটা রোগ যা চলছে মৃত্যুর অনিবার্য পরিণামে। এমন-কি, ওখানকার পণ্ডিতরা চরম চিত্তানলের দিনক্ষণ পর্যন্ত অন্ধ কষে স্থির করে দিয়েছে।

ব্রহ্মা। সর্বনাশ! এ যে অনাদিকালের ভূতভাবনের বেকারসমস্যা।

ইন্দ্র। তাই তো বটে। ওরা বলছে, দেবতার কোনোদিন কোনো কাজই করে নি, অতএব ওদের মজুরি বন্ধ।

ব্রহ্মা। বল কী, হোমানলের ঘূতটুকুও মিলবে না?

ইন্দ্র। না পিতামহ! সেটা ভালোই হয়েছে—যে ঘূতের এখন চলতি সেটাতে অগ্নিদেবের অগ্নিমান্দ্য হবার আশঙ্কা।

বৃহস্পতি। আদিদেব, এতদিন ছিলুম মানুষের অসংখ্য বিশ্বাসে—অত্যন্তই নিশ্চিন্ত ছিলুম। এখন পণ্ডিতের দল মনোবিজ্ঞানের একা গাড়িতে চাপিয়ে মানুষের মাথার খুলির একটা অর্কিগণ্ডকের কোটরে আমাদের ঠেলে গিয়েছে; সেখানে মগজের গন্ধ আছে, অমৃতের স্বাদ নাই; বৈজ্ঞানিক ব্যাখ্যার বেড়ার মধ্যে আমাদের ঘের দিয়ে দিয়ে রেখেছে—যাকে স্লেচ্ছ ভাষায় বলে কন্সসেন্সুয়েশন ক্যাম্প—কড়া পাহারা! অবতারের যে পুরাতত্ত্ব বের করেছে তাতে নৃসিংহের কোনো চিহ্ন নেই, আছে নৃবানরের মাথার খুলি।

মরুৎ। আমার পুত্র মারুতিকে ওরা অগ্রজ বলে স্বীকার করেছে এতে আমার আপত্তি নেই। কিন্তু লজ্জার বিষয় এই যে, দেবতার ভুক্ত হয়েছে এন্থ্রপলজি-নামক অর্বাচীন স্লেচ্ছ শাস্ত্রের বাল্যলীলা-পর্বে। দেব, আশা দিয়েছিলে আমরা অমর, আজ দেখছি ওদের পরীক্ষাগারে ব্যাঙের একটা কাটা পাও ইন্দ্রপদের চেয়ে বেশি সজীব। সেদিন সূরবালকেরা সূরগুরুকে ধরে পড়েছিল, ‘প্রমাণ করে দিন আমরা আছি!’ গুরুর সন্দেহে দোলা লাগল—আছি কি নেই এই তালে তাঁর মাথা নড়তে লাগল, মুখ দিয়ে কথা বেরোল না। পিতামহ যদি সন্দেহ ভঞ্জন করে দেন তা হলে দেবলোক সুস্থ হতে পারে।

ব্রহ্মা। পিতামহের চার মাথা হেঁট হয়ে গেছে। মনে ভাবছি মরলোকে বিশ্ববিদ্যালয়ের প্রকৃত্ত্বের আচার্য হয়ে যদি জন্মাতে পারি তা হলে অন্তত কোনো এক চৌমাথার ট্রামলাইনের ধারে একটা পাথরের মূর্তির দাবি করতে পারব। আজ আমার মূর্তির ভাঙা টুকরো নিয়ে প্রফেসর তারিখ হিসাব করছে, অথচ এতদিন এই বিশ্বাস দৃঢ় ছিল যে আমি সকল তারিখের অতীত।

প্রজাপতি। ভগবন্, সকলেই জানেন ধরাধামে আমি আর কন্দর্পদেব অবতীর্ণ হয়েছিলুম শুভ এবং অশুভ বিবাহের ঘটকালিতে। সেজন্যে আমাদের কোনো রকমের নিয়মিত বা অনিয়মিত পাওনা ছিল না, কেবল নিমন্ত্রণপত্রের মাথার উপরে ছাপার অক্ষরে আমার উদ্দেশ্যে একটা নমস্কার স্বীকৃত ছিল। কিন্তু কৌতুক ছিল ভূরি-পরিমাণে। বাসর-ঘরে অনেক কানমলা দেখেছি পরিহাস-রসিকাদের হাতে, আর দেখেছি অদৃশ্য পরিহাসরসিকের হাতে চিরজীবনের কান-মলা। আমি প্রজাপতি আজ লজ্জিত, কন্দর্প আজ নিজীব—তিনি পশুর নিয়ে যখন আশ্ফালন করতে যান



তখন তীরগদুলো ঠিকরে যায় কোম্পানির কাগজ-নির্মিত বর্মের 'পরে। অতএব উক্ত বিভাগের সনাতনী খাতা থেকে আমাদের নাম কেটে দিয়ে টেক্সবরী দেবীর নাম বহাল হোক।

সকলে। তথাস্তু।

বায়ু। পৃথিবীতে আজকাল পাগলা হাওয়া পলিটিক্সের ঈশানকোণ থেকে সৃষ্টি ছারখার করতে প্রবৃত্ত। আমি আজ চন্দ্রলোকে সমস্ত বিরহিণীদের দীর্ঘনিশ্বাস বহন করে ফিরে যেতে ইচ্ছা করি।

অশ্বিনীকুমার। স্দবিধা হবে না দেব। মর্ত্যের পিণ্ডিতেরা ঘোষণা করে দিয়েছেন যে, চন্দ্র বায়ুর প্রকোপ বৃদ্ধি করেন বটে, কিন্তু স্বয়ং তিনি বায়ুহারা।

বায়ু। নাহয় সেখানে গিয়ে আত্মত্যাগ করব।

ভোলানাথ। (অধ্বনিমীলিত নেত্রে) আমার চেয়ে গাঁজার মৌতাত অনেক প্রবল, পৃথিবীতে এমন সর্বনেশে ওস্তাদের অভাব নেই—সেই-সব সংস্কারকদের উপর প্রলয়-কাজের ভার দিয়ে আমি গঙ্গাধারাভিষেকে মাথা ঠাণ্ডা করতে পারি। আমার ভূতগদুলোর ভার তাঁরাই নিতে পারবেন।

চিত্রগদ্যুস্ত। মনঃস্ফোভে দেবগণের অভিযোগে অতৃপ্তি প্রকাশ পেয়েছে। যথার্থ তথ্য সংগ্রহের প্রয়োজন বোধ করি। স্দুরগদ্যুস্ত কোনোদিন সংখ্যাতত্ত্বের আলোচনা করেন নি। সেইজন্যে দেবতাদের গণিত স্বেচ্ছাগণিত। মর্ত্যে দেবগণের অধিকারে কী পরিমাণে খর্বতা ঘটছে তার নির্ভুল সীমা নির্ণয়ের জন্য স্বপ্নাদেশ দেওয়া হোক কোনো বিশ্ববিদ্যালয়ের সাংখ্যিক প্রমাণবিশারদের মাথায়; এ কাজে বৈজ্ঞানিক প্রশান্তি অত্যাৱশ্যক।

বায়ু। এ প্রস্তাবের সমর্থন করি। দেবতাদের হতাশ হবার কারণ নেই। মানুষের বৃদ্ধিতে অকস্মাৎ হাওয়া-বদল বারবারই দেখতে পাওয়া যায়। বিশেষত দৃঢ়দিনে। দেউলে হবার দিনে মানুষের খরচ বেড়ে ওঠে। মানুষের বৃদ্ধিতে সব সময়ে জোয়ার আসে না—একদা তলার পাক বোরিয়ে পড়ে। তখন পান্ডার পদপঙ্কের দাম চড়ে যায়, দেবতারাগু তার অংশ পান।

বৃহস্পতি। আশ্বস্ত হলুম। (সরস্বতীর প্রতি) মুখ স্ফলান করবেন না, দেবী, মানুষের আত্মবৃদ্ধির উপর শ্রদ্ধা কমবার সঙ্গে সঙ্গেই দেবীর ভোগের বরান্দ বাড়তে থাকে। বৃদ্ধিতে ভাঁটার টান প্রবল, ভূমণ্ডলে এমন দেশ আছে। শীতলাঠাকরুনও সেই ভরসাতেই মন্দির-ত্যাগের আশঙ্কা ছেড়ে দিয়েছেন।

# শারদোৎসব

প্রকাশ : ১৯০৮

‘এই নাটিকাটি বোলপুর ব্রহ্মচর্যাশ্রমে শারদোৎসব উপলক্ষে ছাত্রদের দ্বারা অভিনীত হইবার জন্য রচিত হয়।’ ১৩২৯ বঙ্গাব্দে অভিনয়-কালে রবীন্দ্রনাথ যে ভূমিকা লিখেছিলেন, বহুদলপরিবর্তিত হয়ে তা শারদোৎসবের পরিবর্তিত ও পরিবর্ধিত রূপ ‘ঋণশোধ’ (১৯২১)-এর ‘সূচনা’ নামে সংযোজিত।

ଶବ୍ଦେ ଶେଷେ ନୀତି, ବାସ୍ତବ୍ୟ ବିଶାଳ ବସନ୍ତ  
 ସିଦ୍ଧି ଶୌନ୍ଦର୍ଯ୍ୟ/ବିଶେଷ ଫଳାଫଳ ଆବଦ୍ଧ ଶ୍ରଦ୍ଧା  
 ଶାନ୍ତି ଅନନ୍ତ, ଶାନ୍ତି ଅନନ୍ତ, କଳେବ ବିଶାଳ  
 ନବ ନବ ଶବ୍ଦେ ଶାନ୍ତି ଶାନ୍ତି ଶାନ୍ତି ଶାନ୍ତି  
 ଅନନ୍ତ ଶାନ୍ତି ଶାନ୍ତି ଶାନ୍ତି ଶାନ୍ତି ଶାନ୍ତି  
 ଶାନ୍ତି ଶାନ୍ତି ଶାନ୍ତି ଶାନ୍ତି ଶାନ୍ତି  
 ଶାନ୍ତି ଶାନ୍ତି ଶାନ୍ତି ଶାନ୍ତି ଶାନ୍ତି  
 ଶାନ୍ତି ଶାନ୍ତି ଶାନ୍ତି ଶାନ୍ତି ଶାନ୍ତି

রাগিণী ভৈরবী। তাল তেওরা  
আজ বৃকের বসন ছিঁড়ে ফেলে  
দাঁড়িয়েছে এই প্রভাতখানি,  
আকাশেতে সোনার আলোয়  
ছড়িয়ে গেল তাহার বাণী।

ওরে মন, খুঁলে দে মন,  
যা আছে তোর খুঁলে দে।  
অন্তরে যা ডুবে আছে  
আলোক-পানে তুলে দে।

আনন্দে সব বাধা টুটে  
সবার সাথে ওঠে রে ফুটে,  
চোখের 'পরে আলস-ভরে  
রাখিস নে আর আঁচল টানি।

পাত্রগণ

সম্ম্যাসী  
ঠাকুরদাদা  
লক্ষেশ্বর  
উপনন্দ  
রাজা  
রাজদত্ত  
অমাত্য  
বালকগণ

## প্রথম দৃশ্য

পথে বালকগণ

গান

বিভাস। একতারা

মেঘের কোলে রোদ হেসেছে,  
বাদল গেছে টুটি—  
আজ আমাদের ছুটি ও ভাই,  
আজ আমাদের ছুটি।  
কী করি আজ ভেবে না পাই,  
পথ হারিয়ে কোন্ বনে যাই,  
কোন্ মাঠে যে ছুটে বেড়াই  
সকল ছেলে জুটি!  
কেয়া-পাতায় নৌকো গড়ে  
সাজিয়ে দেব ফুলে,  
তাল-দিঘিতে ভাসিয়ে দেব—  
চলবে দূলে দূলে।  
রাখাল ছেলের সঙ্গে ধেনু  
চরাব আজ ব্যাজিয়ে বেগু,  
মাখব গায়ে ফুলের রেণু  
চাঁপার বনে লুটি।  
আজ আমাদের ছুটি ও ভাই,  
আজ আমাদের ছুটি।

লক্ষ্মেশ্বর। (ঘর হইতে ছুটিয়া বাহির হইয়া) ছেলেগুলো তো জ্বালালে! ওরে চোবে! ওরে গিরিধারীলাল! ধরু তো ছোঁড়াগুলোকে ধরু তো।

ছেলেরা। (দূরে ছুটিয়া গিয়া হাততালি দিয়া) ওরে লক্ষ্মীপেঁচা বেরিয়েছে রে, লক্ষ্মীপেঁচা বেরিয়েছে।

লক্ষ্মেশ্বর। হনুমন্ত সিং, ওদের কান পাকড়ে আনু তো; একটাকেও ছাড়িস নে।

একজন বালক। (চুপি চুপি পশ্চাৎ হইতে আসিয়া কান হইতে কলম টানিয়া লইয়া)—

কাক লেগেছে লক্ষ্মীপেঁচা,

লেজে ঠোকর খেয়ে চেঁচা।

লক্ষ্মেশ্বর। হতভাগা, লক্ষ্মীছাড়া সব, আজ একটাকেও আস্ত রাখব না!

ঠাকুরদাদার প্রবেশ

ঠাকুরদাদা। কী হয়েছে লখাদাদা? মারমূর্তি কেন?

লক্ষ্মেশ্বর। আরে, দেখো-না! সন্ধ্যাবেলা কানের কাছে চেঁচাতে আরম্ভ করেছে।

ঠাকুরদাদা। আজ যে শরতে ওদের ছুটি, একটু আমোদ করবে না! গান গাইলেও তোমার কানে খোঁচা মারে! হায় রে হায়, ভগবান তোমাকে এত শাস্তিও দিচ্ছেন!

লক্ষ্মেশ্বর। গান গাবার বুদ্ধি আর সময় নেই! আমার হিসাব লিখতে ভুল হয়ে যায় যে। আজ আমার সমস্ত দিনটাই মাটি করলে।

ঠাকুরদাদা। তা ঠিক। হিসেব ভুলিয়ে দেবার ওস্তাদ ওরা। ওদের সাড়া পেলে আমার বয়সের হিসাবে প্রায় পঞ্চাশ-পঞ্চাশ বছরের গরমিল হয়ে যায়।—ওরে বাঁদরগুলো, আয় তো রে! চল তোদের পঞ্চাননতলার মাঠটা ঘুরিয়ে আনি।—যাও দাদা, তোমার দস্তর নিয়ে বোসো গে। আর হিসেবে ভুল হবে না।

[লক্ষ্মেশ্বরের প্রস্থান]

ঠাকুরদাদাকে ঘিরিয়া ছেলের নৃত্য

প্রথম। হাঁ ঠাকুরদাদা, চলো।

দ্বিতীয়। আমাদের আজ গল্প বলতে হবে।

তৃতীয়। না, গল্প না, বটতলায় বসে আজ ঠাকুরদার পাঁচালি হবে।

চতুর্থ। বটতলায় না, ঠাকুরদা, আজ পারুলডাঙায় চলো।

ঠাকুরদাদা। চুপ, চুপ, চুপ! অমন গোলমাল লাগাস যদি তো লখাদাদা আবার ছুটে আসবে।

লক্ষ্মেশ্বরের পুনঃপ্রবেশ

লক্ষ্মেশ্বর। কোন্ পোড়ারমুখো আমার কলম নিয়েছে রে!

[কলম কোঁচিয়া দিয়া সকলের প্রস্থান]

উপনন্দের প্রবেশ

লক্ষ্মেশ্বর। কী রে, তোর প্রভু কিছু টাকা পাঠিয়ে দিলে? অনেক পাওনা বাকি।

উপনন্দ। কাল রাতে আমার প্রভুর মৃত্যু হয়েছে।

লক্ষ্মেশ্বর। মৃত্যু! মৃত্যু হলে চলবে কেন? আমার টাকাগুলোর কী হবে?

উপনন্দ। তাঁর তো কিছুই নেই। যে বীণা বাজিয়ে উপার্জন করে তোমার ঋণ শোধ করতেন সেই বীণাটি আছে মাত্র।

লক্ষ্মেশ্বর। বীণাটি আছে মাত্র! কী শূভসংবাদটাই দিলে!

উপনন্দ। আমি শূভসংবাদ দিতে আসি নি। আমি এক দিন পথের ভিক্ষুক ছিলাম, তিনিই আমাকে আশ্রয় দিয়ে তাঁর বহু দুঃখের অশ্রুর ভাগে আমাকে মানু্য করেছেন। তোমার কাছে দাসত্ব করে আমি সেই মহাত্মার ঋণ শোধ করব।

লক্ষ্মেশ্বর। বটে! তাই বৃদ্ধি তাঁর অভাবে আমার বহু দুঃখের অশ্রু ভাগ বসাবার মতলব করেছ! আমি তত বড়ো গর্দভ নই।—আচ্ছা, তুই কী করতে পারিস বল দেখি।

উপনন্দ। আমি চিহ্নবিচিত্র করে পুঁথি নকল করতে পারি। তোমার অল্প আমি চাই নে। আমি নিজে উপার্জন করে যা পারি খাব—তোমার ঋণও শোধ করব।

লক্ষ্মেশ্বর। আমাদের বীণাকারটিও যেমন নির্বোধ ছিল ছেলেটাকেও দেখছি ঠিক তেমনি করেই বানিয়ে গেছে। হতভাগা ছোঁড়াটা পরের দায় ঘাড়ে নিয়েই মরবে। এক-এক জনের ঐরকম মরাই স্বভাব!—আচ্ছা বেশ, মাসের ঠিক তিন তারিখের মধ্যেই নিয়মমতো টাকা দিতে হবে। নইলে—

উপনন্দ। নইলে আবার কী! আমাকে ভয় দেখাচ্ছে মিছে। আমার কী আছে, যে তুমি আমার কিছু করবে? আমি আমার প্রভুকে স্মরণ করে ইচ্ছা করেই তোমার কাছে বন্ধন স্বীকার করেছি। আমাকে ভয় দেখিয়ে না বলছি।

লক্ষ্মেশ্বর। না না, ভয় দেখাব না! তুমি লক্ষ্মীছলে, সোনার চাঁদ ছলে! টাকাটা ঠিকমতো দিয়ে বাবা! নইলে আমার ঘরে দেবতা আছে, তার ভোগ কমিয়ে দিতে হবে—সেটাতে তোমারই পাপ হবে।

[উপনন্দের প্রস্থান]



ঐ যে, আমার ছেলেরা এইখানে ঘুরে ঘুরে বেড়াচ্ছে। আমি কোন্‌খানে টাকা পুতে রাখি ও নিশ্চয়ই সেই খোঁজে ফেরে। ওদেরই ভয়েই তো আমাকে এক সন্‌রুগ হতে আর-এক সন্‌রুগে টাকা বদল করে বেড়াতে হয়।—ধনপতি, এখানে কেন রে? তোর মতলবটা কী বল্ দেখি!

ধনপতি। ছেলেরা আজ সকলেই বেতসিনীর ধারে আমোদ করতে গেছে—আমাকে ছুটি দিলে আমিও যাই।

লক্ষেশ্বর। বেতসিনীর ধারে! ঐ রে, খবর পেয়েছে বৃদ্ধি! বেতসিনীর ধারেই তো আমি সেই গজমোতির কোটো পুতে রেখেছি। (ধনপতির প্রতি) না, না, খবরদার বলছি, সে-সব না। চল্ শীঘ্র চল্, নামতা মৃদুস্থ করতে হবে।

ধনপতি। (নিশ্বাস ফেলিয়া) আজ এমন সুন্দর দিনটা!

লক্ষেশ্বর। দিন আবার সুন্দর কী রে! এইরকম বৃদ্ধি মাথায় ঢুকলেই ছোঁড়াটা মরবে আর-কি! যা বলছি ঘরে যা।

[ধনপতির প্রস্থান]

ভারি বিস্তী দিন! আশ্বিনের এই রোদ্‌দুর দেখলে আমার সুস্থ মাথা খারাপ করে দেয়, কিছুতে কাজে মন দিতে পারি নে। মনে করছি মলয়স্বীপে গিয়ে কিছু চন্দন জোগাড় করবার জন্যে বেরিয়ে পড়লে হয়। যাই হোক, সে পরে হবে, আপাতত বেতসিনীর ধারটায় একবার ঘুরে আসতে হচ্ছে। ছোঁড়াগুলো খবর পায় নি তো! ওদের যে ইন্দুরের স্বভাব! সব জিনিস খুঁড়ে বের করে ফেলে—কোনো জিনিসের মূল্য বোঝে না, কেবল কেটেকুটে ছারখার করতেই ভালোবাসে!

## দ্বিতীয় দৃশ্য

বেতসিনীর তীর। বন

ঠাকুরদাদা ও বালকগণ

গান

বাউলের সুর

আজ ধানের ক্ষেতে রৌদ্রছায়ায়

লুকোচুরি খেলা।

নীল আকাশে কে ভাসালে

সাদা মেঘের ভেলা!

একজন বালক। ঠাকুরদা, তুমি আমাদের দলে।

দ্বিতীয় বালক। না ঠাকুরদা, সে হবে না, তুমি আমাদের দলে।

ঠাকুরদাদা। না ভাই, আমি ভাগাভাগির খেলায় নেই; সে-সব হয়ে-বয়ে গেছে। আমি সকল দলের মাঝখানে থাকব, কাউকে বাদ দিতে পারব না। এবার গানটা ধর।—

আজ ভ্রমর ভোলে মধু খেতে

উড়ে বেড়ায় আলোয় মেতে,

আজ কিসের তরে নদীর চরে

চখাচখির মেলা!

অন্য দল আসিয়া

অন্য দল। ঠাকুরদা, এই বৃদ্ধি! আমাদের তুমি ডেকে আনলে না কেন! তোমার সঙ্গে আড়ি! জন্মের মতো আড়ি!

ঠাকুরদাদা। এতবড়ো দণ্ড! নিজেরা দোষ করে আমাকে শাস্তি! আমি তোদের ডেকে বের করব, না তোরা আমাকে ডেকে বাইরে টেনে আনবি! না ভাই, আজ ঝগড়া না, গান ধর।—

ওরে যাব না আজ ঘরে রে ভাই,

যাব না আজ ঘরে।

ওরে আকাশ ভেঙে বাহিরকে আজ

নেব রে লুঠ করে।

যেন জোয়ার-জলে ফেনার রাশি

বাতাসে আজ ছুটছে হাস,

আজ বিনা কাজে বাজিয়ে বাঁশ

কাটবে সকল বেলা।

প্রথম বালক। ঠাকুরদা, ঐ দেখো, ঐ দেখো, সন্ন্যাসী আসছে।

দ্বিতীয় বালক। বেশ হয়েছে, বেশ হয়েছে, আমরা সন্ন্যাসীকে নিয়ে খেলব। আমরা সব চেলা সাজব।

তৃতীয় বালক। আমরা গুর সঙ্গে বেরিয়ে যাব, কোন্ দেশে চলে যাব কেউ খুঁজেও পাবে না।

ঠাকুরদাদা। আরে চুপ, চুপ!

সকলে। সন্ন্যাসীঠাকুর! সন্ন্যাসীঠাকুর!

ঠাকুরদাদা। আরে, থাম্ থাম্। ঠাকুর রাগ করবে।

সন্ন্যাসীর প্রবেশ

বালকগণ। সন্ন্যাসীঠাকুর, তুমি কি আমাদের উপর রাগ করবে? আজ আমরা সব তোমার চেলা হব।

সন্ন্যাসী। হা হা হা হা! এ তো খুব ভালো কথা। তার পরে আবার তোমরা সব শিশু-সন্ন্যাসী সেজো, আমি তোমাদের বড়ো চেলা সাজব। এ বেশ খেলা, এ চমৎকার খেলা।

ঠাকুরদাদা। প্রণাম হই, আপনি কে?

সন্ন্যাসী। আমি ছাত্র।

ঠাকুরদাদা। আপনি ছাত্র!

সন্ন্যাসী। হাঁ, পুণ্ড্রিথপত্র সব পোড়াবার জন্যে বের হয়েছে।

ঠাকুরদাদা। ও ঠাকুর, বুদ্ধেছি। বিদ্যার বোঝা সমস্ত ঝেড়ে ফেলে দিবি একেবারে হাল্কা হয়ে সমুদ্রে পাড়ি দেবেন!

সন্ন্যাসী। চোখের পাতার উপরে পুণ্ড্রিথের পাতাগুলো আড়াল করে খাড়া হয়ে দাঁড়িয়েছে, সেইগুলো খসিয়ে ফেলতে চাই।

ঠাকুরদাদা। বেশ, বেশ! আমাকেও একটু পায়ের ধুলো দেবেন। প্রভু, আপনার নাম বোধ করি শুনছি—আপনি তো স্বামী অপূর্বানন্দ!

ছেলেরা। সন্ন্যাসীঠাকুর, ঠাকুরদাদা কী মিথো বকছেন! এমনি করে আমাদের ছুটি বয়ে যাবে।

সন্ন্যাসী। ঠিক বলেছ, বৎস, আমারও ছুটি ফুরিয়ে আসছে।

ছেলেরা। তোমার কত দিনের ছুটি?

সন্ন্যাসী। খুব অল্প দিনের। আমার গুরুদশায় তাড়া করে বেরিয়েছেন, তিনি বেশি দূরে নেই—এলেন ব'লে।

ছেলেরা। ও বাবা, তোমারও গুরুদশায়!

প্রথম বালক। সন্ধ্যাসীঠাকুর, চলো আমাদের যেখানে হয় নিয়ে চলো। তোমার যেখানে খুশি।  
ঠাকুরদাদা। আমিও পিছনে আছি ঠাকুর, আমাকেও ভুলো না।  
সন্ধ্যাসী। আহা, ও ছেলেরি কে? গাছের তলায় এমন দিনে পুঁথির মধ্যে ডুবে রয়েছে!  
বালকগণ। উপনন্দ!

প্রথম বালক। ভাই উপনন্দ, এসো ভাই! আমরা আজ সন্ধ্যাসী ঠাকুরের চেলা সেজেছি, তুমিও চলো আমাদের সঙ্গে। তুমি হবে সর্দার-চেলা।

উপনন্দ। না ভাই, আমার কাজ আছে।

ছেলেরা। কিচ্ছু কাজ নেই, তুমি এসো।

উপনন্দ। আমার পুঁথি নকল করতে অনেকখানি বাকি আছে।

ছেলেরা। সে বড়ই কাজ! ভারি তো কাজ!—ঠাকুর, তুমি ওকে বলো-না! ও আমাদের কথা শুনবে না। কিন্তু উপনন্দকে না হলে মজা হবে না।

সন্ধ্যাসী। (পাশে বসিয়া) বাছা, তুমি কী কাজ করছ? আজ তো কাজের দিন না।

উপনন্দ। (সন্ধ্যাসীর মূখের দিকে ক্ষণকাল চাহিয়া, পারের ধূলা লইয়া) আজ ছুটির দিন।  
কিন্তু আমার ঋণ আছে, শোধ করতে হবে, তাই আজ কাজ করছি।

ঠাকুরদাদা। উপনন্দ, জগতে তোমার আবার ঋণ কিসের ভাই?

উপনন্দ। ঠাকুরদাদা, আমার প্রভু মারা গিয়েছেন, তিনি লক্ষ্মেশ্বরের কাছে ঋণী—সেই ঋণ আমি পুঁথি লিখে শোধ দেব।

ঠাকুরদাদা। হায় হায়, তোমার মতো কাঁচা বয়সের ছেলেকেও ঋণ শোধ করতে হয়! আর, এমন দিনেও ঋণশোধ!—ঠাকুর, আজ নতুন উত্তরে হাওয়ায় ও পারে কাশের বনে ঢেউ দিয়েছে, এ পারে ধানের খেতের সবুজে চোখ একেবারে ডুবিয়ে দিলে, শিউলিবন থেকে আকাশে আজ পুজোর গন্ধ ভরে উঠেছে, এরই মাঝখানে ঐ ছেলেরি আজ ঋণশোধের আয়োজনে বসে গেছে—এও কি চক্ষে দেখা যায়?

সন্ধ্যাসী। বল কী, এর চেয়ে সুন্দর কি আর কিছু আছে! ঐ ছেলেরিই তো আজ শারদার নরপদ্র হয়ে তাঁর কোল উজ্জ্বল করে বসেছে। তিনি তাঁর আকাশের সমস্ত সোনার আলো দিয়ে ওকে বুদ্ধে চেপে ধরেছেন। আহা, আজ এই বালকের ঋণশোধের মতো এমন শুভ্র ফুলটি কি কোথাও ফুটেছে—চেয়ে দেখো তো! লেখো, লেখো বাবা, তুমি লেখো, আমি দেখি। তুমি পঙ্ক্তির পর পঙ্ক্তি লিখছ, আর ছুটির পর ছুটি পাছ! তোমার এত ছুটির আয়োজন আমরা তো পণ্ড করতে পারব না। দাও বাবা, একটা পুঁথি আমাকে দাও, আমিও লিখি। এমন দিনটা সার্থক হোক।

ঠাকুরদাদা। আছে আছে, চশমাটা টাঁকে আছে, আমিও বসে যাই-না!

প্রথম বালক। ঠাকুর, আমরাও লিখব। সে বেশ মজা হবে।

দ্বিতীয় বালক। হাঁ হাঁ, সে বেশ মজা হবে।

উপনন্দ। বল কী ঠাকুর, তোমাদের যে ভারি কষ্ট হবে।

সন্ধ্যাসী। সেইজন্যই বসে গেছি। আজ আমরা সব মজা করে কষ্ট করব। কী বল বাবা-সকল? আজ একটা-কিছু কষ্ট না করলে আনন্দ হচ্ছে না।

সকলে। (হাততালি দিয়া) হাঁ হাঁ, নইলে মজা কিসের!

প্রথম বালক। দাও, দাও, আমাকে একটা পুঁথি দাও!

দ্বিতীয় বালক। আমাকেও একটা দাও-না!

উপনন্দ। তোমরা পারবে তো ভাই?

প্রথম বালক। খুব পারব! কেন পারব না!

উপনন্দ। শ্রান্ত হবে না তো?

দ্বিতীয় বালক। কথুনো না।

উপনন্দ। খুব ধরে ধরে লিখতে হবে কিন্তু।

প্রথম বালক। তা বৃষ্টি পারি নে! আচ্ছা, তুমি দেখো।

উপনন্দ। ভুল থাকলে চলবে না।

দ্বিতীয় বালক। কিচ্ছু ভুল থাকবে না।

প্রথম বালক। এ বেশ মজা হচ্ছে। পৃষ্টি শেষ করব তবে ছাড়ব।

দ্বিতীয় বালক। নইলে ওঠা হবে না।

তৃতীয় বালক। কী বল ঠাকুরদা, আজ লেখা শেষ করে দিয়ে তবে উপনন্দকে নিয়ে নৌকো-বাচ করতে যাব। বেশ মজা!

ঠাকুরদাদা।

গান

সিন্ধু ভৈরবী। তেওরা

আনন্দেরই সাগর থেকে এসেছে আজ বান।

দাঁড় ধরে আজ বোস্ রে সবাই, টান্ রে সবাই টান্।

বোঝা ষত বোঝাই করি

করব রে পার দুখের তরী,

চেউয়ের 'পরে ধরব পাড়ি—

যায় যদি ষাক প্রাণ।

কে ডাকে রে পিছন হতে, কে করে রে মানা?

ভয়ের কথা কে বলে আজ, ভয় আছে সব জানা।

কোন্ শাপে কোন্ গ্রহের দোষে

সুখের ডাঙায় থাকব বসে?

পালের রশি ধরব কষি,

চলব গেয়ে গান।

সন্ন্যাসী। ঠাকুরদা!

ঠাকুরদাদা। (জিভ কাটিয়া) প্রভু, তুমিও আমাকে পরিহাস করবে?

সন্ন্যাসী। তুমি যে জগতে ঠাকুরদা হয়েই জন্মগ্রহণ করেছ, ঈশ্বর সকলের সঙ্গেই তোমার হাসির সম্বন্ধ পাতিয়ে দিয়ে বসেছেন, সে তো তুমি লুকিয়ে রাখতে পারবে না। ছোটো ছোটো ছেলেগুলির কাছেও ধরা পড়েছ, আর আমাকেই ফাঁকি দেবে?

ঠাকুরদাদা। ছেলে-ভালানোই যে আমার কাজ—তা ঠাকুর, তুমিও যদি ছেলের দলেই ভিড়ে যাও তা হলে কথা নেই। তা, কী আশ্রয় কর!

সন্ন্যাসী। আমি বলছিলাম ঐ যে গানটা গাইলে, ওটা আজ ঠিক হল না। দুঃখ নিয়ে ঐ অত্যন্ত টানাটানির কথাটা, ওটা আমার কানে ঠিক লাগছে না। দুঃখ তো জগৎ ছেয়েই আছে, কিন্তু চার দিকে চেয়ে দেখো-না—টানাটানির তো কোনো চেহারা দেখা যায় না। তাই এই শরৎ-প্রভাতের মান রাখবার জন্যে আমাকে আর-একটা গান গাইতে হল।

ঠাকুরদাদা। তোমাদের সংগ এইজন্যই এত দামি; ভুল করলেও ভুলকে সার্থক করে তোল। সন্ন্যাসী।

গান

ললিত। আড়াঠেকা

তোমার সোনার থালায় সাজাব আজ

দুখের অশ্রুধার।

জননীর গো, গাঁথব তোমার

গলার মৃদুহার।

চন্দ্র সূর্য পায়ের কাছে  
মালা হলে জড়িয়ে আছে,  
তোমার বদকে শোভা পাবে আমার  
দুখের অলংকার।  
ধন ধান্য তোমারি ধন,  
কী করবে তা কও।  
দিতে চাও তো দিয়ো আমার,  
নিনতে চাও তো লও।  
দুখ আমার ঘরের জিনিস,  
খাঁটি রতন তুই তো চিনিস—  
তোর প্রসাদ দিয়ে তারে কিনিস  
এ মোর অহংকার।

বাবা উপনন্দ, তোমার প্রভুর কী নাম ছিল?

উপনন্দ। সুরসেন।

সন্ন্যাসী। সুরসেন! বীণাচার্য!

উপনন্দ। হাঁ ঠাকুর, তুমি তাঁকে জানতে?

সন্ন্যাসী। আমি তাঁর বীণা শুনব আশা করেই এখানে এসেছিলাম।

উপনন্দ। তাঁর কি এত খ্যাতি ছিল?

ঠাকুরদাদা। তিনি কি এতবড়ো গুণী? তুমি তাঁর বাজনা শোনবার জন্যেই এ দেশে এসেছ?

সন্ন্যাসী। এখানকার রাজা?

ঠাকুরদাদা। এখানকার রাজা তো কোনোদিন তাঁকে ডাকেন নি, চক্ষেও দেখেন নি। তুমি তাঁর বীণা কোথায় শুনলে?

সন্ন্যাসী। তোমরা হয়তো জান না, বিজয়াদিত্য বলে একজন রাজা—

ঠাকুরদাদা। বল কী ঠাকুর! আমরা অত্যন্ত মূর্খ, গ্রাম্য, তাই বলে বিজয়াদিত্যের নাম জানব না এও কি হয়? তিনি যে আমাদের চক্রবর্তী সম্রাট।

সন্ন্যাসী। তা হবে। তা, সেই লোকটির সভায় একদিন সুরসেন বীণা বাজিয়েছিলেন, তখন শুনিয়েছিলেন। রাজা তাঁকে রাজধানীতে রাখবার জন্যে অনেক চেষ্টা করেও কিছুতেই পারেন নি।

ঠাকুরদাদা। হায় হায়, এতবড়ো লোকের আমরা কোনো আদর করতে পারি নি!

সন্ন্যাসী। আদর কর নি—তাতে তাঁকে কমাতে পার নি, আরো তাঁকে বড়ো করেছে। ভগবান তাঁকে নিজের সভায় ডেকে নিয়েছেন।—বাবা উপনন্দ, তোমার সঙ্গে তাঁর কী রকমে সম্বন্ধ হল?

উপনন্দ। ছোটো বয়সে আমার বাপ মারা গেলে আমি অন্য দেশ থেকে এই নগরে আগ্রয়ের জন্যে এসেছিলাম। সেদিন শ্রাবণমাসের সকালবেলায় আকাশ ভেঙে বৃষ্টি পড়ছিল, আমি লোক-নাথের মন্দিরের এক কোণে দাঁড়াব বলে প্রবেশ করছিলাম। পুরোহিত আমাকে বোধ হয় নীচ জাত মনে করে তাড়িয়ে দিলেন। সেদিন সকালে সেইখানে বসে আমার প্রভু বীণা বাজাচ্ছিলেন। তিনি তখনই মন্দির ছেড়ে এসে আমার গলা জড়িয়ে ধরলেন; বললেন, এসো বাবা, আমার ঘরে এসো। সেই দিন থেকে ছেলের মতো তিনি আমাকে কাছে রেখে মানুষ করেছেন—লোকে তাঁকে কত কথা বলেছে তিনি কান দেন নি। আমি তাঁকে বলেছিলাম, প্রভু, আমাকে বীণা বাজাতে শেখান, আমি তা হলে কিছু কিছু উপার্জন করে আপনার হাতে দিতে পারব। তিনি বললেন, বাবা, এ বিদ্যা পেট ভরাবার নয়; আমার আর-এক বিদ্যা জানা আছে, তাই তোমাকে শিখিয়ে দিচ্ছি। এই বলে

আমাকে রঙ দিয়ে চিত্র করে পুঁথি লিখতে শিখিয়েছেন। যখন অত্যন্ত অচল হয়ে উঠত তখন তিনি মাঝে মাঝে বিদেশে গিয়ে বীণা বাজিয়ে টাকা নিয়ে আসতেন। এখানে তাঁকে সকলে পাগল বলেই জানত।

সন্ন্যাসী। সদ্রসেনের বীণা শ্রুনেতে পেলেম না, কিন্তু বাবা উপনন্দ, তোমার কল্যাণে তাঁর আর-এক বীণা শ্রুনে নিলুম, এর সদ্র কোনোদিন ভুলব না।—বাবা, লেখো, লেখো।

ছেলেরা। ঐ রে, ঐ আসছে! ঐ রে লখা, ঐ রে লক্ষ্মীপেঁচা!

[দৌড়]

লক্ষেশ্বর। আ সর্বনাশ! যেখানটিতে আমি কোঁর্সে পুঁতে রেখেছিলুম ঠিক সেই জায়গাটিতেই যে উপনন্দ বসে গেছে! আমি ভেবেছিলাম ছোঁড়াটা বোকা বদুঝি, তাই পরের ঋণ শ্রুধতে এসেছে। তা তো নয় দেখছি। পরের ঘাড় ভাঙাই ওর ব্যাবসা। আমার গজমোতির খবর পেয়েছে। একটা সন্ন্যাসীকেও কোথা থেকে জুড়টিয়ে এনেছে দেখছি। সন্ন্যাসী হাত চেলে জায়গাটা বের করে দেবে।—উপনন্দ!

উপনন্দ। কী?

লক্ষেশ্বর। ওঠ, ওঠ ঐ জায়গা থেকে! এখানে কী করতে এসেছিঁস?

উপনন্দ। অমন করে চোখ রাঙাও কেন? এ কি তোমার জায়গা নাকি?

লক্ষেশ্বর। এটা আমার জায়গা কি না সে খোঁজে তোমার দরকার কী হে বাপু! ভারী সেয়ানা দেখছি! তুমি বড়ো ভালোমানুষটি সেজে আমার কাছে এসেছিলে! আমি বলি সত্যিই বদুঝি প্রভুর ঋণশোধ করবার জন্যেই ছোঁড়াটা আমার কাছে এসেছে—কেননা, সেটা রাজার আইনেও আছে—

উপনন্দ। আমি তো সেইজন্যেই এখানে পুঁথি লিখতে এসেছি।

লক্ষেশ্বর। সেইজন্যেই এসেছ বটে! আমার বয়স কত আনন্দ করছ বাপু! আমি কি শিশু!

সন্ন্যাসী। কেন বাবা, তুমি কী সন্দেহ করছ?

লক্ষেশ্বর। কী সন্দেহ করছি! তুমি তা কিছুর জান না! বড়ো সাধু! ভণ্ড সন্ন্যাসী কোথাকার! ঠাকুরদাদা। আরে কী বলিস লখা? আমার ঠাকুরকে অপমান!

উপনন্দ। এই রঙবাটা নোড়া দিয়ে তোমার মদুখ গুঁড়িয়ে দেব-না! টাকা হয়েছে বলে অহংকার! কাকে কী বলতে হয় জান না।

[সন্ন্যাসীর পশ্চাতে লক্ষেশ্বরের লুক্কায়ন]

সন্ন্যাসী। আরে কর কী ঠাকুরদাদা, কর কী বাবা! লক্ষেশ্বর তোমাদের চেয়ে ঢের বেশি মানুস চেনে। যেমনি দেখেছে অমনি ধরা পড়ে গেছে! ভণ্ড সন্ন্যাসী যাকে বলে! বাবা লক্ষেশ্বর, এত দেশের এত মানুস ভুলিয়ে এলেম, তোমাকে ভোলাতে পারলেম না।

লক্ষেশ্বর। না, ঠিক ঠাওরাতে পারছি নে। হয়তো ভালো করি নি। আবার শাপ দেবে কি কী করবে! তিনখানা জাহাজ এখনো সমুদ্রে আছে। (পায়ের ধূলা লইয়া) প্রণাম হই ঠাকুর! হঠাৎ চিনতে পারি নি। বিরূপাক্ষের মন্দিরে আমাদের ঐ বিকটানন্দ বলে একটা সন্ন্যাসী আছে, আমি বলি সেই ভণ্ডটাই বদুঝি—ঠাকুরদা, তুমি এক কাজ করো। সন্ন্যাসীঠাকুরকে আমার ঘরে নিয়ে যাও; আমি ঠুকে কিছুর ভিক্ষে দিয়ে দেব। আমি চললেম বলে। তোমরা এগোও।

ঠাকুরদাদা। তোমার বড়ো দয়া! তোমার ঘরের এক মূঠো চাল নেবার জন্যে ঠাকুর সাত সিন্দুর পেরিয়ে এসেছেন!

সন্ন্যাসী। বল কী ঠাকুরদা! এক মূঠো চাল যেখানে দুর্লভ সেখান থেকে সেটি নিতে হবে বৈকি! বাবা লক্ষেশ্বর, চলো তোমার ঘরে।

লক্ষেশ্বর। আমি পরে যাচ্ছি, তোমরা এগোও। উপনন্দ, তুমি আগে ওঠো। ওঠো, শীঘ্র ওঠো বলাছি, তোমার পুঁথিপত্র!

উপনন্দ। আচ্ছা, তবে উঠলেম, কিন্তু তোমার সঙ্গে আমার কোনো সম্বন্ধ রইল না।

লক্ষেশ্বর। না থাকলেই যে বাঁচি বাবা! আমার সম্বন্ধে কাজ কী! এতদিন তো আমার বেশ চলে যাচ্ছিল।

উপনন্দ। আমি যে ঋণ স্বীকার করেছিলাম তোমার কাছে এই অপমান সহ্য করেই তার থেকে মুক্তি গ্রহণ করলাম। বাস্, চুকে গেল।

[ প্রস্থান

লক্ষেশ্বর। ওরে! সব ঘোড়সওয়ার আসে কোথা থেকে! রাজা আমার গজমোতর খবর পেলে নাকি! এর চেয়ে উপনন্দ যে ছিল ভালো! এখন কী করি! (সন্ন্যাসীকে ধরিয়ে) ঠাকুর, তোমার পায়ে ধরি, তুমি ঠিক এইখানটিতে বোসো— এই-যে এইখানে— আর-একটু বাঁ দিকে সরে এসো— এই হয়েছে! খুব চেপে বোসো। রাজাই আসুক আর সন্ন্যাসী আসুক তুমি কোনোমতেই এখান থেকে উঠো না। তা হলে আমি তোমাকে খুঁশি করে দেব।

ঠাকুরদাদা। আরে লখা করে কী! হঠাৎ খেপে গেল নাকি!

লক্ষেশ্বর। ঠাকুর, আমি তবে একটু আড়ালে যাই। আমাকে দেখলেই রাজার টাকার কথা মনে পড়ে যায়। শত্রুরা লাগিয়েছে আমি সব টাকা পুতে রেখেছি— শ্রুনে অবধি রাজা যে কত জায়গায় কপ খুঁড়তে আরম্ভ করেছেন তার ঠিকানা নেই। জিজ্ঞাসা করলে বলেন, প্রজাদের জলদান করছেন। কোন্ দিন আমার ভিটেবাড়ির ভিত কেটে জলদানের হুকুম হবে, সেই ভয়ে রাতে ঘুমোতে পারি নে।

[ প্রস্থান

#### রাজদূতের প্রবেশ

রাজদূত। সন্ন্যাসীঠাকুর, প্রণাম হই। আপনিই তো অপূর্বানন্দ?

সন্ন্যাসী। কেউ কেউ আমাকে তাই বলেই তো জানে।

রাজদূত। আপনার অসামান্য ক্ষমতার কথা চার দিকে রাষ্ট্র হয়ে গেছে। আমাদের মহারাজ সোমপাল আপনার সঙ্গে দেখা করতে ইচ্ছা করেন।

সন্ন্যাসী। যখনই আমার প্রতি দৃষ্টিপাত করবেন তখনই আমাকে দেখতে পাবেন।

রাজদূত। আপনি তা হলে যদি একবার—

সন্ন্যাসী। আমি একজনের কাছে প্রতিশ্রুত আছি এইখানেই আমি অচল হয়ে বসে থাকব। অতএব আমার মতো অকিঞ্চন অকর্মণ্যকেও তোমার রাজার যদি বিশেষ প্রয়োজন থাকে তা হলে তাঁকে এইখানেই আসতে হবে।

রাজদূত। রাজোদ্যান অর্থাৎ নিকটেই—এখানেই তিনি অপেক্ষা করছেন।

সন্ন্যাসী। যদি নিকটেই হয় তবে তো তাঁর আসতে কোনো কষ্ট হবে না।

রাজদূত। যে আজ্ঞা, তবে ঠাকুরের ইচ্ছা তাঁকে জানাই গে।

[ প্রস্থান

ঠাকুরদাদা। প্রভু, এখানে রাজসমাগমের সম্ভাবনা হয়ে এল—আমি তবে বিদায় হই।

সন্ন্যাসী। ঠাকুরদা, তুমি আমার শিশু বন্ধুগুলিকে নিয়ে ততক্ষণ আসর জমিয়ে রাখো, আমি বেশি বিলম্ব করব না।

ঠাকুরদাদা। রাজার উৎপাতই ঘটুক আর অরাজকতাই হোক আমি প্রভুর চরণ ছাড়ছি নে।

[ প্রস্থান

#### লক্ষেশ্বরের প্রবেশ

লক্ষেশ্বর। ঠাকুর, তুমিই অপূর্বানন্দ! তবে তো বড়ো অপরাধ হয়ে গেছে। আমাকে মাপ করতে হবে।

সন্ন্যাসী। তুমি আমাকে ভণ্ড তপস্বী বলেছ এই যদি তোমার অপরাধ হয় আমি তোমাকে মাপ করলেম।

লক্ষ্মেশ্বর। বাবাঠাকুর, শৃদ্ধ মাপ করতে তো সকলেই পারে—সে ফাঁকিতে আমার কী হবে। আমাকে একটা-কিছু ভালো রকম বর দিতে হচ্ছে। যখন দেখা পেয়েছি তখন শৃদ্ধ হাতে ফিরছি নে।

সন্ন্যাসী। কী বর চাই?

লক্ষ্মেশ্বর। লোকে যতটা মনে করে ততটা নয়, তবে কিনা আমার অস্পষ্টবস্তু কিছু জমেছে—সে অতি যৎসামান্য—তাতে আমার মনের আকাঙ্ক্ষা তো মিটেছে না। শরৎকাল এসেছে, আর ঘরে বসে থাকতে পারছি নে—এখন বাণিজ্যে বেরতে হবে। কোথায় গেলে সন্নিবিধ হতে পারে আমাকে সেই সন্ধানটি বলে দিতে হবে—আমাকে আর যেন ঘুরে বেড়াতে না হয়।

সন্ন্যাসী। আমিও তো সেই সন্ধানই আছি।

লক্ষ্মেশ্বর। বল কী ঠাকুর।

সন্ন্যাসী। আমি সতাই বলছি।

লক্ষ্মেশ্বর। ও, তবে সেই কথাটাই বলো। বাবা, তোমরা আমাদের চেয়েও সেয়ানা।

সন্ন্যাসী। তার সন্দেহ আছে?

লক্ষ্মেশ্বর। (কাছে ঘেষিয়া বসিয়া মৃদুস্বরে) সন্ধান কিছু পেয়েছ?

সন্ন্যাসী। কিছু পেয়েছি বৈকি। নইলে এমন করে ঘুরে বেড়াব কেন।

লক্ষ্মেশ্বর। (সন্ন্যাসীর পা চাপিয়া ধরিয়া) বাবাঠাকুর, আর-একটু খোলসা করে বলো। তোমার পা ছুঁয়ে বলছি আমিও তোমাকে একেবারে ফাঁকি দেব না। কী খুঁজছ বলো তো, আমি কাউকে বলব না।

সন্ন্যাসী। তবে শোনো। লক্ষ্মী যে সোনার পশ্মটির উপরে পা দখানি রাখেন আমি সেই পশ্মটির খোঁজে আছি।

লক্ষ্মেশ্বর। ও বাবা, সে তো কম কথা নয়! তা হলে যে একেবারে সকল ল্যাঠাই চোকে। ঠাকুর, ভেবে ভেবে এ তো তুমি আচ্ছা বৃন্দী ঠাওরেছ! কোনো গতিকে পশ্মটি যদি জোগাড় করে আন তা হলে লক্ষ্মীকে আর তোমার খুঁজতে হবে না, লক্ষ্মীই তোমাকে খুঁজে বেড়াবেন; এ নইলে আমাদের চণ্ডলা ঠাকুরদুনিটিকে তো জন্দ করবার জো নেই। তোমার কাছে তাঁর পা দখানিই বাঁধা থাকবে। তা, তুমি সন্ন্যাসীমানুষ, একলা-পেরে উঠবে? এতে তো খরচপত্র আছে। এক কাজ করো-না বাবা, আমরা ভাগে ব্যবসা করি।

সন্ন্যাসী। তা হলে তোমাকে যে সন্ন্যাসী হতে হবে। বহুকাল সোনা ছুঁতেই পাবে না।

লক্ষ্মেশ্বর। সে যে শব্দ কথা।

সন্ন্যাসী। সব ব্যবসা যদি ছাড়তে পার তবেই এ ব্যবসা চলবে।

লক্ষ্মেশ্বর। শেষকালে দূর কূল যাবে না তো? যদি একেবারে ফাঁকিতে না পড়ি তা হলে তোমার তপ্পি বয়ে তোমার পিছন পিছন চলতে রাজি আছি। সত্যি বলছি ঠাকুর, কারও কথায় বড়ো সহজে বিশ্বাস করি নে—কিন্তু তোমার কথাটা কেমন মনে লাগছে। আচ্ছা! আচ্ছা রাজি! তোমার চেলাই হব।—ঐ রে, রাজা আসছে! আমি তবে একটু আড়ালে দাঁড়াই গে।

বন্দীগণের গান  
মিষ্ট কানাড়া। ঝাঁপতাল

রাজরাজেন্দ্র জয় জয়তু জয় হে!  
ব্যাপ্ত পরতাপ তব বিশ্বময় হে!  
দৃষ্টদলদলন তব দণ্ড ভয়কারী,  
শত্রুজনদর্পহর দৃষ্ট তরবারি,  
সংকটশরণ্য তুমি দৈন্যদুঃখহারী,  
মুগ্ধ-অবরোধ তব অভ্যুদয় হে!



## রাজার প্রবেশ

রাজা। প্রণাম হই ঠাকুর।

সন্ন্যাসী। জয় হোক। কী বাসনা তোমার?

রাজা। সে কথা নিশ্চয় তোমার অগোচর নৈহ। আমি অখণ্ড রাজ্যের অধীশ্বর হতে চাই প্রভু!

সন্ন্যাসী। তা হলে গোড়া থেকে শূন্য করো। তোমার খণ্ডরাজ্যটি ছেড়ে দাও।

রাজা। পরিহাস নয় ঠাকুর! বিজয়াদিত্যের প্রতাপ আমার অসহ্য বোধ হয়, আমি তার সামন্ত হয়ে থাকতে পারব না।

সন্ন্যাসী। রাজন্, তবে সত্য কথা বলি, আমার পক্ষেও সে ব্যক্তি অসহ্য হয়ে উঠেছে।

রাজা। বল কী ঠাকুর!

সন্ন্যাসী। এক বর্ণও মিথ্যা বলছি নে। তাকে বশ করবার জন্যেই আমি মন্তসাধনা করছি।

রাজা। তাই তুমি সন্ন্যাসী হয়েছ?

সন্ন্যাসী। তাই বটে।

রাজা। মন্তে সিংহলাভ হবে?

সন্ন্যাসী। অসম্ভব নয়।

রাজা। তা হলে ঠাকুর, আমার কথা মনে রেখো। তুমি যা চাও আমি তোমাকে দেব। যদি সে বশ মানে তা হলে আমার কাছে যদি—

সন্ন্যাসী। তা বেশ, সেই চক্রবর্তী সন্ন্যাসীকে আমি তোমার সভায় ধরে আনব।

রাজা। কিন্তু, বিলম্ব করতে ইচ্ছা করছে না। শরৎকাল এসেছে—সকালবেলা উঠে বেতসিনীর জলের উপর যখন আশ্বিনের রৌদ্র পড়ে তখন আমার সৈন্যসামন্ত নিয়ে দিগ্বিজয়ে বেরিয়ে পড়তে ইচ্ছা করে। যদি আশীর্বাদ কর তা হলে—

সন্ন্যাসী। কোনো প্রয়োজন নৈহ; শরৎকালেই আমি তাকে তোমার কাছে সমর্পণ করব, এই তো উপযুক্ত কাল। তুমি তাকে নিয়ে কী করবে?

রাজা। আমার একটা কোনো কাজে লাগিয়ে দেব—তার অহংকার দূর করতে হবে।

সন্ন্যাসী। এ তো খুব ভালো কথা। যদি তার অহংকার চূর্ণ করতে পার তা হলে ভারি খুশি হবে।

রাজা। ঠাকুর, চলো আমার রাজ্যে।

সন্ন্যাসী। সেটি পারছি নে। আমার দলের লোকদের অপেক্ষায় আছি। তুমি যাও বাবা! আমার জন্যে কিছু ভেবো না। তোমার মনের বাসনা যে আমাকে ব্যস্ত করে বলেছে এতে আমার ভারি আনন্দ হচ্ছে। বিজয়াদিত্যের যে এত শত্রু জন্মে উঠেছে তা তো আমি জানতেম না।

রাজা। তবে বিদায় হই। প্রণাম।

[প্রস্থান]

(পুনশ্চ ফিরিয়া আসিয়া) আচ্ছা ঠাকুর, তুমি তো বিজয়াদিত্যকে জান, সত্য করে বলো দেখি, লোকে তার সম্বন্ধে যতটা রটনা করে ততটা কি সত্য?

সন্ন্যাসী। কিছুমাত্র না। লোকে তাকে একটা মন্ত রাজা বলে মনে করে—কিন্তু সে নিতান্তই সাধারণ মানুষের মতো। তার সাজসজ্জা দেখেই লোকে ভুলে গেছে।

রাজা। বল কী ঠাকুর, হা হা হা হা! আমিও তাই ঠাউরেছিলাম। অ্যাঁ! নিতান্তই সাধারণ মানুষ!

সন্ন্যাসী। আমার ইচ্ছা আছে আমি তাকে সেইটে আচ্ছা করে বুঝিয়ে দেব। সে যে রাজার পোশাক পরে ফাঁকি দিয়ে অন্য পাঁচজনের চেয়ে নিজেকে মন্ত একটা-কিছু বলে মনে করে আমি তার সেই ভুলটা একেবারে ঘুচিয়ে দেব।

রাজা। তাই দিয়ো, ঠাকুর, তাই দিয়ো।

সন্ন্যাসী। তার ভণ্ডামি আমার কাছে তো কিছু ঢাকা নেই। বৈশাখ-জ্যৈষ্ঠ মাসে প্রথম বৃষ্টি হলে পর বীজ বোনবার আগে তার রাজ্যে একটা মহোৎসব হয়। সেদিন সব চাষী গৃহস্থেরা বনে গিয়ে সীতার পূজা করে সকলে মিলে বনভোজন করে। সেই চাষাদের সঙ্গে একসঙ্গে পাত পেড়ে খাবার জন্যে বিজয়াদিত্যের প্রাণটা কাঁদে। রাজাই হোক আর যাই হোক, ভিতরে যে চাষাটা আছে সেটা যাবে কোথায়? সেবারে তো সে রাজবেশ ছেড়ে ওদের সঙ্গে বসে যাবার জন্যে থেপে উঠেছিল। কিন্তু ওর মন্ত্রী আর চাকর-বাকরদের মনে রাজাগিরির উচ্চ ভাব ওর চেয়ে অনেক বেশি আছে। তারা হাতে পায়ে ধরে বললে, এ কখনোই হতে পারে না। অর্থাৎ, তাদের এই ভয়টা আছে যে, ঐ ছদ্মবেশটা খুলে ফেললেই আসল মানুষটা ধরা পড়ে যাবে। এইজন্যে বিজয়াদিত্যকে নিয়ে তারা বড়ো ভয়ে ভয়েই থাকে—কোনদিন তার সমস্ত ফাঁস হয়ে যায় এই এক বিষম ভাবনা।

রাজা। ঠাকুর, তুমি সব ফাঁস করে দাও। ও যে মিথ্যে রাজা, ভুয়ো রাজা, সে যেন আর ছাপা না থাকে। ওর বড়ো অহংকার হয়েছে।

সন্ন্যাসী। আমি তো সেই চেষ্টাতেই আছি। তুমি নিশ্চিত থাকো, যতক্ষণ না আমার অভিপ্রায় সিদ্ধ হয় আমি সহজে ছাড়ব না।

রাজা। প্রণাম।

[প্রস্থান]

#### উপনন্দের প্রবেশ

উপনন্দ। ঠাকুর, আমার মনের ভার তো গেল না।

সন্ন্যাসী। কী হল বাবা!

উপনন্দ। মনে করেছিলাম, লক্ষ্মেশ্বর যখন আমাকে অপমান করেছে তখন ওর কাছে আমি আর ঋণ স্বীকার করব না। তাই পুঁথিপত্র নিয়ে ঘরে ফিরে গিয়েছিলাম। সেখানে আমার প্রভুর বীণাটি নিয়ে তার ধুলো ঝাড়তে গিয়ে তারগুলি বেজে উঠল—অমনি আমার মনটার ভিতর যে কেমন হল সে আমি বলতে পারি নে। সেই বীণার কাছে লুটিয়ে পড়ে বুক ফেটে আমার চোখের জল পড়তে লাগল। মনে হল আমার প্রভুর কাছে আমি অপরাধ করেছি। লক্ষ্মেশ্বরের কাছে আমার প্রভু ঋণী হয়ে রইলেন, আর আমি নিশ্চিত হয়ে আছি! ঠাকুর, এ তো আমার কোনো মতেই সহ্য হচ্ছে না। ইচ্ছা করছে আমার প্রভুর জন্যে আজ আমি অসাধ্য কিছু—একটা করি। আমি তোমাকে মিথ্যা বলছি নে, তাঁর ঋণ শোধ করতে যদি আজ প্রাণ দিতে পারি তা হলে আমার খুব আনন্দ হবে—মনে হবে, আজকের এই সুন্দর শরতের দিন আমার পক্ষে সার্থক হল।

সন্ন্যাসী। বাবা, তুমি যা বলছ সত্যি বলছ।

উপনন্দ। ঠাকুর, তুমি তো অনেক দেশ ঘুরেছ, আমার মতো অকর্মণ্যকেও হাজার কার্যপণ দিয়ে কিনতে পারেন এমন মহাত্মা কেউ আছেন? তা হলেই ঋণটা শোধ হয়ে যায়। এ নগরে যদি চেষ্টা করি তা হলে বালক ব'লে, ছোটো জাত ব'লে, সকলে আমাকে খুব কম দাম দেবে।

সন্ন্যাসী। না বাবা, তোমার মূল্য এখানে কেউ বুঝবে না। আমি ভাবছি কী, যিনি তোমার প্রভুকে অত্যন্ত আদর করতেন সেই বিজয়াদিত্য ব'লে রাজাটার কাছে গেলে কেমন হয়।

উপনন্দ। বিজয়াদিত্য? তিনি যে আমাদের সম্রাট!

সন্ন্যাসী। তাই নাকি?

উপনন্দ। তুমি জান না বুঝি?

সন্ন্যাসী। তা হবে। নাহয় তাই হল।

উপনন্দ। আমার মতো ছেলেকে তিনি কি দাম দিয়ে কিনবেন?

সন্ন্যাসী। বাবা, বিনা মূল্যে কেনবার মতো ক্ষমতা তাঁর যদি থাকে তা হলে বিনা মূল্যেই কিনবেন। কিন্তু তোমার ঋণটুকু শোধ করে না দিতে পারলে তাঁর এত ঋণ জমবে যে তাঁর রাজ-ভাণ্ডার লজ্জিত হবে, এ আমি তোমাকে সত্যি বলছি।

উপনন্দ। ঠাকুর, এও কি সম্ভব?

সন্ন্যাসী। বাবা, জগতে কেবল কি এক লক্ষেশ্বরই সম্ভব, তার চেয়ে বড়ো সম্ভাবনা কি আর-কিছুই নেই?

উপনন্দ। আচ্ছা, যদি সে সম্ভব হয় তো হবে, কিন্তু আমি ততদিন পুঁথিগদুলি নকল করে কিছ্ ক'ছ্ শোধ করতে থাকি—নইলে আমার মনে বড়ো গ্লানি হচ্ছে।

সন্ন্যাসী। ঠিক কথা বলেছ বাবা। বোঝা নাথায় তুলে নাও, কারও প্রত্যাশায় ফেলে রেখে সময় বইয়ে দিয়ে না।

উপনন্দ। তা হলে চললেম ঠাকুর। তোমার কথা শুনে আমি মনে কত যে বল পেয়েছি সে আমি বলে উঠতে পারি নে।

সন্ন্যাসী। তোমাকে দেখে আমিও যে কত বল লাভ করেছি সে কথা কেমন করে বুঝবে? এক কাজ করো বাবা, আমার খেলার দলটি ভেঙে গিয়েছে, আবার তাদের সকলকে ডেকে নিয়ে এসো গে।

উপনন্দ। তা আনছি। কিন্তু ঠাকুর, তোমার দলটিকে আমার পুঁথি নকল করার কাজে লাগালে চলবে না। তারা আমার সব নষ্ট করে দেয়; এত খুঁশি হয়ে করে যে বারণ করতেও পারি নে।

। প্রসঙ্গ

#### লক্ষেশ্বরের প্রবেশ

লক্ষেশ্বর। ঠাকুর, অনেক ভেবে দেখলেম—পারব না। তোমার চেলা হওয়া আমার কর্ম নয়। যা পেয়েছি তা অনেক দূরে পেয়েছি, তোমার এক কথায় সব ছেড়েছুড়ে দিয়ে শেষকালে হায় হায় ক'রে মরব! আমার বেশি আশায় কাজ নেই।

সন্ন্যাসী। সে কথাটা বুঝলেই হল।

লক্ষেশ্বর। ঠাকুর, এবার একটুখানি উঠতে হচ্ছে।

সন্ন্যাসী। (উঠিয়া) তা হলে তোমার কাছ থেকে ছুটি পাওয়া গেল!

লক্ষেশ্বর। (মাটি ও শূষ্কপত্র সরাইয়া কোটা বাহির করিয়া) ঠাকুর, এইটুকুর জন্যে আজ সকাল থেকে সমস্ত হিসাব-কিতাব ফেলে রেখে এই জায়গাটার চার দিকে ভূতের মতো ঘুরে বেড়িয়েছি। এই-যে গজমোতি, এ আমি তোমাকেই আজ প্রথম দেখালাম। আজ পর্যন্ত কেবলই এটাকে লুকিয়ে লুকিয়ে বেড়িয়েছি; তোমাকে দেখাতে পেরে মনটা তবু একটু হাল্কা হল। (সন্ন্যাসীর হাতের কাছে অগ্রসর করিয়াই, তাড়াতাড়ি ফিরাইয়া লইয়া) -না, হল না! তোমাকে যে এত বিশ্বাস করলেম, তবু এ জিনিস একটিবার তোমার হাতে তুলে দিই এমন শক্তি আমার নেই। এই-যে আলোতে এটাকে তুলে ধরেছি, আমার বুদ্ধির ভিতরে যেন গুরুগুরু করছে। আচ্ছা ঠাকুর, বিজয়াদিত্য কেমন লোক বলে তো। তাকে বিক্রি করতে গেলে সে তো দাম না দিয়ে এটা আমার কাছ থেকে জোর করে কেড়ে নেবে না? আমার ঐ এক মূর্খকিল হয়েছে। আমি এটা বেচতেও পারছি নে, রাখতেও পারছি নে, এর জন্যে আমার রাতে ঘুম হয় না। বিজয়াদিত্যকে তুমি বিশ্বাস কর?

সন্ন্যাসী। সব সময়েই কি তাকে বিশ্বাস করা যায়?

লক্ষেশ্বর। সেই তো মূর্খকিলের কথা। আমি দেখছি এটা মাটিতেই পোঁতা থাকবে। হঠাৎ কোনদিন মরে যাব, কেউ সন্ধানও পাবে না।

সন্ন্যাসী। রাজাও না, সত্ৰাটও না, ঐ মাটিই সব ফাঁকি দিয়ে নেবে। তোমাকেও নেবে, আমাকেও নেবে।

লক্ষেশ্বর। তা নিক গে, কিন্তু আমার কেবলই ভাবনা হয় আমি মরে গেলে পর কোথা থেকে কে এসে হঠাৎ হয়তো খুঁড়তে খুঁড়তে ওটা পেয়ে যাবে। যাই হোক ঠাকুর, কিন্তু তোমার

মুখে ওই সোনার পশ্মর কথাটা আমার কাছে বড়ো ভালো লাগল। আমার কেমন মনে হচ্ছে, ওটা তুমি হয়তো খুঁজে বের করতে পারবে। কিন্তু তা হোক গে, আমি তোমার চেলা হতে পারব না। প্রণাম।

[ প্রস্থান

#### ঠাকুরদাদার প্রবেশ

সন্ন্যাসী। ঠাকুরদা, আজ অনেক দিন পরে একটি কথা খুব স্পষ্ট বুদ্ধিতে পেরেছি—সেটি তোমাকে খুলে না ব'লে থাকতে পারছি নে।

ঠাকুরদাদা। আমার প্রতি ঠাকুরের বড়ো দয়া!

সন্ন্যাসী। আমি অনেক দিন ভেবেছি জগৎ এমন আশ্চর্য সুন্দর কেন। কিছুই ভেবে পাই নি। আজ স্পষ্ট প্রত্যক্ষ দেখতে পাচ্ছি—জগৎ আনন্দের স্বর্ণ শোধ করছে। বড়ো সহজে করছে না, নিজের সমস্ত শক্তি দিয়ে সমস্ত ত্যাগ করে করছে। সেইজন্যেই ধানের খেত এমন সবুজ ঐশ্বর্যে ভরে উঠেছে, বেতসিনীর নির্মল জল এমন কানায় কানায় পরিপূর্ণ। কোথাও সাধনার এতটুকু বিশ্রাম নেই, সেইজন্যেই এত সৌন্দর্য।

ঠাকুরদাদা। এক দিকে অনন্ত ভাণ্ডার থেকে তিনি কেবলই ঢেলে দিচ্ছেন, আর-এক দিকে কঠিন দুঃখে তারই শোধ চলছে। সেই দুঃখের আনন্দ এবং সৌন্দর্য যে কী সে কথা তোমার কাছে পূর্বেই শুনছি। প্রভু, কেবল এই দুঃখের জোরেই পাওয়ার সঙ্গে দেওয়ার ওজন বেশ সমান থেকে যাচ্ছে, মিলনটি এমন সুন্দর হয়ে উঠেছে।

সন্ন্যাসী। ঠাকুরদা, যেখানে আলসা, যেখানে কৃপণতা, যেখানেই স্বর্ণশোধে ঢিল পড়ে যাচ্ছে, সেইখানেই সমস্ত কুশ্রী, সমস্তই অব্যবস্থা।

ঠাকুরদাদা। সেইখানেই যে এক পক্ষে কম পড়ে যায়, অন্য পক্ষের সঙ্গে মিলন পুরো হতে পায় না।

সন্ন্যাসী। লক্ষ্মী যখন মানবের মর্ত্যলোকে আসেন তখন দুঃখিনী হয়েই আসেন; তাঁর সেই সাধনার তপস্বিনীবেশেই ভগবান মদুগ্ধ হয়ে আছেন; শত দুঃখেরই দলে তাঁর সোনার পশ্ম সংসারে ফুটে উঠেছে, সে খবরটি আজ ঐ উপনন্দের কাছ থেকে পেয়েছি।

#### লক্ষ্মেশ্বরের প্রবেশ

লক্ষ্মেশ্বর। তোমরা চূপিচূপি দুটিতে কী পরামর্শ করছ?

সন্ন্যাসী। আমাদের সেই সোনার পশ্মের পরামর্শ।

লক্ষ্মেশ্বর। আঁ! এরই মধ্যে ঠাকুরদার কাছে সমস্ত ফাঁস করে বসে আছ? বাবা, তুমি এই ব্যাবসাবুদ্ধি নিয়ে সোনার পশ্মর আমদানি করবে? তবেই হয়েছে! তুমি যেই মনে করলে আমি রাজি হলেম না অর্মান তাড়াতাড়ি অন্য অংশীদার খুঁজতে লেগে গেছ! কিন্তু এ-সব কি ঠাকুরদার কর্ম? ওঁর পুঞ্জিই বা কী?

সন্ন্যাসী। তুমি খবর পাও নি। কিন্তু একেবারে পুঞ্জি নেই তা নয়! ভিতরে ভিতরে জমিয়েছে।

লক্ষ্মেশ্বর। (ঠাকুরদাদার পিঠ চাপড়াইয়া) সত্যি না কি ঠাকুরদা? বড়ো তো ফাঁকি দিয়ে আসছ। তোমাকে তো চিনতেম না। লোকে আমাকেই সন্দেহ করে, তোমাকে তো স্বয়ং রাজাও সন্দেহ করে না। তা হলে এত দিনে খানাতল্লাশি পড়ে যেত। আমি তো, দাদা, গুপ্তচরের ভয়ে ঘরে চাকর-বাকর রাখি নে।

ঠাকুরদাদা। তবে যে আজ সকালে ছেলে তাড়াবার বেলায় উদ্বাস্বরে চোবে, তেওয়ারি, গিরখারিলালকে হাঁক পাড়িছিলে!

লক্ষ্মেশ্বর। যখন নিশ্চয় জানি হাঁক পাড়লেও কেউ আসবে না, তখন উদ্বাস্বরের জোরেই

আসর গরম করে তুলতে হয়। কিন্তু ব'লে তো ভালো করলেম না। মানুষের সঙ্গে কথা কবার তো বিপদই ঐ। সেইজন্যই কারও কাছে ঘেঁষি নে। দেখো দাদা, ফাঁস করে দিয়ে না!

ঠাকুরদাদা। ভয় নেই তোমার।

লক্ষেশ্বর। ভয় না থাকলেও তবু ভয় ঘোচে কই। যা হোক ঠাকুর, একা ঠাকুরদাকে নিয়ে অতবড়ো কাজটা চলবে না। আমরা নাহয় তিন জনেই অংশীদার হব। ঠাকুরদা আমাকে ফাঁকি দিয়ে জিতে নেবে সেটি হচ্ছে না। আচ্ছা ঠাকুর, তবে আমিও তোমার চেলা হতে রাজি হলেম।—ঐ-যে ঝাঁকে ঝাঁকে মানুষ আসছে! ঐ দেখছ না দূরে? আকাশে যে ধুলো উড়িয়ে দিয়েছে! সবাই খবর পেয়েছে স্বামী অপূর্বানন্দ এসেছেন। এবার পায়ের ধুলো নিয়ে তোমার পায়ের তেলো হাঁটু পর্যন্ত খইয়ে দেবে। যাই হোক, তুমি ষেরকম আলগা মানুষ দেখছি, সেই কথাটা আর কারও কাছে ফাঁস কোরো না—অংশীদার আর বাড়িয়ে না। কিন্তু ঠাকুরদা, লাভ-লোকসানের ঝুঁকি তোমাকেও নিতে হবে; অংশীদার হলেই হয় না; সব কথা ভেবে দেখো।

[ প্রস্থান

সন্ন্যাসী। ঠাকুরদা, আর তো দেরি করলে চলবে না। লোকজন জুটতে আরম্ভ করেছে, 'পদ্রু দাও' 'ধন দাও' করে আমাকে একেবারে মাটি করে দেবে। ছেলেগদূলিকে এইবেলা ডাকো। তারা ধন চায় না, পদ্রু চায় না, তাদের সঙ্গে খেলা জুড়ে দিলেই পদ্রুধনের কাঙালরা আমাকে ত্যাগ করবে।

ঠাকুরদাদা। ছেলেদের আর ডাকতে হবে না। ওই-যে আওয়াজ পাওয়া যাচ্ছে। এল ব'লে।

লক্ষেশ্বরের পদ্রুঃপ্রবেশ

লক্ষেশ্বর। না বাবা, আমি পারব না! ভালো বদ্বতে পারছি নে। ও-সবে আমার কাজ নেই—আমার যা আছে সেই ভালো। কিন্তু তুমি আমাকে কী যেন মন্ত্র করেছে তোমার কাছ থেকে না পালালে আমার তো রক্ষে নেই। তুমি ঠাকুরদাকে নিয়েই কারবার করো, আমি চললেম।

[ দ্রুত প্রস্থান

ছেলেদের প্রবেশ

ছেলেরা। সন্ন্যাসীঠাকুর! সন্ন্যাসীঠাকুর!

সন্ন্যাসী। কী বাবা!

ছেলেরা। তুমি আমাদের নিয়ে খেলো।

সন্ন্যাসী। সে কি হয় বাবা। আমার কি সে ক্ষমতা আছে? তোমরা আমাকে নিয়ে খেলাও!

ছেলেরা। কী খেলা খেলবে?

সন্ন্যাসী। আমরা আজ শারদোৎসব খেলব।

প্রথম বালক। সে বেশ হবে।

দ্বিতীয় বালক। সে বেশ মজা হবে।

তৃতীয় বালক। সে কী খেলা ঠাকুর?

চতুর্থ বালক। সে কেমন করে খেলতে হয়?

সন্ন্যাসী। তবে এক কাজ করো। ঐ কাশবন থেকে কাশ তুলে নিয়ে এসো। আঁচল ভরে ধানের মঞ্জরী আনতে হবে। আর, তোমরা আজ শিউলিফুলের মালা গাঁথে ঐখানে ফেলে রেখে গেছ, সেগুলো নিয়ে এসো।

প্রথম বালক। কী করতে হবে ঠাকুর?

সন্ন্যাসী। আমাকে তোমরা সাজিয়ে দেবে—আমি হব শারদোৎসবের পদ্রুহিত।

সকলে। (হাততালি দিয়া) হাঁ, হাঁ, হাঁ! সে বড়ো মজাই হবে।

[ কাশগুচ্ছ প্রভৃতি আনিয়া ছেলেরা সকলে মিলিয়া সন্ন্যাসীকে সাজাইতে প্রবৃত্ত হইল

একদল লোকের প্রবেশ

প্রথম ব্যক্তি। ওরে ছোঁড়াগুলো, সন্ন্যাসী কোথায় গেল রে?

দ্বিতীয় ব্যক্তি। কই বাবা, সন্ন্যাসী কই।

বালকগণ। এই-যে আমাদের সন্ন্যাসী।

প্রথম ব্যক্তি। ও তো তাদের খেলার সন্ন্যাসী! সত্যিকার সন্ন্যাসী কোথায় গেলেন?

সন্ন্যাসী। সত্যিকার সন্ন্যাসী কি সহজে মেলে? আমি এই ছেলেদের সঙ্গে মিলে সন্ন্যাসী-সন্ন্যাসী খেলছি।

প্রথম ব্যক্তি। ও তোমার কী রকম খেলা গা!

দ্বিতীয় ব্যক্তি। ওতে যে অপরাধ হবে।

তৃতীয় ব্যক্তি। ফেলো ফেলো, তোমার জটা ফেলো!

চতুর্থ ব্যক্তি। দেখো-না, আবার গেরদুয়া পরেছে!

সন্ন্যাসী। জটাও ফেলব, গেরদুয়াও ছাড়ব, সবই হবে, খেলাটা সম্পূর্ণ হয়ে যাক।

প্রথম ব্যক্তি। তবে যে আমাদের কে একজন বললে কোথাকার কোন একজন স্বামী এসেছে!

সন্ন্যাসী। যদি-বা এসে থাকে তাকে দিয়ে তোমাদের কোনো কাজ হবে না।

দ্বিতীয় ব্যক্তি। কেন? সে ভণ্ড নাকি?

সন্ন্যাসী। তা নয় তো কী?

তৃতীয় ব্যক্তি। বাবা, তোমার চেহারাটি কিন্তু ভালো। তুমি মন্ত্রতন্ত্র কিছু শিখেছ?

সন্ন্যাসী। শেখবার ইচ্ছা তো আছে, কিন্তু শেখায় কে?

তৃতীয় ব্যক্তি। একটি লোক আছে বাবা—সে থাকে ভৈরবপুত্রে, লোকটা বেতালসিদ্ধ। একটি লোকের ছেলে মারা যাচ্ছিল, তার বাপ এসে ধরে পড়তেই লোকটা করলে কী, সেই ছেলেটার প্রাণ-পদ্রুবে একটা নেকড়ে বাঘের মধ্যে চালান করে দিলে। বললে বিশ্বাস করবে না—ছেলেটা মল বটে, কিন্তু নেকড়েটা আজও দিবা বেঁচে আছে। না, হাসছ কী? আমার সম্বন্ধী স্বচক্ষে দেখে এসেছে। সেই নেকড়েটাকে মারতে গেলে বাপ লাঠি হাতে ছুটে আসে। তাকে দু-বেলা ছাগল খাইয়ে লোকটা ফতুর হয় গেল। বিদ্যে যদি শিখতে চাও, তো সেই সন্ন্যাসীর কাছে যাও।

প্রথম ব্যক্তি। ওরে চল রে, বেলা হয়ে গেল। সন্ন্যাসী-ফন্ন্যাসী সব মিথো। সে কথা আমি তো তখনই বলেছিলাম। আজকালকার দিনে কি আর সেরকম যোগবল আছে!

দ্বিতীয় ব্যক্তি। সে তো সত্যি। কিন্তু আমাকে যে কালদূর মা বললে, তার ভাগনে নিজের চক্ষে দেখে এসেছে, সন্ন্যাসী এক টান গাঁজা টেনে কলকেটা যেমনি উপড় করলে অমনি তার মধ্যে থেকে এক ভাঁড় মদ আর একটা আস্ত মড়ার মাথার খুঁলি বেরিয়ে পড়ল।

তৃতীয় ব্যক্তি। বল কী, নিজের চক্ষে দেখেছে?

দ্বিতীয় ব্যক্তি। হাঁ রে, নিজের চক্ষে বৈকি।

তৃতীয় ব্যক্তি। আছে রে আছে, সিদ্ধপদ্রুপ আছে; ভাগ্যে যদি থাকে, তবে তো দর্শন পাব। তা, চল-না ভাই, কোন্ দিকে গেল একবার দেখে আসি গে।

[প্রস্থান]

সন্ন্যাসী। (বালকদের প্রতি) বাবা, আজ যে তোমাদের সব সোনার রঙের কাপড় পরতে হবে। ছেলেরা। সোনার রঙের কাপড় কেন ঠাকুর?

সন্ন্যাসী। বাইরে যে আজ সোনা ঢেলে দিয়েছে। তারই সঙ্গে আমাদেরও আজ অন্তরে বাইরে মিলে যেতে হবে তো—নইলে এই শরতের উৎসবে আমরা যোগ দিতে পারব কী করে? আজ এই আলোর সঙ্গে আকাশের সঙ্গে মিলব বলেই তো উৎসব।

ছেলেরা। সোনার রঙের কাপড় কোথায় পাব ঠাকুর?

সন্ন্যাসী। ঐ বেতসিনীর ধার দিয়ে যাও। যেখানে বটতলায় পোড়ো মন্দিরটা আছে সেই মন্দিরটায় সমস্ত সাজানো আছে। ঠাকুরদা, তুমি এদের সাজিয়ে আনো গে!

ঠাকুরদাদা। তবে চলো সবাই।

[প্রস্থান

সন্ন্যাসী।

গান

রামকেলি। কাওয়ালি

নবকুন্দধবলদল-সুশীতলা  
অতিসুদূর্নির্মলা, সুখসমুজ্জ্বলা  
শুভ সুবর্ণ-আসনে অচঞ্চলা।  
স্মিত উদয়ারুণ-কিরণ-বিলাসিনী  
পূর্ণসিতাংশু-বিভাস-বিকাশিনী  
নন্দনলক্ষ্মী সুমংগলা।

লক্ষ্মেশ্বরের প্রবেশ

লক্ষ্মেশ্বর। দেখো ঠাকুর, তোমার মন্তর যদি ফিরিয়ে না নাও তো ভালো হবে না বলছি! কী মূর্খকির্লেই ফেলেছ! আমার হিসেবের খাতা মাটি হয়ে গেল! একবার মনটা বলে যাই সোনার পদ্মের খোঁজে, আবার বলি থাক্ গে ও-সব বাজে কথা! একবার মনে ভাবি এবার বুদ্ধি তবে ঠাকুরদাই জিতলে বা, আবার ভাবি মরুক গে ঠাকুরদা! ঠাকুর, এ তো ভালো কথা নয়! চেলা-ধরা ব্যাবসা দেখছি তোমার। কিন্তু, সে হবে না, কোনোমতেই হবে না! চুপ করে হাসছ কী? আমি বলছি আমাকে পারবে না—আমার শক্ত হাড়! লক্ষ্মেশ্বর কোনোদিন তোমার চেলাগিরিতে ভিড়বে না।

[প্রস্থান

ফুল লইয়া ছেলেদের প্রবেশ

সন্ন্যাসী। এবার অর্ঘ্য সাজানো যাক। এ যে টগর, এই বুদ্ধি মালতী, শেফালিকাও অনেক এনেছ দেখছি! সমস্তই শূদ্র, শূদ্র, শূদ্র! বাবা, এইবার সব দাঁড়াও। একবার পূর্ব আকাশে দাঁড়িয়ে বেদমন্ত্র পড়ে নিই।

বেদমন্ত্র

অক্ষি দুঃখোখিতসৈব সুপ্রসন্নো কনীনিকে।  
আংক্তে চাদ্গণং নাস্তি ঋতুনাং তন্নিবোধত।  
কনকাভানি বাসাংসি অহতানি নিবোধত।  
অন্নমশ্নতী মজ্জমীত অহং বো জীবনপ্রদঃ।  
এতা বাচঃ প্রযুক্ত্যন্তে শরদ্যন্তোপদৃশ্যতে।

এবারে সকলে মিলে তোমাদের শারদোৎসবের আবাহন-গানটি গাইতে গাইতে বনপথ প্রদক্ষিণ করে এসো। ঠাকুরদা, তুমি গানটি ধরিয়ে দাও। তোমাদের উৎসবের গানে বনলক্ষ্মীদের জাগিয়ে দিতে হবে।

গান

মিশ্র রামকেলি। একতারা

আমরা বেঁধেছি কাশের গুচ্ছ, আমরা  
গেঁথেছি শেফালিমালা।  
নবীন ধানের মঞ্জরী দিয়ে  
সাজিয়ে এনেছি ডাঙ্গা।

এসো গো শারদলক্ষ্মী, তোমার  
 শূদ্র মেঘের রথে,  
 এসো নির্মল নীল পথে,  
 এসো ধৌত শ্যামল আলো-ঝলমল  
 বনগিরি-পর্বতে।  
 এসো মৃকুটে পরিয়া শ্বেত শতদল  
 শীতল-শিশির-ঢালা।  
 ঝরা মালতীর ফুলে  
 আসন বিছানো নিভৃত কুঞ্জে  
 ভরা গঙ্গার কূলে,  
 ফিরিছে মরাল ডানা পাতিবারে  
 তোমার চরণমূলে।  
 গুঞ্জরতান তুলিয়ো তোমার  
 সোনার বীণার তারে  
 মৃদু মধু ঝংকারে,  
 হাসিঢালা সুর গলিয়া পড়িবে  
 ক্ষণিক অশ্রুধারে।  
 রহিয়া রহিয়া যে পরশমাণি  
 ঝলকে অলককোণে  
 পলকের তরে স্করুণ করে  
 বদায়ে বদায়ে মনে—  
 সোনা হয়ে যাবে সকল ভাবনা,  
 • অঁধার হইবে আলা।

সম্মাসী। পেঁপেচেছে, তোমাদের গান আজ একেবারে আকাশের পারে গিয়ে পেঁপেচেছে! ন্বার  
 খুলেছে তাঁর! দেখতে পাচ্ছ কি শারদা বেরিয়েছেন? দেখতে পাচ্ছ না? দূরে দূরে, সে অনেক  
 দূরে, বহু বহু দূরে! সেখানে চোখ যে যায় না! সেই জগতের সকল আরম্ভের প্রান্তে, সেই উদয়া-  
 চলের প্রথমতম শিখরটির কাছে! যেখানে প্রতিদিন উষার প্রথম পদক্ষেপটি পড়লেও তবু তাঁর  
 আলো চোখে এসে পেঁপেছ না, অথচ ভোরের অন্ধকারের সর্বাঙ্গে কাঁটা দিয়ে ওঠে—সেই অনেক  
 অনেক দূরে! সেইখানে হৃদয়টি মেলে দিয়ে স্তম্ভ হয়ে থাকো, ধীরে ধীরে একটু একটু করে  
 দেখতে পাবে। আমি ততক্ষণ আগমনীর গানটি গাইতে থাকি।

#### গান

##### ভৈরবী। একতাল

লেগেছে অমল ধবল পালে  
 মন্দ মধুর হাওয়া।  
 দেখি নাই কভু দেখি নাই  
 এমন তরণী বাওয়া।  
 কোন্ সাগরের পার হতে আনে  
 কোন্ স্দুরের ধন!  
 ভেসে যেতে চায় মন,  
 ফেলে যেতে চায় এই কিনারায়  
 সব চাওয়া সব পাওয়া!



পিছনে ঝরিছে ঝরো ঝরো জল,  
 গদরু গদরু দেয়া ডাকে—  
 মৃখে এসে পড়ে অরুণকিরণ  
 ছিন্ন মেঘের ফাঁকে।  
 ওগো কান্ডারী, কে গো তুমি, কার  
 হাসিকান্নার ধন—  
 ভেবে মরে মোর মন  
 কোন্ সুরে আজ বাঁধবে যন্ত্র,  
 কী মন্ত্র হবে গাওয়া!

এবারে আর দেখতে পাই নি বলবার জো নেই।

প্রথম বালক। কই ঠাকুর, দেখিয়ে দাও-না।

সন্ন্যাসী। ঐ-যে সাদা মেঘ ভেসে আসছে।

দ্বিতীয় বালক। হাঁ হাঁ, ভেসে আসছে।

তৃতীয় বালক। হাঁ, আমিও দেখেছি।

সন্ন্যাসী। ঐ-যে আকাশ ভরে গেল!

প্রথম বালক। কিসে?

সন্ন্যাসী। কিসে! এই তো স্পষ্টই দেখা যাচ্ছে আলোতে, আনন্দে! বাতাসে শিশিরের পরশ  
 পাচ্ছ না?

দ্বিতীয় বালক। হাঁ, পাচ্ছি।

সন্ন্যাসী। তবে আর-কি! চক্ষু সার্থক হয়েছে, শরীর পবিত্র হয়েছে, মন প্রশান্ত হয়েছে!  
 এসেছেন, এসেছেন, আমাদের মাঝখানেই এসেছেন! দেখছ না বেতসিনী নদীর ভাবটা! আর, ধানের  
 খেত কী রকম চঞ্চল হয়ে উঠেছে! গাও গাও, ঠাকুরদা, বরণের গানটা গাও!

ঠাকুরদাদা।

গান

আলোয়া। একতারা

আমার নয়ন-ভুলানো এলে!

আমি কী হেরিলাম হৃদয় মেলে!

সন্ন্যাসী। বাও বাবা, তোমরা সমস্ত বনে বনে নদীর ধারে ধারে গেয়ে এসো গে।

[ছেলেদের গাহিতে গাহিতে প্রস্থান]

ঠাকুরদাদা। প্রভু, আমি যে একেবারে ডুবে গিয়েছি। ডুবে গিয়ে তোমার এই পায়ের তলাটিতে  
 এসে ঠেকেছি। এখান থেকে আর নড়তে পারব না।

লক্ষ্মেশ্বরের প্রবেশ

ঠাকুরদাদা। এ কী হল! লখা গেরুয়া ধরেছে যে!

লক্ষ্মেশ্বর। সন্ন্যাসী ঠাকুর, এবার আর কথা নেই। আমি তোমারই চেলা। এই নাও আমার  
 গজমোতির কোঁটো—এই আমার মণিমাণিক্যের পেটিকা তোমারই কাছে রইল। দেখো ঠাকুর,  
 সাবধানে রেখো।

সন্ন্যাসী। তোমার এমন মতি কেন হল লক্ষ্মেশ্বর?

লক্ষ্মেশ্বর। সহজে হয় নি প্রভু! সন্ধ্যাট বিজয়াদিত্যের সৈন্য আসছে। এবার আমার ঘরে কি  
 আর কিছু থাকবে? তোমার গায়ে তো কেউ হাত দিতে পারবে না, এ সমস্ত তোমার কাছেই  
 রাখলেম। তোমার চেলাকে তুমি রক্ষা করো বাবা, আমি তোমার শরণাগত।

রাজার প্রবেশ

রাজা। সম্ম্যাসীঠাকুর!

সম্ম্যাসী। বোসো বোসো, তুমি যে হাঁপিয়ে পড়েছ! একটু বিশ্রাম করো।

রাজা। বিশ্রাম করবার সময় নেই। ঠাকুর, চরের মুখে সংবাদ পাওয়া গেল যে, বিজয়াদিত্যের পতাকা দেখা দিয়েছে—তাঁর সৈন্যদল আসছে!

সম্ম্যাসী। বল কী! বোধ হয় শরৎকালের আনন্দে তাঁকে আর ঘরে টিকতে দেয় নি, তিনি রাজ্যবিস্তার করতে বেরিয়েছেন।

রাজা। কী সর্বনাশ! রাজ্যবিস্তার করতে বেরিয়েছেন!

সম্ম্যাসী। বাবা, এতে দুঃখিত হলে চলবে কেন? তুমিও তো রাজ্যবিস্তার করবার জন্যে বেরোবার উদ্যোগে ছিলে।

রাজা। না, সে হল স্বতন্ত্র কথা। তাই বলে আমার এই রাজ্যটুকুতে—তা, সে যাই হোক, আমি তোমার শরণাগত! এই বিপদ হতে আমাকে বাঁচাতেই হবে, বোধ হয় কোনো দুঃশূলোক তাঁর কাছে লাগিয়েছে যে আমি তাঁকে লঙ্ঘন করতে ইচ্ছা করছি; তুমি তাঁকে বোলো সে কথা সম্পূর্ণ মিথ্যা, সর্বৈব মিথ্যা! আমি কি এমনি উন্মত্ত! আমার রাজচক্রবর্তী হবার দরকার কী! আমার শক্তিই বা এমন কী আছে!

সম্ম্যাসী। ঠাকুরদা!

ঠাকুরদাদা। কী প্রভু?

সম্ম্যাসী। দেখো, আমি কোপীন পরে এবং গদুটিকতক ছেলেকে মাত্র নিয়ে শারদোৎসব কেমন জমিয়ে তুলেছিলাম, আর ঐ চক্রবর্তী-সম্রাটটা তার সমস্ত সৈন্যসামন্ত নিয়ে এমন দুর্লভ উৎসব কেবল নষ্টই করতে পারে! লোকটা কিরকম দুর্ভাগা দেখেছ!

রাজা। চূপ করো, চূপ করো ঠাকুর! কে আবার কোন্ দিক থেকে শুনতে পাবে!

সম্ম্যাসী। ঐ বিজয়াদিত্যের পরে আমার—

রাজা। আরে চূপ, চূপ! তুমি সর্বনাশ করবে দেখাছ! তার প্রতি তোমার মনের ভাব যাই থাকে সে তুমি মনেই রেখে দাও।

সম্ম্যাসী। তোমার সঙ্গে পূর্বেও তো সে বিষয়ে কিছু আলোচনা হয়ে গেছে।

রাজা। কী মর্শ্বালকেই পড়লেম! সে-সব কথা কেন ঠাকুর! সে এখন থাক-না—ওহে লক্ষেশ্বর, তুমি এখানে বসে বসে কী শুনছ! এখান থেকে যাও-না।

লক্ষেশ্বর। মহারাজ, যাই এমন আমার সাধ্য কী আছে? একেবারে পাথর দিয়ে চেপে রেখেছে। যমে না নড়ালে আমার আর নড়চড় নেই। নইলে মহারাজের সামনে আমি যে ইচ্ছাসুখে বসে থাকি এমন আমার স্বভাবই নয়।

বিজয়াদিত্যের অমাত্যগণের প্রবেশ

মন্ত্রী। জয় হোক মহারাজাধিরাজচক্রবর্তী বিজয়াদিত্য!

[ভূমিষ্ঠ হইয়া প্রণাম

রাজা। আরে, করেন কী! করেন কী! আমাকে পরিহাস করছেন নাকি? আমি বিজয়াদিত্য নই। আমি তাঁর চরণাশ্রিত সামন্ত সোমপাল।

মন্ত্রী। মহারাজ, সময় তো অতীত হয়েছে, এক্ষণে রাজধানীতে ফিরে চলুন।

সম্ম্যাসী। ঠাকুরদা, পূর্বেই তো বলেছিলাম পাঠশালা ছেড়ে পালিয়েছি, কিন্তু গুরুমশায় পিছন পিছন তাড়া করেছেন।

ঠাকুরদাদা। প্রভু, এ কী কান্ড! আমি তো স্বপ্ন দেখছি নে?

সম্ম্যাসী। স্বপ্ন তুমিই দেখছ কি এঁরাই দেখছেন তা নিশ্চয় করে কে বলবে?

ঠাকুরদাদা। তবে কি—

সন্ন্যাসী। হাঁ, এ'রা কয়জনে আমাকে বিজয়াদিত্য ব'লেই তো জানেন।

ঠাকুরদাদা। প্রভু, আমিই তো তবে জিতছি। এই কয় দণ্ডে আমি তোমার যে পরিচয়টি পেয়েছি তা এ'রা পর্যন্ত পান নি। কিন্তু বড়ো সংকটে ফেললে তো ঠাকুর!

লক্ষ্মেশ্বর। আমিও বড়ো সংকটে পড়েছি মহারাজ! আমি সন্ন্যাসীর হাত থেকে বাঁচবার জন্যে সন্ন্যাসীর হাতে ধরা দিয়েছি, এখন আমি যে কার হাতে আছি সেটা ভেবেই পাচ্ছি নে।

রাজা। মহারাজ, দাসকে কি পরীক্ষা করতে বেরিয়েছিলেন?

সন্ন্যাসী। না সোমপাল, আমি নিজের পরীক্ষাতেই বেরিয়েছিলেম।

রাজা। (জোড়হস্তে) এই অপরাধীর প্রতি মহারাজের কী বিধান?

সন্ন্যাসী। বিশেষ কিছুই না। তোমার কাছে যে-কয়টা বিষয়ে প্রতিশ্রুত আছি সে আমি সেরে দিয়ে যাব।

রাজা। আমার কাছে আবার প্রতিশ্রুত!

সন্ন্যাসী। তার মধ্যে একটা তো উদ্ধার করেছি। বিজয়াদিত্য যে তোমাদের সকলের সমান, সে যে নিতান্ত সাধারণ মানুষ, সেটা তো ফাঁস হয়েই গেছে। নিজের এই পরিচয়টুকু পাবার জন্যেই রাজতন্ত ছেড়ে সন্ন্যাসী সেজে সকল লোকের মাঝখানে নেবে এসেছিলেম। এখন তোমার একটা কিছু কাজ করে দিয়ে যাব এই প্রতিশ্রুতিটি রক্ষা করতে হবে। বিজয়াদিত্যকে তোমার সভায় আজই হাজির করে দেব—তাকে দিয়ে তোমার কোন্ কাজ করাতে চাও বলো।

রাজা। (নতশিরে) তাঁকে দিয়ে আমার অপরাধ মার্জনা করাতে চাই।

সন্ন্যাসী। তা, বেশ কথা। আমাকে যদি সন্ন্যাসী ব'লে মান তবে আমার সম্বন্ধে তোমার যা কিছু অপরাধ সে রাজকার্যেরই ত্রুটি। সেরকম যদি কিছু ঘটে থাকে তবে আমি কয়েকদিন তোমার রাজ্যে থেকে সে-সমস্তই স্বহস্তে মার্জনা করে দিয়ে যাব।

রাজা। মহারাজ, আপনি যে শরতের বিজয়যাত্রায় বেরিয়েছেন আজ তার পরিচয় পাওয়া গেল। আজ এমন হার আনন্দে হেরেছি, কোনো যুদ্ধে এমনটি ঘটতে পারত না। আমি যে আপনার অধীন এই গৌরবই আমার সকল যুদ্ধজয়ের চেয়ে বড়ো হয়ে উঠেছে। কী করলে আমি রাজত্ব করবার উপযুক্ত হব সেই উপদেশটি চাই।

সন্ন্যাসী। উপদেশটি কথায় ছোটো, কাজে অত্যন্ত বড়ো। রাজা হতে গেলে সন্ন্যাসী হওয়া চাই।

রাজা। উপদেশটি মনে রাখব, পেরে উঠব ব'লে ভরসা হয় না।

লক্ষ্মেশ্বর। আমাকেও ঠাকুর—না না, মহারাজ, ঐ-রকম একটা কী উপদেশ দিয়েছিলেন, সে আমি পেরে উঠলেন না, বোধ করি মনে রাখতেও পারব না।

সন্ন্যাসী। উপদেশে বোধ করি তোমার বিশেষ প্রয়োজন নেই।

লক্ষ্মেশ্বর। আজ্ঞা না।

#### উপনন্দের প্রবেশ

উপনন্দ। ঠাকুর! একি, রাজা যে! এরা সব কারা!

[ পলায়নোদ্যম ]

সন্ন্যাসী। এসো, এসো, বাবা, এসো কী বলছিলে বলো। (উপনন্দ নিরুত্তর) এ'দের সামনে বলতে লজ্জা করছ? আচ্ছা, তবে সোমপাল একটু অবসর নাও। তোমরাও—

উপনন্দ। সে কী কথা! ইনি যে আমাদের রাজা, এ'র কাছে আমাকে অপরাধী কোরো না। আমি তোমাকে বলতে এসেছিলেম, এই কদিন পুঁথি লিখে আজ তার পারিশ্রমিক তিন কাহন পেয়েছি। এই দেখো।

সন্ন্যাসী। আমার হাতে দাও বাবা! তুমি ভাবছ এই তোমার বহুমূল্য তিন কাষাপণ আমি

লক্ষ্মেশ্বরের হাতে ঋণশোধের জন্য দেব? এ আমি নিজে নিলেম। আমি এখানে শারদার উৎসব করছি, এ আমার তারই দক্ষিণা। কী বলো বাবা?

উপনন্দ। ঠাকুর, তুমি নেবে!

সন্ন্যাসী। নেব বৈকি। তুমি ভাবছ সন্ন্যাসী হয়েছি ব'লেই আমার কিছুতে লোভ নেই? এ-সব জিনিসে আমার ভারি লোভ।

লক্ষ্মেশ্বর। সর্বনাশ! তবেই হয়েছে! ডাইনের হাতে পুত্র সমর্পণ করে বসে আছি দেখছি।

সন্ন্যাসী। ওগো শ্রেষ্ঠী!

শ্রেষ্ঠী। আদেশ করুন।

সন্ন্যাসী। এই লোকটিকে হাজার কার্ষাপণ গুনে দাও।

শ্রেষ্ঠী। যে আদেশ।

উপনন্দ। তবে ইনিই কি আমাকে কিনে নিলেন?

সন্ন্যাসী। উনি তোমাকে কিনে নেন গুঁর এমন সাধ্য কী! তুমি আমার।

উপনন্দ। (পা জড়াইয়া ধরিয়া) আমি কোন্ পুণ্য করেছিলাম যে আমার এমন ভাগ্য হল!

সন্ন্যাসী। ওগো সদ্ভূতি!

মন্ডী। আশ্চর্য!

সন্ন্যাসী। আমার পুত্র নেই ব'লে তোমরা সর্বদা আক্ষেপ করত। এবারে সন্ন্যাসধর্মের জোরে এই পুত্রটি লাভ করেছি।

লক্ষ্মেশ্বর। হায় হায়, আমার বয়স বেশি হয়ে গেছে ব'লে কী সন্যোগটাই পেরিয়ে গেল!

মন্ডী। বড়ো আনন্দ! তা, ইনি কোন্ রাজগৃহে—

সন্ন্যাসী। ইনি যে গৃহে জন্মেছেন সে গৃহে জগতের অনেক বড়ো বড়ো বীর জন্মগ্রহণ করেছেন—পুঁরাণ-ইতিহাস খুঁজে সে আমি তোমাকে পরে দেখিয়ে দেব। লক্ষ্মেশ্বর!

লক্ষ্মেশ্বর। কী আদেশ?

সন্ন্যাসী। বিজয়াদিত্যের হাত থেকে তোমার মণিমাণিক্য আমি রক্ষা করছি; এই তোমাকে ফিরে দিলেম।

লক্ষ্মেশ্বর। মহারাজ, যদি গোপনে ফিরিয়ে দিতেন তা হলেই যথার্থ রক্ষা করতেন, এখন রক্ষা করে কে!

সন্ন্যাসী। এখন বিজয়াদিত্য স্বয়ং রক্ষা করবেন, তোমার ভয় নেই। কিন্তু, তোমার কাছে আমার কিছু প্রাপ্য আছে।

লক্ষ্মেশ্বর। সর্বনাশ করলে!

সন্ন্যাসী। ঠাকুরদা সাক্ষী আছেন।

লক্ষ্মেশ্বর। এখন সকলেই মিথ্যে সাক্ষ্য দেবে।

সন্ন্যাসী। আমাকে ভিক্ষা দিতে চেয়েছিলে। তোমার কাছে এক মূঠো চাল পাওনা আছে। রাজার মূর্খি কি ভরাতে পারবে?

লক্ষ্মেশ্বর। মহারাজ, আমি সন্ন্যাসীর মূর্খি দেখেই কথাটা পেড়েছিলাম।

সন্ন্যাসী। তবে তোমার ভয় নেই, যাও।

লক্ষ্মেশ্বর। মহারাজ, ইচ্ছে করেন যদি তবে এইবার কিছু উপদেশ দিতে পারেন।

সন্ন্যাসী। এখনো দেরি আছে।

লক্ষ্মেশ্বর। তবে প্রণাম হই। চার দিকে সকলেই কোঁটোটার দিকে বস্তু তাকাচ্ছে।

[প্রস্থান]

সন্ন্যাসী। রাজা সোমপাল, তোমার কাছে আমার একটি প্রার্থনা আছে।

রাজা। সে কী কথা! সমস্তই মহারাজের, যে আদেশ করবেন—

সন্ন্যাসী। তোমার রাজ্য থেকে আমি একটি বন্দী নিয়ে যেতে চাই।

রাজা। যাকে ইচ্ছা নাম করুন, সৈন্য পাঠিয়ে দিচ্ছি। নাহয় আমি নিজেই যাব।

সন্ন্যাসী। বেশি দূরে পাঠাতে হবে না। (ঠাকুরদাদাকে দেখাইয়া) তোমার এই প্রজাটিকে চাই।

রাজা। কেবলমাত্র এঁকে! মহারাজ যদি ইচ্ছা করেন তবে আমার রাজ্যে যে শ্রুতিধর স্মৃতি-ভূষণ আছেন তাঁকে আপনার সভায় নিয়ে যেতে পারেন।

সন্ন্যাসী। না, অত বড়ো লোককে নিয়ে আমার সন্নিবিধা হবে না, আমি এঁকেই চাই। আমার প্রাসাদে অনেক জিনিস আছে, কেবল বয়স্য নেই।

ঠাকুরদাদা। বয়সে মিলবে না প্রভু, গুণেও না; তবে কিনা, ভক্তি দিয়ে সমস্ত অমিল ভরিয়ে তুলতে পারব এই ভরসা আছে।

সন্ন্যাসী। ঠাকুরদা, সময় খরাপ হলে বন্ধুরা পালায় তাই তো দেখছি। আমার উৎসবের বন্ধুরা এখন সব কোথায়? রাজস্বারের গন্ধ পেয়েই দৌড় দিয়েছে নাকি?

ঠাকুরদাদা। কারও পালাবার পথ কি রেখেছ? আটঘাট ঘিরে ফেলেছে যে। ঐ আসছে।

বালকগণের প্রবেশ

সকলে। সন্ন্যাসীঠাকুর! সন্ন্যাসীঠাকুর!

সন্ন্যাসী। (উঠিয়া দাঁড়াইয়া) এসো বাবা, সব এসো।

সকলে। এ কী! এ যে রাজা! আরে, পালা, পালা!

[ পলায়নোদ্যম

ঠাকুরদাদা। আরে, পালাস নে, পালাস নে।

সন্ন্যাসী তোমরা পালাবে কি, উনিই পালাচ্ছেন। যাও সোমপাল, সভা প্রস্তুত করো গে, আমি যাচ্ছি।

রাজা। যে আদেশ।

[ প্রস্থান

বালকেরা। আমরা বনে পথে সব জায়গায় গেয়ে গেয়ে এসেছি, এইবার এখানে গান শেষ করি।

ঠাকুরদাদা। হাঁ ভাই, তোরা ঠাকুরকে প্রদক্ষিণ করে করে গান গা।

সকলের গান

আলোয়া। একতারা

আমার নয়ন-ভুলানো এলে!

আমি কী হেরিলাম হৃদয় মেলে!

শিউলিতলার পাশে পাশে

ঝরা ফুলের রাশে রাশে

শিশির-ভেজা ঘাসে ঘাসে

অরুণ-রাঙা চরণ ফেলে

নয়ন-ভুলানো এলে!

আলোছায়ার আঁচলখানি

লুটিয়ে পড়ে বনে বনে,

ফুলগুলি ওই মূখে চেয়ে

কী কথা কয় মনে মনে!

তোমায় মোরা করব বরণ,

মুখের ঢাকা করো হরণ—

ওইটুকু ওই মেঘাবরণ

দু হাত দিয়ে ফেলো ঠেলে!

নয়ন-ভুলানো এলে!  
 বনদেবীর ম্বারে ম্বারে  
 শূন্য গভীর শঙ্খধ্বনি,  
 আকাশবীণার তারে তারে  
 জাগে তোমার আগমনী!  
 কোথায় সোনার নৃপদর বাজে—  
 বৃষ্টি আমার হিয়ার মাঝে  
 সকল ভাবে সকল কাজে  
 পাষণ-গালা সূধা ঢেলে!  
 নয়ন-ভুলানো এলে!

# মুকুট

প্রকাশ : ১৯০৮

মুকুট-এর গল্পরূপ ১২৯২ বঙ্গাব্দের বৈশাখ ও জ্যৈষ্ঠ মাসে 'বালক'  
পত্রিকায় মুদ্রিত হয়। ১৯০৮ সালে এর নাট্যরূপ গ্রন্থাকারে প্রকাশিত:  
গল্পরূপটি 'ছদ্মটির পড়া' (১৯০৯) সংকলনগ্রন্থের অন্তর্ভুক্ত।



বোলপদ্মের ব্রহ্মচর্যাশ্রমের বালকদের দ্বারা  
অভিনীত হইবার উদ্দেশে 'বালক'  
পত্রে প্রকাশিত 'মুকুট'-নামক  
ক্ষুদ্র উপন্যাস হইতে  
নাট্যীকৃত

## নাট্যোল্লিখিত ব্যক্তিগণ

অমরমাণিকা	মহারাজ
চন্দ্রমাণিকা	যদুবরাজ
ইন্দ্রকুমার	মধাম রাজকুমার
রাজধর	কনিষ্ঠ রাজকুমার
ধরুন্ধর	ঐ মামাতো ভাই
ইশা খাঁ	সেনাপতি
আরাকানরাজ	
প্রতাপ	
নিশানধারী	ভাট দত্ত সৈনিক প্রভৃতি

## প্রথম অঙ্ক

### প্রথম দৃশ্য

ত্রিপুরার সেনাপতি ইশা খাঁর কক্ষ

ত্রিপুরার কনিষ্ঠ রাজকুমার রাজধর ও ইশা খাঁ

ইশা খাঁ অস্ত্র পরিষ্কার করিতে নিযুক্ত

রাজধর। দেখো সেনাপতি, আমি বারবার বলছি তুমি আমার নাম ধরে ডেকো না।

ইশা খাঁ। তবে কী ধরে ডাকব? চুল ধরে না কান ধরে?

রাজধর। আমি বলে রাখছি, আমার সম্মান যদি তুমি না রাখ তোমার সম্মানও আমি রাখব না।

ইশা খাঁ। আমার সম্মান যদি তোমার হাতে থাকবার ভার থাকত তবে কানাকড়ার দরে তাকে হাটে বিকিয়ে আসতুম। নিজের সম্মান আমি নিজেই রাখতে পারব।

রাজধর। তাই যদি রাখতে চাও তা হলে ভবিষ্যতে আমার নাম ধরে ডেকো না।

ইশা খাঁ। বটে!

রাজধর। হাঁ।

ইশা খাঁ। হা হা হা হা! মহারাজাধিরাজকে কী বলে ডাকতে হবে? হজদুর, জনাব, জাঁহাপনা!

রাজধর। আমি তোমার ছাত্র বটে, কিন্তু আমি রাজকুমার সে কথা তুমি ভুলে যাও।

ইশা খাঁ। সহজে ভুলি নি, তুমি যে রাজকুমার সে কথা মনে রাখা শক্ত করে তুলেছ।

রাজধর। তুমি যে আমার ওস্তাদ, সে কথাও মনে রাখতে দিলে না দেখছি।

ইশা খাঁ। বস্। চুপ।

দ্বিতীয় রাজকুমার ইন্দ্রকুমারের প্রবেশ

ইন্দ্রকুমার। খাঁ সাহেব, ব্যাপারখানা কী?

ইশা খাঁ। শোনো তো বাবা। বড়ো তামাশার কথা। তোমাদের মধ্যে এই-যে ব্যক্তিটি সকলের কনিষ্ঠ একে জাঁহাপনা শাহেন্শা বলে না ডাকলে ঠুঁর আর সম্মান থাকে না— ঠুঁর সম্মানের এত টানাটানি!

ইন্দ্রকুমার। বল কী! সত্যি নাকি! হা হা হা হা!

রাজধর। চুপ করো দাদা।

ইন্দ্রকুমার। তোমাকে কী বলে ডাকতে হবে? জাঁহাপনা! হা হা হা হা! শাহেন্শা!

রাজধর। দাদা, চুপ করো বলছি।

ইন্দ্রকুমার। জনাব, চুপ করে থাকা বড়ো শক্ত—হাসিতে যে পেট ফেটে যায় হজদুর।

রাজধর। তুমি অত্যন্ত নির্বোধ।

ইন্দ্রকুমার। ঠান্ডা হও ভাই, ঠান্ডা হও। তোমার বৃদ্ধি তোমারই থাক্, তার প্রতি আমার কোনো লোভ নেই।

ইশা খাঁ। ঠুঁর বৃদ্ধিটা সম্প্রতি বড়োই বেড়ে উঠেছে।

ইন্দ্রকুমার। নাগাল পাওয়া যাচ্ছে না—মই লাগাতে হবে।

অনুচরসহ যুবরাজ চন্দ্রমাণিকা ও মহারাজ অমরমাণিক্যের প্রবেশ

রাজধর। মহারাজের কাছে আমার নালিশ আছে।

মহারাজ। কী হয়েছে?

রাজধর। ইশা খাঁ পদেপদে নিষেধসত্ত্বে আমার অসম্মান করেন। এর বিচার করতে হবে।

ইশা খাঁ। অসম্মান কেউ করে না—অসম্মান তুমি করাও। আরো তো রাজকুমার আছেন, তাঁরাও মনে রাখেন আমি তাঁদের গুরু, আমিও মনে রাখি তাঁরা আমার ছাত্র—সম্মান-অসম্মানের কোনো কথাই ওঠে না।

মহারাজ। সেনাপতি সাহেব, কুমারদের এখন বয়স হয়েছে, এখন গুঁদের মান রক্ষা করে চলতে হবে বৈকি।

ইশা খাঁ। মহারাজ যখন আমার কাছে যুদ্ধ শিক্ষা করেছেন তখন মহারাজকে যে-রকম সম্মান করেছি রাজকুমারদের তা অপেক্ষা কম করি নে।

রাজধর। অন্য কুমারদের কথা বলতে চাই নে, কিন্তু—

ইশা খাঁ। চুপ করো বৎস। আমি তোমার পিতার সঙ্গে কথা কাঁছি। মহারাজ, মাপ করবেন, রাজবংশের এই কনিষ্ঠ পুত্রটি বড়ো হলে মদুর্শির মতো কলম চালাতে পারবে, কিন্তু তলোয়ার এর হাতে শোভা পাবে না। (যুবরাজ এবং ইন্দুকুমারকে দেখাইয়া) চেয়ে দেখুন মহারাজ, এঁরাই তো রাজপুত্র, রাজগৃহ আলো করে আছেন।

মহারাজ। রাজধর, খাঁ সাহেব কী বলছেন! তুমি অস্ত্রশিক্ষায় গুঁকে সন্তুষ্ট করতে পার নি?

রাজধর। সে আমার ভাগ্যের দোষ, অস্ত্রশিক্ষার দোষ নয়। মহারাজ নিজে আমাদের ধনুর্বিদ্যার পরীক্ষা গ্রহণ করুন, এই আমার প্রার্থনা।

মহারাজ। আচ্ছা, উত্তম। কাল আমাদের অবসর আছে, কালই পরীক্ষা হবে। তোমাদের মধ্যে যে জিতবে তাকে আমার এই হীরে-বাঁধানো তলোয়ার পুরস্কার দেব।

। প্রস্থান

ইশা খাঁ। শাবাশ রাজধর, শাবাশ! আজ তুমি ক্ষত্রিয়সন্তানের মতো কথা বলেছ। অস্ত্র-পরীক্ষায় যদি তুমি হার তাতেও তোমার গৌরব নষ্ট হবে না। হার-জিত তো আল্লার ইচ্ছা, কিন্তু ক্ষত্রিয়ের মনে স্পর্ধা থাকা চাই।

রাজধর। থাক্ সেনাপতি, তোমার বাহবা অন্য রাজকুমারদের জন্য জমা থাক্; এত দিন তা না পেয়েও যদি চলে গিয়ে থাকে তবে আজও আমার কাজ নেই।

যুবরাজ। রাগ কোরো না ভাই রাজধর। সেনাপতি সাহেবের সরল ভৎসনা গুঁর সাদা দাঁড়ির মতো সমস্তই কেবল গুঁর মুখে। কোনো একটি গুঁদে দেখলেই তৎক্ষণাৎ উনি সব ভুলে যান। অস্ত্র-পরীক্ষায় যদি তোমার জিত হয় তা হলে দেখবে, খাঁ সাহেব তোমাকে যেমন মনের সঙ্গে পুরস্কৃত করবেন এমন আর কেউ নয়।

রাজধর। দাদা, আজ পূর্ণিমা আছে, আজ রাতে যখন গোমতী নদীতে বাঘে জল খেতে আসবে তখন শিকার করতে গেলে হয় না?

যুবরাজ। বেশ কথা। তোমার যদি ইচ্ছে হয়ে থাকে তো যাওয়া যাবে।

ইন্দুকুমার। কী আশ্চর্য! রাজধরের যে শিকারে প্রবৃত্তি হল! এমন তো কখনো দেখা যায় নি।

ইশা খাঁ। গুঁর আবার শিকারে প্রবৃত্তি নেই! উনি সকলের চেয়ে বড়ো জীব শিকার করে বেড়ান। রাজসভায় দুই-পা-ওয়ালা এমন একটি জীব নেই যিনি গুঁর কোনো-না-কোনো ফাঁদে আটকা না পড়েছেন।

যুবরাজ। সেনাপতি সাহেব, তোমার তলোয়ারও যেমন তোমার জিহ্বাও তেমনি, দুইই খর-ধার—বার উপর গিয়ে পড়ে তার একেবারে মর্মচ্ছেদ না করে ফেরে না।

রাজধর। দাদা, তুমি আমার জন্যে ভেবো না। খাঁ সাহেব জিহ্বায় যতই শান দিন-না কেন আমার মর্মে আঁচড় কাটতে পারবেন না।

ইশা খাঁ। তোমার মর্ম পায় কে বাবা! বড়ো শক্ত।

ইন্দুকুমার। যেমন, হঠাৎ আজ রাতে তোমার শিকারে যাবার শখ হল, এর মর্ম ভালো বোঝা যাচ্ছে না।

যুবরাজ। আহা, ইন্দুকুমার! প্রত্যেক কথাতাই রাজধরকে আঘাত করাটা তোমার অভ্যাস হয়ে যাচ্ছে!

রাজধর। সে আঘাতে বেদনা না পাওয়াও আমার অভ্যাস হয়ে গেছে।

ইন্দুকুমার। দাদা, আজ রাতে শিকারে যাওয়াই তোমার মত নাকি?

যুবরাজ। তোমার সঙ্গে, ভাই, শিকার করতে যাওয়াই বিড়ম্বনা। নিতান্ত নিরামিষ শিকার করতে হয়। তুমি বনে গিয়ে বড়ো বড়ো জন্তু মেরে আন, আর আমরা কেবল লাউ কুমড়ো কচু কাঁঠাল শিকার করেই মরি।

ইশা খাঁ। (ইন্দুকুমারের পিঠ চাপড়াইয়া) যুবরাজ ঠিক বলেছেন পুত্র। তোমার তীর সকলের আগে ছোটো এবং নিষীত গিয়ে লাগে—তোমার সঙ্গে পেরে উঠবে কে!

ইন্দুকুমার। না দাদা, ঠাট্টা নয়। তুমি না গেলে কে শিকার করতে যাবে!

যুবরাজ। আচ্ছা চলো। আজ রাজধরের ইচ্ছে হয়েছে, ঠুকে নিরাশ করব না।

ইন্দুকুমার। কেন দাদা, আমার ইচ্ছে হয়েছে বলে কি যেতে নেই?

যুবরাজ। সে কী কথা ভাই, তোমার সঙ্গে তো রোজই যাচ্ছি।

ইন্দুকুমার। তাই বুঝি পুরোনো হয়ে গেছে?

যুবরাজ। আমার কথা অমন উল্টো বুঝলে বড়ো ব্যথা লাগে।

ইন্দুকুমার। না দাদা, ঠাট্টা করছিলুম—চলো প্রস্তুত হই গে।

ইশা খাঁ। ইন্দুকুমার বৃকে দশটা বাণ সইতে পারে কিন্তু দাদার সামান্য অনাদরটুকু সইতে পারে না।

[অনুচরণ ব্যতীত সকলের প্রস্থান]

অনুচরণ

প্রথম। কথটা তো ভালো ঠেকছে না হে। আমাদের ছোটো কুমারের ধনুর্বিদ্যার দৌড় তো সকলেরই জানা আছে—উনি মধ্যম কুমারের সঙ্গে অস্ত্রপরীক্ষায় এগোতে চান এর মানে কী?

দ্বিতীয়। কেউ-বা তীর দিয়ে লক্ষ্য ভেদ করে, কেউ-বা বৃদ্ধি দিয়ে।

প্রথম। সেই তো ভয়ের কথা। অস্ত্রপরীক্ষায় অস্ত্র না চালিয়ে যদি বৃদ্ধি চালাও সেটা যে দুষ্টবৃদ্ধি।

তৃতীয়। দেখো বংশী, অস্ত্রই চলুক আর বৃদ্ধিই চলুক মাঝের থেকে তোমার ঐ জিভটিকে চালিয়ে না, আমার এই পরামর্শ। যদি টিকে থাকতে চাও তো চুপ করে থাকো।

দ্বিতীয়। বনমালী ঠিক কথাই বলেছে। ঐ ছোটো কুমারের কথা উঠলেই তুমি যা মূখে আসে তাই বলে ফেল। রাজার ছেলে কে ভালো কে মন্দ সে বিচারের ভার আমাদের উপর নেই। তবে কিনা, আমাদের যুবরাজ বেঁচে থাকুন আর আমাদের মধ্যম কুমার ভাই লক্ষ্যগের মতো সর্বদা তাঁর সঙ্গে সঙ্গে থেকে তাঁকে রক্ষা করুন, ভগবানের কাছে এই প্রার্থনা করো। ছোটো কুমারের কথা মূখে না আনাই ভালো।

প্রথম। ইচ্ছে করে তো আনি নে। আমাদের মধ্যম কুমার সরল মানুষ, মনে তাঁর ভয়-ডরও নেই, পাক-চক্রও নেই—সর্বদাই ভয় হয় ঐ যাঁর নামটা করছি নে তিনি কখন তাঁকে কী ফেসাদে ফেলেন।

দ্বিতীয়। চল্ চল্, ঐ আসছেন।

প্রথম। ঐ-বে সঙ্গে ঠুঁর মামাতো ভাই ধুরন্ধরটিও আছেন—শনির সঙ্গে মঙ্গল এসে জুটেছেন।

[প্রস্থান]

রাজধর ও ধূরন্ধর

রাজধর। অসহ্য হয়েছে।

ধূরন্ধর। কিন্তু সহ্য করতেও তো কসর নেই। ইন্দুকুমারের সঙ্গে তো প্রায় জন্মাবধি এই রকম চলছে, কিন্তু অসহ্য হয়েছে এমন তো লক্ষণ দেখি নে।

রাজধর। লক্ষণ দেখিয়ে লাভ হবে কী? যখন দেখাব একেবারে কাজে দেখাব। একটা সুযোগ এসেছে। এইবার অস্ত্রপরীক্ষায় আমি লক্ষ্যভেদ করব।

ধূরন্ধর। ইন্দুকুমারের বক্ষে নাকি?

রাজধর। বক্ষে নয়, তার হৃদয়ে। এবারকার পরীক্ষায় আমি জিতব, গুঁর অহংকারটাকে বি'ধে এফোড়ি-ওফোড়ি করব।

ধূরন্ধর। অস্ত্রপরীক্ষায় ইন্দুকুমারকে জিতবে এইটেকেই সুযোগ বলছ?

রাজধর। সুযোগ কি তীরের মূখে থাকে? সুযোগ বৃন্দ্র উগায়। তোনাকে কিন্তু একটি কাজ করতে হবে।

ধূরন্ধর। কাজ তো তোমার বরাবরই করে আসছি, ফল তো কিছু পাই নে।

রাজধর। ফল সবুরে পাওয়া যায়। কোনোরকম ফলদিতে ইন্দুকুমার-দাদার অস্ত্রশালায় ঢুকে তাঁর তুণের প্রথম খোপটি থেকে তাঁর নাম-লেখা তীরটি তুলে নিয়ে আমার নাম-লেখা তীর বসিয়ে আসতে হবে। তার সঙ্গে আমার তীর বদল করতে হবে, ভাগ্যও বদল হবে।

ধূরন্ধর। সবই যেন বৃন্দ্রলুম কিন্তু আমার প্রাণটি? সেটি গেলে তো কারও সঙ্গে বদল চলবে না।

রাজধর। তোমার কোনো ভয় নেই, আমি আছি।

ধূরন্ধর। তুমি তো বরাবরই আছ, কিন্তু ভয়ও আছে। সেই যখন ইন্দুকুমারের রুপোর-পাত-দেওয়া ধনুকটার উপরে তুমি লোভ করলে আমিই তো সেটি সংগ্রহ করে তোমার ঘরে এনে লুকিয়ে রেখেছিলাম। শেষকালে যখন ধরা পড়লে ইন্দুকুমার ঘৃণা করে সে ধনুকটা তোমাকে দান করলেন, কিন্তু আমার যে অপমানটা করলেন সে আমার জীবন গেলেও যাবে না। তখন তো ভাই, তুমি ছিলে, রক্ষা যত করেছিলে সে আমার মনে আছে।

রাজধর। এবার তোমার সময় এসেছে, সেই অপমানের শোধ দেবার জোগাড় করো।

ধূরন্ধর। সময় কখন কার আসে সেটা যে পরিস্কার বোঝা যায় না। দুর্বল লোকের পক্ষে অপমান পরিপাক করবার শক্তিটাই ভালো; শোধ তোলবার শখটা তার পক্ষে নিরাপদ নয়। ঐ-যে গুঁরা সব আসছেন। আমি পালাই। তোমার সঙ্গে আমাকে একত্রে দেখলেই ইন্দুকুমার যে কথাগুলি বলবেন তাতে মধুবর্ষণ করবে না, আর ইশা খাঁও যে তোমার চেয়ে আমার প্রতি বেশি ভালোবাসা প্রকাশ করবেন এমন ভরসা আমার নেই।

। প্রস্থান

## দ্বিতীয় দৃশ্য

ইন্দুকুমারের অস্ত্রশালার দ্বারে

ইন্দুকুমার। কী হে প্রতাপ, ব্যাপারখানা কী? আমাকে হঠাৎ অস্ত্রশালার দ্বারে যে ডাক পড়ল?

প্রতাপ। মধ্যম বউরানীমা আপনাকে খবর দিতে বললেন যে, আপনার অস্ত্রশালার মধ্যে একটি জ্যান্ত অস্ত্র ঢুকেছেন, তিনি বায়ু-অস্ত্র না নাগপাশ না কী সেটা সম্বন্ধ নেওয়া উচিত।

ইন্দুকুমার। বল কী প্রতাপ, কলিষদুগেও এমন ব্যাপার ঘটে নাকি?

প্রতাপ। আজ্ঞে, কুমার, কলিষদুগেই ঘটে, সত্যদুগে নয়। দরজাটা খুললেই সমস্ত বদ্ব্যভিচার পারবেন।

ইন্দুকুমার। তাই তো বটে, পায়ের শব্দ শুনিনি যে! (দ্বার খুলিতেই রাজধরের নিষ্ক্রমণ) একি! রাজধর যে! হা হা হা হা, তোমাকে অস্ত্র বলে কেউ ভুল করেছিল নাকি! হা হা হা হা!

রাজধর। মেজবউরানী তামাশা করে আমাকে এখানে বন্ধ করে রেখেছিলেন।

ইন্দুকুমার। এ ঘরটা তো সহজ তামাশার ঘর না—এখানকার তামাশা যে ভয়ংকর ধারালো তামাশা—এখানে তোমার আগমন হল যে!

রাজধর। আজ রাতে শিকারে যাব বলে অস্ত্র খুঁজতে গিয়ে দেখলুম আমার অস্ত্রগদুলোতে সব মর্চে পড়ে রয়েছে। কালকের অস্ত্রপরীক্ষার জন্যে সেগদুলোকে সমস্ত সাফ করতে দিয়ে এসেছি। তাই বউরানীর কাছে এসেছিলুম তোমার কিছুর অস্ত্র ধার নেবার জন্যে।

ইন্দুকুমার। তাই তিনি বুদ্ধি সমস্ত অস্ত্রশালাসমৃদ্ধই তোমাকে ধার দিয়ে বসে আছেন! হা হা হা হা! তা বেরিয়ে এলে কেন? যাও, ঢুকে পড়ো। ধারের মেয়াদ ফুরিয়েছে নাকি? হা হা হা হা!

রাজধর। হাসো, হাসো! এ তামাশায় আমিও হাসব। কিন্তু এখন নয়। চললুম দাদা, আজ আর শিকারে যাচ্ছি নে।

[ প্রস্থান ]

প্রতাপ। ছোটোকুমারকে নিয়ে আপনাদের এ-সমস্ত ঠাট্টা আমার ভালো বোধ হয় না।

ইন্দুকুমার। ঠাট্টা নিয়ে ভয় কিসের? উনিও ঠাট্টা করুন-না।

প্রতাপ। ঠুর ঠাট্টা বড়ো সহজ হবে না।

### তৃতীয় দৃশ্য

পরীক্ষাভূমি। রাজা, রাজকুমারগণ, ইশা খাঁ, নিশানধারী ও ভাট

ইন্দুকুমার। দাদা, আজ তোমাকে জিততেই হবে, নইলে চলবে না।

যুবরাজ। চলবে না তো কী! আমার তীরটা লক্ষ্যদ্রষ্ট হলেও জগৎসংসার যেমন চলছিল ঠিক তেমনই চলবে। আর, যদিবা নাই চলত তবু আমার জেতবার কোনো সম্ভাবনা দেখছি নে।

ইন্দুকুমার। দাদা, তুমি যদি হার তবে আমি ইচ্ছাপূর্বক লক্ষ্যদ্রষ্ট হব।

যুবরাজ। না ভাই, ছেলেমানুষি কোরো না। ওস্তাদের নাম রাখতে হবে।

ইশা খাঁ। যুবরাজ, সময় হয়েছে—ধনুক গ্রহণ করো। মনোযোগ করো। দেখো, হাত ঠিক থাকে যেন।

যুবরাজের তীর-নিষ্ক্ষেপ

ইশা খাঁ। যাঃ! ফসকে গেল!

যুবরাজ। মনোযোগ করেছিলুম খাঁ সাহেব, তীরযোগ করতেই পারলুম না।

ইন্দুকুমার। কখনো না। মন দিলে তুমি নিশ্চয়ই পারতে। দাদা, তুমি কেবল উদাসীন হয়ে সব জিনিস ঠেলে ফেলে দাও, এতে আমার ভারি কষ্ট হয়।

ইশা খাঁ। তোমার দাদার বুদ্ধি তীরের মূখে কেন খেলে না, তা জান? বুদ্ধিটা তেমন সূক্ষ্ম নয়।

ইন্দুকুমার। সেনাপতি সাহেব, তুমি অন্যায় বলছ।

ইশা খাঁ। (রাজধরের প্রতি) কুমার, এবার তুমি লক্ষ্য ভেদ করো, মহারাজ দেখুন।  
রাজধর। আগে দাদার হোক।  
ইশা খাঁ। এখন উত্তর করবার সময় নয়, আমার আদেশ পালন করো।

রাজধরের তীর-নিষ্ক্ষেপ

ইশা খাঁ। যাক, তোমার তীরও তোমার দাদার তীরেরই অনুসরণ করেছে—লক্ষ্যের দিকে লক্ষ্যও করে নি।

যুবরাজ। ভাই, তোমার বাণ অনেকটা নিকট দিয়েই গেছে, আর-একটু হলেই লক্ষ্য বিব্ধ করতে পারত।

রাজধর। লক্ষ্য বিব্ধ তো হয়েছে। দূর থেকে তোমরা স্পষ্ট দেখতে পাচ্ছ না। ঐ-যে বিব্ধ হয়েছে।

যুবরাজ। না রাজধর, তোমার দৃষ্টির ভ্রম হয়েছে—লক্ষ্য বিব্ধ হয় নি।

রাজধর। আমার ধনুর্বিদ্যার প্রতি তোমাদের বিশ্বাস নেই বলেই তোমরা দেখেও দেখতে পাচ্ছ না। আচ্ছা, কাছে গেলেই প্রমাণ হবে।

ইন্দুকুমারের ধনুক-গ্রহণ

যুবরাজ। (ইন্দুকুমারের প্রতি) ভাই আমি অক্ষম, সেজন্যে আমার উপর তোমার রাগ করা উচিত না। তুমি যদি লক্ষ্যভ্রষ্ট হও তা হলে তোমার ভ্রষ্টলক্ষ্য তীর আমার হৃদয় বিদীর্ণ করবে, এ তুমি নিশ্চয় জেনো।

ইন্দুকুমারের তীর-নিষ্ক্ষেপ

নেপথ্যে জনতা। জয়, কুমার ইন্দুকুমারের জয়।

বাদ্য বাজিয়া উঠিল। যুবরাজ ইন্দুকুমারকে আলিঙ্গন করিলেন

ইশা খাঁ। পুত্র, আল্লার কৃপায় তুমি দীর্ঘজীবী হয়ে থাকো। মহারাজ, মধ্যম কুমার পুরস্কারের পাত্র। যেরূপ প্রতিশ্রুত আছেন তা পালন করুন।

রাজধর। না মহারাজ, পুরস্কার আমারই প্রাপ্য। আমারই তীর লক্ষ্যভেদ করেছে।

মহারাজ। কখনোই না।

রাজধর। সেনাপতি সাহেব পরীক্ষা করে আসুন কার তীর লক্ষ্যে বিব্ধে আছে।

ইশা খাঁ। আচ্ছা, আমি দেখে আসি।

[প্রস্থান]

তীর হাতে লইয়া ইশা খাঁর পুনঃপ্রবেশ

ইশা খাঁ। (ইন্দুকুমারের প্রতি) বাবা, আমি বড়োমানুষ, চোখে তো ভুল দেখছি নে? এই তীরের ফলায় যেন রাজধরের নাম দেখা যাচ্ছে।

ইন্দুকুমার। হাঁ, রাজধরেরই নাম।

মহারাজ। দোখ। তাই তো! একসঙ্গে আমাদের সকলেরই ভুল হল।

রাজধর। আজ নয় মহারাজ, আমার প্রতি বরাবরই ভুল হয়ে আসছে।

ইশা খাঁ। কিছু বোঝা যাচ্ছে না।

ইন্দুকুমার। আমি বড়োছি।

রাজধর। মহারাজ, আজ বিচার করুন।

ইন্দুকুমার। (জনান্তিকে) বিচার! তুমি বিচার চাও! তা হলে যে মদুখে চুনকালি পড়বে। বংশের লজ্জা প্রকাশ করব না, অন্তর্যামী তোমার বিচার করবেন।



ইশা খাঁ। কী হয়েছে বাবা? এর মধ্যে একটা রহস্য আছে। শিলা কখনো জলে ভাসে না, বানরে কখনো সংগীত গায় না। বাবা ইন্দুকুমার, ঠিক কথা বলো তো কী হয়েছে। তুণ বদল হয় নি তো?

রাজধর। কখনোই না। পরীক্ষা করে দেখো।

ইশা খাঁ। তাই তো দেখছি—তুণ তো ঠিকই আছে। আচ্ছা, বাবা ইন্দুকুমার, সত্য করে বলো, এর মধ্যে তোমার অস্ত্রশালায় কেউ কি প্রবেশ করেছিল?

ইন্দুকুমার। সে কথায় প্রয়োজন নেই খাঁ সাহেব।

ইশা খাঁ। ঠিক করে বলো বাবা, তুমি নিশ্চয় জান কেউ তোমার অস্ত্রশালায় গিয়ে তোমার সঙ্গে তীর বদল করেছে।

ইন্দুকুমার। চুপ করো খাঁ সাহেব। ও কথা থাক্।

ইশা খাঁ। তা হলে তুমি হার মানছ?

ইন্দুকুমার। হাঁ, আমি হার মানছি।

ইশা খাঁ। শাবাশ বাবা, শাবাশ! তুমি রাজার ছেলে বটে। মহারাজ, কোথাও একটা কিছ্ অনুযায় হয়ে গেছে, সে কথাটা প্রকাশ হচ্ছে না। আর-একবার পরীক্ষা না হলে ঠিকমত মীমাংসা হতে পারবে না।

রাজধর। খাঁ সাহেব, অন্যায় আর কিছ্ নয়, আমার জেতাই অন্যায় হয়েছে। কিন্তু তাই বলে আবার পরীক্ষার অপমান আমি স্বীকার করতে পারব না। আমার জিত হওয়া যদি অন্যায় হয়ে থাকে সে অন্যায়ের সহজ প্রতিকার আছে। আমি পদ্রস্কার চাই নে, মধ্যম কুমারকেই পদ্রস্কার দেওয়া হোক।

মহারাজ। সে কথা আমি বলতে পারি নে—তীরে যখন তোমার নাম লেখা আছে তখন তোমাকে পদ্রস্কার দিতেই আমি বাধ্য। এই তুমি নাও।

[ তলোয়ার-প্রদান

রাজধর। পদ্রস্কার আমি শিরোধার্য করে নিচ্ছি, কিন্তু আমার এই সৌভাগ্যে কারো মন যখন প্রসন্ন হচ্ছে না তখন এই তলোয়ার আমি দাদা ইন্দুকুমারকেই দিলুম।

[ ইন্দুকুমারের দিকে তলোয়ার অগ্রসর-করণ

ইন্দুকুমার। (তলোয়ার মাটিতে নিক্ষেপ করিয়া) ধিক্! তোমার হাত থেকে এ পদ্রস্কারের অপমান গ্রহণ করবে কে?

ইশা খাঁ। (ইন্দুকুমারের হাত ধরিয়া) কী! ইন্দুকুমার, মহারাজের দত্ত তলোয়ার তুমি মাটিতে ফেলে দিতে সাহস কর! তোমার এই অপরাধের সমুচিত শাস্তি হওয়া চাই।

ইন্দুকুমার। (হাত ছাড়াইয়া লইয়া) বৃন্দ, আমাকে স্পর্শ কোরো না।

ইশা খাঁ। পুত্র, একি পুত্র! তুমি আজ আত্মবিস্মৃত হয়েছ।

ইন্দুকুমার। সেনাপতি-সাহেব, আমাকে ক্ষমা করো। আমি যথার্থই আত্মবিস্মৃত হয়েছি। আমাকে শাস্তি দাও।

যুবরাজ। ক্ষান্ত হও ভাই, ঘরে ফিরে চলো।

ইন্দুকুমার। (মহারাজের পদধূলি লইয়া) পিতা, অপরাধ মার্জনা করুন। আজ সকল রকমেই আমার হার হয়েছে।

ইশা খাঁ। মহারাজ, আমার একটি নিবেদন আছে। খেলার পরীক্ষা তো চুকেছে, এবার কাজের পরীক্ষা হোক। দেখা যাবে তাতে আপনার কোন্ পুত্র পদ্রস্কার আনতে পারে।

মহারাজ। কোন্ কাজের কথা বলছ সেনাপতি?

ইশা খাঁ। আরাকান-রাজের সঙ্গে মহারাজের যুদ্ধের মতলব আছে। সৈন্যও তো প্রস্তুত হয়েছে। এইবার কুমারদের সেই যুদ্ধে পাঠানো হোক।

মহারাজ। ভালো কথাই বলেছ সেনাপতি। খবর পেয়েছি আরাকানের রাজা চট্টগ্রামের সীমানার

কাছে এসেছেন। বারবার শিক্ষা দিয়েছি, কিন্তু মূর্খের শিক্ষার শেষ তো কিছুতেই হয় না, যমরাজের পাঠশালায় না পাঠালে গতি নেই। কী বল বৎসগণ! আমাদের সেই চিরশত্রুর সঙ্গে লড়াইয়ে যাত্রা করে ক্ষান্তচর্যে দীক্ষা গ্রহণ করতে রাজি আছ কি?

ইন্দুকুমার। আছি। দাদাও যাবেন।

রাজধর। আমিও যাব না মনে করছ নাকি?

মহারাজ। তবে ইশা খাঁ, তুমি সৈন্যাধ্যক্ষ হয়ে এঁদের সকলকে শত্রুবিজয়ে নিয়ে যাও। ত্রিপদরেশ্বরী তোমাদের সহায় হোন।

## দ্বিতীয় অঙ্ক

### প্রথম দৃশ্য

রাজধরের শিবির। রাজধর ও ধূরন্ধর

ধূরন্ধর। তুমি পাঁচ হাজার সৈন্য নিয়ে তফাতে থাকবে নাকি?

রাজধর। হাঁ—ইশা খাঁর কাছে আমি এই প্রস্তাব পাঠিয়েছিলুম।

ধূরন্ধর। সে তো আমি জানি; আমি তখন সেখানে উপস্থিত ছিলাম। তাই নিয়ে অনেক কথাবার্তা হয়ে গেল।

রাজধর। কিরকম?

ধূরন্ধর। প্রথমেই তো ইন্দুকুমার অটুহাস্য করে উঠলেন। তিনি বললেন, রাজধরের যুদ্ধ-প্রণালীটাই ঐরকম—যুদ্ধক্ষেত্র থেকে বহু দূরে থেকেই তিনি যুদ্ধ করতে ভালোবাসেন।

রাজধর। সে কথা ঠিক। ক্ষেত্রে থেকে যুদ্ধ করে মজুররা, দূরে থেকে যে যুদ্ধ করতে পারে সেই যোদ্ধা। ইশা খাঁ কী বললেন?

ধূরন্ধর। তোমার উপর তাঁর বিশ্বাস কিরকম সে তো তুমি জানই—তুমি যদি পায়ে ধরতে যাও তা হলেও তিনি সন্দেহ করেন নিশ্চয় জুতোজোড়াটা তোমার সরাবার মতলব আছে। তাই ইশা খাঁ বললেন, যুদ্ধক্ষেত্র থেকে রাজধর তফাতে থাকতে চান সেটা তাঁর পক্ষে আশ্চর্য নয়, কিন্তু পাঁচ হাজার সৈন্য সঙ্গে রাখতে চান সেইটে আমার ভালো ঠেকছে না।

রাজধর। যুবরাজ কিছূ বললেন না?

ধূরন্ধর। যুবরাজ কাউকে যে সন্দেহ করবেন সে পরিমাণ বৃদ্ধি ভগবান তাঁকে দেন নি—এমন-কি, তুমি যে তুমি, তোমার উপরেও তাঁর সন্দেহ হয় না।

রাজধর। দেখো ধূরন্ধর, দাদার কথা তুমি অমন করে বোলো না।

ধূরন্ধর। ওঃ, ঐ জায়গাটা তোমার একটু নরম আছে সেটা মাঝে মাঝে ভুলে যাই। যা হোক, তিনি বললেন, না, না, রাজধরের প্রতি তোমরা অন্যায্য অবিচার করছ, তাঁর প্রস্তাবটা তো আমার ভালোই ঠেকছে। যুদ্ধে যদি সংকট উপস্থিত হয় তা হলে তিনি তাঁর সৈন্য নিয়ে আমাদের সাহায্য করতে পারবেন। যুবরাজের অনুরোধেই তো ইশা খাঁ তোমার প্রস্তাবে রাজি হলেন, নইলে তাঁর বড়ো ইচ্ছে ছিল না। যাই হোক, কিন্তু আমি তোমার আলাদা থাকবার মতলব ভালো বুদ্ধিতে পারছি নে।

রাজধর। ওঁদের সঙ্গে একত্রে মিলে যুদ্ধ করে আমার লাভ কী? জিত হলে সে জিতকে কেউ আমার জিত বলবে না তো।

ধূরন্ধর। তবু ভুলেও কেউ তোমার নাম করতে পারে, কিন্তু তফাতে বসে থাকলে যুদ্ধে জয় হলেও তোমার অপযশ, হারলে তো কথাই নেই।

রাজধর। আমার এই পাঁচ হাজার সৈন্য নিয়েই আমি যুদ্ধে জিতব এবং আমি একলাই জিতব।

দূতের প্রবেশ

রাজধর। কী রে, যুদ্ধের খবর কী?

দূত। আজ্ঞে, লড়াই তো সমস্ত দিন ধরেই চলছে, কিন্তু এ পর্যন্ত এঁরা শত্রুদের বৃহৎ ভেদ করতে পারেন নি। সূর্য অস্ত যাবার আর তো বেশি দেরি নেই—অন্ধকার হয়ে এলে বোধ হয় যুদ্ধ আজকের মধ্যে বন্ধ রাখতে হবে।

দ্বিতীয় দূতের প্রবেশ

রাজধর। কে তুমি?

দ্বিতীয় দূত। আজ্ঞে আমি ব্যোমকেশ। যুবরাজ আমাকে পাঠিয়ে দিয়েছেন—সেও প্রায় দুই প্রহর হয়ে গেল! আপনার যেখানে সৈন্য নিয়ে থাকবার কথা ছিল সেখানে আপনার কোনো চিহ্ন না পেয়ে বহু সন্ধ্যানে এখানে এসেছি।

রাজধর। যুবরাজের আদেশ কী?

দূত। শত্রুসৈন্যের সংখ্যা আমরা যেরকম অনুমান করেছিলাম তার চেয়ে অনেক বেশি দেখা যাচ্ছে—যুদ্ধ খুব কঠিন হয়ে এসেছে। কুমার ইন্দুকুমার তাঁর অশ্বারোহীদল নিয়ে শত্রুসৈন্যের উত্তর দিক আক্রমণ করেছিলেন, আর কিছুক্ষণ সময় পেলেই তিনি সে দিক থেকে শত্রুসৈন্যকে একেবারে নদীর কিনারা পর্যন্ত হাঠিয়ে আনতে পারতেন।

রাজধর। সত্যি নাকি! সময় পেলে কী করতে পারতেন সে কথা কল্পনা করে বিশেষ লাভ দেখি নে—কিন্তু সময় পান নি বলেই বোধ হচ্ছে।

দূত। শত্রুসৈন্যকে যখন প্রায় টলিয়ে এনেছেন এমন সময় খবর পেলেন যে যুবরাজ সংকটে পড়েছেন, শত্রু তাঁকে ঘিরে ফেলেছে। ইশা খাঁ তখন অন্য দিকে যুদ্ধে নিযুক্ত ছিলেন, তিনি খবর পেয়ে বললেন, যুবরাজকে উদ্ধার করবার জন্যে আমি এখানে আসি নি, আমাকে যুদ্ধে জিততে হবে; আমি এখান থেকে নড়তে গেলেই শত্রুরা সর্বাধা পাবে।

রাজধর। দাদা কি তবে—

দূত। না, তাঁর কোনো বিপদ এখনো ঘটে নি। ইন্দুকুমার সৈন্য নিয়ে তাঁকে উদ্ধার করেছেন। কিন্তু এই গোলেমালে যুদ্ধে আমাদের অসুবিধা ঘটল। আপনাকে সন্ধান করবার জন্যে নানা দিকে দূত গিয়েছে—আপনার সাহায্য না হলে বিপদ ঘটতেও পারে, অতএব আপনি আর কিছুমাত্র বিলম্ব করবেন না।

রাজধর। না, কিছুমাত্র বিলম্ব করব না। যাও, তুমি বিশ্রাম করো গে যাও—আমি প্রস্তুত হচ্ছি।

[দূতের প্রস্থান]

ধূরন্ধর। তুমি যাচ্ছ নাকি?

রাজধর। যাচ্ছি বটে, কিন্তু ও দিকে নয়, অন্য দিকে।

ধূরন্ধর। বাড়ির দিকে?

রাজধর। তুমিও কি ইশা খাঁর কাছ থেকে বিদ্রূপ অভ্যাস করেছ! বীরত্ব যাঁর খুঁশি তিনি দেখান, কিন্তু যুদ্ধে জয় করে যদি কেউ বাড়ি ফেরে তো সে রাজধর। ধূরন্ধর, যাও তুমি—দেখো গে আমার শিবিরে কোথাও যেন কেউ আগুন না জ্বালে, একটি প্রদীপও যেন না জ্বলতে পায়।

ধূরন্ধর। আচ্ছা, আমি সকলকে সতর্ক করে দিচ্ছি—কিন্তু কী তোমার অভিপ্রায় খুলেই

বলো-না। তুমি যদি আমাকে আর আমি যদি তোমাকে সন্দেহ করি তা হলে পৃথিবীতে আমাদের দুটির তো কোথাও ভর দেবার জায়গা থাকবে না।

রাজধর। আজ রাত্রের অন্ধকারে আমি সৈন্য নিয়ে গোপনে নদী পার হয়ে যাব। হঠাৎ আরাকান-রাজের শিবিরে উপস্থিত হয়ে তাকে বন্দী করতে হবে।

ধূরন্ধর। এখানে কোথায় পার হবে, ঘাট তো নেই।

রাজধর। পথঘাট আমি সমস্তই সন্ধান করে ঠিক করে রেখেছি। সূর্য তো অস্ত গেল। আজ আড়াই প্রহর রাত্রি চাঁদ উঠবে, তার পূর্বেই আমাদের কাজ শেষ করতে হবে। অতএব আর বড়ো বেশি দেরি নেই—তুমি যাও, প্রস্তুত হও গে। আর-একটি কাজ করো—যুবরাজের দূত যেন ফিরে যেতে না পারে, তাকে বন্দী করে রাখো।

## দ্বিতীয় দৃশ্য

ইশা খাঁর শিবির

ইন্দুকুমার ও ইশা খাঁ

ইন্দুকুমার। সেনাপতি-সাহেব, আপনি দাদার উপর রাগ করবেন না। আজ রাত্রি সৈন্যেরা বিশ্রাম করুক, কাল আমরা যুদ্ধে জয়লাভ করব।

ইশা খাঁ। দেখো ইন্দুকুমার, আগুন যত শীঘ্র নেবানো যায় ততই মংগল—তাকে সময় দিলে কিসের থেকে কী ঘটে কিছই বলা যায় না। আজই আমরা জিতে আসতুম—কেবল তোমার দাদা নিতান্ত নির্বোধের মতো শত্রুদের মাঝখানে নিজেকে খামকা জড়িয়ে বসলেন, আমাদের সমস্ত পণ্ড হয়ে গেল।

ইন্দুকুমার। নির্বোধের মতো কেন বলছ খাঁ সাহেব, বলো বীরের মতো—তিনি সামান্য কয়জন সৈন্য নিয়ে—

ইশা খাঁ। যেখানে গিয়ে পড়েছিলেন সেখানে কেবল নির্বোধই যেতে পারে—

ইন্দুকুমার। (উত্তেজিতস্বরে) না, সেখানে বীর না হলে কেউ প্রবেশ করতে সাহস করতে পারে না।

ইশা খাঁ। আচ্ছা বাবা, তোমার কথা মানছি। কিন্তু শত্রু বীর নয়, নির্বোধ বীর না হলে সে দিকে কেউ যেতে না।

ইন্দুকুমার। কিন্তু তাতে তোমার লড়াইয়ের তো কোনো ব্যাঘাত হয় নি।

ইশা খাঁ। খুব ব্যাঘাত হয়েছে। আমার সৈন্যেরা খবর পেয়ে সকলেই চঞ্চল হয়ে উঠল, তাদের কি আর লড়াইয়ে মন ছিল? আমাদের সৈন্যের মধ্যে একজনও নেই যুবরাজের বিপদের খবর শুনে যে স্থির থাকতে পারে।

ইন্দুকুমার। কিন্তু সেনাপতি-সাহেব, আমাদের রাজধরের খবর কী?

ইশা খাঁ। আমি চার দিকেই দূত পাঠিয়েছিলুম, একজন ছাড়া সব দূতই ফিরে এসেছে—কোথাও তার কোনো সন্ধান পাওয়া যাচ্ছে না।

ইন্দুকুমার। হা হা হা হা, সে নিশ্চয় পালিয়েছে।

ইশা খাঁ। হাসির কথা নয় বাবা।

ইন্দুকুমার। তা কী করব, সেনাপতি-সাহেব, আমি খুশি হয়েছে। আমরা যুদ্ধ করে মরতুম

আর ও যে আমাদের খ্যাতিতে ভাগ বসাত সে আমার কিছুতে সহ্য হত না; তার চেয়ে ও ভেগে গেছে সে ভালোই হয়েছে। এবারকার অস্ত্রপরীক্ষায় তো ফাঁকি চলবে না।

ইশা খাঁ। কিন্তু সেবার কী হয়েছিল তুমি আমার কাছে বল নি।

ইন্দ্রকুমার। সে বলবার কথা না খাঁ সাহেব—সে আমাকে কিছু জিজ্ঞাসা কোরো না, সেবার আমি হেরেছিলুম।

ইশা খাঁ। তীর ছুঁড়ে হার নি বাবা, রাগ করে হেরেছিলে।

## তৃতীয় দৃশ্য

আরাকান-রাজের শিবির

আরাকান-রাজ ও রাজধর

আরাকান-রাজ। দেখুন রাজকুমার, আমাকে বন্দী করে আপনাদের কোনো লাভ নেই।

রাজধর। কেন লাভ নেই রাজন্? এই যুদ্ধের মধ্যে আপনাকে লাভ করাই তো সব চেয়ে বড়ো লাভ।

আরাকান-রাজ। তাতে যুদ্ধের অবসান হবে না। আমার ভাই হাম্‌চু রয়েছে, সৈন্যরা তাকেই রাজ্য করবে, যুদ্ধ যেমন চলছিল তেমনি চলবে।

রাজধর। আপনাকে মৃষ্টিই দেব, কিন্তু সেটা তো একেবারে বিনা মূল্যে দেওয়া চলবে না।

আরাকান-রাজ। সে আমি জানি, মূল্য দিতে হবে। আমি আপনার কাছে পরাজয় স্বীকার করে সন্ধিপত্র লিখে দিতে রাজি আছি।

রাজধর। শৃঙ্গ সন্ধিপত্র দিলে তো হবে না মহারাজ। আপনি যে পরাজয় স্বীকার করলেন তার কিছু নিদর্শন তো দেশে নিয়ে যেতে হবে।

আরাকান-রাজ। আপনাকে পাঁচ শত ব্রহ্মদেশের ঘোড়া ও তিনটি হাতি উপহার দেব।

রাজধর। সে উপহারে আমার প্রয়োজন নেই—মহারাজের মাথার মুকুট আমাকে দিতে হবে।

আরাকান-রাজ। তার চেয়ে প্রাণ দেওয়া সহজ ছিল।

রাজধর। প্রাণ দিলেও মুকুটটি তো বাঁচাতে পারবেন না, মাকের থেকে প্রাণটাই বৃথা যাবে।

আরাকান-রাজ। তবে মুকুট নিন, কিন্তু এই মুকুটের সহিত আরাকানের চিরস্থায়ী শত্রুতা আপনি ঘরে নিয়ে যাচ্ছেন। এই মুকুট যতদিন না আবার ফিরে পাব ততদিন আমার রাজবংশে শান্তি থাকবে না।

রাজধর। এই তো রাজ্যের মতো কথা। আমরাও তো শান্তি চাই নে মহারাজ, আমরা ক্ষত্রিয়। আর-একটি কর্তব্য বাকি আছে। শীঘ্র যুদ্ধ নিবারণ করে এক আদেশপত্র আপনার সেনাপতির নিকট পাঠিয়ে দিন, ওপারে এতক্ষণ যুদ্ধের উদ্যোগ হচ্ছে।

আরাকান-রাজ। এখনই আমার আদেশ নিয়ে দূত যাবে।

রাজধর। তবে চলুন, সন্ধিপত্র লেখার ব্যবস্থা করা যাক।

## চতুর্থ দৃশ্য

রণক্ষেত্র

যুবরাজ ও ইন্দুকুমার

যুবরাজ। আজকের যুদ্ধে গতিকটা ভালো বোঝা যাচ্ছে না। আমার মনে হচ্ছে আমাদের সৈন্যেরা কালকের ব্যাপারে আজও নিরুৎসাহ হয়ে রয়েছে—ওরা যেন ভালো করে লড়ছে না। ইশা খাঁ কোন্ দিকে?

ইন্দুকুমার। ঐ-যে পূর্বকোণে তাঁর নিশান দেখা যাচ্ছে।

যুবরাজ। ভাই, তুমি কেন আজ আমার সঙ্গে সঙ্গে রয়েছ? তোমার বোধ হয় ঐ উত্তরের দিকে যাওয়াই কর্তব্য।

ইন্দুকুমার। না, আমার এই জায়গাই ভালো।

যুবরাজ। ইন্দুকুমার, তুমি তোমার দাদাকে আজ নিবৃদ্ধিতা থেকে বাঁচাবার জন্যে সতর্ক হয়ে কাছে কাছে ফিরছ। খাঁ সাহেব যে আবার কোনো সন্ধ্যোগে আমার বৃদ্ধির দোষ ধরবেন এটা তোমার ভালো লাগছে না। কিন্তু ভাই, আমারও নিবৃদ্ধিতার সীমা আছে—আমি আজ বোধ হয় সাবধানে কাজ করতে পারব। ঐ দেখো, চেয়ে দেখো, আমার কিন্তু ভালো বোধ হচ্ছে না। ঐ দেখো, ঐ পাশে আমাদের সৈন্যেরা যেন টলেছে, এখনই পালাতে আরম্ভ করবে—তুমি না হলে কেউ ওদের ঠেকাতে পারবে না। ইন্দুকুমার, দৌর কোরো না, আমার জন্যে তোমার কোনো ভয় নেই। একি! একি! একি!

ইন্দুকুমার। তাই তো, একি! শত্রুসৈন্যেরা হঠাৎ যুদ্ধ বন্ধ করলে যেন!

যুবরাজ। ঐ-যে সন্ধির নিশান উড়িয়েছে! ওদের তো পরাজয়ের কোনো লক্ষণ ছিল না, তবে কেন এমন ঘটল। আমার তো মনে হচ্ছিল আজকের যুদ্ধে আমাদের সৈন্যেরাই টলমল করছে।

দূতের প্রবেশ

দূত। যুবরাজ, শত্রুপক্ষ যুদ্ধে ক্ষান্ত হয়েছে।

যুবরাজ। সে তো দেখতে পাচ্ছি। এর কারণ কী?

দূত। কারণ এখনো জানতে পারি নি, কিন্তু শুনতে পেয়েছি, আরাকান-রাজ আর আমাদের সঙ্গে যুদ্ধ করবেন না বলে সংবাদ পাঠিয়েছেন।

যুবরাজ। সুসংবাদ। আমার কেবল মনে একটি বেদনা বাজছে।

ইন্দুকুমার। কিসের বেদনা, দাদা?

যুবরাজ। রাজধর কেন সৈন্য নিয়ে চলে গেল। সে যদি থাকত তা হলে কী আনন্দের সঙ্গে আমরা তিন ভাই জয়োৎসব করতে পারতুম। আজকের আমাদের জয়গৌরবের মধ্যে এই একটি মস্তুত অভাব রয়ে গেল—রাজধর যুদ্ধে যোগ না দিয়ে আমাকে বড়ো দুঃখ দিয়েছে।

ইন্দুকুমার। জয়ের ভাগ না নিয়েই সে যদি পালিয়ে থাকে তাতে এমনি কী ক্ষতি হয়েছে দাদা!

যুবরাজ। না ভাই, আমরা তিন ভাই একত্রে বেরিয়েছি, বিজয়লক্ষ্মীর প্রসাদ আমরা ভাগ করে ভোগ না করতে পারলে আমার তো মনে দুঃখ থেকে যাবে। রাজধর যদি মাথা হেঁট করে বাড়ি ফেরে, আমাদের সৌভাগ্যে যদি তার মন্বিষ্য হয়, তা হলে এই কীর্তি আমাকে কিছন্নাত্র স্মৃতি দেবে না।—ঐ-যে ঘোড়া ছুটিয়ে সেনাপতি-সাহেব আসছেন।

ইশা খাঁর প্রবেশ

ইন্দুকুমার। খাঁ সাহেব, শত্রুসৈন্য হঠাৎ যুদ্ধ থামিয়ে দিলে কেন তার কোনো খবর পেয়েছ?

ইশা খাঁ। পেয়েছি বৈকি। রাজধর আরাকান-রাজকে বন্দী করেছে।

ইন্দুকুমার। রাজধর! মিথ্যা কথা!

ইশা খাঁ। যা মিথ্যা হওয়া উচিত ছিল এক-এক সময় তাও সত্য হয়ে ওঠে। আমি দেখতে পাচ্ছি আল্লার দূতেরা এক-এক সময় ঘুমিয়ে পড়ে, শয়তান তখন সমস্ত হিসাব উল্টো করে দিয়ে যায়।

ইন্দুকুমার। শয়তানও কি রাজধরকে জিতিয়ে দিতে পারে!

ইশা খাঁ। একবার তো জিতিয়েছিল সেই অস্ত্রপরীক্ষার সময়—এবারও সেই শয়তান জিতিয়েছে।

যুবরাজ। সেনাপতি-সাহেব, তুমি রাজধরের উপর রাগ কোরো না! সে যদি জিতে থাকে তাতে তো আমাদেরই জিত। কখন সে যুদ্ধ করলে, কখন বা বন্দী করলে, আমরা তো জানতে পারি নি।

ইশা খাঁ। কাল সন্ধ্যার পরে আমরা যখন যুদ্ধে স্কান্ত দিয়ে শিবিরে ফিরে এলেম তখন সে অন্ধকারে গোপনে নদী পার হয়ে হঠাৎ আরাকান-রাজের শিবির আক্রমণ করে তাঁকে বন্দী করেছে। আমাদের সাহায্য করবার জন্যে আমি তাকে যেখানে প্রস্তুত থাকতে বলেছিলুম সেখানে সে ছিলই না। আমি সেনাপতি, আমার আদেশ সে মানাই করে নি।

ইন্দুকুমার। অসহ্য! এজন্যে তার শাস্তি পাওয়া উচিত।

ইশা খাঁ। শব্দু ভাই! যুবরাজ উপস্থিত থাকতে সে কিনা নিজের ইচ্ছামত সন্ধিপত্র রচনা করেছে!

ইন্দুকুমার। এর শাস্তি না দিলে অনায়াস হবে।

ইশা খাঁ। তোমার দাদাকে এই সহজ কথাটি বঝিয়ে দাও দেখি।

#### রাজধরের প্রবেশ

ইন্দুকুমার। রাজধর! তুমি কাপুরুষতা প্রকাশ করেছ।

রাজধর। তোমার মতো যুদ্ধে ভগ্ন দিয়ে পুরুষকার প্রকাশ করতে আমি এত দূরে আসি নি—আমি যুদ্ধ জয় করতে এসেছিলুম।

ইন্দুকুমার। তুমি যুদ্ধ করেছ! এবং জয় করেছ! জয়লক্ষ্মীর মুখ যে লজ্জায় লাল করে তুলেছে!

রাজধর। তা হতে পারে, সেটা প্রণয়ের লজ্জা। কিন্তু তিনি যে আমাকে বরণ করেছেন তার সাক্ষী এই।

ইন্দুকুমার। এ মুকুট কার?

রাজধর। এ মুকুট আমার। এ আমার জয়ের পুরস্কার।

ইন্দুকুমার। যুদ্ধ থেকে পালিয়েছ তুমি—তুমি পুরস্কার পাবে কিসের! এ মুকুট যুবরাজ পরবেন।

রাজধর। আমি জিতে এনেছি, আমিই পরব।

যুবরাজ। রাজধর ঠিক কথাই বলছেন। ঠুর জয়ের ধন তো উনিই পরবেন।

ইশা খাঁ। সেনাপতির আদেশ লঙ্ঘন করে উনি অন্ধকারে শৃগালবৃন্তি অবলম্বন করলেন—আর উনি পরবেন মুকুট! ভাঙা হাঁড়ির কানা পরে যদি দেশে যান তবেই ঠুকে সাজবে।

রাজধর। আমি যদি না থাকতুম ভাঙা হাঁড়ির কানা তোমাদের পরতে হত। এতক্ষণ থাকতে কোথায়!

ইন্দুকুমার। যেখানেই থাকি তোমার মতো পালিয়ে থাকতুম না।

যুবরাজ। ইন্দুকুমার, তুমি অনায়াস বলছ ভাই। সত্য বলতে কি, রাজধর না থাকলে আজ আমাদের বিপদ হত।

ইন্দুকুমার। কিচ্ছু বিপদ হত না। রাজধর সৈন্য লুকিয়ে রেখেই আমাদের বিপদে ফেলবার

চেষ্টা করেছিল। রাজধর না থাকলে এ মুকুট আমি যুদ্ধ করে আনতুম। রাজধর চুরি করে এনেছে। দাদা, এ মুকুট এনে আমি তোমাকেই পরাতুম, নিজে পরতুম না।

যুবরাজ। (রাজধরের প্রতি) ভাই, তুমিই আজ জিতেছ। তুমি না থাকলে অল্প সৈন্য নিয়ে আমাদের কী বিপদ হত বলা যায় না। এ মুকুট আমি তোমাকেই পরিয়ে দিচ্ছি।

ইন্দ্রকুমার। (রুদ্ধকণ্ঠে) রাজধর ক্ষত্রধর্ম লঙ্ঘন করেছে বলে তোমার কাছ থেকে আজ পুরস্কার পেলে—আর আমি যে প্রাণকে তুচ্ছ করে বিপদের মূখে দাঁড়িয়ে যুদ্ধ করলুম, তোমার মূখ থেকে একটা প্রশংসার কথাও শুনতে পেলুম না! এমন কথা তোমার মূখ থেকে আজ শুনতে হল যে, রাজধর না থাকলে কেউ তোমাকে বিপদ হতে উদ্ধার করতে পারত না! কেন দাদা, আমি কি প্রত্যুষ থেকে আর সন্ধ্যা পর্যন্ত তোমার চোখের সামনে দাঁড়িয়ে লড়াই করি নি! আমি কি রণক্ষেত্র ছেড়ে পালিয়েছিলাম! আমি কি শত্রুসৈন্যের বেণ্টন ছিন্ন করে তোমার সাহায্যের জন্যে আসি নি! কী দেখে তুমি বললে তোমার স্নেহের রাজধর ছাড়া কেউ তোমাকে বিপদ থেকে উদ্ধার করতে পারত না!

যুবরাজ। ভাই, আমি নিজের বিপদের কথা বলছি নে।

ইন্দ্রকুমার। থাক্ দাদা, থাক্। আর কিছুই বলতে হবে না। রাজধরের মতো এমন অসাধারণ বীরকে যখন তুমি সহায় পেয়েছ তখন আমার আর প্রয়োজন নেই—আমি চললাম।

যুবরাজ। ভাই, আবার! আবার তুমি আত্মবিস্মৃত হচ্ছ!

ইন্দ্রকুমার। যেখানে আমার প্রয়োজন নেই সেখানে আমার পক্ষে থাকাই অপমান।

[প্রস্থান]

ইশা খাঁ। যুবরাজ, এ মুকুট তোমার কাউকে দেবার অধিকার নেই। আমি সেনাপতি, আমি যাকে দেব এ তারই হবে।

[রাজধরের মাথা হঠাতে মুকুট লইয়া যুবরাজকে পরাইয়া দিতে উদ্যত হইলেন]

যুবরাজ। (সরিয়া গিয়া) না, এ মুকুট আমি নিতে পারি নে।

ইশা খাঁ। তবে থাক্। এ মুকুট কেউ পাবে না। এ কর্ণফুলির জলে যাক। (মুকুট নিক্ষেপ) রাজধর যুদ্ধের নিয়ম লঙ্ঘন করেছেন, উর্নি শাস্তির যোগ্য।

রাজধর। দাদা, তুমি সাক্ষী রইলে। এ আমি ভুলব না।

যুবরাজ। এইটেই কি সকলের চেয়ে মনে রাখবার কথা! মুকুটটাও যদি জলে গিয়ে থাকে তবে ওর সমস্ত লাঞ্ছনাও যাক। তোমারও যা ভোলবার ভোলো, আমাদেরও যা ভোলবার ভুলে যাই। দেখি, ইন্দ্রকুমার সত্যি রাগ করে আমাদের ছেড়ে চলে গেল কি না।

## পঞ্চম দৃশ্য

শিবির

রাজধর ও ধুরন্ধর

রাজধর। ধুরন্ধর, আমার মুকুট যেখানে গিয়েছে আমাদের যুদ্ধজয়কেও সেই কর্ণফুলির জলে জলাঞ্জলি দেব।

ধুরন্ধর। আবার হারবে নাকি?

রাজধর। হাঁ, এবার হেরে জিতব। ইন্দ্রকুমারের অহংকারকে ধুলোয় না লুটিয়ে দিয়ে আমি ফিরব না। আমার হাতের জিতকে তিনি গ্রহণ করবেন না! দেখি, এবার নিজে তিনি কেমন জিততে পারেন।



ধূরন্ধর। অত বেশি নিশ্চিন্ত হোয়ো না—দৈবাৎ জিতে যেতেও পারে। সত্যি কথায় রাগ করলে চলবে না, যুদ্ধবিদ্যাটা ইন্দ্রকুমার একটু শিখেছে।

রাজধর। আচ্ছা, সে-সব তর্ক পরে হবে। এখন তোমাকে একটি কাজ করতে হবে। আরাকান-রাজ সৈন্য নিয়ে কাল প্রাতেই যাত্রা করবেন। কথা আছে যতদিন না তিনি চট্টগ্রামের সীমানা পেরিয়ে যাবেন ততদিন তাঁর সেনাপতিরা আমার শিবিরে বন্দী থাকবেন। তিনি শিবির তোলবার পূর্বেই আজ রাত্রে গোপনে তাঁর কাছে তুমি আমার এই চিঠিখানি নিয়ে যাবে।

ধূরন্ধর। চিঠিতে কী আছে সেটা তো আমার জানা ভালো। কেননা, যদি দুটো-একটা কথা বলবার দরকার হয় তা হলে ব'লে কাজটা চুকিয়ে আসতে পারব।

রাজধর। আমি লিখেছি আমি অপমানিত হয়েছি, এইজন্য আমার ভাইদের কাছ থেকে আমি অবসর নিলুম। আমার পাঁচ হাজার সৈন্য নিয়ে আমি গৃহে ফেরবার ছলে দূরে চলে যাব। ইন্দ্রকুমারও দাদার উপর অভিমান করে চলে গেছে। সৈন্যেরাও যুদ্ধ শেষ হয়ে গেছে জেনে ফেরবার জন্যে প্রস্তুত হচ্ছে—এই অবকাশে যদি আরাকান-রাজ সহসা আক্রমণ করেন তা হলে ত্রিপুরার সৈন্যদের নিশ্চয় হার হবে।

ধূরন্ধর। হার তো হবে। তার পরে? তুমি-সুদূর শেষে হায় হায় করে মরবে না তো! আগুন যদি লাগতে হয় তো নিজের ঘরের চালটা সামলে লাগতে হবে।

রাজধর। আমাকে সাবধান করে দেবার জন্যে আর-কারো বুদ্ধির প্রয়োজন হবে না। তুমি প্রস্তুত হও গে—দেখো, কেউ যেন জানতে না পারে। আমার সৈন্যেরা যদি কোনোমতে সন্দেহ করে তা হলে সমস্তই পণ্ড হবে।

ধূরন্ধর। দেখো রাজধর, আমাকে সাবান করে দেবার জন্যেও আর-কারো বুদ্ধির প্রয়োজন হবে না—তুমি নিশ্চিন্ত থাকো।

## ষষ্ঠ দৃশ্য

### রণক্ষেত্র

#### ইশা খাঁ ও যুবরাজ

ইশা খাঁ। যুবরাজ, আল্লাকে স্মরণ করো। আজ বড়ো শক্ত সময় এসেছে।

যুবরাজ। শক্তটা কিসের, খাঁ সাহেব! ভগবানের যখন ইচ্ছা হয় তখন মরাও শক্ত নয়, বাঁচাও শক্ত নয়—সবই সহজ।

ইশা খাঁ। মহারাজ আমার হাতে তোমাদের দিয়ে নিশ্চিন্ত ছিলেন, সেইজন্যেই মনে আক্ষেপ হচ্ছে—নইলে যুদ্ধক্ষেত্রে মৃত্যু তো বিবাহশয্যায় নিদ্রা। যুবরাজ, তুমি পালাবার চেষ্টা করো—যুদ্ধের ভার আমার উপর রইল।

যুবরাজ। তুমি আমাদের অস্ত্রগুরু, তোমার মুখে এ উপদেশ সাজে না। তা ছাড়া পথই বা কোথায়? আজ মরবার যেমন চমৎকার সুযোগ হয়েছে পালাবার তেমন নয়।

ইশা খাঁ। কিন্তু বাবা, মনের মধ্যে একটা আগুন জ্বলছে। ইন্দ্রকুমার যে অভিমান করে দূরে চলে গেল, তার এই অপরাধের শাস্তি দেবার জন্যে আমি হয়তো বেঁচে থাকব না।

যুবরাজ। যদি বেঁচে না থাক সেনাপতি, তা হলে তার শাস্তি আরো ডের বেশি হবে। সে যে তোমাকে পিতার মতো জানে।

ইশা খাঁ। আল্লা! সে কথা সত্য। বাবা, আজ বুদ্ধি আমার সময় হবে না। কিন্তু যদি তোমার সুযোগ হয় তবে তাকে বোলো, যদি ইশা খাঁ বেঁচে থাকত তবে তাকে শাস্তি দিত, কিন্তু, মরবার

আগে তাকে ক্ষমা করে মরেছে। বাস্, আর সময় নেই—চললুম বাবা। এসো, একবার আলিঙ্গন করে যাই। আল্লার হাতে দিয়ে গেলুম, তিনি তোমাকে রক্ষা করবেন।

যুবরাজ। খাঁ সাহেব, কতদিন কত অপরাধ করেছি, আজ সমস্ত মার্জনা করে যাও।

ইশা খাঁ। বাবা, জন্মকাল থেকে তোমাকে দেখছি, কোনো দিন কোনো অপরাধ তুমি জমতে দাও নি, হাতে হাতে সমস্তই নিকাশ করে দিয়েছ—আজ মার্জনা করব এমন তো কিছুই রাখ নি। তোমার নির্মল প্রাণ আজ আল্লা যদি নেন তবে তাঁর স্বর্গোদ্যানের কোনো ফুলের কাছেই সে ম্লান হবে না।

## তৃতীয় অঙ্ক

### প্রথম দৃশ্য

রণক্ষেত্র

সৈন্যদল

প্রথম সৈনিক। এ কি সত্য?

দ্বিতীয় সৈনিক। কী জানি ভাই, শুনছি তো।

প্রথম। তবে তো সর্বনাশ হবে।

[দ্রুত প্রস্থান]

দ্বিতীয় দলের প্রবেশ

প্রথম। কে বললে রে, কে বললে?

দ্বিতীয়। আমাদের উমেশ বললে।

প্রথম। কী জানি ভাই, শুনেন যেন মাথায় বজ্রাঘাত হল, ভালো করে সব কথা জিজ্ঞাসা করতে পারলুম না।

দ্বিতীয়। চল্, ভালো করে খোঁজ করে আসি গে।

[প্রস্থান]

তৃতীয় দলের প্রবেশ

প্রথম। আমরা তাঁর হাতিকে দেখেছি। হাওদা খালি, মাহুত নেই। প্রভুকে হারিয়ে সে ঘুরে ঘুরে বেড়াচ্ছে।

দ্বিতীয়। আমাদেরও যে সেই দশা হয়েছে।

তৃতীয়। কোন্ দিকে পড়েছেন কেউ দেখে নি?

প্রথম। তা তো কেউ বলতে পারে না।

দ্বিতীয়। আমাদের শিবু বলিছিল, যুবরাজকে যখন বাণ এসে লাগল তখন মাহুত তাঁর হাত নিয়ে যুদ্ধক্ষেত্র থেকে পালাচ্ছিল, পালাবার সময় মাহুত মারা যায়—তার পরে যুবরাজ যে সেই হাতের উপর থেকে কোন্‌খানে পড়ে গিয়েছেন তা তো কেউ বলতে পারে না।

আর-এক দলের প্রবেশ

চতুর্থ। ওরে, সর্বনাশ হয়ে গেল যে রে! কুমার ইন্দুকুমারকে কি কেউ খবর দিতে ছোটো নি?

তৃতীয়। অনেকক্ষণ গিয়েছে—আরাকানের ফৌজ আমাদের ফাঁকি দিয়ে আক্রমণ করতেই তখনই লোক গেছে—তাকে খুঁজে পেলো তো হয়।

শ্বিতীয়। কুমার রাজধর কি এখনো খবর পান নি?

চতুর্থ। তিনি কোথায় আছেন খবরই পাওয়া গেল না—বোধ করি দ্বিপদুরার দিকে চলে গেছেন। যদুবরাজের সংবাদ জানতে পেলো এতক্ষণে তিনিও দৌড়ে ছুটে আসতেন।

প্রথম। আমরা কোন্‌ মূখে দেশে ফিরব!

তৃতীয়। ফিরব কেন, মরা যাক।

চতুর্থ। যুদ্ধই ফুরিয়ে গেল তো মরব কী করে!

অপর ব্যক্তির প্রবেশ

অপর। ওরে, করছিস কী! সর্বনাশ হল যে—একবার খোঁজ করবি চল্‌।

চতুর্থ। হাঁ রে, চল্‌—আমরা ভাগ করে ভিন্ন ভিন্ন দিকে যাই।

তৃতীয়। আমাদের ভাগ্যে তিনি কি বেঁচে আছেন?

শ্বিতীয়। আমি ভাবছি, ইন্দুকুমার যখন এ খবর শুনবেন তখন তিনি কি প্রাণ রাখতে পারবেন!

## শ্বিতীয় দৃশ্য

রণক্ষেত্র

ইন্দুকুমার ও সৈনিক

ইন্দুকুমার। কোথায়—কোথায়—কোথায়? ওরে, দাদা কোথায়?

সৈনিক। তাঁকেই তো খুঁজছি, প্রভু।

ইন্দুকুমার। আর, ইশা খাঁ?

সৈনিক। আজ বেলা চার প্রহরের সময় যদুবরাজ স্বহস্তে ইশা খাঁর কবরে মাটি দিয়েছেন—সেই মাটিতে তাঁর নিজেরও রক্ত তখন মিশছিল।

ইন্দুকুমার। ধিক্‌ ধিক্‌ ধিক্‌, ইন্দুকুমার! ধিক্‌ তোকে! ধিক্‌ তোমার চন্ডাল রাগকে! দাদা! দাদা! এই নরাধমকে একবার মাপ চাইতেও সময় দেবে না? (উচ্চৈঃস্বরে) দাদা! সাড়া দাও! কেবল এক মূহূর্তের জন্যেও সাড়া দাও। ওরে, আর কেউ নেই নাকি? যে যেখানে আছিস সকলে মিলে তাঁকে খোঁজ্—আজ আমার দাদাকে চাইই যে।

শ্বিতীয় সৈনিকের প্রবেশ

শ্বিতীয়। এই দিকে চলুন কুমার। তাঁর দেখা পেয়েছি।

ইন্দুকুমার। কোথায়? কোথায়?

শ্বিতীয়। কণ্ঠফুলির তীরে সেই অর্জুন গাছের তলায়।

ইন্দুকুমার। সত্য করে বল্‌, তিনি কি—

শ্বিতীয়। তিনি বেঁচে আছেন—তোমার জন্যেই অপেক্ষা করে রয়েছেন।

## তৃতীয় দৃশ্য

কর্ণফুলির তীর। তরুতলে জ্যোৎস্নার ক্ষীণালোকে

যুবরাজ। ওরে, সরিয়ে দে রে, একটু সরিয়ে দে! গাছের ডালগুলো একটু সরিয়ে দে, আজ আকাশের চাঁদকে একটু দেখে নিই। কেউ নেই! এ কি গাছেরই ছায়া, না আমার চোখের উপরে ছায়া পড়ে আসছে! এখনো কর্ণফুলির স্নোতের শব্দ তো শুনতে পাচ্ছি! এই শব্দটিতেই কি পৃথিবীর শেষ বিদায়সম্ভাষণ শুনব! ইন্দুকুমার! ভাই ইন্দুকুমার! এখনো তোমার রাগ গেল না!

ইন্দুকুমারের প্রবেশ

ইন্দুকুমার। দাদা! দাদা!

যুবরাজ। আহ, বাঁচলুম ভাই! তুমি আসবে জেনেই এত দেরি করেই বেঁচেছিলুম। তুমি অভিমান করে গিয়েছিলে বলেই আমি যেতে পাচ্ছিলুম না। কিন্তু, অনেক রাত হয়ে গেছে ভাই, এবার তবে ঘুমোই—মা কোল পেতেছেন।

ইন্দুকুমার। দাদা! মার্জনা করলে কি!

যুবরাজ। সমস্তই, সমস্তই! এখানকার যা-কিছু ছিল এই রক্ত দিয়ে মার্জনা করে গেলুম। কিছুই বাকি রাখি নি। কেবল একটি দৃঃখ রইল, মহারাজের কাছে খবর পাঠাতে হবে আমার পরাজয় হয়েছে।

ইন্দুকুমার। পরাজয় তোমার হয় নি দাদা—আমারই পরাজয় হয়েছে।

সৈনিকের প্রবেশ

সৈনিক। কুমার রাজধর যুবরাজের পদধূলি নেবার জন্যে প্রার্থনা জানিয়ে পাঠিয়েছেন।

ইন্দুকুমার। কখনো না! কিছুতেই না!

যুবরাজ। ডাকো, ডাকো, তাকে ডাকো!

ইন্দুকুমার। (রাগিয়া) দাদা, রাজধরকে—

যুবরাজ। আবার ভাই! আবার!

ইন্দুকুমার। না, না, না, আর নয়। আমার আর রাগ নেই।

রাজধরের প্রবেশ ও প্রণাম

রাজধর। আমি নরাধম। এ মুকুট তোমার পায়ে রাখলুম। এ তোমারই।

যুবরাজ। আমার সময় নেই। ইন্দুকুমারকে দাও, ভাই!

রাজধর। দাদার আদেশ মাথায় করলেম। এ মুকুট তুমি নাও।

ইন্দুকুমার। আমি পরাজিত—এ মুকুট আমার নয়। এ আমি তোমাকেই পরিয়ে দিলুম।—

দাদা!

প্রায়শ্চিত্ত

প্রকাশ : ১৯০৯

বউ-ঠাকুরানীর হাট (১৮৮৩) উপন্যাসের নাট্যীকৃত রূপ প্রায়শ্চিত্ত  
১৯০৯ সালে গ্রন্থাকারে প্রকাশিত হয়। বউ-ঠাকুরানীর হাটে ব্যবহৃত  
১০টি গানের মধ্যে ৪টি এবং অপর ১১টি গান প্রায়শ্চিত্তের অন্তর্ভুক্ত।  
প্রায়শ্চিত্তের পরিবর্তিত রূপ 'পরিদ্রাণ' নাটক ১৯২৯ সালে প্রকাশিত।

## বিজ্ঞাপন

বউঠাকুরানীর হাট নামক উপন্যাস হইতে এই প্রায়শ্চিত্ত গ্রন্থখানি নাট্যীকৃত হইল।  
মূল উপন্যাসখানির অনেক পরিবর্তন হওয়াতে এই নাটকটি প্রায় নতুন গ্রন্থের মতোই  
হইয়াছে।

৩১ বৈশাখ  
সন ১৩১৬ সাল

শ্রীরবীন্দ্রনাথ ঠাকুর

## নাটকের পাত্রগণ

প্রতাপাদিত্য	যশোহরের রাজা
উদয়াদিত্য	যশোহরের যুবরাজ
বসন্ত রায়	প্রতাপাদিত্যের খুড়া, রায়গড়ের রাজা
রামচন্দ্র রায়	প্রতাপাদিত্যের জামাতা, চন্দ্রস্বীপের রাজা
রমাই	রামচন্দ্রের ভাঁড়
রামমোহন	রামচন্দ্র রায়ের মল্ল
ফর্নান্ডিজ	রামচন্দ্র রায়ের পোর্টুগীজ সেনাপতি
ধনঞ্জয়	একজন বৈরাগী
সীতারাম	প্রতাপাদিত্যের গৃহরক্ষক
পীতাম্বর	প্রতাপাদিত্যের অনুচর
প্রতাপাদিত্যের মন্ত্রী	
প্রতাপাদিত্যের মহিষী	
সুরমা	উদয়াদিত্যের স্ত্রী
বিভা	প্রতাপাদিত্যের কন্যা, রামচন্দ্র রায়ের মহিষী
বামী	প্রতাপাদিত্যের মহিষীর পরিচারিকা



## প্রথম অঙ্ক

১

উদয়াদিত্যের শয়নকক্ষ

উদয়াদিত্য ও সুরমা

উদয়াদিত্য। যাক চুকল!

সুরমা। কী চুকল?

উদয়াদিত্য। আমার উপর মাধবপুর পরগনা শাসনের ভার মহারাজ রেখেছিলেন। জান তো, দ্ব-বৎসর থেকে সেখানে কিরকম অজন্মা হয়েছে—আমি তাই খাজনা আদায় বন্ধ করেছিলাম। মহারাজ আমাকে বলেছিলেন, যেমন করে হোক টাকা চাই।

সুরমা। আমি তো তোমাকে আমার গহনাগুলো দিতে চেয়েছিলাম।

উদয়াদিত্য। তোমার গহনা টাকা দিয়ে কেনে এত বড়ো বৃকের পাটা এ রাজ্যে আছে কার? মহারাজার কানে গেলে কি রক্ষা আছে? আমি মহারাজকে বললাম, মাধবপুর থেকে টাকা আমি কোনোমতেই আদায় করতে পারব না। শুনে তিনি মাধবপুর আমার কাছ থেকে কেড়ে নিয়েছেন। তিনি এখন সৈন্য বাড়াচ্ছেন, টাকা তাঁর চাই।

সুরমা। পরগনা তো কেড়ে নিলেন, কিন্তু তুমি চলে এলে প্রজারা যে মরবে।

উদয়াদিত্য। আমি ঠিক করেছি, যে করে হোক তাদের পেটের ভাতটা জোগাব। শুনতে পেলো মহারাজ খুশি হবেন না—দয়া জিনিসটাকে তিনি মেয়েমানুষের লক্ষণ বলেই জানেন। কিন্তু তোমার ঘরে আজ এত ফুলের মালার ঘটা কেন?

সুরমা। রাজপুত্রকে রাজসভায় যখন চিনল না, তখন যে তাকে চিনেছে সে তাকে মালা দিয়ে বরণ করবে।

উদয়াদিত্য। সত্যি নাকি! তোমার ঘরে রাজপুত্র আসা-যাওয়া করেন? তিনি কে শুনি? এ খবরটা তো জানতুম না।

সুরমা। রামচন্দ্র যেমন ভুলেছিলেন তিনি অবতার, তোমারও সেই দশা হয়েছে। কিন্তু ভক্তকে ভোলাতে পারবে না।

উদয়াদিত্য। রাজপুত্র! রাজার ঘরে কোনো জন্মে পুত্র জন্মাবে না, বিধাতার এই অভিপ্রায়।

সুরমা। সে কী কথা?

উদয়াদিত্য। হাঁ, রাজার ঘরে উত্তরাধিকারীই জন্মায়, পুত্র জন্মায় না।

সুরমা। এ তুমি মনের ক্ষোভে বলছ।

উদয়াদিত্য। কথাটা কি আমার কাছে নতুন যে ক্ষোভ হবে? যখন এতটুকু ছিলুম তখন থেকে মহারাজ এইটেই দেখছেন যে, আমি তাঁর রাজ্যভার বইবার যোগ্য কি না। কেবলই পরীক্ষা, স্নেহ নেই।

সুরমা। প্রিয়তম, দরকার কী স্নেহের! খুব কঠোর পরীক্ষাতেও তোমার জিত হবে। তোমার মতো রাজার ছেলে কোন্ রাজা পেয়েছে?

উদয়াদিত্য। বল কী? পরীক্ষক তোমার পরামর্শ নিয়ে বিচার করবেন না, সেটা বেশ বুদ্ধিতে পারছি।

সুরমা। কারো পরামর্শ নিয়ে বিচার করতে হবে না—আগুনের পরীক্ষাতেও সীতার চুল

পোড়ে নি। তুমি রাজ্যভার বহনের উপযুক্ত নও, এ কথা কি বললেই হল? এতবড়ো অবিচার কি জগতে কখনো টিকতে পারে?

উদয়াদিত্য। রাজ্যভারটা নাই বা ঘাড়ের উপর পড়ল, তাতেই বা দঃখ কিসের?

সুদরমা। না না, ও কথা তোমার মুখে আমার সহ্য হয় না। ভগবান তোমাকে রাজার ছেলে করে পাঠিয়েছেন, সে কথা বুদ্ধি অমন করে উড়িয়ে দিতে আছে? নাহয় দঃখই পেতে হবে— তা বলে—

উদয়াদিত্য। আমি দঃখের পরোয়া রাখি নে। তুমি আমার ঘরে এসেছ, তোমাকে সুখী করতে পারি নে, আমার পৌরুষে সেই থিক্কার বাজে।

সুদরমা। যে সুখ দিয়েছ তাই যেন জন্ম-জন্মান্তর পাই।

উদয়াদিত্য। সুখ যদি পেয়ে থাক তো সে নিজের গুণে, আমার শক্তিতে নয়। এ ঘরে আমার আদর নেই বলে তোমারও যে অপমান ঘটে। এমন-কি, মাও যে তোমাকে অবজ্ঞা করেন!

সুদরমা। আমার সব সম্মান যে তোমার প্রেমে, সে তো কেউ কাড়তে পারে নি।

উদয়াদিত্য। তোমার পিতা শ্রীপদরাজ কিনা যশোরের অধীনতা স্বীকার করেন না, সেই হয়েছে তোমার অপরাধ—মহারাজ তোমার উপরে রাগ দেখিয়ে তার শোধ তুলতে চান।

নেপথ্যে। দাদা, দাদা!

উদয়াদিত্য। ও কে ও! বিভা বুদ্ধি! (স্বার খুলিয়া) কী বিভা! কী হয়েছে? এত রাতে কেন : বিভা। (চুপিচুপি কিছু বলিয়া সরোদনে) দাদা, কী হবে?

উদয়াদিত্য। ভয় নেই, আমি যাচ্ছি।

বিভা। না না, তুমি যেয়ো না।

উদয়াদিত্য। কেন বিভা?

বিভা। বাবা যদি জানতে পারেন?

উদয়াদিত্য। জানতে পারবেন না তো কী? তাই বলে বসে থাকব?

বিভা। যদি রাগ করেন?

সুদরমা। ছি বিভা, এখন সে কথা কি ভাববার সময়?

বিভা। (উদয়াদিত্যের হাত ধরিয়া) দাদা, তুমি যেয়ো না, তুমি লোক পাঠিয়ে দাও। আমার ভয় করছে।

উদয়াদিত্য। ভয় করবার সময় নেই বিভা।

[ প্রস্থান

বিভা। কী হবে ভাই? বাবা জানতে পারলে জানি নে কী কান্ড করবেন।

সুদরমা। যাই করুন-না বিভা, নারায়ণ আছেন।

## ২

মন্ত্রগৃহে প্রতাপাদিত্য ও মন্ত্রী

মন্ত্রী। মহারাজ, কাজটা কি ভালো হবে?

প্রতাপাদিত্য। কোন্ কাজটা?

মন্ত্রী। আজ্ঞে, কাল যেটা আদেশ করেছিলেন।

প্রতাপাদিত্য। কাল কী আদেশ করেছিলুম?

মন্ত্রী। আপনার পিতৃব্য সম্বন্ধে—

প্রতাপাদিত্য। আমার পিতৃব্য সম্বন্ধে কী?

মন্ত্রী। মহারাজ আদেশ করেছিলেন, যখন রাজা বসন্ত রায় যশোরের আসবার পথে শিমুল-তলির চটিতে আশ্রয় নেবেন, তখন—

প্রতাপাদিত্য। তখন কী? কথাটা শেষ করেই ফেলো।

মন্ত্রী। তখন দু'জন পাঠান গিয়ে—

প্রতাপাদিত্য। হাঁ—

মন্ত্রী। তাঁকে নিহত করবে।

প্রতাপাদিত্য। নিহত করবে! অমরকোষ খুঁজে বুঝি আর কোনো কথা খুঁজে পেলো না? নিহত করবে! মেরে ফেলবে কথাটা মুখে আনতে বুঝি বাধছে?

মন্ত্রী। মহারাজ আমার ভাবটি ভালো বুঝতে পারেন নি।

প্রতাপাদিত্য। বিলক্ষণ বুঝতে পেরেছি।

মন্ত্রী। আজ্ঞে মহারাজ, আমি—

প্রতাপাদিত্য। তুমি শিশু! খুন করাকে তুমি জুজু বলে জান। তোমার বুড়ি দিদিমার কাছে শিখেই খুন করাটা পাপ। খুন করাটা যেখানে ধর্ম সেখানে না করাটাই পাপ, এটা এখনো তোমার শিখতে বাকি আছে। যে মুসলমান আমাদের ধর্ম নষ্ট করছে, তাদের যারা মিত্র তাদের বিনাশ না করাই অধর্ম। পিতৃব্য বসন্ত রায় নিজেকে স্লেচ্ছের দাস বলে স্বীকার করেছেন। ক্ষত হলে নিজের বাহুরকে কেটে ফেলা যায়, সে কথা মনে রেখো মন্ত্রী।

মন্ত্রী। যে আজ্ঞে।

প্রতাপাদিত্য। অমন তাড়াতাড়ি 'যে আজ্ঞে' বললে চলবে না। তুমি মনে করছ নিজের পিতৃব্যকে বধ করা সকল অবস্থাতেই পাপ। 'না' বোলো না, ঠিক এই কথাটাই তোমার মনে জাগছে। কিন্তু মনে কোরো না এর উত্তর নেই। পিতার অনুরোধে ভুগু তাঁর মাকে বধ করেছিলেন, আর ধর্মের অনুরোধে আমি আমার পিতৃব্যকে কেন বধ করব না?

মন্ত্রী। কিন্তু দিল্লীশ্বর যদি শোনেন তবে—

প্রতাপাদিত্য। আর যাই কর, দিল্লীশ্বরের ভয় আমাকে দেখিয়ে না।

মন্ত্রী। প্রজারা জানতে পারলে কী বলবে?

প্রতাপাদিত্য। জানতে পারলে তো।

মন্ত্রী। এ কথা কখনোই চাপা থাকবে না।

প্রতাপাদিত্য। দেখো মন্ত্রী, কেবল ভয় দেখিয়ে আমাকে দুর্বল করে তোলবার জন্যেই কি তোমাকে রেখেছি?

মন্ত্রী। মহারাজ, যুবরাজ উদয়াদিত্য—

প্রতাপাদিত্য। দিল্লীশ্বর গেল, প্রজারা গেল, শেষকালে উদয়াদিত্য! সেই সৈন্য বালকটার কথা আমার কাছে তুলো না।

মন্ত্রী। তাঁর সম্বন্ধে একটি সংবাদ আছে। কাল তিনি রাত্রে ঘোড়ায় চড়ে একলা বেরিয়েছেন, এখনও ফেরেন নি।

প্রতাপাদিত্য। কোন্ দিকে গেছে?

মন্ত্রী। পূর্বের দিকে।

প্রতাপাদিত্য। কখন গেছে?

মন্ত্রী। তখন রাত দেড় প্রহর হবে।

প্রতাপাদিত্য। নাঃ, আর চলল না। ঈশ্বর করুন আমার কনিষ্ঠ পুত্রটি যেন উপযুক্ত হয়। এখনো ফেরে নি!

মন্ত্রী। আজ্ঞে না।

প্রতাপাদিত্য। একজন প্রহরী তার সঙ্গে যায় নি কেন?

মন্ত্রী। যেতে চেয়েছিল, তিনি নিষেধ করেছিলেন।

প্রতাপাদিত্য। তাকে না জানিয়ে, তার পিছনে পিছনে যাওয়া উচিত ছিল।

মন্ত্রী। তারা তো কোনো সন্দেহ করে নি।

প্রতাপাদিত্য। বড়ো ভালো কাজই করেছিল! মন্ত্রী, তুমি কি বোঝাতে চাও এজন্যে কেউ দায়ী নয়? তা হলে এ দায় তোমার।

### ৩

পথপার্শ্বে গাছডালার বাঁকহীন পালকিতে বসন্ত রায় আসীন  
পাশে একজন পাঠান দণ্ডায়মান

পাঠান। নাঃ, এ বড়োকে মারার চেয়ে বাঁচিয়ে রেখে লাভ আছে। মারলে যশোরের রাজা কেবল একবার বকশিশ দেবে, কিন্তু একে বাঁচিয়ে রাখলে এর কাছে অনেক বকশিশ পাব।

বসন্ত রায়। খাঁসাহেব, তুমিও যে ওদের সঙ্গে গেলে না?

পাঠান। হুজুর, যাই কী করে? আপনি তো ডাকাতদের হাত থেকে আমাদের ধনপ্রাণ রক্ষার জন্যে আপনার সব লোকজনদেরই পাঠিয়ে দিলেন—আপনাকে মাঠের মধ্যে একলা ফেলে যাব এমন অকৃতজ্ঞ আমাকে ঠাওরাবেন না। দেখুন, আমাদের কবি বলেন, যে আমার অপকার করে সে আমার কাছে ঋণী, পরকালে সে ঋণ তাকে শোধ করতেই হবে; যে আমার উপকার করে আমি তার কাছে ঋণী, কোনো কালেই সে ঋণ শোধ করতে পারব না।

বসন্ত রায়। বা বা বা! লোকটা তো বেশ! খাঁসাহেব, তোমাকে বড়ো ঘরের লোক বলে মনে হচ্ছে।

পাঠান। (সেলাম করিয়া) ক্যা তাঈজব! মহারাজ ঠিক ঠাউরেছেন।

বসন্ত রায়। এখন তোমার কী করা হয়?

পাঠান। (সনিম্বাসে) হুজুর, গরিব হয়ে পড়েছি, চাষবাস করেই দিন চলে। কবি বলেন, হে অদৃষ্ট, তৃণকে তৃণ করে গড়েছ সেজন্যে তোমাকে দোষ দিই নে। কিন্তু বটগাছকে বটগাছ করেও তাকে ঝড়ের ঘায়ে তৃণের সঙ্গে এক মাটিতে শোয়াও, এতেই বুরোঁছ তোমার হৃদয়টা পাষণ!

বসন্ত রায়। বাহবা, বাহবা! কবি কী কথাই বলেছেন! সাহেব, যে দুটো বয়েত আজ বললে ও তো আমাকে লিখে দিতে হবে। আচ্ছা খাঁসাহেব, তোমার তো বেশ মজবুত শরীর, তুমি তো ফৌজের সিপাহি হতে পার।

পাঠান। হুজুরের মেহেরবার্নি হলেই পারি। আমার বাপ-পিতামহ সকলেই তলোয়ার হাতে মরেছেন। কবি বলেন—

বসন্ত রায়। (হাসিয়া) কবি যাই বলুন, আমার কাজ যদি নাও তবে তলোয়ার হাতে নিয়ে মরার শখ মিটতে পারে, কিন্তু সে তলোয়ার খাপ থেকে খোলবার সন্মোগ হবে না। প্রজারা শান্তিতে আছে—ভগবান করুন আর লড়াইয়ের দরকার না হয়। বড়ো হয়েছি, তলোয়ার ছেড়েছি, এখন তার বদলে আর-একজন আমার পাণিগ্রহণ করেছে। (সেতারে ঝংকার)

পাঠান। (ঘাড় নাড়িয়া) হায় হায়, এমন অসুখ কি আছে! একটি বয়েত আছে—তলোয়ারে শত্রুকে জয় করা যায় কিন্তু সংগীতে শত্রুকে মিত্র করা যায়।

বসন্ত রায়। (উৎসাহে উঠিয়া দাঁড়াইয়া) কী বললে, খাঁসাহেব! সংগীতে শত্রুকে মিত্র করা যায়! কী চমৎকার! তলোয়ার যে এমন ভয়ানক জিনিস, তাতেও শত্রুর শত্রুশ নাশ করা যায় না। কেমন করে বলব নাশ করা যায়? রোগীকে বধ করে রোগ আরোগ্য করা সে কেমনতরো আরোগ্য? কিন্তু সংগীত যে এমন মৃদু জিনিস, তাতে শত্রু নাশ না করেও শত্রুশ নাশ করা যায়। এ কি সাধারণ কবিদের কথা! বাঃ, কী তারিফ! খাঁসাহেব, তোমাকে একবার রায়গড়ে যেতে হচ্ছে। আমি যশোর থেকে ফিরে গিয়েই আমার সাধ্যমত তোমার কিছু—

পাঠান। আপনার পক্ষে বা 'কিছু' আমার পক্ষে তাই ঢের। হুজুর, আপনার সেতার বাজানো আসে?

বসন্ত রায়। বাজানো আসে কেমন করে বলি? তবে বাজাই বটে।

[ সেতার-বাদন

পাঠান। বাহবা! খাসি!

উদয়াদিত্যের প্রবেশ

উদয়াদিত্য। আঃ, বাঁচলুম! দাদামশায়, পথের ধারে এত রাতে কাকে বাজনা শোনাচ্ছ?

বসন্ত রায়। খবর কী দাদা? সব ভালো তো? দিদি ভালো আছে?

উদয়াদিত্য। সমস্তই মঙ্গল।

বসন্ত রায়।

সেতার লইয়া গান

ভূপালী। ষং

বঁধুয়া, অসময়ে কেন হে প্রকাশ?

সকলি যে স্বপ্ন বলে হতেছে বিশ্বাস।

তুমি গগনেরই তারা

মর্ত্যে এলে পথহারা,

এলে ভুলে অশ্রুজলে আনন্দেরই হাস।

উদয়াদিত্য। দাদামশায়, এ লোকটি কোথা থেকে জুটল?

বসন্ত রায়। খাঁসাহেব বড়ো ভালো লোক। সমজদার ব্যক্তি। আজ রাতে একে নিয়ে বড়ো আনন্দেরই কাটানো গেছে।

উদয়াদিত্য। তোমার সঙ্গের লোকজন কোথায়? চটিতে না গিয়ে এই পথের ধারে রাত কাটাচ্ছ যে?

বসন্ত রায়। ভালো কথা মনে করিয়ে দিলে! খাঁসাহেব, তোমাদের জন্যে আমার ভাবনা হচ্ছে। এখনো তো কেউ ফিরল না। সেই ডাকাতির দল কি তবে—

পাঠান। হুজুর, অভয় দেন তো সত্য কথা বলি। আমরা রাজা প্রতাপাদিত্যের প্রজা, যদুবরাজ বাহাদুর আমাদের বেশ চেনেন। মহারাজ আমাকে আর আমার ভাই রহিমকে আদেশ করেন যে, আপনি যখন নিমন্ত্রণ রাখতে যশোরের দিকে আসবেন তখন পথে আপনাকে খুন করা হয়।

বসন্ত রায়। রাম, রাম!

উদয়াদিত্য। বলে যাও।

পাঠান। আমার ভাই গ্রামে ডাকাত পড়েছে বলে কেঁদে কেটে আপনার অনুচরদের নিয়ে গেলেন। আমার উপরেই এই কাজের ভার ছিল। কিন্তু মহারাজ, যদিও রাজার আদেশ, তবু এমন কাজে আমার প্রবৃত্তি হল না। কারণ আমাদের কবি বলেন, রাজা তো পৃথিবীরই রাজা, তাঁর আদেশে পৃথিবী নষ্ট করতে পার, কিন্তু সাবধান, স্বর্গের এক কোণও নষ্ট করো না। গরিব এখন মহারাজের শরণাগত। দেশে ফিরে গেলে আমার সর্বনাশ হবে।

বসন্ত রায়। তোমাকে পত্র দিচ্ছি, তুমি এখান থেকে রায়গড়ে চলে যাও।

উদয়াদিত্য। দাদামশায়, তুমি এখান থেকে যশোরে যাবে নাকি?

বসন্ত রায়। হাঁ ভাই।

উদয়াদিত্য। সে কী কথা!

বসন্ত রায়। আমি তো ভাই ভবসমুদ্রের কিনারায় এসে দাঁড়িয়েছি—একটা ডেউ লাগলেই বাস্। আমার ভয় কাকে? কিন্তু আমি যদি না যাই তবে প্রতাপের সঙ্গে ইহজন্মে আমার আর দেখা হওয়া শক্ত হবে। এই যে ব্যাপারটা ঘটল এর সমস্ত কালি মুছে ফেলতে হবে যে—এইখেন থেকেই যদি রায়গড়ে ফিরে যাই তা হলে সমস্তই জমে থাকবে। চল্ দাদা চল্। রাত শেষ হয়ে এল।

## মন্ত্রসভায় প্রতাপাদিত্য ও মন্ত্রী

প্রতাপাদিত্য। দেখো দেখি মন্ত্রী, সে পাঠান দূটো এখনো এল না।

মন্ত্রী। সেটা তো আমার দোষ নয় মহারাজ!

প্রতাপাদিত্য। দোষের কথা হচ্ছে না। দেরি কেন হচ্ছে তুমি কী অনুমান কর তাই জিজ্ঞাসা করছি।

মন্ত্রী। শিমূলতালি তো কাছে নয়। কাজ সেরে আসতে দেরি তো হবেই।

প্রতাপাদিত্য। উদয় কাল রাত্রেই বেরিয়ে গেছে?

মন্ত্রী। আশ্বে হাঁ, সে তো পূর্বেই জানিয়েছি।

প্রতাপাদিত্য। কী উপযুক্ত সময়েই জানিয়েছ। আমি তোমাকে নিশ্চয় বলছি মন্ত্রী, এ সমস্তই সে তার স্ত্রীর পরামর্শ নিয়ে করেছে। কী বোধ হয়?

মন্ত্রী। কেমন করে বলব মহারাজ?

প্রতাপাদিত্য। আমি কি তোমার কাছে বেদবাক্য শুনতে চাচ্ছি? তুমি কি আন্দাজ কর তাই জিজ্ঞাসা করছি।

## একজন পাঠানের প্রবেশ

প্রতাপাদিত্য। কি হল?

পাঠান। মহারাজ, এতক্ষণে কাজ নিকেশ হয়ে গেছে।

প্রতাপাদিত্য। সে কী রকম কথা? তবে তুমি জান না?

পাঠান। জানি বৈকি। কাজ শেষ হয়ে গেছে ভুল নেই, তবে আমি সে সময়ে উপস্থিত ছিলাম না। আমার ভাই হোসেন খাঁর উপর ভার আছে, সে খুব হুঁশিয়ার। মহারাজের পরামর্শমতে আমি খুড়ারাজা-সাহেবের লোকজনদের তফাত করেই চলে আসছি।

প্রতাপাদিত্য। হোসেন যদি ফাঁকি দেয়?

পাঠান। তোবা! সে তেমন বেইমান নয়। মহারাজ, আমি আমার শির জামিন রাখলাম।

প্রতাপাদিত্য। আচ্ছা, এইখানে হাজির থাকো, তোমার ভাই ফিরে এলে বকশিশ মিলবে। (পাঠানের বাহিরে গমন) এটা যাতে প্রজাবা টের না পায় সে চেষ্টা করতে হবে।

মন্ত্রী। মহারাজ, এ কথা গোপন থাকবে না।

প্রতাপাদিত্য। কিসে তুমি জানলে?

মন্ত্রী। আপনার পিতৃবীর প্রতি বিশ্বাস আপনি তো কোনোদিন লুকোতে পারেন নি। এমন-কি, আপনার কন্যার বিবাহেও আপনি তাঁকে নিমন্ত্রণ করেন নি—তিনি বিনা নিমন্ত্রণেই এসেছিলেন। আর আজ আপনি অকারণে তাঁকে নিমন্ত্রণ করলেন, আর পথে এই কাণ্ডটি ঘটল, এমন অবস্থায় প্রজারা আপনাকেই এর মূল বলে জানবে।

প্রতাপাদিত্য। তা হলেই তুমি খুব হুঁশি হও, না?

মন্ত্রী। মহারাজ, এমন কথা কেন বলছেন? আপনার ধর্ম-অধর্ম পাপপুণ্যের বিচার আমি করি নে, কিন্তু রাজ্যের ভালোমন্দের কথাও যদি আমাকে ভাবতে না দেবেন তবে আমি আছি কী করতে? কেবল প্রতিবাদ করে মহারাজের জেদ বাড়িয়ে তোলবার জন্যে?

প্রতাপাদিত্য। আচ্ছা, ভালোমন্দের কথাটা কী ঠাওরালে শুন।

মন্ত্রী। আমি এই কথা বলছি, পদে পদে প্রজাদের মনে অসন্তোষ বাড়িয়ে তুলবেন না। দেখুন, মাধবপুত্রের প্রজারা খুব প্রবল এবং আপনার বিশেষ বাধ্য নয়। তারা রাজ্যের সীমানার কাছে থাকে, পাছে আপনার প্রতিবেশী শত্রুপক্ষের সঙ্গে যোগ দেয় এই ভয়ে তাদের গায়ে হাত তোলা যায় না। সেইজন্য মাধবপুত্র-শাসনের ভার যুবরাজের উপর দেবার কথা আমিই মহারাজকে বলেছিলাম।

প্রতাপাদিত্য। সে তো বলেছিলে। তার ফল কী হল দেখো-না! আজ দুবৎসরের খাজনা বাকি। সকল মহল থেকে টাকা এল, আর ওখান থেকে কী আদায় হল?

মন্ত্রী। আজ্ঞে, আশীর্বাদ। তেমন সব বজ্রাত প্রজাও যুবরাজের পায়ের গোলাম হয়ে গেছে। টাকার চেয়ে কি তার কম দাম? সেই যুবরাজের কাছ থেকে আপনি মাধবপুত্রের ভার কেড়ে নিলেন। সমস্তই উলটে গেল। এর চেয়ে তাঁকে না পাঠানোই ভালো ছিল। সেখানকার প্রজারা তো হন্যে কুকুরের মতো খেপে রয়েছে—তার পরে আবার যদি এই কথাটা প্রকাশ হয় তা হলে কী হয় বলা যায় না। রাজকার্যে ছোটোদেরও অবজ্ঞা করতে নেই মহারাজ! অসহ্য হলেই ছোটোরা জোট বাঁধে, জোট বাঁধলেই ছোটোরা বড়ো হয়ে ওঠে।

প্রতাপাদিত্য। সেই ধনঞ্জয় বৈরাগী তো মাধবপুত্রের থাকে?

মন্ত্রী। আজ্ঞে হাঁ।

প্রতাপাদিত্য। সেই যেটাই যত নষ্টের গোড়া। ধর্মের ভেদ ধরে সেই তো যত প্রজাকে নাচিয়ে তোলে। সেই তো প্রজাদের পরামর্শ দিয়ে খাজনা বন্ধ করিয়েছে। উদয়কে বলেছিলুম যেমন করে হোক তাকে আচ্ছা করে শাসন করে দিতে। কিন্তু উদয়কে জান তো? এ দিকে তার না আছে তেজ, না আছে পৌরুষ, কিন্তু একগুয়েমির অন্ত নেই। ধনঞ্জয়কে শাসন দূরে থাক, তাকে আশ্রয় দিয়ে বাড়িয়ে তুলেছে। এবারে তার কণ্ঠীসুন্দর কণ্ঠ চেপে ধরতে হচ্ছে, তার পরে দেখা যাবে তোমার মাধবপুত্রের প্রজাদের কতবড়ো বৃকের পাটা! আর দেখো, লোকজন আজই সব ঠিক করে রাখে—খবরটা পাবামাত্রই রায়গড়ে গিয়ে বসতে হবে। সেইখানেই শ্রাদ্ধশান্তি করব—আমি ছাড়া উত্তরাধিকারী আর তো কাউকে দেখি নে।

বসন্ত রায়ের প্রবেশ। প্রতাপাদিত্য চমকিয়া উঠিয়া দণ্ডায়মান

বসন্ত রায়। আমাকে কিসের ভয় প্রতাপ? আমি তোমার পিতৃবা, তাতেও যদি বিশ্বাস না হয়, আমি বৃন্দ, তোমার কোনো অনিষ্ট করি এমন শক্তিই নেই। (প্রতাপ নীরব) প্রতাপ, একবার রায়গড়ে চलो—ছেলেবেলা কতদিন সেখানে কাটিয়েছ—তার পরে বহুকাল সেখানে যাও নি।

প্রতাপাদিত্য। (নেপথ্যের দিকে চাহিয়া সগর্জনে) খবরদার ঐ পাঠানকে ছাড়িস নে!

। দ্রুত প্রস্থান

বসন্ত রায়ের প্রস্থান। প্রতাপ ও মন্ত্রীর পুনঃপ্রবেশ

প্রতাপাদিত্য। দেখো মন্ত্রী, রাজকার্যে তোমার অত্যন্ত অমনোযোগ দেখা যাচ্ছে।

মন্ত্রী। মহারাজ, এ বিষয়ে আমার কোনো অপরাধ নেই।

প্রতাপাদিত্য। এ বিষয়ের কথা তোমাকে কে বলছে? আমি বলছি রাজকার্যে তোমার অত্যন্ত অমনোযোগ দেখছি। সেদিন তোমাকে চিঠি রাখতে দিলেম, হারিয়ে ফেললে! আর একদিন মনে আছে উমেশ রায়ের কাছে তোমাকে যেতে বলেছিলুম, তুমি লোক দিয়ে কাজ সেরেছিলে।

মন্ত্রী। আজ্ঞে মহারাজ—

প্রতাপাদিত্য। চুপ করো। দোষ কাটাবার জন্যে মিথ্যে চেষ্টা করো না। যা হোক, তোমাকে জানিয়ে রাখছি, রাজকার্যে তুমি কিছুমাত্র মনোযোগ দিচ্ছ না। যাও, কাল রাতে যারা পাহারায় ছিল তাদের কয়েদ করো গে।

৫

রাজান্তঃপদ্য

সুরমা ও বিভা

সুরমা। (বিভার গলা ধরিয়া) তুই অমন চুপ করে থাকিস কেন ভাই? যা মনে আছে বলিস নে কেন?

বিভা। আমার আর কী বলবার আছে?

সুরমা। অনেকদিন তাঁকে দেখিস নি। তা তুইই নাহয় তাঁকে একখানা চিঠি লেখ-না। আমি তোর দাদাকে দিয়ে পাঠাবার সুবিধা করে দেব।

বিভা। যেখানে তাঁর আদর নেই সেখানে আসবার জন্যে আমি কেন তাঁকে লিখব? তিনি আমাদের চেয়ে কিসে ছোটো?

সুরমা। আচ্ছা গো আচ্ছা, নাহয় তিনি খুব মাননী, তাই বলে মানটাই কি সংসারে সকলের চেয়ে বড়ো হল? সেটা কি বিসর্জন করবার কোনো জায়গা নেই?

গান

ওর মানের এ বাঁধ টুটবে না কি টুটবে না?

ওর মনের বেদন থাকবে মনে

প্রাণের কথা ফুটবে না?

কঠিন পাষণ বৃকে লয়ে

নাই রহিল অটল হয়ে।

প্রেমেতে ওই পাথর ক্ষয়ে

চোখের জল কি ছুটবে না?

আচ্ছা বিভা, তুই যদি পদ্যরূপ হতিস তো কী করতিস? নিমন্ত্রণ-চিঠি না পেলে এক-পা নড়তিস নে নাকি?

বিভা। আমার কথা ছেড়ে দাও—কিন্তু তাই বলে—

সুরমা। বিভা, শুনোঁছিস দাদামশায় এসে পৌঁছেছেন।

বিভা। এখানে এলেন কেন ভাই? আবার তো কিছু বিপদ ঘটবে না?

সুরমা। বিপদের মুখের উপর তেড়ে এলে বিপদ ছুটে পালায়।

বিভা। না ভাই, আমার বৃকের ভিতর এখনো কেঁপে উঠছে। আমার এমন একটা ভয় ধরে গেছে, কিছুতে ছাড়ছে না; আমার মনে হচ্ছে কী যেন একটা হবে। মনে হচ্ছে যেন কাকে সাবধান করে দেবার আছে। আমার কিছুই ভালো লাগছে না। আচ্ছা, তিনি আমাদের দেখতে এখনো এলেন না কেন?

বসন্ত রায়ের প্রবেশ ও গান

আজ তোমারে দেখতে এলেম

অনেক দিনের পরে।

ভয় কোরো না, সুখে থাকো,

বেশিক্ষণ থাকব নাকো,

এসেছি দণ্ড-দূয়ের তরে।



দেখব শুদ্ধ মদুখানি,  
শোনাও যদি শুনব বাণী,  
নাহয় যাব আড়াল থেকে  
হাসি দেখে দেশান্তরে।

সুরমা। (বিভার চিবুক ধরিয়া) দাদামশায়, বিভার হাসি দেখবার জন্যে তো আড়ালে যেতে হল না। এবার তবে দেশান্তরের উদ্যোগ করো।

বসন্ত রায়। না না, অত সহজে না। অমনি যে ফাঁকি দিয়ে হেসে তাড়াবে আমি তেমন পাশ না। কেঁদে না তাড়ালে বড়ো বিদায় হবে না। গোটা পনেরো নতুন গান আর একমাথা পুরোনো পাকাচুল এনেছি, সমস্ত নিকেশ না করে নড়াই নে।

বিভা। মিছে বড়াই কর কেন? আধমাথা বই চুলই নেই!

বসন্ত রায়। (মাথায় হাত বদলাইয়া) ওরে, সে একদিন গেছে রে ভাই। বললে বিশ্বাস করবি নে, বসন্ত রায়েরও মাথায় একেবারে মাথাভরা চুল ছিল। সেদিন কি আর এত রাস্তা পেরিয়ে তোদের খোশামোদ করতে আসতুম। সেদিন একটা চুল পেকেছে কি, অমনি পাঁচটা রূপসী তোলবার জন্যে উমেদার হত। মনের আগ্রহে কাঁচাচুল স্বেচ্ছা উজাড় করে দেবার জো করত।

সুরমা। দাদামশায়, টাকের আলোচনা পরে হবে, এখন বিভার একটা যা-হয় উপায় করে দাও।

বসন্ত রায়। সেও কি আমাকে আবার বলতে হবে নাকি? এতক্ষণ কী করছিলুম? এই যে বড়োটা রয়েছে, এ কি কোনো কাজেই লাগে না মনে করছ?

গান

মলিন মুখে ফুটুক হাসি, জুড়াক দৃ-নয়ন।  
মলিন বসন ছাড়ো সখী, পরো আভরণ।  
অশ্রুধোয়া কাজলরেখা  
আবার চোখে দিক-না দেখা,  
শিথিল বেণী তুলুক বেঁধে কুসুমবন্ধন।

বিভা। দাদামশায়, সত্যি তুমি বাবার কাছে কিছুর বলেছ?

বসন্ত রায়। একটা কিছুর যে বলেছি তার সাক্ষী আমি থাকতে থাকতেই হাজির হবে।

বিভা। কেন এমন কাজ করতে গেলে?

বসন্ত রায়। খুব করেছি, বেশ করেছি।

বিভা। না দাদামশায়, আমি ভারি রাগ করেছি।

বসন্ত রায়। এই বড়ি বকশিশ! যার জন্যে চুরি করি সেই বলে চোর!

বিভা। না, সত্যি বলছি, কেন তুমি বাবাকে অনুরোধ করতে গেলে?

বসন্ত রায়। দিদি, রাজার ঘরে যখন জন্মেছি তখন অভিমান করে ফল নেই—এরা সব পাথর।

বিভা। আমার নিজের জন্যে অভিমান করি বড়ি! তিনি যে মানী, তাঁর অপমান কেন হবে?

বসন্ত রায়। আচ্ছা বেশ, সে আমার সঙ্গে তার বোঝাপড়া হবে। ওরে, তুই এখন—

গান

পিলু বারোয়ারী  
মান অভিমান ভাসিয়ে দিয়ে  
এগিয়ে নিয়ে আয়—  
তারে এগিয়ে নিয়ে আয়।  
চোখের জলে মিশিয়ে হাসি

ঢেলে দে তার পায়—  
ওরে ঢেলে দে তার পায়।  
আসছে পথে ছায়া পড়ে,  
আকাশ এল আঁধার করে,  
শব্দকুসুম পড়ছে ঝরে  
সময় বহে যায়—  
ওরে সময় বহে যায়।

## ৬

## মাধবপুত্রের পথ

## ধনঞ্জয় ও প্রজাদল

ধনঞ্জয়। একেবারে সব মুখ চুন করে আছি কেন? মেরেছে বেশ করেছে। এতদিন আমার কাছে আছি বোটারা, এখনো ভালো করে মার খেতে শিখলি নে? হাড়গোড় সব ভেঙে গেছে নাকি রে?

১। রাজার কাছারিতে ধরে মারলে সে বড়ো অপমান!

ধনঞ্জয়। আমার চেলা হয়েও তোদের মানসম্ভ্রম আছে? এখনো সবাই তোদের গায়ে ধুলো দেয় না রে? তবে এখনো তোরা ধরা পড়িস নি? তবে এখনো আরো অনেক বাকি আছে!

২। বাকি আর রইল কী ঠাকুর! এ দিকে পেটের জ্বালায় মরিছি, ও দিকে পিঠের জ্বালাও ধরিয়ে দিলে।

ধনঞ্জয়। বেশ হয়েছে, বেশ হয়েছে—একবার খুব করে নেচে নে!

## গান

আরো আরো প্রভু, আরো আরো।  
এমনি করে আমায় মারো।  
লুকিয়ে থাকি আমি পালিয়ে বেড়াই,  
ধরা পড়ে গেছি আর কি এড়াই?  
যা-কিছু আছে সব কাড়ো কাড়ো।  
এবার যা করবার তা সারো সারো।  
আমি হারি কিংবা তুমিই হার'।  
হাটে ঘাটে বাটে করি মেলা,  
কেবল হেসে খেলে গেছে বেলা,  
দেখি কেমনে কাঁদাতে পার!

২। আচ্ছা ঠাকুর, তুমি কোথায় চলেছ বলো দেখি।

ধনঞ্জয়। যশোর যাচ্ছি রে।

৩। কী সর্বনাশ! সেখানে কী করতে যাচ্ছ?

ধনঞ্জয়। একবার রাজাকে দেখে আসি। চিরকাল কি তোদের সঙ্গেই কাটাবে? এবার রাজ-দরবারে নাম রেখে আসব।

৪। তোমার উপরে রাজার যে ভারি রাগ! তার কাছে গেলে কি তোমার রক্ষা আছে?

৫। জান তো যুবরাজ তোমাকে শাসন করতে চায় নি বলে তাকে এখান থেকে সরিয়ে নিয়ে গেল।

ধনঞ্জয়। তোরা যে মার সইতে পারিস নে। সেইজন্যে তোদের মারগুলো সব নিজের পিঠে নেবার জন্যে স্বয়ং রাজার কাছে চলেছি। পেয়াদা নয় রে, পেয়াদা নয়—যেখানে স্বয়ং মারের বাবা বসে আছে সেইখানে ছুটেছি।

১। না, না, সে হবে না ঠাকুর, সে হবে না।

ধনঞ্জয়। খুব হবে—পেট ভরে হবে, আনন্দে হবে।

১। তবে আমরাও তোমার সঙ্গে যাব।

ধনঞ্জয়। পেয়াদার হাতে আশ মেটে নি বুঝি?

২। না ঠাকুর, সেখানে একলা যেতে পারছ না, আমরাও সঙ্গে যাব।

ধনঞ্জয়। আচ্ছা, যেতে চাস তো চল্। একবার শহরটা দেখে আসবি।

৩। কিছ্ হাতিয়ার সঙ্গে নিতে হবে।

ধনঞ্জয়। কেন রে? হাতিয়ার নিয়ে কী করবি?

৩। যদি তোমার গায়ে হাত দেয় তা হলে—

ধনঞ্জয়। তা হলে তোরা দেখিয়ে দিবি হাত দিয়ে না মেরে কী করে হাতিয়ার দিয়ে মারতে হয়! কী আমার উপকারটা করতেই যাচ্ছ! তোদের যদি এই রকম বৃদ্ধি হয় তবে এইখানেই থাক্।

৪। না, না, তুমি যা বলবে তাই করব, কিন্তু আমরা তোমার সঙ্গে থাকব।

৩। আমরাও রাজার কাছে দরবার করব।

ধনঞ্জয়। কী চাইবি রে?

৩। আমরা যুবরাজকে চাইব।

ধনঞ্জয়। বেশ, বেশ, অর্ধেক রাজত্ব চাইবি নে?

৩। ঠাট্টা করছ ঠাকুর!

ধনঞ্জয়। ঠাট্টা কেন করব? সব রাজত্বটাই কি রাজার? অর্ধেক রাজত্ব প্রজার নয় তো কী? চাইতে দোষ নেই রে। চেয়ে দেখিস।

৪। যখন তাড়া দেবে?

ধনঞ্জয়। তখন আবার চাইব। তুই কি ভাবিস রাজা একলা শোনে? আরো একজন শোনবার লোক রাজদরবারে বসে থাকেন—শুনতে শুনতে তিনি একদিন মজ্জুর করেন, তখন রাজার তাড়াতে কিছুই ক্ষতি হয় না।

#### গান

আমরা বসব তোমার সনে।

তোমার শরিক হব রাজার রাজা,

তোমার আধেক সিংহাসনে।

তোমার স্ৱারী মোদের করেছে শির নত,

তারা জানে না যে মোদের গরব কত,

তাই বাহির হতে তোমায় ডাকি,

তুমি ডেকে লও গো আপন জনে।

## দ্বিতীয় অঙ্ক

১

চন্দ্রবীপ। রাজা রামচন্দ্র রায়ের কক্ষ

রামচন্দ্র, রমাই ভাঁড়, ফর্নান্ডিজ ও মন্ত্রী

রামচন্দ্র। (তামাক টানিয়া) ওহে রমাই!

রমাই। আজ্ঞা মহারাজ!

রামচন্দ্র। হাঃ হাঃ হাঃ।

মন্ত্রী। হোঃ হোঃ হোঃ।

ফর্নান্ডিজ। (হাততালি দিয়া) হিঃ হিঃ হিঃ—হিঃ হিঃ হিঃ।

রামচন্দ্র। খবর কী হে?

রমাই। পরম্পরায় শূন্য গেল, সেনাপতি মশাইয়ের ঘরে চোর পড়েছিল।

রামচন্দ্র। (চোখ টিপিয়া) তার পরে?

রমাই। নিবেদন করি মহারাজ! (ফর্নান্ডিজ তাঁর কোর্তার বোতাম খুলছেন ও দিচ্ছেন) আজ দিন তিন-চার ধরে সেনাপতি মশাইয়ের ঘরে রাতে চোর আনাগোনা করছিল। সাহেবের স্বাক্ষরী জানতে পেরে কর্তাকে অনেক ঠেলাঠেলি করেন, কিন্তু কোনোমতেই কর্তার ঘুম ভাঙতে পারেন নি।

রামচন্দ্র। হাঃ হাঃ হাঃ হাঃ।

মন্ত্রী। হোঃ হোঃ হোঃ হোঃ হোঃ।

সেনাপতি। হিঃ হিঃ হিঃ।

রমাই। তার পর দিনের বেলা গৃহিণীর নিগ্রহ আর সহিতে না পেরে জোড় হস্তে বললেন, ‘দোহাই তোমার, আজ রাতে চোর ধরব।’ রাতি দুই দণ্ডের সময় গিমি বললেন, ‘ওগো চোর এসেছে।’ কর্তা বললেন, ‘ঐ যাঃ, ঘরে যে আলো জ্বলছে।’ চোরকে ডেকে বললেন, ‘আজ তুই বড়ো বেঁচে গেলি। ঘরে আলো আছে, আজ নিরাপদে পালাতে পারবি, কাল আসিস দেখি—অন্ধকারে কেমন না ধরা পড়িস।’

রামচন্দ্র। হা হা হা হা।

মন্ত্রী। হো হো হো হো হো।

সেনাপতি। হি।

রামচন্দ্র। তার পরে?

রমাই। জানি না, কী কারণে চোরের যথেষ্ট ভয় হল না, তার পর-রাতেও ঘরে এল। গিমি বললেন, ‘সর্বনাশ হল, ওঠো।’ কর্তা বললেন, ‘তুমি ওঠো-না।’ গিমি বললেন, ‘আমি উঠে কী করব?’ কর্তা বললেন, ‘কেন, ঘরে একটা আলো জ্বালাও-না, কিছ্ যে দেখতে পাচ্ছি না।’ গিমি বিষম ক্রুদ্ধ; কর্তা ততোধিক ক্রুদ্ধ হয়ে বললেন, ‘দেখো দেখি। তোমার জন্যই তো যথা-সর্বস্ব গেল। আলোটা জ্বালাও। বন্দুকটা আনো।’ ইতিমধ্যে চোর কাজকর্ম সেরে বললে, ‘মশাই, এক ছিলাম তামাক খাওয়াতে পারেন? বড়ো পরিশ্রম হয়েছে।’ কর্তা বিষম ধমক দিয়ে বললেন, ‘রোস্ বেটা! আমি তামাক সেজে দিচ্ছি। কিন্তু আমার কাছে আসবি তো এই বন্দুকে তোর মাথা উড়িয়ে দেব।’ তামাক খেয়ে চোর বললে, ‘মশাই আলোটা যদি জ্বালেন তো বড়ো উপকার হয়। সিঁদকাটিটা পড়ে গেছে, খুঁজে পাচ্ছি না।’ সেনাপতি বললেন, ‘বেটার ভয় হয়েছে। তফাতে থাক, কাছে আসিস নে।’ বলে তাড়াতাড়ি আলো জ্বালিয়ে দিলেন। ধীরে সুস্থে জিনিসপত্র বেঁধে চোর তো চলে গেল। কর্তা গিমিকে বললেন, ‘বেটা বিষম ভয় পেয়েছে।’

রামচন্দ্র। রমাই, শুনেনছ আমি শব্দরালয়ে যাচ্ছি?

রমাই। (মুখভাঙি করিয়া) অসারং খলু সংসারেং সারং শ্বশুরমন্দিরং (সকলের হাস্য) কথটা মিথ্যা নয় মহারাজ! (দীর্ঘনিশ্বাস ফেলিয়া) শ্বশুরমন্দিরের সকলই সার—আহারটা, সমাদরটা—দুধের সরিটি পাওয়া যায়, মাছের মূড়োটি পাওয়া যায়—সকলই সারপদার্থ! কেবল সর্বাপেক্ষা অসার ঐ যিনি—

রামচন্দ্র। (হাসিয়া) সে কী হে, তোমার অর্ধাঙ্গ—

রমাই। (জোড়হস্তে ব্যাকুলভাবে) মহারাজ, তাকে অর্ধাঙ্গ বলবেন না। তিন জন্ম তপস্যা করলে আমি বরঞ্চ একদিন তার অর্ধাঙ্গ হতে পারব এমন ভরসা আছে। আমার মতন পাঁচটা অর্ধাঙ্গ জুড়লেও তার আয়তনে কুলোয় না।

[ষথাক্রমে সকলের হাস্য]

রামচন্দ্র। আমি তো শুনছি, তোমার ব্রাহ্মণী বড়োই শান্তস্বভাবা, ঘরকন্মায় বিশেষ পটু।

রমাই। সে কথায় কাজ কী! ঘরে আর সকল রকমই জঞ্জাল আছে, কেবল আমি তিষ্ঠিতে পারি না। প্রত্যুষে গৃহিণী এমনি ঝোঁটিয়ে দেন যে একেবারে মহারাজের দরবারে এসে পড়ি!

[সকলের হাস্য]

রামচন্দ্র। ওহে রমাই, তোমাকে এবার যে যেতে হবে, সেনাপতিকে সঙ্গে নেব। (সেনাপতিকে) যাত্রার জন্য সমস্ত উদ্যোগ করো। আমার চৌষটি দাঁড়ের নৌকা যেন প্রস্তুত থাকে।

[মন্ত্রী ও সেনাপতির প্রস্থান]

রামচন্দ্র। রমাই, তুমি তো সমস্তই শুনছ। গতবারে শ্বশুরালয়ে আমাকে বড়োই মাটি করেছিল।

রমাই। আজ্ঞে হাঁ, মহারাজের লেজ বানিয়ে দিয়েছিল।

রামচন্দ্র। (কাষ্ঠ হাসিয়া তালুকট-সেবন)

রমাই। আপনার এক শ্যালক এসে আমাকে বললেন, 'বাসরঘরে তোমাদের রাজার লেজ প্রকাশ পেয়েছে। তিনি রামচন্দ্র না রামদাস? এমন তো পূর্বে জানতাম না।' আমি তৎক্ষণাৎ বললাম 'পূর্বে জানবেন কী করে? পূর্বে তো ছিল না। আপনাদের ঘরে বিবাহ করতে এসেছেন, তাই যস্মিন্ দেশে যদাচার।'

রামচন্দ্র। রমাই, এবারে গিয়ে জিতে আসতে হবে। যদি জয় হয় তবে তোমাকে আমার আংটি উপহার দেব।

রমাই। মহারাজ, জয়ের ভাবনা কী? রমাইকে যদি অন্তঃপদে নিয়ে যেতে পারেন, তবে স্বয়ং শাস্ত্রীঠাকরুনকে পর্যন্ত মনের সাধে ঘোল খাইয়ে আসতে পারি।

রামচন্দ্র। তার ভাবনা? তোমাকে আমি অন্তঃপদেই নিয়ে যাব।

রমাই। আপনার অসাধ্য কী আছে?

পথপার্শ্বে ধনঞ্জয় বৈরাগী ও মাধবপুরের একদল প্রজা

১। বাবাঠাকুর, রাজার কাছে যাচ্ছ, কিন্তু তিনি তোমাকে সহজে ছাড়বেন না।

ধনঞ্জয়। ছাড়বেন কেন বাপসকল? আদর করে ধরে রাখবেন।

১। সে আদরের ধরা নয়।

ধনঞ্জয়। ধরে রাখতে কষ্ট আছে বাপ—পাহারা দিতে হয়—যে-সে লোককে কি রাজা এত আদর করে? রাজবাড়িতে কত লোক যায়, দরজা থেকেই ফেরে—আমাকে ফেরাবে না।

গান

আমাকে যে বাঁধবে ধরে এই হবে যার সাধন,  
সে কি অমনি হবে!  
আপনাকে সে বাঁধা দিয়ে আমায় দেবে বাঁধন,  
সে কি অমনি হবে।  
আমাকে যে দঃখ দিয়ে আনবে আপন বশে,  
সে কি অমনি হবে!  
তার আগে তার পাষণ হিয়া গলবে করুণ রসে,  
সে কি অমনি হবে!  
আমাকে যে কাঁদাবে তার ভাগ্যে আছে কাঁদন,  
সে কি অমনি হবে!

২। বাবাঠাকুর, তোমার গায়ে যদি রাজা হাত দেন তা হলে কিন্তু আমরা সহিতে পারব না।  
ধনঞ্জয়। আমার এই গা যদি তিনি যদি সহিতে পারেন বাবা, তবে তোমাদেরও সহিবে। যেদিন  
থেকে জন্মেছি আমার এই গায়ে তিনি কত দঃখই সহিলেন—কত মার খেলেন, কত ধূলোই মাখলেন  
—হায় হায়—

গান

কে বলেছে তোমায় বঃখ, এত দঃখ সহিতে?  
আপনি কেন এলে বঃখ, আমার বোঝা বহিতে?  
প্রাণের বঃখ, বৃকের বঃখ,  
সুখের বঃখ, দুখের বঃখ,  
তোমায় দেব না দুখ পাব না দুখ,  
হেরব তোমার প্রসন্ন মূখ,  
আমি সুখে দঃখে পারব বঃখ চিরানন্দে রহিতে—  
তোমার সঙ্গে বিনা কথায় মনের কথা কহিতে।

৩। বাবা, আমরা রাজাকে গিয়ে কী বলব?

ধনঞ্জয়। বলব, আমরা খাজনা দেব না।

৩। যদি শূন্যে কেন দিবি নে?

ধনঞ্জয়। বলব, ঘরের ছেলেমেয়েকে কাঁদিয়ে যদি তোমাকে টাকা দিই তা হলে আমাদের ঠাকুর  
কষ্ট পাবে। যে অন্নে প্রাণ বাঁচে সেই অন্নে ঠাকুরের ভোগ হয়; তিনি যে প্রাণের ঠাকুর। তার বেশি  
যখন ঘরে থাকে তখন তোমাকে দিই—কিন্তু ঠাকুরকে ফাঁকি দিয়ে তোমাকে খাজনা দিতে পারব না।

৪। বাবা, এ কথা রাজা শুনবে না।

ধনঞ্জয়। তবু শোনাতে হবে। রাজা হয়েছে বলেই কি সে এমন হতভাগা যে ভগবান তাকে  
সত্য কথা শুনতে দেবেন না? ওরে, জোর করে শূন্যে আসব।

৫। ও ঠাকুর, তাঁর জোর যে আমাদের চেয়ে বেশি—তাঁরই জিত হবে।

ধনঞ্জয়। দূর বাঁদর, এই বুঝি তোদের বৃদ্ধি! যে হারে তার বৃদ্ধি জোর নেই! তার জোর  
যে একেবারে বৈকুণ্ঠ পর্যন্ত পৌঁছায় তা জানিস?

৬। কিন্তু ঠাকুর, আমরা দূরে ছিলাম, লুকিয়ে বাঁচতুম—একেবারে রাজার দরজায় গিয়ে  
পড়ব, শেষে দায়ে ঠেকলে আর পালাবার পথ থাকবে না।

ধনঞ্জয়। দেখ পাঁচকড়ি, অমন চাপাচুপি দিয়ে রাখলে ভালো হয় না। যতদূর পর্যন্ত হবার  
তা হতে দে, নইলে কিছুই শেষ হতে চায় না। যখন চূড়ান্ত হয় তখনই শান্তি হয়।

৭। তোরা অত ভয় করছিস কেন? বাবা যখন আমাদের সঙ্গে যাচ্ছেন উনি আমাদের বাঁচিয়ে  
আনবেন।

ধনঞ্জয়। তোদের এই বাবা যার ভরসায় চলেছে তার নাম কর। বেটাৱা কেবল তোরা বাঁচতেই চাস—পণ করে বসেছিঁস যে মরবি নে। কেন, মরতে দোষ কী হয়েছে? যিনি মারেন তাঁর গুণগান করবি নে বন্ধি! ওরে, সেই গানটা ধর।

গান

বলো ভাই, ধন্য হরি।  
বাঁচান বাঁচি, মারেন মরি।  
ধন্য হরি স্নুথের নাটে,  
ধন্য হরি রাজ্যপাটে।  
ধন্য হরি শ্মশান-ঘাটে—  
ধন্য হরি, ধন্য হরি।  
স্নুধা দিয়ে মাতান যখন  
ধন্য হরি, ধন্য হরি।  
বাথা দিয়ে কাঁদান যখন  
ধন্য হরি, ধন্য হরি।  
আত্মজনের কোলে বন্ধে  
ধন্য হরি হাসিমুখে—  
ছাই দিয়ে সব ঘরের স্নুখে  
ধন্য হরি, ধন্য হরি।  
আপনি কাছে আসেন হেসে  
ধন্য হরি, ধন্য হরি।  
খুঁজিয়ে বেড়ান দেশে দেশে  
ধন্য হরি, ধন্য হরি।  
ধন্য হরি স্থলে জলে,  
ধন্য হরি ফুলে ফলে,  
ধন্য হৃদয়পদ্মদলে  
চরণ-আলোয় ধন্য করি।

৩

বিভার কক্ষ

রামমোহনের প্রবেশ ও প্রণাম

বিভা। মোহন, তুই এতদিন আসিস নি কেন?

রামমোহন। তা মা, কুপদ্র যদি-বা হয়, কুমাতা কখনো নয়, তুমি কোন্ আমাকে মনে করেছ? সে কথা বলো। একবার ডাকলেই তো হত। অমনি লজ্জা হল। আর মুখে উত্তরটি নেই! না না মা, অবসর পাই নে বলেই আসতে পারি নে—নইলে মনে মনে ঐ চরণপদ্ম দুখানি কখনো তো ভুলি নে।

বিভা। মোহন, তুই বোস, তোদের দেশের গল্প আমায় বল্।

রামমোহন। মা, তোমার জন্য চারগাছি শাঁখা এনেছি, তোমাকে ঐ হাতে পরতে হবে, আমি দেখব।

#### মহিষীর প্রবেশ

বিভা। (স্বর্ণালংকার খুলিয়া, হাতে শাঁখা পরিয়া) এই দেখো মা। মোহন তোমার চুড়ি খুলে আমায় চারগাছি শাঁখা পরিয়ে দিয়েছে।

মহিষী। (হাসিয়া) তা বেশ তো মানিয়েছে। মোহন, এইবারে তোর সেই আগমনী গানটি গা। তোর গান শুনতে আমার বড়ো ভালো লাগে।

রামমোহন।

#### গান

সারা বরষ দেখি নে মা,  
মা তুই আমার কেমন ধারা!  
নয়নতারা হারিয়ে আমার  
অন্ধ হল নয়নতারা।  
এলি কি পাষণী ওরে!  
দেখব তোরে আঁখি ভরে,  
কিছুতেই থামে না যে মা,  
পোড়া এ নয়নের ধারা।

মহিষী। মোহন চল্, তোকে খাইয়ে আনি গে।

[ রামমোহন ও মহিষীর প্রস্থান ]

#### সদরমা ও বসন্ত রায়ের প্রবেশ

বসন্ত রায়। সদরমা, ও সদরমা, একবার দেখে যাও। তোমাদের বিভার মদুখানি দেখো। বয়স যদি-না যেত তো আজ তোর ঐ মদুখ দেখে এইখানে মাথা ঘুরে পড়তুম আর মরতুম। হায় হায়—মরবার বয়স গেছে! যৌবনকালে ঘড়ি ঘড়ি মরতুম। বৃদ্ধোবয়সে রোগ না হলে আর মরণ হয় না।

#### গান

হাসিরে কি লুকাবি লাজে,  
চপলা সে বাঁধা পড়ে না যে।  
রুধিয়া অধর-স্বারে  
ঝাঁপিতে চাহিলি তারে,  
অমনি সে ছুটে এল নয়নমাঝে।



৪

প্রমোদসভা। নৃত্যগীত

রামচন্দ্র রায়

নটীর গান

পরজ বসন্ত। কাওয়ালি

না বলে যেয়ো না চলে মিনতি করি!

গোপনে জীবন মন লইয়া হরি'।

সারা নিশি জেগে থাকি,

ঘুমে ঢুলে পড়ে আঁখি,

ঘুমালে হারাই পাছে সে ভয়ে মরি।

চকিতে চমকি ব'ধু, তোমায়ে খুঁজি—

থেকে থেকে মনে হয় স্বপন বদ্বি!

নিশিদিন চাহে হিয়া

পরান পসারি দিয়া

অধীর চরণ তব বাঁধিয়া ধরি।

[রামচন্দ্র রায় মাঝে মাঝে বাহবা দিতেছেন, মাঝে মাঝে উৎকণ্ঠিত

হইয়া স্বাদের দিকে চাহিতেছেন]

রামচন্দ্র। (স্বাদের কাছে উঠিয়া আসিয়া অনুচরের প্রতি) রমাইয়ের খবর কী?

অনুচর। কিছু তো জানি নে।

রামচন্দ্র। এখনো ফিরল না কেন? ধরা পড়ে নি তো?

অনুচর। হুজুর বলতে তো পারি নে।

রামচন্দ্র। (ফিরিয়া আসিয়া আসনে বসিয়া) গাও, গাও, তোমরা গাও! কিন্তু ওটা নয়—  
একটা জলদ তাল লাগাও!

নটীর গান

ভৈরবী। কাওয়ালি

ও যে মানে না মানা।

আঁখি ফিরাইলে বলে, 'না, না, না।'

যত বলি 'নাই রাত,

মলিন হয়েছে বাতি'

মুখপানে চেয়ে বলে, 'না, না, না।'

বিধুর বিকল হয়ে খ্যাপা পবনে

ফাগুন করিছে হাহা ফুলের বনে।

আমি যত বলি 'তবে

এবার যে যেতে হবে'

দুরারে দাঁড়ায়ে বলে, 'না, না, না।'

রামচন্দ্র। এ কী রকম হল! গান শুনে যে কেবলই মন খারাপ হয়ে যাচ্ছে!

রামমোহনের প্রবেশ

রামমোহন। একবার উঠে আসুন।

রামচন্দ্র। কেন, উঠব কেন?

রামমোহন। শীঘ্র আসুন, আর দেরি করবেন না।

রামচন্দ্র। চমৎকার গান জমেছে—এখন বিরক্ত করিস নে।

রামমোহন। যুবরাজ ডেকে পাঠিয়েছেন—বিশেষ কথা আছে।

রামচন্দ্র। আচ্ছা, তোমরা গান করো, আমি আসছি। রমাইয়ের কী হল জান? এখনো সে এল না কেন?

৫

প্রতাপাদিত্যের শয়নকক্ষ

প্রতাপাদিত্য ও লছমন সর্দার

প্রতাপাদিত্য। দেখো লছমন, আজ রাতে আমি রামচন্দ্র রায়ের ছিন্ন মৃদু দেখতে চাই।

লছমন। (সেলাম করিয়া) যো হুকুম মহারাজ!

রাজশ্যালকের প্রবেশ

রাজশ্যালক। (পদতলে পড়িয়া) মহারাজ, মার্জনা করুন, বিভার কথা একবার মনে করুন। অমন কাজ করবেন না।

প্রতাপাদিত্য। কী মর্শাকিল! আজ রাতে এরা আমাকে ঘুমোতে দেবে না নাকি?

[পাশ ফিরিয়া শয়ন

রাজশ্যালক। মহারাজ, রাজজামাতা এখন অন্তঃপুরে আছেন। তাঁকে মার্জনা করুন। লছমনকে সেখানে যেতে নিষেধ করুন। তাতে আপনার অন্তঃপুরের অবমাননা হবে।

প্রতাপাদিত্য। এখন আমার ঘুমোবার সময়। কাল সকালে তোমাদের দরবার শোনা যাবে। তুমি বলছ রাজজামাতা এখন অন্তঃপুরে? আচ্ছা, লছমন!

লছমন। মহারাজ!

প্রতাপাদিত্য। কাল সকালে রামচন্দ্র যখন শয়নঘর হতে বাহিরে আসবে তখন আমার আদেশ পালন করবে। এখন সব যাও—আমার ঘুমের ব্যাঘাত কোরো না।

[লছমন ও রাজশ্যালকের প্রস্থান

বসন্ত রায়ের প্রবেশ

বসন্ত রায়। প্রতাপ! (প্রতাপাদিত্য নিরন্তরে নিদ্রার ভান করিয়া রহিলেন) বাবা প্রতাপ! (প্রতাপাদিত্য নিরন্তর) বাবা প্রতাপ, এও কি সম্ভব?

প্রতাপাদিত্য। (দ্রুত বিছানায় উঠিয়া বসিয়া) কেন সম্ভব নয়?

বসন্ত রায়। ছেলেমানুষ, অপরিণামদর্শী, সে কি তোমার ক্রোধের যোগ্য পাত্র?

প্রতাপাদিত্য। ছেলেমানুষ! আগুনে হাত দিলে হাত পুড়ে যায় এ বোঝবার বয়স তার হয় নি? ছেলেমানুষ! কোথাকার একটা লক্ষ্মীছাড়া মূর্খ ব্রাহ্মণ, নির্বোধদের কাছে দাঁত দেখিয়ে যে রোজকার করে খায়, তাকে স্ত্রীলোক সাজিয়ে আমার মহিষীর সঙ্গে বিদ্রূপ করবার জন্যে এনেছে—এতটা বৃদ্ধি যার জোগাতে পারে, তার ফল কী হতে পারে সে বৃদ্ধিটা আর তার মাথায় জোগাল না! দুঃখ এই, বৃদ্ধিটা যখন মাথায় জোগাবে তখন তার মাথাও শরীরে থাকবে না।

বসন্ত রায়। আহা, সে ছেলেমানুষ। সে কিছুই বোঝে না।

প্রতাপাদিত্য। দেখো পিতৃবার্তাকুর, যশোরের রায়বংশের কিসে মান-অপমান সে জ্ঞান যদি তোমার থাকবে তবে কি ঐ পাকা মাথার উপর মোগল-বাদশার শিরোপা জড়িয়ে বেড়াতে পার! তোমার ঐ মাথাটা ধূলিতে লুটাবার সাধ ছিল, বিধাতার বিড়ম্বনায় তাতে বাধা পড়ল। এই তোমাকে স্পষ্টই বললুম। খুড়ামহাশয়, এখন আমার নিদ্রার সময়।

[বসন্ত রায়ের দিকে পিছন করিয়া চোখ বুজিয়া শয়ন]

বসন্ত রায়। প্রতাপ, আমি সব বুঝেছি। তুমি যখন একবার ছুরি তোল তখন সে ছুরি এক-জনের উপর পড়তেই চায়, আমি তার লক্ষ্য হতে সরে পড়লুম বলে আর-একজন তার লক্ষ্য হয়েছে। ভালো প্রতাপ, তোমার ক্ষুধিত ক্রোধ একজনকে যদি গ্রাস করতেই চায় তবে আমাকেই করুক। প্রতাপ! (প্রতাপ নিদ্রার ভানে নিরন্তর) প্রতাপ! (প্রতাপ নিরন্তর) বাবা প্রতাপ, একবার বিভার কথা ভেবে দেখো। (প্রতাপ নিরন্তর) করুণাময় হরি!

[বসন্ত রায়ের প্রস্থান]

## ৬

### নটনটীগণ

প্রথমা। কই, এখনো তো ফিরলেন না!

দ্বিতীয়া। আর তো ভাই, পারি নে। ঘুম পেয়ে আসছে।

তৃতীয়া। ফের কি সভা জমবে নাকি?

প্রথমা। কেউ যে জেগে আছে তা তো বোধ হচ্ছে না। এতবড়ো রাজবাড়ি সমস্ত যেন হাঁ করছে।

দ্বিতীয়া। চাকররাও সব হঠাৎ কে কোথায় যেন চলে গেল!

তৃতীয়া। বার্তাগুলো সব নিবে আসছে, কেউ জ্বালিয়ে দেবে না?

প্রথমা। আমার কেমন ভয় করছে ভাই!

দ্বিতীয়া। (বাদকদিগকে দেখাইয়া দিয়া) ওরাও যে সব ঘুমোতে লাগল—কী মূর্খকলেই পড়া গেল। ওদের তুলে দে-না। কেমন গা ছম্ ছম্ করছে।

তৃতীয়া। মিছে না ভাই! একটা গান ধর। ওগো, তোমরা ওঠো ওঠো।

বাদকগণ। (ধড়ফড় করিয়া উঠিয়া) অ্যাঁ অ্যাঁ! এসেছেন নাকি?

প্রথমা। তোমরা একবার বেরিয়ে গিয়ে দেখো-না গো! কেউ কোথাও নেই। আমাদের আজকে বিদায় দেবে না—না কি?

একজন বাদক। (বাহিরে গিয়া ফিরিয়া আসিয়া) ও দিকে যে সব বন্ধ।

প্রথমা। অ্যাঁ! বন্ধ! আমাদের কি কয়েদ করলে নাকি?

দ্বিতীয়া। দূর! কয়েদ করতে যাবে কেন?

তৃতীয়া।

### গান

নয়ন মেলে দেখি আমায় বাঁধন বেঁধেছে।

গোপনে কে এমন করে ফাঁদ ফেঁদেছে?

বসন্তরজনীশেষে

বিদায় নিতে গেলেম হেসে,

যাবার বেলায় বঁধু আমায় কাঁদিয়ে কেঁদেছে।

প্রথমা। তোর সকল সময়েই গান। ভালো লাগছে না। কী হল বুঝতে পারছি নে।

## অন্তঃপুরের প্রাঙ্গণ

বিভা, উদয়াদিত্য, রামচন্দ্র রায় ও সুরমা

বসন্ত রায়ের প্রবেশ

(বসন্ত রায়কে দেখিয়া মুখে কাপড় ঢাকিয়া বিভা কাঁদিয়া উঠিল)

বসন্ত রায়। (উদয়াদিত্যের হাত ধরিয়া) দাদা, একটা উপায় করো।

উদয়াদিত্য। অন্তঃপুরের প্রহরীদের জন্যে আমি ভাবি নে। সদর-দরজায় এই প্রহরে যে দু'জন পাহারা দেয় তারাও আমার বশ আছে। কিন্তু দেখলুম বড়ো ফটক বন্ধ, সে তো পার হবার উপায় নেই।

বসন্ত রায়। উপায় নেই বললে চলবে কেন? উপায় যে করতেই হবে। দাদা চলো।

উদয়াদিত্য। যদি-বা ফটক পার হওয়া যায়, এ রাজ্য থেকে পালাবে কী করে?

রামচন্দ্র। আমার চৌকিটা দাঁড়ের ছিপ রয়েছে, একবার তাতে চড়ে বসতে পারলে আমি আর কাউকে ভয় করি নে।

বসন্ত রায়। সে নৌকো কোথায় আছে ভাই?

উদয়াদিত্য। সে নৌকো আমি রাজবাটীর দক্ষিণ পাশের খালের মধ্যে আনিয়ে রেখেছি। কিন্তু সে পর্যন্ত পৌঁছব কী করে?

রামচন্দ্র। রামমোহন কোথায় গেল?

উদয়াদিত্য। সে বন্ধ ফটকের উপর খাঁচার সিংহের মতো বৃথা ধাক্কা মারছে—তাতে কোনো ফল হবে না।

বিভা। খাল তো দূরে নয়। তোমার দক্ষিণের ঘরের জানালার একেবারে নীচেই তো খাল।

উদয়াদিত্য। সে যে অনেক নীচে! লাফিয়ে পড়া চলে না তো।

সুরমা। (উদয়াদিত্যকে মৃদুস্বরে) আমাদের এখানে যে দাঁড়িয়ে থাকলে কোনো ফল হবে তা তো বোধ হয় না। মহারাজ কি শূতে গিয়েছেন?

বসন্ত রায়। হাঁ শূতে গিয়েছেন, রাত তো কম হয় নি।

সুরমা। মা কি একবার তাঁর কাছে গিয়ে—

উদয়াদিত্য। মা এ-সমস্ত কিছুই জানেন না। জানলে তিনি কান্নাকাটি করে এমনি গোলমাল বাধিয়ে তুলবেন যে, আর কোনো উপায় থাকবে না। জানই তো তিনি মহারাজের কাছে কিছুর বলতে গেলে সমস্তই উলটো হবে—মায়ের থেকে কেবল তিনিই অস্থির হয়ে উঠবেন।

সুরমা। বিভা, কাঁদিস নে বিভা। এ কখনো ঘটতেই পারে না। এঁ একটা স্বপ্ন—এ সমস্তই কেটে যাবে।

রামমোহনের প্রবেশ

রামচন্দ্র। কী রামমোহন—কী করবি বল্।

রামমোহন। যতক্ষণ আমার প্রাণ আছে ততক্ষণ—

রামচন্দ্র। আরে তোর প্রাণ নিয়ে আমার কী হবে? এখন পালাবার উপায় কী?

রামমোহন। মহারাজ, তুমি যদি ভয় না কর, আমি এক কাজ করতে পারি।

রামচন্দ্র। কী বল্।

রামমোহন। তোমাকে পিঠে করে নিয়ে রাজবাটীর ছাতের উপর থেকে আমি খালের মধ্যে লাফিয়ে পড়তে পারি।

বসন্ত রায়। কী সর্বনাশ! সে কি হয়?

রামচন্দ্র। না, সে হবে না। আর-একটা সহজ উপায় কিছ্‌র বল্‌।

রামমোহন। যুবরাজ, আমাকে গোটাকতক মোটা চাদর এনে দাও—পাকিয়ে শক্ত করে দক্ষিণের দরজার সঙ্গে বেঁধে নীচে ঝুলিয়ে দিই।

উদয়াদিত্য। ঠিক বলেছিঁস রামমোহন। বিপদের সময় সব চেয়ে সহজ কথাটাই মাথায় আসে না। চল্‌ চল্‌।

বিভা। মোহন, কোনো ভয় নেই তো?

রামমোহন। কোনো ভয় নেই মা! আমি দাঁড়ি বেয়ে স্বচ্ছন্দে নামিয়ে নিয়ে যাব। জয় মা কালী!

৮

অন্তঃপদ্য

মহিষী

মহিষী। কী হল বৃদ্ধতে পারছিঁ নে তো। সকলকেই খাওয়ালদুম কিন্তু মোহনকে কোথাও দেখতে পাচ্ছিঁ নে কেন? বামী!

বামীর প্রবেশ

এদিককার খাওয়াদাওয়া তো সব শেষ হল—মোহনকে খুঁজে পাচ্ছিঁ নে কেন?

বামী। মা, তুমি অত ভাবছ কেন? তুমি শব্দে যাও, রাত যে পড়িয়ে এল, তোমার শরীরে সহিবে কেন?

মহিষী। সে কি হয়! আমি যে তাকে নিজে বসিয়ে খাওয়াব বলে রেখেছিঁ।

বামী। সে নিশ্চয় রাজকুমারীর মহলে গেছে, তিনি তাকে খাইয়েছেন। তুমি চলো, শব্দে চলো।

মহিষী। আমি তো ও মহলে খোঁজ করতে যাচ্ছিঁলদুম, দেখিঁ সব দরজা বন্ধ—এর মানে কী, কিছ্‌র তো বৃদ্ধতে পারছিঁ নে।

বামী। বাড়িতে গোলমাল দেখে রাজকুমারী তাঁর মহলের দরজা বন্ধ করেছেন। অনেক দিন পরে জামাই এসেছেন, আজ লোকজনের ভিড় সহিবে কেন? চলো, তুমি শব্দে চলো।

মহিষী। কী জানিঁ বামী, আজ ভালো লাগছে না। প্রহরীদের ডাকতে বললদুম, তাদের কারো কোনো সাড়াই পাওয়া গেল না।

বামী। যাত্রা হচ্ছে, তারা তাই আমোদ করতে গেছে।

মহিষী। মহারাজ জানতে পারলে যে তাদের আমোদ বোরিয়ে যাবে। উদয়ের মহলও যে বন্ধ, তারা ঘুমিয়েছে বৃদ্ধি!

বামী। ঘুমোবেন না! বল কী! রাত কম হয়েছে?

মহিষী। গানবাজনা ছিল, জামাইকে নিয়ে একটু আমোদ-আহ্লাদ করবে না! ওরা মনে কী ভাববে বল্‌ তো? এ-সমস্তই ঐ বউমার কাণ্ড। একটু বিবেচনা নেই। রোজই তো ঘুমোচ্ছে—একটা দিন কি আর—

বামী। মা, সে-সব কথা কাল হবে—আজ চলো।

মহিষী। মঙ্গলার সঙ্গে তোর দেখা হয়েছে তো?

বামী। হয়েছে বৈকি।

মহিষী। ওষুধের কথা বলেছিস?  
 বাম্বী। সে-সব ঠিক হয়ে গেছে।

## ৯

## শয়নকক্ষ

প্রতাপাদিত্য, প্রহরী, অন্তঃপুরের প্রবেশ

প্রতাপাদিত্য। কত রাত আছে?

পীতাম্বর। এখনো চার দণ্ড রাত আছে।

প্রতাপাদিত্য। কী যেন একটা গোলমাল শুনলুম।

পীতাম্বর। আশ্চর্য হাঁ, তাই শুনেনি আমি আসছি।

প্রতাপাদিত্য। কী হয়েছে?

পীতাম্বর। আসবার সময় দেখলুম, বাইরের প্রহরীরা ম্বারে নেই।

প্রতাপাদিত্য। অন্তঃপুরের প্রহরীরা?

পীতাম্বর। হাত-পা-বাঁধা পড়ে আছে।

প্রতাপাদিত্য। তারা কী বললে?

পীতাম্বর। আমার কথায় কোনো জবাব দিলে না—হয়তো অজ্ঞান হয়ে পড়ে আছে।

প্রতাপাদিত্য। রামচন্দ্র রায় কোথায়? উদয়াদিত্য, বসন্ত রায় কোথায়?

পীতাম্বর। বোধ করি তাঁরা অন্তঃপুরেই আছেন।

প্রতাপাদিত্য। বোধ করি! তোমার বোধ করার কথা কে জিজ্ঞাসা করছে? মন্ত্রীকে ডাকো।

[পীতাম্বরের প্রস্থান

মন্ত্রীর প্রবেশ

মন্ত্রী। মহারাজ, রাজজামাতা—

প্রতাপাদিত্য। রামচন্দ্র রায়—

মন্ত্রী। হাঁ, তিনি রাজপুত্রী পরিত্যাগ করে গেছেন।

প্রতাপাদিত্য। (দাঁড়াইয়া উঠিয়া) পরিত্যাগ করে গেছে! প্রহরীরা গেল কোথা?

মন্ত্রী। বহিঃপ্রহরীর প্রহরীরা পালিয়ে গেছে।

প্রতাপাদিত্য। (মৃদু বশ করিয়া) পালিয়ে গেছে! পালাবে কোথায়? যেখানে থাকে তাদের খুঁজে আনতে হবে। অন্তঃপুরের প্রহরীদের এখনই ডেকে নিয়ে এসো। অন্তঃপুরের পাহারায় কে কে ছিল?

মন্ত্রী। সীতারাম আর ভাগবত।

প্রতাপাদিত্য। ভাগবত ছিল? সে তো হুঁশিয়ার। সেও কি উদয়ের সঙ্গে যোগ দিলে?

মন্ত্রী। সে হাত-পা-বাঁধা পড়ে আছে।

প্রতাপাদিত্য। হাত-পা-বাঁধা আমি বিশ্বাস করি নে। হাত-পা ইচ্ছা করে বাঁধিয়েছে। আচ্ছা সীতারামকে নিয়ে এসো। সেই গদাভের কাছ থেকে কথা বের করা শক্ত হবে না।

মন্ত্রীর প্রস্থান ও সীতারামকে লইয়া পুনঃপ্রবেশ

প্রতাপাদিত্য। অন্তঃপুরের ম্বার খোলা হল কী করে?

সীতারাম। (করজোড়ে) দোহাই মহারাজ, আমার কোনো দোষ নাই।

প্রতাপাদিত্য। সে কথা তোকে কে জিজ্ঞাসা করছে?

সীতারাম। আঞ্জা না মহারাজ! যুবরাজ—যুবরাজ আমাকে বলপূর্ব্বক বেঁধে অন্তঃপুর হতে বোরসোজলেন।

ব্যস্তভাবে বসন্ত রায়ের প্রবেশ

সীতারাম। যুবরাজকে নিষেধ করলুম, তিনি শুনলেন না।

বসন্ত রায়। হাঁ, হাঁ সীতারাম, কী বললি? অধর্ম করিস নে সীতারাম, উদয়াদিত্যের এতে কোনো দোষ নেই।

সীতারাম। আঞ্জা না, যুবরাজের কোনো দোষ নেই।

প্রতাপাদিত্য। তবে তোর দোষ?

সীতারাম। আঞ্জা না।

প্রতাপাদিত্য। তবে কার দোষ?

সীতারাম। আঞ্জা, যুবরাজ—

প্রতাপাদিত্য। তাঁর সঙ্গে আর কে ছিল?

সীতারাম। আজ্ঞে, বউরানীমা—

প্রতাপাদিত্য। বউরানী! ঐ সেই শ্রীপুরের (বসন্ত রায়ের দিকে চাহিয়া)—উদয়াদিত্যের এ অপরাধের মার্জনা নেই।

বসন্ত রায়। বাবা প্রতাপ, উদয়ের এতে কোনো দোষ নেই।

প্রতাপাদিত্য। দোষ নেই? তুমি দোষ নেই বলছ বলেই তাকে বিশেষরূপে শাস্তি দেব। তুমি মাঝে পড়ে মীমাংসা করতে এসেছ কেন? শোনো পিতৃব্যঠাকুর! তুমি যদি দ্বিতীয়বার যশোরে এসে উদয়াদিত্যের সঙ্গে দেখা কর তবে তার প্রাণ বাঁচানো দায় হবে।

বসন্ত রায়। (কিয়ংকাল চুপ করিয়া থাকিয়া ধীরে ধীরে উঠিয়া) ভালো প্রতাপ, আজ সন্ধ্যা-বেলায় তবে আমি চললুম।

[প্রস্থান]

## তৃতীয় অঙ্ক

১

উদয়াদিত্যের ঘরের অলিন্দ

উদয়াদিত্য ও মাধবপুরের একদল প্রজা

উদয়াদিত্য। ওরে, তোরা মরতে এসেছিঁস এখানে? মহারাজ খবর পেলে রক্ষা রাখবেন না।  
পালা পালা।

১। আমাদের মরণ সর্ব্বগ্রহী। পালাব কোথায়?

২। তা মরতে যদি হয় তো তোমার সামনে দাঁড়িয়ে মরব।

উদয়াদিত্য। তোদের কী চাই বল্ দেখি।

অনেকে। আমরা তোমাকে চাই।

উদয়াদিত্য। আমাকে নিয়ে তোদের কোনো লাভ হবে না রে—দুঃখই পাবি।

৩। আমাদের দুঃখই ভালো কিন্তু তোমাকে আমরা নিয়ে যাব।

৪। আমাদের মাধবপুরে ছেলেমেয়েরা পর্যন্ত কাঁদছে, সে কি কেবল ভাত না পেয়ে? তা নয়।  
তুমি চলে এসেছ বলে। তোমাকে আমরা ধরে নিয়ে যাব।

উদয়াদিত্য। আরে চূপ কর, চূপ কর। ও কথা বলিস নে।

৫। রাজা তোমাকে ছাড়বে না। আমরা তোমাকে জোর করে নিয়ে যাব। আমরা রাজাকে মানি নে— আমরা তোমাকে রাজা করব।

#### প্রতাপাদিত্যের প্রবেশ

প্রতাপাদিত্য। কাকে মানিস নে রে! তোরা কাকে রাজা করবি?

প্রজাগণ। মহারাজ, পেছাম হই।

১। আমরা তোমার কাছে দরবার করতে এসেছি।

প্রতাপাদিত্য। কিসের দরবার?

১। আমরা যুবরাজকে চাই।

প্রতাপাদিত্য। বলিস কী রে!

সকলে। হাঁ মহারাজ, আমরা যুবরাজকে মাধবপুরে নিয়ে যাব।

প্রতাপাদিত্য। আর ফাঁকি দিবি? খাজনা দেবার নামটি করবি নে!

সকলে। অন্ন বিনে মরাছি যে!

প্রতাপাদিত্য। মরতে তো সকলকেই হবে। বেটোরা রাজার দেনা বাকি রেখে মরবি?

১। আচ্ছা, আমরা না খেয়েই খাজনা দেব, কিন্তু যুবরাজকে আমাদের দাও। মরি তো ঠুই হাতে মরব।

প্রতাপাদিত্য। সে বড়ো দেরি নেই। তোদের সর্দার কোথায় রে?

২। (প্রথমকে দেখাইয়া) এই-যে আমাদের গণেশ সর্দার।

প্রতাপাদিত্য। ও নয়—সেই বৈরাগীটা।

১। আমাদের ঠাকুর! তিনি তো পুজোয় বসেছেন। এখনই আসবেন। ঐ-যে এসেছেন।

#### ধনঞ্জয় বৈরাগীর প্রবেশ

ধনঞ্জয়। দয়া যখন হয় তখন সাধনা না করেই পাওয়া যায়। ভয় ছিল কাঙালদের দরজা থেকেই ফিরতে হয় বা। প্রভুর কৃপা হল, রাজাকে অর্মানি দেখতে পেলুম। (উদয়াদিত্যের প্রতি) আর এই আমাদের হৃদয়ের রাজা। ওকে রাজা বলতে যাই, বন্ধু বলে ফেলি!

উদয়াদিত্য। ধনঞ্জয়!

ধনঞ্জয়। কী রাজা! কী ভাই?

উদয়াদিত্য। এখানে কেন এলে?

ধনঞ্জয়। তোমাকে না দেখে থাকতে পারি নে যে!

উদয়াদিত্য। মহারাজ রাগ করছেন।

ধনঞ্জয়। রাগই সই। আগুন জ্বলছে তবু পতঙ্গ মরতে যায়।

প্রতাপাদিত্য। তুমি এই-সমস্ত প্রজাদের খেঁপিয়েছ?

ধনঞ্জয়। খ্যাপাই বৈকি! নিজে খেঁপি, ওদেরও খ্যাপাই, এই তো আমার কাজ।

#### গান

আমারে পাড়ায় পাড়ায় খেঁপিয়ে বেড়ায়

কোন খ্যাপা সে।

ওরে আকাশ জুড়ে মোহন সুরে

কী যে বাজে কোন বাতাসে।

ওরে খ্যাপার দল, গান ধর রে—হাঁ করে দাঁড়িয়ে রইল কেন? রাজাকে পেয়েছিস, আনন্দ করে নে। রাজা আমাদের মাধবপুরের নৃত্যটা দেখে নিক।



সকলে মিলিয়া নৃত্যগীত

গেল রে গেল বেলা, পাগলের কেমন খেলা—

ডেকে সে আকুল করে, দেয় না ধরা।

তারে কানন-গিরি খুঁজে ফিরি,

কেঁদে মরি কোন্ হৃদাশে!

(প্রতাপাদিত্যের মৃত্যুর দিকে চাহিয়া) আহা, আহা, রাজা আমার, অমন নিষ্ঠুর সেজে এ কী লীলা হচ্ছে! ধরা দেবে না বলে পণ করেছিলে, আমরা ধরব বলে কোমর বেঁধে বেরিয়েছি।

প্রতাপাদিত্য। দেখো বৈরাগী, তুমি অমন পাগলামি করে আমাকে ভোলাতে পারবে না। এখন কাজের কথা হোক। মাধবপুত্রের প্রায় দু বছরের খাজনা বাকি—দেবে কি না বলো।

ধনঞ্জয়। না মহারাজ, দেব না।

প্রতাপাদিত্য। দেবে না! এত বড়ো আত্মপর্থা!

ধনঞ্জয়। যা তোমার নয় তা তোমাকে দিতে পারব না।

প্রতাপাদিত্য। আমার নয়!

ধনঞ্জয়। আমাদের ক্ষুধার অন্ন তোমার নয়। যিনি আমাদের প্রাণ দিয়েছেন এ অন্ন যে তাঁর, এ আমি তোমাকে দিই কী বলে?

প্রতাপাদিত্য। তুমিই প্রজাদের বারণ করেছ খাজনা দিতে?

ধনঞ্জয়। হাঁ মহারাজ, আমিই তো বারণ করেছি। ওরা মূর্খ, ওরা তো বোঝে না—পেয়াদার ভয়ে সমস্তই দিয়ে ফেলতে চায়। আমিই বলি, আরে আরে, এমন কাজ করতে নেই—প্রাণ দিবি তাঁকে প্রাণ দিয়েছেন যিনি। ডোদের রাজাকে প্রাণহত্যার অপরাধী করিস নে।

প্রতাপাদিত্য। দেখো ধনঞ্জয়, তোমার কপালে দুঃখ আছে।

ধনঞ্জয়। যে দুঃখ কপালে ছিল তাকে আমার বৃকের উপর বসিয়েছি মহারাজ—সেই দুঃখই তো আমাকে ভুলে থাকতে দেয় না। যেখানে বাথা সেইখানেই হাত পড়ে—বাথা আমার বেঁচে থাক্।

প্রতাপাদিত্য। দেখো বৈরাগী, তোমার চাল নেই, চুলো নেই; কিন্তু এরা সব গৃহস্থ মানুষ, এদের কেন বিপদে ফেলতে চাচ্ছ? (প্রজাদের প্রতি) দেখ্ বেটারা, আমি বলছি তোরা সব মাধবপুত্রের ফিরে যা—বৈরাগী, তুমি এইখানেই রইলে।

প্রজাগণ। আমাদের প্রাণ থাকতে সে তো হবে না।

ধনঞ্জয়। কেন হবে না রে! তাদের বৃন্দ্রু এখনো হল না। রাজা বললে বৈরাগী তুমি রইলে, তোরা বললি না তা হবে না—আর বৈরাগী লক্ষ্মীছাড়াটা কি ভেসে এসেছে? তার থাকা না-থাকা কেবল রাজা আর তোরা ঠিক করে দিবি?

গান

রইল বলে রাখলে কারে?

হুকুম তোমার ফলবে কবে?

তোমার টানাটানি টিংকবে না ভাই,

রবার যেটা সেটাই রবে।

যা খুঁশি তাই করতে পার—

গায়ের জোরে রাখ মার;

যাঁর গায়ে সব ব্যথা বাজে

তিনি যা সন সেটাই সবে।

অনেক তোমার টাকাকড়ি,

অনেক দড়া অনেক দড়ি,

অনেক অশ্ব অনেক করী—  
 অনেক তোমার আছে ভবে।  
 ভাবছ হবে তুমিই যা চাও,  
 জগৎটাকে তুমিই নাচাও,  
 দেখবে হঠাৎ নয়ন খুলে  
 হয় না যেটা সেটাও হবে।

মন্ত্রীর প্রবেশ

প্রতাপাদিত্য। তুমি ঠিক সময়েই এসেছ। এই বৈরাগীকে এইখানেই ধরে রেখে দাও। ওকে মাধবপুরে যেতে দেওয়া হবে না।

মন্ত্রী। মহারাজ—

প্রতাপাদিত্য। কী, হুকুমটা তোমার মনের মতো হচ্ছে না বৃদ্ধি?

উদয়াদিত্য। মহারাজ, বৈরাগীঠাকুর সাধুপুরুষ।

প্রজারা। মহারাজ, এ আমাদের সহ্য হবে না। মহারাজ, অকল্যাণ হবে।

ধনঞ্জয়। আমি বলছি, তোরা ফিরে যা। হুকুম হয়েছে আমি দুদিন রাজার কাছে থাকব, বেটাদের সেটা সহ্য হল না।

প্রজারা। আমরা এইজন্যেই কি দরবার করতে এসেছিলুম? আমরা যদুবরাজকেও পাব না, তোমাকেও হারাব?

ধনঞ্জয়। দেখ, তাদের কথা শুনলে আমার গা জ্বালা করে। হারাবি কি রে বেটা? আমাকে তাদের গাঁঠে বেঁধে রেখেছিল? তাদের কাজ হয়ে গেছে, এখন পালা, সব পালা।

প্রজারা। মহারাজ, আমরা কি আমাদের যদুবরাজকে পাব না?

প্রতাপাদিত্য। না।

২

অন্তঃপুর

সুদরমা ও বিভা

সুদরমা। বিভা, ভাই বিভা, তোর চোখে যদি জল দেখতুম তা হলে আমার মনটা যে খোলসা হত। তোর হয়ে যে আমার কাঁদতে ইচ্ছা করে ভাই, সব কথাই কি এমনি করে চেপে রাখতে হয়?

বিভা। কোনো কথাই তো চাপা রইল না বউরানী। ভগবান তো লজ্জা রাখলেন না!

সুদরমা। আমি কেবল এই কথাই ভাবি যে জগতে সব দাহই জুড়িয়ে যায়। আজকের মতো এমন কপাল-পোড়া সকাল তো রোজ আসবে না; সংসার লজ্জা দিতেও যেমন, লজ্জা মিটিয়ে দিতেও তেমনি! সব ভাঙাচোরা জুড়ে আবার দেখতে দেখতে ঠিক হয়ে যায়।

বিভা। ঠিক নাও যদি হয়ে যায় তাতেই বা কী! যেটা হয় সেটা তো সইতেই হয়।

সুদরমা। শূন্যেছস তো বিভা, মাধবপুর থেকে ধনঞ্জয় বৈরাগী এসেছেন। তাঁর তো খুব নাম শূন্যেছি, বড়ো ইচ্ছা করে তাঁর গান শুন। গান শুনবি বিভা? ঐ দেখ, কেবল অতটুকু মাথা নাড়লে হবে না। লোক দিয়ে বলে পাঠিয়েছি, আজ যেন একবার মন্দিরে গান গাইতে আসেন; তা হলে আমরা উপরের ঘর থেকে শুনতে পাব। ও কী, পালাচ্ছস কোথায়?

বিভা। দাদা আসছেন।

সুদরমা। তা এলই বা দাদা।  
বিভা। না, আমি যাই বউরানী!

[ প্রস্থান

সুদরমা। আজ ওর দাদার কাছেও মুখ দেখাতে পারছে না।

উদয়াদিত্যের প্রবেশ

সুদরমা। আজ ধনঞ্জয় বৈরাগীকে আমাদের মন্দিরে গান গাবার জন্যে ডেকে পাঠিয়েছি।

উদয়াদিত্য। সে তো হবে না।

সুদরমা। কেন?

উদয়াদিত্য। তাঁকে মহারাজ কয়েদ করেছেন।

সুদরমা। কী সর্বনাশ! অমন সাধুকে কয়েদ করেছেন?

উদয়াদিত্য। ওটা আমার উপর রাগ করে। তিনি জানেন আমি বৈরাগীকে ভক্তি করি—মহারাজের কঠিন আদেশেও আমি তাঁর গায়ে হাত দিই নি—সেইজন্যে আমাকে দেখিয়ে দিলেন রাজকার্য কেমন করে করতে হয়।

সুদরমা। কিন্তু এগুলো যে অমঙ্গলের কথা—শুনলে ভয় হয়। কী করা যাবে!

উদয়াদিত্য। মন্ত্রী আমার অনুরোধে বৈরাগীকে গারদে না দিয়ে তাঁর বাড়িতে লুকিয়ে রাখতে রাজি হয়েছিলেন। কিন্তু ধনঞ্জয় কিছুতেই রাজি হলেন না। তিনি বললেন, আমি গারদেই যাব, সেখানে যত কয়েদ আছে তাদের প্রভুর নামগান শুনিয়ে আসব। তিনি যেখানেই থাকুন তাঁর জন্যে কাউকেই ভাবতে হবে না—তাঁর ভাবনার লোক উপরে আছেন।

সুদরমা। মাধবপুরের প্রজাদের জন্যে আমি সব সিধে সাজিয়ে রেখেছি—কোথায় সব পাঠাব?

উদয়াদিত্য। গোপনে পাঠাতে হবে। নির্বোধগুলো আমাকে রাজা রাজা করে চেঁচাচ্ছিল, মহারাজ সেটা শুনতে পেয়েছেন—নিশ্চয় তাঁর ভালো লাগে নি। এখন তোমার ঘর থেকে তাদের খাবার পাঠানো হলে মনে কী সন্দেহ করবেন বলা যায় না।

সুদরমা। আচ্ছা, সে আমি বিভাকে দিয়ে পাঠিয়ে দেব। কিন্তু আমি ভাবছি, কাল রাত্রে যারা পাহারায় ছিল সেই সীতারাম ভাগবতের কী দশা হবে!

উদয়াদিত্য। মহারাজ ওদের গায়ে হাত দেবেন না—সে ভয় নেই।

সুদরমা। কেন?

উদয়াদিত্য। মহারাজ কখনো ছোটো শিকারকে বধ করেন না। দেখলে না, রমাই ভাঁড়কে তিনি ছেড়ে দিলেন।

সুদরমা। কিন্তু শাস্তি তো তিনি একজন কাউকে না দিয়ে থাকবেন না।

উদয়াদিত্য। সে তো আমি আছি।

সুদরমা। ও কথা বোলো না।

উদয়াদিত্য। বলতে বারণ কর তো বলব না। কিন্তু বিপদের জন্যে কি প্রস্তুত হতে হবে না?

সুদরমা। আমি থাকতে তোমার বিপদ ঘটবে কেন? সব বিপদ আমি নেব।

উদয়াদিত্য। তুমি নেবে? তার চেয়ে বিপদ আমার আর আছে নাকি? যাই হোক, সীতারাম ভাগবতের অন্নবস্ত্রের একটা ব্যবস্থা করে দিতে হবে।

সুদরমা। তুমি কিন্তু কিছু কোরো না। তাদের জন্যে যা করবার ভার সে আমি নিয়েছি।

উদয়াদিত্য। না, না, এতে তুমি হাত দিয়ে না।

সুদরমা। আমি দেব না তো কে দেবে? ও তো আমারই কাজ। আমি সীতারাম ভাগবতের স্ত্রীদের ডেকে পাঠিয়েছি।

উদয়াদিত্য। সুদরমা, তুমি বড়ো অসাবধান।

সুদরমা। আমার জন্যে তুমি কিছু ভেবো না। আসল ভাবনার কথা কী জান?

উদয়াদিত্য। কী বলো দেখি?

সুদরমা। ঠাকুরজামাই তাঁর ভাড়কে নিয়ে যে কাণ্ডটি করলেন বিভা সেজন্যে লজ্জায় মরে গেছে।

উদয়াদিত্য। লজ্জার কথা বৈকি।

সুদরমা। এতদিন স্বামীর অনাদরে বাপের 'পরেই তার অভিমান ছিল—আজ সে তার সেই অভিমান করবারও মুখ রইল না। বাপের নিষ্ঠুরতার চেয়ে তার স্বামীর এই নীচতা তাকে অনেক বেশি বেজেছে। একে তো ভারি চাপা মেয়ে, তার 'পরে এই কাণ্ড। আজ থেকে দেখো, ওর স্বামীর কথা আমার কাছেও বলতে পারবে না। স্বামীর গর্ব যে স্ত্রীলোকের ভেঙেছে জীবন তার পক্ষে বোঝা, বিশেষত বিভার মতো মেয়ে।

উদয়াদিত্য। ভগবান বিভাকে দুঃখ যথেষ্ট দিলেন, তেমনি সহ্য করবার শক্তিও দিয়েছেন।

সুদরমা। সে শক্তির অভাব নেই—বিভা তোমারই তো বোন বটে!

উদয়াদিত্য। আমার শক্তি যে তুমি।

সুদরমা। তাই যদি হয় তো সেও তোমারই শক্তিতে।

উদয়াদিত্য। আমার কেবলই ভয় হয় তোমাকে যদি হারাই তা হলে—

সুদরমা। তা হলে তোমার কোনো অনিষ্ট হবে না। দেখো একদিন ভগবান প্রমাণ করিয়ে দেবেন যে, তোমার মহত্ত্ব একলা তোমাতেই আছে।

উদয়াদিত্য। আমার সে প্রমাণে কাজ নেই।

সুদরমা। ভাগবতের স্ত্রী অনেকক্ষণ দাঁড়িয়ে আছে।

উদয়াদিত্য। আচ্ছা চললুম, কিন্তু দেখো।

[ প্রস্থান ]

#### ভাগবতের স্ত্রীর প্রবেশ

সুদরমা। ভোর রাতে আমি যে টাকা আর কাপড় পাঠিয়েছি তা তাদের হাতে গিয়ে পৌঁচেছে তো?

ভাগবতের স্ত্রী। পৌঁচেছে মা, কিন্তু তাতে আমাদের কতদিন চলবে? তোমরা আমাদের সর্বনাশ করলে।

সুদরমা। ভয় নেই কামিনী! আমার যতদিন খাওয়া-পরা জুটবে তাদেরও জুটবে। আজও কিছু নিয়ে যা। কিন্তু এখানে বেশিক্ষণ থাকিস নে।

[ উভয়ের প্রস্থান ]

#### মহিষী ও বামীর প্রবেশ

মহিষী। এত বড়ো একটা কাণ্ড হয়ে গেল, আমি জানতেও পারলুম না।

বামী। মহারানীমা, জেনেই বা লাভ হত কী? তুমি তো ঠেকাতে পারতে না।

মহিষী। সকালে উঠে আমি ভাবছি হল কী—জামাই বৃদ্ধি রাগ করেই গেল। এদিকে যে এমন সর্বনাশের উদ্‌যোগ হচ্ছিল তা মনে আনতেও পারি নি। তুই সে রাতেই জানতিস, আমাকে ভাঁড়িয়েছিলি।

বামী। জানলে তুমি যে ভয়েই মরে যেতে। তা মা, আর ও কথায় কাজ নেই—যা হয়ে গেছে সে হয়ে গেছে।

মহিষী। হয়ে চুকলে তো বাঁচতুম—এখন যে আমার উদয়ের জন্যে ভয় হচ্ছে।

বামী। ভয় খুব ছিল কিন্তু সে কেটে গেছে।

মহিষী। কী করে কাটল?

বামী। মহারাজার রাগ বউরানীর উপর পড়েছে। তিনিও আচ্ছা মেয়ে যা হোক—আমাদের

মহারাজের ভয়ে যম কাঁপে কিন্তু গুঁর ভয় ডর নেই। যাতে তাঁরই উপরে সব রাগ পড়ে তিনি ইচ্ছে করেই যেন তার জোগাড় করছেন।

মহিষী। তার জন্যে তো বেশি জোগাড় করবার দরকার দেখি নে। মহারাজ যে ওকে বিদায় করতে পারলেই বাঁচেন। এবারে আর তো ঠেকিয়ে রাখতে পারা যাবে না। তা তোকে যা বলেছিলুম সেটা ঠিক আছে তো?

বামী। সে-সমস্তই তৈরি হয়ে রয়েছে, সেজন্যে ভেবো না।

মহিষী। আর দেরি করিস নে, আজকেরই যাতে—

বামী। সে আমাকে বলতে হবে না, কিন্তু—

মহিষী। যা হয় হবে—অত ভাবতে পারি নে—ওকে বিদায় করতে পারলেই আপাতত মহারাজের রাগ পড়ে যাবে, নইলে উদয়কে বাঁচাতে পারা যাবে না। তুই যা, শীঘ্র কাজ সেরে আয়।

বামী। আমি সে ঠিক করেই এসেছি—এতক্ষণে হয়তো—

মহিষী। কী জানি বামী, ভয়ও হয়।

### ৩

#### প্রতাপাদিত্যের কক্ষ

#### মহিষী ও প্রতাপাদিত্য

প্রতাপাদিত্য। মহিষী!

মহিষী। কী মহারাজ!

প্রতাপাদিত্য। এ-সব কাজ কি আমাকে নিজের হাতে করতে হবে!

মহিষী। কী কাজ?

প্রতাপাদিত্য। ঐ-যে আমি তোমাকে বলেছিলুম, শ্রীপুত্রের মেয়েকে তার পিছালয়ে দূর করে দিতে হবে—এ কাজটা কি আমায় সৈন্য-সেনাপতি নিয়ে করতে হবে?

মহিষী। আমি তার জন্যে বন্দোবস্ত করছি।

প্রতাপাদিত্য। বন্দোবস্ত! এর আবার বন্দোবস্ত কিসের? আমার রাজ্যে কজন পালকির বেহারা জুটবে না নাকি?

মহিষী। সেজন্যে নয় মহারাজ!

প্রতাপাদিত্য। তবে কী জন্যে?

মহিষী। দেখো, তবে খুঁলে বলি। ঐ বউ আমার উদয়কে যেন জাদু করে রেখেছে সে তো তুমি জান। ওকে যদি বাপের বাড়ি পাঠিয়ে দিই তা হলে—

প্রতাপাদিত্য। এমন জাদু তো ভেঙে দিতে হবে—এ বাড়ি থেকে ঐ মেয়েটাকে নির্বাসিত করে দিলেই জাদু ভাঙবে।

মহিষী। মহারাজ, এ-সব কথা তোমরা বদ্বাবে না—সে আমি ঠিক করেছি।

প্রতাপাদিত্য। কী ঠিক করেছ জানতে চাই।

মহিষী। আমি বামীকে দিয়ে মঙ্গলার কাছ থেকে ওষুধ আনিয়েছি।

প্রতাপাদিত্য। ওষুধ কিসের জন্যে?

মহিষী। ওকে ওষুধ খাওয়ালেই ওর জাদু কেটে যাবে। মঙ্গলার ওষুধ অব্যর্থ, সকলেই জানে।

প্রতাপাদিত্য। আমি তোমার ওষুধ-টষুধ বদ্বাবি নে। আমি এক ওষুধ জানি—শেষকালে

সেই ওষুধ প্রয়োগ করব। আমি তোমাকে বলে রাখছি, কাল যদি ঐ শ্রীপদ্রের মেয়ে শ্রীপদ্রে ফিরে না যায় তা হলে আমি উদয়কে সন্ধ্যা নির্বাসনে পাঠাব। এখন যা করতে হয় করো গে।

মহিষী। আর তো বাঁচি নে! কী যে করব মাথামুণ্ডু ভেবে পাই নে।

[ প্রস্থান

উদয়াদিত্যের প্রবেশ

প্রতাপাদিত্য। সীতারাম ভাগবতের বেতন বন্ধ হয়েছে সে কি রাজকোষে অর্থ নেই বলে?

উদয়াদিত্য। না মহারাজ, আমি বলপূর্বক তাদের কর্তব্যে বাধা দিয়েছি, আমাকে তারই দণ্ড দেবার জন্যে।

প্রতাপাদিত্য। বউমা তাদের গোপনে অর্থসাহায্য করছেন।

উদয়াদিত্য। আমিই তাঁকে সাহায্য করতে বলেছি।

প্রতাপাদিত্য। আমার ইচ্ছার অপমান করবার জন্যে?

উদয়াদিত্য। না মহারাজ, যে দণ্ড আমারই প্রাপ্য তা নিজে গ্রহণ করবার জন্যে।

প্রতাপাদিত্য। আমি আদেশ করছি, ভবিষ্যতে তাদের আর যেন অর্থসাহায্য না করা হয়।

উদয়াদিত্য। আমার প্রতি আরো গুরুতর শাস্তির আদেশ হল।

প্রতাপাদিত্য। আর বউমাকে বোলো, তিনি আমাকে একেবারেই ভয় করেন না—দীর্ঘকাল তাঁকে প্রশ্রয় দেওয়া হয়েছে বলেই এরকম ঘটতে পেরেছে, কিন্তু তিনি জানতে পারবেন স্পর্ধা প্রকাশ করা নিরাপদ নয়। তিনি মনে রাখেন যেন আমার রাজবাড়ি আমার রাজত্বের বাইরে নয়।

[ উভয়ের প্রস্থান

মহিষী ও বামীর প্রবেশ

মহিষী। ওষুধের কী করলি?

বামী। সে তো এনেছি—পানের সঙ্গে সেজে দিয়েছি।

মহিষী। খাঁটি ওষুধ তো?

বামী। খুব খাঁটি।

মহিষী। খুব কড়া ওষুধ হওয়া চাই, একদিনেই যাতে কাজ হয়! মহারাজ বলেছেন, কালকের মধ্যে যদি সুরমা বিদায় না হয় তা হলে উদয়কে সন্ধ্যা নির্বাসনে পাঠাবেন। আমি যে কী কপাল করেছিলাম!

বামী। কড়া ওষুধ তো বটে। বড়ো ভয় হয় মা, কী হতে কী ঘটে।

মহিষী। ভয়ভাবনা করবার সময় নেই বামী! একটা-কিছু করতেই হবে। মহারাজকে তো জানিস—কেঁদেকেঁটে মাথা খুঁড়ে তাঁর কথা নড়ানো যায় না। উদয়ের জন্যে আমি দিনরাত্রি ভেবে মরিছি। ঐ বউটাকে বিদায় করতে পারলে তবু মহারাজের রাগ একটু কম পড়বে। ও যেন গুঁর চক্ষুশূল হয়েছে।

বামী। তা তো জানি। কিন্তু ওষুধের কথা তো বলা যায় না। দেখো, শেষকালে মা, আমি যেন বিপদে না পড়ি। আর আমার বাজুবন্দর কথাটা মনে রেখো।

মহিষী। সে আমাকে বলতে হবে না। তোকে তো গোটেছড়াটা আগাম দিয়েছি।

বামী। শৃঙ্খল গোট নয় মা, বাজুবন্দ চাই।

[ প্রস্থান

উদয়াদিত্যের প্রবেশ

মহিষী। বাবা উদয়, সুরমাকে বাপের বাড়ি পাঠানো যাক!

উদয়াদিত্য। কেন মা, সুরমা কী অপরাধ করেছে?

মহিষী। কী জানি বাছা, আমরা মেয়েমানুষ কিছুর বুদ্ধি না, বউমাকে বাপের বাড়ি পাঠিয়ে মহারাজার রাজকাষের যে কী সুযোগ হবে, মহারাজই জানেন।

উদয়াদিত্য। মা, রাজবাড়িতে যদি আমার স্থান হয়ে থাকে তবে সুরমার কি হবে না? কেবল স্থানটুকুমাত্রই তার ছিল, তার বেশি তো আর কিছুর সে পায় নি!

মহিষী। (সরোদনে) কী জানি বাবা, মহারাজ কখন কী যে করেন কিছুর বুদ্ধিতে পারি নে। কিন্তু তাও বলি বাছা, আমাদের বউমা বড়ো ভালো মেয়ে নয়। ও রাজবাড়িতে প্রবেশ করে অবধিই এখানে আর শান্তি নেই। হাড় জ্বালাতন হয়ে গেল। তা, ও দিনকতক বাপের বাড়িতেই থাক-না কেন, দেখা যাক—কী বল বাছা? ও দিনকতক এখান থেকে গেলেই দেখতে পাবে, বাড়ির শ্রী ফেরে কি না।

[ উদয় নীরব থাকিয়া কিয়ৎকাল পরে প্রস্থান ]

#### সুরমার প্রবেশ

সুরমা। কই, এখানে তো তিনি নেই।

মহিষী। পোড়ামুখী, আমার বাছাকে তুই কী করলি? আমার বাছাকে আমায় ফিরিয়ে দে। এসে অবধি তুই তার কী সর্বনাশ না করলি? অবশেষে—সে রাজার ছেলে—তার হাতে বেড়ি না দিয়ে কি তুই ক্ষান্ত হবি নে?

সুরমা। কোনো ভয় নেই মা! বেড়ি এবার ভাঙল। আমি বুদ্ধিতে পারছি আমার বিদায় হবার সময় হয়ে এসেছে—আর বড়ো দেরি নেই। আমি আর দাঁড়াতে পারছি নে। বুদ্ধির ভিতর যেন আগুন জ্বলছে। তোমার পায়ের ধুলো নিতে এলুম। অপরাধ যা-কিছুর করছি মাপ করো। ভগবান করুন যেন আমি গেলেই শান্তি হয়।

[ পদধূলি লইয়া প্রস্থান ]

মহিষী। ওষুধ খেয়েছে বুদ্ধি। বিপদ কিছুর ঘটবে না তো? যে যা বলুক, বউমা কিন্তু লক্ষ্মী মেয়ে। ওকে এমন জোর করে বিদায় করলে কি ধর্মে সহিবে? বামী, বামী!

#### বামীর প্রবেশ

বামী। কী মা?

মহিষী। ওষুধটা কি বড় কড়া হয়েছে?

বামী। তুমি তো কড়া ওষুধের কথাই বলেছিলে।

মহিষী। কিন্তু বিপদ ঘটবে না তো?

বামী। আপদবিপদের কথা বলা যায় কি?

মহিষী। সত্যি বলছি বামী, আমার মনটা কেমন করছে। ওষুধটা কি খেয়েছে—ঠিক জানিস?

বামী। বেশিক্ষণ নয়—এই খানিকক্ষণ হল খেয়েছে।

মহিষী। দেখলুম, মুখ একেবারে সাদা ফ্যাকাশে হয়ে গেছে। কী করলুম কে জানে! হরি, রক্ষা করো।

বামী। তোমরা তো ওকে বিদায় করতেই চেয়েছিলে!

মহিষী। না না, ছি ছি—অমন কথা বলিস নে। দেখ্ আমি তোকে আমার এই গলার হার-গাছটা দিচ্ছি, তুই শিগগির দৌড়ে গিয়ে মঙ্গলার কাছ থেকে এর উলটো ওষুধ নিয়ে আয় গে। যা বামী, যা! শিগগির যা!

[ বামীর প্রস্থান ]

#### বিভার সরোদনে প্রবেশ

বিভা। মা মা, কী হল মা!

মহিষী। কী হয়েছে বিভূ?

বিভা। বউদিদির এমন হল কেন মা! তোমরা তাকে কী করলে মা? কী খাওয়ালে?

মহিষী। (উচ্চস্বরে) ওরে বামী, বামী! শিগগির দৌড়ে যা—ওরে, ওষুধ নিয়ে আয়।

উদয়াদিত্যের প্রবেশ

মহিষী। বাবা উদয়, কী হয়েছে বাপ!

উদয়াদিত্য। সুরমা বিদায় হয়েছে মা, এবার আমি বিদায় হতে এসেছি—আর এখানে নয়।

মহিষী। (কপালে করঘাত করিয়া) কী সর্বনাশ হল রে! কী সর্বনাশ হল!

উদয়াদিত্য। (প্রণাম করিয়া) চললুম তবে।

মহিষী। (হাত ধরিয়া) কোথায় যাবি বাপ? আমাকে মেরে ফেলে দিয়ে যা!

বিভা। (পা জড়াইয়া) কোথায় যাবে দাদা! আমাকে কার হাতে দিয়ে যাবে?

উদয়াদিত্য। তোকে কার হাতে দিয়ে যাব! আমি হতভাগা ছাড়া তোর কে আছে? ওরে

বিভা, তুইই আমাকে টেনে রাখলি—নইলে এ পাপ-বাড়িতে আমি আর এক মর্দু হত থাকতুম না।

বিভা। বুক ফেটে গেল দাদা, বুক ফেটে গেল।

উদয়াদিত্য। দৃঃখ করিস নে বিভা, যে গেছে সে সন্নে গেছে। এ বাড়িতে এসে সেই সোনার লক্ষ্মী এই আজ প্রথম আরাম পেল।

## ৪

প্রাসাদের দ্বারের বাহিরে

মাধবপুরের প্রজাদল

১। (উচ্চস্বরে) আমরা এখানে হঁতা দিয়ে পড়ে থাকব।

২। আমরা এখানে না থেয়ে মরব।

প্রহরীর প্রবেশ

প্রহরী। এরা সব বৈরাগীঠাকুরের চেলা, এদের গায়ে হাত দিতে ভয় করে। কিন্তু যেরকম গোলমাল লাগিয়েছে, এখনই মহারাজের কানে যাবে—মর্দুকিলে পড়ব। কী বাবা, তোমরা মিছে চেষ্টামেচি করছ কেন বলো তো?

সকলে। আমরা রাজার কাছে দরবার করব।

প্রহরী। আমার পরামর্শ শোন বাবা—দরবার করতে গিয়ে মরিব। তোরা নেহাত ছোটো বলেই মহারাজ তোদের গায়ে হাত দেন নি—কিন্তু হাঙ্গামা যদি করিস তো একটি প্রাণীও রক্ষা পাবি নে।

১। আমরা আর তো কিছু চাই নে, যে গারদে বাবা আছেন আমরাও সেখানে থাকতে চাই।

প্রহরী। ওরে, চাই বললেই হবে এমন দেশ এ নয়।

২। আচ্ছা, আমরা আমাদের যুবরাজকে দেখে যাব।

প্রহরী। তিনি তোদের ভয়েই লুকিয়ে বেড়াচ্ছেন।

৩। তাঁকে না দেখে আমরা যাব না।

সকলে। (উচ্চস্বরে) দোহাই যুবরাজ বাহাদুর!



উদয়াদিত্যের প্রবেশ

উদয়াদিত্য। আমি তোদের হুকুম করছি তোরা দেশে ফিরে যা।

১। তোমার হুকুম মানব—আমাদের ঠাকুরও হুকুম করেছেন তাঁর হুকুমও মানব—কিন্তু তোমাকে আমরা নিয়ে যাব।

উদয়াদিত্য। আমায় নিয়ে কী হবে?

১। তোমাকে আমাদের রাজা করব।

উদয়াদিত্য। তোদের তো বড়ো আশ্পর্ধা হয়েছে! এমন কথা মুখে আনিস! তোদের কি মরবার জায়গা ছিল না?

২। মরতে হয় মরব, কিন্তু আমাদের আর দুঃখ সহ্য হয় না।

৩। আমাদের যে বুক কেমন করে ফাটছে তা বিধাতাপুরুষ জানেন।

৪। রাজা, তোমার দুঃখে আমাদের কলিজা জ্বলে গেল।

৫। আমাদের মা-লক্ষ্মণী কোথায় গেল রাজা?

১। আমাদের দয়া করেছিল বলেই সে গেল।

২। এ রাজ্যে কেউ আমাদের মুখ তুলে চায় নি—সন্তানের সেই অনাদর কেবল আমাদের মার মনে সয় নি।

৩। দুবেলা মা আমাদের কত যত্ন করে কত খাবার পাঠিয়েছে। সেই মাকে রাখতে পারলুম না রে!

৪। কিন্তু রাজা, তুমি মুখ ফিঁরিয়ে চলেছ কোথায়? তোমাকে ছাড়ছি নে।

৫। আমরা জোর করে নিয়ে যাব, কেড়ে নিয়ে যাব।

উদয়াদিত্য। আচ্ছা শোন, আমি বলি—তোরা যদি দেরি না করে এখনই দেশে চলে যাস তা হলে আমি মহারাজের কাছে নিজে মাধবপুরে যাবার দরবার করব।

১। সঙ্গে আমাদের ঠাকুরকেও নিয়ে যাবে?

উদয়াদিত্য। চেষ্টা করব। কিন্তু আর দেরি না—এই মূহুর্তে তোরা এখান থেকে বিদায় হ।

প্রজারা। আচ্ছা, আমরা বিদায় হলুম। জয় হোক। তোমার জয় হোক।

৫

চন্দ্রম্বীপ। রাজা রামচন্দ্রের কক্ষ

রামচন্দ্র, মন্ত্রী, দেওয়ান, রমাই ও অন্যান্য সভাসদগণ  
রামচন্দ্র গদির উপর তাকিয়া হেলান দিয়া গুড়গুড়ি টানিতে টানিতে  
সম্মুখস্থ একজন অপরাধীর বিচার করিতেছেন

রামচন্দ্র। বেটা, তোর এতবড়ো মোগ্যতা!

অপরাধী। (সরোদনে) দোহাই মহারাজ, আমি এমন কাজ করি নি।

মন্ত্রী। বেটা, প্রতাপাদিত্যের সঙ্গে আর আমাদের মহারাজের তুলনা?

দেওয়ান। বেটা, জানিস নে, যখন প্রতাপাদিত্যের বাপ প্রথম রাজা হয় তখন তাকে রাজাটিকা পরাবার জন্যে সে আমাদের মহারাজার স্বর্গীয় পিতামহের কাছে আবেদন করে। অনেক কাদাকাটা করাতে তিনি তাঁর বাঁ-পায়ের কড়ে আঙুল দিয়ে তাকে টিকা পরিয়ে দেন।

রমাই। বিক্রমাদিত্যের বেটা প্রতাপাদিত্য, ওরা তো দুই পুরুষে রাজা। প্রতাপাদিত্যের পিতামহ ছিল কেঁচো, কেঁচোর পুত্র হল জেঁক, বেটা প্রজার রক্ত খেয়ে খেয়ে বিষম ফুলে উঠল, সেই জেঁকের পুত্র আজ মাথা খুঁড়ে খুঁড়ে মাথাটা কুলোপানা করে তুলেছে আর চক্ৰ ধরতে শিখেছে।

আমরা পদ্রুপানুক্রমে রাজসভায় ভাঁড়বৃন্তি করে আসছি; আমরা বেদে, আমরা জাতসাপ চিনি নে? রামচন্দ্র। আচ্ছা, যা—এ যাত্রা বেণ্টে গেলি, ভবিষ্যতে সাবধান থাকিস।

[মন্ত্রী, রমাই ও রামচন্দ্র ব্যতীত সকলের প্রস্থান]

রমাই। আপনি তো চলে এলেন, এ দিকে যুবরাজ বাবাজি বিষম গোলে পড়লেন। রাজার অভিপ্রায় ছিল, কন্যাটি বিধবা হলে হাতের লোহা আর বালা দু'গাছি বিক্রি করে রাজকোষে কিঞ্চিৎ অর্থাগম হয়। যুবরাজ তাতে ব্যাঘাত করলেন। তা নিয়ে তর্ষি কত!

রামচন্দ্র। (হাসিতে হাসিতে) বটে!

মন্ত্রী। মহারাজ, শুনতে পাই, প্রতাপাদিত্য আজকাল আপসোসে সারা হচ্ছেন। এখন কী উপায়ে মেয়েকে শ্বশুরবাড়ি পাঠাবেন তাই ভেবে তাঁর আহারনিদ্রা নেই।

রামচন্দ্র। সত্যি নাকি? (হাস্য ও তাম্বকটসেবন)

মন্ত্রী। আমি বললাম, আর মেয়েকে শ্বশুরবাড়ি পাঠিয়ে কাজ নেই। তোমাদের ঘরে মহারাজ বিবাহ করেছেন এতেই তোমাদের সাত পদ্রুপ উদ্ধার হয়ে গেছে। তার পরে আবার তোমাদের মেয়েকে ঘরে এনে ঘর নিচু করা, এত পদ্রুপ এখনো তোমরা কর নি। কেমন হে ঠাকুর?

রমাই। তার সন্দেহ আছে? মহারাজ, আপনি যে পাকৈ পা দিয়েছেন সে তো পাকৈর বাবার ভাগ্যি, কিন্তু তাই বলে ঘরে ঢোকবার সময় পা ধুয়ে আসবেন না তো কী?

#### ভূতোর প্রবেশ

ভূতা। মহারাজ, আহার প্রস্তুত।

[রমাই ও মন্ত্রীর প্রস্থান]

#### রামমোহন মালের প্রবেশ

রামমোহন। (করজোড়ে) মহারাজ!

রামচন্দ্র। কী রামমোহন?

রামমোহন। মহারাজ, আজ্ঞা দিন, আমি মাঠাকরুনকে আনতে যাই।

রামচন্দ্র। সে কী কথা!

রামমোহন। আঞ্জে হাঁ। অন্তঃপদ্রুপ অন্ধকার হয়ে আছে, আমি তা দেখতে পারি নে। অন্দরে যাই, মহারাজের ঘরে কাকেও দেখতে পাই নে, আমার যেন প্রাণ কেমন করতে থাকে। আমার মা-লক্ষ্মী ঘরে এসে ঘর আলো করুন, দেখে চক্ষু সার্থক করি।

রামচন্দ্র। রামমোহন, তুমি পাগল হয়েছ? সে মেয়েকে আমি ঘরে আনি?

রামমোহন। (নেত্র বিস্ফারিত করিয়া) কেন মহারাজ!

রামচন্দ্র। বল কী রামমোহন? প্রতাপাদিত্যের মেয়েকে আমি ঘরে আনব?

রামমোহন। কেন আনবেন না হুজুর? আপনার রানীকে আপনি যদি ঘরে এনে তাঁর সম্মান না রাখেন তা হলে কি আপনার সম্মানই রক্ষা হবে?

রামচন্দ্র। যদি প্রতাপাদিত্য মেয়েকে না দেয়?

রামমোহন। (বক্ষ ফুলাইয়া) কী বললেন মহারাজ? যদি না দেয়? এতবড়ো সাধ্য কার যে দেবে না! আমার মা জননী, আমাদের ঘরের মা-লক্ষ্মী, কার সাধ্য তাঁকে আমাদের কাছ হতে কেড়ে রাখতে পারে? আমার মাকে আমি আনব, তুমিই বা বারণ করবার কে?

[প্রস্থানোদ্যম]

রামচন্দ্র। (তাড়াতাড়ি) রামমোহন, যেয়ো না, শোনো শোনো। আচ্ছা, তুমি আনতে যাচ্ছ যাও—তাতে আপত্তি নেই; কিন্তু দেখো, এ কথা যেন কেউ শুনতে না পায়। রমাই কিংবা মন্ত্রীর কানে এ কথা যেন কোনোমতে না ওঠে।

রামমোহন। যে আজ্ঞা মহারাজ!

## চতুর্থ অঙ্ক

১

### মন্ত্রী ও প্রতাপাদিত্য

প্রতাপাদিত্য। মাধবপদুরের প্রজারা দরখাস্ত নিয়ে দিল্লিতে চলোঁছিল, হাতে হাতে ধরা পড়েছিল—সেও কি তুমি অবিশ্বাস কর?

মন্ত্রী। আজ্ঞে না মহারাজ, অবিশ্বাস করছি নে।

প্রতাপাদিত্য। ওরা তাতে লিখেছে, আমি দিল্লীশ্বরের শত্রু, ওদের ইচ্ছা আমাকে সিংহাসন থেকে নামিয়ে উদয়কে সিংহাসন দেওয়া হয়—এ কথাগুলো তো ঠিক?

মন্ত্রী। আজ্ঞে হাঁ, সে দরখাস্ত তো আমি দেখেছি।

প্রতাপাদিত্য। এর চেয়ে তুমি আর কী প্রমাণ চাও?

মন্ত্রী। কিন্তু এর মধ্যে আমাদের যুবরাজ আছেন এ কথা আমি কিছুতে বিশ্বাস করতে পারি নে।

প্রতাপাদিত্য। তোমার বিশ্বাস কিংবা তোমার আন্দাজের উপর নির্ভর করে তো আমি রাজকার্য চালাতে পারি নে। যদি বিপদ ঘটে তবে, 'ঐ না, মন্ত্রী আমার ভুল বিশ্বাস করেছিল' বলে তো নিষ্কৃতি পাব না।

মন্ত্রী। কিন্তু যুবরাজকে যে সন্দেহে কারাদণ্ড দিয়েছেন তার যদি কোনো মূল না থাকে তা হলেও রাজকার্যের মঙ্গল হবে না।

প্রতাপাদিত্য। রাজ্য রক্ষা সহজ ব্যাপার নয় মন্ত্রী। অপরাধ নিশ্চয় প্রমাণ হলে তার পরে দণ্ড দেওয়াই যে রাজার কর্তব্য তা আমি মনে করি নে। যেখানে সন্দেহ করা যায় কিংবা যেখানে ভবিষ্যতেও অপরাধের সম্ভাবনা আছে সেখানেও রাজা দণ্ড দিতে বাধ্য।

মন্ত্রী। আপনি রাগ করবেন, কিন্তু আমি এ ক্ষেত্রে সন্দেহ কিংবা ভবিষ্যৎ অপরাধের সম্ভাবনা পর্যন্ত কল্পনা করতে পারি নে।

প্রতাপাদিত্য। মাধবপদুরের প্রজারা এখানে এসেছিল কি না?

মন্ত্রী। হাঁ।

প্রতাপাদিত্য। তারা ওকেই রাজা করতে চেয়েছিল কি না?

মন্ত্রী। হাঁ, চেয়েছিল।

প্রতাপাদিত্য। তুমি বলতে চাও এ-সকলের মধ্যে উদয়ের কোনো হাত ছিল না?

মন্ত্রী। যদি হাত থাকত তা হলে এত প্রকাশ্যে এ কথার আলোচনা হত না।

প্রতাপাদিত্য। আচ্ছা আচ্ছা, তোমার নিঃসংশয় নিয়ে তুমি নিশ্চিত হয়েই বসে থাকো—কিন্তু আমি বরষ নির্যাসকে দণ্ড দেব কিন্তু যেখানে রাজার কিছুমাত্র অহিত ঘটবার আশঙ্কা আছে সেখানে বিপদটা একেবারে ঘাড়ে এসে পড়ার জন্যে পথ চেয়ে বসে থাকব না। রাজার দায়িত্ব মন্ত্রীর দায়িত্বের চেয়ে ঢের বেশি।

মন্ত্রী। অন্তত বৈরাগীঠাকুরকে ছেড়ে দিন মহারাজ! প্রজাদের মনে একসঙ্গে এতগুলো বেদনা চাপাবেন না।

প্রতাপাদিত্য। আচ্ছা, সে আমি বিবেচনা করে দেখব।

## ২

রায়গড়। বসন্ত রায়ের প্রাসাদ। বসন্ত রায় একাকী আসীন

পাঠানের প্রবেশ ও সেলাম

বসন্ত রায়। খাঁসাহেব, এসো এসো। সাহেব, তোমার মুখ এমন মলিন দেখছি কেন? মেজাজ ভালো তো?

পাঠান। মেজাজের কথা আর বলবেন না মহারাজ! একটি বয়েত আছে—রাত্রি বলে, আমার কি হাসবার ক্ষমতা আছে? যখন চাঁদ হাসে তখনই আমি হাসি, নইলে সব অন্ধকার! মহারাজ, আমরাই বা কে? আপনি না হাসলে যে আমাদের হাসি ফুরিয়ে যায়! আমাদের আর সুখ নেই প্রভু!

বসন্ত রায়। সে কী কথা সাহেব! আমার তো অসুখ কিছুই নেই।

পাঠান। এখন আপনার আর তেমন গানবাজনা শুনিনে। আপনার যে সেতার কোলে-কোলেই থাকত সে তো আর দেখতেই পাই নে।

বসন্ত রায়। সেতার! সেতারে তো নাড়া দিলেই বেজে ওঠে। কিন্তু মানুষের মনে যখন সুর লাগে না তখন কার সাধ্য তাকে বাজায়।

সীতারামের প্রবেশ

সীতারাম। জয় হোক মহারাজ!

[প্রণাম]

বসন্ত রায়। আরে সীতারাম যে! ভালো আছিস তো? মুখ শুকনো যে? খবর সব ভালো তো? শীঘ্র বল্।

সীতারাম। খবর বড়ো খারাপ—সব বলছি।

পাঠান। হুজুর, তবে এখন আর্সি।

[সেলাম ও প্রস্থান]

বসন্ত রায়। সীতারাম, কী হয়েছে সব বল্ বল্, আমার প্রাণ বড়ো অধীর হচ্ছে। আমার দাদার—

সীতারাম। নিবেদন করছি মহারাজ! যুবরাজকে আমাদের মহারাজ কারাদণ্ড দিয়েছেন।

বসন্ত রায়। কারাদণ্ড! সে কী কথা! কেন, উদয় কী অপরাধ করেছিল?

সীতারাম। সে তো আমরা কিছু বদ্বতে পারলুম না। ইঠাৎ একদিন শুনলুম যুবরাজ বন্দী।

বসন্ত রায়। অ্যাঁ! বন্দী!

সীতারাম। আস্তা হাঁ মহারাজ!

বসন্ত রায়। সীতারাম, এ কী কথা! তাকে কি একেবারে জেলখানায় ফৌজপাহারায় বন্দ করে রেখেছে?

সীতারাম। আস্তে হাঁ মহারাজ!

বসন্ত রায়। তাকে কি একবার বেরোতেও দেয় না?

সীতারাম। আস্তা না।

বসন্ত রায়। সে একলা কারাগারে?

সীতারাম। হাঁ মহারাজ!

বসন্ত রায়। প্রতাপ আমাকে বন্দী করুক-না—আমি আপনি গিয়ে ধরা দিচ্ছি।

সীতারাম। তাতে কোনো ফল হবে না।

বসন্ত রায়। কিন্তু কী হবে সীতারাম! কী করা যায়?

সীতারাম। আমার মাথায় একটা মতলব এসেছে। আপনাকে যেতে হচ্ছে। একবার যশোরে চলুন।

বসন্ত রায়। সে তো যাবই। একবার তো প্রতাপকে বলে কয়ে চেষ্টা করে দেখতেই হবে।

৩

চন্দ্রস্বামী। রামচন্দ্রের কক্ষ

রামচন্দ্র মন্ত্রী রমাই দেওয়ান ও ফর্নাণ্ডিজ

রামমোহন প্রবেশ করিয়া জোড়হস্তে দণ্ডায়মান

রামচন্দ্র। (বিস্মিত ভাবে) কী হল রামমোহন?

রামমোহন। সকলই নিষ্ফল হয়েছে।

রামচন্দ্র। (চমকিয়া) আনতে পারলি নে?

রামমোহন। আজ্ঞে না মহারাজ! কুলশেন যাত্রা করেছিলেন।

রামচন্দ্র। (ক্ৰুদ্ধ হইয়া) বেটা, তোকে যাত্রা করতে কে বলেছিল? তখন তোকে বার বার করে বারণ করলুম, তখন যে তুই বৃদ্ধ ফুলিয়ে গেলি, আর আজ—

রামমোহন। (কপালে হাত দিয়া) মহারাজ, আমার অদৃষ্টের দোষ।

রামচন্দ্র। (আরো ক্ৰুদ্ধ হইয়া) রামচন্দ্র রায়ের অপমান! তুই বেটা আমার নাম করে ঝিকা চাইতে গেলি, আর প্রতাপাদিত্য দিলে না! এতবড়ো অপমান আমাদের বংশে আর কখনো হয় নি।

রামমোহন। (নত শির তুলিয়া) ও কথা বলবেন না। প্রতাপাদিত্য যদি না দিতেন, আমি যেমন করে পারি আনতুম। প্রতাপাদিত্য রাজা বটেন, কিন্তু আমার রাজা তো নন।

রামচন্দ্র। ওরে হতভাগা বেটা, তবে হল না কেন? (রামমোহন নীরব) রামমোহন, শীঘ্র বল।

রামমোহন। মহারাজ, তাঁর ভাই আজ কারাগারে।

রামচন্দ্র। তাতে কী হল?

রামমোহন। ভাইয়ের এই বিপদের দিনে তাঁকে একলা ফেলে চলে আসেন, এমন মা কি আমার?

রামচন্দ্র। বটে! আসতে চাইলেন না বটে! আমার লোক গিয়ে ফিরে এল!

রামমোহন। রাগ করেন কেন মহারাজ! রাগ করতে হয় তা হলে যারা আপনার বৃদ্ধি নষ্ট করেছে তাদের উপর রাগ করুন।

রামচন্দ্র। তার মানে কী হল?

রামমোহন। যুবরাজ যে আজ বন্দী তার গোড়াকার কথাটা কি এরই মধ্যে ভুললেন? এ-সমস্ত তো আমাদেরই জন্য! এমন স্থলে আমাদের মহারানী-মাকেও তো জোর করে বলতে পারলুম না যে আমাদের কর্মের ফল তোমার ভাইয়ের উপরে চাপিয়ে তুমি চলে এসো।

রামচন্দ্র। বেরো বেটা, বেরো তুই! এখনই আমার সন্মুখ হতে দূর হয়ে যা!

রামমোহন। যাচ্ছি মহারাজ, কিন্তু এ কথা বলে যাব যে, সত্যলক্ষ্মী যদি এবার তাঁর ভাইকে ছেড়ে চলে আসতেন তা হলে তাঁর স্বামীর পাপ বৃদ্ধি হত—সেই ভয়েই তিনি হৃদয় পাষণ করে রইলেন, আসতে পারলেন না।

[প্রস্থান]

মন্ত্রী। মহারাজ, আর-একটি বিবাহ করুন।

দেওয়ান। মন্ত্রী ঠিক কথাই বলেছেন। তা হলে প্রতাপাদিত্য এবং তাঁর কন্যাকে উপযুক্ত শিক্ষা দেওয়া হবে।

রমাই। এ শুভকারণে আপনার বর্তমান শ্বশুরমশাইকে একখানা নিমন্ত্রণপত্র পাঠাতে ভুলবেন না, নইলে কী জানি তিনি মনে দুঃখ করতে পারেন।

সকলে। হিঃ হিঃ হিঃ হিঃ! হাঃ হাঃ! হোঃ হোঃ হোঃ!

রমাই। বরণ করবার জন্য এয়োস্ত্রীদের মধ্যে যশোরে আপনার শাশুড়িঠাকরুনকে ডেকে পাঠাবেন, আর মিষ্টান্নমিতরে জনাঃ—প্রতাপাদিত্যের মেয়েকে যখন একখাল মিষ্টান্ন পাঠাবেন তখন তার সঙ্গে দুটো কাঁচা রম্ভা পাঠিয়ে দেবেন।

রামচন্দ্র। হিঃ হিঃ হিঃ হিঃ! হাঃ হাঃ!

[সভাসদগণের হাস্য। সকলের অলক্ষ্যে ফর্নাণ্ডিজের প্রস্থান]

দেওয়ান। তা মিষ্টান্নমিতরে জনাঃ, যদি ইতর লোকের ভাগ্যেই মিষ্টান্ন থাকে তা হলে তো যশোরেই সমস্ত মিষ্টান্ন খরচ হয়ে যায়, চন্দ্রশ্রীপে আর খাবার উপযুক্ত লোক থাকে না।

রামচন্দ্র। আমার শ্বশুরকে এখনই একটা চিঠি লিখে দিতে হচ্ছে।

মন্ত্রী। কী লিখব?

রমাই। লেখো, তোমার রাজত্ব এবং রাজকন্যা তোমারই থাক্—জগতে শালা-শ্বশুরের অভাব নেই।

সকলে। হিঃ হিঃ হিঃ হিঃ হিঃ হিঃ! হোঃ হোঃ হোঃ হোঃ! ওঃ হোঃ হোঃ!

মন্ত্রী। তা বেশ, ঐ কথাই গুঁছিয়ে লেখা যাবে।

রামচন্দ্র। আজই ও চিঠি রওনা করে দিয়ে।

## ৪

যশোহর। প্রতাপাদিত্যের কক্ষ

বসন্ত রায়ের প্রবেশ

বসন্ত রায়। বাবা প্রতাপ, উদয়কে আর কেন কষ্ট দাও? পদে পদেই যদি সে তোমাদের কাছে অপরাধ করে তবে তাকে এই বড়োর কাছে দাও-না। (প্রতাপ নিরুত্তর) তুমি যা মনে করে উদয়কে শাস্তি দিচ্ছ সেই অপরাধ যে যথার্থ আমার। আমিই যে রামচন্দ্র রায়কে রক্ষা করবার জন্যে চক্রান্ত করেছিলাম।

প্রতাপাদিত্য। খুড়োমশায়, বৃথা কথা বলে আমার কাছে কোনোদিন কেউ কোনো ফল পায় নি।

বসন্ত রায়। ভালো, আমার আর-একটি ক্ষুদ্র প্রার্থনা আছে। আমি একবার কেবল উদয়কে দেখে যেতে চাই—আমাকে তার সেই কারাগৃহে প্রবেশ করতে কেউ যেন বাধা না দেয় এই অনুরোধ দাও।

প্রতাপাদিত্য। সে হতে পারবে না।

বসন্ত রায়। তা হলে আমাকে তার সঙ্গে একসঙ্গে বন্দী করে রাখো। আমাদের দুজনেরই অপরাধ এক, দণ্ডও এক হোক—যতদিন সে কারাগারে থাকবে আমিও থাকব।

[নীরবে প্রতাপের প্রস্থান]

সীতারামের প্রবেশ ও প্রণাম

বসন্ত রায়। কী সীতারাম, খবর কী?

সীতারাম। খবর পরে বলব। এখন শীঘ্র একবার আপনাকে আমার সঙ্গে আসতে হবে।  
বিলম্ব করবেন না।

বসন্ত রায়। কেন সীতারাম? কোথায় যেতে হবে?

[বসন্ত রায়ের কানে কানে সীতারামের ভাষণ]

(বিস্ময়ান্বিত নেত্রে) অ্যাঁ! সত্যি নাকি!

সীতারাম। মহারাজ, কথা কবার সময় নেই, শীঘ্র আসুন।

বসন্ত রায়। একবার বিভার সঙ্গে দেখাটা করে আসি-না?

সীতারাম। না, সে হয় না—আর দেরি না।

বসন্ত রায়। তবে কাজ নেই—চলো (অগ্রসর হইয়া) কিন্তু বেশি দেরি হত না—একবার দেখা করেই চলে আসতুম।

সীতারাম। না মহারাজ, তা হলে বিপদ হবে।

[প্রস্থান]

## ৫

### কারাগার

উদয়াদিত্য। অনুচরের প্রবেশ

উদয়াদিত্য। লোচনদাস!

লোচনদাস। যুবরাজ!

উদয়াদিত্য। যুবরাজ কাকে বলছ?

লোচনদাস। আজ্ঞে, আপনাকে।

উদয়াদিত্য। আমার এই যৌবরাজ্য যেন পরম শত্রুর ভাগ্যেও না পড়ে। লোচন।

লোচনদাস। আজ্ঞে।

উদয়াদিত্য। সময় এখন কত? বিভার কি আসবার সময় হয় নি?

লোচনদাস। আজ্ঞে, এখনো কিছু দেরি আছে। মায়ের ভোগ সারা হলে তিনি নিজের হাতে প্রসাদ নিয়ে আসবেন।

উদয়াদিত্য। সন্ধ্যার্তি এতক্ষণে হয়ে গেছে বোধ হয়?

লোচনদাস। আজ্ঞে হাঁ, হয়ে গেছে।

উদয়াদিত্য। পাখিরা সব বাসায় ফিরে গেছে। নহবতখানায় এতক্ষণে ইমন-কল্যাণের সুর বাজছে। লোচন, বিভার শব্দরবাড়ি থেকে কি আজও লোক আসে নি?

লোচনদাস। একবার মোহন এসেছিল।

উদয়াদিত্য। তবে? বিভা কি—

লোচনদাস। দিদিঠাকরুন আপনাকে একলা রেখে যেতে পারলেন না।

উদয়াদিত্য। সে হবে না, সে হবে না! তাকে যেতে হবে! যেতেই হবে! আমার জন্যে ভাবনা নেই—আমার সমস্ত সইবে। এই-যে তার ফুলগুদুলি এখনো শুকোয় নি! সকালবেলায় পুজোর পরে প্রসাদী ফুল এনে দিয়ে গেল—তখন তার মুখে দেবীকে প্রত্যক্ষ দেখতে পেয়েছিলুম।

লোচনদাস। আহা, দেবীই বটে!

উদয়াদিত্য। কিন্তু তাকে যেতেই হবে। আমি সইতে পারব। তাকে ধরে রাখব না।

বাহিরে। আগুন! আগুন!

প্রহরীর প্রবেশ

প্রহরী। আগুন লেগেছে! পালান পালান!

## খালের ধারে নৌকার সম্মুখে

সীতারামের সহিত বৃবরাজের দ্রুত প্রবেশ

সীতারাম। এই নৌকা, এই নৌকা, আসুন, উঠে পড়ুন—

নৌকার ভিতর হইতে বসন্ত রায়ের অবতরণ

বসন্ত রায়। দাদা এসেছিঁস? আয় দাদা, আয়!

[ বাহু প্রসারণ

উদয়াদিত্য। দাদামশায়!

[ আলিঙ্গন

বসন্ত রায়। কী দাদা?

উদয়াদিত্য। (উদ্ভ্রান্তভাবে চারি দিকে চাহিয়া) দাদামশায়!

বসন্ত রায়। এই যে আমি দাদা—কেন ভাই?

উদয়াদিত্য। (দুই হস্ত ধরিয়া) আজ আমি ছাড়া পেয়েছিঁ—তোমাকে পেয়েছিঁ। আর আমার স্নেহের কী অবশিষ্ট রইল? এ মূহূর্ত আর কতক্ষণ থাকবে?

সীতারাম। (করজোড়ে) বৃবরাজ, নৌকায় উঠুন।

উদয়াদিত্য। (চমকিত হইয়া) কেন? নৌকায় কেন?

সীতারাম। নইলে এখনই আবার প্রহরীরা আসবে, এখনই ধরে ফেলবে।

উদয়াদিত্য। (বিস্মিত হইয়া) আমরা কি পালিয়ে যাছিঁ?

বসন্ত রায়। (হাত ধরিয়া) হাঁ ভাই—আমি তোকে চুরি করে নিয়ে যাছিঁ। এ যে পাষণ-হৃদয়ের দেশ।

সীতারাম। বৃবরাজ, আমি তোমাকে উদ্ধার করবার জন্যে কারাগারে আগুন লাগিয়েছিঁ।

উদয়াদিত্য। কী সর্বনাশ! মরবি যে!

সীতারাম। তুমি যতদিন কয়েদে ছিলে প্রতিদিনই আমি মরেছিঁ।

উদয়াদিত্য। (অনেকক্ষণ ভাবিয়া) না, আমি পালাতে পারব না।

বসন্ত রায়। কেন দাদা, এ বড়োকে কি ভুলে গেছিঁস?

উদয়াদিত্য। (দীর্ঘনিশ্বাস ছাড়িয়া) না না—আমি কারাগারে ফিরে যাই।

বসন্ত রায়। (হাত চাপিয়া ধরিয়া) কেমন করে যাবি যা দেখিঁ! আমি যেতে দেব না।

উদয়াদিত্য। এ হতভাগাকে নিয়ে কেন বিপদ ডাকছ?

বসন্ত রায়। দাদা, তোর জন্যে যে বিভাও কারাবাসিনী হয়ে উঠল। তার এই নবীন বয়সে সে কি তার সমস্ত জীবনের স্নেহ জলাঞ্জলি দেবে?

উদয়াদিত্য। চলো, চলো, চলো। সীতারাম, প্রাসাদে তিনখানি পত্র পাঠাতে চাই।

সীতারাম। নৌকাতেই লিখে দেবেন। ঐখানেই চলুন।

[ প্রস্থান

ধনঞ্জয়ের প্রবেশ

নৃত্য ও গীত

ওরে আগুন, আমার ভাই,

আমি তোমার জয় গাই।

তোমার শিকল-ভাঙা এমন রাঙা মূর্তি দেখিঁ নাই।



তুমি           দু হাত তুলে আকাশ-পানে  
 মেতেছ আজ কিসের গানে।  
 এ কী           আনন্দময় নৃত্য অভয়, বলিহারি যাই।  
 যেদিন       ভবের মেয়াদ ফুরোবে ভাই,  
                   আগল যাবে সরে,  
 সেদিন       হাতের দড়ি পায়ের বেড়ি  
                   দিবি রে ছাই করে।  
 সেদিন       আমার অঙ্গ তোমার অঙ্গে  
                   ওই নাচনে নাচবে রঙ্গে,  
                   সকল দাহ মিটবে দাহে  
                   ঘুচবে সব বালাই।

৭

প্রতাপাদিত্যের কক্ষ

প্রতাপাদিত্য ও মন্ত্রী

প্রতাপাদিত্য। দৈবাৎ আগুন লাগার কথা আমি এক বর্ণ বিশ্বাস করি নে। এর মধ্যে চক্রান্ত আছে। খুড়ো কোথায়?

মন্ত্রী। তাঁকে দেখা যাচ্ছে না।

প্রতাপাদিত্য। হুঁ। তিনিই এই অগ্নিকান্ড ঘটিয়ে ছোঁড়াটাকে নিয়ে পালিয়েছেন।

মন্ত্রী। তিনি সরল লোক--এ-সকল বুদ্ধি তো তাঁর আসে না।

প্রতাপাদিত্য। বাইরে থেকে যাকে সরল বলে বোধ না হবে তার কুটিল বুদ্ধি বৃথা।

মন্ত্রী। কারাগার ভস্মসাৎ হয়ে গেছে, আমার আশঙ্কা হচ্ছে যদি--

প্রতাপাদিত্য। কোনো আশঙ্কা নেই, আমি বলছি উদয়কে নিয়ে খুড়োমহারাজ পালিয়েছেন।

দ্বারীর প্রবেশ

দ্বারী। মহারাজ, পত্র--

প্রতাপাদিত্য। কার পত্র?

দ্বারী। হুজুর, যুবরাজের হাতের লেখা।

প্রতাপাদিত্য। কে এনেছে?

দ্বারী। একজন নৌকার মাঝি।

প্রতাপাদিত্য। সে কোথায় গেল?

দ্বারী। সে পালিয়েছে।

[ প্রস্থান

প্রতাপাদিত্য। (পত্রপাঠান্তে) এই দেখো মন্ত্রী, উদয় আমার কাছে মাপ চেয়েছে।

মন্ত্রী। (করজোড়ে) তাঁকে মাপ করুন মহারাজ!

প্রতাপাদিত্য। তাকে মাপ করব না তো কী! সে আমার দণ্ডেরও যোগ্য নয়। কিন্তু--  
 মৃষ্টিয়ার খাঁ!

মুন্সিয়্যার খাঁর প্রবেশ

মুন্সিয়্যার। খোদাবন্দ!

[ সেলাম

প্রতাপাদিত্য। অশ্ব প্রস্তুত আছে—তুমি এখনই যাও! কাল রাতে আমি বসন্ত রায়ের ছিন্ন মন্ড দেখতে চাই।

মুন্সিয়্যার। যো হুকুম মহারাজ!

[ প্রস্থান

প্রতাপাদিত্য। সেই বৈরাগীটার খবর পেয়েছ?

মন্ত্রী। না মহারাজ!

প্রতাপাদিত্য। সে বোধ হয় পালিয়েছে। সে যদি থাকে তো আমার কাছে পাঠিয়ে দিয়ো।

মন্ত্রী। কেন মহারাজ, তাঁকে আবার কিসের প্রয়োজন?

প্রতাপাদিত্য। আর কিছু নয়—সেই ভাঁড়টাকে নিয়ে একটু আমোদ করতে পারতুম—তার কথা শুনতে মজা আছে।

ধনঞ্জয়ের প্রবেশ

ধনঞ্জয়। জয় হোক মহারাজ! আপনি তো আমাকে ছাড়তেই চান না, কিন্তু কোথা থেকে আগুন ছুটির পরোয়ানা নিয়ে হাজির। কিন্তু না বলে যাই কী করে! তাই হুকুম নিতে এলুম।

প্রতাপাদিত্য। কদিন কাটল কেমন!

ধনঞ্জয়। সুখে কেটেছে—কোনো ভাবনা ছিল না। এ-সব তারই লুকোচুরি খেলা—ভেবেছিল গারদে লুকোবে, ধরতে পারব না—কিন্তু ধরেছি, চেপে ধরেছি, তার পরে খুব হাসি, খুব গান। বড়ো আনন্দে গেছে—আমার গারদ-ভাইকে মনে থাকবে।

গান

ওরে শিকল, তোমায় কোলে করে

দিয়োছি ঝংকার।

তুমি আনন্দে ভাই রেখেছিলে

ভেঙে অহংকার।

তোমায় নিয়ে ক'রে খেলা

সুখে দুঃখে কাটল বেলা,

অঙ্গ বেড়ি' দিলে বেড়ি

বিনা দামের অলংকার।

তোমার 'পরে করি নে রোষ,

দোষ থাকে তো আমারই দোষ,

ভয় যদি রয় আপন মনে

তোমায় দেখি ভয়ংকর।

অন্ধকারে সারা রাত

ছিলে আমার সাথের সাথী,

সেই দয়াটি স্মরি তোমায়

করি নমস্কার।

প্রতাপাদিত্য। বল কী বৈরাগী! গারদে তোমার এত আনন্দ কিসের?

ধনঞ্জয়। মহারাজ, রাজ্যে তোমার যেমন আনন্দ তেমনি আনন্দ—অভাব কিসের? তোমাকে সুখ দিতে পারেন আর আমাকে পারেন না?

প্রতাপাদিত্য। এখন তুমি যাবে কোথায়?

ধনঞ্জয়। রাস্তায়।

প্রতাপাদিত্য। বৈরাগী, আমার এক-একবার মনে হয় তোমার ঐ রাস্তাই ভালো—আমার এই রাজ্যটা কিছ্রু না।

ধনঞ্জয়। মহারাজ, রাজ্যটাও তো রাস্তা। চলতে পারলেই হল! ওটাকে যে পথ বলে জানে সেই তো পথিক—আমরা কোথায় লাগি? তা হলে অনুমতি যদি হয় তো এবারকার মতো বেরিয়ে পড়ি।

প্রতাপাদিত্য। আচ্ছা, কিন্তু মাধবপুরে যেয়ো না।

ধনঞ্জয়। সে কেমন করে বলি! যখন নিয়ে যাবে তখন কার বাবার সাধ্য বলে যে যাব না?

## পঞ্চম অঙ্ক

১

রায়গড়। বসন্ত রায়ের প্রাসাদসংলগ্ন প্রান্তর

উদয়াদিত্যের প্রবেশ

উদয়াদিত্য। মহারাজ যে দাদামশায়কে সহজে নিষ্কৃতি দেবেন তার সম্ভাবনা নেই। আমি এখানে থেকে তাঁর এই বিপদ ঘনিষে তোলা কোনোমতেই উচিত হচ্ছে না। আর দেরি করা না। আজই আমাকে পালাতে হবে। দাদামশায়কে বলে যাওয়া মিথ্যা। তিনি কিছ্রুতেই ছাড়বেন না। উঃ—আজ সমস্ত দিনটা আকাশ মেঘাচ্ছন্ন হয়ে রয়েছে, দুই-এক ফোঁটা বৃষ্টিও পড়ছে—দেখি দাদামশায় কী করছেন, তাঁকে—ও দিকে কে একটা লোক সরে গেল, ও আবার কে?

পশ্চাৎ হইতে মদুস্তিয়ার খাঁর প্রবেশ ও সেলাম

সম্মুখ হইতে দুইজন সৈন্যের প্রবেশ ও সেলাম

উদয়াদিত্য। কে! মদুস্তিয়ার খাঁ? কী খবর?

মদুস্তিয়ার। জনাব, আমাদের মহারাজের কাছ থেকে আদেশ নিয়ে এসেছি।

উদয়াদিত্য। কী আদেশ মদুস্তিয়ার?

[উদয়াদিত্যের হস্তে মদুস্তিয়ার খাঁর আদেশপত্র প্রদান]

উদয়াদিত্য। এর জন্য এত সৈন্যের প্রয়োজন কী? আমাকে একখানা পত্র লিখে আদেশ করলেই তো আমি যেতুম। আমি তো আপনাই যাচ্ছিলুম, যাব বলেই স্থির করেছি। তবে আর বিলম্বে প্রয়োজন কী? এখনই চলো। এখনই যশোরে ফিরে যাই।

মদুস্তিয়ার। (করজোড়ে) এখনই ফিরতে পারব না তো হুজুর, আমার যে আরো কাজ আছে।

উদয়াদিত্য। (ভীত হইয়া) কেন! কী কাজ?

মদুস্তিয়ার। আরো এক আদেশ আছে, তা পালন না করে যেতে পারব না।

উদয়াদিত্য। কী আদেশ? বলছ না কেন?

মদুস্তিয়ার। রায়গড়ের রাজার প্রতি মহারাজা প্রাণদণ্ডের আদেশ করেছেন।

উদয়াদিত্য। (চমকিয়া উচ্চস্বরে) না—করেন নি! মিথ্যা কথা!

মদুস্তিয়ার। অজ্ঞে যুবরাজ, মিথ্যে নয়। আমার কাছে মহারাজের স্বাক্ষরিত পত্র আছে।

উদয়াদিত্য। (সেনাপতির হাত ধরিয়া) মদুস্তিয়ার খাঁ, তুমি ভুল বুঝেছ। মহারাজ আদেশ করেছেন যে যদি উদয়াদিত্যকে না পাও তা হলে বসন্ত রায়ের—আমি যখন আপনি ধরা দিচ্ছি,

তখন আর কী? আমাকে এখনই নিয়ে চলো—এখনই নিয়ে চলো—বন্দী করে নিয়ে চলো, আর দেরি কোরো না।

মুক্তিয়ার। যুবরাজ, আমি ভুল বুঝি নি। মহারাজ স্পষ্ট আদেশ করেছেন—

উদয়াদিত্য। তুমি নিশ্চয় ভুল বুঝেছ, তাঁর অভিপ্রায় এরূপ নয়। আচ্ছা চলো, যশোরে চলো। আমি মহারাজের সাক্ষ্যে তোমাদের বুঝিয়ে দেব। তিনি যদি দ্বিতীয় বার আদেশ করেন সম্পন্ন করো।

মুক্তিয়ার। (করজোড়ে) যুবরাজ, মার্জনা করুন। তা পারব না।

উদয়াদিত্য। (অধীরভাবে) মুক্তিয়ার, মনে আছে আমি এককালে সিংহাসন পাব? আমার কথা রাখো, আমাকে সন্তুষ্ট করো।

[ মুক্তিয়ার খাঁ নীরব

(সেনাপতির হাত দৃঢ়ভাবে ধরিয়া) মুক্তিয়ার খাঁ, বৃদ্ধ নিরপরাধ পুণ্যাত্মাকে বধ করলে নরকেও তোমার স্থান হবে না!

মুক্তিয়ার। মনিবের আদেশ পালন করতে পাপ নেই।

উদয়াদিত্য। মিথ্যা কথা! যে ধর্মশাস্ত্রে তা বলে সে ধর্মশাস্ত্রও মিথ্যা। নিশ্চয় জেনো মুক্তিয়ার, পাপ আদেশ পালন করলে পাপ।

[ মুক্তিয়ার খাঁ নীরব

তবে আমাকে ছেড়ে দাও আমি গড়ে ফিরে যাই। তোমার সৈন্যসামন্ত নিয়ে সেখানে বেয়ো— আমি তোমাকে যুদ্ধে আহ্বান করছি। সেখানে রণক্ষেত্রে জয়লাভ করে তার পর তোমার আদেশ পালন করো।

[ কতিপয় সৈন্যের প্রবেশ ও উদয়াদিত্যকে বেষ্টিত

উদয়াদিত্য। (উচ্চৈঃস্বরে) দাদামশায়, সাবধান!

[ সৈন্যগণ-কর্তৃক বন্দী

দাদামশায়, সাবধান!

জনৈক পথিকের প্রবেশ

পথিক। কে গো?

উদয়াদিত্য। যাও যাও—গড়ে ছুটে যাও—মহারাজকে সাবধান করে দাও।

মুক্তিয়ার। বাঁধো ওকে।

[ পথিক গ্রেপ্তার

## ২

কতিপয় বালককে লইয়া বসন্ত রায়

বসন্ত রায়। বাবা, খুব ভালো করে শিখে নাও। এবারকার রাসলীলায় খুব ধুম হবে। আমি নিজে পদ রচনা করেছি—একেবারে নিখুঁত করে গাইতে হবে। রায়গড়ে এবার আমাদের উদয় এসেছে—আমার সেই বন্ধু (গাহিতে গাহিতে)

শিশুকাল হতে

বন্ধুর সহিতে

পরানে পরানে লেহা।

বাবা, ধরো, তোমাদের গান ধরো—

ভৈরবী

ওকে ধরিলে তো ধরা দেবে না,  
ওকে দাও ছেড়ে, দাও ছেড়ে!  
মন নাই যদি দিল, নাই দিল,  
মন নেয় যদি নিক কেড়ে।  
এ কী খেলা মোরা খেলেছি,  
শুধু নয়নের জল ফেলেছি,  
ওরই জয় যদি হয় জয় হোক,  
মোরা হারি যদি, যাই হেরে!  
একদিন মিছে আদরে  
মনে গরব সোহাগ না ধরে,  
শেষে দিন না ফুরাতে ফুরাতে  
সব গরব দিয়েছে সেরে।  
ভেবেছিঁদু ওকে চিনেছিঁ,  
বুঝি বিনা পণে ওকে কিনেছিঁ—  
ও যে আমাদেরই কিনে নিয়েছে,  
ও যে তাই আসে, তাই ফেরে।

দাদা এখনো কেন এল না? ওরে, দাদা কি ফিরেছে?

অনুচর। না, তিনি তো ফেরেন নি।

বসন্ত রায়। দাদা যে অনেকক্ষণ বেরিয়েছে রে! সঙ্গে লোক আছে তো?

অনুচর। না, তিনি লোক ফিরিয়ে দিয়েছেন।

বসন্ত রায়। ওরে, তোরা একজন কেউ যা। ও কে ও? এ কী! এ যে মৃন্টিয়ার খাঁ! খাঁসাহেব, ভালো তো?

মৃন্টিয়ার খাঁর প্রবেশ

মৃন্টিয়ার। (সেলাম করিয়া) হাঁ মহারাজ!

বসন্ত রায়। আহা! হইছে?

মৃন্টিয়ার। আজ্ঞা হাঁ। গোপনে কিছু কথা আছে।

বসন্ত রায়। আচ্ছা, তোমরা সব যাও।

[সকলের প্রস্থান]

আজ তবে তোমার এখানে থাকবার বন্দোবস্ত করে দিই।

মৃন্টিয়ার। আজ্ঞা না, প্রয়োজন নেই। কাজ সেরে এখনই যেতে হবে।

বসন্ত রায়। না, তা হবে না খাঁসাহেব, আজ তোমাকে ছাড়ব না। আজ এখানে থাকতেই হবে। লোকজন তো সঙ্গে অনেক দেখছি। কোথাও লড়াইয়ে বেরিয়েছ নাকি? রসদের বন্দোবস্ত করে দিতে হবে তো। ওরে—

মৃন্টিয়ার। না মহারাজ, কিছুই করতে হবে না, শীঘ্রই যাব।

বসন্ত রায়। কেন বলো দেখি, বিশেষ কাজ আছে বুঝি? প্রতাপ ভালো আছে তো?

মৃন্টিয়ার। মহারাজ ভালো আছেন।

বসন্ত রায়। তবে কী তোমার কাজ শীঘ্র বলো, বিশেষ জরুরি শুনলে উদ্বেগ হচ্ছে। প্রতাপের তো কোনো বিপদ ঘটে নি?

মৃন্টিয়ার। আজ্ঞা না, তাঁর কোনো বিপদ ঘটে নি। মহারাজের একটি আদেশ পালন করতে এসেছি।

বসন্ত রায়। কী আদেশ এখনই বলো।

আদেশপত্র বাহির করিয়া বসন্ত রায়ের হস্তে প্রদান এবং বসন্ত রায়ের পত্র পাঠ  
স্বারে সৈন্যগণের সমাবেশ

বসন্ত রায়। এ কি প্রতাপের লেখা!

মুন্সিয়্যার। হাঁ।

বসন্ত রায়। খাঁসাহেব, এ কি প্রতাপের স্বহস্তে লেখা!

মুন্সিয়্যার। হাঁ মহারাজ!

বসন্ত রায়। খাঁসাহেব, আমি প্রতাপকে নিজের হাতে মানদ্রুষ করেছি। (কিছুক্ষণ নীরবে  
থাকিয়া) প্রতাপ যখন এতটুকু ছিল সে আমাকে একমুহূর্ত ছেড়ে থাকতে চাইত না। দাদা কোথায়?  
উদয় কোথায়?

মুন্সিয়্যার। তিনি বন্দী হয়েছেন, মহারাজের নিকট বিচারের জন্যে পাঠানো হয়েছে।

বসন্ত রায়। উদয় বন্দী হয়েছে! বন্দী হয়েছে খাঁসাহেব! আমি একবার তাকে কি দেখতে  
পাব না?

মুন্সিয়্যার। (করজোড়ে) না জনাব, হুকুম নেই।

বসন্ত রায়। (মুন্সিয়্যার খাঁর হাত ধরিয়া) একবার তাকে দেখতে দেবে না খাঁসাহেব?

মুন্সিয়্যার। আমি আদেশপালক ভূত্য মাত্র।

বসন্ত রায়। এসো সাহেব, তোমার অন্য আদেশটাও পালন করো।

মুন্সিয়্যার। (মাটি ছুঁইয়া সেলাম করিয়া জোড়হস্তে) মহারাজ, আমাকে মার্জনা করবেন—  
আমি প্রভুর আদেশ পালন করছি মাত্র, আমার কোনো দোষ নেই।

বসন্ত রায়। না সাহেব, তোমার দোষ কী? তোমার কোনো দোষ নেই। প্রতাপকে বোলো, এই  
পাপে তার প্রয়োজন ছিল না—আমি আর কতদিনই বা বাঁচতুম। আমি মরতে ভয় করি নে। কিন্তু  
এইখানেই পাপের শাস্তি হোক, শাস্তি হোক—আর নয়। উদয়কে যেন—খাঁসাহেব, কী আর  
বলব—ঈশ্বর যা করেন তাই হবে—আমাদের কেবল কান্নাই সার।

৩

প্রতাপাদিত্যের কক্ষ

বন্দীভাবে উদয়াদিত্য

প্রতাপাদিত্য। কোন্ শাস্তি তোমার উপযুক্ত?

উদয়াদিত্য। আপনি যা আদেশ করেন।

প্রতাপাদিত্য। তুমি আমার এ রাজ্যের যোগ্য নও।

উদয়াদিত্য। না মহারাজ, আমি যোগ্য নই। আপনার এই সিংহাসন হতে আমাকে অব্যাহতি  
দিন, এই ভিক্ষা।

প্রতাপাদিত্য। তুমি যা বলছ তা যে সত্যই তোমার হৃদয়ের ভাব তা কী করে জানব?

উদয়াদিত্য। আজ আমি মা-কালীর চরণ স্পর্শ করে শপথ করব—আপনার রাজ্যের সূচ্যগ্র  
ভূমিও আমি কখনো শাসন করব না, সমরাদিত্যই আপনার রাজ্যের উত্তরাধিকারী।

প্রতাপাদিত্য। তুমি তবে কী চাও?

উদয়াদিত্য। মহারাজ, আমি আর কিছুই চাই নে—কেবল আমাকে পিঞ্জরের পশুর মতো  
গারদে পুঁরে রাখবেন না। আমাকে সম্পূর্ণ পরিত্যাগ করুন, আমি একাকী কাশী চলে যাই।

প্রতাপাদিত্য। আচ্ছা, বেশ। আমি এর ব্যবস্থা করছি।

উদয়াদিত্য। আমার আর-একটি প্রার্থনা আছে মহারাজ! আমি বিভাকে নিজে তার শ্বশুর-বাড়ি পেঁগে দিয়ে আসবার অনুমতি চাই।

প্রতাপাদিত্য। তার আবার শ্বশুরবাড়ি কোথায়?

উদয়াদিত্য। তাই যদি মনে করেন তবে সেই অনাথা কন্যাকে আমার কাছে থাকবার অনুমতি দিন। এখানে তো তার সুখও নেই, কর্মও নেই।

প্রতাপাদিত্য। তার মাতার কাছে অনুমতি নিতে পার।

উদয়াদিত্য। তাঁর অনুমতি নিয়েছি।

মহিষী ও বিভার প্রবেশ

মহিষী। বাবা উদয়, তবে কি তুই কাশী যাওয়াই স্থির করলি? আমাকেও তোর সঙ্গে নিয়ে চল্।

[প্রতাপের প্রস্থান

(সরোদনে) বাছা, এই বয়সে তুই যদি সংসার ছেড়ে গেলি, আমি কোন্‌ প্রাণে সংসার নিয়ে থাকব? রাজা-সংসার পরিত্যাগ করে তুই সন্ন্যাসী হয়ে থাকবি—আর আমার মুখে এই রাজবাড়ির অন্ন যে বিবের মতো ঠেকবে!

[রোদন

উদয়াদিত্য। মা, মিথ্যা কেন কাঁদছ? যে মৃত্তি পেয়েছে তার জন্যেও আবার কান্না! আমাকে আশীর্বাদ করে বিদায় করো।

মহিষী। রাজবাড়িতে জন্ম দিয়ে তোকে চিরদিন কেবল দুঃখ দিয়েছি—আমার ভাগ্য দিয়ে যখন তোর সুখ হল না তখন আমি আর তোকে কী বলে এখানে রাখব? ঈশ্বর তোকে যেখানে রাখেন সুখে রাখুন—কিন্তু, বাবা, বিভার কী হবে?

উদয়াদিত্য। কী করে বলব মা! মহারাজের কাছে হুকুম নিয়েছি, ওকে শ্বশুরবাড়ি পেঁগে দেব। সেখানে যদি সুখে থাকে তো ভালো—না যদি থাকে তবে ভালো—ভগবান যদি প্রসন্ন থাকেন ওর ভালো তো কেউ কেড়ে নেবে না।

বিভা। দাদা, দাদামহাশয় কেমন আছেন?

প্রতাপাদিত্যের পুনঃপ্রবেশ

প্রতাপাদিত্য। এসো উদয়, কালীর মন্দিরে এসো—মার পা ছুঁয়ে শপথ করবে এসো।

[সকলের প্রস্থান

## ৪

বাটীর বাহিরে

উদয়াদিত্য ও ধনঞ্জয়

ধনঞ্জয়। আজ রাস্তায় মিলন—আজ বড়ো আনন্দ। আজ আর ভণ্ডামির কোনো দরকার নেই—আজ আর যুবরাজ নয়। আজ তো তুমি ভাই! আয় ভাই, কোলাকুলি করে নিই। (কোলাকুলি) দাদা, যেখানে দীনদারিঙ্গ সবাই এসে মেলে সেই দরাজ জায়গাটাতে এসে দাঁড়িয়েছ, আজ আর কিছুর ভাবনা নেই।

গান

সকল ভয়ের ভয় যে তারে  
কোন্ বিপদে কাড়বে?  
প্রাণের সঙ্গ যে প্রাণ গাঁথা  
কোন্ কালে সে ছাড়বে?  
নাহয় গেল সবই ভেসে—  
রইবে তো সেই সর্বনেশে!  
যে লাভ সকল ক্ষতির শেষে  
সে লাভ কেবল বাড়বে।  
সুখ নিয়ে ভাই ভয়ে থাকি,  
আছে আছে দেয় সে ফাঁকি,  
দুঃখে যে সুখ থাকে বাকি  
কেই বা সে সুখ নাড়বে?  
যে পড়েছে পড়ার শেষে  
ঠাই পেয়েছে তলায় এসে,  
ভয় মিটেছে বোঁচেছে সে—  
তারে কে আর পাড়বে?

উদয়াদিত্য। বৈরাগীঠাকুর, আমি তোমার সঙ্গ ধরলুম, আর ছাড়ছি নে কিন্তু।  
ধনঞ্জয়। তুমি ছাড়লে আমি ছাড়ি কই ভাই? মনে বেশ আনন্দ আছে তো? খুঁতমুত কিছ্  
নেই তো?

উদয়াদিত্য। কিছ্ না—বেশ আছি।

ধনঞ্জয়। তবে দাও একটু পায়ের ধুলো!

উদয়াদিত্য। ও কী কর! ও কী কর! অপরাধ হবে যে।

ধনঞ্জয়। দাদা, এত বড়ো বোঝা নিজের হাতে ভগবান যার কাঁধ থেকে নামিয়ে দেন সে যে  
মহাপুরুষ। তোমাকে দেখে আজ আমার সর্ব গায়ে কাঁটা দিচ্ছে। একবার দাঁদিকে আনো—তাকে  
একবার দেখি।

উদয়াদিত্য। সে তোমাকে দেখবার জন্যে ব্যাকুল হয়ে আছে—তাকে ডেকে আনি।

বিভার প্রবেশ ও বৈরাগীকে প্রণাম

ধনঞ্জয়। ভয় নেই দাঁদ, ভয় নেই, কোনো ভয় নেই। এই দেখ্-না, আমাকে দেখ্-না—আমি  
তাঁর রাস্তার ছেলে—রাস্তার কোলে-কোলেই দিন কেটে গেল, দিনরাত্রি একেবারে ধুলোয় ধুলোময়  
হয়ে বেড়াই, মায়ের আদরে লাল হয়ে উঠি। আমার মায়ের এই ধুলোঘরে আজ তোমার নতুন  
নিমন্ত্ৰণ—কিন্তু মনে কোনো ভয় রেখো না।

বিভা। বৈরাগীঠাকুর, তুমি কোথায় যাচ্ছ? তুমি কি আমাদের সঙ্গ যাবে?

ধনঞ্জয়। কোথায় যাব সে কথা আমার মনেই থাকে না। ঐ রাস্তাই তো আমাকে মজিয়েছে।  
এই মাটি দেখলে আমাকে মাটি করে দেয়।

গান

সারি গানের সুর

গ্রামছাড়া ওই রাঙা মাটির পথ

আমার মন ভুলায় রে!



ওরে কার পানে মন হাত বাড়িয়ে  
লুটিয়ে যায় ধুলায় রে!  
ও যে আমার ঘরের বাহির করে,  
পায়ে পায়ে পায়ে ধরে—  
ও যে কেড়ে আমার নিয়ে যায় রে,  
যায় রে কোন্ চুলায় রে!  
ও কোন্ বাঁকে কী ধন দেখাবে,  
কোন্ খানে কী দায় ঠেকাবে,  
কোথায় গিয়ে শেষ মেলে যে—  
ভেবেই না কুলায় রে!

উদয়াদিত্য। ঠাকুর, তুমি কি ভাবছ বিভা আমার পথের সঙ্গিনী? ওকে আমি ওর শ্বশুর-বাড়ি পেঁপাছে দিতে যাচ্ছি।

ধনঞ্জয়। বেশ, বেশ, হরি যেখানে নিয়ে যান সেইখানেই ভালো। দেখি তিনি কোন্‌খানে পেঁপাছে দেন—আমিও সঙ্গে আছি। কোনো ভয় নেই দিদি, কোনো ভয় নেই।

৫

বরবেশে রামচন্দ্র

সম্মুখে নৃত্যগীত

রামচন্দ্র। রমাই, তুমি যাও—লোকজনদের দেখো গে।

[রমাইয়ের প্রস্থান]

সেনাপতি, তুমি এখানে বোসো, রমাইয়ের হাসি আমার ভালো লাগছে না।

ফর্নান্ডিজ। মহারাজ, রমাইয়ের হাসি গন্ধকের আলোর মতো, তার ধোঁয়ায় দম আটকে আসে।

রামচন্দ্র। ঠিক বলেছ সেনাপতি, আমার ইচ্ছা হাচ্ছিল উঠে চলে যাই, আজ গানবাজনা ভালো জমছে না ফর্নান্ডিজ।

ফর্নান্ডিজ। না মহারাজ, জমছে না। আমার এই বৃকে বাজছে, আর-একদিনের কথা মনে পড়ছে।

রামচন্দ্র। গুজবটা কি সত্যি?

ফর্নান্ডিজ। কিসের গুজব?

রামচন্দ্র। ঐ তাঁরা কি যশোর থেকে আসছেন?

ফর্নান্ডিজ। হাঁ মহারাজ, যশোরের একটি লোকের কাছে শুনলাম তাঁদের আসবার কথা হচ্ছে। আমাকে যদি আদেশ করেন মহারাজ, আমি তাঁদের এগিয়ে আনবার জন্যে যাই।

রামচন্দ্র। এগিয়ে আনবে? তা হলে কিন্তু মন্ত্রী রমাই সবাই হাসবে।

ফর্নান্ডিজ। মহারাজ যদি আদেশ করেন তাদের হাসিসুদ্ধ মদ্যুতা আমি একেবারে সাফ করে দিতে পারি!

রামচন্দ্র। না, না, গোলমাল করে কাজ নেই। কিন্তু সেনাপতি, আমি তোমাকে গোপনে বলছি। কাউকে বোলো না, আমি তাকে কিছুতে ভুলতে পারছি নে! কালই রাতে আমি তাকে স্বপ্নে দেখছি।

ফর্নান্ডিজ। মহারাজ, আমি আর কী বলব—তাঁর জন্যে প্রাণ দিলে যদি কোনো কাজেও না লাগে তবুও দিতে ইচ্ছা হচ্ছে।

রামচন্দ্র। দেখো সেনাপতি, এক কাজ করলে হয় না?

ফর্নান্ডিজ। কী বলুন।

রামচন্দ্র। মোহন যদি একবার খবর পায় যে তাঁরা আসছেন তা হলে সে আপনি ছুটে যাবে। একবার কোনোমতে তাকে সংবাদটা জানাও-না। কিন্তু দেখো, আমার নাম কোরো না।

ফর্নান্ডিজ। যে আজ্ঞা মহারাজ!

[ প্রস্থান ]

রমাইয়ের প্রবেশ

রমাই। মহারাজ, যশোর থেকে তো কেউ নিমন্ত্রণ রাখতে এল না! রাগ করলে বা!

রামচন্দ্র। হা, হা, হা, হা।

রমাই। আপনার প্রথম পক্ষের শব্দুর ভো সেবার তাঁর কন্যার সিঁথির সিঁদুরের উপর হাত বুলোবার চেষ্টায় ছিলেন—এবারে তাঁকে—

রামমোহন দ্রুত আসিয়া

রামমোহন। চুপ! আর একটি কথা যদি কও তা হলে—

রমাই। বুঝেছি বাবা, আর বলতে হবে না।

রামমোহন। মহারাজ, হাসবেন না মহারাজ! আজকের দিনে অনেক সহ্য করেছি, কিন্তু মহারাজার ঐ হাসি সহ্য করতে পারছি নে।

রামচন্দ্র। ফের বেয়াদবি করছিঁস!

রামমোহন। আমার বেয়াদবি! বেয়াদবি কে করলে বুঝলে না!

ফর্নান্ডিজ। মোহন, একটা কথা আছে ভাই, একটু এ দিকে এসো।

[ উভয়ের প্রস্থান ]

রামচন্দ্র। ওরা সব গান বন্ধ করে হাঁ করে বসে রইল কেন? ওদের একটু গাইতে বলো-না। আজ সব যেন কেমন ঝিমিয়ে পড়ছে।

উপসংহার

নদীতীরে নৌকা

বিভা ও রামমোহন

বিভা। মোহন!

রামমোহন। মা, আজ তুমি এলে?

বিভা। হাঁ মোহন। তুই কি আমায় নিতে এলি?

রামমোহন। না মা, অত ব্যস্ত হোয়ো না, আজ থাক্।

বিভা। কেন মোহন, আজ কেন নয়?

রামমোহন। আজ দিন ভালো নয় যে মা, আজ দিন ভালো নয়।

বিভা। ভালো দিন নয়? তবে আজ এত উৎসবের আয়োজন কেন? বরাবর দেখলুম রাস্তায় আলোর মালা—বাঁশি বাজছে। আজ বুঝি শ্রদ্ধালস পড়েছে?

রামমোহন। শ্রদ্ধালস! মিথো কথা। সমস্ত ভুল।

বিভা। মোহন, তোর কথা আমি বঝতে পারছি নে, কী হয়েছে আমাকে সত্যি করে বল্। মহারাজ কি রাগ করেছেন?

রামমোহন। রাগ করেছেন বৈকি।

বিভা। তিনি তো আমাকে ডেকে পাঠিয়েছেন।

রামমোহন। দেরি হয়ে গেছে মা, দেরি হয়ে গেছে। অনেক দেরি হয়ে গেছে।

বিভা। অনেক দেরি হয়ে গেছে? সময় একেবারে ফুরিয়ে গেছে?

রামমোহন। ফুরিয়ে গেছে—সব ফুরিয়ে গেছে। সময় গেলে আর ফেরে না।

বিভা। কে বললে ফেরে না? আমি তপস্যা করে ফেরাব—আমি জীবন-মন দিয়ে ফেরাব। মোহন, এখনই তুই আমাকে নিয়ে যা। দেরি হয়ে থাকে, আর এক মৃহুর্ত দেরি করব না।

রামমোহন। যুবরাজ কোথায় গেছেন?

বিভা। তিনি খবর নিতে গেছেন।

রামমোহন। তিনি ফিরে আসুন-না।

বিভা। না মোহন, আর বিলম্ব নয়। তিনি কি খবর পেয়েছেন আমি এসেছি? দাদা বললেন, তিনি নৌকার ছাত থেকে দেখেছেন ময়ূরপংখি সাজানো হচ্ছে।

রামমোহন। হাঁ, সাজানো হচ্ছে বটে—

বিভা। এখনো কি সাজানো শেষ হয় নি?

রামমোহন। ঐ ময়ূরপংখির সাজসজ্জায় আগুন লাগুক, আগুন লাগুক!

বিভা। মোহন, তোর মূখে এ কী কথা! তুই যখন আনতে গেলি আসতে পারি নি বলে এত রাগ করেছিস? তুইও আমার দৃঃখ বঝতে পারিস নি মোহন?

[মোহন নিরুত্তর]

এই দেখ্, তোর দেওয়া সেই শাঁখাজোড়া পরে এসেছি—আজকের দিনে তুই আমার উপর রাগ করিস নে।

রামমোহন। আমাকে আর দণ্ড কোরো না! মিথ্যে দিয়ে তোমার কাছে আর কথা চাপা দিতে পারলুম না। মা জননী, এ রাজ্যের লক্ষ্মী তুমি, কিন্তু এ রাজ্যে তোমার আজ আর স্থান নেই। চলো মা, তুমি ফিরে চলো—তোমার এই পাদপদ্মের দাস, এই অধম সন্তান তোমার সঙ্গে যাবে।

বিভা। মোহন, যা তোর বলবার আছে সব তুই বল্। আমি যে কত দৃঃখ বইতে পারি তা কি তুই জানিস নে?

রামমোহন। সন্তান যখন ডাকতে গেল তখন কেন এলি নে, তখন কেন এলি নে—আমার পোড়া কপাল, তোকে কেন আনতে পারলুম না!

বিভা। ওরে মোহন, জগতে এমন কোনো সূত্র নেই যার লোভে আমি সেদিন দাদাকে ফেলে আসতে পারতুম—এতে আমার কপালে যা থাকে তাই হবে।

রামমোহন। তবে শোন মা, সেই ময়ূরপংখি তোর জন্যে নয়।

বিভা। নাই হল মোহন, দৃঃখ কিসের? আমি হেঁটে চলে যাব।

রামমোহন। যাবি কোথায়? সেখানে যে আজ আর-এক রানী আসছে।

বিভা। আর-এক রানী!

রামমোহন। হাঁ, আর-এক রানী। আজ মহারাজের বিবাহ।

বিভা। ওঃ! আজ বিবাহের লগ্ন!

রামমোহন। এক বিবাহের লগ্নে মহারাজ তোমাদের ঘরে গিয়েছিলেন—আজ কোন্ বিবাহের লগ্নে তুমি তাঁর ঘরের সামনে এসে পেঁপীছোলে! আর আমার এমন কপাল, আজ আমি বেঁচে আছি। চল্ মা, ফিরে চল্, আর এক দণ্ড নয়—ঐ বাঁশি আমার কানে বিষ ঢালছে! ওরে, আর-একদিন

কী বাঁশ শুনোছিলুম সেই কথা মনে পড়ছে! চল্ চল্, ফিরে চল্! অমন চুপ করে বসে রইলে কেন মা? কেমন করে যে কাঁদতে হয় তাও কি একেবারে ভুলে গেলে? মা, কোন্ দিকে তাকিয়ে আছ মা? তোমার এই সন্তানের মূখের দিকে একবার চাও।

বিভা। মোহন, আমার একটি কথা রাখতে হবে।

রামমোহন। কী কথা।

বিভা। আমাকে সঙ্গে করে নিয়ে যেতে হবে। যদি না যাস আমি একলা যাব।

রামমোহন। সে আজ ময়ূরপংখিতে চড়বে, আর তুমি আজ হেঁটে যাবে?

বিভা। হেঁটে যাওয়াই আমাকে সাজে—আমি হেঁটেই যাব। তুই সঙ্গে যাবি নে?

রামমোহন। আমি সঙ্গে যাব না তো কে যাবে? কিন্তু মা, সে সভায় আজ তুমি কিসের জন্যে যাবে?

বিভা। কিসের জন্যে যাব? সেখানে আমার কোনো আশা নেই বলেই যাব। আমার রাগ অভিমান, আমার সমস্ত বাসনা বিসর্জন করব বলেই যাব। আমি কি এতদূরে এসে অমনি চলে যাব! যে আজ আসছে তাকে আশীর্বাদ করে যাব না? নিজের হাতে করে তার হাতে আমার রাজাকে সমর্পণ করব।

রামমোহন। তার পরে?

বিভা। তার পরে! ভগবানের পৃথিবীতে অভাগাদেরও আশ্রয় মেলে। আমারও মিলবে।

রামমোহন। সেইসঙ্গে আমারও মিলবে। আমি তোমাকে আনতে পারি নি, কিন্তু তুমি আমাকে নিয়ে যাবে মা।

বিভা। মোহন, আমাকে দ্বংখ সহ্যে হবে সে কথাটা হঠাৎ আমি ভুলে গিয়েছিলুম—ভেবেছিলুম যা ভোগ হবার তা বৃদ্ধি হয়ে চুকে গেছে।

রামমোহন। কেন মা, তুমি সতীলক্ষ্মী, তুমি দ্বংখ কেন পাও!

বিভা। মোহন, সেদিন অপরাধ যে সত্যি হয়েছিল—সে কথা তো আর ভোলবার নয়। সে অপরাধের শাস্তি না হয়ে তো মিটবে না। সে শাস্তি আমিই নিলুম—প্রায়শ্চিত্ত আমাকে দিয়েই হবে।

রামমোহন। মা, তোমার পিতার হাতের আঘাত সেও তুমিই মাথায় করে নিয়েছ—আবার তোমার স্বামীর হাতের আঘাত সেও তুমিই নিলে। কিন্তু আমি বলছি মা, সকলের চেয়ে বড়ো দণ্ড পেলে তোমার স্বামী। সে আজ স্বাদের কাছ থেকেও তোমাকে হারাল।

#### উদয়াদিত্যের প্রবেশ

উদয়াদিত্য। ওরে বিভা!

বিভা। দাদা, সব জানি। কিছ্নু ভেবো না।

উদয়াদিত্য। এখন কী করবি বোন?

বিভা। ভেবেছিলুম রাজবাড়িতে একবার যাব, কিন্তু যাব না।

রামমোহন। মা, যেয়ো না, যেয়ো না। গেলে তোমার অপমান হত—সেই অপমানে তোমার স্বামীর পাপ আরো বাড়ত।

বিভা। আমার মান অপমান সব চুকে গেছে। কিন্তু দাদার অপমান হত যে। দাদা, এবার নৌকা ফেরাও।

উদয়াদিত্য। তুই কোথায় যাবি বিভা?

বিভা। তোমার সঙ্গে কাশী যাব।

উদয়াদিত্য। হায় রে অদৃষ্ট!

বিভা। দাদা, আমি আজ মৃদু পেরিয়েছি। এখন তোমার চরণসেবা করে আমার জীবন আনন্দে কাটবে। মোহন, তুই তোর প্রভুর কাছে ফিরে যা।

রামমোহন। ঐ দেখো মা, ফেরবার পথে আগুন লেগেছে, ঐ-যে মশালের আলো—ঐ-যে ময়ূরপংখি চলেছে। ও পথ আমার পথ নয়।

ধনঞ্জয়ের প্রবেশ

বিভা। বৈরাগীঠাকুর!

ধনঞ্জয়। কেন দিদি?

বিভা। আমাকে তোমাদের সঙ্গ দিয়ে ঠাকুর!

উদয়াদিত্য। ঠাকুর, শেষকালে বিভাকেও আমাদের পথ নিতে হল!

ধনঞ্জয়। সে তো বেশ কথা! দয়াময় হরি! কী আনন্দ! তোমার এ কী আনন্দ! ছাড় না, কিছুতেই ছাড় না। শ্বশুরবাড়ির রাস্তার ধারেও ডাকাতের মতো বসে আছে। দিদি, এই মাঝরাস্তায় আমাদের পাগল প্রভুর তলব পড়েছে! একেবারে জোর তলব। চল্ চল্! চল্ চল্! পা ফেলে চল্। খুশি হয়ে চল্। হাসতে হাসতে চল্। রাস্তা এমন করে পরিষ্কার করে দিয়েছে—আর ভয় কিসের!

গান

আমি	ফিরব না রে, ফিরব না আর ফিরব না রে
এমন	হাওয়ার মুখে ভাসল তরী,
কুলে	ভিড়ব না আর ভিড়ব না রে!
	ছিড়িয়ে গেছে স্নাতো ছিঁড়ে,
	তাই খুঁটে আজ মরব কি রে!
এখন	ভাঙা ঘরের কুড়িয়ে খুঁটি
বেড়া	ঘিরব না আর ঘিরব না রে!
	ঘাটের রশি গেছে কেটে,
	কাঁদব কি তাই বন্ধ ফেটে?
এখন	পালের রশি ধরব কষি,
এ রশি	ছিঁড়ব না আর ছিঁড়ব না রে!

রাজা

প্রকাশ : ১৯১০

‘রাজা’ প্রথম প্রকাশের পরবর্তী সংস্করণের সূচনায় ‘লেখকের  
নিবেদন’-এ উল্লেখ করা হয়েছিল যে ‘প্রথমে খাতায় যেমনটি লেখা  
হয়েছিল তাহার কতকটা কাটিয়া ছাঁটিয়া বদল করিয়া’ প্রথম সংস্করণে  
ছাপানো হয়েছিল। ‘তাহাতে কিছু ক্ষতি হইয়া থাকিবে এই আশংকা  
করিয়া সেই মূলে লেখাটি অবলম্বন করিয়া’ এই পরবর্তী সংস্করণ  
ছাপা হয়। তদবধি এই সংস্করণের পাঠ অনদৃষ্ট।

## অন্ধকার ঘর

রানী সন্দর্শনা ও তাঁহার দাসী সুরঙ্গমা

সন্দর্শনা। আলো, আলো কই। এ ঘরে কি একদিনও আলো জ্বলবে না।

সুরঙ্গমা। রানীমা, তোমার ঘরে-ঘরেই তো আলো জ্বলছে—তার থেকে সরে আসবার জন্যে কি একটা ঘরেও অন্ধকার রাখবে না।

সন্দর্শনা। কোথাও অন্ধকার কেন থাকবে।

সুরঙ্গমা। তা হলে যে আলোও চিনবে না, অন্ধকারও চিনবে না।

সন্দর্শনা। তুই যেমন এই অন্ধকার ঘরের দাসী তেমনি তোর অন্ধকারের মতো কথা, অর্থই বোঝা যায় না। বল্ তো, এ ঘরটা আছে কোথায়। কোথা দিয়ে এখানে আসিস, কোথা দিয়ে বেরোই, প্রতিদিনই ধাঁদা লাগে।

সুরঙ্গমা। এ ঘর মাটির আবরণ ভেদ করে পৃথিবীর বৃকের মাঝখানে তৈরি। তোমার জন্যেই রাজা বিশেষ করে করেছেন।

সন্দর্শনা। তাঁর ঘরের অভাব কী ছিল যে এই অন্ধকার ঘরটা বিশেষ করে করেছেন।

সুরঙ্গমা। আলোর ঘরে সকলেরই আনাগোনা—এই অন্ধকারে কেবল একলা তোমার সঙ্গে মিলন।

সন্দর্শনা। না, না, আমি আলো চাই—আলোর জন্যে অস্থির হয়ে আছি। তোকে আমি আমার গলার হার দেব যদি এখানে একদিন আলো আনতে পারিস।

সুরঙ্গমা। আমার সাধ্য কী মা—যেখানে তিনি অন্ধকার রাখেন আমি সেখানে আলো জ্বালব।

সন্দর্শনা। এত ভক্তি তোর! অথচ শুনোই, তোর বাপকে রাজা শাস্তি দিয়েছেন। সে কি সত্য।

সুরঙ্গমা। সত্য। বাবা জ্বরো খেলত। রাজ্যের যত যুবক আমাদের ঘরে জুটত—মদ খেত আর জ্বরো খেলত।

সন্দর্শনা। তুই কী করতিস।

সুরঙ্গমা। মা, তবে সব শুনো। আমি নষ্ট হবার পথে গিয়েছিলুম। বাবা ইচ্ছে করেই আমাকে সে পথে দাঁড় করিয়েছিলেন। আমার মা ছিল না।

সন্দর্শনা। রাজা যখন তোর বাপকে নির্বাসিত করে দিলেন তখন তোর রাগ হয় নি?

সুরঙ্গমা। খুব রাগ হয়েছিল—ইচ্ছে হয়েছিল, কেউ যদি রাজাকে মেরে ফেলে তো বেশ হয়।

সন্দর্শনা। রাজা তোর বাপের কাছ থেকে ছাড়িয়ে এনে কোথায় রাখলেন?

সুরঙ্গমা। কোথায় রাখলেন কে জানে। কিন্তু কী কষ্ট গেছে! আমাকে যেন ছুঁচ ফোঁটাত, আগুনে পোড়াত।

সন্দর্শনা। কেন, তোর এত কষ্ট কিসের ছিল।

সুরঙ্গমা। আমি যে নষ্ট হবার পথে গিয়েছিলুম—সে পথ বন্ধ হতেই মনে হল আমার যেন কোনো আশ্রয়ই রইল না। আমি কেবল খাঁচায়-পোরা বুনো জন্তুর মতো কেবল গর্জে বেড়াতুম এবং সবাইকে আঁচড়ে কামড়ে ছিঁড়ে ফেলতে ইচ্ছে করত।

সন্দর্শনা। রাজাকে তখন তোর কী মনে হত।

সুরঙ্গমা। উঃ, কী নিষ্ঠুর! কী নিষ্ঠুর! কী অবিচলিত নিষ্ঠুরতা!



সুদর্শনা। সেই রাজার 'পরে তোর' এত ভক্তি হল কী করে।

সুদ্রঙ্গমা। কী জানি মা! এত অটল, এত কঠোর বলেই এত নির্ভর, এত ভরসা। নইলে আমার মতো নষ্ট আশ্রয় পেত কেমন করে।

সুদর্শনা। তোর মন বদল হল কখন।

সুদ্রঙ্গমা। কী জানি কখন হয়ে গেল। সমস্ত দুর্ভাগ্যপনা হার মেনে একদিন মাটিতে লুটিয়ে পড়ল। তখন দেখি, যত ভয়ানক ততই সুন্দর। বেঁচে গেলুম, বেঁচে গেলুম, জন্মের মতো বেঁচে গেলুম।

সুদর্শনা। আচ্ছা সুদ্রঙ্গমা, মাথা খা, সত্যি করে বল্ আমার রাজাকে দেখতে কেমন। আমি একদিনও তাঁকে চোখে দেখলুম না। অন্ধকারেই আমার কাছে আসেন, অন্ধকারেই যান। কত লোককে জিজ্ঞাসা করি, কেউ স্পষ্ট করে জবাব দেয় না। সবাই যেন কী-একটা লুকিয়ে রাখে।

সুদ্রঙ্গমা। আমি সত্যি বলছি রানী, ভালো করে বলতে পারব না। তিনি কি সুন্দর— না, লোকে যাকে সুন্দর বলে তিনি তা নন।

সুদর্শনা। বলিস কী! সুন্দর নন?

সুদ্রঙ্গমা। না রানীমা! সুন্দর বললে তাঁকে ছোটো করে বলা হবে।

সুদর্শনা। তোর সব কথা ঐ একরকম। কিছু বোঝা যায় না।

সুদ্রঙ্গমা। কী করব মা, সব কথা তো বোঝানো যায় না। বাপের বাড়িতে অঙ্গবয়সে অনেক পুরুষ দেখেছি, তাদের সুন্দর বলতুম। তারা আমার দিনরাত্তিকে, আমার সুখদুঃখকে কী নাচন নাচিয়ে বেড়িয়েছিল সে আজও ভুলতে পারি নি। আমার রাজা কি তাদের মতো। সুন্দর! কখনো না।

সুদর্শনা। সুন্দর নয়?

সুদ্রঙ্গমা। হাঁ, তাই বলব— সুন্দর নয়। সুন্দর নয় বলেই এমন অদ্ভুত, এমন আশ্চর্য। যখন বাপের কাছ থেকে কেড়ে আমাকে তাঁর কাছে নিয়ে গেল তখন সে ভয়ানক দেখলুম। আমার সমস্ত মন এমন বিমূঢ় হল যে, কটাফেও তাঁর দিকে তাকাতে চাইতুম না। তার পরে এখন এমন হয়েছে যে যখন সকালবেলায় তাঁকে প্রণাম করি তখন কেবল তাঁর পায়ের তলার মাটির দিকেই তাকাই, আর মনে হয়— এই আমার ঢের, আমার-নয়ন সার্থক হয়ে গেছে।

সুদর্শনা। তোর সব কথা বঝতে পারি নে, তবু শুনতে বেশ ভালো লাগে। কিন্তু যাই বলিস, তাঁকে দেখবই। আমার কবে বিবাহ হয়েছিল মনেও নেই; তখন আমার জ্ঞান ছিল না। মার কাছে শুনেছি, তাঁকে দৈবজ্ঞ বলেছিল, তাঁর মেয়ে যাকে স্বামীরূপে পাবে পৃথিবীতে তাঁর মতো পুরুষ আর নেই। মাকে কতবার জিজ্ঞাসা করেছি, আমার স্বামীকে দেখতে কেমন— তিনি ভালো করে উত্তর দিতেই চান না; বলেন, আমি কি দেখেছি— আমি ঘোমটার ভিতর থেকে ভালো করে দেখতেই পাই নি। যিনি সুপুরুষের শ্রেষ্ঠ তাঁকে দেখব এ লোভ কি ছাড়া যায়!

সুদ্রঙ্গমা। ঐ-যে মা, একটা হাওয়া আসছে।

সুদর্শনা। হাওয়া? কোথায় হাওয়া।

সুদ্রঙ্গমা। ঐ-যে, গন্ধ পাচ্ছ না?

সুদর্শনা। না, কই, গন্ধ পাচ্ছি নে তো।

সুদ্রঙ্গমা। বড়ো দরজাটা খুলেছে— তিনি আসছেন, ভিতরে আসছেন।

সুদর্শনা। তুই কেমন করে টের পাস।

সুদ্রঙ্গমা। কী জানি মা। আমার মনে হয় যেন আমার বন্ধুর ভিতরে পায়ের শব্দ পাচ্ছি। আমি তাঁর এই অন্ধকার ঘরের সেবিকা কিনা, তাই আমার একটা বোধ জন্মে গেছে— আমার বোধবার জন্যে কিছই দেখবার দরকার হয় না।

সুদর্শনা। আমার যদি তোর মতো হয় তা হলে যে বেঁচে যাই।

সদরঙ্গমা। হবে মা, হবে। তুমি 'দেখব দেখব' করে যে অত্যন্ত চঞ্চল হয়ে রয়েছ সেইজন্যে কেবল দেখবার দিকেই তোমার সমস্ত মন পড়ে রয়েছে। সেইটে যখন ছেড়ে দেবে তখন সব আপনি সহজ হয়ে যাবে।

সদর্শনা। দাসী হয়ে তোর এত সহজ হল কী করে। রানী হয়ে আমার হয় না কেন।

সদরঙ্গমা। আমি যে দাসী, সেইজন্যেই এত সহজ হল। আমাকে যেদিন তিনি এই অন্ধকার ঘরের ভার দিয়ে বললেন 'সদরঙ্গমা, এই ঘরটা প্রতিদিন তুমি প্রস্তুত করে রেখো, এই তোমার কাজ', তখন আমি তাঁর আজ্ঞা মাথায় করে নিলুম—আমি মনে মনেও বলি নি, 'যারা তোমার আলোর ঘরে আলো জ্বালে তাদের কাজটি আমাকে দাও।' তাই যে কাজটি নিলুম তার শক্তি আপনি জেগে উঠল, কোনো বাধা পেল না। ঐ-যে তিনি আসছেন—ঘরের বাইরে এসে দাঁড়িয়েছেন। প্রভু!

বাহিরে গান

খোলো খোলো দ্বার,  
বাহিরে আমায় দাঁড়ায়ে।

দাও, সাড়া দাও,  
এই দিকে চাও,  
এসো দুই বাহু বাড়ায়ে।  
কাজ হয়ে গেছে সারা,  
উঠেছে সম্মুখভাঙ্গা,

আলোকের থেয়া  
হয়ে গেল দেয়া  
অন্তসাগর পারায়ে।

এসেছি দুরারে  
এসেছি, আমারে  
বাহিরে রেখো না দাঁড়ায়ে।

ভরি লয়ে বারি  
এনেছ কি বারি,  
সেজেছ কি শদৃচি দুকূলে।

বেঁধেছ কি চুল,  
তুলেছ কি ফুল,  
গেঁথেছ কি মালা মকুলে।

ধেনু এল গোষ্ঠে ফিরে,  
পাখিরা এসেছে নীড়ে,

পথ ছিল যত  
জুড়িয়া জগত  
আঁধারে গিয়েছে হারিয়ে।

তোমারি দুরারে  
এসেছি, আমারে  
বাহিরে রেখো না দাঁড়ায়ে।

সদরঙ্গমা। তোমার দুরার কে বন্ধ রাখতে পারে রাজা। ও তো বন্ধ নেই, কেবল ভেজানো আছে; একটু ছোঁও যদি আপনি খুলে যাবে। সেটুকুও করবে না? নিজে উঠে গিয়ে না খুলে দিলে ঢুকবে না?

গান

এ যে মোর আবরণ

ঘুচাতে কতক্ষণ।

নিশ্বাসবাসে উড়ে চলে যায়

তুমি কর যদি মন।

যদি পড়ে থাকি ভূমে

ধুলার ধরণী চুমে,

তুমি তারি লাগি            ম্বারে রবে জাগি  
 এ কেমন ভব পল।  
 রত্নের চাকার রবে  
 জাগাও জাগাও সবে,  
 আপনার ঘরে            এসো বলভরে  
 এসো এসো গৌরবে।  
 হৃদম টুটে থাক চলে,  
 চিনি যেন প্রভু বলে—  
 হৃদে এসে ম্বারে            করি আপনারে  
 চরণে সমর্পণ।

রানী, যাও তবে, দরজাটা খুলে দাও, নইলে আসবেন না।

সুদর্শনা। আমি এ ঘরের অন্ধকারে কিছুই ভালো করে দেখতে পাই নে—কোথায় দরজা কে জানে। তুই এখানকার সব জানিস, তুই আমার হয়ে খুলে দে।

সুদর্শনার ম্বার উদ্ঘাটন

[ প্রণাম ও প্রস্থান

[ রাজাকে এ নাটকে কোথাও রঙ্গমঞ্চে দেখা যাইবে না ]

তুমি আমাকে আলোয় দেখা দিচ্ছ না কেন।

রাজা। আলোর তুমি হাজার হাজার জিনিসের সঙ্গে মিশিয়ে আমাকে দেখতে চাও? এই গভীর অন্ধকারে আমি তোমার একমাত্র হয়ে থাকি-না কেন।

সুদর্শনা। সবাই তোমাকে দেখতে পায়, আমি রানী হয়ে দেখতে পাব না?

রাজা। কে বললে দেখতে পায়। মূঢ় যারা তারা মনে করে 'দেখতে পাচ্ছি'।

সুদর্শনা। তা হোক, আমাকে দেখা দিতেই হবে।

রাজা। সহ্য করতে পারবে না—কষ্ট হবে।

সুদর্শনা। সহ্য হবে না—তুমি বল কী! তুমি যে কত সুন্দর, কত আশ্চর্য, তা এই অন্ধকারেই বৃদ্ধিতে পারি, আর আলোতে বৃদ্ধিতে পারব না? বাইরে যখন তোমার বীণা বাজে তখন আমার এমনি হয় যে, আমার নিজেকে সেই বীণার গান বলে মনে হয়। তোমার ঐ সুগন্ধ উত্তরীয়টা যখন আমার গায়ে এসে ঠেকে তখন আমার মনে হয়, আমার সমস্ত অঙ্গটা বাতাসে ঘন আনন্দের সঙ্গে মিলে গেল। তোমাকে দেখলে আমি সইতে পারব না, এ কী কথা!

রাজা। আমার কোনো রূপ কি তোমার মনে আসে না।

সুদর্শনা। এক রকম করে আসে বৈকি! নইলে বাঁচব কী করে।

রাজা। কিরকম দেখেছ।

সুদর্শনা। সে তো একরকম নয়! নববর্ষার দিনে জল-ভরা মেঘে আকাশের শেষ প্রান্তে বনের রেখা যখন নিবিড় হয়ে ওঠে তখন বসে বসে মনে করি, আমার রাজার রূপটি বৃদ্ধি এইরকম—এমনি নেয়ে-আসা, এমনি ঢেকে-দেওয়া, এমনি চোখ-জুড়ানো, এমনি হৃদয়-ভরানো, চোখের পল্লবটি এমনি ছায়া-মাখা, মুখের হাসিটি এমনি গভীরতার মধ্যে ডুবে-থাকা। আবার, শরৎকালে আকাশের পর্দা যখন দূরে উড়ে চলে যায় তখন মনে হয়, তুমি স্নান করে তোমার শেফালিবনের পথ দিয়ে চলেছ, তোমার গলায় কুন্দফুলের মালা, তোমার বুকে শ্বেতচন্দনের ছাপ, তোমার মাথায় হাল্কা সাদা কাপড়ের উকীষ, তোমার চোখের দৃষ্টি দিগন্তের পারে—তখন মনে হয়, তুমি আমার পৃথিব্য বন্ধু; তোমার সঙ্গে যদি চলতে পারি তা হলে দিগন্তে দিগন্তে সোনার সিংহাসনের খুলে যাবে, শূন্যতার ভিতরমহলে প্রবেশ করব। আর যদি না পারি তবে এই বাতায়নের ধারে বসে কোন্-এক অনেক দূরের জন্যে দীর্ঘনিশ্বাস উঠতে থাকবে, কেবলই দিনের পর দিন, রাত্রির পর রাত্রি, অজ্ঞাত বনের পথশ্রেণী আর অনাস্থাত ফুলের গন্ধের জন্যে বৃকের ভিতরটা কেঁদে

কেঁদে ঝুঁরে ঝুঁরে মরবে। আর বসন্তকালে এই-যে সমস্ত বন রঙে রঙিন, এখন আমি তোমাকে দেখতে পাই কানে কুণ্ডল, হাতে অঙ্গদ, গায়ে বসন্তী রঙের উত্তরীয়, হাতে অশোকের মঞ্জরী, তানে তানে তোমার বাঁগার সব-কটি সোনার তার উতলা।

রাজা। এত বিচিত্র রূপ দেখছ, তবে কেন সব বাদ দিয়ে কেবল একটি বিশেষ মূর্তি দেখতে চাচ্ছ। সেটা যদি তোমার মনের মতো না হয় তবে তো সমস্ত গেল।

সুদর্শনা। মনের মতো হবে নিশ্চয় জানি।

রাজা। মন যদি তার মতো হয় তবেই সে মনের মতো হবে। আগে তাই হোক।

সুদর্শনা। সত্য বলছি, এই অন্ধকারের মধ্যে যখন তোমাকে দেখতে না পাই অথচ তুমি আছ বলে জানি, তখন এক-একবার কেমন-একটা ভয়ে আমার বুকের ভিতরটা কেঁপে ওঠে।

রাজা। সে ভয়ে দোষ কী। প্রেমের মধ্যে ভয় না থাকলে তার রস হালকা হয়ে যায়।

সুদর্শনা। আচ্ছা, আমি জিজ্ঞাসা করি, এই অন্ধকারের মধ্যে তুমি আমাকে দেখতে পাও?

রাজা। পাই বৈকি।

সুদর্শনা। কেমন করে দেখতে পাও। আচ্ছা, কী দেখ।

রাজা। দেখতে পাই, যেন অনন্ত আকাশের অন্ধকার আমার আনন্দের টানে ঘুরতে ঘুরতে কত নক্ষত্রের আলো টেনে নিয়ে এসে একটি জায়গায় রূপ ধরে দাঁড়িয়েছে। তার মধ্যে কত যুগের ধ্যান, কত আকাশের আবেগ, কত ঋতুর উপহার!

সুদর্শনা। আমার এত রূপ! তোমার কাছে যখন শূন্য বুক ভরে ওঠে। কিন্তু ভালো করে প্রত্যয় হয় না; নিজের মধ্যে তো দেখতে পাই নে।

রাজা। নিজের আয়নায় দেখা যায় না—ছোটো হয়ে যায়। আমার চিত্তের মধ্যে যদি দেখতে পাও তো দেখবে সে কতবড়ো! আমার হৃদয়ে তুমি যে আমার দ্বিতীয়, তুমি সেখানে কি শূন্য তুমি!

সুদর্শনা। বলো বলো, এমনি করে বলো! আমার কাছে তোমার কথা গানের মতো বোধ হচ্ছে—যেন অনাদিকালের গান, যেন জন্ম-জন্মান্তর শূন্যে এসেছি। সে কি তুমিই শূন্যিয়েছ, আর আমাকেই শূন্যিয়েছ। না, যাকে শূন্যিয়েছ সে আমার চেয়ে অনেক বড়ো, অনেক সুন্দর; তোমার গানে সেই অলোকসুন্দরীকে দেখতে পাই—সে কি আমার মধ্যে না তোমার মধ্যে। তুমি আমাকে যেমন করে দেখছ তাই একবার এক নিমেষের জন্য আমাকে দেখিয়ে দাও-না! তোমার কাছে অন্ধকার বলে কি কিছুই নেই। সেইজন্যেই তো তোমাকে কেমন আমার ভয় করে। এই-যে কঠিন কালো লোহার মতো অন্ধকার, যা আমার উপর ঘূমের মতো, মূর্ছার মতো, মৃত্যুর মতো, তোমার দিকে তার কিছুই নেই! তবে এ জায়গায় তোমার সঙ্গে আমি কেমন করে মিলব। না না, হবে না মিলন, হবে না। এখানে নয়, এখানে নয়। যেখানে আমি গাছপালা পশুপাখি মাটিপাথর সমস্ত দেখছি সেইখানেই তোমাকে দেখব।

রাজা। আচ্ছা, দেখো, কিন্তু তোমাকে নিজে চিনে নিতে হবে; কেউ তোমাকে বলে দেবে না—আর বলে দিলেই বা বিশ্বাস কী।

সুদর্শনা। আমি চিনে নেব, চিনে নেব, লক্ষ লোকের মধ্যে চিনে নেব। ভুল হবে না।

রাজা। আজ বসন্তপূর্ণিমার উৎসবে তুমি তোমার প্রাসাদের শিখরের উপরে দাঁড়িয়ে—চেয়ে দেখো—আমার বাগানে সহস্র লোকের মধ্যে আমাকে দেখবার চেষ্টা করো।

সুদর্শনা। তাদের মধ্যে দেখা দেবে তো?

রাজা। বার বার করে সকল দিক থেকেই দেখা দেব। সুরঙ্গমা!

সুরঙ্গমার প্রবেশ

সুরঙ্গমা। কী প্রভু!

রাজা। আজ বসন্তপূর্ণিমার উৎসব।

সদুৎগমা। আমাকে কী কাজ করতে হবে।

রাজা। আজ তোমার সাজের দিন, কাজের দিন নয়। আজ আমার পদুৎপবনের আনন্দে তোমাকে যোগ দিতে হবে।

সদুৎগমা। তাই হবে প্রভু!

রাজা। রানী আজ আমাকে চোখে দেখতে চান।

সদুৎগমা। কোথায় দেখবেন।

রাজা। যেখানে পঞ্চমে বাঁশি বাজবে, ফুলের কেশরের ফাগ উড়বে, জ্যোৎস্নায় ছায়ায় গলা-গলি হবে—সেই আমাদের দক্ষিণের কুঞ্জবনে।

সদুৎগমা। সে লুকোচুরির মধ্যে কি দেখা যাবে! সেখানে যে হাওয়া উতলা, সবই চঞ্চল। চোখে ধাঁদা লাগবে না?

রাজা। রানীর কৌতূহল হয়েছে।

সদুৎগমা। কৌতূহলের জিনিস হাজার হাজার আছে—তুমি কি তাদের সঙ্গে মিলে কৌতূহল মেটাবে। তুমি আমার তেমন রাজা নও! রানী, তোমার কৌতূহলকে শেষকালে কেঁদে ফিরে আসতে হবে।

#### গান

কোথা	বাইরে দূরে যায় রে উড়ে হয় রে হয়,
তোমার	চপল আঁখি বনের পাখি বনে পালায়।
আজি	হৃদয়-মাঝে যদি গো বাজে প্রেমের বাঁশি
তবে	আপনি সেধে আপনা বেঁধে পরে সে ফাঁসি,
তবে	ঘুচে গো ত্বরা ঘুরিয়া মরা হেথা-হোথায়—
আহা,	আজি সে আঁখি বনের পাখি বনে পালায়।
চেয়ে	দেখিস না রে হৃদয়-দ্বারে কে আসে যায়।
তোরা	শুনিস কানে বারতা আনে দখিনবায়!
আজি	ফুলের বাসে সুখের হাসে আকুল গানে
চির-	বসন্ত যে তোমারি খোঁজে এসেছে প্রাণে।
তারে	বাহিরে খুঁজি ঘুরিয়া বদ্বি পাগল-প্রাণ—
তোমার	চপল আঁখি বনের পাখি বনে পালায়।

#### ২

#### পথ

প্রথম পথিক। ওগো মশায়!

প্রহরী। কেন গো।

দ্বিতীয়। রাস্তা কোথায়। আমরা বিদেশী, আমাদের রাস্তা বলে দাও।

প্রহরী। কিসের রাস্তা।

তৃতীয়। ঐ-যে শূন্যে আজ কোথায় উৎসব হবে। কোন্ দিক দিয়ে যাওয়া যাবে।

প্রহরী। এখানে সব রাস্তাই রাস্তা। যে দিক দিয়ে যাবে ঠিক পৌঁছবে। সামনে চলে যাও।

প্রথম। শোনো একবার, কথা শোনো। বলে, সবই এক রাস্তা। তাই যদি হবে তবে এতগুলোর দরকার ছিল কী।

শ্বিতীয়। তা ভাই, রাগ করিস কেন। যে দেশের যেমন ব্যবস্থা! আমাদের দেশে তো রাস্তা নেই বললেই হয়—বাঁকাচোরা গলি, সে তো গোলকধাঁদা। আমাদের রাজা বলে, খোলা রাস্তা না থাকাই ভালো; রাস্তা পেলেই প্রজারা বেরিয়ে চলে যাবে। এ দেশে উলটো, যেতেও কেউ ঠেকায় না, আসতেও কেউ মানা করে না—তবু মানুষও তো ঢের দেখছি—এমন খোলা পেলে আমাদের রাজ্য উজাড় হয়ে যেত!

প্রথম। ওহে জনার্দন, তোমার ঐ একটা বড়ো দোষ।

জনার্দন। কী দোষ দেখলে।

প্রথম। নিজের দেশের তুমি বড়ো নিন্দে কর। খোলা রাস্তাটাই বৃদ্ধি ভালো হল? বলো তো ভাই কোন্ডিয়া, খোলা রাস্তাটাকে বলে কিনা ভালো।

কোন্ডিয়া। ভাই ভবদত্ত, বরাবরই তো দেখে আসছি জনার্দনের ঐ একরকম তেড়া বৃদ্ধি। কোন্ দিন বিপদে পড়বেন—রাজার কানে যদি যায় তা হলে ম'লে গুঁকে শ্মশানে ফেলবার লোক খুঁজে পাবেন না।

ভবদত্ত। আমাদের তো ভাই এই খোলা রাস্তার দেশে এসে অবধি খেয়ে-শুয়ে সুখ নেই—দিনরাত গা-ঘিনঘিন করছে। কে আসছে কে যাচ্ছে তার কোনো ঠিকঠিকানাই নেই—রাম রাম!

কোন্ডিয়া। সেও তো ঐ জনার্দনের পরামর্শ শুনেই এসেছি। আমাদের গৃহীতে এমন কখনো হয় নি। আমার বাবাকে তো জান—কতবড়ো মহাত্মালোক ছিল—শাস্ত্রমতে ঠিক উনপঞ্চাশ হাত মেপে গিঁড় কেটে তার মধ্যেই সমস্ত জীবনটা কাটিয়ে দিলে—একদিনের জন্যে তার বাইরে পা ফেলে নি। মৃত্যুর পর কথা উঠল, ঐ উনপঞ্চাশ হাতের মধ্যেই তো দাহ করতে হয়। সে এক বিষম মর্শাকিল। শেষকালে শাস্ত্রী বিধান দিলে যে, উনপঞ্চাশে যে দুটো অঙ্ক আছে তার বাইরে বাবার জো নেই, অতএব ঐ চার-নয় উনপঞ্চাশকে উলটে নিয়ে নয়-চার চুরানস্বই করে দাও। তবেই তো তাকে বাড়ির বাইরে পোড়াতে পারি, নইলে ঘরেই দাহ করতে হত। বাবা, এত আঁটাআঁটি! এ কি যে-সে দেশ পেয়েছ!

ভবদত্ত। বটেই তো, মরতে গেলেও ভাবতে হবে, এ কি কম কথা!

কোন্ডিয়া। সেই দেশের মাটিতে শরীর, তবু জনার্দন বলে কিনা খোলা রাস্তাই ভালো!

[সকলের প্রস্থান]

বালকগণকে লইয়া ঠাকুরদার প্রবেশ

ঠাকুরদা। ওরে, দক্ষিণে হাওয়ার সঙ্গে সমান পাল্লা দিতে হবে, হার মানলে চলবে না—আজ সব রাস্তাই গানে ভাসিয়ে দিয়ে চলব।

গান

আজ	দখিন-দুয়ার খোলা—
	এসো হে, এসো হে, এসো হে, আমার
	বসন্ত এসো।
দিব	হৃদয়দোলায় দোলা,
	এসো হে, এসো হে, এসো হে, আমার
	বসন্ত এসো।
নব	শ্যামল শোভন রথে
এসো	বকুলবিছানো পথে,
এসো	বাজায় ব্যাকুল বেণু

মেথে      পিয়াল ফুলের রেণু  
এসো হে, এসো হে, এসো হে, আমার  
বসন্ত এসো।

এসো      ঘনপল্লবপুঞ্জে—  
এসো হে, এসো হে, এসো হে।

এসো      বনমালিকাকুঞ্জে—  
এসো হে, এসো হে, এসো হে।

মৃদু      মধুরমদির হেসে  
এসো      পাগল হাওয়ার দেশে,  
তোমার      উতলা উত্তরীয়  
তুমি      আকাশে উড়িয়ে দিয়ো—  
এসো হে, এসো হে, এসো হে, আমার  
বসন্ত এসো।

[ সকলের প্রস্থান

## নাগরিকদল

প্রথম। যা বলিস ভাই, আজকের দিনটাতে আমাদের রাজার দেখা দেওয়া উচিত ছিল। তার রাজ্যে বাস করছি, একদিনও তাকে দেখলুম না, এ কি কম দুঃখের কথা।

স্বিতীয়। ওর ভিতরকার কথাটা তোরা কেউ জানিস নে। কাউকে যদি না বলিস তো বলি।

প্রথম। এক পাড়াতেই তো বসত করছি; কবে কার কথা কাকে বলেছি। ঐ যে তোমাদের রাহকদাদা কুয়ো খুঁড়তে খুঁড়তে গুস্তধন পেলে, সে কি আমি সাধ করে ফাঁস করেছি। সব তো জান।

স্বিতীয়। জানি বৈকি, সেইজন্যেই তো বলছি—কথাটা যদি চেপে রাখতে পার তো বলি, নইলে বিপদ ঘটতে পারে।

তৃতীয়। তুমিও তো আচ্ছা লোক হে বিরূপাক্ষ! বিপদই যদি ঘটতে পারে তবে ঘটবার জন্যে অত ব্যস্ত হও কেন। কে তোমার কথাটা নিয়ে দিনরাত্রি সামলে বেড়ায়।

বিরূপাক্ষ। কথাটা উঠে পড়ল নাকি সেইজন্যেই—তা বেশ, নাই বললেম। আমি বাজে কথা বলবার লোকই নই। রাজা দেখা দেন না সে কথাটা তোমরাই তুললে—তাই তো আমি বললেম, সাথে দেখা দেন না।

প্রথম। ওহে বিরূপাক্ষ, বলেই ফেলো-না।

বিরূপাক্ষ। তা, তোমাদের কাছে বলতে দোষ নেই, তোমরা হলে বন্ধু-মানুষ। (মৃদুস্বরে) রাজাকে দেখতে বড়ো বিকট, সেইজন্যে পণ করেছে কাউকে দেখা দেবে না।

প্রথম। তাই তো বটে। আমরা বলি, ভালো রে ভালো, সকল দেশেই রাজাকে দেখে দেশসুন্দর লোকের আত্মপুরুষ বাঁশপাতার মতো হাঁ হাঁ করে কাঁপতে থাকে, আর আমাদেরই রাজাকে দেখা যায় না কেন। কিছুর না হোক, একবার যদি চোখ পাকিয়ে বলে ‘বেটার শির লেও’ তা হলেও যে বুদ্ধি রাজা বলে একটা-কিছুর আছে। বিরূপাক্ষের কথাটা মনে নিচ্ছে হে।

তৃতীয়। কিছুর মনে নিচ্ছে না। ওর সিকি পরসাত্ত্ব বিশ্বাস করি নে।

বিরূপাক্ষ। কী বললে হে বিশ্ব! তুমি বলতে চাও আমি মিছে কথা বলেছি?

বিশ্ববসু। তা বলতে চাই নে, কিন্তু কথাটা তাই বলে মানতে পারব না—এতে রাগই কর আর যাই কর।

বিরূপাক্ষ। তুমি মানবে কেন। তুমি তোমার বাপখুড়োকেই মান না, এত বুদ্ধি তোমার।

এ রাজত্বে রাজা যদি গা ঢাকা দিয়ে না বেড়াত তা হলে কি এখানে তোমার ঠাই হত। তুমি তো নাস্তিক বললেই হয়।

বিশ্ববসু। ওহে আস্তিক, অন্য রাজার দেশ হলে তোমার জিভ কেটে কুকুরকে দিয়ে খাওয়াত, তুমি বল কিনা আমাদের রাজাকে বিকট দেখতে!

বিরূপাক্ষ। দেখো বিশ্ব, মদুখ সামলে কথা কও।

বিশ্ববসু। মদুখ যে কার সামলানো দরকার সে আর বলে কাজ নেই।

প্রথম। চুপ চুপ, এ-সব ভালো হচ্ছে না। আমাকে সন্মুখ বিপদে ফেলবে দেখছি। আমি এ-সব কথার মধ্যে নেই।

[সকলের প্রস্থান]

ঠাকুরদাকে একদল লোকের টানাটানি করিয়া লইয়া প্রবেশ

প্রথম। ঠাকুরদা, তোমাকে আজ এমন করে সাজালে কে। মালাটি কোন্ নিপুণ হাতের গাঁথা।

ঠাকুরদা। ওরে বোকারা, সব কথাই কি খোলসা করে বলতে হবে নাকি। কিছুর ঢাকা থাকবে না?

দ্বিতীয়। দরকার নেই দাদা, তোমার তো সব ফাঁস হয়েই আছে। আমাদের কবিকেশরী তোমার নামে যে গান বেঁধেছে শোন নি বুঝি? সে যে ঘরে ঘরে রটে গেছে।

ঠাকুরদা। একটা ঘরই যথেষ্ট, ঘরে ঘরে শব্দে বেড়াবার কি সময় আছে।

তৃতীয়। ওটা তোমার নেহাত ফাঁকা বড়াই। ঠাকুরদাদিদি তোমাকে আঁচলে বেঁধে রাখে বটে! পাড়ার যেখানে যাই সেখানেই তুমি, ঘরে থাক কখন।

ঠাকুরদা। ওরে, তোদের ঠাকুরদাদিদির আঁচল লম্বা আছে। পাড়ার যেখানে যাই সে আঁচল ছাড়িয়ে যাবার জো নেই। তা, কবি কী বলছেন শুন।

তৃতীয়। তিনি বলছেন—

গান

যেখানে রূপের প্রভা নয়নলোভা

সেখানে তোমার মতন ভোলা কে— ঠাকুরদাদা!

যেখানে রসিক-সভা পরম শোভা

সেখানে এমন রসের ঝোলা কে— ঠাকুরদাদা!

ঠাকুরদা। আরে চুপ চুপ। এমন বসন্তের দিনে তোরা এ কী গান ধরলি রে।

প্রথম। কেন ধরলুম জান না?—

যেখানে গলাগলি কোলাকুলি

তোমারি বেচাকেনা সেই হাতে,

পড়ে না পদধূলি পথ ভুলি

যেখানে ঝগড়া করে ঝগড়াটে।

যেখানে ভোলাভুলি খোলাখুলি

সেখানে তোমার মতন খোলা কে— ঠাকুরদাদা!

ঠাকুরদা। যদি তোরা তোদের সেই কবির কাছে বিধান নিতিস তা হলে শব্দেতে পেতিস, এই ফাল্গুন মাসের দিনে ঠাকুরদা প্রভৃতি পুরোনো জিনিস মাত্রই একেবারে বর্জনীয়। আমার নামে গান বেঁধে আজ রাগরাগিণীর অবপায় করিস নে, তোরা সরস্বতীর বীণার তারে মরচে ধরিয়ে দিবি যে।



শ্বিতীয়। ঠাকুরদা, তুমি তো রাস্তাতেই সভা জমালে, উৎসবে যাবে কখন। চলো আমাদের দক্ষিণ-বনে।

ঠাকুরদা। ভাই, আমার ঐ দশা, আমি রাস্তা থেকেই চাখতে চাখতে চলি, তার পরে ভোজটা তো আছেই। আদাবন্তে চ মধ্যে চ।

শ্বিতীয়। দেখো দাদা, আজকের দিনে মনে একটা কথা বড়ো লাগছে।

ঠাকুরদা। কী বল্ দেখি।

শ্বিতীয়। এবার দেশবিদেশের লোক এসেছে। সবাই বলছে, সবই দেখাছি ভালো, কিন্তু রাজা দেখি নে কেন। কাউকে জবাব দিতে পারি নে। আমাদের দেশে ঐটে একটা বড়ো ফাঁকা রয়ে গেছে।

ঠাকুরদা। ফাঁকা! আমাদের দেশে রাজা এক জায়গায় দেখা দেয় না বলেই তো সমস্ত রাজ্যটা একেবারে রাজায় ঠাসা হয়ে রয়েছে—তাকে বল ফাঁকা! সে যে আমাদের সবাইকেই রাজা করে দিয়েছে! এই-যে অন্য রাজাগুলো, তারা তো উৎসবটাকে দ'লে ম'লে ছারখার করে দিলে—তাদের হাতি-ঘোড়া লোক-লশকরের তাড়ায় দক্ষিণ-হাওয়ার দক্ষিণ্য আর রইল না, বসন্তের যেন দম আটকাবার জো হয়েছে। কিন্তু আমাদের রাজা নিজে জায়গা জোড়ে না, সবাইকে জায়গা ছেড়ে দেয়। কবিকেশরীর সেই গানটা তো জানিস।

#### গান

আমরা সবাই রাজা আমাদের এই রাজার রাজত্বে,  
নইলে মোদের রাজার সনে মিলব কী স্বত্বে!

আমরা সবাই রাজা।

আমরা যা খুশি তাই করি,

তবু তাঁর খুশিতেই চরি,

আমরা নই বাঁধা নই দাসের রাজার প্রাসের দাসত্বে,  
নইলে মোদের রাজার সনে মিলব কী স্বত্বে!

আমরা সবাই রাজা।

রাজা সবারে দেন মান,

সে মান . আপনি ফিরে পান,

মোদের খাটো করে রাখে নি কেউ কোনো অসত্যে,  
নইলে মোদের রাজার সনে মিলব কী স্বত্বে!

আমরা সবাই রাজা।

আমরা চলব আপন মতে,

শেষে মিলব তাঁর পথে।

মোরা মরব না কেউ বিফলতার বিষম আবর্তে,  
নইলে মোদের রাজার সনে মিলব কী স্বত্বে!

আমরা সবাই রাজা।

তৃতীয়। কিন্তু দাদা, যা বল, তাঁকে দেখতে পায় না বলে লোকে অনায়াসে তাঁর নামে যা খুশি বলে সেইটে অসহ্য হয়।

প্রথম। এই দেখো-না, আমাকে গাল দিলে শাস্তি আছে, কিন্তু রাজাকে গাল দিলে কেউ তার মুখ বন্ধ করবারই নেই।

ঠাকুরদা। ওর মানে আছে। প্রজার মধ্যে যে রাজাটুকু আছে তারই গায়ে আঘাত লাগে, তার বাইরে যিনি তাঁর গায়ে কিছুই বাজে না। সূর্যের যে তেজ প্রদীপে আছে তাতে ফুটুকু সয় না, কিন্তু হাজার লোকে মিলে সূর্যে ফুটুকু দিলে সূর্য অশ্লান হয়েই থাকেন।

বিশ্ববসু ও বিরূপাক্ষের প্রবেশ

বিশ্ববসু। এই-যে ঠাকুরদা, এই দেখো, এই লোকটা রটিয়ে বেড়াচ্ছে—আমাদের রাজাকে কুৎসিত দেখতে, তাই তিনি দেখা দেন না।

ঠাকুরদা। এতে রাগ কর কেন বিশ্ব। ওর রাজা কুৎসিত বৈকি, নইলে তার রাজ্যে বিরূপাক্ষের মতো অমন চেহারা থাকে কেন। স্বয়ং ওর বাপ-মাও তো ওকে কার্তিক নাম দেন নি। ও আয়নাতে যেমন আপনার মূখ্যটি দেখে, আর রাজার চেহারা তেমনি ধ্যান করে।

বিরূপাক্ষ। ঠাকুরদা, আমি নাম করব না, কিন্তু এমন লোকের কাছে খবরটা শুনছি যাকে বিশ্বাস না করে থাকবার জো নেই।

ঠাকুরদা। নিজের চেয়ে কাকে বেশি বিশ্বাস করবে বলো।

বিরূপাক্ষ। না, আমি তোমাকে প্রমাণ করে দিতে পারি।

প্রথম। লোকটার লজ্জা নেই হে। একে তো যা না বলবার তাই বলে, তার পরে আবার সেটা প্রমাণ করে দিতে চায়!

দ্বিতীয়। ওহে, দাও-না ওকে মাটির সঙ্গে মিশিয়ে একেবারে মাটি-প্রমাণ করে দাও-না।

ঠাকুরদা। আরে ভাই, রাগ কোরো না। ওর রাজা কুৎসিত এই বলে বেড়িয়েই ও বেচারী আজ উৎসব করতে বেরিয়েছিল। যাও ভাই বিরূপাক্ষ, ঢের লোক পাবে যারা তোমার কথা বিশ্বাস করবে, তাদের নিয়ে দল বেঁধে আজ আমোদ করো গে।

[ সকলের প্রস্থান ]

বিদেশী দলের পুনঃপ্রবেশ

কৌণ্ডিল্য। সত্যি বলছি ভাই, রাজা আমাদের এমনি অভ্যেস হয়ে গেছে যে, এখানে কোথাও রাজা না দেখে মনে হচ্ছে—দাঁড়িয়ে আছি, কিন্তু পায়ের তলায় যেন মাটি নেই!

ভবদত্ত। দেখো ভাই কৌণ্ডিল্য, আসল কথাটা হচ্ছে এদের মূলেই রাজা নেই। সকলে মিলে একটা গুজব রটিয়ে রেখেছে।

কৌণ্ডিল্য। আমারও তো তাই মনে হয়েছে। আমরা তো জানি, দেশের মধ্যে সকলের চেয়ে বেশি করে চোখে পড়ে রাজা—নিজেকে খুব কষে না দেখিয়ে সে তো ছাড়ে না।

জনার্দন। কিন্তু এ রাজ্যে আগাগোড়া যেমন নিয়ম দেখছি, রাজা না থাকলে তো এমন হয় না।

ভবদত্ত। এতকাল রাজার দেশে বাস করে এই বুদ্ধি হল তোমার! নিয়মই যদি থাকবে তা হলে রাজা থাকবার আর দরকার কী।

জনার্দন। এই দেখো-না, আজ এত লোক মিলে আনন্দ করছে, রাজা না থাকলে এরা এমন করে মিলতেই পারত না।

ভবদত্ত। ওহে জনার্দন, আসল কথাটাই যে তুমি এড়িয়ে যাচ্ছ। একটা নিয়ম আছে সেটা তো দেখছি, উৎসব হচ্ছে সেটাও স্পষ্ট দেখা যাচ্ছে, সেখানে তো কোনো গোল বাধছে না—কিন্তু রাজা কোথায়, তাকে দেখলে কোথায় সেইটে বলো।

জনার্দন। আমার কথাটা হচ্ছে এই যে, তোমরা তো এমন রাজ্য জান যেখানে রাজা কেবল চোখেই দেখা যায়, কিন্তু রাজ্যের মধ্যে তার কোনো পরিচয় নেই; সেখানে কেবল ভূতের কীর্তন—কিন্তু এখানে দেখো—

কৌণ্ডিল্য। আবার ঘুরে ফিরে সেই একই কথা। তুমি ভবদত্তর আসল কথাটার উত্তর দাও না হে—হাঁ কি না, রাজাকে দেখেছ কি দেখ নি।

ভবদত্ত। রেখে দাও ভাই কৌণ্ডিল্য—ওর সঙ্গে মিথ্যে বকাবকি করা। ওর ন্যায়াশাস্ত্রটা পর্যন্ত এদেশী রকমের হয়ে উঠছে। বিনা চক্ষে ও যখন দেখতে শুরু করেছে তখন আর ভরসা নেই। বিনা অস্ত্রে কিছুদিন ওকে আহাির করতে দিলে আবার বুদ্ধিটা সাধারণ লোকের মতো পরিষ্কার হয়ে আসতে পারে।

[ সকলের প্রস্থান ]

## বাউলের দল

আমার প্রাণের মানদুঃ আছে প্রাণে,  
তাই হেরি তায় সকল খানে।  
আছে সে নয়নতরায় আলোকধারায়, তাই না হারায়—  
ওগো, তাই দেখি তায় যেথায় সেথায়  
তাকাই আমি যে দিক-পানে।  
আমি তার মূখের কথা  
শুনব বলে গেলাম কোথা,  
শোনা হল না, শোনা হল না।  
আজ ফিরে এসে নিজের দেশে  
এই-যে শূনি,  
শূনি তাহার বাণী আপন গানে।  
কে তোরা খুঁজিস তারে  
কাঙাল-বেশে দ্বারে দ্বারে —  
দেখা মেলে না, মেলে না।  
ও তোরা আয় রে ধৈয়ে, দেখ্ রে চেয়ে  
আমার বৃকে—  
ওরে দেখ্ রে আমার দুই নয়ানে।

। প্রস্থান

## একদল পদাতিক

প্রথম পদাতিক। সরে যাও সব, সরে যাও। তফাত যাও।  
প্রথম পথিক। ইস, তাই তো! মস্ত লোক বটে! লম্বা পা ফেলে চলছেন। কেন রে বাপু,  
সরব কেন। আমরা সব পথের কুকুর নাকি।  
দ্বিতীয় পদাতিক। আমাদের রাজা আসছেন।  
দ্বিতীয় পথিক। রাজা? কোথাকার রাজা।  
প্রথম পদাতিক। আমাদের এই দেশের রাজা।  
প্রথম পথিক। লোকটা পাগল হল নাকি। আমাদের দেশের রাজা পাইক নিয়ে হাঁকতে হাঁকতে  
আবার রাস্তায় কবে বেরোয়।  
দ্বিতীয় পদাতিক। মহারাজ আজ আর গোপন থাকবেন না, তিনি স্বয়ং আজ উৎসব করবেন।  
দ্বিতীয় পথিক। সত্যি নাকি ভাই।  
দ্বিতীয় পদাতিক। ওই দেখো-না, নিশেন উড়ছে।  
দ্বিতীয় পথিক। তাই তো রে, ওটা নিশেনই তো বটে।  
দ্বিতীয় পদাতিক। নিশেনে কিংশুক ফুল আঁকা আছে দেখছ-না?  
দ্বিতীয় পথিক। ওরে, কিংশুক ফুলই তো বটে। মিথ্যে বলে নি, একেবারে লাল টক্টক্  
করছে।  
প্রথম পদাতিক। তবে! কথাটা যে বড়ো বিশ্বাস হল না!  
দ্বিতীয় পথিক। না দাদা, আমি তো অবিশ্বাস করি নি। ঐ কুম্ভই গোলমাল করেছিল।  
আমি একটি কথাও বলি নি।  
প্রথম পদাতিক। বোটা বোধ হয় শূন্যকুম্ভ, তাই আওয়াজ বেশি।  
দ্বিতীয় পদাতিক। লোকটা কে হে। তোমাদের কে হয়।

শ্বিতীয় পথিক। কেউ না, কেউ না। আমাদের গ্রামের যে মোড়ল ও তার খুড়শ্বশুর—অন্য পাড়ায় বাড়ি।

শ্বিতীয় পদাতিক। হাঁ হাঁ, খুড়শ্বশুর-গোছের চেহারা বটে, বৃদ্ধিটাও নেহাত খুড়শ্বশুরের ধাঁচার।

কুম্ভ। অনেক দূঃখে বৃদ্ধিটা এইরকম হয়েছে। এই-যে সেদিন কোথা থেকে এক রাজা বেরোল, নামের গোড়ায় তিন-শো-পঁয়তাল্লিশটা শ্রী লাগিয়ে ঢাক পিটোতে পিটোতে শহর ঘুরে বেড়াল—আমি তার পিছনে কি কম ফিরেছি। কত ভোগ দিলেম, কত সেবা করলেম, ভিটেমাটি বিকিয়ে যাবার জো হল। শেষকালে তার রাজাগিরি রইল কোথায়। লোকে যখন তার কাছে তালুক চায়, মূলুক চায়, সে তখন পাঁজিপুঁথি খুলে শূভদিন কিছুতেই খুঁজে পায় না। কিন্তু আমাদের কাছে খাজনা নেবার বেলায় মধ্য অশেষা গ্রাস্পর্শ কিছুই তো বাধত না!

শ্বিতীয় পদাতিক। হাঁ হে কুম্ভ, আমাদের রাজাকে তুমি সেইরকম মেকি রাজা বলতে চাও!

প্রথম পদাতিক। ওহে খুড়শ্বশুর, এবার খুড়শাশুড়ির কাছে থেকে বিদায় নিয়ে এসো গে, আর দেরি নেই।

কুম্ভ। না বাবা, রাগ কোরো না। আমি কান মলছি, নাকে খত দিচ্ছি—যতদূর সরতে বল ততদূরই সরে দাঁড়াতে রাজি আছি।

শ্বিতীয় পদাতিক। আচ্ছা বেশ, এইখানে সার বেঁধে দাঁড়িয়ে থাকো। রাজা এলেন বলে। আমরা এগিয়ে গিয়ে রাস্তা ঠিক করে রাখি।

[ পদাতিকদের প্রস্থান ]

শ্বিতীয় পথিক। কুম্ভ, তোমার ঐ মূখের দোষেই তুমি মরবে।

কুম্ভ। না ভাই মাধব, ও মূখের দোষ নয়, ও কপালের দোষ। যে বারে মিছে রাজা বেরোল একটি কথাও কই নি, অত্যন্ত ভালোমানুষের মতো নিজের সর্বনাশ করছে; আর এবার হয়তো-বা সত্যি রাজা বেরিয়েছে, তাই বের্ফাস কথাটা মূখ দিয়ে বেরিয়ে গেল। ওটা কপাল!

মাধব। আমি এই বৃদ্ধি, রাজা সত্যি হোক মিথ্যে হোক মেনে চলতেই হবে। আমরা কি রাজা চিনি যে বিচার করব! অন্ধকারে ঢেলা মারা—যত বেশি মারবে একটা-না-একটা লেগে যাবে। আমি ভাই এক-ধার থেকে গড় করে যাই—সত্যি হলে লাভ; মিথ্যে হলেই-বা লোকসান কী।

কুম্ভ। ঢেলাগুলো নেহাত ঢেলা হলে ভাবনা ছিল না—দামী জিনিস—বাজে খরচ করতে গিয়ে ফতুর হতে হয়।

মাধব। ঐ-যে আসছেন রাজা। আহা, রাজার মতো রাজা বটে! কী চেহারা! যেন ননির পদতুল। কেমন হে কুম্ভ, এখন কী মনে হচ্ছে।

কুম্ভ। দেখাচ্ছে ভালো—কী জানি ভাই, হতে পারে।

মাধব। ঠিক যেন রাজাটি গড়ে রেখেছে। ভয় হয় পাছে রোদ্দুর লাগলে গলে যায়।

রাজবেশধারীর প্রবেশ

মাধব। জয় মহারাজের! দর্শনের জন্যে সকাল থেকে দাঁড়িয়ে। দয়া রাখবেন।

কুম্ভ। বড়ো ধাঁদা ঠেকছে, ঠাকুরদাকে ডেকে আনি।

[ প্রস্থান ]

আর-এক দল পথিক

প্রথম পথিক। ওরে, রাজা রে, রাজা! দেখবি আয়।

শ্বিতীয় পথিক। মনে রেখো রাজা, আমি কুশলীবস্তুর উদয়দন্তর নাতি। আমার নাম বিরাজদন্ত। রাজা বেরিয়েছে শুনাই ছুটোছি, লোকের কারো কথায় কান দিই নি—আমি সঙ্কলের আগে তোমাকে মেনেছি।

তৃতীয় পথিক। শোনো একবার, আমি যে ভোর থেকে এখানে দাঁড়িয়ে—তখনো কাক ডাকে নি—এতক্ষণ ছিলে কোথায়। রাজা, আমি বিরামস্থলীর ভদ্রসেন, ভক্তকে স্মরণ রেখো।

রাজবেশী। তোমাদের ভক্তিতে বড়ো প্রীত হলেম।

বিরাজদত্ত। মহারাজ, আমাদের অভাব বিস্তর। এতদিন দর্শন পাই নি, জানাব কাকে।

রাজবেশী। তোমাদের সমস্ত অভাব মিটিয়ে দেব।

[প্রস্থান]

প্রথম পথিক। ওরে, পিছিয়ে থাকলে চলবে না—ভিড়ে মিশে গেলে রাজার চোখে পড়বে না।

দ্বিতীয় পথিক। দেখ্ দেখ্, একবার নরোত্তমের কান্ডখানা দেখ্। আমরা এত লোক আছি—সবাইকে ঠেলেঠুলে কোথা থেকে এক তালপাতার পাখা নিয়ে রাজাকে বাতাস করতে লেগে গেছে। মাধব। তাই তো হে, লোকটার আশ্পর্শ তো কম নয়!

দ্বিতীয় পথিক। ওকে জোর করে ধরে সরিয়ে দিতে হচ্ছে—ও কি রাজার পাশে দাঁড়াবার যদ্যিগ্য।

মাধব। ওহে, রাজা কি আর এটুকু বদ্বাবে না। এ যে অতিভক্তি।

প্রথম পথিক। না হে না, রাজারা বোঝে না কিছ্। হয়তো ঐ তালপাতার হাওয়া খেয়েই ভুলবে।

[সকলের প্রস্থান]

ঠাকুরদাকে লইয়া কুম্ভের প্রবেশ

কুম্ভ। এখনই এই রাস্তা দিয়েই যে গেল।

ঠাকুরদা। রাস্তা দিয়ে গেলেই রাজা হয় নাকি রে।

কুম্ভ। না দাদা, একেবারে স্পষ্ট চোখে দেখা গেল—একজন না, দুজন না, রাস্তার দু ধারের লোক তাকে দেখে নিয়েছে।

ঠাকুরদা। সেইজন্যই তো সন্দেহ। কবে আমার রাজা রাস্তার লোকের চোখ ধাঁড়িয়ে বেড়ায়! এমন উৎপাত তো কোনোদিন করে না।

কুম্ভ। তা, আজকে যদি মর্জি হয়ে থাকে বলা যায় কি।

ঠাকুরদা। বলা যায় রে, বলা যায়। আমার রাজার মর্জি বরাবর ঠিক আছে, ঘড়ি-ঘড়ি বদলায় না।

কুম্ভ। কিন্তু কী বলব দাদা—একেবারে ননির পুতুলটি। ইচ্ছে করে, সর্বাঙ্গ দিয়ে তাকে ছায়া করে রাখি।

ঠাকুরদা। তোর এমন বুদ্ধি কবে হল। আমার রাজা ননির পুতুল, আর তুই তাকে ছায়া করে রাখবি!

কুম্ভ। যা বল দাদা, দেখতে বড়ো সুন্দর। আজ তো এত লোক জুটেছে, অমনটি কাউকে দেখলুম না।

ঠাকুরদা। আমার রাজা যদি-বা দেখা দিত তাদের চোখেই পড়ত না। দশের সঙ্গে তাকে আলাদা বলে চেনাই যায় না—সে সকলের সঙ্গেই মিশে যায় যে।

কুম্ভ। ধ্বজা দেখতে পেলুম যে গো।

ঠাকুরদা। ধ্বজায় কী দেখলি।

কুম্ভ। কিংসুক ফুল আঁকা—একেবারে চোখ ঠিকরে যায়।

ঠাকুরদা। আমার রাজার ধ্বজায় পদ্মফুলের মাঝখানে বজ্র আঁকা।

কুম্ভ। লোকে বলে, এই উৎসবে রাজা বেরিয়েছে।

ঠাকুরদা। বেরিয়েছে বইকি। কিন্তু সঙ্গে পাইক নেই, বাদ্য নেই, আলো নেই, কিছ্ না।

কুম্ভ। কেউ বুদ্ধি ধরতেই পারে না।

ঠাকুরদা। হয়তো কেউ কেউ পারে।

কুম্ভ। যে পারে সে বোধ হয় যা চায় তাই পায়।

ঠাকুরদা। সে যে কিছু চায় না। ভিক্ষুকের কর্ম নয় রাজাকে চেনা। ছোটো ভিক্ষুক বড়ো ভিক্ষুককেই রাজা বলে মনে করে বসে। আজ যে লোকটা গা-ভরা গয়না পরে রাস্তার দুই ধারের লোকের দুই চক্ষুর কাছে ভিক্ষে চেয়ে বেড়িয়েছে, তোরা লোভীরা তাকেই রাজা বলে ঠাউরে বসে আছিস!—ঐ-যে আমার পাগলা আসছে। আয় ভাই, আয়—আর তো বাজে বকতে পারি নে—একটু মাতামাতি করে নেওয়া যাক।

পাগলের প্রবেশ ও গান

তোরা যে যা বলিস ভাই,

আমার সোনার হরিণ চাই।

সেই মনোহরণ চপল-চরণ

সোনার হরিণ চাই।

সে যে চমকে বেড়ায়, দৃষ্টি এড়ায়,

যায় না তারে বাঁধা।

তার নাগাল পেলে পালায় ঠেলে,

লাগায় চোখে ধাঁদা।

তবু ছুটব পিছে মিছে মিছে

পাই বা নাহি পাই—

আমি আপন-মনে মাঠে বনে

উধাও হয়ে ধাই।

তোরা পাবার জিনিস হাটে কিনিস,

রাখিস ঘরে ভরে।

যাহা যায় না পাওয়া তারি হাওয়া

লাগল কেন মোরে।

আমার যা ছিল তা দিলেম কোথা

যা নেই তারি ঝোঁকে।

আমার ফরোয় পুঁজি, ভাবিস বুদ্ধি

মরি তাহার শোকে!

ওরে, আছি স্নেহে হাস্যমুখে,

দুঃখ আমার নাই।

আমি আপন-মনে মাঠে বনে

উধাও হয়ে ধাই।

৩

কুঞ্জবনের স্ফারে

ঠাকুরদা ও উৎসববালকগণ

ঠাকুরদা। ওরে, দরজার কাছে এসেছি, এবার খুব কষে দরজায় ঘা লাগা।

গান

আজি কমলমুকুলদল খুলিল!

দুলিল রে দুলিল!

মানসসরসে রসপদুলকে

পলকে পলকে ঢেউ তুলিল।

গগন মগন হল গন্ধে,

সমীরণ মূর্ছে আনন্দে,

গদন গদন গুঞ্জনছন্দে

মধুকর ঘিরি ঘিরি বন্দে—

নিখিলভুবনমন ভুলিল,

মন ভুলিল রে

মন ভুলিল।

[ প্রস্থান

অবন্তী কোশল কাণ্ডী প্রভৃতি রাজগণ

অবন্তী। এখানকার রাজা কি আমাদেরও দেখা দেবে না।

কাণ্ডী। এর রাজত্ব করবার প্রণালী কিরকম। রাজার বনে উৎসব, সেখানেও সাধারণ লোকের কারো কোনো বাধা নেই?

কোশল। আমাদের জন্যে সম্পূর্ণ স্বতন্ত্র জায়গা তৈরি করে রাখা উচিত ছিল।

কাণ্ডী। জোর করে নিজেরা তৈরি করে নেব।

কোশল। এই-সব দেখেই সন্দেহ হয়—এখানে রাজা নেই, একটা ফাঁকি চলে আসছে।

অবন্তী। ওহে, তা হতে পারে। কিন্তু এখানকার মহিষী সুদর্শনা নিতান্ত ফাঁকি নয়।

কোশল। সেই লোভেই তো এসেছি। যিনি দেখা দেন না তাঁর জন্যে আমার বিশেষ ঔৎসুক্য নেই, কিন্তু যিনি দেখবার যোগ্য তাঁকে না দেখে ফিরে গেলে ঠকতে হবে।

কাণ্ডী। একটা ফন্দি দেখাই যাক-না।

অবন্তী। ফন্দি জিনিসটা খুব ভালো, যদি তার মধ্যে নিজে আটকা না পড়া যায়।

কাণ্ডী। এ কী ব্যাপার! নিশেন উড়িয়ে এ দিকে কে আসে! এ কোথাকার রাজা।

পদাতিকগণের প্রবেশ

কাণ্ডী। তোমাদের রাজা কোথাকার।

প্রথম পদাতিক। এই দেশের। তিনি আজ উৎসব করতে বেরিয়েছেন।

[ প্রস্থান

কোশল। এ কী কথা! এখানকার রাজা বেরিয়েছে!

অবন্তী। তাই তো, তা হলে একে দেখেই ফিরতে হবে—অন্য দর্শনীয়টা রইল।

কাণ্ডী। শোন কেন। এখানে রাজা নেই বলেই যে-খুঁশি নির্ভাবনায় আপনাকে রাজা বলে পরিচয় দেয়। দেখছ-না, যেন সেজে এসেছে—অত্যন্ত বেশি সাজ।

অবন্তী। কিন্তু লোকটাকে দেখাচ্ছে ভালো, চোখ-ভোলাবার মতো চেহারাটা আছে।

কাণ্ডী। চোখ ভুলতে পারে, কিন্তু ভালো করে তাকালেই ভুল থাকে না। আমি তোমাদের সামনেই ওর ফাঁকি ধরে দিচ্ছি।

রাজবেশীর প্রবেশ

রাজবেশী। রাজগণ, স্বাগত। এখানে তোমাদের অভ্যর্থনার কোনো চূড়ি হয় নি তো?

রাজগণ। (কপট বিনয়ে নমস্কার করিয়া) কিছু না।

কাণ্ডী। যে অভাব ছিল তা মহারাজের দর্শনেই পূর্ণ হয়েছে।

রাজবেশী। আমি সাধারণের দর্শনীয় নই, কিন্তু তোমরা আমার অনুগত এইজন্য একবার দেখা দিতে এলুম।

কাণ্ডী। অনুগ্রহের এত আতিশয়া সহ্য করা কঠিন।

রাজবেশী। আমি অধিকক্ষণ থাকব না।

কাণ্ডী। সেটা অনুভবেই বুঝেছি; বেশিক্ষণ স্থায়ী হবার ভাব দেখছি নে।

রাজবেশী। ইতিমধ্যে যদি কোনো প্রার্থনা থাকে—

কাণ্ডী। আছে বৈকি। কিন্তু অনুচরদের সামনে জানাতে লজ্জা বোধ করি।

রাজবেশী। (অনুচরীদের প্রতি) ক্ষণকালের জন্য তোমরা দূরে যাও। এইবার তোমাদের প্রার্থনা অসংকোচে জানাতে পার।

কাণ্ডী। অসংকোচেই জানাব। তোমারও যেন লেশমাত্র সংকোচ না হয়।

রাজবেশী। না, সে আশঙ্কা কোরো না।

কাণ্ডী। এসো তবে, মাটিতে মাথা ঠেকিয়ে আমাদের প্রত্যেককে প্রণাম করো।

রাজবেশী। বোধ হচ্ছে, আমার ভূত্যগণ বারুণী-মদ্যটো রাজশিবিরে কিছু মদুস্তহস্তেই বিতরণ করেছে।

কাণ্ডী। ভণ্ডরাজ, মদ যাকে বলে সেটা তোমার ভাগেই অতিমাত্রায় পড়েছে, সেইজন্যেই এখন ধুলোয় লোটাবার অবস্থা হয়েছে।

রাজবেশী। রাজগণ, পরিহাসটা রাজোচিত নয়।

কাণ্ডী। পরিহাসের অধিকার যাদের আছে তারা নিকটেই প্রস্তুত আছে। সেনাপতি!

রাজবেশী। আর প্রয়োজন নেই। স্পষ্টই দেখতে পাচ্ছি আপনারা আমার প্রণাম্য। মাথা আপনিই নত হচ্ছে, কোনো তীক্ষ্ণ উপায়ে তাকে ধুলায় টানবার দরকার হবে না। আপনারা যখন আমাকে চিনেছেন তখন আমিও আপনাদের চিনে নিলুম। অতএব এই আমার প্রণাম গ্রহণ করুন। যদি দয়া করে পালাতে দেন তা হলে বিলম্ব করব না।

কাণ্ডী। পালাবে কেন। তোমাকেই আমরা এখানকার রাজা করে দিচ্ছি—পরিহাসটা শেষ করেই যাওয়া যাক। দলবল কিছু আছে?

রাজবেশী। আছে। রাস্তার লোক যে দেখছে আমার পিছনে ছুটে আসছে। আরম্ভ যখন আমার দল বেশি ছিল না তখন সবাই আমাকে সন্দেহ করছিল, লোক যত বেড়ে গেল সন্দেহ ততই দূর হল। এখন ভিড়ের লোক নিজেদের ভিড় দেখেই মদুগ্ধ হয়ে যাচ্ছে, আমাকে কোনো কষ্ট পেতে হচ্ছে না।

কাণ্ডী। বেশ কথা। এখন থেকে আমরা তোমার সাহায্য করব। কিন্তু তোমাকে আমাদেরও একটা কাজ করে দিতে হবে।

রাজবেশী। আপনাদের দত্ত আদেশ এবং মদুকুট আমি মাথায় করে রাখব।

কাণ্ডী। আপাতত আর কিছু চাই নে, রানী সুদর্শনাকে দেখতে চাই—সেইটে তোমাকে করে দিতে হবে।

রাজবেশী। যথাসাধ্য চেষ্টার চূড়ি হবে না।



কাণ্ডী। তোমার সাধের উপর ভরসা নেই, আমাদের বুদ্ধিমত্তা চলতে হবে। আচ্ছা, এখন তুমি কুঞ্জে প্রবেশ করে রাজ-আড়ম্বরে উৎসব করো গে।

[রাজগণ ও রাজবেশীর প্রস্থান]

ঠাকুরদা ও কুন্ডের প্রবেশ

কুন্ড। ঠাকুরদা, তোমার কথা আমি তেমন বুঝি নে, কিন্তু তোমাকে বুঝি। তা, আমার রাজ্যে কাজ নেই, তোমার পাছেই রয়ে গেলুম। কিন্তু ঠকলুম না তো?

ঠাকুরদা। আমাকে নিয়েই যদি সম্পূর্ণ চলে তা হলে ঠকলি নে, আমার চেয়ে বেশি যদি কিছু দরকার থাকে তা হলে ঠকলি বৈকি।

কুন্ড। ঠাকুরদা, উৎসব শুরুর হয়েছ, এবার ভিতরে চলো।

ঠাকুরদা। না রে, আগে দ্বারের কাজটা সেয়ে নিই, তার পরে ভিতরে। এখানে সকল আগন্তুকের সঙ্গ একবার মিলে নিতে হবে। ঐ আমার অকিঞ্চনের দল আসছে।

অকিঞ্চনের দল। ঠাকুরদা, তোমাকে খুঁজে আজ আমাদের দেরি হয়ে গেল।

ঠাকুরদা। আজ আমি দ্বারে, আজ আমাকে অন্য জায়গায় খুঁজলে মিলবে কেন।

প্রথম। তুমি যে আমাদের উৎসবের সূত্রধর।

ঠাকুরদা। তাই তো আমি দ্বারে।

দ্বিতীয়। আজ তুমি বুঝি এই কুন্ড সূত্রধর মৃদল ভোষল এদের নিয়েই আছ? দেশবিদেশের কত রাজা এল, তাদের সঙ্গ পরিচয় করে নেবে না?

ঠাকুরদা। ভাই, এরা সব সরল লোক। চুপ করে কেবল এদের পাশে দাঁড়িয়ে থাকলেও এরা ভাবে, এদের যেন কত সেবা করলুম। আর যারা মস্ত লোক তাদের কাছে মূণ্ডটাও যদি খসিয়ে দেওয়া যায় তারা মনে করে, লোকটা বাজে জিনিস দিয়ে ঠকিয়ে গেল।

প্রথম। এখন চলো দাদা।

ঠাকুরদা। না ভাই, আজ আমার এইখানেই দাঁড়িয়ে দাঁড়িয়ে চলা। সকলের চলাচলেই আমার মন ছুটছে। তবে আর কী; এইবারে শুরুর করা যাক।

সকলের গান

মোদের	কিছু নাই রে নাই,
আমরা	ঘরে বাইরে গাই—
	তাইরে নাইরে নাইরে না।
যতই	দিবস যায় রে যায়
	গাই রে স্নেহে হাস রে হাস—
	তাইরে নাইরে নাইরে না।
যারা	সোনার চোরাবারিল 'পরে
	পাকা ঘরের ভিত্তি গড়ে
তাদের	সামনে মোরা গান গেয়ে যাই—
	তাইরে নাইরে নাইরে না।
যখন	থেকে থেকে গাঁঠের পানে
	গাঁঠ-কাটার দৃষ্টি হানে
তখন	শূন্য ঝুলি দেখায়ে গাই—
	তাইরে নাইরে নাইরে না।
যখন	দ্বারে আসে মরণ-বুড়ি
	মুখে তাহার বাজাই তুড়ি,

তখন      তান দিয়ে গান জুড়ি রে ভাই—  
                  তাইরে নাইরে নাইরে না।  
 এ যে      বসন্তরাজ এসেছে আজ,  
                  বাইরে তাহার উজ্জ্বল সাজ,  
 ওরে      অন্তরে তার বৈরাগী গায়—  
                  তাইরে নাইরে নাইরে না।  
 সে যে      উৎসর্বাদিন চুকিয়ে দিয়ে,  
                  ঝরিয়ে দিয়ে, শুকিয়ে দিয়ে,  
 দুই      রিক্ত হাতে তাল দিয়ে গায়—  
                  তাইরে নাইরে নাইরে না।

[ প্রস্থান

একদল স্ত্রীলোকের প্রবেশ

প্রথমা। ঠাকুরদা।

ঠাকুরদা। কী ভাই।

প্রথমা। আজ বসন্তপূর্ণিমার চাঁদের সঙ্গে মালা-বদল করব এই পণ করে ঘর থেকে বেরিয়েছি।

ঠাকুরদা। কিন্তু পণ রক্ষা হওয়া কঠিন দেখছি।

দ্বিতীয়া। কেন বলো তো।

ঠাকুরদা। তোমাদের ঠাকরুন্দিদি কেবল একখানিমাাত্র মালা আমার গলায় পরিয়েছেন।

তৃতীয়া। দেখেছ দেখেছ, ঠাকুরদার বিনয়টা একবার দেখেছ!

দ্বিতীয়া। হায় রে হায়, আকাশের চাঁদের এতদূর অধঃপতন হল!

ঠাকুরদা। যে ফাঁদ তোমরা পেতেছ, ধরা না দিয়ে বাঁচে কী করে।

প্রথমা। তবে তাই বলো, আমাদের ফাঁদের গুণ।

ঠাকুরদা। চাঁদেরও গুণ আছে, উপযুক্ত ফাঁদ দেখলে সে আপনি ধরা দেয়।

তৃতীয়া। আচ্ছা, ঠাকরুন্দিদির হিসেবটা কিরকম। আজ উৎসবের দিনে না-হয় দুটো বেশি করেই মালা দিতেন।

ঠাকুরদা। যতই দিতেন কুলোত না, সেইজন্যে আজ একটিমাত্র দিয়েছেন। একটির কোনো বালাই নেই।

দ্বিতীয়া। ঠাকুরদা, তুমি দরজা ছেড়ে নড়বে না?

ঠাকুরদা। হাঁ ভাই, সকলকে এগিয়ে দেব, তার পর সব-শেষে আমি।

[ স্ত্রীলোকদের প্রস্থান

নাচের দলের প্রবেশ

ঠাকুরদা। আরে, এসো এসো।

প্রথম। আমাদের নটরাজ তুমি, তোমাকে খুঁজে বেড়াচ্ছিলুম।

ঠাকুরদা। আমি দরজার কাছে খাড়া আছি; জানি, এইখান দিয়েই সবাইকে যেতে হবে। তোমাদের দেখলেই পা-দুটো ছট্‌ফট্‌ করে। একবার নাচিয়ে দিয়ে যাও।

নৃত্য ও গীত

মম চিন্তে নিতি নৃত্যে কে যে নাচে

তাতা থৈথৈ তাতা থৈথৈ তাতা থৈথৈ।

তারি সঙ্গে কী মৃদঙ্গে সদা বাজে

তাতা থৈথৈ তাতা থৈথৈ তাতা থৈথৈ।  
 হাসিকান্না হীরাপান্না দোলে ভালে,  
 কাঁপে ছন্দে ভালোমন্দ তালে তালে,  
 নাচে জন্ম, নাচে মৃত্যু পাছে পাছে  
 তাতা থৈথৈ তাতা থৈথৈ তাতা থৈথৈ।  
 কণী আনন্দ, কণী আনন্দ, কণী আনন্দ—  
 দিব্যারাত্রি নাচে মৃদুস্তি, নাচে বন্ধ,  
 সে তরঙ্গে ছুটি রঙ্গে পাছে পাছে  
 তাতা থৈথৈ তাতা থৈথৈ তাতা থৈথৈ।

ঠাকুরদা। যাও যাও ভাই, তোমরা নেচে বেড়াও গে, নাচিয়ে বেড়াও গে যাও।

[নাচের দলের প্রস্থান]

#### নাগরিকদল

প্রথম। ঠাকুরদা, আমাদের রাজা নেই এ কথা দৃশ্যে বার বলব।

ঠাকুরদা। কেবলমাত্র দৃশ্যে বার? এত কঠিন সংস্রমের দরকার কী—পাঁচ শো বার বল-না।

স্বিতীয়। ফাঁকি দিয়ে কতদিন তোমরা মানুষকে ভুলিয়ে রাখবে।

ঠাকুরদা। নিজেও ভুলেছি ভাই।

তৃতীয়। আমরা চারি দিকে প্রচার করে বেড়াব, আমাদের রাজা নেই।

ঠাকুরদা। কার সঙ্গে ঝগড়া করবে বলো। তোমাদের রাজা তো কারও কানে ধরে বলছেন না 'আমি আছি'। তিনি তো বলেন, তোমরাই আছ। তাঁর সবই তো তোমাদেরই জন্যে।

প্রথম। এই তো, আমরা রাস্তা দিয়ে চেঁচিয়ে যাচ্ছি—'রাজা নেই'। যদি রাজা থাকে সে কী করতে পারে করুক-না।

ঠাকুরদা। কিচ্ছু করবে না।

স্বিতীয়। আমার পঁচিশ বছরের ছেলেটা সাত দিনের জ্বরে মারা গেল। দেশে যদি ধর্মের রাজা থাকবে তবে কি এমন অকালমৃত্যু ঘটে।

ঠাকুরদা। ওরে, তবু তো এখনো তোর দৃশ্যে ছেলে আছে—আমার যে একে একে পাঁচ ছেলে মারা গেল, একটি বাকি রইল না।

তৃতীয়। তবে?

ঠাকুরদা। তবে কী রে। ছেলে তো গেলই, তাই বলে কি ঝগড়া করে রাজাকেও হারাব। এমন বোকা!

প্রথম। ঘরে যাদের অন্ন জেটে না তাদের আবার রাজা কিসের!

ঠাকুরদা। ঠিক বলেছিস ভাই। তা সেই অন্ন-রাজাকেই খুঁজে বের কর! ঘরে বসে হাহাকার করলেই তো তিনি দর্শন দেবেন না।

স্বিতীয়। আমাদের রাজার বিচারটা কিরকম দেখো-না। ঐ আমাদের ভদ্রসেন, রাজা বলতে সে একেবারে অজ্ঞান হয়ে পড়ে, কিন্তু তার ঘরের এমন দশা যে চামচিকেগুলোরও থাকবার কষ্ট হয়।

ঠাকুরদা। আমার দশাটাই দেখ-না। রাজার দরজায় সমস্ত দিনই তো খাটছি—আজ পর্যন্ত দুটো পয়সা পুরস্কার মিলল না।

তৃতীয়। তবে?

ঠাকুরদা। তবে কী রে। তাই নিয়েই তো আমার অহংকার। বন্ধুকে কি কেউ কোনোদিন পুরস্কার দেয়। তা, যা ভাই, আনন্দ করে বলে বেড়া গে—রাজা নেই। আজ আমাদের নানা সদ্রের উৎসব—সব সদ্রই ঠিক এক তানে মিলবে।

## গান

বসন্তে কি শৃঙ্খল কেবল ফোটা ফুলের মেলা রে।  
 দেখিস নে কি শৃঙ্খলো পাতা ঝরা ফুলের খেলা রে।  
 যে ঢেউ ওঠে তারি সুরে  
 বাজে কি গান সাগর জুড়ে।  
 যে ঢেউ পড়ে তাহারো সুর জাগছে সারা বেলা রে।  
 বসন্তে আজ দেখ রে তোরা ঝরা ফুলের খেলা রে।  
 আমার প্রভুর পায়ের তলে  
 শৃঙ্খলই কি রে মানিক জ্বলে।  
 চরণে তাঁর লুটিয়ে কাঁদে লক্ষ মাটির ঢেলা রে।  
 আমার গুরুদর আসন-কাছে  
 সুরোধ ছেলে ক-জন আছে।  
 অবোধ জনে কোল দিয়েছেন, তাই আমি তাঁর ঢেলা রে।  
 উৎসবরাজ দেখেন চেয়ে ঝরা ফুলের খেলা রে।

## ৪

## প্রাসাদশিখর

## সুদর্শনা ও সখী রোহিণী

সুদর্শনা। ওলো রোহিণী, তুই আমার রাজাকে কি কখনো দেখিস নি।

রোহিণী। শুনছি প্রজারা সবাই দেখেছে, কিন্তু চিনেছে খুব অল্প লোকে। সেইজন্যে যখনই কাউকে দেখে মনটা চমকে ওঠে তখনই মনে করি, এই বৃদ্ধি হবে রাজা। আবার দু দিন পরে ভুল ভাঙে।

সুদর্শনা। ঐ ভুল তোরা করতে পারিস, কিন্তু আমার ভুল হতে পারে না। আমি হলুম রানী। ঐ তো আমার রাজাই বটে।

রোহিণী। তোমাকে তিনি কত মান দিয়েছেন; তিনি কি তোমাকে চেনাতে দেরি করতে পারেন।

সুদর্শনা। ঐ মূর্তি দেখলেই চিত্ত যে আপনি খাঁচার পাখির মতো চঞ্চল হয়ে ওঠে। ওর কথা ভালো করে জিজ্ঞাসা করে এসেছিস তো?

রোহিণী। এসেছি বৈকি। যাকে জিজ্ঞাসা করি সেই তো বলে—রাজা।

সুদর্শনা। কোথাকার রাজা।

রোহিণী। আমাদেরই রাজা।

সুদর্শনা। ঐ যার মাথায় ফুলের ছাতা ধরে আছে তার কথাই তো বলছিস?

রোহিণী। হাঁ, ঐ যাঁর পতাকায় কিংশুক আঁকা।

সুদর্শনা। আমি তো দেখবামাত্রই চিনেছি, বরষা তোর মনে সন্দেহ এসেছিল।

রোহিণী। আমাদের যে সাহস অল্প, তাই ভয় হয়, কী জানি যদি ভুল করি তবে অপরাধ হবে।

সুদর্শনা। আহা, যদি সুরঙ্গমা থাকত তা হলে কোনো সংশয় থাকত না।

রোহিণী। সুরঙ্গমাই আমাদের সকলের চেয়ে সোয়ানা হল বৃদ্ধি!

সুদর্শনা। তা যা বলিস। সে তাঁকে ঠিক চেনে।

রোহিণী। এ কথা আমি কখনো মানব না। ও তার ভান। বললেই হল চিনি, কেউ তো পরীক্ষা করে নিতে পারবে না। আমরা যদি ওর মতো নিলজ্জ হতুম তা হলে এমন কথা আমাদেরও মুখে আটকাত না।

সুদর্শনা। না না, সে তো বলে না কিছু।

রোহিণী। ভাব দেখায়। সে যে বলার চেয়ে আরও বেশি। কত ছলই যে জানে! ঐজন্যই তো আমাদের কেউ তাকে দেখতে পারে না।

সুদর্শনা। যাই হোক, সে থাকলে একবার তাকে জিজ্ঞাসা করে দেখতুম।

রোহিণী। সে তো কখনো কোথাও বেরায় না—আজ দেখি সে সাজসজ্জা করে উৎসব করতে বেরিয়েছে। তার রঙ্গ দেখে হেসে বাঁচি নে।

সুদর্শনা। আজ যে প্রভুর হুকুম, তাই সে সেজেছে।

রোহিণী। তা বেশ মহারানী, আমাদের কথায় কাজ কবী। যদি ইচ্ছা করেন তাকেই ডেকে আনি, তার মুখ থেকেই সন্দেহভঞ্জন হোক। তার ভাগ্য ভালো, রানীর কাছে রাজার পরিচয় সেই করিয়ে দেবে।

সুদর্শনা। না না, পরিচয় কাউকে করাতে হবে না—তবু কথাটা সকলেরই মূখে শুনতে ইচ্ছে করে।

রোহিণী। সকলেই তো বলছে—ঐ দেখো-না, তাঁর জয়ধ্বনি এখান থেকে শোনা যাচ্ছে।

সুদর্শনা। তবে এক কাজ কর। পশ্চিমপাতায় করে এই ফুলগুদালি তাঁর হাতে দিয়ে আয় গে।

রোহিণী। যদি জিজ্ঞাসা করেন, কে দিলে।

সুদর্শনা। তার কোনো উত্তর দিতে হবে না—তিনি ঠিক বুদ্ধিতে পারবেন। তাঁর মনে ছিল, আমি চিনতেই পারব না—ধরা পড়েছেন সেটা না জানিয়ে ছাড়িছ নে। (ফুল লইয়া রোহিণীর প্রস্থান) আমার মন আজ এমনি চঞ্চল হয়েছে, এমন তো কোনোদিন হয় না। এই পূর্ণিমার আলো মদের ফেনার মতো চারি দিকে উপচিয়ে পড়ছে, আমাকে যেন মাতাল করে তুলেছে। ওগো বসন্ত, যে সব ভীরু লাজুক ফুল পাতার আড়ালে গভীর রাতে ফোটে, যেমন করে তাদের গন্ধ উড়িয়ে নিয়ে চলেছ তেমনি তুমি আমার মনকে হঠাৎ কোথায় উদাস করে দিলে, তাকে মাটিতে পা ফেলতে দিলে না—ওরে প্রতিহারী।

প্রতিহারী। (প্রবেশ করিয়া) কবী মহারানী।

সুদর্শনা। ঐ যে আশ্রবনের বাঁথকার ভিতর দিয়ে উৎসব-বালকেরা আজ গান গেয়ে যাচ্ছে—ডাক্ ডাক্, ওদের ডেকে নিয়ে আয়—একটু গান শুনি। (প্রতিহারীর প্রস্থান) ভগবান চন্দ্রমা, আজ আমার এই চঞ্চলতার উপরে তুমি যেন কেবলই কটাক্ষপাত করছ! তোমার স্মিত কোঁতুকে সমস্ত আকাশ যেন ভরে গেছে—কোথাও আমার আর লুকোবার জায়গা নেই—আমি কেমন আপনার দিকে চেয়ে আপনি লজ্জা পাচ্ছি! ভয় লজ্জা সুখ দুঃখ সব মিলে আমার বুকের মধ্যে আজ নৃত্য করছে—শরীরের রক্ত নাচছে, চারি দিকের জগৎ নাচছে, সমস্ত ব্যাপসা ঠেকছে।

#### বালকগণের প্রবেশ

এসো এসো, তোমরা সব মূর্তিমান কিশোর বসন্ত, ধরো, তোমাদের গান ধরো। আমার সমস্ত শরীর মন গান গাইছে, অথচ আমার কণ্ঠে সুর আসছে না। তোমরা আমার হয়ে গান গেয়ে যাও।

#### বালকগণের গান

বিরহ মধুর হল আজি

মধুরাতে।

গভীর রাগিণী উঠে বাজি

বেদনাতে।

ভরি দিয়া পদ্বর্গমানিশা  
 অধীর অদর্শনতৃষা  
 কী করুণ মরীচিকা আনে  
 আঁখিপাতে!  
 সদুদরের সদুগন্ধধারা  
 বায়ুভরে  
 পরানে আমার পথহারা  
 ঘুরে মরে।  
 কার বাণী কোন্ সুরে তালে  
 মর্মরে পল্লবজালে,  
 বাজে মম মঞ্জীররাজি  
 সাথে সাথে।

সদুদর্শনা। হয়েছে হয়েছে, আর না। তোমাদের এই গান শুনে চোখে জল ভরে আসছে। আমার মনে হচ্ছে, যা পাবার জিনিস তাকে হাতে পাবার জো নেই; তাকে হাতে পাবার দরকার নেই। এমনি করে খোঁজার মধ্যেই সমস্ত পাওয়া যেন সুধাময় হয়ে আছে। কোন্ মাধুর্যের সন্ধ্যাসী তোমাদের এই গান শিখিয়ে দিয়েছে গো—ইচ্ছে করছে, চোখে-দেখা কানে-শোনা ঘুচিয়ে দিই, হৃদয়ের ভিতরটাতে যে গহন পথের কুঞ্জবন আছে সেইখানকার ছায়ার মধ্যে উদাস হয়ে চলে যাই। ওগো কুমার তাপসগণ, তোমাদের আমি কী দেব বলো। আমার গলায় এ কেবল রত্নের মালা, এ কঠিন হার তোমাদের কণ্ঠে পীড়া দেবে। তোমরা যে ফুলের মালা পরেছ ওর মতো কিছই আমার কাছে নেই।

[প্রণাম করিয়া বালকগণের প্রস্থান]

#### রোহিণীর প্রবেশ

সদুদর্শনা। ভালো করি নি, ভালো করি নি রোহিণী। তোর কাছে সমস্ত বিবরণ শুনতে আমার লজ্জা করছে। এইমাত্র হঠাৎ বৃষ্টিতে পেরেছি, যা সকলের চেয়ে বড়ো পাওয়া তা ছুঁয়ে পাওয়া নয়, তেমনি যা সকলের চেয়ে বড়ো দেওয়া তা হাতে করে দেওয়া নয়। তবু বল, কী হল বল্।

রোহিণী। আমি তো রাজার হাতে ফুল দিলুম, কিন্তু তিনি যে কিছু বুঝলেন এমন তো মনে হল না।

সদুদর্শনা। বলিস কী! তিনি বুঝতে পারলেন না?

রোহিণী। না, তিনি অবাক হয়ে চেয়ে পদতুলটির মতো বসে রইলেন। কিছু বুঝলেন না এইটে পাছে ধরা পড়ে সেইজন্যে একটি কথা কইলেন না।

সদুদর্শনা। ছি ছি ছি, আমার যেমন প্রগল্ভতা তেমনি শাস্তি হয়েছে। তুই আমার ফুল ফিরিয়ে আনলি নে কেন।

রোহিণী। ফিরিয়ে আনব কী করে। পাশে ছিলেন কাণ্ডীর রাজা। তিনি খুব চতুর—চকিতে সমস্ত বুঝতে পারলেন; মূঢ়কে হেসে বললেন, 'মহারাজ, মহিষী সদুদর্শনা আজ বসন্তসখার পূজার পদ্পে মহারাজের অভ্যর্থনা করছেন।' শুনেন হঠাৎ তিনি সচেতন হয়ে উঠে বললেন, 'আমার রাজসম্মান পরিপূর্ণ হল।' আমি লজ্জিত হয়ে ফিরে আসছিলাম, এমন সময়ে কাণ্ডীর রাজা মহারাজের গলা থেকে স্বহস্তে এই মন্ত্রার মালাটি খুলে নিয়ে আমাকে বললেন, 'সখী, তুমি যে সৌভাগ্য বহন করে এনেছ তার কাছে পরাভব স্বীকার করে মহারাজের কণ্ঠের মালা তোমার হাতে আত্মসমর্পণ করছে।'

সদুদর্শনা। কাণ্ডীর রাজাকে বুঝিয়ে দিতে হল! আজকের পদ্বর্গমার উৎসব আমার অপমান

একেবারে উদ্ঘাটিত করে দিলে। তা' হোক, যা, তুই যা। আমি একটু একলা থাকতে চাই। (রোহিণীর প্রস্থান) আজ এমন করে আমার দৰ্প চূর্ণ হয়েছে, তবু সেই মোহন রূপের কাছ থেকে মন ফেরাতে পারছি নে। অভিমান আর রইল না—পরাভব, সর্বগ্রহী পরাভব—বিমুখ হয়ে থাকব সে শক্তিটুকুও নেই। কেবল ইচ্ছে করছে, ঐ মালাটা রোহিণীর কাছ থেকে চেয়ে নিই। কিন্তু ও কী মনে করবে! রোহিণী!

রোহিণী। (প্রবেশ করিয়া) কী মহারানী।

সুদর্শনা। আজকের ব্যাপারে তুই কি পুরস্কার পাবার যোগ্য।

রোহিণী। তোমার কাছে না হোক, যিনি দিয়েছেন তাঁর কাছ থেকে পেতে পারি।

সুদর্শনা। না না, ওকে দেওয়া বলে না, ও জোর করে নেওয়া।

রোহিণী। তবু, রাজকণ্ঠের অনাদরের মালাকেও অনাদর করি এমন স্পর্ধা আমার নয়।

সুদর্শনা। এ অবজ্ঞার মালা তোর গলায় দেখতে আমার ভালো লাগছে না। দে, ওটা খুলে দে। ওর বদলে আমার হাতের কঙ্কণটা তোকে দিলুম—এই নিয়ে তুই চলে যা। (রোহিণীর প্রস্থান) হার হল, আমার হার হল। এ মালা ছুঁড়ে ফেলে দেওয়া উচিত ছিল—পারলুম না। এ যে কাঁটার মালার মতো আমার আঙুলে বিঁধছে, তবু ত্যাগ করতে পারলুম না। উৎসব-দেবতার হাত থেকে এই কি আমি পেলুম—এই অগৌরবের মালা।

## ৫

### কুঞ্জম্বার

#### ঠাকুরদা ও একদল লোক

ঠাকুরদা। কী ভাই, হল তোমাদের?

প্রথম। খুব হল ঠাকুরদা। এই দেখে-না, একেবারে লালে লাল করে দিয়েছে। কেউ বাকি নেই।

ঠাকুরদা। বলিস কী। রাজাগুলোকে সুন্দর রাঙিয়েছে নাকি।

দ্বিতীয়। ওরে বাস্ রে! কাছে ঘেঁষে কে। তারা সব বেড়ার মধ্যে খাড়া হয়ে রইল।

ঠাকুরদা। হায় হায়, বড়ো ফাঁকিতে পড়েছে। একটুও রঙ ধরাতে পারলি নে। জোর করে ঢুকে পড়তে হয়।

তৃতীয়। ও দাদা, তাদের রাঙা সে আর-এক রঙের। তাদের চক্ষু রাঙা, তাদের পাইকগুলোর পাগড়ি রাঙা; তার উপরে খোলা তলোয়ারের যেরকম ভিঙ্গি দেখলুম, একটু কাছে ঘেঁষলেই একেবারে চরম রাঙা রাঙিয়ে দিত।

ঠাকুরদা। বেশ করেছিস—ঘেঁষিস নি। পৃথিবীতে ওদের নির্বাসনদণ্ড—ওদের তফাতে রেখে চলতেই হবে। এখন বাড়ি চলোছিস বৃদ্ধি?

দ্বিতীয়। হাঁ দাদা, রাত তো আড়াই পহর হয়ে গেল। ভূমি যে ভিতরে গেলে না?

ঠাকুরদা। এখনও ডাক পড়ল না—ম্বারেই আছি।

তৃতীয়। তোমার শম্ভু-সুধনরা সব গেল কোথায়।

ঠাকুরদা। তাদের ঘুম পেয়ে গেল—শুতে গেছে।

প্রথম। তারা কি তোমার সঙ্গে অমন খাড়া জাগতে পারে।

বাউলের দল

গান

যা ছিল কালো ধলো

তোমার রঙে রঙে রাঙা হল।

যেমন রাঙাবরণ তোমার চরণ

তার সনে আর ভেদ না র'ল।

রাঙা হল বসন ভূষণ, রাঙা হল শয়ন স্বপন—

মন হল কেমন দেখ রে, যেমন

রাঙা কমল টলমল।

ঠাকুরদা। বেশ ভাই, বেশ। খুব খেলা জমিয়েছিল?

বাউল। খুব খুব। সব লালে লাল। কেবল আকাশের চাঁদটাই ফাঁকি দিয়েছে— সাদাই রয়ে গেল।

ঠাকুরদা। বাইরে থেকে দেখাচ্ছে যেন বড়ো ভালোমানুষ। ওর সাদা চাদরটা খুলে দেখতিস যদি তা হলে ওর বিদ্যে ধরা পড়ত। চুপিচুপি ও যে আজ কত রঙ ছিড়িয়েছে, এখানে দাঁড়িয়ে সব দেখেছি। অথচ ও নিজে কি এমনি সাদাই থেকে যাবে।

গান

আহা, তোমার সঙ্গে প্রাণের খেলা

প্রিয় আমার ওগো প্রিয়!

বড়ো উতলা আজ পরান আমার

খেলাতে হার মানবে কি ও।

কেবল তুমিই কি গো এমনি ভাবে

রাঙিয়ে মোরে পালিয়ে যাবে।

তুমি সাধ করে নাথ, ধরা দিয়ে

আমারও রঙ বন্ধে নিয়ে—

এই হৃৎকমলের রাঙা রেণু

রাঙাবে ওই উত্তরীয়।

[ প্রস্থান

স্বীলোকদের প্রবেশ

প্রথমা। ওমা, ওমা! যেখানে দেখে গিয়েছিলুম সেইখানেই দাঁড়িয়ে আছে গো!

দ্বিতীয়া। আমাদের বসন্তপূর্ণিমা চাঁদ, এত রাত হল তবু একটুও পশ্চিমের দিকে হেলল না।

প্রথমা। আমাদের অচঞ্চল চাঁদটি কার জন্যে পথ চেয়ে আছে ভাই।

ঠাকুরদা। যে তাকে পথে বের করবে তারই জন্যে।

তৃতীয়া। ঘর ছেড়ে এবার পথের মানুষ খুঁজবে বুদ্ধি?

ঠাকুরদা। হাঁ ভাই, সর্বনাশের জন্যে মন-কেমন করছে।

গান

আমার সকল নিয়ে বসে আছি

সর্বনাশের আশায়।

আমি তার লাগি পথ চেয়ে আছি

পথে যে জন ভাসায়।



শ্বিতীয়া। আমাদের তো পথে ভাসাবার শক্তি নেই, পথ ছেড়ে দিয়ে খাওয়াই ভালো। ধরা যে দেবে না তার কাছে ধরা দিয়ে লাভ কী।

ঠাকুরদা। তার কাছে ধরা দিলে, ধরা দেওয়াও যা ছাড়া পাওয়াও তা।

যে জন দেয় না দেখা, যায় যে দেখে,  
ভালোবাসে আড়াল থেকে,  
আমার মন মজেছে সেই গভীরের  
গোপন ভালোবাসায়।

[স্বীকৃতির প্রস্থান]

#### নাচের দলের প্রবেশ

ঠাকুরদা। ও ভাই, রাত তো অর্ধেকের বেশি পার হয়ে এল, কিন্তু মনের স্মৃতি এখনো যে থামতে চাইছে না। তোরা তো বাড়ি চলেছিস, তোদের শেষ নাচটা নাচিয়ে দিয়ে যা।

#### গান

আমার ঘুর লেগেছে— তাধিন তাধিন।  
তোমার পিছন পিছন নেচে নেচে  
ঘুর লেগেছে তাধিন তাধিন।  
তোমার তালে আমার চরণ চলে,  
শুনতে না পাই কে কী বলে—  
তাধিন তাধিন।  
তোমার গানে আমার প্রাণে যে কোন্  
পাগল ছিল সেই জেগেছে—  
তাধিন তাধিন।  
আমার লাজের বাঁধন সাজের বাঁধন  
খসে গেল ভজন সাধন—  
তাধিন তাধিন।  
বিষম নাচের বেগে দোলা লেগে  
ভাবনা যত সব ভেগেছে—  
তাধিন তাধিন।

[নাচের দলের প্রস্থান]

#### সুরঙ্গমার প্রবেশ

সুরঙ্গমা। এতক্ষণ কী করছিলে ঠাকুরদা।

ঠাকুরদা। সবারের কাছে ছিলাম।

সুরঙ্গমা। সে কাজ তো শেষ হল। একটি মানদ্বণ্ড নেই— সবাই চলে গেছে।

ঠাকুরদা। এবার তবে ভিতরে চাঁল।

সুরঙ্গমা। কোন্‌খানে বাঁশি বাজছে, এবার বাতাসে কান দিলে বোঝা যাবে।

ঠাকুরদা। সবাই যখন নিজের তালপাতার ভেঁপু বাজাচ্ছিল তখন বিষম গোল।

সুরঙ্গমা। উৎসবে ভেঁপুর ব্যবস্থা তিনিই করে রেখেছেন।

ঠাকুরদা। তাঁর বাঁশি কারো বাজনা ছাপিয়ে ওঠে না, তা হলে লজ্জায় আর-সকলের তান বন্ধ হয়ে যেত।

সুরঙ্গমা। দেখো ঠাকুরদা, আজ এই উৎসবের ভিতরে ভিতরে কেবলই আমার মনে হচ্ছে, রাজা আমাকে এবার দৃষ্ট দেবেন।

ঠাকুরদা। দঃখ দেবেন!

সদ্রঙ্গমা। হাঁ ঠাকুরদা। এবার আমাকে দূরে পাঠিয়ে দেবেন, অনেকদিন কাছে আছি সে তাঁর সইছে না।

ঠাকুরদা। এবার তবে কাঁটাবনের পার থেকে তোমাকে দিয়ে পারিজাত তুলিয়ে আনাবেন। সেই দুর্গমের খবরটা আমরা যেন পাই ভাই।

সদ্রঙ্গমা। তোমার নাকি কোনো খবর পেতে বাকি আছে! রাজার কাজে কোন্ পথটাতেই বা তুমি না চলেছ। হঠাৎ নতুন হুকুম এলে আমাদেরই পথ খুঁজে বেড়াতে হয়।

গান

পদ্প ফুটে কোন্ কুজবনে  
কোন্ নিভুতে রে, কোন্ গহনে।  
মাভিল আকুল দক্ষিণায়ু,  
সৌরভচণ্ডল সগুণে  
কোন্ নিভুতে রে, কোন্ গহনে।  
কাটিল ক্রান্ত বসন্তনিশা  
বাহির-অঙ্গন-সঙ্গী-সনে।  
উৎসবরাজ কোথায় বিরাজে—  
কে লয়ে যাবে সে ভবনে,  
কোন্ নিভুতে রে কোন্ গহনে।

[সদ্রঙ্গমার প্রস্থান]

রাজবেশী ও কাণ্ডীরাজের প্রবেশ

কাণ্ডী। তোমাকে যেমন পরামর্শ দিয়েছি ঠিক সেইরকম করেছে। ভুল না হয়।

রাজবেশী। ভুল হবে না।

কাণ্ডী। করভোদ্যানের মতোই রানীর প্রাসাদ।

রাজবেশী। হাঁ মহারাজ, সে আমি দেখে নিয়েছি।

কাণ্ডী। সেই উদ্যানে আগুন লাগিয়ে দেবে—তার পরে অগ্নিদাহের গোলমালের মধ্যে কার্যসিদ্ধি করতে হবে।

রাজবেশী। কিছু অন্যথা হবে না।

কাণ্ডী। দেখো হে ভণ্ডরাজ, আমার কেবলই মনে হচ্ছে, আমরা মিথ্যে ভয়ে ভয়ে চলছি, এ দেশে রাজা নেই।

রাজবেশী। সেই অরাজকতা দূর করবার জন্যেই তো আমার চেষ্টা। সাধারণ লোকের জন্যে, সত্য হোক মিথ্যে হোক একটা রাজা চাই—নইলে অনিশ্চয় ঘটে।

কাণ্ডী। হে সাধু, লোকহিতের জন্যে তোমার এই আশ্চর্য ভাগস্বীকার আমাদের সকলেরই পক্ষে একটা দৃষ্টান্ত। ভাবছি যে, এই হিতকাৰ্য্যটা নিজেই করব। (সহসা ঠাকুরদাকে দেখিয়া) কে হে, কে তুমি। কোথায় লুকিয়ে ছিলে।

ঠাকুরদা। লুকিয়ে থাকি নি। অত্যন্ত ক্ষুদ্র বলে আপনাদের চোখে পড়ি নি।

রাজবেশী। ইনি এ দেশের রাজাকে নিজের বন্ধু বলে পরিচয় দেন, নির্বোধেরা বিশ্বাস করে।

ঠাকুরদা। বুদ্ধিমানদের কিছুতেই সন্দেহ ঘোচে না, তাই নির্বোধ নিয়েই আমাদের কারবার।

কাণ্ডী। তুমি আমাদের সব কথা শুনেছ?

ঠাকুরদা। আপনারা আগুন লাগাবার পরামর্শ করছিলেন।

কাণ্ডী। তুমি আমাদের বন্দী, চলো শিবিরে।

ঠাকুরদা। আজ তবে বৃষ্টি এমনি করেই তলব পড়ল?

কাশ্মী। বিড়বিড় করে বকছ কী।

ঠাকুরদা। আমি বলছি, দেশের টান কাটিয়ে কিছুতেই নড়তে পারছিলাম না, তাই বৃষ্টি ভিতর-মহলে টেনে নিয়ে যাবার জন্যে মনিবের পেয়াদা এল।

কাশ্মী। লোকটা পাগল নাকি।

রাজবেশী। ওর কথা ভারি এলোমেলো—বোঝাই যায় না।

কাশ্মী। কথা যত কম বোঝা যায় অবদ্বারা ততই ভাস্কি করে। কিন্তু আমাদের কাছে সে ফন্দি খাটবে না। আমরা স্পষ্ট কথার কারবারি।

ঠাকুরদা। যে আজ্ঞে মহারাজ, চুপ করলুম।

## ৬

### করভোদ্যান

রোহিণী। ব্যাপারখানা কী। কিছু তো বৃষ্টিতে পারছি নে। (মালীদের প্রতি) তোরা সব তাড়াতাড়ি কোথায় চলেছিস।

প্রথম মালী। আমরা বাইরে যাচ্ছি।

রোহিণী। বাইরে কোথায় যাচ্ছিস।

দ্বিতীয় মালী। তা জানি নে, আমাদের রাজা ডেকেছে।

রোহিণী। রাজা তো বাগানেই আছে। কোন্ রাজা।

প্রথম মালী। বলতে পারি নে।

দ্বিতীয় মালী। চিরদিন যে রাজার কাজ করছি সেই রাজা।

রোহিণী। তোরা সবাই চলে যাবি!

প্রথম মালী। হাঁ, সবাই যাব, এখনই যেতে হবে। নইলে বিপদে পড়ব।

[প্রস্থান]

রোহিণী। এরা কী বলে বৃষ্টিতে পারি নে—ভয় করছে। যে নদীর পাড়ি ভেঙে পড়বে সেই পাড়ি ছেড়ে যেমন জন্তুরা পালায় এই বাগান ছেড়ে তেমনি সবাই পালিয়ে যাচ্ছে।

### কোশলরাজের প্রবেশ

কোশল। রোহিণী, তোমাদের রাজা এবং কাশ্মীরাজ কোথায় গেল জান।

রোহিণী। তাঁরা এই বাগানেই আছেন, কিন্তু কোথায় কিছুই জানি নে।

কোশল। তাদের মন্ত্রণাটা ঠিক বৃষ্টিতে পারছি নে। কাশ্মীরাজকে বিশ্বাস করে ভালো করি নি।

[প্রস্থান]

রোহিণী। রাজাদের মধ্যে কী-একটা ব্যাপার চলছে। শীঘ্র একটা দুর্দৈব ঘটবে। আমাদের সন্দেহ জড়াবে না তো?

অবন্তীরাজ। (প্রবেশ করিয়া) রোহিণী, রাজারা সব কোথায় গেল জান।

রোহিণী। তাঁরা কে কোথায় তার ঠিকানা করা শক্ত। এইমাত্র কোশলরাজ এখানে ছিলেন।

অবন্তী। কোশলরাজের জন্যে ভাবনা নেই। তোমাদের রাজা এবং কাশ্মীরাজ কোথায়।

রোহিণী। অনেক ক্ষণ তাঁদের দেখি নি।

অবন্তী। কাশ্মীরাজ কেবলই আমাদের এড়িয়ে এড়িয়ে বেড়াচ্ছে। নিশ্চয় ফাঁকি দেবে। এর মধ্যে থেকে ভালো করি নি। সখী, এ বাগান থেকে বেরোবার পথটা কোথায় জান।

রোহিণী। আমি তো জানি নে।

অবন্তী। দেখিয়ে দিতে পারে এমন কোনো লোক নেই?

রোহিণী। মালীরা সব বাগান ছেড়ে গেছে।

অবন্তী। কেন গেল।

রোহিণী। তাদের কথা ভালো বুঝতে পারলুম না। তারা বললে, রাজা তাদের শীঘ্র বাগান ছেড়ে যেতে বলেছেন।

অবন্তী। রাজা! কোন্ রাজা।

রোহিণী। তারা স্পষ্ট করে বলতে পারলে না।

অবন্তী। এ তো ভালো কথা নয়। যেমন করেই হোক এখান থেকে বেরোবার পথ খুঁজে বের করতেই হবে। আর এক মূহূর্ত এখানে নয়।

[দ্রুত প্রস্থান]

রোহিণী। চিরদিন তো এই বাগানেই আছি, কিন্তু আজ মনে হচ্ছে যেন বাঁধা পড়ে গেছি, বেরিয়ে পড়তে না পারলে নিশ্চয় নেই। রাজাকে দেখতে পেলে যে বাঁচি। পরশু যখন তাঁকে রানীর ফুল দিলুম তখন তিনি তো একরকম আশ্চর্যবিস্মৃত ছিলেন—তার পর থেকে তিনি আমাকে কেবলই পুরস্কার দিচ্ছেন। এই অকারণ পুরস্কারে আমার ভয় আরো বাড়ছে—এত রাতে পাখিরা সব কোথায় উড়ে চলেছে। এরা হঠাৎ এমন ভয় পেল কেন। এখন তো এদের ওড়বার সময় নয়। রানীর পোষা হরিণী ও দিকে দৌড়ল কোথায়। চপলা, চপলা! আমার ডাক শুনলই না। এমন তো কখনোই হয় না। চার দিকের দিগন্ত মাতালের চোখের মতো হঠাৎ লাল হয়ে উঠেছে। যেন চার দিকেই অকালে সূর্যাস্ত হচ্ছে। বিধাতার এ কী উন্মত্ততা আজ! ভয় হচ্ছে। রাজার দেখা কোথায় পাই।

## ৭

### রানীর প্রাসাদ-স্বার

রাজবেশী। এ কী কাণ্ড করেছ কাণ্ডীরাজ।

কাণ্ডী। আমি কেবল এই প্রাসাদের কাছটাতেই আগুন ধরাতে চেয়েছিলুম, সে আগুন যে এত শীঘ্র এমন চার দিকে ধরে উঠবে সে তো আমি মনেও করি নি। এ বাগান থেকে বেরোবার পথ কোথায় শীঘ্র বলে দাও।

রাজবেশী। পথ কোথায় আমি তো কিছুই জানি নে। যারা আমাদের এখানে এনেছিল তাদের একজনকেও দেখাছি নে।

কাণ্ডী। তুমি তো এ দেশের লোক—পথ নিশ্চয় জান।

রাজবেশী। অন্তঃপুরের বাগানে কোনোদিনই প্রবেশ করি নি।

কাণ্ডী। সে আমি বুঝি নে, তোমাকে পথ বলতেই হবে, নইলে তোমাকে দৃ-টুকরো করে কেটে ফেলব।

রাজবেশী। তাতে প্রাণ বেরোবে, পথ বেরোবার কোনো উপায় হবে না।

কাণ্ডী। তবে কেন বলে বেড়াচ্ছিলে, তুমিই এখানকার রাজা।

রাজবেশী। আমি রাজা না, রাজা না। (মাটিতে পড়িয়া জোড়করে) কোথায় আমার রাজা, রক্ষা করো। আমি পারিপুষ্ট, আমাকে রক্ষা করো। আমি বিদ্রোহী, আমাকে দণ্ড দাও, কিন্তু রক্ষা করো।

কাণ্ডী। অমন শূন্যতার কাছে চীৎকার করে লাভ কী। ততক্ষণ পথ বের করবার চেষ্টা করা যাক।

রাজবেশী। আমি এইখানেই পড়ে রইলুম— আমার যা হবার তাই হবে।

কাণ্ডী। সে হবে না। পড়ে মরি তো একলা মরব না, তোমাকে সংগী নেব।

নেপথ্য হইতে। রক্ষা করো রাজা, রক্ষা করো। চারি দিকে আগুন।

কাণ্ডী। মৃত, ওঠ, আর দেরি না।

সুদর্শনা। (প্রবেশ করিয়া) রাজা, রক্ষা করো। আগুনে ঘিরেছে।

রাজবেশী। কোথায় রাজা। আমি রাজা নই।

সুদর্শনা। তুমি রাজা নও!

রাজবেশী। আমি ডাঙ, আমি পাষাণ্ড। (মুকুট মাটিতে ফেলিয়া) আমার ছলনা ধূলিসাৎ হোক।

[কাণ্ডীরাজের সহিত প্রস্থান]

সুদর্শনা। রাজা নয়! এ রাজা নয়! তবে, ভগবান হুতাশন, দগ্ধ করো আমাকে; আমি তোমারই হাতে আত্মসমর্পণ করব। হে পাবন, আমার লজ্জা, আমার বাসনা পুড়িয়ে ছাই করে ফেলো।

রোহিণী। (প্রবেশ করিয়া) রানী, ও দিকে কোথায় যাও। তোমার অন্তঃপদ্যের চার দিকে আগুন ধরে গেছে, ওর মধ্যে প্রবেশ করো না।

সুদর্শনা। আমি তারই মধ্যে প্রবেশ করব। এ আমারই মরবারই আগুন।

[প্রাসাদে প্রবেশ]

## ৮

### অন্ধকার কক্ষ

রাজা। ভয় নেই, তোমার ভয় নেই। আগুন এ ঘরে এসে পৌঁছোবে না।

সুদর্শনা। ভয় আমার নেই—কিন্তু লজ্জা! লজ্জা যে আগুনের মতো আমার সঙ্গে সঙ্গে এসেছে। আমার মুখ-চোখ, আমার সমস্ত হৃদয়টাকে রাঙা করে রেখেছে।

রাজা। এ দাহ মিটেতে সময় লাগবে।

সুদর্শনা। কোনোদিন মিটেবে না, কোনোদিন মিটেবে না।

রাজা। হতাশ হোয়ো না রানী।

সুদর্শনা। তোমার কাছে মিথ্যা বলব না রাজা—আমি আর-এক জনের মালা গলায় পরেছি।

রাজা। ও মালাও যে আমার, নইলে সে পাবে কোথা থেকে। সে আমার ঘর থেকে চুরি করে এনেছে।

সুদর্শনা। কিন্তু এ যে তারই হাতের দেওয়া। তবু তো ত্যাগ করতে পারলুম না। যখন চার দিকে আগুন আমার কাছে এগিয়ে এল তখন একবার মনে করলুম, এই মালাটা আগুনে ফেলে দিই। কিন্তু পারলুম না। আমার পাঁপিস্ত মন বললে, ঐ হার গলায় নিয়ে পড়ে মরব। আমি তোমাকে বাইরে দেখব বলে পতঙ্গের মতো এ কোন্ আগুনে ঝাঁপ দিলুম। আমিও মরি নে, আগুনও নেবে না, এ কী জ্বালা!

রাজা। তোমার সাধ তো মিটেছে, আমাকে তো আজ দেখে নিলে।

সুদর্শনা। আমি কি তোমাকে এমন সর্বনাশের মধ্যে দেখতে চেয়েছিলুম। কী দেখলুম জানি নে, কিন্তু বৃকের মধ্যে এখনো কাঁপছে।

রাজা। কেমন দেখলে রানী।

সুদর্শনা। ভয়ানক, সে ভয়ানক। সে আমার স্মরণ করতেও ভয় হয়। কালো, কালো, তুমি

কালো। আমি কেবল মনুহর্তের জন্যে চেয়েছিলাম। তোমার মন্থের উপর আগুনের আভা লেগেছিল—আমার মনে হল, ধূমকেতু যে আকাশে উঠেছে সেই আকাশের মতো তুমি কালো। তখনই চোখ বন্ধে ফেললাম, আর চাইতে পারলাম না—ঝড়ের মেঘের মতো কালো, কলশন্য সমুদ্রের মতো কালো—তারই তুফানের উপরে সন্ধ্যার রক্তমা।

রাজা। আমি তো তোমাকে পূর্বেই বলেছি, যে লোক আগে থাকতে প্রস্তুত না হয়েছে সে যখন আমাকে হঠাৎ দেখে সহিতে পারে না; আমাকে বিপদ বলে মনে করে আমার কাছ থেকে উদ্ধৃৎস্বাসে পালাতে চায়। এমন কতবার দেখেছি। সেইজন্যে সেই দৃংথ থেকে বাঁচিয়ে ক্রমে ক্রমে তোমার কাছে পরিচয় দিতে চেয়েছিলাম।

সুদর্শনা। কিন্তু পাপ এসে সমস্ত ভেঙে দিলে—এখন আর যে তোমার সঙ্গে তেমন করে পরিচয় হতে পারবে তা মনে করতেও পারি নে।

রাজা। হবে রানী, হবে। যে কালো দেখে আজ তোমার বুক কেঁপে গেছে সেই কালোতেই একদিন তোমার হৃদয় স্থিগ্ধ হয়ে যাবে। নইলে আমার ভালোবাসা কিসের।

গান

আমি রূপে তোমায় ভোলাব না,  
ভালোবাসায় ভোলাব।  
আমি হাত দিয়ে ম্বার খুলব না গো,  
গান দিয়ে ম্বার খোলাব।  
ভরাব না ভূষণভারে,  
সাজাব না ফুলের হারে,  
সোহাগ আমার মাল্য করে  
গলায় তোমার পরাব।  
জানবে না কেউ কোন্ তুফানে  
তরঙ্গদল নাচবে প্রাণে।  
চাঁদের মতো অলখ টানে  
জোয়ারে ঢেউ তোলাব।

সুদর্শনা। হবে না, হবে না; শূন্য তোমার ভালোবাসায় কী হবে। আমার ভালোবাসা যে মন্থ ফিরিয়েছে। রূপের নেশা আমাকে লেগেছে—সে নেশা আমাকে ছাড়াবে না, সে যেন আমার দৃষ্ট চক্ষে আগুন লাগিয়ে দিয়েছে, আমার স্বপন সূক্ষ্ম স্বপ্ন করছে। এই আমি তোমাকে সব কথা বললাম, এখন আমাকে শাস্তি দাও।

রাজা। শাস্তি শূন্য হয়েছে।

সুদর্শনা। কিন্তু তুমি যদি আমাকে ত্যাগ না কর আমি তোমাকে ত্যাগ করব।

রাজা। যতদূর সাধ্য চেষ্টা করে দেখো।

সুদর্শনা। কিছু চেষ্টা করতে হবে না—তোমাকে আমি সহিতে পারছি নে। ভিতরে ভিতরে তোমার উপর রাগ হচ্ছে। কেন তুমি আমাকে—জানি নে, আমাকে তুমি কী করেছ। কিন্তু কেন তুমি এমনতরো। কেন আমাকে লোকে বলেছিল, তুমি সুন্দর! তুমি যে কালো, কালো—তোমাকে আমার কখনো ভালো লাগবে না। আমি যা ভালোবাসি তা আমি দেখেছি—তা ননির মতো কোমল, শিরীষ ফুলের মতো সুকুমার, তা প্রজাপতির মতো সুন্দর।

রাজা। তা মরীচিকার মতো মিথ্যা এবং বদ্বৃদ্দের মতো শূন্য।

সুদর্শনা। তা হোক, কিন্তু আমি পারছি নে, তোমার কাছে দাঁড়াতে পারছি নে। আমাকে এখান থেকে যেতেই হবে। তোমার সঙ্গে মিলন সে আমার পক্ষে একেবারেই অসম্ভব। সে মিলন মিথ্যা হবে, আমার মন অন্য দিকে যাবে।

রাজা। একটুও চেষ্টা করবে না?

সুদর্শনা। কাল থেকে চেষ্টা করছি—কিন্তু যতই চেষ্টা করছি ততই মন আরো বিদ্রোহী হয়ে দাঁড়াচ্ছে। আমি অশুচি, আমি অসতী, তোমার কাছে থাকলে এই ঘৃণা কেবলই আমাকে আঘাত করবে। তাই আমার ইচ্ছে করছে—দূরে চলে যাই, এত দূরে যাই যেখানে তোমাকে আমার আর মনে আনতে হবে না।

রাজা। আচ্ছা, তুমি যত দূরে পার তত দূরেই চলে যাও।

সুদর্শনা। তুমি হাত দিয়ে পথ আটকাও না বলেই তোমার কাছ থেকে পালাতে মনে এত শ্লিষা হয়। তুমি কেশের গুচ্ছ ধরে জোর করে আমাকে টেনে রেখে দাও না কেন। তুমি আমাকে মার না কেন। মারো, মারো, আমাকে মারো। তুমি আমাকে কিছু বলছ না, সেইজন্যই আরো অসহ্য বোধ হচ্ছে।

রাজা। কিছু বলছি নে, কে তোমাকে বললে।

সুদর্শনা। অমন করে নয়, অমন করে নয়, চীৎকার করে বলো, বজ্রগর্জনে বলো—আমার কান থেকে অন্য সকল কথা ডুবিয়ে দিয়ে বলো—আমাকে এত সহজে ছেড়ে দিয়ে না, যেতে দিয়ে না।

রাজা। ছেড়ে দেব, কিন্তু যেতে দেব কেন।

সুদর্শনা। যেতে দেবে না? আমি যাবই।

রাজা। আচ্ছা যাও।

সুদর্শনা। দেখো, তা হলে আমার দোষ নেই। তুমি আমাকে জোর করে ধরে রাখতে পারতে, কিন্তু রাখলে না—আমাকে বাঁধলে না। আমি চললুম। তোমার প্রহরীদের হুকুম দাও, আমাকে ঠেকাক।

রাজা। কেউ ঠেকাবে না। ঝড়ের মূখে ছিন্ন মেঘ যেমন অবাধে চলে তেমনি তুমি অবাধে চলে যাও।

সুদর্শনা। ক্রমেই বেগ বেড়ে উঠছে, এবার নোঙর ছিঁড়ল। হয়তো ডুবব, কিন্তু আর ফিরব না।

[দ্রুত প্রস্থান]

সুস্বপ্নমার প্রবেশ ও গান

ভয়েরে মোর আঘাত করো

ভীষণ, হে ভীষণ।

কঠিন করে চরণ-পরে

প্রণত করো মন।

বেঁধেছ মোরে নিত্যকাজে

প্রাচীরে ঘেরা ঘরের মাঝে,

নিত্য মোরে বেঁধেছে সাজে

সাজের আভরণ।

এসো হে ওহে আকস্মিক,

ঘিরিয়া ফেলো সকল দিক—

মুক্ত পথে উড়ায়ে নিক

নিমেষে এ জীবন।

তাহার পরে প্রকাশ হোক

উদার তব সহাস চোখ,

তব অভয় শান্তিময়

স্বরূপ পুরাতন।

সুদর্শনা। (পুনঃপ্রবেশ করিয়া) রাজা, রাজা!

সুদর্শগমা। তিনি চলে গেছেন।

সুদর্শনা। চলে গেছেন! আচ্ছা বেশ, তা হলে তিনি আমাকে একেবারে ছেড়েই দিলেন। আমি ফিরে এলুম, কিন্তু তিনি অপেক্ষা করলেন না। আচ্ছা, ভালোই হল—তা হলে আমি মুক্ত। সুদর্শগমা, আমাকে ধরে রাখবার জন্যে তিনি কি তোকে বলেছেন।

সুদর্শগমা। না, তিনি কিছুই বলেন নি।

সুদর্শনা। কেনই-বা বলবেন। বলবার তো কথা নয়। তা হলে আমি মুক্ত। আচ্ছা সুদর্শগমা, একটা কথা রাজাকে জিজ্ঞাসা করব মনে করেছিলাম, কিন্তু মুখে বেধে গেল। বল্ দেখি, বন্দীদের তিনি কি প্রাণদণ্ড দিয়েছেন।

সুদর্শগমা। প্রাণদণ্ড? আমার রাজা তো কোনোদিন বিনাশ করে শাস্তি দেন না।

সুদর্শনা। তা হলে ওদের কী হল।

সুদর্শগমা। ওদের তিনি ছেড়ে দিয়েছেন। কাণ্ডীরাজ পরাভব স্বীকার করে দেশে ফিরে গেছেন।

সুদর্শনা। শুনেন বাঁচলুম।

সুদর্শগমা। রানীমা, তোমার কাছে আমার একটি প্রার্থনা আছে।

সুদর্শনা। প্রার্থনা কি মুখে জানাতে হবে মনে করেছি। রাজার কাছ থেকে এ-পর্যন্ত আমি যত অভরণ পেয়েছি সব তোকেই দিয়ে যাব—এ অলংকার আমাকে আর শোভা পায় না।

সুদর্শগমা। মা, আমি যার দাসী তিনি আমাকে নিরাভরণ করেই সাজিয়েছেন। সেই আমার অলংকার। লোকের কাছে গর্ব করতে পারি এমন কিছুই তিনি আমাকে দেন নি।

সুদর্শনা। তবে তুই কী চাস।

সুদর্শগমা। আমি তোমার সঙ্গ যাব।

সুদর্শনা। কী বলিস তুই! তোর প্রভুকে ছেড়ে দূরে যাবি, এ কী রকম প্রার্থনা।

সুদর্শগমা। দূরে নয় মা, তুমি যখন বিপদের মুখে চলেছ, তিনি কাছেই থাকবেন।

সুদর্শনা। পাগলের মতো বকিস নে। আমি রোহিণীকে সঙ্গে নিতে চেয়েছিলাম, সে গেল না। তুই কোন্ সাহসে যেতে চাস।

সুদর্শগমা। সাহস আমার নেই, শক্তিও আমার নেই। কিন্তু আমি যাব—সাহস আপনি আসবে, শক্তিও হবে।

সুদর্শনা। না, তোকে আমি নিতে পারব না। তোর কাছে থাকলে আমার বড়ো গ্লানি হবে, সে আমি সহিতে পারব না।

সুদর্শগমা। মা, তোমার সমস্ত ভালোমন্দ আমি নিজের গায়ে মেখে নিয়েছি। আমাকে পর করে রাখতে পারবে না, আমি যাবই।

গান

আমি তোমার প্রেমে হব সবার  
কলঙ্কভাগী।

আমি সকল দাগে হব দাগী।  
তোমার পথের কাঁটা করব চয়ন—  
যেথা তোমার ধূলার শয়ন  
সেথা আঁচল পাতব আমার  
তোমার রাগে অনুরাগী!

আমি শূঁচি আসন টেনে টেনে  
বেড়াব না বিধান মেনে—  
যে পক্ষে ওই চরণ পড়ে  
তাহারি ছাপ বক্ষে মাঁগি।



## সুদর্শনার পিতা কান্যকুঞ্জরাজ ও মন্ত্রী

কান্যকুঞ্জ। সে আসবার পূর্বেই আমি সমস্ত খবর পেয়েছি।

মন্ত্রী। রাজকন্যা নগরের বাহিরে নদীকূলে দাঁড়িয়ে আছেন, তাঁকে অভ্যর্থনা করে আনবার জন্যে লোকজন পাঠিয়ে দিই?

কান্যকুঞ্জ। হতভাগিনী স্বামীকে ত্যাগ করে আসছে, অভ্যর্থনা করে তার সেই লজ্জা ঘোষণা করে দেবে? অন্ধকার হোক, রাস্তায় যখন লোক থাকবে না তখন সে গোপনে আসবে।

মন্ত্রী। প্রাসাদে তাঁর বাসের ব্যবস্থা করে দিই?

কান্যকুঞ্জ। কিছু করতে হবে না। ইচ্ছা করে সে আপনার একেশ্বরী রানীর পদ ত্যাগ করে এসেছে—এখানে রাজগৃহে তাকে দাসীর কাজে নিযুক্ত থাকতে হবে।

মন্ত্রী। মনে বড়ো কষ্ট পাবেন।

কান্যকুঞ্জ। যদি তাকে কষ্ট থেকে বাঁচাতে চেষ্টা করি তা হলে পিতা-নামের যোগ্য নই।

মন্ত্রী। যেমন আদেশ করেন তাই হবে।

কান্যকুঞ্জ। সে যে আমার কন্যা এ কথা যেন প্রকাশ না হয়—তাহলে বিষম অনর্থপাত ঘটবে।

মন্ত্রী। অনর্থের আশঙ্কা কেন করেন মহারাজ।

কান্যকুঞ্জ। নারী যখন আপন প্রতিষ্ঠা থেকে ভ্রষ্ট হয় তখন সংসারে সে ভয়ঙ্কর বিপদ হয়ে দেখা দেয়। তুমি জান না, আমার এই কন্যাকে আমি আজ কী রকম ভয় করছি। সে আমার ঘরের মধ্যে শনিকে সঙ্গের করে নিয়ে আসছে।

## অন্তঃপদ

সুদর্শনা। যা যা সুরঙ্গমা, তুই- যা! আমার মধ্যে একটা রাগের আগুন জ্বলছে—আমি কাউকে সহ্য করতে পারছি নে। তুই অমন শান্ত হয়ে থাকিস, ওতে আমার আরো রাগ হয়।

সুরঙ্গমা। কার উপর রাগ করছ না!

সুদর্শনা। সে আমি জানি নে, কিন্তু আমার ইচ্ছে করছে—সমস্ত ছারখার হয়ে যাক! অতবড়ো রানীর পদ এক গৃহহর্তে বিসর্জন দিয়ে এলুম, সে কি এমনি কোণে লুকিয়ে ঘর ঝাঁট দেবার জন্যে। মশাল জ্বলে উঠবে না? ধরণী কেঁপে উঠবে না? আমার পতন কি শিউলি ফুলের খসে পড়া। সে কি নক্ষত্রের পতনের মতো অগ্নিময় হয়ে দিগন্তকে বিদীর্ণ করে দেবে না।

সুরঙ্গমা। দাবানল জ্বলে ওঠবার আগে গন্ধরে গন্ধরে ধোঁয়ায়—এখনো সময় যায় নি।

সুদর্শনা। রানীর মহিমা ধূলিসাৎ করে দিয়ে বাইরে চলে এলুম, এখানে আর কেউ নেই যে আমার সঙ্গে মিলবে? একলা—একলা আমি! আমার এতবড়ো ত্যাগ গ্রহণ করে নেবার জন্যে কেউ এক পাও বাড়াবে না?

সুরঙ্গমা। একলা তুমি না—একলা না।

সুদর্শনা। সুরঙ্গমা, তোর কাছে সত্যি করে বলছি, আমাকে পাবার জন্যে প্রাসাদে আগুন লাগিয়েছিল, এতেও আমি রাগ করতে পারি নি—ভিতরে ভিতরে আনন্দে আমার বুক কেঁপে কেঁপে উঠছিল। এতবড়ো অপরাধ! এতবড়ো সাহস! সেই সাহসেই আমার সাহস জাগিয়ে দিলে, সেই আনন্দেই আমার সমস্ত ফেলে দিয়ে আসতে পারলুম। কিন্তু সে কি কেবল আমার কল্পনা! আজ কোথাও তার চিহ্ন দেখি না কেন।

সুদ্রঙ্গমা। তুমি যার কথা মনে ভাবছ সে তো আগুন লাগায় নি, আগুন লাগিয়েছিল কাণ্ডারীজ।

সুদর্শনা। ভীর্দু! ভীর্দু! অমন মনোমোহন রূপ—তার ভিতরে মানুষ নেই। এমন অপদার্থের জন্যে নিজেকে এতবড়ো বশুণা করেছি? লজ্জা! লজ্জা! কিন্তু সুদ্রঙ্গমা, তোর রাজার কি উচিত ছিল না আমাকে এখনো ফেরাবার জন্যে আসে। (সুদ্রঙ্গমা নিরন্তর) তুই ভাবিছিস, ফেরাবার জন্যে ব্যস্ত হয়ে উঠেছি! কখনো না। রাজা এলেও আমি ফিরতুম না। কিন্তু সে একবার বারণও করলে না! চলে যাবার দ্বার একেবারে খোলা রইল! বাইরের নিরাবরণ রাস্তা রানী বলে আমার জন্যে একটু বেদনা বোধ করলে না? সেও তোর রাজার মতোই কঠিন? দীনতম পথের ভিক্ষুকও তার কাছে যেমন আমিও তেমনি! চুপ করে রইলি যে। বল্-না, তোর রাজার এ কী রকম ব্যবহার।

সুদ্রঙ্গমা। সে তো সবাই জানে—আমার রাজা নিষ্ঠুর, কঠিন, তাকে কি কেউ কোনোদিন টলাতে পারে।

সুদর্শনা। তবে তুই তাকে দিনরাত্রি এমন ডাকিস কেন।

সুদ্রঙ্গমা। সে যেন এইরকম পর্বতের মতোই চিরদিন কঠিন থাকে—আমার কান্নায়, আমার ভাবনায় সে যেন টল্‌মল্‌ না করে। আমার দুঃখ আমারই থাক্, সেই কঠিনেরই জয় হোক।

সুদর্শনা। সুদ্রঙ্গমা, দেখ্ তো, ঐ মাঠের পারে পূর্বাঁদিকগেঁত যেন ধুলো উড়ছে।

সুদ্রঙ্গমা। হাঁ, তাই তো দেখছি।

সুদর্শনা। ঐ-যে, রথের ধ্বজার মতো দেখাচ্ছে না?

সুদ্রঙ্গমা। হাঁ, ধ্বজাই তো বটে।

সুদর্শনা। তবে তো আসছে! তবে তো এল!

সুদ্রঙ্গমা। কে আসছে।

সুদর্শনা। আবার কে! তোর রাজা। থাকতে পারবে কেন। এতদিন চুপ করে আছে এই আশ্চর্য।

সুদ্রঙ্গমা। না, এ আমার রাজা নয়।

সুদর্শনা। না বৈকি! তুমি তো সব জান! ভারি কঠিন তোমার রাজা! কিছুতেই টলেন না! দেখি কেমন না টলেন। আমি জানতুম সে ছুটে আসবে। কিন্তু মনে রাখিস সুদ্রঙ্গমা, আমি তাকে এক দিনের জন্যেও ডাকি নি। আমার কাছে তোমার রাজা কেমন করে হার মানে এবার দেখে নিয়ো। সুদ্রঙ্গমা, যা একবার বেরিয়ে গিয়ে দেখে আয় গে। (সুদ্রঙ্গমার প্রস্থান) রাজা এসে আমাকে ডাকলেই বদ্বি যাব? কখনো না। আমি যাব না, যাব না।

সুদ্রঙ্গমার প্রবেশ

সুদ্রঙ্গমা। মা, এ আমার রাজা নয়।

সুদর্শনা। নয়? তুই সত্যি বলছিস? এখনো আমাকে নিতে এল না?

সুদ্রঙ্গমা। না, আমার রাজা এমন করে ধুলো উড়িয়ে আসে না। সে কখন আসে কেউ টেরই পায় না।

সুদর্শনা। এ বদ্বি তবে—

সুদ্রঙ্গমা। কাণ্ডারীজের সঙ্গে সেই আসছে।

সুদর্শনা। তার নাম কী জানিস।

সুদ্রঙ্গমা। তার নাম সুবর্ণ।

সুদর্শনা। তবে তো সে আসছে। ভেবেছিলুম, আবর্জনার মতো বদ্বি বাইরে এসে পড়েছি, কেউ নেবে না—কিন্তু আমার বীর তো আমাকে উদ্ধার করতে আসছে। সুবর্ণকে তুই জানতিস?

সুদ্রঙ্গমা। যখন বাপের বাড়ি ছিলুম তখন সে জুয়োখেলার দলে—

সুদর্শনা। না না, তোর মুখে আমি তার কোনো কথা শুনতে চাই নে। সে আমার বীর, সে আমার পরিপ্ৰাণকর্তা। তার পরিচয় আমি নিজেই পাব। কিন্তু সুদর্শমা, তোর রাজা কেমন বল্ তো। এত হীনতা থেকেও আমাকে উদ্ধার করতে এল না? আমার আর দোষ দিতে পারবি নে। আমি এখানে দিনরাতি দাসীগরি করে তার জন্যে চিরজীবন অপেক্ষা করে থাকতে পারব না। তোর মতো দীনতা করা আমার দ্বারা হবে না। আচ্ছা, সত্যি বল্, তুই তোর রাজাকে খুব ভালোবাসিস?

সুদর্শমার গান

আমি কেবল তোমার দাসী।  
কেমন করে আনব মুখে তোমায় ভালোবাসি!  
গুণ যদি মোর থাকত তবে  
অনেক আদর মিলত ভবে,  
বিনা মূল্যের কেনা আমি শ্রীচরণপ্রসাসী।

১১

শিবির

কাণ্ডী। (কান্যকুবেজর দূতের প্রতি) তোমাদের রাজাকে গিয়ে বলো গে, আমরা তাঁর আতিথ্য গ্রহণ করতে আসি নি। রাজ্যে ফিরে যাবার জন্যে প্রস্তুত হয়ে আছি, কেবল সুদর্শনাকে এখানকার দাসীশালা থেকে উদ্ধার করে নিয়ে যাবার জন্যেই অপেক্ষা।

দূত। মহারাজ, স্মরণ রাখবেন, রাজকন্যা তাঁর পিতৃগৃহে আছেন।

কাণ্ডী। কন্যা যতদিন কুমারী থাকে ততদিনই পিতৃগৃহে তার আশ্রয়।

দূত। কিন্তু পতিকুলের সঙ্গেও তাঁর সম্বন্ধ আছে।

কাণ্ডী। সে সম্বন্ধ তিনি ত্যাগ করেই এসেছেন।

দূত। জীবন থাকতে সে সম্বন্ধ ত্যাগ করা যায় না; মাঝে মাঝে বিচ্ছেদ ঘটে, কিন্তু অবসান ঘটতেই পারে না।

কাণ্ডী। সেজন্য কোনো সংকোচ বোধ করতে হবে না; কারণ, তাঁর স্বামীই স্বয়ং তাঁকে ফিরিয়ে নিতে এসেছেন। রাজন্!

সুদর্শ। কী মহারাজ!

কাণ্ডী। তোমার মহিষীকে কি পিতৃগৃহে দাসীত্বে নিযুক্ত রেখে তুমি স্থির থাকবে।

সুদর্শ। এমন কাপুরুষ আমি না।

দূত। এ যদি আপনাদের পরিহাস-বাক্য না হয় তা হলে রাজভবনে আতিথ্য নিতে দ্বিধা কিসের।

কাণ্ডী। রাজন্!

সুদর্শ। কী মহারাজ!

কাণ্ডী। তুমি কি তোমার মহিষীকে ভিক্ষা করে ফিরিয়ে নিয়ে যাবে।

সুদর্শ। এও কি কখনো হয়!

দূত। তবে কী ইচ্ছা করেন।

কাণ্ডী। সেও কি বলতে হবে।

সুদর্শ। তা তো বটেই। সে তো বন্ধুতেই পারছেন।

কাণ্ঠী। মহারাজ যদি সহজে তাঁর কন্যাকে আমাদের হাতে সমর্পণ না করেন ক্ষত্রিয়ধর্ম-অনুসারে বলপূর্বক নিয়ে যাব, এই আমার শেষ কথা।

দূত। মহারাজ, আমাদের রাজাকেও ক্ষত্রিয়ধর্ম পালন করতে হবে। তিনি তো কেবল স্পর্ধাবাক্য শুনেই আপনার হাতে কন্যা দিয়ে যেতে পারেন না।

কাণ্ঠী। এইরকম উত্তর শোনবার জন্যেই প্রস্তুত হয়ে এসেছি, এই কথা রাজাকে জানাও গে।

[দূতের প্রস্থান]

সুবর্ণ। কাণ্ঠীরাজ, দূঃসাহসিকতা হচ্ছে।

কাণ্ঠী। তাই যদি না হবে তবে এমন কাজে প্রবৃত্ত হয়ে সুখ কী।

সুবর্ণ। কান্যকুব্জরাজকে ভয় না করলেও চলে, কিন্তু—

কাণ্ঠী। 'কিন্তু'কে ভয় করতে আরম্ভ করলে জগতে নিরাপদ জায়গা খুঁজে পাওয়া যায় না।

সুবর্ণ। সত্য বলি মহারাজ, ঐ কিন্তুটি দেখা দেন না, কিন্তু ঠুর কাছ থেকে নিরাপদে পালাবার জায়গা জগতে কোথাও নেই।

কাণ্ঠী। নিজের মনে ভয় থাকলেই ঐ কিন্তুর জোর বেড়ে ওঠে।

সুবর্ণ। ভেবে দেখুন-না, বাগানে কী কাণ্ডটা হল। আপনি আটঘাট বেঁধেই তো কাজ করেছিলেন, তার মধ্যেও কোথা দিয়ে কিন্তু এসে ঢুকে পড়ল। তিনিই তো রাজা, তাঁকে মানব না ভেবেছিলুম—আর না মেনে থাকবার জো রইল না।

কাণ্ঠী। ভয়ে মানুষের বুদ্ধি নষ্ট হয়, তখন মানুষ যা-তা মেনে বসে। সেদিন যা ঘটেছিল সেটা অকস্মাৎ ঘটেছিল।

সুবর্ণ। আপনি যাক অকস্মাৎ বলছেন আমি তাঁকেই কিন্তু বললুম। কোনোমতে তাঁকে বাঁচিয়ে চললেই তবে বাঁচন।

সৈনিকের প্রবেশ

সৈনিক। মহারাজ, কোশলরাজ অবন্তীরাজ ও কলিঙ্গের রাজা সসৈন্যে আসছেন সংবাদ পেলুম।

[প্রস্থান]

কাণ্ঠী। যা ভয় করছিলুম তাই হল। সুদর্শনার পলায়ন-সংবাদ রটে গিয়েছে। এখন সকলে মিলে কাড়াকাড়ি করে সকলকেই ব্যর্থ হতে হবে।

সুবর্ণ। কাজ নেই মহারাজ! এ-সমস্ত ভালো লক্ষণ নয়। আমি নিশ্চয় বলছি, আমাদের রাজাই এই গোপন সংবাদটা রটিয়ে দিয়েছেন।

কাণ্ঠী। কেন। তাতে তাঁর লাভ কী।

সুবর্ণ। লোভীরা পরস্পর কাটাকাটি ছেঁড়াছিঁড়ি করে মরবে—মাকের থেকে যার ধন তিনিই নিয়ে যাবেন।

কাণ্ঠী। এখন বেশ বুঝছি, কেন তোমাদের রাজা দেখা দেন না। ভয়ে তাঁকে সর্বগ্রহী দেখা যাবে, এই তাঁর কৌশল। কিন্তু এখনো আমি বলছি, তোমাদের রাজা আগাগোড়াই ফাঁকি।

সুবর্ণ। কিন্তু মহারাজ, আমাকে ছেড়ে দিন।

কাণ্ঠী। তোমাকে ছাড়তে পারছি নে, তোমাকে এই কাজে আমার বিশেষ প্রয়োজন।

সৈনিকের প্রবেশ

সৈনিক। বিরাট পাণ্ডাল ও বিদর্ভ-রাজও এসেছেন। তাঁদের শিবির নদীর ও পারে।

[প্রস্থান]

কাণ্ঠী। আরম্ভে আমাদের সকলকে মিলে কাজ করতে হবে। কান্যকুব্জের সঙ্গে যুদ্ধটা আগে হয়ে যাক, তার পরে একটা উপায় করা যাবে।

সুদৰ্শন। আমাকে ঐ উপায়টার মধ্যে যদি না টানেন তা হলে নিশ্চিন্ত হতে পারি। আমি অতি হীন ব্যক্তি, আমার দ্বারা—

কাঞ্চী। দেখো হে ভণ্ড, উপায় জিনিসটাই হচ্ছে হীন। সিঁড়ি বল, রাস্তা বল, পায়ের তলাতেই থাকে। উপায় যদি উচ্চশ্রেণীর হয়, তাকে ব্যবহারে লাগাতে অনেক চিন্তার দরকার করে। তোমার মতো লোককে নিয়ে কাজ চালাবার সুবিধে এই যে, কোনোপ্রকার ভণ্ডামি করতে হয় না। কিন্তু আমার মন্ত্রীর সঙ্গে পরামর্শ করতে গেলেও চুরিকে লোকহিত নাম না দিলে শুনতে খারাপ লাগে।

সুদৰ্শন। কিন্তু দেখেছি, মন্ত্রীমশায় কথাটার আসল অর্থটাই বদলে নেন।

কাঞ্চী। এই ভাষাতত্ত্বটুকু তার জানা না থাকলে তাকে মন্ত্রী না করে গোয়ালঘরের ভার দিতুম। যাই, রাজাগদুলোকে একবার বোড়ের মতো চেলে দিয়ে আসি গে। সকলেরই যদি রাজার চাল হয় তা হলে চতুরঙ্গ খেলা চলে না।

## ১২

### অন্তঃপুর

সুদৰ্শন। যুদ্ধ এখনো চলছে?

সুদৰ্শন। হ্যাঁ, এখনো চলছে।

সুদৰ্শন। যুদ্ধে যাবার পূর্বে বাবা এসে বললেন, তুই একজনের হাত থেকে ছেড়ে এসে আজ সাতজনকে টেনে আনলি। ইচ্ছে করছে, তোকে সাত টুকরো করে ওদের সাতজনের মধ্যে ভাগ করে দিই। সত্যিই যদি তাই করতেন, ভালো হত। সুদৰ্শন।

সুদৰ্শন। কী মা!

সুদৰ্শন। তোর রাজার যদি রক্ষা করবার শক্তি থাকত তা হলে আজ তিনি কি নিশ্চিন্ত হয়ে থাকতে পারতেন।

সুদৰ্শন। মা, আমাকে কেন বলছ। আমার রাজার হয়ে উত্তর দেবার শক্তি কি আমার আছে। উত্তর যদি দেন তো নিজেই এমনি করে দেবেন যে, কারো বদ্বতে কিছু বাকি থাকবে না। যদি না দেন তা হলে সকলকেই নির্বাক হয়ে থাকতে হবে। আমি কিছুই বদ্বি নে জানি, সেইজন্যে কোনোদিন তাঁর বিচার করি নে।

সুদৰ্শন। যুদ্ধে কে কে যোগ দিয়েছে বল তো।

সুদৰ্শন। সাতজন রাজাই যোগ দিয়েছে।

সুদৰ্শন। আর কেউ না?

সুদৰ্শন। সুদৰ্শন যুদ্ধের পূর্বেই গোপনে পালাবার চেষ্টা করছিল—কাঞ্চীরাজ তাকে শিবিরে বন্দী করে রেখেছেন।

সুদৰ্শন। আমার মৃত্যুই ভালো ছিল। কিন্তু রাজা, রাজা, আমার পিতাকে রক্ষা করবার জন্যে যদি আসতে তা হলে তোমার যশ বাড়ত বৈ কমত না। আমার অপরাধে তিনি শাস্তি পান কেন।

সুদৰ্শন। সংসারে আমরা তো কেউ একলা নই মা, ভালোমন্দ সকলকেই ভাগ করে নিতে হয়—সেইজন্যেই ভয়, নইলে একলার জন্যে ভয় কিসের।

সুদৰ্শন। দেখ সুদৰ্শন, আমি যখন থেকে এখানে এসেছি কতবার হঠাৎ মনে হয়েছে, আমার জানলার নীচে থেকে যেন বাঁধা বাজছে।

সুদৰ্শন। তা হবে। কেউ হয়তো বাজায়।

সুদর্শনা। সেখানটা ঘন বন, অন্ধকার, মাথা বাড়িয়ে কতবার দেখতে চেষ্টা করি, ভালো করে কিছু দেখতে পাই নে।

সুদর্শগমা। হয়তো কোনো পথিক ছায়ায় বসে বিশ্রাম করে আর বাজায়।

সুদর্শনা। তা হবে। কিন্তু আমার মনে পড়ে আমার সেই বাতায়নটি। সন্ধ্যার সময় সেজে এসে আমি সেখানে দাঁড়াইতুম আর আমাদের সেই দীপ-নেবানো বাসরঘরের অন্ধকার থেকে গানের পর গান, তানের পর তান ফোয়ারার মূখের ধারার মতো উজ্জ্বলিত হয়ে আমার সামনে এসে যেন নানা লীলায় ঝরে ঝরে পড়ত। সেই গানই তো কোন্ অন্ধকারের ভিতর থেকে বেরিয়ে এসে কোন্ অন্ধকারের দিকে আমাকে ডেকে নিয়ে যেত।

সুদর্শগমা। আহা মা, সে কী অন্ধকার! সেই অন্ধকারের দাসী আমি।

সুদর্শনা। আমার জন্যে সেখান থেকে তুই কেন এলি।

সুদর্শগমা। আমার রাজা আবার হাতে ধরে ফিরিয়ে নিয়ে যাবেন, এই আদরটুকু পাবার জন্যে।

সুদর্শনা। না না, তিনি আসবেন না। তিনি আমাদের একেবারে ছেড়ে দিয়েছেন। কেনই বা না ছাড়বেন। অপরাধ তো কম করি নি।

সুদর্শগমা। যদি ছেড়ে দিতেই পারেন তা হলে তাঁকে আর দরকার নেই, তা হলে তিনি নেই, তা হলে আমার সেই অন্ধকার একেবারে শূন্য—তার মধ্যে থেকে বীণা বাজে নি, কেউ ডাকে নি—সমস্ত বণ্ডনা।

#### স্বারীর প্রবেশ

সুদর্শনা। কে তুমি।

স্বারী। আমি এই প্রাসাদের স্বারী।

সুদর্শনা। কী খবর, শীঘ্র বলো।

স্বারী। আমাদের মহারাজ বন্দী হয়েছেন।

সুদর্শনা। বন্দী হয়েছেন! মা গো বসুন্ধরা!

[মূর্ছা]

#### ১৩

#### বন্দী কান্যকুব্জরাজ, অন্যান্য রাজগণ ও সুদর্শনা

কাণ্ডী। রাজগণ, রণক্ষেত্রের কাজ শেষ হল?

কলিঙ্গ। কই শেষ হল। বীরত্বের পুরস্কারটি গ্রহণ করবার পূর্বেই আর-একবার তো বীরত্বের পরিচয় দিতে হবে।

কাণ্ডী। মহারাজ, এখানে তো আমরা জয়মালা নিতে আসি নি, বরমালা নিতে এসেছি।

বিদর্ভ। সেই মালা কি জয়লক্ষ্মীর হাত থেকে নিতে হবে না।

কাণ্ডী। না মহারাজ, পদ্মেপধনুর অন্তঃপুরেই সে মালা গাঁথা হচ্ছে। রক্ত-মাথা হাতে সেটা ছিন্ন করতে গেলে ফুল ধূলায় লুটিটয়ে পড়বে।

কলিঙ্গ। কিন্তু মহারাজ, পশুর আমাদের সাতজনের দাবি মেটাবেন কী করে।

কাণ্ডী। তা যদি বলেন, সাতজনের দাবি তো রণচণ্ডীও মেটাতে পারেন না।

কোশল। কাণ্ডীরাজ, তোমার প্রস্তাবটি কী পরিষ্কার করেই বলো।

কাণ্ডী। আমার প্রস্তাব এই, স্বয়ংবরসভায় রাজকন্যা স্বয়ং যাঁর গলায় মালা দেবেন, এই বসন্তের সফলতা তিনিই লাভ করবেন।

বিদর্ভ। এ প্রস্তাব উত্তম, আমার এতে সম্মতি আছে।

সকলে। আমাদেরও আছে।

কানাকুসুম। রাজগণ, আমাকে বধ করুন, অথবা শ্বশ্রুস্বশ্রু আহবান করছি, আপনারা আসুন—  
আমাকে জীবিত-মৃত্যুর হাতে সমর্পণ করবেন না।

কাণ্ডী। আপনার কন্যা পতিকূল ত্যাগ করে এসেছেন। তার অধিক দৃঃখ আমরা আপনাকে  
দিচ্ছি নে। এখন যে প্রস্তাব করলেম তাতে তিনি সম্মান লাভ করবেন।

কোশল। শূভলগ্নে কালই স্বয়ংবরের দিনস্থির হোক।

কাণ্ডী। সেই ভালো।

বিদর্ভ। আমরা আয়োজনে প্রবৃত্ত হই গে।

কাণ্ডী। কলিঙ্গরাজ, বন্দী এখন আপনার আশ্রয়েই রইলেন।

[কাণ্ডী ব্যতীত অন্য রাজগণের প্রস্থান]

কাণ্ডী। ওহে ভণ্ডরাজ!

সুবর্ণ। কী আদেশ।

কাণ্ডী। এখন মহারথীরা সরবেন। এবার শিখণ্ডীকে সামনে নিয়ে অগ্রসর হতে হবে।

সুবর্ণ। মহারাজের কথাটা স্পষ্ট বুঝতে পারছি নে।

কাণ্ডী। সেখানে তোমাকে আমার ছত্রধর হয়ে বসতে হবে।

সুবর্ণ। কিংকর প্রস্তুত আছে, কিন্তু তাতে মহারাজের উপকারটা কী হবে।

কাণ্ডী। ওহে সুবর্ণ, দেখতে পাচ্ছি তোমার বুদ্ধিটা কম বলেই অহংকারটাও কম। রানী  
সুদর্শনা তোমাকে কী চক্ষে দেখেছেন সেটা এখনো তোমার ধারণার মধ্যে প্রবেশ করে নি দেখছি।  
যাই হোক, তিনি তো রাজসভায় ছত্রধরের গলায় মালা দিতে পারবেন না, অথচ অধিক দূরে যেতেও  
মন সরবে না; অতএব যেমন করেই হোক, এ মালা আমারই রাজচ্ছত্রের ছায়ায় এসে পড়বে।

সুবর্ণ। মহারাজ, আমার সম্বন্ধে এই-যে সব অমূলক কল্পনা করছেন, এ অতি ভয়ানক  
কল্পনা। দোহাই আপনার, আমাকে এই মিথ্যা বিপত্তিজালের মধ্যে জড়াবেন না— আমাকে মুক্তি দিন।

কাণ্ডী। কাজটি শেষ হয়ে গেলেই তোমাকে মুক্তি দিতে এক মূহুর্তও বিলম্ব করব না।  
উদ্দেশ্যসিদ্ধি হয়ে গেলেই উপায়টাকে কেউ আর চিরস্মরণীয় করে রাখে না।

## ১৪

### বাতায়ন

#### সুদর্শনা ও সুবর্ণমা

সুদর্শনা। তা হলে স্বয়ংবরসভায় আমাকে যেতেই হবে? নইলে পিতার প্রাণরক্ষা হবে না?

সুবর্ণমা। কাণ্ডীরাজ তো এইরকম বলেছেন।

সুদর্শনা। এই কি রাজার উচিত কথা। তিনি কি নিজের মুখে বলেছেন।

সুবর্ণমা। না, তাঁর দূত সুবর্ণ এসে জানিয়ে গেছে।

সুদর্শনা। ধিক্, ধিক্ আমাকে।

সুবর্ণমা। সেইসঙ্গে কতকগুলি শুকনো ফুল দিয়ে আমাকে বললে, তোমার রানীকে  
বোলো, বসন্ত-উৎসবের এই স্মৃতিচিহ্ন বাইরে যত মলিন হয়ে আসছে অন্তরে ততই নবীন হয়ে  
বিকশিত হচ্ছে।

সুদর্শনা। চুপ কর, চুপ কর, আমাকে আর দণ্ড করিস নে।

সুবর্ণমা। ঐ দেখো, সভায় রাজারা সব বসেছেন। ঐ ঘাঁর গায়ে কোনো আভরণ নেই,

কেন্দ্র মৃকুট একটি ফুলের মালা জড়ানো, উনিই হচ্ছেন কাণ্ডীর রাজা। সুবর্ণ তাঁর পিছনে ছাতা ধরে দাঁড়িয়ে আছে।

সুদর্শনা। ঐ সুবর্ণ! তুই সত্যি বলছিস?

সুদর্শনা। হাঁ মা, আমি সত্যি বলছি।

সুদর্শনা। ওকেই আমি সেদিন দেখেছিলুম? না, না। সে আমি আলোতে অন্ধকারে বাতাসে গন্ধেতে মিলে আর-একটা কী দেখেছিলুম। ও নয়, ও নয়।

সুদর্শনা। সকলে তো বলে, ওকে চোখে দেখতে সুন্দর।

সুদর্শনা। ঐ সুন্দরেও মন ভোলে! আমার এ পাপ-চোখকে কী দিয়ে ধুলে এর গ্লানি চলে যাবে।

সুদর্শনা। সেই কালের মধ্যে ডুবিয়ে ধুতে হবে—সেই আমার রাজার সকল-রূপ-ডোবানো রূপের মধ্যে। রূপের কালি যা-কিছু চোখে লেগেছে সব যাবে।

সুদর্শনা। কিন্তু সুদর্শনা, এমন ভুলেও মানুষ ভোলে কেন।

সুদর্শনা। ভুল ভাঙবে বলে ভোলে।

প্রতিহারী। (প্রবেশ করিয়া) স্বয়ংবরসভায় রাজারা অপেক্ষা করে আছেন।

[প্রস্থান]

সুদর্শনা। সুদর্শনা, আমার অবগুণ্ঠনের চাদরখানা নিয়ে আয় গে।

[সুদর্শনার প্রস্থান]

রাজা, আমার রাজা! তুমি আমাকে ত্যাগ করেছ, উচিত বিচারই করেছ। কিন্তু আমার অন্তরের কথা কি তুমি জানবে না। (বৃকের বসনের ভিতর হইতে ছুরিকা বাহির করিয়া) দেহে আমার কলুষ লেগেছে, এ দেহ আজ আমি সবার সমক্ষে ধুলোয় লুটিয়ে যাব। কিন্তু হৃদয়ের মধ্যে আমার দাগ লাগে নি—বুক চিরে সেটা কি তোমাকে আজ জানিয়ে যেতে পারব না। তোমার সেই মিলনের অন্ধকার ঘরটি আমার হৃদয়ের ভিতরে আজ শূন্য হয়ে রয়েছে—সেখানকার দরজা কেউ খোলে নি প্রভু। সে কি খুলতে তুমি আর আসবে না। তবে দ্বারের কাছে তোমার বীণা আর বাজবে না? তবে আসুক মৃত্যু, আসুক—সে তোমার মতোই কালো, তোমার মতোই সুন্দর, তোমার মতোই সে মন হরণ করতে জানে। সে তুমিই। সে তুমি।

গান

এ অন্ধকার ডুবাও তোমার অতল অন্ধকারে,  
ওহে অন্ধকারের স্বামী!  
এসো নিবিড়, এসো গভীর, এসো জীবনপারে,  
আমার চিন্তে এসো নামি।  
এ দেহমন মিলায়ে যাক, হইয়া যাক হারা,  
ওহে অন্ধকারের স্বামী!  
বাসনা মোর, বিকৃতি মোর, আমার ইচ্ছাধারা  
ওই চরণে যাক থামি।  
নির্বাসনে বাঁধা আছি দুর্বাসনার ডোরে,  
ওহে অন্ধকারের স্বামী।  
সব বাঁধনে তোমার সাথে বন্দী করো মোরে,  
ওহে আমি বাঁধনকামী।  
আমার প্রিয়, আমার শ্রেয়, আমার হে পরম,  
ওহে অন্ধকারের স্বামী—  
সকল ঝ'রে সকল ভ'রে আসুক সে চরম,  
ওগো মরুক-না এই আমি।



## ১৫

## স্বয়ংবরসভা

## রাজগণ

বিদর্ভ। ওহে কাণ্ডীরাজ, তোমার অঙ্গে যে কোনো আভরণ রাখ নি।

কাণ্ডী। কোনো আশা নেই ব'লে। আভরণে যে পরাভবকে স্বেগদ্বন্দ্ব লজ্জা দেবে।

কলিঙ্গ। যত আভরণ সমস্তই ছত্রধরের অঙ্গে দেখিছি।

বিরাট। এর দ্বারা কাণ্ডীরাজ বাহ্য শোভার হীনতা প্রচার করতে চান। নিজের দেহে ঠুঁট পৌরুষের অভিমান অন্য কোনো আভরণ রাখতেই দেয় নি।

কোশল। ঠুঁট কোশল জানি, সমস্ত আভরণধারীদের মাঝখানে উনি আভরণবর্জনের দ্বারা ই নিজের মহিমা প্রমাণ করতে চান।

পাণ্ডাল। সেটা কি উনি ভালো করছেন। সকলেই জানে, রমণীর চোখ পতঙ্গের মতো— আভরণের দীপ্তিতে সকলের আগে ছুটে এসে পড়ে।

কলিঙ্গ। কিন্তু আর কত বিলম্ব হবে।

কাণ্ডী। অধীর হবেন না কলিঙ্গরাজ, বিলম্বেই ফল মধুর হয়ে দেখা দেয়।

কলিঙ্গ। ফল নিশ্চয় পাব জানলে বিলম্ব সহ্য। ভোগের আশা অনিশ্চিত, তাই দর্শনের আশায় উৎসুক আছি।

কাণ্ডী। আপনার নবীন ঘোঁষন, এ বয়সে বারংবার আশাকে ত্যাগ করলেও সে প্রগল্ভা নারীর মতো ফিরে ফিরে আসে— আমাদের আর সেদিন নেই।

কলিঙ্গ। কিন্তু শূভলগ্ন যে উত্তীর্ণ হয়ে যায়!

কাণ্ডী। ভয় নেই, শূভগ্রহও দূর্লভ দর্শনের জন্যে অপেক্ষা করবে। যদি নির্বোধ নাও করে তবে প্রিয়দর্শনে অশূভগ্রহেরও দৃষ্টি প্রসন্ন হয়ে উঠবে।

বিদর্ভ। বিরাটরাজ, আপনি যাত্রা করেছিলেন কবে।

বিরাট। সুসময় দেখেই বেরিয়েছিলাম। দৈবজ্ঞ বলেছিল, যাত্রা সফল হবেই।

পাণ্ডাল। আমরা সকলেই তো শূভযোগ দেখে বেরিয়েছি, কিন্তু কৃপণ বিধাতা তো একটি বৈ ফল রাখেন নি।

কোশল। এই ফলটি ত্যাগ করানোই হয়তো শূভগ্রহের কাজ।

কাণ্ডী। এ কী উদাসীনের মতো কথা বলছ কোশলরাজ! ফল ত্যাগ করাবার জন্যে এত আয়োজনের কী দরকার ছিল।

কোশল। ছিল বৈকি। কামনা না করে তো ত্যাগ করা যায় না। কাণ্ডীরাজ, আমাদের আসন-গুলো যেন কেঁপে উঠল। এ কি ভূমিকম্প নাকি।

কাণ্ডী। ভূমিকম্প? তা হবে।

বিদর্ভ। কিংবা হয়তো আর-কোনো রাজার সৈন্যদল এসে পড়ল।

কলিঙ্গ। তা হতে পারে, কিন্তু তা হলে তো দূতের মুখে সংবাদ পাওয়া যেত।

বিদর্ভ। আমার কাছে এটা কিন্তু দূর্লক্ষণ বলে মনে হচ্ছে।

কাণ্ডী। ভয়ের চক্ষে সব লক্ষণই দূর্লক্ষণ।

বিদর্ভ। অদৃষ্টপুরুষকে ভয় করি, সেখানে বীরত্ব খাটে না।

পাণ্ডাল। বিদর্ভরাজ, আজকেকার শূভকার্যে বিধা জন্মিয়ে দিয়ে না।

কাণ্ডী। অদৃষ্ট যখন দৃষ্ট হবেন তখন তাঁর সঙ্গে বোঝাপড়া করা যাবে।

বিদর্ভ। তখন হয়তো সময় থাকবে না। আমার আশঙ্কা হচ্ছে, যেন একটা—

কাণ্ডী। ঐ 'যেন একটা'র কথা তুলবেন না—ওটা আমাদেরই সৃষ্টি, অথচ আমাদেরই বিনাশ করে।

কলিঙ্গ। বাইরে বাজনা বাজছে নাকি।

পাণ্ডাল। বাজনা বলেই বোধ হচ্ছে।

কাণ্ডী। তবে আর কী, নিশ্চয়ই রানী সুদর্শনা। বিধাতা এতক্ষণ পরে আমাদের ভাগ্যফল নিয়ে আসছেন—এ তাঁরই পায়ের শব্দ। (জনান্তিকে) সুবর্ণ, অমনতরো সংকুচিত হয়ে আমার আড়ালে আপনাকে লুকিয়ে রেখে না। তোমার হাতে আমার রাজছত্র কাঁপছে যে।

যোদ্ধার বেশে ঠাকুরদার প্রবেশ

কলিঙ্গ। ও কী ও! ও কে!

পাণ্ডাল। বিনা আহবানে প্রবেশ করে লোকটা কে হে।

বিরাট। স্পর্ধা তো কম নয়! কলিঙ্গরাজ, তুমি একে রোধ করো।

কলিঙ্গ। আপনারা বয়োজ্যেষ্ঠ থাকতে আমার অগ্রসর হওয়া অশোভন হবে।

বিদভ। শোনা যাক-না কী বলে।

ঠাকুরদা। রাজা এসেছেন।

বিদভ। (সচকিত হইয়া) রাজা!

পাণ্ডাল। কোন্ রাজা।

কলিঙ্গ। কোথাকার রাজা।

ঠাকুরদা। আমার রাজা।

বিরাট। তোমার রাজা!

কলিঙ্গ। কে।

কোশল। কে সে।

ঠাকুরদা। আপনারা সকলেই জানেন তিনি কে। তিনি এসেছেন।

বিদভ। এসেছেন?

কোশল। কী তাঁর অভিপ্রায়।

ঠাকুরদা। তিনি আপনাদের আহবান করেছেন।

কাণ্ডী। ইস্! আহবান! কীভাবে আহবান করেছেন।

ঠাকুরদা। তাঁর আহবান যিনি যেভাবে গ্রহণ করতে ইচ্ছা করেন বাধা নেই—সকলপ্রকার অভ্যর্থনাই প্রস্তুত আছে।

বিরাট। তুমি কে।

ঠাকুরদা। আমি তাঁর সেনাপতিদের মধ্যে একজন।

কাণ্ডী। সেনাপতি? মিথ্যে কথা। ভয় দেখাতে এসেছ? তুমি মনে করেছ তোমার ছদ্মবেশ আমার কাছে ধরা পড়ে নি? তোমাকে বিলক্ষণ চিনি। তুমি আবার সেনাপতি!

ঠাকুরদা। আপনি আমাকে ঠিক চিনেছেন। আমার মতো অক্ষম কে আছে। তবু আমাকেই আজ তিনি সেনাপতির বেশ পরিয়ে পাঠিয়ে দিয়েছেন—বড়ো বড়ো বীরদের ঘরে বসিয়ে রেখেছেন।

কাণ্ডী। আচ্ছা, উপযুক্ত সমারোহে আমন্ত্রণ রক্ষা করতে যাব—কিন্তু উপস্থিত একটা কাজ আছে, সেটা শেষ হওয়া পর্যন্ত তাঁকে অপেক্ষা করতে হবে।

ঠাকুরদা। যখন তিনি আহবান করেন তখন তিনি আর অপেক্ষা করেন না।

কোশল। আমি তাঁর আহবান স্বীকার করছি। এখনই যাব।

বিদভ। কাণ্ডীরাজ, অপেক্ষা করার কথাটা ভালো ঠেকছে না। আমি চললাম।

কলিঙ্গ। আপনি প্রবীণ, আমরা আপনারই অনুসরণ করব।

পাণ্ডাল। ওহে কাণ্ডীরাজ, পিছনে চেয়ে দেখো, তোমার রাজছত্র ধুলায় লুটোচ্ছে; তোমার ছত্রধর কখন পালিয়েছে জানতেও পার নি।

কাণ্ডী। আচ্ছা, আমিও যাচ্ছি রাজদূত! কিন্তু সভায় নয়, রণক্ষেত্রে।

ঠাকুরদা। রণক্ষেত্রেই আমার প্রভুর সঙ্গে আপনার পরিচয় হবে, সেও অতি উত্তম প্রশস্ত স্থান।  
বিরাট। ওহে, আমরা সকলে হয়তো কাল্পনিক ভয়ে ভণ্ডা দিচ্ছি—শেষকালে দেখছি একা  
কাণ্ডীরাজেরই জিত হবে।

পাণ্ডাল। তা হতে পারে। ফলটা প্রায় হাতের কাছে এসেছে, এখন ভীরুতা করে সেটা ফেলে  
যাওয়া ভালো হচ্ছে না।

কলিঙ্গ। কাণ্ডীর সঙ্গে যোগ দেওয়াই শ্রেয়। ও যখন এতটা সাহস করছে তখন ও কি কিছু  
বিবেচনা না করেই করছে।

## ১৬

### সুদর্শনা ও সুরঙ্গমা

সুদর্শনা। যুদ্ধ তো শেষ হয়ে গেল। এখন আমার রাজা আসবেন কখন।

সুরঙ্গমা। তা তো বলতে পারি নে—পথ চেয়ে বসে আছি।

সুদর্শনা। সুরঙ্গমা, বৃকের ভিতরটাতে আনন্দে এমন কাঁপছে যে, বেদনাবোধ হচ্ছে।  
লজ্জাতেও মরে যাচ্ছি—মুখ দেখাব কেমন করে!

সুরঙ্গমা। এবার একেবারে হার মেনে তাঁর কাছে যাও, তা হলে আর লজ্জা থাকবে না।

সুদর্শনা। স্বীকার তো করতেই হবে চিরদিনের মতো আমার হার হয়ে গেছে, কিন্তু এতদিন  
গর্ব করে তাঁর কাছে সকলের চেয়ে বেশি আদরের দাবি করে এসেছি কিনা—সেটা একেবারে ছেড়ে  
দিতে পারছি নে। সবাই যে বলত, আমার অনেক রূপ, অনেক গুণ! সবাই যে বলত, আমার উপরে  
রাজার অনুগ্রহের অন্ত নেই! সেইজন্যেই তো সকলের সামনে আমার হৃদয় নত হতে এত লজ্জা  
বোধ করছে।

সুরঙ্গমা। অভিমান না ঘুচলে তো লজ্জাও ঘুচবে না।

সুদর্শনা। তাঁর কাছ থেকে আদর পাবার ইচ্ছা যে কিছুতে মন থেকে ঘুচতে চায় না।

সুরঙ্গমা। সব ঘুচবে রানীমা! কেবল একটি ইচ্ছা থাকবে, নিজেকে নিবেদন করবার ইচ্ছা।

সুদর্শনা। সেই আঁধার ঘরের ইচ্ছা—দেখা নয়, শোনা নয়, চাওয়া নয়, কেবল গভীরের মধ্যে  
আপনাকে ছেড়ে দেওয়া! সুরঙ্গমা, সেই আশীর্বাদ কর' যেন—

সুরঙ্গমা। কী বল তুমি! আমি আশীর্বাদ করব কিসের!

সুদর্শনা। সকলের কাছে নত হয়ে আমি আশীর্বাদ নেব। সবাই বলত, এত প্রসাদ রাজা  
আর কাউকে দেন নি। তাই শূন্যে হৃদয় এত শক্ত হয়েছে যে, আমার রাজাকেও আঘাত করতে  
পেরেছি। এত শক্ত হয়েছে যে, নুইতে লজ্জা করছে। এ লজ্জা কাটাতে হবে—সমস্ত পৃথিবীর  
কাছে নিচু হবার দিন আমার এসেছে। কিন্তু কই, রাজা এখনো কেন আমাকে নিতে আসছেন না।  
আরো কিসের জন্যে তিনি অপেক্ষা করছেন।

সুরঙ্গমা। আমি তো বলছি, আমার রাজা নিষ্ঠুর—বড়ো নিষ্ঠুর।

সুদর্শনা। সুরঙ্গমা, তুই যা, একবার তাঁর খবর নিয়ে আয় গে।

সুরঙ্গমা। কোথায় তাঁর খবর নেব তা তো কিছুই জানি নে। ঠাকুরদাকে ডাকতে পাঠিয়েছি—  
তিনি এলে হয়তো তাঁর কাছ থেকে সংবাদ পাওয়া যাবে।

### ঠাকুরদার প্রবেশ

সুদর্শনা। শুনছি, তুমি আমার রাজার বন্ধু—আমার প্রণাম গ্রহণ করো, আমাকে  
আশীর্বাদ করো।

ঠাকুরদা। কর কী, কর কী রানী! আমি কারো প্রণাম গ্রহণ করি'নে। আমার সঙ্গে সকলের হাসির সম্বন্ধ।

সুদর্শনা। তোমার সেই হাসি দেখিয়ে দাও, আমাকে সুসংবাদ দিয়ে যাও। বলো, আমার রাজা কখন আমাকে নিতে আসবেন।

ঠাকুরদা। ঐ তো বড়ো শক্ত কথা জিজ্ঞাসা করলে। আমার বন্ধুর ভাবগতিক কিছুই বুঝি নে, তার আর বলব কী। যুদ্ধ তো শেষ হয়ে গেল—তিনি যে কোথায় তার সম্ভান নেই।

সুদর্শনা। চলে গিয়েছেন!

ঠাকুরদা। সাড়াশব্দ তো কিছুই পাই নে।

সুদর্শনা। চলে গিয়েছেন! তোমার বন্ধু এমনি বন্ধু!

ঠাকুরদা। সেইজন্যে লোকে তাকে নিন্দেও করে, সন্দেহও করে। কিন্তু আমার রাজা তাতে খেয়ালও করে না।

সুদর্শনা। চলে গেলেন! ওরে ওরে, কী কঠিন, কী কঠিন! একেবারে পাথর, একেবারে বজ্র! সমস্ত বৃদ্ধ দিয়ে ঠেলছি—বৃদ্ধ ফেটে গেল—কিন্তু নড়ল না। ঠাকুরদা, এমন বন্ধুকে নিয়ে তোমার চলে কী করে।

ঠাকুরদা। চিনে নিয়েছি যে—সুখে দুঃখে তাকে চিনে নিয়েছি—এখন আর সে কাঁদাতে পারে না।

সুদর্শনা। আমাকেও সে কি চিনতে দেবে না।

ঠাকুরদা। দেবে বৈকি, নইলে এত দুঃখ দিচ্ছে কেন। ভালো করে চিনিয়ে তবে ছাড়বে। সে তো সহজ লোক নয়।

সুদর্শনা। আচ্ছা আচ্ছা, দেখব তার কতবড়ো নিষ্ঠুরতা। এই জানলার কাছে আমি চুপ করে পড়ে থাকব, এক পা নড়ব না—দেখি সে কেমন না আসে।

ঠাকুরদা। দিদি, তোমার বয়স অল্প, জেদ করে অনেক দিন পড়ে থাকতে পার। কিন্তু আমার যে এক মূহূর্ত গেলো লোকসান বোধ হয়। পাই না-পাই একবার খুঁজতে বেরোব।

[প্রস্থান]

সুদর্শনা। চাই নে, তাকে চাই নে। সুদূরঙ্গমা, তোর রাজাকে আমি চাই নে। কিসের জন্যে সে যুদ্ধ করতে এল। আমার জন্যে একেবারেই না? কেবল বীরত্ব দেখাবার জন্যে?

সুদূরঙ্গমা। দেখাবার ইচ্ছে তাঁর যদি থাকত তা হলে এমন করে দেখাতেন, কারো আর সন্দেহ থাকত না। দেখালেন আর কই।

সুদর্শনা। যা যা, চলে যা—তোর কথা অসহ্য বোধ হচ্ছে। এত নত করলে তবু সাধ মিটল না? বিশ্বসুদৃশ লোকের সামনে আমাকে এইখানে ফেলে রেখে দিয়ে চলে গেল?

## ১৭

### নাগরিকদল

প্রথম। ওহে, এতগুলো রাজা একত্র হয়ে লড়াই বাধিয়ে দিলে, ভাবলুম খুব তামাশা হবে—কিন্তু দেখতে দেখতে কী-যে হয়ে গেল ভালো বোঝাই গেল না।

দ্বিতীয়। দেখলে না? ওদের নিজেদের মধ্যেই গোলমাল বেধে গেল—কেউ যে কাউকে বিশ্বাস করে না।

তৃতীয়। পরামর্শ ঠিক রইল না যে। কেউ এগোতে চায়, কেউ পিছোতে চায়; কেউ এ দিকে যায়, কেউ ও দিকে যায়। একে কি আর যুদ্ধ বলে।

প্রথম। ওরা তো লড়াইয়ের দিকে চোখ রাখে নি—ওরা পরস্পরের দিকেই চোখ রেখেছিল।  
 দ্বিতীয়। কেবলই ভাবছিল—লড়াই করে মরব আমি, আর তার ফল ভোগ করবে আর-কেউ।  
 তৃতীয়। কিন্তু লড়েছিল কাণ্ডীরাজ, সে কথা বলতেই হবে।

প্রথম। সে যে হেরেও হারতে চায় না।

দ্বিতীয়। শেষকালে অস্ত্রটা একেবারে তার বৃকে এসে লাগল।

তৃতীয়। তার আগে সে যে পদে পদেই হারছিল তা যেন টেরও পাচ্ছিল না।

প্রথম। অন্য রাজারা তো তাকে ফেলে কে কোথায় পালাল তার ঠিক নেই।

দ্বিতীয়। কিন্তু শূন্যে, কাণ্ডীরাজ মরে নি।

তৃতীয়। না, চিকিৎসায় বেঁচে গেল, কিন্তু তার বৃকের মধ্যে যে হারের চিহ্নটা আঁকা রইল সে তো আর এ জন্মে মুছবে না।

প্রথম। রাজারা কেউ পালিয়ে রক্ষা পায় নি, সবাই ধরা পড়েছে। কিন্তু বিচারটা কী রকম হল।

দ্বিতীয়। আমি শূন্যে, সকল রাজারই দণ্ড হয়েছে, কেবল কাণ্ডীর রাজাকে বিচারকর্তা নিজের সিংহাসনের দক্ষিণপার্শ্বে বসিয়ে স্বহস্তে তার মাথায় রাজমুকুট পরিয়ে দিয়েছে।

তৃতীয়। এটা কিন্তু একেবারেই বোঝা গেল না।

দ্বিতীয়। বিচারটা যেন কেমন বেথাপ রকম শোনাচ্ছে।

প্রথম। তা তো বটেই। অপরাধ যা-কিছু করেছে সে তো ঐ কাণ্ডীর রাজা। এরা তো একবার লোভে, একবার ভয়ে, কেবল এগোচ্ছিল আর পিছোচ্ছিল।

তৃতীয়। এ কেমন হল। যেন বাঘটা গেল বেঁচে আর তার লেজটা গেল কাটা।

দ্বিতীয়। আমি যদি বিচারক হতুম তা হলে কাণ্ডীকে কি আর আস্ত রাখতুম। ওর আর চিহ্ন দেখাই যেত না।

তৃতীয়। কী জানি ভাই, মস্ত মস্ত বিচারকর্তা—ওদের বৃদ্ধি এক রকমের!

প্রথম। ওদের বৃদ্ধি বলে কিছু আছে কি। ওদের সবই মর্জি। কেউ তো বলবার লোক নেই।

দ্বিতীয়। যা বলিস ভাই, আমাদের হাতে শাসনের ভার যদি পড়ত তা হলে এর চেয়ে ঢের ভালো করে চালাতে পারতুম।

তৃতীয়। সে কি একবার করে বলতে।

১৮

পথ

ঠাকুরদা ও কাণ্ডীরাজ

ঠাকুরদা। এ কী কাণ্ডীরাজ, তুমি পথে যে!

কাণ্ডী। তোমার রাজা আমায় পথেই বের করেছে।

ঠাকুরদা। ঐ তো তার স্বভাব।

কাণ্ডী। তার পরে আর নিজের দেখা নেই।

ঠাকুরদা। সেও তার এক কৌতুক।

কাণ্ডী। কিন্তু আমাকে এমন করে আর কতদিন এড়াবে। যখন কিছুতেই তাকে রাজা বলে মানতেই চাই নি তখন কোথা থেকে কালবৈশাখীর মতো এসে এক মূহুর্তে আমার ধ্বজা পতাকা ভেঙে উড়িয়ে ছারখার করে দিলে; আর, আজ তার কাছে হার মানবার জন্যে পথে পথে ঘুরে বেড়াচ্ছি, তার আর দেখাই নেই।

ঠাকুরদা। তা হোক, সে যত বড়ো রাজাই হোক, হার-মানার কাছে তাকে হার মানতেই হবে।  
কিন্তু রাজন্, রাহে বেরিয়েছ যে।

কাশ্মী। ঐ লজ্জাটুকু এখনো ছাড়তে পারি নি। কাশ্মীর রাজা থালায় মৃদুকট সাজিয়ে তোমার রাজার মন্দির খুঁজে বেড়াচ্ছে এই যদি দিনের আলোয় লোকে দেখে তা হলে যে তারা হাসবে।

ঠাকুরদা। লোকের ঐ দশা বটে। যা দেখে চোখ দিয়ে জল বেরিয়ে যায়, তাই দেখেই বাদিররা হাসে।

কাশ্মী। কিন্তু ঠাকুরদা, তোমার এ কী কাণ্ড! সেই উৎসবের ছেলেদের এখনো জুড়টিয়ে এনেছ? কিন্তু সেখানে যারা তোমার পিছে পিছে ঘুরত তাদের দেখছি নে বড়ো।

ঠাকুরদা। আমার শম্ভু-সুধনের দল? তারা এবার লড়াইয়ে মরেছে।

কাশ্মী। মরেছে?

ঠাকুরদা। হাঁ। তারা আমাকে বললে, ঠাকুরদা, পণ্ডিতরা যা বলে আমরা কিছুই বদ্বতে পারি নে, তুমি যে গান গাও তার সংগেও গলা মেলাতে পারি নে, কিন্তু একটা কাজ আমরা করতে পারি—আমরা মরতে পারি। আমাদের যুদ্ধে নিয়ে যাও, জীবনটা সার্থক করে আসি। তা, যেমন কথা তেমন কাজ। সকলের আগে গিয়ে তারা দাঁড়াল, সকলের আগেই তারা প্রাণ দিয়ে বসে আছে।

কাশ্মী। সিধে রাস্তা ধরে সব বদ্বিমানদের চেয়ে এগিয়ে গেল আর-কি। এখন এই ছেলের দল নিয়ে কী বাল্যলীলাটা চলছে।

ঠাকুরদা। এবারকার বসন্ত-উৎসবটা নানা ক্ষেত্রে নানা রকম হয়ে গেল, তাই সকল পালার মধ্যে দিয়ে এদের ঘুরিয়ে নিয়ে বেড়াচ্ছি। সেদিন বাগানের মধ্যে দিয়ে দিবা লাল হয়ে উঠেছিল—রণক্ষেত্রেও মন্দ জমে নি। সে তো চুকল, আজ আবার আমাদের বড়ো রাস্তার বড়োদিন। আজ ঘরের মানুষদের পথে বের করবার জন্যে দক্ষিণ-হাওয়ার মতো দলবল নিয়ে বেরিয়েছি। ধরু তো রে ভাই, তাদের সেই দরজায় যা দেবার গানটা ধরু।

#### গান

আজ বসন্ত জাগ্রত শ্বারে।  
তব অবগুণ্ঠিত কুণ্ঠিত জীবনে  
কোরো না বিড়িম্বিত তারে।  
আজ খুলিয়ে হৃদয়দল খুলিয়ে,  
আজ ভুলিয়ে আপন-পর ভুলিয়ে,  
এই সংগীতমুখরিত গগনে  
তব গন্ধ তরুণিয়া তুলিয়ে।  
এই বাহিরভুবনে দিশা হারিয়ে  
দিয়ে ছড়িয়ে মাধুরী ভারে ভারে।  
অতি নিবিড় বেদনা বনমাঝে রে  
আজ পল্লবে পল্লবে বাজে রে।  
দূরে গগনে কাহার পথ চাহিয়া  
আজ ব্যাকুল বসুন্ধরা সাজে রে।  
মোর পরানে দখিনবায়ু লাগিছে—  
কারে শ্বারে শ্বারে কর হানি মাগিছে।  
এই সৌরভবিহ্বলা রজনী  
কার চরণে ধরণীতলে জাগিছে।  
ওগো সুন্দর, বল্লভ, কান্ত,  
তব গম্ভীর আহ্বান কারে!

১৯

পথ

সুদর্শনা ও সুরঙ্গমা

সুদর্শনা। বেঁচেছি, বেঁচেছি সুরঙ্গমা! হার মেনে তবে বেঁচেছি। ওরে বাস্ রে! কী কঠিন অভিমান! কিছুতেই গলতে চায় না। আমার রাজা কেন আমার কাছে আসতে যাবে, আমিই তাঁর কাছে যাব, এই কথাটা কোনোমতেই মনকে বলাতে পারিছিলুম না। সমস্ত রাতটা সেই জানালায় পড়ে ধুলোয় লুটিয়ে কেঁদেছি, দক্ষিণে হাওয়া বৃকের বেদনার মতো হুহু করে বয়েছে, আর কৃষ্ণচতুর্দশীর অন্ধকারে বউ-কথা-কণ্ড চার পহর রাত কেবলই ডেকেছে—সে যেন অন্ধকারের কান্না।

সুরঙ্গমা। আহা, কালকের রাতটা মনে হয়েছিল যেন কিছুতেই আর পোহাতে চায় না।

সুদর্শনা। কিন্তু বললে বিশ্বাস করাবি নে, তারই মধ্যে বার বার আমার মনে হচ্ছিল, কোথায় তার বীণা বাজছিল। যে নিষ্ঠুর তার কঠিন হাতে কি অমন মিনতির সুর বাজে। বাইরের লোক আমার অসম্মানটাই দেখে গেল, কিন্তু গোপন রাত্রের সেই সুরটা কেবল আমার হৃদয় ছাড়া আর তো কেউ শুনল না। সে বীণা তুই কি শুনিয়েছিলি সুরঙ্গমা! না, সে আমার স্বপ্ন?

সুরঙ্গমা। সেই বীণা শুনব বলেই তো তোমার কাছে কাছে আছি। অভিমানগুলানো সুর বাজবে জেনেই কান পেতে পড়ে ছিলুম।

সুদর্শনা। তার পণটাই রইল, পথে বের করলে তবে ছাড়লে। মিলন হলে এই কথাটাই তাকে বলব যে, আমিই এসেছি, তোমার আসার অপেক্ষা করি নি। বলব, চোখের জল ফেলতে ফেলতে এসেছি, কঠিন পথ ভাঙতে ভাঙতে এসেছি। এ গর্ব আমি ছাড়ব না।

সুরঙ্গমা। কিন্তু সে গর্বও তোমার টিংকবে না। সে যে তোমারও আগে এসেছিল, নইলে তোমাকে বের করে কার সাধ্য।

সুদর্শনা। তা হয়তো এসেছিল। আভাস পেয়েছিলুম, কিন্তু বিশ্বাস করতে পারি নি। যতক্ষণ অভিমান করে বসেছিলুম ততক্ষণ মনে হয়েছিল, সেও আমাকে ছেড়ে গিয়েছে। অভিমান ভাসিয়ে দিয়ে যখনই রাস্তায় বেরিয়ে পড়লুম তখনই মনে হল—সেও বেরিয়ে এসেছে, রাস্তা থেকেই তাকে পাওয়া শুরুর করছি। এখন আমার মনে আর কোনো ভাবনা নেই। তার জন্যে এত যে দুঃখ, এই দুঃখই আমাকে তার সঙ্গ দিচ্ছে। এত কষ্টের রাস্তা আমার পায়ের তলায় যেন সুরে সুরে বেজে উঠছে। এ যেন আমার বীণা, আমার দুঃখের বীণা—এরই বেদনার গানে তিনি এই কঠিন পাথরে এই শুকনো ধুলোয় আপনি বেরিয়ে এসেছেন, আমার হাত ধরেছেন—সেই আমার অন্ধকার ঘরের মধ্যে যেমন করে হাত ধরতেন—হঠাৎ চমকে উঠে গিয়ে কাঁটা দিয়ে উঠত—এও সেইরকম। কে বললে তিনি নেই! সুরঙ্গমা, তুই কি বুঝতে পারিছিস নে তিনি লুকিয়ে এসেছেন?

সুরঙ্গমার গান

অন্ধকারের মাঝে আমার ধরেছ দুই হাতে।

কখন তুমি এলে, হে নাথ, মৃদুচরণপাতে।

ভেবেছিলাম, জীবনস্বামী,

তোমায় বুঝি হারাই আমি—

আমায় তুমি হারাবে না বুঝেছি আজ রাতে।

যে নিশীথে আপন হাতে নিবিয়ে দিলেম আলো

তারই মাঝে তুমি তোমার গুবতারা জ্বালো।

তোমার পথে চলা যখন  
ঘুচে গেল, দেখি তখন—

আপনি তুমি আমার পথে লুকিয়ে চল সাথে।

সুদর্শনা। ও কে ও! চেয়ে দেখ্ সুরঙ্গমা, এত রাতে এই আঁধার পথে আরো একজন পথিক বেরিয়েছে যে।

সুরঙ্গমা। মা, এ যে কাণ্ডীর রাজা দেখছি।

সুদর্শনা। কাণ্ডীর রাজা?

সুরঙ্গমা। ভয় কোরো না মা!

সুদর্শনা। ভয়! ভয় কেন করব। ভয়ের দিন আমার আর নেই।

কাণ্ডীরাজ। (প্রবেশ করিয়া) মা, তুমিও চলেছ বদ্বী? আমিও এই এক পথেরই পথিক। আমাকে কিছুমাত্র ভয় কোরো না।

সুদর্শনা। ভালোই হয়েছে কাণ্ডীরাজ, আমরা দুজনে তাঁর কাছে পাশাপাশি চলেছি, এ ঠিক হয়েছে। ঘর ছেড়ে বেরোবার মূখেই তোমার সঙ্গে আমার যোগ হয়েছিল, আজ ঘরে ফেরবার পথে সেই যোগই যে এমন শুভযোগ হয়ে উঠবে তা আগে কে মনে করতে পারত।

কাণ্ডী। কিন্তু মা, তুমি যে হেঁটে চলেছ এ তো তোমাকে শোভা পায় না। যদি অনুমতি কর তা হলে এখনই রথ আনিয়ে দিতে পারি।

সুদর্শনা। না না, অমন কথা বোলো না। যে পথ দিয়ে তাঁর কাছ থেকে দূরে এসেছি সেই পথের সমস্ত ধূলোটা পা দিয়ে মাড়িয়ে মাড়িয়ে ফিরব, তবেই আমার বেরিয়ে আসা সার্থক হবে। রথে করে নিয়ে গেলে আমাকে ফাঁকি দেওয়া হবে।

সুরঙ্গমা। মহারাজ, তুমিও তো আজ ধূলোয়। এ পথে তো হাতি ঘোড়া রথ কারো দেখি নি।

সুদর্শনা। যখন রানী ছিলুম তখন কেবল সোনারদুপার মধ্যেই পা ফেলেছি, আজ তাঁর ধূলোর মধ্যে চলে আমার সেই ভাগ্যদোষ খণ্ডিয়ে নেব। আজ আমার সেই ধূলোমাটির রাজার সঙ্গে পদে পদে এই ধূলোমাটিতে মিলন হচ্ছে—এ সুখের খবর কে জানত।

সুরঙ্গমা। রানীমা, ঐ দেখো, পূর্ব দিকে চেয়ে দেখো, ভোর হয়ে আসছে। আর দেরি নেই মা—তাঁর প্রাসাদের সোনার চড়ার শিখর দেখা যাচ্ছে।

গান

ভোর হল বিভাবরী, পথ হল অবসান।

শুন ওই লোকে লোকে উঠে আলোকেরই গান।

ধন্য হলি ওরে পান্থ,

রজনীজাগরকান্ত,

ধন্য হল মরি মরি ধূলায় ধূসর প্রাণ।

বনের কোলের কাছে

সমীরণ জাগিয়াছে।

মধুভিক্ত সারে সারে

আগত কুঞ্জের স্ফারে।

হল তব যাত্রা সারা,

মোছো মোছো অশ্রুধারা,

লজ্জাভয় গেল ব্যরি, ঘুচিল রে অভিমান।

ঠাকুরদার প্রবেশ

ঠাকুরদা। ভোর হল দিদি, ভোর হল।



সুদর্শনা। তোমাদের আশীর্বাদে পৌঁছেছি ঠাকুরদা, পৌঁছেছি।

ঠাকুরদা। কিন্তু আমাদের রাজার রকম দেখেছ? রথ নেই, বাদা নেই, সমারোহ নেই।

সুদর্শনা। বল কী, সমারোহ নেই? ঐ-যে আকাশ একেবারে রাঙা, ফুলগন্ধের অভ্যর্থনায় বাতাস একেবারে পরিপূর্ণ।

ঠাকুরদা। তা হোক। আমাদের রাজা যত নিষ্ঠুর হোক, আমরা তো তেমন কঠিন হতে পারি নে—আমাদের যে ব্যথা লাগে। এই দীনবেশে তুমি রাজভবনে যাচ্ছ, এ কি আমরা সহ্য করতে পারি। একটু দাঁড়াও, আমি ছুটে গিয়ে তোমার রানীর বেশটা নিয়ে আসি।

সুদর্শনা। না না না। সে রানীর বেশ তিনি আমাকে চিরদিনের মতো ছাড়িয়েছেন, সবার সামনে আমাকে দাসীর বেশ পরিয়েছেন—বেঁচেছি, বেঁচেছি। আমি আজ তাঁর দাসী—যে-কেউ তাঁর আছে, আমি আজ সকলের নীচে।

ঠাকুরদা। শত্রুপক্ষ তোমার এ দশা দেখে পরিহাস করবে সেইটে আমাদের অসহ্য হয়।

সুদর্শনা। শত্রুপক্ষের পরিহাস অক্ষয় হোক, তারা আমার গায়ে ধুলো দিক। আজকের দিনের অভিসারে সেই ধুলোই যে আমার অঙ্গরাগ।

ঠাকুরদা। এর উপরে আর কথা নেই। এখন আমাদের বসন্ত-উৎসবের শেষ খেলাটাই চলুক—ফুলের রেণু এখন থাক, দক্ষিণে হাওয়ায় এবার ধুলো উড়িয়ে দিক। সকলে মিলে আজ ধূসর হয়ে প্রভুর কাছে যাব। গিয়ে দেখব, তার গায়েও ধুলো মাখা। তাকে বুঝি কেউ ছাড়ে মনে করছ? যে পায়, তার গায়ে মূঠো মূঠো ধুলো দেয় যে! সে ধুলো সে ঝেড়েও ফেলে না।

কাণ্ঠী। ঠাকুরদা, তোমাদের এই ধুলোর খেলায় আমাকেও ভুলো না। আমার এই রাজ-বেশটাকে এমনি মাটি করে নিয়ে যেতে হবে যাতে একে আর চেনা না যায়।

ঠাকুরদা। সে আর দেরি হবে না ভাই! যেখানে নেবে এসেছ এখানে যত তোমার মিথ্যে মান সব ঘুচে গেছে, এখন দেখতে দেখতে রঙ ফিরে যাবে। আর, এই আমাদের রানীকে দেখো—ও নিজের উপর ভারি রাগ করেছিল—মনে করেছিল, গয়না ফেলে দিয়ে নিজের ভুবনমোহন রূপকে লাঞ্ছনা দেবে—কিন্তু, সে রূপ অপমানের আঘাতে আরও ফুটে পড়েছে, সে যেন কোথাও আর কিছু ঢাকা নেই। আমাদের রাজাটির নিজের নাকি রূপের সম্পর্ক নেই, তাই তো এই বিচিত্র রূপ সে এত ভালোবাসে, এই রূপই তো তার বক্ষের অলংকার। সেই রূপ আপনার গর্বের আবরণ ঘুচিয়ে দিয়েছে। আজ আমার রাজার ঘরে কী সূরে যে এতক্ষণে বীণা বেজে উঠেছে তাই শোনবার জন্যে প্রাণটা ছুটফট্ করছে।

সুদর্শনা। ঐ-যে সূর্য উঠল।

## ২০

### অন্ধকার ঘর

সুদর্শনা। প্রভু, যে আদর কেড়ে নিয়েছ সে আদর আর ফিরিয়ে দিয়ে না। আমি তোমার চরণের দাসী, আমাকে সেবার অধিকার দাও।

রাজা। আমাকে সহিতে পারবে?

সুদর্শনা। পারব রাজা, পারব। আমার প্রমোদবনে, আমার রানীর ঘরে, তোমাকে দেখতে চেয়েছিলুম বলেই তোমাকে এমন বিরূপ দেখেছিলুম—সেখানে তোমার দাসের অধম দাসকেও তোমার চেয়ে চোখে সুন্দর ঠেকে। তোমাকে তেমন করে দেখবার তৃষ্ণা আমার একেবারে ঘুচে গেছে। তুমি সুন্দর নও প্রভু, সুন্দর নও। তুমি অন্ধপক্ষ।

রাজা। তোমারই মধ্যে আমার উপমা আছে।

সদৃশ্য। যদি থাকে তো সেও অনুপম। আমার মধ্যে তোমার প্রেম আছে, সেই প্রেমেই তোমার ছায়া পড়ে, সেইখানেই তুমি আপনার রূপ আপনি দেখতে পাও। সে আমার কিছুই নয়, সে তোমার।

রাজা। আজ এই অন্ধকার ঘরের দ্বার একেবারে খুলে দিলুম। এখানকার লীলা শেষ হল। এসো, এবার আমার সঙ্গে এসো, বাইরে চলে এসো—আলোয়।

সদৃশ্য। যাবার আগে আমার অন্ধকারের প্রভুকে, আমার নিষ্ঠুরকে, আমার ভয়ানককে প্রণাম করে নিই।

# ডাকঘর

প্রকাশ : ১৯১২

১৯১৭-১৮ সালে জোড়াসাঁকোর বিচিত্রাভবনে অভিনয়কালে ‘ডাকঘর’ নাটকে চারটি গান ব্যবহৃত হয়েছিল। ১৩৪৬ বঙ্গাব্দে শান্তিনিকেতনে ‘ডাকঘর’ অভিনয়ের উদ্যোগকালে রবীন্দ্রনাথ “সম্মুখে শান্তি-পারাবার” (রচনা : ৩ ডিসেম্বর ১৯৩৯)-সহ সাতটি নতুন গান রচনা করেন, কবির ভগ্নস্বাস্থ্যের কারণে সে অভিনয় হয় নি; এই সাতটি গান পরবর্তীকালে ‘গীতাবিতান’-এ অন্তর্ভুক্ত হয়।

মাধব দত্ত। মদুশকিলে পড়ে গেছি। যখন ও ছিল না, তখন ছিলই না—কোনো ভাবনাই ছিল না। এখন ও কোথা থেকে এসে আমার ঘর জুড়ে বসল; ও চলে গেলে আমার এ ঘর যেন আর ঘরই থাকবে না। কবিরাজমশায়, আপনি কি মনে করেন ওকে—

কবিরাজ। ওর ভাগ্যে যদি আয়ু থাকে, তা হলে দীর্ঘকাল বাঁচতেও পারে; কিন্তু আয়ুর্বেদে যেরকম লিখছে তাতে তো—

মাধব দত্ত। বলেন কী!

কবিরাজ। শাস্ত্র বলছেন, পৈশিকান্ সন্নিপাতজান্ কফবাতসমুদ্ভবান্—

মাধব দত্ত। থাক্ থাক্, আপনি আর ঐ শ্লোকগুলো আওড়াবেন না—ওতে আরো আমার ভয় বেড়ে যায়। এখন কী করতে হবে সেইটে বলে দিন।

কবিরাজ। (নস্য লইয়া) খুব সাবধানে রাখতে হবে।

মাধব দত্ত। সে তো ঠিক কথা, কিন্তু কী বিষয়ে সাবধান হতে হবে সেইটে স্থির করে দিয়ে যান।

কবিরাজ। আমি তো পূর্বেই বলেছি, ওকে বাইরে একেবারে যেতে দিতে পারবেন না।

মাধব দত্ত। ছেলেমানুষ, ওকে দিনরাত ঘরের মধ্যে ধরে রাখা যে ভারি শক্ত।

কবিরাজ। তা কী করবেন বলেন। এই শরৎকালের রৌদ্র আর বায়ু দুই-ই ঐ বালকের পক্ষে বিষবৎ—কারণ কিনা শাস্ত্র বলছে, অপস্মারে জ্বরে কাশে কামলায়াং হলীমকে—

মাধব দত্ত। থাক্ থাক্, আপনার শাস্ত্র থাক্। তা হলে ওকে বন্ধ করেই রেখে দিতে হবে—অন্য কোনো উপায় নেই?

কবিরাজ। কিছু না, কারণ, পবনে তপনে চৈব—

মাধব দত্ত। আপনার ও চৈব নিয়ে আমার কী হবে বলেন তো। ও থাক্-না—কী করতে হবে সেইটে বলে দিন। কিন্তু আপনার ব্যবস্থা বড়ো কঠোর। রোগের সমস্ত দ্রুত ও-বেচারি চূপ করে সহ্য করে—কিন্তু আপনার ওষুধ খাবার সময় ওর কণ্ট দেখে আমার বুক ফেটে যায়।

কবিরাজ। সেই কণ্ট যত প্রবল তার ফলও তত বোঁশ—ভাই তো মহর্ষি চাবন বলেছেন, ভেবজং হিতবাক্যশ্চ তিস্তং আশুফলপ্রদং। আজ তবে উঠি দত্তমশায়!

[প্রস্থান]

#### ঠাকুরদার প্রবেশ

মাধব দত্ত। ঐ রে ঠাকুরদা এসেছে! সর্বনাশ করলে!

ঠাকুরদা। কেন? আমাকে তোমার ভয় কিসের?

মাধব দত্ত। তুমি যে ছেলে খ্যাপাবার সন্দার।

ঠাকুরদা। তুমি তো ছেলেও নও, তোমার ঘরেও ছেলে নেই—তোমার খ্যাপাবার বয়সও গেছে—তোমার ভাবনা কী।

মাধব দত্ত। ঘরে যে ছেলে একটি এনোঁছি।

ঠাকুরদা। সে কিরকম!

মাধব দত্ত। আমার স্ত্রী যে পোষাপুত্র নেবার জন্যে থেপে উঠেছিল।

ঠাকুরদা। সে তো অনেকদিন থেকে শুনছি, কিন্তু তুমি যে নিতে চাও না।

মাধব দত্ত। জান তো ভাই, অনেক কণ্ট টাকা করেছি, কোথা থেকে পরের ছেলে এসে আমার

বহু পরিশ্রমের ধন বিনা পরিশ্রমে ক্ষয় করতে থাকবে, সে কথা মনে করলেও আমার খারাপ লাগত। কিন্তু এই ছেলটিকে আমার যে কিরকম লেগে গিয়েছে—

ঠাকুরদা। তাই এর জন্যে টাকা যতই খরচ করছ, ততই মনে করছ, সে যেন টাকার পরম ভাগ্য।

মাধব দত্ত। আগে টাকা রোজগার করতুম, সে কেবল একটা নেশার মতো ছিল—না করে কোনোমতে থাকতে পারতুম না। কিন্তু এখন যা টাকা করছি, সবই ঐ ছেলে পাবে জেনে উপার্জনে ভারি একটা আনন্দ পাচ্ছি।

ঠাকুরদা। বেশ, বেশ ভাই, ছেলটিকে কোথায় পেলে বলো দেখি।

মাধব দত্ত। আমার স্ত্রীর গ্রামসম্পর্কে ভাইপো। ছোটবেলা থেকে বেচারার মা নেই। আবার সেদিন তার বাপও মারা গেছে।

ঠাকুরদা। আহা! তবে তো আমাকে তার দরকার আছে।

মাধব দত্ত। কবিরাজ বলছে তার ঐটুকু শরীরে একসঙ্গে বাত পিস্ত শ্লেষ্মা যে-রকম প্রকুপিত হয়ে উঠেছে, তাতে তার আর বড়ো আশা নেই। এখন একমাত্র উপায় তাকে কোনোরকমে এই শরতের রৌদ্র আর বাতাস থেকে বাঁচিয়ে ঘরে বন্ধ করে রাখা। ছেলেগুলোকে ঘরের বার করাই তোমার এই বড়োবয়সের খেলা—তাই তোমাকে ভয় করি।

ঠাকুরদা। মিছে বল নি—একেবারে ভয়ানক হয়ে উঠেছি আমি, শরতের রৌদ্র আর হাওয়ারই মতো। কিন্তু ভাই, ঘরে ধরে রাখবার মতো খেলাও আমি কিছু জানি। আমার কাজকর্ম একটু সেয়ে আসি, তার পরে ঐ ছেলটির সঙ্গে ভাব করে নেব।

[প্রস্থান]

#### অমল গদুস্তের প্রবেশ

অমল। পিসেমশায়!

মাধব দত্ত। কী অমল?

অমল। আমি কি ঐ উঠোনটাতেও যেতে পারব না?

মাধব দত্ত। না বাবা!

অমল। ঐ যেখানটাতে পিসিমা জাঁতা দিয়ে ডাল ভাঙেন। ঐ দেখো—না, যেখানে ভাঙা ডালের খুদগদলি দুই হাতে তুলে নিয়ে লেজের উপর ভর দিয়ে বসে কাঠবিড়ালি কুটুস্ কুটুস্ করে খাচ্ছে—ওখানে আমি যেতে পারব না?

মাধব দত্ত। না বাবা!

অমল। আমি যদি কাঠবিড়ালি হতুম তবে বেশ হত। কিন্তু পিসেমশায়, আমাকে কেন বেরোতে দেবে না?

মাধব দত্ত। কবিরাজ যে বলেছে বাইরে গেলে তোমার অসুখ করবে।

অমল। কবিরাজ কেমন করে জানলে?

মাধব দত্ত। বল কী অমল! কবিরাজ জানবে না! সে যে এত বড়ো বড়ো পুঁথি পড়ে ফেলেছে!

অমল। পুঁথি পড়লেই কি সমস্ত জানতে পারে?

মাধব দত্ত। বেশ! তাও বুঝি জান না!

অমল। (দীর্ঘনিশ্বাস ফেলিয়া) আমি যে পুঁথি কিছুই পড়ি নি—তাই জানি নে।

মাধব দত্ত। দেখো, বড়ো বড়ো পণ্ডিতরা সব তোমারই মতো—তারা ঘর থেকে তো বেরোয় না।

অমল। বেরোয় না?

মাধব দত্ত। না, কখন বেরোবে বলো। তারা বসে বসে কেবল পুঁথি পড়ে—আর কোনো দিকেই

তাদের চোখ নেই। অমলবাবু, তুমিও বড়ো হলে পশ্চিম হবে—বসে বসে এই এত বড়ো বড়ো সব পুঁথি পড়বে—সবাই দেখে আশ্চর্য হয়ে যাবে।

অমল। না না, পিসেমশায়, তোমার দুটি পায়ে পড়ি, আমি পশ্চিম হব না—পিসেমশায়, আমি পশ্চিম হব না।

মাধব দত্ত। সে কী কথা অমল! যদি পশ্চিম হতে পারতুম, তা হলে আমি তো বেঁচে যেতুম।

অমল। আমি, যা আছে সব দেখবে—কেবল দেখে বেড়াব।

মাধব দত্ত। শোনো একবার! দেখবে কী? দেখবার এত আছেই বা কী?

অমল। আমাদের জানলার কাছে বসে সেই যে দূরে পাহাড় দেখা যায়—আমার ভারি ইচ্ছে করে ঐ পাহাড়টা পার হয়ে চলে যাই।

মাধব দত্ত। কী পাগলের মতো কথা! কাজ নেই কর্ম নেই, খামকা পাহাড়টা পার হয়ে চলে যাই! কী যে বলে তার ঠিক নেই। পাহাড়টা যখন মস্ত বেড়ার মতো উঁচু হয়ে আছে তখন তো বুঝতে হবে ওটা পেরিয়ে যাওয়া বারণ—নইলে এত বড়ো বড়ো পাথর জড়ো করে এত বড়ো একটা কান্ড করার দরকার কী ছিল!

অমল। পিসেমশায়, তোমার কি মনে হয় ও বারণ করছে? আমার ঠিক বোধ হয় পৃথিবীটা কথা কইতে পারে না, তাই অমনি করে নীল আকাশে হাত তুলে ডাকছে। অনেক দূরের যারা ঘরের মধ্যে বসে থাকে তারাও দুপুরবেলা একলা জানলার ধারে বসে ঐ ডাক শুনতে পায়। পশ্চিমতারা বৃষ্টি শুনতে পায় না?

মাধব দত্ত। তারা তো তোমার মতো খ্যাপা নয়—তারা শুনতে চায়ও না।

অমল। আমার মতো খ্যাপা আমি কালকে একজনকে দেখেছিলুম।

মাধব দত্ত। সত্যি নাকি? কী রকম শুন।

অমল। তার কাঁধে এক বাঁশের লাঠি। লাঠির আগায় একটা পুঁটুলি বাঁধা। তার বাঁ হাতে একটা ঘটি। পুরানো একজেড়া নাগরাজুতো পরে সে এই মাঠের পথ দিয়ে ঐ পাহাড়ের দিকেই যাচ্ছিল। আমি তাকে ডেকে জিজ্ঞাসা করলুম, তুমি কোথায় যাচ্ছ? সে বললে, কী জানি, যেখানে হয়। আমি জিজ্ঞাসা করলুম, কেন যাচ্ছ? সে বললে, কাজ খুঁজতে যাচ্ছি। আচ্ছা পিসেমশায়, কাজ কি খুঁজতে হয়?

মাধব দত্ত। হয় বৈকি। কত লোক কাজ খুঁজে বেড়ায়।

অমল। বেশ তো। আমিও তাদের মতো কাজ খুঁজে বেড়াব।

মাধব দত্ত। খুঁজে যদি না পাও।

অমল। খুঁজে যদি না পাই তো আবার খুঁজব। তার পরে সেই নাগরাজুতোপরা লোকটা চলে গেল—আমি দরজার কাছে দাঁড়িয়ে দাঁড়িয়ে দেখতে লাগলুম। সেই যেখানে ডুমুরগাছের তলা দিয়ে ঝরনা বয়ে যাচ্ছে, সেইখানে সে লাঠি নাগিয়ে রেখে ঝরনার জলে আস্তে আস্তে পা ধুয়ে নিলে—তার পরে পুঁটুলি খুলে ছাতু বের করে জল দিয়ে মেখে নিয়ে খেতে লাগল। খাওয়া হয়ে গেলে আবার পুঁটুলি বেঁধে ঘাড়ে করে নিলে—পায়ের কাপড় গুটিয়ে নিয়ে সেই ঝরনার ভিতর নেমে জল কেটে কেটে কেমন পার হয়ে চলে গেল। পিসিমাকে বলে রেখেছি ঐ ঝরনার ধারে গিয়ে একদিন আমি ছাতু খাব।

মাধব দত্ত। পিসিমা কী বললে?

অমল। পিসিমা বললেন, তুমি ভালো হও, তার পর তোমাকে ঐ ঝরনার ধারে নিয়ে গিয়ে ছাতু খাইয়ে আনব। কবে আমি ভালো হব?

মাধব দত্ত। আর তো দেরি নেই বাবা!

অমল। দেরি নেই? ভালো হলেই কিন্তু আমি চলে যাব।

মাধব দত্ত। কোথায় যাবে?

অমল। কত বাঁকা বাঁকা ঝরনার জলে আমি পা ডুবিয়ে ডুবিয়ে পার হতে হতে চলে যাব—

দুপুরবেলায় সবাই যখন ঘরে দরজা বন্ধ করে শূন্যে আছে, তখন আমি কোথায় কতদূরে কেবল কাজ খুঁজে খুঁজে বেড়াতে বেড়াতে চলে যাব।

মাধব দস্ত। আচ্ছা বেশ, আগে তুমি ভালো হও, তার পরে তুমি—

অমল। তার পরে আমাকে পণ্ডিত হতে বোলো না পিসেমশায়!

মাধব দস্ত। তুমি কী হতে চাও বলো।

অমল। এখন আমার কিছু মনে পড়ছে না—আচ্ছা আমি ভেবে বলব।

মাধব দস্ত। কিন্তু তুমি অমন করে যে-সে বিদেশী লোককে ডেকে ডেকে কথা বোলো না।

অমল। বিদেশী লোক আমার ভারি ভালো লাগে।

মাধব দস্ত। যদি তোমাকে ধরে নিয়ে যেত?

অমল। তা হলে তো সে বেশ হত। কিন্তু আমাকে তো কেউ ধরে নিয়ে যায় না—সব্বাই কেবল বাঁসিয়ে রেখে দেয়।

মাধব দস্ত। আমার কাজ আছে আমি চললুম—কিন্তু বাবা দেখো, বাইরে যেন বেরিয়ে যেয়ো না।

অমল। যাব না। কিন্তু পিসেমশায়, রাস্তার ধারের এই ঘরটিতে আমি বসে থাকব।

## ২

দইওআলা। দই—দই—ভালো দই!

অমল। দইওআলা দইওআলা, ও দইওআলা!

দইওআলা। ডাকছ কেন? দই কিনবে?

অমল। কেমন করে কিনব! আমার তো পয়সা নেই।

দইওআলা। কেমন ছেলে তুমি। কিনবে না তো আমার বেলা বইয়ে দাও কেন?

অমল। আমি যদি তোমার সঙ্গে চলে যেতে পারতুম তো যেতুম।

দইওআলা। আমার সঙ্গে!

অমল। হাঁ। তুমি যে কত দূর থেকে হাঁকতে হাঁকতে চলে যাচ্ছ শূন্যে আমার মন কেমন করছে।

দইওআলা। (দধির বাঁক নামাইয়া) বাবা, তুমি এখানে বসে কী করছ?

অমল। কবিরাজ আমাকে বেরোতে বারণ করেছে, তাই আমি সারাদিন এইখানেই বসে থাকি।

দইওআলা। আহা, বাছা তোমার কী হয়েছে?

অমল। আমি জানি নে। আমি তো কিছু পড়ি নি, তাই আমি জানি নে আমার কী হয়েছে।

দইওআলা, তুমি কোথা থেকে আসছ?

দইওআলা। আমাদের গ্রাম থেকে আসছি।

অমল। তোমাদের গ্রাম? অনে—ক দূরে তোমাদের গ্রাম?

দইওআলা। আমাদের গ্রাম সেই পাঁচমুড়া পাহাড়ের তলায়। শামলী নদীর ধারে।

অমল। পাঁচমুড়া পাহাড়—শামলী নদী—কী জানি, হয়তো তোমাদের গ্রাম দেখেছি—কবে সে আমার মনে পড়ে না।

দইওআলা। তুমি দেখেছ? পাহাড়তলায় কোনোদিন গিয়েছিলে নাকি?

অমল। না, কোনোদিন যাই নি। কিন্তু আমার মনে হয় যেন আমি দেখেছি।

অনেক পুরোনোকালের খুব বড়ো বড়ো গাছের তলায় তোমাদের গ্রাম—একটি লাল রঙের রাস্তার ধারে। না?



দইওআলা। ঠিক বলেছ বাবা।

অমল। সেখানে পাহাড়ের গায়ে সব গোরু চরে বেড়াচ্ছে।

দইওআলা। কী আশ্চর্য! ঠিক বলছ। আমাদের গ্রামে গোরু চরে বৈকি, খুব চরে।

অমল। মেয়েরা সব নদী থেকে জল তুলে মাথায় কল্‌সি করে নিয়ে যায়—তাদের লাল শাড়ি পরা।

দইওআলা। বা! বা! ঠিক কথা। আমাদের সব গয়লাপাড়ার মেয়েরা নদী থেকে জল তুলে তো নিয়ে যায়ই। তবে কিনা তারা সবাই যে লাল শাড়ি পরে তা নয়—কিন্তু বাবা, তুমি নিশ্চয় কোনোদিন সেখানে বেড়াতে গিয়েছিলে!

অমল। সত্যি বলছি দইওআলা, আমি একদিনও যাই নি। কবিরাজ যেদিন আমাকে বাইরে যেতে বলবে সেদিন তুমি নিয়ে যাবে তোমাদের গ্রামে?

দইওআলা। যাব বৈকি বাবা, খুব নিয়ে যাব!

অমল। আমাকে তোমার মতো ঐরকম দই বেচতে শিখিয়ে দিয়ো। ঐরকম বাঁক কাঁধে নিয়ে—ঐরকম খুব দূরের রাস্তা দিয়ে।

দইওআলা। মরে যাই! দই বেচতে যাবে কেন বাবা। এত এত পুঁথি পড়ে তুমি পণ্ডিত হয়ে উঠবে।

অমল। না, না, আমি কক্‌খনো পণ্ডিত হব না। আমি তোমাদের রাঙা রাস্তার ধারে তোমাদের বুড়ো বটের তলায় গোয়ালপাড়া থেকে দই নিয়ে এসে দূরে দূরে গ্রামে গ্রামে বেচে বেচে বেড়াব। কী রকম করে তুমি বল, দই, দই, দই—ভালো দই। আমাকে সদরটা শিখিয়ে দাও।

দইওআলা। হায় পোড়াকপাল! এ সদরও কি শেখবার সদর!

অমল। না, না, ও আমার শুনতে খুব ভালো লাগে। আকাশের খুব শেষ থেকে যেমন পাখির ডাক শুনলে মন উদাস হয়ে যায়—তেমনি ঐ রাস্তার মোড় থেকে ঐ গাছের সারির মধ্যে দিয়ে যখন তোমার ডাক আসছিল, আমার মনে হচ্ছিল—কী জানি কী মনে হচ্ছিল!

দইওআলা। বাবা, এক ভাড়ি দই তুমি খাও।

অমল। আমার তো পয়সা নেই।

দইওআলা। না না না না—পয়সার কথা বোলো না। তুমি আমার দই একটু খেলে আমি কত খুশি হব।

অমল। তোমার কি অনেক দেরি হয়ে গেল?

দইওআলা। কিচ্ছু দেরি হয় নি বাবা, আমার কোনো লোকসান হয় নি। দই বেচতে যে কত সুখ সে তোমার কাছে শিখে নিলুম।

[প্রস্থান]

অমল। (সদর করিয়া) দই, দই, দই, ভালো দই! সেই পাঁচমুড়া পাহাড়ের তলায় শামলী নদীর ধারে গয়লাদের বাড়ির দই। তারা ভোরের বেলায় গাছের তলায় গোরু দাঁড় করিয়ে দুধ দোয়, সন্ধ্যাবেলায় মেয়েরা দই পাতে সেই দই। দই, দই, দই—ই, ভালো দই! এই-যে রাস্তায় প্রহরী পায়চারি করে বেড়াচ্ছে।

প্রহরী, প্রহরী, একটিবার শূনে যাও-না প্রহরী!

প্রহরীর প্রবেশ

প্রহরী। অমন করে ডাকাডাকি করছ কেন? আমাকে ভয় কর না তুমি?

অমল। কেন, তোমাকে কেন ভয় করব?

প্রহরী। যদি তোমাকে ধরে নিয়ে যাই।

অমল। কোথায় ধরে নিয়ে যাবে? অনেক দূরে? ঐ পাহাড় পেরিয়ে?

প্রহরী। একেবারে রাজার কাছে যদি নিয়ে যাই।

অমল। রাজার কাছে? নিয়ে যাও-না আমাকে! কিন্তু আমাকে যে কবিরাজ বাইরে যেতে বারণ করেছে। আমাকে কেউ কোথাও ধরে নিয়ে যেতে পারবে না—আমাকে কেবল দিনরাত্রি এখানেই বসে থাকতে হবে।

প্রহরী। কবিরাজ বারণ করেছে? আহা, তাই বটে—তোমার মূখ যেন সাদা হয়ে গেছে। চোখের কোলে কালি পড়েছে। তোমার হাত দুখানিতে শিরগদূলি দেখা যাচ্ছে।

অমল। তুমি ঘণ্টা বাজাবে না প্রহরী?

প্রহরী। এখনো সময় হয় নি।

অমল। কেউ বলে 'সময় বয়ে যাচ্ছে', কেউ বলে 'সময় হয় নি'। আচ্ছা, তুমি ঘণ্টা বাজিয়ে দিলেই তো সময় হবে?

প্রহরী। সে কি হয়! সময় হলে তবে আমি ঘণ্টা বাজিয়ে দিই।

অমল। বেশ লাগে তোমার ঘণ্টা—আমার শুনতে ভারি ভালো লাগে—দুপুরবেলা আমাদের বাড়িতে যখন সকলেরই খাওয়া হয়ে যায়—পিসেমশায় কোথায় কাজ করতে বেরিয়ে যান, পিসিমা রামায়ণ পড়তে পড়তে ঘুমিয়ে পড়েন, আমাদের খুদে কুকুরটা উঠানে ঐ কোণের ছায়ায় লেজের মধ্যে মূখ গুঁজে ঘুমোতে থাকে—তখন তোমার ঐ ঘণ্টা বাজে—ঢং ঢং ঢং, ঢং ঢং ঢং। তোমার ঘণ্টা কেন বাজে?

প্রহরী। ঘণ্টা এই কথা সবাইকে বলে, সময় বসে নেই, সময় কেবলই চলে যাচ্ছে।

অমল। কোথায় চলে যাচ্ছে? কোন্ দেশে?

প্রহরী। সে কথা কেউ জানে না।

অমল। সে দেশ বুঝি কেউ দেখে আসে নি? আমার ভারি ইচ্ছে করছে ঐ সময়ের সঙ্গে চলে যাই—যে দেশের কথা কেউ জানে না সেই অনেক দূরে।

প্রহরী। সে দেশে সবাইকে যেতে হবে বাবা!

অমল। আমাকেও যেতে হবে?

প্রহরী। হবে বৈকি!

অমল। কিন্তু কবিরাজ যে আমাকে বাইরে যেতে বারণ করেছে।

প্রহরী। কান্দীন কবিরাজই হয়তো স্বয়ং হাতে ধরে নিয়ে যাবেন!

অমল। না না, তুমি তাকে জান না, সে কেবলই ধরে রেখে দেয়।

প্রহরী। তার চেয়ে ভালো কবিরাজ যিনি আছেন, তিনি এসে ছেড়ে দিয়ে যান।

অমল। আমার সেই ভালো কবিরাজ কবে আসবেন? আমার যে আর বসে থাকতে ভালো লাগছে না।

প্রহরী। অমন কথা বলতে নেই বাবা!

অমল। না—আমি তো বসেই আছি—যেখানে আমাকে বসিয়ে রেখেছে সেখান থেকে আমি তো বেরোই নে—কিন্তু তোমার ঐ ঘণ্টা বাজে ঢং ঢং ঢং—আর আমার মন-কেমন করে। আচ্ছা প্রহরী!

প্রহরী। কী বাবা?

অমল। আচ্ছা, ঐ-যে রাস্তার ওপারের বড়ো বাড়িতে নিশেন উড়িয়ে দিয়েছে, আর ওখানে সব লোকজন কেবলই আসছে যাচ্ছে—ওখানে কী হয়েছে?

প্রহরী। ওখানে নতুন ডাকঘর বসেছে।

অমল। ডাকঘর? কার ডাকঘর?

প্রহরী। ডাকঘর আর কার হবে? রাজার ডাকঘর! এ ছেলটি ভারি মজার।

অমল। রাজার ডাকঘরে রাজার কাছ থেকে সব চিঠি আসে?

প্রহরী। আসে বৈকি। দেখো একদিন তোমার নামেও চিঠি আসবে।

অমল। আমার নামেও চিঠি আসবে? আমি যে ছেলেমানুষ।

প্রহরী। ছেলেমানুষকে রাজা এতটুকটুকু ছোট ছোট চিঠি লেখেন।

অমল। বেশ হবে। আমি কবে চিঠি পাব? আমাকেও তিনি চিঠি লিখবেন তুমি কেমন করে জানলে?

প্রহরী। তা নইলে তিনি ঠিক তোমার এই খোলা জানলাটার সামনেই অতবড়ো একটা সোনারি রঙের নিশেন উড়িয়ে ডাকঘর খুলতে যাবেন কেন?—ছেলেটাকে আমার বেশ লাগছে।

অমল। আচ্ছা, রাজার কাছ থেকে আমার চিঠি এলে আমাকে কে এনে দেবে?

প্রহরী। রাজার যে অনেক ডাক-হরকরা আছে—দেখ নি বন্ধুকে গোল গোল সোনার তকমা পরে তারা ঘুরে বেড়ায়।

অমল। আচ্ছা, কোথায় তারা ঘুরে?

প্রহরী। ঘরে ঘরে, দেশে দেশে।—এর প্রশ্ন শুনলে হাসি পায়।

অমল। বড়ো হলে আমি রাজার ডাক-হরকরা হব।

প্রহরী। হা হা হা হা! ডাক-হরকরা! সে ভারি মস্ত কাজ! রোদ নেই বৃষ্টি নেই, গরিব নেই বড়োমানুষ নেই, সকলের ঘরে ঘরে চিঠি বিলি করে বেড়ানো—সে খুব জবর কাজ!

অমল। তুমি হাসছ কেন! আমার ঐ কাজটাই সকলের চেয়ে ভালো লাগছে। না না তোমার কাজও খুব ভালো—দুপদুরবেলা যখন রোদ্দুর ঝাঁঝ করে, তখন ঘণ্টা বাজে ঢং ঢং ঢং—আবার এক-এক দিন রাতে হঠাৎ বিছানায় জেগে উঠে দেখি ঘরের প্রদীপ নিবে গেছে, বাইরের কোন্ অন্ধকারের ভিতর দিয়ে ঘণ্টা বাজছে ঢং ঢং ঢং।

প্রহরী। ঐ যে মোড়ল আসছে—আমি এবার পালাই। ও যদি দেখতে পায় তোমার সঙ্গে গল্প করছি, তা হলেই মর্শকিল বাধাবে।

অমল। কই মোড়ল, কই, কই?

প্রহরী। ঐ যে, অনেক দূরে। মাথায় একটা মস্ত গোলপাতার ছাতি।

অমল। ওকে বন্ধু রাজা মোড়ল করে দিয়েছে?

প্রহরী। আরে না। ও আপনি মোড়লি করে। যে ওকে না মানতে চায় ও তার সঙ্গে দিনরাত এমনি লাগে যে ওকে সকলেই ভয় করে। কেবল সকলের সঙ্গে শত্রুতা করেই ও আপনার ব্যাবসা চালায়। আজ তবে যাই, আমার কাজ কামাই যাচ্ছে। আমি আবার কাল সকালে এসে তোমাকে সমস্ত শহরের খবর শুনিয়ে যাব।

[প্রস্থান]

অমল। রাজার কাছ থেকে রোজ একটা করে চিঠি যদি পাই তা হলে বেশ হয়—এই জানলার কাছে বসে বসে পড়ি। কিন্তু আমি তো পড়তে পারি নে! কে পড়ে দেবে? পিসিমা তো রামায়ণ পড়ে। পিসিমা কি রাজার লেখা পড়তে পারে? কেউ যদি পড়তে না পারে জমিয়ে রেখে দেব, আমি বড়ো হলে পড়ব। কিন্তু ডাক-হরকরা যদি আমাকে না চেনে! মোড়লমশায়, ও মোড়লমশায়—একটা কথা শুনো যাও।

মোড়লের প্রবেশ

মোড়ল। কে রে! রাস্তার মধ্যে আমাকে ডাকাডাকি করে! কোথাকার বাঁদর এটা!

অমল। তুমি মোড়লমশায়, তোমাকে তো সবাই মানে।

মোড়ল। (খুশি হইয়া) হাঁ, হাঁ, মানে বৈকি। খুব মানে।

অমল। রাজার ডাক-হরকরা তোমার কথা শোনে?

মোড়ল। না শুনো তার প্রাণ বাঁচে? বাস রে, সাধ্য কী!

অমল। তুমি ডাক-হরকরাকে বলে দেবে আমারই নাম অমল—আমি এই জানলার কাছটাতে বসে থাকি।

মোড়ল। কেন বলো দেখি।

অমল। আমার নামে যদি চিঠি আসে—

মোড়ল। তোমার নামে চিঠি! তোমাকে কে চিঠি লিখবে?

অমল। রাজা যদি চিঠি লেখে তা হলে—

মোড়ল। হা হা হা হা! এ ছেলেটা তো কম নয়। হা হা হা হা! রাজা তোমাকে চিঠি লিখবে! তা লিখবে বৈকি! তুমি যে তাঁর পরম বন্ধু! কদিন তোমার সঙ্গে দেখা না হয়ে রাজা শ্রুতকিয়ে যাচ্ছে, খবর পেয়েছি। আর বেশি দেরি নেই, চিঠি হয়তো আজই আসে কি কালই আসে।

অমল। মোড়লমশায়, তুমি অমন করে কথা কচ্ছ কেন! তুমি কি আমার উপর রাগ করছে?

মোড়ল। বাস রে। তোমার উপর রাগ করব! এত সাহস আমার! রাজার সঙ্গে তোমার চিঠি চলে!—মাধব দত্তের বড়ো বাড়ি হয়েছে দেখছি। দু'পয়সা জমিয়েছে কিনা, এখন তার ঘরে রাজা-বাদশার কথা ছাড়া আর কথা নেই। রোসো-না ওকে মজা দেখাচ্ছি। ওরে ছোঁড়া, বেশ, শীঘ্রই যাতে রাজার চিঠি তোদের বাড়িতে আসে, আমি তার বন্দোবস্ত করছি।

অমল। না, না, তোমাকে কিছুর করতে হবে না।

মোড়ল। কেন রে? তোর খবর আমি রাজাকে জানিয়ে দেব—তিনি তা হলে আর দেরি করতে পারবেন না—তোমাদের খবর নেওয়ার জন্যে এখনই পাইক পাঠিয়ে দেবেন!—না, মাধব দত্তের ভারি আশ্পর্শ—রাজার কানে একবার উঠলে দরুস্ত হয়ে যাবে।

[প্রস্থান]

অমল। কে তুমি মল ঝন্ ঝন্ করতে করতে চলেছ—একটু দাঁড়াও-না ভাই।

#### বালিকার প্রবেশ

বালিকা। আমার কি দাঁড়বার জো আছে! বেলা বয়ে যায় যে।

অমল। তোমার দাঁড়াতে ইচ্ছা করছে না—আমারও এখানে আর বসে থাকতে ইচ্ছা করে না।

বালিকা। তোমাকে দেখে আমার মনে হচ্ছে যেন সকালবেলাকার তারা—তোমার কী হয়েছে বলো তো।

অমল। জানি নে কী হয়েছে, কবিরাজ আমাকে বেরোতে বারণ করেছে।

বালিকা। আহা, তবে বেরিয়ে না—কবিরাজের কথা মেনে চলতে হয়—দুরন্তপনা করতে নেই, তা হলে লোকে দুষ্টু বলবে। বাইরের দিকে তাকিয়ে তোমার মন ছটফট করছে, আমি বরণ তোমার এই আধখানা দরজা বন্ধ করে দিই।

অমল। না, না, বন্ধ কোরো না—এখানে আমার আর-সব বন্ধ কেবল এইটুকু খোলা। তুমি কে বলো-না—আমি তো তোমাকে চিনি নে!

বালিকা। আমি সূধা।

অমল। সূধা?

সূধা। জান না? আমি এখানকার মালিনীর মেয়ে।

অমল। তুমি কী কর?

সূধা। সাজি ভরে ফুল তুলে নিয়ে এসে মালা গাঁথি। এখন ফুল তুলতে চলেছি।

অমল। ফুল তুলতে চলেছ? তাই তোমার পা দুটি অমন খুঁশি হয়ে উঠেছে—যতই চলেছ, মল বাজছে ঝন্ ঝন্ ঝন্। আমি যদি তোমার সঙ্গে যেতে পারতুম তা হলে উঁচু ডালে যেখানে দেখা যায় না সেইখান থেকে আমি তোমাকে ফুল পেড়ে দিতুম।

সূধা। তাই বৈকি! ফুলের খবর আমার চেয়ে তুমি নাকি বেশি জান!

অমল। জানি, আমি খুব জানি। আমি সাত ভাই চম্পার খবর জানি। আমার মনে হয় আমাকে যদি সবাই ছেড়ে দেয় তা হলে আমি চলে যেতে পারি খুব ঘন বনের মধ্যে যেখানে রাস্তা খুঁজে পাওয়া যায় না। সরু ডালের সব-আগায় যেখানে মনুয়া পাখি বসে বসে দোলা খায় সেইখানে আমি চাঁপা হয়ে ফুটতে পারি। তুমি আমার পারুলদিদি হবে?

সুধা। কী বৃদ্ধি তোমার! পারদুলদিদি আমি কী করে হব! আমি যে সুধা—আমি শশী মালিনীর মেয়ে। আমাকে রোজ এত এত মালা গাঁথতে হয়। আমি যদি তোমার মতো এইখানে বসে থাকতে পারতুম তা হলে কেমন মজা হত!

অমল। তা হলে সমস্ত দিন কী করতে?

সুধা। আমার বেনে-বউ পুতুল আছে, তার বিয়ে দিতুম। আমার পুঁষি মৈনি আছে, তাকে নিয়ে—যাই, বেলা বয়ে যাচ্ছে, দেরি হলে ফুল আর থাকবে না।

অমল। আমার সঙ্গে আর-একটু গল্প করো-না, আমার খুব ভালো লাগছে।

সুধা। আচ্ছা বেশ, তুমি দৃষ্টিমি করো না, লক্ষ্মী ছেলে হয়ে এইখানে স্থির হয়ে বসে থাকো, আমি ফুল তুলে ফেরবার পথে তোমার সঙ্গে গল্প করে যাব।

অমল। আর আমাকে একটি ফুল দিয়ে যাবে?

সুধা। ফুল অর্গনি কেমন করে দেব? দাম দিতে হবে যে।

অমল। আমি যখন বড়ো হব তখন তোমাকে দাম দেব। আমি কাজ খুঁজতে চলে যাব এঁ ঝরনা পার হয়ে, তখন তোমাকে দাম দিয়ে যাব।

সুধা। আচ্ছা বেশ।

অমল। তুমি তা হলে ফুল তুলে আসবে?

সুধা। আসব।

অমল। আসবে?

সুধা। আসব।

অমল। আমাকে ভুলে যাবে না? আমার নাম অমল। মনে থাকবে তোমার?

সুধা। না, ভুলব না। দেখো, মনে থাকবে।

[ প্রস্থান

#### ছেলের দলের প্রবেশ

অমল। ভাই, তোমরা সব কোথায় যাচ্ছ ভাই? একবার একটুখানি এইখানে দাঁড়াও-না।

ছেলেরা। আমরা খেলতে চলেছি।

অমল। কী খেলবে তোমরা ভাই?

ছেলেরা। আমরা চাষ-খেলা খেলব।

প্রথম। (লাঠি দেখাইয়া) এই যে আমাদের লাঙল।

দ্বিতীয়। আমরা দুজনে দুই গোরু হব।

অমল। সমস্ত দিন খেলবে?

ছেলেরা। হ্যাঁ, সমস্ত দিন—না।

অমল। তার পরে সন্ধ্যার সময় নদীর ধার দিয়ে দিয়ে বাড়ি ফিরে আসবে?

ছেলেরা। হ্যাঁ, সন্ধ্যার সময় ফিরব।

অমল। আমার এই ঘরের সামনে দিয়েই ফিরো ভাই।

ছেলেরা। তুমি বেরিয়ে এসো-না, খেলবে চলো।

অমল। কবিরাজ আমাকে বেরিয়ে যেতে মানা করেছে।

ছেলেরা। কবিরাজ! কবিরাজের মানা তুমি শোন বৃদ্ধি! চল্ ভাই চল্ আমাদের দেরি হয়ে যাচ্ছে।

অমল। না ভাই, তোমরা আমার এই জানলার সামনে রাস্তায় দাঁড়িয়ে একটু খেলা করো—আমি একটু দেখি।

ছেলেরা। এখানে কী নিয়ে খেলব?

অমল। এই-যে আমার সব খেলনা পড়ে রয়েছে—এ-সব তোমরাই নাও ভাই—ঘরের ভিতরে

একলা খেলতে ভালো লাগে না—এ-সব খুলোয় ছড়ানো পড়েই থাকে—এ আমার কোনো কাজে লাগে না।

ছেলেরা। বা, বা, বা, কী চমৎকার খেলনা! এ যে জাহাজ! এ যে জটাইবুড়ি! দেখাছিস ভাই? কেমন সুন্দর সেপাই!—এ-সব তুমি আমাদের দিয়ে দিলে? তোমার কষ্ট হচ্ছে না?

অমল। না, কিছু কষ্ট হচ্ছে না, সব তোমাদের দিলুম।

ছেলেরা। আর কিন্তু ফিরিয়ে দেব না।

অমল। না, ফিরিয়ে দিতে হবে না।

ছেলেরা। কেউ তো বকবে না?

অমল। কেউ না, কেউ না। কিন্তু রোজ সকালে তোমরা এই খেলনাগুলো নিয়ে আমার এই দরজার সামনে খানিকক্ষণ ধরে খেলো। আবার এগুলো যখন পুরোনো হয়ে যাবে আমি নতুন খেলনা আনিবে দেব।

ছেলেরা। বেশ ভাই, আমরা রোজ এখানে খেলে যাব। ও ভাই, সেপাইগুলোকে এখানে সব সাজা—আমরা লড়াই-লড়াই খেলি। বন্দুক কোথায় পাই? ঐ-যে একটা মস্ত শরকাঠি পড়ে আছে—ঐটেকে ভেঙে ভেঙে নিয়ে আমরা বন্দুক বানাই। কিন্তু ভাই তুমি যে ঘুমিয়ে পড়ছ!

অমল। হাঁ, আমার ভারি ঘুম পেয়ে আসছে। জানি নে কেন আমার থেকে থেকে ঘুম পায়। অনেকক্ষণ বসে আছি আমি, আর বসে থাকতে পারছি নে—আমার পিঠ ব্যথা করছে।

ছেলেরা। এখন যে সবে এক প্রহর বেলা—এখনই তোমার ঘুম পায় কেন? ঐ শোনো এক প্রহরের ঘণ্টা বাজছে।

অমল। হাঁ, ঐ যে বাজছে ঢং ঢং ঢং—আমাকে ঘুমোতে যেতে ডাকছে।

ছেলেরা। তবে আমরা এখন যাই, আবার কাল সকালে আসব।

অমল। যাবার আগে তোমাদের একটা কথা আমি জিজ্ঞাসা করি ভাই। তোমরা তো বাইরে থাক, তোমরা ঐ রাজার ডাকঘরের ডাক-হরকরাদের চেন?

ছেলেরা। হাঁ চিনি বৈকি, খুব চিনি।

অমল। কে তারা, নাম কী?

ছেলেরা। একজন আছে বাদল হরকরা, একজন আছে শরৎ—আরো কত আছে।

অমল। আচ্ছা, আমার নামে যদি চিঠি আসে তারা কি আমাকে চিনতে পারবে?

ছেলেরা। কেন পারবে না? চিঠিতে তোমার নাম থাকলেই তারা তোমাকে ঠিক চিনে নেবে।

অমল। কাল সকালে যখন আসবে তাদের একজনকে ডেকে এনে আমাকে চিনিয়ে দিয়ো-না।

ছেলেরা। আচ্ছা দেব।

### ৩

#### অমল শয্যাগত

অমল। পিসেমশায়, আজ আর আমার সেই জানলার কাছেও যেতে পারব না? কবিরাজ বারণ করেছে?

মাধব দত্ত। হাঁ বাবা। সেখানে রোজ রোজ বসে থেকেই তো তোমার ব্যামো বেড়ে গেছে।

অমল। না পিসেমশায়, না—আমার ব্যামোর কথা আমি কিছুই জানি নে কিন্তু সেখানে থাকলে আমি খুব ভালো থাকি।

মাধব দত্ত। সেখানে বসে বসে তুমি এই শহরের যত রাজ্যের ছেলেবুড়ো সকলের সঙ্গেই ভাব করে নিয়েছ—আমার দরজার কাছে রোজ যেন একটা মস্ত মেলা বসে যায়—এতেও কি কখনো শরীর টেকে! দেখো দেখি, আজ তোমার মুখখানা কী রকম ফ্যাকাশে হয়ে গেছে!

অমল। পিসেমশায়, আমার সেই ফকির হয়তো আজ আমাকে জানলার কাছে না দেখতে পেয়ে চলে যাবে।

মাধব দত্ত। তোমার আবার ফকির কে?

অমল। সেই যে রোজ আমার কাছে এসে নানা দেশবিদেশের কথা বলে যায়—শুনতে আমার ভারি ভালো লাগে।

মাধব দত্ত। কই আমি তো কোনো ফকিরকে জানি নে।

অমল। এই ঠিক তার আসবার সময় হয়েছে—তোমার পায়ে পড়ি, তুমি তাকে একবার বলে এসো-না, সে যেন আমার ঘরে এসে একবার বসে।

ফকিরবেশে ঠাকুরদার প্রবেশ

অমল। এই-যে, এই-যে ফকির—এসো আমার বিছানায় এসে বসো।

মাধব দত্ত। এ কী! এ যে—

ঠাকুরদা। (চোখ ঠারিয়া) আমি ফকির।

মাধব দত্ত। তুমি যে কী নও তা তো ভেবে পাই নে!

অমল। এবারে তুমি কোথায় গিয়েছিলে ফকির?

ঠাকুরদা। আমি ক্রৌঞ্চবীপে গিয়েছিলুম—সেইখান থেকেই এইমাত্র আসছি।

মাধব দত্ত। ক্রৌঞ্চবীপে?

ঠাকুরদা। এতে আশ্চর্য হও কেন? তোমাদের মতো আমাকে পেয়েছে? আমার তো যেতে কোনো খরচ নেই। আমি যেখানে খুশি যেতে পারি।

অমল। (হাততালি দিয়া) তোমার ভারি মজা। আমি যখন ভালো হব তখন তুমি আমাকে চেলা করে নেবে বলেছিলে, মনে আছে ফকির?

ঠাকুরদা। খুব মনে আছে। বেড়াবার এমন সব মন্ত্র শিখিয়ে দেব যে সমুদ্রে পাহাড়ে অরণ্যে কোথাও কিছুতে বাধা দিতে পারবে না।

মাধব দত্ত। এ-সব কী পাগলের মতো কথা হচ্ছে তোমাদের!

ঠাকুরদা। বাবা অমল, পাহাড়-পর্বত-সমুদ্রকে ভয় করি নে—কিন্তু তোমার এই পিসেটির সঙ্গে যদি আবার কবিরাজ এসে জোটেন তা হলে আমার মন্ত্রকে হার মানতে হবে।

অমল। না, না, পিসেমশায়, তুমি কবিরাজকে কিছ্ বোলো না।—এখন আমি এইখানেই শুয়ে থাকব, কিছ্ করব না—কিন্তু যেদিন আমি ভালো হব সেইদিনই আমি ফকিরের মন্ত্র নিয়ে চলে যাব—নদী-পাহাড়-সমুদ্রে আমাকে আর ধরে রাখতে পারবে না।

মাধব দত্ত। ছি, বাবা, কেবলই অমন যাই-যাই করতে নেই—শুনলে আমার মন কেমন খারাপ হয়ে যায়।

অমল। ক্রৌঞ্চবীপ কী রকম দ্বীপ আমাকে বোলো-না ফকির!

ঠাকুরদা। সে ভারি আশ্চর্য জায়গা। সে পাখিদের দেশ—সেখানে মানুষ নেই। তারা কথা কয় না, চলে না, তারা গান গায় আর ওড়ে।

অমল। বাঃ, কী চমৎকার! সমুদ্রের ধারে?

ঠাকুরদা। সমুদ্রের ধারে বৈকি।

অমল। সব নীল রঙের পাহাড় আছে?

ঠাকুরদা। নীল পাহাড়েই তো তাদের বাসা। সন্ধ্যার সময় সেই পাহাড়ের উপর সূর্যাস্তের আলো এসে পড়ে আর ঝাঁকে ঝাঁকে সবুজ রঙের পাখি তাদের বাসায় ফিরে আসতে থাকে—সেই আকাশের রঙে পাখির রঙে পাহাড়ের রঙে সে এক কান্ড হয়ে ওঠে।

অমল। পাহাড়ে ঝরনা আছে?

ঠাকুরদা। বিলক্ষণ! ঝরনা না থাকলে কি চলে! একেবারে হীরে গলিয়ে ঢেলে দিচ্ছে। আর,

তার কণী নৃত্য! নুড়িগলুকে ঠুং ঠাং ঠুং ঠাং করে বাজাতে বাজাতে কেবলই কল্ কল্ ঝর্ ঝর্ করতে করতে ঝরনাটি সমুদ্রের মধ্যে গিয়ে ঝাঁপ দিয়ে পড়ছে। কোনো কর্ণরাজের বাবার সাধ্য নেই তাকে একদণ্ড কোথাও আটকে রাখে। পাখিগলু আমাকে নিতান্ত তুচ্ছ একটা মানুষ বলে যদি একঘরে করে না রাখত তা হলে ঐ ঝরনার ধারে তাদের হাজার হাজার বাসার একপাশে বাসা বেঁধে সমুদ্রের ঢেউ দেখে দেখে সমস্ত দিনটা কাটিয়ে দিতুম।

অমল। আমি যদি পাখি হতুম তা হলে—

ঠাকুরদা। তা হলে একটা ভারি মূর্শকিল হত। শুনলুম, তুমি নাকি দইওআলাকে বলে রেখেছ বড়ো হলে তুমি দই বিক্রি করবে—পাখিদের মধ্যে তোমার দইয়ের ব্যাবসাটা তেমন বেশ জমত না। বোধ হয় ওতে তোমার কিছ্ লোকসানই হত।

মাধব দত্ত। আর তো আমার চলল না। আমাকে সুদৃশ্য তোমরা খেঁপিয়ে দেবে দেখছি। আমি চললুম।

অমল। পিসেমশায়, আমার দইওআলা এসে চলে গেছে?

মাধব দত্ত। গেছে বৈকি। তোমার ঐ শখের ফকিরের তলপি বয়ে ক্রৌঞ্চবীপের পাখির বাসায় উড়ে বেড়ালে তার তো পেট চলে না। সে তোমার জন্য এক ভাঁড় দই রেখে গেছে। বলে গেছে, তাদের গ্রামে তার বোনঝির বিয়ে—তাই সে কলমিপাড়ায় বাঁশির ফরমাশ দিতে যাচ্ছে—তাই বড়ো ব্যস্ত আছে।

অমল। সে যে বলেছিল, আমার সঙ্গে তার ছোটো বোনঝিটির বিয়ে দেবে।

ঠাকুরদা। তবে তো বড়ো মূর্শকিল দেখছি।

অমল। বলেছিল, সে আমার টুকটুক বউ হবে—তার নাকে নোলক, তার লাল ডুরে শাড়ি। সে সকালবেলা নিজের হাতে কালো গোরু দুইয়ে নতুন মাটির ভাঁড়ে আমাকে ফেনাসুদৃশ্য দুধ খাওয়াবে, আর সন্দের সময় গোয়ালঘরে প্রদীপ দেখিয়ে এসে আমার কাছে বসে সাত ভাই চম্পার গল্প করবে।

ঠাকুরদা। বা, বা, খাসা বউ তো! আমি যে ফকির মানুষ আমারই লোভ হয়। তা বাবা ভয় নেই, এবারকার মতো বিয়ে দিক-না, আমি তোমাকে বলছি, তোমার দরকার হলে কোনোদিন ওর ঘরে বোনঝির অভাব হবে না।

মাধব দত্ত। যাও, যাও। আর তো পারা যায় না।

[প্রস্থান]

অমল। ফকির, পিসেমশাই তো গিয়েছেন—এইবার আমাকে চুপিচুপি বলো-না ডাকঘরে কি আমার নামে রাজার চিঠি এসেছে।

ঠাকুরদা। শুনছি তো তাঁর চিঠি রওনা হয়ে বেরিয়েছে। সে-চিঠি এখন পথে আছে।

অমল। পথে? কোন্ পথে! সেই যে বৃষ্টি হয়ে আকাশ পরিষ্কার হয়ে গেলে অনেক দূরে দেখা যায়, সেই ঘন বনের পথে?

ঠাকুরদা। তবে তো তুমি সব জান দেখছি, সেই পথেই তো।

অমল। আমি সব জানি ফকির!

ঠাকুরদা। তাই তো দেখতে পাচ্ছি—কেমন করে জানলে?

অমল। তা আমি জানি নে। আমি যেন চোখের সামনে দেখতে পাই—মনে হয় যেন আমি অনেকবার দেখেছি—সে অনেকদিন আগে—কর্তাদিন তা মনে পড়ে না। বলব? আমি দেখতে পাচ্ছি, রাজার ডাক-হরকরা পাহাড়ের উপর থেকে একলা কেবলই নেমে আসছে—বাঁ হাতে তার লণ্ঠন, কাঁধে তার চিঠির থলি। কত দিন কত রাত ধরে সে কেবলই নেমে আসছে। পাহাড়ের পায়ের কাছে ঝরনার পথ যেখানে ফুঁরিয়েছে সেখানে বাঁকা নদীর পথ ধরে সে কেবলই চলে আসছে—নদীর ধারে জোয়ারির খেত, তারই সরু গিলির ভিতর দিয়ে দিয়ে সে কেবলই আসছে—তার পরে আখের খেত—সেই আখের খেতের পাশ দিয়ে উঁচু আল চলে গিয়েছে, সেই আলের উপর দিয়ে



সে কেবলই চলে আসছে—রাতদিন একলাটি চলে আসছে; খেতের মধ্যে বিঁশি পোকা ডাকছে—নদীর ধারে একটিও মানুষ নেই, কেবল কাদা-খোঁচা লেজ দু'লিয়ে দু'লিয়ে বেড়াচ্ছে—আমি সমস্ত দেখতে পাচ্ছি। যতই সে আসছে দেখছি, আমার বন্ধুর ভিতরে ভারি খুশি হয়ে হয়ে উঠছে।

ঠাকুরদা। অমন নবীন চোখ তো আমার নেই তবু, তোমার দেখার সঙ্গে সঙ্গে আমিও দেখতে পাচ্ছি।

অমল। আচ্ছা ফকির, যাঁর ডাকঘর তুমি সেই রাজাকে জান?

ঠাকুরদা। জানি বৈকি। আমি যে তাঁর কাছে রোজ ভিক্ষা নিতে যাই।

অমল। সে তো বেশ! আমি ভালো হয়ে উঠলে আমিও তাঁর কাছে ভিক্ষা নিতে যাব। পারব না যেতে?

ঠাকুরদা। বাবা, তোমার আর ভিক্ষার দরকার হবে না, তিনি তোমাকে যা দেবেন অমনিই দিয়ে দেবেন।

অমল। না, না, আমি তাঁর দরজার সামনে পথের ধারে দাঁড়িয়ে জয় হোক বলে ভিক্ষা চাইব—আমি খুঁজি বাজিয়ে নাচব—সে বেশ হবে, না?

ঠাকুরদা। সে খুব ভালো হবে। তোমাকে সঙ্গে করে নিয়ে গেলে আমারও পেট ভরে ভিক্ষা মিলবে। তুমি কী ভিক্ষা চাইবে?

অমল। আমি বলব, আমাকে তোমার ডাক-হরকরা করে দাও, আমি অমনি লণ্ঠন হাতে ঘরে ঘরে তোমার চিঠি বিলি করে বেড়াব। জান ফকির, আমাকে একজন বলেছে আমি ভালো হয়ে উঠলে সে আমাকে ভিক্ষা করতে শেখাবে। আমি তার সঙ্গে যেখানে খুশি ভিক্ষা করে বেড়াব।

ঠাকুরদা। কে বলো দেখি?

অমল। ছিদাম।

ঠাকুরদা। কোন্ ছিদাম?

অমল। সেই যে অন্ধ খোঁড়া। সে রোজ আমার জানলার কাছে আসে। ঠিক আমার মতো একজন ছেলে তাকে চাকর গাড়িতে করে ঠেলে ঠেলে নিয়ে বেড়ায়। আমি তাকে বলছি, আমি ভালো হয়ে উঠলে তাকে ঠেলে ঠেলে নিয়ে বেড়াব।

ঠাকুরদা। সে তো বেশ মজা হবে দেখছি।

অমল। সেই আমাকে বলেছে কেমন করে ভিক্ষা করতে হয় আমাকে শিখিয়ে দেবে। পিসেমশায়কে আমি বলি ওকে ভিক্ষা দিতে, তিনি বলেন ও মিথ্যা কানা, মিথ্যা খোঁড়া। আচ্ছা, ও যেন মিথ্যা কানা-ই হল, কিন্তু চোখে দেখতে পায় না—সেটা তো সত্যি।

ঠাকুরদা। ঠিক বলেছ বাবা, ওর মধ্যে সত্যি হচ্ছে ঐটুকু যে, ও চোখে দেখতে পায় না—তা ওকে কানা বল আর না-ই বল। তা ও ভিক্ষা পায় না, তবে তোমার কাছে বসে থাকে কী করতে।

অমল। ওকে যে আমি শোনাই কোথায় কী আছে। বেচারা দেখতে পায় না। তুমি যে-সব দেশের কথা আমাকে বল সে-সব আমি ওকে শুনিয়ে দিই। তুমি সোঁদন আমাকে সেই যে হালকা দেশের কথা বলেছিলে, যেখানে কোনো জিনিসের কোনো ভার নেই—যেখানে একটু লাফ দিলেই অমনি পাহাড় ডিঙিয়ে চলে যাওয়া যায়, সেই হালকা দেশের কথা শুনলে ও ভারি খুশি হয়ে উঠেছিল। আচ্ছা ফকির, সে দেশে কোন্ দিক দিয়ে যাওয়া যায়?

ঠাকুরদা। ভিতরের দিক দিয়ে সে একটা রাস্তা আছে, সে হয়তো খুঁজে পাওয়া শক্ত।

অমল। ও বেচারা যে অন্ধ, ও হয়তো দেখতেই পাবে না—ওকে কেবল ভিক্ষাই করে বেড়াতে হবে। তাই নিয়ে ও দুঃখ করছিল—আমি ওকে বললুম ভিক্ষা করতে গিয়ে তুমি যে কত বেড়াতে পাও, সবাই তো সে পায় না।

ঠাকুরদা। বাবা, ঘরে বসে থাকলেই বা এত কিসের দুঃখ?

অমল। না, না, দুঃখ নেই। প্রথমে যখন আমাকে ঘরের মধ্যে বসিয়ে রেখে দিয়েছিল আমার মনে হয়েছিল যেন দিন ফুরোচ্ছে না, আমাদের রাজার ডাকঘর দেখে অবধি এখন আমার রোজই

ভালো লাগে—এই ঘরের মধ্যে বসে বসেই ভালো লাগে—একদিন আমার চিঠি এসে পৌঁছাবে, সে কথা মনে করলেই আমি খুব খুশি হয়ে চুপ করে বসে থাকতে পারি। কিন্তু রাজার চিঠিতে কী যে লেখা থাকবে তা তো আমি জানি নে।

ঠাকুরদা। তা না-ই জানলে। তোমার নামটি তো লেখা থাকবে।—তা হলেই হল।

#### মাধব দত্তের প্রবেশ

মাধব দত্ত। তোমরা দুজনে মিলে এ কী ফ্যাসাদ বাধিয়ে বসে আছ বলো দেখি?

ঠাকুরদা। কেন হয়েছে কী?

মাধব দত্ত। শুনছি, তোমরা নাকি রটিয়েছ, রাজা তোমাদেরই চিঠি লিখবেন বলে ডাকঘর বাসয়েছেন।

ঠাকুরদা। তাতে হয়েছে কী?

মাধব দত্ত। আমাদের পণ্ডানন মোড়ল সেই কথাটি রাজার কাছে লাগিয়ে বেনামি চিঠি লিখে দিয়েছে।

ঠাকুরদা। সকল কথাই রাজার কানে ওঠে, সে কি আমরা জানি নে?

মাধব দত্ত। তবে সামলে চল না কেন। রাজাবাদশার নাম করে অমন যা-তা কথা মুখে আন কেন? তোমরা যে আমাদের সন্ধ্যা মন্ডিকলে ফেলবে।

অমল। ফকির, রাজা কি রাগ করবে?

ঠাকুরদা। অমনি বললেই হল। রাগ করবে! কেমন রাগ করে দেখি-না। আমার মতো ফকির আর তোমার মতো ছেলের উপর রাগ করে সে কেমন রাজাগিরি ফলায় তা দেখা যাবে।

অমল। দেখো ফকির, আজ সকালবেলা থেকে আমার চোখের উপর থেকে-থেকে অন্ধকার হয়ে আসছে; মনে হচ্ছে সব যেন স্বপ্ন। একেবারে চুপ করে থাকতে ইচ্ছে করছে। কথা কইতে আর ইচ্ছে করছে না। রাজার চিঠি কি আসবে না? এখনই এই ঘর যদি সব মিলিয়ে যায়—যদি—

ঠাকুরদা। (অমলকে বাতাস করিতে করিতে) আসবে, চিঠি আজই আসবে।

#### কবিরাজের প্রবেশ

কবিরাজ। আজ কেমন ঠেকছে?

অমল। কবিরাজমশায়, আজ খুব ভালো বোধ হচ্ছে—মনে হচ্ছে যেন সব বেদনা চলে গেছে।

কবিরাজ। (জনান্তিকে মাধব দত্তের প্রতি) ঐ হাসিটি তো ভালো ঠেকছে না। ঐ-যে বলছে খুব ভালো বোধ হচ্ছে ঐটেই হল খারাপ লক্ষণ। আমাদের চক্রধরদত্ত বলছেন—

মাধব দত্ত। দোহাই কবিরাজমশায়, চক্রধরদত্তের কথা রেখে দিন। এখন বলুন ব্যাপারখানা কী।

কবিরাজ। বোধ হচ্ছে, আর ধরে রাখা যাবে না। আমি তো নিষেধ করে গিয়েছিলুম কিন্তু বোধ হচ্ছে বাইরের হাওয়া লেগেছে।

মাধব দত্ত। না কবিরাজমশায়, আমি ওকে খুব করেই চারি দিক থেকে আগলে সামলে রেখেছি। ওকে বাইরে যেতে দিই নে—দরজা তো প্রায়ই বন্ধই রাখি।

কবিরাজ। হঠাৎ আজ একটা কেমন হাওয়া দিয়েছে—আমি দেখে এলুম, তোমাদের সদর-দরজার ভিতর দিয়ে হু হু করে হাওয়া বইছে। ওটা একেবারেই ভালো নয়। ও-দরজাটা বেশ ভালো করে তালাচাবি-বন্ধ করে দাও। না-হয় দিন দুই-তিন তোমাদের এখানে লোক-আনাগোনা বন্ধই থাক-না। যদি কেউ এসে পড়ে খিড়কি-দরজা আছে। ঐ-যে জানলা দিয়ে সূর্যাস্তের আভাটা আসছে, ওটাও বন্ধ করে দাও, ওতে রোগীকে বড়ো জাগিয়ে রেখে দেয়।

মাধব দত্ত। অমল চোখ বুজে রয়েছে, বোধ হয় ঘুমোচ্ছে। ওর মূখ দেখে মনে হয় যেন—কবিরাজমশায়, যে আপনার নয় তাকে ঘরে এনে রাখলুম, তাকে ভালোবাসলুম, এখন বুঝি আর তাকে রাখতে পারব না।

কবিরাজ। ওকি! তোমার ঘরে যে মোড়ল আসছে! এ কী উৎপাত! আমি আসি ভাই! কিন্তু তুমি যাও, এখনই ভালো করে দরজাটা বন্ধ করে দাও। আমি বাড়ি গিয়েই একটা বিষবড়ি পাঠিয়ে দিচ্ছি—সেইটে খাইয়ে দেখো—যদি রাখবার হয় তো সেইটেতেই টেনে রাখতে পারবে।

[মাধব দত্ত ও কবিরাজের প্রস্থান]

#### মোড়লের প্রবেশ

মোড়ল। কী রে ছোঁড়া!

ঠাকুরদা। (তাড়াতাড়ি উঠিয়া দাঁড়াইয়া) আরে আরে, চুপ চুপ!

অমল। না ফকির, তুমি ভাবছ আমি ঘুমোচ্ছি। আমি ঘুমোই নি। আমি সব শুনছি। আমি যেন অনেক দূরের কথাও শুনতে পাচ্ছি। আমার মনে হচ্ছে, আমার মা আমার বাবা যেন শিয়রের কাছে কথা কছেন।

#### মাধব দত্তের প্রবেশ

মোড়ল। ওহে মাধব দত্ত, আজকাল তোমাদের যে খুব বড়ো বড়ো লোকের সঙ্গে সম্বন্ধ!

মাধব দত্ত। বলেন কী, মোড়লমশায়! এমন পরিহাস করবেন না। আমরা নিতান্তই সামান্য লোক।

মোড়ল। তোমাদের এই ছেলেরিট যে রাজার চিঠির জন্যে অপেক্ষা করে আছে।

মাধব দত্ত। ও ছেলেমানুষ, ও পাগল, ওর কথা কি ধরতে আছে!

মোড়ল। না-না, এতে আর আশ্চর্য কী? তোমাদের মতো এমন যোগ্য ঘর রাজা পাবেন কোথায়? সেইজন্যেই দেখছ না, ঠিক তোমাদের জানলার সামনেই রাজার নতুন ডাকঘর বসেছে? ওরে ছোঁড়া, তোর নামে রাজার চিঠি এসেছে যে।

অমল। (চমকিয়া উঠিয়া) সত্যি!

মোড়ল। এ কি সত্যি না হয়ে যায়! তোমার সঙ্গে রাজার বন্ধুত্ব! (একখানা অক্ষরশূন্য কাগজ দিয়া) হা হা হা হা, এই যে তাঁর চিঠি।

অমল। আমাকে ঠাট্টা করো না। ফকির, ফকির, তুমি বলো-না, এই কি সত্যি তাঁর চিঠি?

ঠাকুরদা। হাঁ বাবা, আমি ফকির তোমাকে বলছি এই সত্যি তাঁর চিঠি।

অমল। কিন্তু, আমি যে এতে কিছুই দেখতে পাচ্ছি নে—আমার চোখে আজ সব সাদা হয়ে গেছে! মোড়লমশায়, বলে দাও-না, এ-চিঠিতে কী লেখা আছে।

মোড়ল। রাজা লিখছেন, আমি আজকালের মধ্যেই তোমাদের বাড়িতে যাচ্ছি, আমার জন্যে তোমাদের মৃড়ি-মৃড়িকির ভোগ তৈরি করে রেখো—রাজভবন আর আমার এক দণ্ড ভালো লাগছে না। হা হা হা হা!

মাধব দত্ত। (হাত জোড় করিয়া) মোড়লমশায়, দোহাই আপনার, এ-সব কথা নিয়ে পরিহাস করবেন না।

ঠাকুরদা। পরিহাস! কিসের পরিহাস! পরিহাস করেন, এমন সাধ্য আছে গুর!

মাধব দত্ত। আরে! ঠাকুরদা, তুমিও থেপে গেলে নাকি!

ঠাকুরদা। হাঁ, আমি থেপেছি। তাই আজ এই সাদা কাগজে অক্ষর দেখতে পাচ্ছি। রাজা লিখছেন তিনি স্বয়ং অমলকে দেখতে আসছেন, তিনি তাঁর রাজ-কবিরাজকেও সঙ্গে করে আনছেন।

অমল। ফকির, ঐ-যে, ফকির, তাঁর বাজনা বাজছে, শুনতে পাচ্ছ না?

মোড়ল। হা হা হা হা! উনি আরো একটু না থেপলে তো শুনতে পাবেন না।

অমল। মোড়লমশায়, আমি মনে করতুম, তুমি আমার উপর রাগ করেছ—তুমি আমাকে ভালোবাস না। তুমি যে সত্যি রাজার চিঠি আনবে এ আমি মনে করি নি—দাও আমাকে তোমার পায়ের ধুলো দাও।

মোড়ল। না, এ ছেলোটোর ভক্তিশ্রদ্ধা আছে। বৃদ্ধি নেই বটে, কিন্তু মনটা ভালো।  
 অমল। এতক্ষণে চার প্রহর হয়ে গেছে বোধ হয়। ঐ যে ঢং ঢং ঢং—ঢং ঢং ঢং। সন্ধ্যাতারা  
 কি উঠেছে ফকির? আমি কেন দেখতে পাচ্ছি নে?  
 ঠাকুরদা। ওরা যে জানলা বন্ধ করে দিয়েছে, আমি খুলে দিচ্ছি।

#### বাহিরে শ্বারে আঘাত

মাধব দত্ত। ওকি ও! ও কে ও! এ কী উৎপাত?  
 (বাহির হইতে) খোলো শ্বার।  
 মাধব দত্ত। কে তোমরা?  
 (বাহির হইতে) খোলো শ্বার।  
 মাধব দত্ত। মোড়লমশায়, এ তো ডাকাত নয়!  
 মোড়ল। কে রে? আমি পণ্ডানন মোড়ল। তোদের মনে ভয় নেই নাকি? দেখো একবার, শব্দ  
 থেমেছে। পণ্ডাননের আওয়াজ পেলে আর রক্ষা নেই যত বড়ো ডাকাতই হোক-না—  
 মাধব দত্ত। (জানলা দিয়া মুখ বাড়াইয়া) শ্বার যে ভেঙে ফেলেছে, তাই আর শব্দ নেই।

#### রাজদূতের প্রবেশ

রাজদূত। মহারাজ আজ রাতে আসবেন।  
 মোড়ল। কী সর্বনাশ!  
 অমল। কত রাতে দূত? কত রাতে?  
 রাজদূত। আজ দুই প্রহর রাতে।  
 অমল। যখন আমার বন্ধু প্রহরী নগরের সিংহশ্বারে ঘণ্টা বাজাবে ঢং ঢং ঢং, ঢং ঢং ঢং—  
 তখন?  
 রাজদূত। হাঁ, তখন। রাজা তাঁর বালক-বন্ধুটিকে দেখবার জন্যে তাঁর সকলের চেয়ে বড়ো  
 কবিরাজকে পাঠিয়েছেন।

#### রাজকবিরাজের প্রবেশ

রাজকবিরাজ। একি! চারি দিকে সমস্তই যে বন্ধ! খুলে দাও, খুলে দাও, যত শ্বার-জানলা  
 আছে সব খুলে দাও।—(অমলের গায়ে হাত দিয়া) বাবা, কেমন বোধ করছ?  
 অমল। খুব ভালো, খুব ভালো কবিরাজমশায়। আমার আর কোনো অসুখ নেই, কোনো  
 বেদনা নেই। আঃ, সব খুলে দিয়েছ—সব তারাগুলি দেখতে পাচ্ছি—অন্ধকারের ওপারকার  
 সব তারা।

রাজকবিরাজ। অর্ধরাতে যখন রাজা আসবেন তখন তুমি বিছানা ছেড়ে উঠে তাঁর সঙ্গে  
 বেরোতে পারবে?

অমল। পারব, আমি পারব। বেরোতে পারলে আমি বাঁচি। আমি রাজাকে বলব, এই অন্ধকার  
 আকাশে ধ্রুবতারাটিকে দেখিয়ে দাও। আমি সে তারা বোধ হয় কতবার দেখেছি কিন্তু সে যে  
 কোন্টা সে তো আমি চিনি নে।

রাজকবিরাজ। তিনি সব চিনিয়ে দেবেন। (মাধবের প্রতি) এই ঘরটি রাজার আগমনের জন্যে  
 পরিষ্কার করে ফুল দিয়ে সাজিয়ে রাখো। (মোড়লকে নির্দেশ করিয়া) ঐ লোকটিকে তো এ-ঘরে  
 রাখা চলবে না।

অমল। না, না, কবিরাজমশায়, উনি আমার বন্ধু। তোমরা যখন আস নি উনিই আমাকে  
 রাজার চিঠি এনে দিয়েছিলেন।

রাজকবিরাজ। আচ্ছা, বাবা, উনি যখন তোমার বন্ধু তখন উনিও এ-ঘরে রইলেন।



মাধব দত্ত। (অমলের কানে কানে) বাবা, রাজা তোমাকে ভালোবাসেন, তিনি স্বয়ং আজ আসছেন—তাঁর কাছে আজ কিছ্ প্রার্থনা কোরো। আমাদের অবস্থা তো ভালো নয়। জান তো সব।

অমল। সে আমি সব ঠিক করে রেখেছি, পিসেমশায়—সে তোমার কোনো ভাবনা নেই।

মাধব দত্ত। কী ঠিক করেছ বাবা?

অমল। আমি তাঁর কাছে চাইব, তিনি যেন আমাকে তাঁর ডাকঘরের হরকরা করে দেন—আমি দেশে দেশে ঘরে ঘরে তাঁর চিঠি বিলি করব।

মাধব দত্ত। (ললাটে করাঘাত করিয়া) হায় আমার কপাল!

অমল। পিসেমশায়, রাজা আসবেন, তাঁর জন্যে কী ভোগ তৈরি রাখবে।

রাজদত্ত। তিনি বলে দিয়েছেন তোমাদের এখানে তাঁর মৃড়ি-মৃড়িকির ভোগ হবে।

অমল। মৃড়ি-মৃড়িকি! মোড়লমশায়, তুমি তো আগেই বলে দিয়েছিলে, রাজার সব খবরই তুমি জান! আমরা তো কিছ্ই জানতুম না।

মোড়ল। আমার বাড়িতে যদি লোক পাঠিয়ে দাও তা হলে রাজার জন্যে ভালো ভালো কিছ্—রাজকবিরাজ। কোনো দরকার নেই। এইবার তোমরা সকলে স্থির হও। এলো, এলো, ওর ঘুম এলো। আমি বালকের শিয়রের কাছে বসব—ওর ঘুম আসছে। প্রদীপের আলো নিবিয়ে দাও—এখন আকাশের তারাটি থেকে আলো আসুক, ওর ঘুম এসেছে।

মাধব দত্ত। (ঠাকুরদার প্রতি) ঠাকুরদা, তুমি অমন মূর্তিটির মতো হাতজোড় করে নীরব হয়ে আছ কেন? আমার কেমন ভয় হচ্ছে। এ যা দেখছি এ-সব কি ভালো লক্ষণ! এরা আমার ঘর অন্ধকার করে দিচ্ছে কেন! তারার আলোতে আমার কী হবে!

ঠাকুরদা। চুপ করো অবিশ্বাসী! কথা কোয়ো না।

#### সুধার প্রবেশ

সুধা। অমল।

রাজকবিরাজ। ও ঘুমিয়ে পড়েছে।

সুধা। আমি যে ওর জন্যে ফুল এনেছি—ওর হাতে কি দিতে পারব না?

রাজকবিরাজ। আচ্ছা, দাও তোমার ফুল।

সুধা। ও কখন জাগবে?

রাজকবিরাজ। এখনই, যখন রাজা এসে ওকে ডাকবেন।

সুধা। তখন তোমরা ওকে একটি কথা কানে কানে বলে দেবে?

রাজকবিরাজ। কী বলব?

সুধা। বোলো যে, 'সুধা তোমাকে ভোলে নি'।

# ଅଚଳାୟତନ

ପ୍ରକାଶ : ୧୯୧୨

আন্তৰিক শ্ৰদ্ধাৰ নিদৰ্শনস্বৰূপে  
এই অটলায়তন নাটকখানি  
অধ্যাপক শ্ৰীযুক্ত যদুনাথ সরকার মহাশয়েৰ নামে  
উৎসৰ্গ কৰিলাম।

শিলাইদহ  
১৫ আষাঢ় ১৩১৮

শ্ৰীৰবীন্দ্রনাথ ঠাকুর



## অচলায়তনের গৃহ

পশুপক।

গান

তুমি ডাক দিয়েছ কোন্ সকালে  
কেউ তা জানে না,  
আমার মন যে কাঁদে আপন মনে  
কেউ তা মানে না।  
ফিরি আমি উদাস প্রাণে,  
তাকাই সবার মন্থের পানে,  
তোমার মতন এমন টানে  
কেউ তো টানে না।

## মহাপশুপকের প্রবেশ

মহাপশুপক। গান! আবার গান!

পশুপক। দাদা, তুমি তো দেখলে—তোমাদের এখানকার মন্ত্র-তন্ত্র আচার-আচমন সূত্র-বৃত্তি  
কিছুই পারলুম না।

মহাপশুপক। সে তো দেখতে বাকি নেই—কিন্তু সেটা কি খুব আনন্দ করবার বিষয়? তাই  
নিয়ে কি গলা ছেড়ে গান গাইতে হবে?

পশুপক। একমাত্র ঐটেই যে পারি।

মহাপশুপক। পারি! ভারি অহংকার। গান তো পাখিও গাইতে পারে। সেই-যে বজ্রবিদারণ-  
মন্ত্রটা আজ সাত দিন ধরে তোমার মন্থস্থ হ'ল না, আজ তার কী করলে?

পশুপক। সাত দিন যেমন হয়েছে অষ্টম দিনেও অনেকটা সেইরকম। বরষ একটু খারাপ।

মহাপশুপক। খারাপ! তার মানে কী হল?

পশুপক। জিনিসটা যতই পুরোনো হচ্ছে মন ততই লাগছে না, ভুল ততই করছি—ভুল যতই  
বেশিবার করছি ততই সেইটেই পাকা হয়ে যাচ্ছে। তাই, গোড়ায় তোমরা যেটা বলে দিয়েছিলে  
আর আজ আমি যেটা আওড়াচ্ছি, দুটোর মধ্যে অনেকটা তফাত হয়ে গেছে। চেনা শক্ত।

মহাপশুপক। সেই তফাতটা ঘোচাতে হবে নির্বোধ।

পশুপক। সহজেই ঘোচে, যদি তোমাদেরটাকেই আমার মতো করে নাও। নইলে আমি তো  
পারব না।

মহাপশুপক। পারবে না কী! পারতেই হবে।

পশুপক। তা হলে আর-একবার সেই গোড়া থেকে চেষ্টা করে দেখি—একবার মন্ত্রটা আউড়ে  
দিয়ে যাও।

মহাপশুপক। আচ্ছা বেশ, আমার সঙ্গে আবৃত্তি করে যাও। ঠুঁ তট তট তোতয় তোতয় স্ফট  
স্ফট স্ফোটয় স্ফোটয় ঘৃণ ঘৃণ ঘৃণাপয় ঘৃণাপয় স্বর বসন্তানি। চুপ করে রইলে যে!

পশুপক। ঠুঁ তট তট তোতয় তোতয়—আচ্ছা দাদা।

মহাপশুপক। আবার দাদা। মন্ত্রটা শেষ করো বলছি।

পশুপক। একটা কথা জিজ্ঞাসা করি—এ মন্ত্রটার ফল কী?

মহাপশুপক। এ মন্ত্র প্রত্যহ সূর্যোদয়-সূর্যাস্তে উনসত্তর বার করে জপ করলে নম্বই বৎসর  
পরমায়ু হয়।

পশুক। রক্ষা করো দাদা। এটা জপ করতে গিয়ে আমার এক বেলাকেই নব্বই বছর মনে হয়—  
স্বিতীয় বেলায় মনে হয় মরেই গেছি।

মহাপশুক। আমার ভাই হয়েছে তোমার এই দশা! তোমার জন্যে আমাদের এই অচলায়তনের  
সকলের কাছে কি আমার কম লজ্জা!

পশুক। লজ্জার তো কোনো কারণ নেই দাদা।

মহাপশুক। কারণ নেই?

পশুক। না। তোমার পাণ্ডিত্যে সকলে আশ্চর্য হয়ে যায়। কিন্তু তার চেয়ে ঢের বেশি  
আশ্চর্য হয় তুমি আমারই দাদা বলে।

মহাপশুক। এই বানরটার উপর রাগ করাও শক্ত। দেখো পশুক, তুমি তো আর বালক নও—  
তোমার এখন বিচার করে দেখবার বয়স হয়েছে।

পশুক। তাই তো বিপদে পড়েছি। আমি যা বিচার করি তোমাদের বিচার একেবারে তার  
উলটো দিকে চলে, অথচ তার জন্য যা দণ্ড সে আমাকে একলাই ভোগ করতে হয়।

মহাপশুক। পিতার মৃত্যুর পর কী দরিদ্র হয়ে, সকলের কী অবজ্ঞা নিয়েই এই আয়তনে  
আমরা প্রবেশ করেছিলুম, আর আজ কেবল নিজের শক্তিতে সেই অবজ্ঞা কাটিয়ে কত উপরে  
উঠেছি—আমার এই দৃষ্টান্তও কি তোমাকে একটু সচেতন করে না?

পশুক। সচেতন করবার তো কথা নয়। তুমি যে নিজগুণেই দৃষ্টান্ত হয়ে বসে আছ, ওর মধ্যে  
আমার চেষ্টার তো কিছুমাত্র দরকার হয় না। তাই নিশ্চিন্ত আছি।

মহাপশুক। ঐ শব্দ বাজল। এখন আমার সন্তকুমারিকাগাথা পাঠের সময়। কিন্তু বলে যাচ্ছি,  
সময় নষ্ট কোরো না।

[প্রস্থান]

পশুক।

গান

. বেজে ওঠে পশুমে স্বর,

কোঁপে ওঠে বন্থ এ ঘর,

বাহির হতে দুয়ারে কর

. কেউ তো হানে না।

আকাশে কার ব্যাকুলতা,

বাতাস বাহে কার বারতা,

এ পথে সেই গোপন কথা

কেউ তো আনে না।

তুমি ডাক দিয়েছ কোন্ সকালে

কেউ তা জানে না।

ছাত্রদের প্রবেশ

প্রথম ছাত্র। ওহে পশুক।

পশুক। না ভাই, আমাকে বিরক্ত কোরো না।

স্বিতীয় ছাত্র। কেন? হল কী তোমার?

পশুক। ঠুঁ তট তট তোতয় তোতয়—

তৃতীয় ছাত্র। এখনো তট তট তোতয় তোতয় ঘুচল না? ও-যে আমাদের কোন্ কালে শেষ  
হয়ে গেছে তা মনেও আনতে পারি নে।

প্রথম ছাত্র। না ভাই, পশুককে একটু পড়তে দাও; নইলে ওর কী গতি হবে! এখনো ও  
বেচারা তট তট করে মরছে—আমাদের যে ধ্বজাগ্রকেন্দ্রীয় পৰ্যন্ত শেষ হয়ে গেছে।

স্বিতীয় ছাত্র। আচ্ছা পণ্ডক, এখনো তুমি চক্রেমস্ত্র শেখ নি?

পণ্ডক। না।

তৃতীয় ছাত্র। মরীচি?

পণ্ডক। না।

প্রথম ছাত্র। মহামরীচি?

পণ্ডক। না।

স্বিতীয় ছাত্র। পর্ণশবরী?

পণ্ডক। না।

স্বিতীয় ছাত্র। আচ্ছা বলো দেখি, হরত পক্ষীর নখাগ্রে যে পরিমাণ ধূলিকণা লাগে সেই পরিমাণ যদি—

পণ্ডক। আরে ভাই, হরত পক্ষীই কোনো জন্মে দেখি নি তো তার নখাগ্রের ধূলিকণা!

প্রথম ছাত্র। হরত পক্ষী তো আমরাও কেউ দেখি নি। শুনছি, সে দধিসমুদ্রের পারে মহা-জম্বুদ্বীপে বাস করে। কিন্তু এ-সমস্ত তো জানা চাই, নিতান্ত মূর্খ হয়ে জীবনটাকে মাটি করলে তো চলবে না।

স্বিতীয় ছাত্র। পণ্ডক, তুমি আর বৃথা সময় নষ্ট করো না। তোমার কাছে তো কেউ বেশি আশা করে না। অন্তত শৃংগভেরিরত, কাকচণ্ডুপরীক্ষা, ছাগলোমশোধন, দ্বাবিংশপিশাচভয়ভঞ্জন—এগুলো তো জানা চাইই। নইলে তুমি অচলায়তনের ছাত্র বলে লোকসমাজে পরিচয় দেবে কোন্ লজ্জায়?

তৃতীয় ছাত্র। চলো বিশ্বম্ভর, আমরা যাই। ও একটু পড়ুক।

[গমনোদ্যত]

পণ্ডক। ওহে বিশ্বম্ভর! তট তট তোতয় তোতয়—

বিশ্বম্ভর। কেন? আবার ডাক কেন?

পণ্ডক। সঞ্জীব, জয়ান্তম, তট তট তোতয় তোতয়—

সঞ্জীব। কী হয়েছে? পড়ো-না।

পণ্ডক। দোহাই তোমাদের, একেবারে চলে যেয়ো না। ঐ শব্দগুলো আওড়াতে আওড়াতে মাঝে মাঝে বদ্বিশমান জীবের মূর্খ দেখলে তবু আশ্বাস হয় যে, জগৎটা বিধাতাপদ্রুঘের প্রলাপ নয়।

জয়ান্তম। না হে, মহাপণ্ডক বড়ো রাগ করেন। তিনি মনে করেন, তোমার যে কিছু হচ্ছে না তার কারণ আমরা।

পণ্ডক। আমি যে কারো কোনো সাহায্য না নিয়ে কেবলমাত্র নিজগুণেই অকৃতার্থ হতে পারি, দাদা আমার এটুকু ক্ষমতাও স্বীকার করেন না, এতেই আমি বড়ো দুঃখিত হই। আচ্ছা ভাই, তোমরা ঐখানে একটু তফাতে বসে কথাবার্তা কও। যদি দেখ একটু অনামনস্ক হয়েছি আমাকে সতর্ক করে দিয়ো। স্ফট স্ফট স্ফোটয় স্ফোটয়—

জয়ান্তম। আচ্ছা বেশ, এইখানে আমরা বসছি।

সঞ্জীব। বিশ্বম্ভর, তুমি যে বললে এবার আমাদের আয়তনে গদ্রু আসবেন, সেটা শুনলে কার কাছ থেকে?

বিশ্বম্ভর। কী জানি, কসবা সব বলা-কওয়া করছিল। কেমন করে চারি দিকেই রটে গিয়েছে যে, চাতুর্মাস্যের সময় গদ্রু আসবেন।

পণ্ডক। ওহে বিশ্বম্ভর, বল কি? আমাদের গদ্রু আসবেন নাকি?

সঞ্জীব। আবার পণ্ডক! তোমার কাজ তুমি করো-না।

পণ্ডক। ঘৃণ ঘৃণ ঘৃণাপয় ঘৃণাপয়—

জয়ান্তম। কিন্তু অধ্যাপকদের কারো কাছে শুনছি কি? মহাপণ্ডক কী বলেন?

বিশ্বম্ভর। তাঁকে জিজ্ঞাসা করাই বৃথা। মহাপঞ্চক কারো প্রশ্নের উত্তর দিয়ে সময় নষ্ট করেন না। আজকাল তিনি আর্থ-অক্টোস্তরশত নিয়ে পড়েছেন—তাঁর কাছে ঘেষে কে!

পঞ্চক। চলো-না ভাই, আচার্যদেবের কাছে যাই। তাঁকে জিজ্ঞাসা করলেই—

জয়োস্তুম। আবার! ফের!

পঞ্চক। ঘৃণ ঘৃণ ঘৃণাপয় ঘৃণাপয়—

জয়োস্তুম। আমার তো উনিশ বছর বয়স হল—এর মধ্যে একবারও আমাদের গুরু এ আয়তনে আসেন নি। আজ তিনি হঠাৎ আসতে যাবেন এটা বিশ্বাস করতে পারি নে।

সঞ্জীব। তোমার তর্কটা কেমনতরো হল হে জয়োস্তুম? উনিশ বছর আসেন নি বলে বিশ বছরে আসাটা অসম্ভব হল কোন্ যুক্তিতে?

বিশ্বম্ভর। তা হলে অক্সাস্ট্রাটাই অপ্রমাণ হয়ে যায়। তবে তো উনিশ পর্যন্ত বিশ নেই বলে উনিশের পরেও বিশ থাকতে পারে না।

সঞ্জীব। শুধু অঙ্ক কেন, বিশ্বব্রহ্মাণ্ডটাও টেকে না। কারণ, যা এ মূহুর্তে ঘটে নি তা ও মূহুর্তেই বা ঘটে কী করে?

জয়োস্তুম। আরে, ঐটেই তো আমার তর্ক। কে বললে ঘটে? যা পূর্বে ঘটে নি তা কিছুর্তেই পরে ঘটতে পারে না। আচ্ছা, এসো, কিছুর্তে ঘটে সেইটে প্রমাণ করে দাও।

পঞ্চক। (জয়োস্তুমের কাঁধে চড়িয়া) প্রমাণ? এই দেখো প্রমাণ। ঘৃণ ঘৃণ ঘৃণাপয় ঘৃণাপয়—

জয়োস্তুম। আঃ পঞ্চক! কর কী! নাবো বলছি! আঃ নাবো।

পঞ্চক। আমি যে তোমার কাঁধে চড়েছি সেটা প্রমাণ না করে দিলে আমি কিছুর্তেই নাবছি নে। ঘৃণ ঘৃণ ঘৃণাপয় ঘৃণাপয়—

#### মহাপঞ্চকের প্রবেশ

মহাপঞ্চক। পঞ্চক, তুমি বড়ো উৎপাত করছ।

পঞ্চক। দাদা, এরাই গোল করছিল। আমি আরো থামিয়ে দেবার জন্যেই এসেছি। তট তট তোতয় তোতয় স্ফট স্ফট—

মহাপঞ্চক। তোমার নিজের কাজ অবহেলা করবার একটা উপলক্ষ জুটলেই তোমাকে সংবরণ করা অসম্ভব।

বিশ্বম্ভর। দেখুন, একটা জনশ্রুতি শুনতে পাচ্ছি, বর্ষার আরম্ভে আমাদের গুরু নাকি এখানে আসবেন।

মহাপঞ্চক। আসবেন কি না তা নিয়ে আন্দোলন না করে যদিই আসেন তার জন্যে প্রস্তুত হও।

পঞ্চক। তিনি যদি আসেন তিনিই প্রস্তুত হবেন। এ দিক থেকে আবার আমরাও প্রস্তুত হতে গেলে হয়তো মিথো একটা গোলমাল হবে।

মহাপঞ্চক। ভারি বুদ্ধিমানের মতোই কথা বললে!

পঞ্চক। অম্লের গ্রাস যখন মূখের কাছে এগোয় তখন মূখ স্থির হয়ে সেটা গ্রহণ করে—এ তো সোজা কথা। আমার ভয় হয়, গুরু এসে হয়তো দেখবেন, আমরা যে দিক দিয়ে প্রস্তুত হতে গিয়েছি সে দিকটা উলটো। সেইজন্যে আমি কিছুর্তেই নাবছি নে।

মহাপঞ্চক। পঞ্চক, আবার তর্ক?

পঞ্চক। তর্ক করতে পারি নে বলে রাগ কর, আবার দেখি পারলেও রাগ?

মহাপঞ্চক। যাও তুমি।

পঞ্চক। যাচ্ছি, কিন্তু বলো-না, গুরু কি সত্যি আসবেন?

মহাপঞ্চক। তাঁর সময় হলেই তিনি আসবেন।

সঞ্জীব। মহাপণ্ডক কোনো কথার শেষ উত্তর দিয়েছেন এমন কখনোই শুনিনি।

জয়োত্তম। কোনো কথার শেষ উত্তর নেই বলেই দেন না। মর্খ যারা তারাই প্রশ্ন জিজ্ঞাসা করে, যারা অল্প জানে তারাই জবাব দেয়, আর যারা বেশি জানে তারা জানে যে জবাব দেওয়া যায় না।

পণ্ডক। সেইজন্যেই উপাধ্যায়মশায় যখন শাস্ত্র থেকে প্রশ্ন করেন তোমরা জবাব দাও, কিন্তু আমি একেবারে মুক হয়ে থাকি।

জয়োত্তম। কিন্তু প্রশ্ন না করতেই যে কথাগুলো বল তাতেই—

পণ্ডক। হাঁ, তাতেই আমার খ্যাতি রটে গেছে, নইলে কেউ আমাকে চিনতেই পারত না।

বিশ্বম্ভর। দেখো পণ্ডক, যদি গুরুদ্ব্য আসেন তা হলে তোমার জন্যে আমাদের সকলকেই লজ্জা পেতে হবে।

সঞ্জীব। আটাল প্রকার আচমনবিধির মধ্যে পণ্ডক বড়োজোর পাঁচটা প্রকরণ এতদিনে শিখেছে।

পণ্ডক। সঞ্জীব, আমার মনে আঘাত দিয়ো না। অত্যাঙ্কি করছ।

সঞ্জীব। অত্যাঙ্কি!

পণ্ডক। অত্যাঙ্কি নয় তো কী! তুমি বলছ পাঁচটা শিখেছি। আমি দুটোর বেশি একটাও শিখি নি। তৃতীয় প্রকরণে মধ্যমাঙ্গুলির কোন পর্বটা কতবার কতখানি জলে ডুবোতে হবে সেটা ঠিক করতে গিয়ে অন্য আঙুলের অস্তিত্বই ভুলে যাই। কেবল একমাত্র বৃদ্ধাঙ্গুলিটাই আমার খুব অভ্যাস হয়ে গেছে। হাসছ কেন? বিশ্বাস করছ না বুদ্ধি?

জয়োত্তম। বিশ্বাস করা শক্ত।

পণ্ডক। সেদিন উপাধ্যায়মশায় যখন পরীক্ষা করতে এলেন তখন তাঁকে ঐ বৃদ্ধাঙ্গুলি পর্ষন্ত দেখিয়ে বিস্মিত করবার চেষ্টায় ছিলুম, কিন্তু তিনি চোখ পাকিয়ে তর্জনী তুললেন, আমার আর এগোল না।

বিশ্বম্ভর। না পণ্ডক, এবার গুরুদ্ব্য আসার জন্যে তোমাকে প্রস্তুত হতে হবে।

পণ্ডক। পণ্ডক পৃথিবীতে যেমন অপ্রস্তুত হয়ে জন্মেছে তেমনি অপ্রস্তুত হয়েই মরবে। ওর ঐ একটা মহদগুণ আছে, ওর কখনো বদল হয় না।

সঞ্জীব। তোমার সেই গুণে উপাধ্যায়মশায়কে যে মুগ্ধ করতে পেরেছ তা তো বোধ হয় না।

পণ্ডক। আমি তাঁকে কত বোঝাবার চেষ্টা করি যে, বিদ্যা সম্বন্ধে আমার একটুও নড়চড় নেই—ঐ যাকে বলে ধ্রুবনক্ষত্র—তাতে সর্বাধিক এই যে, এখানকার ছাত্ররা কে কতদূর এগোল তা আমার সঙ্গে তুলনা করলেই বোঝা যাবে।

জয়োত্তম। তোমার আশ্চর্য এই সূক্ষ্মজ্ঞানে উপাধ্যায়মশায়ের বোধ হয়—

পণ্ডক। না, কিছু না—তাঁর মনে কিছুমাত্র বিকার ঘটল না। আমার সম্বন্ধে পূর্বে তাঁর যে ধারণা ছিল সেইটেই দেখলুম আরো পাকা হল।

সঞ্জীব। আমরা যদি উপাধ্যায়মশায়কে তোমার মতন অমন যা-তা বলতুম তা হলে রক্ষা থাকত না। কিন্তু পণ্ডকের বেলায়—

পণ্ডক। তার মানে আছে। কুতর্কটা আমার পক্ষে এমনি সুন্দর স্বাভাবিক যে সেটা আমার মুখে ভারি মিষ্ট শোনায়। সকলেই খুশি হয়ে বলে, ঠিক হয়েছে, পণ্ডকের মতোই কথা হয়েছে। কিন্তু ঘোরতর বুদ্ধির পরিচয় না দিতে পারলে তোমাদের আদর নেই, এমনি তোমরা হতভাগ্য।

জয়োত্তম। যাও ভাই পণ্ডক, আর বোঝো না। আমরা চললুম। তুমি একটু মন দিয়ে পড়ো।

[তিনজনের প্রস্থান]

পণ্ডক। হবে না, আমার কিছুই হবে না। এখানকার একটা মন্ত্রণা আমার খাটল না।

## গান

দূরে কোথায় দূরে দূরে  
মন বেড়ায় গো ঘুরে ঘুরে।  
যে বাঁশিতে বাতাস কাঁদে  
সেই বাঁশিটির সুরে সুরে।  
যে পথ সকল দেশ পারায়ে  
উদাস হয়ে যায় হারায়ে  
সে পথ বেয়ে কাঙাল পরান  
যেতে চায় কোন্ অঁচিন পুরে।

ও কী ও! কাল্মা শূনি যে! এ নিশ্চয়ই সুভদ্র। আমাদের এই আয়তনে ওর চোখের জল আর শুকোল না। ওর কাল্মা আমি সহিতে পারি নে।

[ প্রস্থান

বালক সুভদ্রকে লইয়া পঞ্চকের পুনঃপ্রবেশ

পঞ্চক। তোর কোনো ভয় নেই ভাই, কোনো ভয় নেই। তুই আমার কাছে বল্, কী হয়েছে বল্।

সুভদ্র। আমি পাপ করেছি।

পঞ্চক। পাপ করেছিস? কী পাপ?

সুভদ্র। সে আমি বলতে পারব না! ভয়ানক পাপ! আমার কী হবে!

পঞ্চক। তোর সব পাপ আমি কেড়ে নেব, তুই বল্।

সুভদ্র। আমি আমাদের আয়তনের উত্তর দিকের—

পঞ্চক। উত্তর দিকের?

সুভদ্র। হাঁ, উত্তর দিকের জানলা খুলে—

পঞ্চক। জানলা খুলে কী করলি?

সুভদ্র। বাইরেটা দেখে ফেলেছি।

পঞ্চক। দেখে ফেলেছিস? শূনে গ্লোভ হচ্ছে যে!

সুভদ্র। হাঁ পঞ্চকদাদা। কিন্তু বোধিষ্ণ না—একবার দেখেই তখনই বন্ধ করে ফেলেছি। কোন্ প্রায়শ্চিত্ত করলে আমার পাপ যাবে?

পঞ্চক। ভুলে গেছি ভাই। প্রায়শ্চিত্ত বিশ-পঁচিশ হাজার রকম আছে। আমি যদি এই আয়তনে না আসতুম তা হলে তার বারো-আনাই কেবল পুঁথিতে লেখা থাকত; আমি আসার পর প্রায় তার সব-কটাই ব্যবহারে লাগাতে পেরেছি, কিন্তু মনে রাখতে পারি নি।

বালকদলের প্রবেশ

প্রথম বালক। অঁ, সুভদ্র! তুমি বুঝি এখানে!

দ্বিতীয় বালক। জান পঞ্চকদাদা, সুভদ্র কী ভয়ানক পাপ করেছে?

পঞ্চক। চুপ চুপ! ভয় নেই সুভদ্র। কাঁদাছিস কেন ভাই? প্রায়শ্চিত্ত করতে হয় তো করবি। প্রায়শ্চিত্ত করতে ভারি মজা। এখানে রোজই একঘেয়ে রকমের দিন কাটে, প্রায়শ্চিত্ত না থাকলে তো মানুষ টিকতেই পারত না।

প্রথম বালক। (চুপি চুপি) জান পঞ্চকদাদা, সুভদ্র উত্তর দিকের জানলা—

পঞ্চক। আচ্ছা আচ্ছা, সুভদ্রের মতো তোদের অমন সাহস আছে?

দ্বিতীয় বালক। আমাদের আয়তনের উত্তর দিকটা যে একজটা দেবীর।

তৃতীয় বালক। সে দিক থেকে আমাদের আয়তনে যদি একটুও হাওয়া ঢোকে তা হলে যে সে—

পঞ্চক। তা হলে কী?

তৃতীয় বালক। সে যে ভয়ানক!

পঞ্চক। কী ভয়ানক, শুনিনি-না।

তৃতীয় বালক। জানি নে, কিন্তু সে ভয়ানক।

সুভদ্র। পঞ্চকদাদা, আমি আর কখনো খুলব না পঞ্চকদাদা। আমার কী হবে?

পঞ্চক। শোন্ বলি সুভদ্র, কিসে কী হয় আমি ভাই কিছুই জানি নে। কিন্তু যাই হোক-না, আমি তাতে একটুও ভয় করি নে।

সুভদ্র। ভয় কর না?

সকল ছেলে। ভয় কর না?

পঞ্চক। না। আমি তো বলি, দেখিই-না কী হয়।

সকলে। (কাছে ঘেষিয়া) আচ্ছা দাদা, তুমি বৃষ্টি অনেক দেখেছ?

পঞ্চক। দেখেছি বৈকি। ও মাসে শনিবারে যেদিন মহাময়ুরী দেবীর পূজা পড়ল সেদিন আমি কাঁসার থালায় ইন্দুরের গর্তের মাটি রেখে তার উপর পাঁচটা শেল্যলকাঁটার পাতা আর তিনটে মাখকলাই সাজিয়ে নিজে আঠারো বার কঁু দিয়েছি।

সকলে। অ্যাঁ, কী ভয়ানক! আঠারো বার!

সুভদ্র। পঞ্চকদাদা, তোমার কী হল?

পঞ্চক। তিনদিনের দিনে যে সাপটা এসে আমাকে নিশ্চয় কামড়াবে কথা ছিল সে আজ পর্যন্ত আমাকে খুঁজে বের করতে পারে নি।

প্রথম বালক। কিন্তু ভয়ানক পাপ করেছে তুমি।

দ্বিতীয় বালক। মহাময়ুরী দেবী ভয়ানক রাগ করেছেন।

পঞ্চক। তাঁর রাগটা কিরকম সেইটে দেখবার জন্যই তো এ কাজ করেছি।

সুভদ্র। কিন্তু পঞ্চকদাদা, যদি তোমাকে সাপে কামড়াত।

পঞ্চক। তা হলে এ সম্বন্ধে মাথা থেকে পা পর্যন্ত কোথাও কোনো সন্দেহ থাকত না।

প্রথম বালক। কিন্তু পঞ্চকদাদা, আমাদের উত্তর দিকের জানলাটা—

পঞ্চক। সেটাও আমাকে একবার খুলে দেখতে হবে স্থির করেছি।

সুভদ্র। তুমিও খুলে দেখবে?

পঞ্চক। হাঁ ভাই সুভদ্র, তা হলে তুই তোর দলের একজন পাবি।

প্রথম বালক। না পঞ্চকদাদা, পারে পড়ি পঞ্চকদাদা, তুমি—

পঞ্চক। কেন রে, তাদের তাতে ভয় কী।

দ্বিতীয় বালক। সে যে ভয়ানক!

পঞ্চক। ভয়ানক না হলে মজা কিসের?

তৃতীয় বালক। সে যে ভয়ানক পাপ!

প্রথম বালক। মহাপঞ্চকদাদা আমাদের বলে দিয়েছেন, ওতে মাতৃহত্যার পাপ হয়। কেননা উত্তর দিকটা যে একজটা দেবীর।

পঞ্চক। মাতৃহত্যা করলুম না অথচ মাতৃহত্যার পাপটা করলুম, সেই মজাটা কিরকম দেখতে আমার ভয়ানক কৌতূহল।

প্রথম বালক। তোমার ভয় করবে না?

পঞ্চক। কিছু না। ভাই সুভদ্র, তুই কী দেখালি বল্ দেখি।

দ্বিতীয় বালক। না না, বলিস নে।

তৃতীয় বালক। না, সে আমরা শুনতে পারব না—কী ভয়ানক!

প্রথম বালক। আচ্ছা, একটু, খুব একটুখানি বল্ ভাই।

সুভদ্র। আমি দেখলাম—সেখানে পাহাড়, গোরু চরছে—

বালকগণ। (কানে আঙুল দিয়া) ও বাবা! না না, আর শুনব না। আর বোলো না সুভদ্র।

ঐ যে উপাধ্যায়মশায় আসছেন। চল্ চল্—আর না।

পঞ্চক। কেন। এখন তোমাদের কী।

প্রথম বালক। বেশ, তাও জান না বন্ধি। আজ যে পূর্বফাল্গুনী নক্ষত্র—

পঞ্চক। তাতে কী।

দ্বিতীয় বালক। আজ কাকিনী সরোবরের নৈর্ঘাত কোণে ঢোঁড়াসাপের খোলস খুঁজতে হবে না?

পঞ্চক। কেন রে?

প্রথম বালক। তুমি কিছ্‌ জান না পঞ্চকদাদা! সেই খোলস কালো রঙের ঘোড়ার লেজের সাতগাছি চুল দিয়ে বেঁধে পুঁড়িয়ে ধোঁয়া করতে হবে যে!

দ্বিতীয় বালক। আজ যে পিতৃপুরুষেরা সেই ধোঁয়া ঘ্রাণ করতে আসবেন।

পঞ্চক। তাতে তাঁদের কষ্ট হবে না?

প্রথম বালক। পুণ্য হবে যে, ভয়ানক পুণ্য।

[ বালকগণের প্রস্থান ]

উপাধ্যায়ের প্রবেশ

উপাধ্যায়। পঞ্চককে শিশুদের দলেই প্রায় দেখতে পাই।

পঞ্চক। এই আয়তনে ওদের সঙ্গেই আমার বৃন্দ্র একটু মিল হয়। ওরা একটু বড়ো হলেই আর তখন—

উপাধ্যায়। কিন্তু তোমার সংসর্গে যে ওরা অসংযত হয়ে উঠছে। সেদিন পটুর্বর্ম আমার কাছে এসে নালিশ করেছে, শত্রুবারের প্রথম প্রহরেই উপতিষা তার গায়ের উপর হাই তুলে দিয়েছে।

পঞ্চক। তা দিয়েছে বটে, আমি স্বয়ং সেখানে উপস্থিত ছিলাম।

উপাধ্যায়। সে আমি অনুমানেই বুঝেছি, নইলে এতবড়ো আয়ুষ্করকর অনিয়মটা ঘটবে কেন। শুনো, তুমি নাকি সকলের সাইন্স বাড়িয়ে দেবার জন্য পটুর্বর্মকে ডেকে তোমার গায়ের উপর একশো বার হাই তুলতে বলেছিলে?

পঞ্চক। আপনি ভুল শুনছেন।

উপাধ্যায়। ভুল শুনো?

পঞ্চক। একলা পটুর্বর্মকে নয়, সেখানে যত ছেলে ছিল প্রত্যেককেই আমার গায়ের উপর অন্তত দশটা করে হাই তুলে যাবার জন্যে ডেকেছিলাম—পক্ষপাত করি নি।

উপাধ্যায়। প্রত্যেককেই ডেকেছিলে?

পঞ্চক। প্রত্যেককেই। আপনি বরঞ্চ জিজ্ঞাসা করে জানবেন। কেউ সাহস করে এগোল না। তারা হিসেব করে দেখলে, পনেরো জন ছেলেতে মিলে দেড়শো হাই তুললে তাতে আমার সমস্ত আয়ুষ্কর হয়ে গিয়েও আরো অনেকটা বাকি থাকে, সেই উদ্ভৃষ্টটাকে নিয়ে যে কী হবে তাই স্থির করতে না পেরে তারা মহাপঞ্চকদাদাকে প্রশ্ন জিজ্ঞাসা করতে গেল, তাতেই তো আমি ধরা পড়ে গেছি।

উপাধ্যায়। দেখো, তুমি মহাপঞ্চকের ভাই বলে এতদিন অনেক সহ্য করেছি, কিন্তু আর চলবে না। আমাদের গুরু আসছেন শুনো?

পঞ্চক। গুরু আসছেন? নিশ্চয় সংবাদ পেয়েছেন?

উপাধ্যায়। হাঁ। কিন্তু এতে তোমার উৎসাহের তো কোনো কারণ নেই।

পঞ্চক। আমারই তো গুরুর দরকার বেশি, আমার যে কিছ্‌ই শেখা হয় নি।



সুভদ্রের প্রবেশ

সুভদ্র। উপাধ্যায়মশায়!

পঞ্চক। আরে, পালা পালা। উপাধ্যায়মশায়ের কাছ থেকে একটু পরমার্থতত্ত্ব শুনছি, এখন বিরক্ত করিস নে, একেবারে দৌড়ে পালা।

উপাধ্যায়। কী সুভদ্র, তোমার বক্তব্য কী শীঘ্র বলে যাও।

সুভদ্র। আমি ভয়ানক পাপ করেছি।

পঞ্চক। ভারি পণ্ডিত কিনা! পাপ করেছি! পালা বলছি।

উপাধ্যায়। (উৎসাহিত হইয়া) ওকে তাড়া দিচ্ছ কেন! সুভদ্র, শুনো যাও।

পঞ্চক। আর রক্ষা নেই, পাপের একটুকু গন্ধ পেলে একেবারে মাছির মতো ছোটো।

উপাধ্যায়। কী বলছিলেন?

সুভদ্র। আমি পাপ করেছি।

উপাধ্যায়। পাপ করেছ? আচ্ছা বেশ। তা হলে বোসো। শোনা যাক।

সুভদ্র। আমি আয়তনের উত্তর দিকের—

উপাধ্যায়। বলো, বলো, উত্তর দিকের দেওয়ালে আঁক কেটেছ?

সুভদ্র। না, আমি উত্তর দিকের জানলায়—

উপাধ্যায়। বুঝেছি, কুন্ডাই ঠেকিয়েছ। তা হলে তো সে দিকে আমাদের যতগুণি যজ্ঞের পাঠ আছে সমস্তই ফেলা যাবে। সাত মাসের বাছুরকে দিয়ে ঐ জানলা না চাটাতে পারলে শোধন হবে না।

পঞ্চক। এটা আপনি ভুল বলছেন। ক্রিয়াসংগ্রহে আছে ভূমিকুস্মাণ্ডের বৌটা দিয়ে একবার—

উপাধ্যায়। তোমার তো স্পর্ধা কম দেখি নে। কুলদত্তের ক্রিয়াসংগ্রহের অষ্টাদশ অধ্যায়টি কি কোনোদিন খুলে দেখা হয়েছে?

পঞ্চক। (জনান্তিকে) সুভদ্র, যাও তুমি।—কিন্তু কুলদত্তকে তো আমি—

উপাধ্যায়। কুলদত্তকে মান না? আচ্ছা, ভরম্বাজ মিশ্রের প্রয়োগপ্রজ্ঞাপ্তি তো মানতেই হবে— তাতে—

সুভদ্র। উপাধ্যায়মশায়, আমি ভয়ানক পাপ করেছি।

পঞ্চক। আবার! সেই কথাই তো হচ্ছে। তুই চুপ কর।

উপাধ্যায়। সুভদ্র, উত্তরের দেয়ালে যে আঁক কেটেছ সে চতুষ্কোণ, না গোলাকার?

সুভদ্র। আঁক কাটি নি। আমি জানলা খুলে বাইরে চেয়েছিলাম।

উপাধ্যায়। (বসিয়া পড়িয়া) আঃ সর্বনাশ! করেছিস কী! আজ তিনশো পঁয়তাল্লিশ বছর ঐ জানলা কেউ খোলে নি তা জানিস?

সুভদ্র। আমার কী হবে।

পঞ্চক। (সুভদ্রকে আলিঙ্গন করিয়া) তোমার জয়জয়কার হবে সুভদ্র। তিনশো পঁয়তাল্লিশ বছরের আগল তুমি ঘুচিয়েছ। তোমার এই অসামান্য সাহস দেখে উপাধ্যায়মশায়ের মনে আর কথা নেই।

[সুভদ্রকে টানিয়া লইয়া প্রস্থান]

উপাধ্যায়। জানি নে কী সর্বনাশ হবে। উত্তরের অধিষ্ঠাত্রী যে একজটা দেবী। বালকের দুই চক্ষু মদ্যহৃতেই পাথর হয়ে গেল না কেন তাই ভাবছি। যাই, আচার্যদেবকে জানাই গে।

[প্রস্থান]

আচার্য ও উপাচার্যের প্রবেশ

আচার্য। এতকাল পরে আমাদের গুরু আসছেন।

উপাচার্য। তিনি প্রসন্ন হয়েছেন।

আচার্য। প্রসন্ন হয়েছেন? তা হবে। হয়তো প্রসন্নই হয়েছেন। কিন্তু কেমন করে জানব?

উপাচার্য। নইলে তিনি আসবেন কেন?

আচার্য। এক-এক সময়ে মনে ভয় হয় যে, হয়তো অপরাধের মাত্রা পূর্ণ হয়েছে বলেই তিনি আসছেন।

উপাচার্য। না, আচার্যদেব, এমন কথা বলবেন না। আমরা কঠোর নিয়ম সমস্তই নিঃশেষে পালন করেছি—কোনো ত্রুটি ঘটে নি।

আচার্য। কঠোর নিয়ম? হাঁ, সমস্তই পালিত হয়েছে।

উপাচার্য। বজ্রশুদ্ধিরত আমাদের আয়তনে এইবার নিয়ে ঠিক সাতাত্তর বার পূর্ণ হয়েছে। আর-কোনো আয়তনে এ কি সম্ভবপর হয়।

আচার্য। না, আর কোথাও হতে পারে না।

উপাচার্য। কিন্তু তবু আপনার মনে এমন দ্বিধা হচ্ছে কেন?

আচার্য। দ্বিধা? তা দ্বিধা হচ্ছে সে কথা স্বীকার করি। (কিছুক্ষণ নীরব থাকিয়া) দেখো সূতসোম, অনেক দিন থেকে মনের মধ্যে বেদনা জেগে উঠছে, কাউকে বলতে পারছি নে। আমি এই আয়তনের আচার্য; আমার মনকে যখন কোনো সংশয় বিম্ব করতে থাকে তখন একলা চুপ করে বহন করতে হয়। এতদিন তাই বহন করে এসেছি। কিন্তু যোদিন পত্র পেয়েছি গুরু আসছেন সেইদিন থেকে মনকে আর যেন চুপ করিয়ে রাখতে পারছি নে। সে কেবলই আমাদের প্রতিদিনের সকল কাজেই বলে বলে উঠছে—বৃথা, বৃথা, সমস্তই বৃথা।

উপাচার্য। আচার্যদেব, বলেন কী। বৃথা, সমস্তই বৃথা?

আচার্য। সূতসোম, আমরা এখানে কতদিন হল এসেছি মনে পড়ে কি? কত বছর হবে?

উপাচার্য। সময় ঠিক করে বলা বড়ো কঠিন। এখানে মনের পক্ষে প্রাচীন হয়ে উঠতে বয়সের দরকার হয় না। আমার তো মনে হয় আমি জন্মের বহু পূর্বে হতেই এখানে স্থির হয়ে বসে আছি।

আচার্য। দেখো সূতসোম, প্রথম যখন এখানে সাধনা আরম্ভ করেছিলুম তখন নবীন বয়স, তখন আশা ছিল সাধনার শেষে একটা-কিছু পাওয়া যাবে। সেইজন্যে সাধনা যতই কঠিন হচ্ছিল উৎসাহ আরো বেড়ে উঠছিল। তার পরে সেই সাধনার চক্রে ঘুরতে ঘুরতে একেবারেই ভুলে বসেছিলুম যে সিদ্ধি বলে কিছু-একটা আছে। আজ গুরু আসবেন শুনলে হঠাৎ মনটা থমকে দাঁড়াল—আজ নিজেকে জিজ্ঞাসা করলুম, ওরে পণ্ডিত, তোর সব শাস্ত্রই তো পড়া হল, সব রতই তো পালন করলি, এখন বল্ মুখ্য, কী পেয়েছিস। কিছু না, কিছু না, সূতসোম। আজ দেখছি—এই অতিদীর্ঘকালের সাধনা কেবল আপনাকেই আপনি প্রদক্ষিণ করেছে—কেবল প্রতিদিনের অন্তহীন পদনরাবৃত্তি রাশীকৃত হয়ে জমে উঠেছে।

উপাচার্য। বোলো না, বোলো না, এমন কথা বোলো না। আচার্যদেব, আজ কেন হঠাৎ তোমার মন এত উদ্ভ্রান্ত হল!

আচার্য। সূতসোম, তোমার মনে কি তুমি শান্তি পেয়েছ?

উপাচার্য। আমার তো একমুহূর্তের জন্যে অশান্তি নেই।

আচার্য। অশান্তি নেই?

উপাচার্য। কিছুমাত্র না। আমার অহোরাত্র একেবারে নিয়মে বাঁধা। সে হাজার বছরের বাঁধন। ক্রমেই সে পাথরের মতো বজ্রের মতো শক্ত হয়ে জমে গেছে। এক মুহূর্তের জন্যেও কিছু ভাবতে হয় না। এর চেয়ে আর শান্তি কী হতে পারে?

আচার্য। না না, তবে আমি ভুল করছিলুম সূতসোম, ভুল করছিলুম। যা আছে এই ঠিক, এইই ঠিক। যে করেই হোক এর মধ্যে শান্তি পেতেই হবে।

উপাচার্য। সেইজন্যেই তো অচলায়তন ছেড়ে আমাদের কোথাও বেরোনো নিষেধ। তাতে যে মনের বিক্ষেপ ঘটে—শান্তি চলে যায়।

আচার্য। ঠিক, ঠিক—ঠিক বলেছ সূতসোম। অচেনার মধ্যে গিয়ে কোথায় তার অন্ত পাব?

এখানে সমস্তই জানা, সমস্তই অভ্যস্ত—এখানকার সমস্ত প্রশ্নের উত্তর এখানকারই সমস্ত শাস্ত্রের ভিতর থেকে পাওয়া যায়—তার জন্যে একটুও বাইরে যাবার দরকার হয় না। এই তো নিশ্চল শান্তি। গুরুদেব, তুমি যখন আসবে, কিছুর সন্ধান নেই, কিছুর আঘাত কোরো না—চারি দিকেই আমাদের শান্তি, সেই বুদ্ধি পা ফেলো। দয়া কোরো, দয়া কোরো আমাদের। আমাদের পা আড়ষ্ট হয়ে গেছে, আমাদের আর চলবার শক্তি নেই। অনেক বৎসর অনেক যুদ্ধ যে এমনি করেই কেটে গেল—প্রাচীন, প্রাচীন, সমস্ত প্রাচীন হয়ে গেছে—আজ হঠাৎ বোলো না যে নতুনকে চাই—আমাদের আর সময় নেই।

উপাচার্য। আচার্যদেব, তোমাকে এমন বিচলিত হতে কখনো দেখি নি।

আচার্য। কী জানি, আমার কেমন মনে হচ্ছে কেবল একলা আমিই না, চারি দিকে সমস্তই বিচলিত হয়ে উঠেছে। আমার মনে হচ্ছে আমাদের এখানকার দেয়ালের প্রত্যেক পাথরটা পর্যন্ত বিচলিত। তুমি এটা অনুভব করতে পারছ না সত্যসোম?

উপাচার্য। কিছুমান্ন না। এখানকার অটল স্তম্ভতার লেশমাত্র বিচ্যুতি দেখতে পাচ্ছি নে। আমাদের তো বিচলিত হবার কথাও না। আমাদের সমস্ত শিক্ষা কোন্ কালে সমাধা হয়ে গেছে। আমাদের সমস্ত লাভ সমাপ্ত, সমস্ত সপ্তয় পর্যাপ্ত।

আচার্য। আজ আমার একটু একটু মনে পড়ছে বহুপূর্বে সব-প্রথমে সেই ভোরের বেলা অন্ধকার থাকতে থাকতে যার কাছে শিক্ষা আরম্ভ করেছিলুম তিনি গুরুদেব—তিনি পৃথি নন, শাস্ত্র নন, বৃত্তি নন, তিনি গুরুদেব। তিনি যা ধরিয়ে দিলেন তাই নিয়ে আরম্ভ করলুম—এতদিন মনে করে নিশ্চিত ছিলুম সেইটেই বুদ্ধি আছে, ঠিক চলছে—কিন্তু—

উপাচার্য। ঠিক আছে, ঠিক চলছে আচার্যদেব, ভয় নেই। প্রভু, আমাদের এখানে সেই প্রথম ঊষার বিশুদ্ধ অন্ধকারকে হাজার বছরেও নষ্ট হতে দিই নি। তারই পবিত্র অস্পষ্ট ছায়ার মধ্যে আমরা আচার্য এবং ছাত্র, প্রবীণ এবং নবীন, সকলেই স্থির হয়ে বসে আছি। তুমি কি বলতে চাও এতদিন পরে কেউ এসে সেই আমাদের ছায়া নাড়িয়ে দিয়ে যাবে! সর্বনাশ! সেই ছায়া!

আচার্য। সর্বনাশই তো!

উপাচার্য। তা হলে হবে কী! এতদিন যারা স্তম্ভ হয়ে আছে তাদের কি আবার উঠতে হবে?

আচার্য। আমি তো তাই সামনে দেখছি। সে কি আমার স্বপ্ন! অথচ আমার তো মনে হচ্ছে এই সমস্তই স্বপ্ন—এই পাথরের প্রাচীর, এই বন্ধ দরজা, এই-সব নানা রেখার গণ্ডি, এই স্তূপাকার পৃথি, এই অহোরাত্র মন্ত্রপাঠের গুরুজনধ্বনি—সমস্তই স্বপ্ন!

উপাচার্য। ঐ-যে পশুক আসছে। পাথরের মধ্যে কি ঘাস বেরোয়! এমন ছেলে আমাদের আয়তনে কী করে সম্ভব হল! শিশুকাল থেকেই ওর ভিতর এমন-একটা প্রবল অনিয়ম আছে, তাকে কিছুতেই দমন করা গেল না। ঐ বালককে আমার ভয় হয়। ঐ আমাদের দুর্লক্ষণ। এই আয়তনের মধ্যে ও কেবল তোমাকেই মানে। তুমি ওকে একটু ভৎসনা করে দিয়ো।

আচার্য। আচ্ছা, তুমি যাও। আমি ওর সঙ্গে একটু নিভুতে কথা কয়ে দেখি।

[উপাচার্যের প্রস্থান]

#### পশুকের প্রবেশ

আচার্য। (পশুকের গায়ে হাত দিয়া) বৎস পশুক!

পশুক। করলেন কী! আমাকে ছুলেন?

আচার্য। কেন, বাধা কী আছে?

পশুক। আমি যে আচার্য রক্ষা করতে পারি নি।

আচার্য। কেন পার নি বৎস?

পশুক। প্রভু, কেন, তা আমি বলতে পারি নে। আমার পারবার উপায় নেই।

আচার্য। সৌম্য, তুমি তো জানো, এখানকার যে নিয়ম সেই নিয়মকে আশ্রয় করে হাজার বছর হাজার হাজার লোক নিশ্চিন্ত আছে। আমরা যে-খৃশি তাকে কি ভাঙতে পারি?

পঞ্চক। আচার্যদেব, যে নিয়ম সত্য তাকে ভাঙতে না দিলে তার যে পরীক্ষা হয় না।

আচার্য। নিয়মের জন্য ভয় নয়, কিন্তু যে লোক ভাঙতে যাবে তারই বা দুর্গতি ঘটতে দেব কেন?

পঞ্চক। আমি কোনো তর্ক করব না। আপনি নিজমুখে যদি আদেশ করেন যে, আমাকে সমস্ত নিয়ম পালন করতেই হবে অ হলে পালন করব। আমি আচার-অনুষ্ঠান কিছুই জানি নে, আমি আপনাকেই জানি।

আচার্য। আদেশ করব—তোমাকে! সে আর আমার দ্বারা হয়ে উঠবে না।

পঞ্চক। কেন আদেশ করবেন না প্রভু।

আচার্য। কেন? বলব বৎস? তোমাকে যখন দেখি আমি মৃদুস্তিকে যেন চোখে দেখতে পাই। এত চাপেও যখন দেখলুম তোমার মধ্যে প্রাণ কিছুতেই মরতে চায় না তখনই আমি প্রথম বুদ্ধিতে পারলুম মানুষের মন মস্তুর চেয়ে সত্য, হাজার বছরের অতিপ্রাচীন আচারের চেয়ে সত্য। যাও বৎস, তোমার পথে তুমি যাও। আমাকে কোনো কথা জিজ্ঞাসা কোরো না।

পঞ্চক। আচার্যদেব, আপনি জানেন না কিন্তু আপনিই আমাকে নিয়মের চাকার নীচে থেকে টেনে নিয়েছেন।

আচার্য। কেমন করে বৎস?

পঞ্চক। তা জানি নে, কিন্তু আপনি আমাকে এমন একটা-কিছু দিয়েছেন যা আচারের চেয়ে নিয়মের চেয়ে অনেক বেশি।

আচার্য। তুমি কী কর না-কর আমি কোনোদিন জিজ্ঞাসা করি নে, কিন্তু আজ একটি কথা জিজ্ঞাসা করব। তুমি কি অচলায়তনের বাইরে গিয়ে শোণপাংশু-জাতির সঙ্গে মেশ?

পঞ্চক। আপনি কি এর উত্তর শুনতে চান?

আচার্য। না না, থাক, বোলো না। কিন্তু শোণপাংশুরা যে অত্যন্ত স্নেহ। তাদের সহবাস কি—

পঞ্চক। তাদের সম্বন্ধে আপনার কি কোনো বিশেষ আদেশ আছে।

আচার্য। না না, আদেশ আমার কিছুই নেই। যদি ভুল করতে হয় তবে ভুল করো গে—তুমি ভুল করো গে—আমাদের কথা শুনো না। আমাদের গুরু আসছেন পঞ্চক—তার কাছে তোমার মতো বালক হয়ে যদি বসতে পারি—তিনি যদি আমার জরার বন্ধন খুলে দেন, আমাকে ছেড়ে দেন, তিনি যদি অভয় দিয়ে বলেন 'আজ থেকে ভুল করে করে সত্য জানবার অধিকার তোমাকে দিলুম,' আমার মনের উপর থেকে হাজার দু-হাজার বছরের পুরাতন ভার যদি তিনি নামিয়ে দেন!

পঞ্চক। ঐ উপাচার্য আসছেন—বোধ করি কাজের কথা আছে—বিদায় হই।

[প্রস্থান]

উপাধ্যায় ও উপাচার্যের প্রবেশ

উপাচার্য। (উপাধ্যায়ের প্রতি) আচার্যদেবকে তো বলতেই হবে। উনি নিতান্ত উদ্ভব হবেন—কিন্তু দায়িত্ব যে গুরুই।

আচার্য। উপাধ্যায়, কোনো সংবাদ আছে নাকি?

উপাধ্যায়। অত্যন্ত মন্দ সংবাদ।

আচার্য। অতএব সেটা সত্বর বলা উচিত।

উপাচার্য। উপাধ্যায়, কথাটা বলে ফেলো। এ দিকে প্রতিকারের সময় উত্তীর্ণ হয়ে যাচ্ছে। আমাদের গ্রহাচার্য বলছেন আজ তিন প্রহর সাড়ে-তিন দণ্ডের মধ্যে দ্ব্যাক্ষকচরাংশলেন যা-কিছু

করবার সময়—সেটা অতিক্রম করলেই গোপরিভ্রমণ আরম্ভ হবে, তখন প্রায়শ্চিত্তের কেবল এক পাদ হবে বিপ্র, অর্ধ পাদ বৈশ্য, বাকি সমস্তটাই শূন্য।

উপাধ্যায়। আচার্যদেব, স্ভদ্র আমাদের আয়তনের উত্তর দিকের জানলা খুলে বাইরে দৃষ্টিপাত করেছে।

আচার্য। উত্তর দিকটা তো একজটা দেবীর।

উপাধ্যায়। সেই তো ভাবনা। আমাদের আয়তনের মস্তপদ্ম রুদ্ধ বাতাসকে সেখানকার হাওয়া কতটা দূর পর্যন্ত আক্রমণ করেছে বলা তো যায় না।

উপাচার্য। এখন কথা হচ্ছে এ পাপের প্রায়শ্চিত্ত কী।

আচার্য। আমার তো স্মরণ হয় না। উপাধ্যায় বোধ করি—

উপাধ্যায়। না, আমিও তো মনে আনতে পারি নে। আজ তিনশো বছর এ প্রায়শ্চিত্তটার প্রয়োজন হয় নি—সবাই ভুলেই গেছে। ঐ-যে মহাপঙ্কক আসছে—যদি কারো জানা থাকে তো সে ওর।

#### মহাপঙ্ককের প্রবেশ

উপাধ্যায়। মহাপঙ্কক, সব শুনছে বোধ করি।

মহাপঙ্কক। সেইজনেই তো এলুম; আনরা এখন সকলেই অশুচি, বাহিরের হাওয়া আমাদের আয়তনে প্রবেশ করেছে।

উপাচার্য। এর প্রায়শ্চিত্ত কী, আমাদের কারো স্মরণ নেই—তুমিই বলতে পার।

মহাপঙ্কক। ক্রিয়াক্ষণাত্যুভে এর কোনো উদ্দেশ্য পাওয়া যায় না—একজাত ভগবান জ্বলন্ত-কৃত আধিকারিক বর্ষায়ণে লিখেছে অপরাধীকে ছয় মাস মহাতামস সাধন করতে হবে।

উপাচার্য। মহাতামস?

মহাপঙ্কক। হাঁ, আলোকের এক রশ্মিমান সে দেখতে পাবে না। কেননা আলোকের দ্বারা যে অপরাধ অন্ধকারের দ্বারাই তার দ্বালন।

উপাচার্য। তা হলে, মহাপঙ্কক, সমস্ত ভার তোমার উপর রইল।

উপাধ্যায়। চলো আমিও তোমার সাঙ্গ যাই। ততক্ষণ স্ভদ্রকে হিংস্র মুখে নান করিয়ে আনি গে।

[সকলে। গমগমাম

আচার্য। শোনো, প্রয়োজন নেই।

উপাধ্যায়। কিসের প্রয়োজন নেই?

আচার্য। প্রায়শ্চিত্তের।

মহাপঙ্কক। প্রয়োজন নেই বলছেন! আধিকারিক বর্ষায়ণ খুলে আমি এখনই দেখিয়ে দিচ্ছি—

আচার্য। দরকার নেই—স্ভদ্রকে কোনো প্রায়শ্চিত্ত করতে হবে না, আমি আশীর্বাদ করে তার—

মহাপঙ্কক। এও কি কখনো সম্ভব হয়? যা কোনো শাস্ত্র নেই আপনি কি তাই -

আচার্য। না, হতে দেব না, যদি কোনো অপরাধ ঘটে সে আমার। তোমাদের ভয় নেই।

উপাধ্যায়। এ রকম দুর্বলতা তো আপনার কোনোদিন দেখি নি। এই তো সেবার অষ্টাঙ্গ-শুদ্ধি উপবাসে তৃতীয় রাতে বালক কুশলশীল 'জল জল' করে পিপাসায় প্রাণত্যাগ করলে কিন্তু তবু তার মুখে যখন এক বিন্দু জল দেওয়া গেল না তখন তো আপনি নীরব হয়ে ছিলেন। তুচ্ছ মানুষের প্রাণ আজ আছে কাল নেই, কিন্তু সনাতন ধর্মবিধি তো চিরকালের।

#### স্ভদ্রকে লইয়া পঙ্ককের প্রবেশ

পঙ্কক। ভয় নেই স্ভদ্র, তোর কোনো ভয় নেই—এই শিশুটিকে অভয় দাও প্রভু।

আচার্য। বৎস, তুমি কোনো পাপ কর নি বৎস, যারা বিনা অপরাধে তোমাকে হাজার হাজার বৎসর ধরে মূখ বিকৃত করে ভয় দেখাচ্ছে পাপ তাদেরই। এসো পশুক।

[সুভদ্রকে কোলে লইয়া পশকের সঙ্গে প্রস্থান]

উপাধ্যায়। এ কী হল উপাচার্যমশায়!

মহাপশুক। আমরা অশুচি হয়ে রইলুম, আমাদের যাগযজ্ঞ রত-উপবাস সমস্তই পণ্ড হতে থাকল, এ তো সহ্য করা শক্ত।

উপাধ্যায়। এ সহ্য করা চলবেই না। আচার্য কি শেষে আমাদের স্লেচ্ছের সঙ্গে সমান করে দিতে চান!

মহাপশুক। উনি আজ সুভদ্রকে বাঁচাতে গিয়ে সনাতনধর্মকে বিনাশ করবেন! এ কী রকম বুদ্ধিবিকার গুঁর ঘটল! এ অবস্থায় গুঁকে আচার্য বলে গণ্য করাই চলবে না।

উপাচার্য। সে কি হয়! যিনি একবার আচার্য হয়েছেন তাঁকে কি আমাদের ইচ্ছামত -

মহাপশুক। উপাচার্যমশায়, আপনাকেও আমাদের সঙ্গে যোগ দিতে হবে।

উপাচার্য। নতুন কিছুতে যোগ দেবার বয়স আমার নয়।

উপাধ্যায়। আজ বিপদের সময় বয়স-বিচার!

উপাচার্য। ধর্মকে বাঁচাবার জন্যে যা করবার করো। আমাকে দাঁড়াতে হবে আচার্যদেবের পাশে। আমরা একসঙ্গে এসেছিলাম, যদি বিদায় হবার দিন এসে থাকে তবে একসঙ্গেই বাহির হয়ে যাব।

মহাপশুক। কিন্তু একটা কথা চিন্তা করে দেখবেন। আচার্যদেবের অভাবে আপনারই আচার্য হবার অধিকার।

উপাচার্য। মহাপশুক, সেই প্রলোভনে আমি আচার্যদেবের বিরুদ্ধে দাঁড়াব? এ কথা বলবার জন্যে তুমি যে মূখ খুলেছ সে কি এখানকার উত্তর দিকের জানলা খোলার চেয়ে কম পাপ!

[প্রস্থান]

মহাপশুক। চলো উপাধ্যায়, আর বিলম্ব নয়। আচার্য অদীনপুণ্য যতক্ষণ এ আয়তনে থাকবেন ততক্ষণ ক্রিয়াকর্ম সমস্ত বন্ধ, ততক্ষণ আমাদের অশোচ।

## ২

পাহাড়-মাঠ

পশকের গান

এ পথ গেছে কোন্‌খানে গো কোন্‌খানে—

তা কে জানে তা কে জানে।

কোন্‌ পাহাড়ের পারে, কোন্‌ সাগরের ধারে,

কোন্‌ দুরাশার দিকপানে—

তা কে জানে তা কে জানে।

এ পথ দিয়ে কে আসে যায় কোন্‌খানে

তা কে জানে তা কে জানে।

কেমন যে তার বাণী, কেমন হাসিখানি,

যায় সে কাহার সন্ধানে

তা কে জানে তা কে জানে।

পশ্চাতে আসিয়া শোণপাংশুদলের নৃত্য

পশ্চক। ও কী রে! তোরা কখন পিছনে এসে নাচতে লেগেছিস?

প্রথম শোণপাংশু। আমরা নাচবার সুযোগ পেলেই নাচি, পা দুটোকে স্থির রাখতে পারি নে।

দ্বিতীয় শোণপাংশু। আয় ভাই, ওকে সুদৃশ্য কাঁধে করে নিয়ে একবার নাচি।

পশ্চক। আরে না না, আমাকে ছুঁস নে রে, ছুঁস নে।

তৃতীয় শোণপাংশু। ঐ রে! ওকে অচলায়তনের ভূতে পেয়েছে। শোণপাংশুকে ও ছোঁবে না।

পশ্চক। জানিস, আমাদের গুরু আসবেন?

প্রথম শোণপাংশু। সত্যি নাকি! তিনি মানুষ্যটি কী রকম? তাঁর মধ্যে নতুন কিছুর আছে?

পশ্চক। নতুনও আছে, পুরোনোও আছে।

দ্বিতীয় শোণপাংশু। আচ্ছা, এলে খবর দিয়ো—একবার দেখব তাঁকে।

পশ্চক। তোরা দেখবি কী রে। সর্বনাশ। তিনি তো শোণপাংশুদের গুরু নন। তাঁর কথা তাদের কানে পাছে এক অক্ষরও যায় সেজন্যে তাদের দিকের প্রাচীরের বাইরে সাত সার রাজার সৈন্য পাহারা দেবে। তাদেরও তো গুরু আছে—তাকে নিয়েই—

তৃতীয় শোণপাংশু। গুরু! আমাদের আবার গুরু কোথায়! আমরা তো হলদুম দাদাঠাকুরের দল। এ পর্যন্ত আমরা তো কোনো গুরুকে মানি নি।

প্রথম শোণপাংশু। সেইজন্যেই তো ও জিনিসটা কী রকম দেখতে ইচ্ছা করে।

দ্বিতীয় শোণপাংশু। আমাদের মধ্যে একজন, তার নাম চণ্ডক—তার কী জানি ভারি লোভ হয়েছে; সে ভেবেছে তোমাদের কোনো গুরুর কাছে মন্ত্র নিয়ে আশ্চর্য কী—একটা ফল পাবে—তাই সে লুকিয়ে চলে গেছে।

তৃতীয় শোণপাংশু। কিন্তু শোণপাংশু বলে কেউ তাকে মন্ত্র দিতে চায় না: সেও ছাড়বার ছেলে নয়, সে লেগেই রয়েছে! তোমরা মন্ত্র দাও না বসেই মন্ত্র আদায় করবার জন্যে তার এত জেদ।

প্রথম শোণপাংশু। কিন্তু পশ্চকদাদা, আমাদের ছলে কি তোমার গুরু রাগ করবেন?

পশ্চক। বলতে পারি নে—কী জানি যদি অপরাধ নেন। ওরে, তোরা যে সবাই সবরকম কাজই করিস—সেইটে যে বড়ো দোষ। তোরা চাষ করিস তো?

প্রথম শোণপাংশু। চাষ করি বৈকি, খুব করি। পৃথিবীতে জন্মেছি পৃথিবীকে সেটা খুব ক'ষে বড়াকিয়ে দিয়ে তবে ছাড়ি।

গান

আমরা চাষ করি আনন্দে।

মাঠে মাঠে বেলা কাটে সকাল হতে সন্ধ্যা!

রোদ্র ওঠে, বৃষ্টি পড়ে বাঁশের বনে পাতা নড়ে,

বাতাস ওঠে ভরে ভরে চষা মাটির গন্ধে।

সবুজ প্রাণের গানের লেখা রেখায় রেখায় দেয় রে দেখা,

মাতে রে কোন্ তরুণ কবি নৃত্যদোদুল ছন্দে।

ধানের শিবে পলক ছোটে সকল ধরা হেসে ওঠে,

অম্মানেরই সোনার রোদে পূর্ণিমারই চন্দ্রে।

পশ্চক। আচ্ছা, নাহয় তোরা চাষই করিস সেও কোনোমতে সহ্য হয়—কিন্তু কে বলছিল তোরা কাঁকুড়ের চাষ করিস।

প্রথম শোণপাংশু। করি বৈকি।

পশ্চক। কাঁকুড়! ছি ছি! খেসারিডালেরও চাষ করিস বড়িক?

তৃতীয় শোণপাংশু। কেন করব না? এখান থেকেই তো কাঁকুড় খেসারিডাল তোমাদের বাজারে যায়।

পঞ্চক। তা তো যায়, কিন্তু জানিস নে কাঁকুড় আর খেসারিডাল যারা চাষ করে তাদের আমরা ঘরে ঢুকতে দিই নে।

প্রথম শোণপাংশু। কেন?

পঞ্চক। কেন কী রে! ওটা যে নিষেধ।

প্রথম শোণপাংশু। কেন নিষেধ?

পঞ্চক। শোনো একবার! নিষেধ, তার আবার কেন! সাথে তোদের মৃদুদর্শন পাপ! এই সহজ কথাটা বুঝিস নে যে কাঁকুড় আর খেসারিডালের চাষটা ভয়ানক খারাপ।

দ্বিতীয় শোণপাংশু। কেন? ওটা কি তোমরা খাও না?

পঞ্চক। খাই বৈকি, খুব আদর করে খাই—কিন্তু ওটা যারা চাষ করে তাদের ছায়া মাড়াই নে।

দ্বিতীয় শোণপাংশু। কেন?

পঞ্চক। ফের কেন! তোরা যে এতবড়ো নিরেট মূর্খ তা জানতুম না। আমাদের পিতামহ বিষ্ণুম্ভট্ট কাঁকুড়ের মধ্যে জন্মগ্রহণ করেছিলেন, সে-খবর রাখিস নে বুঝি?

দ্বিতীয় শোণপাংশু। কাঁকুড়ের মধ্যে কেন?

পঞ্চক। আবার কেন! তোরা যে ঐ এক কেনর জন্মলায় আমাকে অতিষ্ঠ করে তুললি।

তৃতীয় শোণপাংশু। আর খেসারির ডাল?

পঞ্চক। একবার কোন্ যুগে একটা খেসারিডালের গুঁড়ো উপবাসের দিন কোন্ এক মস্ত বড়োর ঠিক গোঁফের উপর উড়ে পড়েছিল, তাতে তাঁর উপবাসের পূর্ণফল থেকে ষটিসহস্র ভাগের এক ভাগ কম পড়ে গিয়েছিল; তাই তখনই সেইখানে দাঁড়িয়ে উঠে তিনি জগতের সমস্ত খেসারিডালের খেতের উপর অভিষাপ দিয়ে গেছেন। এতবড়ো তেজ। তোরা হলে কী করতিস বল দেখি।

প্রথম শোণপাংশু। আমাদের কথা বল কেন? উপবাসের দিনে খেসারিডাল যদি গোঁফের উপর পর্যন্ত এগিয়ে আসে তা হলে তাকে আরো একটু এগিয়ে নিই।

পঞ্চক। আচ্ছা, একটা কথা জিজ্ঞাসা করি, সত্যি করে বলিস্—তোরা কি লোহার কাজ করে থাকিস?

প্রথম শোণপাংশু। লোহার কাজ করি বৈকি, খুব করি।

পঞ্চক। রাম! রাম! আমরা সনাতন কাল থেকে কেবল তামা-পিতলের কাজ করে আসছি। লোহা গলাতে পারি কিন্তু সব দিন নয়। বস্তুতঃ দিনে যদি মংগলবার পড়ে তবেই স্নান করে আমরা হাপর ছুঁতে পারি, কিন্তু তাই বলে লোহা পিটোনো—সে তো হতেই পারে না!

তৃতীয় শোণপাংশু। আমরা লোহার কাজ করি তাই লোহাও আমাদের কাজ করে।

গান

কঠিন লোহা কঠিন ঘূমে ছিল অচেতন,

ও তার ঘূম ভাঙাইনু রে!

লক্ষঘূমের অন্ধকারে ছিল সংগোপন,

ওগো, তায় জাগাইনু রে।

পোষ মেনেছে হাতের তলে,

যা বলাই সে তেমনি বলে,

দীর্ঘ দিনের মৌন তাহার আজ ভাগাইনু রে।

অচল ছিল, সচল হয়ে

ছুটেছে ওই জগৎ জয়ে,

নির্ভয়ে আজ দৃষ্ট হাতে তার রাশ বাগাইনু রে।



পশুক। সেদিন উপাধ্যায়মশায় একঘর ছাত্রের সামনে বললেন শোণপাংশু জাতটা এমনই বিগ্রী যে, তারা নিজের হাতে লোহার কাজ করে। আমি তাঁকে বললুম, ও বেচারারা পড়াশুনো কিছই করে নি সে আমি জানি—এমন-কি, এই পৃথিবীটা যে হিশরা রাক্ষসীর মাথামুড়োনো চুলের জটা দিয়ে তৈরি তাও ঐ মূর্খেরা জানে না, আবার সে কথা বলতে গেলে মারতে আসে-- তাই বলে ভালোমন্দের জ্ঞান কি ওদের এতটুকুও নেই যে, লোহার কাজ নিজের হাতে করবে। আজ তো পশুটাই দেখতে পাচ্ছি, যার যে বংশে জন্ম তার সেইরকম বৃদ্ধিই হয়।

প্রথম শোণপাংশু। কেন, লোহা কী অপরাধটা করেছে।

পশুক। আরে, ওটা যে লোহা সে তো তোকে মানতেই হবে।

প্রথম শোণপাংশু। তা তো হবে।

পশুক। তবে আর কি—এই বুঝে নে-না।

দ্বিতীয় শোণপাংশু। তবু একটা তো কারণ আছে।

পশুক। কারণ নিশ্চয়ই আছে, কিন্তু কেবল সেটা পৃথিবীর মধ্যে। সুতরাং মহাপশুকদাদা ছাড়া আর অতি অল্প লোকেরই জানবার সম্ভাবনা আছে। সাথে মহাপশুকদাদাকে ওখানকার ছাত্রেরা একেবারে পূজা করে! যা হোক ভাই, তোরা যে আমাকে ক্রমেই আশ্চর্য করে দিলি রে। তোরা তো খেসারিডাল চাব করিছিস আবার লোহাও পিটোচ্ছিস, এখনো তোরা কোনো দিক থেকে কোনো পাঁচ-চোখ কিংবা সাতমাথাওয়ালার কোপে পড়িস নি?

প্রথম শোণপাংশু। যদি পড়ি তবে আমাদেরও লোহা আছে, তারও কোপ বাড়ি কম নয়।

পশুক। আচ্ছা, তাদের মন্ত্র কেউ পড়ায় নি?

দ্বিতীয় শোণপাংশু। মন্ত্র! কিসের মন্ত্র।

পশুক। এই মনে কর্ যেমন বজ্রবিদারণ মন্ত্র-- তট তট তোতয় তোতয়--

তৃতীয় শোণপাংশু। ওর মানে কী!

পশুক। আবার! মানে! তোর আশ্পর্ধা তো কম নয়। সব কথাতেই মানে! কেয়ুরী মশ্গটা জানিস?

প্রথম শোণপাংশু। না।

পশুক। মরীচি?

প্রথম শোণপাংশু। না।

পশুক। মহাশীতবতী?

প্রথম শোণপাংশু। না।

পশুক। উষ্ণীষবিজয়?

প্রথম শোণপাংশু। না।

পশুক। নাপিত ক্ষৌর করতে করতে যেদিন তাদের বাঁ গালে রক্ত পাড়িয়ে দেয় সেদিন করিস কী।

তৃতীয় শোণপাংশু। সেদিন নাপিতের দুই গালে চড় কষিয়ে দিই।

পশুক। না রে না, আমি বলছি সেদিন নদী পার হবার দরকার হলে তোরা খেয়া-নৌকায় উঠতে পারিস?

তৃতীয় শোণপাংশু। খুব পারি।

পশুক। ওরে, তোরা আমাকে মাটি করলি রে। আমি আর থাকতে পারছি নে। তাদের প্রশ্ন জিজ্ঞাসা করতে আর সাহস হচ্ছে না। এমন জবাব যদি আর-একটা শুনতে পাই তা হলে তাদের বৃকে করে পাগলের মতো নাচব, আমার জাত-মান কিছু থাকবে না। ভাই, তোরা সব কাজই করতে পাস? তাদের দাদাঠাকুর কিছুতেই তাদের মানা করে না?

## শোণপাংশুগণের গান

সব কাজে হাত লাগাই মোরা সব কাজেই  
 বাধাবাধন নেই গো নেই।  
 দেখি, খুঁজি বৃষ্টি,  
 কেবল ভাঙি, গাড়ি, বৃষ্টি,  
 মোরা সব দেশেতেই বেড়াই ঘুরে সব সাজেই।  
 পারি, নাইবা পারি,  
 নায় জিতি কিংবা হারি,  
 যদি অমনিতে হাল ছাড়ি, মরি সেই লাজেই।  
 আপন হাতের জোরে  
 আমরা তুলি সৃজন করে,  
 আমরা প্রাণ দিয়ে ঘর বাঁধি, থাকি তার মাঝেই।

পঞ্চক। সর্বনাশ করলে রে—আমার সর্বনাশ করলে! আমার আর ভদ্রতা রাখলে না। এদের তালে তালে আমারও পা দুটো নেচে উঠছে। আমাকে সুন্দর এরা টানবে দেখছি। কোন দিন আমিও লোহা পিটব রে, লোহা পিটব—কিন্তু খেসারির ডাল—না না, পালা ভাই, পালা তোরা। দেখাচ্ছিস নে, পড়ব বলে পুঁথি সংগ্রহ করে এনেছি।

দ্বিতীয় শোণপাংশু। ও কী পুঁথি দাদা? ওতে কী আছে?

পঞ্চক। এ আমাদের দিক্‌চক্রচন্দ্রিকা—এতে বিস্তর কাজের কথা আছে রে।

প্রথম শোণপাংশু। কিরকম?

পঞ্চক। দশটা দিকের দশ রকম রঙ গন্ধ আর স্বাদ আছে কি না এতে তার সমস্ত খোলসা করে লিখেছে। দক্ষিণ দিকের রঙটা হচ্ছে রুইমাছের পেটের মতো, ওর গন্ধটা দধির গন্ধ, স্বাদটা ঈষৎ মিষ্টি; পূর্ব দিকের রঙটা হচ্ছে সবুজ, গন্ধটা মদনন্ত হাতির মতো, স্বাদটা বকুলের ফলের মতো কষা—নৈর্ধ্বংস কোণের—

দ্বিতীয় শোণপাংশু। আর বলতে হবে না দাদা। কিন্তু দশ দিকে তো আমরা এ সব রঙ গন্ধ দেখতে পাই নে।

পঞ্চক। দেখতে পেলে তো দেখাই যেত। যে ঘোর দুর্খ সেও দেখত। এ-সব কেবল পুঁথিতে পড়তে পাওয়া যায়, জগতে কোথাও দেখবার জো নেই।

প্রথম শোণপাংশু। তা হলে দাদা তুমি পুঁথিই পড়ো, আমরা চললুম।

দ্বিতীয় শোণপাংশু। এদের মতো চোখকান বুজে যদি আমাদের বসে বসে ভাবতে হত তা হলে তো আমরা পাগল হয়ে যেতুম।

তৃতীয় শোণপাংশু। চল্ ভাই, ঘুরে আসি, শিকারের সন্ধান পোগেছি। নদীর ধারে গন্ডারের পায়ের চিহ্ন দেখা গেছে।

[প্রস্থান]

পঞ্চক। এই শোণপাংশুদুটো বাইরে থাকে বটে, কিন্তু দিনরাত্রি এমনি পাক খেয়ে বেড়ায় যে, বাহিরটাকে দেখতেই পায় না। এরা বেখানে থাকে সেখানে একেবারে অস্থিরতার চোটে চতুর্দিক ঘুরিয়ে যায়। এরা একটু থেমেছে অমনি সমস্ত আকাশটা যেন গান গেয়ে উঠেছে। এই শোণপাংশুদের দেখছি ওরা চুপ করলেই আর কিছুর শব্দনে পায় না—ওরা নিজের গোলমালটা শোনে সেইজন্যে এত গোল করতে ভালোবাসে। কিন্তু এই আলোতে ভরা নীল আকাশটা আমার রক্তের ভিতরে গিয়ে কথা কছে, আমার সমস্ত শরীরটা গুন্ গুন্ করে বেড়াচ্ছে।

গান

ঘরেতে ভ্রমর এল গদনুগদনিয়ে।  
আমারে কার কথা সে যায় শুনিয়ে।  
আলোতে কোন্ গগনে  
মাধবী জাগল বনে,  
এল সেই ফুল জাগানোর খবর নিয়ে।  
সারাদিন সেই কথা সে যায় শুনিয়ে।  
কেমনে রহি ঘরে,  
মন যে কেমন করে,  
কেমনে কাটে যে দিন দিন গদনিয়ে।  
কী মায়া দেয় বুলায়ে;  
দিল সব কাজ ভুলায়ে,  
বেলা যায় গানের সুরে জাল বুদনিয়ে।  
আমারে কার কথা সে যায় শুনিয়ে।

শোণপাংশুদের পুনঃপ্রবেশ

প্রথম শোণপাংশু। ও ভাই পঞ্চক, দাদাঠাকুর আসছে।  
দ্বিতীয় শোণপাংশু। এখন রাখে তোমার পুঁথি রাখে- দাদাঠাকুর আসছে।

দাদাঠাকুরের প্রবেশ

প্রথম শোণপাংশু। দাদাঠাকুর!  
দাদাঠাকুর। কী রে?  
দ্বিতীয় শোণপাংশু। দাদাঠাকুর।  
দাদাঠাকুর। কী চাই রে?  
তৃতীয় শোণপাংশু। কিছু চাই নে—একবার তোমাকে ডেকে নিচ্ছি।  
পঞ্চক। দাদাঠাকুর!  
দাদাঠাকুর। কী ভাই, পঞ্চক যে।

পঞ্চক। ওরা সবাই তোমায় ডাকছে, আমারও কেমন ডাকতে ইচ্ছে হল। যতই ভাবছি ওদের দলে মিশব না ততই আরো জড়িয়ে পড়ছি।

প্রথম শোণপাংশু। আমাদের দাদাঠাকুরকে নিয়ে আবার দল কিসের। উনি আমাদের সব দলের শতদল পদ্ম।

গান

এই একলা মোদের হাজার মানুষ  
দাদাঠাকুর।  
এই আমাদের মজার মানুষ  
দাদাঠাকুর।  
এই তো নানা কাজে,  
এই তো নানা সাজে,  
এই আমাদের খেলার মানুষ  
দাদাঠাকুর।

সব মিলনে মেলার মানুষ  
দাদাঠাকুর।  
এই তো হাসির দলে,  
এই তো চোখের জলে,  
এই তো সকল ক্ষণের মানুষ  
দাদাঠাকুর।  
এই তো ঘরে ঘরে,  
এই তো বাহির করে,  
এই আমাদের কোণের মানুষ  
দাদাঠাকুর।  
এই আমাদের মনের মানুষ  
দাদাঠাকুর।

পঞ্চক। ও ভাই, তোদের দাদাঠাকুরকে নিয়ে তোরা তো দিনরাত মাতামাতি করছি, একবার আমাকে ছেড়ে দে, আমি একটু নিরালস্য বসে কথা কই। ভয় নেই, গুঁকে আমাদের অচলায়তনে নিয়ে গিয়ে কপাট দিয়ে রাখব না।

প্রথম শোণপাংশু। নিয়ে যাও-না। সে তো ভালোই হয়। তা হলে কপাটের বাপের সাধ্য নেই বন্ধ থাকে। উনি গেলে তোমাদের অচলায়তনের পাথরগুলো সন্ধ্য নাচতে আরম্ভ করবে, পৃথিবী-গুলোর মধ্যে বাঁশি বাজবে।

দ্বিতীয় শোণপাংশু। আচ্ছা, আয় ভাই, আমাদের কাজগুলো সেরে আসি। দাদাঠাকুরকে নিয়ে পঞ্চকদাদা একটু বসুক।

[প্রস্থান]

পঞ্চক। ঐ শোণপাংশুগুলো গেছে, এইবার তোমার পায়ের ধুলো নিই দাদাঠাকুর। ওরা দেখলে হেসে অস্থির হত, তাই ওদের সামনে করি নে।

দাদাঠাকুর। দরকার কী ভাই পায়ের ধুলোয়।

পঞ্চক। নিতে ইচ্ছে করে। বৃকের ভিতরটা যখন ভরে ওঠে, তখন বৃক তার ভরে মাথা নিচু হয়ে পড়ে—ভক্তি না করে যে বাঁচি নে।

দাদাঠাকুর। ভাই, আমিও থাকতে পারি নে। স্নেহ যখন আমার হৃদয়ে ধরে না, তখন সেই স্নেহই আমার ভক্তি।

পঞ্চক। অচলায়তনে প্রণাম করে করে ঘাড়ে ব্যথা হয়ে গেছে। তাতে নিজেকেই কেবল ছোটো করেছি, বড়োকে পাই নি।

দাদাঠাকুর। এই আমার সবার বাড়ি বড়োর মধ্যে এসে যখন বসি তখন যা করি তাই প্রণাম হয়ে ওঠে। এই-যে খোলা আকাশের নীচে দাঁড়িয়ে তোমার মূখের দিকে তাকিয়ে আমার মন তোমাকে আশীর্বাদ করছে—এও আমার প্রণাম।

পঞ্চক। দাদাঠাকুর, তোমার দুই চোখ দিয়ে এই-যে তুমি কেবল সেই বড়োকে দেখছ, তোমাকে যখন দেখি তখন তোমার সেই দেখাটিকেও আমি যেন পাই। তখন পশুপাখি গাছপালা আমার কাছে আর কিছই ছোটো থাকে না। এমন-কি, তখন ঐ শোণপাংশুদের সঙ্গে মাতামাতি করতেও আমার আর বাধে না।

দাদাঠাকুর। আমিও যে ওদের সঙ্গে খেলে বেড়াই সে খেলা আমার কাছে মস্ত খেলা। আমার মনে হয় আমি বরনার ধারার সঙ্গে খেলছি, সমুদ্রের ঢেউয়ের সঙ্গে খেলছি।

পঞ্চক। তোমার কাছে সবই বড়ো হয়ে গিয়েছে।

দাদাঠাকুর। না ভাই, বড়ো হয় নি, সত্য হয়ে উঠেছে—সত্য যে বড়োই, ছোটোই তো মিথ্যা।

পঞ্চক। তোমার বাধা কেটে গেছে দাদাঠাকুর, সব বাধা কেটে গেছে। এমন হাসতে খেলতে,

মিলতে মিশতে, কাজ করতে, কাজ ছাড়তে কে পারে! তোমার ঐ ভাব দেখে আমার মনটা ছটফট করতে থাকে। ঐ-যে কী-একটা আছে—চরম, না পরম, না কী, তা কে-বলবে—তার জন্যে দিনরাত যেন আমার মন কেমন করে। থেকে থেকে এক-একবার চমকে উঠি, আর ভাবি এইবার বৃদ্ধি হল, বৃদ্ধি পাওয়া গেল। দাদাঠাকুর, শুনছি আমাদের গুরু আসবেন।

দাদাঠাকুর। গুরু! কী বিপদ। ভারি উৎপাত করবে তা হলে তো।

পঞ্চক। একটু উৎপাত হলে যে বাঁচি। চুপচাপ থেকে প্রাণ হাঁপিয়ে উঠছে।

দাদাঠাকুর। তোমার যে শিক্ষা কাঁচা রয়েছে, মনে ভয় হচ্ছে না?

পঞ্চক। আমার ভয় সব চেয়ে কম—আমার একটি ভুলও হবে না।

দাদাঠাকুর। হবে না?

পঞ্চক। একেবারে কিছুই জানি নে, ভুল করবার জায়গাই নেই। নির্ভয়ে চুপ করে থাকব।

দাদাঠাকুর। আচ্ছা বেশ, তোমার গুরু এলে তাঁকে দেখে নেওয়া যাবে। এখন তুমি আছ কেমন বলো তো।

পঞ্চক। ভয়ানক টানাটানির মধ্যে আছি ঠাকুর। মনে মনে প্রার্থনা করছি, গুরু এসে যে দিকে হোক এক দিকে আমাকে ঠিক করে রাখুন—হয় এখানকার খোলা হাওয়ার মধ্যে অভয় দিয়ে ছাড়া দিন, নয় তো খুব কষে পুঁথি চাপা দিয়ে রাখুন; মাথা থেকে পা পর্যন্ত আগাগোড়া একেবারে সমান চ্যাপটা হয়ে যাই।

দাদাঠাকুর। তা, তোমার গুরু তোমার উপর যত পুঁথির চাপই চাপান-না কেন, তার নীচের থেকে তোমাকে আস্ত টেনে বের করে আনতে পারব।

পঞ্চক। তা তুমি পারবে সে আমি জানি। কিন্তু দেখো ঠাকুর, একটা কথা তোমাকে বলি—অচলায়তনের মধ্যে ঐ-যে আমরা দরজা বন্ধ করে আছি, দিবাি আছি। ওখানে আমাদের সমস্ত বোঝাপড়া একেবারে শেষ হয়ে গেছে। ওখানকার মানুষ সেইজন্যে বড়ো নিশ্চিন্ত। কিছুতে কারো একটু সন্দেহ হবার জো নেই। যদি দৈবাৎ কারো মনে এমন প্রশ্ন ওঠে যে, আচ্ছা ঐ-যে চন্দ্রগ্রহণের দিনে শোবার ঘরের দেওয়ালে তিনবার সাদা ছাগলের দাড়ি ঝুলিয়ে দিয়ে আওড়াতে হয় ‘হুন হুন তিষ্ঠ তিষ্ঠ বন্ধ বন্ধ অমৃতের হুঁ ফট স্বাহা’ এর কারণটা কী—তা হলে কেবলমাত্র চারটে সুপুঁথির আর এক মাষা সোনা হাতে করে যাও তখনই মহাপঞ্চকদাদার কাছে, এমনি উত্তরটি পাবে যে আর কথা সরবে না। হয় সেটা মানো, নয় কানমলা খেয়ে বেরিয়ে যাও, মাঝে অন্য রাস্তা নেই। তাই সমস্তই চমৎকার সহজ হয়ে গেছে। কিন্তু ঠাকুর, সেখান থেকে বের করে তুমি আমাকে এই যে জায়গাটাতে এনেছ এখানে কোনো মহাপঞ্চকদাদার টাঁক দেখবার জো নেই—বাঁধা জবাব পাই কার কাছে। সব কথাই বারো-আনা বাকি থেকে যায়। তুমি এমন করে মনটাকে উতলা করে দিলে—তার পর?

দাদাঠাকুর। তার পরে?

গান

যা হবার তা হবে।

যে আমাকে কাঁদায় সে কি অমনি ছেড়ে রবে।

পথ হতে যে ভুলিয়ে আনে, পথ যে কোথায় সেই তা জানে,

ঘর যে ছাড়ায় হাত সে বাড়ায় সেই তো ঘরে লবে।

পঞ্চক। এতবড়ো ভরসা তুমি কেমন করে দিচ্ছ ঠাকুর! তুমি কোনো ভয় কোনো ভাবনাই রাখতে দেবে না, অথচ জন্মাবধি আমাদের ভয়ের অন্ত নেই। মৃত্যুভয়ের জন্যে অমিতায়ুর্ধারিণী মন্ত্র পড়ছি, শত্রুভয়ের জন্যে মহাসাহস্রপ্রমর্দিনী, ঘরের ভয়ের জন্যে গৃহমাতৃকা, বাইরের ভয়ের জন্যে অভয়ংকরী, সাপের ভয়ের জন্যে মহাময়ূরী, বজ্রভয়ের জন্যে বজ্রগান্ধারী, ভূতের ভয়ের জন্যে চণ্ডভট্টারিকা, চোরের ভয়ের জন্যে হরাহরহৃদয়া। এমন আর কত নাম করব।

দাদাঠাকুর। আমার বন্ধু এমন মন্দ আমাকে পড়িয়েছেন যে তাতে চিরদিনের জন্য ভয়ের বিষদাঁত ভেঙে যায়।

পঞ্চক। তোমাকে দেখে তা বোঝা যায়। কিন্তু সেই বন্ধুকে পেল কোথা ঠাকুর।

দাদাঠাকুর। পাবই বলে সাহস করে বন্ধু বাড়িয়ে দিলুম, তাই পেলুম। কোথাও যেতে হয় নি।

পঞ্চক। সে কী রকম?

দাদাঠাকুর। যে ছেলের ভরসা নেই সে অন্ধকারে বিছানায় মাকে না দেখতে পেলেই কাঁদে, আর যার ভরসা আছে সে হাত বাড়ালেই মাকে তখনই বন্ধু ভরে পায়। তখন ভয়ের অন্ধকারটাই আরো নিবিড় মিষ্টি হয়ে ওঠে। মা তখন যদি জিজ্ঞাসা করে, ‘আলো চাই?’ ছেলে বলে, ‘তুমি থাকলে আমার আলোও যেমন অন্ধকারও তেমনি।’

পঞ্চক। দাদাঠাকুর, আমার অচলায়তন ছেড়ে অনেক সাহস করে তোমার কাছ অবধি এসেছি, কিন্তু তোমার ঐ বন্ধু পর্যন্ত যেতে সাহস করতে পারছি নে।

দাদাঠাকুর। কেন, তোমার ভয় কিসের?

পঞ্চক। খাঁচায় যে পাখিটার জন্ম, সে আকাশকেই সব চেয়ে ডরায়। সে লোহার শলাগুলোর মধ্যে দুঃখ পায় তবু দরজাটা খুলে দিলে তার বন্ধু দূর দূর করে, ভাবে ‘বন্ধু না থাকলে বাঁচব কী করে’। আপনাকে যে নির্ভয়ে ছেড়ে দিতে শিখি নি। এইটেই আমাদের চিরকালের অভ্যাস।

দাদাঠাকুর। তোমরা অনেকগুলো তাল লাগিয়ে সিঁধুক বন্ধ করে রাখাকেই মস্ত লাভ মনে কর—কিন্তু সিঁধুক-যে আছে কী তার খোঁজ রাখ না।

পঞ্চক। আমার দাদা বলে, জগতে যা-কিছু আছে সমস্তকে দূর করে ফেলতে পারলে তবেই আসল জিনিসটিকে পাওয়া যায়। সেইজন্যই দিনরাতি আমরা কেবল দূরই করছি—আমাদের কতটা গেল সেই হিসাবটাই আমাদের হিসাব—সে হিসাবের অন্তও পাওয়া যাচ্ছে না।

দাদাঠাকুর। তোমার দাদা তো ঐ বলে, কিন্তু আমার দাদা বলে, যখন সমস্ত পাই তখনই আসল জিনিসকে পাই। সেইজন্যে ঘরে আমি দরজা দিতে পারি নে—দিনরাতি সব খুলে রেখে দিই। আচ্ছা পঞ্চক, তুমি যে তোমাদের আয়তন থেকে বেরিয়ে আস কেউ তা জানে না?

পঞ্চক। আমি জানি যে আমাদের আচার্য জানেন। কোনোদিন তাঁর সঙ্গে এ নিয়ে কোনো কথা হয় নি—তিনিও জিজ্ঞাসা করেন না, আমিও বলি নে। কিন্তু আমি যখন বাইরে থেকে ফিরে যাই তিনি আমাকে দেখলেই বন্ধুতে পারেন। আমাকে তখন কাছে নিয়ে বসেন, তাঁর চোখের যেন একটা কী ক্ষুধা তিনি আমাকে দেখে মেটান। যেন বাইরের আকাশটাকে তিনি আমার মূখের মধ্যে দেখে নেন। ঠাকুর, যোদিন তোমার সঙ্গে আচার্যদেবকে মিলিয়ে দিতে পারব সেদিন আমার অচলায়তনের সব দুঃখ ঘুচবে।

দাদাঠাকুর। সেদিন আমারও শুভদিন হবে।

পঞ্চক। ঠাকুর, আমাকে কিন্তু তুমি বড়ো অস্থির করে তুলেছ। এক-এক সময় ভয় হয় বন্ধু কোনোদিন আর মন শান্ত হবে না।

দাদাঠাকুর। আগিহি কি স্থির আছি ভাই? আমার মধ্যে ঢেউ উঠেছে বলেই তোমারও মধ্যে ঢেউ তুলছি।

পঞ্চক। কিন্তু তবে যে তোমার ঐ শোণপাংশুরা বলে তোমার কাছে তারা খুব শান্তি পায়, কই, শান্তি কোথায়! আমি তো দেখি নে।

দাদাঠাকুর। ওদের যে শান্তি চাই। নইলে কেবলই কাজের ঘর্ষণে ওদের কাজের মধ্যেই দাবানল লেগে যেত, ওদের পাশে কেউ দাঁড়াতে পারত না।

পঞ্চক। তোমাকে দেখে ওরা শান্তি পায়?

দাদাঠাকুর। এই পাগল যে পাগলও হয়েছে শান্তিও পেয়েছে। তাই সে কাউকে খাপায়,

কাউকে বাঁধে। পূর্ণিমার চাঁদ সাগরকে উতলা করে যে মন্ডে, সেই মন্ডেই পৃথিবীকে ঘূম পাড়িয়ে রাখে।

পশ্চক। ঢেউ তোলো ঠাকুর, ঢেউ তোলো, কল ছাপিয়ে যেতে চাই। আমি তোমায় সত্যি বলছি আমার মন খেপেছে, কেবল জোর পাচ্ছি নে—তাই দাদাঠাকুর, মন কেবল তোমার কাছে আসতে চায়—তুমি জোর দাও—তুমি জোর দাও—তুমি আর দাঁড়াতে দিয়ো না।

গান

	আমি করে ডাকি গো
	আমার বাঁধন দাও গো টুটে।
আমি	হাত বাড়িয়ে আছি,
আমায়	লও কেড়ে লও লুটে।
তুমি	ডাকো এমনি ডাকে
যেন	লজ্জা ভয় না থাকে,
যেন	সব ফেলে যাই, সব ঠেলে যাই,
	যাই ধেয়ে যাই ছুটে।
আমি	স্বপন দিয়ে বাধা,
কেবল	ঘূমের ঘোরের বাধা,
সে যে	জড়িয়ে আছে প্রাণের কাছে
	মুদিয়ে আঁখিপট্টে।
ওগো	দিনের পরে দিন
আমার	কোথায় হল লীন,
কেবল	ভাষাহারা অশ্রুধারায়
	পরান কেঁদে উঠে।

আচ্ছা দাদাঠাকুর, তোমাকে আর কাঁদতে হয় না? তুমি যার কথা বল তিনি তোমার চোখের জল মুছিয়েছেন?

দাদাঠাকুর। তিনি চোখের জল মোছান, কিন্তু চোখের জল খোঁচান না।

পশ্চক। কিন্তু দাদা, আমি তোমার ঐ শোণপাংশুদের দেখি আর মনে ভাবি, ওরা চোখের জল ফেলতে শেখে নি। ওদের কি তুমি একেবারেই কাঁদাতে চাও না।

দাদাঠাকুর। যেখানে আকাশ থেকে বৃষ্টি পড়ে না সেখানে খাল কেটে জল আনতে হয়। ওদেরও রসের দরকার হবে, তখন দূর থেকে বয়ে আনবে। কিন্তু দেখছি ওরা বর্ষণ চায় না, তাতে ওদের কাজ কামাই যায়, সে ওরা কিছুতেই সহ্য করতে পারে না, ঐরকমই ওদের স্বভাব।

পশ্চক। ঠাকুর, আমি তো সেই বর্ষণের জন্যে তাকিয়ে আছি। যতদূর শুকোবার তা শুকিয়েছে, কোথাও একটু সবুজ আর কিছু বাকি নেই, এইবার তো সময় হয়েছে—মনে হচ্ছে যেন দূর থেকে গুরু গুরু ডাক শুনতে পাচ্ছি। বৃষ্টি এবার ঘন নীল মেঘে তপ্ত আকাশ জুড়িয়ে যাবে, ভরে যাবে।

দাদাঠাকুর।

গান

বৃষ্টি এল, বৃষ্টি এল, ওরে প্রাণ!  
 এবার ধরু দেখি তোর গান।  
 ঘাসে ঘাসে খবর ছোটে  
 ধরা বৃষ্টি শিউরে ওঠে,  
 দিগন্তে ওই স্তম্ভ আকাশ পেতে আছে কান।

পশ্চক। ঠাকুর, আমার বৃষ্টির মধ্যে কী আনন্দ যে লাগছে সে আমি বলে উঠতে পারি নে।

এই মাটিকে জড়িয়ে ধরতে ইচ্ছা করে। ডাকো ডাকো, তোমার একটা ডাক দিয়ে এই আকাশ ছেয়ে ফেলো।

গান

আজ যেমন করে গাইছে আকাশ  
তেমনি করে গাও গো।  
যেমন করে চাইছে আকাশ  
তেমনি করে চাও গো।  
আজ হাওয়া যেমন পাতায় পাতায়  
মর্মরিয়া বনকে কাঁদায়,  
তেমনি আমার বৃকের মাঝে  
কাঁদিয়া কাঁদাও গো।

শুনছ দাদা, ঐ কাঁসর বাজছে।

দাদাঠাকুর। হাঁ বাজছে।

পঞ্চক। আমার আর থাকবার জো নেই।

দাদাঠাকুর। কেন?

পঞ্চক। আজ আমাদের দীপকেতন পূজা।

দাদাঠাকুর। কী করতে হবে।

পঞ্চক। আজ ডুমুরতলা থেকে মাটি এনে সেইটে পঞ্চগব্য দিয়ে মেখে বিরোচন মন্ত্র পড়তে হবে। তার পরে সেই মাটিতে ছোটো ছোটো মন্দির গড়ে তার উপরে ধ্বজা বসিয়ে দিতে হবে। এমন হাজারটা গড়ে তবে সূর্যাস্তের পরে জলগ্রহণ।

দাদাঠাকুর। ফল কী হবে।

পঞ্চক। প্রেতলোকে পিতামহদের ঘর তৈরি হয়ে যাবে।

দাদাঠাকুর। যারা ইহলোকে আছে তাদের জন্যে—

পঞ্চক। তাদের জন্যে খর এত সহজে তৈরি হয় না। চললুম ঠাকুর, আবার কবে দেখা হবে জানি নে। তোমার এই হাতের স্পর্শ নিয়ে চললুম—এ-ই আমার সঙ্গে সঙ্গে যাবে—এ-ই আমার নাগপাশ-বাঁধন আলগা করে দেবে। ঐ আসছে শোণপাংশুর দল—আমরা এখানে বসে আছি দেখে ওদের ভালো লাগছে না, ওরা ছটফট করছে। তোমাকে নিয়ে ওরা হুটোপাটি করতে চায়—করুক, ওরাই ধন্য, ওরা দিনরাত তোমাকে কাছে পায়।

দাদাঠাকুর। হুটোপাটি করলেই কি কাছে পাওয়া যায়। কাছে আসবার রাস্তাটা কাছের লোকের চোখেই পড়ে না।

শোণপাংশুদলের প্রবেশ

প্রথম শোণপাংশু। ও কী ভাই পঞ্চক, যাও কোথায়?

পঞ্চক। আমার সময় হয়ে গেছে, আমাকে যেতেই হবে।

দ্বিতীয় শোণপাংশু। বাঃ, সে কি হয়? আজ আমাদের বনভোজন, আজ তোমাকে ছাড়ছি নে।

পঞ্চক। না ভাই, সে হবে না—ঐ কাঁসর বাজছে।

তৃতীয় শোণপাংশু। কিসের কাঁসর বাজছে?

পঞ্চক। তোরা বদুর্বি নে। আজ দীপকেতন পূজা—আজ ছেলেমানুষি না। আমি চললুম। (কিছদূর গিয়া হঠাৎ ছুটিয়া ফিরিয়া আসিয়া)



গান

হারে রে রে রে রে—  
আমায় ছেড়ে দে রে দে রে।  
যেমন ছাড়া বনের পাখি  
মনের আনন্দে রে।  
ঘন শ্রাবণধারা  
যেমন বাঁধনহারা  
বাদল বাতাস যেমন ডাকাত  
আকাশ লুটে ফেরে।  
হারে রে রে রে রে  
আমায় রাখবে ধরে কে রে।  
দাবানলের নাচন যেমন  
সকল কানন ঘেরে।  
বজ্র যেমন বেগে  
গর্জে ঝড়ের মেঘে  
অটুহাস্যে সকল বিষ্ময়াধার বন্ধ চেরে।

প্রথম শোণপাংশু। বেশ বেশ পঞ্চকদাদা, তা হলে চলো আমাদের বনভোজনে।

পঞ্চক। বেশ, চলো। (একটু থামিয়া শ্বিধা করিয়া) কিন্তু ভাই, ঐ বন পর্যন্তই যাব, ভোজন পর্যন্ত নয়।

শ্বিতীয় শোণপাংশু। সে কি হয়! সকলে মিলে ভোজন না করলে আনন্দ কিসের!

পঞ্চক। না রে, তোদের সঙ্গে ঐ জায়গাটাতে আনন্দ চলবে না।

শ্বিতীয় শোণপাংশু। কেন চলবে না? চালালেই চলবে।

পঞ্চক। চালালেই চলে এমন কোনো জিনিস আমাদের ত্রিসীমানায় আসতে পারে না তা জানিস? মারলে চলে না, ঠেললে চলে না, দশটা হাতি জুড়ে দিলে চলে না, আর তুই বলিস কিনা চালালেই চলবে!

তৃতীয় শোণপাংশু। আচ্ছা ভাই, কাজ কী। তুমি বনেই চলো, আমাদের সঙ্গে খেতে বসতে হবে না।

পঞ্চক। খুব হবে রে খুব হবে। আজ খেতে বসবই, খাবই—আজ সকলের সঙ্গে বসেই খাব—আনন্দে আজ ক্রিয়াকম্পতরুর ডালে ডালে আগুন লাগিয়ে দেব—পুড়িয়ে সব ছাই করে ফেলব। দাদাঠাকুর, তুমি ওদের সঙ্গে খাবে না?

দাদাঠাকুর। আমি রোজই খাই।

পঞ্চক। তবে তুমি আমাকে খেতে বলছ না কেন।

দাদাঠাকুর। আমি কাউকে বলি নে ভাই, নিজে বসে যাই।

পঞ্চক। না দাদা, আমার সঙ্গে অমন করলে চলবে না। আমাকে তুমি হুকুম করো, তা হলে আমি বেঁচে যাই। আমি নিজের সঙ্গে কেবলই তর্ক করে মরতে পারি নে।

দাদাঠাকুর। অত সহজে তোমাকে বেঁচে যেতে দেব না পঞ্চক। যেদিন তোমার আপনার মধ্যে হুকুম উঠবে সেইদিন আমি হুকুম করব।

একদল শোণপাংশুর প্রবেশ

দাদাঠাকুর। কী রে, এত ব্যস্ত হয়ে ছুটে এলি কেন?

প্রথম শোণপাংশু। চন্ডককে মেরে ফেলেছে।

দাদাঠাকুর। কে মেরেছে?

শ্বিতীয় শোণপাংশু। শ্ববিরপত্তনের রাজা।

পঞ্চক। আমাদের রাজা? কেন, মারতে গেল কেন।

শ্বিতীয় শোণপাংশু। শ্ববিরক হয়ে ওঠবার জন্যে চণ্ডক বনের মধ্যে এক পোড়ো মন্দিরে তপস্যা করছিল। ওদের রাজা মন্থরগদুস্ত সেই খবর পেয়ে তাকে কেটে ফেলেছে।

তৃতীয় শোণপাংশু। আগে ওদের দেশের প্রাচীর প'য়গ্রিশ হাত উ'চু ছিল, এবার আশি হাত উ'চু করবার জন্যে লোক লাগিয়ে দিয়েছে, পাছে পৃথিবীর সব লোক লাফ দিয়ে গিয়ে হঠাৎ শ্ববিরক হয়ে ওঠে।

চতুর্থ শোণপাংশু। আমাদের দেশ থেকে দশজন শোণপাংশু ধরে নিয়ে গেছে, হয়তো ওদের কালঝণ্টি দেবীর কাছে বলি দেবে।

দাদাঠাকুর। চলো তবে।

প্রথম শোণপাংশু। কোথায়?

দাদাঠাকুর। শ্ববিরপত্তনে!

শ্বিতীয় শোণপাংশু। এখনই?

দাদাঠাকুর। হাঁ, এখনই।

সকলে। ওরে, চল্ রে চল্।

দাদাঠাকুর। আমাদের রাজার আদেশ আছে—ওদের পাপ যখন প্রাচীরের আকার ধরে আকাশের জ্যোতি আচ্ছন্ন করতে উঠবে তখন সেই প্রাচীর ধুলোয় লুটিয়ে দিতে হবে।

প্রথম শোণপাংশু। দেব ধুলোয় লুটিয়ে।

সকলে। দেব লুটিয়ে।

দাদাঠাকুর। ওদের সেই ভাঙা প্রাচীরের উপর দিয়ে রাজপথ তৈরি করে দেব।

সকলে। হাঁ, রাজপথ তৈরি করে দেব।

দাদাঠাকুর। আমাদের রাজার বিজয়রথ তার উপর দিয়ে চলবে।

সকলে। হাঁ, চলবে। চলবে।

পঞ্চক। দাদাঠাকুর, এ কী ব্যাপার!

দাদাঠাকুর। এই আমাদের বনভোজন।

প্রথম শোণপাংশু। চলো পঞ্চক, তুমি চলো।

দাদাঠাকুর। না না, পঞ্চক না। যাও ভাই, তুমি তোমার অচলায়তনে ফিরে যাও। যখন সময় হবে দেখা হবে।

পঞ্চক। কী জানি ঠাকুর, যদিও আমি কোনো কর্মেরই না, তবু ইচ্ছে করছে তোমাদের সঙ্গে ছুটে বেরিয়ে পড়ি।

দাদাঠাকুর। না পঞ্চক, তোমার গদুর্দ আসবেন, তুমি অপেক্ষা করো গে।

পঞ্চক। তবে ফিরে যাই। কিন্তু ঠাকুর, যতবার বাইরে এসে তোমার সঙ্গে দেখা হয় ততবার ফিরে গিয়ে অচলায়তনে আমাকে যেন আর ধরে না। হয় ওটাকে বড়ো করে দাও, নয় আমাকে আর বাড়তে দিয়ো না।

দাদাঠাকুর। আয় রে, তবে যাত্রা করি।

## অচলায়তন

মহাপণ্ডক উপাধ্যায় সঞ্জীব বিশ্বম্ভর জ্যোন্তম

বিশ্বম্ভর। আচার্য অদীনপুণ্য যদি স্বেচ্ছায় পদত্যাগ না করেন তবে তিনি যেমন আছেন থাকুন কিন্তু আমরা তাঁর কোনো অনুশাসন মানব না।

জ্যোন্তম। তিনি বলেন, তাঁর গুরু তাঁকে যে আসনে বসিয়েছেন তাঁর গুরুই তাঁকে সেই আসন থেকে নামিয়ে দেবেন সেইজন্যে তিনি অপেক্ষা করছেন।

একটি ছাত্রের প্রবেশ

মহাপণ্ডক। কী হে তৃণাজন?

তৃণাজন। আজ শ্বাদশী, আজ আমার লোকেশ্বর ব্রতের পারণের দিন। কিন্তু কী করব, আমাদের আচার্য যে কে তার তো কোনো ঠিক হল না—আমাদের যে সমস্ত ক্লিয়াকাণ্ড পণ্ড হতে বসল এর কী করা যায়!

মহাপণ্ডক। সে তো আমি তোমাদের বলে রেখেছি—এখন আশ্রমে যা-কিছু কাজ হচ্ছে, সমস্তই নিষ্ফল হচ্ছে।

উপাধ্যায়। শূদ্ধ নিষ্ফল হচ্ছে তা নয়, আমাদের অপরাধ ক্রমেই জমে উঠছে।

সঞ্জীব। এ যে বড়ো সর্বনেশে কথা।

জ্যোন্তম। কিন্তু আমাদের গুরু আসবার তো দেরি নেই, এর মধ্যে আর কত অনিষ্টই বা হবে।

সঞ্জীব। আরে রাখো তোমার তর্ক। অনিষ্ট হতে সময় লাগে না। মরার পক্ষে এক মৃদুতই যথেষ্ট।

অধ্যাতার প্রবেশ

উপাধ্যায়। কী গো অধ্যাতা, ব্যাপার কী।

অধ্যাতা। তোমরা তো আমাকে বলে এলে সুভদ্রকে মহাতামসে বসাতে—কিন্তু বসায় কার সাধ্য।

মহাপণ্ডক। কেন, কী বিষয় ঘটেছে।

অধ্যাতা। মর্ত্তমান বিষয় রয়েছে তোমার ভাই!

মহাপণ্ডক। পণ্ডক?

অধ্যাতা। হাঁ। আমি সুভদ্রকে হিঙ্গুদর্দন কুণ্ডে স্নান করিয়ে সবে উঠেছি এমন সময় পণ্ডক এসে তাকে কেড়ে নিয়ে গেল।

মহাপণ্ডক। না, এই নরাদমকে নিয়ে আর চলল না। অনেক সহ্য করেছি। এবার ওকে নির্বাসন দেওয়াই স্থির। কিন্তু অধ্যাতা, তুমি এটা সহ্য করলে?

অধ্যাতা। আমি কি তোমার পণ্ডককে ভয় করি! স্বয়ং আচার্য অদীনপুণ্য এসে তাকে আদেশ করলেন, তাই তো সে সাহস পেলে।

তৃণাজন। আচার্য অদীনপুণ্য!

সঞ্জীব। স্বয়ং আমাদের আচার্য!

বিশ্বম্ভর। ক্রমে এ-সব হচ্ছে কী! এতদিন এই আয়তনে আছি, কখনো তো এমন অনাচারের কথা শুনিনি। যে স্নাত তাকে তার ব্রত থেকে ছিন্ন করে আনা! আর স্বয়ং আমাদের আচার্যের এই কীর্ত্তি!

জ্যোন্তম। তাঁকে একবার জিজ্ঞাসা করেই দেখা যাক-না।

বিশ্বম্ভর। না না, আচার্যকে আমরা—

মহাপণ্ডক। কী করবে আচার্যকে, বলেই ফেলো।

বিশ্বম্ভর। তাই তো ভাবিছি কী করা যায়। তাকে না হয়—আপনি বলে দিন-না কী করতে হবে।

মহাপণ্ডক। আমি বলছি তাঁকে সংযত করে রাখতে হবে।

সঞ্জীব। কেমন করে?

মহাপণ্ডক। কেমন করে আবার কী! মত্ত হস্তীকে যেমন করে সংযত করতে হয় তেমনি করে।

জয়োত্তম। আমাদের আচার্যদেবকে কি তাহলে—

মহাপণ্ডক। হাঁ, তাঁকে বন্ধ করে রাখতে হবে। চুপ করে রইলে যে! পারবে না?

তৃণাজন। কেন পারব না। আপনি যদি আদেশ করেন তা হলেই—

জয়োত্তম। কিন্তু শাস্ত্রে কি এর—

মহাপণ্ডক। শাস্ত্রে বিধি আছে।

তৃণাজন। তবে আর ভাবনা কী?

উপাধ্যায়। মহাপণ্ডক, তোমার কিছুই বাধে না, আমার কিন্তু ভয় হচ্ছে।

#### আচার্যের প্রবেশ

আচার্য। বৎস, এতদিন তোমরা আমাকে আচার্য বলে মেনেছ, আজ তোমাদের সামনে আমার বিচারের দিন এসেছে। আমি স্বীকার করছি অপরাধের অন্ত নেই, অন্ত নেই, তার প্রায়শ্চিত্ত আমাকেই করতে হবে।

তৃণাজন। তবে আর দেরি করেন কেন। এদিকে যে আমাদের সর্বনাশ হয়।

জয়োত্তম। দেখো তৃণাজন, আঁস্তাকুড়ের ছাই দিয়ে তোমার এই মুখের গর্তটা ভরিয়ে দিতে হবে। একটু থামো না।

আচার্য। গদরু চলে গেলেন, আমরা তাঁর জায়গায় পুঁথি নিয়ে বসলুম; তার শূকনো পাতায় ক্ষুধা যতই মেটে না ততই পুঁথি কেবল বাড়তে থাকি। খাদ্যের মধ্যে প্রাণ যতই কমে তার পরিমাণ ততই বেশি হয়। সেই জীর্ণ পুঁথির ভান্ডারে প্রতিদিন তোমরা দলে দলে আমার কাছে তোমাদের তরুণ হৃদয়টি মেলে ধরে কী চাইতে এসেছিলে! অমৃতবাণী? কিন্তু আমার তালু যে শূন্য হয়ে কাঠ হয়ে গেছে! রসনায় যে রসের লেশমাত্র নেই! এবার নিয়ে এসো সেই বাণী, গদরু, নিয়ে এসো হৃদয়ের বাণী! প্রাণকে প্রাণ দিয়ে জাগিয়ে দিয়ে যাও!

পণ্ডক। (ছুটিয়া প্রবেশ করিয়া) তোমার নববর্ষার সজল হাওয়ায় উড়ে যাক সব শূকনো পাতা—আয় রে নবীন কিশলয়—তোরা ছুটে আয়, তোরা ফুটে বেরো। ভাই জয়োত্তম, শুনছ না, আকাশের ঘন নীল মেঘের মধ্যে গুঁড়ির ডাক উঠেছে—‘আজ নৃত্য কর রে নৃত্য কর’!

#### গান

ওরে ওরে ওরে আমার মন মেতেছে

তারে আজ থামায় কে রে!

সে যে আকাশ পানে হাত পেতেছে

তারে আজ নামায় কে রে!

প্রথমে জয়োত্তমের, পরে বিশ্বম্ভরের, পরে সঞ্জীবের নৃত্যগীতে যোগ

মহাপণ্ডক। পণ্ডক, নির্লজ্জ বানর কোথাকার, থাম্ বলছি, থাম্!

পণ্ডক।

ওরে আমার মন মেতেছে

আমারে থামায় কে রে!

মহাপঞ্চক। উপাধ্যায়, আমি তোমাকে বলি নি একজটা দেবীর শাপ আরম্ভ হয়েছে? দেখছ, কী করে তিনি আমাদের সকলের বৃদ্ধিকে বিচলিত করে তুলছেন—ক্রমে দেখবে অচলায়তনের একটি পাথরও আর থাকবে না।

পঞ্চক। না থাকবে না, থাকবে না, পাথরগুলো সব পাগল হয়ে যাবে; তারা কে কোথায় ছুঁটে বেরিয়ে পড়বে, তারা গান ধরবে—

ওরে ভাই, নাচ রে ও ভাই নাচ রে—  
আজ ছাড়া পেয়ে বাঁচ রে—  
লাজ ভয় ঘুঁচিয়ে দে রে।  
তোরে আজ থামায় কে রে।

মহাপঞ্চক। উপাধ্যায়, হাঁ করে দাঁড়িয়ে দেখছ কী! সর্বনাশ শুরুর হয়েছে, বৃদ্ধিতে পারছ না! ওরে সব ছন্মতি মূর্খ, অভিযন্ত বর্বর, আজ তোদের নাচবার দিন?

পঞ্চক। সর্বনাশের বাজনা বাজলেই নাচ শুরুর হয় দাদা।

মহাপঞ্চক। চুপ কর লক্ষ্মীছাড়া! ছাত্রগণ, তোমরা আত্মবিস্মৃত হোয়ো না। ঘোর বিপদ আসন্ন সে কথা স্মরণ রেখো।

বিশ্বম্ভর। আচার্যদেব, পায়ে ধরি, স্বেচ্ছাক্রমে আমাদের হাতে দিন, তাকে তার প্রায়শ্চিত্ত থেকে নিরস্ত করবেন না।

আচার্য। না বৎস, এমন অনুরোধ কোরো না।

সঞ্জীব। ভেবে দেখুন, স্বেচ্ছাক্রমে কতবড়ো ভাগ্য। মহাত্মস কজন লোকে পারে। ও-যে ধরাতলে দেবত্ব লাভ করবে।

আচার্য। গায়ের জোরে দেবতা গড়বার পাপে আমাকে লিপ্ত কোরো না! সে মানুষ, সে শিশু, সেইজন্যই সে দেবতাদের প্রিয়।

তৃণাজন। দেখুন, আপনি আমাদের আচার্য, আমাদের প্রণম্য, কিন্তু যে অন্যায় আজ করছেন, তাতে আমরা বলপ্রয়োগ করতে বাধ্য হব।

আচার্য। করো, বলপ্রয়োগ করো, আমাকে মেনো না, আমাকে মারো, আমি অপমানেরই যোগ্য, তোমাদের হাত দিয়ে আমার যে শাস্তি আরম্ভ হল তাতেই বৃদ্ধিতে পারছি গুরুদ্বার আবির্ভাব হয়েছে। কিন্তু সেইজন্যই বলছি শাস্তির কারণ আর বাড়তে দেব না। স্বেচ্ছাক্রমে তোমাদের হাতে দিতে পারব না।

তৃণাজন। পারবেন না?

আচার্য। না।

মহাপঞ্চক। তা হলে আর শ্রদ্ধা করা নয়। তৃণাজন, এখন তোমাদের উচিত ঠুঁকে জোর করে ধরে নিয়ে ঘরে বন্ধ করা। ভীরা, কেউ সাহস করছ না? আমাকেই তবে এ কাজ করতে হবে?

জয়োত্তম। খবরদার—আচার্যদেবের গায়ে হাত দিতে পারবে না।

বিশ্বম্ভর। না না, মহাপঞ্চক, ঠুঁকে অপমান করলে আমরা সহ্যে পারব না।

সঞ্জীব। আমরা সকলে মিলে পায়ে ধরে ঠুঁকে রাজি করাব। একা স্বেচ্ছাক্রমে প্রতি দয়া করে উনি কি আমাদের সকলের অমঙ্গল ঘটাবেন?

তৃণাজন। এই অচলায়তনের এমন কত শিশু উপবাসে প্রাণত্যাগ করেছে—তাতে ক্ষতি কী হয়েছে!

স্বেচ্ছাক্রমে প্রবেশ

স্বেচ্ছাক্রমে। আমাকে মহাত্মস ব্রত করাও।

পঞ্চক। সর্বনাশ করলে! ঘুমিয়ে পড়েছে দেখে আমি এখানে এসেছিলাম, কখন জেগে উঠে চলে এসেছে।

আচার্য। বৎস সুভদ্র, এসো আমার কোলে। যাকে পাপ বলে ভয় করছ সে পাপ আমার—আমিই প্রায়শ্চিত্ত করব।

তৃণাঙ্গন। না না, আয় রে আয় সুভদ্র, তুই মানুষ না, তুই দেবতা।

সঞ্জীব। তুই ধন্য।

বিশ্বম্ভর। তোর বয়সে মহাতামস করা আর কারো ভাগ্যে ঘটে নি। সার্থক তোর মা তোকে গর্ভে ধারণ করেছিল।

উপাধ্যায়। আহা সুভদ্র, তুই আমাদের অচলায়তনেরই বালক বটে।

মহাপঞ্চক। আচার্য, এখনো কি তুমি জোর করে এই বালককে এই মহাপন্থ্য থেকে বর্ণিত করতে চাচ্ছ?

আচার্য। হায় হায়, এই দেখেই তো আমার হৃদয় বিদীর্ণ হয়ে যাচ্ছে। তোমরা যদি ওকে কাঁদিয়ে আমার হাত থেকে ছিঁড়ে কেড়ে নিয়ে যেতে তা হলেও আমার এত বেদনা হত না। কিন্তু দেখছি হাজার বছরের নিষ্ঠুর বাহু অতটুকু শিশুর মনকেও পাথরের মৃদুতায় চেপে ধরেছে। একেবারে পাঁচ আঙুলের দাগ বসিয়ে দিয়েছে রে। কখন সময় পেল সে? সে কি গর্ভের মধ্যেও কাজ করে!

পঞ্চক। সুভদ্র, আয় ভাই, প্রায়শ্চিত্ত করতে যাই—আমিও যাব তোর সঙ্গে।

আচার্য। বৎস, আমিও যাব।

সুভদ্র। না না, আমাকে যে একলা থাকতে হবে—লোক থাকলে যে পাপ হবে!

মহাপঞ্চক। ধন্য শিশু, তুমি তোমার ঐ প্রাচীন আচার্যকে আজ শিক্ষা দিলে। এসো তুমি আমার সঙ্গে।

আচার্য। না, আমি যতক্ষণ তোমাদের আচার্য আছি ততক্ষণ আমার আদেশ ব্যতীত কোনো রত আরম্ভ বা শেষ হতেই পারে না। আমি নিষেধ করছি। সুভদ্র, আচার্যের কথা অমান্য কোরো না—এসো পঞ্চক, ওকে কোলে করে নিয়ে এসো।

• [সুভদ্রকে লইয়া পঞ্চকের ও আচার্যের এবং উপাধ্যায়ের প্রস্থান]

মহাপঞ্চক। ধিক্। তোমাদের মতো ভীরুদের দুর্গতি হতে রক্ষা করে এমন সাধ্য কারো নেই। তোমরা নিজেও মরবে অন্য সকলকেও মারবে। তোমাদের উপাধ্যায়টিও তেমনি হয়েছেন—তাঁও আর দেখা নেই।

#### পদাতিকের প্রবেশ

পদাতিক। রাজা আসছেন।

মহাপঞ্চক। ব্যাপারখানা কী! এ যে আমাদের রাজা মন্ত্রগদুপ্ত।

#### রাজার প্রবেশ

রাজা। নরদেবগণ, তোমাদের সকলকে নমস্কার।

সকলে। জয়োস্তু রাজন্।

মহাপঞ্চক। কুশল তো?

রাজা। অত্যন্ত মন্দ সংবাদ। প্রত্যন্তদেশের দুতেরা এসে খবর দিল যে দাদাঠাকুরের দল এসে আমাদের রাজ্যসীমার প্রাচীর ভাঙতে আরম্ভ করেছে।

মহাপঞ্চক। দাদাঠাকুরের দল কারা?

রাজা। ঐ-যে শোণপাংশুরা।

মহাপঞ্চক। শোণপাংশুরা যদি আমাদের প্রাচীর ভাঙে তা হলে যে সমস্ত লণ্ডভণ্ড করে দেবে।

রাজা। সেইজন্যই তো ছুটে এলুম। তোমাদের কাছে আমার প্রশ্ন এই যে, আমাদের প্রাচীর ভাঙল কেন?

মহাপঞ্চক। শিখাসচ্ছন্দ মহাভৈরব তো আমাদের প্রাচীর রক্ষা করছেন।

রাজা। তিনি অনাচারী শোগপাংশুদের কাছে আপন শিখা নত করলেন! নিশ্চয়ই তোমাদের মন্ত্র-উচ্চারণ অশুদ্ধ হচ্ছে, তোমাদের ক্রিয়াপদ্ধতিতে স্থলন হচ্ছে, নইলে এ যে স্বপ্নের অতীত।

মহাপঞ্চক। আপনি সত্যই অনুমান করেছেন মহারাজ।

সঞ্জীব। একজটা দেবীর শাপ তো আর ব্যর্থ হতে পারে না।

রাজা। একজটা দেবীর শাপ! সর্বনাশ! কেন তাঁর শাপ।

মহাপঞ্চক। যে উত্তর দিকে তাঁর অধিষ্ঠান এখানে একদিন সেই দিককার জানলা খোলা হয়েছে।

রাজা। (বসিয়া পড়িয়া) তবে তো আর আশা নেই।

মহাপঞ্চক। আচার্য অদীনপুণ্য এ-পাপের প্রায়শ্চিত্ত করতে দিচ্ছেন না।

তৃণাজন। তিনি জোর করে আমাদের ঠেকিয়ে রেখেছেন।

রাজা। তবে তো মিথ্যা আমি সৈন্য জড়ো করতে বলে এলুম। দাও, দাও, অদীনপুণ্যকে এখনই নির্বাসিত করে দাও।

মহাপঞ্চক। আগামী অমাবসায়—

রাজা। না না, এখন তিথিনক্ষত্র দেখবার সময় নেই। বিপদ আসন্ন। সংকটের সময় আমি আমার রাজ-অধিকার খাটাতে পারি—শাস্ত্র তার বিধান আছে।

মহাপঞ্চক। হাঁ আছে। কিন্তু আচার্য কে হবে?

রাজা। তুমি, তুমি। এখনই আমি তোমাকে আচার্যের পদে প্রতিষ্ঠিত করে দিলুম। দিক্‌পালগণ সাক্ষী রইলেন, এই ব্রহ্মচারীরা সাক্ষী রইলেন।

মহাপঞ্চক। অদীনপুণ্যকে কোথায় নির্বাসিত করতে চান?

রাজা। আয়তনের বাহিরে নয়—কী জানি যদি শত্রুপক্ষের সংগে যোগ দেন। আমার পরামর্শ এই যে, আয়তনের প্রান্তে যে দর্ভকদের পাড়া আছে এ-কয়দিন সেইখানে তাঁকে বন্ধ করে রেখো। জয়োত্তম। আচার্য অদীনপুণ্যকে দর্ভকদের পাড়ায়! তারা যে অন্ত্যজ পতিত জাতি!

মহাপঞ্চক। যিনি স্পর্ধাপূর্বক আচার লঙ্ঘন করেন, অনাচারীদের মধ্যে বাস করলেই তবে তাঁর চোখ ফুটবে। মনে কোরো না আমার ভাই বলে পঞ্চককে ক্ষমা করব—তারও সেইখানে গতি।

রাজা। দেখো মহাপঞ্চক, তোমার উপরই নির্ভর, যুদ্ধে জেতা চাই। আমার হার যদি হয় তবে সে তোমাদের অচলায়তনেরই অক্ষয় কলঙ্ক।

মহাপঞ্চক। কোনো ভয় করবেন না।

## ৪

### দর্ভকপঞ্জী

পঞ্চক। নির্বাসন, আমার নির্বাসন রে! বেঁচে গেছি, বেঁচে গেছি। কিন্তু এখনো মনটাকে তার খোলসের ভিতর থেকে টেনে বের করতে পারছি নে কেন!

### গান

এই                   মৌমাছিদের ঘরছাড়া কে করেছে রে।  
তোরা আমায় বলে দে ভাই বলে দে রে।

ফুলের গোপন পরানমাঝে  
 নীরব সুরে বাঁশি বাজে—  
 ওদের সেই বাঁশিতে কেমনে মন হরেছে রে।  
 যে মধুটি লুকিয়ে আছে  
 দেয় না ধরা কারো কাছে  
 ওদের সেই মধুতে কেমনে মন ভরেছে রে।

#### দর্ভকদের প্রবেশ

প্রথম দর্ভক। দাদাঠাকুর!

পঞ্চক। ও কী ও। দাদাঠাকুর বলছিস কাকে? আমার গায়ে দাদাঠাকুর নাম লেখা হয়ে গেছে নাকি?

প্রথম দর্ভক। তোমাদের কী খেতে দেব ঠাকুর।

পঞ্চক। তোদের যা আছে তাই আমরা খাব।

দ্বিতীয় দর্ভক। আমাদের খাবার? সে কি হয়? সে যে সব ছোঁয়া হয়ে গেছে।

পঞ্চক। সেজন্যে ভাবিস নে ভাই। পেটের খিদে যে আগুন, সে কারো ছোঁয়া মানে না, সবই পাবি করে। ওরে, তোরা সকালবেলায় করিস কী বল তো। ষড়ক্ষরিত দিয়ে একবার ঘটশুদ্ধি করে নিবি নে?

তৃতীয় দর্ভক। ঠাকুর, আমরা নীচ দর্ভকজাত—আমরা ও-সব কিছুই জানি নে। আজ কতপুরুষ ধরে এখানে বাস করে আসছি, কোনোদিন তো তোমাদের পায়ের ধূলা পড়ে নি। আজ তোমাদের মন্ত্র পড়ে আমাদের বাপ-পিতামহকে উদ্ধার করে দাও ঠাকুর।

পঞ্চক। সর্বনাশ! বলিস কী! এখানেও মন্ত্র পড়তে হবে! তা হলে নির্বাসনের দরকার কী ছিল? তা, সকালবেলা তোরা কী করিস বল তো?

প্রথম দর্ভক। আমরা শাস্ত্র জানি নে, আমরা নামগান করি।

পঞ্চক। সে কী রকম ব্যাপার? শোনা দেখি একটা।

দ্বিতীয় দর্ভক। ঠাকুর, সে তুমি শুনবে হাসবে।

পঞ্চক। আমিই তো ভাই এতদিন লোক হাসিয়ে আসছি—তোরা আমাকেও হাসাবি! শুনবেও মন খুঁশি হয়। আমি যে কী মূল্যের মানুষ সে তোরা খবর পাস নি বলে এখনো আমার হাসিকে ভয় করিস। কিছু ভাবিস নে—নির্ভয়ে শুনিয়ে দে।

প্রথম দর্ভক। আচ্ছা ভাই আয় তবে—গান ধরু।

#### গান

ও অক্লের কূল, ও অগতির গতি,  
 ও অনাথের নাথ, ও পতিতের পতি!  
 ও নয়নের আলো, ও রসনার মধু,  
 ও রতনের হার, ও পরানের বঁধু!  
 ও অপরূপ রূপ, ও মনোহর কথা,  
 ও চরমের সুখ, ও মরমের ব্যথা!  
 ও ভিখারীর ধন, ও অবোলায় বোল—  
 ও জনমের দোলা, ও মরণের কোল!

পঞ্চক। দে ভাই, আমার মন্ত্রতন্ত্র সব ভুলিয়ে দে, আমার বিদ্যাসাধি সব কেড়ে নে, দে আমাকে তোদের ঐ গান শিখিয়ে দে।

প্রথম দর্ভক। আমাদের গান?



পঞ্চক। হাঁ রে হাঁ, ঐ অধমের গান, অক্ষমের কান্না। তোদের এই মূর্খের বিদ্যা এই কাঙালের সম্বল খুঁজেই তো আমার পড়াশুনা কিছ্ হ'ল না, আমার ক্রিয়াকর্ম সমস্ত নিষ্ফল হয়ে গেল! ও ভাই, আর-একটা শোনা—অনেক দিনকার তৃষ্ণা অস্পে মেটে না।

দর্ভকদলের গান

আমরা তারেই জানি তারেই জানি সাথের সাথী।  
তারেই করি টানাটানি দিবারাতি।  
সঙ্গে তারি চরাই ধেনু,  
বাজাই বেগু,  
তারি লাগি বটের ছায়ায় আসন পাতি।  
তারে হালের মাঝি করি  
চালাই তরী,  
ঝড়ের বেলায় চেউয়ের খেলায় মাতামাতি।  
সারাদিনের কাজ ফুরালে  
সন্ধ্যাকালে  
তাহারি পথ চেয়ে ঘরে জ্বালাই বাতি।

আচার্যের প্রবেশ

আচার্য। সার্থক হ'ল আমার নির্বাসন।  
প্রথম দর্ভক। বাবাঠাকুর, আমাদের সমস্ত পাড়া আজ গ্রাণ পেয়ে গেল। এতদিন তোমার চরণধূলো তো এখানে পড়ে নি।  
আচার্য। সে আমার অভাগ্য, সে আমারই অভাগ্য।  
দ্বিতীয় দর্ভক। বাবা, তোমার স্নানের জল কাকে দিয়ে ভোলাব। এখানে তো—  
আচার্য। বাবা, তোরাই তুলে আনবি।  
প্রথম দর্ভক। আমরা তুলে আনব! সে কি হয়!  
আচার্য। হাঁ বাবা, তোদের তোলা জলে আজ আমার অভিষেক হবে।  
দ্বিতীয় দর্ভক। ওরে চল্ তবে ভাই, চল্। আমাদের পাটলা নদী থেকে জল আনি গে।

[প্রস্থান]

আচার্য। দেখো পঞ্চক, কাল এখানে এসে আমার ভারি গ্লানি বোধ হচ্ছিল।  
পঞ্চক। আমি তো কাল রাতে ঘরের বাইরে শুয়েই কাটিয়ে দিয়েছি।  
আচার্য। যখন এইরকম অত্যন্ত কুণ্ঠিত হয়ে আপনাকে আদ্যোপান্ত পাপলিপ্ত মনে করে বসে আছি এমন সময় ওরা সন্ধ্যাবেলায় ওদের কাজ থেকে ফিরে এসে সকলে মিলে গান ধরলে—  
পারের কাঁড়ারী গো, এবার ঘাট কি দেখা যায়?  
নামবে কি সব বোঝা এবার ঘুচবে কি সব দায়?

শুনতে শুনতে মনে হ'ল আমার যেন একটা পাথরের দেহ গলে গেল। দিনের পর দিন কী ভার বয়েই বেড়িয়েছি! কিন্তু কতই সহজ সরল প্রাণ নিয়ে সেই পারের কাঁড়ারীর খেয়ায় চড়ে বস!।

পঞ্চক। আমি দেখছি দর্ভক জাতের একটা গুণ—ওরা একেবারে স্পষ্ট করে নাম নিতে জানে। আর তট তট তোতয় তোতয় করতে করতে আমার জিভের এমনি দশা হয়েছে যে, সহজ কথাটা কিছ্ তেই মধু দিয়ে বেরোতে চায় না। আচার্যদেব, কেবল ভালো করে না ডাকতে পেরেই আমাদের বৃকের ভিতরটা এমন শূন্যকিয়ে এসেছে, একবার খুব করে গলা ছেড়ে ডাকতে ইচ্ছা করছে। কিন্তু গলা খোলে না যে—রাজ্যের পুঁথি পড়ে পড়ে গলা বৃজে গিয়েছে প্রভু। এমন হয়েছে আজ কান্না এলেও বেধে যায়।

আচার্য। সেইজন্যেই তো ভাবছি আমাদের গুরু আসবেন কবে। জঞ্জাল সব ঠেলে ফেলে দিয়ে আমাদের প্রাণটাকে একেবারে সরল করে দিন—হাতে করে ধরে সকলের সঙ্গে মিল করিয়ে দিন।

পঞ্চক। মনে হচ্ছে যেন ভিজ়ে মাটির গন্ধ পাচ্ছি, কোথায় যেন বর্ষা নেমেছে।

আচার্য। ঐ, পঞ্চক, শুনতে পাচ্ছ কি?

পঞ্চক। কী বলুন দেখি?

আচার্য। আমার মনে হচ্ছে যেন সুভদ্র কাঁদছে।

পঞ্চক। এখান থেকে কি শোনা যাবে? এ বোধ হয় আর-কোনো শব্দ।

আচার্য। তা হবে পঞ্চক, আমি তার কান্না আমার বকের মধ্যে করে এনেছি। তার কান্নাটা এমন করে আমাকে বেজেছে কেন জান? সে যে কান্না রাখতে পারে না তবু কিছুতে মানতে চায় না সে কাঁদছে।

পঞ্চক। এতক্ষণে ওরা তাকে মহাতামসে বসিয়েছে—আজ সকলে মিলে খুব দূরে থেকে বাহবা দিয়ে বলছে সুভদ্র দেবশিশু। আর-কিছু না, আমি যদি রাজা হতুম তা হলে ওদের সবাইকে কানে ধরে দেবতা করে দিতুম—কিছুতে ছাড়তুম না।

আচার্য। ওরা ওদের দেবতাকে কাঁদাচ্ছে পঞ্চক। সেই দেবতারই কান্নায় এ রাজ্যের সকল আকাশ আকুল হয়ে উঠেছে। তবু ওদের পাষণের বেড়া এখনো শতধা বিদীর্ণ হয়ে গেল না।

পঞ্চক। প্রভু, আমরা তাঁকে সকলে মিলে কত কাঁদালুম তবু তাড়াতে পারলুম না। তাঁকে যে-ঘরে বসালুম সে-ঘরের আলো সব নিবিয়ে দিলুম—তাঁকে আর দেখতে পাই নে—তবু তিনি সেখানে বসে আছেন।

গান

সকল জনম ভ'রে

ও মোর দরদিয়া—

কাঁদি কাঁদাই তোরে

ও মোর দরদিয়া!

আছ হৃদয়মাঝে,

সেথা কতই ব্যথা বাজে

ওগো এ কি তোমার সাজে

ও মোর দরদিয়া!

এই দুয়ার-দেওয়া ঘরে

কভু আঁধার নাহি সরে,

তবু আছ তারি 'পরে

ও মোর দরদিয়া!

সেথা আসন হয় নি পাতা,

সেথা মালা হয় নি গাঁথা;

আমার লজ্জাতে হেঁট মাথা

ও মোর দরদিয়া।

উপাচার্যের প্রবেশ

আচার্য। একি সুতসোম! আমার কী সৌভাগ্য। কিন্তু তুমি এখানে এলে যে?

উপাচার্য। আর কোথা যাব বলো। তুমি চলে আসামার অচলায়তন যে কী কঠিন হয়ে উঠল, কী শূন্যকিয়ে গেল সে আমি বলতে পারি নে। এখন এসো একবার কোলাকুলি করি।

আচার্য। আমাকে ছুঁয়ো না—কাল থেকে ঘটশুদ্ধি ভূতশুদ্ধি কিছুই করি নি।

উপাচার্য। তা হোক, তা হোক। তোমারও আলিঙ্গন যদি অশুদ্ধি হয় তবে সেই অশুদ্ধিচার পুণ্যদীক্ষাই আমাকে দাও।

[কোলাকুলি]

পঞ্চক। উপাচার্যদেব, অচলায়তনে তোমার কাছে যত অপরাধ করছি আজ এই দর্ভকপাড়ায় সে-সমস্ত ক্ষমা করে নাও।

উপাচার্য। এসো বৎস, এসো।

[আলিঙ্গন]

আচার্য। সূতসোম, গুরু তো শীঘ্রই আসছেন, এখন তুমি সেখান থেকে চলে এলে কী করে।

উপাচার্য। সেইজন্যই চলে এলাম। গুরু আসছেন, তুমি নেই! আর মহাপঞ্চক এসে গুরুকে বরণ করে নেবে—এও দাঁড়িয়ে থেকে দেখতে হবে! ঐ শাস্ত্রের কীটটা গুরুকে আহ্বান করে আনবার যোগ্য এমন কথা যদি স্বয়ং মহামহর্ষি জলধরগর্জিতঘোষসুবরনক্ষত্রশঙ্কুসন্মিত এসেও বলেন তবু আমি মানতে পারব না।

পঞ্চক। আঃ দেখতে দেখতে কী মেঘ করে এল! শুনছ আচার্যদেব, বজ্রের পর বজ্র! আকাশকে একেবারে দিকে দিকে দংশ করে দিলে যে!

আচার্য। ঐ-যে নেমে এল বৃষ্টি—পৃথিবীর কত দিনের পথ-চাওয়া বৃষ্টি—অরণ্যের কত রাতের স্বপ্ন-দেখা বৃষ্টি।

পঞ্চক। মিটল এবার মাটির তৃষ্ণা—এই যে কালো মাটি—এই যে সকলের পায়ের নিচেকার মাটি।

ডালিতে কেয়াফুল কদম্বফুল লইয়া বাদ্যসহ দর্ভকদলের প্রবেশ

আচার্য। বাবা, তোমাদের এ কী সমারোহ! আজ এ কী কাণ্ড!

প্রথম দর্ভক। বাবাঠাকুর, আজ তোমাদের নিয়েই সমারোহ। কখনো পাই নে, আজ পেয়েছি।

দ্বিতীয় দর্ভক। আমরা তো শাস্ত্র কিছুই জানি নে—তোমাদের দেবতা আমাদের ঘরে আসে না।

তৃতীয় দর্ভক। কিন্তু আজ দেবতা কী মনে করে অতিথি হয়ে এই অধমদের ঘরে এসেছেন।

প্রথম দর্ভক। তাই আমাদের যা আছে তাই দিয়ে তোমাদের সেবা করে নেব।

দ্বিতীয় দর্ভক। আমাদের মন্ত্র নেই বলে আমরা শুধু কেবল গান গাই।

মাদল বাজাইয়া নৃত্যগীত

উতল ধারা বাদল ঝরে,

সকল বেলা একা ঘরে।

সজল হাওয়া বহে বেগে,

পাগল নদী উঠে জেগে,

আকাশ ঘেরে কাজল মেঘে,

তমালবনে আঁধার করে।

ওগো বন্ধু দিনের শেষে

এলে তুমি কেমন বেশে।

আঁচল দিয়ে শূকব জল

মুছাব পা আকুল কেশে।

নিবিড় হ'বে তিমির রাত,  
জ্বলে দেব প্রেমের বাতি,  
পরানখানি দিব পাতি

চরণ রেখো তাহার 'পরে।

আচার্য। পশুক, আমাদেরও এমনি করে ডাকতে হবে—বজ্ররবে যিনি দরজায় ঘা দিয়েছেন  
তাকে ঘরে ডেকে নাও—আর দেরি কোরো না।

ভুলে গিয়ে জীবন মরণ  
লব তোমায় করে বরণ,  
করিব জয় শরমগ্রাসে  
দাঁড়াব আজ তোমার পাশে  
বাঁধন বাধা যাবে জ্বলে,  
সুখদুঃখ দেব দলে,  
ঝড়ের রাতে তোমার সাথে  
বাহির হব অভয় ভরে।

সকলে।

উতল ধারা বাদল ঝরে—  
দুয়ার খুলে এলে ঘরে।  
চোখে আমার ঝলক লাগে,  
সকল মনে পুঙ্কল জাগে,  
চাহিতে চাই মন্থের বাগে  
নয়ন মেলে কাঁপি ডরে।

পশুক। ঐ আবার বজ্র।

আচার্য। শ্বিগুণ বেগে বৃষ্টি এল।

উপাচার্য। আজ সমস্ত রাত এমনি করেই কাটবে।

## ৫

### অচলায়তন

মহাপশুক, তৃণাজন, সঞ্জীব, বিশ্বম্ভর, জয়োত্তম .

মহাপশুক। তোমরা অত বাস্ত হয়ে পড়ছ কেন! কোনো ভয় নেই।

তৃণাজন। তুমি তো বলছ ভয় নেই, এই যে খবর এল শত্রুসৈন্য অচলায়তনের প্রাচীর ফুটো  
করে দিয়েছে।

মহাপশুক। এ কথা বিশ্বাসযোগ্য নয়। শিলা জলে ভাসে! স্লেচ্ছরা অচলায়তনের প্রাচীর  
ফুটো করে দেবে! পাগল হয়েছে!

সঞ্জীব। কে যে বললে দেখে এসেছে।

মহাপশুক। সে স্বপ্ন দেখেছে।

জয়োত্তম। আজই তো আমাদের গুরুদ্বার আসবার কথা।

মহাপশুক। তার জন্যে সমস্ত আয়োজন ঠিক হয়ে গেছে; কেবল যে ছেলের মা-বাপ ভাই-  
বোন কেউ মরে নি এমন নবম গর্ভের সন্তান এখনো জন্মটিয়ে আনতে পারলে না—স্বারে দাঁড়িয়ে  
কে যে মহারক্ষা পড়বে ঠিক করতে পারছি নে।

সঞ্জীব। গদরু এলে তাঁকে চিনে নেবে কে। আচার্য অদীনপুণ্য তাঁকে জানতেন। আমরা তো কেউ তাঁকে দেখি নি।

মহাপণ্ডক। আমাদের আয়তনে যে শাঁখ বাজায় সেই বৃন্দ তাঁকে দেখেছে। আমাদের পূজার ফুল যে জোগায় সেও তাঁকে জানে।

বিশ্বম্ভর। ঐ-যে উপাধ্যায় ব্যস্ত হয়ে ছুটে আসছেন।

মহাপণ্ডক। নিশ্চয় গদরু আসবার সংবাদ পেয়েছেন। কিন্তু মহারক্ষা-পাঠের কী করা যায়! ঠিক লক্ষণসম্পন্ন ছেলে তো পাওয়া গেল না।

#### উপাধ্যায়ের প্রবেশ

মহাপণ্ডক। কতদূর?

উপাধ্যায়। কতদূর কী! এসে পড়েছে যে!

মহাপণ্ডক। কই দ্বারে তো এখনো শাঁখ বাজালে না।

উপাধ্যায়। বিশেষ দরকার দেখি নে—কারণ দ্বারের চিহ্নও দেখতে পাচ্ছি নে—ভেঙে চুরমার হয়ে গেছে।

মহাপণ্ডক। বল কী! দ্বার ভেঙেছে?

উপাধ্যায়। শুধু দ্বার নয়, প্রাচীরগুলোকে এমনি সমান করে শূন্যে দিয়েছে যে তাদের সম্বন্ধে আর কোনো চিন্তা করবার দরকার নেই।

মহাপণ্ডক। কিন্তু আমাদের দৈবজ্ঞ যে গণনা করে স্পষ্ট দেখিয়ে দিয়ে গেল যে—

উপাধ্যায়। তার চেয়ে ঢের স্পষ্ট দেখা যাচ্ছে শত্রুসৈন্যদের রক্তবর্ণ টুপিগুলো।

ছাত্রগণ। কী সর্বনাশ!

সঞ্জীব। কিসের মন্ত্র তোমার মহাপণ্ডক!

তৃণাজন। আমি তো তখনই বলেছিলাম এ-সব কাজ এই কাঁচাবয়সের পুঁথিপড়া অকাল-পকদের দিয়ে হবার নয়।

বিশ্বম্ভর। কিন্তু এখন করা যায় কী?

তৃণাজন। আমাদের আচার্যদেবকে এখনই ফিরিয়ে আনি গে। তিনি থাকলে এ বিপত্তি ঘটতেই পারত না। হাজার হোক লোকটা পাকা।

সঞ্জীব। কিন্তু দেখো মহাপণ্ডক, আমাদের আয়তনের যদি কোনো বিপত্তি ঘটে তা হলে তোমাকে টুকরো টুকরো করে ছিঁড়ে ফেলব।

উপাধ্যায়। সে পরিশ্রমটা তোমাদের করতে হবে না, উপযুক্ত লোক আসছে।

মহাপণ্ডক। তোমরা মিথ্যা বিচলিত হচ্ছে। বাইরের প্রাচীর ভাঙতে পারে, কিন্তু ভিতরের লোহার দরজা বন্ধ আছে। সে যখন ভাঙবে তখন চন্দ্রসূর্য্য নিবে যাবে। আমি অভয় দিচ্ছি তোমরা স্থির হয়ে দাঁড়িয়ে অচলায়তনের রক্ষক-দেবতার আশ্চর্য্য শক্তি দেখে নাও।

উপাধ্যায়। তার চেয়ে দেখি কোন্ দিক দিয়ে বেরোবার রাস্তা।

তৃণাজন। আমাদেরও তো সেই ইচ্ছা। কিন্তু এখান থেকে বেরোবার পথ যে জানি নে। কোনোদিন বেরোতে হবে বলে স্বপ্নেও মনে করি নি।

সঞ্জীব। শুনছ—ঐ শুনছ, ভেঙে পড়ল সব।

ছাত্রগণ। কী হবে আমাদের! নিশ্চয় দরজা ভেঙেছে।

তৃণাজন। ধরো মহাপণ্ডককে। বাঁধো ওকে। একজটা দেবীর কাছে ওকে বলি দেবে চলো।

মহাপণ্ডক। সেই কথাই ভালো। দেবীর কাছে আমাকে বলি দেবে চলো। তাঁর রোষ শান্তি হবে। এমন নিষ্পাপ বলি তিনি আর পাবেন কোথায়।

## বালকদের প্রবেশ

উপাধ্যায়। কী রে, তোরা সব নৃত্য করছিস কেন?

প্রথম বালক। আজ এ কী মজা হল!

উপাধ্যায়। মজাটা কী রকম শুননি?

স্বিতীয় বালক। আজ চার দিক থেকেই আলো আসছে—সব যেন ফাঁক হয়ে গেছে।

তৃতীয় বালক। এত আলো তো আমরা কোনোদিন দেখি নি।

প্রথম বালক। কোথাকার পাখির ডাক এখন থেকেই শোনা যাচ্ছে।

স্বিতীয় বালক। এ—সব পাখির ডাক আমরা তো কোনোদিন শুননি নি। এ তো আমাদের খাঁচার ময়নার মতো একেবারেই নয়।

প্রথম বালক। আজ আমাদের খুব ছুটতে ইচ্ছে করছে। তাতে কি দোষ হবে মহাপগুদাদা?

মহাপগু। আজকের কথা ঠিক বলতে পারছি নে। আজ কোনো নিয়ম রক্ষা করা চলবে বলে বোধ হচ্ছে না।

প্রথম বালক। আজ তা হলে আমাদের ষড়াসন বন্ধ?

মহাপগু। হাঁ বন্ধ।

সকলে। ওরে কী মজা রে মজা!

স্বিতীয় বালক। আজ পঙ্ক্তিরোধিতার দরকার নেই?

মহাপগু। না।

সকলে। ওরে কী মজা! আঃ আজ চারি দিকে কী আলো।

জয়োস্তুম। আমারও মনটা নেচে উঠেছে বিশ্বম্ভর। এ কি ভয়, না আনন্দ, কিছুই বুঝতে পারছি নে।

বিশ্বম্ভর। আজ একটা অশ্রুত কান্ড হচ্ছে জয়োস্তুম।

সঞ্জীব। কিন্তু ব্যাপারটা যে কী ভেবে উঠতে পারছি নে। ওরে ছেলেগুলো, তোরা হঠাৎ এত খুশি হয়ে উঠলি কেন বল্ দেখি।

প্রথম বালক। দেখছ না সমস্ত আকাশটা যেন ঘরের মধ্যে দৌড়ে এসেছে।

স্বিতীয় বালক। মনে হচ্ছে ছুটি—আমাদের ছুটি।

তৃতীয় বালক। সকাল থেকে পগুদাদার সেই গানটা কেবলই আমরা গেয়ে বেড়াচ্ছি।

জয়োস্তুম। কোন্ গান?

প্রথম বালক। সেই যে—

## গান

আলো, আমার আলো, ওগো

আলো ভুবনভরা।

আলো নয়ন-ধোয়া আমার

আলো হৃদয়হরা।

নাচে আলো নাচে—ও ভাই

আমার প্রাণের কাছে,

বাজে আলো বাজে—ও ভাই

হৃদয়-বীণার মাঝে;

জাগে আকাশ ছোটে বাতাস

হাসে সকল ধরা।

আলো, আমার আলো, ওগো

আলো ভুবনভরা।

আলোর স্রোতে পাল তুলেছে  
হাজার প্রজাপতি।  
আলোর ঢেউয়ে উঠল নেচে  
মল্লিকা মালতী।  
মেঘে মেঘে সোনা—ও ভাই  
ষায় না মানিক গোনা,  
পাতায় পাতায় হাসি—ও ভাই  
পদলক রাশি রাশি,  
সদরনদীর কদল ডুবেছে  
সুধা-নিঝর-ঝরা।  
আলো, আমার আলো, ওগো  
আলো ভুবনভরা।

[ বালকদের প্রস্থান

জয়োস্তুম। দেখো মহাপঞ্চকদাদা, আমার মনে হচ্ছে ভয় কিছই নেই—নইলে ছেলেদের মন এমন অকারণে খুঁশি হয়ে উঠল কেন।

মহাপঞ্চক। ভয় নেই সে তো আমি বরাবর বলে আসছি।

শঙ্খবাদক ও মালীর প্রবেশ

উভয়ে। গুরু আসছেন।

সকলে। গুরু!

মহাপঞ্চক। শুনলে তো। আমি নিশ্চয় জানতুম তোমার আশঙ্কা বৃথা।

সকলে। ভয় নেই আর ভয় নেই।

তৃপাঙ্গন। মহাপঞ্চক যখন আছেন তখন কি আমাদের ভয় থাকতে পারে।

সকলে। জয় আচার্য মহাপঞ্চকের।

ষোড়শবেশে দাদাঠাকুরের প্রবেশ

শঙ্খবাদক ও মালী। (প্রণাম করিয়া) জয় গুরুদেবের জয়।

(সকলে স্তম্ভিত)

মহাপঞ্চক। উপাধ্যায়, এই কি গুরু?

উপাধ্যায়। তাই তো শুনছি।

মহাপঞ্চক। তুমি কি আমাদের গুরু?

দাদাঠাকুর। হাঁ। তুমি আমাকে চিনবে না, কিন্তু আমিই তোমাদের গুরু।

মহাপঞ্চক। তুমি গুরু? তুমি আমাদের সমস্ত নিয়ম লঙ্ঘন করে এ কোন্ পথ দিয়ে এলে!

তোমাকে কে মানবে?

দাদাঠাকুর। আমাকে মানবে না জানি, কিন্তু আমিই তোমাদের গুরু।

মহাপঞ্চক। তুমি গুরু? তবে এই শত্রুবেশে কেন?

দাদাঠাকুর। এই তো আমার গুরুর বেশ। তুমি যে আমার সঙ্গে লড়াই করবে—সেই লড়াই

আমার গুরুর অভ্যর্থনা।

মহাপঞ্চক। কেন তুমি আমাদের প্রাচীর ভেঙে দিয়ে এলে।

দাদাঠাকুর। তুমি কোথাও তোমার গুরুর প্রবেশের পথ রাখ নি।

মহাপণ্ডক। তুমি কি মনে করেছ তুমি অস্ত্র হাতে করে এসেছ বলে আমি তোমার কাছে হার মানব।

দাদাঠাকুর। না, এখনই না। কিন্তু দিনে দিনে হার মানতে হবে, পদে পদে।

মহাপণ্ডক। আমাকে নিরস্ত্র দেখে ভাবছ আমি তোমাকে আঘাত করতে পারি নে?

দাদাঠাকুর। আঘাত করতে পার কিন্তু আহত করতে পার না—আমি যে তোমার গুরু।

মহাপণ্ডক। উপাধ্যায়, তোমরা একে প্রণাম করবে নাকি?

উপাধ্যায়। দয়া করে উনি যদি আমাদের প্রণাম গ্রহণ করেন তা হলে প্রণাম করব বৈকি—  
তা নইলে যে—

মহাপণ্ডক। না, আমি তোমাকে প্রণাম করব না।

দাদাঠাকুর। আমি তোমার প্রণাম গ্রহণ করব না—আমি তোমাকে প্রণত করব।

মহাপণ্ডক। তুমি আমাদের পূজা নিতে আস নি?

দাদাঠাকুর। আমি তোমাদের পূজা নিতে আসি নি, অপমান নিতে এসেছি।

মহাপণ্ডক। তোমার পশ্চাতে অস্ত্রধারী এ কারা?

দাদাঠাকুর। এরা আমার অনুবর্তী—এরা শোণপাংশু।

সকলে। শোণপাংশু!

মহাপণ্ডক। এরাই তোমার অনুবর্তী?

দাদাঠাকুর। হাঁ।

মহাপণ্ডক। এই মন্ত্রহীন কর্মকাণ্ডহীন স্লেচ্ছদল!

দাদাঠাকুর। এসো তো, তোমাদের মন্ত্র এদের শুনিয়ে দাও। এদের কর্মকাণ্ড কী রকম তাও  
ক্রমে দেখতে পাবে।

#### শোণপাংশুদের গান

যিনি	সকল কাজের কাজি, মোরা
	তাঁর কাজের সঙ্গী।
যাঁর	নানারঙের রঙ্গ, মোরা
	তাঁর রসের রঙ্গী।
তাঁর	বিপদুল ছন্দে ছন্দে
মোরা	যাই চলে আনন্দে,
তিনি	যেমনি বাজান ভেরী, মোদের
	তেমনি নাচের ভিগী।
এই	জন্মমরণ-খেলায়
মোরা	মিলি তাঁর মেলায়
এই	দুঃখসুখের জীবন মোদের
	তাঁর খেলার অঙ্গী।
ওরে	ডাকেন তিনি যবে
তাঁর	জলদমন্দ রবে
ছদ্মটি	পথের কাঁটা পায়ে দ'লে
	সাগরগিরি লঙ্ঘি।

মহাপণ্ডক। আমি এই আয়তনের আচার্য—আমি তোমাকে আদেশ করছি তুমি এখন ঐ স্লেচ্ছদলকে সঙ্গে নিয়ে বাহির হয়ে যাও।

দাদাঠাকুর। আমি যাকে আচার্য নিযুক্ত করব সেই আচার্য; আমি যা আদেশ করব সেই আদেশ।



মহাপঞ্চক। উপাধ্যায়, আমরা এমন করে দাঁড়িয়ে থাকলে চলবে না। এসো আমরা এদের এখান থেকে বাহির করে দিয়ে আমাদের আয়তনের সমস্ত দরজাগুলো আবার একবার দ্বিগুণ দৃঢ় করে বন্ধ করি।

উপাধ্যায়। এরাই আমাদের বাহির করে দেবে, সেই সম্ভাবনাটাই প্রবল বলে বোধ হচ্ছে!

প্রথম শোণপাংশু। অচলায়তনের দরজার কথা বলছ—সে আমরা আকাশের সঙ্গে দিবি সমান করে দিলেছি।

উপাধ্যায়। বেশ করেছ ভাই। আমাদের ভারি অসুবিধা হচ্ছিল। এত তালাচাবির ভাবনাও ভাবতে হত!

মহাপঞ্চক। পাথরের প্রাচীর তোমরা ভাঙতে পার, লোহার দরজা তোমরা খুলতে পার, কিন্তু আমি আমার ইন্দ্রিয়ের সমস্ত দ্বার রোধ করে এই বসলুম—যদি প্রায়োপবেশনে মরি তবু তোমাদের হাওয়া তোমাদের আলো লেশমাত্র আমাকে স্পর্শ করতে দেব না।

প্রথম শোণপাংশু। এ পাগলটা কোথাকার রে! এই তলোয়ারের ডগা দিয়ে ওর মাথার খুলিটা একটু ফাঁক করে দিলে ওর বুদ্ধিতে একটু হাওয়া লাগতে পারে।

মহাপঞ্চক। কিসের ভয় দেখাও আমায়? তোমরা মেরে ফেলতে পার, তার বৌশ ক্ষমতা তোমাদের নেই।

প্রথম শোণপাংশু। ঠাকুর, এই লোকটাকে বন্দী করে নিয়ে যাই—আমাদের দেশের লোকের ভারি মজা লাগবে।

দাদাঠাকুর। ওকে বন্দী করবে তোমরা? এমন কী বন্ধন তোমাদের হাতে আছে।

দ্বিতীয় শোণপাংশু। ওকে কি কোনো শাস্তিই দেব না।

দাদাঠাকুর। শাস্তি দেবে! ওকে স্পর্শ করতেও পারবে না। ও আজ যেখানে বসেছে সেখানে তোমাদের তলোয়ার পৌঁছয় না।

#### বালকদলের প্রবেশ

সকলে। তুমি আমাদের গুরু?

দাদাঠাকুর। হাঁ, আমি তোমাদের গুরু।

সকলে। আমরা প্রণাম করি।

দাদাঠাকুর। বৎস, তোমরা মহাজীবন লাভ করো।

প্রথম বালক। ঠাকুর, তুমি আমাদের কী করবে।

দাদাঠাকুর। আমি তোমাদের সঙ্গে খেলব।

সকলে। খেলবে!

দাদাঠাকুর। নইলে তোমাদের গুরু হয়ে সুখ কিসের?

সকলে। কোথায় খেলবে?

দাদাঠাকুর। আমার খেলার মস্ত মাঠ আছে।

প্রথম বালক। মস্ত! এই ঘরের মতো মস্ত?

দাদাঠাকুর। এর চেয়ে অনেক বড়ো।

দ্বিতীয় বালক। এর চেয়েও বড়ো? ঐ আঙিনাটার মতো?

দাদাঠাকুর। তার চেয়ে বড়ো।

দ্বিতীয় বালক। তার চেয়ে বড়ো! উঃ কী ভয়ানক!

প্রথম বালক। সেখানে খেলতে গেলে পাপ হবে না?

দাদাঠাকুর। কিসের পাপ।

দ্বিতীয় বালক। খেলা জায়গায় গেলে পাপ হয় না?

দাদাঠাকুর। না বাছা, খেলা জায়গাতেই সব পাপ পালিয়ে যায়।

সকলে। কখন নিয়ে যাবে।

দাদাঠাকুর। এখানকার কাজ শেষ হলোই।

জ্যোন্তম। (প্রণাম করিয়া) প্রভু, আমিও যাব।

বিশ্বম্ভর। সঞ্জীব, আর শ্রম্বধা করলে কেবল সময় নষ্ট হবে। প্রভু, ঐ বালকদের সঙ্গে আমাদেরও ডেকে নাও।

সঞ্জীব। মহাপঞ্চকদাদা, তুমিও এসো-না।

মহাপঞ্চক। না, আমি না।

## ৬

### দর্ভকপল্লী

পঞ্চক।

গান

আমি যে সব নিতে চাই, সব নিতে ধাই রে।  
আমি আপনাকে ভাই মেলব যে বাইরে।  
পালে আমার লাগল হাওয়া,  
হবে আমার সাগর যাওয়া,  
ঘাটে তরী নাই বাঁধা নাই রে।  
সুখে দুখে বৃকের মাঝে  
পথের বাঁশি কেবল বাজে,  
সকল কাজে শূন্য যে তাই রে।  
পাগলামি আজ লাগল পাথায়,  
পাখি কি আর থাকবে শাখায়?  
দিকে দিকে সাড়া যে পাই রে।

আচার্যের প্রবেশ

পঞ্চক। দূরে থেকে নানাপ্রকার শব্দ শুনতে পাচ্ছি আচার্যদেব। অচলায়তনে বোধ হয় খুব সমারোহ চলছে।

আচার্য। সময় তো হয়েছে। কালই তো তাঁর আসবার কথা ছিল। আমার মনটা ব্যাকুল হয়ে উঠেছে। একবার সূতসোমকে ওখানে পাঠিয়ে দিই।

পঞ্চক। তিনি আজ একাদশীর তর্পণ করবেন বলে কোথায় ইন্দ্রতৃণ পাওয়া যায় সেই খোঁজে বোরয়েছেন।

দর্ভকদের প্রবেশ

পঞ্চক। কী ভাই, তোরা এত ব্যস্ত কিসের?

প্রথম দর্ভক। শূন্য অচলায়তনে কারা সব লড়াই করতে এসেছে।

আচার্য। লড়াই কিসের? আজ তো গুরু আসবার কথা।

দ্বিতীয় দর্ভক। না না, লড়াই হচ্ছে খবর পেয়েছি। সমস্ত ভেঙেচুরে একাকার করে দিলে যে।

তৃতীয় দর্ভক। বাবাঠাকুর, তোমরা যদি হুকুম কর আমরা যাই ঠেকাই গিয়ে।

আচার্য। ওখানে তো লোক ঢের আছে, তোমাদের ভয় নেই বাবা।

প্রথম দর্ভক। লোক তো আছে কিন্তু তারা লড়াই করতে পারবে কেন?

স্বিতীয় দর্ভক। শুনছি কতরকম মন্ত্রলেখা তাগাতাবিজ দিয়ে তারা দুখানা হাত আগা-গোড়া কষে বেঁধে রেখেছে। খোলে না, পাছে কাজ করতে গেলেই তাদের হাতের গুণ নষ্ট হয়।

পঞ্চক। আচার্যদেব, এদের সংবাদটা সত্যই হবে। কাল সমস্ত রাত মনে হচ্ছিল চারি দিকে বিশ্বব্রহ্মাণ্ড যেন ভেঙেচুরে পড়ছে। ঘুমের ঘোরে ভাবছিলুম স্বপ্ন বদ্বি।

আচার্য। তবে কি গুরু আসেন নি?

পঞ্চক। হয়তো বা দাদা ভুল করে আমার গুরুরই সঙ্গে লড়াই বাধিয়ে বসেছেন! আটক নেই। রাত্রে তাঁকে হঠাৎ দেখে হয়তো যমদূত বলে ভুল করেছিলেন।

প্রথম দর্ভক। আমরা শুনছি কে বলছিল গুরুও এসেছেন।

আচার্য। গুরুও এসেছেন! সে কী রকম হল!

পঞ্চক। তবে লড়াই করতে কারা এসেছে বল তো?

প্রথম দর্ভক। লোকের মূখে শুনি তাদের নাকি বলে দাদাঠাকুরের দল।

পঞ্চক। দাদাঠাকুরের দল! বল্ বল্ শুন, ঠিক বলছিস তো রে?

স্বিতীয় দর্ভক। হাঁ, সকলেই তো বলছে দাদাঠাকুরের দল।

পঞ্চক। ওরে কী আনন্দ রে কী আনন্দ!

আচার্য। এঁকি পঞ্চক, হঠাৎ তুমি এরকম উন্মত্ত হয়ে উঠলে কেন?

পঞ্চক। প্রভু, আমার মনের একটা বাসনা ছিল, কোনো সুযোগে যদি আমাদের দাদাঠাকুরের সঙ্গে গুরুর মিলন করিয়ে দিতে পারি, তা হলে দেখে নিই কে হারে কে জেতে!

আচার্য। পঞ্চক, তোমার কথা আমি স্পষ্ট বদ্বতে পারছি নে। তুমি দাদাঠাকুর বলছ কাকে?

পঞ্চক। আচার্যদেব, ঐটে আমার গোপন কথা, অনেকদিন থেকেই মনে রেখে দিয়েছি। এখন তোমাকে বলব না প্রভু, যদি তিনি এসে থাকেন তা হলে একেবারে চোখে চোখে মিলিয়ে দেব।

প্রথম দর্ভক। বাবাঠাকুর, হুকুম করো, একবার ওদের সঙ্গে লড়ে আসি—দেখিয়ে দিই এখানে মানুষ আছে।

পঞ্চক। আয়-না ভাই, আমিও তাদের সঙ্গে চলব রে।

স্বিতীয় দর্ভক। তুমিও লড়বে নাকি ঠাকুর?

পঞ্চক। হাঁ, লড়ব।

আচার্য। কী বলছ পঞ্চক! তোমাকে লড়তে কে ডাকছে!

পঞ্চক। আমার প্রাণ ডাকছে। একটা কিসের মায়াতে মন জড়িয়ে রয়েছে প্রভু। যেন কেবলই স্বপ্ন দেখছি—আর যতই জোর করছি কিছুতেই জাগতে পারছি নে। কেবল এমন বসে বসে হবে না দেব! একেবারে লড়াইয়ের মাঝখানে গিয়ে পড়তে না পারলে কিছুতেই এ ঘোর কাটবে না।

গান

আর নহে আর নয়।

আমি করি নে আর ভয়।

আমার ঘুচল বাঁধন ফলল সাধন

হল বাঁধন ক্ষয়।

ওই আকাশে ওই ডাকে

আমায় আর কে ধরে রাখে।

আমি সকল দুয়ার খুলেছি আজ

যাব সকলময়।

ওরা বসে বসে মিছে

শুধু মায়াজাল গাঁথিছে,

গুরা      কী যে গোলনে ঘরের কোণে  
                  আমায় ডাকে পিছে।  
 আমার    অস্ত্র হল গড়া,  
 আমার    বর্ম হল পরা,  
 এবার    ছুটবে ঘোড়া পবনবেগে  
                  করবে ভুবন জয়।

#### মালীর প্রবেশ

মালী। আচার্যদেব, আমাদের গুরু আসছেন।

আচার্য। বলিস কী! গুরু? তিনি এখানে আসছেন? আমাকে আহ্বান করলেই তো আমি যেতুম।

প্রথম দর্ভক। এখানে তোমাদের গুরু এলে তাঁকে বসাব কোথায়!

দ্বিতীয় দর্ভক। বাবাঠাকুর, তুমি এখানে তাঁর বসবার জায়গাটাকে একটু শোধন করে নাও—  
 আমরা তফাতে সরে যাই।

#### আর-একদল দর্ভকের প্রবেশ

প্রথম দর্ভক। বাবাঠাকুর, এ তোমাদের গুরু নয়—সে এ পাড়ায় আসবে কেন! এ যে আমাদের গোসাঁই!

দ্বিতীয় দর্ভক। আমাদের গোসাঁই?

প্রথম দর্ভক। হাঁরে হাঁ, আমাদের গোসাঁই। এমন সাজ তার আর কখনো দেখি নি! একেবারে চোখ ঝলসে যায়।

তৃতীয় দর্ভক। ঘরে কী আছে রে ভাই সব বের কর।

দ্বিতীয় দর্ভক। বনের জাম আছে রে।

চতুর্থ দর্ভক। আমার ঘরে খেজুর আছে।

প্রথম দর্ভক। কালো গোরুর দুধ শিগ্গির দুয়ে আনো দাদা।

#### দাদাঠাকুরের প্রবেশ

আচার্য। (প্রণাম করিয়া) জয় গুরুদ্বিজের জয়!

পঞ্চক। এ কী! এ যে দাদাঠাকুর! গুরু কোথায়?

দর্ভকদল। গোসাঁইঠাকুর! প্রণাম হই। খবর দিয়ে এলে না কেন? তোমার ভোগ যে তৈরি হয় নি।

দাদাঠাকুর। কেন ভাই, তোদের ঘরে আজ রান্না চড়ে নি নাকি? তোরাও মন্ত্র নিয়ে উপোস করতে আরম্ভ করেছিস নাকি রে?

প্রথম দর্ভক। আমরা আজ শুদ্ধ মাষকলাই আর ভাত চড়িয়েছি। ঘরে আর কিছু ছিল না।

দাদাঠাকুর। আমারও তাতেই হয়ে যাবে।

পঞ্চক। দাদাঠাকুর, আমার ভারি গর্ব ছিল এ রাজ্যে একলা আমিই কেবল চিনি তোমাকে। কারো যে চিনতে আর বাকি নেই।

প্রথম দর্ভক। ঐ তো আমাদের গোসাঁই, পূর্ণিমা দিনে এসে আমাদের পিঠে খেয়ে গেছে। তার পর এই কতদিন পরে দেখা। চল্ ভাই, আমাদের যা আছে সব সংগ্রহ করে আনি।

দাদাঠাকুর। আচার্য, তুমি এ কী করেছ?

[প্রস্থান]

আচার্য। কী যে করেছি তা বোঝবারও শক্তি আমার নেই। তবে এইটুকু বন্ধি—আমি সব নষ্ট করেছি।

দাদাঠাকুর। যিনি তোমাকে মুক্তি দেবেন তাঁকেই তুমি কেবল বাঁধবার চেষ্টা করেছ।

আচার্য। কিন্তু বাঁধতে তো পারি নি ঠাকুর! তাঁকে বাঁধছি মনে করে যতগুলো পাক দিয়েছি সব পাক কেবল নিজের চারি দিকেই জড়িয়েছি। যে হাত দিয়ে সেই বাঁধন খোলা যেতে পারত সেই হাতটা সন্দ্ব বেঁধে ফেলেছি।

দাদাঠাকুর। যিনি সব জায়গায় আপনি ধরা দিয়ে বসে আছেন তাঁকে একটা জায়গায় ধরতে গেলেই তাঁকে হারাতে হয়।

আচার্য। তিনি যে আছেন এই খবরটা মনের মধ্যে পেঁছায় নি বলেই মনে করে বসেছিলুম তাঁকে বন্ধি কৌশল করে গড়ে তুলতে হয়। তাই দিনরাত বসে বসে এত ব্যর্থ চেষ্টার জাল পার্কিয়েছি।

দাদাঠাকুর। তোমার যে কারাগারটাতে তোমার নিজেকেই আঁটে না সেইখানে তাঁকে শিকল পরাবার আয়োজন না করে তাঁরই এই খোলা মন্দিরের মধ্যে তোমার আসন পাতবার জন্যে প্রস্তুত হও।

আচার্য। আদেশ করো প্রভু। ভুল করেছিলুম জেনেও সে ভুল ভাঙতে পারি নি। পথ হারিয়েছি তা জানতুম, যতই চলাছি ততই পথ হতে কেবল বেশি দূরে গিয়ে পড়ছি তাও বুঝতে পেরেছিলুম, কিন্তু ভয়ে থামতে পারিছিলুম না। এই চক্রে হাজার বার ঘুরে বেড়ানোকেই পথ খুঁজে পাবার উপায় বলে মনে করেছিলুম।

দাদাঠাকুর। যে চক্র কেবল অভ্যাসের চক্র, যা কোনো জায়গাতেই নিয়ে যায় না, কেবল নিজের মধ্যেই ঘুরিয়ে মারে, তার থেকেই বের করে সোজা রাস্তায় বিশ্বের সকল যাত্রীর সঙ্গে দাঁড় করিয়ে দেবার জন্যেই আমি আজ এসেছি।

আচার্য। ধন্য করেছ। কিন্তু এতদিন আস নি কেন প্রভু? আমাদের আয়তনের পাশেই এই দর্ভকপাড়ায় তুমি আনাগোনা করছ আর কত বৎসর হয়ে গেল আমাদের আর দেখা দিলে না!

দাদাঠাকুর। এদের দেখা দেওয়ার রাস্তা যে সোজা। তোমাদের সঙ্গে দেখা করা তো সহজ করে রাখ নি।

পঞ্চক। ভালোই করেছি, তোমার শক্তি পরীক্ষা করে নিয়েছি। তুমি আমাদের পথ সহজ করে দেবে কিন্তু তোমার পথ সহজ নয়। এখন আমি ভাবছি তোমাকে ডাকব কী বলে? দাদাঠাকুর, না গুরু?

দাদাঠাকুর। যে জানতে চায় না যে আমি তাকে চালাচ্ছি আমি তার দাদাঠাকুর, আর যে আমার আদেশ নিয়ে চলতে চায় আমি তার গুরু।

পঞ্চক। প্রভু, তুমি তা হলে আমার দূতই। আমাকে আমিই চালাচ্ছি, আর আমাকে তুমিই চালাচ্ছ এই দুটোই আমি মিশিয়ে জানতে চাই। আমি শোণপাংশু না, তোমাকে মেনে চলতে ভয় নেই। তোমার মূখের আদেশকেই আনন্দে আমার মনের ইচ্ছা করে তুলতে পারব। এবার তবে তোমার সঙ্গে তোমারই বোঝা মাথায় নিয়ে বেরিয়ে পড়ি ঠাকুর।

দাদাঠাকুর। আমি তোমার জায়গা ঠিক করে রেখেছি।

পঞ্চক। কোথায় ঠাকুর?

দাদাঠাকুর। ঐ অচলায়তনে।

পঞ্চক। আবার অচলায়তনে! আমার কারাদণ্ডের মেয়াদ ফুরোয় নি?

দাদাঠাকুর। কারাগার যা ছিল সে তো আমি ভেঙে ফেলেছি, এখন সেই উপকরণ দিয়ে সেইখানেই তোমাকে মন্দির গোঁথে তুলতে হবে।

পঞ্চক। ঠাকুর, আমি তোমাকে জোড়াহাত করে বলছি, আর আমাকে বসিয়ে রাখার কাজে

লাগিয়ে না। তোমার ঐ বীরবেশে আমার মন ভুলেছে—তোমাকে এমন মনোহর আর কখনো দেখি নি।

দাদাঠাকুর। ভয় নেই পশুক। অচলায়তনে আর সেই শান্তি দেখতে পাবে না। তার দ্বার ফুটো করে দিয়ে আমি তার মধ্যেই লড়াইয়ের ঝোড়ো হাওয়া এনে দিয়েছি। নিজের নাসাগ্রভাগের দিকে একদৃষ্টে তাকিয়ে বসে থাকবার দিন এখন চিরকালের মতো ঘুচিয়ে দিয়েছি।

পশুক। কিন্তু অচলায়তনের লোকে যে আমাকে আপন বলে গ্রহণ করবে না প্রভু।

দাদাঠাকুর। আমি বলছি তুমি অচলায়তনের লোকের সকলের চেয়ে আপন।

পশুক। কিন্তু দাদাঠাকুর, আমি কেবল একলা, একলা, ওরা আমাকে সবাই ঠেলে রেখে দেবে।

দাদাঠাকুর। ওরা তোমাকে গ্রহণ করতে চাচ্ছে না, সেইজন্যই ওখানে তোমার সব চেয়ে দরকার। ওরা তোমাকে ঠেলে দিচ্ছে বলেই তুমি ওদের ঠেলতে পারবে না।

পশুক। আমাকে কী করতে হবে?

দাদাঠাকুর। যে যেখানে ছাড়িয়ে আছে সবাইকে ডাক দিয়ে আনতে হবে।

পশুক। সবাইকে কি কুলোবে?

দাদাঠাকুর। না যদি কুলোয় তা হলে এমনি করে দেয়াল আবার আর-একদিন ভাঙতেই হবে সেই বৃক্ষে গের্গেথো—আমার আর কাজ বাড়িয়ে না।

পশুক। শোণপাংশুদের—

দাদাঠাকুর। হাঁ, ওদেরও ডেকে এনে বসাতে হবে, ওরা একটু বসতে শিখুক।

পশুক। ওদের বসিয়ে রাখা! সর্বনাশ! তার চেয়ে ওদের ভাঙতে চুরতে দিলে ওরা বেশি ঠান্ডা থাকে। ওরা যে কেবল ছটফট করাকেই মনুষ্টি মনে করে।

দাদাঠাকুর। ছোটো ছেলেকে পাকা বেল দিলে সে ভারি খুশি হয়ে মনে করে এটা খেলার গোলা। কেবল সেটাকে গড়িয়ে নিয়ে বেড়ায়। ওরাও সেইরকম স্বাধীনতাকে বাইরে থেকে ভারি একটা মজার জিনিস বলে জানে—কিন্তু জানে না স্থির হয়ে বসে তার ভিতর থেকে সার পদার্থটা বের করে নিতে হয়। কিছুদিনের জন্যে তোমার মহাপশুকদাদার হাতে ওদের ভার দিলেই খানিকটা ঠান্ডা হয়ে ওরা নিজের ভিতরের দিকটাতে পাক ধরাবার সময় পাবে।

পশুক। তা হলে আমার মহাপশুকদাদাকে কি ঐখানেই—

দাদাঠাকুর। হাঁ ঐখানেই বৈকি। তাঁর ওখানে অনেক কাজ। এতদিন ঘর বন্ধ করে অন্ধকারে ও মনে করছিল চাকাটা খুব চলছে, কিন্তু চাকাটা কেবল এক জায়গায় দাঁড়িয়ে ঘুরছিল তা সে দেখতেও পায় নি। এখন আলোতে তার দৃষ্টি খুলে গেছে, সে আর সে-মানুষ নেই। কী করে আপনাকে আপনি ছাড়িয়ে উঠতে হয় সেইটে শেখাবার ভার ওর উপর। ক্ষুধাতৃষ্ণা-লোভভয়-জীবনমৃত্যুর আবরণ বিদীর্ণ করে আপনাকে প্রকাশ করার রহস্য ওর হাতে আছে।

আচার্য। আর এই চির-অপরাধীর কী বিধান করলে প্রভু?

দাদাঠাকুর। তোমাকে আর কাজ করতে হবে না আচার্য। তুমি আমার সঙ্গে এসো।

আচার্য। বাঁচালে প্রভু, আমাকে রক্ষা করলে। আমার সমস্ত চিন্তা শূন্য হয়ে পাথর হয়ে গেছে—আমাকে আমারই এই পাথরের বেড়া থেকে বের করে আনো। আমি কোনো সম্পদ চাই নে—আমাকে একটু রস দাও।

দাদাঠাকুর। ভাবনা নেই আচার্য, ভাবনা নেই—আনন্দের বর্ষা নেমে এসেছে—তার ঝর ঝর শব্দে মন নৃত্য করছে আমার। বাইরে বেরিয়ে এলেই দেখতে পাবে চারি দিক ভেসে যাচ্ছে। ঘরে বসে ভয়ে কাঁপছে কারা। এ ঘনঘোর বর্ষার কালো মেঘে আনন্দ, তীক্ষ্ণ বিদ্যুতে আনন্দ, বজ্রের গর্জনে আনন্দ। আজ মাথার উষ্ণীয় যদি উড়ে যায় তো উড়ে যাক, গায়ের উত্তরীয় যদি ভিজে যায় তো ভিজে যাক—আজ দুর্যোগ একে বলে কে! আজ ঘরের ভিত যদি ভেঙে গিয়ে থাকে যাক না—আজ একেবারে বড়ো রাস্তার মাঝখানে হবে মিলন।

সুভদ্রের প্রবেশ

সুভদ্র। গুরু!

দাদাঠাকুর। কী বাবা?

সুভদ্র। আমি যে-পাপ করেছি তার তো প্রায়শ্চিত্ত শেষ হল না!

দাদাঠাকুর। তার আর কিছু বাকি নেই।

সুভদ্র। বাকি নেই?

দাদাঠাকুর। না। আমি সমস্ত চুরমার করে ধুলোয় লুটিয়ে দিয়েছি।

সুভদ্র। একজটা দেবী—

দাদাঠাকুর। একজটা দেবী! উত্তরের দিকের দেয়ালটা ভাঙবামাত্রই একজটা দেবীর সঙ্গে আমাদের এমনি মিল হয়ে গেল যে, সে আর কোনোদিন জটা দুলিয়ে কাউকে ভয় দেখাবে না। এখন তাকে দেখলে মনে হবে সে আকাশের আলো— তার সমস্ত জটা আষাঢ়ের নবীন মেঘের মধ্যে জড়িয়ে গিয়েছে।

সুভদ্র। এখন আমি কী করব।

পঞ্চক। এখন তুমি আছ ভাই আর আমি আছি। দুজনে মিলে কেবলই উত্তর দক্ষিণ পূর্ব পশ্চিমের সমস্ত দরজা-জানলাগুলো খুলে খুলে বেড়াব।

উপাচার্য। (প্রবেশ করিয়া) তৃণ পাওয়া গেল না—কোথাও তৃণ পাওয়া গেল না।

আচার্য। সুতসোম, তুমি বৃষ্টি তৃণ খুঁজেই বেড়াচ্ছিলে?

উপাচার্য। হাঁ, ইন্দ্রতৃণ, সে তো কোথাও পাওয়া গেল না। হায় হায়! এখন আমি করি কী! এমন জায়গাতেও মানুষ বাস করে!

আচার্য। থাক্ তোমার তৃণ। এ দিকে একবার চেয়ে দেখো।

উপাচার্য। এ কী! এ যে আমাদের গুরু! এখানে! এই দর্ভকদের পাড়ায়! এখন উপায় কী! ঠুকে কোথায়—

দর্ভকগণের অর্ঘ্য লইয়া প্রবেশ

প্রথম দর্ভক। গোঁসাই, এই-সব তোমার জন্যে এনেছি। কেতনের মাসি পরশু পিঠে তৈরি করেছিল, তারই কিছু বাকি আছে—

উপাচার্য। আরে আরে, সর্বনাশ করলে রে! করিস কী! উনি যে আমাদের গুরু।

দ্বিতীয় দর্ভক। তোমাদের গুরু আবার কোথায়? এ তো আমাদের গোঁসাই।

দাদাঠাকুর। দে ভাই, আর কিছু এনেছিস?

দ্বিতীয় দর্ভক। হাঁ, জাম এনেছি।

তৃতীয় দর্ভক। কিছু দই এনেছি।

দাদাঠাকুর। সব এখানে রাখ্। এসো ভাই পঞ্চক, এসো আচার্য অদীনপুণ্ডা—নতুন আচার্য আর পুরাতন আচার্য এসো, এদের ভক্তির উপহার ভাগ করে নিয়ে আজকের দিনটাকে সার্থক করি।

বালকগণের প্রবেশ

সকলে। গুরু!

দাদাঠাকুর। এসো বাছা, তোমরা এসো।

প্রথম বালক। কখন আমরা বের হব?

দাদাঠাকুর। আর দেরি নেই—এখনই বের হতে হবে।

দ্বিতীয় বালক। এখন কী করব?

দাদাঠাকুর। এই-যে তোমাদের ভোগ তৈরি হয়েছে।

প্রথম বালক। ও ভাই, এই-যে জাম—কী মজা!

দ্বিতীয় বালক। ওরে ভাই, খেজুর—কী মজা!  
 তৃতীয় বালক। গরুর, এতে কোনো পাপ নেই?  
 দাদাঠাকুর। কিছু না—পুণ্য আছে।  
 প্রথম বালক। সকলের সঙ্গে এইখানে বসে খাব?  
 দাদাঠাকুর। হাঁ এইখানেই।

#### শোণপাংশুদের প্রবেশ

প্রথম শোণপাংশু। দাদাঠাকুর!

দ্বিতীয় শোণপাংশু। আর তো পারি নে। দেয়াল তো একটাও বাকি রাখি নি। এখন কী করব? বসে বসে পা ধরে গেল যে।

দাদাঠাকুর। ভয় নেই রে। শূধু শূধু বসিয়ে রাখব না। তোদের কাজ দেব।

সকলে। কী কাজ দেবে?

দাদাঠাকুর। আমাদের পঞ্চদাদার সঙ্গে মিলে ভাঙা ভিতের উপর আবার গাঁথতে লেগে যেতে হবে।

সকলে। বেশ, বেশ, রাজি আছি।

দাদাঠাকুর। ঐ ভিতের উপর কাল যুদ্ধের রাতে স্থবিরকের রক্তের সঙ্গে শোণপাংশুর রক্ত মিলে গিয়েছে।

সকলে। হাঁ মিলেছে।

দাদাঠাকুর। সেই মিলনেই শেষ করলে চলবে না। এবার আর লাল নয়, এবার একেবারে শূধু। নতুন সৌধের সাদা ভিতকে আকাশের আলোর মধ্যে অভভেদী করে দাঁড় করাও। মেলো তোমরা দুইদলে, লাগে তোমাদের কাজে।

সকলে। তাই লাগব। পঞ্চদাদা, তা হলে তোমাকে উঠতে হচ্ছে, অমন করে ঠান্ডা হয়ে বসে থাকলে চলবে না। ত্বর করে। আর দেরি না।

পঞ্চক। প্রস্তুত আছি। গরুর, তবে প্রণাম করি। আচার্যদেব, আশীর্বাদ করো।



# ফাল্গুনী

প্রকাশ : ১৯১৬

সবুজপত্রে (চৈত্র ১০২১) প্রকাশিত ‘ফাল্গুনী’ নাটকে “বসন্তের পালা” নামে একটি প্রবেশক এবং প্রবেশক ও নাটকের সূচনায় দুটি ভূমিকা ছিল। ১০২২ সালে কলকাতায় অভিনয় উপলক্ষে “সূচনা” অংশ রচিত হয়। এটি “বৈরাগ্যসাধন” নামে সবুজপত্রে প্রকাশিত হয়েছিল। গ্রন্থাকারে প্রকাশের সময় “বসন্তের পালা”র গানগুলি “প্রথম দৃশ্যের গীতি-ভূমিকা” এবং নাটকের সর্বশেষ “উৎসবের গান”রূপে নাটকভুক্ত হয়।

## উৎসর্গ

যাহারা ফাল্গুনীর ফাল্গু নদীটিকে বৃদ্ধ কবির চিন্তামরুদ্র  
তলদেশ হইতে উপরে টানিয়া আনিয়াছে তাহাদের  
এবং সেই সঙ্গে  
সেই বালকদের সকল নাটের কাণ্ডারী  
আমার সকল গানের ভাণ্ডারী  
শ্রীমান্ দিনেন্দ্রনাথের হস্তে  
এই নাট্যকাব্যটিকে কবি-বাউলের একতারার মতো  
সমর্পণ করিলাম।

১৫ ফাল্গুন  
১৩২২

## পাত্রগণ

রাজা  
মন্ত্রী  
শ্রুতিভূষণ  
কবিশেখর  
নববসন্তের দূতগণ  
শীত  
নবযৌবনের দল  
চন্দ্রহাস ... উক্ত দলের প্রিয়সখা  
দাদা ... উক্ত দলের প্রবীণ যুবক  
জীবন সর্দার ... উক্ত দলের নেতা  
অন্ধ বাউল  
মারি  
কোটাল  
অনাথ কল্লু ইত্যাদি।

এই নাট্যকাব্যে নবযৌবনের দল যেখানে কথাবার্তা কহিতেছে সেখানে চন্দ্রহাস, দাদা ও সর্দার ছাড়া আর কাহারো নাম নির্দিষ্ট নাই। দলের অন্য সকলে যে যেটা-খুঁশি বলিতে পারে এবং তাহাদের লোকসংখ্যারও সীমা করিয়া দেওয়া হয় নাই।

## সূচনা

### রাজোদ্যান

চুপ, চুপ, চুপ কর্ তোরা।

কেন, কী হয়েছে।

মহারাজের মন খারাপ হয়েছে।

সর্বনাশ।

কে রে। কে বাজায় বাঁশ।

কেন ভাই, কী হয়েছে।

মহারাজের মন খারাপ হয়েছে।

সর্বনাশ।

ছেলেগুলো দাপাদাপি করছে কার।

আমাদের মণ্ডলদের।

মণ্ডলকে সাবধান করে দে। ছেলেগুলোকে ঠেকাক।

মন্ত্রী কোথায় গেলেন।

এই যে এখানেই আছি।

খবর পেয়েছেন কি।

কী বলো দেখি।

মহারাজের মন খারাপ হয়েছে।

কিন্তু প্রতান্তিবিভাগ থেকে যুদ্ধের সংবাদ এসেছে যে।

যুদ্ধ চলুক কিন্তু তার সংবাদটা এখন চলবে না।

চীন-সম্রাটের দূত অপেক্ষা করছেন।

অপেক্ষা করতে দোষ নেই কিন্তু সাক্ষাৎ পাবেন না।

ঐ যে মহারাজ আসছেন।

জয় হোক মহারাজের।

মহারাজ, সভায় যাবার সময় হল।

যাবার সময় হল বৈকি, কিন্তু সভায় যাবার নয়।

সে কী কথা, মহারাজ!

সভা ভাঙবার ঘণ্টা বেজেছে শুনতে পেয়েছি।

কই, আমরা তো কেউ—

তোমরা শুনবে কী করে। ঘণ্টা একেবারে আমারই কানের কাছে বাজিয়েছে।

এতবড়ো স্পর্ধা কার হতে পারে।

মন্ত্রী, এখনো বাজাচ্ছে।

মহারাজ, দাসের স্থূলবুদ্ধি মাপ করবেন, বুদ্ধিতে পারলুম না।

এই চেয়ে দেখো—

মহারাজের চুল—

ওখানে একজন ঘণ্টা-বাজিয়েকে দেখতে পাচ্ছ না?

দাসের সঙ্গে পরিহাস?

পরিহাস আমার নয়, মন্ত্রী, যিনি পৃথিবীসুদ্ধ জীবের কানে ধরে পরিহাস করেন

এ তাঁরই। গত রজনীতে আমার গলায় মল্লিকার মালা পরাবার সময় মহিষী চমকে উঠে বললেন, এ কী মহারাজ, আপনার কানের কাছে দুটো পাকাচুল দেখছি যে!

মহারাজ, এজন্য খেদ করবেন না—রাজবৈদ্য আছেন তিনি—

এ-বংশের প্রথম রাজা ইক্ষ্বাকুরও রাজবৈদ্য ছিলেন, তিনি কী করতে পেরেছিলেন।—মন্ত্রী, যমরাজ আমার কানের কাছে তাঁর নিমন্ত্রণপত্র ঝুলিয়ে রেখে দিয়েছেন। মহিষী এ দুটো চুল তুলে ফেলতে চেয়েছিলেন, আমি বললুম, কী হবে রানী। যমের পত্রই যেন সরালুম কিন্তু যমের পত্রলিখককে তো সরানো যায় না। অতএব এ পত্র শিরোধার্য করাই গেল। এখন তাহলে—

যে আশ্রা, এখন তাহলে রাজকার্যের আয়োজন—

কিসের রাজকার্য। রাজকার্যের সময় নেই—শ্রুতিভূষণকে ডেকে আনো।

সেনাপতি বিজয়বর্মা—

না, বিজয়বর্মা না, শ্রুতিভূষণ।

মহারাজ, এদিকে চীন-সম্রাটের দূত—

তাঁর চেয়ে বড়ো সম্রাটের দূত অপেক্ষা করছেন। ডাকো শ্রুতিভূষণকে।

মহারাজ, প্রত্যন্তসীমার সংবাদ—

মন্ত্রী, প্রত্যন্ততম সীমার সংবাদ এসেছে, ডাকো শ্রুতিভূষণকে।

মহারাজের শ্বশুর—

আমি যাঁর কথা বলছি তিনি আমার শ্বশুর নন। ডাকো শ্রুতিভূষণকে।

আমাদের কবিশেখর তাঁর কল্পমঞ্জরী কাব্য নিয়ে—

নিয়ে তিনি তাঁর কল্পদ্রুমের শাখায় প্রশাখায় আনন্দে সপ্তরগ করুন, ডাকো শ্রুতিভূষণকে।

যে আদেশ, তাঁকে ডাকতে পাঠাচ্ছি।

বোলো, সঙ্গে যেন তাঁর বৈরাগ্যবারিধি পুঁথিটা আনেন।

প্রতিহারী, বাইরে ঐ কারা গোল করছে, বারণ করো, আমি একটু শান্তি চাই।

নাগপত্তনে দুর্ভিক্ষ দেখা দিয়েছে, প্রজারা সাক্ষাৎ প্রার্থনা করে।

আমার তো সময় নেই মন্ত্রী, আমি শান্তি চাই।

তারা বলছে তাদের সময় আরো অনেক অল্প—তারা মৃত্যুর দ্বার প্রায় লঙ্ঘন করেছে—তারা ক্ষুধাশান্তি চায়।

ক্ষুধাশান্তি! এ সংসারে কি ক্ষুধার শান্তি আছে। ক্ষুধানলের শান্তি চিতানলে।

তাহলে মহারাজ ঐ হতভাগ্যদের—

ঐ হতভাগ্যদের প্রতি এই হতভাগ্যের উপদেশ এই যে, কাল-ধীবরের জাল ছিন্ন করার জন্যে ছটফট করা বৃথা, আজই হোক কালই হোক সে টেনে তুলবেই।

অতএব—

অতএব শ্রুতিভূষণকে প্রয়োজন এবং তাঁর বৈরাগ্যবারিধি পুঁথি।

প্রজারা তাহলে দুর্ভিক্ষ—

দেখো মন্ত্রী, ভিক্ষা তো অনেক নয়, ভিক্ষা আয়ত্ন। সেই ভিক্ষায় জগৎ জুড়ে দুর্ভিক্ষ—কী রাজার কী প্রজার—কে কাকে রক্ষা করবে।

অতএব—

অতএব শ্মশানেশ্বর শিব যেখানে ডমরুধ্বনি করছেন সেইখানেই সকলের সব প্রার্থনা ছাইচাপা পড়বে—তবে কেন মিছে গলা ভাঙা। এই যে শ্রুতিভূষণ, প্রণাম।

শ্রুতমস্তু।

শ্রুতিভূষণশায়, মহারাজকে একটু বদ্বিষয়ে বলবেন যে অবসাদগ্রস্ত নিরুৎসাহকে লক্ষ্মী পরিহার করেন।

শ্রুতিভূষণ, মন্ত্রী আপনাকে কী বলছেন।

উনি বলছেন লক্ষ্মীর স্বভাব সম্বন্ধে মহারাজকে কিছু উপদেশ দিতে।

আপনার উপদেশ কী।

বৈরাগ্যবারিধিতে একটি চৌপদী আছে—

যে পশ্বে লক্ষ্মীর বাস, দিন-অবসানে

সেই পশ্বে মৃদে দল সকলেই জানে।

গৃহ যার ফুটে আর মৃদে পুনঃপুনঃ

সে লক্ষ্মীরে ত্যাগ করো, শুন মৃদ শুন।

অহো, আপনার উপদেশের এক ফুৎকারেই আশা-প্রদীপের জ্বলন্ত শিখা নিব্বাপিত হয়ে যায়। আমাদের আচার্য বলেছেন-না—

দন্তং গলিতং পলিতং মৃণ্ডং

তদপি ন মৃণ্ডতি আশাভাণ্ডং।

মহারাজ, আশার কথা যদি তুললেন তবে বারিধি থেকে আর-একটি চৌপদী শোনাই—

শৃঙ্খল বাঁধিয়া রাখে এই জানি সবে,

আশার শৃঙ্খল কিন্তু অশ্রুত এ ভবে।

সে যাহারে বাঁধে সেই ঘুরে মরে পাকে,

সে-বন্ধন ছাড়ে যারে স্থির হয়ে থাকে।

হায় হায় অমূল্য আপনার বাণী। শ্রুতিভূষণকে এক সহস্র স্বর্ণমুদ্রা এখনই—  
ও কী মন্ত্রী, আবার কারা গোল করছে।

সেই দর্ভাক্ষগ্রস্ত প্রজারা।

ওদের এখনই শান্ত হতে বলো।

তাহলে মহারাজ, শ্রুতিভূষণকে ওদের কাছে পাঠিয়ে দিন-না—আমরা ততক্ষণ যুদ্ধের পরামর্শটা—

না, না, যুদ্ধ পরে হবে, শ্রুতিভূষণকে ছাড়তে পারছি নে।

মহারাজ, স্বর্ণমুদ্রা দেবার কথা বলছিলেন কিন্তু সে-দান যে ক্ষয় হয়ে যাবে।  
বৈরাগ্যবারিধি লিখছেন—

স্বর্ণদান করে যেই করে দুঃখ দান

যত স্বর্ণ ক্ষয় হয় ব্যথা পায় প্রাণ।

শত দাও, লক্ষ দাও, হয়ে যায় শেষ,

শূন্য ভাণ্ড ভরি' শূন্য থাকে মনঃক্লেশ।

আহা শরীর রোমাঞ্চিত হল। প্রভু কি তাহলে—

না, আমি সহস্র মুদ্রা চাই নে।

দিন দিন একটু পদধূলি দিন। সহস্র মুদ্রা চান না। এতবড়ো কথা।

মহারাজ, এই সহস্র মুদ্রা অক্ষয় হয়ে যাতে মহারাজের পুণ্যফলকে অসীম করে আমি এমন কিছু চাই। গোদানসমেত আপনার ঐ কাণ্ডনপত্র জনপদটি যদি ব্রহ্মদান করেন কেবলমাত্র ঐটুকুতেই আমি সন্তুষ্ট থাকব; কারণ বৈরাগ্যবারিধি বলছেন—

বুদ্ধেছি শ্রুতিভূষণ, এর জন্যে আর বৈরাগ্যবারিধির প্রমাণ দরকার নেই। মন্ত্রী, কাণ্ডনপত্র জনপদটি যাতে শ্রুতিভূষণের বংশে চিরন্তন—আবার কী, বারবার কেন চীৎকার করছে।

চাঁৎকারটা বারবার করছে বটে কিন্তু কারণটা একই রয়ে গেছে। ওরা সেই মহা-রাজের দুর্ভিক্ষকাতর প্রজা।

মহারাজ, ব্রাহ্মণী মহারাজকে বলতে বলেছেন তিনি তাঁর সর্বাঙ্গে মহারাজের যশোবৎসর ধ্বনিত করতে চান কিন্তু আভরণের অভাববশত শব্দ বড়োই ক্ষীণ হয়ে বাজছে।

মন্ত্রী।

মহারাজ।

ব্রাহ্মণীর আভরণের অভাবমোচন করতে যেন বিলম্ব না হয়।

আর মন্ত্রীমশায়কে বলে দিন, আমরা সর্বদাই পরমার্থচিন্তায় রত, বৎসরে বৎসরে গৃহসংস্কারের চিন্তায় মন দিতে হলে চিন্তাবিক্ষেপ হয় অতএব রাজশিল্পী যদি আমার গৃহটি সুদৃঢ় করে নির্মাণ করে দেয় তাহলে তার তলদেশে শান্তমনে বৈরাগ্য-সাধন করতে পারি।

মন্ত্রী, রাজশিল্পীকে যথাবিধি আদেশ করে দাও।

মহারাজ, এ-বৎসর রাজকোষে ধনাভাব।

সে তো প্রতি বৎসরেই শূন্যে আসছি। মন্ত্রী, তোমাদের উপর ভার ধন বৃদ্ধি করবার, আর আমার উপর ভার অভাব বৃদ্ধি করবার। এই দুইয়ের মিলে সন্ধি করে হয় ধনাভাব।

মহারাজ, মন্ত্রীকে দোষ দিতে পারি নে। উনি দেখছেন আপনার অর্থ, আর আমরা দেখছি আপনার পরমার্থ, সুতরাং উনি যেখানে দেখতে পাচ্ছেন অভাব আমরা সেইখানে দেখতে পাচ্ছি ধন। বৈরাগ্যবারিধিতে লিখছেন—

রাজকোষ পূর্ণ হয়ে তবু শূন্যমাত্র।

যোগ্য হাতে যাহা পড়ে লভে সংপাত্র।

পাত্র নাই, ধন আছে, থেকেও না থাক।

পাত্র হাতে ধন, সেই রাজকোষ পাকা।

আহা হা! আপনাদের সংগ অমূল্য।

কিন্তু মহারাজের সংগ কত মূল্যবান, শ্রুতিভূষণমশায় তা বেশ জানেন। তাহলে আসুন শ্রুতিভূষণ, বৈরাগ্যসাধনের ফর্দ যা দিলেন সেটা সংগ্রহ করা যাক।

চলুন তবে চলুন, বিলম্ব কাজ নেই। মন্ত্রী এই সামান্য বিষয় নিয়ে যখন এত অধীর হয়েছেন তখন ঠুকে শান্ত করে এখনই আবার ফিরে আসছি।

আমার সর্বদা ভয় হয় পাছে আপনি রাজাশ্রয় ছেড়ে অরণ্যে চলে যান।

মহারাজ, মনটা মদুস্ত থাকলে কিছই ত্যাগ করতে হয় না—এই রাজগৃহে যতক্ষণ আমার সন্তোষ আছে ততক্ষণ এই আমার অরণ্য। এক্ষণে তবে আসি। মন্ত্রী, চলো চলো।

ঐ যে কবিশেখর আসছে—আমার তপস্যা ভাঙলে বৃদ্ধি। ওকে ভয় করি। ওরে পাকাচুল, কান ঢেকে থাক রে, কবির বাণী যেন প্রবেশপথ না পায়।

মহারাজ, আপনার এই কবিকে নাকি বিদায় করতে চান।

কবিত্ব যে বিদায়-সংবাদ পাঠালে, এখন কবিকে রেখে হবে কী।

সংবাদটা কোথায় পেঁছল।

ঠিক আমার কানের উপর। চেয়ে দেখো।

পাকাচুল? ওটাকে আপনি ভাবছেন কী।

যৌবনের শ্যামকে মূছে ফেলে সাদা করার চেষ্টা।

কারিকরের মতলব বোঝেন নি। ঐ সাদা ভূমিকার উপরে আবার নূতন রং লাগবে।



কই রঙের আভাস তো দেখি নে।

সেটা গোপনে আছে। সাদার প্রাণের মধ্যে সব রঙেরই বাসা।

চুপ, চুপ, চুপ করো, কবি, চুপ করো।

মহারাজ, এ-যৌবন ম্লান যদি হল তো হোক-না। আরেক যৌবনলক্ষ্মী আসছেন, মহারাজের কেশে তিনি তাঁর শূদ্র মল্লিকার মালা পাঠিয়ে দিয়েছেন—নেপথ্যে সেই মিলনের আয়োজন চলছে।

আরে, আরে, তুমি দেখাছি বিপদ বাধাবে, কবি। যাও যাও তুমি যাও—ওরে, শ্রুতিভূষণকে দৌড়ে ডেকে নিয়ে আয়।

তাকে কেন, মহারাজ।

বৈরাগ্য সাধন করব।

সেই খবর শুনেনি তো ছুটে এসেছি, এ সাধনায় আমিই তো আপনার সহচর।

তুমি?

হাঁ মহারাজ, আমরাই তো পৃথিবীতে আছি মানুষের আসক্তি মোচন করবার জন্য।

বুদ্ধিতে পারলুম না।

এতদিন কাব্য শুনিয়ে এলুম তবু বুদ্ধিতে পারলেন না? আমাদের কথার মধ্যে বৈরাগ্য, সুরের মধ্যে বৈরাগ্য, ছন্দের মধ্যে বৈরাগ্য। সেইজনায়ে তো লক্ষ্মী আমাদের ছাড়েন, আমরাও লক্ষ্মীকে ছাড়বার জন্যে যৌবনের কানে মন্ত্র দিয়ে বেড়াই।

তোমাদের মন্ত্রটা কী।

আমাদের মন্ত্র এই যে, ওরে ভাই ঘরের কোণে তোদের থালি-থালি আঁকড়ে বসে থাকিস নে—বেরিয়ে পড় প্রাণের সদর রাস্তায়, ওরে যৌবনের বৈরাগীর দল।

সংসারের পথটাই বুদ্ধি তোমার বৈরাগ্যের পথ হল?

তা নয়তো কী মহারাজ। সংসারে যে কেবলই সরা, কেবলই চলা; তারই সংগে সংগে যে-লোক একতারা বাজিয়ে নৃত্য করতে করতে কেবলই সরে, কেবলই চলে, সে-ই তো বৈরাগী, সে-ই তো পৃথিক, সে-ই তো কবি-বাউলের চেলা।

তাহলে শান্তি পাব কী করে।

শান্তির উপরে তো আমাদের একটুও আসক্তি নেই, আমরা যে বৈরাগী।

কিন্তু ধ্রুব সম্পদটি তো পাওয়া চাই।

ধ্রুব সম্পদে আমাদের একটুও লোভ নেই, আমরা যে বৈরাগী।

সে কী কথা।—বিপদ বাধাবে দেখছি। ওরে শ্রুতিভূষণকে ডাক।

আমরা অধ্রুব মন্ত্রের বৈরাগী। আমরা কেবলই ছাড়তে ছাড়তে পাই, তাই ধ্রুবটাকে মানি নে।

এ তোমার কী রকম কথা।

পাহাড়ের গুহা ছেড়ে যে-নদী বেরিয়ে পড়েছে তার বৈরাগ্য কি দেখেন নি মহারাজ। সে অনায়াসে আপনাকে ঢেলে দিতে দিতেই আপনাকে পায়। নদীর পক্ষে ধ্রুব হচ্ছে বালির মরুভূমি—তার মধ্যে সেঁধলেই বেচারা গেল। তার দেওয়া যেমনি ঘোচে অমনি তার পাওয়াও ঘোচে।

ঐ শোনো কবিশেখর, কান্না শোনো। ঐ তো তোমার সংসার।

ওরা মহারাজের দূর্ভিক্ষকাতর প্রজা।

আমার প্রজা? বল কী কবি। সংসারের প্রজা ওরা। এ দুঃখ কি আমি সৃষ্টি করেছি। তোমার কবিমন্ত্রের বৈরাগীরা এ দুঃখের কী প্রতিকার করতে পারে বলো তো।

মহারাজ, এ দুঃখকে তো আমরাই বহন করতে পারি। আমরা যে নিজেকে ঢেলে দিয়ে বয়ে চলছি। নদী কেমন ক'রে ভার বহন করে দেখেছেন তো। মাটির পাকা রাস্তাই হল যাকে বলেন ধ্রুব, তাই তো ভারকে কেবলই সে ভারী করে তোলে। বোঝা তার উপর দিয়ে আতর্নাদ করতে করতে চলে, আর তারও বৃদ্ধ ক্ষত বিক্ষত হয়ে যায়। নদী আনন্দে বয়ে চলে, তাই তো সে আপনার ভার লাঘব করেছে ব'লেই বিশ্বের ভার লাঘব করে। আমরা ডাক দিয়েছি সকলের সব সুখ-দুঃখকে চলার লীলায় বয়ে নিয়ে যাবার জন্যে। আমাদের বৈরাগীর ডাক। আমাদের বৈরাগীর সর্দার যিনি, তিনি এই সংসারের পথ দিয়ে নেচে চলেছেন, তাই তো বসে থাকতে পারি নে—

পথ দিয়ে কে যায় গো চলে

ডাক দিয়ে সে যায়।

আমার ঘরে থাকাই দায়।

পথের হাওয়ায় কী সুদূর বাজে,

বাজে আমার বৃদ্ধের মাঝে,

বাজে বেদনায়।

আমার ঘরে থাকাই দায়।

পূর্ণিমাতে সাগর হতে

ছুটে এল বান,

আমার লাগল প্রাণে টান।

আপন মনে মেলে আঁখি

আর কেন বা পড়ে থাকি

কিসের ভাবনায়।

আমার ঘরে থাকাই দায়।

যাক গে শ্রুতিভূষণ। ওহে কবিশেখর, আমার কী মূর্খাকিল হয়েছে জান। তোমার কথা আমি এক বিন্দুবিষগও বৃদ্ধিতে পারি নে অথচ তোমার সুদূরটা আমার বৃদ্ধে গিয়ে বাজে। আর শ্রুতিভূষণের ঠিক তার উলটো; তার কথাগুলো খুবই স্পষ্ট বোঝা যায় হে—ব্যাকরণের সঙ্গেও মেলে—কিন্তু সুদূরটা—সে কী আর বলব।

মহারাজ, আমাদের কথা তো বোঝবার জন্যে হয় নি, বাজবার জন্যে হয়েছে।

এখন তোমার কাজটা কী বলো তো কবি।

মহারাজ, ঐ যে তোমার দরজার বাইরে কান্না উঠেছে ঐ কান্নার মাঝখান দিয়ে এখন ছুটেতে হবে।

ওহে কবি, বল কী তুমি। এ সমস্ত কেজো লোকের কাজ, দুর্ভিক্ষের মধ্যে তোমরা কী করবে।

কেজো লোকেরা কাজ বেসুদুরো করে ফেলে, তাই সুদূর বাঁধবার জন্যে আমাদের ছুটে আসতে হয়।

ওহে কবি, আর-একটু স্পষ্ট ভাষায় কথা কও।

মহারাজ, ওরা কত'ব্যকে ভালোবাসে ব'লে কাজ করে, আমরা প্রাণকে ভালোবাসি ব'লে কাজ করি—এইজন্যে ওরা আমাদের গাল দেয়, বলে নিষ্কর্মা, আমরা ওদের গাল দিই, বলি নিজপী'ব।

কিন্তু জিতটা হল কার।

আমাদের, মহারাজ, আমাদের।

তার প্রমাণ?

পৃথিবীতে যা-কিছু সকলের বড়ো তার প্রমাণ নেই। পৃথিবীতে যত কবি যত কবিষ্ম সমস্ত যদি ধুয়ে-মুছে ফেলতে পার তাহলেই প্রমাণ হবে এতদিন কেজো লোকেরা তাদের কাজের জোরটা কোথা থেকে পাচ্ছিল, তাদের ফসলখেতের মূলের রস জুগিয়ে এসেছে কারা। মহারাজ, আপনার দরজার বাইরে ঐ যে কান্না উঠেছে সে কান্না থামায় কারা। যারা বৈরাগ্যবারিধির তলায় ডুব মেরেছে তারা নয়, যারা বিষয়কে আঁকড়ে ধরে রয়েছে তারা নয়, যারা কাজের কৌশলে হাত পাঁকিয়েছে তারাও নয়, যারা কতব্যের শব্দে রত্নাক্ষর মালা জপছে তারাও নয়, যারা অপরিপাক্ত প্রাণকে বৃকের মধ্যে পেয়েছে বলেই জগতের কিছুতে যাদের উপেক্ষা নেই, জয় করে তারা, ত্যাগ করেও তারাই, বাঁচতে জানে তারা, মরতেও জানে তারা, তারা জোরের সঙ্গে দৃংথ পায়, তারা জোরের সঙ্গে দৃংথ দূর করে—সৃষ্টি করে তারাই, কেননা তাদের মন্ত্র আনন্দের মন্ত্র, সব-চেয়ে বড়ো বৈরাগ্যের মন্ত্র।

ওহে কবি, তাহলে তুমি আমাকে কী করতে বল।

উঠতে বলি, মহারাজ, চলতে বলি। ঐ যে কান্না, ও-যে প্রাণের কাছে প্রাণের আহ্বান। কিছু করতে পারব কি না সে পরের কথা—কিন্তু ডাক শুনে যদি ভিতরে সাড়া না দেয়, প্রাণ যদি না দলে ওঠে তবে অকর্তব্য হল বলে ভাবনা নয়, তবে ভাবনা মেরেছি বলে।

কিন্তু মরবই যে, কবিশেখর, আজ হোক আর কাল হোক।

কে বললে মহারাজ, মিথ্যা কথা। যখন দেখছি বেঁচে আছি তখন জানি যে বাঁচবই; যে আপনার সেই বাঁচটাকে সবদিক থেকে যাচাই করে দেখলে না সে-ই বলে মরব—সে-ই বলে 'নিলিনীদলগত জলমতি তরলং তবং জীবনমতিশয় চপলং'।

কী বল হে, কবি, জীবন চপল নয়?

চপল। বৈকি, কিন্তু অনিত্য নয়। চপল জীবনটা চিরদিন চপলতা করতে করতেই চলবে। মহারাজ, আজ তুমি তার চপলতা বন্ধ করে মরবার পালা অভিনয় আরম্ভ করতে বসেছ?

ঠিক বলছ কবি? আমরা বাঁচবই?

বাঁচবই।

যদি বাঁচবই তবে বাঁচার মতো করেই বাঁচতে হবে—কী বল।

হাঁ মহারাজ।

প্রতিহারী!

কী মহারাজ।

ডাকো, ডাকো, মন্ত্রীকে এখনই ডাকো।

কী মহারাজ।

মন্ত্রী, আমাকে এতক্ষণ বাসিয়ে রেখেছ কেন।

ব্যস্ত ছিলুম।

কিসে।

বিজয়বর্মাকে বিদায় করে দিতে।

কী মন্থাকিল। বিদায় করবে কেন। যুদ্ধের পরামর্শ আছে যে।

চাঁনের সন্ন্যাসের দূতের জন্যে বাহনের ব্যবস্থা—

কেন, বাহন কিসের।

মহারাজের তো দর্শন হবে না তাই তাঁকে ফিরিয়ে দেবার—

মন্ত্রী, আশ্চর্য করলে দেখছি—রাজকার্য কি এমনি করেই চলবে। হঠাৎ তোমার হল কী।

তার পরে আমাদের কবিশেখরের বাসা ভাঙবার জন্যে লোকের সন্ধান করছিলুম—আর তো কেউ রাজি হয় না, কেবল দিঙনাগের বংশে যারা অলংকারের আর ব্যাকরণ-শাস্ত্রের টোল খুলেছেন তারা দলে-দলে শাবল হাতে ছুটে আসছেন।

সর্বনাশ! মন্ত্রী, পাগল হলে নাকি। কবিশেখরের বাসা ভেঙে দেবে?

ভয় নেই মহারাজ, বাসাটা একেবারে ভাঙতে হবে না। শ্রুতিভূষণ খবর পেয়েই স্থির করেছেন কবিশেখরের ঐ বাসাটা আজ থেকে তিনিই দখল করবেন।

কী বিপদ। সরস্বতী যে তাহলে তাঁর বাগানখানা আমার মাথার উপর আছড়ে ভেঙে ফেলবেন। না, না, সে হবে না।

আর-একটা কাজ ছিল—শ্রুতিভূষণকে কাগুনপুত্রের সেই বৃহৎ জনপদটা—

ওহো, সেই জনপদটার দানপত্র তৈরি হয়েছে বৃদ্ধি? সেটা কিন্তু আমাদের এই কবিশেখরকে—

সে কী কথা মহারাজ। আমার পুরস্কার তো জনপদ নয়—আমরা জন-পদের সেবা তো কখনো করি নি—তাই ঐ পদপ্রাপ্তিটা আশাও করি নে।

আচ্ছা, তবে ওটা শ্রুতিভূষণের জন্যই থাক্।

আর, মহারাজ, দূর্ভিক্ষপীড়িত প্রজাদের বিদায় করবার জন্যে সৈন্যদলকে আহ্বান করছি।

মন্ত্রী, আজ দেখছি পদে পদে তোমার বৃদ্ধির বিভ্রাট ঘটছে। দূর্ভিক্ষকাতর প্রজাদের বিদায় করবার ভালো উপায় অন্ন দিয়ে, সৈন্য দিয়ে নয়।

মহারাজ!

কী প্রতিহারী।

বৈরাগ্যবারিধি নিয়ে শ্রুতিভূষণ এসেছেন।

সর্বনাশ করলে। ফেরাও তাকে ফেরাও। মন্ত্রী, দেখো হঠাৎ যেন শ্রুতিভূষণ না এসে পড়ে। আমার দুর্বল মন, হয়তো সামলাতে পারব না, হয়তো অন্যমনস্ক হয়ে বৈরাগ্যবারিধির ডুব-জলে গিয়ে পড়ব। ওহে কবিশেখর, আমাকে কিছুমাত্র সময় দিয়ো না—প্রাণটাকে জাগিয়ে রাখো—একটা যা-হয়-কিছু করো—যেমন এই ফাল্গুনের হাওয়াটা যা-খুশি-তাই করছে তেমনি তরো। হাতে কিছু তৈরি আছে হে? একটা নাটক, কিংবা প্রকরণ, কিংবা রূপক, কিংবা ভাণ, কিংবা—

তৈরি আছে—কিন্তু সেটা নাটক, কি প্রকরণ, কি রূপক, কি ভাণ তা ঠিক বলতে পারব না।

যা রচনা করেছে তার অর্থ কি কিছু গ্রহণ করতে পারব।

না মহারাজ। রচনা তো অর্থগ্রহণ করবার জন্যে নয়।

তবে?

সেই রচনাকেই গ্রহণ করবার জন্যে। আমি তো বলেছি আমার এ-সব জিনিস বাঁশির মতো, বোঝবার জন্যে নয়, বাজবার জন্যে।

বল কী হে কবি, এর মধ্যে তত্ত্বকথা কিছুই নেই?

কিছু না।

তবে তোমার ও-রচনাটা বলছে কী।

ও বলছে, আমি আছি। শিশু জন্মাবামাত্র চোঁচিয়ে ওঠে, সেই কান্নার মানে জানেন মহারাজ? শিশু হঠাৎ শূন্যতে পায় জলস্থল-আকাশ তাকে চার দিক থেকে বলে উঠেছে—‘আমি আছি।’—তারই উত্তরে ঐ প্রাণটুকু সাড়া পেয়ে বলে ওঠে—‘আমি আছি।’

আমার রচনা সেই সদ্যোজাত শিশুর কান্না, বিশ্বব্রহ্মাণ্ডের ডাকের উত্তরে প্রাণের সাড়া।

তার বেশি আর কিচ্ছু না?

কিচ্ছু না। আমার রচনার মধ্যে প্রাণ ব'লে উঠেছে, স্রুতে দঃখে, কাজে বিশ্রামে, জন্মে মৃত্যুতে, জয়ে পরাজয়ে, লোকে লোকান্তরে জয় এই আমি-আছির জয়, জয় এই আনন্দময় আমি-আছির জয়।

ওহে কবি, তত্ত্ব না থাকলে আজকের দিনে তোমার এ জিনিস চলবে না।

সে-কথা সত্য মহারাজ। আজকের দিনের আধুনিকেরা উপার্জন করতে চায়, উপলব্ধি করতে চায় না। ওরা বুদ্ধিমান!

তাহলে শ্রোতা কাদের ডাকা যায়। আমার রাজবিদ্যালয়ের নবীন ছাত্রদের ডাকব কি।

না মহারাজ, তারা কাব্য শব্দেও তর্ক করে। নতুন-শিং-ওঠা হরিণশিশুর মতো ফুলের গাছকেও গড়তো মেরে মেরে বেড়ায়।

তবে?

ডাক দেবেন যাদের চুলে পাক ধরেছে।

সে কী কথা কবি।

হাঁ মহারাজ, সেই প্রৌঢ়দেরই যৌবনটি নিরাসক্ত যৌবন। তারা ভোগবতী পার হয়ে আনন্দলোকের ডাঙা দেখতে পেয়েছে। তারা আর ফল চায় না, ফলতে চায়।

ওহে কবি, তবে তো এতদিন পরে ঠিক আমার কাব্য শোনবার বয়েস হয়েছে। নিজস্ববর্মাকেও ডাকা যাক।

ডাকুন।

চীন-সম্রাটের দৃতকে?

ডাকুন।

আমার শব্দর এসেছেন শুনছি—

তাকে ডাকতে পারেন—কিন্তু শব্দরের ছেলেগুলির সম্বন্ধে সন্দেহ আছে।

তাই ব'লে শব্দরের মেয়ের কথাটা ভুলো না কবি।

আমি ভুললেও তাঁর সম্বন্ধে ভুল হবার আশঙ্কা নেই।

আর শ্রুতিভ্রমকে?

না মহারাজ, তাঁর প্রতি তো আমার কিছুমাত্র বিদ্বেষ নেই, তাঁকে কেন দঃখ দিতে যাব।

কবি তাহলে প্রস্তুত হও গে।

না মহারাজ, আমি অপ্রস্তুত হয়েই কাজ করতে চাই। বেশি বানাতে গেলেই সত্য ছাই-চাপা পড়ে।

চিত্রপট—

চিত্রপটে প্রয়োজন নেই—আমার দরকার চিত্রপট—সেইখানে শব্দ স্রুর তুলি বুলিয়ে ছবি জগাব।

এ-নাটকে গান আছে নাকি।

হাঁ মহারাজ, গানের চাবি দিয়েই এর এক-একটি অঙ্কের দরজা খোলা হবে।

গানের বিষয়টা কী।

শীতের বস্ত্রহরণ।

এ তো কোনো পদ্যে পড়া যায় নি।

বিশ্বপদ্যে এই গীতের পালা আছে। ঋতুর নাট্যে বৎসরে বৎসরে শীত-বুড়োটার ছদ্মবেশ খসিয়ে তার বসন্ত-রূপ প্রকাশ করা হয়, দেখি পদ্যাতনটাই নতুন।

এ তো গেল গানের কথা, বাকিটা?

বাকিটা প্রাণের কথা।

সে কী রকম।

যৌবনের দল একটা বৃদ্ধোর পিছনে ছুটে চলেছে। তাকে ধরবে ব'লে পণ। গৃহহার মধ্যে ঢুকে যখন ধরলে তখন—

তখন কী দেখলে।

কী দেখলে সেটা যথাসময়ে প্রকাশ হবে।

কিন্তু একটা কথা বৃদ্ধতে পারলুম না। তোমার গানের বিষয় আর তোমার নাট্যের বিষয়টা আলাদা নাকি।

না মহারাজ—বিশ্বের মধ্যে বসন্তের যে লীলা চলছে আমাদের প্রাণের মধ্যে যৌবনের সেই একই লীলা। বিশ্বকবি সেই গীতিকাব্য থেকেই তো ভাব চুরি করেছি।

তোমার নাটকের প্রধান পাত্র কে কে।

এক হচ্ছে সর্দার।

সে কে।

যে আমাদের কেবলই চালিয়ে নিয়ে যাচ্ছে। আর-একজন হচ্ছে চন্দ্রহাস।

সে কে।

যাকে আমরা ভালোবাসি—আমাদের প্রাণকে সে-ই প্রিয় করেছে।

আর কে আছে।

দাদা—প্রাণের আনন্দটাকে যে অনাবশ্যক বোধ করে, কাজটাকেই যে সার মনে করেছে।

আর কেউ আছে?

আর আছে এক অন্ধ বাউল।

অন্ধ?

হাঁ মহারাজ, চোখ দিয়ে দেখে না ব'লেই সে তার দেহ মন প্রাণ সমস্ত দিয়ে দেখে।

তোমার নাটকের প্রধান পাত্রদের মধ্যে আর কে আছে।

আপনি আছেন।

আমি?

হাঁ মহারাজ, আপনি যদি এর ভিতরে না থেকে বাইরেই থাকেন তাহলে কবিকে গাল দিয়ে বিদায় করে ফের শ্রুতিভূষণকে নিয়ে বৈরাগ্যবারিধির চৌপদী ব্যাখ্যায় মন দেবেন। তাহলে মহারাজের আর মৃষ্টির আশা নেই। স্বয়ং বিশ্বকবি হার মানবেন—ফাল্গুনের দক্ষিণ হাওয়া দক্ষিণা না পেয়েই বিদায় হবে।

প্রথম দৃশ্যের গীতি-ভূমিকা  
নবীনের আবির্ভাব

১

বেগুননের গান

ওগো দখিন হাওয়া, পথিক হাওয়া,  
দোদুল দোলায় দাও দু'লিয়ে।  
নুতন পাতার পলক-ছাওয়া  
পরশখানি দাও দু'লিয়ে।  
আমি পথের ধারের ব্যাকুল-বেগু,  
হঠাৎ তোমার সাড়া পেন্দু,  
আহা, এসো আমার শাখায় শাখায়  
প্রাণের গানের ঢেউ তুলিয়ে।

ওগো দখিন হাওয়া, পথিক হাওয়া,  
পথের ধারে আমার বাসা।  
জানি তোমার আসাযাওয়া,  
শুনি তোমার পায়ের ভাষা।  
আমায় তোমার ছোঁয়া লাগলে পরে  
একটুকুতেই কাঁপন ধরে,  
আহা, কানে-কানে একটি কথায়  
সকল কথা নেয় ভুলিয়ে।

২

পাখির নীড়ের গান

আকাশ আমায় ভরল আলোয়,  
আকাশ আমি ভরব গানে।  
সুন্দের আবীর হানব হাওয়ায়,  
নাচের আবীর হাওয়ায় হানে।  
ওরে পলাশ, ওরে পলাশ,  
রাঙা রঙের শিখায় শিখায়  
দিকে দিকে আগুন জ্বলাস,  
আমার মনের রাগরাগিণী  
রাঙা হল রঙিন তানে।  
দখিন হাওয়ায় কুসুমবনের  
বৃকের কাঁপন থামে না যে।

নীল আকাশে সোনার আলোয়  
 কচি পাতার নুপুড় বাজে।  
 ওরে শিরীষ, ওরে শিরীষ,  
 মৃদু হাসির অন্তরালে  
 গন্ধজালে শূন্য ঘিরিস।  
 তোমার গন্ধ আমার কণ্ঠে  
 আমার হৃদয় টেনে আনে।

৩

ফুলন্ত গাছের গান  
 ওগো নদী, আপন বেগে  
 পাগল-পারা,  
 আমি স্তম্ভ চাঁপার তরু  
 গন্ধভরে তন্দ্রাহারা।  
 আমি সদা অচল থাকি,  
 গভীর চলা গোপন রাখি,  
 আমার চলা নবীন পাতায়,  
 আমার চলা ফুলের ধারা।

ওগো-নদী, চলার বেগে  
 পাগল-পারা,  
 পথে পথে বাহির হয়ে  
 • আপন-হারা।  
 আমার চলা যায় না বলা,  
 আলোর পানে প্রাণের চলা,  
 আকাশ বোঝে আনন্দ তার,  
 বোঝে নিশার নীরব তারা।

প্রথম দৃশ্য

সূত্রপাত

পথ

যুবকদের প্রবেশ

গান

ওরে ভাই      ফাগুন লেগেছে বনে বনে—  
 ডালে ডালে ফুলে ফলে পাতায় পাতায় রে,  
 আড়ালে আড়ালে কোণে কোণে।



রঙে রঙে রঙিল আকাশ,  
 গানে গানে নিখিল উদাস,  
 যেন চল-চঞ্চল নব পল্লবদল  
 মর্মরে মোর মনে মনে।  
 ফাগুন লেগেছে বনে বনে।  
 হেরো হেরো অবনীর রঙ্গ  
 গগনের করে তপোভঙ্গ।  
 হাসির আঘাতে তার মৌন রহে না আর  
 কেপে কেপে ওঠে ক্ষণে ক্ষণে।  
 বাতাস ছুটিছে বনময় রে,  
 ফুলের না জানে পরিচয় রে।  
 তাই বৃষ্টি বারে বারে কুঞ্জের ম্বারে ম্বারে  
 শূন্যে ফিরিছে জনে জনে।  
 ফাগুন লেগেছে বনে বনে।

ফাগুনের গুণ আছে রে ভাই, গুণ আছে।

বুঝলি কী করে।

নইলে আমাদের এই দাদাকে বাইরে টেনে আনে কিসের জোরে।

তাই তো—দাদা আমাদের চৌপদীছন্দের বোঝাই নৌকো—ফাগুনের গুণে বাঁধা পড়ে কাগজ কলমের উলটো মূখে উঁজিয়ে চলেছে।

চন্দ্রহাস। ওরে ফাগুনের গুণ নয় রে। আমি চন্দ্রহাস, দাদার তুলট কাগজের হলদে পাতা-গুলো পিয়াল বনের সবুজ পাতার মধ্যে লুকিয়ে রেখেছি; দাদা খুঁজতে বের হয়েছে।

তুলট কাগজগুলো গেছে আপদ গেছে কিন্তু দাদার সাদা চাদরটা তো কেড়ে নিতে হচ্ছে।

চন্দ্রহাস। তাই তো, আজ পৃথিবীর ধূলোমাটি পর্যন্ত শিউরে উঠেছে আর এ পর্যন্ত দাদার গায়ে বসন্তের আমেজ লাগল না!

দাদা। আহা কী মুশকিল। বয়েস হয়েছে যে।

পৃথিবীর বয়েস অন্তত তোমার চেয়ে কম নয়, কিন্তু নবীন হতে ওর লজ্জা নেই।

চন্দ্রহাস। দাদা, তুমি বসে বসে চৌপদী লিখছ, আর এই চেয়ে দেখো সমস্ত জল স্থল কেবল নবীন হবার তপস্যা করছে।

দাদা, তুমি কোটরে বসে কবিতা লেখ কী করে।

দাদা। আমার কবিতা তো তাদের কবিশেখরের কম্পমঞ্জরীর মতো শৌখিন কাব্যের ফুলের চাষ নয় যে কেবল বাইরের হাওয়ায় দোল খাবে। এতে সার আছে রে, ভার আছে।

যেমন কচু। মাটির দখল ছাড়ে না।

দাদা। শোন্ তবে বলি—

ঐ রে দাদা এবার চৌপদী বের করবে।

এল রে এল চৌপদী এল। আর ঠেকান গেল না।

ভো ভো পৃথিবীন্দ্র, সাবধান, দাদার মস্ত চৌপদী চঞ্চল হয়ে উঠেছে।

চন্দ্রহাস। না দাদা, তুমি ওদের কথায় কান দিয়ো না। শোনাও তোমার চৌপদী। কেউ না টিকতে পারে আমি শেষ পর্যন্ত টিকে থাকব। আমি ওদের মতো কাপড়দুষ্ট নই।

আচ্ছা বেশ, আমরাও শুনব।

যেমন করে পারি শুনবই।

খাড়া দাঁড়িয়ে শুনব। পালাব না।

চৌপদীর চোট যদি লাগে তো বৃকে লাগবে, পিঠে লাগবে না।

কিন্তু দোহাই দাদা, একটা। তার বেশি নয়।

দাদা। আচ্ছা, তবে তোরা শোন—

বংশে শৃঙ্গ বংশী যদি বাজে

বংশ তবে ধ্বংস হবে লাজে।

বংশ নিঃস্ব নহে বিশ্বমাঝে

যেহেতু সে লাগে বিশ্বকাজে।

আর-একটু ধৈর্য ধরো ভাই, এর মানেটা—

আবার মানে!

একে চৌপদী—তার উপর আবার মানে।

দাদা। একটু বুঝিয়ে দিই—অর্থাৎ বাঁশে যদি কেবলমাত্র বাঁশি বাজত তাহলে—

না, আমরা বুঝব না।

কোনোমতেই বুঝব না।

কার সাধ্য আমাদের বোঝায়।

আমরা কিছ্ বুঝব না বলেই আজ বেরিয়ে পড়েছি।

আজ কেউ যদি আমাদের জোর ক'রে বোঝাতে চায় তাহলে আমরা জোর ক'রে ভুল বুঝব।

দাদা। ও শ্লোকটার অর্থ হচ্ছে এই যে, বিশ্বের হিত যদি না করি তবে—

তবে? তবে বিশ্ব হাঁপ ছেড়ে বাঁচে।

দাদা। ঐ কথাটাকেই আর-একটু স্পষ্ট করে বলছি—

অসংখ্য নক্ষত্র জ্বলে সশব্দক নিশীথে।

অম্বরে লম্বিত তারা লাগে কার হিতে।

শূন্যে কোন পদ্য আছে আলোক বাঁটিতে।

মর্ত্যে এলে কর্ম লাগে মাটিতে হাঁটিতে।

ওহে, তবে আমাদের কথাটাকেও আর-একটু স্পষ্ট ক'রে বলতে হল দেখছি। ধরো দাদাকে ধরো—ওকে আড়কোলা করে নিয়ে চলো ওর কোর্টরে।

দাদা। তোরা অত ব্যস্ত হচ্ছিস কেন বল তো। বিশেষ কাজ আছে?

বিশেষ কাজ।

অত্যন্ত জরুরি।

দাদা। কাজটা কী শুন।

বসন্তের ছুটিতে আমাদের খেলাটা কী হবে তাই খুঁজে বের করতে বেরিয়েছি।

দাদা। খেলা? দিনরাতই খেলা?

সকলে।

গান

মোদের যেমন খেলা তেমনি যে কাজ

জানিস নে কি ভাই।

তাই কাজকে কভু আমরা না ডরাই।

খেলা মোদের লড়াই করা,

খেলা মোদের বাঁচা মরা,

খেলা ছাড়া কিছুই কোথাও নাই।

ঐ যে আমাদের সর্দার আসছে, ভাই।

আমাদের সর্দার!

সর্দার। কী রে, ভারি গোল বাধিয়েছিস যে।

চন্দ্রহাস। তাই বন্ধি থাকতে পারলে না?

সর্দার। বেরিয়ে আসতে হল।

ঐ জনোই গোল করি।

সর্দার। ঘরে বন্ধি টিংকতে দিবি নে?

তুমি ঘরে টিংকলে আমরা বাইরে টিংক কী করে।

চন্দ্রহাস। এতবড়ো বাইরেটা পত্তন করতে তো চন্দ্র সূর্য তারা কম খরচ হয় নি, এটাকে আমরা যদি কাজে লাগাই তবে বিধাতার মন্থরক্ষা হবে।

সর্দার। তোদের কথাটা কী হচ্ছে বল্ তো।

কথাটা হচ্ছে এই—

মোদের যেমন খেলা তেমনি যে কাজ  
জানিস নে কি ভাই।

সর্দার।

খেলতে খেলতে ফুটেছে ফুল,  
খেলতে খেলতে ফল যে ফলে,  
খেলারই ঢেউ জলে স্থলে।  
ভয়ের ভীষণ রক্তরাগে  
খেলার আগুন যখন লাগে  
ভাঙাচোরা জ্বলে যে হয় ছাই।

সকলে।

মোদের যেমন খেলা তেমনি যে কাজ  
জানিস নে কি ভাই।

আমাদের এই খেলাটাতেই দাদার আপত্তি।

দাদা। কেন আপত্তি করি বলব। শুনবি?

বলতে পার দাদা, কিন্তু শুনব কি না তা বলতে পারি নে।

দাদা। সময় কাজেরই বিত্ত, খেলা তাহে চুরি।

সিঁধ কেটে দণ্ডপল লহ ভুরি ভুরি।

কিন্তু চোরাধন নিয়ে নাই হয় কাজ।

তাই তো খেলারে বিজ্ঞ দেয় এত লাজ।

চন্দ্রহাস। বল কী তুমি দাদা। সময় জিনিসটাই যে খেলা, কেবল চলে যাওয়াই তার লক্ষ্য।

দাদা। তাহলে কাজটা?

চন্দ্রহাস। চলার বেগে যে ধুলো ওড়ে কাজটা তাই, ওটা উপলক্ষ্য।

দাদা। আচ্ছা সর্দার, তুমি এর নিষ্পত্তি করে দাও।

সর্দার। আমি কিছুরই নিষ্পত্তি করি নে। সংকট থেকে সংকটে নিয়ে চলি—ঐ আমার সর্দার।

দাদা। সব জিনিসের সীমা আছে কিন্তু তোদের যে কেবলই ছেলেমানুষি!

তার কারণ, আমরা যে কেবলই ছেলেমানুষ! সব জিনিসের সীমা আছে কেবল ছেলেমানুষের সীমা নেই।

(দাদাকে ঘেরিয়া নৃত্য)

দাদা। তোদের কি কোনোকালেই বয়েস হবে না।

না, হবে না বয়েস, হবে না।

বুড়ো হয়ে মরব তবু বয়েস হবে না।

বয়েস হলেই সেটাকে মাথা মর্দিয়ে ঘোল ঢেলে নদী পার করে দেব।

মাথা মড়োবার খরচ লাগবে না ভাই—তার মাথাভরা টাক।

গান

আমাদের পাকবে না চুল গো—মোদের  
পাকবে না চুল।  
আমাদের ঝরবে না ফুল গো—মোদের  
ঝরবে না ফুল।  
আমরা ঠেকব না তো কোনো শেষে,  
ফুরয় না পথ কোনো দেশে রে।  
আমাদের ঘুচবে না ভুল গো—মোদের  
ঘুচবে না ভুল।

সদাঁর। আমরা নয়ন মৃদে করব না ধ্যান  
করব না ধ্যান।  
নিজের মনের কোণে খুঁজব না জ্ঞান  
খুঁজব না জ্ঞান।  
আমরা ভেসে চলি স্রোতে স্রোতে  
সাগরপানে শিখর হতে রে,  
আমাদের মিলবে না কুল গো—মোদের  
মিলবে না কুল।

এই উঠতি বয়সেই দাদার যে-রকম মতিগতি, তাতে কোন্ দিন উনি সেই বড়োর কাছে মন্তর  
নিতে যাবেন—আর দেরি নেই।

সদাঁর। কোন্ বড়ো রে।

চন্দ্রহাস। সেই যে মাথাভার আমলের বড়ো। কোন্ গৃহার মধ্যে তলিয়ে থাকে, মরবার  
নাম করে না।

সদাঁর। তার খবর তোরা পেলি কোথা থেকে।

যার সঙ্গে দেখা হয় সবাই তার কথা বলে।

পৃথিতে তার কথা লেখা আছে।

সদাঁর। তার চেহারাটা কী রকম।

কেউ বলে, সে সাদা, মড়ার মাথার খুলির মতো; কেউ বলে, সে কালো, মড়ার চোখের  
কোটরের মতো।

কেন, তুমি কি তার খবর রাখ না সদাঁর।

সদাঁর। আমি তাকে বিশ্বাস করি নে।

বাঃ, তুমি যে উলটো কথা বললে। সেই বড়োই তো সবচেয়ে বেশি করে আছে। বিশ্বব্রহ্মাণ্ডের  
পাঁজরের ভিতরে তার বাসা।

পণ্ডিতজি বলে, বিশ্বাস যদি কাউকে না করতে হয় সে কেবল আমাদের। আমরা আছি কি  
নেই তার কোনো ঠিকানাই নেই।

চন্দ্রহাস। আমরা যে ভারি কাঁচা, আমরা যে একেবারে নতুন, ভবের রাজ্যে আমাদের পাকা  
দাঁল কোথায়।

সদাঁর। সর্বনাশ করলে দেখছি। তোরা পণ্ডিতের কাছে আনাগোনা শুরু করেছিস নাকি।  
তাতে ক্ষতি কী সদাঁর।

সদাঁর। পৃথির বুলির দেশে ঢুকলে যে একেবারে ফ্যাকাশে হয়ে যাবি। কার্তিকমাসের সাদা

কুশাশার মতো। তোদের মনের মধ্যে একটুও রক্তের রং থাকবে না। আচ্ছা এক কাজ কর। তোরা খেলার কথা ভাবছিছিল?

হাঁ সর্দার, ভাবনায় আমাদের চোখে ঘুম ছিল না।

আমাদের ভাবনার চোটে পাড়ার লোক রাজদরবারে নালিশ করতে ছুটোছিল।

সর্দার। একটা নতুন খেলা বলতে পারি।

বলো, বলো, বলো।

সর্দার। তোরা সবাই মিলে বড়োটাকে ধরে নিয়ে আয়।

নতুন বটে, কিন্তু এটা ঠিক খেলা কি না জানি নে।

সর্দার। আমি বলছি এ তোরা পারবি নে।

পারব না? বলো কী। নিশ্চয়ই পারব।

সর্দার। কখনো পারবি নে।

আচ্ছা যদি পারি?

সর্দার। তাহলে গুরু ব'লে আমি তোদের মানব।

গুরু! সর্বনাশ! আমাদের সন্মুখ বড়ো বানিয়ে দেবে?

সর্দার। তবে কী চাস বল।

তোমার সর্দারি আমরা কেড়ে নেব।

সর্দার। তাহলে ভো বাঁচি রে! তোদের সর্দারি কি সোজা কাজ। এমনই অস্থির করে রেখেছি যে হাড়গুলো-সন্মুখ উলটো-পালটা হয়ে গেছে।—তাহলে রইল কথা?

চন্দ্রহাস। হাঁ রইল কথা। দোলপূর্ণিমার দিনে তাকে ঝোলায় উপর দোলাতে দোলাতে তোমার কাছে হাজির করে দেব।

কিন্তু তাকে নিয়ে কী করবে সর্দার।

সর্দার। বসন্ত উৎসব করব।

বল কী। তাহলে যে আমার বোলগুলো ধরতে ধরতেই আঁট হয়ে যাবে।

আর কোকিলগুলো পেঁচা হয়ে সব লক্ষ্মীর খোঁজে বেরবে।

চন্দ্রহাস। আর ভ্রমরগুলো অনুস্বার বিসর্গের চোটে বাতাসটাকে ঘুলিয়ে দিয়ে মন্ডর জপতে থাকবে।

সর্দার। আর তোদের খুলিটা সন্মুখিতে এমনই বোঝাই হবে যে এক পা নড়তে পারবি নে।

সর্বনাশ!

সর্দার। আর ঐ ঝুমকো-লতায় যেমন গাঁঠে গাঁঠে ফুল ধরেছে তেমনই তোদের গাঁঠে গাঁঠে বাতে ধরবে।

সর্বনাশ!

সর্দার। আর তোরা সবাই নিজের দাদা হয়ে নিজের কান মলতে থাকবি।

সর্বনাশ!

সর্দার। আর—

আর কাজ কী সর্দার। থাক্ বড়োখরা খেলা। ওটা বরং শীতের দিনেই হবে। এবার তোমাকে নিয়েই—

সর্দার। তোদের দেখছি আগে থাকতেই বড়োর ছোঁয়াচ লেগেছে।

কেন, কী লক্ষণটা দেখলে।

সর্দার। উৎসাহ নেই? গোড়াতেই পেঁছিয়ে গেলি? দেখ্ই না কী হয়।

আচ্ছা, বেশ। রাজি।

চল্ রে সব চল্।

বড়োর খোঁজে চল্।

যেখানে পাই তাকে পাকা চুলটার মতো পট্ করে উপড়ে আনব।  
 শূন্যেছি উপড়ে আনার কাজে তারই হাত পাকা। নিড়নি তার প্রধান অস্ত্র।  
 ভয়ের কথা রাখ্। খেলতেই যখন বেরলুম তখন ভয়, চৌপদী, পশ্চিম, পশ্চিম, এ-সব ফেলে  
 যেতে হবে।

গান

আমাদের ভয় কাহারে।  
 বড়ো বড়ো চোর ডাকাতে  
 কী আমাদের করতে পারে।  
 আমাদের রাস্তা সোজা, নাইকো গলি,  
 নাইকো ঝড়লি, নাইকো থলি,  
 ওরা আর যা কাড়ে কাড়ুক, মোদের  
 পাগ্লামি কেউ কাড়বে না রে।  
 আমরা চাই নে আরাম, চাই নে বিরাম,  
 চাই নে যে ফল, চাই নে রে নাম,  
 মোরা ওঠায় পড়ায় সমান নাচি,  
 সমান থেলি জিতে হারে—  
 আমাদের ভয় কাহারে।

দ্বিতীয় দৃশ্যের গীতি-ভূমিকা

প্রবীণের দ্বিধা

১

দুরন্ত প্রাণের গান

আমরা খুঁজি খেলার সাথী।  
 ভোর না হতে জাগাই তাদের  
 ঘুমায় যারা সারা রাত।  
 আমরা ডাকি পাখির গলায়,  
 আমরা নাচি বকুলতলায়,  
 মন ভোলাবার মন্দ জানি,  
 হাওয়াতে ফাঁদ আমরা পাতি।

মরণকে তো মানি নে রে,  
 কালের ফাঁসি ফাঁসিয়ে দিয়ে  
 লুট-করা ধন নিই যে কেড়ে।  
 আমরা তোমার মনোচোরা,  
 ছাড়ব না গো তোমায় মোরা,  
 চলেছ কোন্ অধারপানে,  
 সেথাও জ্বলে মোদের বাতি।

২

শীতের বিদায়-গান

ছাড়্ গো তোরা ছাড়্ গো,  
 আমি চলব সাগর-পার গো।  
 বিদায়-বেলায় এ কী হাসি,  
 ধরলি আগমনীর বাঁশি।  
 যাবার সূরে আসার সূরে  
 করলি একাকার গো।

সবাই আপনপানে  
 আমায় আবার কেন টানে।  
 পদ্রানো শীত পাতা-ঝরা,  
 তারে এমন নতুন-করা?  
 মাঘ মরিল ফাগুন হয়ে  
 খেয়ে ফুলের মার গো।

৩

নবযৌবনের গান

আমরা নতুন প্রাণের চর।  
 আমরা থাকি পথে ঘাটে  
 নাই আমাদের ঘর।  
 নিয়ে পকু পাতার পুঁজি  
 পালাবে শীত ভাবছ বৃষ্টি।  
 ও-সব কেড়ে নেব, উড়িয়ে দেব  
 দখিন হাওয়ার 'পর।

তোমায় বাঁধব নতুন ফুলের মালায়  
 বসন্তের এই বন্দীশালায়।  
 জীর্ণ জরার ছশ্মরূপে  
 এড়িয়ে যাবে চুপে চুপে?  
 তোমার সকল ভূষণ ঢাকা আছে  
 নাই যে অগোচর গো।

উদ্ভাস্ত শীতের গান  
 ছাড়্ গো আমায় ছাড়্ গো—  
 আমি চলব সাগর-পার গো।  
 রঙের খেলার, ভাই রে,  
 আমার সময় হাতে নাই রে।  
 তোমাদের ওই সবুজ ফাগে  
 চক্ষে আমার ধাঁদা লাগে,  
 আমায় ভোদের প্রাণের দাগে  
 দাগিস নে ভাই আর গো।

### দ্বিতীয় দৃশ্য

সন্ধান

ঘাট

ওগো ঘাটের মাঝি, ঘাটের মাঝি, দরজা খোলো।  
 মাঝি। কেন গো, তোমরা কাকে চাও।  
 আমরা বড়োকে খুঁজতে বেরিয়েছি।  
 মাঝি। কোন্ বড়োকে।  
 চন্দ্রহাস। কোন্-বড়োকে না। বড়োকে।  
 মাঝি। তিনি কে।  
 চন্দ্রহাস। আহা, আদ্যকালের বড়ো।  
 মাঝি। ওঃ বড়োছি। তাকে নিয়ে করবে কী।  
 বসন্ত-উৎসব করব।  
 মাঝি। বড়োকে নিয়ে বসন্ত-উৎসব? পাগল হয়েছে?  
 পাগল হঠাৎ হই নি। গোড়া থেকেই এই দশা।  
 আর অন্তিম পর্যন্তই এই ভাব।

গান

আমাদের খেঁপিয়ে বেড়ায় যে  
 কোথায় নদীকিয়ে থাকে রে।  
 ছুটল বেগে ফাগুন হাওয়া  
 কোন্ খ্যাপামির নেশায় পাওয়া;  
 ঘূর্ণা হাওয়ায় ঘুরিয়ে দিল সূর্যতারাকে।  
 মাঝি। ওহে তোমাদের হাওয়ার জোর আছে—দরজায় ধাক্কা লাগিয়েছে।  
 এখন সেই বড়োটার খবর দাও।  
 মাঝি। সেই যে বড়িটা রাস্তার মোড়ে বসে চরকা কাটে তাকে জিজ্ঞাসা করলে হয় না?  
 জিজ্ঞাসা করেছিলুম—সে বলে, সামনে দিয়ে কত ছায়া যায়, কত ছায়া আসে, কাকেই বা চিনি।  
 ও যে একই জায়গায় বসে থাকে, ও কারও ঠিকানা জানে না।



মাঝি, তুমি ঘাটে ঘাটে অনেক ঘুরেছ, তুমি নিশ্চয় বলতে পার কৌথায় সেই—

মাঝি। ভাই, আমার ব্যাবসা হচ্ছে পথ ঠিক করা—কাদের পথ, কিসের পথ সে আমার জানবার দরকার হয় না। আমার দৌড় ঘাট পর্যন্ত, ঘর পর্যন্ত না।

আচ্ছা চলো তো, পথগুলো পরখ করে দেখা যাক।

গান

কোন্ খ্যাপামির তালে নাচে

পাগল সাগরনীর।

সেই তালে যে পা ফেলে বাই,

রইতে নারি স্থির।

চল্ রে সোজা, ফেল্ রে বোঝা,

রেখে দে তোর রাস্তা খোঁজা,

চলার বেগে পায়ের তলায়

রাস্তা জেগেছে।

মাঝি। ঐ যে কোটাল আসছে, ওকে জিজ্ঞাসা করলে হয়—আমি পথের খবর জানি, ও পথিকদের খবর জানে।

ওহে কোটাল হে, কোটাল হে।

কোটাল। কে গো, তোমরা কে।

আমাদের যা দেখছ তাই, পরিচয় দেবার কিছুই নেই।

কোটাল। কী চাই।

চন্দ্রহাস। বড়োকে খুঁজতে বেরিয়েছি।

কোটাল। কোন্ বড়োকে।

সেই চিরকালের বড়োকে।

কোটাল। এ তোমাদের কেমন খেয়াল। তোমরা খোঁজ তাকে? সে-ই তো তোমাদের খোঁজ করছে।

চন্দ্রহাস। কেন বলো তো।

কোটাল। সে নিজের হিমরঙটা গরম করে নিতে চায়, তপ্ত ঘোঁষনের 'পরে তার বড়ো লোভ।

চন্দ্রহাস। আমরা তাকে কষে গরম করে দেব, সে-ভাবনা নেই। এখন দেখা পেলো হয়। তুমি তাকে দেখেছ?

কোটাল। আমার রাতের বেলার পাহারা—দেখি ঢের লোক, চেহারা বদ্বি নে। কিন্তু বাপ, তাকেই সকলে বলে ছেলেধরা, উলটে তোমরা তাকে ধরতে চাও—এটা যে পুরো পাগলামি।

দেখেছ? ধরা পড়েছি। পাগলামিই তো। চিনতে দেরি হয় না।

কোটাল। আমি কোটাল, পথ-চলতি যাদের দেখি সবাই এক ছাঁচের। তাই অশুভ কিছুর দেখলেই চোখে ঠেকে।

ঐ শোনো! পাড়ার ভদ্রলোকমাত্রই ঐ কথা বলে—আমরা অশুভ।

আমরা অশুভ বৈকি, কোনো ভুল নেই।

কোটাল। কিন্তু তোমরা ছেলেমানুষি করছ।

ঐ রে, আবার ধরা পড়েছি। দাদাও ঠিক ঐ কথাই বলে।

অতি প্রাচীন কাল থেকে আমরা ছেলেমানুষিই করছি।

ওতে আমরা একেবারে পাকা হয়ে গেছি।

চন্দ্রহাস। আমাদের এক সদাঁর আছে, সে ছেলেমানুষিতে প্রবীণ। সে নিজের খেয়ালে এমনি হুঁহু করে চলেছে যে তার বয়েসটা কোন্ পিছনে খসে পড়ে গেছে, হুঁশ নেই।

কোটাল। আর তোমরা ?

আমরা সব বয়েসের গুটি-কাটা প্রজাপতি।

কোটাল। (জনান্তিকে মাঝির প্রতি) পাগল রে, একেবারে উন্মাদ পাগল।

মাঝি। বাপ, এখন তোমরা কী করবে।

চন্দ্রহাস। আমরা যাব।

কোটাল। কোথায়।

চন্দ্রহাস। সেটা আমরা ঠিক করি নি।

কোটাল। যাওয়াটাই ঠিক করেছে কিন্তু কোথায় যাবে সেটা ঠিক কর নি?

চন্দ্রহাস। সেটা চলতে চলতে আপনি ঠিক হয়ে যাবে।

কোটাল। তার মানে কী হল।

তার মানে হচ্ছে—

গান

চলি গো, চলি গো, যাই গো চলে।

পথের প্রদীপ জ্বলে গো

গগন-তলে।

বাজিয়ে চলি পথের বাঁশি,

ছড়িয়ে চলি চলার হাসি,

রঙিন বসন উড়িয়ে চলি

জলে স্থলে।

কোটাল। তোমরা বড়ি কথার জবাব দিতে হলে গান গাও ?

হাঁ। নইলে ঠিক জবাবটা বেরয় না। সাদা কথায় বলতে গেলে ভারি অস্পষ্ট হয়, বোঝা যায় না।

কোটাল। তোমাদের বিশ্বাস, তোমাদের গানগুলো খুব পষ্ট।

চন্দ্রহাস। হাঁ, ওতে সুর আছে কিনা।

গান

পাথক ভুবন ভালোবাসে

পাথকজনে রে।

এমন সুরে তাই সে ডাকে

ক্ষণে ক্ষণে রে।

চলার পথের আগে আগে

ঋতুর ঋতুর সোহাগ জাগে,

চরণঘায়ে মরণ মরে

পলে পলে।

কোটাল। কোনো সহজ মানুষকে তো কথা বলতে বলতে গান গাইতে শুনিনি নি।

আবার ধরা পড়ে গেছি রে, আমরা সহজ মানুষ না।

কোটাল। তোমাদের কোনো কাজকর্ম নেই বড়ি ?

না। আমাদের ছুটি।

কোটাল। কেন বলো তো।

চন্দ্রহাস। পাছে সময় নষ্ট হয়।

কোটাল। এটা তো বোঝা গেল না।

ঐ দেখো—তাহলে আবার গান ধরতে হল।

কোটাল। না তার দরকার নেই। আর বেশি বোঝবার আশা রাখি নে।

সবাই আমাদের বোঝবার আশা ছেড়ে দিয়েছে।

কোটাল। এমন হলে তোমাদের চলাবে কী করে।

চন্দ্রহাস। আর তো কিছুই চলবার দরকার নেই—শুধু আমরাই চলি।

কোটাল। (মাঝির প্রতি) পাগল রে! উন্মাদ পাগল!

চন্দ্রহাস। এই যে এতক্ষণ পরে দাদা আসছে।

কী দাদা, পিছিয়ে পড়েছিলে কেন।

চন্দ্রহাস। ওরে আমরা চলি উনপঞ্চাশ বায়ুর মতো, আমাদের ভিতরে পদার্থ কিছুই নেই; আর দাদা চলে শ্রাবণের মেঘ—মাঝে মাঝে থমকে দাঁড়িয়ে ভারমোচন করতে হয়। পথের মধ্যে ওকে শ্লোকরচনায় পেয়েছিল।

দাদা। চন্দ্রহাস, দৈবাৎ তোমার মুখে এই উপমাটি উপাদেয় হয়েছে। ওর মধ্যে একটু সার কথা আছে। আমি ওটি চৌপদীতে গেঁথে নিচ্ছি।

চন্দ্রহাস। না, না, এখন থাক্ দাদা। আমরা কাজে বেরিয়েছি। তোমার চৌপদীর চার পা, কিন্তু চলবার বেলা এতবড়ো খোঁড়া জন্তু জগতে দেখতে পাওয়া যায় না।

দাদা। আপনি কে।

মাঝি। আমি ঘাটের মাঝি।

দাদা। আর আপনি?

কোটাল। আমি পাড়ার কোটাল।

দাদা। তা উত্তম হল—আপনাদের কিছু শোনাতে ইচ্ছা করি। বাজে জিনিস না—কাজের কথা।

মাঝি। বেশ, বেশ। আহা, বলেন, বলেন।

কোটাল। আমাদের গুরু বলেছিলেন, ভালো কথা বলবার লোক অনেক মেলে কিন্তু ভালো কথা যে-মরদ খাড়া দাঁড়িয়ে শুনতে পারে তাকেই সাবাস। ওটা ভাগ্যের কথা কিনা। তা বলো ঠাকুর বলো।

দাদা। আজ পথে যেতে যেতে দেখলুম, রাজপুরুষ একজন বন্দীকে নিয়ে চলেছে। শুনলুম, সে কোনো শ্রেষ্ঠী, তার টাকার লোভেই রাজা মিথ্যা ছদ্মভূত করে তাকে ধরেছে। শুনে আমি নিকটেই মন্দির দোকানে বসে এই শ্লোকাটি রচনা করেছি। দেখো বাপু, আমি বানিয়ে একটি কথাও লিখি নে। আমি যা লিখব রাস্তায় ঘাটে তা মিলিয়ে নিতে পারবে।

ঠাকুর, কী লিখেছ শুন।

দাদা।

আত্মরস লক্ষ্য ছিল বলে

ইক্ষু মরে ভিক্ষুর কবলে।

ওরে মূর্খ, ইহা দেখি শিক্ষ—

ফল দিয়ে রক্ষা পায় বৃক্ষ।

বুঝেছ? রস জমায় বলেই ইক্ষু বেটা মরে, যে গাছ ফল দেয় তাকে তো কেউ মারে না।

কোটাল। ওহে মাঝি, খাসা লিখেছে হে।

মাঝি। ভাই কোটাল, কথাটির মধ্যে সার আছে।

কোটাল। শুনলে মানুষের চৈতন্য হয়। আমাদের কায়েতের পো এখানে থাকলে ওটা লিখে নিতুম রে। পাড়ায় খবর পাঠিয়ে দে।

সর্বনাশ করলে রে।

চন্দ্রহাস। ও ভাই মাঝি, তুমি যে বললে আমাদের সঙ্গে বেরবে, দাদার চৌপদী জমলে তো আর—

মাঝি। আরে রসুন মশায়, পাগলামি রেখে দিন। ঠাকুরকে পেয়েছি, দুটো ভালো কথা শুনে নিই—বয়েস হয়ে এল, কোন দিন মরব।

ভাই, সেইজন্যই তো বলছি, আমাদের সঙ্গে পেয়েছ, ছেড়ো না।

চন্দ্রহাস। দাদাকে চিরদিনই পাবে কিন্তু আমরা একবার ম'লে বিধাতা শ্বিতীয়বার আর এমন ভুল করবেন না।

(বাহির হইতে) ওগো কোটাল, কোটাল, কোটাল!

কে রে। অনাথ কল্দু দেখছি। কী হয়েছে।

কল্দু। সেই যে ছেলেটাকে পুঁষেছিলুম, তাকে বৃষ্টি কাল রাতে ভুলিয়ে নিয়ে গেছে সেই ছেলেধরা।

কোন ছেলেধরা।

কল্দু। সেই বড়ো।

চন্দ্রহাস। বড়ো? বলিস কী রে।

কল্দু। আপনারা অত খুঁশি হন কেন।

ওটা আমাদের একটা বিস্তী স্বভাব। আমরা খামকা খুঁশি হয়ে উঠি।

কোটাল। পাগল! একেবারে উন্মাদ পাগল!

চন্দ্রহাস। তাকে তুমি দেখেছ হে?

কল্দু। বোধ হয় কাল রাতে তাকেই দূর থেকে দেখেছিলুম।

কী রকম চেহারাটা।

কল্দু। কালো, আমাদের এই কোটাল দাদার চেয়েও। একেবারে রাত্রে সঙ্গে মিশিয়ে গেছে।

আর বৃকে দুটো চক্ষু জোনাক পোকার মতো জ্বলছে।

ওহে বসন্ত-উৎসবে তো মনাবে না।

চন্দ্রহাস। ভাবনা কী। তেমন যদি দেখি তবে এবার নাহয় পূর্ণিমায় উৎসব না করে অমাবস্যায় করা যাবে। অমাবস্যায় বৃকে তো চোখের অভাব নেই।

কোটাল। ওহে বাপু, তোমরা ভালো কাজ করছ না।

না, আমরা ভালো কাজ করছি নে।

আবার ধরা পড়েছি রে, আমরা ভালো কাজ করছি নে।

কী করব অভ্যাস নেই।

যেহেতু আমরা ভালোমানুষ নই।

কোটাল। এ কি ঠাট্টা পেয়েছ। এতে বিপদ আছে।

বিপদ? সেইটেই তো ঠাট্টা।

গান

ভালোমানুষ নই রে মোরা

ভালোমানুষ নই।

গুণের মধ্যে ওই আমাদের

গুণের মধ্যে ওই।

দেশে দেশে নিন্দে রটে,

পদে পদে বিপদ ঘটে,

পুঁথির কথা কই নে মোরা

উলটো কথা কই।

কোটাল। ওহে বাপু, তোমরা যে কোন সর্দারের কথা বলছিলে, সে গেল কোথায়। সে সঙ্গে থাকলে যে তোমাদের সামলাতে পারত।

সে সঙ্গে থাকে না পাছে সামলাতে হয়।

সে আমাদের পথে বের করে দিয়ে নিজে সরে দাঁড়ায়।

কোটাল। এ তার কেমনতরো সর্দারি।  
 চন্দ্রহাস। সর্দারি করে না বলেই তাকে সর্দার করেছে।  
 কোটাল। দিবি্য সহজ কাজটি তো সে পেয়েছে।  
 চন্দ্রহাস। না ভাই, সর্দারি করা সহজ, সর্দার হওয়া সহজ নয়।

গান

জন্ম মোদের ব্যহুস্পর্শে,  
 সকল অনাসৃষ্টি।  
 ছুটি নিলেন বৃহস্পতি,  
 রইল শনির দৃষ্টি।  
 অযাচাতে নৌকো ভাসা,  
 রাখি নে ভাই ফলের আশা,  
 আমাদের আর নাই যে গতি  
 ভেসেই চলা বই।

দাদা, চলো তবে, বেরিয়ে পড়ি।

কোটাল। না, না ঠাকুর, ওদের সঙ্গে কোথায় মরতে যাবে।

মাঝি। তুমি আমাদের শৈলোক শোনাও, পাড়ার মানদুষ সব এল বলে। এ-সব কথা শোনা ভালো।

দাদা। না ভাই, এখান থেকে আমি নড়ছি নে।

তাহলে আমরা নড়ি। পাড়ার মানদুষ আমাদের সহিতে পারে না।

পাড়াকে আমরা নাড়া দিই, পাড়া আমাদের তাড়া দেয়।

ঐ যে চৌপদীর গন্ধ পেয়েছে, মউমাছির গুঞ্জন শোনা যাচ্ছে।

পাড়ার লোক। ওরে মাঝির এখানে পাঠ হবে।

কে গো। তোমরাই পাঠ করবে নাকি।

আমরা অন্য অনেক অসহ্য উৎপাত করি কিন্তু পাঠ করি নে।

ঐ পুণ্যের জোরেই আমরা রক্ষা পাব।

পাড়ার লোক। এরা বলে কী রে। হেঁয়ালি নাকি।

চন্দ্রহাস। আমরা যা নিজে বদ্বিষ তাই বলি; হঠাৎ হেঁয়ালি বলে ভ্রম হয়। আর তোমরা যা খুবই বোঝ দাদা তাই তোমাদের বদ্বিষ্নে বলবে, হঠাৎ গভীর জ্ঞানের কথা বলে মনে হবে।

একজন বালকের প্রবেশ

বালক। আমি পারলুম না। কিছুতে তাকে ধরতে পারলুম না।

কাকে ভাই।

বালক। ঐ তোমরা যে-বুড়োর খোঁজ করছিলে তাকে।

তাকে দেখেছ নাকি।

বালক। সে বোধ হয় রথে চড়ে গেল।

কোন দিকে।

বালক। কিছুই ঠাওরাতে পারলুম না। কিন্তু তার চাকার ঘর্ষণহাওয়ায় এখনো ধুলো উড়ছে।

চল্ তবে চল্।

শুকনো পাতায় আকাশ ছেয়ে দিয়ে গেছে।

[ প্রস্থান

কোটাল। পাগল! উন্মাদ পাগল!

## তৃতীয় দৃশ্যের গীতি-ভূমিকা

প্রবীণের পরাভব

১

বসন্তের হাসির গান

ওর ভাব দেখে যে পায় হাসি। হায় হায় রে।  
 মরণ-আয়োজনের মাঝে  
 বসে আছেন কিসের কাজে  
 প্রবীণ প্রাচীন প্রবাসী। হায় হায় রে।  
 এবার দেশে যাবার দিনে  
 আপনাকে ও নিক্ না চিনে,  
 সবাই মিলে সাজাও ওকে  
 নবীন রূপের সন্ধ্যাসী। হায় হায় রে।  
 এবার ওকে মজিয়ে দে রে  
 হিসাব-ভুলের বিষম ফেরে।  
 কেড়ে নে ওর থলি-থালি,  
 আয় রে নিয়ে ফুলের ডালি,  
 গোপন প্রাণের পাগলাকে ওর  
 বাইরে দে আজ প্রকাশি'। হায় হায় রে।

২

আসন্ন মিলনের গান

আর নাই যে দেরি নাই যে দেরি।  
 সামনে সবার পড়ল ধরা  
 তুমি যে ভাই আমাদেরি।  
 হিমের বাহু-বাঁধন টুটি  
 পাগলা ঝোরা পাবে ছুটি,  
 উত্তরে এই হাওয়া তোমার  
 বইবে উজান কুঞ্জ ঘেরি'।

আর নাই যে দেরি, নাই যে দেরি।  
 শূন্য না কি জলে স্থলে  
 জাদুকরের বাজল ভেরি।  
 দেখছ না কি এই আলোকে  
 খেলছে হাসি রবির চোখে,  
 সাদা তোমার শ্যামল হবে  
 ফিরব মোরা তাই যে হেরি'।

## তৃতীয় দৃশ্য

সন্দেশ

মাঠ

সবাই বলে ঐ, ঐ, ঐ—তার পরে চেয়ে দেখলেই দেখা যায় শব্দধ্ব ধূলো আর শব্দকনো পাতা।  
তার রথের ধ্বজাটা মেঘের মধ্যে যেন একবার দেখা দিয়েছিল।  
কিন্তু দিক ভুল হয়ে যায়। এই ভাবি পদবে, এই ভাবি পশ্চিমে।  
এমনি করে সমস্ত দিন ধূলো আর ছায়ার পিছনে ঘুরে ঘুরেই হয়রান হয়ে গেলুম। বেলা  
যে গেল রে ভাই, বেলা যে গেল।

সত্যি কথা বলি, যতই বেলা যাচ্ছে ততই মনে ভয় ঢুকছে।

মনে হচ্ছে ভুল করেছি।

সকালবেলাকার আলো কানে কানে বললে, সাবাস, এগিয়ে চলো—বিকেলবেলাকার আলো তাই  
নিয়ে ভারি ঠাট্টা করছে।

ঠকলুম বন্ধি রে।

দাদার চোপদীগুলোর উপরে ক্রমে শ্রম্ভা বাড়ছে।

ভয় হচ্ছে আমরাও চোপদী লিখতে বসে যাব—বড়ো দেরি নেই।

আর পাড়ার লোক আমাদের ঘিরে বসবে।

আর এমনি তাদের ভয়ানক উপকার হতে থাকবে যে, তারা এক পা নড়বে না।

আমরা রাতি বেলাকার পাথরের মতো ঠান্ডা হয়ে বসে থাকব।

আর তারা আমাদের চারদিকে কুয়াশার মতো ঘন হয়ে জমবে।

ও ভাই, আমাদের সর্দার এ-সব কথা শুনলে বলবে কী।

ওরে আমার ক্রমে বিশ্বাস হচ্ছে সর্দারই আমাদের ঠকিয়েছে। সে আমাদের মিথ্যে ফাঁকি দিয়ে  
খাটিয়ে নেয়, নিজে সে কুণ্ডের সর্দার।

ফিরে চল্ রে। এবার সর্দারের সঙ্গে লড়ব।

বলব, আমরা চলব না—দুই পা কাঁধের উপর মুড়ে বসব। পা দুটো লক্ষ্মীছাড়া, পথে পথেই  
ঘুরে মরল।

হাত দুটোকে পিছনের দিকে বেঁধে রাখব।

পিছনের কোনো বালাই নেই রে, যত মশকিল এই সামনেটাকে নিয়ে।

শরীরে যতগুলো অঙ্গ আছে তার মধ্যে পিঠটাই সত্যি কথা বলে। সে বলে চিত হয়ে পড়্,  
চিত হয়ে পড়্।

কাঁচা বয়সে বুকটা বুক ফুলিয়ে চলে কিন্তু পরিণামে সেই পিঠের উপরেই ভর—পড়তেই  
হয় চিত হয়ে।

গোড়াতেই যদি চিতপাত দিয়ে শব্দ করা যেত তাহলে মাঝখানে উৎপাত থাকত না রে।

আমাদের গ্রামের ছায়ার নিচে দিয়ে সেই যে ইরা নদী বয়ে চলেছে তার কথা মনে পড়ছে ভাই।

সেদিন মনে হয়েছিল, সে বলছে, চল্, চল্, চল্—আজ মনে হচ্ছে ভুল শুনিয়েছিলুম, সে  
বলছে, ছল, ছল, ছল। সংসারটা সবই ছল রে।

সে-কথা আমাদের পিণ্ডিত গোড়াতেই বলিয়েছিল।

এবারে ফিরে গিয়েই একেবারে সোজা সেই পিণ্ডিতের চণ্ডীমণ্ডপে।

পুঁথি ছাড়া আর এক পা চলা নয়।

কী ভুলটাই করেছিলুম। ভেবেছিলুম চলাটাই বাহাদুরি। কিন্তু না-চলাই যে গ্রহ নক্ষত্র জল  
হাওয়া সমস্তের উলটো। সেটাই তো তেজের কথা হল।

ওরে বীর, কোমর বাঁধ্ রে—আমরা চলব না।

ওরে পাণ্ডায়ান, তাল ঠুকে বসে পড়, আমরা চলব না।

চলচ্ছিত্তং চলচ্ছিত্তং—আমাদের চিত্তেও কাজ নেই, বিত্তেও কাজ নেই; আমরা চলব না।

চলজীবনবোবনং—আমাদের জীবনও থাক্ বোবনও থাক্, আমরা চলব না।

যেখান থেকে যাত্রা শুরুর করেছি ফিরে চল।

না রে সেখানে ফিরতে হলেও চলতে হবে।

তবে?

তবে আর কী। যেখানে এসে পড়েছি এইখানেই বসে পড়ি।

মনে করি এইখানেই বরাবর বসে আছি।

জন্মাবার ঢের আগে থেকে।

মরার ঢের পরে পর্যন্ত।

ঠিক বলেছি, তাহলে মনটা স্থির থাকবে। আর-কোথাও থেকে এসেছি জানলেই আর-কোথাও যাবার জন্যে মন ছটফট করে।

আর-কোথাওটা বড়ো সর্বনেশে দেশ রে।

সেখানে দেশটা সুস্থ চল। তার পথগুলো চল।

কিন্তু আমরা—

গান

মোরা চলব না।

মুকুল ঝরে ঝরুক, মোরা ফলব না।

সূর্য তারা আগুন ভুগে

জ্বলে মরুক যুগে যুগে,

আমরা যতই পাই-না জ্বালা

জ্বলব না।

বনের শাখা কথা বলে,

কথা জাগে সাগর-জলে,

এই ভুবনে আমরা কিছুই

বলব না।

কোথা হতে লাগে রে টান,

জীবনজলে ডাকে রে বান,

আমরা তো এই প্রাণের টলার

টলব না।

ওরে হাসি রে হাসি।

ঐ হাসি শোনা যাচ্ছে।

বাঁচা গেল, এতক্ষণে একটা হাসি শোনা গেল।

যেন গুমের ঘোমটা খুলে গেল।

এ যেন বৈশাখের এক পশলা বৃষ্টি।

কর হাসি ভাই।

শুনেই বদ্বাতে পারছি নে, আমাদের চন্দ্রহাসের হাসি?

কী আশ্চর্য হাসি ওর।

যেন ঝরনার মতো, কালো পাথরটাকে ঠেলে নিয়ে চলে।

যেন সূর্যের আলো, কুয়াশার তাড়কা রাক্ষসীকে তলোয়ার দিয়ে টুকরো টুকরো করে কাটে।

যাক আমাদের চৌপদীর ফাঁড়া কটল। এবার উঠে পড়।

এবার কাজ ছাড়া কথা নেই—চরাচরমিদং সর্বং কীর্তিষস্য স জীবতি।



ও আবার কী রকম কথা হল। ঈশানকে এখনও চোঁপদীর ভূত ছাড়ে নি।

কীর্তি? নদী কি নিজের ফেনাকে গ্রাহ্য করে। কীর্তি তো আমাদের ফেনা—ছড়াতে ছড়াতে চলে যাব। ফিরে তাকাব না।

এসো ভাই চন্দ্রহাস, এসো তোমার হাসিমুখে যে।

চন্দ্রহাস। বড়োর রাস্তার সন্ধান পেয়েছি।

কার কাছ থেকে।

চন্দ্রহাস। এই বাউলের কাছ থেকে।

ও কী। ও যে অন্ধ।

চন্দ্রহাস। সেইজন্যে ওকে রাস্তা খুঁজতে হয় না, ও ভিতর থেকে দেখতে পায়।

কী হে ভাই, ঠিক নিয়ে যেতে পারবে তো?

বাউল। ঠিক নিয়ে যাব।

কেমন করে।

বাউল। আমি যে পায়ের শব্দ শুনতে পাই।

কান তো আমাদেরও আছে, কিন্তু—

বাউল। আমি যে সব-দিয়ে শুনিনি—শুধু কান-দিয়ে না।

চন্দ্রহাস। রাস্তায় যাকে জিজ্ঞাসা করি বড়োর কথা শুনলেই আঁতকে ওঠে, কেবল দেখি এরই ভয় নেই।

ও বোধ হয় চোখে দেখতে পায় না বলেই ভয় করে না।

বাউল। না গো, আমি কেন ভয় করি নে বলি। একদিন আমার দৃষ্টি ছিল। যখন অন্ধ হলুম তখন হল দৃষ্টি বন্ধ হারালুম। কিন্তু চোখওয়ালার দৃষ্টি অস্ত যেতেই অন্ধের দৃষ্টি উদয় হল। সূর্য যখন গেল তখন দেখি অন্ধকারের বৃকের মধ্যে আলো। সেই অবধি অন্ধকারকে আমার আর ভয় নেই।

তাহলে এখন চলো। ঐ তো সন্ধ্যাতারা উঠেছে।

বাউল। আমি গান গাইতে গাইতে যাই, তোমরা আমার পিছনে পিছনে এসো। গান না গাইলে আমি রাস্তা পাই নে।

সে কী কথা হে।

বাউল। আমার গান আমাকে ছাড়িয়ে যায়—সে এগিয়ে চলে, আমি পিছনে চলি।

গান

ধীরে বন্ধু ধীরে ধীরে

চলো তোমার বিজন মন্দিরে।

জানি নে পথ, নাই যে আলো,

ভিতর বাহির কালোয় কালো,

তোমার চরণশব্দ বরণ করেছি

আজ এই অরণ্যগভীরে।

ধীরে বন্ধু ধীরে ধীরে।

চলো অন্ধকারের তীরে তীরে।

চলব আমি নিশীথরাতে

তোমার হাওয়ার ইশারাতে,

তোমার বসনগন্ধ বরণ করেছি

আজ এই বসন্তসমীরে।

চতুর্থ দৃশ্যের গীতি-ভূমিকা  
নবীনের জন্ম

১

প্রত্যাগত যৌবনের গান  
বিদায় নিয়ে গিয়েছিলেম  
বারে বারে।  
ভেবেছিলেম ফিরব না রে।  
এই তো আবার নবীন বেশে  
এলেম তোমার হৃদয়-দ্বারে।  
কে গো তুমি।—আমি বকুল;  
কে গো তুমি।—আমি পারদুল;  
তোমরা কে বা।—আমরা আমার মদকুল গো  
এলেম আবার আলোর পারে।

এবার যখন ঝরব মোরা  
ধরার বদকে  
ঝরব তখন হাসিমুখে।  
অফুরানের আঁচল ভরে  
মরব মোরা প্রাণের সন্ধে।  
তুমি কে গো।—আমি শিমূল;  
তুমি কে গো।—কামিনী ফুল;  
তোমরা কে বা।—আমরা নবীন পাতা গো  
শালের বনে ভারে ভারে।

২

নূতন আশার গান  
এই কথাটাই ছিলেম ভুলে—  
মিলব আবার সবার সাথে  
ফাল্গুনের এই ফুলে ফুলে।  
অশোক বনে আমার হিয়া  
নূতন পাতায় উঠবে জিয়া,  
বদকের মাতন টুটবে বাঁধন  
যৌবনেরই কূলে কূলে  
ফাল্গুনের এই ফুলে ফুলে।

বাঁশিতে গান উঠবে পূরে  
নবীন রবির বাণী-ভরা  
আকাশবাণীর সোনার সুরে।

আমার মনের সকল কোণে  
ভরবে গগন আলোক-ধনে,  
কান্নাহাসির বন্যারই নীর  
উঠবে আবার দুলে দুলে  
ফাঙ্গদুনের এই ফুলে ফুলে।

## ৩

বোঝাপড়ার গান  
এবার তো যৌবনের কাছে  
মেনেছ, হার মেনেছ?  
মেনেছি।  
আপন মাঝে নতুনকে আজ জেনেছ?  
জেনেছি।  
আবরণকে বরণ করে  
ছিলে কাহার জীর্ণ ঘরে।  
আপনাকে আজ বাহির করে এনেছ?  
এনেছি।

এবার আপন প্রাণের কাছে  
মেনেছ, হার মেনেছ?  
মেনেছি।  
মরণ মাঝে অমৃতকে জেনেছ?  
জেনেছি।  
লুকিয়ে তোমার অমরপদুরী  
ধূলা-অসদর করে চুরি,  
তাহারে আজ মরণ আঘাত হেনেছ?  
হেনেছি।

## ৪

নবীন রূপের গান  
এতদিন যে বসেছিলেম  
পথ চেয়ে আর কাল গুনে,  
দেখা পেলেম ফাঙ্গদুনে।  
বালক বীরের বেশে তুমি করলে বিশ্বজয়-  
এ কী গো বিস্ময়।  
অবাক আমি তরুণ গলার  
গান শুননে।

গন্ধে উদাস হাঁওয়ার মতো  
 উড়ে তোমার উত্তরী,  
 কর্ণে তোমার কৃষ্ণচূড়ার মঞ্জরী।  
 তরুণ হাসির আড়ালে কোন্  
 আগুন ঢাকা রয়—  
 এ কী গো বিস্ময়।  
 অস্ত্র তোমার গোপন রাখ  
 কোন্ তুণে।

### চতুর্থ দৃশ্য

প্রকাশ

গৃহান্ধার

দেখ্ দেখি ভাই, আবার আমাদের ফেলে রেখে চন্দ্রহাস কোথায় গেল।  
 ওকে কি ধরে রাখবার জো আছে।  
 বসে বিশ্রাম করি আমরা, ও চলে বিশ্রাম করে।  
 অন্ধ বাউলকে নিয়ে সে নদীর ওপারে চলে গেছে।  
 আর কিছু নয়, ঐ অন্ধের অন্ধতার মধ্যে সের্পিথে গিয়ে তবে ও ছাড়বে।  
 তাই আমাদের সর্দার ওকে ডুবুরি বলে।  
 চন্দ্রহাস একটু সরে গেলেই আর আমাদের খেলার রস থাকে না।  
 ও কাছে থাকলে মনে হয় কিছু হোক বা না হোক তবু মজা আছে। এমন কি বিপদের  
 আশঙ্কা থাকলে মনে হয় সে আরো বেশি মজা।  
 আজ এই রাতে ওর জন্যে মনটা কেমন করছে।  
 দেখছিলাম এখানকার হাওয়াটা কেমন তরো?  
 এখানে আকাশটা যেন যাবার বেলাকার বন্ধুর মতো মৃদুতর দিকে তাকিয়ে আছে।  
 যারা সেখানে বলছিল চল্ চল্, তারা এখানে বলছে যাই যাই।  
 কথটা একই, সুরটা আলাদা।  
 মনটার ভিতরে কেমন ব্যথা দিচ্ছে, তবু লাগছে ভালো।  
 ঝাউগাছের বীথিকার ভিতর দিয়ে কোথা থেকে এই একটা নদীর স্রোত চলে আসছে, এ যেন  
 কোন্ দূপদূররাতের চোখের জল।  
 পৃথিবীর দিকে এমন করে কখনো আমরা দেখি নি।  
 উদ্দীপ্তবাসে যখন সামনে ছুটি তখন সামনের দিকেই চোখ থাকে, চারপাশের দিকে  
 নয়।  
 বিদায়ের বাঁশিতে যখন কোমল ধৈর্য লাগে তখনই সকলের দিকে চোখ মেলি।  
 আর দেখি বড়ো মধুর। যদি সবাই চলে চলে না যেত তাহলে কি কোনো মাধুরী চোখে  
 পড়ত।  
 চলার মধ্যে যদি কেবলই তেজ থাকত তাহলে যৌবন শূন্য হয়ে যেত। তার মধ্যে কান্না আছে  
 তাই যৌবনকে সবুজ দেখি।  
 এই জায়গাটাতে এসে শূন্যতে পাঁচি জগৎটা কেবল পাব পাব বলছে না—সঙ্গে সঙ্গেই  
 বলছে ছাড়ব, ছাড়ব।

সৃষ্টির গোধূলিলগ্নে 'পাব'র সঙ্গে 'ছাড়ব'র বিয়ে হয়ে গেছে রে—তাদের মিল ভাঙলেই সব ভেঙে যাবে।

অন্ধ বাউল আমাদের এ কোন্ দেশে আনলে ভাই।

ঐ তারাগুলোর দিকে তাকাচ্ছ আর মনে হচ্ছে, যুগে যুগে যাদের ফেলে এসেছি তাদের অনিমেষ দৃষ্টিতে সমস্ত রাত একেবারে ছেয়ে রয়েছে।

ফুলগুলোর মধ্যে কারা বলছে মনে রেখো, মনে রেখো, তাদের নাম তো মনে নেই কিন্তু মন যে উদাস হয়ে ওঠে।

একটা গান না গাইলে বৃক ফেটে যাবে।

#### গান

তুই ফেলে এসেছিস কারে। (মন, মন রে আমার)

তাই জনম গেল, শান্তি পেলি না রে। (মন, মন রে আমার)

যে পথ দিয়ে চলে এলি

সে পথ এখন ভুলে গেলি,

কেনন করে ফিরবি তাহার দ্বারে। (মন, মন রে আমার)

নদীর জলে থাকি রে কান পেতে,

কাঁপে যে প্রাণ পাতার মর্মরেতে।

মনে হয় রে পাব খুঁজি

ফুলের ভাষা যদি বদ্বি,

যে-পথ গেছে সন্ধ্যাতারার পারে। (মন, মন রে আমার)

এবার আমাদের বসন্ত-উৎসবে এ কী রকম সুর লাগছে।

এ যেন করা পাতার সুর।

এতদিন বসন্ত তার চোখের জলটা আমাদের কাছে লুকিয়ে ছিল।

ভেবেছিল আমরা বৃষ্টিতে পারব না, আমরা যে যৌবনে দুরন্ত।

আমাদের কেবল হাসি দিয়ে ভুলোতে চেয়েছিল।

কিন্তু আজ আমরা আমাদের মনকে মজিয়ে নেব এই সমুদ্রপারের দীর্ঘনিশ্বাসে।

প্রিয়া এই পৃথিবী আমাদের প্রিয়া। এই সুন্দরী পৃথিবী। সে চাচ্ছে আমাদের যা আছে সমস্তই—আমাদের হাতের স্পর্শ, আমাদের হৃদয়ের গান—

চাচ্ছে যা আমাদের আপনার মধ্যে আপনার কাছ থেকেও লুকিয়ে আছে।

ও যে কিছু পায় কিছু পায় না, এইজন্যেই ওর কান্না। পেতে পেতেই সব হারিয়ে যায়।

ওগো পৃথিবী, তোমাকে আমরা ফাঁকি দেব না।

#### গান

আমি যাব না গো অমনি চলে।

মালা তোমার দেব গলে।

অনেক সুখে অনেক দুখে

তোমার বাণী নিলেম বৃকে,

ফাগুন শেষে যাবার বেলা

আমার বাণী যাব বলে।

কিছু হল, অনেক বাকি;

ক্ষমা আমায় করবে না কি।

গান এসেছে সদূর আসে নাই  
হল না যে শোনানো তাই,  
সে-সদূর আমার রইল ঢাকা  
নয়নজলে নয়নজলে।

ও ভাই, কে যেন গেল বোধ হচ্ছে।

আরে, গেল, গেল, গেল, এ ছাড়া আর তো কিছুই বোধ হচ্ছে না।

আমার গায়ের উপর কোন পৃথিবীর কাপড় ঠেকে গেল।

নিয়ে চলো পৃথিবী, নিয়ে চলো তোমার সঙ্গ, হাওয়া যেমন ফুলের গন্ধ নিয়ে যায়।

কাকে ধরে আনবার জন্যে বেরিয়েছিলুম কিন্তু ধরা দেবার জন্যেই মন আকুল হল।

#### বাউলের প্রবেশ

এই যে আমাদের বাউল। আমাদের এ-কোথায় এনেছ, এখানে সমস্ত পৃথিবী-জগতের নিশ্বাস  
আমাদের গায়ে লাগছে—সমস্ত তারাগল্লোর।

আমরা খেলাচ্ছিলে বেরিয়েছিলুম কিন্তু খেলাটা যে কী তা ভুলেই গেছি।

আমরা তাকেই ধরতে বেরিয়েছিলুম পৃথিবীর মধ্যে যে বড়ো।

রাস্তায় সবাই বললে সে ভয়ংকর। সে কেবলমাত্র একটা মৃগু, একটা হাঁ, যৌবনের চাঁদকে  
গিলে খাবার জন্যেই তার একমাত্র লোভ।

কিন্তু ভয় ভেঙে গেছে। মনের ভিতর বলছে সে যদি আমাকে চায় তবে আমিও বসে থাকব  
না। ফুল যাচ্ছে, পাতা যাচ্ছে, নদীর জল যাচ্ছে—তার পিছন পিছন আমিও যাব।

ও ভাই বাউল, তোমার একতারাতে একটা সদূর লাগাও। রাত কত হল কে জানে। হয়তো বা  
ভোর হয়ে এল।

#### বাউলের গান

সবাই যারে সব দিতেছে

তার কাছে সব দিয়ে ফেলি।

কবার আগে চাবার আগে

আপনি আমায় দেব মেলি।

নেবার বেলা হলেম ঋণী,

ভিড় করেছি, ভয় করি নি,

এখনো ভয় করব না রে,

দেবার খেলা এবার খেলি।\*

প্রভাত তারি সোনা নিয়

বেরিয়ে পড়ে নেচে-কুঁদে।

সন্ধ্যা তারে প্রণাম করে

সব সোনা তার দেয় রে শুধে।

ফোটা ফুলের আনন্দ রে

ঝরা ফুলেই ফলে ধরে,

আপনাকে ভাই ফুরিয়ে দেওয়া

চুকিয়ে দে তুই বেলাবেলি।

ওহে বাউল, চন্দ্রহাস এখনো এল না কেন।

বাউল। সে যে গেছে, তা জান না?

গেছে? কোথায় গেছে।

বাউল। সে বললে, আমি তাকে জয় করে আনব।

কাকে।

বাউল। যাকে সবাই ভয় করে। সে বললে, নইলে আমার কিসের যৌবন।

বাঃ এ তো বেশ কথা। দাদা গেল পাড়ার লোককে চৌপদী শোনাতে, আর চন্দ্রহাস কোথায় গেল ঠিকানাই নেই!

বাউল। সে বললে, যুগে যুগে মানুষ লড়াই করেছে, আজ বসন্তের হাওয়ায় তারি ঢেউ। তারি ঢেউ?

বাউল। হাঁ। খবর এসেছে মানুষের লড়াই শেষ হয় নি।

বসন্তের এই কি খবর।

বাউল। যারা ম'রে অমর, বসন্তের কাঁচ পাতায় তারাই পত্র পাঠিয়েছে। দিগ্দিগন্তে তারা রটাচ্ছে—‘আমরা পথের বিচার করি নি—আমরা পাথেয়ের হিসাব রাখি নি—আমরা ছুটে এসেছি, আমরা ফুটে বেরিয়েছি। আমরা যদি ভাবতে বসতুম তাহলে বসন্তের দশা কী হত।’

চন্দ্রহাস তাই বুদ্ধি খেপে উঠেছে?

বাউল। সে বললে—

গান

বসন্তে ফুল গাঁথল আমার

জয়ের মালা।

বইল প্রাণে দখিন হাওয়া

আগুন-জ্বালা।

পিছের বাঁশি কোণের ঘরে

মিছে রে ওই কে'দে মরে,

মরণ এবার আনল আমার

বরণ-ডালা।

যৌবনেরই ঝড় উঠেছে

আকাশ পাতালে।

নাচের তালের ঝংকারে তার

আমায় মাতালে।

কুড়িয়ে নেবার ঘুচল পেশা,

উড়িয়ে দেবার লাগল নেশা,

আরাম বলে, ‘এল আমার

যাবার পালা।’

কিন্তু সে গেল কোথায়।

বাউল। সে বললে, আমি পথ চেয়ে চুপ করে বসে থাকতে পারব না। আমি এগিয়ে গিয়ে ধরব। আমি জয় করে আনব।

কিন্তু গেল কোন্ দিকে।

বাউল। সেই গুহার মধ্যে চলে গেছে।

সে কী কথা। সে যে ঘোর অন্ধকার।

কোনো খবর না নিয়েই একেবারে—

বাউল। সে নিজেই খবর নিতে গেছে।

ফিরবে কখন।

তুইও যেমন। সে কি আর ফিরবে।

কিন্তু চন্দ্রহাস গেলে আমাদের জীবনের রইল কী।

আমাদের সর্দারের কাছে কী জবাব দেব।

এবার সর্দারও আমাদের ছাড়বে।

যাবার সময় আমাদের কী বলে গেল সে।

বাউল। বললে, আমার জন্যে অপেক্ষা কোরো, আমি আবার ফিরে আসব।

ফিরে আসবে? কেমন করে জানব।

বাউল। সে তো বললে, আমি জয়ী হয়ে ফিরে আসব।

তাহলে আমরা সমস্ত রাত অপেক্ষা করে থাকব।

বাউল, কোথায় আমাদের অপেক্ষা করতে হবে।

বাউল। এই-যে গদুহার ভিতর থেকে নদীর জল বেরিয়ে আসছে এরই মূখের কাছে।

ঐ গদুহায় কোন রাস্তা দিয়ে গেল। ওখানে যে কালো খাঁড়ার মতো অন্ধকার।

বাউল। রাত্রের পাখিগুলোর ডানার শব্দ ধরে গেছে।

তুমি সঙ্গে গেলে না কেন।

বাউল। আমাকে তোমাদের আশ্বাস দেবার জন্যে রেখে গেল।

কখন গেছে বলো তো।

বাউল। অনেকক্ষণ—রাতের প্রথম প্রহরেই।

এখন বোধ হয় তিন প্রহর পেরিয়ে গেছে। কেমন একটা ঠান্ডা হাওয়া দিয়েছে—গা সিরু সিরু করছে।

দেখ্ ভাই, স্বপ্ন দেখেছি যেন তিন জন মেয়েমানুষ চুল এলিয়ে দিয়ে—

তোর স্বপ্নের কথা রেখে দে। ভালো লাগছে না।

সব লক্ষণগুলো কেমন খারাপ ঠেকছে।

পেঁচাটা ডাকছিল, এতক্ষণ কিছু মনে হয় নি—কিন্তু—

মাঠের ওপারে কুকুরটা কী রকম বিলম্বিত সুরে চেঁচাচ্ছে শুনছিস!

ঠিক যেন তার পিঠের উপর ডাইনি সওয়ার হয়ে তাকে চাবকাচ্ছে।

যদি ফেরবার হত চন্দ্রহাস এতক্ষণে ফিরত।

রাতটা কেটে গেলে বাঁচা যায়।

শোন রে ভাই ঐ মেয়েমানুষের কান্না।

ওরা তো কাঁদছেই—কেবল কাঁদছেই, অথচ কাউকে ধরে রাখতে পারছে না।

নাঃ আর পারা যায় না—চুপ করে বসে থাকলেই যত কুলক্ষণ দেখা যায়।

চল্ আমরাও যাই—পথ চললেই ভয় থাকে না।

পথ দেখাবে কে।

ঐ যে বাউল আছে।

কী হে, তুমি পথ দেখাতে পার?

বাউল। পারি।

বিশ্বাস করতে সাহস হয় না। তুমি চোখে না দেখে পথ বের কর শব্দ গান গেয়ে?

তুমি চন্দ্রহাসকে কী রাস্তা দেখিয়ে দিলে। যদি সে ফিরে আসে তবে তোমাকে বিশ্বাস করব।

ফিরে যদি না আসে তাহলে কিন্তু—

চন্দ্রহাসকে যে আমরা এত ভালোবাসতুম তা জানতুম না।

এতদিন ওকে নিয়ে আমরা যা-খুঁশি তাই করেছি।

যখন খেলি তখন খেলাটাই হয় বড়ো, যার সঙ্গে খেলি তাকে নজর করি নে।

এবার যদি সে ফেরে, তাকে মদহর্তের জন্যে অনাদর করব না।



আমার মনে হচ্ছে আমরা কেবলই তাকে দৃষ্টি দিয়েছি।  
তার ভালোবাসা সব দৃষ্টিতে ছাড়িয়ে উঠেছিল।  
সে যে কী সুন্দর ছিল যখন তাকে চোখে দেখলুম তখন সেটা চোখে পড়ে নি।

## গান

চোখের আলোয় দেখেছিলাম  
চোখের বাহিরে।  
অন্তরে আজ দেখব, যখন  
আলোক নাহি রে।  
ধরায় যখন দাও না ধরা  
হৃদয় তখন তোমায় ভরা,  
এখন তোমার আপন আলোয়  
তোমায় চাহি রে।  
তোমায় নিয়ে খেলেছিলাম  
খেলায় ঘরেতে।  
খেলার পুতুল ভেঙে গেছে  
প্রলয় ঝড়েতে।  
থাক্ তবে সেই কেবল খেলা,  
হোক-না এখন প্রাণের মেলা,  
তারের বীণা ভাঙল, হৃদয়-  
বীণায় গাহি রে।

ঐ বাউলটা চুপ করে বসে থাকে, কথা কয় না, ভালো লাগছে না।  
ও কেমন যেন একটা অলক্ষণ।  
যেন কালবৈশাখীর প্রথম মেঘ।  
দাও ভাই দাও, ওকে বিদায় করে দাও।  
না, না, ও বসে আছে তবু একটা ভরসা আছে।  
দেখছ না ওর মুখে কিছন্দ ভয় নেই।  
মনে হচ্ছে ওর কপালে যেন কী সব খবর আসছে।  
ওর সমস্ত গা যেন অনেক দূরের কাকে দেখতে পাচ্ছে। ওর আঙুলের আগায় চোখ ছড়িয়ে  
আছে।

ওকে দেখলেই বুঝতে পারি কে আসছে অন্ধকারের ভিতর দিয়ে পথ করে।  
ঐ দেখো জোড়হাত করে উঠে দাঁড়িয়েছে।  
পূর্বের দিকে মুখ করে কাকে প্রণাম করছে।  
ওখানে তো কিছন্দ নেই—একটু আলোর রেখাও না।  
একবার জিজ্ঞাসাই করো-না, ও কী দেখছে—কাকে দেখছে।  
না, না, এখন ওকে কিছন্দ বল না।  
আমার কী মনে হচ্ছে জান? যেন ওর মধ্যে সকাল হয়েছে।  
যেন ওর ভূরুর মাঝখানে অরণ্যের আলো খেয়া-নৌকোটর মতো এসে ঠেকেছে।  
ওর মনটা ভোরবেলাকার আকাশের মতো চুপ।  
এখনই যেন পাখির গানের ঝড় উঠবে—তার আগে সমস্ত থম্‌থমে।  
ঐ যে একটু একটু একতারাতে ঝংকার দিচ্ছে, ওর মন গান গাচ্ছে।  
চুপ করো চুপ করো ঐ গান ধরেছে।

বাউলের গান

হবে জয়, হবে জয়, হবে জয় রে  
ওহে বীর, হে নির্ভয়।  
জয়ী প্রাণ, চিরপ্রাণ,  
জয়ী রে আনন্দগান,  
জয়ী প্রেম, জয়ী ক্ষেম,  
জয়ী জ্যোতির্ময় রে।  
এ আঁধার হবে ক্ষয়, হবে ক্ষয় রে,  
ওহে বীর, হে নির্ভয়।  
ছাড়ো ঘুম, মেলো চোখ,  
অবসাদ দূর হোক,  
আশার অরুণালোক  
হোক অভ্যুদয় রে।

ঐ যে।

চন্দ্রহাস, চন্দ্রহাস।

রোস্ রোস্ ব্যস্ত হোস্ নে—এখনো স্পষ্ট দেখা যাচ্ছে না।

না, ও চন্দ্রহাস ছাড়া আর কেউ হতে পারে না।

বাঁচলুম, বাঁচলুম।

এসো এসো চন্দ্রহাস।

এতক্ষণ আমাদের ছেড়ে কী করলে ভাই বলো।

যাকে ধরতে গিয়েছিলে তাকে ধরতে পেরেছ?

চন্দ্রহাস। ধরেছি তাকে ধরেছি।

কই তাকে তো দেখাছি নে।

চন্দ্রহাস। সে আসছে—এখনই আসছে।

কী তুমি দেখলে আমাকে বলো ভাই।

চন্দ্রহাস। সে তো আমি বলতে পারব না।

কেন।

চন্দ্রহাস। সে তো আমি চোখ দিয়ে দেখি নি।

তবে?

চন্দ্রহাস। আমার সব দিয়ে দেখেছিলুম।

তা হোক-না, বলো-না ভাই।

চন্দ্রহাস। আমার সমস্ত দেহ মন যদি কণ্ঠ হত বলতে পারত।

কাকে তুমি ধরেছ তাও কি বুঝতে পারলে না।

জগতের সেই বিরাট বড়োটাকে?

যে-বড়োটা অগস্ত্যের মতো পৃথিবীর যৌবনসমুদ্র শূষে খেতে চায়?

সেই যে ভয়ংকর? যে অন্ধকারের মতো? যার বুকে চোখ?

যার পা উলটো দিকে? যে পিছনে হেঁটে চলে?

নরমুণ্ড যার গলায়? শ্মশানে যার বাস?

চন্দ্রহাস। আমি তো বলতে পারি নে। সে আসছে এখনই তাকে দেখতে পাব।

ভাই বাউল, তুমি দেখেছ তাকে?

বাউল। হাঁ, এই তো দেখাছি।

কই।

বাউল। এই যে।

ঐ যে বেরিয়ে এল, বেরিয়ে এল।

ঐ যে কে গৃহা থেকে বেরিয়ে এল।

আশ্চর্য। আশ্চর্য।

চন্দ্রহাস। এ কী, এ যে তুমি।

তুমি! সেই আমাদের সর্দার!

আমাদের সর্দার রে।

বুড়ো কোথায়।

সর্দার। কোথাও তো নেই।

কোথাও না?

সর্দার। না।

তবে সে কী।

সর্দার। সে স্বপ্ন।

চন্দ্রহাস। তবে তুমিই চিরকালের?

সর্দার। হাঁ।

চন্দ্রহাস। আর আমরাই চিরকালের?

সর্দার। হাঁ।

পিছন থেকে যারা তোমাকে দেখলে তারা যে তোমাকে কত লোকে কত রকম মনে করলে তার ঠিক নেই।

সেই ধুলোর ভিতর থেকে আমরা তো তোমাকে চিনতে পারি নি।

তখন তোমাকে হঠাৎ বুড়ো বলে মনে হল।

তার পর গৃহার মধ্যে থেকে বেরিয়ে এলে। এখন মনে হচ্ছে যেন তুমি বালক।

যেন তোমাকে এই প্রথম দেখলুম।

চন্দ্রহাস। এ তো বুড়ো আশ্চর্য। তুমি বারে বারেই প্রথম, তুমি ফিরে ফিরেই প্রথম!

ভাই চন্দ্রহাস, তোমারই হার হল। বুড়োকে ধরতে পারলে না।

চন্দ্রহাস। আর দেরি না—এবার উৎসব শব্দ হোক। সূর্য উঠেছে।

ভাই বাউল, তুমি যদি অমন চুপ করে থাক তাহলে মর্ছিত হয়ে পড়বে। একটা গান ধরো।

বাউলের গান

তোমায় নতুন করেই পাব বলে

হারাই ক্ষণে ক্ষণ

ও মোর ভালোবাসার ধন।

দেখা দেবে বলে তুমি

হও যে অদর্শন

ও মোর ভালোবাসার ধন।

ও গো তুমি আমার নও আড়ালের,

তুমি আমার চিরকালের,

ক্ষণকালের লীলার স্রোতে

হও যে নিমগন

ও মোর ভালোবাসার ধন।

আমি তোমায় যখন ঝুঞ্জে ফিরি

ভয়ে কাঁপে মন  
প্রেমে আমার ঢেউ লাগে তখন।

তোমার শেষ নাহি, তাই শূন্য সেজে  
শেষ করে দাও আপনাকে যে,  
ওই হাসি রে দেয় ধূয়ে মোর  
বিরহের রোদন  
ও মোর ভালোবাসার ধন।

ঐ যে গুন গুন শব্দ শোনা যাচ্ছে।

শূন্য ছি বটে।

ও তো মধুকরের দল নয়, পাড়ার লোক।

তাহলে দাদা আসছে চৌপদী নিয়ে।

দাদা। সর্দার নাকি।

সর্দার। কী দাদা।

দাদা। ভালোই হয়েছে। চৌপদীগলো শুনিয়ে দিই।

না, না, গলো নয়, গলো নয়। একটা।

দাদা। আচ্ছা ভাই, ভয় নেই, একটাই হবে।

সূর্য এল পূর্বদ্বারে তূর্য বাজে তার।

রাত্রি বলে, ব্যর্থ নহে এ মৃত্যু আমার,

এত বলি পদপ্রান্তে করে নমস্কার।

ভিক্ষাব্দুলি স্বর্ণে ভরি গেল অন্ধকার।

অর্থী—

আবার অর্থী!

না, এখানে অর্থী চলবে না।

দাদা। এর মানে—

না, মানে না। মানে বদ্বাব না এই আমাদের প্রতিজ্ঞা।

দাদা। এমন মরিয়া হয়ে উঠলে কেন।

আজ আমাদের উৎসব।

দাদা। উৎসব নাকি। তাহলে আমি পাড়ায়—

চন্দ্রহাস। না, তোমাকে পাড়ায় যেতে দিচ্ছি নে।

দাদা। আমাকে দরকার আছে না কি।

আছে।

দাদা। আমার চৌপদী—

চন্দ্রহাস। তোমার চৌপদীকে আমরা এমনি রাঙিয়ে দেব যে তার অর্থ আছে কি না আছে

বোঝা দায় হবে।

সুতরাং অর্থ না থাকলে মানুষের যে দশা হয় তোমার তাই হবে।

অর্থী পাড়ার লোকে তোমাকে ত্যাগ করবে।

কোটাল তোমাকে বলবে অবোধ।

পণ্ডিত বলবে অর্বাচীন।

ঘরের লোক বলবে অনাবশ্যক।

বাইরের লোক বলবে অশুভ।

অর্কট -

অর্কট অর্কট !

না অর্কট অর্কট কহাও না ।

অর্কট -

না, কহাও না । মাঝে মাঝে এই অর্কট  
প্রতিধ্বনি ।

অর্কট

অর্কট মাঝিগে গিয়ে উঠলে কেন ?

অর্কট অর্কট উঠলে ।

অর্কট

উঠলে না কি ? ওই দিকে অর্কট মাঝি -

চলছেন

না অর্কট মাঝিগে গিয়ে উঠলে ।

অর্কট


অর্কট উঠলে অর্কট না কি ?

অর্কট ।

অর্কট

অর্কট মাঝিগে -

চলছেন

অর্কট মাঝিগে অর্কট অর্কট মাঝিগে গিয়ে উঠলে ।  
 অর্কট অর্কট মাঝিগে গিয়ে উঠলে ।  
অর্কট ।

অর্কট অর্কট মাঝিগে গিয়ে উঠলে ।  
অর্কট অর্কট মাঝিগে গিয়ে উঠলে ।  
অর্কট অর্কট মাঝিগে গিয়ে উঠলে ।  
অর্কট অর্কট মাঝিগে গিয়ে উঠলে ।  
অর্কট অর্কট মাঝিগে গিয়ে উঠলে ।

চন্দ্রহাস। আমরা তোমার মাথায় পরাব নব পল্লবের মৃদুকুট।  
 তোমার গলায় পরাব নব মঞ্জিকার মালা।  
 পৃথিবীতে এই আমরা ছাড়া আর কেউ তোমার আদর বদ্বাবে না।

সকলে মিলিয়া

উৎসবের গান

আয় রে তবে মাত্ রে সবে আনন্দে  
 আজ নবীন প্রাণের বসন্তে।  
 পিছনপানের বাঁধন হতে  
 চল্ ছুটে আজ বন্যাস্রোতে,  
 আপনাকে আজ দখিন হাওয়ায়  
 ছিড়িয়ে দে রে দিগন্তে,  
 আজ নবীন প্রাণের বসন্তে।

বাঁধন যত ছিন্ন করো আনন্দে  
 আজ নবীন প্রাণের বসন্তে।  
 অকূল প্রাণের সাগর-তীরে  
 ভয় কী রে তোর ক্ষয়-ক্ষতিরে।  
 যা আছে রে সব নিয়ে তোর  
 ঝাঁপ দিয়ে পড়্ অনন্তে  
 আজ নবীন প্রাণের বসন্তে।

২০ ফাল্গুন ১৩২১

# ମୁକ୍ତଧାରା

ପ୍ରକାଶ : ୧୯୨୨

‘মদন্তধারা’র পূর্বকল্পিত নাম ছিল ‘পথ’।



উত্তরকূট পার্বত্য প্রদেশ। সেখানকার উত্তরভৈরব-মন্দিরে যাইবার পথ। দূরে আকাশে একটা অদ্রভেদী লৌহযন্ত্রের মাথাটা দেখা যাইতেছে এবং তাহার অপর দিকে ভৈরব-মন্দির-চুড়ার গ্রিশূল। পথের পার্শ্বে আম-বাগানে রাজা রণজিতের শিবির। আজ অমাবস্যায় ভৈরবের মন্দিরে আরাতি, সেখানে রাজা পদরজে যাইবেন, পথে শিবিরে বিশ্রাম করিতেছেন। তাহার সভার যন্ত্ররাজ বিভূতি বহু বৎসরের চেষ্টায় লৌহযন্ত্রের বাঁধ তুলিয়া মৃত্তধারা বরনাকে বাঁধিয়াছেন। এই অসামান্য কীর্তিকে পূরস্কৃত করিবার উপলক্ষে উত্তরকূটের সমস্ত লোক ভৈরব-মন্দির-প্রাঙ্গণে উৎসব করিতে চলিয়াছে। ভৈরব-মন্দির দীক্ষিত সম্মাসীদল সমস্ত দিন স্তবগান করিয়া বেড়াইতেছে। তাহাদের কাহারো হাতে ধূপাধারে ধূপ জ্বলিতেছে, কাহারো হাতে শংখ, কাহারো ঘণ্টা। গানের মাঝে মাঝে তালে তালে ঘণ্টা বাজিতেছে।

গান

জয় ভৈরব, জয় শংকর,  
জয় জয় জয় প্রলয়ংকর,  
শংকর শংকর।  
জয় সংশয়ভেদন,  
জয় বন্ধন-ছেদন,  
জয় সংকট-সংহর  
শংকর শংকর।

[সম্মাসীদল গাহিতে গাহিতে প্রস্থান করিল]

পূজার নৈবেদ্য লইয়া একজন বিদেশী পথিকের প্রবেশ।

উত্তরকূটের নাগরিককে সে প্রশ্ন করিল

পথিক। আকাশে ওটা কী গড়ে তুলেছে? দেখতে ভয় লাগে।

নাগরিক। জান না? বিদেশী বুদ্ধি? ওটা যন্ত্র।

পথিক। কিসের যন্ত্র?

নাগরিক। আমাদের যন্ত্ররাজ বিভূতি পঁচিশ বছর ধরে যেটা তৈরি করছিল, সেটা ঐ তো শেষ হয়েছে, তাই আজ উৎসব।

পথিক। যন্ত্রের কাজটা কী?

নাগরিক। মৃত্তধারা বরনাকে বেঁধেছে।

পথিক। বাবা রে! ওটাকে অসুন্দরের মাথার মতো দেখাচ্ছে, মাংস নেই, চোয়াল ঝোলা। তোমাদের উত্তরকূটের শিয়রের কাছে অমন হাঁ করে দাঁড়িয়ে; দিনরাত্তির দেখতে দেখতে তোমাদের প্রাণপদ্রুয যে শূন্যকিয়ে কাঠ হয়ে যাবে।

নাগরিক। আমাদের প্রাণপদ্রুয মজবুত আছে, ভাবনা কোরো না।

পথিক। তা হতে পারে, কিন্তু ওটা অমনতরো সূর্য্যতারার সামনে মেলে রাখবার জিনিস নয়, ঢাকা দিতে পারলেই ভালো হত। দেখতে পাচ্ছ না যেন দিনরাত্তির সমস্ত আকাশকে রাগিয়ে দিচ্ছে?

নাগরিক। আজ ভৈরবের আরাতি দেখতে যাবে না?

পথিক। দেখব বলেই বেরিয়েছিলুম। প্রতিবৎসরই তো এই সময় আসি, কিন্তু মন্দিরের উপরের আকাশে কখনো এমনতরো বাধা দেখি নি। হঠাৎ ঐটের দিকে তাকিয়ে আজ আমার গা শিউরে উঠল—ও যে অমন করে মন্দিরের মাথা ছাড়িয়ে গেল এটা যেন স্পর্ধার মতো দেখাচ্ছে। দিয়ে আসি নৈবেদ্য, কিন্তু মন প্রসন্ন হচ্ছে না।

[প্রস্থান]

একজন স্ত্রীলোকের প্রবেশ

একখানি শূন্য চাদর তাহার মাথা ঘিরিয়া সর্বাপা ঢাকিয়া মাটিতে লুটাইয়া পড়িতেছে

স্ত্রীলোক। সন্মন! আমার সন্মন! (নাগরিকের প্রতি) বাবা, আমার সন্মন এখনো ফিরল না। তোমরা তো সবাই ফিরেছ।

নাগরিক। কে তুমি?

স্ত্রীলোক। আমি জনাই গাঁয়ের অম্বা। সে যে আমার চোখের আলো, আমার প্রাণের নিশ্বাস, আমার সন্মন।

নাগরিক। তার কী হয়েছে বাছা?

অম্বা। তাকে যে কোথায় নিয়ে গেল। আমি ভৈরবের মন্দিরে পূজো দিতে গিয়েছিলুম— ফিরে এসে দেখি তাকে নিয়ে গেছে।

পথিক। তা হলে মৃত্যুধারার বাঁধ বাঁধতে তাকে নিয়ে গিয়েছিল।

অম্বা। আমি শুনছি এই পথ দিয়ে তাকে নিয়ে গেল, ঐ গৌরীশিখরের পশ্চিমে—সেখানে আমার দৃষ্টি পৌঁছয় না, তার পরে আর পথ দেখতে পাই নে।

পথিক। কেঁদে কী হবে? আমরা চলছি ভৈরবের মন্দিরে আরতি দেখতে। আজ আমাদের বড়ো দিন, তুমিও চলো।

অম্বা। না বাবা, সেদিনও তো ভৈরবের আরতিতে গিয়েছিলুম। তখন থেকে পূজো দিতে যেতে আমার ভয় হয়। দেখো, আমি বলি তোমাকে, আমাদের পূজো বাবার কাছে পৌঁছে না— পথের থেকে কেড়ে নিচ্ছে।

নাগরিক। কে নিচ্ছে?

অম্বা। যে আমার বৃকের থেকে সন্মনকে নিয়ে গেল সে। সে যে কে এখনো তো বুকুলুম না। সন্মন, আমার সন্মন, বাবা সন্মন!

[ উভয়ের প্রস্থান

উত্তরকূটের যুবরাজ অভিজিৎ যন্ত্ররাজ বিভূতির নিকট দূত পাঠাইয়াছেন। বিভূতি যখন মন্দিরের দিকে চলিয়াছে তখন দূতের সহিত তাহার সাক্ষাৎ

দূত। যন্ত্ররাজ বিভূতি, যুবরাজ আমাকে পাঠিয়ে দিলেন।

বিভূতি। কী তাঁর আদেশ?

দূত। এককাল ধরে তুমি আমাদের মৃত্যুধারার ঝরনাকে বাঁধ দিয়ে বাঁধতে লেগেছ। বারবার ভেঙে গেল, কত লোক ধুলোবালি চাপা পড়ল, কত লোক বন্যায় ভেসে গেল। আজ শেষে— বিভূতি। তাদের প্রাণ দেওয়া ব্যর্থ হয় নি। আমার বাঁধ সম্পূর্ণ হয়েছে।

দূত। শিবতরাইয়ের প্রজারা এখনো এ খবর জানে না। তারা বিশ্বাস করতেই পারে না যে, দেবতা তাদের যে জল দিয়েছেন কোনো মানুষ তা বন্ধ করতে পারে।

বিভূতি। দেবতা তাদের কেবল জলই দিয়েছেন, আমাকে দিয়েছেন জলকে বাঁধবার শক্তি।

দূত। তারা নিশ্চিন্ত আছে, জানে না আর সস্তাহ পরেই তাদের চাষের খেত—

বিভূতি। চাষের খেতের কথা কী বলছ?

দূত। সেই খেত শূন্যে মারাই কি তোমার বাঁধ বাঁধার উদ্দেশ্য ছিল না?

বিভূতি। বালি-পাথর-জলের ষড়যন্ত্র ভেদ করে মানুষের বৃদ্ধি হবে জয়ী এই ছিল উদ্দেশ্য।

কোন চাষীর কোন ভুটুর খেত মারা যাবে সে কথা ভাববার সময় ছিল না।

দূত। যুবরাজ জিজ্ঞাসা করছেন এখনো কি ভাববার সময় হয় নি?

বিভূতি। না, আমি যন্ত্রশক্তির মহিমার কথা ভাবছি।

দূত। ক্ষুধিতের কান্না তোমার সে ভাবনা ভাঙাতে পারবে না?

বিভূতি। না। জলের বেগে আমার বাঁধ ভাঙে না, কান্নার জোরে আমার যন্ত্র টলে না।

দূত। অভিশাপের ভয় নেই তোমার?

বিভূতি। অভিশাপ! দেখো, উত্তরকূটে যখন মজদুর পাওয়া যাচ্ছিল না তখন রাজার আদেশে চণ্ডপত্তনের প্রত্যেক ঘর থেকে আঠারো বছরের উপর বয়সের ছেলেকে আমরা আনিয়ে নিয়েছি। তারা তো অনেকেই ফেরে নি। সেখানকার কত মায়ের অভিশাপের উপর আমার যন্ত্র জয়ী হয়েছে। দৈবশক্তির সঙ্গে যার লড়াই, মানুষের অভিশাপকে সে গ্রাহ্য করে?

দূত। যুবরাজ বলছেন কীর্তি গড়ে তোলবার গৌরব তো লাভ হয়েছেই, এখন কীর্তি নিজে ভাঙবার যে আরো বড়ো গৌরব তাই লাভ করো।

বিভূতি। কীর্তি যখন গড়া শেষ হয় নি তখন সে আমার ছিল; এখন সে উত্তরকূটের সকলের। ভাঙবার অধিকার আর আমার নেই।

দূত। যুবরাজ বলছেন ভাঙবার অধিকার তিনিই গ্রহণ করবেন।

বিভূতি। স্বয়ং উত্তরকূটের যুবরাজ এমন কথা বলেন? তিনি কি আমাদেরই নন? তিনি কি শিবতরাইয়ের?

দূত। তিনি বলেন--উত্তরকূটে কেবল যন্ত্রের রাজত্ব নয়, সেখানে দেবতাও আছেন, এই কথা প্রমাণ করা চাই।

বিভূতি। যন্ত্রের জোরে দেবতার পদ নিজেই নেব এই কথা প্রমাণ করবার ভার আমার উপর। যুবরাজকে বোলো আমার এই বাঁধযন্ত্রের মূঠো একটুও আলগা করতে পারা যায় এমন পথ খোলা রাখি নি।

দূত। ভাঙনের যিনি দেবতা তিনি সব সময় বড়ো পথ দিয়ে চলাচল করেন না। তাঁর জন্যে যে-সব ছিদ্রপথ থাকে সে কারো চোখে পড়ে না।

বিভূতি। (চমকিয়া) ছিদ্র? সে আবার কী? ছিদ্রের কথা তুমি কী জান?

দূত। আমি কি জানি? যাঁর জানবার দরকার তিনি জেনে নেবেন।

[ দূতের প্রস্থান ]

উত্তরকূটের নাগরিকগণ উৎসব করিতে মন্দিরে চলিয়াছে। বিভূতিকে দেখিয়া

১। বাঃ যন্ত্ররাজ, তুমি তো বেশ লোক! কখন ফাঁকি দিয়ে আগে চলে এসেছ টেরও পাই নি।

২। সে তো ওর চিরকালের অভ্যাস। ও কখন ভিতরে ভিতরে এগিয়ে সবাইকে ছাড়িয়ে চলে যায় বোঝাই যায় না। সেই তো আমাদের চবুয়াগাঁয়ের নেড়া বিভূতি, আমাদের একসঙ্গেই কৈলেশ-গুরুদর কানমলা খেলে, আর কখন সে আমাদের সবাইকে ছাড়িয়ে এসে এতবড়ো কাণ্ডটা করে বসল।

৩। ওরে গবরু, ঝুড়িটা নিয়ে হাঁ করে দাঁড়িয়ে রইল কেন? বিভূতিকে আর কখনো চক্ষে দেখিস নি কি? মালাগল্লো বের কর, পরিয়ে দিই।

বিভূতি। থাক, থাক, আর নয়।

৩। আর নয় তো কী? যেমন তুমি হঠাৎ মস্ত হয়ে উঠেছ তেমনি তোমার গলাটা যদি উটের মতো হঠাৎ লম্বা হয়ে উঠত আর উত্তরকূটের সব মানুষে মিলে তার উপর তোমার গলায় মালার বোঝা চাপিয়ে দিত তা হলেই ঠিক মানাত।

২। ভাই, হরিশ ঢাকি তো এখনো এসে পৌঁছোল না।

১। বেটা কুণ্ডের সম্ভার, ওর পিঠের চামড়ায় ঢাকের চাঁটি লাগালে তবে—

৩। সেটা কাজের কথা নয়। চাঁটি লাগাতে ওর হাত আমাদের চেয়ে মজবুত।

৪। মনে করোছিলুম বিশাই সামন্তের রথটা চেয়ে এনে আজ বিভূতিদাদার রথযাত্রা করাব। কিন্তু রাজাই নাকি আজ পায়ে হেঁটে মন্দিরে যাবেন।

৫। ভালোই হয়েছে। সামন্তের রথের যে দশা, একেবারে দশরথ। পথের মধ্যে কথায় কথায় দশখানা হয়ে পড়ে।

৩। হাঃ হাঃ হাঃ হাঃ। দশরথ! আমাদের লম্বা এক-একটা কথা বলে ভালো। দশরথ!

৫। সাথে বলি! ছেলের বিয়েতে ঐ রথটা চেয়ে নিয়েছিলুম। যত চড়েছি তার চেয়ে টেনেছি অনেক বেশি।

৪। এক কাজ করো। বিভূতিকে কাঁধে করে নিয়ে যাই।

বিভূতি। আরে করো কী। করো কী।

৫। না, না, এই তো চাই। উত্তরকূটের কোলে তোমার জন্ম, কিন্তু তুমি আজ তার ঘাড়ে চেপেছ। তোমার মাথা সবাইকে ছাড়িয়ে গিয়েছে।

[কাঁধের উপর লাঠি সাজাইয়া তাহার উপর বিভূতিকে তুলিয়া লইল সকলে। জয় যন্দ্ররাজ বিভূতির জয়!

#### গান

নমো যন্দ্র, নমো যন্দ্র, নমো যন্দ্র, নমো যন্দ্র।

তুমি চক্রমুখরমন্দিরত,

তুমি বজ্রবাহুবিন্দিত,

তব বস্তুবিশ্ববন্ধোদংশ

ধ্বংস-বিকট দন্ত।

তব দীপ্ত অগ্নি শত শতঘণ্টা

বিঘ্নবিজয় পন্থ।

তব লৌহগলন শৈলদলন

অচল-চলন মন্ত্র।

কভু কাষ্ঠলোষ্ট্রইষ্টকদৃঢ়

ঘর্নাপিনশ্চ কায়্য,

কভু ভূতল-জল-অন্তরীক্ষ-

লণ্ঘন লঘুমায়া,

তব খনি-খনিগ্ন-নখ-বিদীর্ণ

ক্ষিতি বিকীর্ণ-অন্ত্র,

তব পশুভূত-বন্ধনকর

ইন্দ্রজাল তন্ত্র।

[বিভূতিকে লইয়া সকলে প্রস্থান করিল

উত্তরকূটের রাজা রণজিৎ ও তাহার মন্ত্রী শিবিরের দিক হইতে আসিয়া প্রবেশ করিলেন

রণজিৎ। শিবতরাইয়ের প্রজাদের কিছদুতেই তো বাধ্য করতে পারলে না। এতদিন পরে মৃশ্ত-ধারার জলকে আয়ত্ত করে বিভূতি ওদের বশ মানাবার উপায় করে দিলে। কিন্তু মন্ত্রী, তোমার তো তেমন উৎসাহ দেখাচ্ছিল নে। ঈর্ষা?

মন্ত্রী। ক্ষমা করবেন, মহারাজ। খলতা-কোদাল হাতে মাটি-পাথরের সঙ্গে পালোয়ানি আমাদের কাজ নয়। রাষ্ট্রনীতি আমাদের অস্ত্র, মানুষের মন নিয়ে আমাদের কারবার। যুবরাজকে শিবতরাইয়ের শাসনভার দেবার মন্ত্রণা আমিই দিয়েছিলুম, তাতে যে বাঁধ বাঁধা হতে পারত সে কম নয়।

রণজিৎ। তাতে ফল হল কী? দু-বছর খাজনা বাকি। এমনতরো দুর্ভিক্ষ তো সেখানে বারে বারেই ঘটে, তাই বলে রাজার প্রাপ্য তো বন্ধ হয় না।

মন্ত্রী। খাজনার চেয়ে দুর্মূল্য জিনিস আদায় হিচ্ছিল, এমন সময় তাঁকে ফিরে আসতে আদেশ করলেন। রাজকার্যে ছোটোদের অবজ্ঞা করতে নেই। মনে রাখবেন, যখন অসহ্য হয় তখন দুঃখের জোরে ছোটোরা বড়োদের ছাড়িয়ে বড়ো হয়ে ওঠে।

রণজিৎ। তোমার মন্ত্রণার সদূর ক্ষণে ক্ষণে বদলায়। কতবার বলেছি উপরে চড়ে বসে নীচে চাপ দেওয়া সহজ, আর বিদেশী প্রজাদের সেই চাপে রাখাই রাজনীতি। এ কথা বল নি?

মন্ত্রী। বলেছিলুম। তখন অবস্থা অন্যরকম ছিল, আমার মন্ত্রণা সময়োচিত হয়েছিল। কিন্তু এখন—

রণজিৎ। যুবরাজকে শিবতরাইয়ে পাঠাবার ইচ্ছে আমার একেবারেই ছিল না।

মন্ত্রী। কেন মহারাজ?

রণজিৎ। যে প্রজারা দূরের লোক, তাদের কাছে গিয়ে ঘেঁষাঘেঁষি করলে তাদের ভয় ভেঙে যায়। প্রীতি দিয়ে পাওয়া যায় আপন লোককে, পরকে পাওয়া যায় ভয় জাগিয়ে রেখে।

মন্ত্রী। মহারাজ, যুবরাজকে শিবতরাইয়ে পাঠাবার আসল কারণটা ভুলছেন। কিছুদিন থেকে তাঁর মন অত্যন্ত উতলা দেখা গিয়েছিল। আমাদের সন্দেহ হল যে তিনি হয়তো কোনো সদূরে জানতে পেরেছেন যে তাঁর জন্ম রাজবাড়িতে নয়, তাঁকে মুণ্ডখারার ঝরনাতলা থেকে কুড়িয়ে পাওয়া গেছে। তাই তাঁকে ভুলিয়ে রাখবার জন্যে—

রণজিৎ। তা তো জানি—ইদানীং ও যে প্রায় রাতে একলা ঝরনাতলায় গিয়ে শূন্যে থাকত। খবর পেয়ে একদিন রাতে সেখানে গেলুম, ওকে জিজ্ঞাসা করলুম, ‘কী হয়েছে অভিজিৎ, এখানে কেন?’ ও বললে, ‘এই জলের শব্দে আমি আমার মাতৃভাষা শুনতে পাই।’

মন্ত্রী। আমি তাঁকে জিজ্ঞাসা করেছিলুম, ‘তোমার কী হয়েছে যুবরাজ? রাজবাড়িতে আজকাল তোমাকে প্রায় দেখতে পাই নে কেন?’ তিনি বললেন, ‘আমি পৃথিবীতে এসেছি পথ কাটবার জন্যে, এই খবর আমার কাছে এসে পৌঁছেছে।’

রণজিৎ। ঐ ছেলের যে রাজচক্রবর্তী’র লক্ষণ আছে এ বিশ্বাস আমার ভেঙে যাচ্ছে।

মন্ত্রী। যিনি এই দৈবলক্ষণের কথা বলেছিলেন তিনি যে মহারাজের গদূর গদূর অভিরাম-স্বামী।

রণজিৎ। ভুল করেছেন তিনি। ওকে নিয়ে কেবলই আমার ক্ষতি হচ্ছে। শিবতরাইয়ের পশম যাতে বিদেশের হাটে বেঁচিয়ে না যায় এইজন্যে পিতামহদের আমল থেকে নন্দিসংকটের পথ আটক করা আছে। সেই পথটাই অভিজিৎ কেটে দিলে। উত্তরকূটের অন্নবন্দ্য দুর্মূল্য হয়ে উঠবে যে।

মন্ত্রী। অল্প বয়স কিনা। যুবরাজ কেবল শিবতরাইয়ের দিক থেকেই—

রণজিৎ। কিন্তু এ যে নিজের লোকের বিরুদ্ধে বিদ্রোহ। শিবতরাইয়ের ঐ যে ধনঞ্জয় বৈরাগীটা প্রজাদের খেঁপিয়ে বেড়ায়, এর মধ্যে নিশ্চয় সেও আছে। এবার কণ্ঠিসুদ্ধ তার কণ্ঠটা চেপে ধরতে হবে। তাকে বন্দী করা চাই।

মন্ত্রী। মহারাজের ইচ্ছার প্রতিবাদ করতে সাহস করি নে। কিন্তু জানেন তো, এমন সব দুর্ঘোষ আছে যাকে আটকে রাখার চেয়ে ছাড়া রাখাই নিরাপদ।

রণজিৎ। আচ্ছা, সেজন্যে চিন্তা করো না।

মন্ত্রী। আমি চিন্তা করি না, মহারাজকেই চিন্তা করতে বলি।

#### প্রতিহারীর প্রবেশ

প্রতিহারী। মোহনগড়ের খুড়া মহারাজ বিশ্বজিৎ অদূরে।

[প্রস্থান]

রণজিৎ। ঐ আর-একজন। অভিজিৎকে নষ্ট করার দলে উনি অগ্রগণ্য। আত্মীয়রূপী পর হচ্ছে কুঞ্জো মানুষের কুঞ্জ, পিছনে লেগেই থাকে, কেটেও ফেলা যায় না, বহন করাও দুঃখ। ও কিসের শব্দ?

মন্ত্রী। ভৈরবপন্থীর দল মন্দির প্রদক্ষিণে বেরিয়েছে।

ভৈরবগণ্ধীদের প্রবেশ ও গান

তিমির-হৃদবিদারণ

জলদগ্নি-নিদারুণ

মরুশ্মশান-সংসার

শংকর শংকর।

বজ্রঘোষ-বাণী

রুদ্ধ, শূলপাণি

মৃত্যুসিন্ধু-সন্তর

শংকর শংকর।

[ প্রস্থান ]

রণজিতের খুড়া মোহনগড়ের রাজা বিশ্বজিৎ প্রবেশ করিলেন।

তার শত্রু কেশ, শত্রু বশ, শত্রু উষ্ণীষ

রণজিৎ। প্রণাম। খুড়া মহারাজ, তুমি আজ উত্তরভৈরবের মন্দিরে পূজায় যোগ দিতে আসবে এ সৌভাগ্য প্রত্যাশা করি নি।

বিশ্বজিৎ। উত্তরভৈরব আজকের পূজা গ্রহণ করবেন না এই কথা জানাতে এসেছি।

রণজিৎ। তোমার এই দূর্বাক্য আমাদের মহোৎসবকে আজ—

বিশ্বজিৎ। কী নিয়ে মহোৎসব? বিশ্বের সকল তৃষিতের জন্যে দেবদেবের কন্ডলু যে জল-ধারা ঢেলে দিচ্ছেন সেই মৃত্ত জলকে তোমরা বন্ধ করলে কেন?

রণজিৎ। শত্রুদমনের জন্যে।

বিশ্বজিৎ। মহাদেবকে শত্রু করতে ভয় নেই?

রণজিৎ। যিনি উত্তরকূটের পুরুদেবতা, আমাদের জয়ে তাঁরই জয়। সেইজন্যেই আমাদের পক্ষ নিয়ে তিনি তাঁর নিজের দান ফিরিয়ে নিয়েছেন। তুষার শূলে শিবতরাইকে বন্ধ করে তাকে তিনি উত্তরকূটের সিংহাসনের তলায় ফেলে দিয়ে যাবেন।

বিশ্বজিৎ। তবে তোমাদের পূজা পূজাই নয়, বেতন।

রণজিৎ। খুড়া মহারাজ, তুমি পরের পক্ষপাতী, আত্মীয়ের বিরোধী। তোমার শিক্ষাতেই অভিজিৎ নিজের রাজ্যকে নিজের বলে গ্রহণ করতে পারছে না।

বিশ্বজিৎ। আমার শিক্ষায়? একদিন আমি তোমাদেরই দলে ছিলাম না? চণ্ডপুস্তনে যখন তুমি বিদ্রোহ সৃষ্টি করেছিলে সেখানকার প্রজার সর্বনাশ করে সে বিদ্রোহ আমি দমন করি নি? শেষে কখন ঐ বালক অভিজিৎ আমার হৃদয়ের মধ্যে এল—আলোর মতো এল। অন্ধকারে না দেখতে পেয়ে যাদের আঘাত করেছিলুম তাদের আপন বলে দেখতে পেলুম। রাজচক্রবর্তীর লক্ষণ দেখে থাকে গ্রহণ করলে তাকে তোমার ঐ উত্তরকূটের সিংহাসনটুকুর মতোই আটকে রাখতে চাও?

রণজিৎ। মৃত্তধারার ঝরনাতলায় অভিজিৎকে কুড়িয়ে পাওয়া গিয়েছিল এ কথা তুমিই ওর কাছে প্রকাশ করেছ বন্ধু?

বিশ্বজিৎ। হাঁ, আমিই। সেদিন আমাদের প্রাসাদে ওর দেওয়ালির নিমন্ত্রণ ছিল। গোখলির সময় দেখি অলিন্দে ও একলা দাঁড়িয়ে গৌরীশিখরের দিকে তাকিয়ে আছে। জিজ্ঞাসা করলুম, ‘কী দেখছ, ভাই?’ সে বললে, ‘যে-সব পথ এখনো কাটা হয় নি ঐ দুর্গম পাহাড়ের উপর দিয়ে সেই ভাবীকালের পথ দেখতে পাচ্ছি—দূরকে নিকট করবার পথ।’ শুনলে তখনই মনে হল মৃত্ত-ধারার উৎসের কাছে কোন্ ঘরছাড়া মা ওকে জন্ম দিয়ে গেছে, ওকে ধরে রাখবে কে? আর থাকতে পারলুম না, ওকে বললুম, ‘ভাই, তোমার জন্মক্ষণে গিরিরাজ তোমাকে পথে অভ্যর্থনা করেছেন, ঘরের শপথ তোমাকে ঘরে ডাকে নি।’

রণজিৎ। এতক্ষণে বদ্বলদ্রুম।

বিশ্বজিৎ। কী বদ্বলে?

রণজিৎ। এই কথা শুনেই উত্তরকূটের রাজগৃহ থেকে অভিজিতের মমতা বিচ্ছিন্ন হয়ে গেছে। সেইটেই স্পর্ধা করে দেখাবার জন্যে নন্দসংকটের পথ সে খুলে দিয়েছে।

বিশ্বজিৎ। ক্ষতি কী হয়েছে? যে পথ খুলে যায় সে পথ সকলেরই—যেমন উত্তরকূটের তেমন শিবতরাইয়ের।

রণজিৎ। খুড়া মহারাজ, তুমি আত্মীয়, গদরুজন, তাই এতকাল ধৈর্য রেখেছি। কিন্তু আর নয়, স্বজনবিদ্রোহী তুমি, এ রাজ্য ত্যাগ করে যাও।

বিশ্বজিৎ। আমি ত্যাগ করতে পারব না। তোমরা আমাকে ত্যাগ যদি কর তবে সহ্য করব।

[প্রস্থান]

#### অম্বার প্রবেশ

অম্বা। (রাজার প্রতি) ওগো তোমরা কে? সূর্য তো অস্ত যায়—আমার সন্মন তো এখনো ফিরল না।

রণজিৎ। তুমি কে?

অম্বা। আমি কেউ না। যে আমার সব ছিল তাকে এই পথ দিয়ে নিয়ে গেল। এ পথের শেষ কি নেই? সন্মন কি তবে এখনো চলেছে, কেবলই চলেছে, পশ্চিমে গৌরীশিখর পেরিয়ে যেখানে সূর্য ডুবছে, আলো ডুবছে, সব ডুবছে?

রণজিৎ। মন্ত্রী, এ বদ্বি—

মন্ত্রী। হাঁ মহারাজ, সেই বাঁধ বাঁধার কাজেই—

রণজিৎ। (অম্বাকে) তুমি খেদ কোরো না। আমি জানি পৃথিবীতে সকলের চেয়ে চরম যে দান তোমার ছেলে আজ তাই পেয়েছে।

অম্বা। তাই যদি সত্যি হবে তা হলে সে-দান সন্ধেবেলায় সে আমার হাতে এনে দিত, আমি যে তার মা।

রণজিৎ। দেবে এনে। সেই সন্ধে এখনো আসে নি।

অম্বা। তোমার কথা সত্যি হোক বাবা। ভৈরবমন্দিরের পথে পথে আমি তার জন্যে অপেক্ষা করব। সন্মন!

[প্রস্থান]

একদল ছাত্র লইয়া অদূরে গাছের তলায় উত্তরকূটের গদরুমশায় প্রবেশ করিল

গদরু। খেলে, খেলে, বেত খেলে দেখছি। খুব গলা ছেড়ে বল, জয় রাজরাজেশ্বর।

ছাত্রগণ। জয় রাজরা—

গদরু। (হাতের কাছে দুই-একটা ছেলেকে থাবড়া মারিয়া)—জেশ্বর।

ছাত্রগণ। জেশ্বর।

গদরু। শ্রী শ্রী শ্রী শ্রী শ্রী—

ছাত্রগণ। শ্রী শ্রী শ্রী—

গদরু। (ঠেলা মারিয়া) পাঁচবার।

ছাত্রগণ। পাঁচবার।

গদরু। লক্ষ্মীছাড়া বাঁদর! বল্ শ্রী শ্রী শ্রী শ্রী শ্রী—

ছাত্রগণ। শ্রী শ্রী শ্রী শ্রী শ্রী—

গদরু। উত্তরকূটধিপতির জয়—

ছাত্রগণ। উত্তরকূট—

গদরু। ধিপতির—

ছাত্রগণ। ধিপতির—

গদরু। জয়।

ছাত্রগণ। জয়।

রণজিৎ। তোমরা কোথায় যাচ্ছ?

গদরু। আমাদের যন্ত্ররাজ বিভূতিকে মহারাজ শিরোপা দেবেন তাই ছেলেদের নিয়ে যাচ্ছি আনন্দ করতে। যাতে উত্তরকূটের গৌরবে এরা শিশুকাল হতেই গৌরব করতে শেখে তার কোনো উপলক্ষই বাদ দিতে চাই নে।

রণজিৎ। বিভূতি কী করেছে এরা সবাই জানে তো?

ছেলেরা। (লাফাইয়া হাততালি দিয়া) জানি, শিবতরাইয়ের খাবার জল বন্ধ করে দিয়েছেন।

রণজিৎ। কেন দিয়েছেন?

ছেলেরা। (উৎসাহে) ওদের জন্ম করার জন্যে।

রণজিৎ। কেন জন্ম করা?

ছেলেরা। ওরা যে খারাপ লোক।

রণজিৎ। কেন খারাপ?

ছেলেরা। ওরা খুব খারাপ, ভয়ানক খারাপ, সবাই জানে।

রণজিৎ। কেন খারাপ তা জান না?

গদরু। জানে বৈকি, মহারাজ। কী রে, তোরা পড়িস নি—বইয়ে পড়িস নি—ওদের ধর্ম খুব খারাপ—

ছেলেরা। হাঁ, হাঁ, ওদের ধর্ম খুব খারাপ।

গদরু। আর ওরা আমাদের মতো—কী বল্ না—(নাক দেখাইয়া)

ছেলেরা। নাক উঁচু নয়।

গদরু। আচ্ছা, আমাদের গণাচার্য কী প্রমাণ করে দিয়েছেন—নাক উঁচু থাকলে কী হয়?

ছেলেরা। খুব বড়ো জাত হয়।

গদরু। তারা কী করে? বল্-না—পৃথিবীতে—বল্—তারা ই সকলের উপর জয়ী হয়, না?

ছেলেরা। হাঁ, জয়ী হয়।

গদরু। উত্তরকূটের মানুষ কোনোদিন যুদ্ধে হেরেছে জানিস?

ছেলেরা। কোনোদিনই না।

গদরু। আমাদের পিতামহ-মহারাজ প্রাগ্জিৎ দূশো তিরেন্দ্বই জন সৈন্য নিয়ে একত্রিশ হাজার সাড়ে-সাতশো দক্ষিণী বর্ষরদের হটিয়ে দিয়েছিলেন না?

ছেলেরা। হাঁ, দিয়েছিলেন।

গদরু। নিশ্চয়ই জানবেন, মহারাজ, উত্তরকূটের বাইরে যে হতভাগারা মাতৃগর্ভে জন্মায়, একদিন এই-সব ছেলেরাই তাদের বিভীষিকা হয়ে উঠবে। এ যদি না হয় তবে আমি মিথ্যে গদরু। কতবড়ো দায়িত্ব যে আমাদের সে আমি একদণ্ডও ভুলি নে। আমরাই তো মানুষ তৈরি করে দিই, আপনার অমাত্যরা তাঁদের নিয়ে ব্যবহার করেন। অথচ তাঁরাই বা কী পান আর আমরাই বা কী পাই তুলনা করে দেখবেন।

মন্ত্রী। কিন্তু ঐ ছাত্ররাই যে তোমাদের পুরস্কার।

গদরু। বড়ো সুন্দর বলেছেন, মন্ত্রীমশায়, ছাত্ররাই আমাদের পুরস্কার। আহা, কিন্তু খাদ্য-সামগ্রী বড়ো দুর্মূল্য—এই দেখেন-না কেন, গব্যঘৃত, যেটা ছিল—

মন্ত্রী। আচ্ছা বেশ, তোমার এই গব্যঘৃতে কথটা চিন্তা করব। এখন যাও, পূজার সময় নিকট হল।



রণজিৎ। তোমার এই গুরুদ্বার মাথার খুলির মধ্যে অন্য কোনো ঘূত নেই, গব্যঘূতই আছে।  
 মন্ত্রী। পশুগব্যের একটা-কিছু আছেই। কিন্তু, মহারাজ, এই-সব মানুষই কাজে লাগে। ওকে যেমনটি বলে দেওয়া গেছে, দিনের পর দিন ও ঠিক তেমনটি করে চলেছে। বৃদ্ধি বেশি থাকলে কাজ কলের মতো চলে না।

রণজিৎ। মন্ত্রী, ওটা কী আকাশে?

মন্ত্রী। মহারাজ, ভুলে যাচ্ছেন, ওটাই তো বিভূতির সেই যন্ত্রের চুড়া।

রণজিৎ। এমন স্পষ্ট তো কোনোদিন দেখা যায় না।

মন্ত্রী। আজ সকালে ঝড় হয়ে আকাশ পরিষ্কার হয়ে গেছে, তাই দেখতে পাওয়া যাচ্ছে।

রণজিৎ। দেখেছ ওর পিছন থেকে সূর্য যেন ঝুন্ড হয়ে উঠেছেন? আর, ওটাকে দানবের উদ্যত মূর্তির মতো দেখাচ্ছে। অতটা বেশি উঁচু করে তোলা ভালো হয় নি।

মন্ত্রী। আগাদের আকাশের বৃকে যেন শেল বিঁধে রয়েছে মনে হচ্ছে।

রণজিৎ। এখন মন্দিরে যাবার সময় হল।

[উভয়ের প্রস্থান]

উত্তরকূটের শ্বিতীয়দল নাগরিকের প্রবেশ

১। দেখলি তো, আজকাল বিভূতি আমাদের কী রকম এড়িয়ে এড়িয়ে চলে। ও যে আমাদের মধ্যেই মানুষ সে কথাটাকে চামড়ার থেকে ঘষে ফেলতে চায়। একদিন বৃকতে পারবেন খাপের চেয়ে তলোয়ার বড়ো হয়ে উঠলে ভালো হয় না।

২। তা যা বলিস, ভাই, বিভূতি উত্তরকূটের নাম রেখেছে বটে।

১। আরে রেখে দে, তোরা ওকে নিয়ে বড়ো বাড়াবাড়ি আরম্ভ করেছিস। ঐ যে বাঁধটি বাঁধতে ওর জিব বেরিয়ে পড়েছে, ওটা কিছুর না হবে তো দশবার ভেঙেছে।

৩। আবার যে ভাঙবে না তাই বা কে জানে?

১। দেখেছিস তো বাঁধের উত্তর দিকের সেই চিবিটা?

২। কেন, কেন, কী হয়েছে?

১। কী হয়েছে? এটা জানিস নে? যে দেখছে সেই তো বলছে—

২। কী বলছে ভাই?

১। কী বলছে? ন্যাকা নাকি রে? এও আবার জিগ্গেস করতে হয় নাকি? আগাগোড়াই—  
 সে আর কী বলব।

২। তবু ব্যাপারটা কী একটু বুদ্ধিয়ে বল-না—

১। রজন, তুই অবাক করলি। একটু সবুজ কর-না, পষ্ট বুদ্ধি হঠাৎ যখন একেবারে—

২। সর্বনাশ! বলিস কী দাদা? হঠাৎ একেবারে?

১। হাঁ ভাই, ঝগড়ুর কাছে শুনেন নিস। সে নিজেকে মেপে জুখে দেখে এসেছে।

২। ঝগড়ুর ঐ গুণটি আছে, ওর মাথা ঠান্ডা। সবাই যখন বাহবা দিতে থাকে, ও তখন কোথা থেকে মাপকাঠি বের করে বসে।

৩। আচ্ছা ভাই, কেউ কেউ যে বলে বিভূতির যা-কিছুর বিদ্যে সব—

১। আমি নিজেকে জানি বেকটবর্মার কাছ থেকে চুরি। হাঁ, সে ছিল বটে গুণীর মতো গুণী—  
 কত বড়ো মাথা—ওরে বাস রে! অথচ বিভূতি পায় শিরোপা, আর সে গরিব না খেতে পেয়েই মারা গেল।

৩। শূদ্রই কি না খেতে পেয়ে?

১। আরে, না খেতে পেয়ে কি কার হাতের দেওয়া কী খেতে পেয়ে সে কথায় কাজ কী?  
 আবার কে কোন্ দিক থেকে—নিন্দ্রকের তো অভাব নেই। এ দেশের মানুষ যে কেউ কারো ভালো  
 সহিতে পারে না।

২। তা, তোরা যাই বলিস, লোকটা কিন্তু—

১। আহা, তা হবে না কেন? কোন্ মাটিতে ওর জন্ম, বুঝে দেখ্ ঐ চব্বয়া গায়ে আমার বড়ো দাদা ছিল, তার নাম শূনেছিস তো?

২। আরে বাস রে! তাঁর নাম উত্তরকূটের কে না জানে? তিনি তো সেই—ঐ যে কী বলে—

১। হাঁ, হাঁ, ভাস্কর। নসি়া তৈরি করার এত বড়ো ওস্তাদ এ মল্লধ্বজে হয় নি। তাঁর হাতের নসি়া না হলে রাজা শত্রুজিতের একদিনও চলত না।

৩। সে-সব কথা হবে, এখন মন্দিরে চল্। আমরা হলুম বিভূতির এক গায়ের লোক—আমাদের হাতের মালা আগে নিয়ে তবে অন্য কথা। আর আমরাই তো বসব তার ডাইনে।

নেপথ্যে। যেয়ো না ভাই, যেয়ো না, ফিরে যাও।

২। ঐ শোনো বটুক বড়ো বেরিয়েছে।

বটুকের প্রবেশ

গায়ে ছোঁড়া কম্বল, হাতে বাকি ডালের লাঠি, চুল উম্মোখুম্মো

১। কী বটু, যাচ্ছ কোথায়?

বটু। সাবধান, বাবা, সাবধান। যেয়ো না ও পথে, সময় থাকতে ফিরে যাও।

২। কেন বলো তো।

বটু। বলি দেবে, নরবলি। আমার দুই জোয়ান নাটিকে জোর করে নিয়ে গেল, আর তারা ফিরল না।

৩। বলি কার কাছে দেবে খুড়ো?

বটু। তৃষ্ণা, তৃষ্ণাদানবীর কাছে।

২। সে আবার কে?

বটু। সে যত খায় তত চায়—তার শব্দক রসনা ঘি-খাওয়া আগুনের শিখার মতো কেবলই বেড়ে চলে।

১। পাগলা! আমরা তো যাচ্ছি উত্তরভৈরবের মন্দিরে, সেখানে তৃষ্ণাদানবী কোথায়?

বটু। খবর পাও নি? ভৈরবকে যে আজ ওরা মন্দির থেকে বিদায় করতে চলেছে। তৃষ্ণা বসবে বেদীতে।

২। চূপ চূপ পাগলা। এ-সব কথা শুনলে উত্তরকূটের মানুষ তোকে কুটে ফেলবে।

বটু। তারা তো আমার গায়ে ধুলো দিচ্ছে, ছেলেরা মারছে ঢেলা। সবাই বলে তোর নাতি-দুটো প্রাণ দিয়েছে সে তাদের সৌভাগ্য।

১। তারা তো মিথ্যে বলে না।

বটু। বলে না মিথ্যে? প্রাণের বদলে প্রাণ যদি না মেলে, মৃত্যু দিয়ে যদি মৃত্যুকেই ডাকা হয়, তবে ভৈরব এত বড়ো ক্ষতি সইবেন কেন? সাবধান, বাবা, সাবধান, যেয়ো না ও পথে।

[প্রস্থান

২। দেখো, দাদা, আমার গায়ে কিন্তু কাঁটা দিয়ে উঠছে।

১। রজ, তুই বেজায় ভীতু। চল্ চল্।

[সকলের প্রস্থান

যুবরাজ অভিজিৎ ও রাজকুমার সঞ্জয়ের প্রবেশ

সঞ্জয়। বুঝতে পারছি নে, যুবরাজ, রাজবাড়ি ছেড়ে কেন বেরিয়ে যাচ্ছ?

অভিজিৎ। সব কথা তুমি বুঝবে না। আমার জীবনের স্রোত রাজবাড়ির পাথর ডিঙিয়ে চলে যাবে এই কথাটা কানে নিয়েই পৃথিবীতে এসেছি।

সঞ্জয়। কিছুদিন থেকেই তোমাকে উতলা দেখছি। আমাদের সঙ্গে তুমি যে বাঁধনে বাঁধা সেটা তোমার মনের মধ্যে আলগা হয়ে আসছিল। আজ কি সেটা ছিঁড়ল।

অভিজিৎ। ঐ দেখো সঞ্জয়, গৌরীশিখরের উপর সূর্যাস্তের মূর্তি। কোন্ আগুনের পাখি মেঘের ডানা মেলে রাত্রির দিকে উড়ে চলেছে। আমার এই পথযাত্রার ছবি অস্তসূর্য আকাশে এঁকে দিলে।

সঞ্জয়। দেখছ না, যুবরাজ, ঐ যন্ত্রের চুড়াটা সূর্যাস্তমেঘের বৃক ফুঁড়ে দাঁড়িয়ে আছে? যেন উড়ন্ত পাখির বৃকে বাণ বিঁধেছে, সে তার ডানা ঝুলিয়ে রাত্রির গহবরের দিকে পড়ে যাচ্ছে। আমার এ ভালো লাগছে না। এখন বিশ্রামের সময় এল। চলো, যুবরাজ, রাজবাড়িতে।

অভিজিৎ। যেখানে বাধা সেখানে কি বিশ্রাম আছে?

সঞ্জয়। রাজবাড়িতে যে তোমার বাধা, এতদিন পরে সে কথা তুমি কী করে বৃকলে।

অভিজিৎ। বৃকলুম, যখন শোনা গেল মুক্তধারায় ওরা বাঁধ বেঁধেছে।

সঞ্জয়। তোমার এ কথার অর্থ আমি পাই নে।

অভিজিৎ। মানুষের ভিতরকার রহস্য বিধাতা বাইরের কোথাও-না-কোথাও লিখে রেখে দেন; আমার অন্তরের কথা আছে ঐ মুক্তধারার মধ্যে। তারই পায়ে ওরা যখন লোহার বোঁড়ি পরিয়ে দিলে তখন হঠাৎ যেন চমক ভেঙে বৃকতে পারলুম উত্তরকূটের সিংহাসনই আমার জীবন-স্রোতের বাঁধ। পথে বেরিয়েছি তারই পথ খুলে দেবার জন্যে।

সঞ্জয়। যুবরাজ, আমাকেও তোমার সঙ্গী করে নাও।

অভিজিৎ। না ভাই, নিজের পথ তোমাকে খুঁজে বের করতে হবে। আমার পিছনে যদি চল তা হলে আমিই তোমার পথকে আড়াল করব।

সঞ্জয়। তুমি অত কঠোর হোয়ো না, আমাকে বাজছে।

অভিজিৎ। তুমি আমার হৃদয় জান, সেইজন্যে আঘাত পেয়েও তুমি আমাকে বৃকাবে।

সঞ্জয়। কোথায় তোমার ডাক পড়েছে তুমি চলেছ, তা নিয়ে আমি প্রশ্ন করতে চাই নে। কিন্তু যুবরাজ, এই যে সন্দেহ হয়ে এসেছে, রাজবাড়িতে ঐ যে বন্দীরা দিনাবসানের গান ধরলে, এরও কি কোনো ডাক নেই? যা কঠিন তার গৌরব থাকতে পারে, কিন্তু যা মধুর তারও মূল্য আছে।

অভিজিৎ। ভাই, তারই মূল্য দেবার জন্যেই কঠিনের সাধনা।

সঞ্জয়। সকালে যে আসনে তুমি পূজায় বস, মনে আছে তো সেদিন তার সামনে একটি শ্বেত পদ্ম দেখে তুমি অবাক হয়েছিলে? তুমি জাগবার আগেই কোন্ ভোরে ঐ পদ্মটি লুকিয়ে কে তুলে এনেছে, জানতে দেয় নি সে কে—কিন্তু এইটুকুর মধ্যে কত সূধাই আছে সে কথা কি আজ মনে করবার নেই? সেই ভীরু যে আপনাকে গোপন করেছে, কিন্তু আপনার পূজা গোপন করতে পারে নি, তার মূখ তোমার মনে পড়ছে না?

অভিজিৎ। পড়ছে বৈকি। সেইজন্যেই সইতে পারছি নে ঐ বীভৎসটাকে যা এই ধরণীর সংগীত রোধ করে দিয়ে আকাশে লোহার দাঁত মেলে অট্টহাস্য করেছে। স্বর্গকে ভালো লেগেছে বলেই দৈত্যের সঙ্গে লড়াই করতে যেতে স্বেধা করি নে।

সঞ্জয়। গোখুলির আলোটি ঐ নীল পাহাড়ের উপরে মূর্ছিত হয়ে রয়েছে—এর মধ্যে দিয়ে একটা কান্নার মূর্তি তোমার হৃদয়ে এসে পৌঁচছে না?

অভিজিৎ। হাঁ, পৌঁচছে। আমারও বৃক কান্নায় ভরে রয়েছে। আমি কঠোরতার অভিমান রাখি নে। চেয়ে দেখো ঐ পাখি দেবদারু-গাছের চুড়ার ডালটির উপর একলা বসে আছে; ও কি নীড়ে যাবে, না, অন্ধকারের ভিতর দিয়ে দূর প্রবাসের অরণ্যে যাত্রা করবে জানি নে—কিন্তু ও যে এই সূর্যাস্তের আকাশের দিকে চূপ করে চেয়ে আছে সেই চেয়ে থাকার সূর্যটি আমার হৃদয়ে এসে বাজছে। সুন্দর এই পৃথিবী। যা-কিছু আমার জীবনকে মধুময় করেছে সে সমস্তকেই আজ আমি নমস্কার করি।

## বটুর প্রবেশ

বটু। যেতে দিলে না, মেরে ফিরিয়ে দিলে।

অভিজিৎ। কী হয়েছে, বটু—তোমার কপাল ফেটে রক্ত পড়ছে যে!

বটু। আমি সকলকে সাবধান করতে বেরিয়েছিলুম, বলছিলাম, ‘যেয়ো না ও পথে, ফিরে যাও।’

অভিজিৎ। কেন, কী হয়েছে?

বটু। জান না যুবরাজ? ওরা যে আজ যন্ত্রবেদীর উপর তৃষ্ণারাক্ষসীর প্রতিষ্ঠা করবে। মানুষ-বলি চায়।

সঞ্জয়। সে কী কথা?

বটু। সেই বেদী গাঁথবার সময় আমার দুই নাতির রক্ত ঢেলে দিয়েছে। মনে করেছিলুম পাপের বেদী আপনি ভেঙে পড়ে যাবে। কিন্তু এখনো তো ভাঙল না, ভৈরব তো জাগলেন না।

অভিজিৎ। ভাঙবে। সময় এসেছে।

বটু। (কাছে আসিয়া চুপে চুপে) তবে শুনেনে বন্ধু? ভৈরবের আহ্বান শুনেনে?

অভিজিৎ। শুনছি।

বটু। সর্বনাশ! তবে তো তোমার নিষ্কৃতি নেই।

অভিজিৎ। না, নেই।

বটু। এই দেখছ না? আমার মাথা দিয়ে রক্ত পড়ছে, সর্বাত্মে ধুলো। সইতে পারবে কি, যুবরাজ, যখন বন্ধ বিদীর্ণ হয়ে যাবে?

অভিজিৎ। ভৈরবের প্রসাদে সইতে পারব।

বটু। চারি দিকে সবাই যখন শত্রু হবে? আপন লোক যখন ধিক্কার দেবে?

অভিজিৎ। সইতেই হবে।

বটু। তা হলে ভয় নেই?

অভিজিৎ। না, ভয় নেই।

বটু। বেশ বেশ। তা হলে বটুকে মনে রেখো। আমিও ঐ পথে। ভৈরব আমার কপালে এই-যে রক্তিলক এঁকে দিয়েছেন তার থেকে অন্ধকারেও আমাকে চিনতে পারবে।

[ বটুর প্রস্থান ]

## রাজপ্রহরী উম্মবের প্রবেশ

উম্মব। নন্দিসংকটের পথ কেন খুলে দিলে যুবরাজ?

অভিজিৎ। শিবতরাইয়ের লোকদের নিত্যদুর্ভিক্ষ থেকে বাঁচাবার জন্যে।

উম্মব। মহারাজ তো তাদের সাহায্যের জন্যে প্রস্তুত, তাঁর তো দয়ামায়া আছে।

অভিজিৎ। ডান-হাতের কার্পণ্য দিয়ে পথ বন্ধ করে বাঁ-হাতের বদান্যতায় বাঁচানো যায় না। তাই ওদের অন্ন-চলাচলের পথ খুলে দিয়েছি। দয়ার উপর নির্ভর করার দীনতা আমি দেখতে পারি নে।

উম্মব। মহারাজ বলেন, নন্দিসংকটের গড় ভেঙে দিয়ে তুমি উত্তরকূটের ভোজনপাত্রের তলা খসিয়ে দিয়েছ।

অভিজিৎ। চিরদিন শিবতরাইয়ের অন্নজীবী হয়ে থাকবার দুর্গতি থেকে উত্তরকূটকে মুক্তি দিয়েছি।

উম্মব। দুঃসাহসের কাজ করেছে। মহারাজ খবর পেয়েছেন এর বেশি আর কিছু বলতে পারব না। যদি পার তো এখনই চলে যাও। পথে দাঁড়িয়ে তোমার সঙ্গে কথা কওয়াও নিরাপদ নয়।

[ উম্মবের প্রস্থান ]

অম্বার প্রবেশ

অম্বা। সন্মন! বাবা সন্মন! যে পথ দিয়ে তাকে নিয়ে গেল সে পথ দিয়ে তোমরা কি কেউ যাও নি?

অভিজিৎ। তোমার ছেলেকে নিয়ে গেছে?

অম্বা। হাঁ, ঐ পশ্চিমে, যেখানে সন্নিধ্যা ডোবে, যেখানে দিন ফুটোয়।

অভিজিৎ। ঐ পথেই আমি যাব।

অম্বা। তা হলে দুঃখিনীর একটা কথা রেখো—যখন তার দেখা পাবে, বলো মা তার জন্যে পথ চেয়ে আছে।

অভিজিৎ। বলব।

অম্বা। বাবা, তুমি চিরজীবী হও। সন্মন, আমার সন্মন!

[ প্রস্থান

ভৈরবপন্থীদের প্রবেশ

গান

জয় ভৈরব, জয় শংকর,

জয় জয় জয় প্রলয়ংকর।

জয় সংশয়-ভেদন, জয় বন্ধন-ছেদন,

জয় সংকট-সংহর

শংকর শংকর।

[ প্রস্থান

সেনাপতি বিজয়পালের প্রবেশ

বিজয়পাল। যুবরাজ, রাজকুমার, আমার বিনীত অভিবাদন গ্রহণ করুন। মহারাজের কাছ থেকে আসছি।

অভিজিৎ। কী তাঁর আদেশ?

বিজয়পাল। গোপনে বলব।

সঞ্জয়। (অভিজিৎের হাত চাপিয়া ধরিয়া) গোপন কেন? আমার কাছেও গোপন?

বিজয়পাল। সেই তো আদেশ। যুবরাজ একবার রাজশিবিরে পদার্পণ করুন।

সঞ্জয়। আমিও সঙ্গে যাব।

বিজয়পাল। মহারাজ তা ইচ্ছা করেন না।

সঞ্জয়। আমি তবে এই পথেই অপেক্ষা করব।

[ অভিজিৎকে লইয়া বিজয়পাল শিবিরের দিকে প্রস্থান করিল

বাউলের প্রবেশ

গান

ও তো আর ফিরবে না রে, ফিরবে না আর, ফিরবে না রে।

ঝড়ের মূখে ভাসল তরী,

কূলে আর ভিড়বে না রে।

কোন পাগলে নিল ডেকে,

কাঁদন গেল পিছে রেখে,

ওকে তোর বাহুর বান্ধন ঘিরবে না রে।

[ প্রস্থান

## ফুলওয়ালীর প্রবেশ

ফুলওয়ালী। বাবা, উত্তরকূটের বিভূতি মান্দুশটি কে?

সঞ্জয়। কেন, তাকে তোমার কী প্রয়োজন?

ফুলওয়ালী। আমি বিদেশী, দেওতলি থেকে আসছি। শুনোছি উত্তরকূটের সবাই তাঁর পথে পথে পদ্পবৃষ্টি করছে। সাধুপুরুষ বৃদ্ধি? বাবার দর্শন করব বলে নিজের মালগের ফুল এনেছি।

সঞ্জয়। সাধুপুরুষ না হোক, বৃদ্ধমান পুরুষ বটে।

ফুলওয়ালী। কী কাজ করেছেন তিনি?

সঞ্জয়। আমাদের ঝরনাটাকে বেঁধেছেন।

ফুলওয়ালী। তাই পূজো? বাঁধে কি দেবতার কাজ হবে?

সঞ্জয়। না, দেবতার হাতে বোঁড়ি পড়বে।

ফুলওয়ালী। তাই পদ্পবৃষ্টি? বৃদ্ধলম্ব না।

সঞ্জয়। না বোঝাই ভালো। দেবতার ফুল অপায়ে নষ্ট কোরো না, ফিরে যাও। শোনো, শোনো, আমাকে তোমার ঐ শ্বেতপদ্মটি বেচবে?

ফুলওয়ালী। সাধুকে দেব মনন করে যে ফুল এনেছিলুম সে তো বেচতে পারব না।

সঞ্জয়। আমি যে-সাধুকে সব চেয়ে ভক্তি করি তাঁকেই দেব।

ফুলওয়ালী। তবে এই নাও। না, মূল্য নেব না। বাবাকে আমার প্রণাম জানিয়ে। বোলো আমি দেওতলির দুখনী ফুলওয়ালী।

[ প্রস্থান

## বিজয়পালের প্রবেশ

সঞ্জয়। দাদা কোথায়?

বিজয়পাল। শিবিরে তিনি বন্দী।

সঞ্জয়। যুবরাজ বন্দী! এ কী স্বপর্ধা!

বিজয়পাল। এই দেখো মহারাজের আদেশপত্র।

সঞ্জয়। এ কার ষড়যন্ত্র? তাঁর কাছে আমাকে একবার যেতে দাও।

বিজয়পাল। ক্ষমা করবেন।

সঞ্জয়। আমাকেও বন্দী করো, আমি বিদ্রোহী।

বিজয়পাল। আদেশ নেই।

সঞ্জয়। আচ্ছা, আদেশ নিতে এখনই চললুম। (কিছু দূরে গিয়া ফিরিয়া আসিয়া) বিজয়পাল, এই পদ্মটি আমার নাম করে দাদাকে দিয়ে।

[ উভয়ের প্রস্থান

## শিবতরাইয়ের বৈরাগী ধনজয়ের প্রবেশ

## গান

আমি মারের সাগর পাড়ি দেব বিষম ঝড়ের বায়ে

আমার ভয়-ভাঙা এই নায়ে।

মাঠেঃ বাণীর ডরসা নিয়ে

ছেঁড়াপালে বৃদ্ধ ফুলিয়ে

তোমার ওই পারেতেই যাবে তরী

ছায়াবটের ছায়ে।

<sup>১</sup> এই নাটকের পাত্র ধনজয় ও তাহার কথোপকথনের অনেকটা অংশ 'প্রায়শ্চিত্ত'-নামক আমার একটি নাটক হইতে লওয়া। সেই নাটক এখন হইতে পনেরো বছরেরও পূর্বে লিখিত।

পথ আমারে সেই দেখাবে  
যে আমারে চায়—  
আমি অভয়মনে ছাড়ব তরী  
এই শূন্য মোর দায়।  
দিন ফুরোলে জানি জানি  
পৌঁছে ঘাটে দেব আমি  
আমার দঃখদিনের রক্তকমল  
তোমার করুণ পায়ের।

শিবতরাইয়ের একদল প্রজার প্রবেশ

ধনঞ্জয়। একেবারে মৃত্যু চুন বে! কেন রে, কী হয়েছে?

১। প্রভু, রাজশ্যালক চণ্ডপালের মার তো সহ্য হয় না। সে আমাদের যুবরাজকেই মানে না, সেইটেতেই আরো অসহ্য হয়।

ধনঞ্জয়। ওরে, আজও মারকে জিততে পারলি নে? আজও লাগে?

২। রাজার দেউড়িতে ধরে নিয়ে মার! বড়ো অপমান!

ধনঞ্জয়। তোদের মানকে নিজের কাছে রাখিস নে; ভিতরে যে ঠাকুরটি আছেন তাঁরই পায়ের কাছে রেখে আয়, সেখানে অপমান পৌঁছবে না।

গণেশ সর্দারের প্রবেশ

গণেশ। আর সহ্য হয় না, হাত দুটো নিশীপিশ্ করছে।

ধনঞ্জয়। তা হলে হাত দুটো বেহাত হয়েছে বল্।

গণেশ। ঠাকুর, একবার হুকুম করো ঐ ষণ্ডামার্ক চণ্ডপালের দণ্ডটা খসিয়ে নিয়ে মার কাকে বলে একবার দেখিয়ে দিই।

ধনঞ্জয়। মার কাকে না বলে তা দেখাতে পারিস নে? জোর বেশি লাগে বৃদ্ধি? চেউকে বাড়ি মারলে চেউ থামে না, হালটাকে স্থির করে রাখলে চেউ জয় করা যায়।

৪। তা হলে কী করতে বল?

ধনঞ্জয়। মার জিনিসটাকেই একেবারে গোড়া ঘেঁষে কোপ লাগাও।

৩। সেটা কী করে হবে প্রভু?

ধনঞ্জয়। মাথা তুলে যেমনি বলতে পারবি লাগছে না, অমনি মারের শিকড় যাবে কাটা।

২। লাগছে না বলা যে শক্ত।

ধনঞ্জয়। আসল মানুষটি যে, তার লাগে না, সে যে আলোর শিখা। লাগে জন্তুটার, সে যে মাংস, মার খেয়ে কেঁই-কেঁই করে মরে। হাঁ করে রইলি যে? কথাটা বুদ্ধি বলি নে?

২। তোমাকেই আমরা বৃদ্ধি, কথা তোমার নাই বা বুদ্ধিমুখ।

ধনঞ্জয়। তা হলেই সর্বনাশ হয়েছে।

গণেশ। কথা বুদ্ধিতে সময় লাগে, সে তর সয় না; তোমাকে বুদ্ধি নিয়েছি, তাতেই সকাল-সকাল তরে যাব।

ধনঞ্জয়। তার পরে বিকেল যখন হবে? তখন দেখবি কুলের কাছে তরী এসে ডুবেছে। যে কথাটা পাকা, সেটাকে ভিতর থেকে পাকা করে না যদি বৃদ্ধিস তো মজবি।

গণেশ। ও কথা বোলো না, ঠাকুর। তোমার চরণাশ্রয় যখন পেয়েছি তখন যে করে হোক বুদ্ধিছি।

ধনঞ্জয়। বৃদ্ধিস নি যে তা আর বুদ্ধিতে বাকি নেই। তোদের চোখ রয়েছে রাঙিয়ে, তোদের গলা দিয়ে সদর বেরোল না। একটু সদর ধরিয়ে দেব?

## গান

আরো, আরো, প্রভু, আরো আরো  
এমনি করেই মারো, মারো।

ওরে ভীতু, মার এড়াবার জন্যই তোরা হয় মরতে নয় পালাতে থাকিস, দ্দুটো একই কথা।  
দ্দুটোতেই পশদুর দলে ভেড়ায়, পশদুরতির দেখা মেলে না।

লুকিয়ে থাকি আমি পালিয়ে বেড়াই,  
ভয়ে ভয়ে কেবল তোমায় এড়াই—  
যা-কিছু আছে সব কাড়ো কাড়ো।

দেখ বাবা, আমি মৃত্যুঞ্জয়ের সঙ্গে বোঝাপড়া করতে চলছি। বলতে চাই, ‘মার আমায় বাজে  
কি না তুমি নিজেকে বাজিয়ে নাও।’ যে ডরে কিংবা ডর দেখায় তার বোঝা ঘাড়ে নিয়ে এগোতে  
পারব না।

এবার যা করবার তা সারো, সারো—  
আমিই হারি কিংবা তুমিই হারো।  
হাটে ঘাটে বাটে করি খেলা  
কেবল হেসে খেলে গেছে বেলা—  
দেখি কেমনে কাঁদাতে পারো।

সকলে। শাবাশ, ঠাকুর, তাই সই—

দেখি কেমনে কাঁদাতে পারো।

২। কিন্তু তুমি কোথায় চলেছ, বলো তো?

ধনঞ্জয়। রাজার উৎসবে।

৩। ঠাকুর, রাজার পক্ষে যেটা উৎসব তোমার পক্ষে সেটা কী দাঁড়ায় বলা যায় কি? সেখানে  
কী করতে যাবে?

ধনঞ্জয়। রাজসভায় নাম রেখে আসব।

৪। রাজা তোমাকে একবার হাতের কাছে পেলো—না, না, সে হবে না।

ধনঞ্জয়। হবে না কী রে? খুব হবে, পেট ভরে হবে।

১। রাজাকে ভয় কর না তুমি, কিন্তু আমাদের ভয় লাগে।

ধনঞ্জয়। তোরা যে মনে মনে মারতে চাস তাই ভয় করিস, আমি মারতে চাই নে তাই ভয়  
করি নে। যার হিংসা আছে ভয় তাকে কামড়ে লেগে থাকে।

২। আচ্ছা, আমরাও তোমার সঙ্গে যাব।

৩। রাজার কাছে দরবার করব।

ধনঞ্জয়। কী চাইবি রে?

৩। চাইবার তো আছে ঢের, দেয় তবে তো?

ধনঞ্জয়। রাজস্ব চাইবি নে?

৩। ঠাট্টা করছ ঠাকুর?

ধনঞ্জয়। ঠাট্টা কেন করব? এক পায়ে চলার মতো কি দ্বুংখ আছে? রাজস্ব একলা যদি রাজ্যেরই  
হয়, প্রজার না হয়, তা হলে সেই খোঁড়া রাজস্বের লাফানি দেখে তোরা চমকে উঠতে পারিস কিন্তু  
দেবতার চোখে জল আসে। ওরে রাজার খাতিরেই রাজস্ব দাবি করতে হবে।

২। যখন তাড়া লাগাবে?

ধনঞ্জয়। রাজদরবারের উপরতলার মানদুষ যখন নালিশ মঞ্জুর করেন, তখন রাজার তাড়া  
রাজাকেই তেড়ে আসে।



গান

ভুলে যাই থেকে থেকে

তোমার আসন-পরে বসাতে চাও

নাম আমাদের হে'কে হে'কে

সত্যি কথা বলব বাবা? যতক্ষণ তাঁরই আসন বলে না চিনবি ততক্ষণ সিংহাসনে দাবি খাটবে না, রাজারও নয়, প্রজারও না। ও তো বদুক-ফদুলিয়ে বসবার জায়গা নয়, হাত জোড় করে বসা চাই।

দ্বারী মোদের চেনে না যে,

বাধা দেয় পথের মাঝে,

বাহিরে দাঁড়িয়ে আছি,

লও ভিতরে ডেকে ডেকে।

দ্বারী কি সাধে চেনে না? ধুলোয় ধুলোয় কপালের রাজটিকা যে মিলিয়ে এসেছে। ভিতরে বশ মানল না, বাইরে রাজত্ব করতে ছুটবি? রাজা হলেই রাজাসনে বসে, রাজাসনে বসলেই রাজা হয় না।

মোদের প্রাণ দিয়েছ আপন হাতে

মান দিয়েছ তারি সাথে।

থেকেও সে মান থাকে না যে

লোভে আর ভয়ে লাজে,

শ্রান হয় দিনে দিনে,

যায় ধুলোতে ঢেকে ঢেকে।

১। যাই বল, রাজদুর্যোরে কেন যে চলেছ বদ্বতে পারলুম না।

ধনঞ্জয়। কেন, বলব? মনে বড়ো ধোঁকা লেগেছে।

১। সে কি কথা?

ধনঞ্জয়। তোরা আমাকে যত জড়িয়ে ধরছিস তোদের সাঁতার শেখা ততই পিছিয়ে যাচ্ছে। আমারও পার হওয়া দায় হল। তাই ছুটি নৈবার জন্যে চলছি সেইখানে যেখানে আমাকে কেউ মানে না।

১। কিন্তু রাজা তোমাকে তো সহজে ছাড়বে না।

ধনঞ্জয়। ছাড়বে কেন রে। যদি আমাকে বাঁধতে পারে তা হলে আর ভাবনা রইল কী?

গান

আমাকে যে বাঁধবে ধরে এই হবে যার সাধন,

সে কি অমনি হবে?

আমার কাছে পড়লে বাঁধা সেই হবে মোর বাঁধন,

সে কি অমনি হবে?

কে আমারে ভরসা করে আনতে আপন বশে?

সে কি অমনি হবে?

আপনাকে সে করুক-না বশ, মজুক প্রেমের রসে,

সে কি অমনি হবে?

আমাকে যে কাঁদাবে তার ভাগ্যে আছে কাঁদন,

সে কি অমনি হবে?

২। কিন্তু বাবাঠাকুর, তোমার গায়ে যদি হাত তোলে সহিতে পারব না।

ধনঞ্জয়। আমার এই গা বিকিয়েছি যার পায়ে তিনি যদি সন, তবে তোদেরও সহিবে।

১। আচ্ছা, চলো ঠাকুর, শুনো আসি, শুনিয়ে আসি, তার পরে কপালে যা থাকে।  
ধনঞ্জয়। তবে তোরা এইখানে বোস্, এ জয়গায় কখনো আসি নি, পথঘাটের খবরটা নিয়ে আসি।

[প্রস্থান]

১। দেখছিছস ভাই, কী চেহারা ঐ উত্তরকূটের মানুসগদুলোর? যেন একতাল মাংস নিয়ে বিধাতা গড়তে শুরু করেছিলেন শেষ করে উঠতে ফুরসৎ পান নি।

২। আর দেখেছিছস ওদের মালকোঁচা মেরে কাপড় পরবার ধরনটা?

৩। যেন নিজেকে বস্তায় বেঁধেছে, একটুখানি পাছে লোকসান হয়।

১। ওরা মজুর করবার জন্যেই জন্ম নিয়েছে, কেবল সাত ঘাটের জল পেরিয়ে সাত হাটেই ঘুরে বেড়ায়।

২। ওদের যে শিক্ষাই নেই, ওদের যা শাস্তর তার মধ্যে আছে কী?

১। কিচ্ছু না, কিচ্ছু না, দেখিস নি তার অক্ষরগদুলো উইপোকর মতো।

২। উইপোকাই তো বটে। ওদের বিদ্যে যেখানে লাগে সেখানে কেটে টুকরো টুকরো করে।

৩। আর গড়ে তোলে মাটির টাঁবি।

২। ওদের অস্তর দিয়ে মারে প্রাণটাকে, আর শাস্তর দিয়ে মারে মনটাকে।

১। পাপ পাপ! আমাদের গুরু বলে ওদের ছায়া মাড়ানো নৈব নৈবচ। কেন জানিস?

৩। কেন বল্ তো?

২। তা জানিস নে? সমুদ্রমন্থনের পর দেবতার ভাঁড় থেকে অমৃত গড়িয়ে যে মাটিতে পড়েছিল আমাদের শিবতরাইয়ের পূর্বপুরুষ সেই মাটি দিয়ে গড়া। আর দৈত্যরা যখন দেবতার উচ্ছিন্ন ভাঁড় চেটে চেটে নদ্রমায় ফেলে দিলে তখন সেই ভাঁড়ভাঙা পোড়া-মাটি দিয়ে উত্তরকূটের মানুসকে গড়া হয়। তাই ওরা শক্ত, কিন্তু থুঃ—অপবিত্র।

৩। এ তুই কোথায় পেলি?

২। স্বয়ং গুরু বলে দিয়েছেন।

৩। (উদ্দেশ্যে প্রণাম করিয়া) গুরু, তুমিই সত্য।

উত্তরকূটের একদল নাগরিকের প্রবেশ

উ ১। আর সব হল ভালো, কিন্তু কামারের ছেলে বিভূতিকে রাজা একেবারে ক্ষত্রিয় করে নিলে সেটা তো—

উ ২। ও-সব হল ঘরের কথা, সে আমাদের গায়ে ফিরে গিয়ে বদুবে পড়ে নেব। এখন বল্, জয় যন্ত্ররাজ বিভূতির জয়।

উ ৩। ক্ষত্রিয়ের অস্ত্র বৈশ্যের যন্ত্রে যে মিলিয়েছে, জয় সেই যন্ত্ররাজ বিভূতির জয়।

উ ১। ও ভাই, ঐ-যে দেখি শিবতরাইয়ের মানুস।

উ ২। কী করে বুঝলি?

উ ১। কান-ঢাকা টুপি দেখছিছস নে? কিরকম অশুভ দেখতে! যেন উপর থেকে থাবড়া মেয়ে হঠাৎ কে ওদের বাড় বন্ধ করে দিয়েছে।

উ ২। আচ্ছা, এত দেশ থাকতে ওরা কান-ঢাকা টুপি পরে কেন? ওরা কি ভাবে কানটা বিধাতার মতিভ্রম?

উ ১। কানের উপর বাঁধ বেঁধেছে, বদুন্ধি পাছে বেরিয়ে যায়। (সকলের হাস্য)

উ ৩। তাই? না, ভুলক্রমে বদুন্ধি পাছে ভিতরে ঢুকে পড়ে। (হাস্য)

উ ১। পাছে উত্তরকূটের কানমলার ভূত ওদের কানদুটোকে পেয়ে বসে। (হাস্য) ওরে শিবতরাইয়ের অজবুগের দল, সাড়া নেই, শব্দ নেই—হয়েছে কী রে?

উ ৩। জানিস নে আজ আমাদের বড়ো দিন। বল্ যন্ত্ররাজ বিভূতির জয়।

উ ১। চুপ করে রইলি যে? গলা বদজে গেছে? টুংটি চেপে না ধরলে আওয়াজ বেরোবে না বদঝি? বল্ যন্ত্ররাজ বিভূতির জয়!

গণেশ। কেন বিভূতির জয়? কী করেছে সে?

উ ১। বলে কী? কী করেছে? এত বড়ো খবরটা এখনো পেঁছয় নি? কান-ঢাকা টুপি গদগ দেখলি তো?

উ ৩। তোদের পিপাসার জল যে তার হাতে—সে দয়া না করলে অনাবৃষ্টির ব্যাঙগুলোর মতো শুকিয়ে মরে যাবি।

শি ২। পিপাসার জল বিভূতির হাতে? হঠাৎ সে দেবতা হয়ে উঠল নাকি?

উ ২। দেবতাকে ছুটি দিয়ে দেবতার কাজ নিজেই চালিয়ে নেবে।

শি ১। দেবতার কাজ! তার একটা নমুনা দেখি তো।

উ ১। ঐ-যে মুক্তধারার বাঁধ।

[শিবতরাইয়ের সকলের উচ্চহাস্য]

উ ১। এটা কি তোরা ঠাট্টা ঠাউরেছিস?

গণেশ। ঠাট্টা নয়? মুক্তধারা বাঁধবে? ভৈরব স্বহস্তে যা দিয়েছেন, তোমাদের কামারের ছেলে তাই কাড়বে?

উ ১। স্বচক্ষে দেখ-না ঐ আকাশে।

শি ১। বাপ রে! ওটা কী রে?

শি ২। যেন মস্ত একটা লোহার ফড়িং, আকাশে লাফ মারতে যাচ্ছে।

উ ১। ঐ ফড়িংয়ের ঠ্যাং দিয়ে তোমাদের জল আটকেছে।

গণেশ। রেখে দাও সব বাজে কথা। কোন দিন বলবে ঐ ফড়িংয়ের ডানায় বসে তোমাদের কামারের পো চাঁদ ধরতে বেরিয়েছে।

উ ১। ঐ দেখো কান ঢাকার গদগ! ওরা শুনবেও শুনবে না তাই তো মরে।

শি ১। আমরা মরেও মরব না পণ করছি।

উ ৩। বেশ করছে, বাঁচাবে কে?

গণেশ। আমাদের দেবতাকে দেখ নি—প্রত্যক্ষ দেবতা—আমাদের ধনঞ্জয় ঠাকুর? তার একটা দেহ মন্দিরে, একটা দেহ বাইরে।

উ ৩। কান-ঢাকার বলে কী? ওদের মরণ কেউ ঠেকাতে পারবে না।

[উত্তরকূটের দলের প্রস্থান]

ধনঞ্জয়ের প্রবেশ

ধনঞ্জয়। কী বলছিলি রে বোকা? আমারই উপর তোদের বাঁচাবার ভার? তা হলে তো সাতবার মরে ভূত হয়ে রয়েছিস।

গণেশ। উত্তরকূটের ওরা আমাদের শাসিয়ে গেল যে, বিভূতি মুক্তধারার বাঁধ বেঁধেছে।

ধনঞ্জয়। বাঁধ বেঁধেছে বললে?

গণেশ। হাঁ ঠাকুর।

ধনঞ্জয়। সব কথাটা শুনলি নে বদঝি?

গণেশ। ও কি শোনবার কথা? হেসে উড়িয়ে দিলুম।

ধনঞ্জয়। তোদের সব কানগুলো একা আমারই জিম্মায় রেখেছিস? তোদের সবার শোনা আমাকেই শুনতে হবে?

শি ৩। ওর মধ্যে শোনবার আছে কী ঠাকুর?

ধনঞ্জয়। বলিস কী রে? যে শক্তি দূরন্ত তাকে বেঁধে ফেলা কি কম কথা? তা সে অন্তরেই হোক আর বাইরেই হোক।

গণেশ। ঠাকুর, তাই বলে আমাদের পিপাসার জল আটকাবে?

ধনঞ্জয়। সে হল আর-এক কথা। ওটা ভৈরব সইবেন না। তোরা বোস, আমি সন্ধান নিয়ে আসি গে। জগৎটা বাণীময় রে, তার যেদিকটাতে শোনা বন্ধ করবি সেইদিক থেকেই মৃত্যুবাণ আসবে।

[ধনঞ্জয়ের প্রস্থান]

শিবতরাইয়ের একজন নাগরিকের প্রবেশ

শি ৩। একি বিষণ যে! খবর কী?

বিষণ। যদুবরাজকে রাজা শিবতরাই থেকে ডেকে নিয়ে এসেছে, তাকে সেখানে আর রাখবে না।

সকলে। সে হবে না, কিছুতেই হবে না।

বিষণ। কী করবি?

সকলে। ফিরিয়ে নিয়ে যাব।

বিষণ। কী করে?

সকলে। জোর করে।

বিষণ। রাজার সঙ্গে পারবি?

সকলে। রাজাকে মানি নে।

রণজিৎ ও মন্ত্রীর প্রবেশ

রণজিৎ। কাকে মানিস নে?

সকলে। প্রণাম!

গণেশ। তোমার কাছে দরবার করতে এসেছি।

রণজিৎ। কিসের দরবার?

সকলে। আমরা যদুবরাজকে চাই!

রণজিৎ। বলিস কী!

১। হাঁ, যদুবরাজকে শিবতরাইয়ে নিয়ে যাব।

রণজিৎ। আর মনের আনন্দে খাজনা দেবার কথাটা ভুলে যাবি?

সকলে। অন্ন বিনে মরিছ যে।

রণজিৎ। তোদের সর্দার কোথায়?

২। (গণেশকে দেখাইয়া) এই-যে আমাদের গণেশ সর্দার।

রণজিৎ। ও নয়, তোদের বৈরাগী।

গণেশ। ঐ আসছেন।

ধনঞ্জয়ের প্রবেশ

রণজিৎ। তুমি এই-সমস্ত প্রজাদের খেপিয়েছ?

ধনঞ্জয়। খ্যাপাই বৈকি, নিজেও খেপি।

গান

আমারে পাড়ায় পাড়ায় খেপিয়ে বেড়ায় কোন্ খ্যাপা সে?

ওরে আকাশ জুড়ে মোহন সুরে

কী যে বাজায় কোন্ বাতাসে?

গেল রে গেল বেলা,

পাগলের কেমন খেলা?

ডেকে সে আকুল করে, দেয় না ধরা,  
তারে কনন গিরি খুঁজে ফিরি  
কেঁদে মরি কোন্ হৃদাশে।

রণজিৎ। পাগলামি করে কথা চাপা দিতে পারবে না। খাজনা দেবে কি না বলো।

ধনঞ্জয়। না, মহারাজ, দেব না।

রণজিৎ। দেবে না? এত বড়ো আশ্পর্ধা?

ধনঞ্জয়। যা তোমার নয় তা তোমাকে দিতে পারব না।

রণজিৎ। আমার নয়?

ধনঞ্জয়। আমার উদ্ভূত অন্ন তোমার, ক্ষুধার অন্ন তোমার নয়।

রণজিৎ। তুমিই প্রজাদের বারণ কর খাজনা দিতে?

ধনঞ্জয়। ওরা তো ভয়ে দিয়ে ফেলতে চায়, আমি বারণ করে বলি প্রাণ দিবি তাঁকেই প্রাণ দিয়েছেন যিনি।

রণজিৎ। তোমার ভরসা চাপা দিয়ে ওদের ভয়টাকে ঢেকে রাখছ বৈ তো নয়। বাইরের ভরসা একটু ফুটো হলেই ভিতরের ভয় সাতগুণ জোরে বেরিয়ে পড়বে। তখন ওরা মরবে যে। দেখো, বৈরাগী, তোমার কপালে দংশ আছে।

ধনঞ্জয়। যে দংশ কপালে ছিল সে দংশ বৃকে তুলে নিয়েছি। দংশের উপরও আলা সেইখানে বাস করেন।

রণজিৎ। (প্রজাদের প্রতি) আমি তোদের বলছি, তোরা শিবতরাইয়ে ফিরে যা। বৈরাগী, তুমি এইখানেই রইলে।

সকলে। আমাদের প্রাণ থাকতে সে হবে না।

ধনঞ্জয়।

গান

রইল বলে রাখলে কারে?

হুকুম তোমার ফলবে কবে?

টানাটানি টিঁকবে না, ভাই,

রবার যেটা সেটাই হবে।

রাজা, টেনে কিছুই রাখতে পারবে না। সহজে রাখবার শক্তি যদি থাকে তবেই রাখা চলবে।

রণজিৎ। মানে কী হল?

ধনঞ্জয়। যিনি সব দেন তিনিই সব রাখেন। লোভ করে যা রাখতে চাইবে সে হল চোরাই মাল, সে টিঁকবে না।

গান

বা-খুঁশি তাই করতে পার,

গায়ের জোরে রাখ মার,

যাঁর গায়ে তার ব্যথা বাজে

তিনিই যা সন সেটাই হবে।

রাজা, ভুল করছ এই যে, ভাবছ জগৎটাকে কেড়ে নিলেই জগৎ তোমার হল। ছেড়ে রাখলেই যাকে পাও, মৃত্তোর মধ্যে চাপতে গেলেই দেখবে সে ফসকে গেছে।

গান

ভাবছ, হবে তুমি যা চাও,  
জগৎটাকে তুমিই নাচাও,  
দেখবে হঠাৎ নয়ন মেলে  
হয় না যেটা সেটাও হবে।

রণজিৎ। মন্ত্রী, বৈরাগীকে এইখানেই ধরে রেখে দাও।

মন্ত্রী। মহারাজ—

রণজিৎ। আদেশটা তোমার মনের মতো হচ্ছে না?

মন্ত্রী। শাসনের ভীষণ যন্ত্র তো তৈরি হয়েছে, তার উপরে ভয় আরো চড়াতে গেলে সব  
যাবে ভেঙে।

প্রজারা। এ আমাদের সহ্য হবে না।

ধনঞ্জয়। যা বলছি, ফিরে যা।

১। ঠাকুর, যুবরাজকেও যে হারিয়েছি, শোন নি বৃদ্ধি?

২। তা হলে কাকে নিয়ে মনের জোর পাব?

ধনঞ্জয়। আমার জোরেই কি তোদের জোর? এ কথা যদি বলিস তা হলে যে আমাকে-সুদৃশ  
দুর্বল করবি।

গণেশ। ও কথা বলে আজ ফাঁকি দিয়ে না। আমাদের সকলের জোর একা তোমারই মধ্যে।

ধনঞ্জয়। তবে আমার হার হয়েছে। আমাকে সরে দাঁড়াতে হল।

সকলে। কেন ঠাকুর?

ধনঞ্জয়। আমাকে পেয়ে আপনাকে হারাবি? এত বড়ো লোকসান মেটাতে পারি এমন সাধ্য  
কি আমার আছে? বড়ো লজ্জা পেলুম।

১। সে কি কথা ঠাকুর? আচ্ছা, যা করতে বল তাই করব।

ধনঞ্জয়। আমাকে ছেড়ে দিয়ে চলে যা।

২। চলে গিয়ে কী করব? তুমি আমাদের ছেড়ে থাকতে পারবে? আমাদের ভালোবাস না?

ধনঞ্জয়। ভালোবেসে তোদের চোপে মারার চেয়ে, ভালোবেসে তোদের ছেড়ে থাকাই  
ভালো। যা, আর কথা নয়, চলে যা।

সকলে। আচ্ছা ঠাকুর, চললুম, কিন্তু—

ধনঞ্জয়। কিন্তু কী রে। একেবারে নিষ্কিন্তু হয়ে যা, উপরে মাথা তুলে।

সকলে। আচ্ছা, তবে চলি।

ধনঞ্জয়। ওকে চলা বলে? জোরে।

গণেশ। চললুম, কিন্তু আমাদের বলবৃদ্ধি রইল এইখানে পড়ে।

[ প্রস্থান

রণজিৎ। কী বৈরাগী, চুপ করে রইলে যে।

ধনঞ্জয়। ভাবনা ধরিয়ে দিয়েছে রাজা।

রণজিৎ। কিসের ভাবনা?

ধনঞ্জয়। তোমার চন্দ্রপালের দন্ড লাগিয়েও যা করতে পার নি আমি দেখছি তাই করে বসে  
আছি। এতদিন ঠাউরেছিলুম আমি ওদের বলবৃদ্ধি বাড়ানি; আজ মৃৎখের উপর বলে গেল  
আমিই ওদের বলবৃদ্ধি হরণ করেছি।

রণজিৎ। এমনটা হয় কী করে?

ধনঞ্জয়। ওদের যতই মারিতো তুলেছি ততই পাকিয়ে তোলা হয় নি আর-কি। দেনা যাদের  
অনেক বাকি, শূন্য কেবল দোঁড় লাগিয়ে দিয়ে তাদের দেনা শোধ হয় না তো। ওরা ভাবে আমি

বিধাতার চেয়ে বড়ো, তাঁর কাছে ওরা যা ধারে আমি যেন তা নামঞ্জুর করে দিতে পারি। তাই চক্ষু বুল্জে আমাকেই আঁকড়ে থাকে।

রণজিৎ। ওরা যে তোমাকেই দেবতা বলে জেনেছে।

ধনঞ্জয়। তাই আমাতেই এসে ঠেকে গেল, আসল দেবতা পর্যন্ত পৌঁছল না। ভিতরে থেকে যিনি ওদের চালাতে পারতেন বাইরে থেকে আমি তাঁকে রেখেছি ঠেকিয়ে।

রণজিৎ। রাজার খাজনা যখন ওরা দিতে আসে তখন বাধা দাও, আর দেবতার পূজো যখন তোমার পায়ের কাছে এসে পড়ে তখন তোমার বাজে না?

ধনঞ্জয়। ওরে বাপ রে! বাজে না তো কী। দৌড় মেরে পালাতে পারলে বাঁচি। আমাকে পূজো দিয়ে ওরা অন্তরে অন্তরে দেউলে হতে চলল, সে দেনার দায় যে আমারও ঘাড়ে পড়বে, দেবতা ছাড়বেন না।

রণজিৎ। এখন তোমার কর্তব্য?

ধনঞ্জয়। তফাতে থাকা। আমি যদি পাকা করে ওদের মনের বাঁধ বেঁধে থাকি, তা হলে তোমার বিভূতিকে আর আমাকে ভৈরব যেন একসঙ্গেই তাড়া লাগান।

রণজিৎ। তবে আর দেরি কেন? সরো-না।

ধনঞ্জয়। আমি সরে দাঁড়ালেই ওরা একেবারে তোমার চন্দ্রপালের ঘাড়ের উপর গিয়ে চড়াও হবে। তখন যে দন্ড আমার পাওনা সেটা পড়বে ওদেরই মাথার খুলির উপরে। এই ভাবনায় সরতে পারি নে।

রণজিৎ। নিজে সরতে না পার আমিই সরিয়ে দিচ্ছি। উম্মব, বৈরাগীকে এখন শিবিরে বন্দী করে রাখো।

ধনঞ্জয়।

গান

তোর শিকল আমায় বিকল করবে না।

তোর মারে মরম মরবে না।

তাঁর আপন হাতের ছাড়-চিঠি সেই যে

আমার মনের ভিতর রয়েছে এই যে,

তোদের ধরা আমায় ধরবে না।

যে পথ দিয়ে আমার চলাচল

তোর প্রহরী তার খেঁজি পাবে কী বল?

আমি তাঁর দুয়ারে পৌঁছে গেছি রে,

মোরে তোর দুয়ারে ঠেকাবে কী রে?

তোর ডরে পরান উরবে না।

[ধনঞ্জয়কে লইয়া উম্মবের প্রস্থান]

রণজিৎ। মন্ত্রী, বন্দিশালায় অভিজিৎকে দেখে এসো গে। যদি দেখে সে আপন কৃতকর্মের জন্যে অন্ততপ্ত, তা হলে—

মন্ত্রী। মহারাজ, আপনি স্বয়ং গিয়ে একবার—

রণজিৎ। না, না, সে নিজরাজ্যাবলোহী, যতক্ষণ অপরাধ স্বীকার না করে ততক্ষণ তার মূখ-দর্শন করব না। আমি রাজধানীতে যাচ্ছি, সেখানে আমাকে সংবাদ দিয়ো।

[রাজার প্রস্থান]

ভৈরবপঙ্খীর প্রবেশ

গান

তিমির-হৃদ-বিদারণ

জলদগ্নি-নিদারুণ,

মরুশ্মশান-সংসার  
শংকর শংকর।  
বজ্রঘোষবাণী  
রুদ্ধ, শূলপাণি,  
মৃত্যুসিদ্ধ-সন্তর  
শংকর শংকর।

[ প্রস্থান

উদ্ধবের প্রবেশ

উদ্ধব। এ কী! যুবরাজের সঙ্গে দেখা না করেই মহারাজ চলে গেলেন?

মন্ত্রী। পাছে মৃত্যু দেখে প্রতিজ্ঞা ভগ্ন হয় এই ভয়ে। এতক্ষণ ধরে বৈরাগীর সঙ্গে কথা কচ্ছিলেন মনের মধ্যে এই শ্রীবা নিয়। শিবিরের মধ্যেও যেতে পারছিলেন না, শিবির ছেড়ে যেতেও পা উঠছিল না। যাই, যুবরাজকে দেখে আসি গে।

[ প্রস্থান

দুইজন স্ত্রীলোকের প্রবেশ

১। মাসি, ওরা কেন সবাই এমন রোগে উঠেছে? কেন বলছে যুবরাজ অন্যায় করেছেন—  
আমি এ বুদ্ধিতেও পারি নে, সেইতেও পারি নে।

২। বুদ্ধিতে পারিস নে উত্তরকূটের মেয়ে হয়ে? উনি নন্দিসংকটের রাস্তা খুলে দিয়েছেন।

১। আমি জানি নে তাতে অপরাধ কী হয়েছে। কিন্তু আমি কিছতেই বিশ্বাস করি নে যে যুবরাজ অন্যায় করেছেন।

২। তুই ছেলেমানুষ, অনেক দুঃখ পেয়ে তবে একদিন বুদ্ধি বাইরে থেকে যাদের ভালো বলে বোধ হয় তাদেরই বেশি সন্দেহ করতে হয়।

১। কিন্তু যুবরাজকে কী সন্দেহ করছ তোমরা?

২। সবাই বলছে যে শিবতরাইয়ের লোকদের বশ করে নিয়ে, উনি এখনই উত্তরকূটের সিংহাসন জয় করতে চান—ওঁর আর তর সেইছে না।

১। সিংহাসনের কী দরকার ছিল ওঁর। উনি তো সবারই হৃদয় জয় করে নিয়েছেন। যারা ওঁর নিন্দে করছে তাদেরই বিশ্বাস করব আর যুবরাজকে বিশ্বাস করব না?

২। তুই চুপ কর। একরকম মেয়ে, তোর মুখে এ-সব কথা সাজে না। দেশসুন্দর লোক যাকে অভিসম্পাত করছে তুই হঠাৎ তার—

১। আমি দেশসুন্দর লোকের সামনে দাঁড়িয়ে এ কথা বলতে পারি যে—

২। চুপ চুপ।

১। কেন চুপ? আমার চোখ ফেটে জল বেরোতে চায়। যুবরাজকে আমি সব চেয়ে বিশ্বাস করি এই কথাটা প্রকাশ করবার জন্যে আমার যা হয় একটা-কিছু করতে ইচ্ছা করছে। আমার এই লম্বা চুল আমি আজ ভৈরবের কাছে মানত করব—বলব, ‘বাবা, তুমি জানিয়ে দাও যে যুবরাজেরই জয়, যারা নিন্দুক তারা মিথ্যে।’

২। চুপ চুপ চুপ। কোথা থেকে কে শুনতে পাবে। মেয়েটা বিপদ ঘটাবে দেখছি।

[ উভয়ের প্রস্থান

উত্তরকূটের একদল নাগরিকের প্রবেশ

১। কিছতেই ছাড়ছি নে, চল রাজার কাছে যাই।

২। ফল কী হবে? যুবরাজ যে রাজার বক্ষের মানিক, তাঁর অপরাধের বিচার করতে পারবেন না, মাঝের থেকে রাগ করবেন আমাদের 'পরে।



১। করুন রাগ, পশ্চ কথ্য বলব কপালে যাই থাক্।

৩। এদিকে যুবরাজ আমাদের এত ভালোবাসা দেখান, ভাব করেন যেন আকাশের চাঁদ হাতে পেড়ে দেবেন, আর তলে তলে তাঁরই এই কীর্তি? হঠাৎ শিবতরাই তাঁর কাছে উত্তরকূটের চেয়ে বড়ো হয়ে উঠল?

২। এমন হলে পৃথিবীতে আর ধর্ম রইল কোথা? বলো তো দাদা?

৩। কাউকে চেনবার জো নেই।

১। রাজা ঠুকে শাস্তি না দেন তো আমরা দেব।

২। কী করবি?

১। এ দেশে ঠুঁর ঠাই হচ্ছে না। যে পথ কেটেছেন সেই পথ দিয়ে ঠুঁকেই বেরিয়ে যেতে হবে।

৩। কিন্তু ঐ তো চবুয়া গাঁয়ের লোক বললে তিনি শিবতরাইয়ে নেই, এখানে রাজার বাড়িতেও তাঁকে পাওয়া যাচ্ছে না।

১। রাজা তাঁকে নিশ্চয়ই লুকিয়েছে।

৩। লুকিয়েছে? ইস্, দেয়াল ভেঙে বের করব।

১। ঘরে আগুন লাগিয়ে বের করব।

৩। আমাদের ফাঁকি দেবে? মরি মরব, তবু—

উদ্ধবের সহিত মন্ত্রীর প্রবেশ

মন্ত্রী। কী হয়েছে?

১। লুকোচুরি চলবে না। বের করো যুবরাজকে।

মন্ত্রী। আরে বাপদ্, আমি বের করবার কে?

২। তোমরাই তো মন্ত্রণা দিয়ে তাঁকে—পারবে না কিন্তু, আমরা টেনে বের করব।

মন্ত্রী। আচ্ছা, তবে নিজের হাতে রাজত্ব নাও, রাজার গারদ থেকে ছাড়িয়ে আনো।

৩। গারদ থেকে?

মন্ত্রী। মহারাজ তাকে বন্দী করেছেন।

সকলে। জয় মহারাজের, জয় উত্তরকূটের!

২। চল্ রে, আমরা গারদে ঢুকব, সেখানে গিয়ে—

মন্ত্রী। গিয়ে কী করবি?

২। বিভূতির গলার মালা থেকে ফুল খসিয়ে দড়িগাছটা ঠুঁর গলায় বুলিয়ে আসব।

৩। গলায় কেন, হাতে। বাঁধ বাঁধার সম্মানের উচ্ছ্রষ্ট দিয়ে পথ-কাটার হাতে দড়ি পড়বে।

মন্ত্রী। যুবরাজ পথ ভেঙেছেন বলে অপরাধ, আর তোমরা ব্যবস্থা ভাঙবে তাতে অপরাধ নেই?

২। আহা, ও যে সম্পূর্ণ আলাদা কথা। আচ্ছা বেশ, যদি ব্যবস্থা ভাঙি তো কী হবে?

মন্ত্রী। পায়ের তলার মাটি পছন্দ হল না বলে শূন্যে ঝাঁপিয়ে পড়া হবে। সেটাও পছন্দ হবে না বলে রাখছি। একটা ব্যবস্থা আগে করে তবে অন্য ব্যবস্থাটা ভাঙতে হয়।

৩। আচ্ছা, তবে গারদ থাক্, রাজবাড়ির সামনে দাঁড়িয়ে মহারাজের জয়ধ্বনি করে আঁসি গে।

১। ও ভাই, ঐ দেখ্। সূর্য অস্ত গেছে, আকাশ অন্ধকার হয়ে এল, কিন্তু বিভূতির যন্ত্রের ঐ চুড়টা এখনো জ্বলছে। রোদ্দুরের মদ খেয়ে যেন লাল হয়ে রয়েছে।

২। আর ভৈরব-মন্দিরের ত্রিশূলটাকে অস্তসূর্যের আলো আঁকড়ে রয়েছে যেন ডোববার ভয়ে। কী রকম দেখাচ্ছে।

[নাগরিকদের প্রস্থান]

মন্ত্রী। মহারাজ কেন যে যুবরাজকে এই শিবিরে বন্দী করতে বলেছিলেন এখন বুঝেছি। উদ্ধব। কেন?

মন্ত্রী। প্রজাদের হাত থেকে ঠেকে বাঁচবার জন্যে। কিন্তু ভালো ঠেকছে না। লোকের উত্তেজনা কেবলই বেড়ে উঠছে।

#### সজয়ের প্রবেশ

সজয়। মহারাজকে বেশি আগ্রহ দেখাতে সাহস করলুম না, তাতে তাঁর সংকল্প আরো দৃঢ় হয়ে ওঠে।

মন্ত্রী। রাজকুমার, শান্ত থাকবেন, উৎপাতকে আরো জটিল করে তুলবেন না।

সজয়। বিদ্রোহ ঘটিয়ে আমিও বন্দী হতে চাই।

মন্ত্রী। তার চেয়ে মৃত্যু থেকে বন্ধনমোচনের চিন্তা করুন।

সজয়। সেই চেষ্টাতেই প্রজাদের মধ্যে গিয়েছিলুম। জানতুম যুবরাজকে তারা প্রাণের অধিক ভালোবাসে, তাঁর বন্ধন ওরা সহিবে না। গিয়ে দেখি নন্দিসংকটের খবর পেয়ে তারা আগুন হয়ে আছে।

মন্ত্রী। তবেই বুঝছেন—বন্দিশালাতেই যুবরাজ নিরাপদ।

সজয়। আমি চিরদিন তাঁরই অনুবর্তী, বন্দিশালাতেও আমাকে তাঁর অনুসরণ করতে দাও।

মন্ত্রী। কী হবে?

সজয়। পৃথিবীতে কোনো একলা মানুষই এক নয়, সে অর্ধেক। আর-একজনের সঙ্গে মিল হলে তবেই সে ঐক্য পায়। যুবরাজের সঙ্গে আমার সেই মিল।

মন্ত্রী। রাজকুমার, সে কথা মানি। কিন্তু সেই সত্য মিল যেখানে, সেখানে কাছে থাকবার দরকার হয় না। আকাশের মেঘ আর সমুদ্রের জল অন্তরে একই, তাই বাইরে তারা পৃথক হয়ে ঐক্যটিকে সার্থক করে। যুবরাজ আজ যেখানে নেই, সেইখানেই তিনি তোমার মধ্য দিয়ে প্রকাশ পান।

সজয়। মন্ত্রী, এ তো তোমার নিজের কথা বলে শোনাচ্ছে না, এ যেন যুবরাজের মৃত্যুর কথা।

মন্ত্রী। তাঁর কথা এখানকার হাওয়ায় ছড়িয়ে আছে, ব্যবহার করি, অথচ ভুলে যাই তাঁর কি আমার।

সজয়। কিন্তু কথাটি মনে করিয়ে দিয়ে ভালো করেছ, দূর থেকে তাঁরই কাজ করব। যাই মহারাজের কাছে।

মন্ত্রী। কী করতে?

সজয়। শিবতরাইয়ের শাসনভার প্রার্থনা করব।

মন্ত্রী। সময় যে বড়ো সংকটের, এখন কি—

সজয়। সেইজন্যেই এই তো উপযুক্ত সময়।

[ উভয়ের প্রস্থান ]

#### বিশ্বজিতের প্রবেশ

বিশ্বজিত। ও কে ও? উদ্ভব বন্ধু?

উদ্ভব। হাঁ, খুড়া মহারাজ।

বিশ্বজিত। অন্ধকারের জন্যে অপেক্ষা করছিলুম—আমার চিঠি পেয়েছ তো?

উদ্ভব। পেয়েছি।

বিশ্বজিত। সেই মতো কাজ হয়েছে?

উদ্ভব। অল্প পরেই জানতে পারবে। কিন্তু—

বিশ্বজিত। মনে সংশয় কোরো না। মহারাজ ওকে নিজে মৃত্যু দিতে প্রস্তুত নন, কিন্তু তাঁকে না জানিয়ে কোনো উপায়ে আর কেউ যদি এ কাজ সাধন করে তা হলে তিনি বেঁচে যাবেন।

উদ্ভব। কিন্তু সেই আর-কেউকে কিছূতে ক্ষমা করবেন না।

বিশ্বজিৎ। আমার সৈন্য আছে, তারা তোমাকে আর তোমার প্রহরীদের বন্দী করে নিয়ে যাবে। দায় আমারই।

নেপথ্যে। আগুন, আগুন!

উদ্ধব। ঐ হয়েছে! বন্দিশালার সংলগ্ন পাকশালার তাঁবুতে আগুন ধরিয়ে দিয়েছে। এই সুযোগে বন্দী-দুটিকে বের করে দিই।

কিছুক্ষণ পরে অভিজিৎের প্রবেশ

অভিজিৎ। এ কী! দাদামশায় যে!

বিশ্বজিৎ। তোমাকে বন্দী করতে এসেছি। মোহনগড়ে যেতে হবে।

অভিজিৎ। আমাকে আজ কিছুতেই বন্দী করতে পারবে না—না ক্রোধে, না স্নেহে। তোমরা ভাবছ তোমরাই আগুন লাগিয়েছ? না, এ আগুন যেমন করেই হোক লাগত। আজ আমার বন্দী থাকবার অবকাশ নেই।

বিশ্বজিৎ। কেন, ভাই, কী তোমার কাজ?

অভিজিৎ। জন্মকালের ঋণ শোধ করতে হবে। স্রোতের পথ আমার ধাত্রী, তার বন্ধন মোচন করব।

বিশ্বজিৎ। তার অনেক সময় আছে, আজ নয়।

অভিজিৎ। সময় এখনই এসেছে এই কথাই জানি, কিন্তু সময় আবার আসবে কি না সে কথা কেউ জানি নে।

বিশ্বজিৎ। আমরাও তোমার সঙ্গে যোগ দেব।

অভিজিৎ। না, সকলের এক কাজ নয়, আমার উপর যে কাজ পড়েছে সে একলা আমারই।

বিশ্বজিৎ। তোমার শিবতরাইয়ের ভক্তদল যে তোমার কাজে হাত দেবার জন্যে অপেক্ষা করে আছে, তাদের ডাকবে না?

অভিজিৎ। যে ডাক আমি শুনছি সেই ডাক যদি তারাও শুনত তবে আমার জন্যে অপেক্ষা করত না। আমার ডাকে তারা পথ ভুলবে।

বিশ্বজিৎ। ভাই, অন্ধকার হয়ে এসেছে যে।

অভিজিৎ। যেখান থেকে ডাক এসেছে সেইখান থেকে আলোও আসবে।

বিশ্বজিৎ। তোমাকে বাধা দিতে পারি এমন শক্তি আমার নেই। অন্ধকারের মধ্যে একলা চলেছ, তবুও তোমাকে বিদায় দিয়ে ফিরতে হবে। কেবল একটি আশ্বাসের কথা বলে যাও যে, আবার মিলন ঘটবে।

অভিজিৎ। তোমার সঙ্গে আমার বিচ্ছেদ হবার নয় এই কথাটি মনে রেখো।

[দুইজনের দুই পথে প্রস্থান]

ধনঞ্জয়ের প্রবেশ

গান

আগুন, আমার ভাই,  
আমি তোমারি জয় গাই।  
তোমার শিকল-ভাঙা এমন রাঙা  
মর্দিত দেখি নাই।  
দুহাত তুলে আকাশ পানে  
মেতেছ আজ কিসের গানে?  
এ কী আনন্দময় নৃত্য অভয়  
বলিহারি যাই।

যেদিন ভবের মেয়াদ ফুরোবে, ভাই,  
 আগল যাবে সরে,  
 সেদিন হাতের দড়ি পায়ের দড়ি  
 দিবি রে ছাই করে।  
 সেদিন আমার অঙ্গ তোমার অঙ্গে  
 ওই নাচনে নাচবে রঙ্গে,  
 সকল দাহ মিটেবে দাহে,  
 ঘুচবে সব বলাই।

বটুর প্রবেশ

বটু। ঠাকুর, দিন তো গেল, অন্ধকার হয়ে এল।

ধনঞ্জয়। বাবা, বাইরের আলোর উপর ভরসা রাখাই অভ্যাস, তাই অন্ধকার হলেই একেবারে অন্ধকার দেখি।

বটু। ভেবেছিলুম ভৈরবের নৃত্য আজই আরম্ভ হবে, কিন্তু যন্ত্ররাজ কি তাঁরও হাত পা যন্ত্র দিয়ে বেঁধে দিলে?

ধনঞ্জয়। ভৈরবের নৃত্য যখন সবে আরম্ভ হয় তখন চোখে পড়ে না। যখন শেষ হবার পালা আসে তখন প্রকাশ হয়ে পড়ে।

বটু। ভরসা দাও, প্রভু, বড়ো ভয় ধরিয়েছে। জাগো, ভৈরব, জাগো! আলো নিবেছে, পথ ডুবেছে, সাড়া পাই নে মৃত্যুঞ্জয়! ভয়কে মারো ভয় লাগিয়ে। জাগো, ভৈরব জাগো!

[ প্রস্থান ]

উত্তরকূটের নাগারিকদের প্রবেশ

১। মিথ্যে কথা। রাজধানীর গরদে সে নেই। ওকে লুকিয়ে রেখেছে।

২। দেখব কোথায় লুকিয়ে রাখে।

ধনঞ্জয়। না, বাবা, কোথাও পারবে না লুকিয়ে রাখতে। পড়বে দেয়াল, ভাঙবে দরজা, আলো ছুটে বের হয়ে আসবে—সমস্ত প্রকাশ হয়ে পড়বে।

১। এ আবার কে রে? বৃকের ভিতরটায় হঠাৎ চমকিয়ে দিলে।

৩। তা, বেশ হয়েছে। একজন কাউকে চাই। তা, এই বৈরাগীটাকেই ধর। ওকে বাঁধ।

ধনঞ্জয়। যে মানুষ ধরা দিয়ে বসে আছে তাকে ধরবে কী করে?

১। সাধুগিরি রাখে, আমরা ও-সব মানি নে।

ধনঞ্জয়। না মানাই তো ভালো। প্রভু স্বয়ং হাতে ধরে তোমাদের মানিয়ে নেবেন। তোমরা ভাগ্যবান। আমি যে-সব অভাগাদের জানি তারা কেবল মেনে মেনেই গুরুকে খোয়ালে। আমাকে সুদৃঢ় তারা মানার তাড়ায় দেশছাড়া করেছে।

১। তাদের গুরু কে?

ধনঞ্জয়। যার হাতে তারা মার খায়।

১। তা হলে তোমার উপর গুরুগিরি আমরাই শ্রদ্ধা করি-না কেন?

ধনঞ্জয়। রাজি আছি, বাবা। দেখে নিই ঠিকমত পাঠ দিতে পারি কি না। পরীক্ষা হোক।

২। সন্দেহ হচ্ছে তুমিই আমাদের যুবরাজকে নিয়ে কিছু চালাকি করেছে।

ধনঞ্জয়। তোমাদের যুবরাজ আমার চেয়েও চালাক, তাঁর চালাকি আমাকে নিয়ে।

২। দেখালি তো, কথাতার মানে আছে। দুজনে একটা কী ফন্দি চলছে।

১। নইলে এত রাত্রে এখানে ঘুরে বেড়ায় কেন? যুবরাজকে শিবতরাইয়ে সরাবার চেষ্টা।

এইখানেই ওকে বেঁধে রেখে যাই। তার পরে যদুবরাজের সন্ধান পেলে ওর সঙ্গে বোঝাপড়া করব।  
ওহে, কুন্দন, বাঁধো-না। দড়িগাছটা তো তোমার কাছেই আছে।

কুন্দন। এই নাও-না দড়ি, তুমিই বাঁধো-না।

২। ওরে, তোরা কি উত্তরকূটের মানদুষ? দে, আমাকে দে। (বাঁধিতে বাঁধিতে) কেমন হে, গুরু কী বলছেন?

ধনঞ্জয়। কষে চেপে ধরেছেন, সহজে ছাড়ছেন না।

ভৈরবপন্থীর প্রবেশ

গান

তিমির-হৃদবিদারণ

জলদগ্নি-নিদারুণ

মরুশ্মশান-সমুদ্র

শংকর শংকর।

বজ্রঘোষবাণী

রুদ্ধ, শূলপাণি,

মৃত্যুসিন্ধু-সন্তর

শংকর শংকর।

[ প্রস্থান

কুন্দন। ঐ দেখো চেয়ে। গোধূলির আলো যতই নিবে আসছে আমাদের যন্ত্রের চুড়াটা ততই কালো হয়ে উঠছে।

১। দিনের বেলায় ও সূর্যের সঙ্গে পাল্লা দিয়ে এসেছে, অন্ধকারে ও রাতিবেলাকার কালোর সঙ্গে টক্কর দিতে লেগেছে। ওকে ভূতের মতো দেখাচ্ছে।

কুন্দন। বিভূতি তার কীর্তিটাকে এমন করে গড়ল কেন ভাই? উত্তরকূটের যে দিকেই ফির ওর দিকে না তাকিয়ে থাকবার জো নেই, ও যেন একটা বিকট চীৎকারের মতো।

চতুর্থ নাগরিকের প্রবেশ

৪। খবর পাওয়া গেল—ঐ আমবাগানের পিছনে রাজার শিবির পড়েছে, সেখানে যদুবরাজকে রেখে দিয়েছে।

২। এতক্ষণে বোঝা গেল। তাই বটে। বৈরাগী এই পথেই ঘুরছে। ও থাক্ এইখানেই বাঁধা পড়ে। ততক্ষণ দেখে আসি।

[ নাগরিকের প্রস্থান

ধনঞ্জয়।

গান

শুধু কি

তার বেঁধেই তোর কাজ ফুরাবে

গুণী মোর, ও গুণী?

বাঁধাবীণা রইবে পড়ে এমনি ভাবে

গুণী মোর, ও গুণী?

তা হলে

হার হল যে হার হল,

শুধু

বাঁধাবাঁধিই সার হল

গুণী মোর, ও গুণী?

বাঁধনে      যদি তোমার হাত লাগে,  
তা হলেই সদর জাগে  
                 গদগদী মোর, ও গদগদী?  
না হলে      ধূলায় পড়ে লাজ কুড়াবে।

নাগরিকদের পুনঃপ্রবেশ

১। একি কান্ড!

২। খুড়ো মহারাজ যুবরাজকে সমস্ত প্রহরীসমূহ মোহনগড়ে নিয়ে গেলেন। এর মানে কী হল?

কুন্দন। উত্তরকূটের রক্ত তো গুর শিরায় আছে। পাছে এখানে যুবরাজের উচিত বিচার না হয় সেইজন্যে তাঁকে জোর করে বন্দী করে নিয়ে গেছেন।

১। ভারি অন্যায়। একে অত্যাচার বলে। আমাদের যুবরাজকে আমরা শাস্তি দিতে পারব না?

২। এর উচিত বিধান হচ্ছে—বুঝলে দাদা—

১। হাঁ, হাঁ, গুদের সেই সোনার খনিটা—

কুন্দন। আর জানিস তো, ভাই, গুর গোষ্ঠে কিছু না হবে তো পঁচিশ হাজার গোরু আছে।

১। তার সব কটি গুনে নিয়ে তবে—কী অন্যায়! অসহ্য অন্যায়!

৩। আর গুদের সেই জাফরানের খেত, তার থেকে অন্তত পক্ষে বৎসরে—

২। হাঁ, হাঁ, সেটা দিতে হবে গুকে দণ্ড। কিন্তু এখন এই বৈরাগীকে নিয়ে কী করা যায়?

১। ও ঐখানেই থাক-না পড়ে।

[নাগরিকদের প্রস্থান]

ধনঞ্জয়।

গান

ফেলে রাখলেই কি পড়ে রবে? (ও অবোধ)  
যে তার দাম জানে সে কুড়িয়ে লবে। (ও অবোধ)  
ও-যে কোন রতন তা দেখে-না ভাবি,  
                 ওর 'পরে কি ধূলোর দাবি?  
ও হারিয়ে গেলে তাঁর গলার  
                 হার গাঁথা যে ব্যর্থ হবে।  
ওর খোঁজ পড়েছে জানিস নে তা?  
তাই দূত বেরোল হেথা সেথা।  
যারে করলি হেলা সবাই মিলি  
                 আদর যে তার বাড়িয়ে দিলি,  
যারে দরদ দিলি, তার ব্যথা কি  
                 সেই দরদির প্রাণে সবে?

কুন্দনের পুনঃপ্রবেশ

কুন্দন। ঠাকুর, তোমার বাঁধনটা খুলে দি, অপরাধ নিরো না। তুমি এখনই বাড়ি পালাও। কী জানি আজ রাতে—

ধনঞ্জয়। কী জানি আজ রাতে যদি ডাক পড়ে সেইজন্যেই তো বাড়ি পালাবার জো নাই।

কুন্দন। এখানে তোমার ডাক কোথায়?

ধনঞ্জয়। উৎসবের শেষ পালাটায়।

কুন্দন। তুমি শিবতরাইয়ের মানদুষ হয়ে উত্তরকূটের—

ধনঞ্জয়। ভৈরবের উৎসবে এখন শিবতরাইয়ের আরতিই কেবল বাকি আছে।  
নেপথ্যে। জাগো, ভৈরব, জাগো!  
কুন্দন। আমার ভালো বোধ হচ্ছে না, চললেম!

[উভয়ের প্রস্থান]

উত্তরকূটের দুইজন রাজদূতের প্রবেশ

১। এখন কোন্ দিকে যাই? নওসান্দুতে যারা ছাগল চরায় তারা তো বললে তারা দেখেছে যুবরাজ একলা এই পথ দিয়ে পশ্চিমের দিকে গেছেন।

২। আজ রাত্রে তাঁকে খুঁজে বের করতেই হবে মহারাজের হুকুম।

১। মোহনগড়ে তাঁকে নিয়ে গেছে বলে কথা উঠেছে। কিন্তু অম্বা পাগলির কথা শুনলে স্পষ্ট বোধ হচ্ছে সে যাকে দেখেছে সে আমাদের যুবরাজ—আর তিনি এই পথ দিয়েই উঠেছেন।

২। কিন্তু এই অন্ধকারে তিনি একলা কোথায় যে যাবেন বোঝা যাচ্ছে না।

১। আলো না হলে আমরা তো এক পা এগোতে পারব না। কোটপালের কাছ থেকে আলো সংগ্রহ করে আনি গে।

[উভয়ের প্রস্থান]

একজন পথিকের প্রবেশ

পথিক। (চীৎকার করিয়া) ওরে বৃদ্ধ—ন! শম্ভু—উ! বিপদে ফেললে। আমাকে এগিয়ে দিলে, বললে চড়াই পথ বেয়ে সোজা এসে আমাকে ধরবে। কারো দেখা নেই। অন্ধকারে ঐ কালো যন্ত্রটা ইশারা করছে। ভয় লাগিয়ে দিলে। কে আসে? কে হে? জবাব দাও—না কেন? বৃদ্ধন না কি?

২ পথিক। আমি নিমকু, বাতিওআলা। রাজধানীতে সমস্ত রাত আলো জ্বলবে, বাতির দরকার। তুমি কে?

১ পথিক। আমি হুন্বা, যাত্রার দলে গান করি। পথের মধ্যে দেখতে পেলো কি আন্দু অধিকারীর দল?

নিমকু। অনেক মানুষ আসছে, কাকে চিনব?

হুন্বা। অনেক মানুষের মধ্যে তাকে ধরো না, আমাদের আন্দু। সে একেবারে আস্ত একখানি মানুষ—ভিড়ের মধ্যে তাকে খুঁটে বের করতে হয় না—সবাইকে ঠেলে দেখা দেয়। দাদা, তোমার ঐ ঝড়িটার মধ্যে বোধ করি বাতি অনেকগুলো আছে, একখানা দাও—না। ঘরের লোকের চেয়ে রাস্তার লোকের আলোর দরকার বেশি।

নিমকু। দাম কত দেবে?

হুন্বা। দামই যদি দিতে পারতুম তবে তো তোমার সঙ্গে হেঁকে কথা কইতুম, মিঠে সদর বের করব কেন?

নিমকু। রসিক বট হে।

[প্রস্থান]

হুন্বা। বাতি দিলে না, কিন্তু রসিক বলে চিনে নিলে। সেটা কম কথা নয়। রসিকের গদুণ এই ঘোর অন্ধকারেও তাকে চেনা যায়। উঃ, ঝিঝির ডাকে আকাশটার গা ঝিম্ ঝিম্ করছে। নাঃ, বাতিওআলার সঙ্গে রসিকতা না করে ডাকাতি করলে কাজে লাগত।

আর-একজন পথিকের প্রবেশ

পথিক। হেইয়ো!

হুন্বা। বাবা রে, চমকিয়ে দাও কেন?

পথিক। এখন চলো!

হৃদ্বা। চলব বলেই তো বেরিয়েছিলুম। দলের লোককে ছাড়িয়ে চলতে গিয়ে কিরকম অচল হয়ে পড়তে হয় সেই তত্ত্বটা মনে মনে হজম করবার চেষ্টা করছি।

পথিক। দলের লোক তৈরি আছে, এখন তুমি গিয়ে জুটলেই হবে।

হৃদ্বা। কথাটা কী বললে? আমরা তিনমোহনার লোক, আমাদের একটা বদ অভ্যাস আছে পশ্চ কথ্য না হলে বন্ধুতেই পারি নে। দলের লোক বলছ কাকে?

পথিক। আমরা চবুয়া গায়ের লোক, পশ্চ বোঝাবার বদ অভ্যাসে হাত পাকিয়েছি। (ধাক্কা দিয়া) এইবার বন্ধুকে তো?

হৃদ্বা। উঃ, বুঝেছি। ওর সোজা মানে হচ্ছে, আমাকে চলতেই হবে মর্জি থাক্ আর না থাক্। কোথায় চলব? এবার একটু মোলায়েম করে জবাব দিয়ো। তোমার আলাপের প্রথম ধাক্কাতেই আমার বন্ধুত্ব পরিষ্কার হয়ে এসেছে।

পথিক। শিবতরাইয়ে যেতে হবে।

হৃদ্বা। শিবতরাইয়ে? এই অমাবস্যারাত্রে? সেখানে পালাটা কিসের?

পথিক। নন্দিসংকটের ভাঙা গড় ফিরে গাঁথবার পালা।

হৃদ্বা। ভাঙা গড় আমাকে দিয়ে গাঁথাবে? দাদা, অন্ধকারে আমার চেহারাটা দেখতে পাচ্ছ না বলেই এত বড়ো শব্দ কথটা বললে। আমি হচ্ছি—

পথিক। তুমি যেই হও-না কেন, দুখানা হাত আছে তো?

হৃদ্বা। নেহাত না থাকলে নয় বলেই আছে, নইলে একে কি—

পথিক। হাতের পরিচয় মুখের কথায় হয় না, যথাস্থানেই হবে, এখন ওঠো।

#### শিবতরাই পথিকের প্রবেশ

২ পথিক। ঐ আর-একজন লোককে পেয়েছি কঙ্কর।

কঙ্কর। লোকটা কে?

৩। আমি কেউ না, বাবা, আমি লছমন, উত্তরভৈরবের মন্দিরে ঘণ্টা বাজাই।

কঙ্কর। সে তো ভালো কথা, হাতে জোর আছে। চলো শিবতরাই।

লছমন। যাব তো, কিন্তু মন্দিরের ঘণ্টা—

কঙ্কর। বাবা ভৈরব নিজের ঘণ্টা নিজেই বাজাবেন।

লছমন। দোহাই তোমাদের, আমার স্ত্রী রোগে ভুগছে।

কঙ্কর। তুমি চলে গেলে তার রোগ হয় সারবে, নয় সে মরবে; তুমি থাকলেও ঠিক তাই হত।

হৃদ্বা। ভাই লছমন, চুপ করে মেনে যাও। কাজটাতে বিপদ আছে বটে, কিন্তু আপত্তিতেও বিপদ কম নেই—আমি একটু আভাস পেয়েছি।

কঙ্কর। ঐ-ষে, নরসিংের গলা শোনা যাচ্ছে। কী নরসিং, খবর ভালো তো?

#### কঙ্করজন লোককে লইয়া নরসিংের প্রবেশ

নরসিং। এই দেখো, দল জুটিয়ে এনেছি। আরো কয়দল আগেই রওনা হয়েছে।

কঙ্কর। তা হলে চলো, পথের মধ্যে আরো কিছু কিছু জুটেবে।

দলের একজন। আমি যাব না।

কঙ্কর। কেন যাবে না? কী হয়েছে?

উক্ত ব্যক্তি। কিছু হয় নি, আমি যাব না।

কঙ্কর। লোকটার নাম কী নরসিং?

নরসিং। ওর নাম বনোয়ারি, পশ্চিমবীরের মালা তৈরি করে।

কঙ্কর। আচ্ছা, ওর সঙ্গে একটু বোঝাপড়া করে নিই—কেন যাবে না বলো তো?



বনোয়ারি। প্রবৃত্তি নেই। শিবতরাইয়ের লোকের সঙ্গে আমার ঝগড়া নেই। ওরা আমাদের শত্রু নয়।

কঙ্কর। আচ্ছা, নাহয় আমরাই ওদের শত্রু হলাম, তারও তো একটা কর্তব্য আছে?

বনোয়ারি। আমি অন্যায় করতে পারব না।

কঙ্কর। ন্যায় অন্যায় ভাববার স্বাভাব্য যেখানে সেইখানেই অন্যায় হচ্ছে অন্যায়। উত্তরকূট বিরাট, তার অংশরূপে যে কাজ তোমার শ্বারা হবে তার কোনো দায়িত্বই তোমার নেই।

বনোয়ারি। উত্তরকূটকে ছাড়িয়ে থাকেন এমন বিরাটও আছেন। উত্তরকূটও তাঁর যেমন অংশ, শিবতরাইও তেমনি।

কঙ্কর। ওহে নরসিং, লোকটা তর্ক করে যে। দেশের পক্ষে ওর বাড়ি আপদ আর নেই।

নরসিং। শক্ত কাজে লাগিয়ে দিলেই তর্ক ঝাড়াই হয়ে যায়। তাই ওকে টেনে নিয়ে চলোছি।

বনোয়ারি। তাতে তোমাদের ভার হয়ে থাকবে, কোনো কাজে লাগবে না।

কঙ্কর। উত্তরকূটের ভার তুমি, তোমাকে বর্জন করবার উপায় খুঁজছি।

হুস্বা। বনোয়ারি খুঁড়ো, তুমি বিচার করে সব কথা বদ্বাতে চাও বলেই যারা বিনা বিচারে বদ্বিয়ে থাকে তাদের সঙ্গে তোমার এত ঠোকাঠুর্কি বাধে। হয় তাদের প্রণালীটা কায়দা করে নাও, নয় নিজের প্রণালীটা ছেড়ে ঠাণ্ডা হয়ে বসে থাকো।

বনোয়ারি। তোমার প্রণালীটা কী।

হুস্বা। আমি গান গাই। সেটা এখানে খাটবে না বলেই সদর বের করছি নে—নইলে এতক্ষণে তান লাগিয়ে দিতুম।

কঙ্কর। (বনোয়ারির প্রতি) এখন তোমার অভিপ্রায় কী?

বনোয়ারি। আমি এক পা নড়ব না।

কঙ্কর। তা হলে আমরাই তোমাকে নড়াব। বাঁধো ওকে।

হুস্বা। একটা কথা বলি, কঙ্করদাদা, রাগ কোরো না। ওকে বসে নিয়ে যেতে যে জোরটা খরচ করবে সেইটে বাঁচাতে পারলে কাজে লাগত।

কঙ্কর। উত্তরকূটের সেবায় যারা অনিচ্ছুক তাদের দমন করা একটা কাজ, সময় থাকতে এই কথাটা বদ্বা দেখো।

হুস্বা। এরই মধ্যে বদ্বা নিয়েছি।

[নরসিং ও কঙ্কর ছাড়া আর সকলের প্রস্থান]

নরসিং। ঐ-যে বিভূতি আসছে। যন্ত্ররাজ বিভূতির জয়!

### বিভূতির প্রবেশ

কঙ্কর। কাজ অনেকটা এগিয়েছে, লোকও কম জোটে নি। কিন্তু তুমি এখানে কেন? তোমাকে নিয়ে সবাই যে উৎসব করবে।

বিভূতি। উৎসবে আমার শখ নেই।

নরসিং। কেন বলো তো।

বিভূতি। আমার কীর্তি খর্ব করবার জন্যেই নন্দিসংকটের গড় ভাঙার খবর ঠিক আজ এসে পৌঁছিল। আমার সঙ্গে একটা প্রতিযোগিতা চলছে।

কঙ্কর। কার প্রতিযোগিতা যন্ত্ররাজ?

বিভূতি। নাম করতে চাই নে, সবাই জান। উত্তরকূটে তাঁর বেশি আদর হবে, না আমার, এই হয়ে দাঁড়াল সমস্যা। একটা কথা তোমাদের জানা নেই—এর মধ্যে আমার কাছে কোনো পক্ষ থেকে দূত এসেছিল আমার মন ভাঙাতে; আমার মুত্তধারার বাঁধ ভাঙবে এমন শাসনবাক্যেরও আভাস দিয়ে গেল।

নরসিং। এত বড়ো কথা!

কঙ্কর। তুমি সহ্য করলে বিভূতি?

বিভূতি। প্রলাপবাক্যের প্রতিবাদ চলে না।

কঙ্কর। কিন্তু, বিভূতি, এত বেশি নিঃসংশয় হওয়া কি ভালো? তুমিই তো বলেছিলে বাঁধের বন্ধন দুই-এক জায়গায় আলগা আছে, তার সম্ভান জানলে অল্প একটুখানিতেই—

বিভূতি। সম্ভান যে জানবে সে এও জানবে যে, সেই ছিদ্র খুলতে গেলে তার রক্ষা নেই, বন্যায় তখনই ভাসিয়ে নিয়ে যাবে।

নরসিং। পাহারা রাখলে ভালো করতে-না?

বিভূতি। সে ছিদ্রের কাছে যম স্বয়ং পাহারা দিচ্ছেন। বাঁধের জন্যে কিছুমাত্র আশঙ্কা নেই। আপাতত ঐ নন্দিসংকটের পথটা আটকে দিতে পারলে আমার আর কোনো খেদ থাকে না।

কঙ্কর। তোমার পক্ষে এ তো কঠিন নয়।

বিভূতি। না, আমার যন্ত্র প্রস্তুত আছে। মৃদুশিকল এই যে, ঐ গিরিপথটা সংকীর্ণ, অনায়াসেই অল্প কয়েকজনেই বাধা দিতে পারে।

নরসিং। বাধা কত দেবে? মরতে মরতে গেঁথে তুলব।

বিভূতি। মরবার লোক বিস্তর চাই।

কঙ্কর। মরবার লোক থাকলে মরবার লোকের অভাব ঘটে না।

নেপথ্যে। জাগো, ভৈরব, জাগো!

#### ধনঞ্জয়ের প্রবেশ

কঙ্কর। ঐ দেখো, যাবার মূখে অযাত্রা।

বিভূতি। বৈরাগী, তোমাদের মতো সাধুরা ভৈরবকে এ পর্যন্ত জাগাতে পারলে না, আর যাকে পাশ্চাত্য বল সেই আমি ভৈরবকে জাগাতে চলেছি।

ধনঞ্জয়। সে কথা মানি, জাগাবার ভার তোমাদের উপরেই।

বিভূতি। এ কিন্তু তোমাদের ঘণ্টা নেড়ে আরতির দীপ জ্বালিয়ে জাগানো নয়।

ধনঞ্জয়। না, তোমরা শিকল দিয়ে তাঁকে বাঁধবে, তিনি শিকল ছেঁড়বার জন্যে জাগবেন।

বিভূতি। সহজ শিকল আমাদের নয়, পাকের পর পাক, গ্রন্থির পর গ্রন্থি।

ধনঞ্জয়। সব চেয়ে দৃঃসাধ্য যখন হয় তখনই তাঁর সময় আসে।

#### ভৈরবপন্থীর প্রবেশ

##### গান

জয় ভৈরব, জয় শংকর,

জয় জয় জয় প্রলয়ংকর।

জয় সংশয়-ভেদন,

জয় বন্ধন-ছেদন,

জয় সংকট-সংহর,

শংকর শংকর।

[ প্রস্থান

#### রণজিৎ ও মন্টীর প্রবেশ

মন্টী। মহারাজ, শিবির একেবারে শূন্য, অনেকখানি পড়েছে। অল্প কয়েকজন প্রহরী ছিল, তারা তো—

রণজিৎ। তারা যেখানেই থাক্-না, অভিভিৎ কোথায় জানা চাই।

কঙ্কর। মহারাজ, যদুবরাজের শাস্তি আমরা দাবি করি।

রণজিৎ। শাস্তির যে যোগ্য তার শাস্তি দিতে আমি কি তোমাদের অপেক্ষা করে থাকি?

কঙ্কর। তাঁকে খুঁজে না পেয়ে লোকের মনে সংশয় উপস্থিত হয়েছে।

রণজিৎ। কী! সংশয়! কার সম্বন্ধে?

কঙ্কর। ক্ষমা করবেন মহারাজ। প্রজাদের মনের ভাব আপনার জানা চাই। যুবরাজকে খুঁজে পেতে যতই বিলম্ব হচ্ছে ততই তাদের অধৈর্য এত বেড়ে উঠছে যে, যখন তাঁকে পাওয়া যাবে তখন তারা শাস্তির জন্যে মহারাজের অপেক্ষা করবে না।

বিভূতি। মহারাজের আদেশের অপেক্ষা না করেই নন্দিসংকটের ভাঙা দুর্গ গড়ে তোলবার ভার আমরা নিজের হাতে নিয়েছি।

রণজিৎ। আমার হাতে কেন রাখতে পারলে না?

বিভূতি। যেটা আপনারই বংশের অপকীর্তি, তাতে আপনারও গোপন সম্মতি আছে এরকম সন্দেহ হওয়া মানুষের পক্ষে স্বাভাবিক।

মন্ত্রী। মহারাজ, আজ জনসাধারণের মন এক দিকে আত্মশ্লাঘায় অন্য দিকে ক্রোধে উত্তেজিত। আজ অধৈর্যের দ্বারা অধৈর্যকে উদ্দাম করে তুলবেন না।

রণজিৎ। ওখানে ও কে দাঁড়িয়ে? ধনঞ্জয় বৈরাগী?

ধনঞ্জয়। বৈরাগীটাকেও মহারাজের মনে আছে দেখছি।

রণজিৎ। যুবরাজ কোথায় তা তুমি নিশ্চিত জান।

ধনঞ্জয়। না, মহারাজ, যা আমি নিশ্চিত জানি তা চেপে রাখতে পারি নে, তাই বিপদে পড়ি।

রণজিৎ। তবে এখানে কী করছ?

ধনঞ্জয়। যুবরাজের প্রকাশের জন্যে অপেক্ষা করছি।

নেপথ্যে। স্দমন, বাবা স্দমন! অন্ধকার হয়ে এল, সব অন্ধকার হয়ে এল।

রাজা। ও কে ও?

মন্ত্রী। সেই অম্বা পাগলী।

#### অম্বার প্রবেশ

অম্বা। কই, সে তো ফিরল না।

রণজিৎ। কেন খুঁজছ তাকে? সময় হয়েছিল, ভৈরব তাকে ডেকে নিয়েছেন।

অম্বা। ভৈরব কি কেবল ডেকেই নেন? ভৈরব কি কখনো ফিরিয়ে দেন না? চুপিচুপি? গভীর রাতে? স্দমন, স্দমন!

[প্রস্থান]

#### চরের প্রবেশ

চর। শিবতরাই থেকে হাজার হাজার লোক চলে আসছে।

বিভূতি। সে কি কথা? আমরা হঠাৎ গিয়ে তাদের নিরস্ত্র করব এই তো ঠিক ছিল। নিশ্চয় তোমাদের কোনো বিশ্বাসঘাতক তাদের খবর দিয়েছে। কঙ্কর, তোমরা করজন ছাড়া ভিতরের কথা কেউ তো জানে না। তা হলে কী করে—

কঙ্কর। কী বিভূতি! আমাদেরও সন্দেহ কর না কি?

বিভূতি। সন্দেহ করার সীমা কোথাও নেই।

কঙ্কর। তা হলে আমরাও তোমাকে সন্দেহ করি।

বিভূতি। সে অধিকার তোমাদের আছে। যাই হোক, সময় হলে এর একটা বোঝাপড়া করতে হবে।

রণজিৎ। (চরের প্রতি) তারা কী অভিপ্রায়ে আসছে তুমি জান?

চর। তারা শুনেছে—যুবরাজ বন্দী হয়েছেন, তাই পণ করেছে তাঁকে খুঁজে বের করবে।

এখান থেকে মনুষ্য করে তাঁকে ওরা শিবতরাইয়ের রাজা করতে চায়।

বিভূতি। আমরাও খুঁজছি যুবরাজকে আর ওরাও খুঁজছে, দেখি কার হাতে পড়েন।

ধনঞ্জয়। তোমাদের দুই দলেরই হাতে পড়বেন, তাঁর মনে পক্ষপাত নেই।

চর। ঐ-যে আসছে শিবতরাইয়ের গণেশ সর্দার।

গণেশের প্রবেশ

গণেশ। (ধনঞ্জয়ের প্রতি) ঠাকুর, পাব তো তাঁকে?

ধনঞ্জয়। হাঁ রে, পাবি।

গণেশ। নিশ্চয় করে বলো।

ধনঞ্জয়। পাবি রে।

রণজিৎ। কাকে খুঁজছিস?

গণেশ। এই যে, রাজা, ছেড়ে দিতে হবে।

রণজিৎ। কাকে রে?

গণেশ। আমাদের যুবরাজকে। তোমরা তাকে চাও না, আমরা তাকে চাই। আমাদের সবই তোমরা আটক করে রাখবে? ওকেও?

ধনঞ্জয়। মানুষ চিনলি নে বোকা? ওকে আটক করে এমন সাধ্য আছে কার?

গণেশ। ওকে আমাদের রাজা করে রাখব।

ধনঞ্জয়। রাখবি বৈকি। ও রাজবেশ পরে আসবে।

ভৈরবপঙ্খীর প্রবেশ

গান

তিমির-হৃদ-বিদারণ

জ্বলদগ্নি-নিদারণ

মরু-মশান-সংগর

শংকর শংকর।

বল্লবোষ-বাণী

রুদ্র শূলপাণি

মৃত্যুসিদ্ধ-সন্তর

শংকর শংকর।

[ প্রস্থান

নৈপথ্যে। মা ডাকে, মা ডাকে। ফিরে আয়, সুমন, ফিরে আয়।

বিভূতি। ও কী শব্দ! ও কিসের শব্দ?

ধনঞ্জয়। অন্ধকারের বৃকের ভিতর খিল্ খিল্ করে হেসে উঠল যে।

বিভূতি। আঃ, থামো-না, শব্দটা কোন্ দিকে বলো তো।

নৈপথ্যে। জয় হোক ভৈরব!

বিভূতি। এ তো স্পষ্টই জলস্রোতের শব্দ!

ধনঞ্জয়। নাচ-আরম্ভের প্রথম ডমরুধ্বনি।

বিভূতি। শব্দ বেড়ে উঠছে যে, বেড়ে উঠছে!

কঙ্কর। এ যেন—

নরসিং। বোধ হচ্ছে যেন—

বিভূতি। হাঁ, হাঁ, সন্দেহ নেই। মুক্তধারা ছুটেছে। বাঁধ কে ভাঙলে? কে ভাঙলে? তার নিস্তার নেই।

[ কক্ষর নরসিং ও বিভূতির দ্রুত প্রস্থান

রণজিৎ। মন্ত্রী, এ কী কাণ্ড?

ধনঞ্জয়। বাঁধ-ভাঙার উৎসবে ডাক পড়েছে।

গান

বাজে রে বাজে ডমরু বাজে  
হৃদয়মাঝে হৃদয়মাঝে।

মন্ত্রী। মহারাজ, এ যেন—

রণজিৎ। হাঁ, এ যেন তারই—

মন্ত্রী। তিনি ছাড়া আর তো কারো—

রণজিৎ। এমন সাহস আর কার!

ধনঞ্জয়।

গান

নাচে রে নাচে চরণ নাচে  
প্রাণের কাছে, প্রাণের কাছে।

রণজিৎ। শাস্তি দিতে হয় আমি শাস্তি দেব। কিন্তু এই-সব উন্মত্ত প্রজাদের হাত থেকে—  
আমার অভিজিৎ দেবতার প্রিয়, দেবতার তাকে রক্ষা করুন।

গণেশ। প্রভু, ব্যাপার কী হল কিছু তো বদ্বতে পারছি নে।

ধনঞ্জয়।

গান

প্রহর জাগে, প্রহরী জাগে,  
তারায় তারায় কাঁপন লাগে।

রণজিৎ। ঐ পায়ের শব্দ শুনছি যেন। অভিজিৎ অভিজিৎ!

মন্ত্রী। ঐ যেন আসছেন।

ধনঞ্জয়।

গান

মরমে মরমে বেদনা ফুটে,  
বাঁধন টুটে, বাঁধন টুটে।

সজয়ের প্রবেশ

রণজিৎ। এ যে সজয়! অভিজিৎ কোথায়?

সজয়। মুক্তধারার স্রোত তাঁকে নিয়ে গেল, আমরা তাঁকে পেলুম না।

রণজিৎ। কী বলছ কুমার!

সজয়। যুবরাজ মুক্তধারার বাঁধ ভেঙেছেন।

রণজিৎ। বুদ্ধোচ্ছ, সেই মনুষ্যে তিনি মনুষ্য পেয়েছেন। সজয়, তোমাকে কি তিনি সঙ্গে নিয়েছিলেন?

সজয়। না, কিন্তু আমি মনে বুদ্ধোচ্ছলাম তিনি ঐখানেই যাবেন, আমি গিয়ে অন্ধকারে তাঁর  
রঙ। ২৮ক

জন্যে অপেক্ষা করছিলাম, কিন্তু ঐ পর্যন্ত—বাধা দিলেন, আমাকে শেষ পর্যন্ত যেতে দিলেন না।  
 রণজিৎ। কী হল আর-একটু বলো।

সঞ্জয়। ঐ বাঁধের একটা চুড়টির সম্মান কী করে তিনি জেনেছিলেন। সেইখানে যন্ত্রাসূরকে তিনি আঘাত করলেন, যন্ত্রাসূর তাঁকে সেই আঘাত ফিরিয়ে দিলে। তখন মদন্তধারা তাঁর সেই আহত দেহকে মায়ের মতো কোলে তুলে নিয়ে চলে গেল।

গণেশ। যুবরাজকে আমরা যে ঋজুতে বেরিয়েছিলাম, তা হলে তাঁকে কি আর পাব না।  
 ধনঞ্জয়। চিরকালের মতো পেয়ে গেছি।

ভৈরবপন্থীর প্রবেশ

গান

জয় ভৈরব, জয় শংকর,  
 জয় জয় জয় প্রলয়ংকর।  
 জয় সংশয়-ভেদন,  
 জয় বন্ধন-ছেদন,  
 জয় সংকট-সংহর  
 শংকর শংকর।

তিমির-হৃদবিদারণ  
 জ্বলদগ্নি-নিদারণ  
 মরুশ্মশান-সমুদ্র  
 শংকর শংকর।

বজ্রঘোষ-বাণী  
 রুদ্ধ শূলপাণি  
 মৃত্যুসিন্ধু-সন্তর  
 . শংকর শংকর।

# ବସନ୍ତ

ପ୍ରକାଶ : ୧୯୨୦

‘ঋতুউৎসব’ (১৩৩৩) সংকলন-গ্রন্থে ‘বসন্ত’-র অন্তর্গত “গানগদুলি  
মোর শৈবালের দল” গানটি বিজিত হয়। বর্তমান সংস্করণের পাঠ  
প্রথম সংস্করণের অনুসারী।



উৎসর্গ

শ্রীমান কবি নজরুল ইসলাম  
স্নেহভাজনেষু

১০ ফাল্গুন  
১৩২৯

রাজা। কবি!

কবি। কী মহারাজ।

রাজা। আমি মন্ত্রণাসভা থেকে পালিয়ে এসেছি।

কবি। সৎকার্য করেছেন। কিন্তু মহারাজের এমন সন্মতি হল কেন?

রাজা। বৎসর শেষ হয়ে এল, রাজকোষ শূন্যপ্রায়। মন্ত্রণাসভায় বসলেই সচিবরা আসেন তাঁদের নিজ বিভাগের জন্যে টাকা দাবি করতে। কাজেই পলায়ন ছাড়া গতি নেই।

কবি। এতে উপকার হবে।

রাজা। কার উপকার হবে।

কবি। রাজ্যের।

রাজা। সে কি কথা।

কবি। রাজা মাঝে মাঝে সরে দাঁড়ালে প্রজারা রাজত্ব করবার অবকাশ পায়।

রাজা। তার অর্থ কী হল।

কবি। রাজার অর্থ যখন শূন্যে এসে ঠেকে প্রজা তখন নিজের অর্থ খুঁজে বের করে, তাতেই তার রক্ষা।

রাজা। কবি, তোমার কথাগুলো বাঁকা ঠেকছে। মন্ত্রণাসভা ছেড়ে এসেছি, আবার তোমার সঙ্গও ছাড়তে হবে নাকি।

কবি। না, তার দরকার হবে না। আপনি যখন পলাতক তখন তো আমাদেরই দলে এসে পড়েছেন।

রাজা। তোমার দলে?

কবি। হাঁ মহারাজ, আমি জন্মপলাতক।

#### গান

আমরা বাস্তুছাড়ার দল,

ভবের পশ্মপত্রে জল।

আমরা করছি টলমল।

মোদের আসাযাওয়া শূন্য হাওয়া

নাইকো ফলাফল।

রাজা। তুমি আমাকে দলে টানতে চাও? অতদূর এগোতে পারব না। আমাকে মন্ত্রীর মিলে সভাছাড়া করেছে, তাই বলে কি কবির দলে ভিড়ে শেষে—

কবি। শূন্য আমাকে দেখে ভয় পাবেন না, এ দলে আপনি রাজসঙ্গীও পাবেন।

রাজা। রাজসঙ্গী? কে বলো তো?

কবি। ঋতুরাজ।

রাজা। ঋতুরাজ? বসন্ত?

কবি। হাঁ মহারাজ। তিনি চিরপলাতক। আমারই মতো। পৃথিবী তাঁকে সিংহাসনে বসিয়ে পৃথিবীপতি করতে চেয়েছিল কিন্তু তিনি—

রাজা। বুদ্ধি, বোধ করি রাজকোষের অবস্থা দেখে পালাতে ইচ্ছে করছেন।

কবি। পৃথিবীর রাজকোষ পূর্ণ করে দিয়ে তিনি পালান।

রাজা। কী দৃঃখে।

কবি। দৃঃখে নয়, আনন্দে।

রাজা। কবি, তোমার হেঁসালি রাখো; আমার অধ্যাপকের দল তোমার হেঁসালি শূন্যে রাগ।

করে, বলে ওগুলোর কোনো অর্থ নেই। আজ বসন্ত-উৎসবে কী পালা তৈরি করেছ সেইটে বলো।

কবি। আজ সেই পলাতকার পালা।

রাজা। বেশ বেশ। বুঝতে পারব তো?

কবি। বোঝাবার চেষ্টা করি নি।

রাজা। তাতে ক্ষতি নেই। কিন্তু না-বোঝাবার চেষ্টা কর নি তো?

কবি। না মহারাজ, এতে মূল্যেই অর্থ নেই, বোঝা না-বোঝার কোনো বালাই নেই কেবল এতে সুর আছে।

রাজা। আচ্ছা বেশ, শূরদ্র হোক। কিন্তু ওদিকে মন্ত্রগাসভার কাজ চলছে, আওয়াজ শুনেন মন্ত্রীরা তো—

কবি। হাঁ মহারাজ, তাঁরাসম্মুখ হয়তো পলাতকার দলে যোগ দিতে পারেন। তাতে দোষ কী হয়েছে। ফাল্গুন যে পড়েছে।

রাজা। সর্বনাশ! এখানে এসে যদি আবার—

কবি। ভয় নেই। শূন্যকোষের কথাটা স্মরণ করিয়ে দেবার ভারই মন্ত্রীদের বটে, কিন্তু শূন্যকোষের কথা ভুলিয়ে দেবার ভারই তো কবির উপরে।

রাজা। তাহলে ভালো কথা। তাহলে আর দেরি নয়। ভোলবার অত্যন্ত দরকার হয়েছে। দলবল সব প্রস্তুত তো? আমাদের নাট্যাচার্য দিনপতি—

কবি। ঐ তো তিনি ভারতীর কমলবনের মধুগন্ধে বিহ্বল হয়ে বসে আছেন।

রাজা। দেখে মনে হচ্ছে বটে শূন্য রাজকোষের কথায় গুঁর কিছুমাত্র খেয়াল নেই।

কবি। উনি আমাদের উৎসবের বন্ধু, দুর্ভিক্ষের দিনে গুঁকে না হলে চলে না। কারণ উনি ক্ষুধার কথা সুধা দিয়ে ভোলান।

রাজা। সাধু! আমার মন্ত্রীদের সঙ্গে গুঁর পরিচয় করিয়ে দিতে হবে। বিশেষত আমার অর্থসচিবের সঙ্গে। তিনি অত্যন্ত গম্ভীর হয়ে আছেন। তাঁর মনে যদি পুলক সঞ্চার করতে পারেন তাহলে—

কবি। ফস করে বেশি আশা দিয়ে ফেলবেন না—রাজকোষের অবস্থা যে রকম—

রাজা। হাঁ হাঁ, বটে বটে।—আচ্ছা, তবে তোমার পালা আরম্ভ হবে কী দিয়ে।

কবি। ঋতুরাজ আসবেন, প্রস্তুত হবার জন্যে আকাশে একটা ডাক পড়েছে।

রাজা। বলছে কী।

কবি। বলছে, সব দিয়ে ফেলতে হবে।

রাজা। নিজেকে একেবারে শূন্য করে? সর্বনাশ!

কবি। না, নিজেকে পূর্ণ করে। নইলে দেওয়া তো ফাঁকি দেওয়া।

রাজা। মানে কী হল।

কবি। যে-দেওয়া সত্যি, সে দেওয়াতে ভরতি করে। বসন্ত-উৎসবে দানের দ্বারাই ধরণী ধনী হয়ে উঠবে।

রাজা। তাহলে ধরণীর সঙ্গে ধরণীপতির ঐখানে অমিল দেখতে পাচ্ছি। আমি তো দান করতে গিয়ে প্রায়ই বিপদে পড়ি—অর্থসচিবের মূখ অত্যন্ত গম্ভীর হতে থাকে।

কবি। যে-দান সত্যি তার দ্বারা বাইরের ধন বিনাশ পায়, অন্তরের ধন বিকাশ পেতে থাকে।

রাজা। ও আবার কী। এটা উপদেশের মতো শোনাচ্ছে, কবি।

কবি। তাহলে আর দেরি নয়, গান শূরদ্র হোক।

## বসন্তের পরিচরগণ

সব দিবি কে, সব দিবি পায়,  
 আয় আয় আয়।  
 ডাক পড়েছে ওই শোনা যায়,  
 আয় আয় আয়।  
 আসবে-যে সে স্বর্ণরথে,  
 জাগবি কারা রিক্ত পথে  
 পৌষরজনী তাহার আশায়।  
 আয় আয় আয়।  
 ক্ষণেক কেবল তাহার খেলা,  
 হায় হায় হায়।  
 তার পরে তার যাবার বেলা,  
 হায় হায় হায়।  
 চলে গেলে জাগবি যবে  
 ধনরতন বোঝা হবে,  
 বহন করা হবে-যে দায়।  
 হায় হায় হায়।

রাজা। দাবি তো কম নয়।

কাব্য। দাবি বড়ো হলেই দান সহজ হয় : ছোটো হলেই কুপণতা জাগায়।

রাজা। তা এরা সব রাজী আছে?

কাব্য। ওদের মনেই শূন্য নিন।

## বনভূমি

বারিক আমি রাখব না কিছুই।  
 তোমার চলার পথে পথে  
 ছেয়ে দেব ভূঁই।  
 ওগো মোহন, তোমার উত্তরীয়  
 গন্ধে আমার ভরে নিয়ো,  
 উজাড় করে দেব পায়ে  
 বকুল বেলা জুঁই।  
 দাঁখনসাগর পার হয়ে-যে  
 এলে পথিক তুমি।  
 আমার সকল দেব অতিথিরে  
 আমি বনভূমি।  
 আমার কুলায়ভরা রয়েছে গান,  
 সব তোমাতেই করেছি দান,  
 দেবার কাঙাল করে আমায়  
 চরণ যখন ছুঁই।

## আম্বকুঞ্জ

ফল ফলাবার আশা আমি মনেই রাখি নি রে।  
 আজ আমি তাই মদকুল ঝরাই দক্ষিণসমীরে।

বসন্তগান পাখিরা গায়,  
 বাতাসে তার সুর ঝরে যায়,  
 মৃদুকুল ঝরার ব্যাকুল খেলা  
 আমারি সেই রাগিণী রে।  
 জানি নে ভাই, ভাবি নে তাই কী হবে মোর দশা  
 যখন আমার সারা হবে সকল ঝরা থসা।  
 এই কথা মোর শূন্য ডালে  
 বাজবে সেদিন তালে তালে,  
 'চরম দেওয়ায় সব দিয়েছি  
 মধুর মধুযামিনীরে।'

রাজা। ভাবখানা বদ্বোধি কবি।

কবি। কী বদ্বলেন।

রাজা। 'ফল ফলাব' বলে কোমর বেঁধে বসলে ফল ফলে না। মনের আনন্দে 'ফল চাই নে' বলতে পারলে, ফল আপনি ফলে ওঠে। আত্মকুঞ্জ মৃদুকুল ঝরাতে ভরসা পায় বলেই তার ফল ধরে।

কবি। মহারাজ, এটা যেন উপদেশের মতো শোনাচ্ছে।

রাজা। ঠিক কথা। তাহলে গান ধরো।

করবী

যদি তারে নাই চিনি গো  
 সে কি আমার নেবে চিনে  
 এই নব ফাল্গুনের দিনে?  
 (জানি নে জানি নে)  
 সে কি আমার কুঁড়ির কানে  
 ক'বে কথা গানে গানে,  
 পুরান তাহার নেবে কিনে  
 এই নব ফাল্গুনের দিনে?  
 (জানি নে জানি নে)

সে কি আপন রঙে ফুল রাঙাবে।

সে কি মর্মে এসে ঘুম ভাঙাবে।

ঘোমটা আমার নতুন পাতার

হঠাৎ দোলা পাবে কি তার।

গোপন কথা নেবে জিনে

এই নব ফাল্গুনের দিনে?

(জানি নে জানি নে)

রাজা। ওদিকে ও কিসের গোলমাল শুনতে পাই।

কবি। দখিনহাওয়া-য়ে এল।

রাজা। তা হয়েছে কী।

কবি। বাইরের বেণুবন উতলা হয়ে উঠেছে, কিন্তু ঘরের কোণের দীপশিখাটি নববধূর মতো শঙ্কিত।

বেণুবন

দখিনহাওয়া, জাগো জাগো  
জাগাও আমার স্নস্ত এ প্রাণ।  
আমি বেণু, আমার শাখায়  
নীরব-যে হয় কত-না গান।  
(জাগো জাগো)

দীপশিখা

ধীরে ধীরে ধীরে বও  
ওগো উতল হাওয়া।  
নিশীথরাতের বাঁশি বাজে,  
শান্ত হও গো, শান্ত হও।

বেণুবন

পথের ধারে আমার কারা  
ওগো পথিক বাঁধনহারা,  
নৃত্য তোমার চিন্তে আমার  
মৃদুজিদোলা করে যে দান।

দীপশিখা

আমি প্রদীপশিখা তোমার লাগি  
ভয়ে ভয়ে একা জাগি,  
মনের কথা কানে কানে  
মৃদু মৃদু কও।

বেণুবন

গানের পাখা যখন খুলি  
বাধাবেদন তখন ভুলি।

দীপশিখা

তোমার দূরের গাথা বনের বাণী  
ঘরের কোণে দেয়-যে আনি।

বেণুবন

যখন আমার বন্ধুর মাঝে  
তোমার পথের বাঁশি বাজে,  
বন্ধভাঙার ছন্দে আমার  
মৌন কাঁদন হয় অবসান।  
দখিনহাওয়া, জাগো জাগো,  
জাগাও আমার স্নস্ত এ প্রাণ।

## দীপশিখা

আমার কিছু কথা আছে  
ভোরের বেলার তারার কাছে,  
সেই কথাটি তোমার কানে  
চুপি চুপি লও।  
ধীরে ধীরে বও  
ওগো উতল হাওয়া।

## ঋতুরাজের পরিচরবর্ণ

সহসা ডালপালা তোর উতলা-যে!  
(ও চাঁপা, ও করবী)  
কারে তুই দেখতে পেলি  
আকাশ-মাঝে  
জানি না যে।  
কোন্ সুরের মাতন হাওয়ায় এসে  
বেড়ায় ভেসে,  
(ও চাঁপা, ও করবী)  
কার নাচনের নৃপদর বাজে  
জানি না যে।  
তোরে ক্ষণে ক্ষণে চমক লাগে।  
কোন্ অজ্ঞানার ধৈর্যন যে তোর  
মনে জাগে।  
কোন্ রঙের মাতন উঠল দুলে  
ফুলে ফুলে,  
(ও চাঁপা, ও করবী)  
কে সাজালে রঙিন সাজে  
জানি না যে।

কবি। ঋতুরাজের দূতেরা ভাবছে কেউ খবর পায় নি—পায়ের শব্দ শোনা যাচ্ছে না। কিন্তু পায়ের শব্দ যে হৃৎকম্পনের মধ্যে ধরা পড়ে।

## মাধবী

সে কি ভাবে গোপন রবে  
লুকিয়ে হৃদয় কাড়া।  
তাহার আসা হাওয়ায় ঢাকা,  
সে যে সৃষ্টিছাড়া।  
হিয়ায় হিয়ায় জাগল বাণী,  
পাতায় পাতায় কানাকানি,  
'ওই এল যে', 'ওই এল যে'  
পরান দিল সাড়া।  
এই তো আমার আপনানি এই  
ফুল ফোটানোর মাঝে

তারে দেখি নয়ন ভরে  
 নানা রঙের সাজে।  
 এই-যে পাখির গানে গানে  
 চরণধ্বনি বয়ে আনে,  
 বিশ্ববীণার তারে তারে  
 এই তো দিল নাড়া।

রাজা। কবি, ঐ তো পূর্ণচন্দ্র উঠেছে দেখছি।  
 কবি। দখিনহাওয়ায় যেন কোন্ দেবতার স্বপ্ন ভেসে এল।  
 রাজা। শুধু দখিনহাওয়ায় ওকে ভাসালে চলবে না কবি, তোমার গানের সুরও চাই। জগতে  
 কেবল যে দেবতাই আছেন তা তো নয়।

শালবীথিকা  
 ভাঙল হাসির বাঁধ।  
 অধীর হয়ে মাতল কেন  
 পূর্ণিমার ওই চাঁদ।  
 উতল হাওয়া ক্ষণে ক্ষণে  
 মকুলছাওয়া বকুলবনে  
 দোল দিয়ে যায়, পাতায় পাতায়  
 ঘটায় পরমাদ।  
 ঘূমের আঁচল আকুল হল  
 কী উল্লাসের ভরে।  
 স্বপন যত ছড়িয়ে প'ল  
 দিকে দিগন্তরে।  
 আজ রাতের এই পাগলামিরে  
 বাঁধবে ব'লে কে ওই ফিরে,  
 শালবীথিকায় ছায়া গেঁথে  
 তাই পেতেছে ফাঁদ।

বকুল  
 ও আমার চাঁদের আলো,  
 আজ ফাগুনের সন্ধ্যাকালে  
 ধরা দিয়েছ যে আমার  
 পাতায় পাতায় ডালে ডালে।  
 যে-গান তোমার সুরের ধারায়  
 বন্যা জাগায় তারায় তারায়,  
 মোর আঙিনায় বাজল সে-সুর  
 আমার প্রাণের তালে তালে।  
 সব কুঁড়ি মোর ফুটে ওঠে  
 তোমার হাসির ইশারাতে।  
 দখিনহাওয়া দিশাহারা  
 আমার ফুলের গন্ধে মাতে।



শূদ্র, তুমি করলে বিলোল  
আমার প্রাণে রঙের হিলোল,  
মর্ম্মরিত মর্ম্ম আমার

জড়ায় তোমার হাসির জালে।

রাজা। সব তো বদ্বলদুম। আকাশ থেকে চাঁদ দেখছি পৃথিবীর হৃদয়কে দোলা লাগিয়েছে।  
কিন্তু ঠুকে পৃথিবীতে নামিয়ে এনে কষে দোলা না দিতে পারলে তো জবাব দেওয়া হয় না। তার  
কী করলে।

কবি। তার তো ব্যবস্থা হয়েছে মহারাজ। আমাদের নদীর ঢেউ আছে তো, সেদিকে চেয়ে  
দেখো-না। চাঁদ টলোমলো।

নদী

কে দেবে চাঁদ তোমায় দোলা।  
আপন আলোর স্বপন-মাঝে বিভোল ভোলা।  
কেবল তোমার চোখের চাওয়ায়  
দোলা দিলে হাওয়ায় হাওয়ায়,  
বনে বনে দোল জাগাল  
ওই চাহনি তুফানতোলা।  
আজ মানসের সরোবরে  
কোন্ মাধুরীর কমলকানন  
দোলাও তুমি চেউয়ের 'পরে।  
তোমার হাসির আভাস লেগে  
বিশ্বদোলন দোলার বেগে  
উঠল জেগে আমার গানের  
কঞ্জোলিনী কলরোলা।

রাজা। এবার ঐ কে আসে।

কবি। বলব না। চিনতে পারেন কিনা দেখতে চাই।

দাঁখনহাওয়া

শূকনো পাতা কে যে ছড়ায় ওই দূরে  
উদাসকরা কোন্ সূরে।  
ঘরছাড়া ওই কে বৈরাগী  
জানি না যে কাহার লাগি  
ক্ষণে ক্ষণে শূন্য বনে যায় ঘূরে।  
চিনি চিনি হেন ওরে হয় মনে,  
ফিরে ফিরে যেন দেখা ওর সনে।  
ছস্মবেশে কেন খেল,  
জীর্ণ এ বাস ফেলো ফেলো,  
প্রকাশ করো চিরনতন বন্ধুরে।

রাজা। ওহে কবি, তোমার এ পালাটা কী রকম করে তুলেছ। বরযাত্রীরই ভিড়, বর কোথায়।  
তোমার ঋতুরাজ কই।

কবি। ঐ যে, এই খানিক আগে দেখলেন।

রাজা। ঐ জীর্ণ বসন প'রে শূকনো পাতা ছাড়িয়ে বেড়াচ্ছে? ওতে তো নব্বীর রূপ দেখলুম না। ও তো মূর্তিমান পদ্রাতন।

কবি। তবে তো চিনতে পারেন নি, ঠকেছেন। আমাদের ঋতুরাজের যে গায়ের কাপড়খানা আছে, তার এক পিঠে নূতন, এক পিঠে পদ্রাতন। যখন উলটে পরেন তখন দেখি শূকনো পাতা, ঝরা ফুল; আবার যখন পালটে নেন তখন সকালবেলার মল্লিকা, সন্ধ্যাবেলার মালতী—তখন ফাঙ্গনের আশ্রমঞ্জরী, চৈত্রের কনকচাঁপা। উনি একই মানুষ নূতনপদ্রাতনের মধ্যে লুকোচুরি করে বেড়াচ্ছেন।

রাজা। তাহলে নব্বীর মূর্তিটা একবার দেখিয়ে দাও। আর দেরি কেন।

কবি। ঐ-যে এসেছেন। পথিকবেশে, নূতনপদ্রাতনের মাঝখানকার নিত্যযাতায়াতের পথে।

রাজা। তোমার পলাতকা বুদ্ধি পথে পথেই থাকেন?

কবি। হাঁ, উনি বাস্তুছাড়ার দলপতি, আমি গুঁরই গানের তলপি বয়ে বেড়াই।

### গান

গানগুলি মোর শৈবালের দল—

ওরা বন্যাধারায় পথ যে হারায়

উন্মাদ চঞ্চল।

ওরা কেনই আসে যায় বা চলে,

অকারণের হাওয়ায় দোলে,

চিহ্ন কিছই যায় না রেখে,

পায় না কোনো ফল।

ওদের সাধন তো নাই—

কিছ সাধন তো নাই,

ওদের বাঁধন তো নাই—

কোনো বাঁধন তো নাই।

উদাস ওরা উদাস করে

গৃহহারা পথের স্বরে,

ভুলে-যাওয়ার স্রোতের 'পরে

করে টলমল।

রাজা। আর দেরি নয়, কবি। ঐ দেখো, মন্ত্রণাসভা থেকে অর্থসচিব এসেছে। রাজকোষের কথা পাড়বার পূর্বেই ঋতুরাজের আসর জমাও।

মাধবী মালতী ইত্যাদি

তোমার বাস কোথা-যে পথিক ওগো,

দেশে কি বিদেশে।

তুমি হৃদয়-পূর্ণ-করা, ওগো

তুমিই সর্বনেশে।

ঋতুরাজ

আমার বাস কোথা-যে জান নাকি,

শূধাতে হয় সে কথা কি,

ও মাধবী, ও মালতী।

মাধবী মালতী ইত্যাদি  
 হয়তো জানি, হয়তো জানি, হয়তো জানি নে,  
 মোদের বলে দেবে কে সে।  
 মনে করি আমার তুমি,  
 বন্ধি নও আমার।  
 বলো বলো বলো পথিক,  
 বলো তুমি কার।

ঋতুরাজ

আমি তারি যে আমারে  
 যেমনি দেখে চিনতে পারে  
 ও মাধবী, ও মালতী।

মাধবী মালতী ইত্যাদি  
 হয়তো চিনি, হয়তো চিনি, হয়তো চিনি নে,  
 মোদের বলে দেবে কে সে।

বনপথ

আজ দখিনবাতাসে  
 নাম-না-জানা কোন্ বনফুল  
 ফুটল বনের ঘাসে।

ঋতুরাজ

ও মোর পথের সাথী, পথে পথে  
 গোপনে যায় আসে।

বনপথ

কৃষ্ণচূড়া চুড়ায় সাজে,  
 বকুল তোমার মালার মাঝে,  
 শিরীষ তোমার ভরবে সাজি—  
 ফুটেছে সেই আশে।

ঋতুরাজ

এ মোর পথের বাঁশির সুরে সুরে  
 লুকিয়ে কাঁদে হাসে।

বনপথ

ওরে দেখ বা নাই দেখ, ওরে  
 যাও বা না-যাও ভুলে।  
 ওরে নাই-বা দিলে দোলা, ওরে  
 নাই-বা নিলে তুলে।

সভায় তোমার ও কেহ নয়,  
 ওর সাথে নেই ঘরের প্রণয়,  
 যাওয়া-আসার আভাস নিয়ে  
 রয়েছে একপাশে।

ঋতুরাজ

ওগো ওর সাথে মোর প্রাণের কথা  
 নিশ্বাসে নিশ্বাসে।

রাজা। ঋতু জমেছে, কবি। সদূরের দোলায় চাঁদকে দুলিয়েছ। ঐ দেখো-না, আমার অর্থ-  
 সচিবসদৃশ দুলছে।

কবি। এবার সময় হয়েছে।

রাজা। কিসের সময়।

কবি। ঋতুরাজের যাবার সময়।

রাজা। আমাদের অর্থসচিবকে চোখে পড়েছে নাকি।

কবি। বলেছিছি তো, পূর্ণ থেকে রিক্ত, রিক্ত থেকে পূর্ণ, এরই মধ্যে গুর আনাগোনা। বাঁধন  
 পরা, বাঁধন খোলা, এও যেমন এক খেলা, ও-ও তেমনি এক খেলা।

রাজা। আমি কিন্তু ঐ পূর্ণ হওয়ার খেলাটাই পছন্দ করি।

কবি। যথার্থ পূর্ণ হয়ে উঠলে রিক্ত হওয়ার খেলায় ভয় থাকে না।

রাজা। বোধ হচ্ছে যেন এখনি উপদেশ দিতে শুরুর করবে।

কবি। আচ্ছা তা হলে আবার গান শুরুর হোক।

ঋতুরাজ

এখন আমার সময় হল,  
 যাবার দূয়ার খোলো খোলো।  
 হল দেখা, হল মেলা,  
 আলোছায়ায় হল খেলা,  
 স্বপন-যে সে ভোলো ভোলো।  
 আকাশ ভরে দূরের গানে,  
 অলখ দেশে হৃদয় টানে।  
 ওগো সদূর, ওগো মধূর,  
 পথ বলে দাও পরানবধূর,  
 সব আবরণ তোলো তোলো।

মাধবী

বিদায় যখন চাইবে তুমি দক্ষিণসমীপে,

তোমায় ডাকব না তো ফিরে।

করব তোমায় কী সম্ভাষণ।

কোথায় তোমার পাতব আসন

পাতাঝরা কুসুমঝরা নিকুঞ্জকুটীরে।

তুমি আপ্নি যখন আস তখন

আপ্নি কর ঠাই,

আপ্নি কুসুম ফোটাও, মোরা  
তাই দিয়ে সাজাই।  
তুমি যখন যাও, চলে যাও,  
সব আয়োজন হয়-যে উধাও,  
গান ঘুচে যায়, রং মূছে যায়,  
তাকাই অশ্রুদীপে।

#### ঋতুরাজ

এবেলা ডাক পড়েছে কোন্‌খানে  
ফাগুনের ক্রান্ত ক্ষণের শেষ গানে।  
সেখানে স্তম্ভ বীণার তারে তারে,  
সুদের খেলা ডুবসাঁতারে,  
সেখানে চোখ মেলে যার পাই নে দেখা  
তাহারে মন জানে গো, মন জানে।  
এবেলা মন যেতে চায় কোন্‌খানে  
নিরালায় লুপ্ত পথের সন্ধানে।  
সেখানে মিলনদিনের ভোলা হাসি  
লুকিয়ে বাজায় করুণ বাঁশি,  
সেখানে যে-কথাটি হয় না বলা  
সে কথা রয় কানে গো, রয় কানে।

#### ঝুমকোলতা

না, যেয়ো না, যেয়ো নাকো।  
মিলনপিয়াসী মোরা,  
কথা রাখো, কথা রাখো।  
আজো বকুল আপনহারা, হয় রে,  
ফুল ফোটানো হয় নি সারা,  
সাজি ভরে নি,  
পাখি ওগো, থাকো থাকো।  
চাঁদের চোখে জাগে নেশা,  
তার আলো—গানে গন্ধে মেশা।  
দেখো চেয়ে কোন্‌ বেদনায়, হয় রে,  
মল্লিকা ওই যায় চলে যায়  
অভিমানিনী।  
পাখি, তারে ডাকো ডাকো।

#### আকন্দ

এবার বিদায়বেলার সুদূর ধরো ধরো,  
(ও চাঁপা, ও করবী)  
তোমার শেষ ফুলে আজ সাজি ভরো।  
যাবার পথে আকাশতলে

মেঘ রাঙা হল চোখের জলে,  
 ঝরে পাতা ঝর ঝর।  
 হেরো হেরো ওই রুদ্ধ রবি  
 স্বপ্ন ভাঙায় রক্তছবি।  
 খেয়াতরীর রাঙা পালে  
 আজ লাগল হাওয়া ঝড়ের তালে,  
 বেণুবনের ব্যাকুল শাখা থর থর।

## ধনতুরা

আজ খেলাভাঙার খেলা খেলবি আয়।  
 স্নুকের বাসা ভেঙে ফেলবি আয়।  
 মিলনমালার আজ বাঁধন তো টুটবে,  
 ফাগুনদিনের আজ স্বপ্ন তো ছুটবে,  
 উধাও মনের পাখা মেলবি আয়।  
 অস্তগিরির ওই শিখরচূড়ে  
 ঝড়ের মেঘের আজ ধ্বজা উড়ে।  
 কালবৈশাখীর হবে-যে নাচন,  
 সাথে নাচুক তোর মরণবাঁচন,  
 হাসিকান্দন পায়ে ঠেলবি আয়।

## জবা

ভয় করব না রে  
 বিদায়বেদনারে।  
 আপন সূধা দিয়ে  
 ভরে দেব তারে।  
 চোখের জলে সে-যে নবীন র'বে,  
 ধ্যানের মণিমালায় গাঁথা হবে,  
 পরব বৃক্ষের হারে।  
 নয়ন হতে তুমি আসবে প্রাণে,  
 মিলবে তোমার বাণী আমার গানে।  
 বিরহব্যথায় বিধুর দিনে  
 দুখের আলোয় তোমায় নেব চিনে,  
 এ মোর সাধনা রে।

## সকলে

ওরে পৃথিক, ওরে প্রেমিক,  
 বিচ্ছেদে তোর খণ্ডমিলন পূর্ণ হবে।  
 আয় রে সবে  
 প্রলয়গানের মহোৎসবে।

তান্ডবে ওই তপ্ত হাওয়ায় ঘূর্ণি লাগায়,  
মত্ত ঈশান বাজায় বিধাণ শঙ্কা জাগায়,  
ঝংকারিয়া উঠল আকাশ ঝঞ্ঝারবে।

আয় রে সবে

প্রলয়গানের মহোৎসবে।

রাজা। আমার মন্ত্রণাসভার দশা করলে কী। সব মন্ত্রী-যে এখানে এসে জুটেছে। ঐ দেখো,  
আমার অর্থসচিবসদৃশ-যে নাচতে শুরুর করে দিলে। বড়ো লঘু হয়ে পড়ছেন-না?

কবি। ঠুর-য়ে খলি শূন্য হয়ে গেছে, তাই নাচে টেনেছে। বোঝা ভারী থাকলে গৌরবে নড়তে  
পারতেন না। আজ আমাদের অগৌরবের উৎসব।

রাজা। রাজগৌরব?

কবি। সেও টিকল না। তাই তো ঋতুরাজ আজ রাজবেশ খসিয়ে দিয়ে বৈরাগী হয়ে বোরিয়ে  
চলেছেন। এবার ধরণীতে তপস্যার দিন এসেছে, অর্থসচিবদের হাতে কাজ থাকবে না।

ভাঙনধরার ছিন্ন-করার রুদ্ধ নাটে  
যখন সকল ছন্দ বিকল, বন্ধ কাটে,  
মুক্তিপাগল বৈরাগীদের চিন্ততলে  
প্রেমসাধনার হোমহুতাশন জ্বলবে তবে।

ওরে পথিক, ওরে প্রেমিক,  
সব আশাজ্বাল যায় রে যখন উড়ে পুড়ে  
আশার অতীত দাঁড়ায় তখন ভুবন জুড়ে,  
স্তম্ভ বাণী নীরব সুরে কথা কবে।

আয় রে সবে

প্রলয়গানের মহোৎসবে।

# গৃহপ্রবেশ

প্রকাশ : ১৯২৫



‘শেষের রাত্রি’ গল্পের (১৩২১) নাট্য রূপান্তর ‘গৃহপ্রবেশ’ গ্রন্থাকারে  
প্রকাশের (১৯২৫) পর কলকাতায় রংমঞ্চে অভিনয়োলক্ষে সংযোজন,  
বর্জন ও পরিবর্তন কালে টুকরি ও বোষ্টমী—দুটি নতুন চরিত্রের  
অবতারণা করা হয়। পরে এই সংযোজন গৃহীত হয় নি।

## প্রথম অঙ্ক

### যতীনের পাশের ঘরে

#### প্রতিবেশিনী ও যতীনের বোন হিমি

প্রতিবেশিনী। যতীন আজ কেমন আছে, হিমি।

হিমি। ভালো না, কায়েতপিসি।

প্রতিবেশিনী। বলি, খিধেটা তো আছে এখনো?

হিমি। না, একচামচ বালিও সইছে না।

প্রতিবেশিনী। আমি যা বলি, একবার দেখেই-না, বাছা। আমার ঠাকুরজামাইয়ের ঠিক ঐরকম হয়েছিল। ঠাকুরের কৃপায় খেতে পারত, খিধে ছিল বেশ, তাই রক্ষে। কিন্তু একটু পাশ ফিরতে গেলেই—যতীনেরও তো ঐরকম পাঁজরের ব্যথা—

হিমি। না, গুঁর তো কোনো ব্যথা নেই।

প্রতিবেশিনী। তা নাই রইল। কিন্তু ঠাকুরজামাইও ঠিক ঐইরকম কত মাস ধরে শয্যাগত ছিল। তাই বলি বাছা, ফরিদপুর থেকে আনিয়ো নেনা সেই কপিলেশ্বর ঠাকুরের—যদি বলিস তো না-হয় আমার ছেলে অতুলকে—

হিমি। তুমি একবার মানিকে বলে দেখো তিনি যদি -

প্রতিবেশিনী। তোর মাসি? সে তো কানেই আনে না। সে কি কিছু মানে। যদি মানত তবে তার এমন দশা হয়?—বলি হিমি, তোদের বউ তো যতীনের ঘরের দিক দিয়েও যায় না।

হিমি। না, না, মাঝে মাঝে তো—

প্রতিবেশিনী। আমার কাছে ঢেকে কী হবে, বাছা। তোমরা যে বড়ো সাধ করে এমন রূপসী মেয়ে ঘরে আনলে—এখন দুঃখের দিনে তোমাদের পরী বউয়ের রূপ নিলে কী হবে বলো তো। এর চেয়ে যে কালো কুছিৎ—

হিমি। অমন করে বোলো না, কায়েতপিসি। আমাদের বউ ছেলেমানুষ—

প্রতিবেশিনী। ওমা, ছেলেমানুষ বলিস কাকে। বয়েস ভাঁড়িয়ে বিয়ে দিয়েছিল বলেই কি আমাদের চোখ নেই। অমন ছেলে যতীন, তার কপালে এমন - ঐ যে আসছে মণি—

#### মণির প্রবেশ

এসো বাছা, এসো। ছাতে ছিলে বুদ্ধি?

মণি। হাঁ।

প্রতিবেশিনী। শীলেনের বাড়ির বর বোরিয়েছে, তাই বুদ্ধি দেখতে গিয়েছিলে? আহা, ছেলেমানুষ দিনরাত রূপার ঘরে কি—

মণি। আমার টবের গাছে জল দিতে গিয়েছিলুম।

প্রতিবেশিনী। ভালো কথা মনে করিয়ে দিলে। তোমার গোলাপের কলম আমাকে গোটাছুয়ে দিতে হবে। অতুলের ভারি গাছের শখ, ঠিক তোমার মতো।

মণি। তা দেব।

প্রতিবেশিনী। আর, শোনো বাছা—তোমার গ্রামোফোন তো আজকাল আর ছোঁও না—যদি বল তো ওটা না-হয় নিজের খরচায় মেরামত করিয়ে—

মণি। তা নিয়ে যাও-না।

প্রতিবেশিনী। তোমাদের বউয়ের হাত খাব ~~নিজের হাত~~ কত বড়ো ঘরের মেয়ে।

বড়ো লক্ষ্মণী। ঐ আসছেন তোমাদের মাসি—আমি যাই। যতীনের দরজা আগলে বসেই আছেন। ব্যামাকে তো ঠেকাতে পারেন না, আমাদেরই ঠেকিয়ে রাখেন।

[প্রস্থান]

হিমি। কী খুঁজছ, বউদিদি।

মণি। আমার কুকুরছানাকে দুধ খাওয়াবার সেই পিরিচটা।

#### মাসির প্রবেশ

মাসি। বউমা, তোমার পায়ের শব্দের জন্যে যতীন কান পেতে আছে তা জান। এই সন্দের মদুখে রংগীর ঘরে ঢুকে নিজের হাতে আলোটি জেদলে দাও, তার মন খুঁশি হোক। কী হল। বলি, কথার একটা জবাব দাও।

মণি। এখনি আমাদের—

মাসি। যেই আসুক-না কেন, তোমাকে তো বেশিক্ষণ থাকতে বলছি নে। এই তার মকরধ্বজ খাবার সময় হল। তোমার জনোই রেখে দিয়েছি। তুমি খলটা নিয়ে ওর পাশতলার দাঁড়িয়ে আস্তে আস্তে মধু দিয়ে মেড়ে দাও। তার পরে ওষুধটা খাওয়া হলেই চলে এসো।

মণি। আমি তো দুপুরবেলায় গুর ঘরে গিয়েছিলুম।

মাসি। তখন তো ও ঘুমিয়ে পড়েছিল।

মণি। সন্দের সময় ঐ ঘরে ঢুকলে কেমন আমার ভয় করতে থাকে।

মাসি। কেন, তোর ভয় কিসের।

মণি। ঐ ঘরেই আমার শব্দশূরের মৃত্যু হয়েছিল—সে আমার খুব মনে পড়ে।

মাসি। কেউ মরে নি, সমস্ত পৃথিবীতে কোথাও এমন একটু জায়গা আছে?

মণি। বোলো না, মাসি, বোলো না, সত্যি বলছি, মরাকে আমি ভারি ভয় করি।

মাসি। আচ্ছা বাপু, দিনের বেলাতেই না-হয় তুই আরেকটু ঘন ঘন—

মণি। আমি চেষ্টা করেছি যেতে। কিন্তু আমার কেমন গা ছম্ ছম্ করে। উনি আমার মদুখের দিকে এমন একরকম করে চান—চোখদুটো জ্বলজ্বল করতে থাকে।

মাসি। তাতে ভয়ের কথাটা কী।

মণি। মনে হয় যেন উনি অনেক দূর থেকে আমার মদুখের দিকে তাকিয়ে আছেন। যেন এ পৃথিবীতে না।

মাসি। আচ্ছা বাপু, বাইরে থেকেই না-হয় এই পাখিট্যাগলুলো তৈরি করে দে। তুই মনে করে নিজের হাতে কিছু করেছিস শুনলে, সেও তবু কতকটা—

মণি। মাসি, আমাকে তোমরা ছেড়ে দাও। আমি দিনরাত এই-সব রোগের কাজ নিয়ে নাড়াচাড়া করতে পারব না।

মাসি। একবার জিজ্ঞাসা করি, তুই নিজে যদি কখনো শব্দ ব্যামোয় পড়িস, তা হলে—

মণি। কখনো তো ব্যামো হয়েছে মনে পড়ে না। কোমলগরের বাগানে থাকতে একবার জ্বর হয়েছিল। মা আমাকে ঘরে বন্ধ করে রেখেছিলেন। আমি লুকিয়ে পালিয়ে একটা পাচাপুকুরে চান করে এলুম। সবাই ভাবলে ন্যূমোনিয়া হবে। কিছু হল না। সেই দিনই জ্বর ছেড়ে গেল।

মাসি। তোদের বাড়িতে কারো কি কখনো বিপদ-আপদ কিছু ঘটে নি।

মণি। আমি তো কখনো দেখি নি। এই বাড়িতে এসে প্রথম মৃত্যু দেখলুম। কেবলই হচ্ছে করছে, ছাড়া পাই, কোথাও চলে যাই। মালিশের গন্ধ পেলে মনে হয়, বাতাসকে যেন হাঁসপাতালের ভূতে পেয়েছে।

মাসি। তোর যদি এমনিই মেজাজ হয় তা হলে তোকে নিয়ে সংসারে—

মণি। জানি নে। আমাকে তোমাদের বাগানের মালী করে দাও-না—সে আমি ঠিক পারব।

[দ্রুত প্রস্থান]

হিমি। দেখো মাসি, বউদিদির এমন স্বভাব যে চেষ্টা করেও রাগ করতে পারি নে। মনে হয় যেন বিধাতা ওর উপরে কোনো দায় দিয়ে পৃথিবীতে পাঠান নি। ওর কাছে দৃঃখকণ্ঠের কোনো মানেই নেই।

মাসি। ভগবান ওর বাইরের দিকটা বহু যত্নে গড়তে গিয়ে ভিতরের দিকটা শেষ করবার এখনো সময় পান নি। তোর দাদার এই বাড়ির মতো আর-কি। খুব ঘটা করে আরম্ভ করেছিল—বাইরের মহল শেষ হতে হতেই দেউলে—ভিতরের মহলের ভার আর নামল না। আজ ওকে কেবলই ভোলাতে হচ্ছে। বাড়টাকে নিয়েও, মণিকে নিয়েও।

হিমি। বুঝতে পারি নে, এটা কি আমাদের ভালো হচ্ছে।

মাসি। কী জানিস, হিমি? মৃত্যু যখন সামনে, তখন ঘর তৈরি সারা হোক না-হোক, কী এল গেল। তাই ওকে বলি, একান্তমনে সংকল্প করেছে যা সেইটেই সম্পূর্ণ হয়েছে। হিমি, সেইটেই তো সত্য।

হিমি। বাড়িটা যেন তাই হল। কিন্তু বউদিদি?

মাসি। হিমি, তোর বউদিদিকে যিনি সুন্দর করেছেন, তাঁর সংকল্পের মধ্যে ও সম্পূর্ণ। চিরদিনের যে-মণি, ভগবানের আপন বৃকের ধন যে-মণি সেই তো কৌস্তুভরত্ন—তার মধ্যে কোথাও কোনো খুঁত নেই। মৃত্যুকালে যতীন বিধাতার সেই মানসের মণিকেই দেখে যাক।

হিমি। মাসি, তোমার কথা শুনলে আমার মন আলোয় ভরে ওঠে।

মাসি। হিমি, আমি কেবল কথাই বলি, কিন্তু বউয়ের উপরে রাগ করতেও ছাড়ি নে। সব বৃদ্ধি, তবু ক্ষমাও করতে পারি নে। কিন্তু হিমি, তুই যে ঐ বললি, তোর বউদিদির উপর রাগ করতে পারিস নে, তাতেই বৃদ্ধলুম, তুই যতীনেরই বোন বটে। যাই যতীনের কাছে।

[ প্রস্থান

#### রোগীর ঘরে

যতীন। মাসি, তেতলার ঘরের সব পাথর বসানো হয়ে গেছে?

মাসি। হাঁ, কাল হয়ে গেছে সব।

যতীন। যাক, এতদিন পরে শেষ হয়ে গেল। আমার কতকালের ঘরবাঁধা সারা হল, আমার কতদিনের স্বপ্ন।

মাসি। কত লোক দেখতে আসছে তোর এই বাড়িটা, যতীন।

যতীন। তারা বাইরে থেকে দেখছে, আমি ভিতরে থেকে যা দেখতে পাচ্ছি তা এখনো শেষ হয় নি। কোনোকালে শেষ হবে না। কল্পলোকের শেষ পাথরটি বসিয়ে আজ পর্যন্ত কোন্ শিল্পী বলেছে, এইবার আমার সাঙ্গ হল? বিশ্বের সৃষ্টিকর্তাও বলতে পারেন নি, তাঁরও কাজ চলছে।

মাসি। যতীন, কিন্তু আর না বাবা, এইবার তুই একটু ঘুমো।

যতীন। না মাসি, আজ তুমি আমাকে সকাল সকাল ঘুমোতে বোলো না—

মাসি। কিন্তু ডাক্তার—

যতীন। থাক্ ডাক্তার। আজ আমার জগৎ তৈরি হয়ে গেল। আজ আমি ঘুমোব না—আজ বাড়ির সব আলোগুলো জেরলে দাও, মাসি। মণি কোথায়। তাকে একবার—

মাসি। তাকে সেই তেতলার নতুন ঘরটায় ফুল দিয়ে সাজিয়ে বসিয়ে দিয়েছি।

যতীন। এ তোমার মাথায় কী করে এল। ভারি চমৎকার। দরজার দ্বাধারে মঙ্গলঘট দিয়েছ?

মাসি। হাঁ, দিয়েছি বৈকি।

যতীন। আর, মেঝেতে পদ্মফুলের আলপনা?

মাসি। সে আর বলতে?

যতীন। একবার কোনোরকম করে ধরাধরি করে আমাকে সেখানে নিয়ে যেতে পার না? একবার কেবল দেখে আসি, আমার মণি আপন-তৈরি ঘরের মাঝখানটিতে বসে।

মাসি। না যতীন, সে কিছুতেই হতে পারে না, ডাক্তার ভারি রাগ করবে।

যতীন। আমি মনে মনে ছবিটা দেখতে পাচ্ছি। কোন্ শাড়িটা পরেছে।

মাসি। সেই বিয়ের লাল শাড়িটা।

যতীন। আমার এই বাড়ির নাম কী হবে জান, মাসি?

মাসি। কী বল্ তো।

যতীন। মণিসোধ।

মাসি। বেশ নামটি।

যতীন। তুমি এর সবটার মানে বুঝতে পারছ না, মাসি।

মাসি। না, সবটা হয়তো পারছি নে।

যতীন। সোধ বলতে কেবল বাড়ি বুঝলে চলবে না। ওর মধ্যে সূদা আছে—

মাসি। তা আছে, যতীন—এ তো কেবল টাকা দিয়ে তৈরি হয় নি—তোর মনের সূদা এতে ঢেলেছিস।

যতীন। তোমরা হয়তো শুনলে হাসবে—

মাসি। না, হাসব কেন, যতীন।—বল্, কী বলছিলি।

যতীন। আমি আজ বুঝতে পারছি, তাজমহল তৈরি করে শাজাহান, কী সাল্বানা পেয়েছিলেন। সে সাল্বানা তাঁর মৃত্যুকেও অতিক্রম করে আজ পর্যন্ত—

মাসি। আর কথা কোন্স নে, যতীন—ঘুমোতে না চাস ঘুমোস নে, চুপ করে একটু ভাব না-হয়।

যতীন। মণি তার বিয়ের সেই লাল বেনারসি পরেছে! আজ তাকে একবার—

মাসি। ডাক্তার যে বারণ করে, যতীন—

যতীন। ডাক্তার ভাবে, পাছে আমার—

মাসি। তোমার জন্যে নয়, মণির জন্যেই—ওকে বাইরে থেকে বোঝা যায় না, কিন্তু ওর ভিতরটাতে—

যতীন। দুর্বলতা আছে, ডাক্তার বললে বুঝি—

মাসি। সে আমরা সকলেই লক্ষ্য করেছি—

যতীন। আহা, বেচারী, তা হলে সাবধান হোয়ো—কাজ নেই, রুগীর ঘর থেকে দূরে দূরে থাকাই ভালো।

মাসি। ও তো আসতে পেলে বাঁচে, কিন্তু আমরা—

যতীন। না, না, কাজ নেই, কাজ নেই। মাসি, ঐ শেলফের উপর আল্‌বামটা আছে, দিতে পার?

[আল্‌বাম আনিয়া দিল]

তোমাকে তাজমহলের কথা বলছিলুম। এখন মনে হচ্ছে, আমার যেন সেই শাজাহানের মতোই হল—আমি ক্ষীণ জীবনের এপারে—সে পূর্ণ জীবনের ওপারে—অনেক দূরে, আর তার নাগাল পাওয়া যায় না। যেমন সেই সন্নাটের মম্‌তাজ! তাকেই নিবেদন করে দিলুম আমার এই বাড়িটি—আমার এই তাজমহল। এরই মধ্যে সে আছে, চিরকাল থাকবে, অথচ আমার চোখের কাছে সে নেই।

মাসি। ও যতীন, আর কেন কথা বলছিস। একবার একটু থাম্—ঘুমের ওষুধটা এনে দিই।

যতীন। না মাসি, না। আজ ঘুম নয়। আমি জেগে থেকে কিছু কিছু পাই, ঘুমের মধ্যে আরো সব হারিয়ে যায়।—মাসি, তোমার কাছে কেবলই আমি মণির কথা বলি, কিছু মনে কর না তো?

মাসি। কিছু না, যতীন। কত ভালো লাগে বলতে পারি নে। জানিস, কার কথা মনে পড়ে?

যতীন। কার কথা।

মাসি। তোর মায়ের। এমনি করে যে একদিন তারও মনের কথা আমাকে শুনতে হত। তোর

বাবা তখন আমাদের বাড়িতে থেকে মেডিক্যাল কলেজে পড়তেন। তোর মায়ের সেদিনকার মনের কথা আমি ছাড়া বাড়িতে কেউ জানত না। বাবা যখন বিয়ের জন্যে অন্য পাত্র জুটিয়ে আনলেন, তখন আমিই তো তাঁকে—

যতীন। সে তোমারই কাছে শুনেছি। মাকে বুঝি দাদামশাই কিছুতেই পারলেন না, শেষকালে বাবার সঙ্গেই বিয়ে দিতে হল। সেদিনের কথা কম্পনা করতে এত আনন্দ হয়।

মাসি। তোর মায়ের ভালোবাসা, সে যে তপস্যা ছিল। পাঁচ বৎসর ধরে তার হোমের আগুন জ্বলল, তার পরে সে বর পেলো। যতীন, তোর মধ্যে সেই আগুনই আমি দেখি, আর অবাক হয়ে ভাবি।

যতীন। মা তাঁর হোমের আগুন আমার রক্তের মধ্যে ঢেলে দিয়ে গেছেন— আমার তপস্যাতেও বর পাব। কী জানি মনে হচ্ছে মাসি, সেই বর পাবার সময় আমার খুব কাছে এসেছে।—কোথায় ঐ বাঁশি বাজছে?

মাসি। বিয়ের সানাই। আজ যে বিয়ের লগ্ন।

যতীন। কী আশ্চর্য। আজই তো মণি লাল বেনারসি পরেছে। জীবনে বিয়ের লগ্ন বারে বারে আসে। আজ আলোগদুলো সব জ্বালাতে বলে দাও-না, মাসি। দেউড়ি থেকে আরম্ভ ক'রে—

মাসি। চোখে বেশি আলো লাগলে ঘুমোতে পারবি নে যে, যতীন—

যতীন। কোনো ক্ষতি হবে না। জেগে থেকে ঘুমের চেয়ে বেশি শান্তি পাব। জান, মাসি, মন্দির হল সারা—এখন হবে দেবীমূর্তির প্রাণপ্রতিষ্ঠা। আমি বেঁচে থাকতে থাকতে যে এতটা হতে পারবে, মনেও করি নি।

মাসি। আমি ঘরে থাকলে তোর কথা থামবে না। আমি যাই। ঘুমোতে না চাস, অন্তত চুপ করে থাক্।

যতীন। আচ্ছা, বাড়ির যে প্ল্যান করেছিলুম সেইটে আমাকে দিয়ে যাও—আর আমার সেই খেলাঘরের বাক্সটা। খেলাঘর বলতে গিয়ে সেই গানটা মনে পড়ে গেল—হিমি, হিমি—

মাসি। ব্যস্ত হোস নে যতীন, আমি ডেকে দিচ্ছি।

[প্রস্থান]

### হিমির প্রবেশ

হিমি। কী দাদা।

যতীন। ঐ গানটা গা কোন—সেই যে খেলাঘর—

### হিমির গান

খেলাঘর বাঁধতে লেগেছি

মনের ভিতরে।

কত রাত তাই তো জেগেছি

বলব কী তোরে।

পথে যে পথিক ডেকে যায়,

অবসর পাই নে আমি হায়,

বাহিরের খেলায় ডাকে যে—

যাব কী ক'রে।

যাহাতে সবার অবহেলা,

যায় যা ছড়াছড়ি,

পুরানো ভাঙা দিনের ঢেলা,

তাই দিয়ে ঘর গড়ি।

যে আমার নিত্যখেলার ধন,  
তারি এই খেলার সিংহাসন,  
ভাঙারে জোড়া দেবে সে  
কিসের মন্তরে।

ডাক্তারের প্রবেশ

ডাক্তার। গান হচ্ছে, বেশ বেশ, খুব ভালো—ওষুধের চেয়ে ভালো। যতীন, মনটা খুশি রাখো, সব ঠিক হয়ে যাবে। প'চানস্বইয়ের চেয়ে কম বাঁচা একটা মস্ত অপরাধ। ফাঁসির যোগ্য।

যতীন। মন আমার খুব খুশি আছে। জানেন ডাক্তারবাবু, এতদিন পরে আমার বাড়ি-তৈরি শেষ হয়ে গেল। সব আমার নিজেরই প্ল্যান।

ডাক্তার। এই তো চাই। নিজের তৈরি বাড়িতে নিজে বাস করলে তবে সেটা মাপসই হয়। আসলে পৈতৃক বাড়িও ভাড়াটে বাড়ি, নিজের নয়। তোমার বাবা আমার ক্লাসফ্রেন্ড ছিল; প্রাণটা ছাড়া পূর্বপুরুষের ব'লে কোনো বালাই কেদারের ছিল না। নিজের যা-কিছু নিজে দেখতে দেখতে গড়ে তুললে। সে কি কম আনন্দ। তার শ্বশুর তার বিবাহে নারাজ ছিলেন ব'লে শ্বশুরের সম্পত্তি রাগ করে নিলেই না। তুমিও নিজের বাসা নিজে বেঁধে তুললে, সেও খুশির কথা বৈকি।

যতীন। ভারি খুশিতে আছি।

ডাক্তার। বেশ, বেশ। এবার গৃহপ্রবেশ হোক। আমাদের খাওয়াও, অমন শূদ্রে পড়ে থাকলে তো হবে না।

যতীন। আমার আজ মনে হচ্ছে, গৃহপ্রবেশ হবে। একবার পাঁজিটা দেখে নেব। যেদিন প্রথম শূভদিন হবে সেইদিনই—

ডাক্তার। বেশ, বেশ। পাঁজি নয় বাবা, সব মনের উপর নির্ভর করে। মন যখনই শূভদিন ঠিক করে দেয়, তখনই শূভদিন আসে।

যতীন। মন আমার বলছে, শূভদিন এল। তাই তো হিমিকে ডেকে গান শুনছি। গৃহ-প্রবেশের সানাই যেন আজ শরতের আকাশে বাজতে আরম্ভ করেছে।

ডাক্তার। বাজুক। ততক্ষণ নাড়ীটা দেখি, বুকটা পরীক্ষা করে নিই। সন্দেহ-মেঠাই ফরমাস দেবার আগে এই-সব বাজে উপপাতগুলো চুকিয়ে নেওয়া যাক। কী বল, বাবা।

যতীন। নাড়ী যাই হোক-না কেন, তাতে কী আসে যায়।

ডাক্তার। কিছ্ না, কিছ্ না। মন ভোলাবার জন্যে ওগুলো করতে হয়। আমরা তো ধর্ম্মন্তরির মদুখোশটা পরে রুগীর বুক পিঠে পেটে পকেটে কষে হাত বুলোই, যম বসে বসে হাসে। স্বয়ং ডাক্তার ছাড়া যমের গাম্ভীর্য কেউ টলাতে পারে না। হিমি মা, তুমি পাশের ঘরে যাও, গিয়ে গান করো, পাখির মতো গান করো। আমি একটা বই লিখতে বসেছি, তাতে বদ্বিষয়ে দেব, গানের ঢেউ এলে বাতাস থেকে ব্যামো কী রকম ভেসে যায়। ব্যামোগুলো সব বেসুর কিনা—ওরা সব বেতালা বেতালের দল; শরীরের তাল কাটিয়ে দেয়। যা মা, বেশ-একটু গলা তুলে গান করিস।

হিমি। কোন্টা গাব, দাদা।

যতীন। সেই নতুন বিয়ের গানটা।

ডাক্তার। হাঁ হাঁ, সে ঠিক হবে। আজ একটা লগ্ন আছে বটে। পথে তিনটে বিয়ের দল পার হয়ে আসতে হল; তাই তো দৌর হয়ে গেল।

পাশের ঘরে আসিয়া হিমির গান

বাজো রে বাঁশরি বাজো।

সুন্দরী, চন্দনমালায়

মঙ্গলসম্বাদ্য সাজো।

আজি মধুফাঙ্গদন-মাসে,  
চণ্ডল পান্থ কি আসে।  
মধুকরপদভর-কম্পিত চম্পক  
অঙ্গনে ফোটে নি কি আজো।  
রক্তিম অংশুক মাথে,  
কিংশুককঙ্কণ হাতে—  
মঞ্জীরঝংকৃত পায়ের,  
সৌরভসিঞ্চিত বায়ে,  
বন্দনসংগীত-গুঞ্জন-মুখরিত  
নন্দনকুঞ্জে বিরাজো।

পাশের ঘরে ডাক্তার ও মাসি

ডাক্তার। যেটা সত্যি সেটা জানা ভালোই। যে-দুঃখ পেতেই হবে সেটা স্বীকার করাই চাই, ভুলিয়ে দুঃখ বাঁচাতে গেলে দুঃখ বাড়িয়েই তোলা হয়।

মাসি। ডাক্তার, এত কথা কেন বলছ।

ডাক্তার। আমি বলছি আপনাকে প্রস্তুত হতে হবে।

মাসি। ডাক্তার, তুমি কি আমাকে কেবল ঐ দুটো মূখের কথা বলেই প্রস্তুত করবে ভাবছ। আমার যখন আঠারো বছর বয়স, তখন থেকে ভগবান স্বয়ং আমাকে প্রস্তুত করছেন—যেমন করে পাঁজা পড়িয়ে ইন্ট প্রস্তুত করে। আমার সর্বনাশের গোড়া বাঁধা হয়েছে অনেকদিন, এখন কেবল সবশেষের টুকুই বাকি আছে। বিধাতা আমাকে যা-কিছু বলবার খুবই পট করে বলেছেন, তুমি আমাকে ঘুরিয়ে বলছ কেন।

ডাক্তার। যতদিনের আর আশা নেই, আর অল্প কয়দিন মাত্র।

মাসি। জেনে রাখলুম। সেই শেষ কদিনের সংসারের কাজ চুকিয়ে দিই—তার পরে ঠাকুর যদি দয়া করেন ছুটির দিনে তাঁর নিজের কাজে ভর্তি করে নেবেন।

ডাক্তার। ওষুধ কিছদ্ব বল করে দেওয়া গেল। এখন সর্বদা ওর মনটাকে প্রফুল্ল রাখা চাই। মনের চেয়ে ডাক্তার নেই।

মাসি। মন! হায় রে। তা আমি যা পারি তা করব।

ডাক্তার। আপনার বউমাকে প্রায় মাঝে মাঝে রোগীর কাছে যেতে দেবেন। আমার মনে হয় যেন আপনারা ঠুকে একটু বেশি ঠেকিয়ে রাখেন।

মাসি। হাজার হোক, ছেলেমানুষ, রোগীর সেবার চাপ কি সহিতে পারে।

ডাক্তার। তা বললে চলবে না। আপনিও ঠুঁর 'পরে একটু অনায়াস করেন। দেখছি বউমার খুব মনের জোর আছে। এতবড়ো ভাবনা মাথার উপরে বুলছে কিন্তু ভেঙে পড়েন নি তো।

মাসি। তবু ভিতরে ভিতরে তো একটা—

ডাক্তার। আমরা ডাক্তার, রোগীর দুঃখটাই জানি, নীরোগীর দুঃখ ভাববার জিনিস নয়। বউমাকে বরঞ্চ আমার কাছে ডেকে দিন, আমি নিজে তাঁকে বলে দিয়ে যাচ্ছি।

মাসি। না না, তার দরকার নেই—সে আমি তাকে—

ডাক্তার। দেখুন, আমাদের ব্যবসায় মানুষের চরিত্র অনেকটা বদলে নেবার অনেক সুবিধা আছে। এটা জেনেছি যে, বউয়ের উপরে শাস্ত্রিদের যে-একটা স্বাভাবিক রীষ থাকে, ঘোর বিপদের দিনেও সে যেন মরতে চায় না। বউ ছেলের সেবা করে তার মন পাবে, এ আর কিছতেই—

মাসি। কথাটা মিথ্যে নয়, তা রীষ থাকতেও পারে। মনের মধ্যে কত পাপ লুকিয়ে থাকে, অন্তর্ঘামী ছাড়া আর কে জানে।



ডাক্তার। শূদ্র বোনপো কেন। বউয়ের প্রতিও তো একটা কর্তব্য আছে। নিজের মন দিয়েই ভেবে দেখুন-না, তার মনটা কী রকম হচ্ছে। বেচারী নিশ্চয়ই ঘরে আসবার জন্যে ছটফট করে সারা হল।

মাসি। বিবেচনাশক্তি কম, অতটা ভেবে দেখি নি তো।

ডাক্তার। দেখুন, আমি ঠোটকাটা মানুষ, উচিত কথা বলতে আমার মুখে বাধে না। কিছু মনে করবেন না।

মাসি। মনে করব কেন, ডাক্তার। অন্যায় কোথাও থাকে যদি, নিন্দে না হলে তার শোধন হবে কী করে। তা তোমার কথা মনে রইল, কোনো গুটি হবে না।

[ডাক্তারের প্রস্থান]

হিমি, কী করছি।

হিমি। দাদার জন্যে দুধ গরম করছি।

মাসি। আচ্ছা, দুধ আমি গরম করব। তুই যা, যতীনকে একটু গান শোনাগে যা। তোর গান শুনতে শুনতে ওর চোখে তবু একটু ঘুম আসে।

প্রতিবেশিনীর প্রবেশ

প্রতিবেশিনী। দিদি, যতীন কেমন আছে আজ।

মাসি। ভালো নেই, সদুরো।

প্রতিবেশিনী। আমার কথা শোনো, দিদি। একবার আমাদের জগু ডাক্তারকে দেখাও দেখি। আমার নাটনি নাক ফুলে ব্যথা হয়ে যায় আর-কি। শেষকালে জগু ডাক্তার এসে তার ডান নাকের ভিতর থেকে এতবড়ো একটা কাঁচের পুঁতি বের করে দিলে। ওর ভারি হাতযশ। আমার ছেলে তার ঠিকানা জানে।

মাসি। আচ্ছা, বোলো ঠিকানাটা পাঠিয়ে দিতে।

প্রতিবেশিনী। সেদিন তোমাদের বউকে আলিপুর্নে জু-তে দেখলুম যে।

মাসি। ও জন্তু-জানোয়ার ভারি ভালোবাসে, প্রায় সেখানে যায়।

প্রতিবেশিনী। জন্তু ভালোবাসে বলে কি স্বামীকে ভালোবাসতে নেই।

মাসি। কে বললে, ভালোবাসে না! ছেলেমানুষ, দিনরাত রুগীর কাছে থাকলে বাঁচবে কেন। আমরাই তো ওকে জোর করে—

প্রতিবেশিনী। তা যাই বল, পাড়াসুন্দর মেয়েরা সবাই কিন্তু ওর কথা—

মাসি। পাড়ার মেয়েরা তো ওকে বিয়ে করে নি, সদুরো। আমার যতীন ওকে বোঝে, সে তো কোনোদিন—

প্রতিবেশিনী। তা দিদি, সে কিছু বলে না বলেই কি—

মাসি। শূদ্র বলে না? ও-যে কখনো জাদুঘরে কখনো-বা বাঘভাল্লুক দেখতে যায়, এতেই তার আনন্দ।

প্রতিবেশিনী। বল কী দিদি। সেবাটা কি তার চেয়ে—

মাসি। ও তো বলে মণির পক্ষে এইটেই সেবা। যতীন নিজে বিছানায় বসে থাকে, মণি ঘুরে বেড়িয়ে এলে সেইটেতেই যতীন যেন ছুটি পায়। রুগীর পক্ষে সে কি কম।

প্রতিবেশিনী। কী জানি ভাই, আমরা সেকলে মানুষ, ও-সব বুঝতে পারি নে। তা যা হোক, আমার ছেলেকে পাঠিয়ে দেব, দিদি। সে জগু ডাক্তারের ঠিকানা জানে। একবার তাকে ডেকে দেখাতে দোষ কী।

[প্রস্থান]

## রোগীর ঘরে

যতীন। এই যে, হিমি এসেছি। আঃ বাঁচলুম। সেই ফোটোটা কোথাও খুঁজে পাচ্ছি নে, তুই একবার দেখ-না, বোন।

হিমি। কোন্ ফোটো, দাদা।

যতীন। সেই-যে বোটানিকেল গার্ডনে মণির সঙ্গে গাছতলায় আমার যে-ছবি তোলা হয়েছিল।

হিমি। সেটা তো তোমার আলবামে ছিল।

যতীন। এই-যে খানিক আগে আলবাম থেকে খুলে নিয়েছি। বিছানার মধ্যেই কোথাও আছে—কিংবা নীচে পড়ে গেছে।

হিমি। এই-যে দাদা, বালিশের নীচে।

যতীন। মনে হয় যেন আর-জন্মের কথা। সেই নিমগাছের তলা। মণি পরেছিল কুসুমি রঙের শাড়ি। খোঁপাটা ঘাড়ের কাছে নিচু করে বাঁধা। মনে আছে হিমি, কোথা থেকে একটা বউ-কথা-কণ্ড ডেকে ডেকে অস্থির হচ্ছিল। নদীতে জোয়ার এসেছে—সে কী হাওয়া, আর ঝাউগাছের ডালে ডালে কী ঝরঝরানি শব্দ। মণি ঝাউয়ের ফলগুলো কুড়িয়ে তার ছাল ছাড়িয়ে শুকচ্ছিল—বলে, আমার এই গন্ধ খুব ভালো লাগে। তার যে কী ভালো লাগে না, তা জানি নে। তারই ভালো লাগার ভিতর দিয়ে এই পৃথিবীটা আমি অনেক ভোগ করেছি। সেদিন যেটা গেয়েছিলি, সেই গানটি গা তো হিমি। লক্ষ্মী মেয়ে। মনে আছে তে?

হিমি। হাঁ মনে আছে।

## গান

যৌবনসরসীনিরে

মলনশতদল,

কোন্ চঞ্চল বন্যায় টলমল টলমল।

শরম-রক্তরাগে

তার গোপন স্বপ্ন জাগে,

তারি গন্ধকেশর-মাঝে

এক বিন্দু নয়নজল।

ধীরে বও ধীরে বও সমীরণ,

সবেদন পরশন।

শীতল চিত্ত মোর

পাছে ভাঙে বৃন্তডোর,

তাই অকারণ করুণায়

মোর আঁখি করে ছলছল।

যতীন। সেদিন গাছের তলা কথা কয়ে উঠেছিল। আজ এই দেয়ালের মধ্যে সমস্ত পৃথিবী একেবারে চূপ। ঐ দেয়ালগুলো তার ফ্যাকাসে ঠোঁটের মতো। হিমি, আলোটা আর-একটু কম করে দে। এপারে গাছে গাছে কতরকমের সবুজে উচ্ছ্বাস আকাশে ছাড়িয়ে পড়েছে, আর ওপারে কলের চিমনি থেকে ধোঁয়াগুলো পাক দিয়ে আকাশে উঠছে, তারো কী সুন্দর রঙ, আর কী সুন্দর ভৌল। সবই ভালো লাগছিল। আর তাদের সেই কুকুরটা—জলে মণি বারবার গোলা ফেলে দিচ্ছিল, আর সে সাঁতার দিয়ে—

হিমি। দাদা, তুমি কিন্তু আর কথা কোয়ো না।

যতীন। আচ্ছা কব না; আমি চোখ বন্ধে শুনব, সেই ঝাউগাছের ঝরঝর শব্দ। কিন্তু হিমি,

তুই আজ গাইলি, ও যেন ঠিক ভেমন—কে জানে। আর-একটু অন্ধকার হয়ে আসুক, আপনা-আপনি শুনতে পাব—ধীরে বও, ধীরে বও, সমীরণ। আচ্ছা, তুই যা। ছবিটা কোথায় রাখলুম?

হিম্মি। এই-যে!

[প্রস্থান]

পাশের ঘরে মাসি ও অখিল

অখিল। কেন ডেকে পাঠিয়েছ কারিক।

মাসি। বাবা, তুই তো উকিল, তোকে একটা-কিছু করে দিতেই হচ্ছে।

অখিল। তারা তো আর সবুর করতে পারছে না—ডিক্রি করেছে, এখন জারি করবার জন্যে—

মাসি। বেশিদিন সবুর করতে হবে না। তারা তো তোরই মক্কেল। একটু বুদ্ধি নিয়ে বলিস।

ডাক্তার বলেছে—

অখিল। ডাক্তার আরো একবার বলেছিল কিনা, এবার তারা বিশ্বাস করতে চাচ্ছে না। বাড়ি বন্ধক রেখে বাড়ি তৈরি করা, যতীনের এ কী রকম বুদ্ধি হল।

মাসি। ওর দোষ নেই, দোষ নেই, ওর বুদ্ধির জায়গায় মণি বসেছে শনি হয়ে। ভেবেছিল ওর মণিকে, ওর ঐ আলোয়ার আলোকে, ইস্টের বেড়া দিয়ে ধরে রাখবে।

অখিল। ওর তো নগদ টাকা কিছু ছিল।

মাসি। সমস্তই পাটের ব্যাবসায় ফেলেছে।

অখিল। যতীনের পাটের ব্যাবসা! কলম দিয়ে লাঙল-চাম। হাসব না কাঁদব?

মাসি। অসাধ্যরকম খরচ করতে বসেছিল, ভেবেছিল পাট বেচাকেনা করে তাড়াতাড়ি মুনফা হবে। আকাশ থেকে মাছি কেমন করে ঘায়ের খবর পায়, সর্বনাশের একটু গন্ধ পেলেই কোথা থেকে সব কুমন্দী এসে জোটে।

অখিল। সর্বনাশ! এখন বাজার এমন যে খেতের পাট চাষীদের কাটবার খরচ পোষাচ্ছে না।

মাসি। থাক্ থাক্ আর বলিস নে। ভাববারও আর দরকার নেই—দিন ফুরিয়ে এল।

অখিল। কারিক, পাওনাদার বোধ হয় ওর পাটের ব্যাবসার খবর পেয়েছে—বুঝেছে অনেক শকুনি জমবে, তাই তাড়াতাড়ি নিজের পাওনা আদায় করবার জোগাড় করছে।

মাসি। ওরে অখিল, এ কটা দিন সবুর করতে বল—যমদূতের সঙ্গে আদালতের পেয়াদা যেন পাল্লা দিতে না আসে। না-হয় 'নিয়্যে চল আমাকে তোর মক্কেলের কাছে। আমি বামুনদের মেয়ে তার পায়ে মাথা ঝুঁড়ে আসিগে।

অখিল। আচ্ছা, তাদের সঙ্গে একবার কথা কয়ে দেখি যদি দরকার হয় তোমাকে হয়তো যেতে হবে। একবার যতীনের সঙ্গে দেখা করে যাই।

মাসি। না, তোকে দেখলেই ওর ব্যাবসার কথা মনে পড়ে যাবে।

অখিল। আচ্ছা, ও-যে মণির নামে অনেক টাকা লাইফ ইনস্যুর করেছিল, তার কী হল।

মাসি। সে আমি যেমন করে হোক টিপিকয়ে রেখেছি। আমার যা-কিছু ছিল তাতেই তো গেল, আর এই ডাক্তার-খরচে। যতীনকে তো বাঁচাতে পারব না, যতীনের এই দানটিকে বাঁচাতে পারলুম, আমার মনে এই সুখ থাকবে। মনে তো আছে, মাঝে মাঝে ইনস্যুরের মালিক যখন তাকে জোগাতে হত তখন সে কী হাঙ্গাম। দোহাই অখিল, তোর মক্কেলকে বল—

অখিল। দেখো কারিক, আমি সত্যি কথা বলি, ওর 'পরে আমার একটুও দয়া হয় না। এতবড়ো বাদশাই বোকারি—

মাসি। কিন্তু ওর 'পরে ভগবানের দয়া কত একবার দেখ। সমস্ত প্রাণ দিয়ে ও এই বাড়িটি তৈরি করতে বসেছিল, শেষ হল না বটে, কিন্তু ওর খেলার সাথী ভাঙা খেলনা কুড়িয়ে নিয়ে ওকে সঙ্গে নিয়েই যাচ্ছেন। আর কোন্ খেলায় নিমগ্ন পড়েছে কে জানে।

অখিল। কারিক, আমাদের আইনের বইয়ে ভাগ্যে তোমাদের এই খেলার কথাটা কোথাও লেখে

নি। তাই অন্ন করে দ্দুটো খেতে পাচ্ছি নইলে ঐরকমই খেয়ালের হাওয়ায় একেবারে দেউলের ঘাটে গিয়ে মরতুম।

[প্রস্থান]

মণির প্রবেশ

মাসি। বউ, তোমার বাপের বাড়ি থেকে কিছু খবর এসেছে নাকি? তোমার জ্যেষ্ঠত ভাই অনাথকে দেখলুম—

মণি। হাঁ, মা বলে পাঠিয়েছেন আসছে শঙ্কুবারে আমার ছোটো বোনের অন্নপ্রাশন। তাই ভাবছি—

মাসি। বেশ তো বাছা, একগাছি সোনার হার পাঠিয়ে দাও, তোমার মা খুশি হবেন।

মণি। ভাবছি, আমি যাব। আমার ছোটো বোনকে তো দেখি নি, দেখতে ইচ্ছে করে।

মাসি। ওমা, সে কী কথা। যতীনকে একলা ফেলে যাবে?

মণি। ফিরতে আমার খুব বেশি দেরি হবে না।

মাসি। খুব বেশি দেরি হবে কি না তা কে বলতে পারে, মা। সময় কি আমাদের হাতে। চোখের এক পলকে দেরি হয়ে যায়।

মণি। তিন ভাইয়ের পরে বড়ো আদরের মেয়ে, ধুম করে অন্নপ্রাশন হবে। আমি না গেলে মা ভারি—

মাসি। তোমার মায়ের ভাব, বাছা, বুঝতে পারি নে—কান্নার সাত সমুদ্রে ঘেরা যাদের প্রাণ, তোমার মাও তো সেই মায়েরই জাত, তবু তিনি মানুষের এতবড়ো ব্যথা বোঝেন না, ঘন ঘন কেবলই তোমাকে ডেকে ডেকে নিয়ে যান—

মণি। দেখো মাসি, তুমি আমার মাকে খোঁটা দিয়ে কথা কোয়ো না বলছি। তবু যদি আপন শাশুড়ি হতে, তা হলেও নয় সহ্য করতুম, কিন্তু—

মাসি। আচ্ছা মণি, অপরাধ হয়েছে, আমাকে মাপ করো। আমি শাশুড়ি হয়ে তোমাকে কিছু বলছি নে, আমি একজন সামান্য মেয়েমানুষের মতোই মিনতি করছি—যতীনের এই সময়ে তুমি যেয়ো না। যদি যাও তোমার বাবা রাগ করবেন, সে আমি নিশ্চয় জানি।

মণি। তা জানি, তোমাকে একলাইন লিখে দিতে হবে মাসি। এই কথা বোলো যে, আমি গেলে বিশেষ কোনো—

মাসি। তুমি গেলে কোনো ক্ষতিই নেই, সে কি আমি জানি নে। কিন্তু তোমার বাপকে যদি লিখতে হয়, আমার মনে যা আছে খুলেই লিখব।

মণি। আচ্ছা বেশ, তোমাকে লিখতে হবে না। আমি ঠুকে গিয়ে বললেই উনি—

মাসি। দেখো বউ, অনেক সয়েছি, কিন্তু এই নিয়ে যদি তুমি যতীনের কাছে যাও কিছুতেই সইব না।

মণি। আচ্ছা, থাক্ তোমাদের চিঠি। বাপের বাড়ি যাব তার এত হাঙ্গামা কিসের। উনি যখন জর্মীনেতে পড়তে যেতে চেয়েছিলেন তখনই তো পাসপোর্টের দরকার হয়েছিল। আমার বাপের বাড়ি জর্মীনি নাকি?

মাসি। আচ্ছা, আচ্ছা, অত চর্চিয়ে কথা কোয়ো না। ঐ বুঝি আমাকে ডাকছে। যাই, যতীন। কী জানি, শুনতে পেয়েছে কি না।

[প্রস্থান]

যতীনের ঘরে

মাসি। আমাকে ডাকাছিলে, যতীন?

যতীন। হাঁ, মাসি। শূন্যে শূন্যে ভাবছিলুম, উপায় নেই, আমি তো বন্দী; অসুখের জাল দিয়ে জড়ানো, দেয়াল দিয়ে ঘেরা—সঙ্গে সঙ্গে মণিকে কেন এমন বেঁধে রাখি।

মাসি। কী যে বলিস যতীন, তার ঠিক নেই। তোর সঙ্গে যে ওর জীবন বাঁধা, তুই খালাস দিতে চাইলেই কি ওর বাঁধন খসবে।

যতীন। একদিন ছিল যখন স্ত্রী সহমরণে যেত, সে অনায়াস তো এখন বন্ধ হয়ে গেছে। কিন্তু মণির আজ এ যে পলে পলে সহমরণ, বেঁচে থেকে সহমরণ। মনে ক'রে আমার প্রাণ হাঁপিয়ে ওঠে—এর থেকে ওকে দাও মর্দুস্তি মাসি, দাও মর্দুস্তি।

মাসি। আজ এমন কথা হঠাৎ কেন বলছি, যতীন। স্বপ্নের ঘোরে এক কথা আর হয়ে তোর কানে পৌঁছেছিল নাকি।

যতীন। না না, অনেকক্ষণ ধরে ভাবছিলাম, ঝাউগাছের বরষার শব্দ, নদীতে জোয়ার, দূরে বউ-কথা-কণ্ড পাখির ডাক। মনে পড়াছিল, মণির সেই কুসুমিরঙের শাড়ি, আর কুকুরের সঙ্গে খেলা, আর বিনা-কারণে হাসি। ওর দূরন্ত প্রাণ, এই মরা দেয়ালগুলোর মধ্যে কেন। দাও ছুটি ওকে। কতদিন এ বাড়িতে ওর হাসিই শুনতে পাই নি। ওর স্রোতে নবীন জোয়ার, সে কি ঐসব ওষুধের শিশি, আর রুগীর পথের বাঁধ বেঁধে আটকে দেবে। আমার মনে হচ্ছে, অনায়াস—ভারি অনায়াস।

মাসি। কিছ্ছু অনায়াস না, একটুও অনায়াস না। যার প্রাণ আছে সেই তো প্রাণ দিতে পারে! বর্ষণ তো ভরা মেঘের। উঠে বসিস্ নে যতীন, শো—অমন ছটফট করতে নেই। কোথায় মণিকে পাঠাতে চাস, বল, আমি বদ্বতে পারছি নে।

যতীন। না-হয় মণিকে ওর বাপের বাড়ি—ভুলে যাচ্ছি ওর বাবা এখন কোথায়—

মাসি। সীতারামপুরে।

যতীন। হাঁ, সীতারামপুরে। সে খোলা জায়গা, সেখানে ওকে পাঠিয়ে দাও।

মাসি। শোনো একবার। এই অবস্থায় তোমাকে ফেলে বাপের বাড়ি যেতে চাইবেই বা কেন।

যতীন। ডাক্তার কী বলেছে, সে কথা কি সে—

মাসি। তা সে নাই জানলে। চোখে তো দেখতে পাচ্ছে। সেদিন বাপের বাড়ি যাবার কথা যেমনি একটু ইশারায় বলা, অমনি বউ কেন্দ্রে অস্থির।

যতীন। সত্যি মাসি, বউ কাঁদলে? সত্যি? তুমি দেখেছ?

মাসি। যতীন, উঠিস্ নে উঠিস্ নে, শো। ঐ যাঃ, ভাঁড়ার ঘর বন্ধ করতে ভুলে গেছি—এখনই ঘরে কুকুর ঢুকবে। আমি যাই, তুমি একটু ঘুমোও যতীন।

যতীন। আমি এইবার ঠিক ঘুমোব, তুমি ভেবো না। কেবল একটা কথা—গৃহপ্রবেশের শূভদিন ঠিক করে দাও।

মাসি। কী বলছি যতীন, তোর এ অবস্থায়—

যতীন। তোমরা বিশ্বাস করতে পার না—আমার মন বলছে, গৃহপ্রবেশের দিন এল ব'লে। আমি যেতে পারব, নিশ্চয় যেতে পারব। এইবেলা থেকে সব প্রস্তুত করোগে। তখন যেন আবার দেরি না হয়।

মাসি। তা হবে, হবে, কিছ্ছু ভাবিস্ নে।

যতীন। মণিকেও এইবেলা বলে রাখো। তারও তো কাজ আছে?

মাসি। আছে বৈকি যতীন, আছে।

যতীন। তুমি আমাদের দুজনকে বরণ করে নেবে।—আচ্ছা মাসি, আমার একটা প্রশ্ন মনে আসে, ভয়ে কাউকে জিজ্ঞাসা করতে পারি নে। তুমি বলতে পার? পাটের বাজার কি এর মধ্যে চড়েছে।

মাসি। ঠিক তো জানি নে। অখিল কী যেন বলছিল।

যতীন। কী, কী, কী বলছিল। তোমাকে ভয় দেখাতে ইচ্ছে করে না, কিন্তু এ কথা নিশ্চয়, যদি বাজার না চড়ে থাকে তা হলে—

মাসি। কী আর হবে।

যতীন। তা হলে আমার এ বাড়ি—এক মৃদুহৃদে হয়ে যাবে মরীচিকা। ঐ-যে, ঐ-যে, আমাদের আড়তের গোমস্তা। নরহরি, নরহরি—

মাসি। যতীন, চোঁচিয়ে না, মাথা খাও, স্থির হয়ে শোও। আমি যাচ্ছি, ওর সঙ্গে কথা কয়ে আসছি।

যতীন। আমার ভয় হচ্ছে, যেন—মাসি, যদি বাজার খারাপই হয়, তুমি অখিলকে বলে কোনোরকম করে—

মাসি। আচ্ছা, অখিলের সঙ্গে কথা কব। তুই এখন—

যতীন। জান, মাসি? আমি যে টাকা ধার নিয়েছিলুম সে অখিলেরই টাকা অন্যের নাম করে—

মাসি। আমিও তাই আন্দাজ করেছি।

যতীন। কিন্তু দেখো, নরহরিকে তুমি আমার কাছে আসতে দিয়ে না—আমার ভয় হচ্ছে পাছে কী বলে বসে। আমি সহিতে পারব না, তুমি ওকে অখিলের কাছে নিয়ে যাও।

মাসি। তাই যাচ্ছি—

যতীন। তোমার কাছে পাঁজিটা যদি থাকে আমার কাছে পাঠিয়ে দিয়ে তো।

মাসি। এখন পাঁজি থাক্, তুই ঘুমো।

যতীন। মণি বাপের বাড়ি যাবার কথায় কাঁদলে? আমার ভারি আশ্চর্য ঠেকছে।

মাসি। এতই বা আশ্চর্য কিসের।

যতীন। ও যে সেই অমরাবতীর উর্বশী যেখানে মৃত্যুর ছায়া নেই—ওকে তোমরা করে তুলতে চাও প্রাইভেট হাসপাতালের নার্স?

মাসি। যতীন, ওকে কি তুই কেবল ছবির মতোই দেখাবি। দেয়ালে টাঙিয়ে রাখবার?

যতীন। তাতে দোষ কী। ছবি পৃথিবীতে বড়ো দুল্লভ। দেখার জিনিসকে দেখতে পাবার সৌভাগ্য কি কম। তা হোক, তুমি বলছিলে মণি কেঁদেছিল? লক্ষ্মীর আসন পদ্ম, সেও দীর্ঘনিশ্বাস ফেলে সদৃশে বাতাসকে কাঁদিয়ে দেয়?

মাসি। মেয়েমানুষ যদি সেবা করতে না পারলে তা হলে—

যতীন। শাজাহানের ঘরে ঘরকরনা করবার লোক ঢের ছিল—তাদের সকলের মধ্যে কেবল একজনকে তিনি দেখেছিলেন যার কিছুই করবার দরকার ছিল না। নইলে তাজমহল তাঁর মনে আসত না। তাজমহলেরও কোনো দরকার নেই। মাসি, আমি সেরে উঠলেই আবার এই বাড়িটি নিয়ে পড়ব। যতদিন বেঁচে থাকি, এই বাড়িটিকে সম্পূর্ণ করে তোলাই আমার একমাত্র কাজ হবে, আমার এই মণিসোধ। বিধাতার স্বপ্নকে যে আমি চোখে দেখলুম, আমার স্বপ্নকে সাজিয়ে তুলে কেবল সেই খবরটি রেখে যেতে চাই। মাসি, তুমি হয়তো আমার কথা ঠিক বদ্বতে পারছ না।

মাসি। তা সত্যি বলছি বাবা, তোদের এ পদ্রুশমানুষের কথা আমি ঠিক বদ্বি নে।

যতীন। এ জানালাটা আরেকটু খুলে দাও।—[মাসি জানালা খুলিয়া দিলেন] ঐ দেখো, ঐ দেখো, অনাদি অশ্বকারের সমস্ত চোখের জলের ফোঁটা তারা হয়ে রইল।—হিমি কোথায়, মাসি। সে কি ঘুমোতে গেছে।

মাসি। না, এখনো বোঁশ রাত হয় নি। ও হিমি, শুনো যা।

#### হিমির প্রবেশ

যতীন। আমাকে গাইতে বারণ করেছে বলেই বারে বারে তোকে ডাকতে হয়—কিছু মনে করিস্ নে, বোন।

হিমি। না দাদা, তুমি তো জানো, আমার গাইতে কত ভালো লাগে। কোন গানটা শুনতে চাও, বলো।

যতীন। সেই যে—আমার মন চেয়ে রয়।

## হিমির গান

আমার মন চেয়ে রয় মনে মনে হেরে মাধুরী।  
 নয়ন আমার কাঙাল হয়ে মরে না ঘুরি।  
 চেয়ে চেয়ে বৃকের মাঝে  
 গুঞ্জরিল একতারা যে,  
 মনোরথের পথে পথে বাজল বাঁশদুরি,  
 রূপের কোলে ওই-যে দোলে অরূপ মাধুরী।  
 কুলহারা কোন্ রসের সরোবরে,  
 মূলহারা ফুল ভাসে জলের 'পরে।  
 হাতের ধরা ধরতে গেলে  
 ঢেউ দিয়ে তায় দিই-যে ঠেলে,  
 আপন-মনে স্থির হয়ে রই, করি নে চুরি।  
 ধরা দেওয়ার ধন সে তো নয়, অরূপ মাধুরী।

যতীন। মাসি, তোমরা কিন্তু বরাবর মনে করে এসেছ, মণির মন চঞ্চল—আমাদের ঘরে ওর মন বসে নি—কিন্তু দেখো—

মাসি। না বাবা, ভুল বৃঝেছিলুম, সময় হলেই মানুষকে চেনা যায়।

যতীন। তুমি মনে করেছিলে, মণিকে নিয়ে আমি সুখী হতে পারি নি, তাই তার উপরে রাগ করতে। কিন্তু সুখ জিনিসটি ঐ তারাগদুলির মতো অন্ধকারের ফাঁকে ফাঁকে দেখা দেয়। জীবনের ফাঁকে ফাঁকে কি স্বর্গের আলো জ্বলে নি। আমার যা পাবার তা পেয়েছি, কিছু বলবার নেই। কিন্তু মাসি, ওর তো অল্প বয়েস, ও কী নিয়ে থাকবে।

মাসি। অল্প বয়েস কিসের। আমরাও তো বাছা, ঐ বয়সেই দেবতাকে সংসারের দিকে ভাসিয়ে দিয়ে অন্তরের দিকে টেনে নিয়েছি। তাতে ক্ষতি হয়েছে কী। তাও বলি, সুখেরই বা এত বেশি দরকার কিসের।

যতীন। যখন থেকে শুনছি মণি কেঁদেছে, তখন থেকেই বৃঝেছি, ওর মন জেগেছে। ওকে একবার ডেকে দাও, মাসি। দুপুরবেলা একবার এসেছিল। তখন দিনের প্রথম আলো, দেখে হঠাৎ মনে হল, ওর মধ্যে ছায়া একটুও কোথাও নেই। একবার এই সন্ধের অন্ধকারে দেখতে দাও, হয়তো ওর ভিতরের সেই চোখের জলটুকু দেখতে পাব।

মাসি। তোমার কাছে ওর ভালোবাসা ঘোমটা খুলতে এখনো লজ্জা পায়, তাই ওর যত কান্না সবই আড়ালে।

যতীন। আচ্ছা, থাক, থাক, না-হয় আড়ালেই থাক। কিন্তু সেই আড়ালের খবরটি মাসি, তুমি আমাকে দিয়ে যেনো। কেননা, যখন তার আড়ালটি সরে যাবে, তখন হয়তো—আজ কিন্তু সন্ধ্যাবেলায় আমি তার সঙ্গে বিশেষ করে একটু কথা বলতে চাই।

মাসি। কী তোর এমন বিশেষ কথা আছে বল্ তো।

যতীন। আমার মণিসৌধ তৈরি শেষ হয়ে গেল, সেই খবরটা আপন মুখে তাকে দিতে চাই। গৃহপ্রবেশ আমার নয়, গৃহপ্রবেশ তাকেই করতে হবে—তার জনেই আমার এই সৃষ্টি, আমার এই ইন্টকাঠের বীণায় গান।

মাসি। সে বৃঝি জানে না?

যতীন। তবু নিবেদন করে দিতে হবে। হিমিকে বলব, দরজার বাইরে থেকে ঐ গানটা গাইবে—  
 মোর জীবনের দান,

করো গ্রহণ করার পরম মূল্যে চরম মহীয়ান।

যাও মাসি, তুমি ডেকে দাও। মাসি, ঐ দেখো, নরহরি বৃঝি আমার সঙ্গে দেখা করতে আসছে—

আমার পাটের আড়তের গোমস্তা—ওকে আজ এখানে আসতে দিয়ো না। না, না, না, আমি কিছুই শুনতে চাই নে। ওর খবর যাই থাক্-না, সে আমি পরে বদ্বব।

[মাসির প্রস্থান]

যতীন। হিমি, শোন্ শোন্।

হিমির প্রবেশ

তোকে একটা গান শুনিয়ে দিই। এটা তোকে শিখতে হবে।

হিমি। না দাদা, তুমি গেলো না, ডাক্তার বারণ করে।

যতীন। আমি গদ্ন-গদ্ন করে গাব। অনেক দিন পরে আমাদের কিন্দু বাউলের সেই গানটা আমার মনে পড়েছে।

গান

ওরে মন যখন জাগলি না রে

তখন মনের মানুষ এল দ্বারে।

তার চলে যাবার শব্দ শুনেনে

ভাঙল রে ঘুম,

ও তোর ভাঙল রে ঘুম অন্ধকারে।

তার ফিরে যাওয়ার হাওয়াখানা

বুকের মাঝে দিল হানা,

ওরে সেই হাওয়া তোর প্রাণের ভিতর

তুলবে তুফান হাহাকারে।

তোর মাসির কাছে শুনেনে বুদ্ধেছি হিমি, মণির মন জেগেছে। তুই হয়তো আমার কথা বুদ্ধেতে পারাছিস নে। আচ্ছা থাক্ সে। এ বাড়ির সবটা তুই দেখেছিস?

হিমি। চমৎকার হয়েছে।

যতীন। উপরের যে ঘরটাতে পাথর বসাতে দিয়েছিলুম—কই, প্ল্যানটা কোথায়। এই যে, এই ঘরে—এর কড়িকাঠ ঢেকে একটা কাঠের চাঁদোয়া হয়েছে তো?

হিমি। হাঁ, হয়েছে বৈকি।

যতীন। তাতে কী রকম কাজ বল্ তো।

হিমি। চার দিকে মোটা করে নীল পাড়, মাঝখানে লাল পশম আর সাদা হাঁসের জমি—ঠিক যেমন তুমি বলে দিয়েছিলে।

যতীন। আর দেয়ালে?

হিমি। দেয়ালে বকের সার, কিন্দুক বসিয়ে আঁকা।

যতীন। আর মেঝেতে?

হিমি। মেঝেতে শেখর পাড়। তার মাঝখানে মস্ত একটা পদ্মাসন।

যতীন। দরজার বাইরে দধারে শ্বেতপাথরের দুটো কলস বসিয়েছে কি।

হিমি। হাঁ, বসিয়েছে। তার মধ্যে দুটো ইলেকট্রিক আলোর শিশি বসানো—কী সুন্দর।

যতীন। জানিস, সে ঘরটার কী নাম?

হিমি। জানি, মণিমন্দির।

যতীন। সেদিন অখিল তোর মাসির কাছে এসেছিল। কী বলছিল, কিছু শুনিয়েছিস কি। এই বাড়িটার কথা?

হিমি। তিনি বলছিলেন, কলকাতায় এমন সুন্দর বাড়ি আর নেই।

যতীন। না না, সে কথা না। অখিল কি এ বাড়ির—থাক্, কাজ নেই। মাসি বলছিলেন, আজ দুপুরবেলা মৌরলামাছের যে-ঝোল হয়েছিল সেটা নাকি মণির তৈরি—ভারি সুন্দর স্বাদ। তুই কি—



হিমি। সে আমি বলতে পারি-নে।

যতীন। ছি ছি বোন, তোর বউদিদির সঙ্গে আজ পর্যন্ত তোর ভালো বনল না, এটা আমার—  
হিমি। ননদ যে আমি—তাই হয়তো—

যতীন। তুই বড়ি শাস্ত্র মিলিয়ে ভাব করিস, রাগ করিস?

হিমি। হাঁ দাদা, সেই-যে হিন্দি গানে আছে—ননদিয়া রহি জাগি—

যতীন। তুই বড়ি সেটাকে একটু বদলে নিয়ে করেছিস—ননদিয়া রহি রাগি।

হিমি। হাঁ দাদা, সুরে খারাপ শুনতে হয় না। (গাহিয়া) ননদিয়া রহি রাগি—

যতীন। কিন্তু বেসুর করিস নে, বোন।

হিমি। সে কি হয়। তোমার কাছেই তো সুর শেখা।

যতীন। ঐরে, আজই যতসব কাজের লোকের ভিড় দেখছি। নরেনখাঁর লোক দেউড়ির কাছে ঘুরে বেড়াচ্ছে। হিমি এক কাজ কর তো—কোনোরকম করে আভাসে খবর নিতে পারিস? এখনকার বাজারে—না না, থাক্গে। ঐ দরজাটা বন্ধ করে দে।

পাশের ঘরে

মাসি। এ কী, বউ। কোথাও যাচ্ছ নাকি।

মণি। সীতারামপুরে যাব।

মাসি। সে কী কথা। কার সঙ্গে যাবে।

মণি। অনাথ নিয়ে যাচ্ছে।

মাসি। লক্ষ্মী, মা আমার, যেয়ো তুমি যেয়ো—তোমাকে বারণ করব না। কিন্তু আজ না।

মণি। টিকিট কিনে গাড়ি রিজার্ভ হয়ে গেছে। মা খরচ পাঠিয়েছেন।

মাসি। তা হোক, ও লোকসান গায়ে সইবে। না-হয় তুমি কাল ভোরের গাড়িতেই যেয়ো।

আজ রাস্তিরটা—

মণি। মাসি, আমি তোমাদের তিথি-বার মানি নে। আজ গেলে দোষ কী।

মাসি। যতীন তোমাকে ডেকেছে, তোমার সঙ্গে তার একটু বিশেষ কথা আছে।

মণি। বেশ তো, এখনো দশ মিনিট সময় আছে, আমি তাঁকে বলে আসছি।

মাসি। না, তুমি বলতে পারবে না যে যাচ্ছ।

মণি। তা বলব না, কিন্তু দৌঁর করতে পারব না। কালই অন্তপ্রাশন, আজ না গেলে চলবেই না।

মাসি। জোড়হাত করছি বউ, আমার কথা একদিনের মতো রাখো। মন একটু শান্ত করে যতীনের কাছে বোসো। তাড়াতাড়ি কোরো না।

মণি। তা কী করব বলো। গাড়ি তো বসে থাকবে না। অনাথ চলে গেছে। এখনই সে এসে আমায় নিয়ে যাবে। এইবেলা তাঁর সঙ্গে দেখা সেরে আসিগে।

মাসি। না, তবে থাক্, তুমি যাও। এমন করে তার কাছে যেতে দেব না। ওরে অভাগিনী, যতদিন বেঁচে থাকবি এদিনের কথা তোকে চিরকাল মনে রাখতে হবে।

মণি। মাসি, আমাকে অমন করে শাপ দিয়ে না বলছি।

মাসি। ওরে বাপ রে, আর কেন বেঁচে আছিস রে বাপ। দুঃখের যে শেষ নেই, আমি আর ঠেকিয়ে রাখতে পারলুম না।

[মণির প্রস্থান]

শৈলের প্রবেশ

শৈল। মাসি, তোমাদের বউয়ের ব্যাভারখানা কী রকম বলো তো। কী কাণ্ড। স্বামীর এ অবস্থায় কোন্ বিবেচনায় বাপের বাড়ি চলল।

মাসি। ঐটুকু তো মেয়ে, মনে হয় যেন ননি দিয়ে তৈরি, কিন্তু কী পাথরে গড়া ওর প্রাণ।

শৈল। ওকে তো অনেকদিন থেকে দেখছি, কিন্তু এতটা যে পারে তা জানতুম না। এদিকে দেখো, কুকুর বেড়াল বাঁদর ময়ূর জন্তু-জানোয়ার কত পদুষ্টে তার ঠিক নেই—তাদের কিছুর হলেই অনর্থপাত করে দেয়, অথচ স্বামীর উপরে—ওকে বদ্বতে পারলুম না।

মাসি। যতীন ওকে মর্মে মর্মেই বদ্বিচ্ছল। একদিন দেখেছি যতীন মাথা ধরে বিছানায় পড়ে, মণি দল বেঁধে থিয়েটে চলেছে। থাকতে না পেরে আমি যতীনকে পাখার বাতাস করতে গেলুম। ও আমার হাত থেকে পাখা ছিনিয়ে নিয়ে ফেলে দিলে। ওরে বাস রে কী ব্যথা। সে-সব দিনের কথা মনে করলে আমার বুক ফেটে যায়।

শৈল। তাও বলি মাসি, অমনি পাথরের মতো মেয়ে না হলেও পদ্রুষদের উড়ো মন চাপা দিয়ে রাখতে পারে না। যতই নরম হবে, ততই ওরা ফসকে যাবে।

মাসি। কী জানি শৈল, ঐটেই হয়তো মানুষের ধর্ম। বাঁধনের মধ্যে কিছুর একটু শক্ত জিনিস না থাকলে সেটা বাঁধনই হয় না, তা কী পদ্রুষের কী মেয়ের। ভালোবাসার মালায় ফুল থাকে পারিজাতের, কিন্তু তার সুতোটি থাকে বস্ত্রের।

শৈল। এখনো যদি গাড়িতে না উঠে থাকে তা হলে ওকে একটু বদ্বিয়ে দেখিগে।

[প্রস্থান]

প্রতিবেশিনীর প্রবেশ

প্রতিবেশিনী। ঠানদি। ওমা এ কী কাণ্ড। তোমার বউ নাকি বাপের বাড়ি চলল।

মাসি। তা কী হয়েছে। তা নিয়ে তোমাদের অত ভাবনা কেন।

প্রতিবেশিনী। তা তো বটেই, আমাদের কী বলো। যতীনবাবুকে পাড়ার লোক সবাই ভালো-বাসে সেইজন্যেই—

মাসি। হাঁ, সেইজন্যেই যতীন যাকে ভালোবাসে তোমরা সঙ্কলে মিলে তার—

প্রতিবেশিনী। তা বেশ ঠানদিদি, মণি খুবই ভালো কাজ করেছে। অত ভালো খুব কম মেয়েতেই করতে পারে।

মাসি। স্বামীর ইচ্ছা মেনে যে-স্ত্রী চলে তাকেই তো তোমরা ভালো বল! মণি আমাদের সেই স্ত্রী।

প্রতিবেশিনী। হাঁ, সে তো দেখতে পাচ্ছি।

মাসি। মণি ছেলেমানুষ, রোগীর কাছে বন্ধ হয়ে আছে, তাই দেখে যতীন কিছুরে সুস্থির হতে পারছিল না। শেষকালে ডাক্তারবাবুর মত নিয়ে তবে তো ও—তা থাক্গে। তোমরা যত পার পাড়ায় পাড়ায় নিন্দে করে বেড়াওগে। যতীনের কানের কাছে আর চেঁচামেচি কোরো না।

প্রতিবেশিনী। বাস্ রে। মণি যে কোন্ দৃষ্টিতে ঘন ঘন বাপের বাড়ি যায় সে বোঝা যাচ্ছে।

[প্রস্থান]

ডাক্তারের প্রবেশ

ডাক্তার। ব্যাপারখানা কী। দরজার কাছে এসে দেখি, বাস্তব তোরঙ্গ গাড়ির মাথায় চাপিয়ে বউমা তার ভাইয়ের সঙ্গে কোথায় চলল। আমাকে দেখে একটুও সবুজ করলে না। রোগীর অবস্থার কথা কিছুর জিজ্ঞাসা করা, তাও না। ওর সঙ্গে ঝগড়া করেছেন বদ্বি?

[মাসি নিরন্তর]

দেখুন, রোগীর এই অবস্থায় অন্তত এই কিছুরদিনের জন্যে বউয়ের সঙ্গে আপনার শাশুড়িগিরি না-হয় বন্ধই রাখতেন।

মাসি। পারি কই, ডাক্তার। স্বভাব ম'লেও যায় না। একসঙ্গে ঘরে থাকতে গেলেই দুটো বকাবাকি হয় বৈকি।

ডাক্তার। তা বউ-যে গাড়ি ডাকিয়ে এনে চলে গেল, আপনি একটু নিবারণ করলেই তো হত।

[মাসি নিরন্তর]

কী জানি, বোধ করি গেল বলেই আপনি হাঁফ ছেড়ে বাঁচলেন। কিন্তু আমি আপনাকে স্পষ্টই বলছি, এমনি করে বউকে নির্বাসনে দিয়ে আপনি প্রতি মূহূর্তে যে যতীনের আশাভঙ্গ করছেন, তাতে তার কেবলই প্রাণহানি হচ্ছে। রত্নগীর প্রতি আমাদের কর্তব্য সব আগে, সেইজন্যই আমাকে এমন পষ্ট কথা বলতে হল, নইলে আপনাদের শাশুড়ি-বউয়ের ঝগড়ার মধ্যে কথা কবার অধিকার আমার নেই।

মাসি। যদি দোষ করে থাকি, তা নিয়ে তর্ক করে তো কোনো ফল নেই। আমি-যে নিজেকে খাটো করে বউকে ফিরে আসতে চিঠি লিখব, সে প্রাণ ধরে পারব না, তা তুমি আমাকে গালি দাও আর যাই কর। এখন তুমি এক কাজ করতে পার ডাক্তার?

ডাক্তার। কী, বলুন।

মাসি। সীতারামপুরে বউয়ের বাবাকে একখানা চিঠি লিখে দাও। তাতে লিখো যতীনের কী অবস্থা। বউমার বাবাকে আমি যতদূর জানি তাতে আমার নিশ্চয় বিশ্বাস, তিনি সে চিঠি পেলেই বউমাকে নিয়ে এখানে আসবেন।

ডাক্তার। আচ্ছা, লিখে দিচ্ছি। কিন্তু বউমা-যে বাপের বাড়ি চলে গেছেন, এ খবর যেন কোনো-মতেই যতীন জানতে না পায়। আমি আপনাকে বলেই রাখছি, এ খবরের উপরে আমার কোনো ওষুধই খাটবে না। হিমি মা, তুমি যে এখানে বসে আছ, এক কাজ করো; ও যে-গানটা ভালোবাসে সেইটে ওর দরজার কাছে বসে গাও। ও যেন বউমার খবর জিজ্ঞাসা করবার সময় একটুও না পায়। শুনছ, মা? এখন কান্নার সময় নয়। কান্না পরে হবে। এখন গান। তোমাকে বলেছি কি। একটা বই লিখছি, তাতে দেখিয়ে দেব, গানের ভাইব্রেশন আর রোগের বীজের চাল একেবারে উলটো। নোবেল প্রাইজের জোগাড় করছি আর-কি, বুঝেছ?

[প্রস্থান]

হিমির গান

ওই মরণের সাগরপারে চুপে চুপে

এলে তুমি ভুবনমোহন স্বপনরূপে।

কান্না আমার সারা প্রহর তোমায় ডেকে

ঘুরেছিল চারি দিকের বাধায় ঠেকে,

বন্ধ ছিলেম এই জীবনের অন্ধকূপে;

আজ এসেছ ভুবনমোহন স্বপনরূপে।

আজ কী দেখি কালোচুলের আঁধার ঢালা,

স্তরে স্তরে সন্ধ্যাতারার মানিক জ্বালা।

আকাশ আজ গানের ব্যথায় ভরে আছে,

ঝঞ্জিরবে কাঁপে তোমার পায়ের কাছে।

বন্দনা তোর পদ্পবনের গন্ধধূপে;

আজ এসেছ ভুবনমোহন স্বপনরূপে।

হিমি। (নেপথ্যে চাইয়া) যাচ্ছি দাদা, ভিতরেই যাচ্ছি।

[প্রস্থান]

অখিলের প্রবেশ

অখিল। কেন ডেকেছ, কারিক।

মাসি। তোকে ডেকে পাঠাবার জন্যে কাল থেকে যতীন আমাকে বারবার অনুরোধ করছে। আর ঠেকিয়ে রাখা গেল না।

অখিল। ওর সেই বাড়িবন্ধকের ব্যাপার নিয়ে?

মাসি। সে কথাটা ওর মনের মধ্যে খুবই আছে, কিন্তু সেটা ও জিজ্ঞাসা করতে চায় না। যতবারই ও-ভাবনাটা ধাক্কা দিচ্ছে ততবারই তাকে সরিয়ে সরিয়ে রাখছে। সে কথা তুমি ওর কাছে কোনোমতেই পেড়ে না—ও-ও পাড়বে না।

অখিল। তবে আমাকে কিসের দরকার পড়ল।

মাসি। উইল করবার জন্যে।

অখিল। উইল? অবাক করলে।

মাসি। জানি, কোনো দরকার ছিল না। কিন্তু মাথার দাঁবি দাঁছি, এই কথাটি তোমাকে রাখতেই হবে। ও যাকে যা-কিছু দিতে বলে, সম্ভব হোক অসম্ভব হোক, সমস্তই তোমার ঠিক ঠিক লিখে নেওয়া চাই। হেসো না, প্রতিবাদ কোরো না। তার পরে সে উইলের যা দশা হবে তা জানি।

অখিল। জানি বৈকি। জর্জ দি ফিফ্থের সমস্ত সাম্রাজ্যই আমি যতীনকে দিয়ে উইল করিয়ে নিজের নামে লিখিয়ে নিতে পারি। আমার বিশ্বাস সম্রাটবাহাদুর আর্নল্ড উইলিয়ামসের অভিযোগ তুলে আদালতে নালিশ রুজু করবেন না। কিন্তু দেখো কার্কি, এইবার তোমার সঙ্গে এই বাড়ির কথাটা বলে নিই। আমার মক্কেল—

মাসি। অখিল, এখন দুটো সত্যি কথা কওয়াই যাক। ঘরে-বাইরে কেবলই মিথ্যে বলে বলে দম বন্ধ হয়ে এল। এখন শোনো, তোমার মক্কেল তুমি নিজেই—এ কথা গোড়া থেকেই জানি।

অখিল। সে কী কথা, কার্কি!

মাসি। থাক, ভোলাবার কোনো দরকার নেই। ভালোই করেছে। জানি, আমার সম্পত্তিতে তোমাদেরই অধিকার বলে তোমরা বরাবরই তার পরে দৃষ্টিপাত করেছ—

অখিল। ছি ছি, এমন কথা—

মাসি। তাতে দোষ কী ছিল বলো। তোমরা আমার ছেলেরই মতো তো বটে। তোমাদেরই সব দিভুম। কিন্তু আমরা দুই বোন ছিলুম। বাবা দিদির উপরে রাগ করে একলা আমাকেই তাঁর সম্পত্তি দিয়ে গেলেন। সে রাগ পড়ে বাবার আগেই তাঁর মৃত্যু হল। স্বর্গে আছেন তিনি, আজ তাঁর সেই রাগ নেই। সেইজন্যই বাবার সম্পত্তি তাঁরই দৌহিত্রের ভোগে ঢেলে দিয়েছি। লক্ষ্মীর কুপার তোমাদের তো কোনো অভাব নেই।

অখিল। তা নিয়ে তোমাকে কি কোনো কথা বলোছি কোনোদিন।

মাসি। বৃদ্ধি থাকলে কথা বলবার তো দরকার হয় না। বাড়ি তৈরির নেশায় যতীনকে ধরলে। সে নেশার ভিতরে যে কত অসহ্য দুঃখ তা তোরা পাকাবৃদ্ধি আইনওয়ালারা বুঝবে নে। আমি মেয়েমানুষ, ওর মাসি, আমার বুক ফাটতে লাগল। ধার পাব কোথায়। তোরই কাছে যেতে হল। তুই এক ফাঁকা মক্কেল খাড়া করে—

হিমির প্রবেশ

হিমি। মাসি, বামুনঠাকরুন এসেছেন।

মাসি। লক্ষ্মী মেয়ে, তুই তাঁকে একটু বসতে বল, আমি এখনই আসছি।

[হিমির প্রস্থান]

অখিল। কার্কি, তোমার এই বোনাঝির কত বয়স হবে।

মাসি। সতেরো সবে পেরিয়েছে। এই বছরেই আই.এ. দেবে।

অখিল। গলাটি ভারি মিষ্টি, বাইরে থেকে গুর গান শুনোছি।

মাসি। ওরা দুই ভাইবোনে একই জাতের। দাদা বাড়ি করছেন, ইনি গান করছেন, দুটোতেই একই সুরের খেলা।

অখিল। বিয়ের সম্বন্ধ—

মাসি। না, ওর দাদার অসুখ হয়ে অবধি সে কথা কাউকে মনে আনতে দেয় না—পড়াশুনো সব ছেড়ে এইখানেই পড়ে আছে।

অখিল। কিন্তু ভালো পাত্র খুঁজে দিতে পারি কার্কি, যদি কখনো—

মাসি। যেমন তুই মক্কেল খুঁজে দিয়েছিলি সেইরকমই, না?

অখিল। না কারিক, ঠাট্টা না—আমি ভাবছি, ঠুকে যদি একটা হার্মোনিয়ম পাঠিয়ে দিই, তাতে কি তোমাদের—

মাসি। কোনো আপত্তি নেই, কিন্তু ও তো হার্মোনিয়ম ভালোবাসে না।

অখিল। গানের সঙ্গে?

মাসি। গানের সঙ্গে এসরাজ বাজায়।

অখিল। আচ্ছা, তা হলে এসরাজই না-হয়—

মাসি। ওর তো আছে এসরাজ।

অখিল। না-হয় আরো একটা হল। সম্পত্তি বাড়িয়ে তোলাকেই তো বলে শ্রীবৃদ্ধি।

মাসি। আচ্ছা, দিস এসরাজ। এখন আমার কথাটা শোন। এতকাল তোর সেই মক্কেলকে সদুদ দিয়ে এসেছি আমারই পৈতৃক গয়না বেচে। মাঝে মাঝে মক্কেল যখনই তিন দিনের মধ্যে শোধ নেবার কড়া দাবি করে চিঠি দিয়েছে, তখনই সদুদ চড়িয়ে চড়িয়ে আজ আমার আর কিছদ নেই। কাজেই কারিকর সম্পত্তি দেওরপো'র সিদ্ধকেই গেছে। প্রেতলোকে আমার শ্বশুরের তৃপ্তি হয়েছে—কিন্তু আমার বাবা, যতীনের মা—পরলোকে তাঁদের যদি চোখের জল পড়ে—

#### হিমির প্রবেশ

হিমি। দাদা তোমাকে বারবার ডাকছেন, মাসি। ছটফট করছেন আর কেবলই বউদিদির কথা জিজ্ঞাসা করছেন। তার জবাব কিছদতে আমার মুখ দিয়ে বেরোয় না, আমার গলা আটকে যায়।

[দুই হাতে মৃদু চাপিয়া কামা]

মাসি। কাঁদিস্ নে মা, কাঁদিস্ নে। আমি যতীনের কাছে যাচ্ছি।

অখিল। কারিক, আমি যদি কিছদ করতে পারি, বলো, আমি না-হয় যতীনের কাছে গিয়ে—

মাসি। হাঁ, যতীনের কাছে যেতে হবে। তার সেই উইলটা।

[প্রস্থান]

#### রোগীর ঘরে

যতীন। মণি এল না? এত দৌর করলে যে?

মাসি। সে এক কান্ড। গিয়ে দেখি তোমার দুধ জ্বাল দিতে গিয়ে পড়িয়ে ফেলেছে বলে কান্না। বড়োমানুষের ঘরের মেয়ে—দুধ খেতেই জানে, জ্বাল দিতে শেখে নি। তোমার কাজ করতে প্রাণ চায় বলেই করা। অনেক করে ঠাণ্ডা করে তাকে বিছানায় শুইয়ে রেখে এসেছি। একটু ঘুমোক।

যতীন। মাসি!

মাসি। কী বাবা।

যতীন। বদ্বতে পারছি, দিন শেষ হয়ে এল। কিন্তু কোনো খেদ নেই। আমার জন্যে শোক করো না।

মাসি। না বাবা, শোক করবার পালা আমার ফুরিয়েছে। ভগবান আমাকে এটুকু বদ্বিখে দিয়েছেন যে বেঁচে থাকাই যে ভালো আর মরাই যে মন্দ, তা নয়।

যতীন। মৃত্যুকে আমার মধুর মনে হচ্ছে। আজ আমি ওপারের ঘাটের থেকে সানাই শুনতে পাচ্ছি। হিমি, হিমি কোথায়।

মাসি। ঐ-যে জানলার কাছে দাঁড়িয়ে।

হিমি। কেন দাদা, কী চাই।

যতীন। লক্ষ্মী বোন আমার, তুই অমন আড়ালে আড়ালে কাঁদিস্ নে—তোর চোখের জলের শব্দ আমি যেন বৃকের মধ্যে শুনতে পাই। দেখি তোর হাতটা। আমি খুব ভালো আছি। ঐ গানটা গা তো ভাই—যদি হল যাবার ক্ষণ—

হিমির গান

যদি হল যাবার ক্ষণ  
তবে যাও দিয়ে যাও শেষের পরশন।  
বারে বারে যেথায় আপন গানে  
স্বপন ভাসাই দূরের পানে,  
মাঝে মাঝে দেখে যেয়ো শূন্য বাতায়ন—  
সে মোর শূন্য বাতায়ন।  
বনের প্রান্তে ওই মালতীর লতা  
করুণ গন্ধে কয় কী গোপন কথা।  
ওরি ডালে আর-প্রাবণের পাখি  
স্মরণখানি আনবে না কি—  
আজ প্রাবণের সজল ছায়ায় বিরহ মিলন—  
আমাদের বিরহ মিলন।

মাসি। হিমি, বোতলে গরম জল ভরে আন্। পায়ে দিতে হবে।

[হিমির প্রস্থান]

যতীন। কষ্ট হচ্ছে মাসি, কিন্তু যত কষ্ট মনে করছ তার কিছুই নয়। আমার সঙ্গে আমার কণ্টের ক্রমেই যেন বিচ্ছেদ হয়ে আসছে। বোঝাই নাকোর মতো জীবন-জাহাজের সঙ্গে সে ছিল বাঁধা—আজ বাঁধন কাটা পড়েছে, তাকে দেখতে পাচ্ছি, কিন্তু আমার সঙ্গে সে আর লেগে নেই।—এ তিন দিন মণিকে দিনে রাতে একবারও দেখি নি।

মাসি। বাবা, একটু বেদানার রস খাও, তোমার গলা শুকিয়ে আসছে।

যতীন। আমার উইলটা কাল লেখা হয়ে গেছে—সে কি আমি তোমাকে দেখিয়েছি। ঠিক মনে পড়ছে না।

মাসি। আমার দেখবার দরকার নেই, যতীন।

যতীন। মা যখন মারা যান, আমার তো কিছুই ছিল না। তোমার খেয়ে তোমার হাতেই আমি মানুষ। তাই বলছিলাম—

মাসি। সে আবার কী কথা। আমার তো কেবল এই একখানা বাড়ি আর সামান্য কিছু সম্পত্তি ছিল। বাকি সবই তো তোমার নিজের রোজগার।

যতীন। কিন্তু এই বাড়িটা—

মাসি। কিসের বাড়ি আমার। কত দালান তুমি বাড়িয়েছ, আমার যেটুকু সে তো আর খুঁজেই পাওয়া যায় না।

যতীন। মণি তোমাকে ভিতরে ভিতরে খুব—

মাসি। সে কি জানি নে, যতীন তুই এখন ঘুমো।

যতীন। আমি মণিকে সব লিখে দিলুম বটে, কিন্তু তোমারই রইল। ও তো কখনো তোমাকে অমান্য করবে না।

মাসি। সেজন্যে অত ভাবছ কেন, বাছা।

যতীন। তোমার আশীর্বাদই আমার সব। তুমি আমার উইল দেখে এমন কথা কোনোদিন মনে কোরো না—

মাসি। ও কী কথা, যতীন। তোমার জিনিস তুমি মণিকে দিয়েছ বলে আমি মনে করব—এমনি পোড়া মন?

যতীন। কিন্তু তোমাকেও আমি—

মাসি। দেখ, যতীন, এইবার রাগ করব। তুই চলে যাবি, আর টাকা দিয়ে আমাকে ভুলিয়ে রেখে যাবি?

যতীন। মাসি, টাকার চেয়ে যদি আরো বড়ো কিছু তোমাকে—

মাসি। দিয়েছিঁস, যতীন, টের দিয়েছিঁস। আমার শূন্য ঘর ভরে ছিলি, এ আমার অনেক জন্মের ভাগ্য। এতদিন তো বৃদ্ধ ভরে পেয়েছি, আজ আমার পাওনা যদি ফুরিয়ে থাকে তো নালিশ করব না। দাও—লিখে দাও বাড়িঘর, জিনিসপত্র—ঘোড়াগাড়ি, তালুকমূলুক—যা আছে মণির নামে সব লিখে দাও—এ-সব বোঝা আমার সহ্যবে না।

যতীন। তোমার ভোগে রুচি নেই, কিন্তু মণির বয়স অল্প, তাই—

মাসি। ও কথা বলিস্ নে—ধনসম্পদ দিতে চাস দে, কিন্তু ভোগ করা—

যতীন। কেন ভোগ করবে না, মাসি।

মাসি। না গো না, পারবে না, পারবে না, আমি বলছি, ওর মূখে রুচবে না। গলা শূন্যকি হয়ে কাঠ হয়ে যাবে—কিছুতে কোনো রস পাবে না।

যতীন। (চুপ করিয়া থাকিয়া, নিশ্বাস ফেলিয়া) দেবার মতো জিনিস তো কিছুই—

মাসি। কম কী দিয়ে যাচ্ছ। ঘরবাড়ি টাকাকড়ির ছল করে যা দিয়ে গেলে তার মূল্য ও কি কোনোদিনই বৃদ্ধবে না?

যতীন। মণি কাল কি এসেছিল। আমার মনে পড়ছে না।

মাসি। এসেছিল। তুমি ঘুমিয়ে ছিলে। শিয়রের কাছে অনেকক্ষণ বসে বসে—

যতীন। আশ্চর্য! আমি ঠিক সেই সময়ে স্বপ্ন দেখেছিলাম, যেন মণি আমার ঘরে আসতে চাচ্ছে—দরজা অল্প একটু ফাঁক হয়েছে—ঠেলাঠেলি করছে কিন্তু কিছুতেই সেইটুকুর বেশি আর খুলছে না। কিন্তু মাসি, তোমরা একটু বাড়াবাড়ি করছ। ওকে দেখতে দাও যে সন্ধ্যাবেলাকার আলোর মতো কেমন অতি সহজে আমার ধীরে ধীরে—

মাসি। বাবা, তোমার পায়ের উপর এই পশমের শালটা টেনে দিই—পায়ের তেলো ঠাণ্ডা হয়ে গেছে।

যতীন। না মাসি, গায়ে কিছু দিতে ভালো লাগছে না।

মাসি। জানিস যতীন, এ শালটা মণির তৈরি—এতদিন রাত জেগে জেগে তোমার জন্যে তৈরি করছিল। কাল শেষ করেছে।

[যতীন শালটা লইয়া দুই হাত দিয়া একটু নাড়াচাড়া করিল। মাসি তার পায়ের উপর টানিয়া দিলেন।]

যতীন। আমার মনে হচ্ছে যেন ওটা হিমি সেলাই করছিল। মণি তো সেলাই ভালোবাসে না—ও কি পারে।

মাসি। ভালোবাসার জোরে মেয়েমানুষ শেখে। হিমি ওকে দেখিয়ে দিয়েছে বৈকি। ওর মধ্যে ভুল সেলাই অনেক আছে—

যতীন। হিমি, তুই পাখা রাখ্, ভাই। আয় আমার কাছে বোস্। আজই পার্জি দেখে তোকে বলে দেব কবে গৃহপ্রবেশের লগ্ন আসবে।

হিমি। থাক্ দাদা, ও-সব কথা—

যতীন। আমি উপস্থিত থাকতে পারব না—সেই মনে করে বৃদ্ধি—আমি থাকব বোন, সেদিন এ বাড়ির হাওয়ায় হাওয়ায় আমি থাকব—তোরা বৃদ্ধিতে পারবি। যে গানটা গাবি সে আমি ঠিক করে রেখেছি—সেই, অগ্নিশিখা—একবার শুনিয়ে দে—

হিমির গান

অগ্নিশিখা, এসো, এসো,

আনো আনো আলো।

দুঃখে সুখে শূন্য ঘরে

পদ্মদীপ জ্বালো।

আনো শক্তি, আনো দীপ্তি,  
আনো শান্তি, আনো তৃপ্তি,  
আনো স্নিগ্ধ ভালোবাসা,  
আনো নিত্য ভালো।

এসো শুভ লগ্ন বেয়ে  
এসো হে কল্যাণী।  
আনো শুভ সূদৃশ, আনো  
জাগরণখানি।

দুঃখরাতে মাতৃবেশে  
জেগে থাকো নির্নিমেষে,  
উৎসব-আকাশে তব  
শুভ্র হাসি ঢালো।

যতীন। গানে কোন্ উৎসবের কথাটা আছে জানিস, হিমি?  
হিমি। জানি নে।

যতীন। আহা, আন্দাজ কর্-না।

হিমি। আমি আন্দাজ করতে পারি নে।

যতীন। আমি পারি। যেদিন তোর বিয়ে হবে সেদিন উৎসবের ভোরবেলা থেকে—

হিমি। থাক্ দাদা, থাক্।

যতীন। আমি যেন তার বাঁশি শুনতে পাচ্ছি, ভৈরবীতে বাজছে। আমি লিখে দিয়েছি তোর  
বিয়ের খরচের জন্যে—

হিমি। দাদা, তবে আমি যাই।

যতীন। না, না, বোস্। কিন্তু গৃহপ্রবেশের দিন আমার হয়েই তোকে সব সাজাতে হবে—  
মনে রাখিস, সাদা পশ্চিম যত পাওয়া যায়—ঘরে যে-আসন তৈরি হবে তার উপরে আমার বিয়ের  
সেই লাল বেনারসী চাদরটা—

#### শম্ভুর প্রবেশ

শম্ভু। ডাক্তারবাবু জিজ্ঞাসা করছেন, তাঁকে কি আজ রাতে থাকতে হবে।

মাসি। হাঁ, থাকতে হবে।

[ শম্ভুর প্রস্থান ]

যতীন। কিন্তু আজ ঘুমের ওষুধ না। তাতে আমার ঘুমও যায় ঘুলিয়ে, জাগাও যায়  
ঘুলিয়ে। বৈশাখম্বাদশীর রাতে আমাদের বিয়ে হয়েছিল, মাসি। কাল সেই তিথি। মণিকে সেই  
কথাটি মনে করিয়ে দিতে চাই। দু'মিনিটের জন্যে ডেকে দাও। চুপ করে রইলে যে? আমার মন  
তাকে কিছু বলতে চাচ্ছে বলেই এই দু'রাত আমার ঘুম হয় নি। আর দেরি নয়, এর পরে আর  
সময় পাব না। না মাসি, তোমার ঐ কান্না আমি সহিতে পারি নে। এতদিন তো বেশ শান্ত ছিলে।  
আজ কেন—

মাসি। ওরে যতীন, ভেবেছিলাম আমার সব কান্না ফুরিয়ে গেছে—আজ আর পারছি নে।

যতীন। হিমি তাড়াতাড়ি চলে গেল কেন।

মাসি। বিশ্রাম করতে গেল। একটু পরেই আবার আসবে।

যতীন। মণিকে ডেকে দাও।

মাসি। যাচ্ছি বাবা, শম্ভু দরজার কাছে রইল। যদি কিছু দরকার হয় ওকে ডেকো।

[ প্রস্থান ]



পাশের ঘরে অখিলের প্রবেশ

[ তাড়াতাড়ি চোখের জল মর্ছিয়া হিমি উঠিয়া দাঁড়াইল ]

হিমি। মাসিকে ডেকে দিই।

অখিল। দরকার নেই। তেমন জরুরি কিছু নয়।

হিমি। দাদার ঘরে কি যাবেন।

অখিল। না, এইখান থেকেই খবর নিয়ে যাব। যতীন কেমন আছে।

হিমি। ডাক্তার বলেন, আজ অবস্থা ভালো নয়।

অখিল। কদিন থেকে তোমরা দিনরাত্রিই খাটছ। আমি এলুম তোমাদের একটু জিরোতে দেবার জন্যে। বোধ হয় রোগীর সেবা আমিও কিছু কিছু—

হিমি। না, সে হতেই পারে না। আমি কিছু শ্রান্ত হই নি।

অখিল। আচ্ছা, না-হয় আমি তোমাদের সঙ্গে সঙ্গে কাজ করি।

হিমি। এ-সব কাজ—

অখিল। জানি, ওকালতির চেয়ে অনেক বেশি শক্ত।

হিমি। না, আমি তা বলছি নে।

অখিল। না, সত্যি কথা। আমাকে যদি বার্লি তৈরি করতে হয়, আমি হয়তো ঘরে আগুন লাগিয়ে দেব।

হিমি। কী বলছেন আপনি।

অখিল। একটুও বাড়িয়ে বলছি নে। ঘরে আগুন লাগানো আমাদের অভ্যেস। বৃদ্ধিতে পারছ না?—দেখো-না কেন, তুমি তো যতীনের জন্যে বার্লি তৈরি করছ, আমি হয়তো এমন কিছু তৈরি করে বসে আছি যেটা রোগীর পথ্য নয়, অরোগীর পক্ষেও গুরুত্বপূর্ণ। তুমি বোসো, দুটো কথা তোমার সঙ্গে কয়ে নিই।

হিমি। এখন কিন্তু গল্প করবার মতো—

অখিল। রামো! গল্প করতে পারলে আমাদের ব্যাবসা ছেড়ে দিতুম, দ্বিতীয় বস্কিম চাটুজ্জ হয়ে উঠতুম। হাসছ কী। আমাদের অনেক কথাই বানাতে হয়, একটুও ভালো লাগে না—গল্প বানাতে পারলে এ ব্যাবসা ছেড়ে দিতুম। তুমি বোধ হয় গল্প লেখা শুরু করছে?

হিমি। না।

অখিল। নাটক তৈরি—

হিমি। না, আমার ও-সব আসে না।

অখিল। কী করে জানলে।

হিমি। ভাষায় কুলোয় না।

অখিল। নাটক তৈরি করতে ভাষার দরকার হয় না। খাতাপত্র কিছুই চাই নে। হয়তো এখনই তোমার নাটক শুরু হয়েচে-বা, কে বলতে পারে।

হিমি। আমি যাই, মাসিকে ডেকে দিই।

অখিল। না, দরকার হবে না। আমি বাজে কথা বন্ধ করলুম, কাজের কথাই পাড়ব। ভেবেছিলুম যতীনকেই বলব। কিন্তু তার শরীর যেরকম এখন—

হিমি। তাঁর ব্যাবসার কোনো গুজব আমার কানে উঠেছে কি না এ কথা প্রায় আমাকে জিজ্ঞাসা করেন, আপনি হয়তো—

অখিল। আমি জানি, ব্যাবসা গেছে তলিয়ে—

হিমি। পায়ে পড়ি, তাঁকে এ খবর দেবেন না। আর যাই হোক, তাঁর এই বাড়িটা তো—

অখিল। যতীন বাড়ির কথা বলে নাকি।

হিমি। কেবল ঐ কথাই বলছেন। একদিন ধুম করে গৃহপ্রবেশ হবে, তারই প্ল্যান—

অখিল। গৃহপ্রবেশের আয়োজন তো হয়েছে—

হিমি। আপনি কী করে জানলেন।

অখিল। আমার আপিস থেকেই হয়েছে—পেয়াদারা বেশভূষা করে প্রায় তৈরি—

হিমি। দেখুন অখিলবাবু, এ হাসির কথা নয়—

অখিল। সে কি আর আমি জানি নে। তোমার কাছে লুকিয়ে কী হবে। এ বাড়িটা দেনায়—

হিমি। না না না—সে হতেই পারবে না—অখিলবাবু, দয়া করবেন—

অখিল। কিন্তু এত ভাবছ কেন। তুমি তো সব জানই। তোমাদের দাদা তো আর বেশিদিন—

হিমি। জানি জানি, দাদা আর থাকবেন না, সেও সহ্য হবে, কিন্তু তাঁর এই বাড়িটিও যদি যায় তা হলে বৃদ্ধ ফেটে মরে যাব। এ যে তাঁর প্রাণের চেয়ে—

অখিল। দেখো, তুমি সাহিত্যে গণিতে লজিকে ক্লাসে পুরো মার্কা পেয়ে থাক, কিন্তু সংসার-জ্ঞানে থার্ড ক্লাসেও পাস করতে পারবে না। বিষয়কর্মে হৃদয় বলে কোনো পদার্থ নেই, ওর নিয়ম—

হিমি। আমি জানি নে। আপনার পায়ে পড়ি, এ বাড়ি আপনাকে বাঁচাতে হবে। আপনার আপিসের—

অখিল। পেয়াদাগুলোকে সাজাতে হবে বাজনদার করে, হাতে দিতে হবে বাঁশি। ল কলেজে লয়তড়ের সব অধ্যয় শিখেছি, কেবল তানলয়ের পালাটা প্র্যাক্টিস হয় নি। এটা হয়তো বা তোমার কাছ থেকেই—

#### মাসির প্রবেশ

মাসি। অখিল, কী হচ্ছে। হিমি কাঁদছে কেন।

অখিল। গৃহপ্রবেশের প্ল্যানে একটু খটকা বেধেছে তাই নিয়ে—

মাসি। তা ওর সঙ্গে এ-সব কথা কেন।

অখিল। ওর দাদা যে ওরই উপরে গৃহপ্রবেশের ভার দিয়েছে, শুনছি কাজটাতে কোনো বাধা না হয়, এইজন্যে এত লোককে ছেড়ে আমাকেই ধরেছে। তা তোমরা যদি সকলেই মনে কর, তা হলে চাই-কি গৃহপ্রবেশের কাজে আমিও কোমর বেঁধে লাগতে পারি। কথাটা বুঝেছ, কাকি?

মাসি। বুঝেছি। শুনুন কোমর বাঁধা নয়, বাঁধন আরো পাকা করতে চাও। এখন সে পরামর্শ করবার সময় নয়। আপাতত যতীনকে তুমি আশ্বাস দিয়ো যে তার বাড়িতে কারো হাত পড়বে না।

অখিল। বেশ তো, বললেই হবে পাটের বাজার চড়েছে। এখন একে চোখের জলটা মুছতে বলবেন—

#### ডাক্তারের প্রবেশ

ডাক্তার। উকিল যে! তবেই হয়েছে।

অখিল। দেখুন, শনি বড়ো না কলি বড়ো, তা নিয়ে তর্ক করে লাভ কী। বাংলাদেশে আপনাদের হাত পার হয়েও যে-কটি লোক টিকে থাকে, তাদেরই সামান্য শাস্টরু নিয়েই আমাদের কারবার—

ডাক্তার। এ ঘরে সে কারবার চালাবার আর বড়ো সময় নেই, দেখে এসেছি।

অখিল। ভয় দেখাবেন না মশায়, মৃত্যুতেই আপনাদের ব্যাবসা খতম, আমাদেরটা ভালো করে জমে তার পর থেকে। না না, থাক্ থাক্, ও-সব থাক্—কাকি, এই বলে যাচ্ছ, গৃহপ্রবেশ অন্ত্রস্থানের সমস্ত ভার নিতে রাজি আছি—তার সঙ্গে সঙ্গে উপরি আরো-কিছু ভারও। বাইরের ঘরে থাকব, যখন দরকার হয় ডেকে পাঠিয়ো।

[প্রস্থান]

ডাক্তার। এখনো বউমা এল না। আপনিও তো অনেকক্ষণ ওর ঘরে যান নি।

মাসি। মণির কথা জিজ্ঞাসা করলে কী জবাব দেব ভেবে পাচ্ছি নে। আর তো আমি কথা বানিয়ে উঠতে পারি নে—নিজের উপর খিঙ্কার জন্মে গেল। ও একটু ঘুমিয়ে পড়লে তার পরে ঘরে যাব।

ডাক্তার। আমি বাইরে অপেক্ষা করব। রুগী কেমন থাকে ঘণ্টাখানেক পরে খবর দেবেন। ইতি-  
মধ্যে উকিলকে ঠেকিয়ে রাখতে হবে, ওদের মদুখ দেখলে সহজ অবস্থাতেই নাড়ী ছাড়ব ছাড়ব করে।

[ প্রস্থান

## দ্বিতীয় অঙ্ক

রোগীর ঘরে দ্বারের কাছে শম্ভু

প্রতিবেশিনীর প্রবেশ

প্রতিবেশিনী। এই যে, শম্ভু।

শম্ভু। হ্যাঁ, দিদি।

প্রতিবেশিনী। একবার যতীনকে দেখে যেতে চাই। মাসি নেই, এইবেলা—

শম্ভু। কী হবে গিয়ে, দিদি।

প্রতিবেশিনী। নাটোরের মহারাজার ওখানে একটা কাজ খালি হয়েছে। আমার ছেলের জন্যে যতীনের কাছ থেকে একখানা চিঠি লিখিয়ে—

শম্ভু। দিদি, সে কোনোমতেই হবে না। মাসি জানতে পারলে রক্ষে থাকবে না।

প্রতিবেশিনী। জানবে কী করে। আমি ফস্ করে পাঁচ মিনিটের মধ্যে—

শম্ভু। মাপ করো দিদি, সে কোনোমতেই হবে না।

প্রতিবেশিনী। হবে না! তোমার মাসি মনে করেন, আমাদের ছোঁয়াচ লাগলে তাঁর বোনপো বাঁচবে না। এদিকে নিজের কথাটা ভেবে দেখেন না। স্বামীটিকে খেয়েছেন, একটিমাত্র মেয়ে সেও গেছে, বাপমা কাউকেই রাখলে না। এইবার বাকি আছে ঐ যতীন। ওকে শেষ করে তবে উনি নড়বেন। নইলে ঠর আর মরণ নেই। আমি বলে রাখলুম শম্ভু, দেখে নিস্—মাসিতে যখন ওকে পেয়েছে, যতীনের আশা নেই।

শম্ভু। ঐ আমাকে ডাকছেন। তুমি এখন যাও।

প্রতিবেশিনী। ভয় নেই, আমি চললুম।

[ প্রস্থান

ঘরে শম্ভুর প্রবেশ

যতীন। (পায়ের শব্দে চমকাইয়া) মণি!

শম্ভু। কতাবাব, আমি শম্ভু। আমাকে ডাকাছিলেন?

যতীন। একবার তোর বউঠাকরুনকে ডেকে দে।

শম্ভু। কাকে।

যতীন। বউঠাকরুনকে।

শম্ভু। তিনি তো এখনো ফেরেন নি।

যতীন। কোথায় গেছেন।

শম্ভু। সীতারামপুরে।

যতীন। আজ গেছেন?

শম্ভু। না, আজ তিন দিন হল।

যতীন। তুই কে? আমি কি চোখে ঠিক দেখছি।

শম্ভু। আমি শম্ভু।

যতীন। ঠিক করে বল তো, আমার তো কিছ্‌র ভুল হচ্ছে না?

শম্ভু। না, বাবু।

যতীন। কোন্‌ ঘরে আছি আমি? এই কি সীতারামপুত্র।

শম্ভু। না, কলকাতায় এ তো আপনার শোবার ঘর।

যতীন। মিথ্যে নয়? এ সমস্তই মিথ্যে নয়?

শম্ভু। আমি মাসিমাকে ডেকে দিই।

[ প্রস্থান

মাসির প্রবেশ

যতীন। আমি যে মরে যাই নি, তা কী করে জানব, মাসি। হয়তো সবই উলটে গেছে।

মাসি। ও কী বলছিস, যতীন।

যতীন। তুমি তো আমার মাসি?

মাসি। না তো কী, যতীন।

যতীন। হিমিকে ডেকে দাও-না, সে আমার পাশে বসুক। সে যেন থাকে আমার কাছে। এখনই যেন কোথাও না যায়।

মাসি। আয় তো হিমি, এখানে বোস্‌ তো!

যতীন। ঐ বাঁশটা থামিয়ে দাও-না। ওটা কি গৃহপ্রবেশের জন্যে আনিয়েছ। ওর আর দরকার নেই।

মাসি। পাশের বাড়িতে বিয়ে, ও বাঁশ সেইখানে বাজছে।

যতীন। বিয়ের বাঁশ? ওর মধ্যে অত কান্না কেন। বেহাগ বৃদ্ধি? তোমাকে কি আমার স্বপ্নের কথা বলেছি, মাসি।

মাসি। কোন্‌ স্বপ্ন।

যতীন। মণি যেন আমার ঘরে আসবার জন্যে দরজা ঠেলছিল। কোনোমতেই দরজা এতটুকুর বেশি ফাঁক হল না। সে বাইরে দাঁড়িয়ে দেখতে লাগল। কিছ্‌তেই ঢুকতে পারলে না। অনেক করে ডাকলুম, তার আর গৃহপ্রবেশ হল না। হল না, হল না, হল না।

[ মাসি নিরন্তর

বুঝেছি মাসি, বুঝেছি, আমি দেউলে। একেবারে দেউলে। সব দিকে। এ বাড়িটাও নেই—সব বিক্রি হয়ে গেছে, কেবল নিজেকে ভোলাচ্ছিলুম।

মাসি। না যতীন, না, শপথ করে বলছি তোর বাড়ি ঠিক আছে—অঁখল এসেছে, যদি বলিস তাকে ডেকে দিই।

যতীন। বাড়িটা তবে আছে? সে তো অপেক্ষা করতে পারবে, আমার মতো সে তো ছায়া নয়। বৎসরের পর বৎসর সে দরজা খুলে থাক্‌-না দাঁড়িয়ে। কী বল, মাসি।

মাসি। থাকবে বৈকি যতীন, তোর ভালোবাসায় ভরা হয়ে থাকবে।

যতীন। ভাই হিমি, তুই থাকবি আমার ঘরটিতে। একদিন হয়তো সময় হবে, ঘরে প্রবেশ করবে। সেদিন যে-লোকেই থাকি, আমি জানতে পারব। হিমি, হিমি!

হিমি। কী, দাদা।

যতীন। তোর উপর ভার রইল, বোন। মনে আছে, কোন্‌ গানটা গাবি?

হিমি। আছে—অগ্নিশিখা, এসো এসো।

যতীন। লক্ষ্মী বোন আমার, কারো উপর রাগ করিস নে। সবাইকে ক্ষমা করিস। আর আমাকে যখন মনে করবি তখন মনে করিস, ‘আমাকে দাদা চিরদিন ভালোবাসত, আজও

ভালোবাসে।' জান মাসি? আমার এই বাড়িতেই হিমির বিয়ে হবে। আমাদের সেই পুরোনো দালানে, যেখানে আমার মায়ের বিয়ে হয়েছিল। সে দালানে আমি একটুও হাত দিই নি।

মাসি। তাই হবে, বাবা।

যতীন। মাসি, আর-জন্মে তুমি আমার মেয়ে হয়ে জন্মাবে, তোমাকে বৃকে করে মানুষ করব।

মাসি। বলিস কী, যতীন। আবার মেয়ে হয়ে জন্মাবে? না-হয় তোরই কোলে ছেলে হয়েই জন্ম হবে। সেই কামনাই কর্-না।

যতীন। না, ছেলে না—ছিঃ! ছোটোবেলায় যেমন ছিলে তেমনি অপরূপ সুন্দরী হয়ে তুমি আমার ঘরে আসবে। আমি তোমাকে সাজাব।

মাসি। আর বাকিস নে, একটু ঘুমো।

যতীন। তোমার নাম দেব লক্ষ্মীরানী—

মাসি। ও তো একেলে নাম হল না।

যতীন। না, একেলে না। তুমি চিরদিন আমার সাবেককেলে। সেই তোমার সুখায়-ভরা সাবেককাল নিয়েই তুমি আমার ঘরে এসো।

মাসি। তোর ঘরে কন্যাদায়ের দ্বংখ নিয়ে আসব, এ কামনা আমি তো করি নে।

যতীন। তুমি আমাকে দুর্বল মনে কর, মাসি? দ্বংখ থেকে বাঁচাতে চাও?

মাসি। বাছা, আমার যে মেয়েমানুষের মন, আমিই দুর্বল। তাই তোকে বড়ো ভয়ে ভয়ে সকল দ্বংখ থেকে চিরদিন বাঁচাতে চেয়েছি। কিন্তু আমার সাধ্য কী আছে। কিছুই করতে পারি নি।

যতীন। মাসি, একটা কথা গর্ব করে বলতে পারি। যা পাই নি তা নিয়ে কোনোদিন কাড়া-কাড়ি করি নি। সমস্ত জীবন হাতজোড় করে অপেক্ষাই করলুম। মিথ্যাকে চাই নি বলেই এত সবুদর করতে হল। সত্য হয়তো এবার দয়া করবেন।—ও কে ও, মাসি ও কে।

মাসি। কই, কেউ তো না, যতীন।

যতীন। তুমি একবার ও-ঘরটা দেখে এসোগে, আমি যেন—

মাসি। না বাছা, কাউকে দেখছি নে।

যতীন। আমি কিন্তু স্পষ্ট যেন—

মাসি। কিছু না, যতীন।

#### ডাক্তারের প্রবেশ

যতীন। ও কে ও। কোথা থেকে আসছ? কিছু খবর আছে?

মাসি। উনি ডাক্তার।

ডাক্তার। আপনি ঠর কাছ থাকবেন না—আপনার সঙ্গে বড়ো বেশি কথা কন—

যতীন। না, মাসি, যেতে পাবে না।

মাসি। আচ্ছা, বাছা, আমি ঐ কোণটাতে গিয়ে বসছি।

যতীন। না, না, আমার পাশে বোসো, আমার হাত ধরে। ভগবান তোমার হাত থেকেই আমাকে নিজের হাতে নেবেন।

ডাক্তার। আচ্ছা বেশ। কিন্তু কথা কবেন না। আর, সেই ওষুধটা খাবার সময় হল।

যতীন। সময় হল? আবার ভোলাতে এসেছ? সময় পার হয়ে গেছে। মিথ্যে সাম্বন্ধনায় আমার দরকার নেই। বিদায় করে দাও, সব বিদায় করে দাও। মাসি, এখন আমার তুমি আছ—কোনো মিথ্যাকেই চাই নে। আয় ভাই হিমি, আমার পাশে বোস্।

ডাক্তার। এতটা উত্তেজনা ভালো হচ্ছে না।

যতীন। তবে আমাকে আর উত্তেজিত কোরো না।—

[ডাক্তারের প্রস্থান]

ডাক্তার গেছে, এইবার আমার বিছানায় উঠে বোসো, তোমার কোলে মাথা দিয়ে শুই।

মাসি। শ্যোও বাবা, একটু ঘুমোও।

যতীন। ঘুমোতে বোলো না, এখনো আমার আর-একটু জেগে থাকবার দরকার আছে। শুনতে পাচ্ছ না? আসছে। এখনই আসবে। চোখের উপর কী রকম সব ঘোর হয়ে আসছে! গোধূলিলগ্ন, গোধূলিলগ্ন আমার। বাসরঘরের দরজা খুলবে। হিমি ততক্ষণ ঐ গানটা—জীবনমরণের সীমানা পারায়ে।

হিমির গান

জীবনমরণের সীমানা ছাড়ায়ে

বন্ধু হে আমার, রয়েছে দাঁড়ায়ে।

এ মোর হৃদয়ের বিজন আকাশে

তোমার মহাসন আলোতে ঢাকা সে,

গভীর কী আশায় নিবিড় পুলকে

তাহার পানে চাই দু'বাহু বাড়ায়ে।

নীরব নিশি তব চরণ নিছায়ে

অঁধার-কেশভার দিয়েছে বিছায়ে।

আজি এ কোন্ গান নিখিল প্লাবিয়া

তোমার বীণা হতে আসিল নাবিয়া।

ভুবন মিলে যায় সুরের রণনে—

গানের বেদনায় যাই যে হারায়ে।

মণির প্রবেশ

মাসি। বাবা, যতীন, একটু চেয়ে দেখ্। ঐ যে এসেছে।

যতীন। কে। স্বপ্ন?

মাসি। স্বপ্ন নয়। বাবা, মণি। ঐ যে তোমার শ্বশুর।

যতীন। (মণির দিকে চাহিয়া) তুমি কে।

মাসি। চিনতে পারছ না? ঐ তো তোমার মণি।

যতীন। দরজাটা কি সব খুলে গেছে।

মাসি। সব খুলেছে।

যতীন। কিন্তু পায়ের উপর ও শালটা নয়, ও শালটা নয়। সরিয়ে দাও, সরিয়ে দাও।

মাসি। শাল নয়, যতীন। বউ তোর পায়ের উপর পড়েছে। ওর মাথায় হাত রেখে একটু আশীর্বাদ কর্।

## শিরোনাম-সূচী

শিরোনাম। গ্রন্থ	পৃষ্ঠা
অন্ত্যেষ্টি-সংকার। হাস্যকৌতুক	৫০৮
অভ্যর্থনা। হাস্যকৌতুক	৪৭৬
অরসিকের স্বর্গ-প্রাপ্তি। ব্যঙ্গকৌতুক	৫২৮
আর্থ ও অনার্থ। হাস্যকৌতুক	৪৯৪
আশ্রমপীড়া। হাস্যকৌতুক	৫০৩
একান্নবতরী। হাস্যকৌতুক	৪৯৭
কর্ণ-কুলতী-সংবাদ। কাহিনী	৪৫৮
খ্যাতির বিভ্রম্বনা। হাস্যকৌতুক	৪৮৮
গান্ধারীর আবেদন। কাহিনী	৪০৩
গদ্রুবাক্য। হাস্যকৌতুক	৫১৪
চিন্তাশীল। হাস্যকৌতুক	৪৮২
ছাত্রের পরীক্ষা। হাস্যকৌতুক	৪৭১
নরকবাস। কাহিনী	৪২৩
নূতন অবতার। ব্যঙ্গকৌতুক	৫২৫
পেটে ও পিঠে। হাস্যকৌতুক	৪৭৩
বশীকরণ। ব্যঙ্গকৌতুক	৫৩৭
বিনি পয়সার ভোজ। ব্যঙ্গকৌতুক	৫১৯
ভাব ও অভাব। হাস্যকৌতুক	৪৮৪
রসিক। হাস্যকৌতুক	৫১১
রোগীর বন্ধু। হাস্যকৌতুক	৪৮৬
রোগের চিকিৎসা। হাস্যকৌতুক	৪৭৯
লক্ষ্মীর পরীক্ষা। কাহিনী	৪৩০
সতী। কাহিনী	৪১৭
সূক্ষ্ম বিচার। হাস্যকৌতুক	৫০১
স্বর্গীয় প্রহসন। ব্যঙ্গকৌতুক	৫৩২
স্বর্গে চক্রেটবিল-বৈঠক। ব্যঙ্গকৌতুক, সংযোজন	৫৫৩
হে'য়ালি-নাট্য। হাস্যকৌতুক, ভূমিকা	৪৬৭

## প্রথম ছত্রের সূচী

নাটকের অন্তর্ভুক্ত গান, কবিতা এবং চৌপদীর প্রথম ছত্র এই সূচীর অন্তর্গত

ছত্র। গ্রন্থ	পৃষ্ঠা
‘অক্ষি দঃখোখিতসৌব...’, বেদমন্ত্র। শারদোৎসব	৫৭৫
অগ্নিশিখা, এসো, এসো। গৃহপ্রবেশ	৯১৬
অশ্বকারের মাঝে আমার ধরেছ দুই হাতে। রাজা	৭১২
অলি বার বার ফিরে যায়। মায়ার খেলা	৭৭
অসংখ্য নক্ষত্র জ্বলে সশঙ্ক নিশীথে। ফাল্গুনী	৮০৬
অহো আত্মপর্থা এ কী তোদের নরাধম। বাল্মীকিপ্রতিভা	১১
আঃ কাজ কী গোলমালে, নাহয় রাজাই সাজালে। বাল্মীকিপ্রতিভা	১০
আঃ, বেঁচেছি এখন। বাল্মীকিপ্রতিভা	৫
আকাশ আমার ভরল আলোয়। ফাল্গুনী	৮০৩
আগুন, আমার ভাই। মৃত্তধারা	৮৬৩
আছে তোমার বিদ্যে-সাধি জানা। বাল্মীকিপ্রতিভা	১০
আজ খেলাভাঙার খেলা খেলবি আয়। বসন্ত	৮৯১
আজ তোমারে দেখতে এলেম। প্রায়শ্চিত্ত	৬১৬
আজ ধানের ক্ষেতে রৌদ্রছায়ায়। শারদোৎসব	৫৬১
আজ বৃকের বসন ছিঁড়ে ফেলে। শারদোৎসব, প্রবেশক	৫৫৭
আজ যেমন করে গাইছে আকাশ। অচলায়তন	৭৬৪
আজকে তবে মিলে সবে করব লুটের ভাগ। বাল্মীকিপ্রতিভা	৫
আজি আঁখি জুড়াল হেরিয়ে। মায়ার খেলা	৭৯
আজি কমলমুকুলদল খুলিল। রাজা	৬৮০
আজি দখিন দুরার খোলা। রাজা	৬৭১
আজি বসন্ত জাগ্রত স্নারে। রাজা	৭১১
আত্মরস লক্ষ্য ছিল বলে। ফাল্গুনী	৮১৫
আনন্দেরই সাগর থেকে এসেছে আজ বান। শারদোৎসব	৫৬৪
আমরা খুঁজি খেলার সাথী। ফাল্গুনী	৮১০
আমরা চাষ করি আনন্দে। অচলায়তন	৭৫৫
আমরা তারেই জানি তারেই জানি সাথের সাথী। অচলায়তন	৭৭৩
আমরা নতুন প্রাণের চর। ফাল্গুনী	৮১১
আমরা বসব তোমার সনে। প্রায়শ্চিত্ত	৬১৯
আমরা বাস্তুছাড়ার দল। বসন্ত	৮৭৯
আমরা বেঁধেছি কাশের গুচ্ছ, আমরা। শারদোৎসব	৫৭৫
আমরা সবাই রাজা আমাদেরই রাজার রাজস্বে। রাজা	৬৭৪
আমাকে যে বাঁধবে ধরে এই হবে যার সাধন। প্রায়শ্চিত্ত	৬২২
আমাকে যে বাঁধবে ধরে এই হবে যার সাধন। মৃত্তধারা	৮৫৩
আমাদের খেঁপিয়ে বেড়ায় যে। ফাল্গুনী	৮১২
আমাদের পাকবে না চুল গো—মোদের। ফাল্গুনী	৮০৮
আমাদের ভয় কাহারে। ফাল্গুনী	৮১০
আমার ঘুর লেগেছে—তাঁধিন তাঁধিন। রাজা	৬৯০
আমার নয়ন-ভুলানো এলে। শারদোৎসব	৫৭৭, ৫৮১
আমার পরান যাহা চায়। মায়ার খেলা	৬৪
আমার প্রাণের মানুষ আছে প্রাণে। রাজা	৬৭৬
আমার মন চেয়ে রয় মনে মনে হেরে মাধুরী। গৃহপ্রবেশ	৯০৮
আমার সকল নিয়ে বসে আছি। রাজা	৬৮৯



## ছয়। গ্রন্থ

## পৃষ্ঠা

আমারে কে নিবি ভাই, সর্পিপতে চাই আপনারে। বিসর্জন	...	২০৩
আমারে পাড়ায় পাড়ায় খেঁপিয়ে বেড়ায়। প্রায়শ্চিত্ত	...	৬৩২
আমারে পাড়ায় পাড়ায় খেঁপিয়ে বেড়ায়। মৃত্তধারা	...	৮৫৬
আমি একলা চলছি এ ভবে। বিসর্জন	...	১৮২
আমি করে ডাকি গো। অচলায়তন	...	৭৬৩
আমি করেও বদ্বি নে, শব্দ বদ্বি ছি তোমারে। মায়ার খেলা	...	৭৭
আমি কী বলে করিব নিবেদন। ব্যঙ্গকৌতুক	...	৫৪৩
আমি কেবল তোমার দাসী। রাজা	...	৭০০
আমি, জেনে শব্দে বিষ করেছি পান। মায়ার খেলা	...	৬৯
আমি তো বদ্বি সব—যে বোঝে না বোঝে। মায়ার খেলা	...	৮০
আমি তোমার প্রেমে হব সবার। রাজা	...	৬৯৭
আমি নিশিদিন তোমায় ভালোবাসি। রাজা ও রানী	...	১৪৭
আমি ফিরব না রে, ফিরব না আর, ফিরব না রে। প্রায়শ্চিত্ত	...	৬৬১
আমি মারের সাগর পাড়ি দেব বিষম ঝড়ের বায়ে। মৃত্তধারা	...	৮৫০
আমি যাব না গো অর্নি চলে। ফাল্গুনী	...	৮২৫
আমি যে সব নিতে চাই, সব নিতে ধাই রে। অচলায়তন	...	৭৮২
আমি রূপে তোমায় ভোলাব না। রাজা	...	৬৯৫
আমি হৃদয়ের কথা বলিতে ব্যাকুল। মায়ার খেলা	...	৭৩
আয় মা, আমার সাথে, কোনো ভয় নাহি আর। বাঙ্গালীকপ্রতিভা	...	১১
আয় রে তবে মাত্ রে সব আনন্দে। ফাল্গুনী	...	৮৩৩
আর কেন, আর কেন। মায়ার খেলা	...	৮১
আর নহে আর নয়। অচলায়তন	...	৭৮৩
আর না, আর না, এখানে আর না। বাঙ্গালীকপ্রতিভা	...	১৪
আর নাই যে দেরি নাই যে দেরি। ফাল্গুনী	...	৮১৮
আরে, কী এত ভাবনা কিছুর তো বদ্বি না। বাঙ্গালীকপ্রতিভা	...	৯
আরো আরো প্রভু, আরো আরো। প্রায়শ্চিত্ত	...	৬১৮
আরো, আরো, প্রভু, আরো আরো। মৃত্তধারা	...	৮৫২
আলো, আমার আলো, ওগো। অচলায়তন	...	৭৭৮
আহা, আজি এ বসন্তে এত ফুল ফুটে। মায়ার খেলা	...	৮০
আহা, তোমার সঙ্গে প্রাণের খেলা। রাজা	...	৬৮৯
উতল ধারা বাদল ঝরে। অচলায়তন	...	৭৭৫
উল্গানী নাচে রণরঙ্গে। বিসর্জন	...	১৯৩
এ অন্ধকার ডুবাও তোমার অতল অন্ধকারে। রাজা	...	৭০৫
এ কি স্বপ্ন! এ কি মায়। মায়ার খেলা	...	৭৯
এ কী এ, এ কী এ, স্থিরচপলা। বাঙ্গালীকপ্রতিভা	...	১৬
এ কী এ ঘোর বন!—এন্দ্র কোথায়। বাঙ্গালীকপ্রতিভা	...	৭
এ কেমন হল মন আমার। বাঙ্গালীকপ্রতিভা	...	৯
এ তো খেলা নয়, খেলা নয়। মায়ার খেলা	...	৭৩
এ পথ গেছে কোন্‌খানে গো কোন্‌খানে। অচলায়তন	...	৭৫৪
এ ভাঙা স্নেহের মাঝে নয়ন জলে। মায়ার খেলা	...	৮১
এ যে মোর আবরণ। রাজা	...	৬৬৭
এই একলা মোদের হাজার মানুষ। অচলায়তন	...	৭৫৯
এই কথাটাই ছিলেম ভুলে। ফাল্গুনী	...	৮২২
এই বেলা সবে মিলে চলো হো, চলো হো। বাঙ্গালীকপ্রতিভা	...	১২
এই মৌমাছদের ঘরছাড়া কে করেছে রে। অচলায়তন	...	৭৭১
এই-যে হেরি গো দেবী আমারই। বাঙ্গালীকপ্রতিভা	...	১৭
এক ডোরে বাঁধা আছি মোরা সকলে। বাঙ্গালীকপ্রতিভা	...	৬

ছত্র। গ্রন্থ

পৃষ্ঠা

এখন আমার সময় হল। বসন্ত	...	৮৮৯
এখন করব কী বল্। বাঙ্গালীকপ্রতিভা	...	৬
এত রঙ্গ শিখেছ কোথা মৃন্ডমালিনী। বাঙ্গালীকপ্রতিভা	...	১০
এতদিন বৃষ্টি নাই, বৃষ্টিই ধীরে। মায়ার খেলা	...	৮০
এতদিন যে বসেছিলেম। ফাল্গুনী	...	৮২৩
এনেছি মোরা এনেছি মোরা রাশি রাশি লুটের ভার। বাঙ্গালীকপ্রতিভা	...	৫
এবার তো যৌবনের কাছে। ফাল্গুনী	...	৮২৩
এবার বিদায়বেলার সুর ধরো ধরো। বসন্ত	...	৮৯০
এবার সখী, সোনার মৃগ। ব্যঙ্গকৌতুক	...	৫৪৮
এবেলা ডাক পড়েছে কোন্‌খানে। বসন্ত	...	৮৯০
এরা পরকে আপন করে, আপনারে পর। রাজা ও রানী	...	১২৩
এরা সূতের লাগি চাহে প্রেম, প্রেম মেলে না। মায়ার খেলা	...	৮২
এসেছি গো এসেছি, মন দিতে এসেছি। মায়ার খেলা	...	৬৭
এসো এসো, বসন্ত, ধরাতলে। মায়ার খেলা	...	৭৮

ও অকূলের কূল, ও অগতির গতি। অচলায়তন	...	৭৭২
ও আমার চাঁদের আলো। বসন্ত	...	৮৮৫
ও তো আর ফিরবে না রে, ফিরবে না আর, ফিরবে না রে। মৃন্ডধারা	...	৮৪৯
ও যে মানে না মানা। প্রায়শ্চিত্ত	...	৬২৫
ওই আঁখি রে। রাজা ও রানী	...	১১৯
ওই কে আমার ফিরে ডাকে। মায়ার খেলা	...	৭৭
ওই কে গো হেসে চায়, চায় প্রাণের পানে। মায়ার খেলা	...	৭০
ওই বৃষ্টি বাঁশি বাজে। রাজা ও রানী	...	১২৮
ওই মধুর মুখ জাগে মনে। মায়ার খেলা	...	৭৪
ওই মরশের সাগর পারে চুপে চুপে। গৃহপ্রবেশ	...	৯১২
ওই মেঘ করে বৃষ্টি গগনে। বাঙ্গালীকপ্রতিভা	...	৭
ওকে ধরিলে তো ধরা দেবে না। প্রায়শ্চিত্ত	...	৬৫৩
ওকে বলো সখী, বলো, কেন মিছে করে ছল। মায়ার খেলা	...	৬৭
ওকে বোঝা গেল না—চলে আর চলে আর। মায়ার খেলা	...	৭১
ওগো দখিন হাওয়া, পথিক হাওয়া। ফাল্গুনী	...	৮০৩
ওগো, দেখি, আঁখি তুলে চাও। মায়ার খেলা	...	৭১
ওগো নদী, আপন বেগে। ফাল্গুনী	...	৮০৪
ওগো পুরবাসী। বিসর্জন	...	২০১
ওগো সখী, দেখি দেখি মন কোথা আছে। মায়ার খেলা	...	৭৩
ওর ভাব দেখে যে পায় হাসি। ফাল্গুনী	...	৮১৮
ওর মানের এ বাঁধ টুটবে না কি টুটবে না। প্রায়শ্চিত্ত	...	৬১৬
ওরে আগুন, আমার ভাই। প্রায়শ্চিত্ত	...	৬৪৮
ওরে ওরে ওরে আমার মন মেতেছে। অচলায়তন	...	৭৬৮
ওরে পথিক, ওরে প্রেমিক। বসন্ত	...	৮৯১
ওরে ভাই ফাল্গুন লেগেছে বনে বনে। ফাল্গুনী	...	৮০৪
ওরে মন যখন জাগলি না রে। গৃহপ্রবেশ	...	৯০৯
ওরে শিকল, তোমায় কোলে করে। প্রায়শ্চিত্ত	...	৬৫০
ওলো, রেখে দে, সখী রেখে দে। মায়ার খেলা	...	৬৬

কঠিন লোহা কঠিন ঘুমে ছিল অচেতন। অচলায়তন	...	৭৫৬
কথা কোস নে লো রাই, শ্যামের বড়াই বড়ো বেড়েছে।	...	
প্রকৃতির প্রতিশোধ	...	৩৬
কাছে আছে দেখিতে না পাও। মায়ার খেলা	...	৬৪
কাছে ছিলে দূরে গেলে, দূর হতে এস কাছে। মায়ার খেলা	...	৭৬

ছন্দ: গ্রন্থ	পৃষ্ঠা
কালী কালী বলো রে আজ। বাঙ্গালীকপ্রতিভা	৭
কী দোষে বাঁধলে আমার, আনিলে কোথায়। বাঙ্গালীকপ্রতিভা	৮
কী বলিন্দু আমি! এ কী সুললিত বাণী রে। বাঙ্গালীকপ্রতিভা	১৫
কে এল আজি এ ঘোর নিশীথে। বাঙ্গালীকপ্রতিভা	১৩
কে ডাকে! আমি কভু ফিরে নাই চাই। মায়ার খেলা	৬৭
কে দেবে চাঁদ তোমায় দোলা। বসন্ত	৮৮৬
কে বলেছে তোমায় বন্ধু, এত দ্রুত সহিতে। প্রায়শ্চিত্ত	৬২২
কেন এলি রে, ভালোবাসিলি, ভালোবাসা পেলি নে। মায়ার খেলা	৮১
কেন গো আপন মনে ভ্রমিছ বনে বনে। বাঙ্গালীকপ্রতিভা	১৬
কেন রাজা, ডাকিস কেন, এসেছি সবে। বাঙ্গালীকপ্রতিভা	১২
কোথা বাইরে দূরে যায় রে উড়ে। রাজা	৬৭০
কোথা লুকাইলে। বাঙ্গালীকপ্রতিভা	১৬
কোথায় জুড়াতে আছে ঠাই। বাঙ্গালীকপ্রতিভা	১১
কোথায় সে উষ্মায়ী প্রতিমা। বাঙ্গালীকপ্রতিভা	১৭
খেলাঘর বাঁধতে লেগেছি। গৃহপ্রবেশ	৮৯৯
খোলো খোলো দ্বার, রাখিয়ে না আর। রাজা	৬৬৭
গহনে গহনে যা রে তোরা, নিশি বহে যায় যে। বাঙ্গালীকপ্রতিভা	১২
গানগুনিল মোর শৈবালের দল। বসন্ত	৮৮৭
গ্রাম ছাড়া ওই রাঙা মাটির পথ। প্রায়শ্চিত্ত	৬৫৬
ঘরেতে ভ্রমর এল গুনগুনিয়ে। অচলায়তন	৭৫৯
চল্ চল্ ভাই, স্বরা করে মোরা আগে যাই। বাঙ্গালীকপ্রতিভা	১২
চলি গো, চলি গো, যাই গো চলে। ফাল্গুনী	৮১৪
চাঁদ, হাসো, হাসো। মায়ার খেলা	৮০
চোখের আলোয় দেখেছিলাম। ফাল্গুনী	৮২৯
ছাড়্ গো তোরা ছাড়্ গো। ফাল্গুনী	৮১১
ছাড়ব না ভাই, ছাড়ব না ভাই। বাঙ্গালীকপ্রতিভা	৯
জয় জয় দুর্কড়ি দন্ত। হাস্যকৌতুক	৪৯৩
জয় ভৈরব, জয় শংকর। মৃঙ্গধারা	৮৩৭
জীবনমরণের সীমানা ছাড়ায়ে। গৃহপ্রবেশ	৯২৩
জীবনে আজ কি প্রথম এল বসন্ত। মায়ার খেলা	৬৪
জীবনের কিছ্ হল না হয়। বাঙ্গালীকপ্রতিভা	১৫
তবে সুখে থাকো, সুখে থাকো—আমি যাই—যাই। মায়ার খেলা	৭৫
তারে কেমনে ধরবে, সখী, যদি ধরা দিলে। মায়ার খেলা	৭৪
তারে দেখাতে পারি নে কেন প্রাণ খুলে গো। মায়ার খেলা	৬৮
তুই ফেলে এসেছিস পারে। (মন, মন রে আমার)। ফাল্গুনী	৮২৫
তুমি কে গো, সখীরে কেন জানাও বাসনা। মায়ার খেলা	৭৪
তুমি ডাক দিয়েছ কোন্ সকালে। অচলায়তন	৭৪১

ছত্র। গ্রন্থ	পৃষ্ঠা
তোমায় নতুন করেই পাব বলে। ফাল্গুনী ...	৮৩১
তোমার বাস কোথা-যে পথিক ওগো। বসন্ত ...	৮৮৭
তোমার সোনার থালায় সাজাব আজ। শারদোৎসব ...	৫৬৪
তোরা শিকল আমায় বিকল করবে না। মনুস্তধারা ...	৮৫৯
তোরা যে যা বলিস ভাই। রাজা ...	৬৭৯
তোরি হাতে বাঁধা খাতা, তারি শ-খানেক পাতা। বিসর্জন, উৎসর্গ ...	১৭১
ত্রিভুবন-মাঝে আমরা সকলে কাহারে না করি ভয়। বাঙ্গালীকপ্রতিভা ...	৬
থাকতে আর তো পারিলি নে মা, পারিলি কই। বিসর্জন ...	২১৩
থাম্ থাম্, কী করিবি বধি পাখিটির প্রাণ। বাঙ্গালীকপ্রতিভা ...	১৫
দখিন হাওয়া, জাগো জাগো। বসন্ত ...	৮৮৩
দলতং গলিতং পলিতং মৃদুং। ফাল্গুনী ...	৭৯৫
দিবস রজনী, আমি যেন কার। মায়ার খেলা ...	৭২
দীন হীন এ অধম আমি কিছই জানি নে রাজা। বাঙ্গালীকপ্রতিভা ...	১১
দীনহীন বালিকার সাজে। বাঙ্গালীকপ্রতিভা ...	১৮
দুকড়ি দস্ত তুমি ধন্য। হাস্যকৌতুক ...	৪৯৩
দুখের মিলন টুটিবার নয়। মায়ার খেলা ...	৮১
দূরে কোথায় দূরে দূরে। অচলায়তন ...	৭৪৬
দূরে দাঁড়িয়ে আছে, কেন আসে না কাছে। মায়ার খেলা ...	৭০
দে লো সখী, দে পরাইয়ে গলে। মায়ার খেলা ...	৬৫
দেখ্ দেখ্, দুটো পাখি বসেছে গাছে। বাঙ্গালীকপ্রতিভা ...	১৫
দেখো চেয়ে, দেখো ওই কে আসিছে। মায়ার খেলা ...	৬৯
দেখো, সখা, ভুল করে ভালোবেসো না। মায়ার খেলা ...	৭৬
দেখো, হো ঠাকুর, বলি এনেছি মোরা। বাঙ্গালীকপ্রতিভা ...	৮
দ্বারে দ্বারে বেড়াই ঘুরে, মৃদু তুলে কেউ চাইলি নে। প্রকৃতির প্রতিশোধ ...	৩০
ধীরে ধীরে ধীরে বও। বসন্ত ...	৮৮৩
ধীরে বন্ধু ধীরে ধীরে। ফাল্গুনী ...	৮২১
নবকুন্দবলদল—সুশীতলা। শারদোৎসব ...	৫৭৫
নমি নমি ভারতী, তব কমলচরণে। বাঙ্গালীকপ্রতিভা ...	১৬
নমো যন্ত্র, নমো যন্ত্র, নমো যন্ত্র, নমো যন্ত্র। মনুস্তধারা ...	৮৪০
নয়ন মেলে দেখি আমার বাঁধন বেঁধেছে। প্রায়শ্চিত্ত ...	৬২৭
না বলে যেয়ো না চলে মিনতি করি। প্রায়শ্চিত্ত ...	৬২৫
না বুঝে করে তুমি ভাসালে আঁখিজলে। মায়ার খেলা ...	৭৭
না, যেয়ো না, যেয়ো নাকো। বসন্ত ...	৮৯০
নিমেষের তরে শরমে বাধিল। মায়ার খেলা ...	৭৩
নিয়ে আয় কৃপাণ। বাঙ্গালীকপ্রতিভা ...	৮
পথ দিয়ে কে যায় গো চলে। ফাল্গুনী ...	৭৯৮
পথ ভুলেছিস সত্যি বটে? সিধে রাস্তা দেখতে চাস। বাঙ্গালীকপ্রতিভা ...	৭
পথহারা তুমি পথিক যেন গো সূতের কাননে। মায়ার খেলা ...	৬৩
পদ্প ফুটে কোন্ কুঞ্জবনে। রাজা ...	৬৯১

ছন্দ। গ্রন্থ	পৃষ্ঠা
প্রভাত হইল নিশি কানন ঘুরে। মায়ার খেলা ...	৭৮
প্রাণ নিয়ে তো সটকোছি রে, করবি এখন কী। বাঙ্গালীকপ্রতিভা ...	১৩
প্রিয়ে, তোমার ঢেঁকি হলে যেতেন বেঁচে। প্রকৃতির প্রতিশোধ ...	৩৬
প্রেমপাশে ধরা পড়েছে দুজনে। মায়ার খেলা ...	৭১
প্রেমের ফাঁদ পাতা ভুবনে। মায়ার খেলা ...	৬৬
ফল ফলাবার আশা আমি মনেই রাখি নি রে। বসন্ত ...	৮৮১
ফেলে রাখলেই কি পড়ে রবে? (ও অবোধ)। মৃন্তধারা ...	৮৬৬
বংশে শূদ্ধ বংশী যদি বাজে। ফাল্গুনী ...	৮০৬
ব'ধু, তোমায় করব রাজা তরুতলে। রাজা ও রানী ...	১৫২
ব'ধুয়া, অসময়ে কেন হে প্রকাশ। প্রায়শ্চিত্ত ...	৬১৩
বনে এমন ফুল ফুটেছে। প্রকৃতির প্রতিশোধ ...	৪০
বলব কী আর বলব খুড়ো—উং উং। বাঙ্গালীকপ্রতিভা ...	১৩
বলো ভাই, ধন্য হরি। প্রায়শ্চিত্ত ...	৬২৩
বসন্তে কি শূদ্ধ কেবল ফোটা ফুলের মেলা রে। রাজা ...	৬৮৫
বসন্তে ফুল গাঁথল আমার। ফাল্গুনী ...	৮২৭
বাকি আমি রাখব না কিছুই। বসন্ত ...	৮৮১
বাজবে, সখী, বাঁশি বাজবে। রাজা ও রানী ...	১২৮
বাজে রে বাজে ডমরু বাজে। মৃন্তধারা ...	৮৭৩
বাজো রে বাঁশি বাজো। গৃহপ্রবেশ ...	৯০০
বাণী বীণাপাণি, করুণাময়ী। বাঙ্গালীকপ্রতিভা ...	১৭
বিদায় করেছে ষারে নয়নজলে। মায়ার খেলা ...	৭৭
বিদায় নিয়ে গিয়েছিলেম। ফাল্গুনী ...	৮২২
বিদায় যখন চাইবে তুমি দক্ষিণসমীপে। বসন্ত ...	৮৮৯
বিরহ মধুর হল আজি। রাজা ...	৬৮৬
বদ্বি এল, বদ্বি এল, ওরে প্রাণ। অচলায়তন ...	৭৬৩
বদ্বি বেলা বহে যায়। প্রকৃতির প্রতিশোধ ...	৩০
ব্যাকুল হয়ে বনে বনে। বাঙ্গালীকপ্রতিভা ...	৯
ভয় করব না রে। বসন্ত ...	৮৯১
ভয়েরে মোর আঘাত করো। রাজা ...	৬৯৬
ভাঙল হাসির বাঁধ। বসন্ত ...	৮৮৫
ভালোবেসে দুখ সেও সুখ, সুখ নাই আপনাতে। মায়ার খেলা ...	৭০
ভালোবেসে যদি সুখ নাই তবে কেন। মায়ার খেলা ...	৬৯
ভালোমানুষ নই রে মোরা। ফাল্গুনী ...	৮১৬
ভিক্ষে দে গো ভিক্ষে দে। প্রকৃতির প্রতিশোধ ...	৩০
ভুল করেছিনু, ভুল ভেঙেছে। মায়ার খেলা ...	৭৬
ভুলে যাই থেকে থেকে। মৃন্তধারা ...	৮৫৩
ভোর হল বিভাবরী, পথ হল অবসান। রাজা ...	৭১৩
মধুর বসন্ত এসেছে মধুর মিলন ঘটাতে। মায়ার খেলা ...	৭৯
মম চিন্তে নিতি নৃত্যে কে যে নাচে। রাজা ...	৬৮৩
মরি ও কাহার বাজা, ওকে কোথায় নিয়ে যায়। বাঙ্গালীকপ্রতিভা ...	৮
মরি লো মরি। প্রকৃতির প্রতিশোধ ...	৪১
মলিন মূখে ফুটুক হাসি, জুড়াক দুঃনয়ন। প্রায়শ্চিত্ত ...	৬১৭
‘মা নিষাদ প্রতিষ্ঠা...’। বাঙ্গালীকপ্রতিভা ...	১৫

ছত্র। গ্রন্থ

পৃষ্ঠা

মান অভিমান ভাসিয়ে দিয়ে। প্রায়শ্চিত্ত	...	৬১৭
মিছে ঘুরি এ জগতে কিসের পাকে। মায়ার খেলা	...	৬৮
মেঘের কোলে রোদ হেসেছে। শারদোৎসব	...	৫৫৯
মেঘেরা চলে চলে যায়। প্রকৃতির প্রতিশোধ	...	৪৩
মোদের কিছু নাই রে নাই। রাজা	...	৬৮২
মোদের যেমন খেলা তেমনি যে কাজ। ফাল্গুনী	...	৮০৬
মোর জীবনের দান। গৃহপ্রবেশ	...	৯০৮
মোরা চলব না। ফাল্গুনী	...	৮২০
মোরা জলে স্থলে কত ছলে মায়াজাল গাঁথি। মায়ার খেলা	...	৬৩

যদি আসে তবে কেন যেতে চায়। রাজা ও রানী	...	৯২৯
যদি কেহ নাহি চায় আমি লইব। মায়ার খেলা	...	৮১
যদি জোটে রোজ। ব্যঙ্গকৌতুক	...	৫২০
যদি তারে নাই চিনি গো। বসন্ত	...	৮৮২
যদি হল যাবার ক্ষণ। গৃহপ্রবেশ	...	৯১৫
যমের দুর্যোর খোলা পেয়ে। রাজা ও রানী	...	১৪৪
যা ছিল কালো ধলো। রাজা	...	৬৮৯
যা হবার তা হবে। অচলায়তন	...	৭৬১
যার অদৃষ্টে যেমনি জুটুকু তোমরা সবাই ভালো। গোড়ার গলদ	...	৩২৬
যিনি সকল কাজের কাজ, মোরা। অচলায়তন	...	৭৮০
যে পশ্চিম লক্ষ্মীর বাস দিন-অবসানে। ফাল্গুনী	...	৭৯৫
যেখানে রূপের প্রভা নয়নলোভা। রাজা	...	৬৭৩
যেয়ো না, যেয়ো না ফিরে। মায়ার খেলা	...	৬৬
যোগী হে, কে তুমি হৃদি-আসনে। প্রকৃতির প্রতিশোধ	...	৪২
যৌবনসরসীনীরে। গৃহপ্রবেশ	...	৯০৩

রইল বলে রাখলে পারে। প্রায়শ্চিত্ত	...	৬৩৩
রইল বলে রাখলে পারে। মদুস্তধারা	...	৮৫৭
রাখ্ রাখ্, ফেল্ ধনু, ছাড়িস নে বাণ। বাঙ্গালীকপ্রতিভা	...	১৪
রাঙা-পদ-পদ্মযুগে প্রণমি গো ভবদারা। বাঙ্গালীকপ্রতিভা	...	৮
রাজকোষ পূর্ণ হয়ে তবু শূন্যমাত্র। ফাল্গুনী	...	৭৯৬
রাজরাজেন্দ্র জয় জয়তু জয় হে! শারদোৎসব	...	৫৬৮
রাজা মহারাজা কে জানে, আমিই রাজাধিরাজ। বাঙ্গালীকপ্রতিভা	...	১০
রিম্ রিম্ ঘন ঘন রে বরষে। বাঙ্গালীকপ্রতিভা	...	১১

লেগেছে অমল ধবল পালে। শারদোৎসব	...	৫৭৬
-------------------------------	-----	-----

শুকনো পাতা কে যে ছড়ায় ওই দূরে। বসন্ত	...	৮৮৬
শুধু কি তার বেঁধেই তোর কাজ ফরাবে। মদুস্তধারা	...	৮৬৫
শুঁখল বাঁধিয়া রাখে এই জানি সবে। ফাল্গুনী	...	৭৯৫
শোন্ তোরা তবে শোন্। বাঙ্গালীকপ্রতিভা	...	৬
শোন্ তোরা শোন্ এ আদেশ। বাঙ্গালীকপ্রতিভা	...	৯
শ্যামা, এবার ছেড়ে চলোঁছ মা। বাঙ্গালীকপ্রতিভা	...	১৬

সকল জনম ভ'রে। অচলায়তন	...	৭৭৪
সকল ভয়ের ভয় যে তারে। প্রায়শ্চিত্ত	...	৬৫৬

ছত্র। গ্রন্থ

পৃষ্ঠা

সকল হৃদয় দিয়ে ভালো বেসেছি যারে। মায়ার খেলা	...	৭৪
সখা, আপন মন নিয়ে কাঁদিয়ে মরি। মায়ার খেলা	...	৬৮
সখী, বহে গেল বেলা, শুধু হাসিখেলা। মায়ার খেলা	...	৬৬
সখী, সাধ করে যাহা দেবে তাই লইব। মায়ার খেলা	...	৭২
সখী সে গেল কোথায়। মায়ার খেলা	...	৬৫
সব কাজে হাত লাগাই মোরা সব কাজেই। অচলায়তন	...	৭৫৮
সব দিবি কে, সব দিবি পায়। বসন্ত	...	৮৮১
সবাই যারে সব দিতেছে। ফাল্গুনী	...	৮২৬
সময় কাজেরই বিস্ত্র, খেলা তাহে চুরি। ফাল্গুনী	...	৮০৭
সদাঁরমশায়, দেরি না সয়। বাঙ্গালীকিপ্রতিভা	...	১৩
সহসা ডালপালা তোর উতলা-যে। বসন্ত	...	৮৮৪
সহে না সহে না কাঁদে পরান। বাঙ্গালীকিপ্রতিভা	...	৫
সারা বরষ দেখি নে মা। প্রায়শ্চিত্ত	...	৬২৪
সুখে আছি সুখে আছি, সখা, আপন মনে। মায়ার খেলা	...	৭০
সূর্য এল পূর্বস্বারে তূর্য বাজে তার। ফাল্গুনী	...	৮৩২
সে কি ভাবে গোপন রবে। বসন্ত	...	৮৮৪
সে জন কে, সখী, বোঝা গেছে। মায়ার খেলা	...	৭৩
সেই শান্তিভবন ভুবন কোথা গেল। মায়ার খেলা	...	৭৬
স্বর্ণদান করে যেই করে দ্বংস দান। ফাল্গুনী	...	৭৯৫
হবে জয়, হবে জয়, হবে জয় রে। ফাল্গুনী	...	৮৩০
হা কী দশা হল আমার। বাঙ্গালীকিপ্রতিভা	...	১০
হারে রে রে রে রে। অচলায়তন	...	৭৬৫
হাসিরে কি লুকাবি লাজে। প্রায়শ্চিত্ত	...	৬২৪
হেদে গো নন্দরানী। প্রকৃতির প্রতিশোধ	...	২৭